

Digitized by the Internet Archive  
in 2011 with funding from  
University of Toronto



DOCTORIS ECSTATICI  
DIONYSII CARTUSIANI  
OPERA OMNIA





ZACH. I. IRA MAGNA EGO IRASCOR SVPER GETES. ET SAGITAS MEAS COMPLEBO IN EIS DEY 32.



DOCTORIS ECSTATICI  
D. DIONYSII  
CARTUSIANI  
OPERA OMNIA

IN UNUM CORPUS DIGESTA  
AD FIDEM EDITIONUM COLONIENSIVM

CURA ET LABORE  
MONACHORVM SACRI ORDINIS CARTUSIENSIS

FAVENTE PONT. MAX. LEONE XIII

IN EXODVM (XX-XL),  
LEVITICVM, NUMEROS, DEUTERONOMIVM

MONSTROLII  
TYPIS CARTUSIÆ S. M. DE PRATIS  
MDCCCXCVII



CONVERTE NOS DEVS SALVTARIS NR: ET AVERTE IRA TVAM A NOBIS PSAL 84

THE INSTITUTE OF MEDIEVAL STUDIES  
10 ELMHURST PLACE  
TORONTO 6, CANADA

JAN 16 1982

3912



# ENARRATIO IN EXODUM HEBRAICE VEELLE SEMOTH

## ARTICULUS XL

EXPOSITIO CAPITULI VICESIMI : LOCUTUSQUE EST DOMINUS CUNCTOS SERMONES HOS.

Exod. xix,  
25.

**J**AM datio legis describitur. *Locutusque A* *est Dominus cunctos sermones hos.* In fine præcedentis capituli scriptum est, qualiter Moyses de celsitudine montis descendens, recitavit populo ea quæ ibi sunt scripta. Moyse itaque inferius existente cum populo, locutus est Dominus verba nunc exponenda, tam Moyse quam populo audiente, dicens : *Ego sum Dominus Deus tuus, qui eduçi te de terra Ægypti, de domo servitutis.* Quemadmodum refert Lyra, Hebræi dicunt, quod istud sit unum et primum præceptum Decalogi, per quod B affirmative præcipit Deus, ut ipse solus habeatur et colatur pro vero Deo, qui tam potenter et miraculose eduxit Israel de Ægypto. Quocirca Rabbi Paulus reprehendit Lyram, eo quod simpliciter narret prætactam Hebræorum opinionem, quasi probabiliter possit teneri, et non reprobet eam : quia si posset teneri, sequeretur secundum Rabbi Paulum, quod doctores catholici in enumeratione Decalogi deviassent a ratione. Verum hæc reprehensio est inepta, nec tenet consequentia illa : quia (ut infra patebit) etiam nostri doctores in modo numerandi, distinguendi, ac situandi decem præcepta, variis modis senserunt ; nec ta-

men hinc sequitur, quod in hoc deviarunt a ratione. Frequenter enim circa eandem materiam diversæ opiniones possunt probabiliter teneri, absque errore et deviatione a ratione, quando non defenduntur cum incanta et temeraria assertione, ut patuit plenius in expositione exordii Geneseos, quod sancti doctores diversimode exposuerunt.

Deinde Rabbi Paulus reprobatur præfatam Hebræorum opinionem, quia in verbis his, *Ego sum Dominus Deus tuus*, non ponitur aliquod verbum imperativum aut præceptivum ; sed est ibi solum denuntiatio quædam, qua Deus annuntiat populo quod ipse qui loquitur, sit Deus qui eos de Ægypto eduxit. Et in isto Rabbi Paulus catholice sentit, quia et Glossa ait : Non est istud mandatum, sed significatio ejus sit mandatum. Hoc idem asserit Augustinus et alii expositores communiter. Deinceps Rabbi Paulus tangit motiva Hebræorum, dicentium verba præhabita esse primum mandatum. Primum est, quia ad omnium C divinarum observantiam præceptorum, necesse est præsupponere quod ille qui jussit ea, sit Deus qui Israel transtulit ex Ægypto : quoniam fides seu præsuppositio illa,

est ratio obligandi ad servandum ipsius A  
præcepta. Ideo per verba hæc. Ego sum  
Dominus Deus tuus, dicunt affirmative ju-  
beri, quod hoc firmiter credatur. Secun-  
dum eorum motivum est, quoniam ante-  
quam aliquis possit præcipere aliis, oportet  
ut recipiatur ab eis pro superiore. Ideo  
dicunt Deum primo jussisse per verba in-  
ducta, quod ipse haberetur ab Hebreis in  
Deum. Sed ista motiva quamvis aliquid  
contineant veritatis, non tamen conclu-  
dunt propositum, quia jam ante horum  
prolationem verborum filii Israel credide-  
runt, quod ille qui eos eduxit, esset verus  
Deus, et specialiter Deus eorum. Unde sub-  
mersis Ægyptiis, cecinerunt : Cantemus  
Domino, gloriose enim magnificatus est.  
Quartodecimo quoque capitulo scriptum  
est, quod eis per maris finem transdu-  
ctis, Ægyptiisque submersis, crediderunt  
Domino et Moysi servo ejus. Denique, præ-  
cedenti capitulo fassi sunt se velle esse  
subjectos imperio Dei, dicentes : Cuncta  
quæ locutus est Dominus, faciemus.

Itaque Deus tanquam præambulum quod-  
dam præmittens, locutus est populo Israel :  
Ego sum Dominus Deus tuus, qui licet sim  
universorum Dominus atque Deus per crea-  
tionem et gubernationem, conservationem  
et judiciariam potestatem, tamen sum spe-  
cialiter Dominus Deus tuus, quem elegi  
mihi in populum peculiarem, et cui nunc  
legem et præcepta hæc tribuo.

Consequenter exprimitur primum præ-  
ceptum : *Non habebis deos alienos coram  
me*. Quasi dicat : Me solum pro vero Deo  
habebis, adorabis et coles : omnes ceteros  
qui dii vocantur, refutabis adorare et  
colere per patriæ cultum, ita quod nec eos  
qui mendaciter dii vocantur, ut Jupiter,  
Mars, Saturnus, qui scelerati fuerunt, nec  
illos qui in Scripturis dii vocantur per  
participationem et gratiam, ut angeli et  
homines sancti, adorabis et coles patriæ  
cultu. Dæmones quoque a gentilibus dii  
mendaciter vocabantur. Corpora autem coe-  
lestia, animalia ponebant, sicque eos, stel-  
las, planetas, vocabant deos per quamdam

participationem. De quibus in primo Ti-  
maei loquitur in persona Dei Plato philo-  
sophus : O dii deorum, quorum idem pa-  
ter opifexque ego ! Omnes hi possunt dii  
alieni vocari, in quantum per vitiosum  
cultum eorum homines alienantur, aver-  
tuntur et reprobantur a vero Deo : et item,  
quoniam Deus jussit, ut fideles sui ab illo-  
rum cultu se alienarent : rursusque, quia  
a vera deitate sunt alieni. Itaque ait : Non  
habebis deos alienos coram me, id est nul-  
libi, quoniam ego ubique sum præsens, et  
B cuncta intueor.

*Non facies tibi sculptile*, id est idolum  
aliquod ex quacunque materia, in qua  
sculpi potest. Et specialiter potest per ido-  
lum designari imago rei confictæ, quæ  
nullam existentiam habet, nec esse po-  
test, quum dicat Apostolus : Idolum nihil  
est. *Neque omnem similitudinem quæ est  
in celo desuper, et quæ in terra deorsum,  
nec eorum quæ sunt in aquis sub terra :*  
id est, nullam tibi formabis similitudinem  
per fusuram sive pietram enjuseumque  
rei creatæ, videlicet ad colendum aliquid  
tale, ita ut nec cœlestium neque terre-  
strium neque aquaticorum imaginem tibi  
formes, aut fieri facias. Hinc subditur : *Non  
adorabis ea neque coles*, quia nec ipsam  
rem creatam, nec ejus imaginem. Aliqui  
namque putaverunt aliquid numinis esse  
in ipsis idolis, statuis seu imaginibus, ut  
Trismegistus, qui dixit : Statuas dico ani-  
malas sensu et spiritu plenas, imbecilli-  
tatem et sanitatem hominibus facientes.  
Aliqui vero hoc non credentes, coluerunt  
deos absque imagine eorumdem. Unde  
Varro, Valeriusque testantur, quod anti-  
qui Romani deos diu absque imaginibus  
coluerunt.

*Ego enim sum Dominus Deus tuus for-  
tis, zelotes*, id est, instar amatoris seu ma-  
riti aut sponsi zelotypi, volens solus ama-  
ri et coli ut Deus et sponsus a fidelibus  
animabus : ideo prohibeo eis fornicari  
cum diis alienis, quemadmodum sponsus  
non vult sponsam suam alteri commisce-  
ri. Qui autem accedit meretricem, non in-

Exod. xv,  
1-20,

Ibid. xiv,  
31,

Ibid. xiv, 8,

1 Cor. viii,  
4,

dignatur si et alter eam accedat, quia non habet ad illam amorem zelotypum qui socium et communicatorem excludit. Unde zelotes sen zelator nunc appellatur, qui sic vult solus amari, ita ut nihil secum ametur, in derogationem aut minorationem sui amoris. Sic igitur præcipit Deus se coli et honorari, ut ei dumtaxat tota mente adhaereamus, serviamus, atque vacemus, et non sit anima nostra demonum aut idolorum, alienorumve deorum adultera, sed Dei solummodo sponsa.

*Visitans iniquitatem patrum in filios, in tertiam et quartam generationem eorum qui oderunt me.* Non absolute ait, in tertiam et quartam generationem: sed addit, Eorum qui oderunt me. Veruntamen additio ista, Eorum qui oderunt me, potest referri ad id quod dixit, Iniquitatem patrum, et etiam ad filios. Sed istud bonitati et aequitati Dei derogare videtur, ut iniquitatem parentum ulciscatur in sobolem, præsertim quum per Ezechielem locutus sit: Filius non portabit iniquitatem patris. Et per eundem Prophetam ac Jeremiam: Omnis, inquit, qui comederit uvam acerbam, obstupescunt dentes ejus. Nihilominus idem Jeremias fatetur in Threnis: Patres nostri peccaverunt, et non sunt: et nos iniquitates eorum portavimus. Et in Josue leguntur filii Israel fugati, et quidam eorum occisi sunt propter peccatum Achan. Itaque circa materiam istam inveniuntur variae auctoritates Scripturæ, quæ sibi invicem contrariari videntur. Nam et infra legitur, quod nunc in textu asseritur.

Sed omnium horum solutio et concordantia ex dictis patet doctorum. Nempe, ut scribit S. Thomas in secunda secundæ, quod et ex dictis Alexandri de Hales habetur: Pœna potest considerari dupliciter: Primo, in quantum pœna, et prout per eam reparatur æqualitas justitiæ, dum peccator qui peccando nimis acquievit propriæ voluntati in derogationem justitiæ, aliquid patitur contra suam voluntatem, in ipsius justitiæ recompensam: sieque

A pœna pro proprio peccato infligitur. Secundo, consideratur pœna, ut medicina peccati, non solum curativa præteriti, sed etiam præservativa futuri, conservativaque boni: et sic aliqui puniuntur sine propria culpa, sed non sine causa. Per medicinam autem non est subtrahendum majus bonum, ut minus bonum obtineatur, sed e converso. Hinc aliqui absque propria culpa in temporalibus puniuntur per damna aut infirmitates, ut probentur, humilientur, aut alio modo gratiam sortiantur, sieque in spiritualibus bonis crescant, aut aliquo modo misericordiam consequantur. Nunquam tamen aliquis per spiritualium subtractionem bonorum punitur, nec in vita præsentî, neque futura, sine propria culpa. Sic ergo servi et filii in corporalibus aliquando puniuntur propter parentum aut dominorum suorum peccata, in quantum secundum corpus sunt aliquid seu res quedam illorum, ita quod parentes ac domini puniuntur in illis: unde in auctoritatibus dicitur, usque ad tertiam et quartam generationem, quia usque ad tot generationes vivere possunt parentes. Nec istud repugnat divinæ justitiæ, quoniam Deus hoc ipsum ordinat in ipsorum, sic patientium, bonum. Auctoritates autem contra hæc allegatæ, intelliguntur de pœnis spiritualibus et æternis. Præterea Origenes solvit questionem hanc aliter, per patres peccantium, intelligens demones tentatores: per generationes, primam, secundam, tertiam et quartam, eos qui peccanti cooperantur, consentiunt, aut D alio modo communicant.

*Et faciens misericordiam in millia his qui diligunt me, et custodiunt præcepta mea:* id est, multo copiosius et protensius misereor posteris amantium me, et obedientium mihi, præsertim posteris prædestinatis. Nam ut ait Jacobus apostolus, Superexaltat misericordia judicium. Et Psalmista: Miserationes ejus super omnia opera ejus. Veruntamen in hæc re attendere possumus, quam mirabilia et incomprehensibilia sint judicia Dei, quia inter-

Ezech.  
xviii, 20.  
Ibid. 2, 3.  
Jer. xxxi,  
30.

Thren. v, 7.

Josue vii,  
11, 12.

Exod.  
xxxiv, 7.

Jacob. ii, 13

Ps. cxlii, 9.

6522



dum immediati filii justissimorum patrum sunt pessimi, et e converso. Ecce quam sanctus vir fuit Josias, et tamen filii ejus pessimi erant. Sic et Ezechias rex sanctus, filius fuit vitiosissimi Achaz. Denique, infra disentiatur de ordinatione, enumeratione et situatione Decalogi: et utrum dicta huensque, sint ad unum præceptum spectantia, an potius sint duo præcepta.

Sequitur aliud præceptum, et ut patebit, secundum in ordine. *Non assumes nomen Dei tui in vanum*: id est, nec falsum, nec sine rationabili causa jurabis per Deum. *Nec enim iasantem habebit Dominus eum, qui assumpserit nomen Domini Dei sui frustra*: id est, talem tam inaniter jurantem, Deus non reputabit innoxium, sed transgressorem, damnationeque dignum; imo decet ut nunquam sine reverentia et cordis attentione Deum nominemus, aut etiam nominari audiamus. Judæi vero affirmant hoc præcepto etiam prohiberi prolationem indebitam nominis Domini tetragrammaton, quod non licuit nominari nisi sacerdotibus, quando populum benedixerunt in templo.

Sequitur præceptum tertium: *Memento ut diem sabbati sanctifices*: id est, in sanctis operibus diem illum expendas, et divino cultui applies illum. Per quod aliorum dierum solennium, et nunc dominicæ diei jubetur celebritas. Instituit autem Dominus sabbatum, id est diem septimum, celebrari, in signum quod ipse die septimo requievit a cunctis operibus suis, et in commemorationem beneficii creationis, imo et aliorum Dei beneficiorum, quorum jugiter memores debemus esse. Propter quod præcepto huic præmittitur, *Memento*: quod verbum etiam ideo præmittitur, quoniam cum summa diligentia cultui est insistendum divino. Vel, ut asserit Rabbi Paulus, ideo verbum istud præmittitur, quia jam ante in descensu mannae datum fuit istud præceptum, ut supra patuit. Recitat quoque Rabbi Paulus: Hebræi credunt quod sanctificatio sabbati præcipua, consistat in corporalibus delectationibus;

A traduntque quod quilibet tenetur in illo die ter manducare, videlicet semel prandere, et bis cœnare, atque quod omnes hoc facientes, sint securi a judicio gehennæ, ut in libro eorum de sabbato, expresse habetur. Ecce quam ridiculosum et stultum est hoc.

*Sex diebus operaberis*, nisi in eorum aliquo aliqua sollemnitas occurrat, et facies omnia opera tua: unumquodque loco et tempore opportuno. *Septimo autem die sabbatum Domini Dei tui est*, id est, qui deputatus est cultui veri Dei. *Non facies omne opus tu*: id est, nullum servile aut mechanicum, præsertim nullum opus iniquum facies tu, id est facere tibi licet, et filius tuus et filia tua, servus tuus et ancilla tua, jumentum tuum, quia et pecora quæ laborant hominibus, voluit Deus tunc quiescere, convenienterque refici; et advena qui est intra portas tuas, id est tibi cohabitavit in villis, urbibus, aut domibus tuis. Et potest per advenam intelligi quemque ad Iudaismum conversus. Deinde subjungitur ratio institutionis sollemnitatis sabbativæ: *Sex enim diebus fecit Deus cælum et terram, mare et omnia quæ in eis sunt. Et requievit die septimo*. Quod qualiter multipliciter possit intelligi, in expositione primi capituli Genesis diffuse expositum est. *Idcirco benedixit Dominus diei sabbati*, privilegiando eum præ ceteris diebus, et sanctificavit eum, id est divino cultui consecravit.

Porro de expositione multiplici et plena intelligentia hujus præcepti et ceterorum præceptorum Decalogi, tot et tanta in aliis scripsi opusculis, imo et tanta inde habentur ubique, quod nequaquam stare intendo nunc in horum expositione hoc loco.

*Honora patrem tuum et matrem tuam*, imo et ceteros progenitores, spiritualesque patres ac seniores, et benefactores ac magistros, cordiali affectu, decenti affatu, reali obtemperacione atque obsequio, et si opus fuerit, etiam sustentatione. De hac re infinita quodammodo dici possent. Sub-

IV Reg.  
xxii, 2; xxiii,  
25, 31 et  
seq.; xviii,  
1, 3 et seq.

Exod. xvi,  
23 et seq.

ditur autem merces seu ratio hujus præcepti, *ut sis longævus super terram*, id est diu ac prospere vivas in terra. Non quod istud sit finale, principaleque præmium observationis hujus præcepti, sed aliquantula retributio recte correspondens eidem : quoniam eum qui debite honorat principia suæ vitæ, puta parentes, decuit in ipsa sua vita prosperitatem et diuturnitatem sortiri, quemadmodum eum qui facit misericordiam, decet misericordiam consequi. Deus autem rudi populo veteris Testamenti temporalem promisit mercedem, ut vel sic ad obediendum alliceretur : tamen sub illa mercede subintellexit æternam ac spiritualem, quæ sola est præmium condignum actuum virtuosorum, ex caritate Dei manantium, imo et ex actuali motione Spiritus Sancti. Unde quod ait, *Ut sis longævus super terram quam Dominus Deus tuus dabit tibi*, rite exponitur de regione cælestis patriæ. De qua fertur : *Credo videre bona Domini in terra viventium*. Itemque : *Beati mites, quoniam ipsi possidebunt terram : in qua justi sunt longævi, quia in æternum vivent in ea*. Et quamvis prædicta secundum communem legem ita se habeant, quandoque tamen contingit occulto Dei judicio, quod honoratores parentum brevis et ærumnosæ sint vitæ, inhonoratores vero eorum, longævæ ac prosperæ. Quod Deus sic ordinat ad majorem obedientium felicitatem, atque ad graviores inobedientium damnationem. Vel ex aliis abditis causis id accedit.

Præterea, post præcepta ad Dei cultum spectantia, recte ponitur immediate istud de honoratione parentum, quia post Deum sunt præcipue amandi ac honorandi. Et sicut a Deo suscipitur anima, ita a parentibus contrahitur caro : et ipsi post Deum sunt causa præcipua sobolis suæ. Quemadmodum etiam Deus est causa omnium, sic ipsi propriæ prolis.

Sequitur quintum præceptum : *Non occides* : id est, præcipio tibi ut nullum hominem injuste, seu privata et propria auctoritate occidas, imo nec lædas, neque

percutias. Unde per hoc præceptum prohibetur omne in personam proximi nocuum, præter juris ordinem irrogatum, quum hoc sit contra caritatem atque justitiam. Et sicut vetatur talis occisio, ita implicite præcipitur ordinata vitæ proximorum defensio aut conservatio, loco et tempore opportuno pro posse. Istud tamen præceptum, sicut et cetera quinque sequentia, respicit proximum, quantum ad mali evitacionem.

Sextum præceptum est : *Non mœchaberis*. Per quod primo et maxime adulterium, deinde omnis illegitimus prohibetur concubitus. Septimum est : *Non furtum facies*. Per quod primo et evidenter inhibetur ablatio rei alienæ occulta, domino rei invito : deinde rapina quæ fit aperte : omnis quoque injusta detentio, ablatio, et deterioratio rei alterius. Contra quod peccant, qui debita non persolvunt : qui et obligantur creditoribus ad recompensam pro damno, quod illi ex persolutionis dilatione incurrunt, si tamen persolutionem interim exigant. Octavum : *Non loqueris contra proximum tuum falsum testimonium*, nec in judicio, nec extra judicium : per quod omnis falsa accusatio, diffamatio, detractio, atque mendacium prohibentur.

*Non concupisces domum proximi tui*. Hæc duo ultima præcepta, inordinatam appetitionem terrenorum restringunt ac vetant. Et nono isto præcepto inhibetur inordinata appetitio rei utilis, intelligendo per domum, quidquid ad possessionem seu opulentiam pertinet corporalem. Decimo autem præcepto vetatur concupiscentia rei delectabilis, utpote conjugis proximi, et omnis feminae non conjunctæ legitime, quum dicitur : *Nec desiderabis uxorem ejus*. Porro quod subditur, *Non servum, non ancillam, non bovem, non asinum, nec omnia quæ illius sunt*, potest quasi per supplementum referri ad nonum præceptum, ita quod ista prohibentur injuste appeti ad possidendum et utendum eis in proprio obsequio, quod est bonum utile.

Possunt quoque ad ultimum istud pertinere praeceptum, ita ut intelligatur circa ea esse prohibita omnis concupiscentia bestialis et contra naturam. Verumtamen Origenes, Josephus et Hebraei dicunt, hae ultima duo ad unum pertinere praeceptum, quoniam de prohibitione utriusque concupiscentiae loquitur textus iste permixtim, saltem secundum unam expositionem. Sed melior est Catholicorum distinctio. Nam alia est ratio boni utilis, et alia boni delectabilis: et multi inclinantur ad unum illorum, qui ad aliud non afficiuntur, quemadmodum quidam libidinosi appetunt proximi conjugem, qui tamen furtum et rapinam abhorrent. Hinc etiam dantur diversa praecepta de refrenandis concupiscentiis, et de refrenandis earum effectibus.

Insuper circa hae Lyra recitat: Dicunt Hebraei, per hae non prohiberi concupiscentiam, nisi aliquantulum prorumpat in actum exteriorem, videlicet concupiscentiam conjugis alienae, nisi erumpat in osculum vel amplexum aut consimilia: ejus opinionis fuit et Josephus. Unde et quidam Catholici dicunt, quod lex vetus cohibuit manum, non animum. Sed Rabbi Paulus contra hae scribit: Multi, inquit, doctorum Hebraeorum affirmant, per hae prohiberi concupiscentiam alienae uxoris aliarumque rerum, etiamsi in exteriorem actum non moveatur: et quod ita teneri oporteat, facile est probare, quum exterior actus rationem culpae non habeat, nisi ex interiori deordinatione. Ratio quoque voluntarii, quod est origo meriti atque demeriti, primo et maxime invenitur in interioribus animae. Denique in Deuteronomio habetur: Ne dixeris in corde tuo, Propter justitiam meam introduxit me Dominus in terram hanc: per quod prava et falsa cogitatio, et item praesumptio prohibentur. Sed et in Levitico scriptum est: Ne oderis fratrem tuum in corde tuo. Et rursus: Nec memor eris injuriae civium tuorum. Quod vero Catholici dicunt, intelligendum est, quod lex vetus non tam evidenter et frequenter cohibet animum, sed manum, prae-

sertim quia non ita infligit poenas temporales pro peccatis cordis, ut operis.

*Cunctus autem populus videbat, hoc est sensibiliter percipit et audit, voces, id est tonitrua vel verba Dei prolata ex nube et igne. Solet autem in Scripturis visus pro quocumque exteriori accipi sensu, specialiter pro auditu, quemadmodum in Apocalypsi: Conversus sum, ut viderem vocem quae loquebatur. Et lampades, hoc est coruscantia fulgura, quae visu proprie sumpto percipiebantur, et sonitum buccinae, montemque fumantem: sicut in expositione praecedentis capituli patuit. Et perterriti mente, ac pavore concussi in corpore sensitivaque parte, steterunt procul, non solum non transgrediendo terminos praestitutos, sed et retrogrediendo: dicentes Moysi: Loquere tu nobis ex parte Dei, et audiemus auribus cordis ac corporis. Non loquatur nobis Dominus locutione ista sensibili terrifica, et per se seu per angelicam creaturam, ne forte moriamur ex nimia corporalis harmoniae immutatione, atque formidine, ex nimiaque excellentia objectorum illorum, videlicet vocum ac fulgurum atque sonituum tubae, per respectum ad nostrum auditum et visum. Nee potest humana fragilitas talia diu sufferre sine confortatione speciali et gratiosa.*

*Et ait Moyses ad populum: Nolite timere immoderato timore, vel quod nunc moriemini, sicut timetis. Ut enim probaret vos, venit Deus, hoc est, ob hoc per creaturam subjectam sic descendit, apparuit, atque locutus est Dominus vobis, ut ostenderet non sibi omnia cognoscenti, sed vobis ipsis ac aliis, quales sitis, et ut faceret vos probatos ac timoratos. Ideo subditur: et ut terror illius esset in vobis, id est timor filialis vel saltem initialis, et non peccaretis, quoniam timor Dei retrahit hominem a peccato. Stetitque populus de longe, Moyses autem accessit ad caliginem, in qua erat Deus, id est verticem montis ascendit, in quo fuit densissima nubes, in qua Deus per angelum apparuit, ut juxta petitionem populi medieret*

Deut. ix, 4.

Lev. xix, 17, 18.

Apoc. i, 12.



inter Deum et eos in audiendo verba Dei, A  
et referendo eadem ipsis.

*Dixitque præterea Dominus ad Moysen:*  
*Hæc dices filiis Israel: Vos vidistis quod*  
*de celo locutus sim vobis*, id est, sensibi-  
liter perceperistis verba prolata ab angelo,  
in mea persona loquente: quæ verba in  
cælo aereo sonuerunt, et celesti virtute  
formata sunt. Porro de ista materia multa  
leguntur Deuteronomii quarto et quinto

Deut. iv,  
11, 12.

accessistis ad radices montis qui ardebat us-  
que ad cælum; erantque in eo tenebræ, et B  
nubes, et caligo. Locutusque est ad vos  
Dominus de medio ignis; vocem verborum  
ejus audistis, et formam penitus non vi-  
distis. Et accessistis ad me omnes princi-  
pes tribuum, et majores natu, atque di-  
xistis: Ecce ostendit nobis Deus noster  
majestatem et magnitudinem suam; vocem  
ejus audivimus de medio ignis; et proba-  
vimus hodie, quod loquente Deo eum ho-  
mine, vixerit homo. Cur ergo moriemur,  
et devorabit nos ignis hic maximus? Si  
enim ultra audierimus vocem Dei, morie- C  
mur. Quid est enim omnis caro, ut audiat  
vocem Dei viventis?

Ibid. v, 23-  
26.

*Non facietis mecum deos argenteos, nec*  
*deos aureos facietis vobis*, id est, nulla si-  
mulaera facietis, ut illa colatis mecum, vel  
per cultum latriæ, sicut adorandus et co-  
lendus sum ego. Unde et Samaritani et  
multi de regno decem tribuum, coluerunt  
simulacra sua seu vitulos aureos, et cum  
hoc Dominum adoraverunt, sicut nunc us-  
que faciunt Tartari. *Altare de terra facie-*  
*tis mihi*, id est ad meum honorem. Hoc de  
altari holocausti exponitur, quia altare in-  
censi fuit ex lignis setim, opertumque au-  
ro, ut infra habetur. In detestationem quo-  
que idololatriæ jussit hoc Dominus, quia  
idololatræ de pretiosis materiis faciebant  
altaria: et propter mysticam significatio-  
nem, ad humilitatis commendationem. *Et*  
*offeretis super† illud holocausta et pacifica*  
*vestra* per manus sacerdotum. Holocausta  
autem dicuntur, sacrificia quæ ad Dei ho-  
norem totaliter comburebantur; pacifica

vero, quæ pro remissione peccati, aut pro  
gratiarum actione de beneficio dato, aut  
pro beneficio obtinendo offerebantur, quo-  
rum una pars exstitit sacerdotum, una of-  
ferentium, ut comederent coram Domino, et  
tertia ad Dei incendebatur honorem. *Oves*  
*vestras et boves*, de quibus communiter sa-  
crificia ista fiebant. *In omni loco in quo*  
*memoria fuerit nominis mei*, id est in lo-  
eis specialiter deputatis ad hoc, ut in eis  
per sacrificia ista sit commemoratio et  
honoratio mei ipsius: quæ loca non fue-  
runt simul et semel plura, sed unus dum-  
taxat, in quo licuit oblatio talis, nisi forte  
ex dispensatione divina et causa idonea,  
sicut Elias obtulit in Carmelo. Successive  
autem fuerunt loca illa diversa, quia pri-  
mus fuit in Silo, ubi tabernaculum fuit  
ad tempus; deinde fuit in Nobe. Qua urbe  
per Saulem destructa, ut primo Regum  
habetur, in Gabaon est translatum; postea  
in Jerusalem tempore David, ut patet se-  
cundo Regum. Verumtamen populus fre-  
quenter immolavit hinc inde in excelsis,  
id est locis sublimibus, prout in libris  
Regum et Paralipomenon recitatur: in qui-  
bus et hoc vituperatur.

III Reg.  
xviii, 19 et  
seq.

I Reg. iv, 3;

II, 13.

Ibid. xxvi,

19.

III Reg. vi,

4.

II Reg. vi,

6, 12, 17.

*Veniam ad te*, per gratiæ infusionem, et  
*benedicam tibi*, per infusæ gratiæ multi-  
plicationem, atque per terrenæ prosperi-  
tatis concessionem, si in cunctis obedieris  
mihi. Et in verbis his alloquitur Deus po-  
pulum, tanquam quid unum, per Moysen.  
In veteri etenim Testamento temporalium  
honorum affluentia promittebatur.

*Quod si altare lapideum feceris mihi.*  
D Per hoc datur intelligi, quod altare de quo  
jam facta est mentio, poterat fieri tam de  
terra quam de lapidibus: sed de qualibus,  
subditur, *non edificabis illud de sectis*  
*lapidibus*: id est, de lapidibus impolitus,  
non sculptis neque dolatis, volo id fieri. *Si*  
*enim levaveris cultrum tuum super eo*,  
id est, si eum ferro seu entello præpara-  
veris istud altare, lapides ejus secando,  
sculpendo, aut poliendo, *polluetur*, id est,  
contemptibile fiet, displicebitque mihi, eo  
quod factum sit aliter, quam præcepi. Cau-

sa litteralis hujus præcepti assignatur, quia idololatræ faciebant sua altaria de saxis sectis, politis, et sculptis : ideo in illorum detestationem Deus præcepit oppositum, et quia nolebat suos ministros communicare cum idololatræ in divinis. Rursus, ne Judæi per talem sculpturam inducerentur paulatim ad sculpendum atque colendum imagines. Insuper ob mysticam significationem, videlicet quod Deus vult in spirituali templo suo (quod est Ecclesia) collocari personas integras et sincereas, unitatem spiritus conservantes, et ecclesiasticam unionem non violantes. Rursus, spirituale altare, est trium theologiarum virtutum connexio integra, in qua offerenda sunt Deo omnia opera bona et sacrificia militantis Ecclesiæ : quod altare fit de non sectis lapidibus, id est de tribus istis virtutibus firmis, ab invicem non divisis, nec alieni simulationi aut duplicitati adjunctis.

*Non ascendes per gradus ad altare meum : cujus jussionis subjungitur ratio : ne reveletur turpitudine tua.* Ex quo elicitur, quod nondum erat tunc feminalium

usus, quod magis infra patebit. Verumtamen si altare fuit tam altum, quod sacerdotes illud stando non valebant attingere, poterat pedibus sacerdotum scamnum aut aliquid tale supponi, quod facta ministratio removebatur, ut Magister in historiis tangit. Unde et Lyra allegat Rabbi Salomonem, dicentem quod fiebat ibi ascensus sine gradibus in hujusemodi casu. Fertur quoque, quod in sacris Priapi sacerdotes per gradus ascendebant altare, atque in alto stantes, verenda sua monstrabant populo discooperta. Ideo in tam obscenorum detestationem sacrorum, Dominus dedit præfatum mandatum. Spiritualiter vero per gradus ad altare ascendere, est, in fide superbeatissimæ Trinitatis, gradum et ordinem dignitatis asserere, affirmando quod Pater major sit Filio, et Filius major Spiritu Sancto, ut Ariani dixerunt : quod qui facit, turpitudinem suæ perfidiæ infelix ostendit. Rursus, altare de terra facere, est in Christo veram carnem fateri ; et ad altare per gradus non ascendere, est in eo divinitatem veram, qua æqualis est Patri, agnoscere.

Exod.  
xxviii, 42,  
43.

## ARTICULUS XLI

DE MYSTICO HUIUS CAPITULI VICESIMI INTELLECTU.

**Q**UEMADMODUM quinquagesimo post exitum ab Ægypto die, data est lex Hebræis in monte Sinai ; sic quinquagesimo die post Christi resurrectionem, missus est Spiritus Sanctus primitivæ Ecclesiæ in grandi illo cœnaculo, in quo novissimam fecerat Christus Cornam : per cujus Paracleti infusionem, evangelica lex in Apostolorum, ceterorumque credentium cordibus est firmata, atque eodem die aliis in Jerusalem prædicata et data, coruscantibus signis tanquam fulguribus, et apostolicis

verbis sonantibus, velut tonitruis. Insuper, sicut Hebræis ex Ægypto salvatis data sunt decem illa præcepta immediate a Deo, id est non per Moysen, sed per alloutionem Dei ex igne et nube, tamen per angelum : sic nobis ex mundi et vitiorum caligine per Christi adventum eductis, eadem præcepta sunt in Evangelio tradita, primo immediate a Christo Deo vero, veraciter incarnato, dicente : Si vis ad vitam ingredi, serva mandata. Itaque, non serviamus ultra peccatis, nec errorum ac passionum tene-

Matth. xix,  
17.



bris involvamus, nec alicujus idololatriæ A mortali est culpa, qui creatis magis quam immoremur caligini. Creatori, vanitati magis quam veritati ac

Dicitur enim unicuique nostrum : *Non habebis deos alienos coram me.* Contra hoc agit superbus, qui se ipsum facit deum sibi metipsi, atque ab aliis tanquam deus vult honorari, dum non Dei, sed sui ipsius quærit gloriam et honorem; et ita se habet ac taliter gloriatur, quasi non a Deo, sed a se ipso sit et habeat quod est, et quod habet. Magis quoque quærit sibi obtemperari, quam Deo. Nempe si videat Dei præcepta a se ipso ac aliis violari, non curat, nec contabescit, nec zelo inflammatur justitiæ zelando pro Domino, juxta il-

*Philipp. ii, 21.*

*Ps. cxviii, 139.*

*III Reg. xix, 10.*

lud : Tabescere me fecit zelus meus, quia obliti sunt verba tua inimici mei. Porro, si videat se contemni, aut propria vilipendi mandata, mox furit et indignatur, ac quasi sub colore justitiæ in contemtores sui exurgit. In tali etenim homine improbo ac perverso, viget privatus amor sui, non sancta dilectio Dei. Quo contra ait Elias : Zelo zelatus sum pro Domino. Unde et Chrysostomus protestatur : Nihil iniquius quam Dei injuriam dissimulare, et propriam vindicare. O quam multi prælati ac principes sunt hodie tales ! qui subditos suos per vitiorum abrupta proficisci conspiciunt, nec dolent, neque emendant, sed silent : propriam vero inhonationem, nec in modicis rebus perpeti queunt : ideo non sunt veri vicarii Creatoris, sed servi ac filii dæmonis.

Similiter contra istud præceptum peccant avari, qui magis afficiuntur ad aurum, quam ad omnium fontem bonorum, qui nummum præferunt Deo, et pro pecunia relinquunt justitiam, ac lucri amore jurant, perjurant, fallunt ac mentiuntur, judicantque perverse. Propter quod divinus Apostolus avaritiam non inepte idololatriam appellavit. Rursus, contra idem præceptum agit luxuriosus, ejus deus venter est, et gloria in pudendis, qui fœdam carnem magis quam incomparabilem et superpræstantissimam Deitatem cogitat, amat, et adipisci conatur; et breviter quicumque in

*Coloss. iii, 5.*

*Philipp. iii, 19.*

*Non facies tibi sculptile, neque omnem B similitudinem, etc.* Hoc præcepto jubemur cor nostrum a turpibus phantasmatibus, a sordidis phantasiis, a distractionibus, potissime orationis contemplationisque tempore, et in cunctis divinis purgare ac custodire, quatenus pura, ardente, ac stabili mente omnipotenti Deo simus intenti, ejusque opus cum debita reverentia jūgiter persolvamus. *Ego enim sum Dominus Deus tuus fortis, zelotes, visitans iniquitatem patrum in filios.* Itaque si optamus ut anima nostra sponsa sit sui Creatoris ac Sal-

C vatoris, oportet nos ei indesinenter fidelitatem servare, nec aliquid nisi ipsum, vel propter ipsum, ac in ipso diligere, cordeque integro detestari ac fugere quidquid a mundissimis ejus amplexibus mentem avellit. Hinc sanctus Joannes apostolus loquitur : Si quis diligit mundum, non est caritas Dei in ipso. Et Jacobus sanctus : Quicumque, inquit, voluerit amicus hujus mundi fieri, inimicus Dei constituetur. Caveamus ergo ne vitiorum nostrorum filios, id est imitatores, consensores, co-

*Sap. xv, 10.*

*I Joann. ii, 15.*

*Jacob. iv, 4.*

*Non assumes nomen Dei tui in vanum.* Hoc est quod in Evangelio loquitur Dominus : Ego dico vobis non jurare omnino. Sit autem sermo vester : Est, est : non, non. Jacobus quoque apostolus : Ante omnia

*Matth. v, 34, 37.*

*Jacob. v, 12.*

nolite jurare. Abjiciatur ergo detestabilis A actus et pessima consuetudo, quum et in Ecclesiastico scriptum sit : Jurationi non assuescat os tuum, multi enim easus in ea. Vir multum jurans replebitur iniquitate, et non deficiet de domo ejus plaga. Nempe quum consuetudo venialium sit mortalis, quanto magis consuetudo jurandi enormiter vitiosa est atque mortifera, quum sine rationabili causa jurare sit contra divinum præceptum, ideoque ex genere suo mortale?

*Memento ut diem sabbati sanctifices.* B Itaque diebus festivis summe tenemur abstinere a vitiis : ita quod si quis tunc detrahat, fornicetur, contendat, crapulamve committat, aut aedie præbeat in se locum, vel quodcumque mortale incidat vitium, non solum committit unum aut simplex mortale peccatum, nec tantum transgreditur unum præceptum, sed duo ad minus : et duo incurrit peccata mortalia, aut unum dupliciter vel pluribus modis mortale. Quemadmodum etiam si aliquid horum committat in sacro loco, C aut cum religiosa, seu in sacris Ordinibus constituta persona. Hinc et venialia, quæ ad mortale disponunt, tunc gravantur, ac magis vitanda sunt. Denique valde pensandum est quod Dominus jubet : *Non facies omne opus tu et filius tuus, et filia tua, servus tuus et ancilla,* etc. Quo constat, quod parentes et domini domus, tunc præcipue obligantur sobolem suam atque familiam quantum congrue valent, et caritas exigit, a peccatis retrahere, admonere, et ædificare. Itaque quum sabbatum sit requies Domini, diebus celebribus conquiescat mens nostra in Deo quiete præcipua per devotionem internam, per orationes puras atque assiduas, per contemplationem sinceram, per amorem ferventem.

*Honora patrem tuum et matrem tuam.* Omnis igitur Christifidelis superioribus suis tanquam Dei vicariis debitam subjectionem, reverentiam cordialem, obedientiam exhibeat promptam.

*Stetitque populus de longe, Moyses autem accessit ad caliginem, in qua erat Deus.* Hanc clausulam magnus et theologissimus Dionysius in libro de Mystica theologia profundissime interpretatur, intelligendo per Moysen, quemcumque virum heroicum ac perfectum, qui relictis ac supergressis omnibus sensibilibus ac intelligibilibus, imo universis creatis, atque se ipso et cunctis actibus suis, Deo per ardentissimam dilectionem unitur, intratque caliginem in qua vere est Deus. Hæc namque caligo, est æternæ, increatæ, infinitæque lucis divinæ superexcellens, incomprehensibilis et superelarissima plenitudo, abyssalis, interminabilis atque supersimpliissima magnitudo, in qua Deus esse et habitare censetur, qui ponit tenebras (id est Ps. xvi, 12. infinitam hanc lucem, omnem creatarum mentium capacitatem infinite transcendentem ac superantem) latibulum suum : et ipsæ divinæ tenebræ cooperiuntur et absconduntur omni visioni ac lumini, ob incircumscriptibilem suam plenitudinem, prorsus impenetrabilem et immensam. Quum itaque mens æstuantissimo caritatis ardore succensa, Deo ita conjungitur per contemplationem theoreticam et sapientiam luminosam, flammigeram, unitivam, dicitur introire caliginem, instarque Moysis ab omnibus separari. Unitur enim Deo tanquam prorsus incomprehensibili, et quoad quid est, mere ignoto : et tamen hoc ipsum sic intueri, est clarissime ac suavissime contemplari, speciesque altissima contemplationis huic vitæ possibilis. Ideo tunc tota in lucem illam tam infinitam expanditur, increatæ veritati infigitur, superessentially deitati et superbeatissimæ Trinitati tam radiose, amorose et proxime copulatur, quod aliud nihil advertit, nec proprium actum attendit, sed defluit a se ipsa, atque in proprium refluit fontem. Sicque in divitias gloriæ rapitur, in amoris increati immensi igne comburitur, in deitatis abyssum profundatur et absorbetur, ut videatur quodammodo esse creatum exuere, et increatum idealeque esse induere.

re : non quod substantia mutetur aut pro-  
prium esse tollatur, sed quoniam modus  
essendi, qualitasque vivendi deificatur, hoc  
est, Deo et superbeatissimæ beatitudini  
ejus supernaturaliter et gratiosissime as-  
similatur, sicque eminenter impletur illud  
Apostoli : Qui adheret Domino, unus spi-  
ritus est : imo, quod in Joanne loquitur

1 Cor. vi,  
17.

A Unitas ipsa et Veritas increata Unigenitus  
Patris : Pater, rogo pro eis qui credituri  
sunt in me, ut omnes unum sint, sicut tu,  
Pater, in me, et ego in te, ut et ipsi in  
nobis unum sint. Ego in eis et tu in me,  
ut sint consummati in unum : ut dilectio  
qua dilexisti me, in ipsis sit, et ego in  
ipsis.

Joann xvii,  
20, 21, 23,  
26.

## ARTICULUS XLII

ELUCIDATIO LITTERALIS CAPITULI VICESIMI PRIMI : ILEC SUNT JUDICIA QUE PROPONES EIS.

**I**N veteri Testamento fit mentio de præ-  
ceptis triplicibus, videlicet moralibus,  
cerimonialibus, et judicialibus. Præcepta  
moralia sunt, quæ directe pertinent ad  
bonos mores, et de actibus virtutum exer-  
cendis, atque de oppositis vitiis evitandis,  
traduntur. Et ista præcepta sunt de na-  
turalis dictamine rationis : propter quod  
dicuntur quasi quædam conclusiones, ex  
naturali jure seu lege elicite. Hinc ma-  
nent et obligant in evangelica lege. Porro  
præcepta cerimonialia appellantur, quæ  
tradunt specialem modum colendi Deum,  
quantum ad exteriorem ritum et observan-  
tiam in sacrificiis et consimilibus. Præ-  
cepta vero judicialia sunt, quæ tradunt  
speciales modos servandi justitiam inter  
homines in conversatione humana, tamen  
per respectum et in ordine ad veram et  
supernaturalem felicitatem : Et sicut præ-  
cepta cerimonialia sunt quædam deter-  
minationes et explicationes præceptorum  
moralium concernentium Dei cultum, et  
quantum ad Deum : sic præcepta judicialia  
sunt quædam explicationes et declaratio-  
nes seu determinationes præceptorum mor-  
alium, respicientium directionem vitæ  
humanae, seu quantum ad homines. Dictum  
est enim, quod præcepta moralia docent  
et jubent Dei cultum in generali, et præci-  
pue quantum ad actus interiores, qui sunt

B credere, sperare, diligere : sed cerimoni-  
alia præcepta assignant speciales modos  
cultus divini in exterioribus actibus.

Denique intentio legis divinæ est, homi-  
nes convenienter ordinare ac regere, tam  
quoad Deum, quam quoad se ipsos ad in-  
vicem : quorum utrumque est de lege na-  
turæ seu dictamine rationis naturalis in  
generali. Sed oportuit utrumque determi-  
nari in speciali per certa præcepta, utpote  
cerimonialia ac judicialia, ut jam dixi. Et  
quia cerimonialia præcepta erant omni-  
no præfigurativa Christi, et modi colendi  
Deum in evangelica lege : ideo Evange-  
lio divulgato, cessaverunt, imo illicita at-  
que mortifera facta sunt. Judicialia autem  
præcepta non erant directe et principa-  
liter figurativa, sed conservativa æquali-  
tatis justitiæ inter homines. Ideo quamvis  
sint per Christi legem evacuata, ita quod  
non manent obligatoria, non tamen exsi-  
stunt mortifera, quoniam possent a rege  
aut principe christiano, si expediret, insti-  
tui, atque a subditis observari, dummodo  
non instituerentur nec observarentur, in  
quantum et quia ad legem Moysis pertine-  
bant, sed in quantum præsentī hominū  
statui convenirent. De hac materia scribit  
plenarie Alexander de Hales super tertium  
Sententiarum, et Thomas in prima se-  
cundæ.



Itaque postquam præcedenti capitulo data sunt a Deo præcepta moralia, nunc in isto capitulo dantur ab eo judicialia quædam præcepta. *Hæc sunt judicia quæ propones eis* : id est, ea quæ nunc subjunguntur, sunt judicialia præcepta, quæ ego instituo filiis Israel observanda, et quæ tu eis ex parte mei propones, et servanda præcæpies.

*Si emeris servum Hebræum, sex annis serviet tibi. In septimo egredietur liber gratis.* Istud tripliciter potest intelligi. Primo sic : Si tu Israelita emeris atque redemeris Hebræum jam venditum gentili in servum, serviet tibi usque ad initium septimi anni, utpote jubilæi, qui est annus remissionis, ut infra patebit. Noluit autem Deus quod Hebræi venderentur in servos perpetue atque simpliciter, sed ad tempus prætactum, quoniam ipse eduxit eos de servitute Egyptia, ut essent servi ipsius, et propter nobilitatem eorum ex Patriarchis contractam, imo et magis propter dignitatem eis collatam per dona gratiæ, et per legem divinam. Ita exponit Andreas. Secundo exponitur sic : Si emeris servum Hebræum, qui servus ante non fuit, hoc est, si emeris Hebræum ad hoc, ut sit servus tuus, serviet tibi sex annis, id est, tibi servire tenebitur, si vixerit per tot annos, nisi intervenerit jubileus. Sic exponit Magister in historiis. Quod tamen non est intelligendum de magno jubileo, videlicet quinquagesimo anno, sed de septimo anno remissionis. Tertio sic : Si emeris servum Hebræum ab Hebræo, serviet tibi, ut dictum est. Potuit autem venditio talis fieri tribus modis : Primo, ab ipsis iudicibus Hebræis, qui Hebræum de furto convictum, nec habentem unde restitueret, vendi jusserunt ad faciendum restitutionem, ut sequenti constat capitulo : secundo, quia Hebræus ob nimiam paupertatem potuit vendere se in servum, quemadmodum in Levitico habetur, Si paupertate compulsus, vendiderit se tibi frater tuus in servum, etc. : tertio, quoniam dominus Hebræus, servo suo Hebræo non amplius

indigens, poterat eum vendere alteri Hebræo, quantum ad tempus restans usque ad septimum annum remissionis, de quo subditur : In septimo egredietur liber gratis, hoc est, ad placitum suum recedet a domino suo, liber a pristina servitute, nec aliquid dabit pro sua redemptione.

*Cum quali veste intravit domum domini sui ad serviendum, cum tali creat,* id est æqualiter vestitus. Per quod non excluditur, quin poterat melius esse vestitus in exitu suo. Et istud pie præceptum est, ne pauper servus, male vestitus egrediens, cogeretur rursus servire pro adipiscendo vestitu. Tempus quoque quod in servitute expendit, non sibi, sed suo domino quasi vixisse videtur : ideo egredienti debuit dominus talem præbere amicum, qualem habuit quando ad serviendum intravit. *Si habens uxorem,* id est, si uxoratus fuit, quando intravit ad serviendum cum ea : *et uxor egredietur simul cum eo,* imo et filii ac filiar ante vel interim nati, quoniam partus sequitur ventrem. *Si autem dominus dederit illi,* videlicet servo suo Hebræo, *uxorem post ingressum ejus ad serviendum, et pepererit uxor illa filios et filias in servitute ; mulier et liberi ejus erunt domini sui,* id est, in servitute manebunt. Istud intelligendum est, quando uxor illa non fuit Hebræa, sed serva simpliciter, utpote ad servitutem perpetuam obligata, quia ex alieno genere nata. Si autem fuit ancilla Hebræa, non fuit obligata ad servitutem magis quam servus Hebræus : ideo cum suo marito ac liberis potuit libera egredi. *Ipsæ vero erunt cum vestitu suo,* id est solus, ita quod uxor cum sobole in servitute manebit in casu præfato.

*Quod si dixerit servus, Diligo dominum meum, et uxorem ac liberos,* id est, ex speciali amicitia ad dominum suum et conjugem atque prolem, voluerit in servitute manere, renuntians juri suæ liberationis : *offeret eum dominus diis,* hoc est, sacerdotibus seu iudicibus præsentabit. Dicuntur autem sacerdotes ac iudices dii, id est

divini, quia per judiciariam potestatem, A et aliorum gubernationem, vicariatumque Dei, divinas proprietates participant, et Deo specialiter assimilantur, saltem in donis his gratiae gratis datae. *Et applicabitur ad ostium et postes tabernaculi, juxta praeceptum sacerdotum seu judicium; perforabitque aurem ejus subula dominus suus, in signum perpetuae servitutis: quod signum in aure evidenter apparuit.* Vel, perforatio illa fiebat ei in penam et confusionem, eo quod noluit uti jure libertatis sibi oblatae, ac beneficio legis. Fiebat quoque in B aure magis, quam in alia corporis parte, quoniam per auditum didicit et percipit jus hujusmodi libertatis. Auditus quippe, sensus est disciplinae. *Et erit ei servus in saeculum,* hoc est, quoadusque manserit vivens, vel usque ad jubilaeum forte majorem, quantumlibet distet. Nam tantum spatium solet saeculum appellari. Idem quoque intelligendum est de ancilla. Secundum Thomam talis mansit perpetue servus.

Sequitur aliud judiciale praeceptum, C quod satis intricate in textu exprimitur: siquidem legislator illud describendo studuit brevitati. *Si quis vendiderit filiam suam in famulam, non egredietur sicut ancilla exire consueverunt.* Locus iste dupliciter exponitur. Primo, secundum Rabanum et Petrum Comestorem, de venditione filiae Hebraeae in concubinam, ita quod serviret domino eam ementi in leeto: et in tali casu dominus non potuit eam expellere, sicut ancillam dumtaxat. Quod si istis objiciatur, quod venditio in concubinam fuit illicita, quum omnis concubitus non conjugalis, sit in lege prohibitus, dicunt quod istud fuit permissum, non licentia, ita quod fuit Hebraeis permissum, propter eorum libidinem aliqualem refrenandam: quemadmodum dare extraneis ad usuras, propter eorum cupiditatem frenandam circa proprium populum: et sicut dare libellum repudii, ne crudelitatem exerceant in conjuges suas. Nec dicit haec littera, ut fiat talis venditio, sed quid agen-

dum sit, si fuerit facta. Secundo exponitur sic: *Si quis vendiderit filiam suam in famulam, hoc est, si quis Hebraeus filiam suam nondum nubilem vendat alteri Hebraeo, ut serviat ei ad tempus, quatenus interim consideret mores ejus, an velit eam sibi aut filio suo accipere in uxorem, non egredietur sicut ancilla egredi consueverunt, id est, non dimittetur a domino suo sicut dimittitur ancilla ex alia gente empta, quae fuit ancilla simpliciter, nec egredi potuit, nisi dominus excussisset ei dentem aut oculum, ut in isto infra habetur capitulo: quod non servabatur in ancilla Hebraea; imo qui eam sic percussisset, simili poenae subjaceat.* Huic autem expositioni magis consonare videntur sequentia.

*Si displicuerit oculis domini sui, cui tradita fuerit, id est, cui vendita erat, ut ejus mores sic experiretur, ita quod ei non placet ad ineundum eum ea connubium: dimittet eam liberam, etiam ante septimum annum, quia non erat ei traducta finaliter ob servitutem, sed propter conjugium.* *Populo autem alieno vendendi non habebit potestatem, si spreverit eam:* id est, si despexerit eam in conjugem sumere, non habebit licentiam vendendi eam populo alieno seu alicui alterius gentis, quia (ut dictum est) tenetur eam dimittere. *Sin autem, id est, si filio suo desponderit eam, juxta morem filiarum faciet illi, id est, dotem tribuet ei, ut fieri solet puellis quae desponsantur.* *Quod si alteram ei acceperit, id est, filio suo aliam dederit conjugem praeter praedictam, quoniam unus poterat habere plures uxores, vel si istam praedictam fecerit repudiari a filio suo: providebit puellae nuptias et vestimenta, et pretium pudicitiae non negabit:* id est, mulieri ita abjectae providebit suis expensis de alio viro, et necessaria ministrabit pro eo quod a filio suo est corrupta, etsi ipsa voluerit alterum sumere virum. *Si ista tria non fecerit, id est nullum trium praedictorum, ita quod nec ipse eam accepit uxorem, nec filio suo tradidit*

eam in conjugem, nec sponte voluit eam A  
dimittere: *egredietur gratis absque pecunia*, id est, puella libere potest recedere etiam ante septimum annum, non dato aliquo pretio pro sua redemptione a servitute.

Circa hoc praeceptum scribit Thomas in prima secundae, quaestione 105: Lex permisit quod paupertate cogente aliquis Hebraeus filium suum aut filiam venderet. Imo per hunc modum poterat se ipsum vendere, in mereenarium tamen potius quam in servum, quia Hebraeus non vendebatur in servitutem perpetuam. Unde in Levitico habetur: Si paupertate compulsus, vendiderit se tibi frater tuus, non opprimas eum servitute famulorum, sed quasi mereenarius et colonus erit.

Sequuntur alia praecepta judicialia. *Qui percusserit hominem volens occidere*. Percussio in Scripturis veteris Testamenti accipi solet pro occisione, et ita nunc sumitur: ut sit sensus, Qui volens seu ex proposito interfecerit aliquem injuste seu contra praeceptum, *morte moriatur*, id est occidatur, quia propinquus occisi poterat eum jugulare, iudices quoque. *Qui autem non est ei insidiatus*, id est, qui non fuit inimicus occisi, nec ex proposito eum occidit; *sed Deus illum tradidit in manus ejus*, id est, Deus occulta aequitate permisit eum occidi ex causa nobis ignota casualiter et sine occidentis intentione. Ita exponit Glossa, ac ceteri. Per quod patet, quod talia casualia et improvisa pericula, non fiunt sine Dei permissione, nec sine rationabili causa, quum Deus moderator D

\* in quem permittit. *Constituam tibi locum in quo fugere debeat*. Nam post haec verba Deus

Num. xxxv, 6, 11.

Deut. iv, 41, 42.

Josue xx, 2, 3.

ordinavit civitates refugii, ad quas confugerunt hujusmodi non spontanei homicidae, et erant in urbibus illis usque ad mortem summi pontificis, vel quousque reconciliati fuerunt propinquis occisi. De quibus civitatibus agitur in Numeris, Deuteronomio, et Josue. *Si quis per industriam*, id est per pravam et pessimam callidi-

tatem, *occiderit proximum suum, et per insidias*, contra justitiam et ordinem juris: *ab altari meo avellens eum, ut moriatur*: ita quod nec in tabernaculo neque in templo fuit tutatus. Propter quod versutus et artifex homicida Joab, fuit juxta cornu altaris occisus, quoniam duos viros se meliores ita occiderat. Judaei in hoc praecepto, per Proximum, intelligunt natione Hebraeum, ita quod lex ista non servabatur, si Hebraeus interfecisset insidiosae gentilem.

*Qui furatus fuerit hominem*, abducendo eum clam aut fraudulenter a propriis, *et vendiderit eum, convictus noxae*, id est crimine ejus patefacto atque probato, seu aliter innotescente, *morte moriatur*. Circa quod dicunt expositores catholici, istud fuisse intelligendum quando venditio fuit secuta furtum, ita quod pro solo furto hominis non fuit mors infligenda, utpote quando homo furto sublatus, inveniebatur antequam vendebatur, ita quod poena furis tunc fuit reddere duos homines ad serviendum pro uno furtim subtraeto quamvis invento: quia sequenti habetur capitulo, qualiter pro aliarum rerum furto restituendum sit duplum. Aliqui vero Hebraei dicunt, quod pro solo hominis furto mors infligebatur, propter hominis ad Dei imaginem facti nobilitatem.

*Qui percusserit patrem suum aut matrem*, id est unum eorum aut ambos, *morte moriatur*. Istud secundum doctores catholicos et Hebraeos intelligendum est non de percussione levi, sed gravi, ex qua scilicet sequitur livor sive effusio sanguinis, aut tale aliquid: et si ex proposito fiat, nisi forte quis levem parentum percussione in consuetudinem ducat. Pro levi autem et non consuetudinata ipsorum percussione, minor morte infligenda est poena, attamen magna, quum sceleratissimum ingratissimumque consistat, eos percutere a quibus accepta est vita, et quibus tanta reverentia debetur et gratitudo. *Qui maledixerit patri suo aut matri, morte moriatur*. Lyra dicit hoc non esse intelli-

Exod. xxi, 4.



gendum de sola, sed de consuetudinali maledictione parentum, quum pro levi eorum percussione, quæ gravior est maledictione sola, non fuerit mors infligenda. Contra quod scribit Rabbi Paulus, quod secundum Rabbi Moysen Gerundensem aliosque Hebraeos, maledicenti parentibus major pœna debetur, quam eos simpliciter percutienti, quia ad maledictionem eorum multi sunt priores, ideo magis reprimendi sunt inde. Secundo, quoniam in maledictione parentum nomen Domini vitiose assumitur, sicque in ea etiam Deo irreverentia irrogatur. Hinc reor istud fuisse intelligendum de maledictione proprie sumpta, qua quis ex proposito et aversione malitiosa imprecatur malum parentibus suis a Deo; non autem si ex quadam festinantia animi et absque deliberata malitia fecit hoc. Hinc in Ecclesiastico scriptum est: Est maledictus a Deo, qui exasperat matrem. Salomon quoque: Generatio quæ maledicit patri, et generatio quæ maledicit matri. Denique Thomas in prima secundæ, quæstione 105, testatur: Lex ve-

A ex percussione illa decedat. Cur igitur innocens est apud humanum iudicium talis percussor? Dicendum, quod ex duplici conjectura. Primo, nam quando percussus par- tim convaleuit, incertum videtur an postea ex percussione illa obierit. Forsan enim ex malo regimine, et incustodia sui aut simili occasione in languorem relapsus est ac defunctus. Secundo, nam quia percussor lesit eum pugno aut lapide, non cultello vel gladio aut simili armatura, probabile est quod non proposuit eum occidere.

B *Ita tamen, ut operas ejus et impensas in medicos restituat*, id est, satisfaciat medicis pro eorum laboribus et medicinalibus in illum expositis, vel reddat quod ille in medicos exposuit, et impeditentum operum percussi recompenset. Videtur tamen, quod in aliquo casu aliquid fuit dandum ad satisfaciendum pro illata læsione atque injuria, ut ex aliis locis hujus scripturæ elicitur.

*Qui percusserit servum suum vel ancillam virga*, id est baculo aut alio instrumento læsivo, *et mortui fuerint in manibus ejus*, id est, si alter eorum aut ambo exhalaverint spiritum, mox in ipsa percussione aut protinus post hanc; *criminis reus erit*, id est, homicidii pœnam meretur, sive servus et ancilla Hebræi sint, sive gentiles, potius tamen si existant Hebræi. *Si autem uno die supervixerit vel duobus servus aut ancilla post suam percussione, non subiacebit pœne*, id est, dominus qui percussit, non erit homicidii reus: *quia pecunia illius est*: id est, servus seu ancilla est res quædam domini sui, quam per pecuniam suam fecit suam, et habet eam quasi pecuniam propriam, seu loco pecunie pro re illa expositæ. Quod de servo et ancilla gentilibus præcipue accipitur, quia hujusmodi personæ vendebantur simpliciter et ad semper, non autem Hebræi.

Contra hanc legem quæ aliquantulum dura apparet, sic arguit Thomas in prima secundæ: Lex divina magis debet ad misericordiam provocare, quam lex humana;

Ecclesi. iii.  
18.  
Prov. xxx.  
11.

*Si risati fuerint viri contra se invicem, et percusserit alter proximum suum*, id est unus alium, *lapide vel pugno, et ille percussus mortuus non fuerit cito et evidenter ex illa percussione, sed jacuerit in lectulo*, propter ægritudinem ex illa percussione secutam; *si surrexerit aliquantulum melioratus, et ambulaverit foris super baculum suum*, innitendo sustentaculo ob suam adhuc durantem debilitatem; *innocens erit a pœna homicidii qui percusserit*. Ita etiam, quamvis ille percussus moriatur ante suam curationem. Innocens, inquam, erit in foro exteriori a pœna mortis: verumtamen apud Deum reus erit homicidii et mortis æternæ, si intendebat illum occidere, vel si ille post ambulationem præfatam rursus in lectum decideret, et

sed secundum leges humanas graviter puniuntur, qui nimis aspere affligunt servos aut ancillas. Asperrima autem videtur esse afflictio, ex qua sequitur mors. Inconvenienter ergo statuitur Exodi vicesimo primo, quod qui percusserit servum suum vel ancillam virga, si uno die supervixerit, non subiacebit poenae, quia pecunia illius est. Ad istud S. Thomas respondet : Circa lésiones servis illatas lex considerasse videtur, utrum lésio sit certa aut incerta. Si enim lésio certa esset, lex poenam adhibuit : pro mutilatione quidem, servi amissionem, quia mandabatur libertate donari; pro morte autem, homicidii poenam, quum servus in manu domini verberantis moreretur. Si vero lésio non esset certa, sed apparentiam quandam haberet, lex nullam poenam infligebat in proprio servo, puta dum servus percussus non statim moriebatur, sed post aliquot dies. Incertum enim erat an ex percussione mortuus esset. Denique certum est, ista intelligi de servis emptitiis. Sed in lege evangelica quæ est lex totius caritatis et pietatis, docentur servi et ancillæ esse tractandi benigne, juxta illud ad Ephesios : *Et vos, domini, eadem facite illis, remittentes minas, scientes quod illorum et vester Dominus est in coelis, et non est personarum acceptio apud Deum. In Ecclesiastico quoque dicitur : Servus sensatus sit tibi dilectus quasi anima tua. Et rursus in Ecclesiastico : Servus fidelis sit tibi quasi anima tua, et quasi fratrem tracta illum. Porro si duri et rebelles exstiterint, agendum erit quod ait Scriptura : Cibaria et virga et onus asino; panis et disciplina et opus servo.*

*Si rixati fuerint viri contra se mutuo, et percusserit quis mulierem prægnantem, id est, unus illorum feminam sic fecundatam verberaverit, tamen præter suum propositum, utpote virum ejus aut alium cedere volens, et abortivum quidem fecerit, id est, fetus conceptus et nondum animatus, fuerit ex illa percussione et mulieris perturbatione atque angustia dissipatus, sed*

*A ipsa rixerit, id est, mulier ex illa percussione non fuerit multum læsa nec mortua; subiacebit damno ille percussor, quantum expetierit maritus mulieris, et arbitri judicaverint, id est juxta rationabilem postulationem mariti, et juxta discretionem, censuramque judicum, secundum quorum dictamen postulatio viri est moderanda. Si autem mors ejus fuerit subsecuta, id est, si mulier vel fetus ejus jam animatus ex illa percussione obierit, idque evidenter possit probari; reddet animam pro anima, id est, propriam vitam perdet seu occidetur pro culpa, qui vitam alterius sic exstinxit. Tamen (ut fertur) quidam Hebræi dicunt hic per redditionem animæ pro anima, non esse intelligendum poenam mortis, sed pecuniariam poenam secundum judicum taxationem, quia percussor non intendebat mulierem percutere, nec fetum ejus animatum occidere. Sed hoc non consonat textui.*

Deinde poena talionis subjungitur : *Oculum pro oculo, dentem pro dente, manum pro manu, pedem pro pede, adustionem pro adustione, vulnus pro vulnere, livorem pro livore* : id est, qualem quis alteri læsionem, mutilationem, injuriam intulerit, talem sustinere cogetur, ut sic reparetur æqualitas justitiæ, et injuriator in vita hæc corrigatur, atque de cetero reprimatur a consimilibus malis : sieque vindicativa ponitur virtus et pars justitiæ, et vindicatio talionisque poena, sunt licitæ : sic tamen, ut non ex rancore aut prava radice, sed zelo justitiæ exerceantur, quatenus animus vindicantis non quiescat in poena et nocumento rei, sed in emendatione ipsius, vel in bono rei publicæ, prout Alexander de Hales in Summa sua, et S. Thomas eleganter describunt. Veruntamen quidam Judæi, præsertim Rabbi Salomon, opinati sunt, quod ista poena talionis non fuit intelligenda, ut verba hæc sonant : quia ut dicunt, pro oculo eruto non est oculus eruendus, sed poena pecuniaria exsolvenda, prout dictaverint judices. Sed istud est contra hunc textum, et contra ea quæ

*Ephes. vi,*  
9.

*Ecclesi. vii,*  
23.

*Ibid. xxxiii,*  
31.

*Ibid. 25.*



in Deuteronomio aperte scribuntur. Porro Josephus dixit, quod eruenti oculum alienjus injuste, erundus est oculus, si ille exoculatus exegerit; si vero maluerit pecuniariam satisfactionem habere, poterit ei dare secundum sententiam iudicium : et hoc probabilius sonat.

*Si percusserit quispiam oculum servi sui aut ancillæ, et luscus eos fecerit*, id est impotentes ad videndum, videlicet caecos : nam sequitur, *dimittet eos liberos pro oculo quem eruit*, id est quem visu privavit. Talis enim percussor enormiter peccat : ideo justum est ut eorum privetur obsequio, quos tam inhumaniter tractat. Nam quamvis liceat domino infligere disciplinam servo emptitio, hoc tamen eum moderatione fieri debet, secundum mensuram et exigentiam culpæ. *Dentem quoque si excusserit servo suo vel ancillæ suæ, similiter dimittet eos liberos*, pro dente suo. Istud quoque intelligendum est de servo et ancillæ gentilibus. Si enim servo aut ancillæ Hebrææ mutilationem intulisset, ad pœnam talionis obligabatur.

*Si bos cornu percusserit*, id est invaserit, *virum aut mulierem, et mortui fuerint ex læsione hujusmodi: lapidibus obruetur bos*, non quia peccavit, in quo ratio nulla est, sed in detestationem nocuenti illati, et ne ex talis bovis adpectu gravarentur videntes; *et non comedentur eurnes ejus*. Eadem de causa nec poterant vendi, sed putrefieri sinebantur. *Dominus quoque bovis innocens erit*, quia factum illud ei non poterat imputari, eo quod nihil perceperit, nec præscire potuit aliquid domesticis aut possessis, si fiant ita læsiva et impetuosa, videtur intelligendum. *Bos vero lapidibus opprimetur*. Similiter, quod dictum est de læsione per cornua, intelligendum reor de quacumque simili læsione, quæ fieri potest mordendo, conculcando, calcibusque cædendo.

*Quod si pretium ei fuerit impositum*, id est, si de voluntate propinquorum occisi, fuerit domino bovis imposita satisfactio seu pena pecuniaria: *dabit pro anima sua quidquid fuerit postulatus*, id est, pro liberatione sua a morte, quidquid secundum discretionem iudicium propinqui exegerint. *Filiam quoque et filiam si cornu percusserit*, id est, si bos cornupeta invaserit atque occiderit prolem alienjus quantumlibet infantulum: *simili sententia subiacet dominus bovis*, id est, eandem penam incurret, ac si bos ejus cornupeta occiderit virum aut feminam : bos quoque similiter lapidabitur. *Si servum ancillamque invaserit et interfecerit, triginta siclos argenti dabit domino*, id est, dominus bovis tantam dabit pecuniam domino servi seu ancillæ occisæ a bove. Quod tamen intelligitur de servo et ancillæ gentilibus : quia si occidisset servum Hebræum aut ancillam Hebræam, dominus bovis promeruit mortem. Denique quod de bove cornupeta dictum est, de aliis quoque animalibus domesticis aut possessis, si fiant ita læsiva et impetuosa, videtur intelligendum. *Bos vero lapidibus opprimetur*. Similiter, quod dictum est de læsione per cornua, intelligendum reor de quacumque simili læsione, quæ fieri potest mordendo, conculcando, calcibusque cædendo.

*Si quis aperuerit cisternam*, id est, operculum removerit a cisterna jam facta, *et foderit illam purgando aut profundando, aut aliam fodiendo, et non operuerit eam*, reponendo operimentum super cisternam priorem, aut eam quam fodit de novo, non cooperiendo; *occideritque bos aut asinus, vel aliud domesticum animal, scilicet ovis aut equus, in eam; dominus cisternæ reddet pretium jumentorum*, id est, domino animalis lapsi ac periti satisfaciet pro damno quod passus est. *Quod autem mortuum est, ipsius erit*, id est, domino cisternæ cedet quod extrahitur. Istud intelligendum videtur, si dominus cisternæ per se ipsum fodit, aut fodienti usque ad tempus operiendi adstitit, vel de operiendo non

informavit fossorem, quem debuit super A hoc admonere: alias videretur imputandum fossori. Rursus, intelligendum videtur de cisterna in loco pertransiri solito situata.

*Si bos alienus bovem alterius vulneraverit, et ille, scilicet bos vulneratus, mortuus fuerit ex vulneratione eadem: vendent bovem vivum dominus bovis vivi et dominus bovis occisi, et dividunt pretium ejus inter se æqualiter. Cadaver autem mortui bovis inter se dispartient, id est æqualiter dividunt, ut unusquisque faciat commodum suum cum sua medieta-* B *te. Nam carnes ejus poterant gentilibus vendere, quamvis non possent personaliter eas comedere, propter præceptum legis, quo prohibebantur manducare carnes animalis suffocati, aut in sanguine suo*

*Lev. xvii, 10 et seq.*

occisi. *Si autem sciebat quod bos cornu-  
peta esset ab heri et nudius tertius, et non  
custodivit eum dominus suus, reddet bo-  
vem pro bove, id est, domino bovis occi-  
si restituet bovem tanti valoris, ut fuit  
bos occisus dum vixit, vel pretium tanti  
valoris, et cadaver bovis occisi integrum  
accipiet, ad agendum cum illo commodum  
suum. Præterea lex ista videtur intelli-  
genda de bobus ejusdem valoris: alio-  
qui dominus bovis occidentis acquireret  
lucrum ex præfata divisione, et dominus  
B bovis occisi incurreret damnum injustum,  
quando videlicet bos interficiens vilior es-  
set. Quod autem de bobus dictum est, de  
aliis quoque animalibus, se invicem vul-  
nerantibus, in casu consimili videtur in-  
telligendum.*

## ARTICULUS XLIII

DE MYSTICO EJUSDEM CAPITULI VICESIMI PRIMI SENSU.

**S***I emeris servum Hebræum, sex annis C*  
*serviet tibi.* Quemadmodum Judæi præ-  
cipiebantur servos et ancillas suæ natio-  
nis præ ceteris pie tractare, et septimo an-  
no gratis relinquere, eo quod Dominus ex  
Ægypto eduxit Israeliticum populum, eum-  
que suæ mancipavit servituti: sic chris-  
tiani prælati, principes ac patresfamilias,  
caritative ac pie habere se debent ad mi-  
nistros atque ancillas christifideles, non  
superbe et aspernanter, quoniam Unige-  
nitus de hoc sæculo nequam, de tenebris  
vitiorum, de servitute peccati, de jugo dia-  
boli eripuit eos, et transtulit eos in re-  
gnum suæ militantis Ecclesiæ, et in my-  
sticum corpus suum, incorporavitque eos  
sibi, ut sint filii sui Patris, et coheredes  
regni cœlestis. Spiritualiter autem Hebræus  
servit sex annis, dum Christianus in exer-  
citiis vitæ activæ se perfecte exercet: sed  
septimo liber egreditur, dum post activæ

vitæ laborem, ad contemplativæ vitæ quie-  
tem ac libertatem perducitur. Exit autem  
eum veste eadem, quoniam in utraque vi-  
ta eadem caritas quæ est vestis nuptia-  
lis, eadem quoque intentio perseverat. *Si*  
*habens uxorem, et uxor egreditur simul.*  
Uxor istius servi, est sapientia acquisita,  
ex qua producit aliquos actus bonos: quæ  
secum debet exire, quia in contemplativa  
vita non est sapientia naturalis et acquisi-  
ta. Operatio quoque vitæ activæ non totali-  
ter deserenda, quia cooperatur ad spiritua-  
lem profectum. *Sin autem dominus dederit*  
*illi uxorem, et pepererit filios et filias, mu-*  
*lier et liberi ejus erunt domini sui.* Do-  
minus dat servo suo uxorem, dum super-  
naturalem et infusam sapientiam quæ est  
donum Spiritus Sancti, illi infundit, infu-  
samve perficit, ex qua generantur actus  
interni et contemplativi intuitus tanquam  
filii, sanctæ quoque affectiones ut filiæ:

*Matth.*  
*xxii, 11, 12.*

*Rom. viii,*  
*16, 17.*

*Is. vi, 2.*

quæ omnia sunt Domini, quoniam Deo ad-  
scribenda est huiusmodi sapientia, et quid-  
quid generatur ex ea. *Ipsæ vero eribit eum  
vestitu suo* : nam quamvis omnia ista Deo  
attribuuntur, nihilo minus imputantur et  
ei, cui infusa aut data sunt : eorumque  
meritis transit de via ad patriam, de infir-  
mis ad suprema.

*Quod si dixerit servus, Diligo dominum  
meum* : id est, si amore Christi maluerit  
in vita manere activa, ut aliis prosit, mi-  
nistret et opera exhibeat pietatis ; offerat  
*eum dominus diis*, id est, spiritualibus  
patribus suo tempore presentetur, a qui-  
bus et dirigatur. *Et applicabitur ad os-  
tium tabernaculi*, id est, in fide Ecclesie  
stabilietur, et Christo (qui ait : Ego sum  
ostium) conjungetur, ut aliquid etiam de  
triumphanti Ecclesia Omnipotentisque ma-  
jestate et gloria contempletur. *Perforabit-  
que aurem ejus subula* : id est, interiorem  
ejus auditum penetrabit stimulus compas-  
sionis, vel acumen compunctionis : quia  
in exercitiis vite activæ, necesse est alio-  
rum onera supportare, afflictis, egenis, ac  
miseris condolare, ac pro quotidianis cul-  
pis compungi. *Si quis vendiderit filium  
suam in famulam*, id est, gratiam et sci-  
entiam salutarem sibi concessam, aliorum  
directioni et informationi exposuerit de-  
servire, juxta illud summi Apostoli, Unus-  
quisque sicut accepit gratiam, in alteru-  
trum administrantes ; *non egredietur sicut  
ancille exire consueverunt* : quoniam re-  
verenter et cum omni gratiarum actione  
suscipienda et conservanda est admini-  
stratio atque instructio talis. Quod si is  
cui offertur, eam despexerit, non poterit  
eam venundare alienis, id est hæreticis  
subdere.

*Qui percusserit hominem volens occi-  
dere, morte moriatur* : id est, qui alium  
ex proposito perturbaverit, et verbis duris  
ac pungitivis afflixerit, damnationi subja-  
ceat. Hoc est quod ait Apostolus : Peccan-  
tes in fratres, et percutientes conscientiam  
eorum infirmam, in Christum peccatis. *Qui  
autem non est insidiatus*, id est, sine pro-

posito tale quid egerit ex infirmitate aut  
ignorantia, misericordiam consequi potest,  
et damnationem evadere. *Si quis per in-  
dustriam occiderit proximum suum*, id  
est, calliditate vulpina traxerit innocentem  
ac simplicem ad peccandum ; *ab altari  
meo auclles eum*, id est, ingressu Ecclesie  
et sacramentorum communionem reputetur  
indignus, tanquam seductor nequissimus.  
*Qui percusserit patrem suum aut matrem*,  
id est, spiritali aut corporali percussione  
prælatum aut prælatam offenderit, aut qui  
superioribus suis maledixerit : *moriatur*,  
id est, morte damnationis æternæ dignus  
esse noseatur. *Qui furatus fuerit hominem  
et vendiderit eum, moriatur*. Hominem fu-  
ratur, qui Christianum ex ovili dominico  
et mystico Christi corpore separat, et pro-  
pria iniquitate diabolo vendit, de Catholi-  
co hæreticum aut schismaticum faciendo.

*Si rixati fuerint viri*, etc. Hæc lege  
redarguuntur, qui contentiosis disputatio-  
nibus aut jurgiis aliis vacant, ita quod et-  
si non penitus perimant proximos, contra  
quos arguunt vel contendunt, seu eos qui  
audiunt, graviter tamen lædunt eosdem,  
ita quod caritas infirmatur in eis, ipsique  
per impatientiam, iram, mœrorem quasi  
succumbunt. *Qui percusserit servum suum  
vel ancillam virga, et mortui fuerint in  
manibus ejus, criminis reus erit* : id est,  
superior seu prælatus qui indiscreta et  
mordaci reprehensione subditos suos sic  
inrepaverit, quod inde mox in desperati-  
onem, indignationem, invidiam, aut aliam  
mortalem corruerint culpam, reus est per-  
ditionis illorum. Ideo discreta, pia, et ca-  
ritativa inrepatio necessaria est.

*Si rixati fuerint viri*, disputando aut  
aliter contendendo, *et percusserit quis mu-  
lierem pregnantem*, id est animam spiri-  
tualiter fecundatam, *et abortivum quidem  
fecerit*, id est, ex illorum rixa fuerit ani-  
ma ab executione boni propositi, atque  
a fructu verbi cœlestis impedita, *sed ip-  
sa viverit*, manendo adhuc in radice et  
habitu caritatis : *subjacebit damno quan-  
tum expetierit maritus mulieris*, id est, jux-

Joann. x, 9.

1 Petr. iv,  
10.1 Cor. viii,  
12.



la sententiam Christi, vicariorumque ejus A hominis talis, quando ex illorum negligentia non contigit talis excessus. *Quod si bos cornupeta fuerit, nec reclusit dominus eum* : id est, si talis subditus jam ante visus est talia operari, et superiori suo constiterit hoc ipsum, nec tamen pro posse suo refrenaverit ipsum; vel, si dominus ejus, videlicet spiritus suus rationalis, motus suæ impetuositatis non repressit : culpa redundabit in eum.

*Matth. vii, 2.* *Si percusserit quispiam oculum servi sui aut ancillæ, et luscus eos fecerit, dimittet eos liberos* : id est, qui alios male instruxerit, et intellectum eorum perverterit, indignus est eis amplius præsidere, aut verbum doctrinæ proponere. Similiter *si dentem*, id est discretionis masticationem, abstulerit ipsis.

*Si bos cornu percusserit virum aut mulierem* : id est, si homo carnalis et bestialis sua elatione aut potestate induxerit quemquam ad culpam mortalem, damnationem incurreret : *et non comedentur carnes ejus*, id est, carnalia ejus desideria nemo sequetur. *Dominus quoque bovis innocens erit* : id est, culpa illa non imputabitur prælato aut principi vel parenti

*Si quis aperuerit cisternam*. Cisterna est profunda Scriptura divina, quæ aperitur, quando exponitur : veruntamen profundiora ejus mysteria incapacibus et indignis tegenda sunt, sicut præcipit Christus : *Nolite sanctum dare canibus, neque margaritas projiciatis ante porcos*. Qui igitur ita non egerit, sed bos aut asinus in cisternam corruerit, id est, carnalis, hebes aut aetuosus\*, audiendo secreta mysteria, fuerit periclitatus et errore submersus : culpabilis erit, et rationem pro illis reddere exigetur, qui eis divina secreta incaute proposuit, nisi interim veraciter poenitens, etiam pro illis Dei misericordiam implorare studuerit.

*Matth. vii, 6.* *\* aetiosus.*

## ARTICULUS XLIV

EXPLANATIO LITTERALIS CAPITULI VICESIMI SECUNDI : SI QUIS FURATUS FUERIT BOVEM VEL OVEM.

NUNC describuntur judicialia quædam D præcepta, in populari convictu dirigentia vitam humanam. *Si quis furatus fuerit bovem vel ovem proximi sui, et occiderit vel vendiderit quod furatus est* : *quinque boves pro uno bove restituet, et quatuor oves pro una ove*. Itaque intelligenda est lex ista, quando non solum tale jumentum furtim auferitur, sed etiam venditur sive occiditur, vel in prociectu fuit ut venderetur vel interficeretur. Si autem vivens inventum fuisset tale jumentum in

domo furis, non nisi duplum restituere tenebatur, ut paulo post in textu subjungitur. Circa præceptum istud multa occurrunt dicenda, quæ infra tangentur.

Porro Thomas in prima secundæ contra præceptum istud sic arguit : Pœna taxanda est secundum quantitatem culpæ, juxta illud Deuteronomii : Pro mensura peccati, erit et plagarum modus. Sed quibusdam æqualibus culpis lex inæquales statuit pœnas, videlicet pro uno bove furato reddere quinque boves, et pro una ove furata qua-

*Deut. xxv, 2.*

tuor oves. Ad hoc sanctus Doctor respon- A det : Non solum propter gravitatem culpæ, sed etiam propter alias causas gravis poena infligitur. Primo quidem infligitur propter quantitatem peccati, quia majori peccato, ceteris paribus, major poena debetur. Secundo, propter peccati consuetudinem, quia a peccatis consuetis homines non facili- ter abstrahuntur, nisi per graves poenas. Tercio, propter multam concupiscentiam et delectationem in peccato. Ab his enim homines non de facili retrahuntur, nisi per magnas poenas. Quarto, propter facilitatem B et pronitatem peccandi, et in peccato manendi. Hujusmodi namque peccata dum manifestantur, sunt magis punienda ad aliorum terrorem. Itaque in poena furti lex consideravit quod frequenter accidere poterat : ideo pro furto rerum, quæ custodiri facili- ter possunt a furibus, fur reddidit duplum. Oves autem non possunt facili- ter custodiri a furto, quia pascuntur in agris, propter quod contingit eas frequen- tius furto auferri : ideo circa eas lex auxit et duplicavit poenam furti, præcipiens pro C una quatuor reddi. Boves vero adhuc diffi- cilius præservantur a furto, quia non possunt pasci gregatim ut oves : ideo lex præcepit pro uno bove furato restitui quin- que boves.

Porro Glossa aliam tangit hujus præcep- ti causam : Bos, inquit, quinque habet utilitates, quoniam immolatur, pascit, lac- tat, arat, et corium ad diversos usus mi- nistrat : et ita per bovem designatur et vacca, quæ lac dat. Ovis vero quatuor ha- bet utilitates, quoniam immolatur, pascit D carnibus, lac et lanam tribuit. Sed huic cau- sæ objici posset, quod etiam pellis ovina ad multa exstat accommodata. Præterea ob- jici potest quod in Proverbiis Salomon ait de fure : Deprehensus reddet septuplum. Ergo pro uno bove aut ove tenebatur re-stituere septem. Ad hoc respondetur, quod judicialia legis præcepta ex rationabilibus occurrentibus causis poterant principis au-ctoritate gravari, et poterant eis aliqua ad- jici.

Prov. vi, 31.

*Si effringens fur domum, sive effodiens, fuerit inventus, et accepto cutnere mortuus fuerit, percussor non erit reus sanguinis.* Istud intelligitur de fure nocturno, quem si dominus domus, vel ejus domesticus in- venerit in ipsa confectione aut effossione domus, et interfecerit eum, non reputatur homicidii reus, quia timendum erat, quod venit non solum ad furandum, sed item ad occidendum. Quod autem istud de fure nocturno dicatur, innunt verba sequen- tia : *Quod si orto sole hoc fecerit*, id est, B furem ita deprehensum claro die occide- rit : *homicidium perpetravit, et ipse per- cussor furis, morietur* ut homicida, quia discernere potuit et satis perpendere, quod fur non venit nisi ad furandum, quin alin- de non esset suspectus.

Hanc expositionem redarguit quidam, quia etiam claro die quidam veniunt insi- diose ad occidendum, quemadmodum se- cundo Regum legitur de filiis Reehab, qui H Reg. iv, interfecerunt Isboseth. Ideo allegat Rabbi 6, 7. Salomonem, dicentem quod lex ista non solum intelligitur de fure nocturno, sed C et diurno, dummodo possit haberi quod venit ad occidendum. Unde quod dictum est, *Si autem orto sole hoc fecerit*, dicit metaphorice intelligendum, ut sit sensus : Si tam clarum est quam clara est dies, quod fur non venit ad occidendum, ut si sit amicus aut propinquus domini do- mus, et tamen occiderit eum, sanguinis reus erit. Sed prima expositio multo est aptior, quia et Augustinus eam inducit, et alia translatio habet sic : Si autem oriatur sol super eum, reus erit. Quo constat, quod ad litteram loquatur de sole. Augustinus quoque affirmat hoc, et in antiquis legibus sæcularibus, quibus tamen ista antiquior est, invenitur, nocturnum furem impune occidi. Insuper Rabbi Paulus circa hoc scribit : Longe videtur a sensu litterali, dicere verbum illud metaphorice debere intelligi, quoniam in judicialibus quæ tra- ctant de actibus humanis, non oportet me- taphorice loqui, sed plane. Unde et quidam Hebræorum intelligunt illud ad litteram

de fure nocturno, ut dictum est. Obiectio A quoque postillatoris, videlicet Lyræ, non prævalet : quoniam quod assumit, est de raro contingentibus. Lex autem loquitur de his quæ frequenter contingunt.

Præterea quæri potest, an nocturnum furem in tali casu occidens, fuerit aut sit apud Deum a culpa immunis. Videtur quod non, quum aliunde possit evadere. Item homo non potest sine peccato occidere alium, defendendo se ipsum, nisi observato moderamine inculpatae tutelæ. Propter quod asserit Thomas in secunda se- B cundæ, quæstione 64 : Non licet occidere alium causa defendendi propriam vitam, intendendo alterius occisionem, nisi publicam auctoritatem habenti, qui hoc refert ad bonum commune. Iterum homo tenetur plus diligere bonum animæ proximi sui, etiam inimici, quam proprium corpus, animaleque vitam : ergo non potest sine mortali culpa occidere proximum in mortali, pro conservatione suæ vitæ corporeæ. Ad istud quidam respon- dent, concedendo sic esse. Quod vero di- C citur, tale homicidium licitum esse, intel- ligunt eo modo quo dicitur, licere marito occidere adulterum, quem cum sua uxore invenit turpiter occupatum, quia videlicet humana jura non vindicant illud, eo quod maritus habeat maximum incitamentum ad occidendum talem adulterum.

*Si non habuerit quod pro furto reddat, ipse venundabitur.* Istud refertur ad id quod dictum est de furante et occidente seu vendente bovem aut ovem, ut pro uno bove restituat quinque, atque pro una ove D quatuor : quia si non habuerit facultatem hoc faciendi, fuit vendendus auctoritate judicium, et de pretio suæ venditionis erat restitutio facienda, quousque fieri quivit. *Si inventum fuerit apud eum quod furatus est, vivens*, id est nondum occisum nec venditum, *sive bos, sive ovis, sive asinus* : duplum restituet. Tunc namque pie præsumebatur, quod restituere cogitavit, et minus injuste tractavit non sua. Ecce hic exprimitur asinus, quum ante non fu-

erit mentio facta nisi de bove et ove. Ideo Josephus probabiliter dicit, præceptum illud esse intelligendum non solum de bo- bus et ovibus, sed de ceteris quoque ani- malibus domesticis utilibus, quæ pascuntur in agris, ut capra, asini et consimilia.

*Si luserit quispiam agrum vel vineam proximi sui*, id est, per se ipsum, aut per transitum seu pasturam jumentorum suo- rum, aut per sua vehicula seu quadrigas, vel simili modo intulerit damnum proximo suo in ejus agro aut vinea, vel simili re, puta in horto aut oliveto, *et dimise- rit jumentum suum ut depascatur aliena*, vel etiam non custodierit illud a tali pa- bulatione : *quidquid optimum habuerit in agro suo vel vinea, pro damni aestima- tione restituet*, id est, de optimis fructibus suis, eorumve pretiis faciet restitutionem, secundum justam judicium aestimationem. Quod si personaliter non habeat agrum aut vineam, aliunde providebitur de re- compensatione per ejus venditionem aut servitutem, vel alio modo. Recteque diei- C tur, de optimo, ut per hoc magis refrene- tur ab hujusmodi nocementis. *Si egressus ignis invenerit spicas, et comprehenderit acerros frugum, sive stantes segetes in agris*, id est, si aliquis ignem accenderit, et ignis ille se fundens, combusserit alio- rum fructus seu possessiones : *reddet dam- num qui ignem succenderit* : maxime si eum proposito ejus factum est damnum illud, imo tunc teneretur ad plus. Si autem egressus est ignis sine ejus proposito, ta- men ex negligentia sua, quoniam non ad- hibuit custodiam debitam, adhuc tenetur ad recompensationem : non autem si dili- gentiam debitam in custodiendo adhibuit, ut si ventus repente adveniens ignem dif- fundat. Hinc Absalom peccavit, segetes Joab succendendo : non autem Samson, comburendo per vulpes stantia blada Phi- listinorum, quoniam juste hoc fecit, tan- quam iudex Israeliticæ plebis.

Consequenter ponitur lex quædam de- positi : *Si quis commendaverit*, id est commiserit, *amico*, id est proximo, *pecu-*

II Reg. xiv, 30.

Judic. xv, 4, 5.



*niam vel vas in custodiam, per modum A* depositi, et idem de quacunque re simili ita commissa, *et ab eo qui suscepit illa ad custodiendum, furto ablata fuerint: si invenitur fur, duplum reddet deponenti: si latet fur, id est, ignoratur quis fuerit, dominus domus applicabitur ad deos, id est, is qui suscepit illa ad custodiendum, adducetur ad iudices, et jurabit quod non extenderit manum per se, neque per alium, in rem proximi sui ad perpetrandum fraudem, tam in bore, quam in usino et ove ac vestimento, id est, quod nihil horum ad proximum suum, scilicet deponentem, pertinentium fraudulentè tractaverit, neque abstulerit, et quidquid damnum inferre potest, id est, quod nihil furtive attigerit de his, quorum subtractio est damnosa domino rei; ad deos utriusque causa perveniet, id est, iudices judicabunt inter deponentem et custodem depositi, ita quod custos per suum juramentum evadet, nisi deponens, per testimonium sufficiens possit probare oppositum. Ideo subditur: et si illi, videlicet iudices, judicaverint, restituet custos depositi duplum proximo suo, utpote si probat per testes quod custos pejeravit, aut male tractavit deposita.*

*Si quis commendaverit proximo suo asinum, bovem, ovem, et omne jumentum ad custodiam, id est, si quis commiserit aliquod pecus seu pecorum gregem alteri, puta pastori, ad custodiendum atque pascendum ea pro mercede danda pastori, et mortuum fuerit, aut debilitatum, vel captum ab hostibus aliquod jumentum ita pastori commissum, nullusque hoc vide-* D *rit, id est, pastor pecorum probare per testes nequiverit pecus sic esse mortuum, aut sublatum ab hostibus; iusjurandum erit in medio, quod non extenderit manum in rem proximi sui, id est, pastor ille jurabit se non intulisse læsionem aut damnum pecori ejus, a quo illud suscepit ad custodiam; suscipietque dominus pecoris juramentum pastoris, credendo juranti, et illè jurans reddere non cogetur: quia non potuit occurrere aut resistere*

*morti, debilitatione pecorum, quæ ex naturali et inevitabili contigit causa, nec etiam valuit raptoribus pecoris prevalere. Quod si furto ablatum fuerit pecus, restituet damnum domino pecoris. Quum enim habeat mercedem a domino pecorum pro eorum custodia, tenetur eadem diligenter servare. Unde si furto auferantur, suspicio est, quod ex negligentia sua acciderit, et quamvis possit hoc absque sua negligentia evenire, tamen non statur sue iurationi, sicut iurationi depositarii qui gratis servavit, quia ad majorem diligentiam obligatur, eo quod mercedem pro sua custodia sortiatur. Si comestum a bestia, id est, si pecus devoratum sit a bestia, cui pastor resistere non valebat; proferat \* ad eum quod occisum est, id est, cadaver pecoris sic occisi, seu partem cadaveris nondum comestam portet ad dominum pecoris, et non restituet, hoc est, obligatus non erit restituere damnum illud; et si nihil remansit de cadavere devorato a bestia, poterat adducere homines qui vidissent, vel signum devorationis probare per adspersionem terræ ex cruore animalis vorati.*

*Qui a proximo suo quidquam horum mutuum postulaverit, id est, aliquod jumentum acceperit a proximo suo per modum mutui ad utendum illo jumento pro commodo suo, et debilitatum aut mortuum fuerit illud jumentum, domino non præsente, id est non præsente eo qui illud concessit; roganti reddere compelletur, id est satisfacere domino pro hujusmodi damno, quoniam utebatur animali illo pro propria utilitate. Quod si impræsentiæ dominus fuerit, id est, si dominus jumenti sic mutuati fuerit præsens in ejus debilitatione aut morte; non restituet damnum domino pecorum, qui illud taliter mutuavit pro commodo suo a domino illo, eo quod dominus adsit ad pecoris sui custodiam, nec viderit pecori suo læsionem nimiumve laborem imponi ab eo cui mutuavit jumentum; maxime si conductum venerat pro mercede operis sui, id est, si*

\* deferat

dominus illud alteri accommodavit sive A  
 commisit per locationem, quia tunc ipse  
 locans acquirit mercedem pro animali con-  
 ducto: propter quod is qui illud conduxit,  
 non ita vehementer tenetur ad animalis  
 custodiam, nec ad satisfaciendum pro de-  
 bilitato aut mortuo obligatur, nisi illud  
 evidenter lesisset, aut immoderate labora-  
 re fecisset, super qua re possit inquisitio  
 fieri. Denique de hac materia scribit Tho-  
 mas in prima secundæ. quæstione 105 :  
 Hæc est differentia inter mutuum et de-  
 positum, quoniam mutuum traditur in uti- B  
 litatem ejus cui creditur, sed depositum  
 traditur in utilitatem deponentis : ideo  
 arctabatur quis in aliquibus casibus magis  
 ad restituendum mutuum, quam deposi-  
 tum. Deinde plura scribit ibidem de ista  
 materia, quorum sensus jam introductus  
 est etiam plenius, quam ibidem.

*Si seduxerit quis virginem nondum de-*  
*sponsatam*, inducendo eam ad carnalem  
 copulam secum per verba, aut dona seu  
 promissa, sive per minas aut copulatri-  
 cem, vel per artes nefarias, *dormieritque C*  
*cum ea : dotabit eam dote conjugis, et ha-*  
*bebit eam uxorem*, nisi aliunde impedi-  
 mentum eveniat. Nam subditur : *Si pater*  
*virginis dare noluerit*, hoc est, si pater  
 puellæ quæ paulo ante fuerat virgo, non  
 voluerit eam dare deceptor et corruptori  
 filiæ suæ, propter improbitatem illius, vel  
 quoniam ipse ditior atque nobilior illo  
 est : *reddet pecuniam ipse deceptor, juxta*  
*modum dotis, quam virgines accipere con-*  
*sueverunt*, hoc est juxta mensuram pe-  
 cuniæ aut recompensæ, quæ danda est D  
 secundum legem pro virginis violatione.  
 Estque modus dotis illius, ut in Deute-  
 ronomio scribitur, pondus quinquaginta  
 siclorum argenti. *Maleficos non patieris*  
*vivere*. Tamen maleficos occidere, non spe-  
 ciat ad unumquemque, sed ad principem  
 terræ, seu publica auctoritate fungentem.  
 Malefici autem, secundum Glossam, vocan-  
 tur, qui præstigiis magicæ artis vel dia-  
 bolicis figmentis agunt, et qui magicis  
 artibus utuntur, de quibus dictum est an-

te, ubi est actum de maleficiis Pharaonis.  
 Et recte post legem istam de virgine vio-  
 lata, de maleficiis admiscetur, quia puellæ  
 per maleficia quædam decipi solent.

*Qui coierit cum jumento, morte moria-*  
*tur*, quum hoc sit nimis contra naturam.  
 Unde et alibi Dominus jubet jumentum  
 eum illo occidi, in detestationem tanti fa-  
 cinoris. *Qui immolat diis, occidetur, præ-*  
*terquam Domino soli* : hoc est, qui alieni  
 deorum aut idolorum exhibuerit latræ  
 cultum, soli Altissimo exhibendum, inter-  
 ficiatur. *Adrenam non contristabis, neque*  
*affliges eum*, nisi forte per suos excessus  
 id mereatur : alias singulariter pie tra-  
 ctandus est, quia non habet tot humana  
 solatia, sicut indigena. *Advenæ enim et*  
*ipsi fuistis in terra Ægypti*. Ideo in vobis  
 ipsis estis experti, quid animi sit advenis  
 dum male tractantur ; et quod vobis tunc  
 fieri optabatis, debetis nunc aliis facere.  
 Istud tamen non solum præcepit Deus per  
 Moysen his, qui ex Ægypto erant educti,  
 sed posteris quoque eorum, qui in patri-  
 bus suis in Ægypto fuerunt.

*Viduae et pupillo non nocebitis contra*  
*justitiam. Si laeseritis eos injuste verbo*  
*aut factis vel signis, vociferabuntur ad me*  
 contra vos conquerendo atque vindictam  
 optando; vel quoniam ipsa eorum vitiosa  
 oppressio est unum de quatuor peccatis  
 clamantibus ante Deum, juxta illud :

[orum,  
 Clamitat ante Deum vox sanguinis, et Sodom-  
 Vox oppressorum, merces detenta laborum.

*Et ego audiam clamorem eorum* : id est,  
 justum judicium eis faciendo, monstrabo  
 me eorum injuriam attendere : *et in-*  
*dignabitur furor meus contra vos percu-*  
*tiamque vos gladio*, id est, occidi vos fa-  
 ciam : *et erunt uxores vestrae viduae, et*  
*filiis vestris pupilli* : sieque punitio iniqui-  
 tatis patrum et maritorum, aliquo modo  
 redundabit in uxores et proles, in quantum  
 secundum corpus sunt aliquid virorum  
 et patrum. Per istud præceptum Dominus  
 jubet, ut miserabilibus, desolatis, impo-  
 tentibusque personis specialiter caritativi

Deut. xxii,  
 29.

Exod. vii,  
 11, 22; viii, 7.

Lev. xx, 15.



simus ac pii, non solum non injuriando, A sed etiam condolendo ac succurrendo. Quo etenim miserabiles existunt, eo inhumanius est eis injuriari, quum et afflicto non est danda afflictio. Specialiter quoque noxia est homini inordinata tristitia, quum et in Proverbiis dicatur: Sicut tinea vestimento, et vermis ligno, sic tristitia noceat cordi. Quum ergo peccatum in proximum tanto sit gravius, quanto majus nocumentum ei infligit, constat quod alium contristare sit valde enorme peccatum. De hac materia copiose possent auctoritates induci. Nam et in Deuteronomio legitur: Dominus facit judicium pupillo et viduæ, amatque peregrinum. Unde miranda est hæreticorum perversitas, qui Deum legis et Prophetarum, de quo scripta sunt ista, mentiti sunt naturaliter esse malum. Et quamvis quidam eorum concesserunt eum esse justum, non tamen bonum, quasi justitia non sit bonitas quædam ac virtus quæ habentem bonificat.

*Si pecuniam mutuam dederis populo meo pauperi qui habitat tecum*, id est, alicui indigenti concesseris pecuniam: quod utique faciendum est loco et tempore congruo: *non urgebis eum quasi exactor*, id est, non repetes concessa nimis cito et importune atque ferociter, præsertim indigentia illius durante: *nec usuris opprimes eum*, id est, non capies ab eo usuram. Per hæc verba insinuat, quod Judei debebant præcipue esse parati succurrere ac mutuare hominibus suæ legis ac nationis, et primo pauperioribus ac vicinioribus, deinde et aliis etiam gentilibus eum ipsis D pacifice conversantibus, præsertim conversis. Quod et nunc Christiani similiter facere debent, quum in Evangelio dicat Salvator: Mutuum date, nihil inde sperantes. Porro pro eo quod habet translatio nostra, *Nec usuris opprimes eum*, in Hebræo (secundum Lynam) habetur, *Nec morsum pones super eum*. Et per morsum designatur usura, quæ instar serpentis pungit egentem: imo quemadmodum morsus serpentis silenter mordentis, in

A principio non multum percipitur, postmodum vero causat inflationem, atque per totum corpus diffundit suum effectum; ita usuræ nocumentum in principio parum sentitur, sed paulatim ascendit, et magnum damnum infligit. *Si pignus a proximo tuo, puta Judæo, acceperis vestimentum ipsius, ante solis occasum reddas ei pignus illud*. Quod intelligendum est, si ille sit pauper, notabiliterque indigeat veste illa de nocte. Nam sequitur: *Ipsum enim vestimentum est solum quo operitur*, id est, quo B indiget se operire in nocte, *nec habet aliud in quo dormiat*. *Si clamaverit ad me conquerens contra te, quod tam inhumaniter gravas eum, non reddendo ei pignus illud ante solis occasum, exaudiam eum, quia misericors sum*. Verumtamen pignus illud fuit de mane rursus accipiendum ab illo, si in die poterat eo carere, ne oblivisceretur debiti sui.

*Diis*, id est sacerdotibus et iudicibus, *non detrahes*, id est, prohibeo tibi obloqui eis. Nam etsi detrahere cuicumque sit grave peccatum, præcipue tamen obloqui sacerdotibus atque iudicibus, qui tanquam vicarii Dei, et benefactores præcipui, sunt specialiter diligendi ac honorandi. Specialiter quoque nunc exprimuntur, quoniam ratione officii sui, quod est corripere et corrigere delinquentes, solent subditorum offensam incurrere: ideoque cavendum est subditis, ne ob suam castigationem indignentur adversus illos, et ne ex indignatione aut ira, ad detractionem, murmurationem, aut consimilia mala labantur, aut superiores suos temerarie judicent. *Et prin-* C *cipi populi tui non maledices*. Hoc specialiter accipi potest de summo pontifice et rege seu duce Israelitici populi. Nam et Paulus in Actibus applicat istud ad principem sacerdotum. Denique quod ait, *Diis non detrahes*, secundum Augustinum, intelligi potest etiam de Sanctis in cælo et angelis qui dii vocantur, atque de divinis hominibus qui in terra versantur. Unde et Apostolus loquitur: Nam etsi sunt I *qui dicantur dii, sive in cælo, sive in* 5.

Prov. xvi, 20.

Deut. x, 18.

Luc. vi, 35.

Act. xxi, 5.

1 Cor. viii,

terra, siquidem sunt dii multi, et domi- A ni multi.

*Decimas et primitias tuas non tardabis*  
*\* offerre reddere*\*, id est, decimas quas ex lege te-  
 neris offerre, atque primitiva fructuum  
 terræ, offer et persolve suo tempore in-  
 dilate ministris templi. Quod qualiter sit  
 intelligendum atque implendum, infra ela-  
 rius edocetur. *Primogenitum filiorum tuo-  
 rum dabis mihi*, id est, primum tempore  
 inter filios tuos offeres mihi, tanquam  
 specialiter pertinentem ad me, quia (ut  
 dictum est sæpe) ex quo percussit Domi- B  
 nus primogenitos Ægyptiorum, consecra-  
 vit sibi primogenitos Hebræorum. *De bo-  
 bus quoque et ovibus similiter facies*, id  
 est, primogenita eorum offeres mihi sicut  
 et hominum, quoniam Dominus non solum  
 hominum, sed et pecorum primogenita in  
 Ægypto occidit, ideo et pecorum pri-  
 mogenita sibi jussit offerri. Hinc quod de  
 bobus et ovibus nunc jubetur, de aliis quo-  
 que animalibus immolatiis est intelligen-  
 dum. *Septem diebus sit cum matre sua*, id  
 est, quodlibet tale primogenitum per sep- C  
 tem dies cum matre sua sit et alatur, ut  
 interim aliquantulum consolidetur in corpo-  
 re, et aptius fiat ad offerendum octava  
 die, sicut subjungitur : *die octava reddes  
 illum mihi*. Et congrue ait, *Reddes* : quo-  
 niam quicquid Deo offerimus, ab ipso prius  
 accepimus, prout primo libro Paralipome-

non David fatetur : Quæ de manu tua ac- 1 Par. xxix,  
 cepimus, dedimus tibi. 13.

*Viri sancti eritis mihi* : id est, hortor  
 ut in sanctitate mihi deserviat, seu meo  
 cultui sitis specialiter dedicati, ad bono-  
 rem nominis mei. *Carnem quæ a bestiis  
 fuerit prægustata, non comedetis* : hoc est,  
 nihil manducabitis de carnibus animalis a  
 quacumque bestia suffocati, lacerati, seu  
 partim comesti, seu quovis modo occisi, eo  
 quod caro talis sit ex hoc vilificata, seu  
 aliquo modo immunda effecta. Quod ta-  
 men ob mysticam rationem mandatum est,  
 quoniam cærimoniale fuit præceptum, vi-  
 delicet ad innuendum ac præfigurandum,  
 quod homines ab infernalibus bestiis, puta  
 dæmonibus ac vitiis, spiritualiter interem-  
 pti ac mortui, non sunt apti Christo ac  
 ejus corpori mystico incorporari, neque  
 ut tales possunt esse nutrimentales partes  
 electæ Ecclesiæ ; itemque, quod fideles non  
 debeant communicare mensæ dæmonio- 1 Cor. x, 21.  
 rum, ut scribit Apostolus, Glossaque tan-  
 git. *Sed projicietis canibus* tales carnes.  
 Judæi hoc loco per canes intelligunt gen-  
 tiles, et universos qui non sunt de lege  
 eorum : et dicunt quod poterant carnes  
 illas gentilibus vendere ad edendum : quos  
 si non reperissent, poterant cadavera sic  
 occisa projicere canibus. Loquitur autem  
 lex ista de carnibus, quibus Judæi alias  
 licite vesciebantur.

## ARTICULUS XLV

DE SPIRITUALI INTELLIGENTIA HUIUS VICESIMI SECUNDI CAPITULI.

**S***I quis furatus fuerit bovem vel ovem*, D  
 etc. Per bovem multipliciter utilem,  
 designatur fructuosus prælatus, qui agros  
 cordium gregis sibi commissi acutissimo  
 Dei verbo arat, penetrat, seminat, et fe-  
 cundat. Per ovem vero exprimitur bonus,  
 simplex, ac innocens subditus. Qui ergo  
 furatus fuerit bovem unum, id est, Christo  
 ac populo ejus subtraxerit unum virtuo-  
 sum pastorem, eum latenter fallendo, spi-  
 ritualiterque necando, seu ad vitia pertra-  
 hendo : restituat quinque boves pro uno  
 illo, id est, tam cordialiter et condigne  
 pœniteat, ut quantum in se est, cupiat et

Is. LXX, 25.

conetur quinque praelatos bonos, seu homines nondum in praelatione constitutos, Ecclesiae exhibere, et Christo adducere veros idoneosque praelatos. Sic et qui Christo unam subtraherit ovem, scandalizando unum pusillum seu innocentem et simplicem omni verbo credentem, tam intense super hoc doleat, ut orando, praedicando, exemplariterque vivendo, quatuor lupos convertere conetur in agnos, ita ut lupo et agnus pascantur simul. *Si effringens fur domum, sive effodiens, fuerit inventus*, etc. Fur domum effringens sive effodiens, est doctor perversus, iniquus praelatus, haeresiarcha nequissimus, qui gregem Christi conatur inficere, et subditos subvertere non veretur. Si ergo superior praesidens et praesul catholicus, talem per excommunicationis sententiam a mystico Christi corpore separaverit, mortuumque protulerit, non offendit Deum sic faciens, imo meretur. *Quod si orto jam sole hoc fecerit*, id est, postquam Christus sol sapientiae in corde illius furis splenduerit, ostendendo ei suum errorem atque ad poenitentiam eum alliciendo : *homicidium perpetravit*, quoniam et se ipsum tam graviter peccando laesit, et alios scandalizavit, eumque qui poenitendo justificatus est, vitiose condemnat.

*Si laeserit quispiam agrum vel vineam*. Per agrum et vineam intelligi potest non solum quaecumque Ecclesia, sed etiam uniuscujusque anima semine verbi coelestis sata, virtutumque fructibus decorata. Qui ergo alterius animam sive parochiam, aut alicujus praelati Ecclesiam laeserit peccando in proximos, scandalizandove plurimos, et bonum commune impediendo, *et dimiserit jumentum suum ut depascatur aliena*, id est, appetitum suum brutalem aut animale hominem sibi subditum permiserit alios conturbare, donaque gratiae in proximos dissipare ; *quidquid optimum habuerit in agro suo vel vinea, pro damni aestimatione restituet*, id est, propriis donis meritisque privatur, et superiores animae suae vires laedit. *Si egres-*

*sus ignis invenerit spleus* : id est, si quis per fervorem suae irae aut impatientiae irrefrenatae, aut per zelum indiscretum induxerit alios ad consimilia mala, ita quod spirituales fructus collectionesque meritorum et virtutum profectus in ipsis incendit atque destruxit : *reddet damnum*, quia obnoxius erit, aliorumque vitia ac detrimenta salutis redundabunt in ipsum, et quibus sic nocuit, prodesse tenetur. *Si quis commendaverit amico suo pecuniam*, etc. Hoc est, qui dona gratiae sibi concessa communicaverit aliis, instruendo, orando, atque ad meliora provocando, si illi dona spiritualia eis sic communicata amiserint, communicanti non poterit imputari, sed his qui aliis causa aut occasio peccandi extiterint.

*Si seduxerit quis virginem nondum desponsatam*. Virgo nondum desponsata, est anima naturalibus et acquisitis virtutibus integra, et instar aliorum nondum peccatis corrupta, quae quodammodo virgo potest vocari, nondum tamen per fidem et virtutes infusas conjuncta est Sponso coelesti. Hanc decipit, qui persuadet eidem naturalia ei sufficere ad salutem : et dormit eum ea, qui commiscetur ei in tali errore : ideo *dotabit eam*, quoniam facit eam putare, quod spiritualiter dives sit, nulliusque egeat. *Et habebit eam urorem*, producendo ex ea fructus et opera acquisitarum virtutum, dum eam hortatur ad talia tantum, non ad supernaturalium actus virtutum : si tamen pater virginis dare voluerit, id est, si Deus omnium pater et conditor permiserit animam talem in errore hujusmodi detineri. Si vero illuminaverit eam, faciet eam sui ipsius sponsam ac filiam per fidem et caritatem contemplationisque gratiam.

*Advenam non contristabis*, eum videlicet qui ad patriam tendit coelestem, vel eum qui extra Ecclesiam militantem peccando effectus est, et rursus per poenitentiam redit ad eam, qui pie est recipiendus. *Advenam enim et ipsi fuistis in terra Aegypti*. Advenae itaque eramus, quando in hoc



sæculo nequam, vitiis atque erroribus involuebamur; sed quando per gratiæ lucem ad Pœnitentiæ sacramentum redimus, rursus cives Ecclesiæ sumus effecti : ideo esse debemus aliis diversimode delapsis caritativi et compassivi, secundum quod desuper facta est nobis misericordia magna. *Vidua et pupillo non nocebitis*. Vidua est anima Sponsi cœlestis unione privata : pupillus vero, qui peccando desiit

esse filius adoptivus Patris æterni. Talibus ergo non noceamus injuste, sed prodesse nitamur, reducendo eos ad iter salutis. *Decimas et primitias tuas non tardabis reddere*. Ita et nos quidquid boni egerimus, quidquid principale aut magnum apparet, Deo cum omni humilitate et gratiarum actione promptissime adscribamus. Ceterorum tropologia ex præhabitis patet.

## ARTICULUS XLVI

EXPOSITIO CAPITULI VICESIMI TERTII : NON SUSCIPIAS VOCEM MENDACII.

**M**ULTA judicialia præcepta, quæ etiam ad moralia de propinquo pertinent, nunc introducuntur ad observandum justitiam inter homines. *Non suscipias vocem mendacii*, hoc est, verbis falsis non credas, nec acquiescas, præsertim dum tibi constiterit quod sint falsa. Et summe vitanda sunt mendacia perniciosissima. Quidam refert istud ad iudices, ita quod per verba ista præcipitur iudici, ne in foro judiciali audiat unam partem in alterius partis absentia : quia dum pars una auditur, absente alia, solet pars illa pro justificatione suæ causæ miscere multa mendacia. Sed contra hoc Rabbi Paulus scribit, quod inconveniens esse videtur hoc dicere, utpote divina lege esse prohibitum, quod iudex audiat unam partem, alia non præsentem. Nam quamvis sic audiat unam, non tamen credet, nisi audierit alteram. Deinde dicit in Hebræo haberi, Non feras auditum vanitatis : ut sit sensus, quod iudex non debet quemquam damnare aut refutare propter famam inanem aut falsam. Verum tamen aptius reor dictum prioris. Con-

venientius quippe est, ut ambæ partes in iudicio simul compareant, et si iudex seorsum quid audiat ab una parte contra aliam, non credat, nisi altera parte audita, nisi forte propter evidentiam facti. Unde et in Actibus fertur Apostolorum : Non est consuetudo Romanis aliquem condemnare, nisi is qui accusatur præsentem habeat accusatores, locumque accipiat defendendi ad abluenda crimina. *Nec jungas manum tuam*, id est, cum nullo societatem et patetum inibis, *ut pro impio dicas falsum testimonium*, hinc pro nullo faciendum est hoc : sed ideo ait, Pro impio, quoniam qui scienter cupit pro se falsum testimonium dici, eo ipso quo cupit hoc, impius est et peccat mortaliter. Tamen ut fertur, in Hebræo habetur. Cum impio : ut sit sensus, Non asseras nec promittas te falsa testificaturum enim aliquo alio vitioso volente hoc facere.

*Non sequaris turbam ad faciendum malum* : hoc est, non acquiescas multis quoniam multi sunt, ut ea ratione dicas, iudices, aut agas aliquid contra justitiam et virtutem : *nec in iudicio plurimorum acquiescas sententiæ*, id est, in iudicando non attendas ad multitudinem irrationabilem, *ut ob ejus tumultum et pluralitatem, a veritate devies*, hoc est, sententiam veritati contrariam proferas. Quidam enim se armant multitudine, non ratione : quibus non est consentiendum. Ideo peccavit

Act. xxv.  
16.

\* vero

Matth.  
xxviii, 24.

Pilatus, multitudini cedens, Christum judicando injuste, populo satisfacere volens. Verumtamen multitudini testium stare oportet, nisi oppositum queat probari, aut judex convenienter possit evadere prolationem sententiæ, si ei constet oppositum, ut infra magis tangetur. Circa hæc scribit Lyra: Aliter exponunt Judæi hunc passum, quoniam in Hebræo habetur, Non sequaris Rabbi. Hæc autem dictio, Rabbi, æquivoca est: quia interdum significat idem quod multos, sicque accipitur, quum dicitur, Non sequaris Rabbi ad faciendum malum, hoc est, propter majorem judicantium partem a vero judicio declinantem, non debet aliquis judicantium sequi eorum perversum judicium. Rabbi quoque significat magnos seu magistros, sicque accipitur, quum dicitur, Nec in judicio etc., et est sensus, ut nec propter eos qui majoris sunt auctoritatis in judicando, quisquam ceterorum judicantium a veritate recedat judicii: ideo inter sapientes Judæorum fuit statutum, ut qui minoris erant auctoritatis, primo inciperent proferre sententiam, ultimoque majores, ne minores timerent a majorum sententia declinare. Quem etiam modum tenent in Universitate Parisiensi in deliberationibus suis, incipiendo ab illis qui in magisterio sunt minores.

*Pauperis quoque non misereberis in judicio.* Semper pium est pauperibus miseri, sed in foro judiciali et contentioso non debet judex pauperi misereri in derogationem partis adversæ, neque in jacturam justitiæ. Verumtamen, ceteris paribus, quantum salva justitia fieri potest, debet judex esse pauperibus graciosus et consolatorius aspectu et verbis, ne timore potentiorum vel pusillanimitate, deficient a defensione et justa prosecutione propriæ causæ. Hinc sanctus Job recitat de se ipso: Quando procedebam ad portam civitatis, et in platea parabant cathedram mihi, auris audiens beatificabat me, eo quod liberassem pauperem vociferantem, et pupillum cui non erat adjutor. Quumque sederem

Job xxviii,  
7, 11, 12, 23.

A quasi rex circumstante exercitu, eram tamen merentium consolator. Sicque jubetur in Psalmo: Judicate egeno et pupillo; humilem et pauperem justifyate. Eripite pauperem, et egenum de manu peccatoris liberate.

Ps. cxxxv,  
13.

*Si occurreris bovi inimici tui, aut ari erranti, reduce ad eum.* Per hoc Dominus innuit, quod unus non debet contra alium ad invidiam concitari propter litem quam in foro justitiæ habent, nec ex rancore, sed zelo justitiæ unusquisque debet suam prosequi causam. Nam animalia domestica adversarii sui, quæ invenerit quis errantia, debet ad adversarium suum reducere: quod est opus pietatis et dilectionis. Unde et subditur: *Si videris asinum odientis te jacere sub onere, non pertransibis, asino sic relicto: sed sublevaris eum eo:* hoc est, onus simul et asinum levabis, et onus super asinum pones, eumque odienti reduces: quod et de quolibet animali onerato et lapso intelligi debet, si quis sine periculo possit ei succurrere. Denique, ut Rabbi Moyses ait, frequenter Deus præcepit Judæis facere misericordiam brutis, ut sic assuescerent sibi invicem atque hominibus esse misericordes; erant namque crudeles. Ex isto etiam trahitur, quod intentio legis non erat, ut Judæi inimicos suos absolute odirent, videlicet quantum ad naturam seu personam eorum. Nam jussit ut benefacerent eis, et damna eorum vitarent: quod etiam fuit inimicitiae extinctivum, atque amoris provocativum. Hinc Thomas in prima secundæ, quæstione 105, testatur: Lex instituit, ut quantum ad aliqua, usus rerum esset communis patriæ, etiam quantum ad eam. Præceptum enim est in Deuteronomio: Non videbis ovem et bovem fratris tui errantem, et præteribis, sed reduces fratri tuo. Et similiter de aliis. Et hoc idem nunc jubet. Ex quibus probatur, quod eum quem lex vocat in isto capitulo inimicum et odientem, Deuteronomium nominet fratrem: sicque per fratrem et proximum, intelligit tam amicum quam inimicum.

Deut. xxii,

1.

*Non declinabis in iudicio pauperis :* A quam contra innocentem sententiam ferre hoc est, causam pauperis iudicando, non recedas ab ordine juris et æquitatis, accipiendo personam divitis aut potentis, vel causam nimium protrahendo aut refutando, quemadmodum de iniquis principibus in Isaia habetur : Pupillo non iudicant, et causa viduæ non ingreditur ad eos. *Mendacium fugies :* ita ut nec proferas illud, nec foveas, imo pro posse prohibeas, præsertim omne perniciosum mendacium. Os enim quod mentitur, occidit animam. Quod etiam ad iudices potissime pertinet : quorum est, non solum falsa et injusta non committere, sed et in aliis ea punire ratione sui officii, et quia in solio sedent justitiæ.

*Insontem, id est innocentem, scilicet piū et simplicem, et iustum non occides :* quod potissime prohibetur iudicibus, ne scilicet tales condemnent, aut morti adjudicent. Iusti autem, qui zelo veritatis accensi, defendunt justitiam, et impietati aut falsitati resistunt, frequenter incurrunt offensam quorundam etiam superiorum ac iudicium, secundum quod dici solet, Veritas parit odium.

Circa hunc locum multa scribit Nicolaus de Lyra, quæ diligentius discutienda videntur. Siquidem per insontem intelligit eum, qui in veritate est innocens, quamvis convincatur per falsos testes. Et addit quod iudex non debet illum occidere, si innocentiam ejus sciat secrete, sed debet testes diligentius examinare, ut eorum falsitas deprehendatur. Quam si sic deprehendere nequit, debet iudicium ad superiorem remittere iudicem. Quem si habere non potest, dicit Thomas in secunda secunda, questione 64, quod in hoc casu iudex non peccat, ferendo sententiam contra eum, quia iudex non interficit illum, sed illi qui accusant. Deinde Lyra reprobatur, tamen modeste, responsionem hanc Thomæ, dicendo : Si iudex quantumcumque superior, invenire non potest viam liberandi innocentem a morte, debet prius dignitatem et officium iudicandi dimittere,

aliter peccatum non evaderet, ut videtur. Et istud probat auctoritate Augustini in libro de Libero arbitrio asserentis : Quomodo apud divinam providentiam a peccato sunt liberi, qui pro his rebus, quas oportet contemnere, humana eade polluti sunt ? quasi dicat, Nequaquam. Porro per res quas oportet contemnere, intelligit Augustinus omnia illa, quæ homo potest invitus amittere, inter quæ est vita corporalis. Potius ergo debet iudex mortem subire, quam innocentem occidere.

Circa hæc dico, quod responsio S. Thomæ in hac materia, vera est atque tenenda, et antiquis et solennibus doctoribus consona. Nempe, ut loco præallegato inducit Thomas, Ad iudicem pertinet iudicare, in quantum est publicus minister legum ac juris, et prout publica fungitur auctoritate : ideo secundum legem aut juris tenorem tenetur in iudicando procedere. Hoc autem est juris, ut secundum proposita et probata sit iudicans. Hinc quoque Alexander de Hales super tertium Sententiarum testatur, quod in tali casu iudex non occidit, sed lex, ideo non peccat. His concordat quod scribit Antisiodorensis in tertia parte Summæ suæ, dicendo : Si episcopus præcipiat sacerdoti, quod excommunicet aliquem, quem sacerdos scit innocentem, et scit quod episcopus ex odio iubeat hoc, an tenetur obedire sacerdos ? Dicimus quod antequam sacerdos excommunicet istum, debet episcopo intimare innocentiam ejus ; et si episcopus in proposito perseveret, sacerdos sine dubio obedire tenetur : aliter periret obedientia humana in ecclesiastica hierarchia. Sacerdotis namque non est cognoscere, an sententia superioris sui sit justa, an non : quia si posset cognoscere, hoc est dijudicare, posset semper dicere, Prius cognoscam, an sententia tua sit justa : sicque periret humana hierarchia, et humana obedientia. Idem dicendum est, si rex præcipiat præposito vel licitori occidere innocentem. Hæc Antisiodorensis. Porro auctoritas



Augustini prædictis non derogat. Verum A est enim, quod nequaquam sint liberi a peccato apud Altissimum, qui pro his rebus quas contemnere oportet, humana eade polluti sunt. Sed istud in casu proposito locum non habet, quia in casu illo non polluitur iudex eade humana: idcirco quod probandum est, petitur. Verumtamen si iudex zelo justitiæ mallet dignitatem atque officium resignare, quam innocentem damnare, laudabile esset; sed si superior resignationem non acceptet, obediendum est ei.

Quod si prædictis objiciatur, quia secundum ea videtur Pilatus Christum sine peccato damnassee ad mortem, quia tam *Matth.* multi testes, imo et principes sacerdotum *xxvii, 12, 20.* contra Christum testabantur; similiter viderentur excusandi qui Christum et sanctos martyres occiderunt ex præcepto superiorum suorum: respondetur, quod Pilatus sciens Christum ex invidia traditum, seque posse eum erueri, non remisit iudicium ejus ad superiorem. Ad aliud Thomas respondet: Minister iudicis iudici obedire C non debet, si ejus sententia intolerabilem includat errorem: alias excusarentur carnifices qui sanctos martyres occiderunt. Si autem non continet injustitiam manifestam, non peccat minister ejus sententiam exsequendo: quia non spectat ad eum, superioris sui discutere sententiam; et tunc ipse non occidit innocentem, sed iudex. Deus autem fidem martyrum tam evidenter probavit per sufficientia signa, quod persecutores et eorum ministri excusationem non habuerunt. Antisiodorensis D quoque affirmat, quod interfectores Christi ex fama operum Christi credere debuerunt, quod esset a Deo ac iustus. Quod si dicatur, dato igitur quod inter eos quidam fuissent qui inde nihil audissent, illi non peccassent: respondet hic doctor, quod casus sit impossibilis, quoniam Christus non permisisset tales sibi injicere manus.

Præterea per justum, Lyra intelligit eum, qui justus videtur in oculis hominum, quamvis forsitan sit reus mortis apud Deum,

et talem non debet iudex occidere. Ad quod dico, quod quamvis non debeat illum occidere, prætermisso ordine juris, tamen si novit secrete impietatem ipsius, potest se ex illa juvare notitia ad procurandum ordinate mortem ipsius per poenas, præsertim si ille iniquus adversetur bono communi. Allegat etiam Lyra Rabbi Salomonem, dicentem: Si is qui justus putatur, sed reus est, exit de domo iudicii, tanquam innocens a crimine sibi imposito, et apparuit aliquis qui velit eum probare reum, non

B est audiendus adversus illum; nam quamvis ille evadat hominum manus, tamen in Dei manu permanet puniendus. Circa hoc dico, quod in hujusmodi casu, si evasio rei talis, sit bono reipublicæ periculosa, et iudex probabiliter aut certitudinaliter sciat quod dignus sit morte, debet audire occurrentem accusatorem: nec valet ratio ad oppositum assignata, quia eadem ratione quilibet reus esset dimittendus, quoniam quantumcumque hominum manus evadat, tamen Omnipotentis nequit evadere manum.

Itaque insontem et justum non occides, nec permittes occidi, si convenienter poteris impedire: *quia aversor impium*, hoc est, impie judicantem abominor.

*Nec accipies munera, quæ exerceant etiam prudentes, et subvertunt verba iustorum.* Per istud non prohibentur universaliter datio atque acceptio munerum, quum dicat Salvator: Date, et dabitur vobis. Et Paulus in suis epistolis munera sibi a suis discipulis missa latetur. Salomon quoque in Proverbiis testatur: Munus absconditum exstinguit iras, et donum in sinu indignationem maximam. Sed iudicibus ista dicuntur, ne ab habentibus causas, accipiant munera ad hoc data, seu ea intentione, ut pervertant iudicium, quod esset mortale peccatum: sicque verbum hoc est præceptum. Si autem iudici præbeantur munera, absque aliqua pactione, tam explicita quam implicita, nec ipse accipiat ea intentione perversa, adhuc non tutum est quod accipit ea, propter causam in lit-

*Luc. vi, 38.*

*Prov. xxi, 14.*

tera tactam : non tamen videtur esse mortale peccatum : sicque verbum istud exstat consilium. Et sicut istud prohibetur seu dissuadetur iudicibus, ita et testibus : quoniam munera excaveant prudentes, id est, ad mentis excecationem inducunt eos, qui ante prudentes fuerunt. Siquidem ex munerum acceptione inclinatur affectus ad inordinatum amorem, tam dantis quam muneris, et emollitur contra rigorem iustitiæ, et invite offendit donantem, assuescitque plura appetere munera, atque eorum amore iudicare perverse. Sic quoque munera subvertunt verba eorum qui ante iusti fuerunt, qui amore munerum corumpuntur, ita quod contra veritatem et iustitiam iudicant, et fovent causas injustas. Hinc in Isaia habetur : Principes tui infideles, omnes diligunt munera, sequuntur retributionem. Econtra, iustus iudex sanctus Samuel primo Regum ait : Si de manu cuiusquam munus accepi. De quo et Ecclesiasticus asserit : Pecunias et usque ad calcamenta ab omni carne non acceperit, et non accusavit illum homo. Sic et Paulus contestatur : Argentum et aurum aut vestem nullius concupivi. Hæc documenta et exempla, sunt iudicibus testibusque pensanda ac imitanda.

Quidam exponit hæc sic : Non accipies munera etiam pro vero iudicio, quoniam iudex non debet iustitiam vendere. Si enim iudex est inferior, debet esse contentus stipendiis sibi datis a superiore. Si vero sit superior, scilicet princeps terræ, debet esse contentus suis redditibus, qui sunt stipendia sibi concessa a communitate pro observatione iustitiæ. De hoc loquitur Thomas in secunda secundæ, questione 71 : Secundum Augustinum, iudex non debet vendere iustum iudicium, nec testis testimonium verum. Advocatus tamen potest vendere patrocinium suum. Nam quamvis scientia juris sit bonum spirituale, attamen usus ejus fit opere corporali. Iudex autem et testes sunt personæ utrique parti communes : ideo iudicibus sunt de publico stipendia laboris statuta ; testes au-

tem accipiunt stipendium sui laboris, non pretium attestatæ veritatis.

Postremo verbum istud, Ne accipias munera, secundum Glossam, sumendum est de triplici munere utpote munere manus, munere lingue, et munere obsequii, juxta illud in Isaia : Qui exivit manus suas ab omni munere. Qui vero pro muneribus pervertunt iudicium, aut testimonium proferunt falsum, sequuntur Judam proditorem, negotiatorem miserrimum, qui Christum pro triginta denariis vendidit.

Is. xxxiii, 15.

Matth. xxvi, 15.

*Peregrino molestus non eris* contra iustitiam, eadem ratione qua nec advenæ, viduæ, aut pupillo, ut in præcedentis articuli et capituli expositione deductum est. Si autem referatur istud ad iudices, sensus est, quod iudex non debet permittere, ut peregrini injuste retardentur a suo itinere, vel quod eis fiat injuria, aut quod carius ipsis vendatur. Et si habuerint causam propter injuriam eis factam, debet iudex causam eorum quantum potest celeriter expedire, ne eis in terra aliena super afflictionem addatur afflictio. *Scitis enim advenarum animas*, hoc est peregrinorum dispositionem interiorem, quia faciliter contristantur, quia et ipsi peregrini fuistis in terra Ægypti : ideo experientia vestra docere vos potest. Circa hæc scribit quidam : Peregrinus hic dicitur, transiens per terram alienam. Quod videtur non sufficienter prolatum. Quum enim dixisset, Peregrino molestus non eris, pro causa adjecit, Scitis enim advenarum animas. Quo constat, quod peregrinus nunc appellatur, non solum qui per alienam graditur terram, sed item qui in aliena terra moratur, præsertim quia subjungitur, Quia et ipsi peregrini fuistis in terra Ægypti : in qua certum est eos, quibus ista locutus est Moyses, diu in Ægypto mansisse.

*Sex annis seminabis terram tuam propria manu, sive per alterum, et congregabis fruges ejus tempore messis in horrea. Anno autem septimo dimittes eam, et requiescere facies, ut comedant pauperes populi tui, et quidquid reliquum fuerit,*

Is. i, 23.

1 Reg. xii, 3.

Eccli. xlvii, 22.

Act. xx, 33.



*comedent bestiae agri. Ita facies in vinea A et in oliveto tuo.* Beatus Augustinus circa hæc querit, quid pauperes Judaici populi comedebant ex frugibus terræ ditiorum septimo anno, si terra ipsa anno septimo non seminabatur, quia de terra non seminata nil poterat accipi, in qua segetes nasci non poterant. Hinc Augustinus sensit, quod terra etiam septimo anno seminabatur, sed quæ nascebantur, non colligebantur a dominis ipsorum agrorum, imo pauperibus colligenda et edenda dimittebantur. Ideo dictum est, Septimo anno dimittes eam, id est quæ nascuntur in ea, et requiescere facies quantum ad hoc, quod nihil deponas aut tollas de ea. Hunc sensum sequitur Glossa, quæ dicit super illud, Septimo anno dimittes eam, id est, seminabis, sed non colliges. Porro Hebraei ac Josephus dicunt, quod septimo anno, qui fuit annus requietionis, non licuit seminare, et quod ea quæ sponte nascebantur, dimittebantur pauperibus, atque quod illis superfuit, dimittebatur bestiis campi. His consentit Magister in historiis, dicens : Si quid in septimo anno ex præteritis frugibus suereverit, comedent pauperes populi, etc. <sup>Ler. xxv, 25.</sup> His favere videtur illud Levitici : Quando ingressi fueritis terram quam ego dabo vobis, sabbatizetur sabbatum Domino. Sex annis seres agrum tuum, et sex annis putabis vineam tuam ; septimo anno sabbatum erit terræ Domino. Agrum non seres, et vineam non putabis : quæ sponte gignit humus, non metes. Huic quoque sensui consentit Andreas. Augustinus vero et cum sequentes, exponunt sic : Septimo anno non seres, videlicet tibi. Similiter facies in vinea et oliveto, ut scilicet septimo anno non putentur neque colantur, nec fructus eorum domino vineæ et oliveti approprientur, sed pauperibus dimittantur aut communicentur. Per bestias vero agri, tam domestica quam silvestria bruta intelliguntur. Refert Josephus, quod quando Judæi istud servabant, fruges sexti anni abundabant tam copiose, quod sufficiebant pro sustentatione anni septimi et octavi.

T. 2.

*Seu diebus operaberis, septimo die cessabis.* Istud præceptum præ ceteris frequenter repetitur : cuius sensus, repetitionisque ratio, in expositione capituli vicesimi, alibi quoque hinc inde præhabiti sunt. Tamen quod dicitur hic, *ut requiescat bos et asinus tuus, ut refrigeretur filius ancillæ tuæ et advena :* non est principalis causa hujus præcepti, celebrationisque sabbati, sed secundaria, accessoria et annexa.

*Omnia quæ dixi vobis, custodite in memoria et effectu,* quia non sufficit inum sine alio custodire tempore opportuno. *Et per nomina externorum deorum,* id est per falsos deos seu idola, *non jurabitis, neque annectur ex ore vestro tale juramentum* sen verbum, per quod directe inducatis alios ad jurandum per externos deos. Jurare namque est infallibilem veritatem omnia intuentem, videlicet Deum, in testem assumere. Ideo per falsos deos jurare, est eis adscribere et reverentiam exhibere, quæ Deo vero debentur. Imo sicut jurare inaniter est contra præceptum divinum, ita ordinate jurare cadit sub præcepto, et actus est patriæ : ideo soli Deo vero est impendendus, ita ut per eum ad ejus reverentiam fiat. Qualiter autem liceat ab idololatriis sumere juramentum per falsos deos et idola, docet Augustinus ad Publicolan scribens, et Thomas in secunda secundæ, quæstione 98, plenius hoc exponit. Sic equidem licet hoc, sicut licet ab usurariis pecuniam sub usura accipere. Nam unus potest malo alterius uti in bonum, quemadmodum etiam Deus ex malis hominum elicit multa bona : sed non licet idololatrias ad tale inducere juramentum.

*Tribus vicibus per singulos annos mihi festa celebrabitis,* id est, quolibet anno celebriter agelis tres sollemnitates notabiles, unamquamque tempore suo, ad majestatis meæ gloriam et honorem. De quarum sollemnitatum prima subjungitur : *Sollemnitatem Azymorum custodias,* id est, præcipio tibi ut omni anno servetis festum paschale, in quo azymis panibus vesci debetis. Unde subjungitur : *Septem diebus*

3

*comedes azyma, sicut præcepi tibi, tempore mensis novorum, videlicet in Aprili, seu (ut alii dicunt) in Martio, prout in expositione capituli duodecimi est tractatum; quando egressi estis\* de Ægypto: de qua exierunt quintodecimo die mensis illius qui vocatur mensis novorum: quia (ut ait Glossa) tunc colligebant messes, et eas igni torrentes ac manibus confricantes, offerebant de fructibus novis primitias Domino; de quibus parum imponebatur sacrificio, reliquum erat sacerdotis: quo facto, unicuique licuit metere. Hinc alii dicunt, quod vocatur mensis novorum, quia in crastino quintadecimæ diei fiebat oblatio de novis fructibus primo maturesecentibus, ut si quis in agro aut horto suo conspiceret spicas aut fenus maturescientes, debuit eas colligere, atque in festo paschali ad templum deferre. Hinc sequitur: *Non apparebis in conspectu meo vacuus*, id est, in templo seu tabernaculo aut sacrificii loco non presentabis te absque debita oblatione opportuno tempore facienda. Spiritualiter vero nullibi coram Dei præsentia apparere debemus, corde a virtutibus bonisque actibus vacuo: sacrificiumque laudis, orationem devotam, debitam subjectionem ac servitutem Deo ubique offerre nos congruit.*

*Et solennitatem mensis primitivorum operis tui*, id est, celebritatem Pentecostes explebis, quæ fiebat quinquagesimo die post Pascha: appellaturque solennitas Primitivorum, quia in mense quo venit, puta in Junio, secundum Glossam, offerebant panes Domino de frugibus illius temporis tunc maturis, qui dicebantur panes primitiarum; *quæcumque severis\* in agro*, id est, solennitatem istam Primitivorum seu primorum, præcipuorumve fructuum, granorum seu seminum, quæcumque in tuis seminaveris agris.

Deinde de observatione tertiæ solennitatis adjicitur: *Solennitatem quoque in exitu anni*, id est festum quod venit in Septembri, qui est septimus mensis apud nos, sed primus mensis anni apud Hebræos,

A quantum ad temporis deorsum, secundum unam opinionem, quamvis Aprilis seu Martius primus sit quoad festa: sicque festivitas veniens in Septembri, fuit in exitu anni, id est statim seu primo mense post finem et exitum anni præcedentis. Per hanc autem solennitatem, intelligi potest festum Seenopægiæ, id est Tabernaculorum, quod duravit septem diebus, et quintodecimo die Septembris incepit, in commemorationem beneficii Dei, quo eos per aridam ac sterilem terram deserti deduxit ad terram lacte et melle manantem. Ideo in festo hoc attulerunt ac habuerunt virides ramos, seu lignum densarum frondium, spatulasque palmarum, et salices de torrente, fructum quoque pulcherrimæ arboris, ut infra magis describitur. Et quia in tempore hujus festi erant fructus terræ collecti atque repositi, subjungitur: *quando congregaveris omnes fruges tuas de agro.*

Veruntamen in veteri lege erant plures solennitates, quam istæ tres, ut infra patebit, et Thomas in prima secunda, quæstione 102, pulchre declarat, ac suis locis dicitur: sed de his tribus, quasi præcipuis, modo fit mentio. Quid autem per festum paschale spiritualiter designetur, in expositione capituli duodecimi dictum est. Per solennitatem vero Pentecostes, præfiguratus est descensus Spiritus Sancti in Apostolos, atque in primitivam Ecclesiam Christi. Per festum demum Tabernaculorum, peregrinatio electorum in sæculo isto.

*Ter in anno apparebit omne masculinum tuum coram Domino Deo tuo*: id est, in tribus præfatis solennitatibus, scilicet in Pascha, Pentecoste, et Seenopægia, universi mares Israelitici seminis venient ad locum cultus divini, seu templi vel tabernaculi, ut ibi representent se Deo, et ejus servos se esse recognoscant, nec obliviscantur beneficiorum ipsius, neque ad idololatriam paulatim labantur. Potissimum autem apparere tenebantur in festo Paschæ. Cum habitantibus vero multum remote a loco electo seu templo (qui locus fuit Jerusa-

\* egressus  
es

Exod. xiii,  
4.

\* semina-  
veris.

tem, templo ibi constructo) dispensabatur, quantum ad apparendum ibi in Pentecoste et Scenopegia. Sed quare non fuit præceptum hoc idem de feminis? Respondetur, quoniam feminas decet magis domi manere, quiescere et latere, quam multum discurrere. Item, quoniam masculinus sexus principalior est, regitque feminas: ideo viris in Dei cultu manentibus, non fuit grande periculum de idololatria mulierum. Interdum tamen feminae comitabantur viros ex devotione, sed ibant seorsum, ut dici solet super illud in Luca: Ibant

Luc. II, 41.

*Non immolabis super fermento*, id est, pane fermentato existente in domo tua, non offeres sanguinem victimæ tuæ: id est, agnum paschalem tunc non occides, qui fuit præcipuum sacrificium legis. Ille itaque agnus non poterat immolari, nisi prius fuisset omne fermentum a domo immolantis remotum, quemadmodum in expositione capituli duodecimi habitum est diffuse. Per quod spiritualiter designatur, quod opera virtuosa debemus Deo offerre, imo et nos ipsos ei sacrificare in puritate sine admixtione malitiæ atque nequitiae. *Non remanebit adeps solennitatis meæ usque mane*, id est, adeps animalium quæ mihi in solennitatibus offeruntur, non reservabitur usque ad diem sequentem. Poterat autem cremari circa noctem, aut in nocte super altare. Per quod designatur, quod devotionis pinguedo seu spiritualis intelligentia, sit virtutum operibus protinus conjungenda, et non separanda ab eis. *Primitias frugum terræ tuæ deferres in domum Domini Dei tui*, id est, in templo offeres Deo ad recognoscendum quod omnia sint ab eo. Istud præceptum præhabuit est. Per quod significatur, quod et præcipua bona, operumque bonorum exordia, Deo et gratiæ ejus sint adscribenda: et rursus, quod extra catholicam Ecclesiam non sit sacrificiorum spirituum locus, quia non placet quis Deo, nisi in ecclesiastica permaneat unitate. Mate-

Exod. XII, 15.

rialis quoque ecclesia præcipuus locus est, in quo Deo est serviendum.

*Non coques hædum in lacte matris suæ*. Contra hoc sic argui potest: Non nocet animali occiso, qualiter carnes ejus coquantur, inaniter ergo istud præcipitur. Ad hoc Thomas in prima secundæ, questione 102, respondet: Quamvis hædus occisus non sentiat, qualiter carnes ejus coquantur, tamen in animo decoquentis ad crudelitatem quamdam pertinere videtur, si lac matris suæ quod ei datum fuit pro sua sustentatione, adhibeatur ad consumptionem carnis suæ. Vel dici potest, quod Dominus istud prohibuit populo suo, ne assimilaretur idololatriis, qui in solennitatibus suis carnes hædi ita coquebant ad immolandum sive ad comedendum. Porro Augustinus circa hæc multa scribit, intendens quod ad litteram non habeat convenientiam hoc præceptum. Ideo refert ad Christum, qui propter similitudinem carnis peccati, vocatur hædus: sieque per verba hæc prophetabatur, quod Christus non fuit ab Herode interficiendus in lacte matris suæ, id est in sua infantia: vel fuit præceptum, ne a Judæis occideretur in lacte matris suæ, id est in die quo fuit conceptus. Quod tamen Judæi transgressi sunt, quia eodem die fuit crucifixus, quo et conceptus. Porro dies conceptionis vocatur lac matris, quia extunc in matre paratur materia lactis. Spiritualiter hædus, id est peccator, non est coquendus in lacte matris, id est, blanditiis non est fovendus, sed acriter castigandus, si fuerit immansivus.

Rom. VIII, 3.

Josephus demum exponit sic: Non coques, etc., id est, non comedes hædum infra octavum diem, quia adhuc parum differt a lacte ob teneritudinem suam. Rabbi Moyses vero rationabiliter asserit, quod per istud præceptum et consimilia, lex intendit Judæos ad pietatem allicere: ideo ad bruta præcepit eos pios existere, ut circa homines benigniores existerent: erant enim crudeles. Denique Andreas ait, istud præceptum, de aliorum quoque



animalium, quæ lacte nutriuntur, carnibus esse intelligendum : non autem de carnibus avium, quoniam non aluntur lacte, sed de materia ovi. Sicque quod prohibetur de lacte matris, intelligendum esset de communi lacte. Huic dicto Andreae concordat quod Magister in historiis dicit : Hebraeus habet, Non coques separatim in lacte matris suæ. Et est sensus, Non coques separatim a carne parentum, id est, quod per carnalem generationem conceptum et natum est, non comedes coctum cum lacte, vel cum aliquo lacteo, utpote caseo aut butyro. Quod dictum est propter aves, quæ non de carne, sed de ovis educuntur, quas in lacte coctas vel cum lacte edunt Hebræi. Nec ideo de lacte matris prohibitum dicunt, quod in alio lacte eas liceat coquere : sed quia lac illud paratius posset inveniri cum animali, propter hoc prohibuit de omni lacte. Postremo quidam intelligunt istud dictum esse de his quæ Domino offeruntur, quasi dicatur : Non offeras hædum vel agnum infra octavum diem, quoniam nondum comestibilis exstat, parumque differt a lacte matris.

Consequenter post legis expressionem hortatur Dominus populum ad ejus observationem per divina promissa, et in persona Moysis alloquitur populum, quatenus Moyses verba illa sic repetat plebi : *Ecce ego mittam angelum meum qui præcedat te, et custodiat in via, et introducat in locum quem præparavi tibi : videlicet in terram promissionis, quam vobis dare disposui. Potest autem hic passus dupliciter explanari. Primo, per angelum intelligendo ipsum Josue ministrum Moysis, qui*

*Josue i, 2-6.*

Moysæ defuncto factus est dux populi, introduxitque eum in terram promissam. Qui Josue angelus appellatur ratione officii, quoniam a Deo missus est filiis Israel ad annuntiandum eis Dei eloquia et præcepta : qui et instar angelorum Deo in omnibus obediit, ut in Josue libro legitur : Non præterit de universis mandatis ne unum quidem verbum, quod Dominus jusserrat Moysi. *Observe eum, et audi vo-*

*Ibid. xi, 15.*

*cem ejus, id est, tu, popule Israel, attende et sequere ipsum Josue, et ei obtempera : nec contemnendum putes, quia non fuit de tribu Ruben primogeniti Jacob, nec de tribu Juda, sed fuit minister Moysis : quia non dimittet quum peccaveris. Hoc patuit in Achan, quem pro suo scelere lapidari præcepit, et omnia ejus combussit, ut legitur in libro Josue. Et est nomen meum in illo. Per nomen Dei, in Scripturis intelligitur ipsemet Deus, juxta illud : Sit nomen Domini benedictum. Est itaque sensus : Ego ipse in ipso sum sicut in meo vicario, et sicut dominus et rex est in suo præcone ac nuntio. Iterum, quoniam Josue interpretatur salvator, et dictus est Jesus : quod nomen competit proprie ac naturaliter Deo, de quo scriptum est : Exsultabo in Deo Jesu meo. Qui et in Osee protestatur : Salvator non est præter me. Hinc nomen Dei fuit in Josue. Quod si audieris vocem ejus, et, pro id est, feceris omnia quæ loquor ei, id est, quæ tibi per eum ac Moysen jubeo : inimicus ero inimicis tuis, videlicet Chananæis, ceterisque adversariis tuis injustis, et affligam affligentes te, id est eos qui tibi resistere præsumpserint. Hanc expositionem sequuntur Glossa ac Rabanus, pluresque alii.*

*Josue vii, 25.*

*Ps. cxii, 2.*

*Habac. iii, 18.*

*Osee xiii, 4.*

Secundo exponuntur ista de angelo, qui per columnam nubis et ignis filios Israel antecessit, viam monstravit, protexit, qui per Moysen loquebatur ad populum. Et fuit nomen Dei in angelo illo, juxta sensum prædictum, induxitque filios Israel in terram promissionis, juxta illud Judicum : Ascendit angelus Domini de Galgalis ad locum Flentium, et ait : Eduxi vos de Egypto, et introduxi vos in terram, pro qua juravi patribus vestris. Et non dimittet quum peccaveris : quia conformatus est divinæ justitiæ, nec ab ea nunquam exorbitabit, ac juxta Dei imperium exercebit ultionem in transgressores. Nuntius quoque non habet dimittere injuriam domini sui, nisi in quantum sibi a domino suo committitur. Ista expositio litteralior esse videtur, quoniam Moyses audiendo hæc verba a Do-

*Judic. ii, 1.*



mino, intellexit sensum eorum, et tamen non intellexit ea dici de Josue : imo adhuc putavit se introducturum filios Israel in terram promissionis, quousque quum peccasset ad aquas Contradictionis, audivit oppositum.

*Præcedetque te angelus meus, et introducet te ad Amorrhæum, et Hethæum, et Pherezæum, Chananeumque et Hevæum, et Jebusæum, quos ego conteram. Non adorabis deos eorum, cultum latriæ exhibendo falsis diis aut idolis, neque coles eos per orationes et sacrificia : non facies opera eorum, videlicet Chananeorum seu deorum ipsorum, id est opera placita diis hujusmodi, sed destrues eos, et confringes statuas eorum. Servietisque Domino Deo vestro, ei soli cultum latriæ jugiter exhibendo : qui licet sit omnium Deus jure creationis et gubernationis, est tamen specialiter vester Deus per modum frequenter expressum : ut benedicam panibus tuis et aquis, id est sustentaculis vitæ tuæ, seneseis et potibus, quæ per panem et aquam communiter designantur, et auferam infirmitatem de medio tui, id est, corporalem sanitatem tibi præstabo. Non erit infecunda nec sterilis terra tua, vel ut alii habent, in terra, id est, fecunditatem terræ nascentium et hominum ac jumentorum conferam tibi. Numerum dierum tuorum implebo, id est, vitam diuturnam tibi concedam.*

Porro (ut tactum est sæpe) ista non sunt intelligenda, quasi hæc temporalia bona promissa, sint principale atque sufficiens meritum servitutis ac obedientiæ Deo exhibitæ : sed rudi populo ita loentus est Dominus, quatenus per temporalia ad spiritualium ac divinorum allicerentur amorem, et ad Dei obsequium. Ideirco per temporalia ista, intelligenda sunt spiritualia bona infra tangenda. Nec intelligenda sunt præinducta, quasi justis viris ac feminis Israeliticis nunquam acciderint defectus cibi et potus, infirmitas corporis, sterilitas terræ, infecunditas ventris, brevitatis vitæ : constat enim oppositum in David, Elia,

A Jeremia, Machabæis, multisque aliis, de quibus et Elias conquestus est Domino : Prophetas tuos occiderunt : sed quia communiter præfatæ temporales prosperitates dabantur cultoribus Dei, quamvis interdum ex speciali causa, divina providentia aliter ordinavit.

*Terrorem meum mittam in præcursum tuum : id est, per mirabilia quæ facturus sum, ineuntiam grandem formidinem cordibus Chananeorum, ita quod ex tuo adventu prosternentur timore, juxta illud Josue : B Erunt in nos terror vester, et elanguerunt omnes habitatores terræ : et occidam omnem populum ad quem ingredieris, id est quosdam, imo et valde multos de omnibus populis Chananeorum. Veruntamen multi eorum manserunt superstites, propter causas diversas, quæ in expositione librorum Josue ac Judicum sunt tangendæ. Cunctorumque inimicorum tuorum coram te terga vertam, emittens crabrones prius, qui fugabunt Hevæum et Chananeum et Hethæum antequam introcas. Septuaginta C transtulerunt. Emittere vespam ante te. Unde in libro Sapientiæ legitur : Misisti antecessores exercitus tui vespas. Crabro autem est musca de putrefacto cadavere nascens. Istud ergo quidam ad litteram factum dicunt, ita quod multitudo talium muscarum ac vermium sic molestaverunt præfatas gentes, videlicet multos ex eis, quod fugerunt a terra sua ante Judæorum ingressum. Alii per crabrones intelligunt timores et anxietates, quæ instar crabronum pungebant et affligebant gentes prædictas, ita quod multi ex eis fugerunt.*

*Non ejiciam eos a facie tua anno uno. Unde in Josue libro scriptum est : Multo tempore pugnavit Josue contra reges istos. Ne terra in solitudinem redigatur. Quo constat, quod terra filiis Israel promissa, fuit valde magna et lata, ita quod non obstante quod filiorum Israel erant plusquam sexcenta millia virorum, terra illa fuisset pro magna parte in solitudinem redaeta, nisi filii Israel fuissent plus multiplicati ad replendum eandem interim*

III Reg.  
xix, 10.

Josue II, 9.

Sap. xii, 8.

Josue xi, 18.

quod adversarii ejiciebantur ex ea. *Et cre-* A  
*scant contra te bestiae*, id est, feræ indomi-  
tæ multiplicentur in ea, quæ fiant nocivæ.  
Ideo subditur : *Paulatim expellam eos de*  
*conspetu tuo, donec augetur numero ac*  
*robore, et possideas terram.* Nec ista intel-  
ligenda sunt quasi Deus non potuerit be-  
stiarum illarum multiplicationem ac ra-  
biem impedire, sed quia non vult semper  
omnia supernaturaliter operari, ne videatur  
non approbator naturalis cursus ac or-  
dinis rerum.

*Ponam autem terminos tuos*, id est fines B  
totius terræ tibi promissæ, *a mari Rubro*  
*ab oriente, usque ad mare Palestinorum*  
*ab occidente* : quod mare dicitur nunc  
Tyrrhenum ac Mediterraneum ; *et a deser-*  
*to Ægypti ex parte australi, usque ad flu-*  
*viū Euphraten a parte aquilonari.* Quæ  
tota regio quandoque vocatur Judæa. Di-  
cuntque aliqui, quod filii Israel nunquam  
obtinerunt totam hanc terram, quia sub  
præhabita conditione fuit eis promissa.  
Alii dicunt, quod circa finem regni Da-  
vid, et tempore Salomonis, totam aut pe- C  
ne totam sortiti sint. *Quia tradam in ma-*  
*nibus vestris habitatores terræ, et ejiciam*  
*eos de conspectu vestro. Non inibis cum*  
*eis fœdus*, id est, pactum seu amicitiam  
non contrahas cum Chananæis ac ceteris  
gentibus illis, quamdiu in sua manserint  
infidelitate, *nec cum diis eorum*, promit-  
tendo aut concordando quod velitis eis  
servire, sicut in libro Judicum quidam fe-  
cisse leguntur. *Non habitent in terra tua,*  
hoc est, non permittas eos tibi cohabitare,  
*ne forte peccare te faciant in me, si ser-* D  
*vieris diis eorum : quod tibi certe erit in*  
*scandalum.* Periculosa namque est vitio-  
sorum societas, præsertim imperfectis ac  
pronis ad vitia. Et quoniam filii Israel ista  
non fecerunt, sed concordiam inierunt  
cum Chananæis, permittentes eos secum  
sub tributo morari, junxerunt cum eis con-  
subia, atque in idololatriam corruerunt.

Præterea, de spirituali sensu hujus ca-  
pituli dicta sunt aliqua, et modicum addi

potest, præsertim ab illo loco, *Ece ego*  
*mittam angelum meum qui præcedat te.*  
Ubi per angelum, mystice intelligitur Chri-  
stus, magni consilii Angelus, missus a Patre  
ante populum christianum, qui et electos  
Israelitas præcessit, personaliter docens ac  
regens eos : in quo fuit nomen Patris, quia  
Filius verus est Deus, et Pater in Filio est.  
Filiusque in Patre. Quod si Christo perfe-  
cte obedierimus, erit Pater inimicus ini-  
micis nostris, et affligentes nos, scilicet  
invisibiles hostes, aut etiam impios per-  
secutores, affliget. Sic quoque Deus bene-  
dicet panibus nostris et aquis, id est, spi-  
ritualia alimenta, virtutes et dona Spiritus  
Sancti, ac merita multiplicabit in nobis.  
Infirmitatem quoque, id est læsionem pec-  
cati, tollet de medio nostri. Nec erit in-  
fecunda terra nostra, id est Ecclesia, vel  
ager cordis, seu caro nostra, quæ spiritui  
erit subjecta ac serviens in bonis operi-  
bus. Numerum etiam dierum nostrorum  
implebit, hoc est, dies nostros sanctis ac-  
tibus faciet plenos. Plenitudinem quippe  
habet vita justorum, inanes vero sunt dies  
impiorum. Viri item sanguinum et dolosi  
non dimidiabunt dies suos. Insuper mittet  
terrorem suum in præcursum nostrum, ita  
quod invisibilibus hostibus, atque incre-  
dulis gentibus erimus metuendi, tanquam  
castrorum acies ordinata. Occidetque illos,  
id est, succumbere faciet, et vitia nobis  
subjiciet. Verumtamen non uno anno, quo-  
niam vult ut paulatim proficiamus, et ju-  
giter contra vitia præliemur, ne si nimia  
securitate et quietudine resolvi cœperi-  
mus ac tepescere, terra nostra, scilicet  
ager cordis aut caro, in solitudinem vitio-  
rum redigatur, Dei inhabitatione privata,  
atque virtutibus spoliata. Postremo, vult  
Deus ut iniquorum ac carnalium hominum  
periculosa vitemus consortia, et omnem  
communione eorum illicitam, ne cum  
perversis pervertamur, et rebus vanis ac  
fœdis et vilibus, tanquam diis ac idolis,  
incipiamus plus adhaerere ac velle place-  
re, quam vero Deo.

Is. ix, 6.

I Joann. v, 20.

Ps. lxxviii, 10.

Ps. lxxv, 24.

Cant. vi, 3.

Judic. i,  
passim.Sensus spi-  
ritualis.

## ARTICULUS XLVII

EXPOSITIO LITTERALIS CAPITULI VICESIMI QUARTI : MOYSI QUOQUE DIXIT,  
ASCENDE AD DOMINUM.

**D**ESCRPTIS Dei praeceptis, nunc recitatur qualiter Moyses ea exposuit populo, et quomodo populus acquievit. *Moysi quoque dixit angelus : Ascende ad Dominum tu et Aaron.* In vicesimo narratur capitulo, qualiter populo non valente sustinere allocutionem apparitionemque Dei, solus Moyses accessit caliginem in qua erat Deus, hoc est in verticem montis Sinai, in quo fuit nubes caliginosa. Et ab illo loco usque ad istum, descripta sunt Dei praecepta, nec legitur Moyses interim descendisse. Quomodo ergo nunc dicit ei jussum, ut ascendat ad Dominum? Respondetur, quod Dominus jussit ei primo, ut descenderet ad recitandum populo divina praecepta : quo facto, rursus ascenderet, sicut nunc enarratur. Istud tamen de ejus descensu non exprimitur hic, sed ex verbis paulo post sequentibus datur intelligi.

Ascende ad Dominum tu et Aaron, *Nadab et Abiu, et septuaginta senes ex Israel, et adorabitis procul; solusque Moyses ascendet ad Dominum.* Videtur in his contradiectio implicari. Nam in principio horum verborum praecipitur Moysi, ut ipse et Aaron ac ceteri jam expressi, ascendant ad Dominum : in fine autem jubetur, ut solus Moyses ascendat ad Dominum. Et respondendum, quod principium horum verborum, intelligendum est de ascensu usque ad radices seu terminos montis : finis autem, de ascensu usque ad montis cacumen. Deus autem per totum Sinai montem fuisse censetur, in quantum ibi specialiter operabatur ; specialius tamen in vertice montis, in quo et mirabilius majestatem suam monstravit. Cur autem praecipit Dominus ipsum Aaron, duosque filios ejus, et

A septuaginta seniores duntaxat, cum Moyse ascendere ? Dici potest, quod Aaron jussus fuit ascendere cum Moyse, quia in ceteris specialiter affuit ei : similiter duo seniores filii ejus, quia cum eo functuri erant paulo post sacerdotio : septuaginta quoque, quoniam totidem fuerant, Deo jubente, assumendi in adjutorium Moysis pro regimine populi. Et quæri posset, an isti septuaginta fuerunt illi, de quibus in Numeris habetur, quod ad tabernaculum sint deducti. Circa quod loquitur Strabus ad litteram : Septuaginta (significantur) de quibus dicitur Moysi, Assume tibi septuaginta viros, de quibus Eldad et Meldad fuerunt. *Et adorabitis procul*, id est, omnes vos simul adorabitis Dominum, stando ad terminos montis, qui multum distant a vertice ejus, in quo specialiter fuit Deus per modum expositum ; *solusque Moyses ascendet ad Dominum* in verticem montis, quoniam solus Moyses fuit principalis dux populi, et inter Deum populumque sequester ac legislator instrumentalis ac ministerialis ; *et illi*, videlicet Aaron, ejusque filii, ac septuaginta, *non appropinquabunt Domino ; nec populus ascendet cum eo* ultra terminos sibi praefixos.

*Numeri, 16.*

*Venit ergo Moyses*, id est, descendit de altitudine montis. Quo patet, verum esse quod dixi, utpote Dominum primo jussisse Moysi in vertice Sinai, ut descenderet ad insinuandum populo eloquia Dei. Nam subditur : *et narravit plebi*, id est omnibus simul tam superioribus quam inferioribus, *omnia verba Domini*, id est documenta et caerimonialia quaedam praecepta, sibi a Domino data in monte, *atque judicia*, id est praecepta judicialia, quæ in tribus



præcedentibus capitulis continentur. *Re-* A  
*sponditque cunctus populus una voce*, id  
 est concorditer, quum audissent Moysis re-  
 lationem : *Omnia verba Domini quæ lo-*  
*cutus est, faciemus*, id est, universa ejus  
 præcepta implebimus, non solum præcepta  
 affirmativa, efficaciter bona agendo, sed  
 item negativa præcepta, mala vitando, sic-  
 ut sunt illa : Non adorabis deos eorum ;  
 et, Non inibis eum eis fœdus. Verumtamen  
 hanc responsionem cito transgressi sunt.  
*Scriptis autem Moyses universos sermones*  
*Domini jam præfatos in libro*, ut paulo B  
 post insinuat, ad jugem memoriam, et  
 aliorum instructionem. Attamen Glossa et  
 Scholastica historia dicunt, quod scripsit  
 universos Dei sermones præter decem ver-  
 ba, seu præter Decalogum, qui ei in tabu-  
 lis datus est, scriptus digito Dei. Nihilo  
 minus certum est, quod Moyses in libris  
 suis frequenter de decem illis præceptis  
 loquitur, et quod ipse personaliter scripsit  
 ea in illis ; et tamen ultra hoc tabulis sunt  
 inscripta, tanquam principaliora, diligen-  
 tiusque servanda.

*Et mane consurgens, ædificavit altare*  
 Domino, cum adjutorio et obsequio alio-  
 rum, *ad radices montis, et duodecim titu-*  
*los per duodecim tribus Israel*. Quamvis  
 aliqui dicant Moysen ibi ædificasse duo-  
 decim altaria, juxta numerum duodecim  
 tribuum Israel, et in unoquoque altari ti-  
 tulum unius tribus fuisse conscriptum,  
 probabilius tamen censetur, quod unum  
 dumtaxat ædificavit altare ex duodecim  
 lapidibus, atque in singulis singula nomi-  
 na tribuum filiorum Israel scripsit. Nam  
 et alia translatio habet sic, quod ex duo-  
 decim lapidibus unum altare constructum  
 sit. Atque in libro Regum legitur de Elia :  
 Tultit duodecim lapides juxta numerum  
 tribuum Israel, et ædificavit de lapidibus  
 altare in nomine Domini. *Misitque juve-*  
*nes de filiis Israel*. Secundum quosdam,  
 juvenes illi fuerunt præfati duo filii Aaron,  
 sacerdotes futuri. Alii opinantur, quod  
 fuerunt primogeniti principum Israel, quo-  
 niam primogeniti usque ad institutionem

sacerdotii Levitici, sacerdotes fuerunt. Un-  
 de subjungitur : *et obtulerunt holocausta*,  
 quæ ad divinæ majestatis honorem totali-  
 ter comburebantur, *immolaveruntque vi-*  
*ctimas pacificas Domino*, pro gratiarum  
 actione, *vitulos duodecim*, scilicet unum  
 pro qualibet tribu, vel singulos vitulos pro  
 tribubus singulis. Et ita secundum istos,  
 hi juvenes tanquam sacerdotes, per se Do-  
 mino obtulerunt. Porro Augustinus sentire  
 videtur, quod non ipsi immediate, sed  
 Moyses immolavit. Etenim ait : Notandum  
 quod Scriptura evidenter nunc dicit Moy-  
 sen sacrificasse. Quod verius reor, ita quod  
 Moyses misit illos ad adducendum sibi  
 materiam sacrificiorum, et quod ipsi per  
 manus Moysis obtulerunt. At vero Lyra as-  
 serit in Hebræo haberi, Vitulos, non Vitu-  
 los duodecim ; videturque ei, quod fuerunt  
 tantum vituli duo : quod apparet non esse  
 verum. Primo, quia sic translatio nostra  
 hoc loco esset non vera. Secundo, quia  
 probabile est, quod juxta numerum tri-  
 buum, fuerit numerus vitulorum. Tertio,  
 C quia et Lyra dicit, quod fuerunt duode-  
 cim juvenes seu primogeniti duodecim  
 principum. Unde apparet, quod unusquis-  
 que eorum obtulit seu adduxit unum vi-  
 tulum.

*Tulit itaque Moyses dimidiam partem*  
*sanguinis*, fusi ex immolatis vitulis, re-  
 cepti in aliqua vasa, *et misit in crateras*,  
 id est scyphos seu calices quosdam, vel  
 vasa viminea ansas habentia : *partem au-*  
*tem sanguinis residuam fudit super altare* :  
 in signum, quod ad Dei honorem sanguis  
 D ille fuit effusus, vitulique oblatus. *Assu-*  
*mensque volumen fœderis*, id est librum  
 legis, in quo verba Dei conscripsit, *legit*  
*audiente populo* verba in libro descripta.  
*Qui dixerunt : Omnia quæ locutus est Do-*  
*minus, faciemus* : sicut expositum est : *et*  
*erimus obedientes Deo ac tibi*. *Ille vero*  
*sumptum sanguinem ex crateris*, in qui-  
 bus sanguinem reservavit, ut faceret quod  
 subditur, *respersit in populum*, et ait :  
*Hic est sanguis fœderis*, id est sanguis de-  
 signans pactum, *quod pepigit*, id est iniit,

III Reg.  
xviii, 31, 32.



*Dominus vobiscum super cunctis sermonibus his*, id est de omnibus verbis atque praeceptis, quae vobis ex volumine legi. Etenim sanguis ille fuit signum legis receptae a populo, ac initii foederis inter Deum et plebem. Populus enim promisit se Domino servitutum ac obediturum; Deus vero promisit populo, si hoc impleret, gratiam suam, multaque bona praecedenti capitulo scripta. Hinc et lex vocatur foedus seu pactum, quia in ea continetur hoc foedus, atque per dationem ac susceptionem [ejus] pereussum seu initum est hoc pactum. Denique per sanguinis adspersionem designabatur, quod sanguis violantium pactum hoc, seu transgredientium legem Dei, esset fundendus. Unde ad Hebraeos ait

Hebr. x, 28, Apostolus: Irritam quis faciens legem Dei, sine ulla contradictione duobus aut tribus testibus moritur.

*Ascenderuntque Moyses et Aaron, Nadab et Abiu, et septuaginta de senioribus Israel*, usque ad terminos montis Sinai, ut dictum est in principio expositionis hujus capituli, *et viderunt Deum Israel*. Exteriori enim visu viderunt Deum, non in suae invisibilis et incomprehensibilis deitatis natura, sed in forma quadam assumpta seu humana effigie: quod totum ministerio angeli in Dei persona apparentis, creditur factum. Sic autem Deum videndo, viderunt eum interiori visione per gratiosam illuminationem et fidem, clarificatam majestatem ipsius aliquantulum contemplando. *Et sub pedibus ejus*. Ex quo elicitur, quod in forma humana apparuit, ad praefigurandum quod homo futurus erat. Itaque sub pedibus ejus apparuit *quasi opus lapidis sapphirini*, id est similitudo quaedam sapphiri, quae est caelestis coloris. Idcirco subjungitur: *et quasi caelum quum serenum est*. Hanc similitudinem formavit in aere angelus: et erat quasi scabellum sub pedibus apparentis, habens caeliformem claritatem et sapphirinum colorem caelestem: videbaturque ex sapphiro peracta. Habuit autem hujusmodi claritatem atque colorem: primo, ad significandum

puritatem et tranquillitatem Dei in semetipso; secundo, ad innuendum quod populus Deum colens, debeat praeter ceteris claritate virtutum splendere, et conversationem in caelo habere.

*Nec super eos qui procul recesserant de filiis Israel, misit manum suam*. Per missionem manus Domini super quemquam, designatur hoc loco occultatio, qua Deus alieni se abscondit, seu non manifestat, ita quod missio manus ejus, est quasi medium quoddam occultans unum ab alio.

Unde infra Dominus loquitur Moysi, ostensionem divini vultus petenti: Quinque transibit gloria mea, ponam te in foramine petrae, et protegam te dextera mea donec transeam: tollamque manum meam, et videbis posteriora mea, etc. Sicque loquitur Scriptura de Deo, quasi de homine, qui dum vult alieni se aut alium occultare, ponit manum suam super oculos illius. Porro, per eos qui de filiis Israel recesserant procul, intelligitur populus qui remansit in castris, vel saltem non ascenderunt cum Moysse et Aaron usque ad radices montis. Est itaque sensus: Nec super eos, etc., Deus non occultavit se penitus a filiis Israel, qui longe abierunt et manserunt a monte, ita quod et ipsi viderunt majestatem Dei in praefato ejus effectu seu similitudine sapphirina, vel alio modo. *Videruntque Deum* secundum modum praedictum, clarius tamen Moyses et existentes cum ipso, quam populus de longe manens. Tamen ut fertur, Hebraei dicunt hanc esse litteram veram: Nec super dominos filiorum Israel misit manum suam, id est, Deus non abscondit se a principibus tribuum. Sicque populus Dominum non vidisset, sed principes plebis. *Et comederunt ac biberunt*, id est, cum spirituali inennditate epulabantur post visionem tam gratiosam, exhilarati de ea, quia non erat terribilis ut illa, qua viderunt et audierunt Deum de medio ignis. Unde per visionem hanc hilarem Deus monstravit, quam gratum exstitit sibi quod filii Israel legem sic receperunt, et obedire sunt pacti.

Exod.  
xxviii, 22,  
23.

Consequenter describitur major confir-  
matio et repetita ratificatio legis. *Dirit  
autem Dominus ad Moysen : Ascende ad  
me in montem, et esto ibi :* quasi dicat.  
Multis diebus mansurus es in superioribus  
partibus montis : *daboque tibi tabulas la-  
pideas* duas, quas dicunt Hebræi de sap-  
phiro effectas, *et legem ac mandata que  
scripsi*, id est legem et decem præcepta  
moralia, quæ tibi oretenus dedi, *daboque  
tibi nunc scripta in tabulis :* in quibus di-  
citur lex scripta fuisse, quia in eis scripta  
fuerunt decem principalia legis præcepta.  
Præterea tabulæ illæ per angelum, in Dei  
persona apparentem atque loquentem, for-  
matæ sunt et inscriptæ : ideo digito Dei  
dicuntur mandata decem in eis conscrip-  
ta : et quod Dominus dixit, Quæ scripsi,  
intelligi potest, quod vel nunc scripta  
erant in tabulis, vel cito scribenda, quo-  
niam in Scripturis sæpe loquitur Deus de  
futuris per modum præteriti, propter cer-  
titudinem veritatis. *Ut doceas eos*, scilicet  
filios Israel, qui quum viderint mandata  
hæc tam solenniter ac deifice scripta in

*C Surrexerunt Moyses et Josue minister  
ejus.* Ex hoc verbo elieit Glossa, quod Jo-  
sue interfuit his qui cum Moyse ascende-  
runt ad terminos montis : quod etiam Au-  
gustinus testatur, dicitque ipsum Josue  
comprehensum et intellectum sub nomine  
Moysis, quoniam fuit specialissimus et in-  
separabilis ejus minister. Itaque surrexe-  
runt a terminis montis, ut ascenderent  
altius. Attamen quidam ait quod Josue ixit  
cum Moyse usque ad terminos montis, et  
ibi fixit tabernaculum ad manendum quo-  
usque rediret Moyses de cacumine mon-  
tis : quod non videtur dictum idonee.  
Jam enim Moyses fuit in terminis montis,  
quando Dominus dixit ista ad eum, et  
Josue fuit ibi eum eo secundum Augusti-  
num ac alios. Ideirco Magister in historiis  
ait : Moyses assumpto Josue, tantum trans-  
iit terminos : iterumque dimisso Josue  
in quadam planitie montis, solus ascen-  
dit ad verticem. *Ascendensque Moyses in*

*A montem Dei*, id est in ipso procinetu ad  
ascendendum, *senioribus ait : Exspectate  
hic.* Alia littera habet. In campestribus.  
Itaque sensus est : Exspectate in loco isto,  
puta circa terminos montis et in castris,  
*donec revertamur ad vos. Habetis Aaron  
et Hur vobiscum.* Quia Hur, ut dictum est,  
creditur fuisse maritus Mariæ sororis Moy-  
sis, fuitque unus seniorum, et præcipuus  
inter eos. *Si quid natum fuerit questio-  
nis*, id est aliqua grandis querela seu dif-  
ficilis causa, quam me præsentem mihi pro-  
poneretis expediendam, *referetis ad eos*, id  
est, eis determinandum proponetis, quia  
post me, sapientia, ætate, auctoritateque  
præminent, et mihi nunc eos substituo ac  
meos vicarios facio. Itaque Moyses com-  
misit senioribus regimen populi in faci-  
lioribus causis ; Aaron vero et Hur, quasi  
totius plebis senioribus præfecit.

*Quumque ascendisset Moyses* quasi ad  
montis cacumen, relicto Josue in præfata  
planitie, *operuit nubes montem, et habita-  
vit gloria Domini super montem Sinai*, id  
est, majestas Dei se manifestavit ibidem  
per effectum præclarum, videlicet per nu-  
bem et ignem, seu gloriosus Dei effectus  
apparuit ibi, *tegens illum nube sex diebus*,  
id est, nubes tamdiu operuit montem :  
non quod postea cito recessit, sed præsen-  
tia illa nubis per sex dies exprimitur, ad  
insinuandum quod tamdiu Moyses fuit ibi-  
dem, antequam vocaretur ad colloquen-  
dum cum Domino in vertice montis. *Sep-  
timo autem die vocavit eum de medio  
caliginis*, id est de medio nubis illius, quæ  
ex una parte sua erat caliginosa, et in ea  
Dominus morabatur ; sicque ex ea vox Dei  
procedere sentiebatur : quod totum supra  
eum suis rationibus magis expositum est.  
*Erat autem species gloriæ Domini, quasi  
ignis ardens super verticem montis, in con-  
spectu filiorum Israel :* id est, præfatus  
effectus gloriosissimi Dei, videlicet tota  
nubes illa cum qualitatibus suis, in una  
parte sui similis fuit igni splendido ac ar-  
denti, quoniam in parte sua suprema fuit  
clara et luminosa, ita quod radii fulgidi

videbantur ex ea in altum conscendere : A quod filii Israel undique conspexerunt. In expositione quoque nonidecimi, vicesimique capituli patuit, quod super montem apparuit vere ac fuit non solum nubes, sed et maximus ignis, qui videbatur ad caelum usque conscendere.

Exod. xix,  
18; xx, 18.

*Ingressusque Moyses medium nebulae,* id est in ipsam nubem densissimam nebulosam, *ascendit in montem,* id est in montis cacumen : *et fuit ibi cum Domino* sine cibo et potu corporeo, *quadraginta*

*diebus artificialibus, et quadraginta noctibus :* ad praefigurandum et consecrandum tempus abstinentiae quadragesimalis. Confortabatur autem tam supernaturaliter et gratiose intus a Domino, quod non indigni corporeo alimento. Sed et mens ejus fuit tam intensissime occupata circa divina, quod actio naturalis caloris in humidum radicale, actionesque virium vegetativarum, remittebantur in eo quammaxime. Propter quod facilius caruit cibo, potuque.

## ARTICULUS XLVIII

SPIRITUALIS ELUCIDATIO EJUSDEM CAPITULI VICESIMI QUARTI.

**M**OYSI quoque dixit. Per Moysen quicunque praelatus excellens significatur. Per Aaron, ejusque filios ac septuaginta seniores, intelliguntur inferiores praelati, sibi invicem condecenter subordinati. Itaque per hoc quod Moyses et Aaron ejusque filii et septuaginta seniores primo jubentur ascendere ad terminos montis, et ibi ad tempus manere in loco eodem et situ aequali, datur intelligi, quod praelati, quantumlibet magni, debent se suis inferioribus ac subiectis in aliquibus humiliter conformare, eosdemque actus virtutum cum illis peragere, atque inter eos libenter consistere, sicut suis discipulis dixit Salvator : Ego in medio vestrum sum, sicut qui ministrat. Paulus quoque apostolus : Parvuli, inquit, facti sumus in medio vestri. Praesidens igitur nunquam assumere cornua audeat, sed quod est scriptum, impleat : Quanto major es, humilia te in omnibus. *Et adorabitis procul.* Quamvis Deus non longe sit ab unoquoque nostrum, quia in ipso vivimus, movemur et sumus ; tamen in vita hac adoramus eum procul, D

propter quod vir sanctus eum suspirio exclamavit, Heu mihi, quia incolatus meus prolongatus est ! tum quia magna obscuritate involvitur omnis actio, qua Deum nunc colimus, praesertim comparatione claritatis actuum, quibus in patria colitur Deus a Sanctis. Videmus namque per speculum in aenigmate ; et quasi pannus menstruatae sunt nostrae justitiae. Job quoque tricesimo sexto asseritur : Omnes homines vident Deum, unusquisque intuetur procul. *Solusque Moyses ascendet ad Dominum.* Praelatus quippe quanto dignioris est auctoritatis, tanto majoris debet esse perfectionis. Propter quod dicit Gregorius : Praelatus sit actione praecipuus, et praecunetis contemplatione erectus. Solius quoque praelati est Deum accedere, tanquam qui mediator sit inter Deum et creditum sibi gregem. *Et illi non appropinquabunt, nec populus ascendet cum eo.* Qui enim nondum exercitati sunt in via purgativa, in exercitiis vitae activae, in refrenationibus desideriorum carnis ac motuum animae, ad actus viae illuminativae, ad contemplationis acumen nondum idonei sunt.

*Venit ergo Moyses, et narravit plebi omnia verba Domini.* Sic praelatus et pra-

Ps. cxiix, 5.

1 Cor. xiii,  
12.  
Is. lxiix, 6.

Job xxxvi,  
25.

Luc. xvi,  
27.

1 Thess. ii,  
7.

Eccli. iii,  
20.  
Act. xviii,  
27, 28.



dicator debet omni tempore opportuno A plebem accedere, et eam instruere de pertinentibus ad salutem : specialissime vero de his, quæ ipsa tenetur scire secundum exigentiam suæ vocationis, et contra vitia quæ plus regnant in populo. Alioqui ignorantia gregis et cetera vitia ejus, redundarent in negligentem pastorem, seu prædicatorem insulsum. *Responditque cunctus populus una voce : Omnia verba Domini faciemus.* Sic omnis subditus debet verba prædicationis, instructionis, ac correptionis cum omni affectu gratanter audire, B humiliter respondere, ac plenum habere propositum obediendi in omnibus. *Scriptum autem Moyses universos sermones Domini.* Sic quicumque superior debet se fructuose jugiter occupare, sermones conscribere, libros sacros acquirere. Sapientiam enim omnium antiquorum exquiret sapiens. Et rursus in Ecclesiastico scriptum est : Sapientiam scribe in tempore vacuitatis.

*Ecclesi.*  
xxxix, 1.

*Ibid.*  
xxxviii, 25.

*Et mane consurgens.* Non enim debet qui præest, superfluum somnum admittere, aut torpori locum præbere, sed tanto sollicitior ac vigilantior esse, quanto obligatur ad plura ac altiora, quanto gravius ei instat iudicium, et quo pluribus præest. *Edificavit altare ad radices montis.* Spirituale altare est fides, sine qua nil Deo acceptabiliter immolatur, seu caritas in qua necesse est omnia opera meritoria fieri. Hoc altare debet, qui præest, in cordibus subditorum construere ad radices montis, id est in Christi humilitate ac fundamento. *Misitque juvenes de filiis Israel, et obtulerunt holocausta et victimas.* Per D juvenes Israelitas, intelliguntur fideles omni virtutum vigore florentes, agiles, et robusti in gratia Dei. Tales ergo sunt dirigendi ad orandum, ad sacrificandum, ad elaborandum pro aliorum reconciliatione atque salute. *Tulit itaque Moyses dimidiam partem sanguinis,* etc. Per hoc ideo præfiguratum est, quod prælati et sacerdotes evangelicæ legis consecratum Christi sanguinem in calice suscipiunt in altari. Interdum etiam populo in calicibus tra-

diderunt potandum, quamvis hoc modo omissum sit atque prohibitum, propter periculum effusionis vitandum. Denique sanguis Christi vere est sanguis fœderis, quod pepigit nobiscum, videlicet pactum evangelicæ legis, sicut in Cœna consecrans dixit : Hic est calix sanguinis mei, novi et æterni Testamenti.

*Luc. xxii,*  
20.

*Ascenderuntque Moyses et Aaron,* etc. Sic dum prælatus ac subditi spiritualiter concorditerque proficiunt, Deum contemplari merentur : sub cujus pedibus vident quasi opus lapidis sapphirini, quia in infimis Dei effectibus intuentur relucéntias quasdam sapientiæ, omnipotentiae, bonitatisque ejus. Tunc quoque comedunt et bibunt panem vitæ et rivos sapientiæ, corpus et sanguinem Salvatoris, virtuosisque actibus ac variis charismatibus Spiritus Sancti reficiuntur. *Disit autem Dominus ad Moysen : Ascende ad me in montem, daboque tibi duas tabulas lapideas,* etc. Sic unusquisque superior ac prædicator debet frequenter ad Deum consendere in montem, hoc est in verticem intellectus, et ad superiores suæ animæ vires, abstrahendo se a sensibilibus ac exterioribus rebus, ad vacandum Deo per mentis excessum, ut sic instruat a Domino per unctionem et illuminationem divinam, de utriusque Testamenti sacris solidisque Scripturis, et juxta illustrationem sibi desuper factam doceat plebem Dei, ex interiore fervore et efficacia vitæ loquendo. *Ascendensque Moyses in montem Dei, senioribus ait : Expectate hic,* etc. Sic plane quando prælatus ex rationabili causa recedit ad tempus a grege sibi commisso, debet esse sollicitus, ut grex ille interim salubriter gubernetur, et providere eidem de condigno vicario, custodibusque fidelibus, subditisque committere, ne interim inter se corridentur, sed causas et questiones referant ad præpositum eis vicarium, aut alios superiores, nec ab invicem sint discordes. Ceterorum spiritualis explanatio innotescit ex dictis circa nonumdecimum, vicesimumque capitulum.



## ARTICULUS XLIX

ELUCIDATIO LITTERALIS CAPITULI VICESIMI QUINTI : LOCUTUSQUE EST DOMINUS AD MOYSEN,  
Dicens : LOQUERE FILIIS ISRAEL.

**Q**UONIAM filii Israel non erant jugiter A circa montem Sinai permansuri, sed per loca diversa profecturi, præcepit Dominus Moysi facere tabernaculum, in quo ei post recessum a monte Sinai appareret ac loqueretur, quemadmodum interim in monte apparuit. Nunc ergo describitur, qualiter Dominus tabernaculum fieri jussit. *Locutusque est Dominus ad Moysen, dicens : Loquere filiis Israel, ut tollant mihi primitias*, hoc est, ut unusquisque eorum ad gloriam meam apportet et conferat pretiosiora quæque ex quibusdam rebus quas possidet, ex quibus tanquam ex materiis construendum est tabernaculum, vasaque ejus et cetera ad ipsum spectantia. Vel, *Ut tollant mihi primitias*, id est, ab aliis accipiant talia dona hi quibus committetur, ut colligant et recipiant ea ab offerentibus. *Ab omni homine qui offert ultroque, accipietis eas*, id est, primitias illas seu dona præcipua levabitis a cunctis Hebræis, qui sponte, non coacte, obtulerint eas : quatenus tabernaculum, in quo Deo sponte ac devote serviendum est, C ædificetur ex materiis pretiosis sponte et devote oblatis. Nec enim coacta servitia complacent Deo.

*Hæc sunt autem quæ accipere debetis ab offerentibus tu, o Moyses, et quos loco tui constitueris ad suscipiendum quæ offerentur : Aurum, et argentum, et æs*, quorum usus ad diversa necessarius erit, ut infra patebit : quod etiam infra clarebit de aliis materiis quæ sequuntur : *hyacinthum et purpuram, coccumque bis tinctum*. Quod Magister in historiis sic exponit : Id est sericum hyacinthini, purpurei, coccineique coloris. Alii sic, et satis redit

in idem : *Hyacinthum et purpuram*, id est lanam et sericum coloris hujusmodi ; coccumque bis tinctum, id est lanam ac sericum rubei coloris : quæ materia bis tingebatur, ut rubedo ejus fieret major. *Et byssum*, hoc est linum molle et candidum, quod in Ægypto potissime reperitur. *Et pilos caprarum, et pelles arietum rubricatas* : quarum lana, secundum Josephum, fuit colore rubeo tincta : quæ pelles Parthicæ appellantur, quoniam Parthi excogitaverunt eas sic colorari, ut in Scholastica B fertur historia. Quidam dicunt quod erant frunitæ, et inde rubæ erant. *Pellesque hyacinthinæ*, id est hyacinthino perfusus colore, qui colori assimilatur sapphiri. Porro aliqui dicunt in Hebræo haberi, *Pellesque taxonum* : et secundum eos, sunt pelles animalium varios colores habentium. *Et ligna setim*. Setim quandoque significat montem, aliquando regionem, interdum arborem, et ita nunc sumitur. Estque lignum illud imputribile, incom- bustibile atque levissimum. Quod forsitan in aliquibus eremi locis repererunt, aut secum tulerunt, aut aliunde procuraverunt. Tamen circa hoc recitat Lyra historiam Rabbi Salomonis, dicentis quod Jacob patriarcha præcognovit in spiritu posteros suos tabernaculum in solitudine constru- eturos : ideo ipse Ægyptum ingressurus, tulit illinc radices et semina arborum setim, plantavitque eadem in Ægypto, et filiis suis jussit, ut egredientes Ægyptum, tollerent ligna hæc secum. Hoc forsitan ficticium poterit reputari, nisi aliunde testimonio fulciatur authenticum. *Oleum ad luminaria concinnanda*, id est paranda atque fovenda seu componenda. Cinnus

namque est compositio quædam ex diversis mixturis. Inde dicitur concinno, id est compono, secundum Strabum. *Aromata in unguentum*, id est, ad hoc ut ex eis fiant unguenta ad unctiones sacerdotum ac sacerorum vasorum: *et thymiana* \* *boni odoris*, quod fiet ex aromatibus illis. *Lapides onychinos*. Onyx quippe pretiosus est lapis. Inde dicuntur lapides onychini. *Et gemmas ad ornandum ephod*, in quo erant duo onychini, *ac rationale*, in quo erant duodecim gemmæ, quarum una existit onyx sive onychina. Ista infra plenius exponuntur: ideo non oportet hic immorari, neque præcurrere.

*Facientque mihi filii Israel sanctuarium*, id est tabernaculum: quod recte sanctuarium appellatur, quia tot sancta continebantur ac fiebant in eo, fuitque domus ac mansio Sancti Sanctorum. Propterea subditur: *et habitabo in medio eorum*, id est in tabernaculo isto, quod secum portabunt, et inter eos manebit. Habitatavit quoque Deus in medio eorum, puta in cordibus sibi placentium. *Juxta omnem similitudinem tabernaculi quod ostendam tibi, et omnium vasorum in cultum ejus*: id est, tabernaculum istud et vasa ejus fient juxta formam seu similitudinem eorundem, quam tibi in hoc monte monstrabo, sive per imaginariam visionem, ut aliqui dicunt, sive ad oculum per descriptionem in materia quadam, sicut Ezechiel descripsit et pinxit Jerusalem. Istud Dominus exprimit, primo in generali, infra autem in speciali, qui et qualiter facient ista.

*Sicque facietis illud*, utpote tabernaculum, et quæ spectabunt ad illud. *Arcam de lignis setim compingite*, id est formate. Incipit autem Moyses descriptionem in speciali ab his quæ fuerunt in tabernaculo, quorum unum existit arca, deinde de tabernaculo ipso, tertio autem de atrio ejus: juxta ordinem collocationis. Nam post deportationem, primo collocabant arcam, ubi tabernaculum erat figendum. Josephus vero recitat e converso, videlicet

secundum ordinem compositionis, quoniam primo factum est atrium, deinde tabernaculum, tertio quæ erant in eo. Verumtamen aliqui dicunt, Josephum sequi ordinem collocationis, Moysen vero ordinem compositionis. *Cujus longitudo habeat duos et semis cubitos*, id est duos cubitos ac medium: *latitudo cubitum unum et dimidium*: *altitudo cubitum similiter ac semissem*, id est unum cubitum cum dimidio, ita quod a fundo arcae usque ad summum ejus, fuit spatium minus cubiti atque dimidii. Circa hæc scribit venerabilis Beda: Quæritur, ejus quantitatis sit cubitus iste. Et respondet ex Josepho, quod duos palmos contineat. Unde in Scholastica fertur historia, quod Moyses nunc loquatur de cubito humano, qui continet pedem cum medio, non de cubito geometrico, qui major est multum. *Et deaurabis eam auro mundissimo intus et foris*, id est, aureis laminis eam operies ac ornabis per totum, intrinsecus atque forinsecus.

*Faciesque supra*, id est in superiori parte arcae, *coronam auream per circuitum arcae*, in parte ejus prædicta. Denique, sicut arca non erat rotunda, sed quadrata, facta instar serinii sine pedibus: ita et ista corona, quadrata existit, non rotunda, facta ad modum oris seu labii, sicut in mensis et scacariis fieri solet: et elevata fuit super aureum opereculum arcae, per spatium circiter trium digitorum. Et vocatur corona, quia per totum arcae gymum quadratum extendebatur, quemadmodum corona rotunda ambit caput. *Et quatuor circulos*, id est annulos, *aureos, quos ponas per quatuor arcae angulos: duo circuli sint in latere uno, et duo in altero*. Erant in arca bini circuli, per utrumque latus longitudinis ejus, totum lignum arcae penetrantes. Erantque duo circuli in parte arcae anteriori, et duo in parte posteriori, qui quatuor annuli, erant quasi immobiliter arcae infixi.

*Faciesque rectes de lignis setim, et operies eos auro*, id est aureis laminis. *Inducetque ipsos rectes per circulos qui sunt*

\* thymiana  
mata

Ezech. iv. 1.

*in arcæ lateribus, ut portetur in eis.* Facti A sunt itaque ibi duo vectes deaurati, quorum unus ducebatur per duos circulos ex uno latere arcæ, secundum longitudinem ejus: alter, per alios duos annulos ab alio latere arcæ per longitudinem ejus. Siquidem circuli erant versus superiorem arcæ partem sub ejus corona, ut Josephus sentit. Quidam tamen imaginantur, quod vectes pergebant secundum  $\frac{1}{2}$  longitudinem arcæ. Quatuor vero sacerdotes portabant arcam et contenta in ea super humeros suos, per vectes, duo ante, et duo retro, B quando castra mutabant loca. *Qui vectes semper erunt in circulis, nec unquam extrahentur ab eis.* Vectes namque semel per circulos positi, non extrahebantur de cetero, nisi forte ad reparandum aliquid in eis contractum. Vectes autem aliarum rerum deportandarum extrahebantur de circulis, deportatione jam facta.

*Ponesque in arcæ testificationem quam* Hebr. ix, 4. *dabo tibi,* id est tabulas testamenti, videlicet duas tabulas, in quibus decem mandata erant digito Dei scripta, in testimonium quod filii Israel legem acceperunt a Domino. Nihilominus, ut ait Petrus Comestor, cuncta in arcæ reposita, dici possunt in testificationem ibi locata. Nam posita est ibi urna aurea plena manna, in protestationem quod pane illo cœlesti aliti erant a Domino in deserto. Tabulæ quoque, in testimonium quod Dominus legem naturalem, in cordibus hominum quasi sopitam, reparavit eis in scriptis. Virga Aaron, in testimonium quod electus fuit a

Rom. xiii, 1. Deo in præselem, atque quod omnis potestas a Deo sit. Deuteronomium quoque legis, in testimonium pacti, quo dixerunt:

Exod. xix, 8. Omnia quæ locutus est Dominus, faciemus. Unde et in Deuteronomio Moyses ait

Deut. xxxi, 26. Levitis: Tollite librum hunc, et ponite eum in latere arcæ fœderis, ut sit ibi contra te in testimonium. Hinc arcæ ista, vocata est Arcæ testamenti seu testimonii. Ob hoc etiam Tabernaculum testimonii dictum est. Et item ideo, quoniam causæ agebantur ante fores ipsius, puta in porticu.

*Facies et propitiatorium de auro mundissimo. Duos cubitos et dimidium tenebit longitudo ejus, et cubitum ac semissem, id est, cubitum unum cum medio habebit latitudo ejus.* Ex quo constat, quod propitiatorium erat tantæ longitudinis ac latitudinis, sicut arcæ. De spissitudine vero seu altitudine propitiatorii, textus non loquitur. Hoc propitiatorium quidam dicunt fuisse opertorium arcæ: alii, quod fuit aurea mensa, seu tabula altius posita, et super arcam levata, ac sustentata seu tentata a Cherubim duobus in extremitatibus ejus: ita quod tabula illa erat quasi sedile Dei, et operculum arcæ quasi scabellum ipsius. Porro qui dicunt propitiatorium fuisse contignum arcæ et ejus operculum, dicunt opertorium illud fuisse Dei sedile: pavementum vero tabernaculi, situm ante arcam, fuisse scabellum ipsius.

*Duos quoque Cherubim aureos et productiles facies, per manus artificum, ex utraque parte oraculi.* Cherubim illi non erant fusi, sed percussione malleorum ad formam suam producti: quorum unus stetit in una extremitate oraculi seu propitiatorii, alter in altera, seu ex utraque parte oraculi, puta in duobus anterioribus angulis ejus, qui introeuntibus illud erant anteriores. Ideo subditur: *Cherub unus sit in latere uno, et alter in altero. Utrumque latus propitiatorii tegant, expandentes alas, et operientes oraculum.* Hi duo Cherubim expandebant alas suas ita, quod alæ eorum se invicem contingebant: sicque alæ eorum non erant extentæ prorsus directe in altum, sed oblique, et per hoc operiebant quodammodo ipsum oraculum, et latus ejus utrumque. *Respiciantque se mutuo versis vultibus in propitiatorium.* Per quod patet, quod respexerunt se invicem non directe, seu penitus ex adverso, sed suas facies ad oraculum divertebant aliquantulum ad latus. Quo propitiatorio seu oraculo operienta est arcæ. Quod qualiter dupliciter exponatur, jam claruit. In qua pones testimonium quod dabo tibi. Hoc est quod paulo ante jam dictum atque ex-



positum est : Ponesque in area testifica- A superficiem ejus operies, imo et pedes  
tionem, quam dabo tibi.

*Inde, id est de propitiatorio, præcipiam et loquar ad te, supra propitiatorium, scilicet quod juxta præhabita, fuit quasi thronus Dei super illud sedentis, et inde dedit responsa præceptaque Moysi ; ac de medio duorum Cherubim, qui stabant ex utraque parte arcæ, ita quod Dominus inter Cherubim residebat : qui erant super arcam testimonii : vel quia Cherubim stabant super operculum arcæ, secundum unam opinionem : vel quamvis starent super pavementum tabernaculi in extremitatibus arcæ, tamen eminebant supra arcam, et altiores ea fuerunt. Itaque, inde loquar ad te, cunctaque mandabo per te filiis Israel.* Illic namque vocabatur Oraculum, quia Dominus inde proferebat eloquia sua : quæ dicuntur oracula, quia orationibus impetrantur, atque orantibus dantur. Dicebatur quoque Propitiatorium, quoniam Dominus inde suam propitiationem Moysi manifestavit, pietatis responsa dedit, et gratiam fudit.

Quæritur, ejus figuræ fuerunt Cherubim illi. Dicunt aliqui, quod instar pulchrorum puerorum seu juvenum erant dispositi. Josephus vero ait, quod erant formati instar avium ab hominibus nunquam visarum, quas Moyses dixit sibi ostensas in sede Dei per visionem, qua imaginarie vidit Deum quasi in solio quodam sedentem.

*Facies et mensam de lignis setim.* Ista fuit mensa propositionis, non aurea mensa, quæ fuit oraculum. Nam subditur, De lignis setim. *Habentem duos cubitos longitudinis, et in latitudine cubitum unum, et in altitudine cubitum ac semissem :* ita quod distabat a terra per spatium unius cubiti atque dimidii. Habuit enim quatuor pedes, per quos elevabatur a terra tam alte, videlicet per tres palmos. De spissitudine autem hujus mensæ non loquitur littera, sed aliqui opinantur, quod fuerat quatuor digitorum. *Et inaurabis eam auro purissimo,* id est, aureis laminis utramque

*Faciesque illi, videlicet mensæ, labium aureum per circuitum mensæ totius, quæ secundum Josephum erat proxime Delphica, id est fere rotunda. At vero labium istud dicitur fuisse aurea lamina lata, affixa spissitudini mensæ per gyrum, quemadmodum fieri consuevit in seacariis, quæ ex utraque parte labium habent. Et ipsi labio facies et affiges coronam interrasi-*

*lem, altam quatuor digitis.* Cujus coronæ una pars super mensam eminebat, ne posita super eam, deciderent ; alia pars ejusdem, pendebat inferius ad mensæ decorem, secundum quosdam. Corona hæc interrasis appellatur, quasi reticulata, seu instar retis facta, utpote interpolata cælaturis, ac plana. Opus enim interrasis dicitur, quod habet quasdam sculpturas, et spatia intermedia plana, quasi rasa. *Et super illam coronam, facies et affiges alteram coronam aureolam.* Ista, ut ex nomine aureolæ trahitur, fuit minor, quam alia illa corona : nescitur tamen, quantum vel qualiter superposita fuit, et utrum plana seu interrasis fuit. Porro, secundum Hebræos, cælaturæ prioris coronæ, erant quasi imagines regum Juda, et tot fuerunt, quot fuerunt reges a David usque ad Sedeciam. Coronam autem aureolam dicunt prophetice additam, ad præfigurandum divisionem regni Israelitici in duo regna, ita quod corona aureola designavit regnum decem tribuum : quod fuit superius regno Judæ, quantum ad hoc quod populosius fuit : sed regnum Juda fuit dignius illo, ideoque signatum est per priorem ac majorem coronam.

Præterea aliqui dicunt, quod labium illud seu lamina illa aurea, fuit duodecim digitorum in latitudine, ita quod pars ejus affixa spissitudini mensæ, fuit in latitudine, quatuor digitorum ; pars autem ejus eminens mensæ, etiam tantæ latitudinis fuit : et quod pars illa, vocetur corona aureola. Partem quoque labii sub mensa descendentem, dicunt continuisse reliquos



quatuor latitudinis digitos : quam vocant A coronam auream. Sed istud non videtur textui consonare nec veritati : quia juxta hoc dictum, labium illud et utraque corona fuissent unum corpus continuum, nec corona aureola fuisset minor quam aurea : sicque labio non fuisset aurea corona affixa, nec aureola fuisset facta immediate super auream : imo inter eas mediasset latitudo quatuor digitorum, sculptura quoque solum fuisset in parte quæ erat sub mensa.

*Quatuor quoque circulos aureos præpara-* B  
*rabis, et pones eos in quatuor angulis ejus-*  
*dem mensæ per singulos pedes\*.* In quo-  
libet etenim pede mensæ, fuit annulus  
unus immobiliter ibi fixus in medio pedis,  
in quo erat parva concavitas, per quam  
annulus fuit immissus. *Subter coronam*  
*erunt circuli aurei* : nam erant versus su-  
periores pedum partes, modicam sub infe-  
riori corona : *ut mittantur vectes per eos,*  
*et possit mensa portari* : quæ portabatur  
per duos vectes. Unus etenim vectis per  
duos annulos ponebatur. *Ipsos quoque re-* C  
*ctes facies de lignis setim, et circumdabis*  
*eos auro ad subvehendam mensam,* quan-  
do castra pergebant ad alia loca.

Sequitur de quatuor generibus vasorum.  
*Parabis et acetabula,* id est vasa, in quibus  
examinabatur per gustum ipsum acetum,  
an esset aptum adhiberi in sacrificio Dei.  
Sed quoniam nunquam aut raro de obla-  
tione acetii fit mentio, alii legunt Accepta-  
bula, quæ diennt fuisse vasa, in quibus  
examinabantur materiæ sacrificiorum, an  
essent aptæ atque idoneæ, ut ex eis fierent D  
Deo oblationes acceptæ, videlicet simila et  
incensum. *Ac phialas* : in quibus præcon-  
siderabatur vinum, quod examinatur non  
solum gustu, sed et visu, considerando  
ejus colorem. Fertur quod phialæ erant  
vitreæ, unde et a *φιάλη* Græce, quod dici-  
tur vitrum Latine, nomen sumpserunt ;  
erantque in fundo angustæ, et superius  
latæ. *Thuribula* : in quibus thus prævide-  
batur et offerebatur ; erantque duo thuri-  
bula, in quibus ponebatur incensum super

panes propositionis : unum incensum in  
uno thuribulo super sex panes ; aliud su-  
per alios sex. *Et cyathos* : qui erant mi-  
nores angustioresque phialis, cum quibus  
cyathis vinum fundebatur super altare pro  
hostiæ libamento, vel (ut aliqui dicunt) in  
cyathis oleum fundebatur. *In quibus offer-*  
*renda sunt libamina* : quia de his quæ  
offerenda erant, sacerdotes primo portiun-  
culas acceperunt, et posuerunt in vasis  
prædictis ad prægustandum, libando, id  
est parum gustando, de singulis. Quæ li-  
bamina seu portiunculas, dicit sanctus  
Moyses offerenda, id est de offerendis su-  
menda. Vel ideo dicit, In quibus offerenda  
sunt libamina, quoniam filii Israel primo  
obtulerunt sacerdotibus portiunculas illas  
in vasis præfatis, ad examinandum ea mo-  
do præfato. *Ex auro purissimo* : quia ex  
auro purissimo facta sunt vasa hæc, phia-  
lis demptis, ut dicunt.

*Et pones super mensam panes propo-*  
*sitionis in conspectu meo semper,* id est in  
omni tempore opportuno. De his panibus  
in Levitico plenius continetur. Erant au-  
tem duodecim, de simila, valde mundi,  
qui in die sabbati mane ponebantur recen-  
tes et calidi super mensam, manseruntque  
ibi usque ad mane sabbati subsequents,  
et tunc tolliebantur, et a solis sacerdotibus  
edebantur. At alii panes totidem poneban-  
tur ibidem. Ponebantur autem in mensa  
altrinsecus, scilicet unus contra alium. Et  
dicebantur panes propositionis, quoniam  
eoram Domino sic disponebantur in me-  
moriâ duodecim tribuum Israel sempi-  
ternam. Hinc et mensa in qua taliter po-  
nebantur, mensa propositionis vocata est.  
Porro panes illos quidam diennt fuisse  
figuræ quadratæ, parte altera longiori. Alii  
ferunt, quod erant rotundi.

Sequitur de materia, formatione, figura,  
et ornatu candelabri. *Facies et candela-*  
*brum ductile de auro mundissimo.* Ex hoc  
videtur, quod candelabrum factum sit non  
opere fusorio, sed tusionibus malleorum :  
quod item ejus materia, ex qua fuit, pu-  
rissimum aurum exstitit. Cui contrariari

videtur, quod Josephus asserit, quod candelabrum fusile fuit. Qui etiam sentire videtur, quod candelabrum fuerit ferreum: quod et Magister in historiis sequitur, ut apparet. Ad hæc quidam respondent, quod candelabrum non erat fusile, quantum ad hostile et brachia ejus, sed quoad scyphos, calamos, sphæras ac lilia: quod non videtur posse salvari, quia ut infra patebit, in littera hujus capituli habetur oppositum. Magister quoque in historiis protestatur, quod hostile candelabri basi infixum, ferreum fuit, supervestitum laminis vel calamis aureis geniculatis, id est nodosis, et idem dicit de brachiis candelabri. Cetera vero quæ erant in eo, fuerunt de auro purissimo, ut infra clare habetur. Istud autem, quod hostile et brachia candelabri fuerint ferrea, auro vestita, dicitur salvando Josephum, dicentem quod candelabrum fusile fuit. Sed melius atque securius potest dici, quod totum candelabrum fuit ex auro purissimo ac ductile. *Hostile*, id est stipitem ejus tendentem directe in altum, et *calamos, scyphos et sphæras, ac lilia ex ipso procedentia*: omnia, inquam, hæc facies. Calamus pro canna nunc accipitur, scyphus pro vaseculo: tamen nunc sumitur quasi pro duobus simul junctis, vel pro uno eum suo operculo, qui instar nucis se habet. Sphæra dicitur parva sphaera seu circulus, vel parva rotunditas volubilis, prout fieri solet in cathedris et in arcis. Lilia vero sunt flores recurvi ac noti.

Deinde exprimitur qualiter ista prodierunt ex hastili. *Sex calami egredientur de lateribus hastilis candelabri, tres ex uno latere, et tres ex altero. Tres scyphi quasi in nucis modum per calamos singulos*, id est, in quolibet sex calamorum erunt tres scyphi; *sphæraque simul et lilia*, hoc est sphæra liliis junctæ totidem, ita quod inter duos scyphos erat sphæra una, unumque lilium; *et tres similiter scyphi instar nucis in calamo altero, sphæraque simul et lilia. Hoc erit opus sex calamorum, qui producendi sunt*

*de hastili*, id est, præfati sex calami, qui ex utroque latere hastilis egredientur, fient, atque dispositi ac ornati erunt, ut dictum est. *In ipso autem candelabro erunt quatuor scyphi in nucis modum*: per candelabrum intelligitur nunc ipsum ejus hostile, quod fuit principalior pars candelabri, in quo hastili erant quatuor scyphi: *sphæraque erunt per singulos scyphos, et lilia*, sicut expositum est. *Sphærae sub duobus calamis per tria loca*, id est, duæ sphærae erunt sub duobus calamis egredientibus de hastili: et hoc ita habebit se per tria loca, quum sint sex calami, qui faciunt tria paria calamorum, sub quorum parium unoquoque duæ sunt sphærae, seu unum par sphærarum. Ideo subditur: *Qui, scilicet calami, simul sex fiunt*, hoc est, tot habentur, *procedentes de hastili uno*, id est de ipso stipite candelabri per modum præhabitu. *Et sphærae igitur, et calami ex ipso erunt*, hoc est, ex hastili procedent: *universa ductilia de auro purissimo*.

*Facies et lucernas septem*, quæ aureæ erant, *et pones eas super candelabrum*: ita quod in summitate cujuslibet calami, ponebatur una lucerna supra supremum scyphum seu caput calami, qui scyphus erat sedes lucernæ: una quoque lucerna stabat in summitate hastilis candelabri. *Ut luceant ex adverso*. Uno enim ex latere hastilis procedebant tres calami, procedentes in altum non recte, sed oblique, quousque pertingebant ad altitudinem ipsius hastilis. Similiter procedebant tres calami ex alia parte hastilis seu stipitis, sicque tres flammæ trium lucernarum unius partis ac lateris, respiciebant ex adverso flammæ aliarum trium lucernarum. *Emunctoria quoque*, hoc est instrumenta, seu forcipes, facta ad emungendum et extinguendum licinia lucernarum seu lampadum: *et ubi ea que emuncta sunt, exstinguantur*, videlicet vasa in quibus ponebatur aqua, ut in ea exstinguerentur partes illæ lychni combustæ, ne malum odorem aut fumum eausarent: quæ vasa, exstinctoria voca-

bantur; *fient de auro purissimo*. Erant quoque ibidem septem infusoria, scilicet aurea vascula, quibus oleum lucernis, hoc est lampadibus infundebatur. Quot autem ibi fuerunt emunctoria, et quot exstinctoria, textus non exprimit; sed reputatur probabile, quod tot, quot et infusoria seu lucernæ.

*Omne pondus candelabri cum universis vasis suis*, id est instrumentis attinentiisque præfatis, *habebit talentum auri purissimi*. Circa hoc in Scholastica historia dicitur: Tria habebant talenta: Minus seu B minimum, habebat quinquaginta libras, quod fuit institorum: medium, septuaginta, quod fuit civium: maximum, centum viginti, quod erat sanetnarii: et ita habebat talentum auri ad pondus sanetnarii.

Lyra quoque circa hoc scribit: In Hebræo habetur, centenarium auri; et Rabbi Salomon dicit, quod erat centum viginti librarum, secundum pondus Coloniense. Sed quoniam pondera multum variantur per regiones et tempora, aliqui dicunt, quod determinate et certe scire non possumus, quantum fuerit pondus auri illius, quamvis constet quod exstitit valde magnum, præsertim si et hastile ac brachia seu calami sex erant de auro, ut littera videtur prætere.

*Inspice, et fac*, id est, arcam et cetera jam prædicta fac fieri, *secundum exemplar, quod tibi in monte monstratum est*: quod ego nunc tibi demonstravi, et menti tuæ tam memoriter ac complete impressi, ut nihil hujus ostensionis obliviscaris.

## ARTICULUS I.

DE SPIRITUALI, MYSTICO ATQUE MULTIPLICI INTELLECTU HUIUS CAPITULI VICESIMI QUINTI.

DE spirituali ac mystico, imo ac multi- Cplici intellectu hujus capituli, et capitulorum sequentium, a sanctis Patribus doctoribusque catholicis, tot et tanta sunt scripta, ut non videatur necessarium immorari hujusmodi expositionibus in hoc loco: ideo non nisi perpauca tangere atque perstringere nunc intendo.

*Locutusque est Dominus ad Moysen, dicens: Loquere filiis Israel, ut tollant mihi primitias*. Per Moysen legislatorem Judæorum, intelligitur Christus legislator Christianorum: Christiani quoque, qui Deum per fidem et sapientiam contemplantur, per filios Israel designantur. Itaque Christianis præcipit Christus, ut tollant primitias Domino, hoc est, Deo plene attribuant, devote adscribant, et ejus maneant venerationi ac cultui, quidquid præstantius est in eis, tam de donis naturæ, quam de charismatibus gratiæ, de bonis quoque fortunæ, et

de habitibus acquisitis, et de omni actione virtuosa ac meritoria. Omnia quippe ista a Deo sunt, et de ipsis, ac in ipsis, atque per ipsa honorandus, amandus, colendus est Deus. Denique Deus, ad litteram, jussit sibi offerri primitias, quoniam justum decentissimumque consistit, ut de omni specie ac natura offerantur ei præcipua, tum propter reverentiam majestatis divinæ prorsus immensæ, tum in recognitionem liberalitatis ac beneficiorum ipsius, tum ut debitum gratitudinis impleamus, et gratum ac sanctum Abel, qui obtulit meliora, non ingratum ac impium Cain, qui immolavit pejora, sequamur. *Ab omni homine qui offert ultroneus, accipietis eas*. Hoc est quod ait Apostolus: Non ex tristitia aut necessitate: hilarem enim datorem diligit Deus. Itaque cum omni alacritate et agilitate virtutum offeramus, ministremusque Deo, recognoscentes, quod nihil condignum

II Cor. ix, 7.



ei rependere valeamus. Imo quum omnia nobis praecepta impleverimus, ex vera humilitate dicamus : Servi inutiles sumus : quod debuimus facere, fecimus. Nam et merita nostra, Dei sunt dona. Quid enim habes quod non accepisti ?

*Hæc sunt autem quæ accipere debetis : aurum, et argentum, et æs.* Per aurum in-

Galat. v. 6. telligitur fides, quæ per dilectionem operatur : quæ grata est Deo, et spiritualis ædificii fundamentum consistit. Vel aurum istud est pretiosissima caritas, de qua in

Apoc. iii. 18. Apocalypsi Dominus loquitur : Suadeo tibi emere aurum ignitum, probatum, ut locuples fias. Quod sui ipsius humili resignatione, vera obeditione, oratione assidua emitur. Auro quoque donum sapientiæ splendens atque prænobile denotatur. Per argentum sermo divinus, donum scientiæ, prudentia in rebus humanis datur intelligi. Per æs, patientia in adversis, virtus constantiæ, fortitudo animi rite accipitur.

*Hyacinthum et purpuram, coccumque bis tinctum, et byssum.* Per hyacinthum, qui aerei et cælestis perhibetur coloris, significatur spes regni cælestis, conversatio pura ac cæliformis. Per purpuram, quæ regum est vestis, incessus per regiam viam, non declinando ad dexteram vel sinistram, hoc est ad aliquam vitiosam extremitatem. Purpura quoque, quæ rubei est coloris, martyrium signat. Per coccum bis tinctum, conversatio aliquid habens de perfectione vitæ contemplativæ, et aliquid de eminentia vitæ activæ, qualis potissimum esse debet prælatorum vita, exprimitur. Per byssum, castitas corporis, puritas mentis, conscientiæ nitor.

*Pilos caprarum, et pelles arietum rubricatas, pellesque hyacinthinas.* Per pilos caprarum, vestis penitentialis seu asperitas vitæ ; per pelles arietum rubricatas, exterior apparatus exemplaris, honestus, seu imitatio passionis dominicæ ; per pelles hyacinthinas, resplendentia interioris puritatis foris apprensens, intelliguntur. *Et liqua setim,* id est incorrupta et integra corda. *Oleum ad luminaria concinnanda,* id est opera pietatis

ad aliorum ædificationem, ac propriarum virtutum fomentum seu conservationem. *Aromata,* id est virtuosæ famæ odorem. *Unguentum,* id est devotionis dulcedinem. *Et thymiana boni odoris,* id est orationem ferventem, quæ dirigatur ad Deum sicut incensum. Unde in Apocalypsi : Ascendit fumus aromatum de orationibus Sanctorum ante conspectum Dei. *Lapides onychinos,* id est robusta fidei argumenta, *et gemmas,* id est virtutes cardinales præclaras ac lucidas, *ad ornandum ephod ac rationale,* id est personas in sacris Ordinibus constitutas, præsertim prælatos ac præsules, quos oportet præcipue esse paratos ad reddendum omni poscenti rationem fidei christianæ ac spei, omnique prudentia, iustitia, temperantia ac fortitudine præfulgere, quatenus omnes ædificentur et informantur in eis : qui bene signantur per ephod et rationale, quæ sunt vestes sacerdotales.

*Faciuntque mihi sanctuarium.* Ex prædictis quippe virtutibus ædificatur Deo in anima mansio gratiosa : imo et ipsa Ecclesia regeneratur, augetur, et ædificatur ex his, in qua habitat Deus nobiscum atque in cordibus nostris. Nam et unusquisque debet se ipsum Deo sanctuarium, templum seu tabernaculum per præfatas virtutes, earumque actus, efficere ac præbere. *Iuxta omnem similitudinem tabernaculi quod ostendam tibi,* id est ad imitationem triumphantis Ecclesiæ, seu ejusdemque civis superni, quoniam Ecclesia militans instar triumphantis disposita est. Et unusquisque fidelis angelicæ vitæ puritatem ac obedientiam debet, juxta suæ vocationis exigentiam, sequi. Unde Joannes in Apocalypsi : Vidi, inquit, Jerusalem novam

Ps. cxi. 2.

Apoc. viii. 1.

Ibid. xxi. 2.

*Arcam de lignis setim compingite.* Per arcam intelligitur mundissima Christi humanitas, ex sanctissimis corpore et anima constans, ejus vires et membra instar lignorum setim imputribilia erant, quoniam vitiorum putredine nunquam infici potuerunt. Rursus, sicut in area continebantur



*Hebr. ix, 1.* tabulae legis, virga Aaron, et urna aurea A habens manna, ut dicitur ad Hebraeos : ita in Christo homine fuerunt plenissime designatae, per tria illa, videlicet utriusque Testamenti scientia, potestas praelatica, reffectio gratiarum. Porro, per arcam Isidorus intelligit Ecclesiam, ex personis fidelibus, mente et corpore incorruptis, seu spiritualiter integris, adunatam. Potest item per arcam intelligi templum Dei in superioribus viribus animae contemplativae : quae area ex lignis setim, id est intellectu deformiter illuminato, voluntate vehementer accensa, memoria in caelestibus stabilita, construitur, in qua tota superbeatissima Trinitas libenter moratur. *Cujus longitudo habeat duos et semis cubitos : latitudo cubitum et dimidium ; altitudo quoque tantundem.* Ad litteram ista magnitudo sufficit areae ad continendum ea, propter quae continenda est facta. Spiritualiter vero per duos cubitos atque dimidium longitudinis areae, significatur tam increata quam creata longanimitas Salvatoris. Per dimidium vero longitudinis cubitum designatur, quod non solum patiens ac longanimis fuit, quosdam misericorditer convertendo, sed etiam justus, multos juste derelinquendo. Propter quod dixit : *Joann. xii, 31.* Nunc judicium est mundi. Per cubitum latitudinis, exprimitur caritas circa Deum : per dimidium, caritas ad homines : quae utraque in Christo fuit plenissima. Per altitudinem, sublimitas contemplationis in ipso, ita ut per cubitum altitudinis accipiatur celsitudo contemplationis animae Christi circa increatum objectum : per medium cubitum altitudinis, apex suae contemplationis circa objecta creata.

*Et deaurabis eam auro mundissimo intus et foris.* Per quod designatur, quod Christi humanitas fuit plenissime decorata omni charismate divinatorum, caritatis ardore, sapientiae claritate : et foris, exemplarissima conversatione, incomparabili maturitate, eloquentia, signis, prodigiis, gratiisque diversis. Ecclesia quoque multipliciter donis praetactis ornata est. *Fa-*

*ciensque supra coronam auream per circuitum :* quoniam Christus gloria et honore *Ps. xvi, 6.* est coronatus. De quo praedixit Psalmista : *Ps. cx, 1* Posuisti in capite ejus coronam de lapide pretioso. Fuit enim rex et summus sacerdos, et gloria beatificae fruitionis ab incarnationis exordio adimpletus, imo tota capacitas suae animae, donis gratiae fuit prorsus impleta. *Et quatuor circulos aureos :* per quos quatuor Evangelistae notantur : qui per vectes circulis inductos, id est per discipulos suos sibi incorporatos, et affectuosissime junctos, hoc est per propriam ac discipulorum suorum praedicationem, arcam Dei, videlicet Christum, circumduxerunt per quatuor mundi plagas.

*Facies et propitiatorium de auro mundissimo.* Christus omni perfectione et gratia penitus plenus, per duo seu pauca plene significari non potuit, sed per diversa est figuratus. Nam et ipse per propitiatorium est expressus. Ipse equidem est advocatus *1 Joann. ii, 1, 2.* noster, et propitiatio pro peccatis nostris. Pater quoque de ore et per os ejus dedit nobis responsa, praecepta et documenta, juxta quod scriptum est : Novissime diebus istis locutus est nobis in Filio. Unde et Filius protestatur : Sicut docuit me Pater, sic loquor. Meaque doctrina non est mea, sed ejus qui misit me. Praeterea quaeri potest, qualiter area operiebatur propitiatorio, si per utrumque Christus significatur. Et respondendum, quod Christus in quantum Deus, texit, protexit, et rexit se ipsum secundum quod homo est.

*Duos quoque Cherubim aureos.* Per quos designatur, quod omnes Sancti Christo ministrant, et universi deserviunt ei, secundum quod ait : Videbitis angelos ascendentes et descendentes super Filium hominis. Apostolus quoque : Adorent eum omnes angeli Dei. Per hoc demum quod Cherubim se mutuo adspexerunt, innuitur, quod sancti angeli se invicem clarissime noseunt ac influentur, et summam sortiuntur concordiam atque inviolabilem pacem. Attamen se viderunt vultibus in propitiatorium versis, quoniam multo directius, de-

*1 Joann. ii, 1, 2.*

*Hebr. i, 1, 2.*

*Joann. viii, 28 ; vii, 16.*

*Ibid. i, 51.*

*Hebr. i, 6.*

lectabilis ac amorosius intenti sunt Verbo æterno, in quod prospicere insatiabiliter, infastidiabiliterque desiderant, quam sibi invicem. Insuper, quod Cherubim ex utraque parte oraculi stabant, et illud tegebant, signatum est quod universi angelici spiritus majestati Creatoris ad contemplandum, obediendum, laudandum semper præsentibus sunt, et Christo obsequium, obumbrationem, adstantiam exhibere paratissimi erant. Propter quod dixit: Possum

*Matth.*  
xxvi, 53.

*Marc.* i, 13.

in deserto esset cum bestiis, angeli ministrabant ei. Hinc alas extenderunt ad invicem Cherubim super oraculum seu propitiatorium. Rursus, per duos Cherubim in propitiatorium respicientes, intelliguntur duo Testamenta, Christum concorditer prædicantia et intuentia: quia quod in uno eorum denuntiatur in ipso Christo complendum, in alio recitatur in ipso completum. Gratia namque et veritas per Jesum Christum facta est, ut Joannes habet.

*Joann.* i, 17.

*Facies et mensam de lignis setim.* Per C mensam exprimitur Christus, seu sacra ipsius doctrina, atque Sacramenti altaris exhibitio veneranda. Ipse enim cibus est et cibator, ipse refectio salutaris. In qua mensa sunt quatuor pedes, qui sunt quatuor sensus Scripturæ. Duo quoque cubiti longitudinis ejus, sunt longanimitas et perseverantia, vel æternitas suæ deitatis, atque perpetuitas suæ humanitatis. Cubitus latitudinis, caritas ejus, quæ et inimicos intra se comprehendit, quoniam et pro inimicis suis se obtulit, precemque D fudit. Cubitus altitudinis, est sublimitas sapientiæ, contemplationisque ejus: dimidius vero altitudinis cubitus, scientia qua creata cognoscit. *Et inaurabis eam:* quoniam omni gratiarum decore, et caritatis ac sapientiæ venustate est Christus ornatus; imo et Evangelium, sed et Ecclesia ejus. *Faciesque illi labium aureum per circuitum.* Per hoc designantur munda ora ac pura documenta ecclesiasticorum Doctorum ac Patrum, præsertim beatissimorum

A Apostolorum. *Et ipsi labio coronam interrasilem auream, et super illam, alteram coronam aureolam.* Per auream coronam significatur beatitudo æterna, essentialique præmium, quod sancti prædicatores merentur, aliisque denuntiant ac promittunt, si fide et opere fuerint christiani. Hæc corona interrasilis appellatur, quoniam diversi diversimode eam, videlicet cum majori, minorive ornatu adipiscuntur. Porro per aureolam, accidentale specialeque præmium designatur, quod potissimum sanctis martyribus, et virginibus in quibus fuit propositum perpetuæ continentiae, et doctoribus, datur: quod et in visione humanitatis Christi et ceterorum civium supernorum, creaturarumque rerum consistit.

*Parabis et acetabula ac phialas, thuribula et cyathos, in quibus offerenda sunt libamina, ex auro purissimo.* Per hæc quatuor genera vasorum templi, designatur quadruplex differentia ecclesiasticarum personarum: per acetabula, in quibus offerebatur acetum, intelligendo viros rigorosæ conversationis, seu omnes actibus pœnitentiæ deditos; per phialas, quæ magnæ erant capacitatis, perfectos, contemplativos ac sapientes, in quibus dona gratiæ copiose augentur; per thuribula, eos qui operibus misericordiæ redolent, atque alios delectant ac refovent; per cyathos autem, incipientes atque pusillos: in quorum omnium cordibus sunt Deo offerenda spiritualia sacrificia, orationes, vota ac lacrimæ. *Et pones super mensam panes propositionis in conspectu meo semper.* Per duodecim propositionis panes, recte accipiuntur duodecim sancti Apostoli, sen documenta et exempla eorum, quæ semper coram Deo sunt fidelibus proponenda in Christi et Ecclesiæ mensa: duodecim quoque virtutes morales: quibus omnibus nutriuntur fideles, potissimum idonei sacerdotes.

*Facies et candelabrum ductile.* Per candelabrum potest intelligi Christus, qui ait: Ego sum lux mundi. Qui ductilis fuit, quo-

*Joann.* viii, 12.

niam secundum humanitatem assumptam, summe dirigibilis et infallibiliter ductus est a Spiritu Sancto, et persecutionum poenarumque ictibus ad resurrectionis gloriam est perductus. *Hastile ejus et calamos, scyphos et sphaerulas, ac lilia ex ipso procedentia.* Hastile Christi, est crux ejus, qua vicit et prostravit adversarios humanæ salutis. Calami sunt libri Scripturæ canonice novi Testamenti, seu prædicatores atque discipuli ejus. Scyphi sunt calices. Sphaerulæ sunt reditiones cordium ad proprium fontem, quæ dum convertuntur ad eum a quo condita sunt, quasi circum-lum seu sphaerulam faciunt. Lilia vero sunt actus humilitatis, quæ instar humilitatis redolent, et ad propriam parvitatem reflectuntur. Omnia ista profluxerunt a Salvatore, qui in medio discipulorum se collocavit, atque ad partem utramque sua dona diffudit. *In ipso autem candelabro erunt quatuor scyphi,* id est quatuor Evangeliorum doctrinæ, ex quibus potantur fidelium animæ in Christo. In quibus doctrinis sunt sphaerulæ, quoniam docent reditionem mentis in Deum, sicut in motu circulari fit reditus ad punctum egressionis. *Et lilia,* id est opera humilitatis ipsius Domini Salvatoris. In calamis autem singulis fuerunt tres scyphi, quia in unoquoque vere fideli est cognitio summæ Trinitatis, notitia simplicis deitatis, et fides dominicæ incarnationis. Vel tres scyphi, sunt calix passionis, calix pœnitentiæ, calix consolationis internæ : quibus pia unaquæque mens potanda est, ita ut Christi passionem sectetur, in pœnitentiæ actibus exerceatur, sicque ad consolationis divinæ gustum pertingat.

*Facies et lucernas septem, et pones eas*

*A super candelabrum.* Per septem lucernas seu lampades ardentes, intelliguntur septem dona Spiritus Sancti, quæ nunquam informia sunt, sed caritate formantur. Et plenissime fuerunt in Christo, qui juxta Zachariam prophetam est lapis, in quo sunt oculi septem. Quod plenius exprimens Isaias : Requiescet, inquit, super eum Spiritus Domini, Spiritus sapientiæ et intellectus, etc. Per *emunctoria* intelliguntur verba correptionis fraternæ, et disciplinæ justæ correctionis, per quæ superflua resecantur. Per *extinctoria* vero, patientia et emendatio eorum qui corripuntur : qui dum suam correptionem atque correctionem gratanter ac patienter suscipiunt, seque emendant, turbidum fumum et vitiorum fœtorem præseindunt.

*Inspice, et fac secundum exemplar, quod tibi in monte monstratum est.* Sic et nos universa quæ agimus, exercere debemus secundum Christi doctrinam, jussionem et operationem, qui universorum electorum, omniumque virtutum præclarissimum est exemplar in monte, hoc est in Ecclesia seu altitudine evangelicæ doctrinæ, vel contemplationis sublimitate, nobis propositum et ostensum.

Postremo, per mensam itemque candelabrum, Ecclesia, imo unaquæque ecclesiastica persona devota desuper illustrata, potest intelligi, in quantum spiritualiter reficit alios salutaribus documentis, et virtutum exemplis, ac Spiritus Sancti septenario decoratur, habens in se duodecim Apostolorum doctrinam, ac conversationis eorum et miraculorum notitiam. De istis pertranseo, quoniam in Glossa, aliisque diversis tractatibus copiose habentur, et alibi multa inde conscripsi.

Zach. iii, 9.

Is. xl, 2.

Luc. xxi, 27.



## ARTICULUS LI

ELUCIDATIO LITTERALIS CAPITULI VICESIMI SEXTI : TABERNACULUM VERO ITA FIET.

**P**OSTQUAM descripta sunt quædam in A tabernaculo contenta. nunc tabernaculum ipsum describitur. *Tabernaculum vero ita fiet.* Tabernaculum fuit templum quoddam. sanctuariumque portatile, seu domus Deo dicata, cujus tectum non fuit cameratum et elevatum, sed planum juxta morem Palestinorum, fuitque quatuor operimentis opertum, de quibus nunc agitur. Quorum primum factum fuit de cortinis, in quibus quadruplex color fuit, vel potius ipsæ cortinæ fuerunt primum operimentum. Unde nunc dicitur : *Decem cortinas B de bysso retorta, et hyacintho ac purpura, coccoque bis tincto, variatas opere plumario facies fieri per manus artificum.* Itaque quælibet cortinarum istarum, facta fuit ex quatuor istis materiis, quarum quælibet proprium habebat colorem : quæ materiæ ac colores circa principium expositionis litteralis capituli præcedentis sunt expositi. Fuerunt autem cortinæ variatæ, id est diversimode decoratæ depictione florum ac picturarum : et hoc, opere plumario, id est facto per acum. Nam pluma uno C modo pro acu accipitur ; atque ut sentit Augustinus, varietas illa picturarum per acum est facta. Aliqui tamen, etiam Hebræi, affirmant quod per texturam sit facta. *Longitudo cortinæ unius, habebit viginti octo cubitos ; latitudo quatuor cubitorum erit :* quia sic requirebat conveniens opertio tabernaculi per cortinas. *Unius mensuræ fient universa tentoria,* id est, præfatæ decem cortinæ, erunt longitudinis latitudinisque ejusdem. Porro cortinæ hæ, dicte sunt etiam vela, et item D tentoria, quia operiebant tabernaculum instar tentorii. *Quinque cortinæ sibi jungentur mutuo,* id est, pariter consueuntur seu

filo jungentur, ut reddant unam cortinam magnam, habentem in latitudine viginti cubitos, quum unaquæque earum sit latitudinis quatuor cubitorum. *Et aliæ quinque nexu simili coluerebunt,* id est, ceteræ quinque cortinæ eodem modo jungentur.

*Ansulas hyacinthinæ in lateribus ac summitatibus facies cortinarum, ut possint invicem copulari,* id est, in latere uno unius illarum duarum cortinarum magnarum, ex quinque cortinis constantium : in latere, inquam, usque ad summum ejus : similiter in latere uno alterius magnæ cortinæ, ut duæ illæ magnæ cortinæ possint conjungi per ansas et circulos. *Quinquagenas ansulas cortina habebit in utraque parte,* id est, unaquæque earum in latere suo habere debet tot ansulas, ita insertas cortinis, ut ansa contra ansam veniat, id est, ansa unius cortinæ directe veniat et contingere possit ansam alterius, et altera alteri possit adaptari, id est convenienter connecti. Porro ansa dicitur auris, per quam sporta seu vas portatur, et cortina cortinæ connectitur. Inde ansula, utpote ansa parva. *Facies et quinquaginta circulos aureos, quibus cortinarum vela jungenda sunt.* Hi etenim circuli inseriebantur ansulis, et duæ ansulæ uno aureo circulo colligabantur, sicque vela cortinarum, id est duæ grandes cortinæ præfatæ, consociabantur. *Et unum tabernaculum fiat,* id est unum completum totius tabernaculi operimentum. Quo constat, verum esse quod Magister in historiis asserit, ipsas cortinas quandoque tabernaculum appellari. De modo autem operturæ tabernaculi per velum seu operimentum illud totale, duplex est opinio, ut tangetur.



Sequitur de operimento secundo. *Facies et saga cilicina undecim de pilis caprarum, ad operiendum tectum tabernaculi.* Saga enim ponebantur super cortinas. Sagum vero vocatur asper pannus, seu vestis facta de pilis caprarum, de quibus et cilicia fiunt. Hinc saga cilicina vocantur. Pilique illi primo filabantur, deinde texebantur. *Longitudo sagi unius habebit triginta cubitos :* et ita duobus cubitis longius fuit sagum cortina; non tamen fuit latius ea. Nam subditur : *et latitudo quatuor.* *Æqua erit mensura sagorum omnium :* ita quod universa ejusdem longitudinis ac latitudinis essent, quemadmodum dictum est de cortinis. *Et quibus quinque jungetur seorsum,* id est, ex quinque sagis facies unum sagum magnum, sicut de quinque cortinis facta est una magna; *et sex sibi mutuo copulabis,* id est, ex sex reliquis sagis similiter facies unum grande, ea (ut dictum est) connectendo seu consuendo : *ita ut sextum sagum in fronte tecti duplices.* Media quippe pars ejus, hoc est duo cubiti latitudinis sagi unius, ponebatur replicata in orientali tabernaculi parte, ad operiendum capita columnarum in introitu tabernaculi situatarum, quæ capita cubitum unum tenebant, sicque operimentum illud sagorum ex replicatione prædicta tabernaculo tenacius adhæreret. Alii vero duo latitudinis cubiti erant in opposita tabernaculi parte.

*Facies et quinquaginta ansas in ora,* id est latere, sagi unius, ut conjungi cum altero queat. Nam unum horum duorum magnorum sagorum, alteri necebat per ansas et circulos æneos, prout de cortinis jam patuit. Ideo subditur : *et quinquaginta ansas in ora sagi alterius, ut cum altero copuletur,* id est cum alio magno sago. *Facies et quinquaginta fibulas æneas, quibus jungantur ansæ,* id est quinquaginta torques seu circulos æreos, per quos ansæ duorum magnorum jungantur sagorum, ita quod duæ ansæ uno circulo æneo colligantur, sicut ansæ cortinarum aureo torque, ut dictum est : *ut unum ex omnibus*

*A operimentum fiat,* id est, ex omnibus sagis sic copulatis, resultet et habeatur unum totius tabernaculi tegmen totale.

*Quod autem superfuerit in sagis, quæ parantur tecto,* id est, quæ fient ad operiendum tectum tabernaculi, *id est sagum unum quod amplius est,* id est ultra denarium cortinarum, quæ decem fuerunt. Saga autem undecim fuerunt, sicque numerus sagorum excessit numerum cortinarum in uno hoc sago. Itaque quid de illo debuit fieri, subditur : *ex medietate ejus operies posteriora tabernaculi,* id est, retro et post parietem occidentalem pendebit, et extendet se ultra operturam cortinarum duobus circiter cubitis. *Et cubitus ex una parte pendebit,* id est, cubitus sagi totius ex una tabernaculi parte, extendetur ultra operturam totius cortinæ per cubitum unum; *et alter ex altera, qui plus est in sagorum longitudine,* id est, alius sagi cubitus pendebit ex alia parte tabernaculi tantumdem ut primus : qui cubitus longitudinem cortinarum excedit ex parte utraque tantum, ut dictum est. *Utrumque latus tabernaculi protegens.* Hoc referendum videtur ad id. Quod autem superfuerit ex medietate ejus : quia medietas illa, videlicet duo cubiti hinc et hinc ultra cortinas descendentes, operiebant partes seu latera tabernaculi, non operata cortinis. Unus enim cubitus ex uno latere operuit partem illam, alter ex alio.

Sequitur de aliis duobus tabernaculi operimentis. *Facies et operimentum aliud tecto tabernaculi de pellibus arietum rubricatis ; et super,* id est ultra, hoc operimentum facies rursus aliud de hyacinthinis pellibus ad tectum operiendum. Sicque videtur, quod duo ista operimenta solum operuerint tabernaculi tectum : de qua re infra dicetur. Extremum itaque operimentum fuit de pellibus hyacinthinis, qui acrei atque cælestis exstant coloris. Unde (ut Josephus scribit) stupor invasit multos a longe adspicientes, quia colorem illum in nullo putabant differre a cœli colore.

Consequenter tabernaculi constructio A describitur, quantum ad ejus materiam atque formam. *Facies et tabulas stantes*, id est erectas, *tabernaculi de lignis setim*, quæ singulæ denos cubitos in longitudine habeant, id est, quælibet tabula erit decem cubitorum in longitudine; et in latitudine habeat singulos et semissem, id est, quælibet erit lata spatio cubiti unius eum dimidio. De spissitudine autem earum non loquitur textus, sed expositores communiter sequuntur Josephum, protestantem quod spissitudo cujuslibet tabulæ fuit quatuor B digitorum. Tamen (ut recitat Lyra) Rabbi Salomon dixit, quod spissitudo unius exstitit cubiti. Quod satis reprobatur ipse qui recitat. Sic enim tabernaculum fuisset nimis ponderositatis ad portandum. *In lateribus tabulæ, duæ incastraturæ fient*, quibus tabula una alteri tabulæ connectatur. Per incastraturas Josephus et eum sequentes, intelligunt cardines. Porro secundum alios, incastratio tabularum fit, dum una concavatur in sua extremitate, et altera attenuatur, quatenus attenuata infigatur concavatae in sua concavitate. Aliqui vero dicunt, quod incastratio est insertio tabulæ in tabulam facta per medios clavos. Nam et in Scholastica fertur historia: Jungebantur sibi mutuo tabulæ incastrate, ne rimula esset ibi, aut inæqualis planities parietis. *Atque in hunc modum cunctæ tabulæ parabuntur*, in longitudine, spissitudine, incastraturis.

Quarum viginti erunt in latere tabernaculi meridiano, quod vergit ad austrum. Istæ etenim tabulæ sic conjunctæ ac situatæ, constituerunt australem tabernaculi parietem. Quibus quadraginta bases argenteas fundes. Basis vocatur, quod tabulæ seu columnæ ad sustentandum supponitur. *Ut binæ bases singulis tabulis per duos angulos subjiciantur*. Quælibet namque tabula duas habebat bases: unam in uno angulo seu extremitate sui, aliam in alio angulo, secundum expositores. Incastratura seu cardo [era] ex utraque parte inaurata, et in basibus erant foramina, in quibus

cardines suscipiebantur ac claudebantur. Itaque sub utroque cornu tabulæ exstitit una basis; vel (ut quidam imaginantur) una sub angulis tabularum duarum. Sed qualiter tunc fuissent ibi quadraginta bases? *In latere quoque secundo tabernaculi quod vergit*, id est tendit, *ad aquilonem, viginti tabulæ erunt, quadraginta habentes bases argenteas*: quoniam paries aquilonaris fuit omnino æqualiter dispositus et formatus sicut paries meridianus. *Binæ bases singulis tabulis supponentur*.

Ad occidentalem vero plagam tabernaculi facies sex tabulas. Harum sex tabularum tanta fuit longitudo, latitudo et spissitudo, quanta et aliarum: ex quibus constabat paries occidentalis, habens in longitudine cubitos novem. Et rursum alias duas, quæ in angulis erigantur post tergum tabernaculi. Istæ duæ tabulæ non erant latitudinis tantæ ut ceteræ, quoniam unaquæque earum habebat in latitudine cubitum medium: erant tamen in longitudine et spissitudine ceteris æquales. Itaque una harum duarum, fuit erecta in uno latere seu extremitate parietis occidentalis; altera vero, in alio illius parietis latere. Quum enim sex tabulæ prædictæ, non implerent nisi novem latitudinis cubitos, dimidius cubitus ab utraque parte vacuus apparebat. Ideo tabula uno cubito lata, per medium secta est, et inde sunt factæ duæ tabulæ semicubitales: quæ utrinque partibus illis oppositæ, clausurunt et impleverunt duos illos semicubitos vacuos, parietemque occidentalem compaginaverunt et conjunxerunt aliis duobus parietibus collateralibus. Eruntque sibi conjunctæ a deorsum usque sursum: erant enim aliis tabulis junctæ per totam altitudinem parietis: et una omnes compago retinebit: id est, una generali connexionione omnes tabulæ erunt proportionabiliter mutuo copulatæ. Duabus quoque tabulis, quæ in angulis ponendæ sunt, utpote prædictis duabus semicubitalibus tabulis, similis junctura servabitur: quia sic erunt conjunctæ tabulis proximis, quemadmodum ceteræ sibi invicem con-

necentur. *Et erunt simul tabulae octo* : id est, in pariete occidentali erunt in toto tabulae octo, videlicet sex de quibus facta est mentio, et duae praefatae semicubitales. *Bases earum argenteae erunt sedecim, duabus basibus per unam tabulam supputatis.* Quaelibet enim tabula habuit juxta praedieta duas argenteas bases, quibus innitebatur et immittebatur, sed utraque tabula semicubitalis habuit bases duas. Denique tabulae parietum in superiori parte jungebantur uncinis, unoquoque uncino tabulas duas jungente, ac summities earum intrante : quod etiam significatur per verba illa praehabita, Eruntque sibi conjunctae a deorsum usque sursum, et una omnes compago retinebit : pro quo (ut fertur) in Hebraeo habetur, Erunt conjunctae super caput uncino.

*Facies et vectes de lignis setim, quinque ad continendas tabulas in uno latere tabernaculi, et quinque alios in altero, et ejusdem numeri ad occidentalem plagam* : id est, in quolibet pariete tabernaculi, videlicet australi, aquilonari ac occidentali, erunt quinque vectes, vel (ut aliqui dicunt) totidem vectium ordines : qui vectes immittebantur per medium parietum, inter superiorem inferioremque partes eorum, ad continendum fortissime ad invicem, ipsasque parietum tabulas, ne vi ventorum, aut alia commotione concenterentur parietes. Ideo subditur : *Qui, scilicet vectes, mittentur per medias tabulas a summo usque ad summum, videlicet per totum tabulatum a principio parietis usque ad finem ejus per transversum parietum.* *Ipsas quoque tabulas deaurabis, id est, auro operies, et fundes in eis annulos aureos, per quos vectes tabulata contineant.* Cuilibet equidem tabulae erant affixi et immissi tres annuli, per quos vectes imponebantur ad continendum tabulata : quos vectes operies laminis aureis.

Deinceps describuntur duo vela, quae ad tabernaculum pertinebant. *Facies et velum de hyacintho et purpura, coccoque bis tincto, et bysso retorta, opere plumario.* De

eisdem materiis sunt factae cortinae, sicut in principio hujus capituli, continetur, ubi et ista exposita sunt. *Et pulchra varietate contextum.* Unde secundum Josephum, omnes flores quos gignit humus, fuerunt in eo depicti, cum aliis quoque picturis, quos inserere poterant artifices praeter animalium formas. *Quod appendes ante quatuor columnas de lignis setim factas ; quae deauratae erunt, et habebunt capita aurea et bases argenteas.* Has columnas dicit Josephus fuisse tabulas instar aliarum formatas, aequaliter a se distantes, inter quas fuerunt tres angusti ingressus. Denique istae columnae fuerunt intra tabernaculum, inter Sanctum et Sanctum sanctorum, ante quas velum pendeat ad prohibendum adspectum eorum, quae in Sancto sanctorum continebantur. Quod etiam velum fuit quadrum omnino, habens cubitos decem, quoniam altitudo tabernaculi erat decem cubitorum, similiter latitudo ipsius. *Inseretur autem velum per circulos aureos, per quos trahi possit ac retrahi tempore opportuno.*

Erant autem super capita quatuor columnarum suppositi duo vectes decem cubitorum, a pariete ad parietem protensi, quibus annuli immittebantur. *Intra quod velum pones arcam testimonii, scilicet intra Sancta sanctorum, quo et sanctuarium, et sanctuarii sanctuaria dividuntur* : id est, eodem velo divisa erunt seu distincta ab invicem, locus tabernaculi qui vocatur Sanctum, et locus ejus celebrior atque sanctior, qui Sancta sanctorum est dictus. *Pones et propitiatorium super arcam testimonii in Sancto sanctorum.* Quid sit propitiatorium, et qualiter fuit superpositum arcae, in expositione praecedentis capituli est expressum. *Mensamque extra velum* : id est, mensam propositionis pones in loco tabernaculi, qui Sanctum vocatus est : et contra mensam, videlicet ex opposito pones, candelabrum in latere tabernaculi meridiano. *Mensa enim stabit in parte aquilonis.*

*Facies et tentorium, id est velum, in introitu tabernaculi, de hyacintho et pur-*



*pura, coccoque bis tincto, et bysso retorta, A opere plumario.* Sicque fuit ex eisdem materiis cum velo prædicto, quamvis non scribatur tanta varietate ornatum ut illud. *Et quinque columnas deaurabis lignorum setim :* id est, quinque columnas ex lignis setim formabis, quæ ante sanctuarium stabunt versus orientem in introitu ejus : *ante quas ducetur tentorium :* id est, velum istud pendeat ante illas columnas in ingressu tabernaculi, quod versus orientalem plagam non habebat parietem, sed loco parietis habuit velum istud, ut cunctis B pateret ingressus. *Quarum columnarum erunt capita aurea, et bases æneæ.* Sicque differebat velum istud ab alio, quoniam illud pendebat ante quatuor columnas, et fuit intra tabernaculum, habuitque bases argenteas. Istud pendebat ante quinque columnas, etc., super quas etiam fuit velutis, cui per circulos aureos fuit hoc velum insertum.

Postremo, de modo operaturæ tabernaculi per quatuor sua operimenta præfata, diversi diversimode sunt locuti. Strabus C etenim ait : Cortinæ ita operiebant tectum tabernaculi, ut et per latera ejus descenderent, terram tamen non tangerent. Saga autem tectum et latera operiebant, et tertram tangebant. Pelles vero rubricatæ ac hyacinthinæ tectum tantum operiebant, nec ad latera declinabant. Hinc ait et Beda : Decem cortinæ sibi invicem copulatæ, per transversum operuerunt tabernaculum totum : et descendentes per latera, uno cubito distabant a terra : et quoniam simul junctæ, quadraginta cubitos continebant. D longitudinem tabernaculi, quæ erat triginta cubitorum, tegebant. Reliquorum vero decem cubitorum quinque pendebant ad latus occidentale, alii quinque descenderant ante aperturam, quæ fuit ad orientem. Saga quoque superponebantur similiter tabernaculo per transversum. Et quia triginta cubitorum fuerunt, per latera descenderunt usque ad terram, sicque cubitum cortinis non velatum velabant : sed quoniam ex transverso quadraginta cubi-

tos habuerunt, longitudinem tabernaculi triginta cubitis tegebant. De quatuordecim vero residuis cubitis, septem descenderunt ante partem orientalem, et septem ante partem occidentalem. Josephus autem, quem in isto sequitur Origenes, dicit cortinas tegere totum tabernaculum, et descendere juxta latus occidentale usque ad terram : introitum vero non tegi aliqua parte cortinarum, quum proprium haberet velum. Similiter de sagis ait totum tabernaculum operiri absque introitu.

Verum his objicit Magister in historiis, quia secundum dicta istorum, extrinseca pars sanctuarii plurimum pretiosa et speciosa, non apparebat, nec ulla pars cortinarum quæ circa tabernaculum defluebat. Imo secundum Bedam, pretiosum tentorium seu velum quod erat ante introitum, non apparuit. Sic quoque frustra factæ fuissent tam speciosæ. Sed ad istud idem respondet, quod cortinæ et saga forsitan funibus circa tabernaculum extendebantur, æreisque paxillis funes colligabantur. Nam et infra legitur, tabernaculum habuisse paxillos, atque in modum teeti dependentis circumquaque attollebantur, ut et tabernaculum undique posset videri et circumiri ab ingredientibus sub cortinis.

Insuper in Scholastica fertur historia : Non est questio, id est dubitatio, de pellibus arietum rubricatis ac pellibus hyacinthinis, quia superiora tantum tegentes, ad latera non descenderunt, sed circumligatæ fuerunt funibus et paxillis æreis terræ affixis. Verumtamen Lyra dicit probabilius esse, quod duo hæc operimenta descenderunt ad terram, non solum in tribus tabernaculi partibus, quemadmodum cortinæ et saga, sed etiam pependisse ante velum quod in introitu tabernaculi erat, ut Josephus ait. Attamen Josephum secundum istud non dicere, satis constat : nec ratio valet quam allegat, dicendo : Ad hoc erant ut repellerent vim ventorum ac imbrum. Erant enim ibi et pro aliis causis, ut patuit. Et alia duo operimenta ac velum præfatum, et aliud de quo dicitur, satis

poterant vim ventorum imbriumque repellere. Dicit equidem Josephus, velum quod pendebat in ingressu tabernaculi ante quinque columnas, ut dictum est, non nisi usque ad medietatem columnarum descendisse, et eas texisse per cubitos quinque; reliquos vero quinque cubitos, ad sacerdotum patuisse ingressum. Super hoc autem affirmat aliam cortinam lanceam superpositam ibi fuisse, pertingentem usque ad terram, quæ funibus per annulos ducebatur ac retrahebatur, ut in diebus festis retracta, ad aspectum tabernaculi exhiberet; aliis vero diebus superducta, prohi-

beret ad aspectum, præcipue quum tempus nubilum videbatur. Cujus cortinæ textura exstitit fortis, et facile sustinebat laborem. Insuper in ingressu templi similem dicit fuisse cortinam appensam. Recitat etiam, quod sicut in utraque tabula descripta fuerunt quinque præcepta, ita decem cortinas simul junctas, tempore opportuno disjungi consuevisse, ut quinque cortinæ simul in utraque manerent simul; quatenus ministri templi cum populo hoc cernentes, admonerentur semper de observatione Decalogi per tabulas sic distincti.

\* parte

## ARTICULUS LII

### ELUCIDATIO SPIRITUALIS EJUSDEM CAPITULI VICESIMI SEXTI.

**V**ERBA explanati capituli adeo mystica sunt, ut et Judei littera sola contenti, fateantur ea magnarum divinarumque rerum esse significativa. Nam et Josephus contestatur: Tabernaculi compositionem Deus, non homo, ita disposuit, quoniam si quis velit hæc considerare sine invidia, inveniet singula horum ad formam rerum divinarum peraeta. Abditum namque, id est Sanctum sanctorum, quod soli pontifici licuit introire, figurabat cælum Deo et angelis attributum. Sanctuarium vero, quod in duplo majus erat, designat mare et aridam, ennetis gressibilibus communia, quemadmodum illa pars sacerdotibus erat communis; cortinæ, cælum sidereum; saga, aquas, quæ sunt supra firmamentum; pelles rubricatæ, cælum empyreum in quo sunt angeli: pelles hyacinthinæ, cælum superius, ubi Deus super omnia. In quatuor coloribus dicit Josephus significari quatuor elementa. Per byssum, terram, quia de terra est, et primum terrenum, viridemque habet colorem. Per purpuram, mare, quoniam ex marinis tingitur conchis.

Per hyacinthum, aerem. Per coccum, ignem, quoniam igneum sortitur colorem. Per mensam, annum seu tempus. Per duodecim panes propositionis, duodecim menses. Per coronam quatuor digitorum, annum solarem quatuor temporum. Per aureolam, annum lunarem. Per septem candelabri lucernas, septem planetas.

Præterea de hac materia scribit S. Thomas in prima secundæ, quæstione 102: Sicut in unitate templi vel tabernaculi representabatur unitas Dei seu Ecclesiæ; sic in distinctione templi seu tabernaculi, representabatur distinctio eorum quæ Deo subiecta sunt, ex quibus in Dei venerationem consurgimus. Distinguebatur autem tabernaculum in duas partes: in unam, quæ vocabatur Sancta sanctorum, et erat occidentalis: et in aliam, quæ dicebatur Sancta, et erat ad orientem. Et iterum ante tabernaculum erat atrium. Hæc ergo distinctio duplicem habet rationem: unam, secundum quod tabernaculum ordinatur ad Dei cultum. Sic namque diversæ partes mundi, in distinctione tabernaculi figura-

bantur. Nam pars illa quæ dicitur Sancta A habentes fidem magis explicitam de mysteriis Christi : ideo intrabant in exterius tabernaculum, quod etiam quodam velo distinguebatur ab atrio : quoniam quædam erant velata seu ignota populo circa Christi mysteria, quæ sacerdotibus erant nota, non tamen erant eis revelata tam  
 5. *Ephes. iii.*  
 plene, ut in novo postea Testamento, ut tangitur ad Ephesios. Hæc Thomas.

Qui iterum loquitur : Eorum quæ in templo continebantur, reddi potest ratio litteralis et figuræ. Litteralis, per relationem ad cultum divinum. Et quia per Sancta sanctorum significabatur altius sæculum, ideo in Sanctis sanctorum tria continebantur : videlicet arca testamenti, in qua fuit urna aurea habens manna, virga Aaron, et tabulæ Decalogi, [duo Cherubim, et propitiatorium]. Per quæ signantur tria in altiori sæculo existentia : scilicet Deus per propitiatorium, quoniam Deus invisibilis, incomprehensibilisque consistit : ideo non fiebat ei aliqua similitudo in tabernaculo illo, sed propitiatorium erat quasi sedes ipsius, et arca velut scabellum pedum ipsius. Per Cherubim vero signati sunt angelici spiritus existentes in cœlo. Per arcam vero, rationes omnium quæ aguntur in sæculo isto : quæ rationes quasi clausæ sunt, et continentur in cœlis, quemadmodum rationes effectuum clauduntur in suis causis, et rationes artificiorum in eorum artifice. Plura de his scribit ibidem Thomas.

Praeterea, totum tabulatum tabernaculi, fuit in longitudine triginta cubitorum, et in latitudine decem ; et locus qui dicitur  
 D Sancta sanctorum, continebat decem cubitos in longitudine, totidemque in latitudine. Locus vero vocatus Sanctum, habebat cubitos viginti in longum, et decem in latum. Itaque per tabernaculum Moysis, quod de loco ad locum in eremo portabatur, Ecclesia militans designatur, quæ in sæculo isto peregrinatur ac tendit ad patriam, nec diu in eodem permanet statu. Quemadmodum autem tabernaculo facta sunt quatuor operimenta, ita Ecclesia nunc quatuor tegitur ac firmatur subsidiis contra ventos

habentes fidem magis explicitam de mysteriis Christi : ideo intrabant in exterius tabernaculum, quod etiam quodam velo distinguebatur ab atrio : quoniam quædam erant velata seu ignota populo circa Christi mysteria, quæ sacerdotibus erant nota, non tamen erant eis revelata tam  
 5. *Ephes. iii.*  
 plene, ut in novo postea Testamento, ut tangitur ad Ephesios. Hæc Thomas.

Qui iterum loquitur : Eorum quæ in templo continebantur, reddi potest ratio litteralis et figuræ. Litteralis, per relationem ad cultum divinum. Et quia per Sancta sanctorum significabatur altius sæculum, ideo in Sanctis sanctorum tria continebantur : videlicet arca testamenti, in qua fuit urna aurea habens manna, virga Aaron, et tabulæ Decalogi, [duo Cherubim, et propitiatorium]. Per quæ signantur tria in altiori sæculo existentia : scilicet Deus per propitiatorium, quoniam Deus invisibilis, incomprehensibilisque consistit : ideo non fiebat ei aliqua similitudo in tabernaculo illo, sed propitiatorium erat quasi sedes ipsius, et arca velut scabellum pedum ipsius. Per Cherubim vero signati sunt angelici spiritus existentes in cœlo. Per arcam vero, rationes omnium quæ aguntur in sæculo isto : quæ rationes quasi clausæ sunt, et continentur in cœlis, quemadmodum rationes effectuum clauduntur in suis causis, et rationes artificiorum in eorum artifice. Plura de his scribit ibidem Thomas.

Praeterea, totum tabulatum tabernaculi, fuit in longitudine triginta cubitorum, et in latitudine decem ; et locus qui dicitur  
 D Sancta sanctorum, continebat decem cubitos in longitudine, totidemque in latitudine. Locus vero vocatus Sanctum, habebat cubitos viginti in longum, et decem in latum. Itaque per tabernaculum Moysis, quod de loco ad locum in eremo portabatur, Ecclesia militans designatur, quæ in sæculo isto peregrinatur ac tendit ad patriam, nec diu in eodem permanet statu. Quemadmodum autem tabernaculo facta sunt quatuor operimenta, ita Ecclesia nunc quatuor tegitur ac firmatur subsidiis contra ventos

*Hebr. ix. 6.*



tentationum, imbres tribulationum, ac flumina adversitatum : id est protectione divina, angelica custodia, ecclesiasticorum praelatorum ac praeicatorum praesidentia, ac propriae rationis per divina charismata decoratae iudicio. Possunt quoque per decem cortinas, decem praeceptorum observationes, corda fidelium custodientes, intelligi. Porro per undecim saga cilicina, rite accipiuntur peccatores ac poenitentes, qui in quantum divina praecepta transgressi sunt, recte per undenarium numerum, qui a denario primum recedit, notantur. Per connexionem autem operimentorum tabernaculi, spiritualis conjunctio credentium per fidem, caritatem, ceterasque virtutes exprimitur.

*Facies et tabulas stantes tabernaculi.* Per tabulas stantes sumuntur fideles, quorum sursum sunt corda : ex quibus aedificatur Ecclesia, sicut ex tabulis asseribusve tabernaculum illud fiebat. Quarum duae bases, sunt Apostoli et Prophetae, seu utriusque Testamenti Scripturae, quibus innituntur ac sustentantur fideles : qui et dono sapientiae ac caritatis ornati pulcherrime deaurantur. Insuper, per columnas, viri contemplativi, perfecti ac stabiles

intelliguntur, praesertim virtuosus praelatus, idoneique doctores, qui ceterorum imperfectum pie supportant, illosque fuleiunt et confortant. Quarum columnarum capita aurea erant, quia huiusmodi viri mentem habent pretiosissima dilectione, ac splendidissima contemplatione fuleitam. *Mensam pones extra velum in latere aquilonis.* Mensa est Scriptura sacra, quae extra velum locatur, dum fidelibus cum clara expositione proponitur. Verumtamen in aquilonis stat latere, quoniam in enigmate cognoscimus, atque in cunctis adversis et tribulationibus patientiam observare docemur. Candelabrum demum stabat in latere meridiano, quoniam Christus qui est summum luminare Ecclesiae, nunc quiescit in plenitudine lucis supernae, atque in summo totius caritatis fervore. Ecclesia quoque quae juxta praehabita per candelabrum designatur, nunc in caritatis ardore, et salutaris sapientiae splendore, quantum ad nobiliorem electioremque suam portionem, versatur, atque in Domino commoratur. In Glossa autem spiritualis hujus capituli expositio multum diffuse exprimitur : ideo brevitati studens, celeriter ista pertranseo.

## ARTICULUS LIII

DECLARATIO LITTERALIS CAPITULI VICESIMI SEPTIMI : FACIES ET ALTARE DE LIGNIS SETIM.

NUNC describuntur quae extra tabernaculum erant. *Facies et altare de lignis setim.* Quae imputribilia et incremabilia perhibentur. Ideo congruebant huic altari, quoniam ignis jugiter erat in eo. Fuit tamen intus et foris opertum aere seu aeneis laminis. *Quod habebit quinque cubitos in longitudine, et totidem in latitudine, id est quadrum,* id est, quadratum erit : *et tres cubitos in altitudine.* Ideo tempore ministerii sacerdotalis seu sacrificiationis,

aliquid fuit suppositum pedibus sacerdotum, ut in expositione vicesimi capituli plenius dictum est. *Cornua autem per quatuor angulos ex ipso erunt :* id est, ex ipso altari procedent in quatuor superioribus angulis ejus quatuor cornua recurvata, secundum quosdam, ut in eis quatuor annuli essent, quibus quatuor catenae inscerentur, in quibus suspendebatur eraticula aerea. Alii dicunt, quod cornua illa erant directe in altum tendentia, tanquam po-

melli ad altaris decorem. *Et operies illud aere.* A tur, quod arula posita fuit ante Joachim <sup>Jer. xxxvi, 22.</sup> regem plena prunis. Craticula autem fuit super arulam sita. Et super craticulam ponebantur sacrificia, ad Dei honorem in odorem suavitatis cremanda : atque per foramina craticulae, ignis existens in arula calefecit et incendit sacrificia craticulae superposita. *Facies et rectes altaris de lignis setim duos, quos operies laminis aeneis, et induces per circulos, hoc est, vectes hos per aeneos circulos inseres circulis consimilibus : eruntque in inferioribus*

*Faciesque in usus ejus lebetes ad suscipiendos cineres.* Lebetes erant vasa in quibus reponabantur cineres, qui in altari manserunt ex sacrificiorum concrematione. Ideo vasa ista dicuntur facta in usus altaris, id est ad quemdam usum seu actum, qui ad expletionem immolationis quae in altari fiebat, necessarius fuit. *Et forcipes :* qui requirebantur ad ignem construendum seu confovendum. Forceps quippe est instrumentum fabrilis, quo tenetur ferrum ad fabricandum, vel titio ad ignem meliorandum. *Ac fuscinulas :* quae sunt instrumenta, per quae coqui extrahunt de caldario carnes. Unde primo Regum habetur : Quidquid levabat fuscinula, accipiebat puer sacerdotis. *Et ignium receptacula.* Receptacula ista, fuerunt instrumenta seu vasa, in quibus ponebantur prunae ardentes manibus sacerdotum sumptae de igne praefati altaris : quas prunas deferabant sacerdotes in tabernaculum, ad cremandum super altare incensi seu thymiamatis, ipsum suave thymiamia mane et vespere, ut infra continetur. *Omnia vasa, videlicet instrumenta praefata, ex aere fabricabis.*

1 Reg. ii, 14.

Exod. xxx, 7, 8.

*Craticulamque in modum retis aeneam facies, per cujus quatuor angulos erunt quatuor annuli aenei, quos pones super arulam altaris. Eritque craticula usque ad altaris medium.* Haec namque craticula ferrea, instar retis facta, habebat in quatuor angulis suis quatuor annulos aereos, quibus inserebantur quatuor catenae aerae, quae appendebantur praedictis quatuor cornibus altaris, ad hoc per recurvationem aptatis, ut una tenet positio : sicque in illis catenis appendens craticula, descendit usque ad altaris medium intra ipsum, quia altare concavum fuit, et ejus concavitatem intravit craticula. Quos, videlicet quatuor annulos aeneos, existentes in quatuor craticulae angulis, pones super arulam altaris. Arula est instrumentum seu vas, in quo ponitur ignis. Unde in Jeremia habetur

*Angulis ex utroque latere altaris ad portandum ipsum altare, dum castra movenda sunt.*

Ex his evidenter habetur, quod in altari illo fuerunt annuli octo : quatuor in parte ejus superiori, in quibus suspendebatur craticula : et quatuor in parte ejus inferiori, secundum modum jam positum : idcirco non valet, quod quidam dicit hujus oppositum. In textibus quoque veteribus et correctis habetur. Super arulam altaris : non, Subter, etc. Verumtamen quidam circa hunc passum magnam inducunt difficultatem, et diversas de ista materia opinioniones, quae in Scholastica historia et ejus glossa diligenter narrantur. Et alius circa haec intricationem inserit. Sed quoniam res non videtur nunc ponderis tanti, et praeducta expositio litterae consonat, brevitati studens pertranseo.

*Non solidum, sed inane et concavum intrinsecus facies illud, sicut tibi in monte monstratum est :* id est, altare istud intus non erit repletum mole terrena, sed concavum, earumque operimento et fundo, ita quod terra fuit pro fundo eidem. Dicebatur quoque altare holocausti seu holocaustorum, non quod sola holocausta offerebantur in eo, imo et alia sacrificia immolabantur, videlicet hostiae pacificae, et pro peccato : sed quoniam holocaustum fuit dignius sacrificium quod offerebatur ibidem. A digniori autem nomen imponi solet.

Consequenter describitur locus vulgi. *Facies et atrium tabernaculi.* Hoc atrium fuit extra et ante ingressum tabernaculi,

\* subter

siti versus occidentem: sicque atrium fuit A ab oriente, respectu tabernaculi: eratque atrium sub divo, id est sub aere absque operimento, quasi magna platea. *In cujus atrii plagâ australi contra meridiem*, id est respiciente directe versus meridionalem cœli plagam, *erunt tentoria de bysso retorta*, id est cortinæ de bysso mollissima, juxta longitudinem atrii, utpote centum cubitorum. *Centum cubitos unum latus atrii tenebit in longitudine*, videlicet latus australe: *et columnas viginti*, per quas cortinæ extendebantur, *cum basibus totidem* B *aneis*, in quibus figebantur et sustentabantur columnæ: *que capita cum calaturis suis habebunt argentea*, id est, columnæ habebunt argentea capita, propriasque sculpturas. Distabant autem columnæ ab invicem spatio quinque cubitorum, et super columnas circuli erant, quibus inserebantur cortinæ a parte utraque. Siquidem atrium fuit clausum ex utroque latere columnis, in quibus cortinæ pendeabant. *Similiter et in latere aquilonis ipsius atrii per longum* C *erunt tentoria centum cubitorum*, id est cortinæ in tantum extensæ, quæ invicem erant consultæ seu junctæ, *columnas viginti, et bases anear ejusdem numeri, et capita earum*, scilicet columnarum, *cum calaturis suis argentea*: sicut expositum est de latere australi.

*In latitudine vero atrii, quod respicit ad occidentem, erunt tentoria per quinquaginta cubitos*. Præfatum enim atrium fuit in latitudine quinquaginta cubitorum: quæ latitudo fuit ab austro ad aquilonem, atque lateraliter respexit ad occidentem: et ita fuerunt ibi tentoria seu cortinæ per quinquaginta cubitorum spatium tensæ sive diffusæ, quoniam utramque latitudinis extremitatem tangebant. *Et columnas decem*, in quibus pendeabant cortinæ per latum, *basesque totidem sustentantes ipsas columnas*. Juxta quem sensum de opposito latere subditur: *In ea quoque atrii latitudine, quæ respicit ad orientem, quinquaginta cubiti erunt: in quibus quindecim cubitorum tentoria lateri uni deputabun-*

*tur, columnarumque tres et bases totidem*. Ista tentoria seu cortinæ quindecim cubitorum, et tres columnæ ac totidem bases, deputantur ac pertinent ad spatium unum laterale ipsius introitus atrii, de quo statim dicetur. Vel sensus est, quod cortinæ quindecim cubitorum, appensæ tribus columnis infixis totidem basibus, erant ex una parte cortinæ viginti cubitorum, per quam fuit ingressus in atrium. Similiter ex alia parte illius cortinæ, fuit cortina quindecim cubitorum. Tota namque latitudo spatii ante atrium, fuit quinquaginta cubitorum: et cortina illa media, fuit viginti cubitorum: ideo ex utraque parte ejus fuit cortina quindecim cubitorum, ut sic tota illa latitudo clauderetur ac tegeretur cortinis. Et juxta hunc sensum subjungitur de tentoriis quindecim cubitorum, et tribus columnis, ac totidem basibus, pertinentibus ad oppositum spatium laterale præfati introitus atrii. *Et in latere altero erunt tentoria cubitos obtinentia quindecim, columnas tres, et bases totidem*.

Consequenter de formatione introitus subditur: *In introitu vero atrii, fiet tentorium cubitorum viginti ex hyacintho et purpura, coccoque bis tincto, et bysso retorta, opere plumario*. Et ita fuit ex quatuor pretiosis coloribus illa cortina totaliter, quum ceteræ fuerint unius coloris, et de eadem materia, puta de bysso. *Columnas habebit quatuor cum basibus totidem*. Illæ quatuor columnæ stabant in medio laterum, quibus eingeabatur hinc inde atrii latitudo, atque in eisdem columnis pendeat præfata cortina pulchra et pretiosa, quæ faciliter per circulos poterat trahi ac retrahi pro ingressu et exitu populi. Cortinæ quoque hinc inde pendentes, factæ erant (ut fertur) opere reticulato, ita quod plebs extra atrium stans, poterat per foramina intueri sacrificia, quæ fiebant per manus sacerdotum in atrio. *Omnes columnæ quatuor jam præfatæ, scilicet atrii, per circuitum vestitæ erunt argenteis laminis, capitibus argenteis, et basibus aneis*. Columnæ autem, ut infra patebit, ferreæ erant, *In*



*longitudine occupabit, id est continebit. A* autem lucerna extra velum quod oppansum atrium cubitos centum, in latitudine quinquaginta. Istud jam dictum est. *Altitudo quinque cubitorum erit:* quia columna habuerunt altitudinem quinque cubitorum, et tam alte pendebant cortinae, quae usque ad terram circiter pertingebant. *Fietque de bysso retorta,* quantum ad suas cortinas, id est, cortinae atrii erunt de bysso, ut patuit. *Et habebit bases aeneas.*

*Cuncta vasa tabernaculi in omnes usus et caerimonias, tam parillos ejus quam atrii, ex aere facies.* Per vasa tabernaculi ac atrii, intelliguntur vasa seu instrumenta requisita ad executionem eorum, quae ad Dei cultum et observantias caerimoniales spectabant, sicut patellae quaedam, cavillae, martelli, lebetes, etc. Paxilli vero tabernaculi ac atrii erant parvi pali fixi in terra circa tabernaculum ac atrium ejus, videlicet juxta bases columnarum. In quibus paxillis figebantur per funes ipsae cortinae tabernaculi ac atrii, ne impulsu ventorum aut tempestatum concuterentur. Itaque omnia ista jussit Deus ex aere produci.

Postremo Dominus jussit Moysi de provisione luminarium tabernaculi, dicens: *Præcipe filiis Israel, ut afferant tibi oleum de arboribus olivarum,* id est expressum de fructibus arborum illarum, *purissimum,* id est non admixtum amureae, sed clarum et optimum, *piloque contusum:* quia hoc mundius est, quam quod molis exprimitur: *ut ardeat lucerna semper in tabernaculo testimonii.* Per lucernam intelliguntur nunc septem lucernae seu lampades, quae in candelabro erant, prout capitulo vicesimo quinto habitum est. Quae accendebantur de vespere, et usque ad mane lucebant. Porro in dies tres luxisse leguntur. Lucebit

*est testimonio.* Candelabrum namque stabat extra Sancta sanctorum in eo tabernaculi loco, qui dictus est Sanctum, seu tabernaculum exterius. Et ita velum fuit oppansum, id est extensum seu appensum, inter Sanctum sanctorum, et tabernaculum illud exterius, quod nunc testimonium nuncupatur. Quod totum in expositione praecedentis capituli contentum est plenius. Et extra velum illud ardebant lucernae. *Et collocabunt eam Aaron et filii ejus,* hoc

*B* est, ipsis ex officio competet lucernas illas accendere atque componere, *ut usque mane luceat coram Domino. Perpetuus erit cultus per successiones eorum:* hoc est, observantia ista cultus divini continuabitur, durante statu veteris Testamenti, per posteros Aaron filiorumque ejus: *a filiis Israel,* a quibus generabuntur et successionem accipient, dum a prioribus et senioribus posteriores jugiter orientur. Vel ideo addit, *A filiis Israel,* quoniam sacerdotes Leviticae stirpis, pro communi totius *C* populi Israelitici salute, et pro primogenitis omnium tribuum, exerceverunt sacerdotale officium et accensionem lucernarum. Denique, quia in omnibus potiora ac praestantiora Deo sunt offerenda, ac ejus cultui applicanda, ideo jussit oleum olivarum purissimum, piloque tusum, in tabernaculo suo pro lucernarum fomento imponi. Siquidem oleum olivarum propriissime oleum appellatur, et purius nobiliusque consistit, quam oleum nucum, lineum, myrtinum, sive raphaninum. Vult autem Dominus in templo et tabernaculo lampades semper ardere eisdem ex causis, quibus nunc vult in ecclesiis eas lucere.

*Exod. xxvi.  
31-33 et 34.*

## ARTICULUS LIV

DE INTELLECTU MYSTICO EJUSDEM CAPITULI VICESIMI SEPTIMI.

**F**ACIES *et altare de lignis setim.* Per istud altare extra tabernaculum in atrio constitutum, insinuat, quod etiam laicorum et bonorum conjugum ac saecularium hominum orationes, vota ac hostiae, Deo acceptae sunt. Fuit autem altare hoc quadratum, habens in longitudine et item in latitudine cubitos quinque, ad designandum, quod eos quorum opera et sacrificia Deo placent, oporteat esse justos, imo quatuor virtutibus cardinalibus decoratos, sed et quinque sensuum custodes ac refrenatores. Itemque, ut sint tam lati in caritate, quam alti sunt in ceteris donis Dei. Habuit etiam hoc altare tres cubitos in altitudine, quia fideles oportet esse ad divina erectos per trium theologicarum actus virtutum. *Cornua autem per quatuor angulos, ex ipso erunt.* Per cornua in Scripturis, aliquando designatur superbia, juxta illud Amos : Vae qui dicitis, Numquid non in fortitudine nostra assumpsimus nobis cornua ? Quandoque dignitas regia, ut in Daniele et in Apocalypsi frequenter. Interdum publica denuntiatio veritatis, ut in Luca : Erexerit cornu salutis nobis. Nunc itaque per cornua altaris hujus, possunt intelligi ecclesiasticae praelaturae et dignitates, ac potestates praesidentiales populi christiani, per quatuor mundi plagas diffusi, seu libera denuntiatio evangelicae veritatis. Per quae quatuor cornua populus Dei praevalet adversariis suae salutis divina virtute. *Et operies illud are,* quia fideles debent undique esse firmati virtute constantiae, atque insuperabili fortitudine animae.

*Faciesque in usus ejus lebetes ad suscipiendos cineres.* Per lebetes intelliguntur corda humilium, qui cineres, id est pro-

prie fragilitatis, defectuositatis, ac mortalitatis praedicationes, doctrinas et considerationes libenter audiunt atque suscipiunt. Per *forcipes*, quibus ignis melioratur ac struitur, intelliguntur qui per verba sua ignita, virtuosaque opera, ignem amoris in cordibus proximorum accendunt, conservant et conflant. Per *fuscinulas*, quibus extrahuntur carnes, rite accipiuntur idonei praesidentes ac praedicatores, qui exemplariter conversando, diligenter corripiendo et castigando, desideria expellunt carnalia a subditorum ac audientium anima. *Et ignium receptacula.* Per quae intelliguntur corda docilia, quae spiritualium desideriorum exstant capacia. Quidam autem sic indurati sunt, et carnalibus affectibus ita oppressi, ut quidquid eis dicatur, nequaquam ignium Spiritus Sancti receptacula fiant, sed ignibus daemonum, flamma libidinis, avaritiae aestu, et irae ardore inflammantur facillime. *Omnia vasa ex are fabricabis,* quoniam universos fideles virtutum vigore oportet constare.

*Craticulamque in modum retis aeneam.* Per istam craticulam, super quam ponebantur carnes assandae, intelligi potest patientia sancta, cui ceterarum actus virtutum sunt applicandi et superponendi, ut igne exercitationis perficiantur, et Deo bene decocti, jugiter offerantur, ne etiam igne tentationum et adversitatum exstinguantur ac destruantur. Haec craticula super arulam altaris ponitur, dum divinae dilectionis fervori patientia ipsa innititur, ac divini amoris intuitu omne adversum aequanimiter patitur : sicque omnia opera bona caritatis inflammantur incendio, ut digna appareant in conspectu divino. *Facies et vectes altaris.* Per quos virtuo-

Amos vi, 13.

Dan. vii, 23. viii, 21, 22.

Apoc. v, 6; viii, 1.

Luc. i, 69.

si prædicatores signantur, qui occultanda A claudunt mysteria, et quæ cunctis sunt prædicanda, ubique evangelizant : sicque altare circumferunt, id est, fidem et doctrinam Evangelii, in qua omnia sunt Deo offerenda, divulgant. *Non solidum, sed inane et concavum facies illud.* Est ergo quædam mala soliditas, id est repletio vitiosa, et firmatum peccandi propositum. Est et quædam bona inanitas, quæ est evacuatio cordis ab omni sorde et labe vitiorum interiore.

Hoc præterea advertendum, quod tabernaculum, altare, vectes et alia quædam, de lignis setim fieri jussa sunt : ad insinuandum, quod fideles qui fructuosæ arbores appellantur, ex quibus Ecclesia construitur, debeant sic esse stabiliti in Domino, ut nullo vitiorum ledantur aut putrefiant incendio, quantumcumque inter carnales ac impios conversentur, quemadmodum ligna setim vicino igne altaris hujus non cremabantur. Quod secundum Hieronymum non debet incredibile aestimari, quum et genus ligni, nomine amianton, aut ligno simile, quanto plus arserit, tanto mundius inveniat. Ligna quoque paradisi fiunt puriora urendo.

*Facies et atrium tabernaculi.* Per atrium tabernaculi, quod ipso tabernaculo multo longius ac latius fuit, sed tamen bassius, designatur, quod pusilli, imperfecti et incipientes, ac sæculares et laici, sunt multo plures, quam virtuosus, perfecti, ac spirituales; non tamen tam alti sunt, sed bassiores : quoniam ad contemplandum divina, se nequeunt sublimiter elevare. *In introitu vero atrii, fiet tentorium cubitorum viginti.* Per id tentorium pretiosum et magna colorum

venustate ornatum, sacramentum Baptismi potest intelligi, quum illud sit janua sacramentorum, et regeneratio prima in Christo; in quo Baptismo universa delentur peccata, et cunctæ infunduntur virtutes. Quod et quatuor habet columnas, dum quatuor Evangeliorum comprobatur doctrinis, imo ex lege et Prophetis, ex Evangelio et epistolis apostolicis roboratur. *Omnes columnæ atrii per circuitum vestitæ erunt argenteis laminis.* Per columnas atrii, intelliguntur hi qui inter sæculares sunt altiores et perfectiores. Qui argenteis laminis debent esse vestiti, hoc est, virtute prudentiæ, veritate sermonis, ac vitæ activæ operibus debent omnino fuleiri. Capita vero eorum, videlicet corda, oportet esse argentea, id est fide splendida : basesque æneas, ut firmissima habeant fidei fundamenta.

Postremo, per *oleum olivarum*, donum pietatis, devotio mentis, cordis pinguedo accipitur. Ex his namque fit unusquisque lucerna lucens et ardens, ipsaque caritas confovetur, lux sapientiæ augmentatur, exemplaris conversatio radiat multis, et templum Spiritus Sancti (quod est anima virtuosa, seu adunatio vere fidelium) coram Deo coruseat. Et hoc *extra velum*, quum dicat Salvator : Sic luceat lux vestra coram hominibus. *Et collocabunt eam Aaron et filii ejus :* quoniam ad prælatos ac sacerdotes pertinet dirigere, illuminare, disponere alios. *Usque mane*, hoc est quousque a præsentis vitæ tenebris liberemur, atque ad æternæ claritatis exordia perducamur. Ideo additur : *Perpetuus erit cultus*, quia in his exercitiis virtuosus oportet nos perseverare usque in finem, quousque finiamus hanc vitam.

Math. v,  
16.



## ARTICULUS LV

DECLARATIO LITTERALIS CAPITULI VICESIMI OCTAVI : APPLICA QUOQUE AD TE AARON FRATREM TUUM.

**D**E ornamentis ministrorum sanctuarii, præsertim pontificis, agitur in hoc loco. Quocirca pensandum quod in prima secunda, quaestione 102, scribit Thomas : Totus exterior cultus Dei ad hoc præcipue ordinatur, ut homines Deum intus in reverentia habeant. Hoc autem habet humanus affectus, ut communia et indistincta ab aliis, minus reverentur : ea vero quæ aliquam excellentiæ discretionem ab aliis sortiuntur, magis miretur ac veneretur. Hinc consuetudo inter homines inolevit, ut reges et principes, quos oportet in reverentia haberi a subditis, pretiosioribus vestimentis utantur, et ampliores ac pulchriores habitationes possideant. Hinc quoque oportuit, ut quædam specialia tempora, speciale tabernaculum, specialia vasa, speciales ministri, ac specialia eorundem ornamenta, ad Dei cultum ordinarentur, ut per hæc, hominum corda ad specialem Dei reverentiam excitarentur. Itaque de ornamentis sacerdotum atque pontificum agitur modo.

*Applica quoque ad te*, hoc est, ex ceteris tibi assume ac junge, *Aaron fratrem tuum cum filiis suis de medio*, id est de societate ac numero, *filiorum Israel, ut sacerdotio fungantur mihi* : hoc est, ad meum honorem, non ad propria commoda, finaliter sacerdotali utantur officio Aaron et quatuor filii ejus, videlicet *Nadab et Abiu, Eleazar et Ithamar, filii Aaron* : verumtamen non in eodem gradu aut dignitate æquali, quoniam inter eos solus Aaron factus est pontifex ; et filii ejus, sacerdotes effecti, ministraverunt eidem. *Faciesque*, hoc est, per manus aliorum fieri jubebis, *vestem sanctam*, id est consecrandam, di-

A vinoque cultui deputandam, *Aaron fratri tuo*, non solum secundum carnem, sed et secundum fidem et religionem, *in gloriam et decorem*, hoc est, quæ ei sit gloriosa, et decorativa ipsius, imo et posteris ejus cedat in gloriam et honorem, finaliter vero tendat ac ordinetur ad meæ gloriæ majestatis, atque ad cultus seu servitutis meæ decorem. Porro, quod ait, *Vestem sanctam*, non est intelligendum duntaxat de veste una, sed potius de vestium quadam congerie, et pontificalium ornamentorum universitate, ita quod singulare ponitur pro plurali.

*Et loqueris cunctis sapientibus corde, quos replevi spiritu prudentiæ*, id est spiritali dono ac gratia prudentiæ, quæ circa artificialia versatur. Et quod ait, *Quos replevi*, videtur de futuro per modum præteriti dictum. Nam post istud inter Deum Moysenque colloquium, videntur repleti hac arte, ut infra magis patebit. His ergo loqueris, id est præcipies, vel hos replevi prudentia, *ut faciant vestes Aaron*. Non ait, *vestem*, sed *vestes* : quo constat verum esse quod dixi. *In quibus sanctificatus*, id est ad meum cultum ei injungendum aptatus seu consecratus, quia non nisi in divino officio utetur his vestibus, *ministret mihi* in tabernaculo, et intra Sancta sanctorum, exhibendo ac proseguendo sacerdotalis ac pontificalis officii actus.

*Hæc autem erunt vestimenta quæ facient artifices fratri tuo* : *Rationale et superhumerales, tunicam et lineam strictam, cidarim et balteum*. Primo ponuntur ista in generali, deinde tractatur de eis in speciali. *Facient fratri tuo Aaron et filiis ejus, ut sacerdotio fungantur mihi*, vesti-

menta sancta. Nam ut infra patebit, aliquæ A vestium harum, et aliarum infra exprimendarum, fuerunt propriæ pontifici, aliæ autem communes ei et ceteris sacerdotibus. *Accipientque aurum et hyacinthum et purpuram, coccoque bis tinctum, et byssum*, id est, artifices accipient istas materias a filiis Israel offerentibus eas, ad faciendum ex eis ornamenta præfata.

*Facient autem superhumerales*, id est vestem pontificalem sic dictam, humerosque præsertim tegentem, *de auro et hyacintho ac purpura, coccoque bis tincto, et bysso retorta*. Nomina ista in expositione capituli vicesimi quinti sunt explanata. *Opere polymito*, id est vario, quasi guttis distincto, ita quod superhumerales erit huiusmodi opus, utpote diversis coloribus et figuris ornatum, non tamen animalium, sed florum et huiusmodi rerum. Dicitur quippe polymitum, a *poly*, quod est pluralitas, et *mitos*, quod est gutta. *Duas oras junctus habebit in utroque latere summitatum, ut in unum redeant*. Superhumerales hoc, fuit manicis carens, vestis quadrata, unaque pars longitudinis ejus pendebat retro, operiens dorsum; alia pars ante pendit, et pectus operuit. Sicque oræ laterum humeralis, jungebantur in lateribus sacerdotis uncinis et aureis annulis, seu nodulis. *Ipsa quoque textura et cuncta operis varietas*, id est superhumerales, seu ejus contextus atque varietas, quantum ad suam materiam, *erit ex auro et hyacintho et purpura, coccoque bis tincto, et bysso retorta*, id est ex panno de filis harum quinque specierum contexto, videlicet de filis fa-

nomina in lapide uno, et sex reliqua in lapide altero secundum ordinem nati-  
tatis eorum. Sex etenim nomina seniorum filiorum, erant in gemma illa existente in dextero humero: et sex reliqua, in onychino existente in sinistra parte superhumeralis, quæ sinistram humerum operiebat, ut Josephus narrat. *Opere sculptoris et celatura gemmarii sculpes eos nominibus filiorum Israel*, id est, onychinos istos facies sculpi artificio viri scientis sculpere et celare, seu exarare, prout ad gemmarium spectat, hoc est ad eum qui operatur de gemmis et in eis; erant autem sculpi provincialibus litteris lingua Hebræa: onychinos, inquam, *inclusos auro atque circumdatos*. Postquam enim nomina eis per sculpturam inscripta fuerunt, includebantur operiebanturque auro. *Et pones in utroque latere superhumeralis*, id est unum onychinum in dextera parte superhumeralis superius, alium in sinistra: *memoriale filiis Israel*, hoc est, onychini sic locati, erunt pontifici pro memoriali ad profectum populi sui. *Portabitque Aaron nomina eorum coram Domino super utrumque humerum suum*, juxta sensum inductum, ob recordationem, id est, ut memor sit filiorum Israel ad orandum pro ipsis, vel Patriarcharum ad imitandum eorum virtutes: et item ut Deus videns pontificem sic portare nomina illa juxta divinum præceptum, recordaretur filiorum Israel in bonum, exaudiendo pontificem pro ipsis orantem.

*Facies et uncinos ex auro*. Sunt autem uncini, instrumenta ad attrahendum sive tenendum. *Et duas catenulas auri purissimi, sibi invicem coherentes, quas inseres uncinis*. Circa hoc scribit Beda: Uncini isti, erant in supremis angulis superhumeralis fabre affixi. Catenulae autem non in superhumerali, sed in rationali, hoc est in superioribus ejus angulis, videntur fuisse annexæ per aureos annulos: ut dum pontifex induebatur, catenæ ex rationali pendentes annecterentur uncinis superhumeralis: sicque utraque vestis sibi in-

Exod. xxx,  
7.

*Sumesque duos lapides onychinos*: de quibus dictum est in expositione capituli vicesimi quinti. Tamen secundum Josephum, erant sardonæes: secundum Septuaginta vero, smaragdi. *Et sculpes in eis nomina filiorum Israel*, hoc est nomina duodecim Patriarcharum qui fuerunt filii Jacob, vocati alio nomine Israel. *Sex*

vicem firmiter cohereret : et hoc infra A sibi inscripta. *Duodecim nominibus cartabuntur singuli lapides*, utpote *nominibus singulorum per duodecim tribus*, hoc est nominibus duodecim Patriarcharum, ex quibus duodecim tribus natae sunt. Denique trium seniorum Patriarcharum nomina, erant impressa et sita in linea superiori ; deinde in linea infra posita, aliorum trium nomina : sicque deinceps secundum ordinem generationis ipsorum.

Haec de superhumerali in textu contenta sunt. Quae ut clarius intelligantur, sciendum quia (ut tactum est) superhumerale fuit vestis quadrata, altera parte longior, non habens manicas, sed aperturam superius, per quam imponebat pontifex caput suum, ejus vestis latitudo textit pontificis humeros. Porro una pars longitudinis ipsius superhumeralis, retro pendens et dorsum operiens, pertingebat usque ad renes, ita ut supercingi potuit : altera demum B pars ante pendebat, operiens pectus. Habuit quoque vestis haec aperturam in pectore quadram, ad magnitudinem palmi, cui aperturam rationale inserebatur. De quo subiungitur.

*Rationale quoque judicii facies opere polymito, juxta texturam superhumeralis*, id est ex eisdem materiis, ex quibus et superhumerale, videlicet *ex auro, hyacintho et purpura, coccoque bis tincto, et bysso retorta* : unde et eorundem fuit colorum cum superhumerali. *Quadrangulum erit et duplex*, id est duplici textura firmatum, seu ex panno duplicato formatum, ut facilius portet pondus gemmarum, secundum Glossam. *Mensuram palmi habebit, tam in longitudine, quam in latitudine*; ut praecise impleat aperturam superhumeralis praefatam. Cur autem dictum sit rationale judicii, mox dicetur. *Ponesque in eo quatuor ordines lapidum pretiosorum* : hoc est, duodecim gemmas per quatuor lineas subordinatas, seu congruo ordine sitas. *In primo versu*, id est tractu seu linea, *erit D lapis sardius, et topazius, et smaragdus* : quae tres gemmae stabunt in longum distinetae quasi in acie : *in secundo versu erunt, carbunculus, sapphirus, et jaspis*; *in tertio, ligurius\*, archutes, et amethystus*; *in quarto, chrysolithus, onychinus, et beryllus*. De proprietatibus harum gemmarum aliquid inseretur sequenti articulo. *Inclusi auro erunt per ordines suos*, postquam fuerint sculpti nominibus. *Habebuntque nomina filiorum Israel, per sculpturam*

*Facies in rationali catenas sibi invicem coherentes ex auro purissimo*. Iste sunt catenae, quae paulo ante dicebantur catenulae. *Et duos annulos aureos, quos pones in utraque rationalis summitate*, hoc est in duobus exterioribus angulis, seu extremitatibus ejus. *Catenasque aureas junges annulis, qui sunt in marginibus ejus*. Catenae etenim istae innectebantur annulis illis per fistulas aureas, et extendebantur usque pontificis scapulas, super quas immittebantur ac inserebantur duobus uncinis aureis, firmiter infixis superhumerali, ut sic haec duo ornamenta sibi fortius cohererent. Ideo subditur : *Et ipsarum catenarum extrema duobus copulabis uncinis in utroque latere superhumeralis, quod rationale respicit*. *Facies et duos annulos aureos, quos pones in summitatibus rationalis*, id est in aliis duobus angulis ejus : *et in oris, quae e regione sunt superhumeralis, et posteriora ejus adspiciunt*, id est in praefatis duobus angulis, ex opposito correspondentibus angulis superhumeralis duobus. Siquidem in quatuor angulis rationalis, erant quatuor annuli aurei, correspondentes quatuor annulis in superhumerali insertis : atque per annulos illos pariter stringebantur superhumerale ac rationale cum ligaminibus hyacinthinis, quae transierunt per annulos illos. *Nec non et alios duos annulos aureos, qui ponendi sunt in utroque latere superhumeralis dorsum, quod respicit contra faciem juncturae inferioris, ut aptari possit cum superhumerali, et stringatur rationale annulis suis cum annulis superhumeralis, vittu hyacinthina, ut muneat junctura fabre-*

\* lyncurium



*factu, et a se invicem rationale et superhumera-  
le nequeant separari. In inferiori  
namque parte rationalis, erant et alii an-  
nuli duo aurei in utroque latere ejus : in  
posteriori quoque superhumerali parte,  
duo aurei annuli illis correspondentes fue-  
runt : per quos rationale et superhumera-  
le constringebantur in utroque latere sacer-  
dotis, quadam ligatura hyacinthina per  
annulos transeunte.*

*Portabique Aaron nomina filiorum  
Israel in rationali judicii super pectus  
suum, quando ingreditur sanctuarium,* id est tabernaculum, præsertim quando  
intrabit Sancta sanctorum ad deprecand-  
um seu immolandum. *Memoriale coram  
Domino in æternum :* sicut expositum est  
de duobus onychinis, quos portavit in su-  
perhumerali. Circa quod loquitur Glossa :  
Tribus de causis Aaron nomina Patriarcha-  
rum inter sacrificia semper in humeris et  
in pectore tulit. Primo, ut ipse fidem et  
vitam Patriarcharum cogitaret sectari. Se-  
cundo, ut duodecim tribuum ex Patriarchis  
natarum, in orationibus et sacrificiis me-  
mor esset. Tertio, ut populus scripta in  
veste præsulis patrum nomina videns, se-  
dulo curaret, ne a patrum suorum meritis  
recedens, ad errorum contagia declinaret.  
Hinc et Magister in historiis scribit : Porta-  
vit gemmas ob recordationem trium, quo-  
rum unus populus memor esset, ipse vero  
duorum : ut scilicet populus videns nomi-  
na patrum suorum, satageret ne a virtute  
priorum degeneraret ; sacerdos vero recor-  
daretur fidem et vitam sequi Patriarcha-  
rum ; itemque, tribus ex illis natus, Deo  
orationibus et sacrificiis commendaret.

*Pones autem in rationali judicii Do-  
ctrinam et Veritatem.* Dicunt aliqui, quod  
ornamentum hoc vocatum sit rationale  
judicii : quia in eo scripta erant duo hæc  
nomina, Veritas et Doctrina. Cui dicto vi-  
detur concordare quod in textu subiungit-  
ur : *quæ erunt in pectore Aaron, quando  
ingreditur coram Domino :* quoniam tem-  
pore orationis et oblationis in sanctuario,  
præcipue debuit doctrinam Scripturæ et

veritatem vitæ atque justitiæ habere in  
mente. *Et gestabit iudicium filiorum Is-  
rael in pectore suo in conspectu Domini  
semper,* id est, causam salutis Israeliticæ  
plebis coram Deo assumet, et pro ipsis  
sollicitus erit, pensando iudicium Dei quod  
imminet eis. Porro Augustinus circa hæc  
fatur : In qua re vel in quo metallo posite  
erant super rationale Demonstratio (id est  
doctrina) et Veritas, invenire difficile est.  
Fabulantur tamen Judæi lapidem fuisse,  
eius color mutaretur ad prospera vel ad-  
versa filiis Israel imminencia : quamvis  
intelligi possint nomina ista litteris im-  
posita rationali.

Insuper Lyra, secundum Josephum, in-  
quit : Doctrina et Veritas exstitit quidam  
fulgor procedens ex lapidibus rationalis,  
designans Deum placatum, prosperumque  
respondum ac exauditionem precum pon-  
tificis. Sed Rabbi Salomon asserit, quod  
erat nomen Domini tetragrammaton, po-  
situm sub lapidibus in rationali : ejus  
nominis virtute manifestabatur veritas de-  
interrogatis, dum pontifex Dominum con-  
sulebat. Unde et rationale perhibet factum  
de panno duplicato, ut inter duos pannos  
illos nomen Domini tetragrammaton in-  
cluderetur. Verumtamen auctor Scholasti-  
cæ historiæ positionem Josephi verius re-  
citatur : Josephus, inquiens, dicit, gemmam  
quæ in dextero humero pontificis gereba-  
tur, tanto splenduisse fulgore, quod et  
procul positus apparuit radius ejus dum  
sacrificium Deo complacuit. Egressuris ve-  
ro filiis Israel ad prælium, si Deus cum eis  
erat, splendor in lapidibus rationalis ap-  
paruit, ut omni fieret multitudini manife-  
stum, Deum eis adesse ad auxiliandum.  
Rursus in eadem fertur Historia : Tradunt  
Hebræi, in medio rationali quadrum lapi-  
dem magnitudine duorum digitorum fuis-  
se, in quo secundum coloris mutationem  
perpendebant, utrum Deum haberent pla-  
catum vel offensum.

Denique Josephus refert, præfatum ra-  
tionalis atque alterius gemmæ splendorem,  
cessasse per annos ducentos antequam

scripsit hæc, quum Deus moleste ferret A legis transgressionem. Scripsit autem Josephus ista, videlicet librum Antiquitatum, tempore Vespasiani et Titi, ad Vespasiani (ut fertur) instantiam. Verumtamen huic ultimæ recitationi Josephi Rabbi Paulus contradicit, asserens rationale iudicii, in quo fuit Doctrina et Veritas, defuisse Judæis toto tempore templi secundi : et ita non solum per annos ducentos ante Josephi conscriptionem defecisset splendor præfatus. Recordor quoque (nō fallor) quod Lyra quodam in loco narrat, quinque notabilia secundum Hebræos, defecisse templo secundo, videlicet a Zorobabel adificato, quæ in primo templo a Salomone constructo, fuerunt : videlicet area fœderis, divina responsa, ignis continuus in altari, unctio regum, Doctrina et Veritas. Quid horum sit verius, certum non habeo. Nam et illud de mutatione lapidis in medio rationali, Augustinus nominat fabulam Judæorum. Fabulatio tamen quandoque in bono accipitur.

Sequitur de tertio ornamento ac vestimento pontificis. *Facies et tunicam superhumeralis totam hyacinthinam*, id est ex filis hyacinthi. Et dicitur tunica superhumeralis, id est ipsius superhumeralis, a quo realiter differebat, quoniam pontifex super hanc tunicam immediate induit superhumera. Vel (ut loquitur Beda) ita vocatur ad differentiam interioris tunice lineæ. *In ejus medio supra erit capitium*, id est, vestis hæc hyacinthina in superiori sua parte habebit aperturam, per quam intrabit pontificis caput, dum induit eam : quæ etiam poderis appellatur, quia talaris erat, et pedes tangens. *Et ora per gyrum ejus textilis erit*, scilicet opere plectili facta. Et dicitur textile, quod facilliter textitur. *Sicut fieri solet in extremis vestium partibus, ne facile rumpatur*. Hæc tunica, ut legitur, habuit circa collum in extremitatibus manicarum oras fortiter contextas, ex diversis coloribus et lapidibus pretiosis. Et, ut in Scholastica recitatur historia, de duabus incisionibus seu

partibus fuit facta, consuta super humeros, atque per latera in modum dalmaticæ facta, manicas ejusdem coloris habens assutas, capitium habens non ex transverso super scapulas, sed in longum sectionem habebat a pectore usque ad medium scapularum : cui apertura, ne turpiter appareret, assuta fuit vitta, quæ super scapulas hinc et inde nastalis adstringebatur, id est parvis aureis nodis, quibus capitium tunice super humeros firmabatur utrinque.

*Deorsum vero ad pedes ejusdem tunice per circuitum quasi mala punicea*, scilicet malogranata, *facies ex hyacintho et purpura, et corco bis tincto, et bysso reorta, mirtis in medio tintinnabulis*, ita ut tintinnabulum sit aureum, et malum sit puniceum, id est, pomum illud similitudinem habeat pomi granati. *Rursumque aliud tintinnabulum aureum et malum puniceum*. Ista tintinnabula et ista pomella pendebant pro fimbriis in margine seu extremitate inferiori tunice hyacinthinae, situata inter se modo intercalari, ita quod inter duo mala punicea, erat unum tintinnabulum, et e contra. Atque ut in historiis ait Magister, tintinnabula erant septuaginta duo, totidemque malogranata. *Et induitur ea Aaron successoresque ejus in officio ministerii pontificalis, ut audiat sonitus tintinnabulorum, quando ingreditur et egreditur sanctuarium, et non moriatur*, id est, non subito percutiatur plaga mortis tanquam transgressor præcepti, si istud non fecerit.

*Facies et laminam de auro purissimo, in qua sculpes opere cælatoris Sanctum Domino*, id est, nomen Domini tetragrammaton, facies per cælaturam scribi in ea. Circa hoc scribunt Beda et Petrus Comestor : In lamina scriptum erat, Aioth Adonai, id est, Sanctum nomen Domini, scilicet tetragrammaton : quod ineffabile dicitur, non quia dici non possit, sed quia rem ineffabilem significat. Quod his litteris Hebræicis scribitur, HE. IOB. HE. VAE. Quæ sonant, Principium vite passionis iste : quod est, per passionem ejus, quem præ-

1 Esdr. iii, 8.

\* vestitur

figurat hic sacerdos, recuperabitur vita in A Adam perditâ. Verumtamen salva reverentia horum doctorum, illa non censetur fuisse ratio, cur nomen illud ineffabile dicitur, quia rem ineffabilem significat: sic enim omnipotens, æternus, immensus, et multa consimilia dicerentur ineffabilia nomina Domini. Sed alia hujus est ratio, *Exod. vi, 3.* quæ in expositione sexti capituli continetur. *Ligabisque eam vitta hyacinthina.* Vitta nunc sumitur pro infula, qua caput sacerdotis ligatur. Ligabatur ergo hæc lamina cum hujusmodi vitta, ne moto pontifice, ageretur hinc inde: imo cum filis hyacinthinis alligabatur mitræ seu tiaræ pontificis. Unde subjungitur:

*Et erit super tiarum, imminens fronti pontificis.* Pendebat namque in fronte ipsius. Hinc in Scholastica historia dicitur: Aurea lamina ad modum dimidiæ lunæ facta, arcuationemque sursum habens, et in medio aureum anulum, aureo inserebatur uncino, qui tiaræ insertus erat. *Portabitque Aaron iniquitates eorum quæ obtulerunt et sacrificaverunt filii Israel in cunctis muneribus et donariis suis:* id est, pontifex assumet orationem et immolationem pro remissione peccatorum filiorum Israel, pro quorum remissione ipsi offerent et sanctificabunt, id est, divino cultui deputabunt, quæcumque ex rebus sibi concessis oblaturi et dedicaturi sunt Deo per manus sacerdotum, aut sponte daturi.

*Erit autem lamina semper in fronte ejus,* id est omni tempore opportuno, videlicet quando suum exerceat pontificale officium: *ut placatus sit ei Dominus,* id est, ne ei irascatur ut prævaricatori, si istud neglexerit, atque ut Deus eum gratiose exaudiat. Insuper juxta Bedam, aurea lamina sacratior fuit ceteris indumentis et ornamentis pontificis: quoniam sicut divina potentia omnibus supereminet creaturis, ita oportet ut nomen ejus ceterum pontificis transcendat ornatum, et velut cuncta sanctificans, eximiam teneat sedem. Denique, quamvis jam dictum sit,

quod lamina aurea fuit instar mediæ lunæ formata, habens cornua sursum, aliqui tamen scribunt oppositum, affirmantes quod fuit facta ad modum coronæ, non tamen coronæ completæ: et quod protendebatur solum ab aure, transiens super frontem.

*Stringesque tunicam bysso,* id est, tunicam ex bysso factam, strictam aretamque facies: vel stringes eam, id est, ad corpus stricte aptabis, bysso, id est balteo byssino, ut quidam exponunt. Sicque per tunicam intelligitur linea stricta, de qua in principio capituli mentio facta est. Sacerdos enim et etiam pontifex primo induebatur feminalibus, secundo sindone byssina, duplici sen dupla per totum, quæ subucula vel camisia appellatur, super quam balteo eingeabatur, et tiara byssina. Tiara seu mitra hæc facta de bysso, fuit simplex, quæ et sacerdotibus competebat, facta per modum modici calamanci vel cassidis parvæ, medietatem verticis parum excedens: quæ cum vitta ligabatur sub mento sacerdotis, nuditatem colli operiente, et mitram quæ et pileum nuncupatur, fortiter tenente, ne laberetur de sacerdotis capite in sanctuario ministrantis. *Et tiam byssinam facies, et balteum opere plumarii,* id est acu facti. Plumarium namque, ut patuit, dicitur opus acu peractum. Istud exponitur de balteo exteriori, qui ex eisdem coloribus materiisque constabat, ex quibus superhumerales cum tunica hyacinthina: cujus baltei extrema ornatè limbrata, in anteriori parte pendebant.

*Porro filiis Aaron, scilicet sacerdotibus, tunicas lineas parabis,* videlicet sindones byssinas duplas per totum, de quibus jam dictum est: *et balteos:* hoc de cingulis sacerdotum exponitur, quæ tamen et pontificibus communia erant. Hinc in Scholastica historia ex Josepho recitatur: Cingebatur, scilicet pontifex seu sacerdos, balteo lato latitudine quatuor digitorum, sic reticulato, ut quasi pellis viperea, quam exuit vipera seu coluber æstate seu senectute, contexta floribus coccineis, purpureis ac



hyacinthinis, videretur. Stamen tamen tantum byssinum erat, id est fila in longum protensa in baltei hujus textura. Fimbrias quoque (ut fertur) habuit de auro, aliisque coloribus polehra varietate ornatas. *Ac tiarus* : quod de tiaris byssinis (de quibus jam dictum est) sumitur. *In gloriam et decorem* : eodem proportionabiliter sensu, quo supra in isto dicebatur capitulo, Facies vestem sanctam in gloriam et decorem.

*Vestiesque his omnibus Aaron fratrem tuum, et filios ejus cum eo.* Circa hoc loquitur Beda, quod hæc tria ultima ornamenta, competeabant filiis Aaron : alia prædicta, soli Aaron præsentia. Unde et Glossa : Omnibus, inquit, his vestiendus erat Aaron et filii ejus, sed distincte : ita ut ipse Aaron omnibus his uteretur : filii autem ejus, his tribus quæ eis adscripta sunt, quum dicitur, Porro filiis Aaron, etc. Verumtamen expositores communiter dicunt, sicut et Thomas in prima secunde, et auctor Scholasticæ historiæ, quod sacerorum octo indumentorum, quatuor communia erant pontifici ac sacerdotibus : alia autem quatuor, soli competeabant pontifici. Sed istud facilliter concordatur, quoniam paulo post de feminalibus subditur, quæ inter quatuor indumenta sacerdotum connumerantur. Quod Beda non negat. *Et cunctorum, videlicet tam Aaron, quam filiorum ipsius, consecrabis manus oleo consecrationis, ut infra habebitur. Sanctificabisque illos, id est, ad divina applicabis, mancipabis ac purificabis per modum infra ponendum, ut sacerdotio fungantur mihi.*

*Facies et feminalia linea, id est bracas de bysso, quæ et femoralia nuncupantur : ut operiant carnem turpitudinis suæ :* quæ Apostolus inhonesta corporis nominat, quia in illis motus inhonesti molestius sentiuntur, fomes gravius sævit, et major contra spiritum rebellio invenitur : *a renibus usque ad femora.* Quum enim per pedes induerentur feminalia ista, ascendebant usque ad lumbos, et ibi forliter stringebantur, infra autem pertingebant ad femora. Ex verbis autem textus elicitur,

A quod Aaron et filii ejus propriis manibus feminalia induebant, cetera Moyses induit eos. Nempe quum dictum est, Vesties his omnibus Aaron et filios ejus, adjunctum est, Facies et feminalia linea, ut operiant, etc. Hoc etiam asserit Glossa. *Et utentur eis Aaron et filii ejus, quando ingrediantur tabernaculum testimonii, vel quando appropinquant ad altare holocaustorum, vel thymiamatis seu incensi : ut ministrent in sanctuario,* id est, in tabernaculo officia sua exerceant, orando et immolando pro populo : *ne iniquitatis rei moriantur,* id est, ne juste occidantur plaga divinæ justitiæ, si istud præceptum omiserint. *Legitimum sempiternum erit Aaron et semini ejus post eum,* id est, præceptum istud erit tam pontifici quam sacerdotibus jugiter observandum, quamdiu lex vetus suum habuerit cursum, tanquam lege divina firmiter institutum.

Itaque (sicut ex dictis colligitur) octo erant sacerdotalia indumenta, videlicet vestis seu tunica linea striata, tunica hyacinthina, superhumerales, rationale, balteus, tiara, lamina aurea, feminalia linea, quibus omnibus pontifex utebatur. Sacerdotes vero utebantur quatuor horum, videlicet feminalibus, tunica linea, balteo et tiara. Porro tiara ista a cidari seu mitra pontificali multum erat distincta. Jam quippe expressum est, qualiter tiara ista fuerit disposita. Cidaris autem pontificalis exstitit hyacinthina, quæ in capite pontificis ponebatur supra tiaram præfatam, et circumdata fuit aureo circulo tribus ordinibus, super quam ab occipite erant depicti aurei flores plantagini similes. A fronte autem stabat flos aureus similis herbæ. In superiori vero ejus planitie ex omni parte in circuitu ejus usque ad summitatem ipsius, quæ in acutissimum tendebat cacumen, stabant particulatim per loca aurea malogramata cum spinosis extremitatibus labrefacta. Supra frontem vero pendebat aurea lamina, prout Magister istud in historiis ex Josepho narrat, Glossa quoque ex Beda.

Præterea advertendum, quod Lyra affirmat decem fuisse sacerdotalia vestimenta, quorum quatuor communia erant sacerdotibus atque pontifici, alia sex dieit fuisse propria pontifici, scilicet tunicam hyacinthinam, superhumeralē, rationale, balteum, mitram hyacinthinam seu eidarim, et auream laminam. Et in isto allegat ac sequitur Josephum, præsertim quoniam Josephus fuit de genere sacerdotum, mansitque in Jerusalem durante templo ac ministerio sacerdotum, sicque pluries vidit ornamenta eorum, propter quod certius potuit ea describere. Hinc ait et Beda : Josephus, qui stante adhuc templo et legali observantia, vixit, quum esset de genere sacerdotum, potuit omnem modum sacerdotalis ornamenti non solum legendo, sed etiam videndo cognoscere. Itaque secundum Josephum, fuit duplex balteus, unus sacerdotum, alter pontificis : duplex quoque tiara, una sacerdotum, alia vero pontificis. Veruntamen his contradicit Rabbi Paulus, et ait : Josephus non est in hoc loco tenendus, etiamsi sit de genere sacerdotali : contradicit enim textui manifeste : nam vestes pontificales sunt tantum octo, prout ponuntur in prima secundæ, questione 102.

Circa hæc verba Rabbi Pauli reor dicendum, quod Josephus non contradicit textui manifeste, imo nec occulte sive implicite. Nam dato quod aliqua de ornamentis his

dicat, quæ Moyses in textu non scribit, ex hoc tamen non sequitur quod Moysi contradicat, præsertim quum Moyses alia esse non neget, nec cum exclusionē loquatur. Deinde valde probabile est, quod pontifex habuit tiaram alterius dispositionis, quam sacerdotes minores : similiter quod alterius dispositionis habuerit balteum unum. Rursus, sicut ex præinducta hujus capituli expositione jam patuit, littera potest juxta Josephi intentionem exponi. Siquidem postquam Moyses dixit in isto capitulo, **B** Facies laminam de auro purissimo, et erit super tiaram imminens fronti pontificis : addidit, Porro filiis Aaron tunicas lineas parabis et balteos ac tias. In quibus satis videtur innuere, distincte se loqui de tiara pontificis, et de tiara sacerdotum. Similiter postquam circa principium hujus capituli dixit, Hæ erunt vestimenta quæ facient Aaron fratri tuo, rationale et superhumeralē, tunicam et lineam strictam, eidarim et balteum : tandem circa finem capituli nunc adjecit, Filiis Aaron tunicas lineas parabis et balteos. Sicque de illorum balteis distincte locutus est. Postremo dici potest, quod illi qui ponunt octo ornamenta sacerdotalia, nominant ea in genere, non in specie ultimata, ita quod nomine baltei intelligunt zonam utramque : similiter nomine tiaræ, utramque mitram. Beda quoque, Glossa, et Scholastica historia, Josepho consentire monstrantur.

## ARTICULUS LVI

DE SPIRITUALI EJUSDEM CAPITULI VICESIMI OCTAVI INTELLECTU.

**D**E mystica horum significatione etfiguratione ac ratione, doctores multa conscribunt, de quibus S. Thomas in prima secundæ, questione 102, latetur : In istis ornamentis designabatur dispositio orbis terrarum, quasi pontifex suo ornatu atque

vestitu testaretur, se esse ministrum Creatoris universorum. Unde in libro Sapientiæ habetur : In veste poderis Aaron, descriptus erat orbis terrarum. Nam feminalia linea, similiter tunica linea stricta, figurabant terram ex qua nascitur linum : circumvolutio

Sap. xxiij, 23.

baltei, Oceanum qui ambit terram. Tunica hyacinthina suo colore significabat aerem : per ejus tintinnabula designabantur tonitrua : per malogranata, coruscationes. Per superhumerales multiplices varietate ornatum, monstrabatur cælum sidereum. Per duos onychinos, duo hemisphæria, seu sol et luna. Per duodecim gemmas, duodecim signa zodiaci : quæ gemmæ erant posite in rationali, ad innuendum quod in celestibus continentur rationes omnium terrenorum, juxta illud in Job : Numquid nosti ordinem cœli, aut pones rationem ejus in terra? Hinc quod in medio existit ornamentum, pulchre vocatum est rationale. Ratione enim cuncta sunt plena, et celestibus coherent terrena, imo et ratio terrenorum, et temporum, et caloris ac frigoris. † Duplex quoque intra utraque temperies ex cœli cursu ac oratione descendunt.) Per cidarim significatum est cælum empyreum : per laminam auream nomine Dei inscriptam, ipse Deus omnibus præsidens. — Spiritualiter demum, per ornamenta hæc designantur virtutes ministrorum, quibus quatuor sunt necessaria. Primum est castitas, quæ per feminalia et opertionem turpitudinis designatur. Secundum est puritas vitæ, quæ per tunicam lineam figuratur. Tertium, moderatio discretionis, quæ notatur per cingulum. Quartum est rectitudo rationis, quæ exprimitur per tiam caput tegentem. Porro, pontifices debent ultra hæc habere adhuc alia quatuor. Primo, jugem Dei memoriam per contemplationem, quod innuitur per auream laminam, nomen Dei in fronte habentem. Secundo, piam et fortem supportationem infirmitatum populi eis commissi, quod per superhumerales monstratur. Tertio, indesinentem caritatis sollicitudinem pro populo, habendo eundem in corde atque visceribus mentis descriptum. Quarto, conversationem cælestem per opera perfectionis, quod significatum est per tunicam hyacinthinam. Unde et tunicæ hyacinthinæ tintinnabula adjunguntur aurea in extremitate, per quæ divinatorum explicatur

A doctrina, quæ ecclesiæ pontificis conversationi est conjungenda. Adjuncta sunt quoque mala punica, per quæ unitas fidei, et pacis unitas, atque concordia in bonis operibus designatur, quia sic cauta debet esse doctrina, ut per eam fidei et pacis non rumpatur unitas. Hæc Thomas.

B Præterea, juxta mysticum sensum, per applicationem Aaron filiorumque ejus monstratur, quod ministri altaris in evangelica lege, et omnes in sacris Ordinibus constituti, tantum debent plebem in omni virtute et exemplaritate transcendere, quanto altioris sunt prælationis aut ordinis, et quo pluribus præsent, ut sint separati a vita communi, et veri mediatores inter Deum et plebem.

C Insuper, per sacerdotalia ornamenta Moisaicæ legis, præfiguratus est omnis decens ornatus, variusque vestitus presulum, sacerdotum, ac ceterorum Ecclesiæ ministrorum in divino obsequio evangelicæ legis. Possunt quoque per decem vestes, decem præcepta intelligi, per quorum observantiam homo pulcherrime decoratur ac vestitur in anima. Per superhumerales etiam caritas, quæ patiens est et omnia sustinet, designatur : vel ipsa misericordiæ, pietatisque virtus, qua aliena onera portantur ut propria. Et per duos onychinos superhumeralis intelliguntur fides et spes, si per superhumerales intelligatur caritas : vel discretio et recta intentio, si per superhumerales accipiatur misericordiæ virtus seu pietas. Itaque, sicut legalis pontifex tam in onychinis superhumeralis, quam in duodecim gemmis rationalis, scripta portavit nomina duodecim Patriarcharum ob recordationem : sic evangelicæ legis antistites in cordibus suis, et in virtutibus cordium suorum, designatis per duodecim gemmas, spiritualiter scripta habere debent nomina duodecim Apostolorum, ut virtutum apostolicarum sint memores ad sectandum, et item, ut orent pro universis populis christianis, spiritualiter natis ex semine seu doctrina, prædicatione et institutione beatissimorum Apostolorum. Cur

Joh. XXVIII,  
34.

1 Cor. XII,  
13.



autem in quolibet onychino scripta erant sex nomina Patriarcharum, in qualibet vero gemma rationalis duodecim nomina eorundem, nisi quod pastor ac pontifex amplius sollicitari ac recordari debet pro salute populi sui, in interioribus viribus et exercitiis mentis, quam in exterioribus possit? Insuper gemmae circumdatae sunt auro, quia cunctarum actiones virtutum dono sapientiae debent condiri ac decorari.

Per connexionem autem sacerdotalium ornamentorum ac vestium designatur, quod in ministris Ecclesiae debet esse firma atque praecipua virtutum ac donorum connexio, quarum temperatura, est pulcherrimus sanctissimusque vestitus eorum qui in sacris sunt Ordinibus positi. Per tintinnabula demum, in inferiori parte pontificalis amictus pendentia, insinuat, quod pontifices et pastores debent indesinenter plebes sibi commissas per praedicationem sonoram, distinctam, duleisonam informare, pigros excitare, ferventes in Domino exhilarare, verbo ac fama salubriter resonare. Quod vero tintinnabulis interposita et admixta fuerunt mala granata, praefiguravit, quod verbis, documentis ac famae debeant virtuosa opera correspondere, misceri ac jugiter circumponi: imo decet unumquemque plus abundare operibus, quam doctrinis. Postremo, per hoc quod Deus tam seriose praecipit, ut pontifex et seniores sacerdotes carnem turpitudinis suae tam longe ac late cooperirent, evidenter praesignatum est, quod sacerdotes et inferiores ministri in sacris Ordinibus constituti, potissimum praesules, debeant in omni mentis et corporis castitate sua explere officia, spiritualiter conversari, atque ab omni impuro affectu, obscenoque actu penitus abstinere: alioqui mortis rei, aeterno peribunt interitu.

Praeterea in hoc loco de proprietatibus gemmarum, hoc capitulo expressarum, aliquid tangi potest, ad intelligendum quid aptius designetur per eas. Quemadmodum autem quaedam gemmae in quibusdam proprietatibus conveniunt, ita interdum per

eamdem diversae virtutes, atque aliquando per diversas gemmas eadem intelligitur virtus. Itaque eo ordine quo in textu expressae sunt, aliquid tangam.

*In primo versu erit lapis sardius, et topazius, et smaragdus.* Sardius lapis est rubei coloris, qui inter gemmas vilior reputatur. Nam praeter fulgorem non seitur notabilem habere utilitatem, nisi quod eo praesente, onyx seu onychinus, qui nocivas habet proprietates, nocere non valet. Onychinus quippe seu onyx, lapis est qui in India et Arabia dicitur reperiri, permixtum in se habens colorem ad similitudinem unguis humani. Lapis iste collo appensus, aut digito junctus, fertur timorem ac tristitiam excitare, lites multiplicare, et commovere ad rixas. In pueris excitat salivam superfluum ac nocivam. Specularem habet naturam et politam, ita quod instar speculi representat imagines. Potest ergo per sardium patientia designari, quia per patientiam lis, tristitia, rixa, imo et quidam timor, excluduntur. Topazius est pretiosissimus lapis ex virentium genere, omni colore resplendens, praecipue tamen aureo atque aethereo, maxime dum solis tangitur radio: omnium gemmarum superat claritatem, nulla gemma purior in adpectu: quam si polire tentaveris, obscuratur: si suae naturae eam reliqueris, elarior demonstratur. Maxima quoque et amplissima fertur gemmarum, in tantum quod statua quatuor cubitorum de ea legitur facta. Haec (ut scribitur) valet contra lunaticam passionem, tristitiam sedat et iram, restringit sanguinis fluxum, contra noxios motus ac phrenesim valet, ferventes undas compescit, et contra subitanam fertur mortem valere. Hanc gemmam potissimum reges amant, nec ea quidquam in suis thesauris pretiosius arbitrantur. Per quam caritas quae omnes virtutes virtualiter comprehendit, intelligi potest. Smaragdus est gemma in viriditate omnes herbas et frondes excellens, ejus viror in sole aequaliter obumbratur: nulla gemma sculptum oculis gratiosior ea asseritur. Col-

lo appensus, curat morbum caducum; sua A viriditate conservat ac roborat visum. Si extendatur ac polietur, instar speculi reddit imagines, gignitque radium, ejus virore tingit aerem circumfusus, motus restringit lascivos, memorem facit, contra demonum illusiones atque phantasmata valet, febrem quoque ex putrefactione in venis ortam, fertur repellere. Hæc gemma in Scythia, regione propter frigus inhabitabili, dicitur inveniri, et a gryphis custodiri, ita quod nulla gens audet rapere eas, præter eam quæ unum dumtaxat oculum B habet in fronte, quæ per bella contra gryphos, solet smaragdus acquirere. Sed et tempestates aereas fertur hæc gemma a portante eam avertere. Per quam mansuetudo, virtus gratissima, potest intelligi.

In secundo, *carbunculus et sapphirus et jaspis*. Carbunculus est gemma plurimum pretiosa, clarius fulgens in nocte quam die, radiosque emittit ut carbo ignitus. Per quam fortitudo quæ in adversis maxime declaratur, intelligi valet. Sapphirus est gemma sereno cælo in colore simillima, splendens ut firmamentum, quæ in Libycis reperitur arenis: visum confortat, refrenat libidinem, restringit sudores, vegetat corpus; fertur quoque discordias reconciliare, sanguinis fluxum restringere, tumores et inflaturas sedare, venenum expellere; tollit invidiam, expellit timorem, facit audacem, parat victoriam, mitem facit ac humilem et benignum. Hinc gemma gemmarum vocatur. Per quam donum sapientiæ designatur. Estque gemma ista castitatis amatrix. Caste igitur vivat qui ipsam gestat, ne impediatur virtus ipsius. Jaspis est viridis ac lucentis coloris, multosque alios intermixtos sortitur colores, ejus efficacia est, febres hydropisimque repellere: juvat parturientem, fugat phantasmata, inter pericula facit hominem tutum, incantationibus maleficiisque resistit, sudorem sanguinemque compescit, fluentem luxum debilitat, visumque acuit, atque in argento magis quam in alio fertur valere metallo. Per quem temperantia videtur accipi posse.

In tertio, *ligurius*, *achates et amethystus*. Ligurius gemma est ex lynceis inguine sen urina inter arenulas generata, ejus virtus est attrahere paleas: valet contra dolorem stomachi, fluxum ventris atque ictericam passionem refrenat. Per quam stabilitas sen constantia mentis in Deo insinuatur. Achates gemma est, quæ fertur augere divitias, excitare amorem, gratum ac placentem efficere, vires et facundiam perhibetur præbere: sed et vitam dicitur prolongare, et contra morbum caducum ac venenum valere. Estque coloris puniceo, et reperitur in littore Oceani. Hanc gemmam dicitur aquila a longinquis afferre, et nido suo imponere, ne quid suis queat pullis nocere. Per quam liberalitas denotatur. Amethystus inter gemmas purpureas obtinere asseritur principatum, colore purpureo violaceoque permixtus, tanquam rosa nitens ac leniter fundens quasdam flammiculas. Valet contra ebrietatem, tollit pravam cogitationem, vigilem facit, et bonum dat intellectum. Per quam gemmam, prudentia seu discretio significatur.

In quarto, *chrysolithus, onychius et beryllus*. Chrysolithus gemma est, fulgens ut aurum, et ut ignis scintillat, mari quoque in colore est similis. Demones fertur terrere atque fugare. Juvat contra timores nocturnos, melancholiamque minuit. Per quam præclarissima virtus justitia rite accipitur. De onychino dictum est. Porro beryllus limpidi et aliquid pallidi est coloris, similis aquæ a sole percussæ. Conservat amorem conjugii, medelam tribuit oculis, D calefacit manum tenentis: contra pericula hostium et contra lites reddit invictum; contra vitia hepatis valet, et contra eruptiones atque suspiria, et ad bonitatem confert ingenii. Per quam gemmam, timor Dei filialis, consolatio spiritualis, gratitudo seu pœnitentiæ virtus intelligi potest.

At vero gemmarum harum saltem quarundam, diversæ sunt species: ideo in diversis locis quandoque quasi diversa de his gemmis leguntur. Posset demum circa hæc quæstio moveri difficilis, unde et qua-

liter sit in lapidibus his vis tanta, prae-  
tim ut in spirituales et rationales sub-  
stantiam sic agant et imprimant, vitia  
pellant, virtutesque ingerant. Non enim ex  
sola elementarium qualitatum varia con-

A temperatione potest hoc esse. Quocirca  
nonnulli dixerunt aliquid quintae essentiae  
illis inesse. Quod dictum resolutionem re-  
quirit. Verum haec quaestio alibi habet tra-  
ctari.

## ARTICULUS LVII

ELUCIDATIO LITTERALIS CAPITULI VICESIMI NONI : SED ET HOC FACIES.

**Q**UALITER pontifex et inferiores sa-  
cerdotes, Deo iubente, sint consecrati,  
nunc recitatur. *Sed et hoc facies, ut mihi  
in sacerdotio consecrentur. Tolle vitulum  
de armento*, id est, de grege seu multitudine  
vitulorum accipe vitulum unum. Hoc  
quidam sic glossat : Tolle vitulum in me-  
moriam expiationis peccati Aaron pro fa-  
bricatione vituli. Quod non censetur con-  
grue dictum : tum, quoniam nondum  
commiserat Aaron hoc peccatum, quando  
Dominus iussit istud : tum, quia memo-  
ria est praeteritorum, non futurorum. Me-  
lius itaque dicitur vitulus assumptus et  
immolatus in expiationem aliarum ipsius  
Aaron culparum, et propter mysticam cau-  
sam, articulo sequenti introducendam. *Et  
arietes duos immaculatos*, id est non mon-  
struosos, sed in naturalibus bene dispositos.  
Certumque est, quod et vitulus debuit  
esse immaculatus, eo quod animalia macu-  
lata Deo offerri non licuit. Ista autem  
immaculatio, non est intelligenda de im-  
maculatione velleris, sed membrorum et  
carnis. Potest etiam dici, quod vitulus of-  
ferebatur, non solum pro Aaron culpa, sed  
et pro peccatis filiorum ipsius. Siquidem  
in Levitico ubi describitur executio eor-  
um quae nunc praecipuntur, vitulus iste  
vocatur absolute oblatio pro peccato. Arie-  
tes vero offerebantur pro eis, secundum  
quod alia quaedam sacrificia fiebant in le-  
ge pro gratiarum actione, aut pro bene-  
ficiis impetrandis, aut pro salute vel pace.

Lev. xiii, 2.

B Aliqui tamen dicunt, quod unus arietum  
horum offerebatur in memoriam obedien-  
tiae Abrahae, qui pro Isaac arietem obtulit :  
alter in memoriam agni paschalis in exitu  
ab Aegypto oblatus. Sed juxta hanc rationem  
potius, ut apparet, Dominus praecipisset  
accipi unum arietem, unumque agnum.

*Panesque azymos*, utpote non fermenta-  
tos, ad insinuandum quod vita sacerdotum  
debeat esse sincera, non admixta fermento  
malitiae neque nequitiae. Quod item in dete-  
stationem idololatriae iussum est, quoniam  
sacerdotes idolorum panes fermentatos of-  
ferebant in fanis. *Et crustulam absque  
fermento*. Crustula est genus panis, absque  
fermento in similitudinem crustulae indu-  
rati, oleoque conspersi. Ideo sequitur : *quae  
conspersa sit oleo*. Sicque per crustulam  
significabatur, sacerdotes esse debere de-  
siccatos ab humore atque mollitie conen-  
piscantiae, ac sanctae devotionis perfusos  
pinguedine. *Laganum quoque azymum, oleo  
lita*. Laganum appellatur panis latus ac  
tenuis, non conspersus oleo, sed linitus.

1 Cor. v, 8.

D Crustula autem dicitur conspersa oleo,  
quoniam in pistratione farinae non aqua  
dumtaxat, sed oleum etiam ponebatur. La-  
ganum vero aliqui vocant panem in patel-  
la frictum, alii pastam in calida aqua co-  
ctam. Sicque linitio olei fuit vel frictio  
illa, vel protractio facta eum digito tineto  
in oleo super laganum. *De simila triticea  
cuncta facies* : hoc est, omnes panes hi  
materialiter fiant ex huiusmodi simila.



quæ est delicatissima tritici farina. Itaque A sicut animalia immolanda, ita et panes hi debuerunt esse elegantis dispositionis, ut in omnibus Deo offerantur præstantiora. Et posita hæc genera panum in canistro offeres Deo in recognitionem, quod omnia victualia sunt ab eo.

Vitulum autem et duos arietes, et Aaron ac filios ejus applicabis ad ostium tabernaculi testimonii, id est extra tabernaculum juxta ostium ejus in atrio, ubi erat holocaustorum altare. Quamque laveris patrem cum filiis suis aqua. Lavit B enim Moyses manus ac pedes Aaron, filiorumque ejus, ut dicunt expositores. Lyra tamen allegat Rabbi Salomonem, dicentem quod non intelligatur de corporis lotione : quod verum non est, nisi forte dicere velit, quod totum eorum corpus non lavabatur. Verumtamen in Levitico habetur absolute, quod lavit eos, non dubium quin corporaliter. Per quod figurabatur, quod sacerdotes debent intus esse purificati ac Deo reconciliati, antequam ad suorum executionem officiorum accedant. C Indues Aaron vestimentis suis, scilicet sacerdotalibus et pontificalibus ornamentis, id est linea, scilicet stricta, et tunica hyacinthina, et superhumerali et rationali. Istud præcedenti capitulo plenius continetur, atque expositum est. Quod constringes balteo. Et pones tiaram in capite ejus, et luminam sanctam super tiaram, et oleum unctionis fundes super caput ejus, atque hoc ritu consecrabitur. Solus etenim pontifex ungebatur in capite. Materia hujus unctionis, infra exprimitur; forma autem et figura ipsius, in textu tacentur. D Aliqui vero affirmant, quod unctio illa incepit a capite, et fiebat cum digito consecrantis tincto in unctione, descendens ad palpebras.

Filios quoque illius applicabis, id est, tibi adjunges, ita ut possis eos induere, et indues eos tunicis lineis, cingesque balteo. Aaron scilicet et liberos ejus. Istud totum capitulo præcedenti expositum est. Et impones eis mitras. Qualiter diversimode fu-

erint mitrati summus sacerdos et inferiores, habitum est in expositione præcedentis capituli. Erantque sacerdotes mei \* religionem perpetua : omni videlicet tempore durationis veteris legis duratura. Vel dicitur religio illa perpetua, quia christianam religionem usque in finem mundi duraturam præfiguravit. Postquam initiaveris, id est consecraveris, manus eorum : vel secundum Augustinum, postquam potestatem consecrandi et immolandi ac sanctificandi eis tradideris. Dicuntque aliqui, quod manus inferiorum sacerdotum ungebantur. Alii dicunt oppositum, quum nec hic, nec alibi Scriptura hoc dicat. Tamen ut infra patebit, de sanguine hostiæ, unctionisque oleo fiebat permixtio quadam, qua sacerdotes et eorum vestes adspergebantur. Illam quoque adspersionem dicunt posse quandam unctionem vocari.

Applicabis et vitulum coram tabernaculo testimonii : puta ad ostium ejus, ut dictum est, in atrio. Imponentque Aaron et filii ejus manus super caput illius : ad insinandum et confitendum, quod pro peccatis eorum vitulus immolaretur. Quod tamen mysticum aliquid magnum significavit, sicut tangetur. Et mactabis eum in conspectu Domini, juxta ostium tabernaculi testimonii : quia animal offerendum occidere, fuit sacerdotis officium, quod Moyses exercuit in consecratione Aaron, filiorumque ejus. Sumptumque de sanguine vituli pones super carnem altaris digito tuo : faciendo ibi linitionem ex sanguine, ad demonstrandum quod ad placandum Dominum majestatis, cui in illo altari sacrificia offerebantur, sanguis ille fuit effusus. Reliquum autem sanguinem fundes super \* basin ejus, id est apud inferiora altaris, ubi erat receptaculum seu canale, in quod sanguis hujusmodi fundebatur, per cujus foramina sanguis defluxit in terram. Sumes et adipem totum qui operit intestina, et reticulum jecoris : reticulum jecoris, est pinguedo quadam instar retis formata : ac duos renes, et adipem qui super eos est, et offeres incensum

Lev. xiii, 6.

\* mitras

\* juba

*super altare* : hoc est, ista combures et offeres in altari holocausti, in atrio tabernaculi. Hæc etenim voluit Dominus sibi offerri et comburi, nec manducari : de quorum omnium et consimilium rationibus litteralibus ac spiritualibus, infra tractabitur. Hæc siquidem in Levitico plenius describuntur. *Carnes vero vituli et capri, hoc est pellem, et finem, combures foris extra castra*, id est tentoria et habitacula Israel, eo quod pro peccato sit vitulus ipse oblati. Ideirco corpus ejus sic comburendum est, ad innuendum quod vitiorum congeries cum suis occasionibus et circumstantiis sit omnino vitanda, repellenda ac destruenda.

*Unum quoque arietem de duobus præfatis, sumes, super cujus caput ponent Aaron et filii ejus manus suas, ad protestandum quod per manum Moysis offerunt Domino arietem istum, in holocaustum ad summæ reverentiam majestatis. Quem quum mactaveris, tolles de sanguine ejus, et fundes circa altare.* Non dicit, Super altare, sed Circa, videlicet circa basim ipsius, ad designandum quod quidquid divine obtulerimus majestati, ineffabiliter minus est eo, quo ipsa superdignissima est. *Ipsam autem arietem jam mactatam, videlicet corpus ejus exanime, secabis in frustra : lotaque intestina ejus ac pedes, pones super carnes concisas. Et offeres totum arietem in incensum super altare* : videlicet in holocaustum, quod totum comburebatur, ad ostendendum quod homo se totum debet Deo, atque se totum ejus obsequio ac amoris debeat mancipare. *Oblatio est Domino*, id est ad ejus honorem exhibita, *odor suavissimus victimæ Domini* : id est, oblatio ista seu vapor et incensio ejus, est placentissima Deo, non ex parte operis operati, quod in se nullam habuit sanctitatem, acceptabilitatem ac gratiam, quum fuerit quid irrationale : sed ex parte operis operantis, hoc est ex fide, devotione et obedientia offerentis, et maxime, in quantum oblationem Christi in ara crucis præfiguravit. Porro, ut in Scholastica fertur

historia, gentiles ab hostibus vincendis hostiam, atque ab hostibus victis victimam inuenerunt : Hebræi vero a loco offerendi, hostiam vocaverunt, quoniam juxta ostium offerebatur : victimam vero a vinciendo, quoniam animal offerendum, vinetum adducebatur.

Sequitur de hostia pacifica, quæ pro gratiarum actione ac dono desuper impetrando offerebatur. *Tolles quoque arietem alterum, super cujus caput Aaron et filii ejus ponent manus* : ut ostendant se consentire oblationi, et cooperari offerenti, atque eorum hanc esse oblationem, quam Deo devote offerrent. *Quem quum immolaveris, sumes de sanguine ipsius, et pones super extremum dextræ auriculæ Aaron et filiorum ejus, et super pollices manus eorum ac pedis dextræ.* Itaque extremum dextræ auriculæ pontificis ac sacerdotum tangebatur cum sanguine, ad designandum quod eorum aures deberent jugiter esse aperte ad audiendum, ad suscipiendum, ac ad implendum divina præcepta de hostiis immolandis ac ceteris observandis. Conformiter tangebantur pollices manus dextrique pedis, ad figurandum quod semper deberent esse parati ad opera legis, et ad gressus virtutum ac spirituales processum. Magis quoque pars dextera quam sinistra, sic sanguine tangebatur : quoniam principalia Deo sunt dedicanda. *Fundesque sanguinem oblatis arietis super altare per circuitum* : ad declarandum quod Dominus universorum hostias pacificas et vota nostra gratiarumque actiones non despiciat. Hanc autem oblationem obtulerunt Aaron ac filii ejus, Deo gratias referendo, quod eos præ ceteris ad tanta elegit officia, et item ut dona gratiæ eis conferret, per quæ eadem officia digne exsequerentur.

*Quumque tuleris de sanguine qui est super altare, et de oleo unctionis, ea pariter admiscendo, adsparges Aaron et vestes ejus, filios Aaron et vestimenta eorum* : ad insinuandum quod nisi obicem ponant, intus adspargantur a Domino beneficiis gra-

lia copiosae. *Consecratisque ipsis*, scilicet Aaron et filiis ejus, et vestibus, tolles adipem de ariete sic oblato, et caudam, et arcinam quae aperit vitula, ac reticulum jecoris, et duos renes, atque adipem qui super eos est, id est pinguedinem intestina operientem, armumque, id est humerum, dextrum arietis hujus, eo quod sit aries consecrationis, hoc est immolatus in consecratione pontificis ac sacerdotum. Propter quod in isto ariete existit speciale, quod cremabatur: in aliis namque cessit in partem sacerdotum. Tortamque panis unius, crustulam conspersam oleo, lagenam de canistro azymorum, quod positum est in conspectu Domini; panesque omnia super manus Aaron et filiorum ejus: quasi ipso facto dicens ad eos, Accipite potestatem sumendi ista a populo ad offerendum ac reficiendum. Et sanctificabis eos, aptando et auctorizando eos hoc ritu ad exsequenda sua officia; elevans coram Domino ea, quae posuisti super manus Aaron filiorumque ejus. Et aliqui dicunt, quod Moyses elevavit manus Aaron et filiorum ipsius, simul cum rebus his positis super manus ipsorum, quasi Deum exorans, ut oblationes ac ministraciones ipsorum de cetero haberet acceptas. *Suscipiesque universa de manibus eorum*, ad explendum sacerdotale officium pro ipsis, sicut subjungitur: et incendes super altare in holocaustum, odorem suavissimum in conspectu Domini, quia oblatio ejus est. Ista namque fuit pacifica hostia, propter quod una ipsius pars incendebatur totaliter ad Dei honorem, alia vero pars cessit in usum Dei et cibum sacerdotis. Unde adjungitur:

*Sumes quoque pectusculum de ariete, quo initiatu est Aaron*: hoc est, pectus arietis oblato in consecratione Aaron, accipies: sanctificabisque illud elevatum coram Domino, hoc est, quum pectus illud coram Deo elevaveris, in signum quod ei oblatum est, et ut devotionem offerentis acceptet, itemque ad designandum quod sapientia, quae per pectus signatur, omnibus eminet; et cedit in partem tuam:

A nam in isto sacrificio Moyses sacerdotis fungebatur officio. *Sanctificabisque et pectusculum consecratum et armum, quem de ariete separasti, qui initiatu*, hoc est consecratus, est Aaron et filii ejus: cedentque in partem Aaron et filiorum ejus. Istud non potest intelligi de eodem numero pectusculo, eodemque armo, seu dextro humero, quos obtulit Aaron et filii ejus, offerendo arietem in hostiam pacificam: nec unus aries habuit duo pectuscula, duosque dexteros humeros. Armus quoque illius arietis jussus fuit cremari. Ideo sensus est, quod pectus et armus sacrificiorum hujusmodi postea offerendorum a populo, cedent in refectionem pontificis et sacerdotum sub eo. Propter quod subditur: *jure perpetuo*, id est institutione divina ac lege hae mea, a filiis Israel, hoc est a sacrificiis eorum pacificis: quia primitiva sunt, et initia de victimis eorum pacificis quae offerunt Domino: id est, pectus et armus hostiarum pacificarum, sunt partes praecipue in usum sacerdotum deputandae.

*Vestem autem sanctam qua utebatur Aaron, habebunt filii ejus post eum*, hoc est, ei succedent per temporum intervalla in pontificali officio: ut unguantur in ea oleo unctionis in capite, et consecrentur manus eorum ad peragendum pontificale officium: de cujus consecrationis modo jam dictum est. Sed quum multa, utpote octo vel decem, fuerint indumenta pontificis, de quo vestimento intelligitur istud? Et respondendum, quod non de uno duntaxat, sed de omnibus pontificalibus vestibus ejus. Quod probatur ex eo, quod in Numeris Dominus ait ad Moysen: Tolle Aaron et filium ejus. Quumque spoliasset Aaron vestibus suis, induit eis Eleazarum filium ejus. Itaque ponitur hic singulare pro plurali. *Septem diebus utetur illa, qui pontifex pro eo fuerit constitutus de filiis ejus*. Non est hoc intelligendum, quod successor ipsius Aaron tantum septem diebus usus sit habitu pontificali, imo quamdiu vixit usus est eo tempore opportuno, sed

\* praecipue

Numer. xx, 25, 28.



quod primis septem diebus continue usus A est eo. Unde Magister in historiis loquitur : Semel induti, septem diebus non deposuerunt vestes sanctas, nec de atrio tabernaculi sunt egressi. *Et qui ingreditur tabernaculum testimonii, ut ministret in sanctuario.* Certum est, quod non solum sacerdos summus, sed inferiores quoque sacerdotes ingrediebantur tabernaculum seu sanctuarium, hoc est primam ejus partem, quae dicitur Sanctum, vel Sancta, ad ministrandum Deo ibidem : ideoque per tabernaculum nunc intelligitur Sanctum B sanctorum, videlicet pars tabernaculi praecipua, in qua existit area, ubi semel in anno pontifex introivit. Verumtamen quosdam sui officii actus fecit in tabernaculo exteriori, seu Sancto : et quantum ad hos actus, potest de tabernaculo isto exponi.

\* consecra-  
tione

*Arietem autem consecrationum\* tolles,* hoc est, arietem qui in consecrationibus immolatur tanquam pacifica hostia, sumes, seu sumi praecipies de loco suae matationis, *et coques,* id est parari facies *carnes ejus in loco sancto,* puta in tabernaculi atrio : *quibus vescetur Aaron et filii ejus :* qui offerent hostiam talem, cujus tertia pars cessit in usum sacerdotum offerentium eam. *Panes quoque qui sunt in canistro, in vestibulo,* hoc est atrio, *tabernaculi testimonii comedent,* quia sunt panes sacerdotibus deputati : *ut sit placabile sacrificium,* id est, hostia illa pacifica Deo complaceat, dum circa eam servantur quae lex praecipit, nec per transgressionem offerentis sit offensiva : *et sanctificentur offerentium manus,* id est, manus sacerdotum offerentium opus virtuosum exhibeant : vel manus populi qui per sacerdotes obtulit Deo, sancte egisse inveniantur, dum universa legitime fiunt. *Alienigena non vescetur ex eis,* id est carnibus et panibus illis oblatis, *quia sancta\* sunt,* id est per oblationem sacrata, et ministris Dei appropriata, solisque filiis Aaron dedicata. *Quod si remanserit de carnibus consecratis, sive de panibus usque mane sequentis diei, combures reliquias igni,* id scilicet

quod sacerdotibus superfuit. *Non comedentur die sequenti,* nec a sacerdotibus propter prohibitionem, neque ab aliis propter consecrationem. Ideo additur : *quia sanctificata sunt.* Sic et de agno paschali fuit praecipuum, de ejus rei causa praehabitu est, et infra dicitur.

*Omnia quae praecepi tibi, facies super Aaron et filiis ejus :* id est, sic eos consecrabis ac vesties ac informabis, quemadmodum nunc mandavi, nec quidquam horum omittes. Nam sicut in novo Testamento aliqua sunt de necessitate atque essentia sacramentorum, aliqua vero de bene esse et solennitate ipsorum, ita fuit in veteri Testamento de sacramentis ipsius. *Septem diebus consecrabis manus eorum,* videlicet Aaron, filiorumque ejus : id est, quotidie semel per unam hebdomadam : imo, ut Josephus protestatur, omnia jam praedicta, sic fuerunt diebus sex sequentibus iterata, sicut prima die fuerant facta. Aliqui autem dicunt, oblationes et sacrificiorum positiones super manus Aaron ac filiorum ipsius, non autem unctiones, fuisse reiteratas. Unde subjungitur : *et ritulum pro peccato offeres per singulos dies unius hebdomadae, tempore consecrationis pontificis ac sacerdotum, ad expiandum,* id est placandum, seu pium sibi faciendum ipsum Dominum.

*Mundabisque altare quam immolaveris expiationis hostiam :* id est, altare holocausti dispones ad suam unctionem et sanctificationem, immolando super illud quotidie una hebdomada hostiam pro peccato. Sicque altare mundabatur, non a sorde et impuritate, sed a minoratione suae sanctificationis completae. *Et unges illud in sanctificationem,* id est ad hoc, ut per unctionem habeat sanctificationem : de qua unctione habetur sequenti capitulo. *Septem diebus expiabis,* id est purgabis et Deo placitum facies, *altare holocausti, et sanctificabis illud,* dedicando ipsum ad cultum divinum, quia per unam hebdomadam reiterabatur immolatio et consecratio hae altaris : *et erit sanctum*

\* sancti

*sanctorum*, id est valde sanctum per munitionem, et comparatione eorum quae Deo non dedicantur, sed in communem proveniunt hominum usum. Itaque sanctum sanctorum non sumitur hic pro loco tabernaculi, in quo fuerat area. *Omnis qui tetigerit illud, sanctificabitur* : id est, qui ordinate illud accesserit, ex hoc applicationem quamdam ad Deum sortietur : imo se ipsum adstringet ad mundandum et sanctificandum cor suum, ut dignus sit ministrare circa altare, quod solis sacerdotibus licuit tangere.

*Hoc est quod facies in altari*, id est, sequens sacrificium facies super illud quotidie exhiberi : *Agnos anniculos duos per singulos dies jugiter, unum agnum mane facies offerri ibi, et alterum vespere*. Istud fuit iuge sacrificium, in quo offerebantur quotidie duo agni anniculi, id est non plus quam unius anni, seu infra annum unum a die octava nativitatis eorum, quoniam infra octavum diem offerri non poterant. Offeres quoque cum agno anniculo, *decimam partem similis conspersa oleo tuso*, id est per pilum expresso seu trito : quod oleum mundius prestantiusque consistit, et in pistratione simile infundebatur pro pane fiendo. Mensura demum determinata simile huius, non exprimitur hic, sed *Nam, xv, 4*, ex Numeris cognoscitur, quod fuit decima pars ephi : de qua mensura in expositione quintidecimi capituli dictum est. Porro de mensura olei huius, in textu nunc dicitur, *quod habeat mensuram quartam partem hin*. Hin est genus mensurae quae vocatur sextarius. Mensurae autem et pondera, secundum diversitatem locorum ac temporum, variantur : ideo determinatam eorum quantitatem pro certo non scimus, nisi super hoc certa habeamus documenta experientiarum aut sensationum. *Et vinum ad libandum*, id est ad offerendum super altare, *eiusdem mensurae cum oleo, in agno uno*, id est, cum uno agno anniculo ista sunt pariter offerenda. Sacrificium autem de materiis liquidis, ut de vino et oleo, proprie appellatur libatio

A seu libamen. *Alteram vero agnam offeres ad vespertinam iuxta ritum matutinae oblationis, et iuxta ea quae diximus, in oblationem suavitatis*. Iste enim alter agnus anniculus, offerebatur in sacrificium Deo, eodem modo et ritu, seu cum eisdem materiis ac mensuris, quibus offerebatur alius agnus de mane.

*Sacrificium est Domino Deo, oblatione perpetua in generationes vestras*, id est quotidiana per omne tempus veteris Testamenti, *ad ostium tabernaculi testimonii* B *coram Domino*. Ibi enim in atrio iuxta altare holocausti, fiebat jugis oblatio ista. *Ubi constituam et loquar ad te*. In loco enim sacrificii dedit Deus responsa, praeceptaque Moysi. *Ibi praeceptum filiis Israel*. Nam ibi per Moysen atque per summos pontifices direxit praecepta ad Israelitas. Unde in Levitico ac sequentibus libris frequenter habetur : *Locutus est Dominus Moysi ad ostium tabernaculi* : *Praecepit filiis Israel*. Ibi quoque saepe locutus est Moysi et Aaron simul, deinde Eleazaro.

C *Et sanctificabitur altare in gloria mea*, hoc est, altare holocausti sanctificabo per gloriosum potestatis meae effectum, prout sequenti capitulo tangitur. Et Levitici non habetur, quod ignis de caelo descendit super altare illud, quando ea quae nunc praecepta leguntur, executioni mandata sunt. *Sanctificabo et tabernaculum testimonii cum altari, et Aaron cum filiis ejus, ut sacerdotio fungantur mihi* : hoc est, tam ipsum tabernaculum quam altare thymiamatis, quod in ipso est, dedicabo, D *apparabo et appropriabo cultui meo per consecrationem, et per divina opera quae ibi facturus sum*. Quod qualiter factum sit, infra, ac in libris sequentibus evidenter narratur. *Et habitabo in medio filiorum Israel*, id est in cordibus devotorum Israelitarum per magna et specialia gratiarum charismata. Quamvis itaque filii Israel pro majori parte fuerint mali, haec tamen denominatio adscribitur generaliter populo illi, propter partem ipsius. *Egoque eis Deus* : hoc est, speciale eorum regimen,

Lev. ix, 24.

providentiamque habebō, præcipua gratiæ A dona conferam eis, et eolar ab ipsis. *Et scient* per experientiam beneficiorum meorum, *quia ego Dominus Deus eorum* specialiter, qui omnium sum Dominus Deus generali dominio, *qui eduxi eos*, seu patres eorum, *de terra Egypti, ut manerem inter illos*. Hoc sonat, quasi in terra Egypti

non habitaverit inter ipsos. Sed intnendum quod de medio infidelium transtulit Dominus populum suum, ut populus inde substractus, Deo plenius vacaret in solitudine, deinde in terra promissionis, utpote a prava societate hominum infidelium segregatus, inter quos a Dei obsequio multipliciter impediabatur. *Ego Dominus Deus ipsorum*.

## ARTICULUS LVIII

### DE SPIRITUALI HUIUS VICESIMI NONI CAPITULI SENSU.

PER hoc quod Dominus jussit ipsum Aaron ac filios ejus ante eorum consecrationem in sacerdotes, offerre diversa, quæ exprimuntur in littera, deinde lavari, et sacerdotalibus vestibus indui: designatur, quod ad sacros Ordines promovendi, præsertim ad sacerdotium ac præsulatum, debeant prius in se ipsis motus carnales ac bestiales, qui per vitulum atque arietem designantur, extinguere, et eos ad Dei honorem mactare: per opera quoque satisfactoria Deum sibi reconciliare, et insuper a quotidianis culpis per contritionem ac confessionem purgari: imo et bona opera, quæ per panes signata sunt, exercere: quæ opera devotionis pinguedine, quæ oleo significatur, oportet condire, ita ut ex interna sinceritate, quæ per triticam similam intelligitur, oriantur: sique sacerdos spiritualiter mortificatus, reformatus, lotus et exercitatus, debet progredi ad altare, sacerdotalia induere ornamenta, et sacrificare Patri æterno unigenitum Filium ejus.

Insuper, per Aaron pontificem præfiguratus est Christus: per vitulum vero D indomitum, gentilis populus recte exprimitur: per duos arietes immaculatos, populus qui sub lege naturæ, et item plebs quæ sub lege scripta Deo servivit,<sup>4</sup> accipiuntur. Per hoc ergo quod Aaron vitulum unum ac duos arietes immolavit,

B præmonstrabatur, quod Christus in sua passione reconciliavit ac obtulit Deo Patri tam gentiles, quam eos qui in lege naturæ ac lege scripta fuerunt. Pro omnium enim salute se obtulit. Quid vero per indumenta pontificalia ac sacerdotalia expressa in textu, spiritualiter intelligatur, in expositione mystica præcedentis capituli patuit.

Porro, quod sacerdotes ac pontifex pro se ipsis hostias obtulerunt, hoc præmonstravit, quod sacerdotes evangelicæ legis non tantum pro aliis, sed et pro se ipsis debeant Sacramentum altaris offerre. Sed et sanguinem Christi debent per devotam commemorationem superponere extremo auriculæ suæ dextræ, pollicis quoque dextræ manus ac pedis, ut semper sint ad obediendum Deo promptissimi, et passioni dominicæ grati: veloces quoque ad audiendum verbum Dei, ad exercendum quæ justa sunt, ad incedendum viam justitiæ, atque ad imitandum vestigia Salvatoris.

Postremo, per jube sacrificium Dominus Jesus pulchre significatur, qui licet semel oblatu sit in consummatione sæculorum, tamen ut in Apocalypsi conscriptum est, ab origine mundi passus est per efficaciam <sup>Apoc. xiii, 8.</sup> suæ subventionis, et offertur quotidie in altari. Ad vesperam quoque, videlicet circa mundi occasum, et Antichristi tyrannide omnia obscurante, non cessabit ex toto



offerri. Quod autem cum ignis illis anni-  
culis, Christum innocentissimum signifi-  
cantibus, simul offerebatur panis ex simi-  
la conspersa oleo factus, et vinum : quid  
aliud figuravit, nisi quod Christus sub

A specie panis et vini fuerat jugiter immo-  
landus, et indesinenter nunc immolatur?  
Verum de sacrificiorum legalium mystica  
significatione, in expositione Levitici ple-  
nior erit tractatus.

## ARTICULUS LIX

EXPLANATIO LITTERALIS CAPITULI TRICESIMI : FACIES QUOQUE ALTARE AD  
ADOLENDUM THYMIAMA.

**D**E constructione, materia, forma, con-  
secratione altaris thymiamatis, et de  
oblationibus quae fiebant in eo, nunc agi-  
tur. *Facies quoque altare ut adolendum*  
*thymiamum*, id est ad hoc, ut adoleatur seu  
cremetur in eo thymiamata sive incensum :  
*de lignis setim*, quae imputribilia et in-  
cremabilia perhibentur : *habens cubitum*  
*longitudinis, et alterum latitudinis, id est*  
*quadrangulum, et duos cubitos in altitu-*  
*dine. Cornua ex ipso procedent* : hoc est, in  
angulis superioribus hujus altaris emine-  
bunt seu prominunt aliquae ejus partes, C  
quasi lignea quaedam cornua, vel tanquam  
pomelli pro decore altaris. *Vestibulum il-*  
*lud autem purissimo*, hoc est, aureis lami-  
nis operies illud foris, *tam craticulam*  
*ejus, quam parietes per circuitum*, qui  
erant ex tabulis seu asseribus ligni prae-  
fati. Siquidem altare hoc concavum erat  
atque portatile : sicque per quatuor par-  
tes, instar serinii habebat parietes ligneos  
qui deaurabantur. *Et corona, Faciesque*  
*ei coronam aureolam per gyrum*. Per eo-  
ronam hanc intelligitur quaedam elevatura,  
seu labrum aliquantulum elevatum super  
altaris planitiem per gyrum ipsius, vel ad  
ipsius venustationem, vel ne supra altare  
posita, faciliter possent decidere, prout  
istud in expositione vicesimi quinti capi-  
tuli plenius est expressum. *Et duos annu-*  
*los aureos sub corona per singula latera*  
hujus altaris, *ut mittantur in eos vertes,*

B id est, vectes ponantur per annulos, *et ita*  
*altare parietur*, quando loca tabernaculi  
sunt mutanda progredientibus filiis Israel.

Circa haec scribit Lyra : Expositores no-  
stri communiter dicunt, quod in cornibus  
altaris pendebat craticula in modum retis  
facta, in qua ponebantur carbones vivi,  
in quibus thymiamata incendebatur. Hebraei  
vero dicunt, quod ibi non erat craticula,  
et quod in patella de altari holocausto-  
rum deferrebantur carbones ardentes, et  
in eadem patella cremabatur thymiamata.  
Istud quoque rationalius reputat Lyra.  
Per foramina namque craticulae cecidis-  
sent cinerum favillae super altare. Sed istud  
non videtur textui concordare, in quo  
sicut jam patuit, continetur. Tam crati-  
culam ejus. Ad quod Lyra respondet, in  
Hebraeo haberi. Tam tectum ejus. Ego au-  
tem credo, Hieronymum in transferendo  
ab Hebraica veritate non recessisse, et no-  
men illud Hebraeum, pro quo transtulit  
Craticulam, esse fortassis equivocum : nec  
inconveniens reputatur, si aliquid tenuis-  
simorum cinerum super altare illud rui-  
set. *Ipsos quoque vectes facies de lignis*  
*setim, et inaurabis.*

*Ponesque altare thymiamatis contra ve-*  
*lunt quod ante arcam pendet testimonii.*  
Sanctus Hieronymus et Hebraei ac Jose-  
phus, dicunt istud altare situm fuisse non  
intra Sancta sanctorum, sed in Sanctis  
seu exteriori tabernaculo, ex opposito ve-

li quod dividebat illas tabernaculi partes. A Pendebat autem velum illud ante aream testimonii, *coram propitiatorio*, quod eminebat areæ, et eam operuit. *Quo propitiatorio legitur testimonium*, id est area testimonii, vel tabulæ testamenti, quæ tamen nondum erant in area, imo nec factæ erant, quando hæc Dominus locutus est Moysi. *Ubi loquar tibi*. Nam propitiatorium fuit quasi sedes Dei, et inde egrediebatur interdum vox Dei loquentis cum Moyse. Verumtamen beatus Augustinus videtur sentire, altare istud intra Sancta san-

Hebr. ix, 1.

etorum stetisse, quum et thuribulum aureum fuerit ibi, ut dicitur ad Hebræos. Sed prior expositio verior reputatur, nisi forte Augustini intentio fuerit, quod istud altare ob suam dignitatem dictum sit sanctum sanctorum, ut infra patebit, sique communionem habuerit cum Sanctis sanctorum, ac per hoc nomine ac dignitatis participatione fuit intra Sancta sanctorum.

*Et adolebit incensum super eo Aaron, suave fragrans* : id est, super altare hoc Aaron et filii ejus thymiama incendunt, quod suaviter redolebit, ut infra patebit. Fuit quippe ex speciebus aromaticis valde suavis confectum et mixtum. *Mane quando componet lucernas, incendet illud*. Ut enim in expositione vicesimi quinti capituli patuit, in tabernaculo fuit candelabrum, supra quod erant septem lucernæ seu lampades, quæ omnes ardebant de nocte. Mane vero quatuor exstinguebantur, et tunc thymiama incendebatur. *Et quando collocabit eas ad vespertum*. Tunc enim quatuor illæ lucernæ rursus accendebantur, et ita pontifex eas disposuit, et accendit per se aut per inferiores ministros : tunc, inquit, *uret thymiama sempiternum coram Domino in generationes vestras*, id est jugiter offerendum per successiones Israelitarum, durante Testamenti veteris statu et cursu. Denique, secundum Thomam in prima secunda, litteralis ratio hujus incensi fuit, quatenus in tabernaculo esset odor suavis contra odorem non bonum,

Exod. xxx, 37.

qui in atrio tabernaculi causabatur ex maculationibus animalium, et combustionibus holocaustorum. Ex quo apparet, verum non esse quod aliqui dicunt, quod in ipso altari de mane non cremabatur nisi thus, vespere autem thymiama : quod et ex verbo sequenti probatur. *Non offeretis super eo thymiama alterius compositionis*, id est, super altare istud incensi non immolabitis nisi thymiama et sacrificium unius commixtionis : quæ qualis fuerit, in fine hujus narratur capituli. *Nec oblationem et victimam, nec libabit libamina*. Per oblationem, intelligitur immolatio facta de rebus non virentibus ac aridis : per victimam, immolatio de animalibus : per libamen, immolatio facta de materiis liquidis. Itaque nullum horum licuit in altari incensi offerri, sed ad altare holocausti hæc pertinebant.

B

*Et deprecabitur Aaron super cornua altaris semel per annum* : id est, pontifex cornibus altaris inuitendo, adstando, aut se applicando, orabit semel in anno, puta in die expiationis, quæ est decima dies Septembris, pro populo : *in sanguine ejus, quod oblatum est pro peccato* : id est, cornua altaris incensi tingendo sanguine hirci ac vituli, qui tunc pro peccato populi offerentur. *Et placabit super eo in generationibus vestris*, id est, ista agendo reconciliabit vobis Deum. *Sanctum sanctorum erit Domino* : id est, altare istud incensi seu sacrificium ejus erit valde sacratum, juxta sensum, quo in præcedenti capitulo altare holocausti, sanctum sanctorum vocatum est. Quod tamen huic altari convenit magis quam illi, quoniam sanctius in tabernaculo fuit. Istud autem in cornibus hujus altaris agebat summus sacerdos post egressum suum ex Sanctis sanctorum, ut

Ler. xvi, 18.

*Locutusque est Dominus ad Moysen, dicens : Quando tuleris summam filiorum Israel*, id est, determinate scire volueris, quot sint viri in populo Israelitico, et numerum illum acceperis : *juxta numerum dabunt singuli pretium pro animalibus suis*

*Domino* : id est, unusquisque eorum dabit A  
certam pecuniam summam pro ereptione  
vitae suae a mortis periculo, quod ei  
immineret, nisi istud impleret et pecu-  
niam istam offerret Deo pro animae suae  
salute. Quod fiet juxta numerum Israelita-  
rum, videlicet quantumcumque multi ex-  
stiterint. *Et non erit plaga in eis, quum  
fuerint recensiti*, id est numerati, si istud  
servaverint, nisi forte aliunde plagari me-  
merint. Circa hoc scribit Beda : Hujus  
praecepti oblitus est David, quando popu-  
lum numeravit, ideoque plagam ipsi po-  
pulo numerando procuravit. Verumtamen  
fuit et alia causa percussiois et plagae il-  
lius, utpote quoniam ex quadam elationis  
vanitate movebatur ad populi numeratio-  
nem. *Hoc autem quod sequitur, dabit om-  
nis qui transit ad numerum*, hoc est, qui  
vicesimum annum attigerit : *Dimidium  
siclei juxta mensuram templi, Sicleus vi-  
ginti obolos habet*. Sicleus quo utebantur in  
templo, habebat (ut Josephus narrat) qua-  
tuor drachmas, et drachma continebat obo-  
los quinque. Fuit autem et aliud genus  
siclei, quo utebantur vulgares. *Media pars  
siclei offerretur Domino. Qui habetur in  
numero a viginti annis et supra, dabit  
pretium. Dives non addet ad dimidium  
siclei, et pauper non \* minuet* : hoc est,  
unusquisque offerret aequè multum in casu  
isto; ne divites pauperibus se praeferrent,  
atque ut ex numero dimidiarum sicleorum  
sciretur multitudo virorum numeratorum.  
*Susceptamque pecuniam quae collata est  
a filiis Israel, scilicet summam pecuniae  
oblatam ab Hebraeis recensitis, trades in  
usus tabernaculi testimonii*, hoc est sacer-  
dotibus et ministris templi seu taberna-  
culi, pro expensis necessariis ad facien-  
dum praefatam oblationem pro peccatis  
populi, et cremationem incensi. Nam quae  
pro communitate fiebant, de communi-  
tatis sumptibus exhibebantur. *Ut sit mo-  
numentum eorum coram Domino, et pro-  
pitiatur animabus eorum.*

*Locutusque est Dominus ad Moysen, di-  
cens : Facies et labium aeneum cum basi*

*sua ad lavandum*. Labium hoc, fuit vas  
magnum lavatorium, formatum ut concha  
grandis, cujus basis fuit fundus seu con-  
cavitas ejus : quod tertio libro Regum di-  
citur iter, et etiam labrum vocatur. *Pos-  
uesque illud inter tabernaculum testimonii<sup>34</sup>  
et altare*. Ponebatur enim in atrio taber-  
naeuli inter ostium ejus et altare holocan-  
storum. *Et missa aqua*, hoc est, in lava-  
torium istud fusa aqua, *lavabunt in ea  
Aaron et filii ejus eorumque posteri ma-  
nus suas ac pedes, quando ingressuri sunt  
tabernaculum testimonii*. Similiter quan-  
do et egredientur ad populum, *et quando  
acessuri sunt ad altare incensi*, quod fuit  
in tabernaculo. Et hoc fuit, dum accepturi  
erant sacras vestes ad sacrificandum seu  
adolendum incensum. Ideo subditur : *ut  
offerant in eo thymiamata Domino* : quod  
agebant bis quolibet die, ut patuit : *ne  
forte moriantur*, id est, ne propter trans-  
gressionem hujus praecepti, subito puni-  
antur per mortem non solum corporalem  
ac temporalem, sed etiam condemnentur.  
C Et additur. Forte, quoniam in Dei liberri-  
ma potestate est poenam justam infligere,  
et misericorditer parere, indulgere, aut  
differre. *Legitimum sempiternum erit ipsi  
et semini ejus*, hoc est, praeceptum istud  
erit jugiter observandum Aaron et filiis  
ejus, eorumque posteris *per successiones*.

Ex dietis eliciunt quidam, quod sacer-  
dotes nudis pedibus ingrediebantur et ex-  
ibant tabernaculum. Per oblationem vero  
thymiamatis, quidam intelligunt hic thi-  
rificationem, quae fuit consummatio quae-  
dam sacrificii immolati : nam fuit signum  
devotionis offerentium. Et sicut praeabi-  
tum est, sacrificia illa non erant Deo ac-  
cepta, nisi ex offerentium fide et devotio-  
ne. Propter quod ad Hebraeos asseritur :  
In priori quidem tabernaculo, hoc est in  
anteriori tabernaculi partem, semper  
introibant sacerdotes, sacrificiorum offi-  
cia consummantes. Praeterea, per lotionem  
manuum ac pedum pontificis et sacerdo-  
tum, significabatur purificatio actionum  
et affectionum illorum.

*Hebr. ix, 6.*

\* nihil



Sequitur de compositione et effectu olei A  
unctionis. *Locutusque est Dominus ad  
Maysen, dicens : Sume tibi aromata electe  
smyrne*, vel, ut alii habent, myrrhæ pri-  
mæ et electæ, *quingentos sictos*, loquen-  
do de sicto qui viginti obolos habet, de  
quo nunc dictum est. Circa hoc ait Beda :  
Smyrna Græce, Latine dicitur myrrha, quæ  
est arbor in Arabia quinque cubitorum,  
eius virgulta Arabes exurunt, ut melius  
pullulent atque fructificent. Ex quorum  
odore incurabiles morbos contraherent,  
nisi fumo storacis occurrerent. Alii quo-  
que dicunt, quod myrrha est aromatica  
arbor, ejus gutta seu lacrima duplex est :  
una per modum sudationis emanans, quæ  
melior est, et prima myrrha vocatur : alia  
per corticis incisionem, et nominatur myr-  
rha secunda. *Et cinnamomi medium, id  
est ducentos quinquaginta sictos*, Cinna-  
momum, secundum Glossam, est virgultum  
duorum cubitorum, in India vel Æthiopia  
nascens, in modum cannae, subtiles ac re-  
plicatos calamos habens, nigri cinereive  
coloris, qui fracti, reddunt visibile spira-  
mentum. Atque ut alii dicunt, duplex est  
cinnamomum : unum, quod nihil aut mo-  
dicum habet odoris : aliud magis aromati-  
cum, cortexque ejus pretiosior fertur quam  
lignum. Unde et utrumque per se ponde-  
ratur. *Calami similiter ducentos quinquaginta  
sictos*, Calamus est arbor, virgultum,  
seu species aromatica juxta Libanum, et  
bonum reddit odorem. *Casie quoque quin-*  
*quaginta \* sictos*, Casia est arbor aromati-  
ca robusti corticis, purpureis foliis, ha-  
bens cinnamomi virtutem, sed inferiori  
gradu potentiae. *In pondere sanctuarii*,  
quo in tabernaculo et templo utebantur  
ministri, quod a pondere vulgari diffe-  
rebat. *Et olei de olivetis*, videlicet olei  
oliviarum, non nucum, neque raparum,  
*mensuram hin*, hoc est sextarii : de qua  
mensura dictum est præcedenti capitulo.

Exod.  
xxx, 40.

*Faciesque unctionis oleum sanctum*, id  
est ad divina ordinatum, *unguentum com-*  
*positum opere unguentarii*, hoc est per  
omnium horum commixtionem, prout un-

guentarii, utpote artifices in compositione  
et commixtione unguentorum periti, face-  
re solent. *Et unges ex eo tabernaculum te-*  
*stimonii, et arcam testamenti, mensamque*  
*cum vasibus suis, candelabrum et utensilia*  
*ejus, altaria thymiamatis et holocausti :*  
quorum unum fuit altare thymiamatis, et  
alterum holocausti : *et universam super-*  
*lectilem quæ ad cultum eorum pertinet*.  
De omnibus istis a capitulo vicesimo quin-  
to et deinde, est dictum. *Sanctificabisque*  
*omnia* ista, consecrando et aptando ea ad  
cultum divinum. Et facile est pensare,  
quod non ungebantur per totam superfi-  
ciem suam, sed digito tincto in oleo, fie-  
bat in certis partibus quedam linitio. *Et*  
*crunt sancto sanctorum*, id est valde san-  
cta, præsertim comparatione rerum non  
consecratarum, quæ in communem homi-  
num veniunt usum. Aliter autem inter-  
rior pars tabernaculi dicta est Sancta san-  
ctorum, sicut ex præhabitis constat. *Qui*  
*tetigerit ea, sanctificabitur*, id est, qui  
idoneus fuerit aliquid horum contingere,  
ex hoc quondam sortietur sanctificatio-  
nem seu ordinationem, habitudinemque  
ad Deum. Vel sensus est, quod ministri  
volentes tangere ea, prius sanctificare se  
debeant. Verumtamen non licebat quibus-  
libet tangere, imo nec cernere arcam.

*Aaron et filius ejus unges*, videlicet ip-  
sum Aaron in capite suo ac manibus, fi-  
lios autem ejus in manibus tantum, ut ali-  
qui dicunt. Alii vero opinantur, quod filii  
Aaron non ungebantur hoc oleo puro, sed  
quod adspergebantur quadam commixtio-  
ne facta de oleo isto et sanguine animalis  
oblati : unde in expositione præcedentis  
capituli dictum est plenius. *Sanctificabis-*  
*que eos*, id est, taliter consecrabis, *ut sa-*  
*cerdotio fungantur mihi*. Augustinus vero  
videtur sentire, quod ungebantur hoc oleo.  
Nam ait : Oleo illo quo cuncta peruncta  
sunt, etiam sacerdotes ungebantur, ut sa-  
cerdotio fungerentur.

*Filiis quoque Israel dices : Hoc oleum*  
*unctionis sanctum erit mihi*, id est ordi-  
nandum et expendendum in rebus divinis.

non applicandum usui hominum, *in genes* A *rationes vestras. Caro hominis non ungetur ex eo*, id est, nemo corpus suum ex tali unctione unget aut liniet. Aliqua autem pars corporis regum atque pontificum, aut etiam sacerdotum ungebatur ex eo : quoniam sublimes personæ in tantis officiis constitutæ, erant divinæ, et vicarii Dei, atque inter Deum et homines ceteros medii. *Et juxta compositionem ejus non facietis aliud*, id est, ex eisdem materiis, præsertim in tali proportionē acceptis, non facietis aliquam unctionem in usus humanos. Ex aliis autem rebus et speciebus poterant fieri unctiones humanæ ; imo, ut aliqui arbitrantur, ex eisdem materiis in alia proportionē assumptis : quod certum non reor. *Quia sanctificatum est*, id est, oleum istud ad divinā duntaxat est ordinatum ; *et sanctum erit vobis*, id est in tanta veneratione habendum, ut non præsumatis illud humanis usibus applicare. *Homo quicumque tale oleum composuerit, et dederit ex eo, alieno*, id est homini extraneo vel cuicumque cui illicitum est eo uti, *exterminabitur de populo suo*, id est, mortem merebitur, imo et peccando mortaliter, societate privabitur electorum.

Sequitur de compositione thymiamatis. *Dirigitque Dominus ad Moysen : Sume tibi aromata*, id est materias boni odoris, videlicet *stactem*, id est myrrham electam et primam, induratam, secundum expositores ; *et onycham*, id est ostream parvam duleiter redolentem, quæ magnitudinem habet unguis humani, et alio nomine ungula nuncupatur : *et galbanum boni odoris*. Secundum Glossam, galbanum seu galbanus est succus ferule boni odoris, et nascitur in Syria optimum : cartilaginosum est et minus lignosum, ejus odore fugantur serpentes. Alibi legitur quod sit

lacrima ejusdam herbar, similis ferulæ, grana habens ut faba, et ut granum fabæ glutitum, medetur tussi ; subvenit quoque conquassationi lapsi de alto, epileptæis utiliter adhibetur, fumigio serpentes excudit ; oleo mixto permectum, vim serpentis non admittit : oleo splendido mixtum, a serpentibus comestum, necem infert eisdem : dolorem dentium, si apponatur, tollit. Antiquitate vero et aliis ex causis amittit bonum odorem. Ideo littera exprimit, Galbanum boni odoris. *Et thus* B *lucidissimum* : utpote impermixtum, seu non admixtum resinæ, per quam sua puritas obfuseatur. *Æqualis ponderis erunt omnia*, id est quatuor species istæ.

*Faciesque thymiamum compositum opere unguentarii* : ad unguentarium quippe pertinet, unguenta et thymiamia componere : *utrumque diligenter et parum* : ea namque quæ Deo offeruntur, et ejus cultui mancipantur, debent esse præcipua ; *et sanctificatione dignissimum*, id est aptissimum applicari in Dei obsequio seu consecrari.

C *Quicumque in tenuissimum pulverem universa hæc quatuor contuleris*, id est in mortariolo comminueris, *portes \* ex eo*, scilicet thymiamate sic permixto, *coram testimonio tabernaculo*, id est ante altare incensi, ut tempore opportuno eremetur super altare ; *in quo loci apparebo tibi*, loquendo tecum ibidem quandoque. *Sanctum sanctorum erit vobis thymiamum. Talem compositionem non facietis* : id est, præcipio ne faciatis talem mixturam *in usus vestros ex eisdem speciebus et pari* D *proportionē acceptis, quia sanctum est Domino*, juxta sensum de oleo unctionis inductum. *Homo quicumque fecerit simile thymiamum seu mixturam, ut odore illius perfruat, peribit de populis suis*, id est, tolletur de terra viventium.

\* ponet

## ARTICULUS LX

DE SPIRITUALI HUIUS CAPITULI TRICESIMI INTELLIGENTIA.

**P**ER altare incensi, in ipso tabernaculo A constitutum, congregatio perfectorum signatur, qui in ipsa Ecclesia virtutibus fragrant, et bonus sunt odor Dei : in quibus sunt sacrificia laudis divinae, vota sancta, flamma amoris, dulcedo orationis. Ideo hoc altare constitutum est ex lignis setim, quoniam congregatio talis ex personis mente indivisis, et vitiorum putredinem non recipientibus, constat. Est quoque quadrangulum, id est aequalitate justitiae perornatum, atque virtutibus comproporcionatum : habens longitudinis cubitum unum, B utpote spei longanimitatem : et unum latitudinis cubitum, id est caritatis extensionem : duos vero in altitudine, quoniam Deum contemplantur viri perfecti, tam per visibilia quam per invisibiles ejus effectus. Vel unus altitudinis cubitus, est contemplatio Dei ex lumine naturali et sapientia acquisita : alter cubitus, contemplatio supernaturalis ex fide et dono sapientiae infusae. Denique altare istud minus fuit altari holocaustorum, quia perfecti pauciores sunt imperfectis. *Coram ex ipso procedent.* Praelaturae namque et ecclesiae C sticae potestates ac auctoritates, ad tales viros potissimum spectant. *Vestiesque illud auro purissimo.* Corda equidem perfectorum, sincera puritate ornantur tam in se ipsis quam in interioribus actibus suis, in verbis quoque et factis. *Faciesque ei coronam aureolam per gyrum.* Per coronam aureolam, potest intelligi timor Dei filialis, vel praeclarissima virtus justitiae, quum D in Ecclesiastico scriptum sit : Timor Dei, corona justitiae. Viri autem perfecti, jugiter timorati ac justi in omnibus esse nituntur. *Et duos annulos aureos sub corona.* Illi annuli sunt virtus misericordiae et

domini pietatis, seu exhibitio operum misericordiae corporalium, et exhibitio spiritualium misericordiae operum, per quae viri virtuosus feruntur ad alios mediantibus vectibus qui annulis inseruntur, id est recta intentione ac vera discretionem, per quas opera misericordiae rectificantur ac moderantur.

*Ponesque altare contra velum quod ante arcam pendet testimonii.* Hoc velum est obscuritas fidei, mortalitas carnis, distantia quoque inter viam et patriam. Perfecti itaque in hoc statu ante hoc velum sunt positi, ita quod velum istud mediat inter Christum et eos, quia dum sunt in corpore, peregrinantur a Domino, et contemplantur per speculum in enigmate. Et <sup>11 Cor. v, 6.</sup> *adolebit incensum super eo Aaron :* id est, <sup>1 Cor. xiii, 12.</sup> Christus pontifex summus, corda perfectorum accendit et excitabit ad orationes ardentes, ad incensa votorum, ad suavissimos caritatis ac pietatis affectus. *Quando compuncti lucernas :* id est, septem dona Spiritus Sancti in mente ornat et actual, mane ac vespere, utpote in exordio conversionis seu virtuosae conversationis, et in fine ipsius : imo et in motu gratiae praeventis, ac complemento gratiae consummantis : nempe qui incipit, ipse consummat. *Non offeretis super eo thymianum alterius compositionis,* id est infectionem carnalium desideriorum, aut appetitum laudis humanae, neque orationes inordinatas, in quibus vel temporalia spiritualibus praeferruntur, vel saluti contraria postuluntur, aut de propriis meritis nimis praesumuntur. *Et deprecabitur Aaron super cornua altaris semel per annum in sanguine.* Dominus ac Salvator jugiter interpellat pro nobis. Verumtamen specialiter semel in



anno, hoc est in anniversario suae fructuosissima passionis die, in ipso paraseve sancto, in quo sanguinis sui pretio specialissima gratiarum munera impetrat ac largitur suis fidelibus. Ipse enim, in quantum mediator et advocatus, postulare impetrareque dicitur; atque ut Deus, exaudit et confert.

*Locutusque est Dominus ad Moysen, dicens : Quando tuleris summam filiorum Israel, dabunt singuli pretium pro animabus suis.* Per Moysen Dominus Jesus designatur. Itaque dum Salvator vasa misericordiae sibi assumit, et eos ad spirituales dirigit pugnas contra invisibiles hostes, singuli dare tenentur pretium, id est humilem confessionem, veramque obedientiam pro suarum animarum salute, ita ut omne bonum Deo adscribant, et juxta praecepta ipsius viriliter praelientur, quia non coronatur, nisi qui legitime certaverit. *Susceperantque pecuniam trades in usus tabernaculi :* id est, universa opera fidelium virtuosa, ad commune bonum Ecclesiae, et in generalem ejus thesaurum sunt referenda, ut sibi mutuo suffragentur, et particeps sit unusquisque omnium timentium Deum, quia per caritatem omnibus omnia communicantur.

*Facies et labium aeneum.* Per labium istud, Confessionis sacramentum, contritio-

nisque aqua et examinatio conscientiarum recte intelliguntur, in quibus in sacris Ordinibus constituti, potissimum sacerdotes, lavare, purgare et decorare se debent, antequam alicujus sacri Ordinis exsequantur officium, et praesertim antequam corpus et sanguinem Salvatoris consecrare, offerre ac sumere audeant. Et sicut in labio aeneo erant specula quaedam mulierum per gyrum, in quibus considerabant sacerdotes, an sufficienter loti consisterent: sic sacerdotes ac ministri Ecclesiae in Scripturis et conversatione Sanctorum intueri ac conspiciere debent, an aliqua culpae macula in ipsis remanserit.

Iusuper per oleum unctionis potest intelligi contemperatio quatuor cardinalium virtutum in corde, seu quatuor Evangeliorum instructio ordinatissima: quo oleo omnia nostra ungenda sunt et condienda. Porro per thymiana designatur fervens oratio, in qua humilitas, caritas, fides et latría debent, tanquam quatuor aromaticae species, concurrere ac misceri. Nec oleo ac thymiamate isto honorandus, colendus, fovendus est aliquis, nisi Deus, ejus honor et gloria in omnibus sunt quaerenda, atque in quo dumtaxat gloriari oportet ac licet, universa et singula bona ei cum gratiarum actione et humilitate semper attribuendo.

*Exod.*  
XXXVIII, 5.

II Tim. II, 5.

## ARTICULUS LXI

DECLARATIO CAPITULI TRICESIMI PRIMI : LOCUTUSQUE EST DOMINUS AD MOYSEN.

**M**ODO describitur, qualiter Deus jussit praefata praecepta executioni mandari. *Locutusque est Dominus ad Moysen, dicens : Ecce vocari ex nomine,* id est, nominatim vocare decrevi, et nunc voco, atque ad tanta opera exsequenda eligo, vel potius electum ostendo, *Beseleel filium Uri filii Hur de tribu Juda.* Quis fuerit iste Hur avus Beseleel, et quis iste Beseleel,

diffuse tractatum est supra in expositione capituli septimidecimi, quia ut ibi probatum est. Hur ille fuit maritus Mariae sororis Moysis. *Et impleri eum spiritu Dei,* id est donis Spiritus Sancti, videlicet sapientia et intelligentia et scientia.

Consuetudo Scripturae est, ut qui dicitur spiritu Dei repleti, intelligatur donis gratiae gratum facientis impleri. Sapientia au-

*Ibid.* XVII,  
10.

tem et scientia interdum designant specialia Spiritus Sancti dona, ad gratiam gratificantem spectantia, quæ sine caritate non habentur, ut quum loquitur Isaias :

Is. XI, 2.

Requiescet super eum spiritus sapientiae, etc. Interdum vero designant dona gratiae

1 Cor. XII, 8.

gratis datae, ut quum ait Apostolus : Alii per Spiritum datur sermo sapientiae, alii sermo scientiae. Denique sapientia proprie pertinet ad divina et increata, scientia ad creata. Verumtamen, quoniam in hoc loco, mox ut dictum est Implevi eum spiritu Dei, adjectum est, *sapientia et intelligentia et scientia in omni opere ad excogitandum fabre*, id est artificialiter et industrie, *quidquid fieri potest ex auro et argento et ære et marmore et gemmis et diversitate lignorum*; sapientia, intelligentia et scientia videntur nunc sumi, prout pertinent ad dona gratiae gratis datae, et prout versantur circa objecta creata. Sicque per hoc quod Dominus ait, Implevi eum spiritu Dei, non designatur per hæc verba impletus donis pertinentibus ad gratiam gratum facientem, sed donis præfatis ad gratiam gratis datam spectantibus. Nihilominus reor, virum illum ad tanta exsequenda electum, fuisse virtuosum et gratia gratificante ornatum, præsertim quando ad ista agenda vocatus est, quamvis postea peccavit cum ceteris, ita quod terram promissionis intrare demeruit. Nam et super illud, Vocavi ex nomine, dicit Glossa interlinearis, Tanquam mihi earum et notum.

Itaque dicitur, Implevi eum spiritu Dei, id est donis Spiritus Sancti, de quibus subjungitur, Sapientia, intelligentia, et scientia in omni opere. Omnis etenim sapientia, omnis intelligentia atque scientia, sunt a Deo, sive per infusionem, sive per acquisitionem et studium. Quamvis autem ista scientia fabrilis possit naturaliter obtineri, videtur tamen vir iste supernaturaliter per habitus infusus edoctus, ad faciendum ea quæ divinitus jussa sunt fieri, præsertim opera tam invisæ. Sed qualiter distinguuntur modo hæc tria, sapientia,

intelligentia et scientia? Posset quis dicere, quod sapientia refertur nunc ad ea quæ fabrefieri queunt ex metallis, de quibus ait, Quidquid fieri potest ex auro et argento et ære : intelligentia vero ad ea quæ ex lapidibus fieri valent, de quibus subjungitur, Marmore et gemmis : scientia autem ad ea quæ fiunt ex lignis, de quibus adjectum est, Et diversitate lignorum. Verumtamen aptius arbitror, tria hæc referri ad unumquodque operum horum, ita ut dicatur Beseleel impletus sapientia ad faciendum omnia ista, in quantum intellexit spirituales rationes, cur ista sic essent formanda ad Dei honorem : intelligentia quoque, quantum ad actuales considerationes acutas et practicas circa agenda, vel quantum ad introductionem formarum et compositionum : scientia vero, quantum ad habitualement notitiam, seu quoad discernendum ac præparandum materias.

*Dalique*, id est, dare decrevi et nunc do, *ei socium*, id est adiutorem et cooperatorem, tamen minus peritum, *Ooliab filium Achisamech de tribu Dan*, cui etiam dedi sapientiam, intelligentiam et scientiam circa prædicta, sed non in tanta perfectione. Porro tribus Juda fuit præstantior et regalis, quam in multis Deus præhonoravit, quoniam incarnari ex ea elegit. Tribus autem Dan quasi vilior reputabatur. Attamen Deus non solum ex nobiliori, sed item ex viliori unum elegit artificem, quia abjecta mundi non despiciunt Dominus, nec

1 Cor. I, 28

est apud eum personarum acceptio, nec ejus voluntas est ut major contemnat minorem. *Et in corde omnis eruditi posui sapientiam, ut faciant cuncta quæ præcepi tibi* : id est, cunctis prudentibus artificibus artem fabre agendi infudi vel auxi, ut omnes simul sumpti, faciant cuncta quæ fieri jussi, et unusquisque eorum cooperetur juxta traditam sibi prudentiam. Quæ autem omnia agere debeant, subditur : *Tabernaculum foderis, et arcam testimonii, et propitiatorium quod super eam est, et cuncta vasa tabernaculi, mensamque et vasa ejus, candelabrum purissimum cum va-*

Rom. II, 11

*sis suis, et altare thymiamatis et holocausti, et omnia vasa eorum, tabernaculum basi sua, vestes sanctas in ministerio Aaron sacerdoti et filiis ejus, ut fungantur officio suo in sacris, oleum unctionis et thymiana aromatata in sanctuario. Omnia quæ præcepi tibi, facient.* Omnia ista in præcedentibus capitulis habita sunt atque exposita.

Consequenter Deus seriōse resumit præceptum de sabbati observatione, ne forte filii Israel aestimarent se posse in sabbato aliquid exercere circa prædicta, præsertim quoniam ad Dei cultum fiebant. Aliqua etiam addit circa præceptum hoc, et clarius illud exponit. *Et locutus est Dominus ad Moysen, dicens : Loquere filiis Israel, et dices ad eos : Videte ut sabbatum meum custodiatis*, id est, diem sabbati meo cultui specialiter deputatum celebretis : *quia signum est inter me et eos*, id est speciale argumentum atque indicium, quod mei cultores estis, et legem a me datam habetis : *ut sciatis per practicam notitiam et præcepti mei custodiam, quia ego Dominus qui sanctifico vos*, id est, ad meum cultum specialiter vos applico, et mentis sanetitatem confero his qui obediunt mihi perfecte. *Custodite sabbatum meum : sanctum est enim vobis* : id est, ad vestram salutem et sanctificationem illud vobis injunxi, quamvis ad majestatis meæ honorem et gloriam referam hoc. *Qui polluerit*, id est violaverit et inhonoraverit, *illud, morte moriatur*. Nam corporaliter occidebatur, si transgressio ejus palam innotuit, seu probari testibus potuit. Moriebatur quoque in anima, peccando mortaliter. *Qui fecerit in eo opus servile ac lege prohibitum, peribit anima illius de medio populi sui*, quia in æternum damnabitur, nisi forte poeniteat. *Sex diebus facietis opus : in die septimo sabbatum est, requies sancta Domino. Omnis qui fecerit opus in hac die, morietur. Custodiant filii Israel sabbatum, et celebrent illud in generationibus suis. Pactum est sempiternum inter me et filios Israel*, id est præceptum seu fœdus pacis ac amicitiae, duraturum per omne tempus veteris

Testamenti : imo et in novo Testamento permanet celebratio sabbati spiritualiter et æquivalenter : *signumque perpetuum, etc.*, quia ego sum Deus eorum, et ipsi populus meus.

Dedit quoque Dominus Moysi, cunctis hujusmodi sermonibus in monte Sinai, id est, postquam locutus est Moysi omnia hucusque descripta a capitulo vicesimo inclusive, *duas tabulas testimonii lapideas* : in quibus continebantur decem præcepta, per quæ Deus protestatus est, esse se Deum, legislatorem ac judicem Hebræorum, per quorum etiam observantiam præceptorum populus testabatur realiter se esse populum Dei : *scriptas digito Dei*. Angelus quippe in persona Dei apparuit Moysi, et exaravit scripturam tabularum illarum : de quibus in expositione sequentis capituli plus dicitur.

Juxta spirituales intelligentiam, per Beseleel ejusque socium, intelliguntur boni et electi prælati, quos instruit Deus, qualiter ex hominibus diversorum morum, donorum ac proprietatum, debeant Deo construere unam particularem Ecclesiam, domum ac plebem, quæ per dona gratiæ ac virtutes sit concors atque unanimis. Sicque per aurum possunt intelligi, qui ingenio et naturali sapientia pollent : per argentum, qui facundia et inferiorum rerum scientia fulgent : per æs, qui fortitudine atque constantia decorantur : per marmor, qui inconcensam habent patientiam : per gemmas, qui occultis ac specialibus donis, habilitatibus, dispositionibus perornantur : per diversitatem lignorum, hi qui multiplices fructuositate et utilitate resplendent : qui omnes in eisdem observantiis ecclesiasticis ac religiosis per regimen sapientis pastoris communicant. Imo per Beseleel potest intelligi Christus, cujus animam Deus Trinitas præ universis et singulis implevit omni sapientia, intelligentia atque scientia in omni opere ecclesiasticæ ædificationis, ad excogitandum qualiter variis modis, artificiosisque viis homines in prædictis donis differentes,

Sensus spiritualis.



possent converti, concordari, atque in unam compagem Ecclesiae redigi. Cujus socius potest chorus Apostolorum intelligi. Per ceteros vero eruditos ac desuper illustratos, ceteri praedicatores ac praesidentes idonei, quorum est verbo et opere, orationibus et exemplis Ecclesiam, potissimum sibi commissos, adificare, ita ut habitent unius moris in domo. Quos Deus vocat ex

A nomine, quia non ingerunt semetipsos ad onus praelationis. Per hoc demum, quod Deus unum de tribu Dan ad tanta agenda elegit, praefigurabatur, quod multos secundum carnem ignobiles fuerat in lege evangelica promoturus ad spirituale sui aedificium populi. Nam et piscatorem constituit suum generalem, summum ac plenum Vicarium super totam Ecclesiam.

## ARTICULUS LXII

EXPOSITIO CAPITULI TRICESIMI SECUNDI : VIDENS AUTEM POPULUS QUOD MORAM FACERET MOYSES.

QUAM necessarium fuerat populo tradi praecepta cultus unius Dei, constat ex his quae in isto scribuntur capitulo, quia tam cito ad idololatriam corruerunt. Videns autem populus quod moram faceret Moyses descendendi de monte, id est, quod tamdiu tardaret redire a cacumine montis Sinai : congregatus adversus Aaron. Recte ait Scriptura. Adversus Aaron, quoniam congregatio illa fuit ad rem ipsi Aaron valde noxiam, et forte per modum adversantium et comminantium coram eo consurrexerunt. Ait populus : Surge, fac nobis deos qui nos praecedant. Moysi enim huius viro qui nos eduxit de terra Aegypti, ignoramus quid acciderit. Josephus refert, quod quidam eorum dixerunt Moysen comestum a bestiis, alii translatum a Domino, alii sane mentis cum Deo philosophantem, alii vero dixerunt se nescire quid ei interim contigisset, et cur tantam faceret moram. Atque secundum Glossam, putabant eum interiisse, aut aliquid ei accidisse, ut non posset reverti. Porro in Scholastica historia fertur : Excusant se Hebraei, dicentes quod Elohim, non tantum deos, sed etiam dominos sonat, et dicunt illos petisse solum duces itineris. Rabbi Paulus etiam scribit : Populus non petivit ab Aaron ut

B faceret eis deos ad colendum, sed solum ad ducatum itineris. Sed stulta videtur excusatio ista, quum littera jam testetur eos vitulum adorasse.

Dicitque ad eos Aaron : Tollite in aures aureas de urorum filiorumque et filiarum vestrarum auribus, et afferte ad me. Mirum quod Aaron tam cito acquievit sceleratissimae petitioni illorum. Ad quod respondetur, quod Scriptura omnia non exprimit quae contigerunt. Unde nec Aaron tam cito acquievit, ut littera sonare videtur. Communiter enim dicitur, quod Hur, quem Moyses simul cum Aaron praeposuit populo loco sui, restitit petitioni illorum, atque redarguit illos, et quod enim ideo occiderunt : vel, ut aliqui dicunt, spuendo in ejus faciem, suffocaverunt. Quo viso, metuens Aaron, acquievit. Verumtamen Rabbi Paulus reprobatur dictum illud de occisione ipsius Hur, tum quia Scriptura hoc recitasset tam virtuosum et exemplare opus Hur hujus, tum quoniam Aaron interfecutionem illius pro sua excusatione allegasset, tum quia Moyses reprehendisset populum de homicidio tam nefando. Verum (ut tactum est) Scriptura multa etiam valde notabilia recitare omittit : et si Aaron excusasset se per ipsius Hur interfecutionem.

nem, accusasset proprium imperfectum, A quia et ipse idem potius debuit tolerare, quam tam dire peccare. Glossa etiam protestatur, quod Aaron non audebat resistere, quia sciebat populum prouum ad occidendum.

Quæri potest, cur Aaron potius petiit sibi afferri aureas inanes, quam aliud aurum. Ad quod glossa et alii concorditer dicunt : Rem difficilem postulauit ac iussit, ut illos a proposito revocaret. Hinc Augustinus : intelligitur Aaron difficilia præcipere, ut hoc modo illos ab intentione revocaret. Aurum etenim inaurium, purius cariusque consistit. Alii quoque dicunt, quod aestimauit uxores, filios ac filias non faciliter permissuros, ut ornamenta sua tollerentur ab eis, ex avaritia et curiositate.

*Fecitque populus quæ iusserat, deferens inanes ad Aaron.* Erant enim ad malum pronissimi. Quas quum ille accepisset, formauit opere fusorio, et fecit ex eis vitulum conflatilem. Opus fusorium atque conflatile appellatur, quod per liquefactionem et ignem ad aliquam formam perducitur. Istud autem fecit Aaron, id est, fieri iussit seu fecit per quosdam artifices. Alii tamen dicunt, quod solum projecit inanes in ignem, et opere demonum conflatus sit vitulus. Unde Aaron infra se excusans : Proieci, inquit, aurum in ignem, et egressus est hic vitulus. Textus tamen apertissime dicit, quod Aaron opere fusorio fecit hoc. Lyra quoque refert in Hebræo haberi, Formauit in stilo. Circa quod quidam Hebræi affirmant, quod cum stilo pinxit D in tabula similitudinem vituli, tradens artificibus, ut juxta hoc facerent. Sed cur potius fecit eis simulacrum vituli, quam alterius rei ? Respondetur, quoniam taurum, bovem seu vitulum, in Ægypto cum Ægyptiis adorauerunt.

*Dixeruntque : Illi sunt dii tui, Israel, qui te eduxerunt de terra Ægypti.* O quanta amentia, quam infinita stultitia, quam enormis ingratitude, opera summi omnipotentisque Dei, tam præclara et antea

numquam visa, adscribere idolo ! et Dei, cuius beneficia tot et tanta erant experti, tam cito, tamque faciliter obliuisci ! Sed cur de uno idolo loquebantur pluraliter, Illi sunt dii tui ? Ad hoc quidam respondet, quod ad reverentiam idoli hoc fecerunt, quemadmodum magnæ personæ de se loquuntur. Nos præcipimus. Sed quamvis excellentes personæ ita loquuntur, non tamen proprium nomen, nec nomen suæ dignitatis aut officii pluraliter exprimunt. Non enim dicunt, Nos Guillelmi reges, Nos B Ruperti episcopi ; sed, Nos Guillelmus rex, Nos Rupertus episcopus. Nec subditi dicunt de principe suo aut prælato. Isti sunt reges nostri : vel, Illi sunt præsules nostri. Ideo dici potest, quod ex consuetudine modi loquendi idololatrarum, ita locuti sint, vel plurale pro singulari sumpserunt. Siquidem secundo Esdræ libro habetur : Quum fecissent sibi vitulum conflatilem, et dixissent, Iste est deus tuus qui eduxit te de Ægypto, fecerunt blasphemias magnas. II Esdræ ix, 18.

*Quod quum vidisset Aaron.* Ille sumitur Videre pro Audire. Quum enim audisset verba præhabita, fecit quod subditur : *edificauit altare coram eo*, videlicet vitulo, quem (ut fertur) statuerunt in loco erecto. Non ex proprio corde fecit hoc Aaron, sed vel importuna ac improba gentis instantia, et timore violentiæ sibi inferendæ, nisi sic faceret, vel ut pronitatem impiæ plebis hac occasione aliquantulum ab actu idololatriæ retardaret, puta tandem, quousque constructum esset altare : alias mox adorassent simulacrum : imo nonnulli affirmant, quod propriis manibus fecit altare, ut sic ab idololatria eos retardaret diutius, et quousque Moyses reverteretur, quem speravit breviter reuersurum, et illos ab idololatria penitus repressurum. *Et præconis voce clamauit : Cras sollemnitas Domini est*, id est, erastina die, non hodie, offeretur sacrificium idolo huic, quod professi estis esse deum ac dominum vestrum, dicendo : Isti sunt dii tui, Israel, etc. Sicque per sollemnitatem Domini videtur Aaron intellexisse celebritatem idoli

facti, non veri Dei : non quod Aaron aesti-  
maverit idolum esse deum aut dominum.  
sed juxta falsam idololatrarum opinionem  
locutus est, illis ex timore se conforman-  
do in modo loquendi.

*Surgentesque mane*, quasi ferventes ad  
idololatriæ actum : quemadmodum vere  
devoti solent in magnis festis surgere ma-  
ne ad honorem ejus cujus festivitas agi-  
tur ; *obtulerunt holocausta et hostias paci-  
ficas* : holocausta, videlicet ad honorem  
simulacri : pacificas hostias, ad impetran-  
dum prosperum ducatum ab idolo, in quo  
aliquid numinis esse putabant. *Et sedit*  
*populus manducare et bibere* : id est, sa-  
crificiis immolatis, quasi divinis peractis  
officiis, posuerunt se ad sedendum, ut  
ederent ac potarent coram simulacro ad  
ejus honorem de immolatis eidem ; *et sur-  
reverunt ludere*, id est idolum adorare,  
quod fatuissimo ludo consimile est : vel  
ludere, id est ad chorizandum atque can-  
tandum coram simulacro, vel in eireniu  
ejus ad venerationem ipsius, prout in Ægy-  
pto viderunt ac didicerunt.

*Locutus est autem Dominus ad Moysen :*  
*Vade de cacumine montis, descende ad tibi*  
*commissos* : *peccavit populus tuus*, id est  
creditus tibi, qui per idololatriam a me  
aversus est, atque indignus vocari populus  
meus, *quem eduxisti de terra Ægypti. Re-  
cesserunt cito de via quam ostendisti eis*,  
id est de cultu unius Dei, et de observan-  
tia præceptorum ipsius : *feceruntque sibi*,  
id est ad suam confusionem atque inter-  
itum, *ritulum conflatilem, et adoraverunt*,  
*atque inmotantes ei hostias, dixerunt* : *Isti*  
*sunt dii tui, Israel, qui te eduxerunt*  
*de terra Ægypti*. Circa hoc verbum. De-  
scende, quidam scribit : Descende, a tua  
scilicet dignitate et gloria, quoniam sicut  
dignitas et gloria prælati consistit in boni-  
tate subditorum, juxta illud Joannis in  
tertia sua Canonica, Majorem horum non  
habeo gratiam, quam ut audiam filios meos  
in veritate ambulantes : ita dejectio sui  
honoris, in illorum perversitate consistit.  
Circa hoc dico, quod quando ex aliqua cul-

pa prælati contingit subditorum ejus sub-  
versio, hoc ad ejus indignitatem dejectio-  
nemque pertinet, alias non. Præfata autem  
Judæorum perversitas ex Moysis culpa non  
contigit, ideo nec suam dignitatem ex  
ea amisit.

*Rursumque ait Dominus ad Moysen :*  
*Certe quod populus iste pro majori parte,*  
præsertim qui modo idololatravit, *dura*  
*cericis sit*, id est indocilis, incorrigibilis,  
durus corde et valde indomitus. *Dimitte*  
*me*, id est, orando non resisias debita ul-  
tioni, *ut irascatur furor meus*, id est ri-  
gor justitiæ meæ, *contra eos, et deleam eos*  
de superficie terræ per interfectionem ;  
*faciamque te in gentem magnam*, id est,  
magno te præciciam populo, seu alios mul-  
tos convertam et regam per te. Unde alibi  
Dominus ait ad Moysen : Te autem faciam  
principem super populum majorem quam  
hic est. In his verbis loquitur Deus more  
et affectu humano. Atque dicendo, Dimitte  
me, insinuat sibi posse resistantiam fieri,  
præsertim a virtuoso et fervente prælato.

C Innuat quoque omnipotentiam suam quo-  
dammodo posse teneri ac vinci precibus  
sincera ac ardentissima caritatis. Propter-  
ea Isaias conquerens dixit : Non est qui  
consurgat ac teneat te. Et per Ezechielem  
Dominus testatur : Quæsi virum qui in-  
terponeret sepem, et staret oppositus con-  
tra me pro terra ne dissiparem eam, et  
non inveni : et effudi super eos indigna-  
tionem meam. Hinc ait Gregorius : Quid est  
Dominum dicere servo suo, Dimitte me,  
nisi deprecandi ausum præbere ? quasi di-  
cat, Pensa quantum apud me valeas : et  
cognosce quia obtinere poteris quidquid  
pro plebe exoras.

*Moyses autem orabat Dominum Deum*  
*suum* : qui quamvis sit omnium Dominus  
Deus jure creationis atque dominii gene-  
ralis, specialiter tamen fuit Dominus Deus  
Moysis, ut declaratum est sæpe : *dicens :*  
*Eur, Domine, irascitur furor tuus contra*  
*populum tuum, quem eduxisti de terra*  
*Ægypti in fortitudine tua magna et in*  
*manu robusta* ? quasi dicat, Non deest te

1 Cor. x, 7.

Num. xiv,  
12.

Is. lxiiv, 7.

Ezech.  
xvii, 30, 31.III Joann.  
4.



benignissimum Deum implacabiliter tuas A plebi irasci, quamvis utique juste irascaris eisdem. *Ne, quæso, dicant Ægyptii*, id est, rogo ne deleas populum tuum, qui tunc est saltem creatione et speciali vocatione, ne Ægyptii dicant: *Callide*, id est fraudulenter, *educit eos ex Ægypto, ut interficeret in montibus*, id est in montuoso deserto, in locis secretis, quasi impotens dare eis terram promissam, *et deleret eos de terra, Quiescat ira tua, et esto placabilis super nequitia populi tui. Recordare Abraham, Isaac et Israel servorum tuorum*, id est, per effectum ostende te misericorditer memorem meritorum sanctorum Patriarcharum istorum, *quibus jurasti per te ipsum, dicens: Multiplicabo semen vestrum sicut stellas cæli, et universam terram hanc dabo semini vestro*: quasi dicat, Quum tu sis prima et immutabilis Veritas, decet juramentum tuum impleri: *et possidebitis eam semper. Placatusque est Dominus ne faceret malum, quod locutus fuerat adversus populum suum*, id est, in tantum ab effectu justitiæ suæ se temperavit, quod non intulit impiis illis tam grave malum pœnæ, ut fuerat comminatus, dicens, Et deleam eos. Denique, sicut sanctus testatur Gregorius, ideo quoque tam cito placari dignatus est Dominus, quia prævidit quam districte Moyses zelo Dei fuerat ejus injuriam, idololatriamque ulturus.

*Et reversus est Moyses de monte*, implens quod Dominus ei præcepit. *Vade, descende: portans duas tabulas testimonii in manu, scriptas ex utraque parte.* D Ex quo videtur, quod quælibet tabula fuit in utraque superficie sua litteris exarata, ita quod eadem verba continebantur in parte utraque. Vel, secundum quosdam, in uno latere tabulæ continebantur duo præcepta cum medio, totidemque in latere alio, sicque de lateribus alterius tabulæ. Porro secundum Josephum, in qualibet tabula scripta erant quinque præcepta Quod et Petrus de Tarentasia affirmat super tertium Sententiarum. Aliqui tamen dixerunt,

quod in una tabula non fuit nisi una scriptura, et quod illa fuit ex utraque parte aque legibilis. Quod fuisset miraculosum, quoniam littera in uno latere scripta, apparet in alio latere figuratione opposita. Sed istud non videtur textui consonare: siquidem apertissime ait, *Scriptas ex utraque parte*. Si autem opinio illa esset vera, non fuissent tabulæ scriptæ, nisi in una parte utriusque earum. Cur autem scriptæ erant in quolibet latere, nisi ut Dei mandata legerentur in eis tam ab his qui stabant ex una parte versus eas, quam ab illis qui situ opposito ipsas respiciebant? Item ad insinuandum, quod ad utriusque Testamenti populum pertinebant, *Et factas opere Dei*, id est angelico ministerio. Nam angelus in Dei persona loquens, apparens ac jubens, tabulas illas formavit atque inscripsit. *Scriptura quoque Dei erat sculpta in tabulis.*

*Audiens autem Josue*, qui (ut dictum est) mansit circa medium montis, et Moysi descendenti occurrit, imo quotidie observavit reditum ejus, *tumultum populi vociferantis ex inani lætitia, ait ad Moysen: Utulatus pugnæ auditur in castris.* Audivit enim voces illorum confuse, et putavit quod pugnarent contra se invicem. *Qui respondit: Non est clamor adhortantium ad pugnam, neque vociferatio compellentium ad fugam.* Moyses quippe ex divina revelatione cognovit quid esset: ideo addit, *sed vocem cantantium ego audio*, id est cantum chorizantium eorum simulacro.

*Quumque appropinquasset ad castra, vidit vitulum et choros.* Iratusque valde zelo justitiæ, quum choros seu choreas idololatriarum vidisset: nam visa fortius movent, quam quæ sola relatione noscuntur: *proiecit de manu tabulas, et confregit eas ad radices montis.* Non ex immoderantia passionum creditur hoc fecisse, sed potius zelo æquitatis, reputans impiissimam plebem adpectu et lectione tabularum tam venerandarum indignam. Unde et Dei instinctu hoc creditur factum, ad præsignandum mysteria in articulo sequente tangenda. *Arripiensque vitulum, combussit et*

*contrivit in pulverem* : vitulum namque aureum per ignis calorem fecit resolvi, et massam ejus malleo aut per alia redegit in minutissimas partes. In quo tamen et alii ei impenderunt obsequium. *Quem pulverem sparsit in aquam*, quæ decurrebat ex monte, et dedit ex eo potum filiis Israel, id est ex aqua illa pulveribus auri mixta, quatenus ex potu illo Deus manifestaret aliquod signum sensibile in his qui fuerant rei. Circa quod ait Glossa : Tradunt Hebraei, quod filii Israel bibentes aquam pulvere vituli infectam, qui idololatriam commiserunt, colorem seu pulverem auri præferabant in barba, quo signo cognoscabantur. Quidam vero dixerunt, quod potus ille fuit reis nocivus, cansando in eis inflationem atque languorem, quemadmodum aqua zelotypiæ in muliere adultera, aliis autem dulcis.

*Nam. v, 27.*

*Dixitque ad Aaron* : Quid tibi fecit hic populus, ut induceres super eum peccatum maximum ? id est, Quid tibi forefecerunt homines isti, vel, quam tibi vim intulerunt, quod cooperatus es eis ad perpetrandum idololatriam, faciendo eis hoc idolum, quæ idololatria est quodammodo gravissimum scelus ? Porro, quod Aaron fuit in causa ista culpabilis, noverat Moyses ex revelatione divina. Unde in Deuteronomio Moyses refert : Adversus Aaron Dominus vehementer iratus, voluit eum contere.

*Deut. ix, 20.*

*Cui ille respondit* : Ne indignetur dominus meus. Aaron conscius sibi de malo, humiliter se excusat, veniamque precatur, et fratrem suum dominum vocat. Nam et D principalior et sanctior eo fuit, tanquam totius Israelitici populi legislator, ductor ac princeps. *Tu enim nosti populum istum, quod pronus sit ad malum*, videlicet ad inferendum vim atque injurias, si eorum voluntati improbiæ resistatur. Quasi dicat : Ad ista compulsus sum, nec ex proprio motu hæc feci. *Dixerunt mihi* : Fac nobis deus qui præcedunt nos. *Hæc enim Moysi qui nos eduxit de terra Egypti, aescimus quid acciderit. Quibus ego dixi* :

*Quis vestrum habet aurum ?* Scriptura hæc breviter recitat gesta. Aaron enim dixit non solum hæc verba, sed et alia prænarata, videlicet : Tollite inaures, etc. Et forte primo proposuit eis de auro, ut saltem ex avaritia rennerent aurum dare. Quumque offerrent se paratos ad dandum aurum, proposuit eis de inauribus aureis, ut vel sic retraherentur. *Tolerant et dederunt mihi pro simulacro producendo* : et *proieci illud in ignem*. Aaron suam culpam pro posse extenuat, metuens ultionem, ideo ait, Proieci, quasi simpliciter projecisset, quum tamen opere fusorio inaures aureas produxerit in similitudinem vituli. Verumtamen quidam dixerunt, quod Aaron projecit aurum in ignem ut consumeretur, non ut inde simulacrum formaretur : quod prædictis non consonat : nec per hoc iram populi evasisset, sed amplius inflammasset. *Et egressus est hic vitulus*, id est fusorio opere ex auro resolutio formatus, non sola operatione diaboli, ut quidam dixerunt. Scriptura enim utriusque Testamenti, formationem vituli adscribit tam Aaron quam populo. Nam et Stephanus protomartyr ait : Vitulum fecerunt in illis diebus, et latabantur in operibus manuum suarum. In Psalmo quoque cantamus : Vitulum fecerunt in Horeb, et adoraverunt sculptile. Circa quod dicunt expositores, quod vitulo per fusionem in formam redacto, decoraverunt simulacrum illud sculpendo.

*Act. vii, 41.*

*Ps. cx, 19.*

Denique veritas prædictorum roboratur verbis Augustini, dicentis : Compendiose loentus est Aaron, non affirmans quod ipse vitulum formaverit, sed ut exierit fusilis vitulus. An excusationis causa, ac timendo, mentitus est, tanquam in ignem projecerit aurum perituum, atque ipso id non agente, forma exierit vituli ? Quod ideo non est credendum, quia nec veritas hujus rei latere poterat Moysen, eum quo Deus loquebatur, nec de mendacio redarguit Aaron fratrem suum. Ex quo etiam comprobatur, quod verba illa, *Egressus est hic vitulus*, non protulit Aaron ad insinuan-

dum quod præter suam intentionem vitulus ille exisset, ut quidam exponit. Sic enim fuisset mentitus, ejus contrarium asserit Augustinus. Nec dicendum est, quod hoc dicendo, mentitus sit: non quod oporteat eum a mendacio excusare, quem constat gravius excessisse, sed quoniam seivit opus suum ac vitium Moysen non latere.

*Videns ergo Moyses populum, quod esset nudatus*: nudatus etenim fuit populus ille idololatra, protectione et ope divina propter scelera sua. Fuit item nudatus, id est manifestatus, quia per exteriorem idololatriam suam, interior ejus impietas, qua idololatriam ante concepit, fuit aperta. Quod enim aperitur, dicitur nudari, quum et Apostolus dicat: Omnia nuda et aperta sunt oculis ejus. Et in Ecclesiastico scriptum est: Nudare amici commissum, desperatio est animæ infelicis. Vel, magis ad litteram, Moyses populum vidit nudatum ab ornamentis suis præfatis, aureisque jocalibus. Unde subiungitur: *Spoliaverat enim eum Aaron*, id est, populo abstulit ornamenta hujusmodi, non violenter, sed ea postulando pro fabricando vitulo. Ideo subditur: *propter ignominium sordis*, id est propter ignominiosum ac sordidum idolum producendum, quod nomine ignominiae ac sordis exprimi solet in veteris Testamenti Scripturis, ob excessivam idololatriæ enormitatem ac fœditatem. Unde et supra, quo scriptum est, Surrexerunt ludere, in Hebræo fertur haberi, Surrexerunt illudere: quia videlicet idolorum cultura, est sacrilega divine majestatis irrisio, quantum est in ipsis idololatriis, quamvis veraciter dicat Scriptura, Deus non irridetur, quia non fallitur, nec quispiam potest ei nocere. *Et inter hostes nudum constituerat*, id est, præfato modo nudavit populum illum in medio ceterorum, qui sceleris hujus non fuerunt participes, imo detestabantur et oderant idololatrias illos, in quantum tales, ac paulo post occiderunt eosdem.

*Et stans in porta castrorum*, id est in una extremitate atque introitu tentorio-

rum. In porta quoque solebant proferri judicia. *Ait: Si quis est Domini, jungatur mihi*, id est, qui per virtutem et zelum justitiæ ad Dominum pertinent, atque de tanta Dei injuria dolent, accedant me. *Congregatique sunt ad illum omnes filii Levi*. Ex hoc sequi videtur, quod nullus Levitarum fuerit particeps idololatriæ hujus. Quod et quidam concedunt, quum tamen jam dictum sit, quod Aaron Levites præcipuus in hoc scelere consors exstiterit. Unde et Lyra hic reprobatur Rabbi Salomonem, dicentem quod nullus de filiis Levi fuit in vituli fabricatione culpabilis. Verumtamen Rabbi Paulus defendit opinionem Rabbi Salomonis, dicens omnes antiquos Hebræorum expositores esse illius opinionis: non quod unusquisque Levitarum fuerit absque culpa circa vituli productionem et adorationem, quantum ad hoc quod non restiterunt, secundum quod debuerunt, formationi adorationique vituli; sed quod non consenserunt mente, ita quod nec mentis consensu, nec opere idololatraverunt, nec tunc, nec postea unquam. Ad quod probandum Rabbi Paulus allegat Rabbi Moysen Ægyptium, asserentem: Quamvis populus Israel pluries idololatravit, Levitæ tamen nunquam idololatraverunt.

Sed miror super his verbis, quum quarto libro Regum scriptum sit, quemadmodum Achaz rex quum vidisset altare Damasci, misit Uriæ sacerdoti exemplar ejus, extruxitque Urias sacerdos altare, præcepit quoque Achaz Uriæ: Super majus altare offer holocaustum matutinum et sacrificium vespertinum, et holocaustum regis. Certumque est, quod Achaz fuit idololatra vitiosus. Similiter in Jeremia habetur: Sacerdotes non dixerunt: Ubi est Dominus? Insuper secundo libro Machabæorum narratur, quemadmodum Jason frater Oniæ pontificis, pontificatu adeptus, misit trecentas didrachmas argenti in sacrificium Herculis; et rursus quod Jasone inducente, sacerdotes jam non circa altaris officia dediti erant, sed contempto templo et sacrificiis neglectis, festinabant participes

Hebr. iv,  
13.

Ecclesi.  
xxviii, 21.

Galat. vi, 7.

IV Reg. xxi,  
10, 11, 15.

Jer. ii, 8.

II Mach.  
iv, 19.

Ibid. 14.



fieri palestræ et præbitionis ejus injustæ. A fieri in exercitiis disci. Verum quis dicere posset, librum Machabæorum non esse in canone. Præterea in Judicum libro scriptum est, qualiter tribus Dan coluit idolum Michæ. Posueruntque sibi sculptile, et Jonathan filium Gersam, filii Moysis, et filios ejus, sacerdotes in tribu Dan. Michas quoque idololatra dixit: Nunc scio quod benefaciet mihi Deus habenti Levitici generis sacerdotem. Qui fuit Levites, ut in libro Judicum legitur: imo filii Moysis hominis Dei, in filiis Levi numerati sunt. B quia et Moyses fuit de tribu Levi. Ideo non video dictum illud Hebræorum posse salvari: nec apparentiam habet, quod inferiores Levitæ magis declinaverunt idololatriam, quam sacerdotes atque pontifices de tribu Levi. Præterea minorem videtur habere colorem, quod Rabbi Paulus hic addit, videlicet Levitas, prout a sacerdotibus distinguuntur, non fuisse participes criminis crucifixionis Christi, præsertim quum juxta doctores, multi Scribæ et Pharisei ex illorum fuerint numero.

Sed juxta hæc manet quæstio, qualiter omnes filii Levi fuerint congregati ad Moysen, si quidam illorum circa vituli conflationem erant culpabiles. Ad quod aliqui responderunt, quod omnes congregati narrantur, juxta modum loquendi, quo aliquid adscribitur toti, quia convenit parti ejus majori ac principali, juxta quem modum in libro Judicum legitur: Egressi sunt omnes filii Israel, et congregati quasi vir unus. Et tamen habitatores Jabes Galaad non fuerunt ibidem, prout in Judicum libro describitur. Amplius, dici posset, quod perpauci de Levitis fuerunt in crimine illo consortes. Quod autem modicum est, pro nihilo reputatur. Interim addi potest, quod ex quo Levitæ mente non consenserunt, nec adoraverunt simulacrum, idcirco penitendo veniam facilliter procuraverunt, sicque contritione præmissa, in adjutorium Moysis confluerunt.

Quibus ait: Hæc dicit Dominus Deus Israel: Ponat vir gladium super femur

suum, id est, unusquisque vestrum se accingat ad prælium. Potest autem nomine gladii quodlibet bellicum instrumentum, præsertim secativum ferreumque, intelligi. Nam et Ezechiel loquitur Dominus: Accipe tibi gladium radentem pilos. *Ite et redite de porta usque ad portam*, id est de uno exercitus hujus introitu seu extremo usque ad aliud, *per medium castrorum* considerando undique noxios: *et occidat unusquisque vestrum, fratrem et amicum et proximum suum*, id est, sine personarum acceptione occidite reos, quantumcumque vobis propinqui et cari exstiterint. Sed ex hoc apparet, quod etiam quidam Levitæ fuerant occidendi, et per consequens in idololatria illa rei: quod tamen prædictis non derogat. Nihilominus aliquis dicitur frater variis modis, videlicet fide, religione, amicitia, communione naturæ, et sanguinis propinquitate et consanguinitate, imo et qualibet convenientia in proprietate, in societate, actione, aut culpa. Hi autem qui occidebantur, erant C amici occidentium, quantum ad ipsam naturam seu pristinam conversationem.

*Feceruntque filii Levi juxta sermonem Moysis. Occideruntque in die illo, quasi viginti tria millia hominum.* Alia littera habet, Quasi tria millia hominum, et ita, ut fertur, Hebraica veritas habet. Quocirca aliqui pro concordia dicunt, quod principales in idololatria illa, fuerunt circiter tria millia, et illos exprimit alia littera, veritasque Hebraica: aliorum vero qui communicaverunt in crimine illo, fuerunt tot D interfecti, quod usque ad viginti tria millia circiter deveniunt. Aliqui autem dicunt, quod occisi gladio fuerunt circa tria millia: alii autem fuerunt alio modo plagati a Deo, ut infra tangetur. *Et ait Moyses Levitis ad se reversis post interfectionem idololatrarum: Consecrastis manus vestras hodie Domino*, id est, Deo placitas et ejus voluntati obedientes fecistis eas per actum justitiæ: *unusquisque in filio et in fratre suo.* Ex hoc multum apparet, quod aliqui Levitarum occisi fuerunt. *Ut detur*

Judic. xxiij,  
30.

Ibid. xxiij,  
13.

Ibid. xxiij,  
1.

Ibid. xxiij,  
8.

Ezech. v, 1.

*vobis benedictio*, id est, dona gratiae dentur seu augeantur, ac multiplicentur in vobis merito tantae justitiae.

*Facto autem die altero, locutus est Moyses ad populum: Peccastis peccatum maximum*, id est, divinam legem transgrediendo, commisistis gravissimam impietatem, honorem Deo debitum transferendo in idolum. Quæri potest, quibus Moyses dixit hæc verba. Qui enim gravissime peccaverunt, jam interfecti fuerunt. Respondetur, quod frequenter toti communitati adscribitur, quod a parte ejus committitur. Nec etiam omnes fuerunt occisi, qui in idololatria illa fuerunt culpabiles, sed qui gravius peccaverunt in ea, utpote ex proposito et mera malitia. *Ascendit ad Dominum*, id est ad montis hujus cacumen, in quo Deus specialiter esse et habitare se monstrat, *si quo modo cum quivero deprecari pro*

\* scelere

*peccato vestro*, id est ad hoc, si forte poterō, vel ut aliquo modo valeam vobis impetrare veniam sceleris tanti ab eo. Et loquitur Moyses per hunc modum: Primo, ad insinuandum enormitatem hujus facinoris: secundo, ad innuendum difficultatem obtinendi remissionem ejusdem: tertio, ad designandum libertatem Dei ad exaudiendum, atque propriam incertitudinem de sua exauditione, seu quantum, quando, et qualiter erat exaudiendus.

*Reversusque ad Dominum, ait: Obsecro*, id est, propter propriam tuam bonitatem exaudiri rogo, nam *peccavit populus iste: quod dicitur despectu, zelo justitiae: peccatum maximum, feceruntque sibi deos aureos*: in quibus verbis ponitur plurale pro singulari, ut tactum est. *Aut dimitte eis hanc noxam*, scilicet idololatriam istam cum vitiis ei annexis, et in ea inclusis. Larga etenim pietas non dimidiat veniam, nec unum mortale sine alio indulget. *Aut si non facis*, id est, si eis non ignoscis hoc crimen, *dele me de libro tuo quem scripsisti*, id est de libro vitæ seu numero prædestinatorum. Non ex impetu, perturbationeve animi dixit hoc Moyses, sed ex ardentissimæ caritatis impulsu, et ex oc-

culta familiaritate ac confidentia ad Deum. Et item quasi per modum hyperbolice locutionis, qua frequenter aliquid dicitur per excessum sine mendacio ad insinuandum magnitudinem affectionis seu causæ, juxta quem modum ait Apostolus ad Romanos: Optabam ego ipse anathema esse a Christo pro fratribus meis. Vel, ut aliqui scribunt, dixit hæc verba eo modo, quo oravit Salvator: Pater, si possibile est, transfer a me calicem istum. In qua oratione Christus expressit dispositionem inferioris partis animæ suæ, qua naturali horrore mortem refugiebat, quum tamen secundum superiorem animæ portionem cuperet pro mundi salute pati. Sic Moyses et Paulus tantum erant affecti ad Judæorum salutem, quod secundum animæ inferiorem partem malebant quodammodo deleri de libro vitæ, et separari a Domino, quam Judæos perire, quum tamen secundum superiorem rationem absolutamque voluntatem intellectualem, ita non vellent. Ex familiaritate quoque et confidentia, proveniente ex sincerissima caritate, et longa seu grandi experientia bonitatis caritatisque Dei circa se, ita locuti sunt, tanquam certi quod Deus eos de libro vitæ non deleret.

Quocirca multa inquiri possent, videlicet quid sit liber vitæ, et qualiter possit quis inde deleri, et ejus vitæ dicatur liber ille: quæ omnia alibi magis habent determinari. Breviter tamen tangendo, liber vitæ proprie appellatur, firma et certa memoria, seu notitia prædestinatorum in Deo, seu electorum in mente divina conscriptio: qui liber est ipsa prædestinatio Dei. Dicitur autem aliquis dupliciter scriptus in libro vitæ. Primo, secundum æternam prædestinationem, sicque omnes electi, et ipsi dumtaxat in libro vitæ sunt scripti: alio modo secundum præsentem justitiam, et sic omnes in caritate existentes, in eo sunt scripti. Et qui ita ibi sunt scripti, dicuntur inde deleri dum peccant mortaliter. At vero liber vitæ dicitur liber vitæ gloriæ, ad quam prædestinati

Rom. ix, 3.

Math. xxi, 39.

electi sunt. De hac materia super epistolam ad Romanos plenius scripsi.

*Cui respondit Dominus : Qui peccaverit mihi*, id est, mortalem culpam inciderit ad irreverentiam meam, praeponendo mihi vana, creata, caduca, *delebo eum de libro meo*, id est de libro vitae : delebo, inquam, secundum praesentem justitiam, quia non recognoscam eum ut talem, felicitatis capacem, neque ad me pertinentem : si tamen electus est, manet scriptus quantum ad praescientiam et praedestinationem aeternam. Unde et ipsum Moysen, quando ad aquas Contradictionis per incredulitatem peccavit, Deus de libro suo delevit secundum praesentem justitiam : poenitentem autem denuo scripsit in eo, hoc est, inter suos, ut talem, recognovit. Hinc aliqui dicunt, quod nullus deletur de libro vitae, quantum ad praedestinationem praedestinatoris : sed solum, quantum ad praedestinationis effectum, dum gratiam et caritatem amittit. Itaque per haec verba Deus respondit verbis Moysis, quibus dixit, *Aut dele me*, etc. Deinde respondet ei quoad hoc quod dixit, *Dimitte eis hanc noxam. Tu autem vade, et duc populum istum quo locutus sum tibi*, id est ad terram promissionis. Quasi dicat : Non sic vindicabo impietatem eorum, ut statim et omnino deleam eos, sed penam mitigabo ac differam, eosque introducam ad terram promissam, nisi adhuc demeruerint aliunde. *Angelus meus praevedet te*, id est, ductor vester erit, sicut fuit hucusque. Quod cur dicatur, et qualiter intelligendum sit, circa principium sequentis capituli exponetur.

*Ego autem in die ultionis*, hoc est extremi judicii, in quo fiet ultio consummata ac generalis universae iniquitatis, interim non vindicatae plenarie : quae dies, antonomastice dies ultionis vocatur : *visitabo* per debitam punitionem, *et hoc peccatum eorum*, in eis qui non poenituerint veraciter in hac vita, quos constat esse damnatos : ideo in die judicii augebitur eorum supplicium, quando et in corporibus resumendis de cetero aeternaliter torquebun-

tur. Sed quia subjungitur, *Percussit ergo Dominus populum pro reatu vituli*, scilicet pro adoratione ipsius, *quem fecit Aaron* : videtur nunc per diem ultionis, intelligendus dies, in quo Deus ultra punitionem per Levitas factam, adhuc plagavit eos qui in idololatria peccaverunt, per mortalitatem et pestem. Quum enim dixisset, *In die ultionis visitabo et hoc peccatum*, protinus quasi expositorie subditur, *Percussit ergo Dominus populum pro reatu vituli*. Quasi dicat Scriptura : Ex quo ita comminatus est se visitaturum illud peccatum, ideo percussit populum pro illo excessu.

Circa haec recitat Lyra, quod Hebraei increduli per diem ultionis intelligunt tempora adversitatum et infortuniorum, quae Judaeis postea acciderunt, praesertim tempus captivitatis hujus per Romanos eis inflatae. Additque Lyra, quod aliqui expositiores catholici in hoc cum Hebraeis conveniunt, quod per diem ultionis intelligunt captivitatem Babylonicam vel Romanam. Deinde reprobat istud : Primo, quoniam juxta Scripturas veteris Testamenti, Deus visitat iniquitatem patrum in filios et nepotes, usque in tertiam et quartam generationem, nec ultra. A tempore autem adorationis vituli, usque ad Babylonicam captivitatem, valde multae generationes fluxerunt, et multo plures usque ad captivitatem Judaeorum sub Vespasiano ac Tito. Secundo, quoniam Christus in Evangelio docet captivitatem a Romanis illatam Judaeis, ideo factam, quia non receperunt eum, sed crucifixerunt. Circa haec advertendum, quod super illud, *Ego in die ultionis*, Glossa interlinearis ait : Romanae captivitatis, vel generalis judicii. Similiter super illud in sequenti capitulo, *Semel ascendam in medio tui, et delebo te*, ait Glossa : Babylonicam captivitatem vel Romanam, vel ultimi judicii vindictam minatur. Idem in Scholastica historia continetur.

Circa haec dico, quod doctores catholici, per diem ultionis intelligentes captivitatem Judaeorum, a Babyloniis aut Romanis

Exod.  
XXXII, 5.



inflictam, valde differunt ab Hebraeis doctoribus : Primo, quia latentur principalem causam captivitatis Babylonica<sup>63</sup> fuisse scelera Judaeorum, qui illis fuerunt temporibus, prout in Jeremia ceterisque Prophetis habetur. Similiter principalem causam captivitatis Judaeorum sub Romanis, affirmant fuisse, quod regem Messiam non receperunt, sed occiderunt. Porro Rabbi Salomon et alii perfidi Judaeorum doctores asserunt, causam captivitatis eorum sub Romanis, non esse quod peccaverunt in Christum, sed vituli adorationem, aut alia quadam. Atque ut Rabbi Paulus conscribit, hoc ipsi malitiose confingunt, quoniam nolunt fateri, quod causa captivitatis et destructionis factae per Titum et Vespasianum, quae acerbissima fuit, et omnes praecedentes in ignominia et duratione excedit, facta sit in ultionem occisionis Messiae.

Secundo, quia doctores praefati catholici non intendunt asserere quod captivitas Babylonica aut Romana inflicta sit propter adorationem conflatis vituli, vel quod Deus crimen illud ulciscatur in Judaeis nunc captis, nisi eo modo, quo omnia vitia reproborum dicuntur in eorum universitatem atque congeriem redundare. Ponit namque Scriptura duplicem hominum generationem : unam, bonorum et electorum : aliam, malorum ac reproborum. Et docet quod sicut virtuosus actus justorum sibi invicem communicantur, ita quod merita eorum in se invicem redundant, quoniam per caritatem connexi sunt et unum mysticum corpus existunt : propter quod

*Ps. cxviii,*  
63.

*Ps. xliii,* 6.

*Matth.*  
xxiii, 31, 35.

ait vir sanctus, Particeps ego sum omnium timentium te, etc. : de qua etiam generatione cantamus. Haec est generatio quaerentium Dominum : sic vitia atque demerita iniquorum in se invicem redundare dicuntur, et communi damnatione dispererunt, sicut sunt unum corpus, et civitas una diaboli. Hinc Christus dixit Judaeis : Ecce ego mitto ad vos Prophetas, et ex illis occidetis, ut veniat super vos omnis sanguis justus, qui effusus est super terram,

A a sanguine Abel justis, etc. Unde et in Luca protestatur : Amen dico vobis, requiruntur *Luc. xi, 51.* haec omnia a generatione ista.

Insuper dici potest, quod Deus dicendo Judaeis illis idololatrias, Semel ascendam in medio tui, et delebo te : itemque, Ego in die ultionis visitabo et hoc peccatum eorum : non solum minatur illis incredulis, qui tunc erant, sed etiam sub nomine eorum universis successoribus eorum perversis, ita quod comminatio illa in diversis diversimode ac diversis temporibus est impleta : sieque doctores isti catholici possunt salvari, nec tam faciliter sunt negandi.

Insuper quaeritur circa praedicta, cur Aaron qui vitulum illum specialiter fecisse fertur in textu : qui et coram vitulo aedificavit altare, et praconis voce clamavit, Cras sollemnitas Domini est : ad quem etiam Aaron Moyses vere locutus est, Quid tibi hic fecit populus, ut induceres super eum peccatum maximum : cur, inquam, ultionem praefatam evasit. Circa hoc loquitur *C* Augustinus : Novit Deus cui parcat usque ad commutationem, qua noscit eum in melius commutari : et cui pareat ad tempus, quamvis praesciat eum in melius non mutari : et cui non pareat, ut mutetur in melius : et cui non pareat, ita ut nec mutationem ejus expectet. Inscrutabilia sunt enim iudicia ejus, et investigabiles viae illius. Alii autem dicunt, quod ideo, quoniam ex quadam coactione et timore mortis fecit quae dicta sunt.

*Rom. xi, 33.*

Nunc quaeritur de ordinatione Decalogi, videlicet quot praecepta scripta fuerunt in qualibet tabula. Ad quod Augustinus respondet, quod tria prima, ad Dei cultum directe spectantia, et ceteris principaliora, scripta erant in tabula prima : unde et praecepta primae tabulae nuncupantur. Cetera septem ad proximum pertinentia, in tabula secunda : propter quod praecepta tabulae secundae appellantur. Hunc modum ordinandi et situandi praecepta Decalogi, sequuntur Isidorus et Richardus de S. Victore, multique alii. Lyra vero refert, quod

secundum Rabbi Salomonem et doctores A Hebraeos, quinque fuerunt scripta in tabula una, et quinque in tabula alia. Cui recitationi contradicit Rabbi Paulus, affirmans quod secundum doctores Hebraeos fuerunt tantum quatuor praecepta in tabula prima, et cetera sex in secunda. Hebraei vero aliter distinguunt decem praecepta, quam Augustinus, prout in expositione vicesimi capituli dicebatur. Sed recitatio Lyrae verior aestimatur. Constat namque, quod etiam Josephus ponat in qualibet tabula quinque praecepta. Magister quoque B in historiis dicit : Josephus et Hebraei in utraque tabula ponunt quinque. Attamen esse potest, quod quidam Hebraei dicant, secundum quod Rabbi Paulus refert : sed praefata positio apud Hebraeos solennior invenitur. Magister autem in historiis breviter tangit quamdam Augustini ac Josephi concordantiam, dicens : Forte quia Augustinus tria prima praecepta voluit pertinere ad dilectionem Dei, et septem alia ad dilectionem proximi, propter dignitatem potius quam propter scripturam dixit tria C primae tabulae, et septem secundae, quemadmodum dicere consuevimus homines primae classis et secundae.

Praeterea Petrus de Tarentasia, super tertium Sententiarum, distinctione 37, scribit : Josephus Judaeorum fidelis historiographus, dicit quod quinque erant in una, totidemque in alia. Deinde Petrus addit : Scripturam praeceptorum in tabu-

lis contingit dupliciter ordinare. Primo, secundum ordinem rei gestae, et sic ordinat Josephus : quia ad litteram quinque erant inscripta tabulae primae, et quinque secundae. Secundo, secundum ordinem rei gerendae, et sic ordinat Augustinus, ponens in prima tabula tria, et septem in secunda : et etiam Origenes, qui ait, quod quatuor continebantur in prima, et sex in secunda. Nam horum uterque ponit in prima tabula per appropriationem, et non per proprietatem, praecepta ordinantia in B Deum, quae primo ac principaliter sunt gerenda seu excrecenda : in secunda vero, ordinantia in proximum. Illa tamen, Origenes posuit esse quatuor : ista, sex : ut in expositione vicesimi capituli plenius est expressum. His concordat Bonaventura super tertium Sententiarum.

Postremo, circa praehabita quari potest, an idololatria sit gravissimum peccatum absolute loquendo. Ad quod plenarie respondere, prolixum est : quoniam secundum diversas considerationes ac varios C gradus ac modos, unum peccatum dicitur gravius alio, prout Alexander de Hales in Summa sua, et Thomas in prima secundae, magistraliter docent. Interdum quippe peccata in Spiritum Sanctum dicuntur esse gravissima, interdum occisio Christi, quandoque infidelitas : imo aliqui dicunt, quod absolute loquendo, odium Dei sit peccatum gravissimum. Horum determinationem, brevitati studens, transilio.

## ARTICULUS LXIII

DE SPIRITUALIBUS DOCUMENTIS ATQUE MYSTERIIS HUIUS CAPITULI TRICESIMI SECUNDI.

**M**ORALITER docemur ex capituli huius exordio, quam periculosa sit gregi boni pastoris absentia, etiam si adsit vicarius competens. Moyse quippe absente, et moram redeundi agente, plebs Israel ad

D idololatriam est dilapsa, ad gulam quoque et rebellionem contra praelatum, atque ad chorizandum. Praelatus ergo plebi sibi commissae studeat semper adesse, ac pastoraliter presidere, pensans pretiositatem

crediti sibi thesauri, videlicet animalium A rationalium Christi sanguine redemptorum. Quod si interdum oportuerit emulabesse, festinet pro posse reverti, et interim de idoneo provideat vicario, qui vita, scientia et aetate aptus ac potens sit custodire, gubernare, ac pascere oves Christi.

*Surge, fac nobis deos qui nos praeceant.* Per impios illos idololatrias designantur omnes iniqui ad vitia proni, qui spem suam avertunt a Deo, et facili occasione in hominibus seu rebus caducis magis quam in Deo confidunt: sicutque creaturis magis quam Creatori altissimo inherentes, alienos sibi faciunt deos, quibus et inaniter inniuntur. Eorum quoque sequuntur ducatum, dum quo carnalia et terrena alliciunt, mentaliter aut etiam corporaliter gradiuntur. Omne etenim mortale peccatum, est idololatria quaedam et fornicatio spiritualis: quia per illud mens creata a vero Deo avertitur, demoni jungitur, et transitoriis ac caducis magis, quam summo et incommutabili bono, cohaeret. *Sedit populus manducare et bibere, et surrexerunt ludere.* Ecce qualiter ex uno vitio aliud generetur, ita quod idem est culpa et poena culpae. Specialiter quoque ex gula oriuntur diversa enormiaque peccata. Nam ventre satiato, et corpore laute refeito, cor mox ad inania relaxatur: spiritualia fastidit exercitia et interna, fabulari, jocari, caehinnari, chorizare, otiari, et tandem luxuriari delectat. Qui igitur tot peccata cupit evadere, immoderantiam, lantieinia, diversitatem cibi ac potus devitet.

*Locutus est autem Dominus ad Moysen: Vade.* Per hoc primo instrumur, quod praelatus debet tempore opportuno exercitia contemplationis interrompere, atque ad tempus suspendere, et ad sibi commissos accelerare, ac debitum sui officii exhibere eisdem, quum Dominus dicat: Vade, id est, a contemplatione ad actionem procede, a quiete occupationis internae, ad sollicitudinem et occupationem externam ac pastorem, descende. Secundo, per hoc verbum docemur Dei esse praeceptum, ut

quum transgressi fuerint subditi, praesidens mox festinet ad corripiendum, corrigendumque eos: quia si dormiat disciplina, saevit, augmentatur, putrescit impunita nequitia. *Peccavit populus tuus.* Ecce quod peccando desinimus esse populus Dei. *Vit Dominus ad Moysen: Veneo quod populus iste durae cervicis sit.* Videamus ne et nos tales reputemur a Domino. Non simus indociles, pertinaces, inobedientes. Nempe qui mentis est durae, corruet in mala. Et quasi seculus idololatriae est, acquiescere B nolle. *Dimitte me, ut irascatur furor meus contra eos.* In hoc verbo patet rigor divinae justitiae, qui per furem exprimitur, ad insinuandum vehementissimam suae distractionis punitionisque severitatem, potissime in futuro. In eodem etiam verbo insinuatur immensitas pietatis divinae, quia quum Deus omnipotens sit, tamen fatetur hominem sibi posse resistere, seque caritate et precibus quodammodo posse ligari ac vinci. Eodem verbo docemur, quantum beneficium Dei sit, virtuosum habere praelatum, et quantum possit praelatus idoneus apud misericordiam Dei pro salute gregis commissi. Nec his obstat, quod sanctus Job ait: Deus, ejus irae nemo resistere potest. Iræ etenim Dei tantum potest homo virtuosus resistere, quantum vult Deus, non amplius.

*Moyses autem orabat Dominum Deum suum.* Hoc exemplo instrumur praelati, quam ferventer debeant sibi commissos diligere, etiamsi offendant; quam item ferventer atque fideliter teneantur pro ipsis orare, praesertim dum enormiter exeeserunt. *Vidit vitulum et choros; iratusque valde, projecit tabulas.* Ecce quam mirabiliter in bonorum cordibus praelatorum vigent caritas Dei, amor proximi, pietas compassionis, zelusque aequitatis. Praesidens ergo ita condoleat lapsis, et oret pro eis, ut tamen Dei inflammetur amore ac zelo justitiae, reisque inerepationem, informationem, et debitam castigationem impendere non omittat. *Et confregit eas.* Per quod, secundum Augustinum, magno my-

Prov.  
xxviii, 11.  
1 Reg. xv,  
23.

Job ix, 13.



sterio figurabatur, quod vetus Testamentum fuerat abolendum, et novum instituendum. Atque ut ait Lyra, per tabularum confractionem significata est evacuatio legalium in Christi adventu. Nec valet quod contra hoc objicit Rabbi Paulus, videlicet quia in tabulis illis continebatur Decalogus qui manet in evangelica lege. Nam tabulae illae, totam veterem legem sua inscriptione virtualiter representabant et commemorabant.

*Ponat vir gladium super femur suum.* Per hoc datur intelligi, quod praelati ac praesidentes debent se ipsos ac suos coadjutores spiritualibus armis armare, excitare, accendere, ad vitia debellanda, ad

corrigendum excessus, ad reformandum destructa. Penset omnis qui praest, quod sanctus Moyses, qui quam ardentissime dilexit sibi commissos, [ita] quod propriae salutis quasi oblitus, oravit aut illis ignosci, aut se de libro vitae deleri : tantum abhorruit earum impietatem, quod eam tam terribiliter vindicavit, nec tantorum interemptionem, putavit condignam tanti criminis expiationem. Vigent ergo in pastore paterna compassio ac zelus justitiae. Discretio quoque contemperandi et exercendi, ut oportet, utrumque mansuetudine irriget et confortet justitia. Omnis negligentia, torpor, et timor inutilis abjiciantur.

## ARTICULUS LXIV

EXPOSITIO LITTERALIS CAPITULI TRICESIMI TERTII : LOCUTUSQUE EST DOMINUS AD MOYSEN, Dicens,

CONSEQUENTER plenius describitur. C qualiter Dominus reconciliatus sit plebi paulatim. *Locutusque est Dominus ad Moysen, dicens : Vade, ascende de loco isto.* Qualiter Dominus dicit Moysi secum in monte exsistenti. Ascende ? Respondetur, quod non solum praecepit ei abire ab altitudine montis, sed a loco illius deserti tendere ad terram promissam, quae situ altior fuit deserto illo. Ideo ait, *Ascende tu et populus tuus, quem eduxisti de terra Aegypti, in terram quam juravi Abraham, Isaac et Jacob, dicens : Semini tuo dabo eam.* Si Deus placatus jam exstitit populo, cur non ait, Tu et populus meus quem eduxi ? Respondet Augustinus, quod nondum facta fuit reconciliatio plena, sed inchoata : et quoniam filii Israel paulo ante dixerunt, Moysi qui nos eduxit de Aegypto, nescimus quid acciderit ei, quasi homini, suam liberationem attribuentes : ideo Dominus proportionabiliter de eis locutus est, ad insinuandum imperfectionem eorum. Et

*mittam praecursorem tui angelum.* Hoc est quod circa finem precedentis capituli dixit : Angelus meus praecedet te. *Ut eji-* Exod.  
xxxii, 34.  
*ciam Chanaanem, et Amorraeum, et He-*  
*thaeum, et Pherezaeum, et Hivaeum, et Je-*  
*buseum, et intres in terram fluentem lacte*  
*et melle.*

*Non enim ascendam tecum, quia populus durus cervicis es.* Hoc quidam exponit sic : Non ero vobiscum per miraculorum operationem, sicut antea fui. Cui expositioni videtur obviare, quod Dominus ait sequenti capitulo : Videntibus cunctis, faciam etiam signa quae nunquam visa sunt super Ibid. xxxv,  
10.  
terram, nec in ullis gentibus, ut cernat populus iste, in cujus es medio, opus Domini terribile quod facturum sum. Porro Rabbi Paulus praefatam quoque expositionem redarguens, exponit sic, quod Deus ultra non esset in populo illo per solitam residentiam inter illos, et per eminentiam gratiae consueta. Cui expositioni repugnat, quod Deus cito post haec multo solennius

Nom.  
XXXV, 31.

habitavit in tabernaculo facto juxta Moysis A  
jussionem, in medio filiorum Israel, quam  
ante, prout in libro Numerorum probatur:  
quoniam in profectionibus duodecim tri-  
bunum Israel, in circuito tabernaculi ad  
orientem, occidentem, austrum et aquilo-  
nem gradiebatur. Unde libro secundo Re-  
gum Dominus protestatur: Ambulavi in  
tabernaculo et in tentorio per cuncta loca,  
quæ transivi cum omni Israel. Idcirco quod  
ait, Non ascendam tecum, videtur esse  
comminatio, non assertio, præsertim quum  
sequenti legatur capitulo Moyses exorasse: B  
Si inveni gratiam in conspectu tuo, Domi-  
ne, obsecro ut gradiaris nobiscum. Res-  
pondit Dominus: Ego inibo pactum. Imo  
in isto capitulo infra habetur: Ait Moyses:  
Si non tu ipse præcedis nos, ne educas nos  
de loco isto. Dixit autem Dominus: Et ver-  
bum istud faciam. Itaque quod dixit, Non  
ascendam tecum, comminatio fuit, vel as-  
sertio, nisi peniterent.

Exod.  
XXXIV, 9, 10.

Sed quid est quod subditur, Non ascen-  
dam tecum, populus enim duræ cervicis  
es, ne forte disperdam te in via? Ex quo C  
sequi videtur, quod expediebat eis quod  
Dominus non ascenderet cum ipsis: quia  
si cum eis ascenderet, forte disperderet  
eos propter eorum duritiam. Respondetur,  
quod ascensus Dei cum eis, fuit eis ex una  
parte periculosus, propter eorum pronita-  
tem ad vitia: quia si cum eis ascenderet so-  
lita beneficia impendendo, et ipsi ingrati,  
perversi, ac rebelles efficerentur, gravius  
eis immineret periculum ex ultione justitiæ  
Dei præsentis. Ex alia vero parte ascensus  
Dei cum eis per beneficia consueta, fuit D  
ipsis valde desiderabilis et amandus, imo  
per se appetibilis atque expediens eis fuit:  
periculosus vero per accidens, puta si abu-  
terentur donis gratiæ præsentis Dei. Ideo  
subditur: *Audiensque populus sermonem  
hunc pessimum*, hoc est valde malum, lo-  
quendo de malo penæ, quia comminatori-  
us fuit et justæ vindictæ prænuntius:  
*lurit* sua deplorando peccata, et metuendo  
destitutionem gratiosæ protectionis atque  
præsentis Dei: *et nullus ex more indu-*

*tus est cultu suo*, hoc est cultioribus vesti-  
mentis ac ornamentis, quatenus ipso suo  
habitu penitentiam demonstrarent ac mo-  
stitudinem cordis. Præterea, Augustinus  
expansus hæc, ait: Deus est cum justis,  
visitando et miserendo ac confortando:  
cum impiis vero, ulciscendo ac puniendo.  
Itaque ait: Non ascendam tecum, hoc est,  
cum hominibus istis esse non possum, ut  
vindicem, propter te, nec ut confortem et  
visitem, propter eos. Mittam ergo saltem  
angelum meum.

B *Dicitque Dominus ad Moysen: Loquere  
filiis Israel*, Dominus nunc parum dulcius  
loquitur, quam ante, quasi misertus plo-  
rantibus. Non enim ait ad Moysen, Dic po-  
pulo tuo: sed, filiis Israel. Verumtamen  
quoniam Dominus quos amat, arguit et cas-  
tigat, subjungitur: *Populus duræ cervi-*  
*cis es*, id est irrefrenatæ contumaciæ, et  
difficulter corrigibilis ac pertinax, juxta  
illud Isaïæ: Scivi quia durus es tu, et ner-  
vus ferreus cervix tua, et frons tua ænea.  
*Semel ascendam in medio tui, et delebo te,*  
hoc est, tandem una vice puniam te perle-  
cte. Quod intelligi potest, ut comminatorie  
et sub conditione prolatum, videlicet, nisi  
se emendarent. Vel accipi potest de hac  
Judæorum extrema captivitate ac desola-  
tione, quia frequenter in Scripturis sub  
nomine populi alienius, præsertim Israeli-  
tici, intelliguntur diversæ partes ejus quæ  
diversis fuere temporibus, ut in præceden-  
tis expositione capituli dictum est plenius.

Hebr. XII,

6.

Is. XLVIII, 3.

*Jam nunc depone ornatum tuum, ut  
sciam quid faciam tibi. Deposuerunt ergo  
filii Israel ornatum suum a monte Horeb.*  
Hoc Glossa et Magister in historiis, multi-  
que alii exponunt de minori tabernaculo,  
in quo ante constructionem tabernaculi  
majoris Moyses loquebatur cum Domino,  
et cum senioribus populi tractavit consi-  
lia, ac populum judicavit. Quod taberna-  
culum stetit prope radices montis Sinai  
inter montem et populum: quod Dominus  
jussit removeri a monte sancto, quasi in-  
dignans, et plebem cum suo ornatu sen  
tabernaculo, quo ornabatur, a loco suæ

habitationis, puta a monte, elongari præcipiens. Et quod ait, Sciam, exponendum est, sciri faciam, quid faciam tibi, id est, qualiter te tractabo : non quod hoc alias ignoraverit, sed quia per talem eorum humiliationem volebat probare ac demonstrare qualiter se haberent, et quid sibi fieri mererentur. Deposuerunt ergo ornatum, id est tabernaculum illud a monte Horeb, ponentes illud in loco a monte remoto. Huic autem expositioni objicitur, quod in textu mox sequitur : *Moses quoque tollens tabernaculum, tendit extra castra procul*, id est remote a tentoriis populi, quod de præfato tabernaculo certum est dici. Sicque scriptura hæc loquitur de præfato plebis ornatu, et de tabernaculo isto quasi de rebus diversis. Hinc aliqui dicunt, quod in susceptione legis seu decem præceptorum a Deo, de qua re dictum est capitulo vicesimo, principales in populo ornabant se quibusdam coronis, quasi spiritualiter desponsandi a Sponso cælesti. Et hæc ornamenta jussi sunt a suis remove capilibus, quia ad idololatriam corruerunt. Qui autem vult præfata expositionem defendere, dicere potest hæc verba, Moyses quoque, etc., exponenda sic esse : Moyses eundem Hebræorum ornatum, qui alio nomine tabernaculum nuncupatur, removit a monte Horeb seu Sinai, consentiendo et cooperando ad translationem illam tabernaculi de loco ad locum factam per populum. Sicque quod dicitur, Moyses quoque, etc., est quasi confirmatio et declaratio præcedentis sermonis.

*Vocavitque nomen ejus Tabernaculum fœderis*, id est tabernaculum in quo Dominus fœdus seu pactum pacis ac amicitie contulit ac iniiit ad plebem per Moysen, ut infra habebitur. Ibi etiam dabantur judicia inter contententes, confederativa et pacificativa eorum. Unde subjungitur : *Et omnis populus qui habebat aliquam questionem*, id est causam et controversiam, *egrediebatur de tentorio suo ad tabernaculum fœderis extra castra*, id est

A quod situm fuit separatim a tentoriis, quia in tabernaculo illo iudices residebant ad jura tractanda atque ad judicandum. Ino et Moyses causas graviiores determinavit ibidem, prout in expositione capituli octavidecimi patuit.

*Quumque egredereetur Moyses ad tabernaculum*, veniendo de monte aut castris, *surgbat universa plebs, et stabat unusquisque in ostio papilionis sui* ad reverentiam Dei, et ejus vicarii Moysis prælati eorum, et tanquam aliquid magni visuri. Nam B subditur : *Adspiciebantque terqum Moysis euntis in spatio*, quod fuit inter castra et tabernaculum, *donec ingrederetur tentorium*, id est tabernaculum illud, quod fuit specialiter tentorium Moysis et velut habitatio. *Ingresso autem illo tabernaculum fœderis*, descendebat columna nubis, et stabat ad ostium, id est in aere supra prope januam tabernaculi. *Loquebaturque Dominus cum Moyse* : eratque nubes signum adventus ac præsentiae Dei ; *cernentibus universis quod columna nubis staret ad ostium tabernaculi*, Stabantque et ipsi, et adorabant per fores tabernaculorum suorum : quia ex tam evidentibus et magnificis signis et effectibus pietatis et majestatis divinæ, ad quamdam provocabantur devotionem. *Loquebatur autem Dominus ad Moysen facie ad faciem*, id est elare et familiariter, *sicut solet loqui homo ad amicum suum* : cui et secreta sua revelat, et caritatem suam ostendit. Denique Dominus dicitur sic locutus ad Moysen per creaturam subjectam, puta per angelum in humana specie apparentem, atque in persona Dei loquentem.

*Quumque ille reverteretur in castra*, id est, quum Moyses rediret ad filios Israel ad exponendum eis divina, *minister ejus Josue*, qui fuit specialis et familiaris minister Moysis, *filius Nun, puer*. Puer pro ministro accipi solet ; sed quia jam dictum est, minister Moysis, puer hic accipi potest pro discipulo, seu pro viro innocente ac puro, juxta quem modum Christus post resurrectionem dixit Apostolis : Pueri, num-

Joann. xxi, 5.



quid pulmentarium habetis? In Zacharia A quoque angelus superior ait ad angelum inferiorem: Curre et loquere ad puerum istum, videlicet Zachariam prophetam, qui tunc erat vir senex. Josue etiam tempore isto fuit virilis ætatis, vir robustus et audax, quia et ante hæc fuit dux populi in prælio contra Amalee, ut supra descriptum est. *Non recedebat de tabernaculo.* Moyses etenim ei injunxit, in tabernaculo residere propter reverentiam sacri loci, et specialiter propter Dei ibi frequenter apparentis et loquentis honorem. Et ibi vacabat tunc Josue devotioni et contemplationi, præstolans reditum Moysis.

*Dixit autem Moyses ad Dominum: Præcipis ut educam populum istum de loco hoc ad terram promissionis, et non indicas mihi quem missurus sis mecum.* Qualiter verum est hoc, quum jam dixerit Dominus, Angelus meus præcedet te: et rursus, Mittam præcursorem tui angelum, ut ejiciam Chananeum? Et respondendum, quod in deductione Israeliticæ plebis usque in terram promissionis, dationeque legis et acceptione, plures angeli ministerium exhibuerunt. Propter quod beatissimus Stephanus ait Judæis: Accepistis legem in dispositione angelorum. Atque ad Galatas scribit Apostolus: Lex propter transgressionem posita est, ordinata per angelos in manu mediatoris. Legitur quoque in Josue libro: Quumque esset Josue in agro urbis Jericho, vidit virum stantem contra se, et evaginatum tenentem gladium, et ait: Noster es, an adversarium? Qui respondit: Princeps sum exercitus Domini. Fuit enim, secundum doctores, Michael princeps Synagogæ missus in adjutorium Hebræorum. Itaque quamvis Dominus dixit Moysi in generali, quod angelum mitteret præcursorem, tamen non expressit in speciali, quem angelum et quantæ auctoritatis ac præsentia esset angelus mittendus super populum illum: ideo Moyses super hoc petiit edoceri.

Circa quod dicit Rabbi Paulus: Intelligitur Moysen implicite petivisse, quod re-

gimen populi sibi committeretur a Deo sine alicujus angeli præsentia. Quod verum non reor, nec ad humilitatem pertinuisset. Nam et Moyses noverat ecclesiasticam hierarchiam per angelicam desuper gubernari: imo et Moyses postea postulavit dari sibi adjutores ex populo suo ad regendum eundem, Non possum, inquit, *Nam xl, 11.* solus portare onus populi hujus. Non ergo relutavit angelicam super se prelationem, imo superius dixit Dominus ei: Ecce ego *Exod. xxxii, 20, 21.* mitto angelum, qui præcedat te, observa B et audi vocem ejus.

*Præsertim quum dixeris, Noli te ex nomine.* Ac si dicat: Merito miror quod non indicas mihi, quem mittes mecum, ejus subsidio ducam populum tuum, præsertim quum dixeris mihi, quod specialiter nosceas, ames et approbes me. *Et invenisti gratiam coram me,* id est, mihi præcipue complacui, atque acceptus es. Hæc plane Dominus dixit ad Moysen, quamvis textus non exprimat, ubi vel quando. Multa quippe dulcissima, altissima et familiarissima C verba dixit ad Moysen, præsertim in quadragenario illo dierum, quo secum fuit in monte, quæ non sunt descripta.

*Si ergo inveni gratiam in conspectu tuo, ostende mihi faciem tuam.* Secundum quosdam, in Hebræo habetur, Viam tuam, vel Vias tuas: sieque Moyses per hæc verba petiit ducatum a Domino per desertum, et illuminari a Deo ad deducendum regendumque populum. Et ita per hæc verba non petiit claram divinæ visionem essentia, Sed his obviare videtur, quod subditur: *ut D sciam te.* Jam namque cognovit Deum variis modis, et per diversa ac eminenter: sed dicendo, Ut sciam te, ostendit se adhuc Deum nescire, videlicet quantum ad claram et facialem ejus notitiam in se ipso. Ideo hanc postulavit, dicendo, Ut sciam te. Loquendo autem de aliis modis cognoscendi Deum, jam noverat eum ante istam petitionem. Denique Septuaginta transtulerunt, et Augustinus ita exponit: Ostende mihi te ipsum. Potius igitur reor in Hebræo haberi, sicut Hieronymus transtulit, qui

frequenter testatur, nihil de veritate Hebraica se mutasse. Potest quoque esse, quod dictio illa Hebraica, pro qua habemus, Faciem, exstetquivoca, quam Hieronymus recte transtulit in verbum hoc, Faciem, eo quod causa petitionis subdatur, quum dicitur, Ut sciam te. Est itaque sensus : Si ergo inveni gratiam in conspectu tuo, ostende mihi faciem tuam, id est, si tantum tibi complaceo, sicut tu ipse testatus es mihi, da mihi ad horam videre te ipsum, sicuti es in te ipso, quia fiduciam habeo hoc petendi ex verbis tuis. Amici enim non solent sibi invicem de facili quidquam negare ; et naturale est ut quis cupiat suum amicum clare conspiciere, praesertim quia desiderabilissimum est menti creatae Creatorem suum per essentiam tueri. Hinc, secundum Augustinum, Moyses in hac petitione monstravit desiderium suum in Dei amore.

*Et inveniam gratiam ante oculos tuos.* Jam dictum est ei, invenisti gratiam coram me : quomodo ergo nunc denovo orat, Et inveniam gratiam ante oculos tuos ? Respondetur, quod sancti in gratia Dei semper crescere cupiunt, gratiamque multiplicem petunt ; sciebatque Moyses se non posse jugiter in hac vita in Dei clara cognitione persistere : ideo in contemplatione concupivit gratiam obtinere non peccandi de cetero, sed proficiendi in omni bono. Veruntamen per haec verba videtur nunc postulasse gratiam, qua exaudiretur pro populo suo. Nam subdit : *Respice populum tuum gentem hanc*, id est, clementer intueri ac dirigere plebem tuam hanc mihi commissam, ad vitia pronam ac fragilem. Propter quod merito gens vocatur. Per quae verba ostendit desiderium suum in dilectione fraterna. Unde Septuaginta sic transtulerunt, Et ut sciam quia populus tuus est gens haec.

*Dixitque Dominus : Facies mea praecedet te.* Hoc aliqui sic exponunt : Ego ipse te ducam atque praeribo, id est, gratus duetor et comes tui itineris ero. Cui expositioni consonat Septuaginta translatio, ha-

bens sic : Ipse antecedam te. Sed obviare videtur, quod paulo post sequitur : Et ait Moyses : Si non tu ipse praecedas nos, non educa nos de loco isto. Ad quod respondet Augustinus, quod verba ista, Facies mea praecedet te, Moyses intellexit quasi pro se solo, non pro populo dicta : ideo flagitavit, ut et populum Deus praecederet. Aliqui vero dicunt, quod per verba illa, Facies mea praecedet te, Moyses intellexit aliquem quam simillimum Deo promitti, qui praeriret : ideo rogavit, ut ipse Deus eos praecederet. *Et requiem dabo tibi*, id est quietem in limbo patrum, sinuque Abrahae post hanc vitam, usque ad Christi passionem et mortem, deinde veram felicitatem in patria pro caritate et laboribus, quibus jam inquietaris.

*Et ait Moyses*, cui, tanquam fidelissimo ferventissimoque pastori ac principi, bonum commune principaliter exquirenti, non suffecit propria gratia, quies et salus : *Si non tu ipse praecedas nos*, id est, nisi gratiose et liberaliter affuturus sis nobis, sicut nunc affuisti, qui nunquam mutaris, nec loco, neque natura moveris, *ne educa nos de loco isto* : quia diversa pericula et adversa imminet nobis in procedendo per eremum, et melius nobis est hic esse tecum, quam alibi sine te. Ideo subditur : *In quo enim scire poterimus ego et populus tuus, invenisse nos gratiam in conspectu tuo*, id est, quod tibi complacemus, *nisi ambulaveris nobiscum* non in tua substantia incircumscripta locum mutando, sed nobis in via misericorditer adassistendo, atque in cordibus nostris manendo, *ut glorificemur ab omnibus populis qui habitant super terram* ? id est, ex donis misericordiae tuae nobis praestandis a te, omnibus innoteseat, quod simus populus et cultores veri Dei, praeter ceteris gentibus a Deo electi ac honorandi, sic tamen, ut totum istud attum honorem finaliter referamus.

*Dixit autem Dominus ad Moysen : Et verbum istud quod locutus es, faciam*, id est, hanc tuam petitionem implebo secundum censuram ac moderamen sapientiae

meae. *Invenisti enim gratiam coram me, et A* te ipsum novi ex nomine, id est, tam specialiter ac eminenter mihi places, et notus ac carus es, quod et pro aliis te ita exaudio, quem tam caritativum et fidelem conspicio. Unde Septuaginta transtulerunt, Scio te præ omnibus : sicque videtur quod illo in tempore carior fuerit Deo, quam aliquis alter tunc vivens. *Qui ait : Ostende mihi gloriam tuam.* Ex præinductis gratiosissimis Dei verbis divino amore accensus valide Moyses, et vehementer de divina pietate, quam in se taliter experiebatur, B præsumens, ausus est postulare : Ostende mihi gloriam tuam, id est, tui ipsius majestatem et beatitudinem increatam, seu te ipsum essentialiter gloriosum, vel fruitionem tuam gloriosam, quam habent Beati in regno, impende mihi ad horam. Et hoc reddit in idem, quoniam qui sic Deo fruuntur, vident clare per speciem divinam essentiam.

*Respondit : Ego ostendam omne bonum tibi,* id est, tempore præordinato in regno beatitudinis manifestabo me tibi, et dabo tibi plenam felicitatem, imo et me ipsum, qui sum summum atque perfectum bonum, in quo est omnium honorum et pulchrorum plenitudo immensa. In hac quoque vita dabo tibi omne charisma gratiae ac virtutum, atque per fidem et sapientiae donum dabo tibi cognoscere bona præfata. *Et vocabo in nomine Domini coram te.* Aliqui textus habent, Vocabor. Translatio autem Septuaginta, qua utitur Augustinus, habet, Vocabo. Et ut asserit idem, Vocabo ponitur ibi pro Vocabor, videlicet activum D pro passivo, inusitato loquendi genere. Unde et Magister in historiis ita exponit : Vocabo in nomine Domini coram te, id est, faciam me vocari Deum ac duceem vestrum ex miraculis, quæ sum facturus. Potest tamen et sic exponi : Vocabo in nomine Domini coram te, id est, te præsentem ac audiente invitabo te in nomine meo, seu propria potestate et auctoritate, ad contemplationem et invocationem mei ipsius. Quod qualiter factum sit, statim dicetur.

T. 2.

Porro secundum Lynam, in Hebræo habetur, Legam in nomine meo. Quod quidam Hebræi interpretantur, dicentes, quod Deo ipsi Moysi apparente, Moyses vidit ibi scripturam continentem duodecim modos impetrandi misericordiam Dei absque allegatione meritorum Patriarcharum sanctorum : ut sit sensus, Invocabo seu legam, id est, docebo te invocare et faciam te legere scripturam, docentem qualiter sis invocandus in nomine meo, id est per propriam bonitatem seu per me ipsum sine commemoratione Patriarcharum. Veruntamen, quoniam de istis duodecim modis invocandi, Scriptura hoc loco nil loquitur, imo nec alibi, possit quis forsitan dicere, ficticium esse quod Hebræi de illis duodecim modis dicunt.

*Et miserebor cui voluero,* id est, juxta beneplacitum meum, absque præviis meritis hominum, miserebor finaliter his, quos sponte elegi et voluntarie prædestinavi, etiam si per Sanctorum merita non invocet pro illorum salvatione : *et clemens C* ero in quem mihi placuerit, id est, liberrime indulgebo, et salutem præstabo cui-cumque visum fuerit mihi bonum, et quem voluero facere vas misericordiae meae, quum mea voluntas sit omnium prima causa, et omnia agam secundum voluntatis meae propositum. Hinc quum Salvator dixisset, Confiteor tibi, Pater, Domine cæli et terræ, quia abscondisti hæc a sapientibus, etc., pro causa adjeecit : Etiam, Pater, quia sic placitum fuit coram te. Apostolus quoque ad Romanos fatetur : Igitur non volentis neque currentis, sed misentis est Dei. Dicis itaque, Ergo ejus vult misere-tur, et quem vult indurat, etc. Unde per Jeremiam Dominus contestatur : Ecce sic- ut lutum in manu figuli, ita et vos in ma- nu mea.

Math. xi,  
25, 26.Rom. ix,  
16, 18.

Jer. xviii, 6.

*Rursumque ait : Non poteris videre faciem meam,* id est, essentiam meam non potes clare per speciem intueri in hac vita mortali, vivendo in ea vita humana, corporea, sensitiva. *Non enim videbit me homo* in hac vita per speciem, *et viveet* vita



sensitiva humana. Quocirca sciendum, quod A  
juxta philosophos causa prima sicut est  
infinite actualitatis et eminentiæ, ita est  
infinite incomprehensibilitatis, quum ta-  
men ex sua natura sit infinite intelli-  
gibilitatis. Propter quod dixit Philosophus,  
quod sicut se habet oculus vespertilionis  
ad lumen solis, sic intellectus humanus  
ad manifestissima naturæ, id est ad co-  
gnitionem intellectualium et separatarum  
substantiarum, potissimum Dei, quæ ex  
sua natura sunt præcipuæ cognoscibilita-  
tis, quoniam unumquodque tantum habet B  
de cognoscibilitate et intelligibilitate, quan-  
tum habet de entitate et actualitate. Hinc  
nulla mens potest Deum perfecte et com-  
prehensive cognoscere seu intellectualiter  
videre, puta tam plene et clare, sicut ipse  
ex sua natura cognoscibilis est, nisi sit  
mens infinite perspicacitatis, virtutis et  
capacitatis. Propterea superbeatissima Tri-  
nitas Deus hoc modo sibi soli cognoscibi-  
lis visibilisque consistit, quia nec anima  
Christi hoc modo comprehendit essentiam  
Dei.

Nihilo minus Sancti in patria vident, et  
intelligunt Deum per speciem, utpote clare  
et immediate in se ipso per ipsam divi-  
nam essentiam loco intelligibilis formæ  
eis unitam. Nempe quum omnis forma,  
species et similitudo creata, deficiat et oc-  
cumbat in infinitum a plena deitatis re-  
præsentatione, secundum quod deitas in  
se ipsa consistit; non potest Deus ita in  
se ipso clare videri per formam, similitu-  
dinemque creatam, sed per increatam for-  
mam et speciem Deus sic cernitur: quod D  
prorsus supernaturale est, et sola fide te-  
netur.

Porro in hac vita Deus non potest ita  
videri, ita ut homo vivat vita sensitiva  
humana. In hujuscemodi namque visione  
divinæ essentiæ, requiritur in hac vita  
summa abstractio ab omni actu ac visu  
sensitivarum inferiorumque virium. Unde  
et in Joanne, et rursus in prima ejus epi-  
stola legitur: Deum nemo vidit unquam.  
Et ad Timotheum: Deus lucem habitat

inaccessibilem, quem nullus hominum vi-  
dit, sed nec videre potest. Nihilo minus  
per omnipotentiam Dei potest homo in vi-  
ta hac Deum per speciem intueri, quia et  
Moysi concessa est visio talis in hac vita, Nam xii, 8.  
ut in libro Numerorum habetur, quæ ei  
hac vice negata est. In tali tamen visione  
(ut tactum est) communiter homo non vi-  
vit vita sensitiva humana, sed intellectuali  
tantummodo ac divina, propter abstractio-  
nem præfatam. Ideo regulariter dictum est,  
Non videbit me homo, et vivet. Nihilo mi-  
nus per omnipotentiam Dei potest mens  
humana Deum ita videre, ipso homine sic  
vidente vitam sensitivam ducente, ut pa-  
tet de anima Christi, quæ a suæ creationis  
et unionis exordio eum Verbo æterno, vi-  
dit præ universis Beatis clarissime divi-  
nam essentiam, utendo sensitivis poten-  
tiis, vegetativarumque virium actibus.

Præterea advertendum quod super illud,  
Loquebatur ad Moysen Dominus facie ad  
faciem, ait Glossa interlinearis: Substan-  
tiam Dei nec hominum nec angelorum  
C quispiam videre potuit, sicuti est. Quod si  
intelligatur de visione plenariæ compre-  
hensionis, qua Deus cernitur tam perfecte,  
sicut ex sua natura cognoscibilis est, veri-  
tatem sortitur. Si autem intelligatur ita,  
quod divina essentia videri non valeat a  
mente angelica et humana per speciem  
increatam, clare ac revelate seu immedia-  
te in se ipsa, stare non potest, quum et  
Joannes dicat apostolus: Scimus quoniam  
quum apparuerit, similes ei erimus, quia  
videbimus eum sicuti est. Et Paulus Corin-  
thiis ait: Videmus nunc per speculum in

ænigmate, tunc autem facie ad faciem. 1 Joann. iii, 2.  
Nunc cognosco ex parte, tunc autem co-  
gnoscam, sicut et cognitus sum. Unigeni-  
tus quoque Patris: Angeli, inquit, in oculis  
semper vident faciem Patris mei. 1 Cor. xiii, 12.  
Matth. xiii, 10.

Deinde Dominus pandit Moysi, qualiter  
se velit ei hac vice ostendere. Et iterum:  
Ecce, inquit, est locus apud me. Omnis  
locus apud incircumscriptibilem Deum est:  
sed sicut Deus specialiter fuit et habitavit  
in monte Sinai, ita nunc specialiter loqui-

Joann. i, 18.

1 Joann. iv,

12.

1 Tim. vi, 16

tur de loco quodam qui erat ibidem, de quo subjungitur : *et stabis supra petram*. Corporaliter enim stetit paulo post Moyses supra petram illam. *Quumque transibit gloria mea*, id est similitudo gloriosa seu elara, me visibiliter representans, *ponam te in foramine petrae* illius, quæ habuit magnam cavernam, et in ea collocavit Dominus Moysen, ne perstringeretur et tereretur nimis claritate similitudinis illius magnificæ : *et protegam dextera mea donec transeam*, id est, dexteram meam ponam inter oculos tuos et inter gloriam illam me præsentantem, quoniam splendorem formæ illius ferre non posses. Ideo dextera mea obumbrabit tibi, donec in similitudine illa pertranseam coram et ultra te. *Tollamque manum meam*, id est, postquam transiero coram te, retraham dexteram meam, ut videas, *et videbis posteriora mea*, id est, a tergo videbis me. *Faciem autem meam videre non poteris*, id est, claritatem similitudinis meæ me præsentantis a parte ante, præsertim in vultu ejus, intueri non valebis corporalibus oculis, ob suæ vehementiam luminositatis.

Ista fuit corporalis atque sensibilis representatio Dei, in qua ostendit se Moysi in forma visibili et humana, secundum Hebræos et multos Catholicos. Et, sicut videtur, erat angelus quidam in hujusmodi specie assumpta in Dei persona, pertransiens et apparens, ita quod Deus in similitudine illa sui representativa, dicit se apparuisse ac pertransisse, suamque dexteram inter se et oculos Moysis posuisse. Quod autem Deus per angelum in similitudine humana apparuit, hoc designat, quod Deus in sua persona est intellectualis naturæ. Per copiosissimam vero et visibilem illam et sensibilem claritatem, figurabatur infinita et incomprehensibilis puritas divinæ essentiæ in se ipsa. Per interpositionem autem dexteræ, imbecillitas mentis humanæ ad intuitionem increati luminis Dei, pia quoque condescendentia et contemperatio Omnipotentis, qua humanæ capacitati condescendit, seque con-

temperat. Per inspectionem vero posteriorum seu similitudinis ejus a tergo, signatum est, quod Deum in hac vita non nisi obscure et imperfecte, ac per suos effectus similitudinesve creatas cognoscere possumus. Has causas et rationes corporalis illius apparitionis Moyses intellexit. Potuit autem esse, quod angelus qui in persona Dei quotidie loquebatur cum Moyse, Deo jubente assumpserit similitudinem solito splendidiorem et gloriosiore ad horam, sicque in ea coram Moyse pertransierit, majestatem Dei, ut dictum est, representando.

Præterea, circa præhabita multa scribit Rabbi Paulus, quæ breviter discentianda censentur. Ait ergo in primis, quod Moysi ante suum jejunium non fuit commissum, ut duceret filios Israel, sed ut duceretur tam Moyses quam populus per angelum : sed post jejunium ejus, et alia nunc prædicta, dictum est ei : Vade, et duc populum istum quo locutus sum. Istud videtur pueriliter dictum, quum sit scriptum supra : Veni, mittam te ad Pharaonem, ut educaas populum meum filios Israel de Ægypto : quæ fuerunt verba Dei ad Moysen circa rubum, diu ante ejus jejunium. Similiter scriptum est alio loco : Isti sunt Aaron et Moyses, quibus præcepit Dominus, ut educerent filios Israel. Secundo ait : Postquam Moyses majoris perfectionis effectus est, commissus est sibi quasi singulariter ducatus populi. Ad quod dico, quod tam Moyses quam populus Israel tam bene ducti sunt per nubem et angelum, postquam Moyses jejunavit et cetera jam præfata peregit, ut ante, sicut consequenter in libris ejus apertissime recitatur. Imo nec Moyses eduxit filios Israel de monte Sinai ad terram promissionis, quousque nubes elevabatur de tabernaculo fœderis, et cœpit eos præcedere angelo eam movente, ut in Numeris scriptum est.

Tertio dicit super verba illa, Facies mea præcedet te : Deus volebat deducere Moysen absque aliquo medio. Cujus verbi error jam patet, quia per angelum deinde

Exod. iii, 10.

Ibid. vi, 26.

Num. x, 34.

Num. x, 31.

ductus, instructus, directus est Moyses, A quemadmodum ante. Imo, ut in Numeris legitur, Moyses instanter rogavit Hobab filium Ragucl cognatum suum, ut sibi ac populo præberet ducatum, dicendo : Noli nos relinquere : tu enim nosti, in quibus locis per desertum castra ponere debeamus, et eris ductor noster. Quarto dicit, Moyses implicite petebat et volebat, quod nullus angelus interponeretur in regimen populi : ejus dicti falsitas jam in isto articulo est ostensa. Fuissetque grandis B præsumptio, si in tanti populi gubernatione Moyses refugisset angelorum subsidia et præcepta : imo caerimonialia, judicialiaque præcepta, quæ in Levitico et deinceps Moysi data sunt, per angelum ei proposita sunt. Imo Moyses scivit toti Israelitico populo præesse angelum unum de ordine Principatus, videlicet Michaellem, ac populum Synagogæ regi optavit : scivit et unum-

quemque eorum habere specialem et proprium angelum pro custode atque rectore. Unde per hoc, quod Moyses postulavit, ut ipsemet Dominus se populumque præcederet, non intendebat angelorum ducatum regimenque excludere, sciens quod Deus providentiæ suæ gubernationem per angelos circa homines exsequatur in pluribus rebus et actibus.

Denique Rabbi Paulus ad probandum verba sua inducta, dicit : Non legitur in toto processu Mosaicæ vitæ, quod fiat mentio de angelo loquente cum Moyse, vel ei apparente post hæc, sicut ante. Ad quod breviter dico, quod infra ubicumque in libro isto atque sequentibus legitur, Locutus est Dominus ad Moysen, etc., communiter sensus est, quod Deus per angelum ei locutus sit, secundum quod Augustinus, Gregorius, et alii sancti Patres, catholicique doctores, concorditer dicunt.

## ARTICULUS LXV

DECLARATIO CAPITULI TRICESIMI QUARTI : AC DEINCEPS : PRÆCIDE, AIT, TIBI DUAS TABULAS LAPIDEAS.

**R**EPARATIO tabularum Decalogi, apparitio Dei, et commemoratio seu repetitio præceptorum legalium, in isto describuntur capitulo. *Ac deinceps : Præcide, ait, tibi duas tabulas lapideas instar priorum,* id est similes illis, quas fregisti, *et scribam super eas verba,* id est decem præcepta, quæ habuerunt tabulæ illæ priores, quas fregisti. Circa hæc oritur quæstio, qualiter Dominus dicat hic, Scribam super eas, quum alia dicat translatio, Scribe super eas : imo et in isto capitulo infra habetur : Dixitque Dominus ad Moysen, Scribe tibi D verba hæc. Et rursus : Fuit ergo ibi cum Domino, et scripsit in tabulis verba fæderis decem. Ad hoc Augustinus, aliique respondent, quod Dominus scripsit per

auctoritatem, Moyses per executionem, videlicet Deo jubente. Quocirca iterum queritur, cur Dominus universa prænosens, illas tabulas præparavit atque inscripsit, quas a Moyse noverat mox frangendas, et eas quas noverat diu duraturas, jussit per Moysen præcidi, parari, inscribi. Ad hæc Augustinus mysticam rationem assignat, quoniam tabulæ factæ a Deo, significabant gratiam Dei datam Hebræis in exitu de Ægypto, quam celeriter perdiderunt redeuntes cordibus in Ægyptum. Tabulæ autem factæ a Moyse, eos designant, qui per adiutorium gratiæ Dei implent præcepta per sæculi hujus durationem. Litteralius vero quis dicere potest, quod ex quo Moyses primas tabulas et earum scripturam

Exod.  
xxxiv, 27,  
28.



conspexit. potuit juxta earum exemplar A formare ac scribere alias. Vel certe ad majorem superbi ingratiq[ue] populi humiliationem, datæ sunt ei secundo tabulæ ab homine factæ atq[ue] descriptæ.

*Esto paratus mane, ut ascendas statim in montem Sinai, stabisque mecum super verticem montis.* Itaque Moyses nocte consurgens, valde mane cœpit montem ascendere, et stetit in cacumine ejus cum Domino, id est cum angelo in persona Dei visibiliter apparente, et in forma humana ibi loquente. Illa etenim hora ad spirituales actus est aptior. Propter quod loquitur

Is. xxi, 9.

Ps. v, 3.

Isaias : De mane vigilabo ad te. Et Psalmista : Mane adstabo tibi et videbo. *Natus ascendat tecum, nec videatur quispiam per totum montem. Oves quoque et boves non pascantur e contra.* Supra quum Moyses auditus erat a Deo in monte decem

Exod. xix, 24.

Ibid. xix, 12, 13.

præcepta, jussit Dominus ut Aaron secum ascenderet. Rursusque scriptum est, qualiter Moysi duas tabulas recepturo Dominus jussit, ut in verticem montis ascenderet : et tunc Josue ejus minister aliquam montis partem secum ascendit et mansit in ea. Iterum capitulo nonodecimo legitur, qualiter Dominus vetuit montem tangi ab hominibus vulgaribus ac jumentis. Nunc vero Moyses secundo accepturus tabulas scriptas, a Domino jussus est solus ascendere, in tantum ut nemo per totum montem conspiceretur, nec pecora ex opposito montis, nisi per grandem a monte distantiam, alerentur. Quæ est ergo horum ratio, et cur fuit in ista susceptione tabularum major coaretatio quam in prima ?

Ibid. xix, 12, 13.

Ad quod Rabbi Paulus respondet, quod ista descensio Dei super Sinai, solennior fuit quam illa quæ fuit in legis donatione : quia in illa solum proposuit Dominus præcepta communia, in ista autem revelata sunt Moysi divina secreta. Sed istud non apparet idonee dictum, quoniam textum capituli hujus intuentibus innotescit, quod in ista Dei descensione et apparitione et allocutione cum Deo non sunt specialia secreta Moysi revelata, sed præcepta præ-

habita repetita. In priori vero descensione, apparitione, colloctioneque Dei cum Moyse, non solum data sunt ei præcepta communia toti plebi, imo et alia multa specialia et arcana de institutione novi sacerdotii, et ordine ministrorum tabernaculi, successione pontificum, de consecratione, vestibus, sacrificiisque eorum, de formatione aræ ac sanctuarii, de confectione thymiamatis et olei unctionis : quorum omnium spirituales et mysticas rationes credendum est Moysen tunc ex B revelatione cognovisse divina.

Itaque prædictorum videtur alia causa fuisse. Dominus namque voluit in hac vice Moysi apparere in similitudine gloriosa præclara, prout in fine præcedentis promisit capituli. Ideo noluit alium quemquam adesse, et propter majorem reverentiam divinorum, jussit et pecora abigi, præsertim ad figurandum quod carnales brutalesque homines, ad communionem et inspectionem divinorum indigni sunt. Insuper dici potest, quod Dominus paulatim C ostendit se esse placatum : ideo needum admisit Aaron ad montis ascensum, atque adhuc habuit se circa populum magis abstracte quam ante.

*Excidit ergo duas tabulas lapideas, quales antea fuerant ; et de nocte consurgens.* In quo patet suæ obedientiæ promptitudo et devotionis alacritas : siquidem Dominus dixerat ei, *Esto paratus mane ;* et ipse surrexit nocte. *Ascendit in montem, sicut præceperat ei Dominus, portans tabulas secum. Quumque descendisset Dominus per D nubem,* quia in illa nube angelus Dominum representans descendit, *stetit Moyses cum eo* in vertice montis, tanquam ad Dei obsequium omnino paratus, *invocans nomen Domini,* utpote ipsum Dominum, in ejus persona angelus sibi apparuit. *Quo transeunte coram eo.* Si Moyses cum Domino stetit, quomodo Dominus coram eo transivit ? Sed horum utrumque successive celeriter fieri potuit, similitudinemque assumptam potuit Dominus subito immutare, et gloriosiore ac clariorem, quam ante

apparebat, efficere, eandem quoque rursum adspectui Moysis contemperare.

*Ait ipse Moyses, subito inflammatus contemplatione et amore illius, qui sibi tam gloriose ad sensum apparuit : Dominator Domine Deus, misericors et clemens, patiens et multae miserationis, ac verax. Deus dicitur dominator, ab actu dominandi; Dominus, potestate, et quoniam habet subjectos; Deus, per omnium creationem et gubernationem; misericors, natura, in quantum ei proprium est misereri, non tamen affectum compassionis habere; clemens, relaxando debitam ultionem; et multae miserationis, per varios*

\* ac verax

*suae pietatis effectus: et verus\*, in deitatis natura, quum ipse solus sit verus Deus. Verus quoque in verbis, fidelis in promissis, verax in documentis, et justus in praeceptis ac praemiis. Qui custodis misericordiam in millia, id est, gratiam et dona misericordiae concessa parentibus, pie continuas et conservas in posteris eorundem per generationes et personas quamplurimas. Ponitur enim hic numerus determinatus, pro indeterminato, sicut in illo Psalmi versiculo: Memor fuit in saeculum testamenti sui, verbi quod mandavit in mille generationes. Qui auferis iniquitatem et scelera atque peccata. Per iniquitatem, potest intelligi culpa originalis; per scelera, mortalia vitia; per peccata, venialia mala. Aufert quoque iniquitatem cordis, scelera oris, peccata operis et omissionis. Rursus, per iniquitatem potest intelligi culpa commissa in Deum; per scelera, culpae quae fiunt in proximum; per peccata, quae fiunt in se ipsum. Nullusque apud te per se innocens est, id est, propria auctoritate nullus est absque culpa, quia etsi quis aliquando innocens est, et ad modicum sine peccato, non per se, sed per te et gratiam tuam hoc est. Denique in multis offendimus omnes, et nascimur in peccato, et erravimus quasi oves quae perierunt. Qui reddis iniquitatem patrum filiis ac nepotibus, id est filiis filiorum, in tertiam et quartam progeniem. Interdum enim usque*

Jacob. iii, 2.

Ps. cxviii, 176.

*in primam progeniem tantum, interdum usque in secundam, quandoque in tertiam, aliquando usque in quartam, quandoque in nullam: imo interdum pessimis patribus nasentur electissimi filii, quemadmodum ipsi Achaz natus est Ezechias, et ipsi Amon sanctus Josias. Varia namque, libera, et imperscrutabilia sunt judicia Omnipotentis. Verumtamen qualiter intelligenda sit ista auctoritas, diligenter expressum est in vicesimi elucidatione capituli.*

IV Reg. xvi, 20.  
Ibid. xxi, 1, 2.

Exod. xx, 5.

*B Festinusque Moyses, curvatus est pronus in terram, cum profunda inclinatione, vel totius corporis prostratione, ad divinae reverentiam majestatis. Et forte hoc fecit antequam praehabita protulit verba, quamvis postea recitet. Et adorans, ait: Si inveni gratiam in conspectu tuo, Domine, obsecro ut gradiaris nobiscum, juxta sensum praecedenti articulo introductum. Populus enim durae cervicis est: propterea necessaria est nobis indesinenter gratiosa adsistentia tua, quae nostra emolliat corda. Et auferas iniquitates nostras atque peccata, scilicet, tam carnalia quam spiritualia vitia, dando et infundendo veram contritionem, piam remissionem, gratiosam custodiam: nosque possideas per dona gratiae tuae, ne recidivemus.*

*Respondit Dominus: Ego inibo pactum, id est, ita me facturum testabor, et amicitiae foedus vobiscum perentiam, interim tibi dando tabulas scriptas, et pugnando pro vobis: videntibus cunctis, id est omnibus vobis et interdum etiam aliis: faciam signa quae nunquam visa sunt super terram, nec in ullis gentibus: ut fuit statio solis et lunae ad instantiam Josue, retrocessio quoque Jordanis, et alia multa quae in libro Josue alibique leguntur; ut cernat populus iste in cujus es medio, id est, cujus praelatus ac ductor es, et inter quos saepius resides, opus Domini terribile quod facturum sum, id est praefata et consimilia miraenlosa ac horribilia opera, praesertim adversariis vestris, quae pro vestri introductione in terram promissionis*

Josue x, 13; et iii, 16.

efficiam, ut vel sic mihi jugiter adhæ- A parente in conspectu Domini Dei tui ter-  
realis. in anno, juxta sensum expositionis præ-  
habitæ.

*Observa cuncta quæ hodie mandari ti-  
bi.* Hoc sub persona Moysis ait ad po-  
pulum, ut scilicet populus universa Dei  
præcepta memoriter teneat, et opere exse-  
quatur, quæ mandavit eis per Moysen,  
hodie, id est tempore isto. Vel ideo ait,  
Hodie, quia nunc ea repetiit. *Ego ipse  
ejiciam ante faciem tuam Amorrhæum  
et Chananæum et Hethæum, Pherezæum  
quoque et Hævæum et Jebusæum. Cave ne  
unquam cum habitatoribus terræ illius  
jungas amicitias, quæ tibi sint in rui-  
nam,* etc., id est amicitias periculosas illi-  
citas. Si tamen voluissent ad Judaismum  
converti et confœderari legitime, non fuisset  
eorum amicitia contempnenda. *Noli ado-  
rare deum alienum,* id est aliquem præter  
me verum Deum, nullum videlicet deum  
gentium ceterarum. *Dominus zelotes no-  
men ejus, Deus est æmulator.* Qualiter

*Diritque Dominus ad Moysen : Scribe  
tibi,* id est ad tui ipsius meritum ac salu-  
tem, *verba hæc,* præsertim decem præce-  
pta, *quibus et tecum et cum Israel,* id est  
Israelitico populo, *pepiigi fœdus,* id est, pa-  
eis et amicitie inii pactum, quia per ista  
præcepta ostendo caritatem meam ad vos,  
a quibus specialiter amari et coli volo.  
Circa hæc Nicolaus de Lyra dicit, quod  
Moyses propria manu non scripsit hæc  
verba in tabulis istis. Cujus oppositum ex  
translatione Septuaginta interpretum, imo  
et ex littera ista, atque ex verbis Augusti-  
ni et Glossæ probatum est. Et Magister in  
historiis, multique alii in hoc Augustinum  
sequuntur, nec argumenta alterius sunt  
magni vigoris. Nam arguit, quum tabulæ  
illæ fuerint lapideæ, litteræ illæ fuerunt in  
eis scriptæ per sculpturam : sed non vide-  
tur quod Moyses secum portavit ad mon-  
tem instrumenta sculpendi. Ad quod pri-  
mo respondetur, quod sicut alia multa  
supernaturalia fecit Deus per Moysen, ita  
et tabulas illas poterat Moysi facere ad  
scribendum cedentes ut ceram molliissi-  
mam, quemadmodum multis Sanctis in  
novo Testamento fecit saxa et cupra, ad  
suscipiendum signacula crucis, cedere tan-  
quam ceram. Secundo dicendum, quod ex  
quo Septuaginta transtulerunt circa exor-  
dium hujus capituli, Seribes, satis credi-  
bile est, quod Moyses necessaria ad scri-  
bendum in tabulis secum accepit, nisi forte  
D ex divino instinctu omiserit hoc. Iterum  
satis apparet, quod sicut primæ tabulæ  
fuerunt a Domino præparatæ et scriptæ,  
ita Dominus secundas tabulas voluit manu  
Moysis scribi, quemadmodum jussit eas  
per manum ejus præcidi ac præparari.  
Nempe si Dominus voluisset eas inseribe-  
re, cur jussisset aut quid indignisset per  
Moysen eas parari ?

*Quumque descenderet Moyses de monte  
Sinai,* expleto quadragenario dierum jeju-  
nii sui, *tenebat duas tabulas lapideas testi-*

Exod. xx,  
5.

Josue xii.

Consequenter repetuntur diversa præ-  
cepta in littera, quæ omnia habita sunt  
atque exposita capitulo vicesimo et deinceps,  
imo et quædam ante, capitulo duo-  
decimo. *Quum enim tulero gentes a facie  
tua,* id est, dum populum Chananæorum  
a terra tibi promissa abstulero per inter-  
fectionem eorum, *et dilatavero terminos  
tuos,* dando tibi regiones regum multorum  
citra et ultra Jordanem, sicut in libro Jo-  
sue legitur, ubi triginta unus reges a filiis  
Israel occisi scribuntur : *nullus insidiabi-  
tur terræ tuæ,* id est, nec tibi nec fructi-  
bus ac possessionibus terræ tuæ valebit  
nocere, ita quod si insidientur, nihil pro-  
ficient, sed peribunt ; *ascendente te et ap-*



*monii* : quas in manibus reverenter tenendo, descendit ad populum : *et ignorabat quod cornuta esset facies sua*, id est tam luminosa ac splendida, quod radii clari ac fulgidi procedebant ex lumine vultus sui, in altum tendentes paulatim in similitudinem cornuum ; *ex consortio sermonis Dei*, id est ex longa sua conversatione, colloquutione et communione cum Deo : ex quibus mens sua fuit tantis illuminationibus, claritatibusque repleta, quod redundabant in vultu ipsius. Sed quum etiam antea tot diebus fuerit cum Deo conversatus et affatus in monte, cur tunc rediens non fuit tam splendidus ? Responderi potest, quod interim multum profecit in spiritualibus donis, atque in contemplatione divina : et item, quia jam vidit Deum in forma tam gloriosa, ut patuit, et Dominus super faciem suam posuerat dexteram suam, ideo clarior factus est ; et etiam, ut de cetero amplius timeretur a filiis Israel, nec contra eum murmurare præsumerent, propter idololatrias quos fecit occidi.

*Videntes autem Aaron et filii Israel cornutam Moysis faciem, timuerunt prope accedere*, stupefacti re tam nova et incon-sueta ac divina, et quoniam visus eorum reverberabatur claritate vultus Moysis et radiorum illorum. Forsitan etiam metuebant, ne ex commissione divina deuno exerceeret correptionem et punitionem in eos. Erant namque incerti, an eis veniam impetrasset. Moyses quippe ascensurus in montem, dixerat eis : *Pecceastis peccatum maximum, ascendam ad Dominum, si quo modo quivero deprecari pro scelere vestro. Vocatique ab eo, reversi sunt*, id est, ad Moysen eos vocantem, et ne timerent, consolantem, redierunt, a quo ex timore parum fugerunt, *tam Aaron quam principes synagoga*, id est principes tribuum, et officiali ac iudices substituti. *Et postquam locutus est ad eos, venerunt ad eum etiam omnes filii Israel, quibus præcepit cuncta quæ audierat a Domino in monte Sinai. Impletisque sermonibus*, id est verbis finitis quæ dixit ad illos, *posuit vela-*

*men super faciem suam* : cognito quod facies sua esset tam illuminata, quod Josue ei forte primo exposuit. Sieque mansit facie coopertus velamine, quod forsitan fuit tenuis pannus, aut aliquid tale, moderans filiis Israel splendorem vultus Mosaici. *Quod ingressus ad Dominum, et loquens cum eo in monte vel tabernaculo, auferabat*, id est, de facie sua removit, et remotum dimisit, *doncec exiret de loco alloentionis divinæ, et tunc loquebatur ad filios Israel omnia quæ sibi fuerant imperata. Qui ridebant faciem egredientis Moysis esse cornutam ut ante, sed operiebat ille rursus faciem suam, si quando, id est quodcumque, loquebatur ad eos, de cetero durante in eo tanto splendore : aliter non potuerunt eum inspicere.*

In Historia vero scholastica dicitur : Quantum duravit hæc gloria vultus Moysis, et ntrum semel aut pluries ei acciderit, ignoramus. Veruntamen ex præinductis hujus litteræ verbis rite perspectis datur intelligi, quod duravit per tempus notabile, et quod magis quam semel contigit ei. Rursus in eadem habetur Historia : Dicunt Hebraei, quod adhuc tertio ascendit ad Dominum, ad impetrandum eis veniæ certitudinem, et quod rursus jejunavit quadraginta diebus ac noctibus. Quumque redisset cum certitudine veniæ, novus fuit dies septimi mensis : et in crastino solennitatem agentes pro venia data, affligerunt animas suas jejunantes : sieque deinceps decima dies hujus septimi mensis, facta est dies propitiationis. Quod si verum est, potest esse quod exemplo Moysis Ecclesia proponit in anno tres quadragenas : licet ob hoc institutum dicatur, quoniam tres viri, Moyses, Elias, et Jesus tot jejunaverunt diebus.

Præterea spiritualis sensus hujus capituli, supra pro maxima parte est habitus. Specialiter vero ex istius capituli docemur exordium, quod volentes in monte, id est in altitudine contemplationis, Deo vacare, loqui, uniri, debeant separari a ceteris, et cuncta relinquere per mentis

Exod. xxxii,  
30.

III Reg. xix,  
8. Mat. ix,  
2. Luc. ix, 2.  
Sensus spiri-  
tualis.

recollectionem in Deo, ac jugiter esse ad A spirituales ascensus parati, et Deo reverenter adistere, humiliter subiei, totaliter mancipari; ipsum quoque in tali fervore affectuosissime exorare pro communi bono Ecclesiae, pro pace et unione, pro vivis ac mortuis, pro parentibus, propinquis, commissis, benefactoribus, pro afflictis, tentatis, ac omnibus in periculo constitutis. Amplius docet nos hujus scriptura capituli, semper ad Deum confugere, ejus praesentiam gratiosam, piissimumque ducatum incessabiliter affectare ac B postulare in omni via praesentis exilii, spiritualibus atrocissimis hostibus pleni, innumerabilibus verae salutis obstaculis circumdati, gravissimis periculis adimpleti: sicque de nostris viribus nunquam praesumere, sed toto cordis annisu in Deo semper confidere. Sic ergo et hoc specialiter deprecemur, ut non educat nos de loco isto, de corpore carceris hujus, si non ipsemet voluerit nos ad protegendum praecedere, nosque salvare. Consideremus de-

num ex isto capitulo, quantum complacent Deo sobrietas, abstinencia, atque jejunium, quando et Moyses vice repetita, quadraginta jejunavit diebus Decalogum accepturus. Ideo sobrietati et jejniis simus intenti, ut ita ad gratiae incrementa, ad illuminationes disponamur supernas.

Postremo, per lucem ac radios vultus Moysis, designantur veritates, mysteria, ac nobiles proprietates Scripturarum veteris Testamenti. Per velationem autem ipsius, difficultas et obscuritas intelligendi Scripturas easdem. Per disvelationem vero vultus Moysis, illuminatio Spiritus Sancti, per quam Christus apernit nobis sensum ad intelligendum illas Scripturas. Per cornua autem vultus Moysis, fortia argumenta ex lege et Prophetis accepta, quibus armamus nos ad disputandum contra execratos Judaeos, ac ceteros sanae doctrinae ac fidei aemulos. De hoc velamine, vultusque Moysis gloria et splendore, loquitur Apostolus ad Corinthios.

Luc. xxiv, 45.

II Cor. iii, 13.

## ARTICULUS LXVI

DECLARATIO CAPITULI TRICESIMI QUINTI: IGITUR CONGREGATA OMNI TURBA FILIORUM ISRAEL.

QUEMADMODUM homilia tertiadecima C super Exodum loquitur Origenes, frequenter in Exodi libro eadem repetuntur, praesertim descriptio templi. Dicitur namque, et quum Deus praecipit Moysi, qualiter fieri debeat; et iterum, quum Moyses praecipit populo, ut offerat materias operi construendo, ut in isto capitulo. Postmodum quoque enumerantur singula, quum per Beseleel ac ceteros viros prudentes fabricantur; et iterum, dum ad conspectum Moysis deferuntur; rursumque, dum juxta Dei imperium dedicantur. Imo et postea in aliis libris ac locis fit commemoratio horum, et idem saepe repetitur, dum ne-

cessario commonetur. Itaque nunc incipit Moyses recitare, qualiter executioni mandata sunt quae Dominus jussu fecerat fieri.

*Igitur congregata omni turba filiorum Israel, dixit ad eos: Haec sunt quae jussit Dominus fieri. Sex diebus, scilicet ferilibus, facietis opus; septimus dies erit vobis sanctus, id est divino cultui specialiter deputatus, sabbatum et requies Domini. Qui fecerit opus in eo, occidetur. Non succendetis ignem in omnibus habitaculis vestris per diem sabbati.* Hoc loco resumat tantummodo praecipulum de celebritate sabbati, ne filii Israel putarent se in sabbato posse licite exercere, quae ad taberna-

culi ac consimilium spectant constructio-  
nem. Deinde repetitur, quod vicesimo  
quinto capitulo jussum est de materiis of-  
ferendis pro sanctuario ac ceteris, quæ  
Dominus jusserat fabricari. *Et ait Moyses*  
*ad omnem catervam filiorum Israel: Iste*  
*est sermo quem præcepit Dominus: Sepa-*  
*rate apud vos primitias Domino: id est,*  
unusquisque vestrum præcipua aliqua de  
rebus eligat et assumat, ac apud se ponat,  
ad offerendum ea Domino pro ædificatione  
tabernaculi et rerum ad illud spectantium.  
sicut subjungitur. *Omnis voluntarius et*

II Cor. ix, 7. *prono animo offerat eas Domino.* Hilarem

quippe datorem diligit Deus, cui coacta  
non placent obsequia: imo cui opera bona  
tanto plus placent, quanto ex promptiori  
ferventiorique corde procedunt. *Aurum et*  
*argentum, etc., quæ omnia vicesimo quin-*  
*to capitulo exstant elucidata. Vestimenta*  
*quorum usus est in ministerio sanctuarii,*  
id est, vestes sacras quibus ministri taber-  
naculi in divino utentur obsequio, scilicet  
vestes Aaron pontificis ac filiorum ejus,  
quibus in sacrificiis ceterisque divinis in-  
duentur ac potentiuntur: has, inquam, arti-  
fices faciant.

*Egressaque omnis multitudo filiorum*  
*Israel de conspectu Moysis, obtulit mente*  
*promptissima atque devota primitias Do-*  
*mino, ad faciendum opus tabernaculi te-*  
*stimoni, id est dona præcipua, et dex-*  
*tralia, id est ornamenta dextrorum seu*  
*brachiorum dextrorum prope manum. Om-*  
*ne vas aureum, in donarium Domini se-*  
*paratum est, id est, præcipua vasa aurea*  
filiorum Israel, ab eisdem sunt ab aliis  
viliioribus vasis sequestrata, et collocata  
inter ea, quæ oblata sunt Domino ad usum  
præfatum. *Sed et mulieres doctæ in arti-*  
*ficiis sibi congruentibus, dederunt quæ*  
*neverant, id est, Domino obtulerunt ea*  
quæ filaverant, *hyacinthum, sicut exposi-*  
*tum est, vermiculum, id est coccum. Si*

quidem vermiculus, coccus et coccinum,  
quasi pro eodem sumuntur. Nam quod hic  
nomine vermientis, hoc vicesimo quinto ca-  
pitulo nomine cocci significatur. *Cuncti*  
*filii Israel, id est quidam de universis,*  
ut sit distributio pro generibus singulo-  
rum, *voluntaria Domino dedicaverunt, id*  
est, munera sua a se sponte oblata, conse-  
craverunt ad gloriam Dei pro ædificatione  
tabernaculi, attinentiarumque ejus, *ut fie-*  
*rent opera Domini quæ jusserat Dominus*  
*per manum Moysis, id est, quæ Deus per*  
ministerium Moysis præcepit et insinuavit  
Judæis.

*Dixitque Moyses ad filios Israel: Ecce*  
*vocavit Dominus ex nomine Beseleel, etc.*  
*Ooliab quoque, etc.* Totum istud tricesimo  
primo capitulo habitum est atque exposi-  
tum. *Ambos eruditavit sapientia, ut faciant*  
*opera abietarii, id est ea quæ fieri solent*  
a carpentariis. Porro abietarius proprie  
dicitur, qui operatur de ligno abiete. Com-  
munius vero accipitur pro artifice ope-  
rante de ligno quocumque: et ita nunc  
sumitur, quoniam in textu describente  
constructionem tabernaculi non fit mentio  
de lignis abietum, sed setim. Cetera præ-  
tactis locis exposita sunt.

Et sicut literalis, ita spiritualis exposi-  
tio hujus capituli patet ex præinductis. Ve-  
rumtamen multa dicuntur in Glossa de  
spirituali hujus capituli intelligentia ex  
homilia Origenis, qui inter cetera ait: No-  
stis qui divinis mysteriis interesse con-  
suevistis, quomodo quum suscepistis cor-  
pus Domini, cum omni cautela et diligentia  
illud servastis, ne ex eo parum quid de-  
cidat. Si enim quid decidat, reos vos cre-  
ditis. Quomodo ergo putatis minoris pia-  
culi esse, verbum Dei negligere, quam corpus  
ipsius? Ex quo Origenis eloquio sumptum  
puto quod asserit Augustinus: Non minoris  
est eriminis verbum Dei contemnere, quam  
corpus Christi in lutum projicere.

Exod.  
xxvi, 2.

Exod. xxxv,  
3 et seq.

Ibid. 1.



## ARTICULUS LXVII

DECLARATIO CAPITULI TRICESIMI SEXTI : FECIT ERGO BESELEEL.

**H**IC particularius describitur executio A operum. *Fecit ergo Beseleel et Ooliab et omnis vir sapiens, etc., quæ in usus sanctuarii necessaria sunt, id est vasa et utensilia tabernaculi, et quæ præcepit Dominus fieri, id est reliqua quæ fieri jussit, sicut et ista. Quumque vocasset eos Moyses, et omnem virum eruditum cui dederat Dominus sapientiam, et qui sponte obtulerant sua\* ad faciendum opus, tradidit eis universa donaria, id est sponte oblata, filiorum Israel. Qui quum instarent operi, quotidie mane vota populus* B *offerebat, id est, quolibet mane obtulerunt quæ desideraverunt ac promiserunt offerre. Et bene obtulerunt mane, quando ad devotionem aptior mens est. Unde artifices venire compulsi, id est vehementer excitati, dixerunt Moysi : Plus offert populus quam necessarium est ad faciendum quæ fieri jussa sunt. Jussit ergo Moyses præconis voce cantari, id est, quemdam tanquam præconem fecit alte clamare :*

*Nec vir nec mulier quidquam ultra offerat in opere sanctuarii, id est ad faciendum sanctuarium, et quæ spectant ad illud. Sicque cessatum est a muneribus offerendis, eo quod oblata sufficerent.*

*Feceruntque omnes corde sapientes ad explendum opus tabernaculi. Quæ hic habentur, supra in capitulo vicesimo sexto exposita sunt et conscripta. Fecit quoque vectem alium, qui per medias tabulas ab angulo usque ad angulum perreniret. De hoc vecte non videtur mentio superius facta, eratque in facie tabernaculi orientali, et capita ejus erant inserta duarum capitibus tabellarum existentium juxta tabernaculi ingressum. Per quas, id est per quarum spissitudinem, vectis iste transivit, ab angulo qui conjunxit orientalem et aquilonarem sanctuarii partes, usque ad angulum copulantem partes sanctuarii seu tabernaculi orientalem atque australem. Reliqua vicesimo sexto capitulo exposita sunt plenius.*

## ARTICULUS LXVIII

EXPOSITIO CAPITULI TRICESIMI SEPTIMI : FECIT AUTEM BESELEEL ET ARGAM.

**I**N isto capitulo describitur qualiter facta C sint ea, quæ erant in tabernaculo, tam ea quæ erant intra Sancta sanctorum, quam illa quæ continebantur in exteriori tabernaculi parte, quæ dicebatur Sanctum vel Sancta. *Fecit autem Beseleel et arcam de lignis setim. Istud vicesimo quinto capitulo expositum est. Fecit et propitiatorium.*

Hoc eodem capitulo habetur expositum. Sequitur de productione mensæ atque candelabri ac lucernarum seu lampadarum et vasorum quorundam : de quibus omnibus eodem vicesimo quinto capitulo habitum est. Postremo additur de formatione altaris thymiamatis, quod fuit in Sancto, et de compositione olei unctionis ac thy-

miamatis : de quibus omnibus expositio A nec in istis capitulis aliud continetur, nisi si historia, qualiter per artifices factum sit, quod in illis capitulis Dominus fieri iussit.

## ARTICULUS LXIX

EXPOSITIO CAPITULI TRICESIMI OCTAVI : FECIT ET ALTARE HOLOCAUSTI.

**F**ECIT et altare holocausti. In isto reci- B cellens magister ad operandum artificiose  
tatur capitulo, qualiter facta sint altare ex lignis, et polymitaris, id est operans  
holocausti et vasa ipsius, et labrum æneum, vario opere et guttato, et plumarius, ope-  
ac atrium, cum attinentiis suis : quæ omnia raudo cum acu. Nomina hæc supra clarius  
vicesimo septimo capitulo explanata fuerunt exposita.  
sunt, et omnia ista erant extra sanctua- Deinde exprimitur quantitas auri oblati  
rium juxta illud. *Hæc sunt instrumen- et expensi pro opere, ornatu, et attinentiis  
ta tabernaculi testimonii, quæ enumerata tabernaculi. Onus aurum quod expensum  
sunt juxta præceptum Moysis in caerimo- est in opere sanctuarii, et quod oblatum  
niis Levitarum per manum Ithamar filii est in donariis, id est inter dona, a filiis  
Aaron sacerdotis. Ithamar fuit junior fi- Israel sponte oblata, viginti et novem ta-  
lius ipsius Aaron. Itaque Ithamar, secun- lentorum fuit, et septingentorum triginta  
dum quod Moyses iussit, numeravit et assi- C sictorum ad mensuram sanctuarii. De si-  
gnavit instrumenta tabernaculi testimonii clo et ejus valore seu pondere, atque de  
expressa in textu, quæ sunt tentoria et sielo sanctuarii, et distinctione ejus ab alio  
columnæ ac bases earum, et calami et cor- sielo, dictum est in tricesimi expositione  
tinæ, quæ in processu et mutatione loco- capituli. *Fuerunt præterea centum talenta  
rum portabantur a Levitis, prout eorum argenti, ex quibus conflatae sunt bases san-  
caerimoniae exigebant, atque in libro Nu- ctuarii, et introitus ubi velum pendet. Tex-  
merorum plene describitur. Quæ fecit Be- tus difficultatem non habet, et si qua in  
seleel, juncto sibi socio Ooliab, qui et ipse eo obscuritas in sensu aut verbis est, ex  
artifex lignorum egregius fuit, id est ex præinductis clarescit.**

## ARTICULUS LXX

EXPOSITIO CAPITULI TRICESIMI NONI : DE HYACINTHO VERO ET PURPURA.

**P**RESENS capitulum non aliud est, quam D capitulo fieri Deus præcepit. Aliqua tamen  
recitatio qualiter per artifices, præser- hic adduntur. Nam dicitur : *Incidiſſetque  
tim per Beseleel, factæ sint vestes pontifi- bracteus. Bractea appellatur frustum auri  
cis ac sacerdotum, quas vicesimo octavo alteriusve metalli extensum. Itaque incidit*

braeteas, hoc est laminas aureas tenues, et A  
extenuavit in fila. Fecit enim fila ex eis  
per subtiliationem materie; ideo subditur,  
ut possent torqueri cum priorum colorum  
subtegmine, id est cum filis sub stamine  
textis. Subtegmē enim vocatur filum quod  
sub stamine textitur. *Fecerunt et mitras*  
*cum coronulis suis*, hoc est circulis par-  
vis, qui fuisse leguntur in parte inferiori  
mitrarum illarum.

*Feceruntque filii Israel cuncta quæ præ-*  
*ceperat Dominus Moysi*, id est præfata or-  
namenta, et cetera jam prædicta in capitu- B  
lis præinductis: quæ artificiatā Dominus  
per Moysen fieri jussit, ita quod Moyses

ex Dei commissione ac jussu præcepit ea  
per artifices fieri. *Et obtulerunt taberna-*  
*culum et tectum et universam suppellecti-*  
*lem*, scilicet annulos, tabulas, veles, id  
est omnia ista et cetera in textu expres-  
sa, præsentaverunt Moysi jam completa,  
imo ad Dei honorem formata. Deo quoque  
eadem offerebant, quasi exsecutioni man-  
data juxta ipsius imperium, et ordinata  
ad ipsius obsequium. *Quæ postquam Moy-*  
*ses cuncta vidit expleta, benedixit eis*, id  
est, filiis Israel imprecatus est bona, et  
eos laudavit, tanquam obedientiariorum Dei  
in exsecutione istorum juxta Dei præ-  
cepta.

## ARTICULUS LXXI

ELUCIDATIO CAPITULI QUADRAGESIMI: LOCUTUSQUE EST DOMINUS AD MOYSEN,  
Dicens: MENSE PRIMO.

NUNC refert Scriptura, qualiter erecta, C  
situata, atque disposita sint, quæ in  
præcedentibus capitulis facta leguntur. *Lo-*  
*cutusque est Dominus ad Moysen, dicens:*  
*Mense primo, prima die mensis:* quod  
intelligendum est de primo mense anni  
secundi ab egressione Israel ex Ægypto:  
*eriges*, id est, per alios facies elevari, ta-  
bernaculum testimonii, et pones in eo ar-  
cam: quæ posita est in interiori et sacra-  
tiori parte tabernaculi, scilicet intra Sancta  
sanctorum; *dimittesque ante illam velum.*  
*Et illata mensa*, quæ in exteriori parte D  
tabernaculi posita est, *pones super eam*  
*quæ rite præcepta sunt*, id est, quæ legiti-  
me jussi super eam locari, videlicet panes  
propositionis, sicut in expositione vicesimi  
quinti capituli patuit. *Candelabrum stabit*  
*cum lucernis suis*, hoc est cum lampadibus  
stantibus in summitatibus stipitis cande-  
labri calamorumque ejus; *et altare au-*  
*reum*, id est altare thymiamatis seu incen-  
si, in quo adoletur incensum, id est, in

quo thymiaia crematur, *coram arca te-*  
*stimonii*: id est, hæc stabunt in exteriori  
parte tabernaculi ex opposito arcæ, quæ  
erit in parte tabernaculi interiori. De his,  
quoniam sæpe præhabita sunt, transeo.

*Tentorium*, id est velum, *in introitu ta-*  
*bernaculi testimonii pones*: velum nam-  
que pendeat inter tabernaculum et atrium  
in introitu tabernaculi; *et ante illud altare*  
*holocausti*, quod fuit in atrio: sicque ve-  
lum pendeat inter tabernaculum et istud  
altare, atque per consequens hoc altare  
fuit ante tentorium illud seu velum. *La-*  
*brum inter altare et tabernaculum*, quod  
*implebis aqua*. Labrum quippe erectum et  
situm est inter altare holocausti, quod fuit  
extra tabernaculum, et inter tabernaculum  
ipsum. *Circumdabisque atrium tentoriis*,  
id est, ex utroque latere atrii vela expan-  
des, *et ingressum ejus*, id est, ante introi-  
tum atrii pones velum.

*Posuit et testimonium in arca*. Per te-  
stimonium hoc loco non intelligitur liber



legis Moysis, sed tabulæ testamenti, quæ A datae erant cum suis præceptis in testificationem pacti seu fœderis pacis et dilectionis inter Deum et Israeliticum populum. *Subditis infra vectibus*, id est vectibus infra arcam subjectis et connexis ad deferendum arcam tempore opportuno, ut in vicesimi quinti capituli elucidatione clauit. *Et oraculum desuper*, id est, super arcam posuit propitiatorium. *Posuit et mensam in tabernaculo testimonii ad plagam septentrionalem extra velum, ordinatis coram propositionis panibus*, id est, mensam in tabernaculi parte exteriori constituit, panibus propositionis positis coram, id est evidenter et ordinate super mensam locatis. *Posuit et candelabrum in tabernaculo testimonii e regione mensæ, locatis per ordinationem lucernis*. *Posuit et altare aureum sub tecto testimonii*, id est tabernaculi, quod vocabatur tabernaculum testimonii ob causam frequenter præhabitam; *contra velum*, id est extra et circa velum illud, quod fuit expansum inter Sancta sanctorum et inter Sancta, hoc est inter partem tabernaculi interiorem et exteriorem juxta sæpe præhabita. *Et adolevit super eo incensum aromaticum*, id est, super altare hoc aureum Moyses obtulit et cremavit thymiana ex aromatibus factum. Moyses quippe sacerdotali fungebatur officio secundum dispositionem divinam, præsertim usque ad ipsius Aaron consecrationem. Propter quod ait Psalmista : Moyses et Aaron in sacerdotibus ejus. *Posuit et tentorium in introitu tabernaculi testimonii, et altare holocausti posuit in vestibulo testimonii*, id est in atrio tabernaculi, sicut nunc tactum est, et supra præhabitum. *Erexit et atrium per gyrum tabernaculi et altaris*, id est cortinas atque columnas ex utroque latere atrium ipsum claudentes circa tabernaculum et altare incensi; *ducto in introitu ejus tentorio*, id est velo tracto seu expanso ante introitum atrii.

\* omnia

*Postquam cuncta \* perfecta sunt*, id est, statim ut omnia ista disposita et locata sunt, *operuit nubes tabernaculum testimo-*

*nii*. Per quod Deus monstravit, quam acceptum sibi fuit opus hoc, et cuncta ad ipsum spectantia. *Et gloria Domini implevit illud*, id est, præclarus Dei effectus implevit tabernaculum, utpote nubes illa ejus una pars operuit tabernaculum, et alia pars ejus illud implevit. *Nec poterat Moyses ingredi tectum fœderis*, id est ipsum tabernaculum per introitum ejus, ita ut staret sub tabernaculi tecto. In quo tabernaculo iniit Dominus fœdus cum Israel, verba fœderis loquendo ad Moysen.

B *Nube operiente omnia*, id est propter hoc, quod nubes totum tabernaculum textit, et per introitum ejus tabernaculum ipsum intravit ac implevit, ita quod Moysi non patuit aptus ingressus, aut in tabernaculo locus; *et majestate Domini coruscante*, id est, magna et infinita Dei potestate se ipsam clare ostendente per istum effectum.

Circa hæc scribit quidam : Non poterat Moyses ingredi propter reverentiam divinæ præsentiae. Cujus simile habetur tertio Regum libro, in quo dicitur : Non poterant

III Reg. viii, 11.

sacerdotes stare et ministrare propter nebulam : non quia nebula obscuraret eorum adspectum, sed quia erat divinæ præsentiae signum. Unde subjungitur ibi : Impleverat enim gloria Domini domum Domini. In his verbis aliqua continentur, quæ non videntur apte inducta. Primum est, quod ait, Non poterat Moyses ingredi propter reverentiam divinæ præsentiae. Moyses namque interdum ingressus est cacumen montis Sinai, in quo Deus suam demonstravit præsentiam per præclariores et plures ac

D eminentiores effectus, quam fuit iste effectus, quemadmodum nonodecimo et vicecimo capitulis patuit. Siquidem in vertice montis Sinai appaernerunt voces et lampades, et sonitus buccinæ, et ingens ignis ac fumus, quasi de fornace erumpens, quæ omnia erant divinæ signa præsentiae; quibus non obstantibus, Moyses intravit in altitudinem montis, et loquebatur familiariter ibi cum Deo tempore longo. Secundum est, quod ait nebulam non obscurasse sacerdotum adspectum. Siquidem pro eo

Exod. xx, 18; xix, 18-20.

quod tertio Regum praeallegata verba ha-  
bentur, in libro Paralipomenon asseritur :  
II Par. v. 3. Implebatur domus nube, ita ut non pos-  
sent sacerdotes stare et ministrare propter  
caliginem. Unde in eodem libro subditur :  
Ibid. vi. 1. Tunc Salomon ait : Dominus pollicitus est  
ut habitaret in caligine. Tertio, inepte ap-  
plicat ad probandum propositum verba  
illa. Impleverat enim gloria Domini do-  
mum Domini : quia per gloriam Domini  
intelligitur ibi, sicut et hic, praefatus Dei  
gloriosus effectus, videlicet nubes.

Hinc in Scholastica historia dicitur, quod  
nubem in tabernaculo Moysi apparentem,  
visus non pertransivit. Verumtamen do-  
ctores quidam catholici dicunt, quod nub-  
es in templo Salomonis apparens, et ista  
in tabernaculo Moysis ac supra illud exi-  
stens, non erat tenebrosa aut procellosa,  
sed temperata ac fulgida, obumbrans atque  
reverberans facies sacerdotum, ita quod  
se invicem videre nequibant, nec mini-  
strare, sique diceretur caligo propter abun-  
dantiam suae lucis. Verumtamen quidquid  
sit de nube, quae in templo apparuit Salo-  
monis, de ista nube tenendum censetur,  
quod ad minus habuit in aliqua sui parte  
densitatem atque caliginem quamdam :  
sicut et ignis qui in vertice montis Sinai  
Exod. xix. 18. apparebat, erat fumosus pro parte, in tan-  
tum, quod fumus quasi ex fornace ascen-  
dit ex eo, ut patuit. Et tamen dato, quod  
utraq; nubes fuerit tota valde elara ac

lucida, tamen ex dictis catholicorum do-  
ctorum jam allegatorum habetur, quod  
nubes illa sub Salomone, obscuravit et re-  
percussit sacerdotum adspectum, ita quod  
ob illam visus sui repercussionem, nequi-  
bant se invicem intueri ac ministrare.

*Si quando nubes tabernaculum desere-  
bat*, id est, quando nubes recessit a taber-  
naculo procedens ulterius, *proficiscebantur  
filii Israel per turmas suas*, id est, castra  
moverunt, et sequebantur nubis ducatum,  
quam angelus movit. *Si pendebat desuper*,  
*manebant in eodem loco*, id est, quando  
nubes mansit in aere pendens aut super  
tabernaculum fixa, filii Israel quiescebant  
ibidem, quousque nubes processit. *Nubes  
quippe Domini incubabat per diem taber-  
naculo*. Nam et quando movebatur in ae-  
re, incubabat tabernaculo, imo et toti po-  
pulo per gyrum tabernaculi gradienti, ad  
praestandum eis refrigerium contra solis  
fervorem. *Et ignis in nocte*, id est, colum-  
na ignis, seu eadem nubes, ex una parte  
lucens ut ignis, incubabat tabernaculo ac  
populo nocturnis temporibus pro solatio  
lucis et ostensione itineris, si opus existi-  
terat. *Videntibus cunctis populis Israel per  
mansiones suas*, id est, duodecim tribubus  
Israel istud conspicientibus visu exteriori  
in suis tentoriis, profectionumque locis.  
Ad laudem et gloriam Omnipotentis, qui  
est super omnia Deus sublimis et benedi-  
ctus. Amen.





ENARRATIO  
IN LEVITICUM



## PROLOGUS

---

**H**ONORA Dominum de tua substantia, et de primitiis frugum tuarum; et implebuntur horrea tua saturitate, et vino torcularia tua redundabunt. Prov. m, 9, 10.

In his verbis duo tanguntur in generali, quatuor vero in speciali. Primo namque in generali tangitur in eis exhortatio, imo et jussio ad honorificentiam majestatis divinae, per ejus effectus et dona, quum dicitur: Honora Dominum de tua substantia, et de primitiis frugum tuarum. Secundo, venerationis illius merces, quum subditur: Et implebuntur horrea tua saturitate.

Quamvis autem Creator omnipotens et excelsus, per suos effectus et dona multipliciter honoretur, videlicet per eleemosynarum largitionem, per piam mutationem, atque per omnem virtuosum usum illorum: in præinducta tamen auctoritate fit specialiter ad litteram jussio et exhortatio de oblationibus Deo fiendis, secundum legis tenorem, ad Dei honorem. Sicque in primo generali, tanguntur duo in speciali. Primum est, ut Deus honoretur per oblationes quæ fiebant de pecoribus, quæ per substantiam designantur, quoniam pecora erant præcipuæ antiquorum divitiæ, prout primo de Doctrina christiana Augustinus testatur. Secundum est, ut Deus honoretur oblationibus, quæ de terræ nascentibus (juxta legem) fiebant. Unde subjunctum est: Et de primitiis frugum tuarum.

In secundo quoque generali, duo in speciali tanguntur. Primum est, quod pro mercede oblationum, horrea fideliter offerentis implebuntur saturitate, hoc est saturitatis seu sufficientis refectionis materia, videlicet fructibus terræ. Secundum est, quod torcularia quoque abundabunt fructu uvarum, seu vino exprimendo ibidem. Per quæ duo, ceterarum etiam rerum domesticarum exuberantia denotatur. Nempe decimarum et oblationum persolutio prompta ac debita, multipliciter etiam in præsentem remuneratur a Domino. Propter quod per Malaichiam loquitur Deus: Inferte omnem decimam in horreum meum, et sit cibus in domo mea; et probate me super hoc, si non aperuero vobis cataractas cæli, et effundero vobis benedictionem usque ad abundantiam. Porro in veteri Testamento, temporalium rerum abundantia atque prosperitas, longitudoque vitæ præsentis, pro præmio actuum virtuosorum promittebantur a Domino, non autem spiritualia et bona futura aperte: quæ tamen implicite dabantur intelligi in temporalibus illis, quoniam temporalia illa nequaquam esse valebant merces sufficiens et condigna observantiæ legis divinae, et virtuosorum ac spiritualium actuum ex fide et caritate manantium.

Præterea, quamvis in præcedenti libro, videlicet Exodo, de sacrificiis et oblationibus multa sint dicta, præsertim a vicesimo capitulo et deinceps: nihilo minus in volumine isto nunc exponendo, de eisdem specialius diffusiusque tractatur, quemadmodum in processu hujus operis ostendetur.

*Malach.*  
m, 10.





# ENARRATIO IN LEVITICUM

## VAICRA HEBRAICE

IN QUO DE RITU AGITUR HOLOCAUSTORUM,  
DE SACRIFICIIS ET HOSTIIS OFFERENDIS, DE LEPRO, DE VARIIS SCCLERIBUS  
MORTE PUNIENDIS, ET DE ORDINE ET MINISTERIO LEVITARUM.

### ARTICULUS PRIMUS

DE TRIPPLICIBUS VETERIS TESTAMENTI PRÆCEPTIS : ET QUALITER CERIMONIALIA DIVIDANTUR  
IN SACHA, ET SACRAMENTA, AC SACRIFICIA, ATQUE IN OBSERVANTIAS.

**Q**UEMADMODUM super tertium Sen-  
tentiarum Alexander de Hales docet  
diffuse, in veteri Testamento erant præcep-  
ta triplicia, puta moralia, et cærimonialia,  
ac judicialia. Præcepta moralia erant,  
quæ immediate dabantur de actibus justitiæ  
ac virtutum, prout et ratio naturalis  
dictavit. Sicque Decalogus, hoc est decem  
præcepta in duabus tabulis scripta, vocan-  
tur moralia, quæ et de naturalis rationis  
dictamine esse dicuntur, prout super Exo-  
dum est plenius dictum. Sed et alia præ-  
cepta quæ reducuntur ad ea, et ex eis quæ  
sequuntur, moralia nominantur. Præcepta  
vero cærimonialia, erant speciales institu-  
tiones ac jussiones divinæ per Moysen da-  
tæ, de modo colendi verum Deum, quan-  
tum ad actus exteriores, quæ in tribus  
primis præceptis moralibus, cultum Dei  
concernentibus, præsertim in primo, im-  
plicitè ac virtualiter includebantur. At vero  
præcepta judicialia, fuerunt specialia Dei  
statuta ac jussa, per Moysen data, de modo

*Exod. xx.*

*Ibid. xxi.  
et seq.*

A servandi justitiam atque pacificam con-  
versationem inter fideles, per relationem  
et ordinationem eorum ad Deum ac ulti-  
mum finem seu veram felicitatem. Et ista  
præcepta virtualiter ac implicitè compre-  
hendebantur in septem præceptis morali-  
bus, modum servandi justitiam inter pro-  
ximos respicientibus.

Hinc in prima secundæ, quæstione 101,  
loquitur Thomas : Præcepta cærimonialia  
determinant præcepta moralia in ordine  
ad Deum, sicut judicialia determinant præ-  
cepta moralia in ordine ad proximum. Rur-  
sus in eadem Summa, quæstione 99, ait :  
Lex divina principaliter instituitur ad or-  
dinandum homines in Deum : lex autem  
humana principaliter ad ordinandum ho-  
mines ad invicem. Lex quoque divina or-  
dinat homines ad invicem, secundum quod  
competit ordinationi eorum in Deum. Or-  
dinatur autem homo in Deum, non solum  
per interiores actus mentis, qui sunt ere-  
dere, sperare et amare, sed etiam per

quædam opera exteriora, per quæ servitu- A tem proficitur divinam. Ista quoque opera ad cultum Dei pertinere dicuntur : qui cultus dicitur cærimonia quasi munera, id est dona Cereris, quæ (ut aliqui dicunt) exstitit dea frugum, eo quod primo ex frugibus oblationes Deo offerebantur. Vel, ut Valerius Maximus refert, nomen cærimoniæ introductum est ad significandum cultum divinum apud Latinos, a quodam oppido juxta Romam, quod Cære vocabatur, eo quod Roma a Gallis capta, illuc sacra Romanorum allata sunt, et reverentissime B habita.

Insuper in prima secundæ, quæstione 101. Thomas affirmat : Cærimonialia præcepta ordinantur ad Dei cultum exterioriorem : in quo cultu considerari possunt et ipse actus colendi, et ipsi colentes : sed et instrumenta cultus divini. Cultus vero

specialiter consistit in sacrificiis, quæ ad Dei reverentiam offeruntur. Instrumenta autem colendi, pertinent ad sacra, et sacra vocantur, ut tabernaculum, templum, vasa et consimilia. Porro ex parte colentium duo possunt pensari. Primum est, institutio eorum ad cultum divinum, quæ fit per quamdam consecrationem ministrorum aut populi : et ad hoc pertinent sacramenta. Secundum est, eorum conversatio singularis, per quam distinguuntur ab aliis qui Deum non colunt : atque ad hoc pertinent observantiæ in cibis ac potibus.

Denique de præceptis cærimonialibus specialiter in isto libro tractatur, de præceptis vero judicialibus in sequenti. Tamen et in isto libro aliqua judicialia, et in sequenti, scilicet libro Numerorum, quædam cærimonialia continentur.

## ARTICULUS II

CUR DEUS VOLUERIT SIBI ANIMALIA SACRIFICARI, SEU PER EORUM OCCISIONEM OFFERRI.

**L**IBRO de Fide et legibus loquitur Guil- C lelmus Parisiensis : Merito quaeritur, quare sacrificia sibi offerri voluit Deus, cui ei placuit mactatio animalium innocentium. Nihil enim suavitatis per se habebant cadavera animalium occisorum, nihil utilitatis continere videbatur illa animalium carnificina, sed solum laborem, horrorem et offerentium ministrorum iniquationem. Præterea quid justitiæ habet, ut quum homines peccent, pro eorum peccatis sola animalia etiam innocentissima occidantur?

Ad hæc doctor præfatus respondet : Septem de causis ante legem et sub lege voluit sibi Deus sacrificia talia immolari, non solum propter consuetudinem idololatriæ removendam, ut aliqui opinati sunt, quia hæc causa in Abel et Cain non habuit lo-

eum. Prima ergo et præcipua causa fuit, honorificentia seu veneratio Dei. Omnis etenim cultus est honorificus Deo, quo cultu ipse vult sibi servire. Propterea quoque voluit sibi ædificari altare, quia altare secundum unum modum est honoris titulus et memoriale insigne. Talibus ergo muneribus honorabatur Deus, non pretiositate ipsorum, sed electione, institutione et acceptione ipsorum ex parte sui ; obedientia vero et devotione offerentium ex parte ipsorum. Sicque hæc quinque honorifica efficiebant sacrificia illa, videlicet quod Deus ea elegit, instituit, et acceperat, et quod obedienter ac devote offerebantur. Non enim coli voluit Deus, neque colendus est humanis adinventionibus, sed sua electione institutis. Ipse equidem melius novit quod et quale servitium sibi



magis complacere. Hinc in Isaia conqueritur de quibusdam: Coluerunt me mandato hominum et doctrinis.

Secunda causa fuit, fortis vehemensque impressio justitiæ et misericordiæ Dei, quam hujusmodi sacrificia faciebant. Nam eo ipso quod homines hujusmodi animalia offerebant ac morti tradebant, se ipsos morte dignos monstrabant, et Deum eos juste posse occidere fatebantur, si secundum eorum demerita faceret eis. Porro in hoc, quod mors eis debita, morte animalium commutabatur, misericordiam Dei recognoscebant. Et talis immolatio, fortius intimiusque impressit et expressit rememorationem divinæ justitiæ et misericordiæ, quam sermo dumtaxat. Nihil quoque salubrius poterat fieri hominibus, quam vivax memoria et cogitatio tenax divinæ severitatis ac pietatis, quatenus timore fugerent mala, et spe bona Deo placita sectarentur. Quod si quis dixerit, quod multa sacrificia erant quæ non offerebantur pro culpis, ut hostiæ pacificæ et aliqua holocausta: respondemus, quod hæc omnia redibant in idem. Pacifica quippe sacrificia sunt, quæ pro pace obtinenda offerebantur. Bellum autem non solum rerum periculum est, sed etiam mortis. Salutaria vero, pro salute obtinenda immolabantur. Ubi autem salus petitur, manifestum est mortis periculum imminere. Sacrificia quoque laudis fiebant, vel pro liberatione a malis jam facta, vel pro largitione bonorum collata. Et ita in offerentium cordibus semper locum habet cogitatio ista: Mors nobis imminet, sicut nunc animalibus istis.

Tertia causa fuit, recognitio beneficiorum Dei. Unde de oblatis interdum sibi partem reservabant offerentes, ac recognoscebant, quod tam ea quæ offerebant, quam ea quæ sibi servabant, a Dei liberalitate susceperant. — Quarta causa fuit, offerentium sacrificatio, quoniam per sacrificia expiabantur, et a peccatorum contaminationibus emundabantur, faciente hoc Dei virtute et misericordia. — Quinta

A causa fuit, familiaritas et appropinquatio ad Deum. Oblatio enim munus et participatio sacræ mensæ, multam præstant fiduciam appropinquandi Deo, et † efficiendi de ejus familia. Commensalitas nempe, tanquam præcipua quædam communio post communionem causarum essendi, quæ sunt Pater et Filius, valde effectiva est familiaritatis. Propter quod quum Deus non posset offerentibus comedendo communicare, mittebat interdum ignem de cælo, qui quasi vice sua comedeat oblatum. — Sexta causa fuit, adunatio seu unio quædam populi Dei, ut scilicet una domus et una familia fieret ex multis personis. Unam etenim domum, et unam familiam ad litteram maxime facit communio victualium. Sic et unam familiam spirituales, unamque domum maxime facit communicatio ciborum ac potuum spiritualium, id est consecratorum, in quibus spiritualis refectio potissimum quæritur.

Septima causa fuit, attractio hominum ad Dei cultum. Nihil enim plus aggregat et convenire facit homines ad unum locum sive negotium, quam cibus et potus. Unde et confraternitates statuit Ecclesia, ubi præparatur corporalis refectio: quæ si deesset, nulli aut paucissimi convenirent. Voluit ergo sapientissimus ac misericordissimus Deus, ut in domo sua, id est tabernaculo et altari, esset communicatio cibi corporalis ac potus, quatenus communitas populi sui per hoc illuc attraheretur, et adstrictius moraretur. Voluit quoque talia sibi esse sanctificata, ut populus sumeret ea non tanquam bona propria, sed tanquam Dei dona: nec tanquam communia alimenta, sed veluti quædam sacra, ut Deum agnosceret suum patremfamilias, a quo pasceretur: seque ad sanctorum communionem et participationem videns admissum, servaret se deinceps immaculatum a vitiis. Neque credendum est, sanctos et sapientes patres veteris Testamenti, sub lege, vel ante, absque orationibus, collaudationibus et benedictionibus sacrificia sua Deo altissimo obtulisse. Quis enim cre-

dat, cultum Dei orationibus et laudibus A unquam caruisse? Nec de his reliquerunt populum secum vescentem prorsus indotum. Quæ orationes et laudes si ad nos

pervenissent, causas et utilitates hujusmodi ritus evidenter nos docuissent. Hæc ex præfato doctore sint introducta, quatenus clarius intelligantur sequentia.

## ARTICULUS III

### DE MULTIPLI DISTINCTIONE SACRIFICIORUM LEGALIUM.

**P**RÆTEREA, ut clarius intelligantur, B quæ sparsim in libro isto de sacrificiis veteris Testamenti scribuntur, oportet scire, quod multiplicia erant sacrificia legis, quorum distinctio a diversis varie assignatur. Thomas equidem in prima secundæ, quæstione 102, testatur: Triplex erat sacrificiorum genus. Quoddam quod totum comburebatur, dicebaturque holocaustum quasi totum incensum. Hujusmodi enim sacrificium offerebatur Deo specialiter ad reverentiam majestatis ipsius, et ob amorem bonitatis ejus: per quod significabatur status evangelicæ legis in adimplerione consiliorum: ideo totum comburebatur, ut sicut totum animal resolutum in vaporem, sursum ascendit, sic totus homo et omnia quæ sunt ejus, Deo subjecta sint et ei offerantur. Aliud erat sacrificium pro peccato, quod offerebatur Deo pro remissione peccati: per quod significabatur status pœnitentium in satisfactione pro culpis. Quod sacrificium dividebatur in duas partes: nam una pars ejus comburebatur, alia vero eedebat in usum sacerdotum, ad designandum quod expiatio seu remissio peccatorum, a Deo fit per ministerium sacerdotum, nisi quando offerebatur sacrificium pro peccato totius populi, vel specialiter pro peccato sacerdotis: quia tunc totum comburebatur. Non enim debuit in usum eorum venire, quod pro eis specialiter aut generaliter offerebatur: quia si veniret, tantumdem esset ac si non offerretur pro eis. Tertium fuit sacrificium, quod pro

beneficio accepto vel accipiendo offerebatur, quod dicebatur hostia pacifica, vel gratiarum actionis, sive ex voto. Et per significationem convenit statui profectum in adimplerione mandatorum. Dividebatur quoque in tres partes: nam una pars incendebatur ad Dei honorem, alia pars eedebat in usum sacerdotum, tertia in usum offerentium, ad designandum quod salus hominis procedit a Deo per directionem ministrorum Dei, qui cooperantur hominibus ad salutem.

**C** Hæc S. Thomæ distinctio de sacrificiis, dari videtur penes respectum ad finem, hoc est juxta distinctionem causæ, propter quam sacrificium offerebatur. Unde et tertium sacrificii genus dividi potest in duo, ita quod unum erat pro beneficio jam concessio, et gratiarum actio pro eodem: aliud pro beneficio impetrando, seu adipiscenda salute. Hinc idem sanctus Doctor præallegata quæstione ordinem dignitatis sacrificiorum assignans: Inter omnia, inquit, sacrificia holocaustum fuit perfectissimum atque præcipuum, quoniam totum comburebatur ad Dei honorem, et nihil comedebatur ex eo. Porro secundum locum in sanctitate tenebat hostia pro peccato, quæ comedebatur solum in atrio a sacerdotibus, et ipso sacrificii die. Tertium gradum tenebant hostiæ pacificæ pro gratiarum actione, quæ comedebantur ipso die, sed ubique in Jerusalem. Quartum locum tenebant hostiæ pacificæ ex voto, quarum carnes poterant comedi die sequenti. Estque ratio

ordinis hujus, quia primo et maxime obligatur homo Deo propter bonitatem et majestatem ipsius; secundo, propter offensam in ipsum commissam; tertio, propter beneficia ejus suscepta; quarto, propter beneficia ejus sperata. Hæc Thomas.

Denique huic sacrificiorum divisioni satis concordat, quod Guillelmus Parisiensis, libro de Fide et legibus, dividit sacrificium in holocaustum, in oblationem pro peccato, in hostiam pacificam, et in hostiam salutarem. Magister autem in historiis scribit: Triplex erat distinctio eorum quæ rite offerebantur. Aut enim erat oblatio de animalibus: et sacrificium dicebatur, nec ante octavum diem a nativitate sua poterant immolari; aut fuit de sicca materia, ut de simila, pane, thure: et proprie dicebatur oblatio: aut de liquidis: quæ proprie dicebatur libamen sive libatio. Verumtamen Scriptura aliquando utitur istis nominibus indifferenter. Hæc autem sacrificiorum distinctio sumitur penes causam materiale. Unde et quidam sic dicunt: Quidquid offerebatur, aut animatum erat, aut inanimatum. Si animatum, aut erat avis, aut bestia: si avis, aut fuit columba, aut turtur; si bestia, aut erat bos, aut ovis,

aut capra. Si inanimatum, aut liquidum fuit, aut aridum: si liquidum, aut erat vinum, aut oleum; si aridum, aut erat thus, aut simila, aut sal, aut panis, aut granum, aut fructus.

Insuper juxta hanc causam materiale sumitur distinctio Isidori, asserentis: Quatuor oblationum genera describuntur: Primum est vitulus de armento, secundum agnus aut ovis, tertium columba aut turtur, quartum similago conspersa aut azyma oleo uncta, elibanoque cocta. At vero Origenes in homilia dividit sacrificia penes causam efficientem, hoc est ex parte offerentium. Interdum namque offerebantur a sacerdotibus, interdum a principe, quandoque a pontifice, aliquando a privata persona, nonnunquam a populo, communitate, seu multitudine.

Postremo quidam distinguunt hoc modo: Aliud fuit sacrificium quod continue seu assidue offerebatur, et jure sacrificium vocabatur: aliud, quod interpolatis vicibus immolabatur: aliud, quod offerebatur ex mera seu intima devotione: aliud, pro beneficii impetratione: aliud, pro remissione peccati. Ex his magna ex parte patebit dicendum intelligentia.

## ARTICULUS IV

EXPOSITIO LITTERALIS CAPITULI PRIMI LIBRI LEVITICI: VOCAVIT AUTEM MOYSEN.  
ET LOCUTUS EST EI DOMINUS.

**L**IBER iste, qui tertius est in ordine librorum Moysis, Leviticus appellatur, quia de sacrificiis tractat, quorum oblatio a sacerdotibus, natis ex Levi patriarcha, fiebat. De ipsis quoque sacerdotibus, ceterisque Levitis, plurima continet. Denique, sicut Levi fuit tertius in ordine filiorum Jacob, sic liber iste est tertius in ordine librorum Moysis, juxta prædicta. Et quia in præcedenti libro, videlicet Exodo, de

tabernaculi ædificatione et vasis ipsius est actum, nunc recte de ministris tabernaculi et sacrificiis agitur. Præterea, teste Esitio \* Hierosolymorum episcopo, qui hunc librum satis plene exposuit, imo et Augustino, sicut via per dietas et leucas dividitur, sic historia seu tractatus materia per libros partiales atque capitula recte partitur: quatenus sicut per illam viarum divisionem labor et fastidium itinerantibus mi-

\* Hesychio



nuuntur, ita per istam librorum partitionem animus legentis a labore ac tædio relevetur : imo, sicut viator letatur de vespere una completa diæta, hospitioque adepto, sic lector seu tractator Scripturæ quodammodo recreatur uno completo libro, aut etiam uno capitulo.

Itaque sanctus Moyses libri hujus exordium præcedenti libro continuans, ait de se ipso, quasi de alio recitans : *Vocavit autem Moysen, et locutus est ei Dominus, per angelum in Dei persona apparentem atque loquentem, et hoc in plena vigilia, et in forma sensibili; de tabernaculo testimonii*, quia in tabernaculo illo angelus iste apparuit, et specialiter de propitiatorio seu oraculo, tanquam de loco residentiae suæ, procedebat et audiebatur vox ejus. Unde in Exodo Dominus ait ad Moysen : Inde, puta de propitiatorio, loquar ad te, quæcumque mandabo filiis Israel. Erat autem propitiatorium, secundum quosdam, aurea mensa super aream levata, et per duos Cherubim in suis extremitatibus sustentata, ita quod tabula illa erat quasi sedes Dei, et arcæ operculum erat velut scabellum Dei, super propitiatorium residentis. Alii dicunt, quod propitiatorium fuit opertorium arcæ, et ei contiguum, ac Dei sedile : pavementum vero tabernaculi situm ante aream, fuisse scabellum sedentis. Tabernaculum quoque Dei per Moysen factum, vocatur tabernaculum testimonii : quia in eo erant tabulae testamenti, quæ erant in arcâ, et quia ibidem Dominus testabatur, loquendo quæ ei placuerunt. Tabulae etiam testamenti fuerunt ibi, in

Exod. xxx.  
22.

Ibid., xl., 2.

*Dicens : Loquere filiis Israel.* Nam inter Deum et Israel Moyses erat mediator at-

que sequester. *Homo qui obtulerit ex vobis hostiam Domino*, id est, quicumque de populo Israel immolaverit hostiam Deo, *de pecoribus*, utpote animalibus gressibilibus ac domesticis. Unde subjungitur, *id est, de bobus et de ovibus offerens victimam*, hoc est de altero horum, aut certe de capra seu hircu, ut infra habebitur. Hæc enim erant animalia immolatiæ, et materiæ oblationum. *Si holocaustum fuerit ejus oblatio*, id est, holocaustum offerre voluerit : quod scilicet ad divinæ reverentiam majestatis totum comburebatur, dicebaturque holocaustum ab ὅλος, quod est totum, et ὅς, quod est calor sive incensum, quasi totum incensum ; *ac de armento*, id est de numero seu multitudine boum sumpta ; *masculum immaculatum offeret*, videlicet bovem marem, in quo nulla sit macula reddens animal ineptum ad immolandum, hoc est nulla monstruositas, debilitas, apostema, scabies, similisve defectus. Hinc in Scholastica fertur historia : Non de macula velleris, sed corporis, intelligendum est istud. Denique, quia holocaustum fuit perfectissimum sacrificium, ideo non femina, sed masculus in holocaustum offerebatur. Perfectiora etenim animalia in tali sacrificio fuerant immolanda, ob reverentiam majestatis divinæ.

Deinde locus oblationis hujus exprimitur. *Ad ostium tabernaculi testimonii*. Circa hoc recitat Lyra : Dicunt expositores nostri communiter, quod per ostium tabernaculi testimonii, intelligitur ostium atrii sacerdotum, ubi probabantur animalia an apta essent ad immolandum, antequam introducebantur in atrium. Hebræi autem dicunt, quod non probabantur ibi, sed extra atrium totaliter in una exedra ad hoc parata. Ideo quod dicitur hic, *Ad ostium tabernaculi testimonii*, exponunt de loco qui erat extra atrium. Et locus ille erat ante ostium tabernaculi, in quo erant arcâ et propitiatorium. Et hoc magis concordat litteræ, in qua agitur de tabernaculo testimonii, quoniam arcâ testamenti, in qua continebantur tabulae, vocatur testimonium. Hæc Lyra.

D

Circa quæ breviter dico, quod catholici A expositores, quos legi, per ostium tabernaculi testimonii non intelligunt ostium atrii sacerdotum, per quod in ipsum atrium a foris intrabatur; sed ostium quod intra atrium erat ante tabernaculum testimonii, in quo exstitit area: sicque intelligit Origenes. Hinc et Magister in historiis loquitur: Animal primo offerebatur sacerdoti ad ostium atrii, ut videret si idoneum esset ad offerendum. Postea ad ostium tabernaculi offerebatur Domino. Josephus quoque, quem Magister in historiis sequitur diligenter, ita sentire videtur. Insuper dico, quod area non vocatur proprie testimonium, sed potius tabulæ testamenti quæ erant in ea, ut dictum est. Unde in Exodo

Exod. xxx,  
16.

Dominus jubet, Pones in area testificationem quam dabo tibi: ubi per testificationem omnes expositores intelligunt tabulas testamenti. Poterat autem esse, sicut et aliqui opinantur, quod animalia munda et immolabilia, primo per inferiores ministros probabantur in exedris seu ædibus templi, in quibus reponebantur usque ad horam sacrificandi. Et postea juxta et extra præfatum ostium atrii, a sacerdotibus quoque diligentius considerabantur.

Sic itaque offeret holocaustum *ad placandum sibi Dominum*. Secundum expositores, in isto ac sequenti capitulo agitur de sacrificiis, quæ ex mera devotione et sponte offerebantur. Quomodo ergo holocaustum præfatum dicitur immolari ab offerente ad placandum sibi Dominum, quasi fuerit hostia pro peccato? Respondetur, quod directe et primo offerebatur spontanea devotione ad divinæ majestatis honorem. Et inde consequebatur, quod Dominus placabatur taliter offerenti, si offensus fuit ab eo, vel magis quam ante fiebat ei placabilis.

*Ponetque manus super caput hostiæ*, id est, ipse qui bovem adduxit et obtulit sacerdoti, ut per sacerdotem Domino offeratur, ponet manus suas super animal protinus immolandum a sacerdote. Circa quod scribit quidam, quod offerens fecit hoc, ad

denotandum quod renuntiaret juri quod habuit in animali: quod non videtur idonee dictum, quia hoc satis jam ante innuavit, adducendo animal ad sacerdotem ad ostium atrii, ubi exposuit illud oblationi. Potius ergo videtur, quod manum super hostiam posuit, ut per hoc interiorem suam intentionem et devotionem fortius excitaret et applicaret exteriori sacrificio suo, quatenus acceptabilior fieret Deo sua oblatio. Unde et subditur: *et acceptabilis erit*, id est placita Deo non in se aut propria virtute, sed ex offerentis devotione, fide et subiectione: *atque in expiationem ejus proficiens*, id est utilis ad obtinendum offerenti veniam, gratiamque a Domino aut gratiæ incrementum. Quamvis enim directe offerebatur ad divinæ majestatis honorem ex mera devotione, ex consequenti tamen ad expiationem erat proficua.

At vero Rabbi Paulus ait, quod per manuum impositionem super hostiam, notabatur, et offerens testabatur, quod ipse pro suis peccatis dignus esset occisione, et quod loco sui illud animal occideretur: atque ad hoc allegat Thomam in prima secundæ, quæstione 102. Sed quia hæc hostia fuit holocaustum spontaneum, non autem oblatio debita pro peccato, non apparet, quod propter prædictam rationem posuerit offerens super animal manum, nec Thomas hoc dicit. Verum in prima secundæ, quæstione præallegata, causam assignans in generali, cur animalia immolaticia occidebantur: Per occisionem, inquit, animalium, significabatur destructio peccatorum, et quod homines erant digni occisione pro suis peccatis, ac si illa animalia loco eorum occiderentur, ad significandum expiationem peccatorum. Per occisionem etiam animalium, occisio Christi figurabatur. Hæc Thomas. Cujus verba locum habent in hostiis pro peccatis, quantum ad id quod a Rabbi Paulo allegatur.

*Immolabitque vitulum coram Domino*, Laicus enim obtulit, id est adduxit seu præsentavit animal sacerdoti, et per manus sacerdotis obtulit illud Deo. Sed quum

ante sit dictum de bove, cur nunc exprimit vitulum? Respondetur quod bos et vitulus non differunt specie, sicut nec puer et vir. Poterat autem bos immolari, dum erat anniculus, id est anni unius, et etiam supra, ut Josephus ait. Ideo nunc bos, nunc vitulus dicitur. *Et offerent filii Aaron sacerdotes, sanguinem ejus fundentes per altaris circuitum*, id est, sacerdotes inferiores ex Aaron nati, sanguinem animalis oblato ad Dei honorem fundent per gyrum altaris, quod alii vocant per basin seu crepidinem altaris holocaustorum. Porro quidam affirmant, quod sacerdotes ponebant aliquid sanguinis in duobus angulis altaris, sibi directe aut transversaliter oppositis. Et quoniam quilibet angulus respexit duo latera in ipso concurrentia seu conjuncta, præfacta linitio sanguinis concernebat totum altaris circuitum. In omnibus vero hostiis generaliter observabatur, quod nec sanguis nec adeps veniebant in usum seu refectionem sacerdotum, neque in offerentium usum; sed sanguis modo præfato fundebatur et adeps comburebatur, prout infra in textu habebitur, et ibi ratio horum tradetur. *Quod est ante ostium tabernaculi*, quia altare holocaustorum, extra tabernaculum erat in atrio ejus sub dio, ne fumus et odor hostiarum quæ comburebantur in eo, templum aut tabernaculum et existentes in eis fuscarent et affligerent.

Lev. vii, 8.

*Detrahaque pelle hostiæ*: quæ pellis ad sacerdotes pertinuit, ut infra habetur: *artus*, id est membra animalis occisi et excoiati ac immolati, *in frusta concident*, ut super altare aptius ponerentur ad comburendum. Vel magis, ut tangit Guillelmus Parisiensis libro de Fide et legibus, ad excludendum ritum idololatrarum, a quibus voluit Deus populum suum distingui, quorum nonnulli carnes animalium occisorum integras offerebant. *Et subjicient in altari ignem*. Infra habetur, quemadmodum octavo die quo Aaron et filii ejus corperunt suum exercere officium, et hostias obtulerunt, venit ignis de cælo qui hostias devo-

Ibid. ix, 24.

ravit, et ante illius ignis descensum fecit Moyses terrenum ignem ab altari holocaustorum removeri. Atque deinceps ignis ille cælestis conservatus est in altari per appositionem lignorum, usque ad transmigrationem in Babylonem. Quod ergo nunc dicitur. Subjicient in altari ignem, intelligendum est, quod subjiciebant ligna ad illius perpetui ignis continuationem et nutrimentum, nec alienum licuit apponere ignem: quod filii Aaron transgredientes, *Lev. xi, 1, 2.* Nec his repugnat quod sequitur, *strue lignorum ante composita*. Congeries namque lignorum antea parabatur ad nutriendum ignem prædictum, non autem primo in altari componebatur, ut sic per ignem de novo adductum incenderentur.

*Et membra quæ casa sunt, desuper ordinantes*, id est, frusta carnis immolatae atque divisæ, super ignem illum ordinate ponentes, *caput videlicet et cuncta quæ adherent jecori*, per quæ intelliguntur et alii artus immolandi: *intestinis et pedibus lotis aqua*. Intestina animalis oblato et pedes ejus, lavabantur a sacerdote antequam comburebantur, propter reverentiam sanctitatis divinæ, quia præceteris partibus et artibus carnis immunda sunt, nec cum immunditiis suis erant in Dei holocaustum ponenda. *Adolebitque*, id est comburet, *ea sacerdos super altare quod erat in atrio, in holocaustum et suavem odorem Domino*. Odor ille ex carnium illarum incensione erumpens, non erat suavis in se, nec Deo duleiter fragrans sive acceptus, quantum ad suam essentiam aut virtutem, seu ex parte operis operati, utpote rei oblatae secundum se, sed ex fide, devotione et obedientia offerentis, et propter rem significatam potissimum, in quantum Christum et ejus figuravit mysteria. Unde dici solet, quod sacrificia illa, meritoria et justificantia erant ex parte operis operantis, videlicet fidei et piæ affectionis et obeditionis, non ex parte operis operati. Illeusque determinatum est de holocausto facto ex majoribus animalibus, utpote bobus.



Consequenter agitur de holocaustis quæ A fiebant ex animalibus minoribus, scilicet capris aut ovibus. *Quod si de pecoribus oblatio est, id est de ovibus sive de capris holocaustum, agnum anniculum et absque macula offeret*, id est, ad offerendum sacrificium tale, sumendus est agnus unius anni, vel infra, non supra, nec ante octavum diem. Et idem de capra aut hircio dicendum. Et pecora ista dicuntur immaculata, eodem modo sicut de bobus jam dictum est. Quæritur, quomodo capra poterat in holocaustum offerri, quum dictum sit, quod nullum animal sexus feminei poterat offerri in holocaustum, quoniam holocaustum erat perfectissimum sacrificium, femina vero est animal imperfectum. Ad hoc dicendum videtur, quod capra dicit hic naturam, non sexum, atque ad sexum masculinum nunc retorquetur. Præterea Lyra dicit hanc litteram vitio scriptorum aut alio modo falsificatam, quia in holocaustis interdum offerebantur magni arietes; sed hoc dictum illius, est contra communem expositorum catholicorum doctrinam. Josephus quoque et auctor Scholasticæ historiæ dicunt, quod loquendo de hujuscemodi holocausto, de quo agitur in hoc loco, oportebat quod essent anni unius vel citra, pecora de quibus fiebat. Quod si arietes legantur in tale holocaustum oblatis, per arietem intelligitur agnus. Unde Magister in historiis ait: Agnus quandoque aries appellatur.

*Immolabitque ad latus altaris*, id est, sacerdos oblaturus hujusmodi holocaustum, stabit in atrio juxta latus altaris holocaustorum, *quod respicit ad aquilonem, coram Domino*, id est, in aquilonari parte altaris stabit et offeret: et hoc forsitan ad distinguendum sacerdotes Dei a sacerdotibus idololatris, qui in orientali parte stabant dum offerebant, vel in parte australi. *Sanguinem vero illius*, videlicet pecoris sic occisi et immolati, *fundent super altare filii Aaron*, utpote sacerdotes, *per circuitum*. Non ait absolute, Super altare, sed addit, Per circuitum: et ita horum sensus

verborum, est idem cum sensu verborum, quibus jam dictum est de sanguine bovis oblatis. Offerent filii Aaron sanguinem ejus, fundentes per altaris circuitum. Fundebant ergo sanguinem ovis aut capræ super altare per circuitum, id est, extremitates quasdam altaris inde tingeabant, ad insinuandum quod ad ejus honorem facta esset animalis occisio atque oblatio, cui ipsum altare fuerat dedicatum: vel quia sacerdotes idololatrarum aliter faciebant, sanguinem oblatores in usum suum vertentes, sive ad maleficia expendentes, ut tangunt Guillelmus et Alexander de Hales. *Dividentque membra et omnia que adhærent jecori, et imponent super ligna, quibus subjiciendus est ignis. Intestina vero et pedes lavabunt aqua; et oblata omnia adolebit sacerdos super altare in holocaustum et odorem suavissimum Domino*. Istud totum est exponendum, sicut de holocausto facto ex bove expositum est.

Consequenter fit mentio de holocausto quod fiebat ex avibus. *Si autem de avibus holocausti oblatio fuerit Domino de turturibus et pullis columbæ*, id est, si quis obtulerit Deo holocaustum de avibus, puta de turturibus aut columbis, de quibus duntaxat ex volueribus fiebat Deo oblatio: *offeret eam sacerdos ad altare*, id est, avem seu hostiam talem ab offerente laico sumptam, sacerdos pro illo immolabit juxta altare holocaustorum eodem loco, in quo et holocausta de pecoribus offeruntur, ut dictum est: *et retorto ad collum capite, ac rupto vulneris*, quod ex tali retorsione avis incurrit, *loco, decurrere faciet sanguinem avis oblatae, super crepidinem altaris*, id est super basim seu locum vel circuitum ejus. *Vesiculam vero gutturis et plumas projiciet prope altare ad orientalem plagam, in loco in quo cineres effundi solent*, id est in locum secretum seorsum, in quo cineres hostiarum combustarum seu lignorum ponuntur. *Confringetque ascillas ejus*, id est, alas avis oblatae franget sacerdos, *et non secabit, neque ferro dividet eam*. Hinc aliqui di-

cunt, quod sola manu collum volueris fre- A  
git, et proprio ungue eutem colli confracti  
rupit, quod fuit locum vulneris rumpere :  
nec licuit aliquid horum facere ferro, aut  
cultrum super hostiam istam levare. Et  
adolebit, id est, carnem avis oblatæ com-  
buret, super altare, lignis igne supposito.  
Holocaustum est sacrificium istud, et obla-  
tio suavissimi odoris Domino, id est valde  
accepta Deo, juxta sensum præhabitu-  
m.

## ARTICULUS V

INTRODUCTIO ATQUE SOLUTIO QUÆSTIONUM OCCURRENTIUM CIRCA CAPITULUM ISTUD.

CIRCA præhabita quæritur : Primo, cur B  
inter animalia gressibilia, quadrupedia  
sen pecora, voluit Deus sibi sacrificia fieri  
de tribus speciebus dumtaxat, puta de bo-  
ve, ove et capra. Secundo, cur inter vola-  
tilia, de turturibus et columbis tantummo-  
do, de holocaustis loquendo : nam postea  
fit de passeribus quædam additio. Tercio,  
cur non etiam de piscibus, saltem aliqui-  
bus. Quarto, cur de modo fundendi san-  
guinem holocaustorum prædictorum tam  
diversimode loquitur. Quinto, cur loquens  
de avibus immolatiis, ait, de turturibus C  
et pullis columbæ, et non de columbis,  
nec de turturum pullis. Sexto, de modis  
diversimode occidendi animalia ista. Sep-  
timo, cur jussit vesiculam gutturis pro-  
jici, nec offerri. Octavo, cur super aves  
immolandas prohibuit ferrum levare.

Ad harum quæstionum primam respon-  
det Guillelmus libro de Fide et legibus : Si  
queratur, cur ista tria animalium genera  
de quadrupedibus sibi offerri elegit Deus,  
videlicet bovem, ovem et capram, in sexu  
utroque : respondemus, quod hæc sunt D  
maxime necessaria victui humano atque  
vestitui, et apud patres maxime abunda-  
bant. Ideo voluit Deus communionem et  
participationem habere cum eis, in his  
quibus ipsi potissimum utebantur : et de  
his, in quibus beneficentia sua fuit largior  
circa ipsos, voluit sibi ampliorem recogni-  
tionem, regratiationem et honorificentiam  
exhiberi ab ipsis. Manifestum est quoque,  
quod inter omnia quadrupedia, tria ista  
sunt mansuetissima, et minori rebellione  
sustinent mortem : ideoque minori peri-  
culo immolantium occiduntur. Præterea,  
Judæi magis assueti erant interfecioni  
animalium horum, quoniam eis maxime  
vescebantur. Animalia ergo hominibus fa-  
miliaria et esui apta, voluit Deus et sibi fa-  
miliaria esse in suo obsequio. Amplius, de  
quadrupedibus ista exstant mundissima, et  
mundissimis sen simplicissimis pastibus  
vivunt, eorumque immunditiæ quodam-  
modo mundæ sunt. Rursus, tria ista totum  
quod sunt, vivunt et habent, necessitati,  
hoc est victui et vestitui, hominum exhi-  
bent. Sola quippe sunt, sine quibus homi-  
nes vivere nequeunt, et sine ceteris ani-  
malibus vivere quæunt, quemadmodum  
sine porco, cane et equo. Si ergo vitæ hu-  
manæ necessitas respiciatur, sola ista de  
animalibus necessaria consistunt homini-  
bus. Quare eo ipso quo Deus voluit sibi  
ista, non alia, immolari, abstulit nobis oc-  
casionem quærendi non necessaria, dum  
per ea noluit in sacrificiis honorari. Unde  
et solas fruges, et animalia ista voluit ab  
initio sibi offerri, ut legitur in Genesi.  
Hæc Guillelmus. Gen. iv, 3, 4.

Ad eandem quoque quæstionem Thomas  
in prima secundæ, quæstione 102, respon-  
det : Deus voluit sibi ista offerri, tum ad  
excludendum idololatriam, quoniam om-  
nia alia animalia immolabant idololatæ  
idolis suis, vel eis ad maleficia utebantur.

Porro hæc tria animalia apud Ægyptios, A inter quos conversati fuerunt Judæi, abominabilia erant ad occidendum. Unde ea non offerebant in sacrificium diis suis : propter quod in Exodo dicunt Hebræi : Abominationes Ægyptiorum immolabimus Domino Deo nostro. Oves namque colebant, et hircos venerabantur, quia in eorum figura demones apparebant. Bobus autem utebantur ad agriculturam, quam inter res sacras habebant. Tum secundo, ad significandum debitum ordinem mentis humanæ in Deum, quia per ea certæ ac magnæ virtutes significantur, ut infra dicitur. Tum tertio, ad præfigurandum Christi mysteria : propter quod ait Glossa : Christus in vitulo offertur propter virtutem seu fortitudinem crucis ; in agno, propter innocentiam ; in ariete, propter principatum ; in hircio, propter similitudinem carnis peccati.

Ad secundam quæstionem libro præallegato respondet Guillelmus : Frugibus et præfatis pecoribus superaddidit postmodum Deus turturem et columbam in sacrificio Abrahamæ, ut in Genesi scribitur : in quibus præter hoc quod munda et mansueta, atque utilia humanis sunt usibus, etiam castitas conjugalis in columbis, et vidualis in turturibus designatur. Ex quibus etiam ad litteram edocemur, quales esse oporteat, qui in partem sortemque Domini transeunt. Si enim hujusmodi mores requirit Deus in brutis sibi offerendis, quanto magis in hominibus ? Et si vitia moribus istis contraria repellit in brutis, in quibus reprehensibilia non sunt, quanto magis ea in hominibus detestatur, in quibus culpabilia exstant ? At vero ut Alexander et Guillelmus conscribunt : Passer superadditus est in lege in sacrificio pro emundatione leprosi. Manifestum est autem, quod passer sit multum similis columbæ in nidificatione et pastu : nidificat enim in foraminibus domorum, et volat gregatim, intenditque grans sicut columba. Itaque ista tam pauca de pecoribus et avibus elegit sibi in sacrificia Deus, et ce-

tera repulit, quia idololatras sacrificiis suis ea generaliter execrabilia fecerant, aut augures vanitate observationum suarum profanaverant, aut magi veneficiis ac maleficiis suis odibilia fecerant, sicut apparet ex Ægyptiorum multitudine sacrificiorum, quæ erant sexcenta quadraginta septem. Insuper causa quædam sacrificiorum istorum, fuit sustentatio sacerdotum. Insuper, quoniam columbæ et turtures specialiter abundant in terra promissionis, jussit sibi Deus ea magis offerri.

Ad tertiam quæstionem, cur scilicet Deus non jussit sibi de piscibus sacrificium fieri, Alexander super tertium, et Thomas in prima secunda respondent : Quoniam pisces sunt magis alieni ab hominibus, quam animalia alia, quia morantur et latent in aquis, et inde extracti, protinus moriuntur : unde nec apte poterant vivi in templum perducí, nec de mortuis fiebat oblatio. — Ad quartam Magister in historiis ait, quod ubi translatio nostra habet, Circa crepidinem altaris, Hebræus habet, et Josephus *limbum* expressit, id est supereminens forsitan labium. Hinc aliqui dicunt esse incertum, an de superiori, vel de inferiori, an media parte intelligatur quod dicitur, *circa altaris crepidinem*. Aliqui quoque putant, quod quando hostia erat minus digna, tunc sanguis circa basim fundebatur altaris : quando dignior, tunc circa mediam partem atque parietem ; quando dignissima, tunc in supremo circa limbum. Unde de sanguine avium fertur in littera, quod fundebatur circa crepidinem, id est basim seu lacum altaris.

Ad quintam Rabbi Moyses dicit : In turturibus, majores sunt meliores et pinguioribus ; in columbis vero e converso, minores sunt meliores : ideo turtures et pulli columbarum jubentur offerri, quia præstantiora sunt offerenda. — Ad sextam S. Thomas respondet : Specialis modus occidendi animalia immolanda, determinabatur in lege, ad excludendum alios modos, quibus idololatræ animalia idolis immolabant. Vel etiam, ut Rabbi Moyses protestatur :



Lex elegit genus occisionis, quo animalia minus affligebantur, per quod etiam pietas docebatur, et offerentium crudelitas excludabatur, et deterioratio animalium occisorum devitabatur. — Ad septimam Rabbi Salomon dixit, quod quia in vesicula gutturis eibus congregatur, et aves volant ad capiendum alimentum ex alieno, Dominus vesiculam illam prohibuit sibi offerri, ad

designandum quod sacrificium de rapina sibi displiceat. Vel propter immunditiam illius vesiculae jussit hoc Dominus. Vel quia idololatrae offerebant eandem. In vesicula quoque potest voluptas, imo et gula signari, quas vitare oportet. — Ad octavam est eadem responsio, quae ad sextam, et quia idololatrae ferro utebantur in avium mactatione.

## ARTICULUS VI

### SPIRITUALIS EXPLANATIO EJUSDEM CAPITULI PRIMI.

**A**LLEGORICE, per vitulum seu bovem Amasenum immaculatum, qui Deo offerebatur in holocaustum, intelligitur Dominus Jesus Christus, qui et se ipsum in evangelica parabola designat per vitulum saginatum, quem pius paterfamilias fecit occidi propter errantis filii reductionem.

Luc. xv, 23.

Ephes. v, 2.

Rursus, in sacrificio quo se ipsum pro nobis obtulit Deo Patri oblationem et hostiam, instar vituli est occisus, in quo nil erat femineae levitatis aut fragilitatis feminei sexus. Fuit item immaculatus, in quo nec originale nec actuale unquam fuit

Is. lIII, 9.

peccatum, juxta quod in Isaia legitur: Iniquitatem non fecit, nec dolus fuit in ore ejus. Significatur item Christus per bovem propter bovis fortitudinem, fructuositatem et maturitatem. Etenim sicut bos terram arat, sic Dominus et Salvator vomere verbi coelestis et gratiae supernaturalis, agrum cordis et ipsam in terris militantem Ecclesiam spiritualiter arat, emollit, aperit, seminat et fecundat. Quemadmodum etiam bos sumitur de armento, ita de multitudine Prophetarum et Patriarcharum prodiit Filius Dei factus homo: qui ad ostium tabernaculi est oblatus, quia in Jerusalem passus est, et extra portam est crucifixus, sicut et holocausta extra et prope tabernaculum offerebantur in atrio.

Hebr. xIII, 12

**Ponetque manus super caput hostiae.** Christus non solum a proditore ac Judaeis atque Pilato, imo et a Deo Patre oblatus est, dicente Apostolo: Proprio Filio suo non pepereit, sed pro omnibus nobis tradidit illum. Nam et princeps Apostolorum in Actis: Deus, inquit, qui per os omnium Prophetarum praenuntiavit pati Christum suum, implevit sie. Itaque Pater manum suam, id est potestatem posuit super caput Unigeniti sui, secundum naturam assumptam, id est, mentem ejus omni virtute et gratia adimplevit, eamque movit ad patiendum promptissime pro generis humani salute. Sicque oblatio Christi incomparabiliter placuit Patri, quem Filius sibi placavit. Non quod Pater unquam iratus fuerit Filio, in quo sibi summe complacuit: sed quod Filius ad suum honorem, accidentaleque praemium Patrem placavit hominibus.

Rom. viii, 32.

Act. iii, 18

**Immolabitque vitulum coram Domino.** Christus quippe se ipsum seu proprium corpus dedit in mortem, Isaia testante: Tradidit in mortem animam suam. Unde et ipse Dominus contestatur: Nemo tollit animam meam a me, sed ego pono eam. **Et offerent filii Aaron sanguinem ejus.** Hoc accipi potest in malo, et item in bono. Nam et principes sacerdotum ex Aaron

Is. lIII, 12.

Joann. x, 18.

*Act. vi, 7.* nati, procuraverunt Christum occidi. Multa quoque sacerdotum turba, post Christi passionem et Sancti Spiritus missionem conversa, sanguinem Christi salubriter sumpsit, et sacerdotes evangelicæ legis cum in sua ac fidelium ora per gyrum altaris fundunt. *Quod est ante ostium tabernaculi.* Potest per tabernaculum istud, celeste palatium seu triumphans Ecclesia accipi, ante quod est altare militantis Ecclesiæ : quia qui vere fideles sunt, triumphanti sunt Ecclesiæ proximi, imo jam conversationem habent in cœlis ; status quoque et cultus evangelicæ legis, evidentem habet imaginem Ecclesiæ triumphantis, ejus lex umbram gerebat, juxta illud ad Hebræos : *Hebr. x, 1.* Umbram habens lex futurorum bonorum, non ipsam imaginem rerum.

*Detraheturque pelle hostiæ, artus in frusta concident.* Per pellis detractionem, præfigurata videtur flagellatio sacratissimi corporis Christi usque ad miserandam sui dilacerationem ; per membrorum vero hostiæ divisionem in frusta, vulneratio ac dissipatio totius suæ tenerrimæ carnis, secundum illud in libro Job : *Job xvi, 13.* Tenuerunt cervicem meam, confregerunt me, et posuerunt me sibi quasi in signum ; atque in Psalmo : *Ps. xxi, 15.* Sicut aqua effusus sum, et dispersa sunt omnia ossa mea. *Et subjicient in altari ignem, strue lignorum ante composita.* Ignis est fervor ardentissimæ caritatis in altari, id est in præstantissimo corde Christi, in quo ipse secundum quod homo, indesinenter obtulit Patri, imo superbeatissimæ Trinitati sacrificium laudis, thymiana orationis, et totam suam naturam assumptam. Porro, per struem lignorum compositam, intelliguntur homines, quos Christus redemit, et sua caritate succendit, qui et per caritatem uniti et incorporati sunt ei.

*Quod si de pecoribus oblatio est.* Salvator omni perfectione repletus, qui est summum et finale sacrificium, per unum aut pauca sacrificia suffieienter designari non valuit : ideo per diversa sacrificia ipse et sua mysteria præfigurabantur. Ipse ergo

A per agnum anniculum, propter innocentiam, mansuetudinem, sanctamque simplicitatem est figuratus. De quo beatissimus ait Joannes : *Joann. i, 29.* Ecce Agnus Dei qui tollit peccata mundi. Et ipse per Jeremiam : *Jer. xi, 19.* Ego quasi agnus innocens ductus sum ad immolandum. Idem ipse per hircum exprimitur propter similitudinem carnis peccati, imo et propter agilitatem hirci seu capræ, juxta illud in Canticis : *Cant. vii, 13.* Fuge, dilecte mi, similis esto capræ, hinnuloque cervorum. Insuper designatur per aves B turturem et columbam, propter suæ contemplationis sublimitatem, omnimodam castitatem, salubrem tristitiam, planctum et gemitum.

Præterea potest hæc littera alios parere sensus, quia multiplici tegitur intellectu. Propter quod Origenes subtiliter ait : Sicut in novissimis diebus Verbum Dei ex Maria virgine carne vestitum processit in hunc mundum, et aliud erat quod videbatur in eo, aliud quod intelligebatur : carnis namque adspectus in eo omnibus patuit, paucis vero et electis dabatur deitatis suæ agnitio ; ita dum per Prophetas aut Moysen legislatorem, verbum Dei profertur ad homines, non absque competentibus exprimitur indumentis. Nam sicut ibi carnis velamine tegitur Verbum Dei, ita et hic sacra Scriptura velamine litteræ, et spiritualis sensus tegumento intelligentiæ literalis. Itaque præter præhabita, adhuc per Moysen intelligitur allegorice Christus, ejus typum Moyses in multis expressit. Quemadmodum ergo Moysi locutus est Dominus de tabernaculo testimonii, de vario ritu holocaustorum, sic Deus Trinitas Christo homini ab incarnationis exordio inspiravit, eumque per allocutionem internam edocuit, qualiter populus christianus spiritualiter immolare debeat holocausta de armento et grege, hoc est bobus, capris aut ovibus. Atque de hoc Christus in Evangelio documenta expressit, præcepta digessit.

Homo itaque de Israel, hoc est de plebe christifideli Deum fideliter contemplanti,

Alii spirituales sensus.

volens Deo holocaustum offerre, de ar-  
mento offerre debet bovem seu vitulum  
maseulum immaculatum, id est proprium  
corpus ex sua infectione et inclinatione,  
instar vituli lascivum, indomitum, et ra-  
tioni rebelle : ideo quantum ad hoc, debet  
ipsum omnino mortificare, et membratim  
dividere, sicut ait Apostolus : Mortificate  
membra vestra, quæ sunt super terram. In  
Evangelio quoque Salvator : Si oculus, in-  
quit, manus, et pes tuus scandalizat te,  
erue, abseide, et projice a te. Non utique  
mortificanda, aut abscidenda sunt ista,  
quantum ad id quod sunt, ne mutilato-  
res aut impiissimi homicidæ fiamus : sed  
quoad eorum usum illicitum, ne exhibea-  
mus ea arma iniquitatis peccato, sed arma  
justitiæ Deo : sicque corpus nostrum ex sua  
fragilitate femininum, faciamus masculi-  
num, hoc est rationi obediens et instru-  
mentum virtutum, abstinentes a carnalibus  
desideriis quæ militant adversus animam.  
Sic quoque obsequium nostrum fiat im-  
maculatum et sanctum, prout Vas electio-  
nis hortatur : Obsecro ut exhibeatis cor-  
pora vestra hostiam viventem, sanctam, Deo  
placentem. Insuper adducendum est cor-  
pus hoc ad ostium tabernaculi, id est ad  
locum quo audiat verbum Dei. Et super  
hoc holocaustum manus est imponenda,  
quatenus virtutem directionis, manumque  
disciplinæ ab ipso nunquam tollat, juxta  
quod scriptum est : Castigo corpus meum,  
et in servitutem redigo, ne sibi ipsi reli-  
ctum, rursus contra spiritum concupiscat,  
atque ad ea quæ Dei sunt pigritetur. Porro  
sacerdotes in te sint intellectus et recta  
voluntas, qui divinorum capaces sunt, et  
corpus inferioresque vires acceperunt re-  
gendas. Sanguinem quoque hostiæ hujus  
debent effundere per altaris cirenitum, id  
est, per abstinentiam et jejunium sangui-  
nem et ejus fervorem amore Christi mi-  
nuere, juxta doctrinam Ecclesiæ : sed et  
pellem ejus debent detrahere, corpus ipsum  
acriter flagellando propter præterita seu  
quotidiana peccata. Vel (ut ait Hesychius)  
pellis detrahatur, dum exteriora delectabi-

lia auferuntur. Pellem vero a Scripturis  
veteris Testamenti abstrahimus, dum sen-  
sum qui litteralis videtur, relinquimus, ut  
spiritualem intelligentiam intus latentem,  
Domino immolemus.

*Et subjicient in altari ignem.* Altare in  
anima fides intelligi potest, in qua et per  
quam omnia sunt agenda, ac Domino offe-  
renda, quum dicat Apostolus : Quod non  
est ex fide, peccatum est. In ipsa ignis ca-  
ritatis est apponendus, ut per dilectionem  
sit operans : quoniam fides quæ non habet  
opera, mortua est in se ipsa. Strues vero  
lignorum, congeries est membrorum, quæ  
ex sancta caritate ad actus bonos sunt ex-  
citanda. *Intestinis et pedibus lotis aqua.* Per  
intestina, intelliguntur interiores animæ  
sensus et vires : per pedes autem, actus  
et affectus eorum : quæ omnia lavanda  
sunt a maculis sibi admixtis, penitentia  
lacrimis, rore gratiæ ac sapientiæ salutaris.  
Itaque intestina lavare, est conscientiam  
expurgare. Porro lavare pedes, est purifi-  
care affectus. Unde et Sponsa : Lavi, in-  
quit, pedes meos, quomodo inquinabo il-  
los ? Et Salvator : Qui lotus est, non indiget  
nisi ut pedes lavet.

*Quod si de pecoribus oblatio est.* Spiri-  
tualiter ovem offert, qui superiorem ani-  
mæ portionem ex sua natura simplicem, at-  
que ad optima deprecantem, Deo per fidem  
et caritatem totaliter subjicit, intellectum  
redigens in captivitatem, in obsequium  
Christi, atque per privati exstirpationem  
amoris, vim affectivam in Deo prorsus per  
caritatem succendens. Capram vero seu hir-  
cum offert, qui infectam sensualitatem re-  
frenat, reformat, ac jugiter Deo substernit.

Præterea aves, puta columbam et tur-  
turem, offert, qui omnem spiritualem  
perfectionem, et virtutum profectum, con-  
templationisque gratiam et gemitum sal-  
utare, spirituales quoque cum Sponso  
celesti conjunctionem, et ejus dispensati-  
vam absentiam, Deo cum omni gratiarum  
actione humiliter semper adscribit, cum  
Apostolo dicens : Gratia Dei sum id quod  
sum. Sicque retorquendum est collum sub

Coloss. iii,  
5.

Matth. v,  
29, 30.

Rom. vii, 13.

I Petr. ii,  
11.

Rom. xii, 1.

I Cor. ix,  
27.

Rom. xiv,  
23.

Jacob. ii, 17.

Cant. v, 3.

Johann. xiii,  
10.

II Cor. x, 5.

I Cor. xv,  
10.



ascellas, ut omnis reprimatur elatio, et homo ad propria defectuositatis frequentem intuitum reflectatur. Et *rupto vulnere loco*, id est, interiori lacione per confessionem humilem patefacta, decurrere facit sanguinem, calidas lacrimas ex contritione fundendo. *Vesiculam vero gutturis*, id est omnem gulae et carnalitatis voluptatem atque molliem, et *plumas*, id est evagationes et phantasias inutiles prorsus abjiciat. *Confringetque ascellas*. Ascellae seu alae animae, sunt oratio et meditatio, quibus volat

A in caelum : quae confringuntur, quando interdum propter caritatem Christi, et opera vitae activae ac necessaria corpori, intermittuntur. Quod tamen non est ferro, id est cum duritia et indignatione, sed cum pietate et discretionem agendum. Et iterum resumendae sunt alae hujusmodi citius quo congrue fieri potest. Ecce ista sunt holocausta et hostiae populi evangelicae legis, quae vere sunt suavissimi coram Deo odoris, et acceptissima majestati Omnipotentis.

## ARTICULUS VII

ELUCIDATIO LITTERALIS CAPITULI SECUNDI : ANIMA QUUM OBTULERIT OBLATIONEM.

QUEMADMODUM in praecedenti capitulo, ita in isto fit mentio de sacrificiis sponte atque ex mera devotione oblatis. In praecedenti autem capitulo tractabatur de holocaustis, quae de animalibus offerebantur : nunc vero de sacrificiis agitur, quae ex inanimatis, et ex rebus pauci valoris fiebant. Quocirca oportet scire, quia ut ait Thomas in prima secundae, questione 102. Lex in sacrificiis providit offerentium paupertati : ut qui habere non posset animal quadrupes, offerret avem : quam qui habere non posset, offerret saltem panem : quem qui non valeret habere, immolaret saltem farinam aut spicam.

*Anima quum obtulerit*. Per animam, tanquam per partem principalem, intelligitur homo : et quia nunc agitur de sacrificiis sponte, et ex mera devotione oblatis, recte exprimitur anima, in qua voluntas et ejus pia affectio seu devotio continentur. Porro Lyra allegat Rabbi Salomonem, dicentem quod quia hic agitur de pauperum oblatione, exprimitur anima, quia oblatio pauperum acceptatur et reputatur a Deo, quasi obtulerint animam suam seu vitam. Unde et de paupereula

B vidua, quae obtulit duo minuta, dixit Sal- Luc. xxi. 2. 4.  
vator, quod plus omnibus misit, quia totum victum suum. Itaque anima quum obtulerit *oblationem sacrificii Domino*. Quod ait, Oblationem sacrificii, intransitive est accipiendum, videlicet pro oblatione quae sacrificium fuit. Hostia tamen de inanimatis rebus oblata, magis appropriate dicebatur oblatio. *Simila erit ejus oblatio*, id est, similam offeret Deo : estque simila tenuissima ac mundissima tritici farina. Meliora namque et puriora Deo sunt offerenda. *Fundetque super eam oleum*. Quo facto, dicebatur simila oleata : quod sic fieri jussit Altissimus ad distinguendum plebem suam ab idololatriis, qui offerebant idolis suis similam oleo non perfusam. Spiritualis autem ratio infra tangetur. *Et ponet thus*, id est, cum simila oleata thus offeret. Quemadmodum vero sanctus Doctor scribit loco praecallegato, praeter animalia solum offerebantur Deo de terrae nascentibus, panis, vinum, thus, oleum et sal : quoniam ea quae de terrae nascentibus veniunt in hominis usum, vel sunt in cibum, et de his offerebatur panis seu ejus materia : vel sunt in potum, et de his of-

D

ferrebatur vinum: vel in condimentum, et de his offerebantur oleum et sal: vel in medicamentum, et de his offerebatur thus, quod est aromaticum et consolidativum.

*Ac deferet* similam oleatam et thus, *ad filios Aaron sacerdotes*, id est ad inferiores sacerdotes, quorum officium fuit. hujusmodi sacrificia votaue populi Deo offerre in loco sacro: *quorum unus tollet pugillum plenum simile et olei*, id est simile oleate, implendo pugillum ex ea, *ac totum thus simile appositum: et ponet memoriale super altare*, id est, ista simul offerret in altari in memoriam, ut scilicet Deus pie memor sit offerentis, vel ut sacerdos per istam oblationem memor sit immolantis orando pro eo, vel certe in memoriam et recognitionem, quod offerens ista et cetera cuncta ex terris producta, quæ habet,

Lev. i, 13, a Deo sortitus est: *in odorem suavisimum Domino*, sicut in præcedentis capituli expositione litterali expositum est. Adolebat quippe ista sacerdos super altare holocausti in atrio. Circa hæc in Scholastica recitatur historia: Tradunt Hebræi non semper C plenum pugillum offerri, sed quod juxta quantitatem simile minus poterat immolari, in tantum quod etiam impleto pugillo, posset sacerdos omnes digitos aperire præter medium. Et illud tantillum, quod remanebat inter digitum illum et volam seu palmam, suffecit ad offerendum. Porro Josephus dicit offerendam fuisse drachmam, id est tanti ponderis similam. *Quod autem reliquum fuerit de sacrificio*, id est residuum præfate oblationis, non comprehensum pugillo, *erit Aaron et filiorum ejus*, id est, in usum sacerdotum offerentium cedit: *sanctum sanctorum de oblationibus Domini*, id est portio valde sancta sacerdotibus deputata, imo et Deo oblata, ex his quæ præfato modo immolata sunt Deo.

Sequitur secundus modus offerendi ex farina seu simila. *Quum autem obtuleris sacrificium coctum in cilibano de simila, panes scilicet absque fermento*, id est non fermentatos, *conspersos oleo*, supple. offe-

A res, et *lagana azyma oleo lita*. Per lagana azyma, id est non fermentata, quidam intelligunt panes latos ac tenues, non conspersos, sed linitos oleo, qui interdum tortæ vocantur. Et ita in verbis istis innuitur duplex formatio panum in furno coctorum. Alii per lagana ista intelligunt panem ex simila coctum in calida aqua, ut sit tertium genus sacrificii ex simila facti. Subditur autem ad genus sacrificii hujus: *Si oblatio tua fuerit de sartagine*, id est panis coctus in patella, oblatio, inquam, *B simile conspersæ oleo, et absque fermento*, id est formata ex simila non fermentata, sed oleo conspersa: *divides eam minutatim*, id est in frusta minuta, *et fundes super eam oleum*. *Sin autem de craticula fuerit sacrificium*, id est, si in sacrificium obtuleris panem ex simila super craticulam coctum, *æque simila conspergetur oleo*, id est, simila ex qua talis panis formandus est, oleo conspergetur, sicut et præcedentes oblationes.

*Quam offerens Domino*, non per proprias manus, sed per ministerium sacerdotis: ideo subjungitur, *trades eam in manibus sacerdotis ut offeratur per eum*. *Qui quum obtulerit eam*, videlicet similam sic oleatam, redactam in panem super cratem coctum: *tollet memoriale de sacrificio*, hoc est, partem sacrificii seu panis istius, vel unum panem sic factum, si plures pariter offeruntur, accipiet in memoriam offerentis, ut Deus memor sit ejus, sicut expositum est plenius: *et adolebit*, id est, cremabit eam, *super altare in odorem suavitatis Domini*, id est ad hoc, quod Deo complacere oblatio ista ex fide et devotione offerentis. Quamvis enim tota talis oblatio Deo offerebatur, non tamen tota super altare incendebatur, sed pars ejus dumtaxat: et illa sic cremabatur in memoriam immolantis juxta sensum præhabitu, residuum vero cessit in esum et refectionem sacerdotum. Propter quod subditur: *Quidquid autem reliquum est de hujusemodi hostia*, quod scilicet non adoletur super altare, *erit Aaron et filiorum ejus*: imo et

domesticorum eorum, et aqua sorte eis dividebatur, ut Magister in historiis addit; *sanctum sanctorum de oblationibus Domini.*

Præterea, si quærat<sup>ur</sup> omnium horum ratio litteralis, responderi potest juxta præfacta, quod Deus assignando tam varios modos sacrificandi sibi ex simila panes, consuluit et providit offerentium paupertati, commoditati, aut facilitati: ut quibus fornax deesset ad panem coquendum, vel quibus molestum esset accendere elibannum, coquerent panem in patella: vel, si hoc eis amplius conveniret, super eraticulam. Insuper dici potest, quod Deus ita instituit in solatium ministrorum suorum, videlicet sacerdotum, qui reficiebantur ex illis oblatis, quatenus ad tollendum fastidium, haberent panes diversimode præparatos. Unde et oleum jussit apponi. Iterum dici potest, quod jussit sic, ad distinguendum oblationes populi sui et ritum eorum ab idololatrarum ritibus et oblatiis. Figuralem vero rationem Thomas assignat, dicendo: Panis significat Christum, qui ait, *Ego sum panis vivus: qui in fide patrum sub statu legis naturæ, erat quasi spica: et in doctrina legis ac Prophetarum, erat ut simila: atque ut panis formatus, post assumptam humanitatem: coctus igne in elibano, hoc est, formatus Spiritu Sancto in utero Virginali: coctus quoque in sartagine, per labores quos in mundo sustinuit: et in cruce occisus, quasi in craticula adustus.*

Denique, secundum Guillelmum de Fide et legibus, quidam dixerunt, quod sacrificium non est nisi de animalibus. Et erraverunt in hoc, quia in isto capitulo oblationes factæ de simila et panibus vario modo coctis, sacrificia nuncupantur. Verumtamen concordando dicere possumus, quod oblatio facta de animalibus, proprie sacrificium appelletur. In isto autem capitulo, sicut et alibi sæpe, nomen sacrificii extense accipitur.

Consequenter aliqua inferuntur, quæ in cunctis oblationibus communiter serva-

bantur, saltem in illis, quæ super altare incendebantur. *Omnis oblatio quæ offertur Domino, absque fermento fiet*, hoc est, absque admixtione fermenti offeretur. *Nec quidquam fermenti ac mellis adolebitur in sacrificio Domini*, id est, nec fermentum, nec mel apponetur, aut commiscebitur oblationi Deo fiendæ. Contra istud obijciatur, quoniam infra Dominus jubet, panes quoque fermentatos offerri cum hostia gratiarum, quæ immolatur pro pacificis, ex quibus unus pro primitiis offertur Domino. Respondetur, ut tactum est, quia hic loquitur textus de oblatione super altare, saltem pro parte cremanda, in qua fermentum esse non debet. Et talis non erat oblatio illa panum fermentatorum, sed cessit in usum sacerdotum. Hinc subditur: *Primitias tantum eorum offeretis*, hoc est primitiva fermenti et mellis, et munera, id est, dona ex eis præcipua seu partes eorum præstantiores offeretis in templo, seu tabernaculo vel atrio per manus sacerdotum, quia de omnibus rebus concessis primitiæ offerebantur. *Super altare vero non imponentur in odorem suavitatis*, ut ibi crementur ad Dei honorem, quia sunt fermentata.

*Quidquid obtuleris sacrificii, sale condies*, si tamen sit sale condibile: *ne auferes sal fœderis Dei tui*, id est sal de ejus admixtione et oblatione Deus iniit fœdus tecum, et per ejus oblationem tibi confederatur, et amicitie pactum tibi proposuit. Hoc igitur sal non auferes de sacrificio tuo, id est, apponere et offerre non negliges. *In omni oblatione offeres sal*. Ecce jam ter eandem sententiam sub diversis verbis expressit, quo constat, quam seriøse Deus præceperit istud.

Sed contra hæc argui ita potest: Exteriora sacrificia, designant sacrificia interiora, quibus homo suum offert spiritum Deo: sed in sacrificio interiori plus continetur, saltem frequenter, de suavitate et bona sapiditate, quam amaritudine et mordacitate, quum in Ecclesiastico scriptum sit: Nil duleius, quam attendere in man-

Lev. xv, 13.

Joann. vi, 11.

Ecclesi. xxi, 37.



*Ecclesi. xlv, 27.* datis. Duleedo autem significatur per mel. *Marc. viii, 15.* quum in Ecclesiastico Sapientia dicat. Spiritus meus super mel duleis: sapiditas vero per fermentum, quod sapidum efficit panem. Porro mordacitas designatur per sal: amaritudo per thus, quod acerbi saporis est. Inconvenienter ergo praeceptum videtur, ut mel et fermentum in sacrificiis non ponantur, sed sal et thus. Ad hoc Alexander super tertium, et Thomas in prima secunda respondent, quod fermentum non offerebatur, quia in sacrificiis idolorum offerri solebat, et corruptionem doctrinae seu mentis putrefactionem designat, quemadmodum in Evangelio ait Salvator: Cave te a fermento Pharisaeorum et Herodis. Mel quoque prohibitum est Deo offerri, quoniam falsis diis immolabatur, et carnalem voluptatem significat, quae his oportet deesse, qui placitas Deo hostias cupiunt immolare. Sal vero offerebatur, quoniam a putrefactione et corruptione praeservat. Sacrificia autem Dei, debent suo modo incorrupta et integra esse. Thus quoque offerebatur, quia et mentis devotionem, et bonae famae odorem, et poenitentiae designat amaritudinem. Thus quippe pingue odoriferumque consistit, et tamen amarum habet saporem.

Postremo, subjungitur de oblatione spicarum virentium. Nam primitiae terrae nascentium, ter offerebantur in anno. Primo, in Pascha de virentibus spicis; secundo, in Pentecoste de panibus frugum novarum: tertio, in festo Tabernaculorum, frugibus jam collectis. *Si autem obtuleris mutuas*

*A primitiarum frugum tuarum Domino de spicis adhuc virentibus, torrebis eas igni, id est, parum combures: et confringes in morem farri.* Torrendo namque exentiebantur grana spicarum nondum maturarum, atque excussa frangebantur. *Et sic offeres primitias tuas Domino, scilicet ex granis sic fractis.* Fiebat autem oblatio per manum sacerdotis cum oratione pro offerente, et cum laude Dei cui offerebatur. *Fundens super ea oleum et thus imponens, quia oblatio Domini est, id est oblatio facta vero Deo, qui in suis sacrificiis oleum et thus jussit apponi propter causas expressas. De qua oblatione adolebit, id est super altare cremabit, sacerdos in memoriam muneris, id est ad hoc, ut oblatio ista quae et munus vocatur, quia a Deo donata est, et ei rursus sacrificando donatur: ad hoc, inquam, ut oblatio muneris hujus acceptetur a Domino. Adolebit itaque partem farri fracti, id est granorum instar farri fractorum, et olei ac totum thus illis appositum. Quemadmodum vero oleo pietas et devotionis pinguedo, spiritualisque consolatio designantur, juxta illud, Prudentes virgines acceperunt oleum, in vasis suis cum lampadibus; itemque, Unxit te Deus Deus tuus oleo laetitiae: sic thure, redolentia famae et compunctionis amaritudo exprimuntur. Merito igitur in sacrificiis Dei jussa sunt poni: quia cum pietate, abundantique devotione, et spirituali alacritate, atque cum bonae famae odore et cordiali contritione, sacrificandum est Deo.*

## ARTICULUS VIII

### EXPLANATIO SPIRITUALIS EJUSDEM CAPITULI SECUNDI.

**A**NIMA quum obtulerit oblationem, si anima erit ejus oblatio. Scriptura haec loquens de pauperum oblatione, recte ait, Anima quum obtulerit. Divites enim sunt

caro magis quam anima, quia carnalibus magis quam spiritualibus sunt intenti. Pauperes autem spiritu, quia divinis vacant, anima appellantur. Possunt tamen per

pauperes, imperfectiores intelligi, qui non A queunt animalia, sed simulam, immolare, hoc est, non excellentia, sed mediocria virtutum exercitia adimplere, atque hæc ipsa offerunt Deo, divinæ pietati ac gratiæ ea humiliter adscribendo. Rursus, per simulam, secundum Isidorum, designatur Ecclesia, ex multis fidelibus tanquam ex granis collecta, et instar simile purificata aquis Baptismatis, lota ac adunata, chris-matis oleo uncta, et igne Spiritus Sancti solidata, per humilitatem et devotionem Deo oblata. Hanc anima offert Deo, in ecclesiastica unitate perseverando, in Ecclesiæ meritis confidendo, imo et ipsam Ecclesiam Deo assiduis precibus commen-dando. Insuper, per simulam designatur conscientiæ puritas seu contemplatio divi-norum, quæ ex pravâ exercitatione in operibus vitæ activæ, quasi ex tritico oritur. Qui enim in vitâ activa se virtuose exercitavit, testimonio bonæ conscientiæ recreatur, atque ad contemplationis gratiam elevatur.

*Fundeturque super eam oleum*, sicut præ-habitu est. Per oleum unctio Spiritus Sancti, spiritualis quoque jucunditas et pietatis exercitatio designantur, quæ omnia superinfundenda sunt oblationi simi-læ nunc præfatæ, quia ex interna Spiritus Sancti unctione debent conscientiæ bonæ attestatio, contemplationisque actus pro-ceedere, dicente Apostolo: Ipse Spiritus testimonium perhibet spiritui nostro, quod filii Dei sumus. In spirituali quoque hila-ritate peragenda sunt omnia bona, quum scriptum sit: Gaudete in Domino semper: B et, Hilarem datorem diligit Deus. Nec ita quis debet suæ puritati ac contemplationi studere, ut negligat proximis condolare ac subvenire: imo pro ipsis ac pro communi bono Ecclesiæ jugiter ac ferventissime deprecetur, et tam spiritualia quam corporalia misericordiæ opera opportuno loco et tempore exsequatur. *Et ponet thus*. Per thus, flagrantia devotionis et odor famæ bonæ signantur, quæ duo sunt annectenda omni sacrificio spirituali: quia ex prom-

pta voluntate est offerendum, et offerens exemplaris esse tenetur, et de bono nomi-ne curam debet habere ad Dei honorem, proximorumque ædificationem.

*Ac deferet ad filios Aaron sacerdotes*. Per hoc præfiguratum cognoscitur, quod fideles opera sua virtuosa iudicio mini-strorum Ecclesiæ spiritualiumque virorum debent committere, an vere sint virtuosa, ne forte decipiantur in aliquo. Et item, ut orationibus ac meritis sacerdotum et præ-latorum ac religiosorum perficiantur, ac

B Domino commendentur. Nam et opera no-stra bona tot defectibus sunt permixta, ut totis viribus per nos ipsos et alios indi-geamus Dominum exorare, quatenus ea ac-ceptare dignetur, quoniam ipse terribiliter protestatur: Quum accepero tempus, ego justitias judicabo. Ponit quoque sacerdos *memoriale super altare*, dum in celebra-tione officii Missæ pro fidelibus intercedit, ut eorum spiritualia sacrificia Domi-nus habeat grata, imo et meritis Christi ea acceptet. Propter quod orationes conclu-dit, dicendo: Per Dominum nostrum Jesum Christum. *Quod autem reliquum fuerit de sacrificio, erit Aaron et filiorum ejus*. Per hoc figuratum videtur, quod sacerdotes et spiritualiores viri, orando et sacrificando pro plebe communi, communicant eis in merito eorundem. Et per caritatem unus fit particeps boni alterius, maxime qui sibi invicem cooperantur ad bene viven-dum, et qui alios dirigunt ad salutem.

*Quum autem obtuleris sacrificium co-ctum in elibano*. Per sacrificium coctum in elibano de simila, intelligit Hesyehins Christum pro nobis oblatum, et primo in Virginis ventre conceptum. Nam sicut eli-banus suscipit ignem et panem, sic uterus Virginis panem vitæ, scilicet Verbum Pa-tris, et ignem Sancti Spiritus accepit. In-super et *panes*. Per panem sic paratum, intelligitur operatio justa magnæ tribula-tioni admixta, et cum gravi persecutione exhibita, juxta quod scriptum est: Vasa figuli probat fornax, et homines justos tentat tribulationis. Itemque: Multæ tri-

*Eccli. xii, 16.*

*Ps. lxxiv, 3.*

*Rom. viii, 16.*

*Philipp. iv, 4*  
*II Cor. ix, 7.*

*Eccli. xxxii, 6.*  
*Ps. xxxiii, 20.*

bulationes justorum. Hæc itaque oblatio A conspergenda est oleo, ut in tribulationibus gaudeamus, sicut hortatur Salvator: *Luc. vi, 23.* Gaudete in illa hora, et exultate. Fermentum vero debet abesse: quoniam omnem iram, vindictam, indignationem, impatentiam oportet abjicere, ne mens passionibus corrumpatur. *Et lagana azyma oleo lita.* Lagana azyma in aquis cocta, videlicet panes lati ac tennes non fermentati, significant conversationem caritativam, sinceram, usque ad inimicorum amorem se extendentem, simulatione ac dolo carentem: quæ præfato linenda est oleo, quatenus in aquis adversitatum lætemur in Domino, quemadmodum frater Domini Jacobus exhortatur: *Jacob. i, 2.* Omne gaudium existimate, fratres, quum in varias tentationes incideritis.

At vero per oblationem coctam in sartagine seu patella, exprimitur operatio bona, igne adversitatis excocta: quæ adversitas a mundo infligitur: mundus quippe instar patellæ latus, electos persequitur. Per oblationem vero in eraticula coctam, insinuat actio virtuosa, igne concupiscentiæ propriæ C carnis acriter impugnata nec vieta. Secundum Hesychium, oblatio de sartagine, est dispensatio Passionis in cruce. Sartago igne non consumitur, et cibos esui reddit aptos. Sic crux Christi super omnia fortis, omnem creaturam Christo subjecit. Et carnem ejus, quæ ante Passionem videbatur esui esse non apta, post aptam fecit. Si enim non fuisset crucifixus, corpus ejus non comederemus. *Divides eam minutatim,* hoc est, singula quæ pro nobis sustinuit, distincte consideremus. *Et fundes super D eam oleum,* quatenus sicut ille pro nobis misericorditer mortuus est, ita et nos proximis usque ad mortem misereamur.

*Omnis oblatio quæ offertur Domino, absque fermento fiet,* hoc est sine admixtione falsæ doctrinæ, sine vitiorum corruptione. Absque duplicitate et hypoërisi exsequendum est omne opus virtutum, et Deo sinceriter serviendum. Simulatores namque et callidi provocant iram Dei. Et, Væ duplici corde. Hypocritæ quoque suam rece-

perunt mercedem. Cum simplicibus vero *Pror. iii, 32* sermocinatio Dei, qui jubet: Estote simplices sicut columbæ. Recte igitur dixit *Matth. x, 16.* Apostolus: Modicum fermentum totam massam corrumpit. *Nec quidquam fermenti ac mellis adolebitur in sacrificio Domini.* Ecce quod non solum prohibetur Deo offerri fermentum, hoc est evidens malum, sed etiam mel, id est apparens bonum male oblectans: quia carnalis et turpis voluptas, imo et omnis inordinata letitia, vitanda est Dei ministris, qui incedere obligantur *Matth. vii, 11.* per arctam viam salutis, et pœnitentialem ducere vitam. Non enim in terra suaviter viventium sapientia invenitur. Atque ut *Job xxxviii, 13.* Isaias fatetur. Non nisi ablactatos a lacte, avulsos ab ubere, Dominus docet scientiam, et intelligere facit auditum. *Is. xxxviii, 9.*

*Quidquid obtuleris sacrificii, sale condies.* Per sal discretio designatur. Discretio autem est auriga et ductrix virtutum, docens in omnibus moderamen servare, aptoque loco et tempore opportuno omnia fieri, sine cujus directione nullum opus est faciendum. Et ipsa est diligentissime servanda cum universis partibus suis, ut nihil præcipitanter, incircumspecte, improvide, immoderate agamus. Ideo Christus in Evangelio: Habete, inquit, sal in vobis. *Marc ix, 49.* Et rursus: Bonum est sal. Apostolus quoque: Rationabile, ait, obsequium vestrum. *Luc. xiv, 51.* Et iterum: Sermo vester in gratia semper sale sit conditus. Itaque, sicut in cunctis corporalibus alimentis, ita in universis actibus virtuosis mentem reficientibus, ac Domino offerendis, sal admiscendum consistit: quia et bonum confert saporem, et putrefactionem excludit. *Rom. xii, 1.* *Coloss. iv, 6.*

*Si autem obtuleris munus primitiarum frugum tuarum Domino de spicis adhuc virentibus.* Per spicas adhuc virentes nondum maturas, intelligitur conversatio incipientium nova, rudis et imperfecta, attamen virens, in quantum procedit ex caritate et gratia, actibusque pœnitentiæ vacat: quæ torrenda est igni, ut caritate veraciter accendatur, et omnis gloriatio vana, atque reflexio ad se inordinata, puerilisque re-

*Job xxxvi,*

*13.*

*Ecclesi. ii, 11.*

*Matth. vi, 5.*



putatio sui ipsius, ad quas prout sunt, qui A Deo servire incipiunt, penitus excludantur. Quae conversatio et instar farris est confringenda, id est humiliter discutienda, ac sancta devotione ab omni mala duritia emollienda. Postremo, quamvis fermentum et mel Deo offerri prohibeantur, primitiae tamen eorum ei immolari jubentur; quoniam et in falsis doctrinis aliqua veritates saepius continentur; carnales quoque voluptates in conjugatis, per bona matrimo-

nii excusantur. Et ita de his Deus poterit honorari. Unde et ex dictis et libris philosophorum, multa vera ad christianae sapientiae elucidationem accommodata accipiuntur. Ex conjugali quoque copula, quamvis voluptuosa, generantur Ecclesiae filii. Non autem ponenda sunt ista super altare in odorem suavitatis: quia in se ipsis meritoria non consistunt, nec inter praecipua bona sunt computanda, sed theologiae veritati sanctaeque castitati postponenda.

## ARTICULUS IX

EXPOSITIO LITTERALIS CAPITULI TERTII: QUOD SI HOSTIA PACIFICORUM FUERIT.

UT patet ex allegatis ex Thoma, Alexan- B dro et Guillelmo Parisiensi, quaedam erant hostiae, quae offerebantur pro pace aut salute, seu victoria vel alio quovis beneficio, datis et conservandis aut impetrandis, quae hostiae vocabantur pacificae vel salutare: et quae immolabantur pro aliquo tali bono jam dato, possunt dici hostiae gratiarum actionis et laudis, quae autem pro obtinendo, hostiae postulatoe recte vocantur. De illis ergo nunc agitur.

Quod si hostia pacificorum fuerit ejus oblatio, id est, si quis pacificam obtulerit hostiam, et de bobus voluerit offerre, id est bovem seu vitulum, marem sive feminam, immaculata offeret coram Domino, id est, indifferenter offerre potest bovem, vitulum, vaccam aut taurum: sic tamen, ut quidquid horum obtulerit, careat defectuositate, monstruositate, infirmitate et vilitate, reddente animal ineptum ad immolandum, sicut in expositione primi capituli plenius dictum est. In hoc itaque differt hostia pacifica ab holocausto, quod in ea offerri potest non masculus tantum, D sicut in holocausto, sed etiam femina. Dignius equidem fuit holocaustum pacifica oblatione. Ponetque manum super caput

victimae suae ipse offerens. Cur manus imponebatur super animal immolandum, in litterali primi capituli expositione indutum est. Quae immolabitur Deo a sacerdote pro offerente, in introitu tabernaculi testimonii, id est juxta ostium atrii, tamen in atrio et prope altare: fundentque filii Aaron \* sanguinem animalis oblatis, per circuitum altaris, juxta intellectum in primi capituli explanatione praehabitu. Et offerent de hostia pacificorum, puta de hostia jam praedicta, in oblationem Domino, adipem qui operit vitulia, id est intestina, et quidquid pinguedinis intrinsecus est, quae scilicet pinguedo carni adharet, et infra eam consistit: duos renes cum adipem quo teguntur illa. Illa sunt parva intestina, renibus adhaerentia animalis, suntque rotunda. Et reticulum jecoris. Reticulum dicitur quidam adeps instar retis formatus. Per jecur intelligitur hepar: nam et in Hebraeo (ut fertur) hepar habetur. Cum renunculis. Denique quamvis totum animal Deo offerebatur, tamen praefatae jam partes animalis illius Deo immolari dicebantur, quoniam ad divinae majestatis honorem in altari incendebantur, nec venerunt in usum humanum. Unde subjungit

\* sacerdos

tur : *Adolebuntque ea super altare in holocaustum*, id est incensum. Quamvis enim totalis oblatio fuit pacifica hostia, tamen pars ejus jam dicta, habuit rationem et nomen holocausti, in quantum totaliter cremabatur instar holocaustorum. Porro adeps vocatur pinguedo in interioribus partibus animalis existens : arvina vero, quæ inter carnem et cutem, quæ et in porco proprie lardum vocatur. Hinc apud Job habetur : *De lateribus illius arvina dependet*. Nihilominus unum horum quandoque pro alio sumitur. *Lignis igitur supposito, in oblationem suavisissimi odoris Domino*.

*Si vero de oribus fuerit ejus oblatio, et, pro id est, pacificorum hostia, sive masculina, puta arietem, sive feminam obtulerit, quia utrumque offerri potest, sicut de bobus prædictum est, immaculata erunt, sicut expositum est. Si agnum obtulerit coram Domino, in hostiam pacificam. In hac enim oblatione poterat immolari non solum ovis utriusque sexus, sed etiam minoris ac majoris ætatis : ideo nunc de agno quasi gratia exempli prosequitur, quia frequentius aut decentius fiebat de agno, quam de ove antiquiore. Ponet offerens manum super caput victimæ suæ. In diversis sacrificiis eadem verba multoties continentur, secundum quod diversa sacrificia in aliquibus conveniebant : nec oportet ea frequenter exponere, sed ea semel exposuisse sufficiat. Quæ immolabitur in vestibulo tabernaculi, id est in atrio : et offerent filii Aaron sacerdotes, de hac pacificorum hostia sacrificium Domino, videlicet in incensum seu holocaustum, prout de bove oblato jam dictum est; adipem et caudam totam cum renibus, et pinguedinem quæ operit ventrem, intus sub ente, atque universa vitalia, scilicet intestina. Et adolebit, id est cremabit, ea sacerdotes super altare in palatum ignis, qui in altari nutriebatur ex pinguibus istis materiis, et oblationis Domini : quoniam ex eisdem materiis exhibebatur Deo oblatio. Quod autem nunc dictum est de agno, de ariete quoque et ove majori est intelligen-*

dum. Consequenter describitur, qualiter ista oblatio fiebat de capris, et patet littera ex præinductis : quia per omnia fuit conformis modus in sacrificio capræ et ovis in pacificis hostiis.

At vero circa verba illa, *Duos renes cum adipe, de sacrificio bovis inducta, asserit Lyra in Hebræo haberi, Renunculos : et quod aliqui dicunt, litteram vitio scriptorum esse corruptam, quoniam renes non cremabantur cum adipe, sed renunculi. Verum hoc debiliter dictum censetur, quum renunculi dicantur parvi renes, et frequenter diminutivum pro nomine a quo derivatur, sumatur : nec parvi renes duntaxat, sed et pinguedo, parvaque intestina renibus adhaerentia nuncupentur renunculi, ut Brito, alique fatentur grammatici.*

*Omnis adeps, Domini erit, id est, ad Dei honorem specialiter offeretur, et incendetur in sacrificiis, nec humanis usibus concedetur : jure perpetuo, id est ex divino præcepto seu instituto, per totum tempus veteris Testamenti durante : ideirco subjungitur, in generationibus et cunctis habitaculis vestris. Nec adipem, nec sanguinem omnino comedetis, id est, nullum horum in cibum sumetis, nec commiscebitis vestris cibariis. Innotescit demum ex præinductis, quod hostiæ pacificæ ac salutare, fiebant de tribus animalium generibus tantum, de quibus et holocausta, puta de bobus, capris et ovibus, non autem de avibus. Aves namque offerebantur integræ Deo, nec dividebantur, quemadmodum in Genesi de Abraham legitur, quod aves non divisit. Insuper in Scholastica fertur historia : Pinguedo supra carnem, arvina vel lardum vocatur : quæ autem carni miscetur, pinguedo proprie nuncupatur : quæ vero intestinis adhaeret, dicitur adeps. Est autem triplex adeps, videlicet adeps vitalium, adeps jecoris, adeps renum. Hos tres adipem jussit sibi Dominus immolari.*

Quæritur, cur Deus prohibuit populo suo adipem sanguinemque comedere. Ad hoc, libro de Fide et legibus, Guillelmus re-

Job xv, 27.

C

D

Gen. xv, 10.

Ps. cx, 38.

Deut. xxxiii, 38.

spondet : Sanguinem hostiarum Deus fundi A semper praecepit, et comedi illum prohibuit. Cujus potissima causa fuit idololatriæ consuetudo. Idololatræ namque non solum pecorum, sed filiorum quoque et filiarum suarum sanguinem suis diis, imo demoniis immolabant : oblatione autem sanguinis, qui vitæ nutrimentum ac sustentaculum est, futebantur deos suos esse sustentatores et nutritores vitæ suæ. Probabile etiam est, quod quidam idololatræ aliquid de sanguine sacrificiorum suorum suis miserunt cibariis, ut quasi sacratior esset. B Adipem vero omnium sacrificiorum sibi retinuit, sanctificavitque Deus, similiter renes atque renunculos. Triplex autem videtur fuisse causa, cur adeps reservatus est Deo. Una, quia idololatræ fecerunt oppositum, juxta illud Deuteronomii : De quorum victimis comedeabant adipēs. Alia causa fuit, ut in sacrificiis gula detraheretur, et in ipsis sobrietas servaretur. Alia erat honor Dei, qui pinguiorum et meliorum oblatione honorabatur. Hæc Guillelmus.

Præterea de his scribit Thomas in prima C secundæ, questione 102 : Hostia pacificorum dividebatur in tres partes : quarum una ad Dei honorem incendebatur, alia venit in usum sacerdotum, tertia in offerentium usum seu esum : ad figurandum, quod salus et pax hominis sunt a Deo per ministros Ecclesiæ, cooperantibus eis qui salvantur. Hoc vero generaliter servabatur, quod

sanguis et adeps non venerunt in usum sacerdotum nec offerentium ; sed sanguis ad Dei honorem circa altaris crepidinem fundebatur, et adeps adurebatur in igne. Primo, ad excludendum idololatriæ ritum. Secundo, ad informationem vitæ humanæ : prohibebatur Judæis sanguinis esus, quatenus humani sanguinis effusionem intensius abhorrerent : esus vero adipis prohibitus eis est, ad vitandum lasciviam. Deinde propter reverentiam Dei : quoniam sanguis potissimum necessarius est ad vitam, propter quod anima dicitur esse in sanguine ; adeps vero abundantiam nutrimenti demonstrat : ideo ad ostendendum quod a Deo nobis sint vita et omnis rerum sufficientia, duo hæc ad Dei honorem sunt reservata. Item, quia per hæc figurabatur effusio sanguinis Christi, atque pinguedo caritatis ipsius. Aves quoque, videlicet turtur, columba aut passer, non offerebantur in hostias pacificas, quoniam institutæ sunt ad offerendum propter offerentium paupertatem : hostiæ autem pacificæ offerebantur gratis et sponte absque obligatione. Hæc Thomas.

Postremo quæritur, an esus adipis fuerit Judæis generaliter in cunctis prohibitus, quemadmodum sanguinis usus, an solum in animalibus immolatiis sen oblatis. De hoc duæ sunt opiniones, de quibus nunc transeo, quoniam alibi materia ista amplius locum habet.

## ARTICULUS X

### ELUCIDATIO EJUSDEM CAPITULI TERTII SPIRITUALIS.

Ephes. ii, 11.

SPIRITUALITER et allegorice hostia D nostra pacifica, est Dominus et Salvator, qui est pax nostra, faciens utraque unum : et veniens prædicavit pacem his qui prope, et his qui longe : a quo pacem temporis, pacem pectoris, pacemque æternitatis sortimur : qui inter Deum et ho-

minem, inter angelum quoque et hominem, et item inter homines invicem pacem effecit. Denique hostiam istam pacificam Deo Patri offerimus, dum ea commemoramus, quæ pro nostra salute Christus assumpsit, fecit ac pertulit, et de his Deo devote regratiamur, seu per ea pacem et salutem



adipisci precamur. Specialiter vero in celebrationis officio immolatur hæc hostia Deo. Qualiter autem per bovem, ovem et capram, Dominus Iesus diversimode designetur, in spirituali primi capituli expositione est habitum. *Marem sive feminam immaculatam offeret.* Per feminam immaculatam potest caro Domini accipi, quæ nulli unquam culpæ fuit obnoxia. Per marem vero, rationalis spiritus ejus seu anima. Feminam ergo offerimus, dum ea recolimus, quæ Christus corporaliter propter nos gessit aut passus est. Marem, dum spirituales ejus dolores, interioresque actus ejus meritorios nobis salubriter recordamur.

Tropologice, per bovem intelligitur quicumque fidelis in dominico agro laborans, et super se Domini jugum portans, atque se ipsum subdens ac immolans Deo : qui tam pro beneficiis Dei jam sibi collatis, quam pro adipiscendis divinis promissis, debet se Deo pacificam hostiam offerre : qui etiam offert marem, dum superiorem animæ suæ partem seu spiritum immolat Deo per obedientiam sanctam, et proprii sensus abnegationem, ac fidei actum : feminam vero, dum fragilem carnem seu sensitivam partem rationi ac legi subdit divinæ. Super quam carnem, sensitivamque partem, manum, id est disciplinæ rigorem ac lorum, debet imponere. Insuper hostiæ hujus adipem vitalia operientem, et quidquid intrinsecus exstat pinguedinis, debet offerre, ita ut maceret corpus per abstinentiæ atque jejunii distractionem : et quidquid carnaliter dulce est, aspernetur : imo et quidquid spiritualis boni in corpore est per redundantiam ex superiori animæ parte, atque moralium actus virtutum, quæ in sensitivo appetitu esse dicuntur, sive per essentiam, sive per impressionem, pietati adscribat divinæ, et in cultum ipsius reverentiamque convertat.

*Duos renes cum adipe quo teguntur illi, et reticulum jecoris cum renunculis.* Per renes, in quibus viget luxuriæ fomes seu incentivum, major concupiscentia carnis exprimitur : per renunculos, primi et

minores motus libidinis : per adipem, concupiscentiarum fomenta : per reticulum jecoris, intricatio seu versutia tentationum accipitur : quæ omnia offerenda sunt Deo, id est, ad ejus honorem refrenanda et extinguenda. Dicuntur equidem etiam mala Deo offerri, non quod malum culpæ aliquo modo complaceat ei, sed in quantum ad Dei venerationem viriliter mortificantur.

*Si vero de oribus fuerit ejus oblatio.* Non dubium quin per ovem seu agnum Christus sit figuratus, quem pro nostris peccatis, obtinendisque bonis, juxta præhabitu sensum, jugiter immolare debemus. Specialiterque per ovem seu agnum quicumque simplex, mitis et innocens designatur, qui tanto plus, et tanto humilior Deo se debet offerre obediendo et grates agendo, quanto Omnipotens gratiosius egit secum, atque a pluribus ac gravioribus præservavit peccatis. Debet quoque in actibus tam virtuosis indesinenter perseverare, quod per caudæ oblationem signatum est : nam cauda finis est animalis. Quidam vero perseverant in vitiis, contra quos per Isaiam loquitur Deus : Vae qui trahitis iniquitatem in funiculis vanitatis. Et rursus : Disperdet Dominus caput et caudam. Quod contra hortatur Scriptura : Non adjicias peccatum super peccatum. *Et pinguedinem quæ operit ventrem.* Per ventrem interdum in Scripturis mens designatur, juxta quod scriptum est : Ex utero ante luciferum genui te. Et : Doctrina mea pulchra tibi erit, quum acceperis eam in ventre tuo. Itaque pinguedo ventrem operiens, intelligi potest carnalis affectio mentem obscurans.

*Si capra fuerit ejus oblatio.* Per capram corpus peccati seu sensualitas explicatur, quæ offerenda est Deo, ut exhibeamus membra nostra arma justitiæ Deo, quatenus inter eos computemur, de quibus loquitur Paulus : Qui autem sunt Christi, carnem suam crucifixerunt cum vitiis et concupiscentiis.

Denique omnia ista Deo sic offerenda, in ara cordis inflammanda sunt incendio caritatis : et ex eisdem nutriendus est ignis

Matth. xi,  
29, 30.

Is. v, 18

Ibid. ix, 14.

Ecclesi. v, 5.

Ps. cix, 3.

Prov. xxi,

18.

Rom. vi, 13.

Galat. v, 21.

dignissimæ dilectionis. Caritas namque per opera bona nutritur, imò per interiores actus suos potissimum crescit, augetur, perficitur. *Omnis adeps Domini erit jure perpetuo.* Dum adeps in bono suscipitur, cordis dulcedo, devotionis excessus, fervor amoris per ipsum significantur. Omnis itaque talis adeps Deo est adscribendus, et ab ipso petendus, juxta illud Psalmi : Sicut adipem et pinguedine repleatur anima mea. Et item in Isaia : Delectabitur in crassitudine anima vestra. *Nec adipem nec sanguinem comedetis.* Sanguinem comedere, est opera carnalia, vitiosa, aut aliorum lesiones seu homicidia perpetrare, sive in talibus de-

lectari. Unde et scriptum est : Libera me de sanguinibus. Itemque : Caro et sanguis regnum Dei non possidebunt. Adipem vero comedere, est vel præfata spiritualia bona sibi ipsi tanquam propriis viribus facta deputare, sicque in eis inaniter gloriari ; vel ea quæ sensualiter oblectant amplecti, seu gulam erapulamque amare. Propter quod dicitur : Qui amat vinum et pinguiam, non erit sapiens. Christus quoque in Evangelio : Videte, inquit, ne graventur corda vestra erapula vel ebrietate. Itemque Apostolus : Curam carnis ne feceritis in desideriis. Nempe quæ taliter foveant carnem, interimunt spiritum.

Ps. 1, 16.

1 Cor. xv, 50.

Prov. xxi, 17.

Luc. xxi, 34.

Rom. xiii, 11.

## ARTICULUS XI

DECLARATIO LITTERALIS CAPITULI QUARTI : LOCUTUSQUE EST DOMINUS AD MOYSEN, Dicens.

NUNC de sacrificiis agitur quæ pro remissione offerebantur peccati. Et quia juxta diversum statum, gradum seu qualitatem peccantium, diversimode aggravantur seu alleviantur peccata : ideo nunc fit mentio de variis hostiis pro peccatorum remissione offerendis, secundum quod ipsi qui peccaverunt erant in statu seu gradu sublimiori aut bassiori, vel prout eorum excessus processit ex radice magis aut minus culpabili. Unde in isto capitulo specialiter agitur de hostiis quæ pro peccatis ex ignorantia offerebantur. Enumerantur quoque et distinguuntur hic quatuor personæ peccantium, puta sacerdos, princeps, synagoga, id est communitas, et anima, id est quicumque de vulgo.

Primo itaque de sacerdote nunc dicitur : *Locutusque est Dominus ad Moysen, dicens : Loquere filiis Israel : Anima quæ peccaverit per ignorantiam.* Circa exordium litteralis expositionis secundi capituli dictum est, quod ibi convenienter designatur homo nomine animæ, quoniam

ibi est sermo de sacrificiis, quæ ex devotione et sponte immolabantur : quomodo ergo nunc exprimitur homo per animam, quum de peccato hominis sit tractatus ? Ad quod respondetur, quod sicut nomen hominis accipitur in Scripturis quandoque in bono, ut quum ait Apostolus, Si secundum hominem, id est rationabiliter, ad bestias pugnavi Ephesi, id est, contra bestiales homines disputavi in Epheso, quia videlicet supremum et specialissimum in homine, est ratio seu rationalis perfectio, a qua sortitur et speciem, unde interdum vocamus humanum, quod est rationabile atque pium ; aliquando vero nomen hominis in malo accipitur, ut quum rursus Paulus effatur, Quum sit inter vos zelus et contentio, nonne homines estis ? id est, sensuales et fragiles, passionibusque subiecti, quia videlicet major pars hominum, carnales affectiones, passionumque sequitur motus : ita de anima dici potest, quod nunc in bono, nunc in malo suscipitur, secundum quod diversæ vires et actiones

1 Cor. xv, 32.

Ibid. iii, 3.

ae proprietates continentur in ea. Hinc secundum Origenem, homo peccans, nomine animæ, non nomine spiritus, designatur. Nam anima quoad vires suas superiores, spiritus appellatur. Porro secundum Hesychium dicitur, Anima quum peccaverit, contra eos qui corpus accensant quasi causam peccati.

Itaque anima, id est homo, quum peccaverit per ignorantiam, id est, ex ignorantia quæ sit aliquo modo culpabilis. Est quippe ignorantia aliqua, excusans totaliter a peccato, videlicet ignorantia facti circa quod debita adhibetur cautela: aut etiam ignorantia juris quod quis scire non obligatur, et ex illa ignorantia non peccatur directe, quamvis occasionaliter ex ignorantia illa quis posset peccare. *Et de universis mandatis Domini, quæ præcepit ut non fierent, quidpiam fecerit.* Quid est hoc? quod enim mandatum præcepit Dominus ut non fieret? Nonne Deus præcepit omnia mandata sua ut fiant, id est ut observentur? Sed forsitan quis dicat, quod præcepta negativa præcepit ut non fiant, ut sunt illa: Non furtum facies, Non moechaberis, Non falsum testimonium dices, Ista namque præcepit, id est prohibuit, quia prohibitio est jussio quædam. Hinc quidam exponunt hunc passum de negativis præceptis, quidam vero exponunt de præceptis affirmativis: sed verius reor, quod de utrisque sit intelligendum, ut sit sensus: De universis mandatis Domini, quæ præcepit ut non fierent, quidpiam fecerit, id est, aliquid egerit de universis rebus cuiusque præcepto Dei contrariis, ita ut nomine actionis seu commissionis, intelligatur et ommissio, quemadmodum in Scripturis est consuetum.

Consequenter verbum istud generaliter dictum, determinatur ad certum hominum genus, quum subditur: *Si sacerdos qui est unctus, peccaverit.* Hoc quidam exponunt de quocumque sacerdote legali, non habente defectum sacerdotalis officii. Unde Magister in historiis ait: Additum est, Qui unctus est, non quin omnes videli-

et ministrantes seu sacerdotes uncti essent, sed ad differentiam illorum, qui quum essent de genere sacerdotali, propter maculam corporis nec ungi poterant, nec ministrare. Verumtamen his objici potest, quia secundum Augustinum, imo secundum Scripturam, soli reges atque pontifices ungebantur. Quod enim inferiores sacerdotes non ungebantur, in Exodo præhabuit est, et infra continetur. Hinc quidam exponunt istud de summo sacerdote, Qui vero primam vult expositionem defendere, dicere potest, quod unctio capitur hic extense pro consecratione. Inferiores etenim sacerdotes adaspergebantur quadam commixtione facta ex oleo unctionis et sanguine hostiæ immolatæ: quæ adpersio, large loquendo, unctio nominatur. *Delinquere faciens populum.* Quod ait, Delinquere faciens populum, intelligi potest tripliciter: Primo, ut sit generalis conditio cujuslibet peccati sacerdotis, quoniam omne peccatum sacerdotis aliquo modo causa est seu occasio peccandi subditis suis seu populo, præsertim si publice peccet. Quod enim facit qui præest, ceteri sibi licere putant: et iniquitas ad imitationem valde pertrahit, dum peccator ob sui status vel eminentiæ dignitatem honoratur. Secundo, prout est limitatio quædam vitii sacerdotis, ita ut intelligatur de peccato quod facit ad hoc, ut provocet populum ad peccandum. Tercio, de peccato quo populum ad culpam inducit ratione ignorantiae suæ: quum enim ipsemet ex ignorantia peccet, ignorans esse illicitum quod illicitum est, consequens est ut et plebem super hoc male informet. Aliqui vero dicunt in Hebræo haberi, Si sacerdos qui unctus est, peccaverit ad culpam populi, id est tam viliter et aperte, ut unus de populo.

*Offeret pro peccato suo, sive sit debiti ommissio, sive prohibiti commissio, vitulum immaculatum Domino: et adducet illum ad ostium tabernaculi testimonii coram Domino, ponetque manum super caput ejus, et immolabit eum Domino, ipsum vitulum occidendo, ad insinuandum et confiten-*

Exod. xx,  
15, 14, 16.

Exod. xxix.

Lev. viii.

Exod. xxix,  
21.



dum, quod ipse transgrediendo praeceptum, meruit occidi et condemnari. *Hauriet quoque de sanguine vituli*, id est, partem sanguinis vituli immolati in vasculo aliquo colliget, *inferens illum in tabernaculum testimonii*, puta in primam tabernaculi partem exteriorem: quod de sanguine sacrificiorum praecedentium non est dictum. Quemadmodum enim, ceteris paribus, peccatum sacerdotis est gravius, sic ad impetrandum remissionem ipsius, propius ad Deum oportet accedere, et cordialius penitere: sed propter reverentiam et dignitatem sacerdotalis officii, concedens erat, quod sanguis hostiae pro ipso oblatus, intra tabernaculum offerretur. *Quinque intinxerit digitum in sanguine vituli* pro suo peccato oblatus, *adspersit eo septies coram Domino*: ut per adspersionem toties repetitam, et suae culpae demonstrativam, impetret sibi plenam remissionem, Deum placando: *contra velum sanctuarii*, id est ex opposito veli, et versus illud quod erat in tabernaculo seu sanctuario, dividens inter Sanctum sanctorum et Sancta, seu inter primum et secundum loca tabernaculi Dei. Nec verum videtur quod quidam hic scribit, quod sanguis iste inferebatur intra Sancta sanctorum, et quod ideo hic dicatur, *Contra velum*: imo quod ait, *Contra velum*, magis sonat oppositum, utpote quod adspargendo stabat extra velum, non intra. Subditur quoque: *Ponetque de eodem sanguine super coram altaris thymiamatis*, id est dulcis odoris, *gratissimi Domino*, ex parte fidei et devotionis ac obedientiae offerentium; *quod est in tabernaculo testimonii*. Altare enim thymiamatis, in quo dulcis odor per concretionem generabatur, fuit non in atrio, sed in ipso tabernaculo, in prima et exteriori parte ipsius, ut super Exodum dictum est saepe. *Omnes autem reliquum sanguinem vituli immolati, fundet in basin*, id est circa crepidinem, *altaris holocausti in introitu tabernaculi*, id est in atrio, per quod in tabernaculum intrabatur, in quo atrio situm erat altare holocausti.

*Et adipem vituli offeret pro peccato*. Quamvis totus vitulus pro peccato sacerdotis remittendo offerebatur, adeps tamen et cetera quae sequuntur, pro peccato specialiter dicebantur offerri, in quantum super altare holocausti ad Dei cremabantur honorem. Unde subjungitur: *Adipem vituli offeret pro peccato, tam cum adipem qui operit vitalia*, scilicet intestina, *quam omnia quae intrinsecus sunt*: de quibus et additur, *duos renunculos, et reticulum quod est super eos iuxta illa, et adipem jecoris cum renunculis*. Omnia nomina ista jam ante exposita sunt. *Sicut auferetur de vitulo hostiae pacificorum*: id est, quemadmodum ista nunc nominata, abstrahunt sacerdotes de vitulo occiso et immolato in hostiam pacificam ad cremandum ea in altari, ut praecedenti dicebatur capitulo: sic auferet sacerdos ista a corpore vituli pro suo peccato oblatus. *Et adolebit ea super altare holocausti*, ad honorandum atque placandum majestatem Altissimi, quam peccando inhonoravit, *graviterque offendit*. *Pellem vero et omnes carnes vituli, cum capite et pedibus et intestinis et fimo et reliquo corpore*, id est ceteris membris seu partibus, *effert extra castra*, id est habitacula seu tentoria, *in locum mundum*: quoniam ista Deo oblata et sanctificata, in loco ponenda sunt mundo: *ubi cineres* in altari holocaustorum relictis ex combustionibus hostiarum, *effundi solent*; *incendetque ea super lignorum struem*, quibus ignem supponet, *quae in loco effusorum cinerum cremabuntur*: quia in loco illo mundo tam caro occisi vituli cum membris ac partibus suis praefatis quam ligna pariter usque ad cineres igne consumeantur.

Circa haec oritur quaestio duplex: Prima, quomodo nunc dicuntur intestina vituli immolati extra castra esse cremanda, quum jam dictum sit, quod in altari holocausti intestina vituli hujus sint incendenda? Respondetur, quod de diversis intestinis ejusdem vituli ista intelligantur, quoniam meliora intestina praefata super altare in-

ceendebantur, cetera extra castra. Secunda A quaestio est, cur caro vituli sic oblata, sic cremabatur, et non potius venit in usum offerentis, praesertim quum dictum sit, quod hostia pro peccato dividebatur in duas partes, quarum una in usum et esum sacerdotis deputabatur? Respondet Thomas in prima secunda, questione 102, quod quando hostia pro peccato immolabatur a principe aut a quocumque de vulgo, tunc una pars cessit in usum offerentium sacerdotum, alia cremabatur: sed quando offerebatur pro peccato sacerdotis, aut B sed et quaelibet multitudo cujuscumque communis, tota cremabatur, tamen divisim per partes, et in locis diversis. Si enim tunc cessisset pars ejus in usum offerentis aut offerentium, tantumdem fuisset ac si non fuisset ab eis oblata: quia hae hostia, fuit quaedam satisfactio pro peccato eorum. Ideo quoque tota cremabatur hostia sacerdotis, pro suo peccato delendo oblata, ut significaretur, quod nihil peccati in ipso debeat remanere. Rursus, ad innuendum quod peccata sacerdotum et communis sunt graviora, decuit sacrificia pro eis oblata omnino comburi. Iterum quaeri potest, cur ergo hostia illa sic omnino cremanda, non incendebatur tota in altari in atrio, sed partim in atrio, partimque extra castra. Dicendum, quia non erat holocaustum, nec juxta ritum holocausti exstitit immolanda.

Consequenter tractatur de hostia pro peccato communis offerenda. *Quod si omnis turba filiorum Israel ignoraverit, quod seire tenetur aut debet: et per imperitiam, id est ex ignorantia seu errore. D fecerit quod contra mandatum Domini est: id est, per illicitam commissionem violaverit aliquod negativum Dei praeceptum; aut certe per omissionem iniquam transgressa fuerit praeceptum affirmativum quodcumque, quod item per vitiosam commissionem transgredi potest: quia non solum violat praeceptum celebrandi dies festivos qui in eis non agit salubria, nec audit divina, verum etiam qui tunc opera facit servilia. Et postea intellexerit pecca-*

*tum suum, sive peccata, ignorance et imperitia per informationem ab ea sublati. Offeret vitulum pro peccato suo.* In hoc videtur Scriptura peccatum solius sacerdotis, praesertim pontificis, quodammodo comparare peccato totius plebis, quoniam pro utroque eadem hostia offerebatur. *Adducetque eum, scilicet turba vitulum, ad ostium tabernaculi, scilicet intra atrium usque ad altare holocausti.* Porro per omnem turbam filiorum Israel, intelligi potest non solum universus Israeliticus populus, sed et quaelibet multitudo cujuscumque urbis aut villae. *Et ponent seniores, scilicet judices ordinarii et rectores, aut etiam tempore seniores et notabiliores, qui vicem communis gerebant, et totam multitudinem representabant, manus super caput ejus, videlicet vituli, coram Domino, non quod omnes seniores, sed quidam eorum hoc faciebant, ad protestandum se esse reos et dignos morte vitulo inferenda.*

*Immolatoque vitulo in conspectu Domini, per sacerdotem occiso et immolato, af- feret\* sacerdos qui unctus est, scilicet pontifex, secundum quosdam, vel sacerdos eo inferior consecratus, ut dictum est: de sanguine ejus in tabernaculum testimonii: tincto digito in sanguine illo in aliquo vaseculo posito, aspergens septies contra velum, secundum sensum expositum, ut Deus populo propitiatur. Et bene Contra velum, quoniam intra velum in Sancta sanctorum, ubi et arca erat, Deus specialiter habitare tunc dicebatur. Ponetque de eodem sanguine in cornibus altaris thymiamatis, quod est coram Domino in tabernaculo testimonii. Reliquum sanguinem fundet juxta basin altaris holocaustorum, quod est in ostio tabernaculi testimonii. id est extra et prope primam tabernaculi januam. Omnemque ejus adipem tollet, id est accipiet, et adolebit super altare holocausti: sic faciens de hoc vitulo, quem offert pro peccato populi, quomodo fecit et prius, id est, sic offerens vitulum istum, sicut obtulit vitulum alium pro propria culpa, quia uterque quasi eodem per*

\* inferet

omnia ritu offerebatur. Unde et littera ista A  
ex prehabitis clara est. *Et rogante pro  
eis sacerdote, propitius erit eis Dominus,*  
multitudini ignoscendo, dummodo vere  
peniteat : non enim virtute sacrificii hu-  
jus ignovit, sed per orationem sacerdotis,  
contritionemque populi, imo et per sacrifici-  
cium, in quantum ex fide, obedientia et  
devotione populi et per orationem sacer-  
dotis acceptum fuit. *Ipsam autem vitu-  
lum,* id est carnes occisi oblatique vituli,  
*efferet extra castra, atque comburet ibidem*  
in loco mundo, *sicut et priorem vitulum,* B  
id est, quemadmodum exportavit carnes  
vituli pro suo peccato oblatus : de quo vi-  
tulo jam prius factus est sermo : *quia pro  
peccato est multitudinis,* id est, quoniam  
vitulus iste oblatus est pro remissione  
peccati ipsius populi : propter quod om-  
nino comburitur, sicut et ille qui pro sa-  
cerdotis peccato est immolatus, ejus rei  
rationes jam tactæ sunt.

Sequitur de hostia pro culpa principis  
offerenda. *Si peccaverit princeps.* Per prin-  
cipem non solum intelligitur supremus  
princeps, seu rex aut iudex totius Israeliti-  
cæ plebis, sed etiam principes inferiores :  
quia secundum Josephum et Magistrum in  
historiis, princeps hic potest intelligi chi-  
liarchus, id est princeps super mille, vel  
tribunus. *Et fecerit unum ex pluribus per  
ignorantiam, quod Domini lege prohibe-  
tur,* id est, omittendo vel committendo  
violaverit quodeumque Dei præceptum : *et  
postea intellexerit peccatum suum, offeret  
hostiam coram Domino, hircum de capris  
natum, vel de grege speciei caprarum,* D  
*immaculatum.* Quomodo hirens, qui est  
animal vile et fætidum, potest esse im-  
maculatus ? Dicendum, quod immaculatus  
vocatur, quia defectuositate et monstrosi-  
tate reddente ineptum ad immolandum,  
est carens : et recte pro peccato principis  
hireus offerebatur, quoniam hireus est dux  
caprarum, sicut aries ovium. Dicit quoque  
Rabbi Moyses, quod quanto gravius fuit  
peccatum, tanto vilior species animalis  
offerebatur pro eo. Nam pro principis vi-

tio, quod fuit tanto enormius, quanto di-  
gnior existit principatus ipsius, hireus  
qui vile est animal, immolabatur. Atque  
ut asserit Glossa : Per hoc ipsum gravitas  
culpæ principis insinuat, quod tam vile  
pecus et foetidum pro ejus remissione of-  
ferebatur. *Ponctque manum suam super  
caput ejus ; quinque immolaverit eum*  
per sacerdotis obsequium, *in loco, ubi so-  
let mactari holocaustum coram Domino,*  
puta in atrio tabernaculi, juxta altare ho-  
locausti, *quia pro peccato est, tinget sa-  
cerdos digitum in sanguine hostiæ pro  
peccato,* videlicet hirei oblatus, *tangens,* id  
est sanguine liniens, *cornua altaris holo-  
causti :* de sanguine equidem hostiæ hujus  
non tangebatur altare thymiamatis, nec  
ferebatur in tabernaculum. Cetera quæ de  
sacrificio isto scribuntur in textu, patent  
ex præinductis.

Sequitur de sacrificio offerendo pro re-  
missione peccati personæ privatorum. *Quod  
si peccaverit anima per ignorantiam de  
populo terræ,* id est persona vulgaris ad  
C populum terræ Israel pertinens, *ita ut fa-  
ciat quidquam ex his quæ Domini lege  
prohibentur, atque delinquit, et cognove-  
rit peccatum suum.* Inter peccatum et de-  
lictum solet differentia assignari, quia  
peccatum proprie dicitur mali commissio,  
delictum vero boni omissio. Vel peccatum  
vocatur, quod gravius est et ex proposito  
factum ; delictum, quod minus et ex infir-  
mitate aut ignorantia perpetratum. Fre-  
quenter tamen unum istorum pro alio su-  
mitur. *Offeret capram immaculatam,* quæ  
subditur hireo, quemadmodum ipsa per-  
sona vulgaris principi. Et in hoc notatur,  
quod culpa ejus, ceteris paribus, sit levior  
quam principis culpa. *Et immolabit eam  
in loco holocausti, etc.* *Si autem obtulerit  
victimam pro peccato de pecoribus,* id est  
de grege : nam subditur, *ovem scilicet im-  
maculatam,* offeret is, qui hircum aut ca-  
pram habere non poterat. Vel forsitan liber  
fuit qui peccavit, princeps seu popularis,  
ad offerendum utrumque, seu alterum ho-  
rum. Cetera clara sunt.



Præterea circa dicta de sacrificio synagogæ pro peccato, in Scholastica habetur historia : In duobus hic innuitur differentia inter peccata sacerdotis et populi : quia sacerdos non dicitur peccare per ignorantiam, non enim licet ei ignorare mandatum Dei : iterum, quia non legitur quis orare pro sacerdote. Veruntamen, primum istorum non videtur textui consonum, nec prædictis, quum in exordio hujus capituli dictum sit : Anima quum peccaverit per ignorantiam : Si sacerdos qui est unctus, peccaverit : quo constat, quod ibi loquitur de sacerdote per ignorantiam delinquente. Denique nulli licet mandata Dei nescire, et tamen multi asseruntur per ignorantiam peccare. Per Jeremiam quoque Dominus protestatur : Sacerdotes non dixerunt, Ubi est Dominus ? Itemque : Propheta et sacerdos abierunt in viam quam ignoraverunt. Atque per Isaiam : Ipsi pastores ignoraverunt intelligentiam. Ad secundum dico, quod sacerdos pro suo peccato offerens, pro propria culpa oravit in offerendo pro sui ipsius culpa et venia.

Insper in eadem fertur Historia, et Josephus refert hoc : Generalis regula erat, quia de cujus sanguine inferebatur in sanctuarium, nihil ex eo licuit remanere ; nec aliquid ex eo super altare adolebatur, nisi adeps cum renibus atque renunculis suis. In modo etiam offerendi, et numero sacerdotum offerentium, differentia erat. De carnibus enim holocausti salutaris fiebant novem partes, quas super altare ponebant novem sacerdotes, quilibet suam : unus vero, utpote alter ab illis novem, obtulit simul quatuor partes hostiæ, scilicet caput, pedes, jecur et intestina aquis lota. Duo quoque sacerdotes, alii a prædictis, sanguinem offerebant, ita quod erant pariter ibi duodecim sacerdotes. Porro in sacrificio pro peccato, sufficiebat unus sacerdos ad hæc omnia facienda.

Præterea ad clariorem dictorum ac dictandorum intelligentiam, quatuor quæri possunt : Primo, an ignorantia sit peccatum ;

A secundo, an sit causa peccati : tertio, an a peccato excuset : quarto, an diminuat culpam. Hæc quatuor quærit Thomas in prima secundæ, quæstione 76, et virtualiter responsiones ejus tanguntur. — Dicendum ergo ad primum, quod nescientia et ignorantia differunt in hoc, quod nescientia est simplex negatio, seu carentia scientiæ. Propter quod sexto Ecclesiasticæ hierarchiæ capitulo, divinus Dionysius nescientiam ponit in angelis. Porro ignorantia est privatio scientiæ tunc, dum quis tenetur et potest aliquid scire. Alia enim sunt quæ unusquisque scire tenetur, videlicet sine quibus exercere bona debita nequit, ut sunt articuli fidei, præcepta Dei atque Ecclesiæ, et quæ pertinent ad alieujus statum sive officium : quorum ignorantia est peccatum omissionis. Ignorantia autem eorum quæ quis non tenetur scire, non est peccatum. Ignorantia quoque invincibilis non est culpa ; sed ignorantia vincibilis interdum est peccatum, aliquando non, sicut jam declaratum est. — Ad secundum respondetur, quod ignorantia est causa peccati per accidens, sicut remotio prohibentis est causa quod grave cadit : scientia namque in quantum dirigit rationem, prohibet seu impedit culpam. Non tamen quælibet ignorantia est causa peccati, sed illa quæ est privatio scientiæ impediens et auferens actum peccati. Nam aliqui peccant ignorantes, qui et peccarent, quamvis veritatem cognoscere, quoniam rectum rationis iudicium ligatur in eis per passionem aut certam malitiam. — Ad tertium respondetur, quod ignorantia sua proprietate causal involuntarium. Quum igitur voluntarium sit de ratione peccati, ignorantia secundum se habet ut a peccato excuset. Aliquando tamen non excusat, vel quia ipsa ignorantia est directe voluntaria, ut dum quis non vult aliquid scire : vel indirecte, sicut dum quis propter alias occupationes negligit discere quæ scire tenetur. Itaque ignorantia omnino invincibilis, aut penitus involuntaria, aut eorum quæ homo non tenetur nec debet cognosce-

*Jer. ii, 8 ;  
xl, 18.*

*Is. lvi, 11.*

re, excusat totaliter a peccato. — Ad quartum dicendum, quod ignorantia quæ est causa peccati, in tantum diminuit culpam, quantum aufert ac minuit de ratione voluntarii. Ignorantia vero directe intenta, peccatum auget, ut dum quis non vult

veritatem advertere, quatenus peccet securius : et hæc vocatur ignorantia crassa. Ignorantia autem indirecte voluntaria, peccatum diminuit. De ista materia in Decreto plenissime scribitur, sed pro nunc ista sufficere possunt.

## ARTICULUS XII

### DE MYSTICO EJUSDEM CAPITULI QUARTI INTELLECTU.

**L**OCUTUSQUE est Dominus : Anima *quæ peccaverit per ignorantiam.* Anima, hoc est animalis homo, qui non percipit ea quæ Dei sunt, cui videlicet divina et æterna non sapiunt, sæpe per ignorantiam peccat, quoniam spirituales non habet scientiam, nec gustavit quam duleis est Dominus : ideo ad carnalia et terrena magis, quam ad spiritualia et interna, afficitur : et extra se funditur, nec introversus est.

Cor. II, 11.

1 Petr. II, 3.

*Si sacerdos qui est unctus, peccaverit, delinquere faciens populum, offeret pro peccato suo vitulum immaculatum.* In novo Testamento non soli antistites, sed universi sacerdotes sunt uncti. Si itaque in veteri Testamento sacerdos per ignorantiam peccans vel semel, tenebatur pro suo peccato vitulum immolare : quid dieturi, quid acturi in divino iudicio sacerdotes et clerici evangelicæ legis, qui publice et scienter impie conversantur, qui gulæ et luxuriæ vacant, qui superbiæ aut avaritiæ student, qui tam enormiter scandalizant populum Dei, et quod alios docent, ipsi non faciunt, sed manifeste transgrediuntur ? O quam seclerati sunt isti ! Quid igitur restat eis agendum, nisi ut offerant vitulum Deo, hoc est, lasciviam, fœdam, atque indomitam carnem suam vigiliis, abstinentiis, disciplinis castigent, salubriterque mortificent, donec purgetur, et rationi omnino subdatur ? Sed quia non valent suis

satisfacere viribus, aut propriis meritis Deum sibi reconciliare, nisi per gratiam et meritum Christi : ideo et Christum ejusve corpus mundissimum, qui tanquam vitulus in nostræ redemptionis sacrificium est oblatus, offerant Patri. Christus quippe oblatus est pro peccatis nostris, justus pro injustis, ut nos offerret Deo. Unde per hoc quod caro vituli pro peccato sacerdotis seu communis oblati, jussa est extra castra comburi, præfiguratum videtur, quod Christus extra portam pro nobis est passus, ut sequamur ejus vestigia. Propter quod Paulus hortatur : Exeamus ad eum extra castra, improprium ejus portantes : ut scilicet a societate carnalium et pravorum nos retrahentes, carnem nostram cum vitiis et concupiscentiis crucifigamus, omnemque adversitatem, irrisiorem, injuriam æquanimiter Christi intuitu ac amore sustineamus. Non enim est servus major domino suo. *Quod si omnis turba filiorum Israel ignoraverit,* hoc est, si quæcumque populi christiani communis peccet, eodem modo satisfacere Deo conetur ac properet, et pro communi evidentique excessu communis pœnitentia fiat.

1 Petr. III, 18.

Hebr. XII, 13.

Galat. V, 24.

Joann. XII, 16.

Porro, si per ignorantiam peccaverit princeps, tanto cordialius conetur, et tanto districtiorem pœnitentiam facere non recuset, quo major et gravior est ejus iniquitas. Nempe, ut asserit Glossa, gravissime peccant principes, quos magnitudo rerum

gerendarum, atque officii dignitas, medio-  
criter malos esse non sinit. Talis igitur  
offerat hircum, hoc est, sui ipsius foedam  
carnalitatem, animositatem, petulantiam  
maetet. Potest quoque per principem su-  
perior ratio designari, quæ si in errorem  
labatur, fueritque transgressa, corpus pec-  
cati quo vestitur, castiget; et sui ipsius  
defectuositatem, inquietudinem, ignoran-  
tiamque deploret.

Præterea, si quicumque de populo per  
ignorantiam fuerit lapsus, et ipse juxta  
præhabita penitere, satisfacere, emendare  
non differat. Potest autem per talem, infe-  
rior ratio sensitivæ portio accipi: quæ  
si a superiore ratione non fuerit rite dire-  
cta et informata, sicque peccaverit juxta  
mentis imperium, hostiam placationis of-  
ferat Domino. Sunt enim in novo Testa-  
mento multa lavaera, et velut sacrificia, in  
quibus mundantur et ignoscuntur peccata,  
prout loquitur Origenes. Primum est sa-  
cramentum Baptismi, in quo virtute et  
merito Christi omnia dimittuntur peccata,  
gratia quoque et virtutes desuper infun-  
duntur. Secundum est martyrii passio,  
quod est Baptismus sanguinis. Tertium est  
eleemosynarum largitio. Unde ait Salva-  
tor: Quod superest, date eleemosynam, et

Luc. xi, 41.

A ecce omnia munda sunt vobis. Quartum  
est, injurias et offensas inferentibus pro-  
pter Deum libenter ignoscere, quemadmo-  
dum Christus testatur: Si remiseritis fra-  
tribus vestris ex corde, et Pater vester  
remittet vobis peccata vestra. Quintum est,  
peccatorem convertere, sicut ait Scriptura:  
Qui converti fecerit peccatorem ab errore  
væ suæ, salvat animam ejus a morte, et  
operit multitudinem peccatorum. Sextum  
est fervor dilectionis, secundum quod Do-  
minus Jesus latetur: Dimittuntur ei peccata  
multa, quia dilexit multum. Et rursus scri-  
ptum est: Caritas operit multitudinem pec-  
catorum. Septimum est penitentia, quum  
lavat peccator lacrimis stratum suum, et  
fiunt ei lacrimæ suæ panes die ac nocte:  
quum non erubescit sacerdoti sua indi-  
care peccata, et querere medicinam. His  
itaque modis diluamus quidquid in nobis  
est culpe. Debet equidem districtioris di-  
scipline consistere Christianum, pro quo  
oblatus est et mortuus Christus: pro illis  
autem pecora jugulabantur. Pro te vero  
occisus est Filius Dei, et adhuc te pecca-  
re delectat? Sanguinem Christi adasperge  
septies ad altare, id est, indesinenter re-  
cole. Deoque Patri pro te offer passionem  
illius.

Matth.  
xviii, 35.

Jacob. v, 20.

Luc. vii, 47.

1 Petr. iv, 8.

Ps. vi, 7.

Ps. xli, 4.

## ARTICULUS XIII

ELUCIDATIO LITERALIS CAPITULI QUINTI: SI PECCAVERIT ANIMA, ET AUDIERIT  
VOCEM JURANTIS.

UT aliqui quasi scholasticæ subtilitati  
intendentes affirmant, sicut in præce-  
denti capitulo agitur de oblationibus quæ  
fiunt pro peccatis ex ignorantia, ita nunc  
de sacrificiis pro peccatis ex infirmitate  
aut negligentia: quod quamvis in parte  
possit verificari, non tamen in toto: quo-  
niam et in isto capitulo fit mentio de pec-  
catis quæ ex ignorantia aut errore proce-

Lev. iv, 2.

dunt, ut patet in littera. Itaque dicitur: *Si  
peccaverit anima*, id est homo, et de quo  
peccato istud dicatur, subdendo innuitur:  
*et audierit vocem jurantis*. Per vocem ju-  
rantis, quidam intelligunt vocem judicis  
adjurantis, seu cum adjuratione requiren-  
tis ab aliquo, ut testimonium perhibeat  
veritati, de qua ipsum interrogat. Potest  
quoque per vocem jurantis intelligi jura-



tio ejusemque alterius, qui cum jura- A mento affirmat se alieni nociturum aut nocuisse; aut aliquid esse acturum aut operatum, de quo veritas est merito inquirenda. *Testisque fuerit*: id est, ipse qui jurantem audit, teste conscientia, scit id, aut testari idoneus est. Vel alius sit inde testis, aut ipse qui audit, requisitus fuerit in testem seu ad testificandum. *Quod ipse \* vidit, aut conscius est*, id est per exteriorem visum, aut alio modo cognoscit id, de quo interrogatur. *Nisi indicaverit* veritatem judici, *portabit iniquitatem suam*, id est, rea est et debite punietur a Deo, vel etiam a iudice temporali, si coram eo probatum fuerit, quod contra tenorem justitiæ siluit veritatem, ex amore aut odio ejus, de ejus facto in testem requiritur, vel ex cupiditate proprii commodi seu timore. Talis etenim peccat contra illud præceptum Decalogi: Non sis testis iniquus aut mendax. Nam sicut tenemur falsum testimonium non proferre, ita tenemur veritati testimonium perhibere loco et tempore opportuno, præsertim C si veritas possit probari, ne innocens puniatur, vel ne reus evadat in detrimentum rei publicæ: imo in tali casu sic silens, tenetur ad recompensationem damni, quod alter ex ipsius taciturnitate incurrit.

Denique de hac materia scribit Thomas in secunda secunde, questione 70: Testimonium quandoque requiritur a subdito auctoritate superioris, et tunc tenetur homo testari de his, quæ ad justitiam pertinent, si secundum formam exigatur, ut in manifestis, et de quibus præcessit diffamia. Porro de occultis, et de quibus diffamia non præcessit, non tenetur testimonium dare. Interdum vero testimonium hominis a nullo superiore requiritur. Et tunc distinguendum videtur: quia testimonium ejus esset, vel ad liberandum hominem de morte injusta, pœna, diffamia, aut damno iniquo: et tunc testari tenetur. Etsi nemo testimonium ejus requirit, attamen facere debet quod in se est, denunciando veritatem alieni qui possit

prodesse. In his autem quæ ad damnum vel condemnationem alterius spectant, non tenetur quis testificari, nisi quum a superiore secundum ordinem juris ad hoc ipsum compellitur. Hoc Thomas. Prædictum quoque præceptum ad judicialia magis quam ad caerimonialia pertinet.

Circa hæc loquitur Augustinus: Videtur scriptura hæc dicere, Peccare hominem, qui audit et scit aliquem falsum jurare, et tacet. Tunc autem scit, si testis fuit rei de qua jurat, aut vidit, aut qui jurat ei B indicavit, aut alio modo conscius fuit. Sed inter timorem incurrendi violationem hujus præcepti, et inter timorem prodendi jurantem inique, magna plerumque perplexitas est. Possumus enim hominem paratum ad perjurium, admonendo vel prohibendo a tam gravi peccato aliquando revocare. Sed si non acquieverit nobis, et coram nobis falsum juraverit, utrum prodendus sit, etiam si proditus, incurrat periculum mortis, difficillima quæstio est. Sed quia non expressit scriptura hæc, cui C indicandum sit, an ei cui juratur, an sacerdoti, an judici, an ei qui solum potest pro illo perjuro orare: videtur mihi, quod se a peccato hoc exuit, qui talibus indicat, qui perjuro magis prodesse quam obesse possunt, orando aut corrigendo, si ipse sibi adhibeat confessionis medelam.

Sequitur aliud institutum caerimoniale: *Anima quæ tetigerit aliquid immundum*: quæ autem secundum legem immunda sint, infra habetur; *sive quod occisum a* Lev. xi, et seq. *bestia est, aut per se mortuum, videlicet ex* D *interiori causa corruptionis et mortis, vel quodlibet aliud reptile*; et oblita fuerit immunditiæ suæ: hoc est, ex oblivione aut negligentia sua non purificaverit se juxta legem de tali immunditia tempestive, præsertim ante ingressum in tabernaculum Domini, vel in atrium ejus; seu ante esum de immolatis, quæ manducari non debent, nisi a mundis; *rea est et deliquit*. Dato namque quod non deliquerit tangendo immunda, tamen negligendo et non observando legem purificationis, et insuper in-

\* aut ipse

Exod. xx, 16.

grediendo locum sacrum, aut manducando oblatum, offendit et rea est, peccatum omissionis et commissionis incurrens, non tamen mortale semper, nisi forsitan ex contemptu ita se habeat. *Et si tetigerit quidquam de immunditia hominis juxta omnem impuritatem qua pollui solet* qui tangit hominem immundum, aut immunditiam ejus : hoc est, si tetigerit eadaver defuncti, vel leprosum, aut eum qui semine fluit, aut menstruatam : *oblitaque cognoverit postea*, id est, ad tempus immemor fuerit immunditiae suae, nec purificaverit se legitime, et tamen ingesserit se ad sacra modis praetactis, et postea immunditiam suam adverterit ex aliorum admonitione seu propria recordatione ; *subjacebit delicto*, id est, rea erit, ut dictum est de tangente occisum a bestia. Quale autem sacrificium debeant isti offerre, non exprimit textus hic. Dicuntque aliqui, quod offerre debeant hostiam quam in fine praecedentis capituli jussa est immolare anima quae ex ignorantia peccat. Alii dicunt, quod debeant immolare hostiam quae in textu exprimitur statim in culpa casus sequentis, quod videtur Augustinus sentire, dicendo : An pro omnibus supradictis hoc sacrificium oportet intelligi, quia omnibus illis enumeratis, intulit sacrificium expiationis ? Ceteri opinantur sacrificium eorum positum fuisse in arbitrio sacerdotis, idcirco non exprimi.

Circa praehabita advertendum, quod libro de Fide et legibus scribit Guillelmus Parisiensis : Immunditias, inquit, legales intelligimus, quas lex immunditias reputat et appellat. Harum prima erat fimi et stercoreis. De hac suo loco, puta in Deuteronomio, disseueretur. Secunda immunditia erat velut irregularitas quaedam respectu tabernaculi, qua quis prohibebatur tabernaculum seu atrium ejus intrare, nisi primo purificatus. Et haec erat immunditia, qua dicebantur immundi, qui tangebant mortuum, vel ejus sepulcrum, vel quodeumque horum, quae lex tangi prohibuit : et quod mirabilius est, hi qui tan-

A gebant ea, quibus alii mundabantur, imo et hi qui per ea alios mundabant, immundi fiebant. Unde in Numeris legitur : Omnis qui tetigerit aquas expiationis, immundus erit usque ad vesperam. Tertia, et sola vera immunditia, est peccatum. Quatuor autem judicati sunt immundi in viris et mulieribus, scilicet mulier menstruata, leprosus, seminifluus, et nocturna illusionem pollutus : et isti quatuor, immundi erant per se et in se. Quintus vero, qui tetigisset immundum. Mortuos autem generaliter tam viros quam mulieres, voluit esse immundos lex, ut elongaret populum Israel a ritu funerandi quem habebant idololatrarum, et ab operibus maleficis ac necromanticis, quorum multa legimus ; atque ob hoc qui tangeret mortuos, esset immundus. De his infra, et in libro Numerorum dicitur diffusius.

Præterea, circa praëducta loquitur Origenes : Haec apud Judaeos indecenter satis et inutiliter observantur. Ut quid enim immundus habeatur, qui tetigerit (verbi causa) animal mortuum, aut defuncti hominis corpus ? Quid si Prophetae corpus sit ? Quid si Patriarchae vel etiam ipsius Abraham corpus ? Quid si et ossa Samuelis contigerit, immundus erit ? Quid si et Elisei ossa contingat quae mortuum suscitaverunt ? An et immundum fecerunt, quem suscitaverunt a mortuis ? Vide quam inconveniens sit Judaica intelligentia. Haec Origenes. Circa quae dico, quod utique tempore novi Testamenti jam divulgati, inutiliter servaverunt ista Judaei ad litteram. Veruntamen ad litteram erant intelligenda et servanda, pro tempore veteris Testamenti.

Sequitur alia lex seu institutio. *Anima quae juraverit, et jurando retulerit labiis suis, ut vel male quid faceret, vel bene*, et non fecerit, et *id ipsum juramento et sermone firmaverit, oblitaque*, hoc est ad tempus immemor suae jurationis, et illud non implens, *postea intellexerit delictum suum*, id est perjuracionem seu nimiam dilationem impletionis ipsius : *agat poenitentiam*

Num. xix.  
21.

pro peccato suo. Ex hoc sequi videtur, quod A homo peccet non implendo seu exsequendo malum, quod se juravit facturum, seu non implendo juramentum, quo juravit ut faceret aliquid male. Ad istud est duplex responsio : Prima, quod peccavit incaute et male jurando, et inde debet dolere, non autem de hoc, quod talem vitiosam jurationem non adimplevit. Tres quippe sunt comites juramenti, sicut et voti, videlicet veritas, iudicium, et iustitia : et quidquid contra hæc aut aliquid horum promittitur vel juratur, illicite promittitur et juratur. B Secunda responsio est, quia per hoc quod ait, Ut male quid faceret, potest intelligi bonum male (hoc est pœnaliter) factum aut faciendum. Est enim malum culpæ, et est malum pœnæ : sicque sensus est, quod qui juravit facere seu sibi infligere malum pœnæ, utpote abstinentiam, disciplinam, peregrinationem, debet hoc adimplere. Sed prima responsio aptior esse videtur, quoniam istud malum non distinguitur a bono, de quo nunc mentio, quamvis inter ea posset aliqua excogitari distinctio.

Et offerat agnam de gregibus ovium sive capram. Orabitque pro eo sacerdos, et pro <sup>\* peccato</sup> peccatis ejus. Sin autem non potuerit præ paupertate offerre pecus, videlicet agnam, ovem, seu capram, offerat duos turtures, aut duos pullos columbarum Domino per obsequium sacerdotis : unum pro peccato, quo neglexit et nimium distulit juramentum suum implere, et alterum in holocaustum. Dabitque eos sacerdoti ad offerendum Domino. Qui primum, videlicet turturem, aut primum pullum columbæ, hoc est unum duorum, seu primo sibi exhibitum, offerens pro peccato, retorquet caput ejus ad pennulas, ita ut collo adhareat caput, hoc est, anterior pars capitis usque ad collum flectatur, et non penitus abrumpatur a collo : ejus rei contrarium agebant forsan idololatæ. Et adasperget de sanguine ejus parietem altaris, videlicet latus ipsius, seu latera, aut cornua. Quidquid autem reliquum fuerit de sanguine hostiæ immolatæ, faciet distillare ad fun-

damentum ejus, sicut precedenti capitulo de hostiis pro peccato oblati est dictum : quia pro peccato est, id est pro remissione incautæ aut falsæ jurationis, seu oblivionis et nimie dilationis implendi licitam jurationem. Alterum vero pullum columbarum aut turturem adolebit, hoc est omnino comburet, in holocaustum, ita quod convertetur in tale incensum, ut fieri solet in oblatione hostiæ pro peccato, ejus una pars incendebatur, prout in precedenti capitulo expositione est dictum. Rogabitque pro eo sacerdos ut Deo reconcilietur, et pro peccato ejus, et dimittetur ei. Verumtamen, ut videtur, per istam oblationem et sacerdotis orationem non solvebatur ab obligatione implendi suum juramentum, quod licitum erat, sive fuerit factum Deo seu homini, sed pro posse debuit illud implere. Et si aliquid temporale homini dare juravit, poterat sibi homo ille remittere. Si autem juravit agere aliquid spirituale, quod ad Dei cultum et animarum spectat salutem, non poterat ei homo illud remittere. C

Quod si non quiverit manus ejus offerre duos turtures, aut duos pullos columbar præ nimia paupertate, offeret pro peccato suo similitè partem ephi decimam, id est decimam partem mensuræ, quæ dicitur ephi, purissimæ farinæ de tritico. Porro de quantitate ephi, in Exodum scripsi. Nec ex dictis Scripturæ et expositorum possumus certitudinaliter scire determinatam quantitatem mensuræ illius. Modi namque et nomina mensurarum apud diversos variantur, sicut numismata. Dicit autem Hesychius, quod ephi est mensura tres modios continens. Sed modii mensura valde diversificatur apud diversos, imo et in terris ab invicem non remotis. Aliqui vero ex Isidoro et Papia nituntur accipere, quod ephi contineat quartam Parisiensem cum media. Recitat quoque Lyra, quod secundum Rabbi Salomonem contineat quantitatem quadraginta duorum ovorum, quod videtur esse ficticium, quum nec consuetudo Scripturæ sit determinare mensuras ex

Exod. xvi,  
36.



quantitate ovorum. Verum in hoc quod A Dominus jussit saltem decimam partem epli simile, a pauperibus offerri, pie consuluit eorumdem inopiæ, quoniam decima pars illa est modica.

*Non mittet in eam oleum, nec thuris aliquid imponet*, id est, nec oleum neque thus admiscebit simile illi, cujus causa subjungitur, *quia pro peccato est* : ideo sicut peccatum est deformis atque odibile, omni carens bono sapore, et summe crudele, ita oblatio fienda pro eo, non est melioranda aut pejoranda olei sapore, aut thuris odore. Denique pietas oleo designatur : bonitas autem famæ seu acceptabilitas, thure. Peccator vero suo peccato crudeliter lædit se ipsum, et malam incurrit famam. Rursus per oleum misericordia Dei, per thus acceptatio ejus signantur : ideo in sacrificio pro peccato non ponebantur, quia peccator non debet nimis præsumere de misericordia Dei, nec assecurare se ipsum de venia, quum incertus sit, an ex vera caritate pœniteat. Juxta litteram demum probabile est, quod idololatræ in sacrificiis suis pro peccatis apposuerunt oleum et thus : ideo Dominus suis cultoribus jussit contrarium.

*Tradetque eam sacerdoti ad offerendum Deo. Qui plenum ex ea pugillum hauriens, cremabit super altare in monumentum ejus qui obtulit* : hoc est quod circa principium capituli secundi dictum est : *Tollet pugillum plenum simile, et ponet memoriale super altare. Sicque ex dietis ibidem, patet intellectus verbi istius. Rogans pro illo et expians*. Sacerdos namque offerendo hæc, simul oravit pro offerente, et sua oratione cooperabatur reconciliationi illius cum Deo. *Reliquam vero partem simile, ipse sacerdos habebit in munere*, tanquam datum ac deputatum ei a Domino ad vescendum.

Sequuntur adhuc tria præcepta. *Locutusque est Dominus ad Moysen, dicens : Anima si pravaricans caerimonias*, hoc est, si homo caerimonialia præcepta in aliquo violans, *per errorem in his quæ sunt*

*Domino sanctificata, peccaverit*, hoc est, illicite in usum aut esum suum converterit ea, quæ oblata ac deputata sunt Domino, ut sunt primitiæ Deo offerendæ, quas ipse ministris suis sacerdotibus aut Levitis pro sustentaculo vitæ concessit : aut certe thymiamate pro oblectatione sui odoratus fuerit usus, vel oleo unctionis pro suæ medela infirmitatis : quod utrumque fuit prohibitum in Exodo : *offeret pro delicto suo arietem immaculatum, qui emi potest duobus sictis, juxta pondus sanctuarii* : quorum scilicet sictorum usus fuit in templo, seu tabernaculo quod sanctuarium nuncupatur : et pondus seu valor sieli continebat, ut Josephus ait, quatuor drachmas, et quælibet drachma obolos quinque. Unde frequenter dicit Scriptura : Sictus viginti obolos habet.

*Ipsamque quod intulit damni restituet*, hoc est, quod injuste abstulit, aut sibi retinuit, reddet : *et quintam partem ponet supra*, id est, ultra damni restitutionem adjiciet quintam damni illius partem : *tradens sacerdoti hujusemodi restitutionem*, quia fraudavit eum per primitiarum subtractionem. Vel si usus fuit thymiamate, unctionisve oleo, restituere debuit sacerdoti materias, ex quibus conficiuntur, ut rursus conficeret ea. Circa hæc loquitur Origenes : Quod dicit, Addet ad illud quintas, simpliciores æstimant ita dictum, ut verbi causa, si quinque nummi subtracti sunt, unus addatur, ut pro quinque sex reddere videatur. Sed qui in scientia numerorum periti sunt, longe aliter supputant numerum hujus vocabuli. Nam et in Græco non habetur simpliciter, Quintas, sed potius, Super quintas : quo indicetur, pro quinque alios quinque esse dandos, et unum supra : ut verbi gratia, qui furatus est quinque nummos, restituere obligetur ipsos quinque, et etiam quinque alios, superaddito ultra hæc uno nummo. Nec tamen hæc continuo de omnibus furtis aut fraudibus intelligenda sunt : sed quod si quis pro usibus necessariis sibi, de sanctis seu Deo oblatis pecuniam sumpsit, et moras fecit

*Exod. xxx,*  
32, 37.

*Ibid. 13*

*Ezech.*  
xlv, 12.

*Lev. v, 2.* Tollet pugillum plenum simile, et ponet

in restituendo, lege hujusmodi constrin-  
gatur. Quae lex etiam secundum litteram  
aedificare debet audientes. Valde enim uti-  
lis et necessaria observatio est his, qui ec-  
clesiasticis dispensationibus praesunt, ut  
sciant sibi ab his quae in sanctorum usus  
oblata sunt, cautius et diligentius obser-  
vandum. Haec Origenes, *Qui sacerdos roga-  
bit pro eo, offerens arietem, et dimittetur  
ei qui jam ante restitutionem fecit condi-  
gnam, et de suo excessu ex corde poenituit.*  
Quo constat, quam veraciter dictum sit :  
Non dimittitur peccatum, nisi restituatur  
ablatum.

*Anima quae peccaverit per ignorantiam,  
feceritque unum ex his quae Domini lege  
prohibentur, et peccati rea, intellexerit  
iniquitatem suam, offeret arietem immu-  
culatum de gregibus sacerdoti, juxta men-  
suram aestimationemque peccati,* id est,  
secundum quod gravitas sui peccati et re-  
ctum judicium de eodem, exegerint. Istud  
praeceptum etiam praecedenti capitulo tra-  
ditum est: sed hic additur, juxta mensuram  
aestimationemque peccati, ad insinuandum  
quod si ex certa malitia processerit, culpa  
sit gravis punienda. Attamen diei posset,  
quod in praecedenti capitulo facta est men-  
tio de ignorantia facti, hic de ignorantia  
praecepti seu juris. Nam et ignorantia facti  
culpam aliquam habet, quando non adhi-  
betur cautela circa factum. *Qui orabit pro  
eo, quia nesciens fecerit, et dimittetur ei,  
quia per errorem deliquit in Dominum.*

Sequitur de peccato ex certa scientia fa-  
cto. *Locutusque est Dominus ad Moysen,  
dicens: Anima quae peccaverit, secundum*  
modum qui subditur, *et, pro id est, con-  
tempto Domino per transgressionem sui  
praecepti ex deliberatione atque proposito,  
negaverit proximo suo depositum quod ab  
illo suscepit servandum: ideoque subjun-  
gitur, quod fidei,* id est fidelitati, *ejus cre-  
ditum fuerat a deponente: vel si aliquid  
extorserit,* id est per violentiam aliena ra-  
puerit; *aut calumniam fecerit proximo suo,*  
seu homini cuicumque: *sive rem perditam*

*invenit et inquitans,* hoc est negans seu  
diffitens eam se invenisse, *insuper pejora-  
verit,* id est, perjurium commiserit false  
jurando, quod non repererit eam, seu in  
aliis jam praedictis non existat culpabilis:  
quia a talibus juramentum exigebatur: *et  
quodlibet,* id est quodcumque *aliud com-  
miserit* \* *ex pluribus, in quibus peccare*  
*solent homines: convicta delicti, reddet*  
*omnia quae per fraudem voluit obtinere,*  
*integra. Et quintam insuper partem do-  
minio rei, cui damnum intulerat.* Quod dic-  
tum est, Convicta delicti, dicitur in Hebraeo  
non haberi, sed ex ignorantia aliquorum  
appositum: quoniam si quis de hujusce-  
modi injustitia esset convictus, tenebatur  
defraudato non solum reddere quod abs-  
tulit ei, et insuper quintam partem, sed  
duplum ablati, ut in Exodo habetur. Ve-  
rumtamen, secundum verba Origenis praehabita, ad hoc posset haec littera applicari.

*Pro peccato autem suo offeret arietem  
immaculatum de grege, et dabit eum sa-  
cerdoti, juxta aestimationem mensuramque  
delicti,* id est, pro unoquoque tali peccato  
offeret hujusmodi hostiam. *Qui rogabit  
pro eo coram Domino, et dimittetur illi  
pro singulis, quae faciendo peccavit.* Quo-  
circa mirum videtur, quod eadem hostia  
jubetur offerri pro peccato ex ignorantia  
et excessu commisso. Ad quod juxta praehabita respondetur, quod frequenter pro  
gravioribus peccatis viliora animalia offe-  
rebantur: interdum eadem animalia pro  
peccatis in gravitate disparibus: ad in-  
nuendum quod virtute sacrificiorum non  
dimittebantur peccata. Quamvis autem ea-  
dem hostia offerebatur pro his, quorum  
unus ex ignorantia, alter ex proposito seu  
contemptu peccavit, tamen in aliis gra-  
vius puniebatur ex proposito seu malitia  
peccans.

Denique de depositis aliqua jussa sunt  
in Exodo, et alibi, ubi et plenius scripsi  
de istis: ideoque pertranseo. Qui autem  
praefata commiserit scelera, et insuper per-  
jurium eis addiderit, gravissime reus est.

\* fecerit

Exod. xxv,  
1.

Ibid. 7.

## ARTICULUS XIV

SPIRITUALIS EXPOSITIO EJUSDEM CAPITULI QUINTI.

Matth.  
xviii, 15-17.

**P**RIMUM hujus capituli institutum, in A se ipso morale est. Et consonat ei quod Christus in Evangelio tradidit : Si peccaverit, inquit, in te, hoc est te sciente, frater tuus. Unde alia littera habet : Si videris fratrem tuum peccare, corripe eum inter te et ipsum solum. Si non audierit te, adhibe tecum adhuc unum aut duos testes. Quod si nec sic audierit, die Ecclesiæ. Sic itaque dicitur et nunc : *Si peccaverit anima, et audierit vocem jurantis, nisi indicaverit, portabit iniquitatem suam* : juxta expositionem præhabitam : quo docemur, qualiter veritati debeamus testimonium perhibere, atque ex caritate et zelo justitiæ culpam proximi ordinate et ex rationabili causa, non ex passionis impetu, aut vitiosa radice, manifestare loco et tempore opportunis : quod maxime est servandum, si ex taciturnitate imminet rei publicæ periculum. Hinc circa hæc loquitur Origenes : Istud secundum historiam docet nos, ne unquam in peccatis alterius polluamus conscientias nostras, nec consensum male agentibus præbeamus. Consensum autem dico, non solum simul agendo, sed etiam quæ illicite gesta sunt, reticendo. Peccatum vero ejus qui pœnitet, et emendare proponit, est occultandum.

*Anima quæ tetigerit aliquid immundum, sive quod occisum a bestia est, aut per se mortuum, vel quodlibet aliud reptile, et oblita fuerit immunditiæ suæ, rea est, et deliquit.* Hæc spiritualibus et optimis plena sunt documentis. Itaque anima tangens aliquid immundum, est homo qui pravi societati se jungit : qui diabolicæ suggestioni aut humanæ persuasioni iniquæ consentit, qui variis et peregrinis doctetrinis abducitur. Hinc ait Apostolus : Exite de medio eorum, et immundum ne

tetigeritis. Denique qui viderit mulierem ad concupiscendum eam, tangit immundum. Porro, occisum a bestia, est peccator quem diabolus ad mortale induxit peccatum, seu opus bestiali motu carnalitalis corruptum : et tale occisum, non est consensu tangendum. Mortuum vero per se, est qui ex propria perversitate, concupiscentia, fragilitate, aut simili culpa devictus est absque impellente exteriori, utpote homine aut diabolo. Reptile autem est cor carnale, terrenis omnino inhærens, gula, avaritiæ, aut luxuriæ miserabiliter serviens, ad divinorum ac æternorum amorem et contemplationem se ipsum non erigens, quod se infimis atque vilissimis rebus tam insanissime subdit, summo, immenso, ac incommutabili bono contempto. Omnium horum contactus, vitandus est, ita ut non consentiamus alicui tali. Quod si quis hujus oppositum egerit, et immemor suæ culpæ, ingesserit se divinis, graviter peccat, et reus est coram Deo.

Præterea, si in veteri Testamento reicerant, qui legalem illam exteriori immunditiam incurrerunt ex corporali contactu, et ante suam purificationem ex oblivione introierunt atrium templi, aut de oblatis ederunt : quam incomparabiliter culpabiliores censendi sunt, qui gravibus et mortalibus vitiis involuti, ante suam emundationem per veram contritionem et confessionem, impudenter ingrediuntur ecclesiam Dei et eorum, et sacris ingerunt se celebrandis mysteriis, aut ea suscipiunt ? Quis sibi conscius de crimine læsæ majestatis, audeat se regi præsentare terreno, aut ejus ingredi aulam vel accedere mensam ?

*Et si tetigerit quidquam de immunditia hominis, hoc est, vitiis hominum vivorum*

II Cor. vi, 17.



aut mortuorum consenserit, prava illorum A sequens exempla. *Anima quæ juraverit*, etc. Ex his ad litteram edocemur, quam caute et provide sit jurandum aut vovendum; quam item celeriter ac ferventer juramenta et promissa sint adimplenda, juxta quod scriptum est : Si quid vovisti, ne moreris reddere. Displicet enim Deo stulta et infidelis promissio.

*Eccle. v, 3.*

Si autem quis contra hæc fecerit, et perjurando, promissa frangendo, immunda tangendo, peccaverit, vehementer et digne pœniteat. Agnam quoque seu capram offerat Deo, corpus suum et animam salubriter affligendo. Quod si magna pœnitentiæ exercitia corporalia exercere et ferre nequiverit, offerat duos turtures, duosve pullos columbæ, cordialiter suspirando, gemendo, se spiritualiter exercitando in meditationibus orationibusque assiduus ac devotis. Quod si nec hoc potuerit adimplere, offerat saltem simulam, hoc est conversationem externam, exemplarem, sinceram : cui non misceat oleum, id est oblectamenta carnalia, aut immoderatam compassionem ; aut thus, hoc est, odorem bonæ famæ seu fragrantiam laudis humanæ non appetat intuitu proprii commodi, honoris aut gaudii, sed solum ad Dei honorem et gloriam, proximorumque edificationem. Præterea peccator sacrificia ista debet sacerdoti offerre, ut offerat et oret pro se : quoniam juxta informationem et injunctionem sui confessoris, debet pœnitentiæ opera satisfactoria exsequi, orationibusque illius juvari.

Docemur item ex isto capitulo, quam periculosa ac evitanda sit ignorantia eorum, quæ unusquisque secundum suæ exigentiam vocationis scire tenetur, et per quæ averti potest a vitiis, ac allici ad virtutes. Ideo scriptum est : Qui ignorat, ignorabitur. Et : Quæ præcepit tibi Deus, illa cogita semper. Hinc teste sancto Ambrosio, Ignorantia est maximum peccatum, magnitudine scilicet periculositatis, non enormitatis. Trahit namque ad magna ac plurima mala. Amplius docet nos præsens capitulum, quam enorme sit, ea quæ Deo oblata sunt, aut offerenda, seu sacerdotibus deputata, sibi nec usurpare, subtrahere, aut tenere. Qualiter etiam debeamus nos habere ad proximos nostros, pandit ac jubet, ut nequaquam negemus alicui suum depositum, nisi forte ex justa causa ad tempus, ut si furiosus repetat gladium, quem in depositum apud quemquam reposuit. Nemini quoque violentiam inferamus, aut damnum, sive calumniam, sed nec inventa bona apud nos reponamus, imo potius fideliter inquiramus, quis ea amiserit, et ei prompte ac gratis reddamus, quum dicat Ihesychius : Si quis inventum non reddat, simile est rapinæ. Postremo, dona naturæ, corpus et anima, ratio et voluntas, sunt quedam deposita nobis a Deo commissa et credita : ideo ea ab omni peccato et deprædatione diaboli diligentissime custodire debemus, verbo et opere protestantes, quod ea a Creatore suscepimus, atque ad ejus reverentiam ipsis fructuose utentes.

*1 Cor. xiv,  
38,  
Eccle. iii,  
22.*

## ARTICULUS XV

DECLARATIO LITTERALIS CAPITULI SEXTI : LOCUTUSQUE EST DOMINUS AD MOYSEN,  
DICENS : PRÆCIPE AARON.

**D**E jugi sacrificio et aliis multis hodie D Præcipe Aaron et filiis ejus, hoc est tam summo sacerdoti quam sacerdotibus inferioribus. Moyses autem ex institutione

divina præerat universæ Israeliticæ ple- A bi, ideo et fratri suo Aaron pontifici præcipere potuit. *Hæc est lex holocausti*, id est, sequens præceptum respicit jûge sacrificium. Diverse quippe erant species holocaustorum, inter quæ jûge sacrificium fuit præcipuum. Quod pro communi bono totius plebis offerebatur quotidie, imo his omni die naturali. *Cremabitur*, id est, hoc jubeo ut cremetur, *in altari* holocaustorum in atrio, *tota nocte usque mane*. Istud intelligitur de jûgi sacrificio, quod quotidie immolabatur ad vespem, et per totam noctem comburebatur usque ad auroram: tuneque imponebatur sacrificium aliud, quod tota die cremabatur usque ad crepusculum. Porro sacrificium istud fuit agnus anniculus unus de mane, alter de vespere: qui duo vocantur quasi collective unum sacrificium, quod et jûge vocatur: quia durante cultu veteris Testamenti fiebat quotidie, juxta illud Exodi: Hoc est quod facies in altari, agnos anniculos duos per singulos dies jugiter, unum agnum mane, et alterum vespere: atque (ut Josephus refert) unus offerebatur ante solis ortum, alter ante occasum. *Ignis ex eodem altari erit*, id est, ignis aliunde sumptus non ponetur in altari holocaustorum: quia ignis qui post hæc verba descendit de celo, et consumpsit sacrificium Aaron, de cetero mansit in illo altari, nec licuit apponere alium. Mansit autem usque ad transmigrationem in Babylonem.

*Vestietur sacerdos tunica et feminalibus lineis. Tolleque cineres, quos vorans ignis*

*Ibid.* xxxiii, 38, 39.

4. De sacris vestibus pontificis et sacerdotum, in Exodo tractatur: erantque octo, secundum quosdam: vel secundum Josephum et eum sequentes, decem, intelligendo per vestes etiam ornamenta. Inter has vestes, quatuor erant communes inferioribus sacerdotibus atque pontifici, inter quas duæ erant feminalia linea ad operiendum verecundiora, et tunica byssina: de quibus duobus textus iste nunc loquitur. Itaque secundum Josephum et Magistrum in historiis, quando superabundabant ci-

neres ex concrematione holocaustorum re- lieti in altari, sacerdos, ad cujus officium hoc spectabat, induit vestimenta sacerdotalia jam præfata: et tollens cineres de altari, ponebat eos in pelvi juxta altare: deinde exutis vestibus sacris, aliisque indutis, forte ad hoc præparatis, vel propriis vestimentis, cineres efferebat. Hinc subditur: Tolle cineres quos vorans ignis exussit, id est, quos ignis, qui holocaustum combussit, generavit ex holocausto: *et ponens juxta altare cineres ipsos in pelvi* sen vaseculo alio, *spoliabitur*, id est exuet se, *prioribus vestimentis: indutusque aliis, efferet eos extra castra, et in loco mundissimo usque ad favillam consumi faciet*, id est, ignis incendio usque ad minutissimas partes comburet, ne in humanum de cetero veniant usum, quum sint reliquæ holocausti. Porro locus ille mundissimus, fuit paratus extra tentoria in deserto, quamdiu filii Israel in solitudine erant. Quumque tabernaculum fuisset in Silo seu alia urbe, parabatur hujusmodi locus mundissimus extra urbem. Quumque constructum fuerat templum, locus talis extra Jerusalem erat.

*Ignis autem de celo datus, ut dictum est, in altari semper ardebit, quem nutriet sacerdos, subjiciens ligna mane per singulos dies.* Refert Josephus, quod omni mane apposuit duo modica ligna igni præfato, imo (ut aliqui recitant) ligna illa apposuit, non quod necessaria erant ad conservationem ignis illius, quoniam ignis ille continuari potuit absque lignorum additione, sed apposuit ea propter Dei præceptum. Veruntamen quamvis certissimum sit, quod Deus omnipotens potuerit ignem illum continuare et conservare in esse sine lignorum adjectione: non tamen videtur quod ignis ille ex sua natura id habuit, quod sine lignorum appositione mansisset in esse, tum quia in littera dicitur, quod sacerdos ignem illum nutrit per ligna apposita, tum quoniam alias (ut apparet) Dominus non jussisset ligna apponi. Imo si ignis ille non indiguit conservatione per

combustibilia, magis fuisset ad gloriam A  
 Dei, quod ligna non fuissent apposita : sic  
 enim omnipotentia Dei clarius resplen-  
 duisset in illo suo effectu tam miro. *Et*  
*imposito holocausto desuper* : lignis enim  
 suppositis igni de mane, posuit sacerdos  
 iuge sacrificium matutinum super ignem ;  
*adolebit adipēs pacificorum* : quia post  
 jugis sacrificii matutini impositionem, cre-  
 mabantur in eodem altari pacificorum adi-  
 pes hostiarum. Iuge etenim sacrificium de  
 mane, præcessit cetera sacrificia diei illius  
 tanquam præcipuum, quemadmodum de B  
 vespere ultimum fuit tanquam respectu  
 aliorum finale. Præterea sicut iuge sacri-  
 ficiū pro communitate fiebat, ita de pu-  
 blico sumptu exhibebatur, secundum quod  
 Josephus protestatur. Summus autem sa-  
 cerdos obtulit illud. *Ignis iste est perpe-  
 tuus, qui nunquam deficiet in altari.*

*Hæc est lex sacrificii et libamentorum,*  
 id est materialium sacrificio adjunctarum,  
*quæ offerent filii Aaron coram Domino,* qui  
 specialiter fuit in tabernaculo, templo, et  
 atrio suo, *et coram altari holocaustorum.* C  
*Tollet sacerdos,* id est unus sacerdotum ad  
 quem ab offerente delatum fuerit sacri-  
 ficiū tale, ut offerat illud Deo, *pugillum*  
*similæ quæ adpersa est oleo, et totum thus*  
*quod super similam positum est ; adolebit-  
 que illud in altari, in monumentum sua-*  
*vissimi odoris Domino, etc.* Totum istud

Ler. II, 2. in principio secundi capituli scriptum est  
 atque expositum. *Reliquam autem par-*  
*tem similæ comedet Aaron cum filiis suis*  
*absque fermento.* Ita quod panis ex simila  
 illa factus, non erit fermentatus, quod D  
 item secundo capitulo continetur. *Et co-*  
*medet panem illum Aaron cum filiis suis,*  
*in loco sancto atrii tabernaculi,* id est in  
 ipso atrio quod sanctum est. Porro per  
 Aaron et filios ejus, non solum intelligan-  
 tur persona Aaron et immediati filii ejus,  
 sed et successores ipsorum. *Ideo autem*  
*non fermentabitur simila illa in sua pis-*  
*tratione, quia pars ejus in Domini offer-*  
*tur incensum.* Dictum est namque quod  
 pugillus similæ illius adolebatur super

altare, nec erat pars illa fermentata : id-  
 circo nec residuum ejus fermentabatur, et  
 de hoc assignatæ sunt rationes in secundi  
 capituli expositione. *Sanctum sanctorum*  
*erit,* id est portio seu oblatio valde sancta,  
*sicut pro peccato atque delicto,* id est, sicut  
 et una pars hostiæ immolatæ pro pecca-  
 to commissionis, una quoque pars hostiæ  
 immolatæ pro peccato omissionis, sancta  
 sanctorum dicuntur. *Mares tantum stirpis*  
*Aaron comedent illud,* non feminae sacer-  
 dotum, propter sanctitatem sacrificii hu-  
 jus. Unde a solis viris Deo consecratis ac  
 spiritualibus erat edendum. *Legitimum ac*  
*sempiternum est in generationibus vestris,*  
 id est, observantia ista legalis justa est,  
 et per omne tempus veteris Testamenti  
 servanda per successiones posterorum ve-  
 strorum : observantia, inquam, data *de sa-*  
*cificiis Domini,* de quibus nunc sermo.  
*Omnis qui tetigerit illa, sanctificabitur,*  
 id est, nemo nisi purificatus et idoneus  
 ad hoc factus, præsumet tam sancta sacri-  
 ficia tangere. Vel, *Omnis qui tetigerit illa,*  
 sanctificabitur, id est, ex hoc ipso amplius  
 obligatur se deputare ac vacare divinis.

*Locutus quoque est Dominus ad Moysen,*  
*dicens : Hæc est oblatio Aaron et filiorum*  
*ejus, quam offerre debent Domino in die*  
*unctionis suæ,* id est, quam offerre debent  
 in die quo Aaron ungetur in pontificem :  
 quod quando et qualiter factum sit, infra  
 habetur capitulo nono. An autem filii Aa-  
 ron aliquid offerebant Deo in die illo, an  
 solum ministrabant patri suo in sua obla-  
 tione, ibi patebit. *Decimam partem ephi*  
*offerent similæ.* Quid autem sit decima  
 pars ephi similæ, et quantum contineat,  
 in præcedentis capituli litterali exposi-  
 tione est introductum, ubi et ista verba  
 conscripta sunt. *In sacrificio sempiterno,*  
 videlicet jugi, *medium ejus,* utpote simi-  
 læ hujus mediam partem, offeret *mane*  
 tempore sacrificii matutini illius, *et me-*  
*dium vespere* tempore sacrificii vesperti-  
 ni : *quæ simila in sartagine,* id est patel-  
 la, oleo conspersa frigetur. *Offeret autem*  
*eam validam in odorem suavissimum Do-*



*mino sacerdos qui patri jure successerit*, id est, jure successionis fuerit sacerdos seu pontifex post Aaron : *et tota cremabitur in altari quemadmodum holocausta*, ita quod nihil ex ea cedat in usum sacerdotis sive pontificis offerentis. *Omne enim sacrificium sacerdotum*, quod scilicet offerunt pro se ipsis, non pro aliis, *igne consumetur, nec quisquam comedet ex eo*. Hoc quinto capitulo plenius scriptum est atque expositum cum rationibus suis.

*Locutus est autem Dominus ad Moysen, dicens : Loquere Aaron et filiis ejus : Ista est lex hostiae pro peccato*, id est, praeceptum concernens sacrificium, quod pro remissione peccati offertur. *In loco ubi offertur holocaustum, immolabitur cocam Domino*. Quemadmodum enim animal offerendum in holocaustum, primo occidebatur juxta altare in atrio, deinde caro occisa super altare illud comburebatur, ita fiebat de animali quod pro peccato immolabatur. *Sanctum sanctorum est. Sacerdos qui offert hostiam pro peccato, comedet eam in loco sancto in utroque tabernaculi*. Dicunt quidam quod non comedeat eam sub dio seu loco non tecto, puta in atrio, sed in aede seu exedra propinqua : et forte juxta congruentiam, dispositionemque aerae et aeris, poterat eam vel in atrio vel in exedra prope posita manducare. Hoc quoque recolendum, quod non potuit eam licite comedere totam, sed pars talis hostiae incendebatur super altare ; imo quando pro propria eam obtulit culpa, aut pro

*Lev. iv, 21.*

communitatis peccato, nihil ex ea comedit, prout haec plenius in quarto capitulo ejusque expositione praehabita sunt. *Quidquid tetigerit carnes ejus, sanctificabitur*, id est, si aliquid manducabile tetigerit carnes hostiae hujus, praesertim quod ejusdem sit speciei cum ea, sanctitatem hanc contrahet, quod manducari non poterit, nisi ut dictum est de hostia ista, puta a sacerdote in loco praefato. Vel sensus est, quod non licuit alieni homini tangere eam, nisi consecrato et purificato. *Si de sanguine illius vestis fuerit adspersa*, praesertim vestis vulgaris,

*larabitur in loco sancto* : tanquam quae indigna erat attactu sanguinis hostiae sacrae, sieque quantum fieri potest, exprimatur ab ea quod de sanguine illo ei adhaesit.

*Vas autem fictile in quo cocta est, confringetur* : ad innuendum quod nec ipsum fuit condignum tactu sanctae carnis. Et item ad litteram, quia vas tale non potuit sine sua confractione tam fortiter expurgari. Illa autem pars carnis coquebatur, quae in esum sacerdotum cedebat. *Quod si vas, id est olla sive patella, in quo cocta fuerit talis caro, vineum fuerit, defricabitur*, ut per intensam confricationem removeatur ab eo, quod ei adhaesit de hujusemodi carne cocta, *et lavabitur aqua*, ut nihil in eo permaneat de sacrae carnis reliquiis. Praeterea, potest quis admirari de istiusmodi jussionibus, quae prima facie ridiculosae irrationabilesque videntur. Quocirca primo pensandum, quod in libro de Fide et legibus scribit Guillelmus : Deus voluit semper et merito venerationem impendi sanctuario suo, et sanctificatis atque oblatis in eo : ideoque eos et ea, qui et quae tangerent illa, ex hoc reputari immunda, propter sanctitatem reverentiamque illorum. Insuper tota lex illa fuit figurativa spiritualium rerum. Et ista nunc dicta, quae in se modici videntur esse vigoris, magna et spiritualia designabant mysteria, ut in sequenti dicetur articulo. Ad litteram quoque Deus per ista populum suum distinxit a ritu et observantiis idololatrarum, qui opposito modo se habuerunt circa sartagine et lebetes, in quibus idolothyta sua coxerunt.

*Omnis masculus de genere sacerdotali, vescetur carnibus ejus*, videlicet hostiae pro peccato, utpote tam sacerdotes offerentes quam filii eorundem : ex quo videtur, quod uxoribus et filiabus eorum non licuit hoc propter edulii dignitatem. Unde subjungitur, *quia sanctum sanctorum est*. Quod verbum frequenter expositum est. Interdum vero interior et sacerationis pars tabernaculi, dicitur Sanctum sanctorum. *Hostia enim*, scilicet animal, quae

*caeditur*, id est mactatur et immolatur, *A* mactata exoriabatur ante concremationem, ejusque corium exstitit sacerdotis offerentis, ut vel tantundem participaret de sacrificio Dei, qui fuit ejus hereditas. *Et omne sacrificium simile, quod coquitur in elibano, et quidquid in craticula vel sartagine preparatur, ejus erit sacerdotis a quo offertur*, id est, qualitercumque prepararetur, coquatur, sive pistretur sacrificium ex simila, ex qua panes fiebant, interdum in elibano, interdum in patella ac aliis modis, prout in expositione secundi patebat capituli, pertinebit ad usum et esum sacerdotis offerentis, dempto quod pars similæ adolebatur ad Dei reverentiam in altari. *Sive oleo conspersa fuerit simila in sua pistratione aut oblatione, sive arida manserit*: etenim quando ex simila fiebat oblatio pro peccato, non

consperebatur oleo, ut scriptum est precedenti capitulo: *cunctis filiis Aaron aqua mensura per singulos dividetur*. Hoc exponi potest tripliciter: Primo, quod unicuique sacerdoti deputanda erat certa et congrua dies, in qua ipse sacerdotali utebatur officio, et ea quæ obtulit, in usum summ redegit. Secundo, quod oblata dividebantur sacerdotibus proportionabiliter juxta eorum indigentiam vel laborem. Tercio, quod hostiæ ad immolandum adductæ a vulgo, distribuebantur sacerdotibus ad prosequendum ipsam sacerdotalem oblationem: distribuebantur, inquam, cum quadam æqualitate sine personarum acceptione, sicut servatur medium æqualitatis in distributiva justitia.

Lev. v, 11.

Lev. iv, 8,  
et seq.

*Hæc quoque est lex hostiæ pro delicto*, id est oblatæ pro peccato omissionis: *sancta sanctorum est*, id est valde sancta, in quantum ad Dei reverentiam immolata. *B* *Ideirco ubi immolatur holocaustum, mactabitur et victima pro delicto*, id est, hostia ista pro delicto occidetur, et offeretur in atrio et in ejus altari, sicut et holocaustum, juxta modum de hostia pro peccato commissionis inductum. *Sanguis ejus per gyrum altaris fundetur*. Alia quæ de hostia ista dicuntur in littera, ex expositione litterali quarti capituli patent. *Utriusque hostiæ lex una erit*. Jam duæ leges sunt datæ de hostia pro peccato commissionis, et hostia peccati omissionis: quomodo ergo utriusque hostiæ erit lex una? Dicendum, quod utriusque exstat lex una, id est consimilis, quia circa utramque hanc hostiam fuit observantia uniformis, ut patet ex littera ista et præinductis. *Ad sacerdotem qui eam obtulerit, pertinebit*, id est comedetur ab eo, juxta intellectum præhabitu. *Sacerdos qui offert holocausti victimam*, id est hostiam quæ holocaustum vocatur, *habebit pellem ejus*. Nam hostia illa totaliter comburebatur, excepto quod

## ARTICULUS XVI

### SPIRITUALIS EJUSDEM CAPITULI SEXTI ELUCIDATIO.

**H**ÆC est lex holocausti. *Cremabitur in altari tota nocte usque mane*. Dominus et Salvator Unigenitus Patris, obtulit se in cruce pro nobis Deo Patri in holo-

caustum, ex ardentissimæ caritatis igne exponens se tali oblationi ac morti. Hoc igitur holocaustum jugiter debet ardere in altari, hoc est in sublimitate cordis no-

stri, quod est spirituale altare, in quo sacrificium laudis, orationis incensum, bona et prompta voluntas, Deo assidue offeruntur : tunc quippe in isto altari holocaustum illud crematur, dum ferventer atque gratanter recolimus, quanta Filius Dei pro nobis in corpore suo assumpto sustinuit. Id quoque agendum est tota nocte, id est omni tempore vite presentis, quæ comparatione vite future nox appellatur. Nox etiam defectuositas et ignorantia nostra vocatur. Specialiter vero tentationis, persecutionis et adversitatis nox dicitur : in quo tempore præcipue recurrendum est ad fervidam et intentam ac stabilem dominicæ passionis memoriam. Præterea ipsemet homo devotus et fervens, holocaustum est Dei, ejus cultui totum se cum omni piæ devotionis promptitudine mancipat, et nihil sui relinquit sibi, cum Apostolo dicens. Vivo autem jam non ego, vivit vero in me Christus : quod veris et sanctis religiosis potissimum competit. Hoc itaque holocaustum debet in altari cremari, ita ut homo in proprio corde mactet se Deo, omnem affectionem perversam et omnem culpam in se ipso suffocans, et igne amoris comburens, quoniam caritas multitudinem, imo et universitatem operit peccatorum. Hoc est se ipsum salubriter abnegare, mortificare, deserere, perdere et odire, sicut ait Salvator : Qui odit animam suam in hoc mundo, in vitam æternam custodit eam. *Ignis ex eodem altari erit*, id est, fervor divini amoris et sanctæ devotionis ex corde semper procedere debet et ferri ad Deum, juxta illud : Concealuit cor meum intra me, et in meditatione mea exardescet ignis.

*Vestietur sacerdos tunica et feminalibus lineis.* Quemadmodum sacerdotes Mosaicæ legis aliis utebantur vestimentis in ministerio templi, aliisque in factis humanis ac ceteris actibus, ita et sacerdotes evangelicæ legis. Specialiter vero sacerdos et omnis in sacris Ordinibus constitutus, induendus est tunica, id est conversatione exemplari et justa, ut cum sancto Job

A queat fateri, Justitia indutus sum : et quod loquitur Isaias. Induit me Dominus vestimento salutis, et indumento justitiæ circumdedit me. Aptè quoque per tunicam lineam simplex et innocens vita, seu pura intentio designatur : per feminalia vero, castitas et continentia : quia super omnia est necesse, ut casti, spirituales et sobrii sint, qui superdignissimis Christi sacramentis deserviunt sive communicant, juxta illud Isaiæ, Mundamini qui fertis vasa Domini. *Tolleque cineres, quos vorans ignis creussit.* Secundum Glossam, Cinis est consummatio boni operis. Cineres extra castra efferet Aaron, quia per Christum opera nostra bona Patri præsentantur. Dicit etiam Glossa in isto capitulo : Mane incepit passio Christi, quando in atrio Caiaphæ alapis cæsus est, et usque ad vesperam protelata. Tenebris enim eam interpolantibus, in mane et vespere dividitur. Hæc Glossa. Veruntamen alii dicunt, Christum hora duodecima exspirasse. Cineres possunt intelligi humiles considerationes propriæ mortalitatis et fragilitatis, igne devotionis accensæ, quæ in loco mundissimo sunt custodiendæ, ut altioribus cessantibus actibus, resumantur.

*Ignis in altari semper ardebit*, de quo asserit Dominus : Ignem veni mittere in terram, et quid volo nisi ut accendatur ? Qui ignis est vel Spiritus Sanctus, vel caritas infusa, sine qua nihil est spiritualiter vivum, Deo acceptum, et meritorium. Indesinenter ergo ardeat in corde seu voluntate. *Quem nutriet sacerdos, subjiciens ligna mane per singulos dies.* Ligna quibus nutrienda, augenda et inflammanda est caritas habitualis, sunt objecta et considerationes, ex quibus cor inflammatur sancta dilectione : videlicet summa et invariabilis bonitas Dei, et omnis perfectio ejus : universa quoque beneficia et promissa ipsius, humanitas Christi, et considerationes istorum : quæ omnia assidue applicanda sunt cordi, et imponenda caritati ejusdem, ut nunquam deficiat, imo quotidie amplius inardescat ignis iste in mente, om-

Job xxix,  
11.  
Is. lxi, 10.

Ibid. lxi, 11.

Galat. ii,  
20.

Prov. x, 12,  
1 Petr. iv, 8.

Joann. xii,  
25.

Ps xxxviii,  
4.

Luc. xii, 49.



nisque affectio, cogitatio, sermo, opus, A ore accipitur Sacramentum altaris : ideo omissio, quæ eam possunt minuire aut auferre, prorsus abjiciantur. Denique, in novo Testamento, non solum dicuntur sacerdotes, qui sacramentum Ordinis sunt sortiti : sed et universi fideles in Baptismate uneti, qui se ipsos Deo sacrificant per obedientiam salutarem, et hostiam laudis ac alia spiritualia sacrificia immolant ei : propter quod sacratissimus princeps Apostolorum, universos affatur fideles :

1 Petr. ii, 9. Vos autem genus electum, regale sacerdotium, Ideirco nunc dicta, omnibus sunt B servanda.

*Locutus est autem Dominus : Ista est lex hostiæ pro peccato : In loco ubi offertur holocaustum, immolabitur coram Domino.* In eadem namque Ecclesia, eademque mente, in qua Deo offerimus spiritualia holocausta ex spontanea devotione, offerimus et penitentiae opera : et nunc actui patriæ, nunc exercitiis penitentiae insudamus. Per hoc quoque insinuat, quod peccator penitens et conversus placet Deo, sicut et innocens justus. *Sacerdos, qui offert, comedet eam :* quia spiritualiter refici debet actu suo virtuoso, et delectari in eo. *Quidquid tetigerit carnes ejus, sanctificabitur.* Per hoc verissime præfiguratum cognoscimus, quod quicumque fide, devotione et caritate tetigerit, consecraverit aut acceperit sacratissimum Christi corpus, sanctitatem consequitur. *Si de sanguine illius vestis fuerit adpersa, lavabitur in loco sancto.* Hoc quasi ad litteram servat Ecclesia, dum corporalia seu alia consecrato Christi sanguine tacta, taliter lavat : D terram vero et lapidem eo contacta, radit seu fricat. Ad quod designandum, subjunctum est : *Vas fictile confringetur :* quod si æneum fuerit, defricabitur. Spiritualius autem loquendo, vestis adpersa sanguine Christi, est caro animam vestiens, in ejus

assidue est lavanda lacrimis contritionis, et aliis modis purganda ab omni sordē et iniquatione peccati.

*Vas autem fictile in quo cocta est, confringetur.* Per vas fictile, [intelligitur] homo carnalis, mollis, ad vitia pronus, instar terræ testæ cito dissipabilis per peccata : qui si Christi corpus acceperit, confringetur, id est, spiritualiter destruetur, quoniam aut indigne accedit, aut post sumpcionem celeriter recidivat, nisi Deus per specialem affuerit gratiam. *Quod si vas æneum fuerit, defricabitur.* Per æneum vas, homines virtuosī, qui spiritualiter fortes ac solidi sunt, intelliguntur : qui etsi cum fervore ac reverentia celebrent sive communient, distractiones tamen et negligentias circa tantum Sacramentum incurrunt : propter quas diluendas, per disciplinas et satisfactorios actus defricant se ipsos, et corripi ac corrigi non dedignantur. Porro, per hoc quod feminei sexus personæ a sacræ et oblatae carnis esu prohibebantur, quid aliud designatur, nisi quod nihil femineæ levitatis ac carnalis impuritatis, in celebrantibus et communicantibus consistere debeat ? Quod si carnes illas oblatas Deus in tanta voluit veneratione haberi, eum quanta reverentia tractandum atque sumendum est corpus sacratissimum Salvatoris ?

Postremo per hoc, quod oblata illa sacra jussit Dominus æqua mensura sacerdotibus impertiri, significatur, quod ecclesiastica bona sint clericis et ministris Ecclesiæ cum æqualitate justitiæ distribuenda, non tam inæqualiter, ut unus esuriat, alter in illis inebrietur, ne dicam luxurietur. Ideo pluralitas beneficiorum periculosissima comprobatur. Ceterorum verborum hujus capituli sensus spiritualis, patet ex locis præallegatis, sicut et litteralis eorum sensus.

## ARTICULUS XVII

EXPLANATIO LITTERALIS CAPITULI SEPTIMI : HEC EST LEX HOSTIE PACIFICORUM.

**D**E ritu et usu hostiarum pacificarum A nunc agitur. Et primo de eis quæ pro beneficiis jam concessis offerebantur. *Hæc est lex hostiæ pacificorum, quæ offertur Domino : Si pro gratiarum actione fuerit oblatio*, id est, si immolatur in gratiarum actionem pro bonis a Deo collatis, *offerent panes absque fermento*, id est non fermentatos. Nulla enim oblatio quæ super altare ponebatur, potuit esse fermentata, juxta quod scriptum est secundo capitulo. Omnis oblatio quæ offertur Domino, absque fermento fiet : de cujus rei causis dictum est ibi. *Conspersos oleo*, id est in sua formatione seu pistratione oleatos : cur autem in sacrificiis Dei oleum frequenter admiscebatur, dictum est sæpe : *et lagana azyma oleo lita*\*, sicut in expositione litterali secundi habetur capituli. Per lagana azyma, id est non fermentata, quidam intelligunt panes latos ac tenues, non conspersos oleo, sed linitos. Alii per lagana ista, intelligunt panem ex simila coctum in calida aqua. *Coctamque simillam, et collyridas olei admixtione conspersas*. Collyridas alii dicunt esse parvos panes de simila factos, triangulares aut circulares. Sen, ut alii scribunt, sunt panes pertennes, qui interdum crustulæ appellantur : quoniam quasi totaliter erant crusta, parum aut nihil habentes de mica. Certius autem dici potest, quod collyrida sit idem quod torta. Unde pro eo quod scriptum est secundo

II Reg. vi, 19. Regum libro, Partitus est David singulis collyridam panis unam : primo Paralipomenon fertur, Tortam panis.

I Par. xvi, 3.

*Panes quoque fermentatos*. Hoc intelligendum est de panibus immolatis, qui non superimponebantur altari, ut in secundi expositione capituli dictum est plenius.

illos panes offeret ad esum sacerdotum cum carnibus, *cum hostia gratiarum*, quæ scilicet pro gratiarum actione offertur. Unde subiungitur : *quæ immolatur pro pacificis*, id est pro beneficiis datis ad pacem et prosperitatem spectantibus. *Ex quibus unus pro primitiis offeretur Domino*. Quamvis enim plures panes offerebantur, unus tamen tanquam quid primitivum Domino specialiter offerebatur, ita quod cessit in usum sacerdotis ipsius. Ideo sequitur, *et erit sacerdotis*. Tamen (ut fertur) B in Hebræo habetur, Ex omnibus unus. Nempe juxta præhabita in expositione secundi capituli, panes offerendi poterant quatuor modis parari seu coqui, et de singulis modis paraturæ plures panes offerebantur, atque de quolibet modo unus panis sacerdoti pro primitiis tradebatur.

*Qui fundet hostiæ sanguinem*, id est, animal mactabit quod Domino offeretur. Pro pacificis namque non solum panes, sed et boves, oves ac capræ immolabantur, ut tertio habetur capitulo. *Cujus carnes*

Lev. iii, 1, 6, 12.

C *eadem comedentur die*. Caro quippe hostiæ pacificæ immolata, in tres partes dividebatur, quarum una ad Dei honorem coneremabatur, alia venit in usum sacerdotum, tertia in offerentium usum seu esum : cujus rei ratio in tertio articulo est expressa. Eodem igitur die, quo immolabatur, hæc hostia fuerat comedenda, quantum ad duas partes suas : nec tamen ob hoc fuit ultra mensuram temperantiæ comedendum : sed quod remansit, in crastinum comburebatur. Ideo quod subditur, D *nec remanebit ex eis quidquam usque mane*, exponendum est, quod licite remanere seu reservari non poterat usque ad diem sequentem, ad comedendum. Et videtur

textus sonare, quod usque ad auroram sequentis diei licuit vesci carnibus hostiæ hujus.

Sequitur de hostia pacifica quæ offerebatur pro beneficio impetrando, quæ dicebatur spontanea et votiva : quia non ita tenemur Deo pro bonis speratis, promissis aut obtinendis, sicut pro bonis exhibitis. *Si voto*. Votum non sumitur hic pro promisso; quia quod ex promissione offertur, ex debito immolatur magis, quam quod pro datis beneficiis absque promissione offertur. Votum ergo nunc pro desiderio sumitur. Itaque si voto, id est desiderio beneficii adipiscendi, *vel sponte*, ex sola devotione,

\* quispiam *quisquam* \* obtulerit hostiam panum aut pecorum, eadem similiter edetur die : si congrue fieri potest, non tamen oportet. Nam subditur : *Sed et si quid ex ea in crastinum remanserit, vesci licitum est* : quia tam sacerdos qui hostiam macavit sen obtulit, quam qui eam sacerdoti obtulerunt, poterant die immediate sequenti residuum manducare, non autem tertio die. *Si quid autem tertius invenerit dies*, id est, si aliqua pars hostiæ hujus, inventa fuerit seu existens tertia die, per inclusionem diei oblationis et diei istius. Et capitur hic, invenire, extense pro Existere sive Occurrere. Dicitur autem dies seu tempus invenire, facere aut pati, quod invenitur, fit aut sustinetur in die seu tempore. *Iguis absumet. Si quis de carnibus victimæ pacificorum tertio die comederit*,

\* fiet ejus *irrita fiet* \* oblatio, id est, non erit Deo accepta, nec consequetur effectum, quoad eum qui de ea tertio comederit die. Ideo D sequitur, *nec proderit offerenti* : quia et si primo aut secundo die placuit aut obtinuit quid a Deo, per peccatum tertiæ diei meretur eo privari. Unde subjungitur, *quin potius quæcumque anima*, id est quicumque homo, *tali se edulio contaminaverit*, id est, talem cibum illicite sumpserit, *prævaricationis rea erit*, id est prævaricator præcepti, sicque meretur gratia data privari. Porro si sacerdos solus inde comedisset, non fuisset offerenti vulgari impu-

A latum : nec sacerdoti, si solus offerens inde sumpsisset, nisi aliunde communicassent in erudine illo.

Sed quæri potest ratio horum, cur scilicet nihil servari poterat, nec edi in crastino de hostia pro beneficio dato oblata, sicut de hostia pro adipiscendo beneficio immolata. Ad quod dici posset, quemadmodum Origenes in homilia refert respondisse Hebræos, quia non dissentit servus præcepta domini sui, nec rationes eorum inquit, sed sola jussione contentus, satagit obedire. Sicque secundum eos sufficit respondere, quoniam Deo qui præcepit, sic placuit. Istud tamen ad satisfaciendum infidelibus argumentatoribus non videtur sufficere. Nam etsi servus non habeat præcepta domini sui discutere ex diffidentia, curiositate aut præsumptione, pio tamen desiderio intelligendi ea quæ audit, potest humiliter causas scrutari. Unde et scriptum est : Beati qui scrutantur testimonia Ps. cxviii, 2 ejus. Itaque ad propositum respondere poterimus, quod ad insinuandum de beneficiis jam præstitis esse regratiandum mox sine mora, voluit Dominus oblationem pro eis factam die manducari eodem. Oblationem autem factam pro beneficiis recipiendis, posse partim comedi die sequenti, quoniam propter beneficia illa non tenemur tam indilate Deo regratiari et obsequi. Denique oblationes istæ pro gratiarum actione, et ex voto, poterant manducari non solum in atrio seu exedra, sed ubique intra Jerusalem. Non enim erat tantæ sanctitatis hæc hostia, ut holocaustum et illa quæ pro peccato fiebat, quæ in sancto loco comedebatur.

*Caro quæ aliquid tetigerit immundum, non comedetur, sed comburetur igni*. Hoc exponitur non de quacumque carne, sed de carne hostiæ pacificæ, de qua nunc sermo. *Qui mundus est* \*, *vescetur ex ea* : \* fuerit quia de carnibus hostiæ hujus potuit manducare non solum sacerdos, et ille qui obtulit eam sacerdoti, sed alii quoque qui invitabantur ad esum ipsius ab offerente, dummodo mundi essent secundum legem :



sed immundis non licuit, sive fuissent immundi ab intrinseco, sicut leprosus et semine fluens, sive ab extrinseco, ut illi qui tangebant immunda. Hinc subditur : *Anima polluta quæ ederit de carnibus hostiæ pacificorum, peribit de populis suis. Et quæ tetigerit immunditiam hominis vel jumenti, id est corpus defunctum, vel aliquid horum, quod secundum legem reputabatur immundum, maculansque tangentem, de quibus infra habetur, sive omnis rei quæ pollucere potest, et comederit de hujusmodi carnibus, interibit de populis suis* : quoniam irreverentiam facit Deo in his quæ oblata sunt ei.

At vero quod dictum est, Peribit de populo suo, vel, Interibit de populis suis, quidam, quos sequitur Lyra, exponunt sic, quod talis immundus fuerat morte puniendus. Contra quod scribit Rabbi Paulus : Durissimum esset dicere, quod propter talem comestionem homo puniretur morte : sed aliter est dicendum : nam in hoc loco ubi dicitur, Peribit, etc., intelligitur secundum Glossam nostram, ut talis dicatur lupus rapax, non ovis Dei. Unde in quampluribus locis, ubi similis sententia ponitur, secundum Hebræos intelligitur, tale peccatum divinæ ultioni relinqui, non quod per hominem capitali pœnæ adjudicetur. Et ista est communior sententia. Nam et de illo, in cujus domo inveniretur aut appareret quantumcumque modicum fermenti tempore paschali, et in quampluribus casibus levissimis talia verba in veteri lege leguntur, in quibus diversimode crimen capitale est introducendum. Hæc Rabbi Paulus.

Circa hæc dico, quod per hæc verba, Peribit de populo suo, datur intelligi, quod talis peccat mortaliter, contra præceptum agendo vel omittendo. Qui autem peccat mortaliter, meretur mortem æternam, quia a societate electorum sui populi perpetue separatur. Qui vero meretur æternam mortem, meretur etiam mox tolli a vita præsentis, seu vita privari a Deo secundum rigorem justitiæ, prout in Summa contra

A gentiles asserit Thomas. Verumtamen, an secundum legem Moysis in talibus fuerit semper etiam mors corporalis infligenda, melius scire possunt Hebræi. Apostolus tamen loquitur ad Hebræos : Irritam quis faciens legem Moysis, absque ulla contradictione duobus aut tribus testibus moritur : quamvis hoc non sit de quibuscumque legis transgressionibus æqualiter intelligendum. Per hoc quoque quod Glossa affirmat, talem non esse ovem, sed lupum rapacem, insinuat quod peccet mortaliter, quum propter veniale dumtaxat non desinat quis esse ovis. Et quamvis aliqua talia sint in se levia, tamen in quantum erant contra præceptum Dei, non erant reputanda levissima, imo nec levia.

*Locutusque est Dominus ad Moysen, dicens : Loquere filiis Israel : Adipem bovis et ovis et capræ non comedetis.* Certum est ex præhabitis, quod ista tria fuerant animalia immolatiæ, et item quod adipem horum quæ immolabantur, non poterant comedi ab Hebræis. Sed de adipe horum trium pecorum, quando non offerebantur, potest quaestio esse. Tamen circa hoc communiter dicitur, quod nec talium adipum esus licuit eis, quum tertio capitulo scriptum sit, Nee adipem nec sanguinem omnino comedetis : imo ex hoc aliqui opinantur, quod nullius animalis, secundum legem comestibilis, adipem poterant manducare. De hoc Magister in historiis ait : Nee adipem nec sanguinem omnino comedetis : quod intelligitur de animalibus oblatiis et assignatis ; tamen propter illud

D Judæi ab omni adipe abstinebant. Sed verius dicimus, quod Dominus adipem qui offerri solet, prohibuit eis in esu. Quid ergo faciunt de adipe animalis mundi, non oblatis, nec morticini, nec a bestia capti ? Forte projiciunt vel dant alienigenis ad edendum. Sed quomodo faciunt hoc si Domini est ? id est, si adeps Domini esse debet. Istud opposuit Augustinus. Judæi tamen nunc comedunt adipem mundi animalis, quod offerri non licet, videlicet cervorum, damularum atque hujusmodi ;

Hebr. x. 28.

Lev. iii, 17.

adipem vero qui solebat offerri, non comedunt, sed habent in varios usus instar adipis morticini. Hæc ibi. Hinc subditur : *Adipem cadaveris morticini, utpote per se mortui, et ejus animalis quod a bestia captum est, id est dilaniatum sive peremptum, habebitis in usus varios, id est, utimini ad diversa, videlicet ad fovendum lumen lucernæ, ad unctiones exteriores, et consimilia. Talis etenim adeps nec comedi poterat, neque offerri, quamvis fuisset animalis mundi et immolatiæ. Si quis adipem qui offerri debet in incensum Domini, id est ad Dei honorem in altari cremari, comederit, peribit de populo suo.*

*Sanguinem quoque omnis animalis non sumetis in cibo, tam de avibus quam de pecoribus, id est, nullius animalis, sive gressibilis, sive volatilis sanguinem comedetis. Omnis anima quæ ederit sanguinem, peribit de populis suis.* Ex hoc dicunt quidam Hebræi, quod sanguis locustarum et piscium non sit eis prohibitus. Ista duo præcepta cum rationibus suis in expositione tertiæ capituli sunt tractata. De hoc Josephus ait : Omnem esum sanguinis eis prohibuit, quia animam et spiritum in sanguine esse Moyses putavit : in quo esus suffocati tantum intelligitur prohiberi. Tamen in tantum prohibuit esum sanguinis, quod etiam avem vel feram aucupio, venationeve captam, voluit comedi fuso in terram sanguine et operto. Verumtamen verba hæc Josephi sunt pie intelligenda. Non enim Moyses erronee hoc putavit, ut infra dicetur, nec ex se, sed Deo jubente esum prohibuit sanguinis.

*Locutusque est Dominus ad Moysen, dicens : Loquere filiis Israel, dicens : Qui offert victimam pacificorum Domino, id est bovem, ovem aut capram, offerat simul et sacrificium, id est libamenta ejus, hoc est, ea quæ cum tali animali pariter solent offerri, ut sunt panis et oleum ei miscendum, seu potius mixtum aut superlitum. Tenebit offerens vulgaris manibus adipem hostiæ, id est animalis oblati, et pectusculum ejus. Sacerdos quoque ad-*

*stans, superposuit manus suas manibus offerentis, ut sic actus ille fieret Deo acceptior. Quamvis ambo oblata Domino consecraverit, id est, deputaverit quasi specialiter ei offerenda, tradet sacerdoti, ut propriis manibus immolet ea; qui adolebit, id est incendet, adipem super altare holocausti in atrio. Pectusculum autem erit Aaron et filiorum ejus, ad comedendum. Armus quoque dexter de pacificorum hostiis cedet in primitias sacerdotis offerentis, id est tanquam præcipuum quod dabitur ei ad usum et esum ipsius. Qui obtulerit sanguinem et adipem, filiorum Aaron, id est sacerdos ex stirpe et numero posterorum ipsius Aaron, qui modo præfacto obtulerit adipem et sanguinem pecoris immolati, habebit armum dextrum in portione sua : pectusculum enim elevationis, quod scilicet sacerdos levabat cum manibus ejus qui tenebat adipem atque pectusculum hostiæ suæ, sicut jam dictum est, et armum separationis, id est armum dextrum, qui dividebatur de corpore animalis oblati, ut daretur sacerdoti in esum, tui a filiis Israel de hostiis eorum pacificis, id est, auferri inde præcipio, et præcipere ante deerevi, (cetera vero in offerentium usum venerunt), et dedi Aaron sacerdoti et filiis ejus sacerdotibus lege perpetua, id est jussione duratura, ab omni populo Israel per omne tempus cultus veteris Testamenti.*

Consequenter fit recapitulatio prædictorum in diversis capitulis. *Hæc est unctio Aaron et filiorum ejus.* Per unctionem quidam intelligunt oblationem : quod videtur extraneum. Ideo per unctionem potest intelligi provisio seu definitio ista, qua Dominus tam benigne providit sacerdotibus suis de necessariis : per quod delinivit et duleiter unxit corda eorum. *In cærimoniis Domini, id est in observantiis sacrificiorum legalium ad cærimonialia pertinentium ; die quo obtulit eos Moyses, id est præsentavit seu præsentare instituit divino conspectui, ut sacerdotio fungerentur, et quæ præcepit Dominus eis dari a*

*filiis Israel de sacrificiis eorum, religio- ne, id est observantia religiosa, quæ est latræ actus, perpetua in generationibus suis. Ista est lex holocausti, de quo dictum est primo capitulo : et sacrificii pro peccato commissionis, atque delicto : de quo sacrificio scriptum est quarto capitulo : et pro consecratione, id est justificatione per sacrificia obtinenda, vel de consecratione offerendorum, et pacificorum victimis : de quibus habitum est capitulo tertio, et in isto. Quæ sacrificia constituit Dominus Moysi, id est, notificavit, præfixit, offerri- que jussit : constituit, inquam, in monte Sinai, quando mandavit filiis Israel per Moysen, ut offerrent oblationes suas Domino, id est sicut Deo et Domino summo : in deserto Sinai : quia in illo deserto situs est mons ille, et in illo monte mandavit hæc, atque in illo deserto cæperunt filii Israel ista offerre.*

Præterea super illud, Tenebit manibus adipem, scribit Lyra : Sacerdos supponebat manus suas manibus offerentis, sicque istud superpositum manibus suis elevabat ad cælum, deinde retraxit versus terram, postea ad quatuor partes orbis : ad denotandum quod offerebatur ei, qui est Dominus cæli et terræ. Sicque fuissent ibi sex motus. Sed his contradicit Rabbi Paulus, et dicit : Sacerdos in hujusmodi oblationibus faciebat quatuor motus tantum : videlicet elevare versus cælum, et retrahere

A versus terram, et movere antrorsum, ac trahere retrorsum. Et ita in hujusmodi motibus fiebat proprie signum crucis. Hæc Rabbi Paulus. Circa quod dici posset, quod per talem cruciformem sacrificii motionem duo designabantur : Unum, quod ei offerebatur, qui pro mundi redemptione fuerat crucifigendus : aliud, quod sacrificium illud præfiguravit sacrificium illud salvificum, pro communi salute in cruce oblatum.

Præterea, ad intelligendum præhabita, B oportet advertere, quod in prima secunda, quæstione 102, scribit Thomas : De hostiis, inquiens, pacificis in usum sacerdotis cedebant pectusculum et armus dexter, ad excludendum quamdam divinationis speciem, quæ spatulamantia nuncupatur : quia in spatulis immolatorum animalium divinabant, et similiter in osse pectoris : ideo duo ista offerentibus subtrahebantur, sacerdotibusque dabantur. Per quod etiam designatur, quod sacerdoti necessaria erat sapientia cordis, ad instruendum populum : quod significabatur per pectus, quod tegumentum est cordis : et etiam fortitudo animi, ad sustinendum defectus inferiorum, quod insinuebatur per armum dextrum. Hæc eadem Alexander super tertium, et Guillelmus libro de Fide et legibus scribunt. Ceterorum quæ in isto habentur capitulo, rationes et causæ, in præinductis articulis pro maxima parte habentur.

## ARTICULUS XVIII

### SPIRITUALIS ELUCIDATIO EJUSDEM CAPITULI SEPTIMI.

**H**ÆC est lex hostiarum pacificorum, quæ offertur Domino. Debemus et nos pacificas, salutareque hostias Deo assidue cum omni devotione offerre, tanto plus quam olim Judæi, quanto majora et plura beneficia nobis desuper sunt collata per

D Christum tempore evangelicæ legis et gratiæ, quam Judæis sub lege timoris ac rigoris justitiæ : nempe quæ tunc danda aut fienda per Christum promittebantur, jam nobis exhibita sunt atque impleta per ipsum, sicut ait Joannes : Lex per Moysen Joann. 1, 17.



data est, gratia et veritas per Jesum Christum facta est.

Itaque pro beneficiis nobis a Deo per Dominum Jesum concessis, tam generalibus quam specialibus, offerre debemus *panes absque fermento conspersos oleo*, intelligendo per panes observantias praeceptorum, quae bene reficiunt mentem, et sine quibus nihil spiritualiter sapit, Deo placet: quoniam qui non implet mandata, nequaquam spiritualiter vivit nec diligit, sed mortuus est: estque ingratum Spiritui Sancto quidquid obtuleris ei, si neglexeris id, ad quod teneris: imo si quis in uno offendat, factus est omnium reus. His observationibus praeceptorum nullatenus est miscendum fermentum malitiae aut nequitiae, nulla impietatis corruptio, sed in sanctitate et justitia, sancto et justo serviendum est Deo. Oleum vero pietatis semper miscendum est, ut in primis unusquisque misereatur animae suae, et proximis suis tam in spirituali inopia, quam in corporali indigentia compatiatur, atque pro posse celeriter ac ferventer auxilietur. Sicque, sicut in omni opere Creatoris misericordia et veritas juxta censuram sapientiae ejus contemperantur, ita in nostris quoque actibus misericordia et justitia per veram commisceantur discretionem.

Offeramus etiam *lagana azyma*, id est supererogationis opera per caritatem lata ac lucida, usque ad Deum proximosque extenta. Quemadmodum enim quotidie tot saltem venialibus involvimur culpis, quod universas et singulas distincte cognoscere, deplorare et emendare non possumus, sed orare egemus. Ab occultis meis munda me, Domine: sic omni die festinemus infatigabili corde etiam opera bona ultra debitum innumerabilia exercere, meditando, fervendo, et adspirando, ad Deum loquendo, et forinsecus exsequendo quae pia et justa sunt. Qui hoc agit, lignum, fenum et stipulam non colligit. *Coctamque similitam*, id est contemplationem purissimam, igne ferventis amoris accensam: quae contemplatio finis est praecedentium

A actionum: et *collyridas olei admixtione conspersas*, id est affectus sanctae caritatis praefervidos, ita ut tota mente simus zelo divini honoris ac fraternae salutis accensi: et sicut collyrida circularis est formae, sic isti affectus, instar motus circularis, revertantur in Deum ex quo procedunt.

*Panes quoque fermentatos*. Hic fermentum in bono accipitur, quoniam bonum praestat saporem pani, sicut in Evangelio ubi habetur: Simile est regnum eorum fermento, etc. Panes ergo sic fermentati, sunt penitentialia exercitia, quibus austeritas est permixta, quae male voluptatis inficientem excludit saporem. *Ex quibus unus pro primitiis offerretur Domino*. Tria namque ponuntur opera satisfactionis, ad quae cetera reduuntur: videlicet, oratio, elemosyna, jejunium, inter quae oratio est panis praecipuus. Qui et specialiter Deo offertur, quum sit ascensus mentis in Deum, petitioque decentium a Deo, et per eam Deus potissime honoratur. *Et erit sacerdotis*: quia ad sacerdotem, confessorem maxime, pertinet orationi vacare, et pro poenitentibus exorare. Qui autem Deo super suis beneficiis regratiatur, ita hoc agere debet, ut non omittat pro quotidianis suis praeteritisque peccatis opera poenitentialia adimplere, ne quasi securus de venia, per negligentiam et ineustodiam resolvatur. *Qui sacerdos fundet hostiae sanguinem*, hoc est, sacrificia regratiantis offeret Deo, eum rogando pro sibi commissis, ut eorum spiritualia sacrificia acceptare dignetur, quoniam inter Deum et populum constitutus est medius. *Cujus carnes eadem comedentur die*: hoc est, de ipso sacrificio gratiarum actionis et laudis, ipse qui Deo regratiatur, debet se immediate spiritualiter reficere, nec actum tam virtuosum differre, sed delectari in Domino, ei omni die quasi de novo gratias referendo.

*Si voto vel sponte quisquam obtulerit hostiam*: id est, si quis laudem et gratiarum actionem immolat Deo pro beneficiis impetrandis, eodem die in talibus actibus

Jacob, ii, 10.

Luc, i, 75.

Ps. xviii, 13.

I Cor, iii, 12.

Matth. xiii, 33.

Ps. xlviii, 1.

delectari debet in Domino. Quod tamen A parumper potest differri, sed non nimis diu, quoniam beneficia jam collata conservare non valemus, nisi gratiam permanendi et proficiendi in eis Dominus largiatur. Etenim non progredi, et non proficere, est regredi atque deficere. Quod significatur per hoc, quod tertio die non licet inde comedere. Nam opus bonum, opportuno tempore seu hora præfixa est exsequendum. Et si nimium differatur, non acceptatur. *Caro quæ aliquid tetigerit immundum, non comedetur* : id est, B homo qui peccatis consentit, et alienis communicat vitiis, Christo non incorporatur, nec est cibus Ecclesiæ, sed igni tra-

detur tartareo. *Anima polluta quæ ederit de carnibus hostiæ pacificorum, peribit.* Per hoc insinuat, quam enormiter peccet, qui ad Christi mensam accedit non emundatus.

Postremo, per pectusculum non solum sapientia, sed etiam pietatis compassio et caritatis affectio designantur, quæ esse debent excellenter in sacerdote : similiter fortitudo atque iustitia, quæ per armum dextrum significantur. De spiritali autem significatione adipis et sanguinis, et cur non debuerant manducari, atque de ceteris, quorum spiritualizatio seu moralizatio nunc transilitur, jam frequenter est dictum.

## ARTICULUS XIX

DECLARATIO LITTERALIS CAPITULI OCTAVI : LOCUTUSQUE EST DOMINUS AD MOYSEN, DICENS : TOLLE AARON.

CONSECRATIO sacerdotum, summi vi- C delicet sacerdotis seu pontificis, et inferiorum sacerdotum, hoc loco describitur. Et ea quæ Dominus in Exodo fieri jussit, in isto ac sequenti capitulis recitantur executioni mandata. Unde et horum duorum sensus capitulorum, ex illorum expositionibus pro parte maxima innotescit.

Denique, ut dicenda nunc clarius pateant, pensandum quod S. Thomas in prima secundæ, quæstione 102, conscribit : Sicut populus Israel instituebatur ad cultum Dei per circumcisionem, ita ministri, puta Le- D vitæ et sacerdotes ac pontifex, per aliquam specialem purificationem vel consecrationem. Unde et separari ab aliis jussi sunt, quasi specialiter ad cultum Dei præ aliis deputati. Et totum quod circa eos fiebat in eorum institutione et consecratione, ad hoc pertinebat, ut ostenderetur eos habere quamdam prærogativam puritatis, virtutis ac dignitatis. Ideo in institutione mini-

strorum tria fiebant. Primo enim purificabantur, secundo ordinabantur et consecrabantur, tertio applicabantur ad ministerii usum. — Purificabantur autem communiter omnes per abluitionem aquæ, et per sacrificia quadam. Specialiter vero Levitæ radebant omnes pilos carnis suæ. — Porro consecratio pontificis et sacerdotum fiebat hoc ordine. Nam postquam abluti erant, induebantur quibusdam specialibus vestibus sacris, ad eorum officia pertinentibus, ad designandum dignitatem ipsorum. Specialiter vero pontifex oleo unctionis ungebatur in capite, ad ostendendum quod ab ipso diffundebatur potestas consecrandi ad alios, sicut oleum a capite derivatur ad inferiora. Levitæ autem non habebant aliam consecrationem, nisi quod offerebantur Domino a filiis Israel per manus pontificis, qui orabat pro eis. Minorum vero sacerdotum solæ manus consecrabantur, quæ erant ad sacrificia applicandæ :

et de sanguine animalis oblatus tangebatur A extremum auriculæ dextræ ipsorum, et pollices pedis ac manus dextræ : ad demonstrandum quod deberent esse obediētes legi Dei in oblationibus sacrificiorum, quod significatur per intinctionem auris dextræ; quod item esse deberent prompti atque solliciti in executione sacrificiorum, quod significatur in intinctione pedis et manus dextræ. Adspergebantur etiam et vestimenta eorum sanguine animalis oblatus in memoriam sanguinis agni, per quem fuerunt de Ægypto liberati. Insuper offerre- B rebantur in eorum consecratione sacrificia ista : vitulus pro peccato; et aries in memoriam oblationis Abrahæ, ejus obediētiā pontifex imitari debebat; et aries consecrationis, qui erat quasi hostia pacifica in memoriam liberationis ex Ægypto; canistrum quoque panum, in memoriam mannae. — Pertinebat verò ad applicatiōnem ministerii, quod super manus eorum ponebantur adest arietis et torta panis unius et armus dexter, ad demonstrandum quod accipiebant potestatem offerendi talia Domino. Levitæ autem applicabantur ad ministerium, per hoc quod intromittebantur in tabernaculum fœderis, quasi ad ministrandum circa vasa sanctuarii. — Postremo figuræ horum ratio fuit, quoniam hi qui consecrandi sunt ad spirituale ministerium Christi, debent primo purificari per aquam baptismi ac lacrimarum, in fide passionis Christi : quod est quasi sacrificium purgativum et expiativum. Debent quoque radere omnes pilos carnis, id est universas pravæ cogitationes abjicere : atque ornari virtutibus, et consecrari oleo Spiritus Sancti, adspersione quoque sanguinis Christi : et sic debent esse intenti ad spiritualia ministeria exsequenda. Hæc Thomas. Ex quibus faciliter patebunt sequentia.

*Locutus est Dominus ad Moysen, dicens: Tolle Aaron cum filiis suis, qui tunc quatuor erant, videlicet Nadab et Abiu, Eleazar et Ithamar. Et quando hæc dicebantur, nondum fuerunt sacerdotes. Vestesque eorum*

sacerdotales et pontificales, et unctionis oleum, ritulum pro peccato Aaron et filiorum ejus, vel solius Aaron, offerendum. Circa quod etiam Thomas scribit : Vitulum pro peccato, in memoriam remissionis peccati Aaron circa conflationem vituli. Sed quemadmodum super Exodum scripsi, quando Dominus primo jussit hæc, nondum commiserat Aaron hoc peccatum. Memoria quoque proprie est præteritorum : ideo in memoriam remissionis illius peccati, non jubebatur offerri hic vitulus, sed pro remissione aliorum peccatorum Aaron, et forsitan etiam filiorum ipsius. *Duos arietes, canistrum cum azymis*, id est panibus non fermentatis. *Et congregabis omnem cœtum populi Israel ad ostium tabernaculi*, puta in atrio, ita quod extra tabernaculum stabant.

*Fecitque Moyses ut Dominus imperaverat; congregataque omni turba ante fores tabernaculi, ait: Iste est sermo quem jussit Dominus. Statimque obtulit Aaron et filios ejus*, id est, Deo præsentavit, et statuit eos juxta altare holocausti in præsentia omnium, ut universi conspicerent modum consecrationis, sacrificiique eorum, et mirabilia Dei mox fienda : sicque haberent eos in majori reverentia, et scirent quod totum esset a Deo, non ex ambitione humana : sicque Deum in suis effectibus ac ministris venerarentur, et prompti essent de cetero ad offerendum quæ lex præcepit. *Quumque lavisset eos*. Non est putandum, quod totum eorum corpus nudum eorum populo laverit, sed lavit manus eorum et pedes, ad designandum quod ministri templi debent esse sancti in actionibus atque affectionibus suis, imo in omni sua conversatione. *Vestivit pontificem*, scilicet Aaron tunc in pontificem profectus consecrandum, *subvoluta linea*. Hoc fuit primum et infimum ornamentum pontificis, quod in Exodo vocatur tunica linea, et erat alba camisia, nisi quod feminalia erant inferiora hæc veste. *Accingens eum balteo* super tunicam lineam, quæ quasi superplicium erat, et super

Exod.  
xxviii, l, xxix,  
36.



vestes usuales induta : *et induens eum tunica hyacinthina super balteum illum, et desuper humerale imposuit, quod adstringens cingulo, aptavit rationali, in quo erat Doctrina et Veritas, Cidari quoque, id est mitra, texit caput. Et super eam, contra frontem, posuit laminam auream consecratam in sanctificatione, id est deputatam pontifici in signum sancti officii sui ad Dei honorem, vel consecratam in sanctificatione sua formaliter, quæ huic laminæ debebatur, quemadmodum pontifex unctus est in unctione ei debita.*

Tanguntur hic breviter vestimenta et ornamenta pontificis quorum aliqua inferioribus sacerdotibus erant communia. Et omnia ista super Exodum diffuse exposita sunt. Sed quia expositio ista ab illa forsitan apud quosdam disjuncta erit, quæ dicta sunt ibi, possunt nunc partim breviterque resumere. Itaque in prima secundæ, quæstione 102, loquitur Thomas : Pontifex habuit octo ornamenta. Primo enim habuit vestem lineam. Secundo, tunicam hyacinthinam, in cuius inferiori extremitate circa pedes pendebant tintinnabula, ut audiretur sonus ingredientis : malaque punicea facta ex hyacintho et purpura, coecoque bis tineto et bysso retorta. Tertio habuit superhumerale, quod texit humeros et anteriorem corporis partem usque ad cingulum, quod fuit ex præfatis materiis. Quartum fuit rationale ex eadem materia constans, quod erat quadratum, et ponebatur in pectore : in quo rationali erant duodecim lapides pretiosi, per quatuor ordines distincti, in quibus sculpta erant nomina duodecim filiorum Israel, ad designandum quod jugiter esset pro eorum salute sollicitus. In rationali quoque mandavit Dominus poni Doctrinam et Veritatem, quoniam quædam pertinentia ad veritatem justitiæ et doctrinæ, scribebantur in illo rationali. Judæi vero fabulantur, quod in rationali erat lapis, qui per diversos colores mutabatur, secundum diversa quæ filiis Israel debebant accidere. Quintum fuit balteus, ex prædictis qua-

tuor materiis factus. Sextum tiara, hoc est mitra de bysso. Septimum lamina aurea, pendens ante frontem pontificis, in qua nomen Domini tetragrammaton scriptum fuit. Octavum feminalia linea ad operiendum turpitudinis carnem, quando accederet ad sanctuarium vel altare. Ex his octo, sacerdotes inferiores habebant quatuor ornamenta, videlicet feminalia, tunicam lineam, balteum et tiaram.

Verumtamen advertendum, quod Josephus et eum sequentes, dicunt fuisse decem sacerdotalia ornamenta : et sex fuisse pontifici propria, scilicet tunicam hyacinthinam, superhumerale, rationale, balteum, mitram hyacinthinam seu cidarium, et auream laminam. Nempe ut Josephus docet, duplex existit balteus, unus sacerdotum, alter pontificis. Duplex quoque tiara, una pontificis, alia sacerdotum. Nam mitra sacerdotum fuit de bysso, mitra pontificis de hyacintho, quæ in capite pontificis ponebatur supra mitram byssinam.

*Tulit, hoc est, Moyses accepit, et unctionis oleum quo unxit, id est unxit, tabernaculum cum omni suppellectili sua, hoc est cum attinentiis suis et contentis in eo, puta eum vasis suis et altari thymiamatis. Fiebat autem unctio horum non per totam superficiem eorumdem, sed in partibus certis, digito tineto in oleo, et ex eo liniente partes hujusmodi. Quumque sanctificans adpersisset altare septem vicibus : hoc intelligitur de altari holocausti quod erat in atrio, quod sanctificavit seu consecravit de sanguine hostiæ, illud septies adspargendo : unxit illud in aliquibus partibus modo prædictis, et omnia vasa ejus, labrumque cum basi sua sanctificavit oleo unctionis. Qualiter omnia ista sunt facta, in Exodo dictum atque expositum est. Quod fundens super caput Aaron, hoc est, aliquid de oleo illo fundens super caput pontificis, unxit eum in præsullem, et consecravit ad exercendum pontificale officium. Unxit etiam manus ipsius. Filios quoque ejus oblatos consecravit Domino, vestivitque tunicis lineis*

Exod.  
xxviii, 1.

Exod. xxx,  
26.

strictis, de quibus prædictum est, *et cincti* A *batteis super tunicas, imposuitque mitras hyssinas eorum capitibus, ut jusserrat Dominus.*

*Obtulit et vitulum pro peccato ipsius Aaron, et forsitan etiam pro peccato filiorum ipsius.* Nam subditur: *Quumque super caput ejus posuissent Aaron et filii ejus manus suas.* Quid autem talis impositio manuum designabat, in primi capituli expositione est habitum. *Immolavit eum:* qui adhuc sacerdotali fungebatur officio, quoniam Aaron et filii ejus nondum erant

plene consecrati et confirmati in illo officio. Consecratio namque eorum duravit septem diebus, ut in Exodo habetur: atque ut Josephus scribit, reiterabatur quotidie infra tot dies. *Hauriens sanguinem,* hoc est, vituli illius immolati sanguinem partim colligens, sive in vase suscipiens, *et tincto digito suo in sanguine illo, tetigit cornua altaris holocausti,* juxta quod vitulum mactavit et obtulit, *per gyrum:* imo quum dictum sit de vitulo qui offerre-

batur pro sacerdotis peccato, quod de C *sanguine ejus inferebatur in tabernaculum testimonii, et de eodem sanguine ponebatur super cornua altaris thymiamatis, ita et de sanguine vituli hujus fiebat. Quo holocaustorum altari expiato, hoc est acceptabili facto, et sanctificato per unctionem et sanguinis linitionem, quod fiebat septem diebus, ut in Exodo continetur, fudit reliquum sanguinem vituli immolati ad fundamenta ejus. Adipem vero qui erat super vitalia, et reticulum jecoris, duosque renunculos cum arvinulis suis, adolevit super altare; vitulum cum pelle et carnibus et fimo cremans extra castra, sicut præceperat Dominus. Istud totum cum rationibus suis expositum est quarto capitulo, quia de partibus et intestinis vituli hujus fiebat, prout ibi debere fieri scriptum est.*

*Obtulit et arietem in holocaustum.* Istum arietem immolavit Moyses in reverentiam majestatis divinæ pro Aaron et filiis ejus. Fiebat quoque de isto arietis holocausto,

quemadmodum ante, præsertim primo capitulo, scriptum est esse agendum de holocausto. Ideo littera plana est ex dictis ibidem. Denique congruo ordine facta est ista oblatio. Primo enim necesse est Deo reconciliari per dimissionem peccati: quo facto, aptus est homo Deum sinceriter honorare.

*Obtulit Moyses et arietem secundum:* duos etenim arietes jussus fuit accipere: *in consecrationem sacerdotum:* quoniam aries iste specialiter offerebatur, quatenus per sanguinis ejus adspersionem et linitionem Aaron et filii ejus consecrarentur in sacerdotes. Ideo sequitur, *posueruntque super caput ejus Aaron et filii ejus manus suas. Quem quum immolasset Moyses, sumens de sanguine ejus, tetigit,* id est linivit, *extremum auriculæ dextræ Aaron, et pollicem manus ejus dextræ, similiter et pedis. Obtulit et filios Aaron Domino,* non ita sicut vitulos atque arietes. Nam filios Aaron dicitur obtulisse, in quantum divinæ majestatis oculis eos præsentavit atque adduxit, ut Domino in sacerdotes consecrarentur. *Quumque de sanguine arietis immolati tetigisset extremum auriculæ singulorum dextræ, et pollices manus ac pedis dextri, reliquum fudit super altare per circuitum.* Quid autem linitio partium harum significavit, nunc in isto articulo, et super Exodum inductum est. *Adipem* E *vero et caudam hujus arietis, omnemque pinguedinem quæ operit intestina, reticulumque jecoris et duos renes cum adipibus suis, et armo dextro separavit,* id est, scorsum posuit Moyses.

*Tollens autem de canistro azymorum,* id est ex sporta in qua erant azymi panes, *quod erat coram Domino, panem absque fermento et collyridam conspersam oleo, laganumque:* quæ vocabula circa exordium expositionis septimi capituli fuerunt E *exposita: posuit super adipem et arum dextrum quæ de ariete isto scorsum posuerat: tradens simul omnia ista Aaron et filiis ejus.* Per quod auctoritate et vice Dei contulit, seu conferri monstravit eis pote-

Exod. xxix, 30.

Lev. iv, 5, 7.

Exod. xxix, 37.

Exod. xxix, 20.

Lev. xii, 12.

statem accipiendi ista a plebe : tanquam A  
diceret : Accipite potestatem sumendi ista  
a populo, quædam ad immolandum Do-  
mino, quædam ad esum vestrum seu usum.  
*Qui postquam texaverunt ea coram Domi-  
no* : quasi ad recognoscendum potestatem  
hanc sibi a Deo collatam, atque ad regra-  
tandum super hoc Domino ; et item ad  
representandum et exorandum ut Dominus  
eorum ministeria acceptaret, in signum  
quoque obedientiæ suæ ad Dei honorem.  
— Porro Magister in historiis addit : Quum  
Aaron et filii ejus tenerent illa in mani- B  
bus, Moyses superposuit omnibus pectus-  
culum. Unde et pectusculum elevationis  
dictum est, quia omnibus superpositum  
fuit : in signum tamen, quod superior om-  
nium est sapientia, quæ per pectus expri-  
mitur. Legitur etiam sic vocatum propter  
offerentium elevationem. In pacificis quip-  
pe et salutaribus hostiis offerentes, primo  
elevabant armum et pectus coram Domi-  
no, deinde tradebant ea sacerdotibus tan-  
quam partes eis a Domino assignatas. Ar-  
mus vero seu humerus dexter dicebatur C  
separationis, quia in separatione membro-  
rum hostiæ, primus ab ea separabatur, et  
quia in partem sacerdotum illum Moyses  
separavit, tanquam membris ceteris di-  
gniore. Dicunt etenim quidam, quod in  
formatione corporis animalis in utero ma-  
tris, a dextero humero ineoatur. Hæc ibi.  
— *Rursum suscepta de manibus eorum,  
adolevit*, id est, eremavit ea Moyses, *super  
altare holocausti*, eo quod consecrationis  
esset oblatio, hoc est sacrificium Deo obla-  
tum pro consecratione sacerdotum : ideo D  
ad Dei reverentiam eremabatur. Unde sub-  
jungitur : *in odorem suavitatis sacrificii  
Domino* : quia sic placuit ei. *Tulitque*, id  
est, Moyses in manu sua accepit, et *pe-  
tusculum præfati arietis, elevans illud co-  
ram Domino*, in recognitionem et gratiarum  
actionem, quod illud fuit suo usui divini-  
tus deputatum. Hinc subditur : *de ariete  
consecrationis in partem suam* : quia de  
ariete pro sacerdotum consecratione obla-  
to, hoc cessit in partem Moysis tanquam

sacerdotis, sicut deinde in aliis sacrificiis  
cesserunt pectuscula in partem Aaron, fi-  
liorumque ejus. *Sicut præceperat ei Do-  
minus*. Hoc namque in Exodo legitur Deus <sup>Exod. XXIX,</sup>  
ei jussisse. *Assumensque unguentum*. Hoc <sup>26.</sup>  
unguentum vocatur oleum unctionis in <sup>Ibid. 7.</sup>  
Exodo. *Et sanguinem qui erat super al-  
tare*, quem miscevit oleo. Miscuit quoque  
aquas fontium, ut in Scholastica fertur hi-  
storia. *Adpersit super Aaron et vestimen-  
ta ejus, et super filios illius ac vestes eo-  
rum*, omnia pariter consecrando. Nempe,  
ut dicitur, solus pontifex ungebatur, et  
consecrabatur oleo unctionis impermixto  
et puro seorsum. Sed tam ipse quam infe-  
riores sacerdotes, consecrabantur adpersi-  
one hujus unguenti seu olei mixti.

*Quumque sanctificasset eos in vestitu  
suo*, id est in vestibus eorum sacerdotali-  
bus, quas simul cum ipsis consecravit, *præ-  
cepit eis, dicens* : *Coquite carnes ante fores  
tabernaculi*, id est, cibos et carnes in usum  
vestrum cedentes, parate ante tabernaculi  
januam, et extra illud, puta in atrio, *et ibi  
comedite eas*, videlicet in sancto loco, ita  
quod nec pro refectione liceat vobis ex-  
ire. *Panes quoque consecrationis*, qui in  
vestra consecratione et pro ea oblati sunt,  
*edite, qui positi sunt in canistro, sicut  
præcepit mihi Dominus, dicens* : *Aaron et  
filii ejus comedent eos*. Quidquid autem re-  
liquum fuerit de carne et panibus, id est,  
quod primo die supermanserit esui vestro  
de carnibus arietis consecrationis, pani-  
busque præfatis, *ignis absumet*, id est, die  
sequente eremabitur. Nam aries iste, qui  
pro consecratione offerebatur, fuit etiam  
oblatio pacifica pro gratiarum actione de  
beneficiis jam concessis, puta pro pontifi-  
catu ac sacerdotio desuper datis Aaron et  
filiis ejus. Ideo quod superfuit primo die,  
non poterat in crastino manducari, quem-  
admodum de tali sacrificio dictum est.

*De ostio quoque tabernaculi non eribitis  
septem diebus consecrationis*. Jam dictum  
est, quod in atrio coquebant et comede-  
bant : ideo quod ait. De ostio taberna-  
culi, intelligendum est cum inclusione atrii :

<sup>Ibid. 31.</sup>



vel, de extrema janua qua intrabatur ad atrium, et per illud in tabernaculum. *Usque ad diem quo complebitur tempus consecrationis vestrae*; videlicet usque ad septimum diem inclusive, ita quod tunc egredi poterant; vel, usque ad octavum exclusive, in quo consecratio complebatur, quantum ad hoc, quod tunc processit in actum, quia tunc uti coeperunt officio sacerdotali, ut capitulo patet sequenti. Consecratio tamen, quantum ad suum esse, complebatur septimo die. Propterea subditur: *Septem enim diebus finitur consecratio, sicut et in praesentiarum factum est, ut ritus sacrificii complerentur*. Aliqui dicunt, quod sola unctio iterabatur tot diebus. Josephus vero affirmat, quod tam sacrificia quam unctiones eorum iterabantur tam diu. Verum tamen sex diebus Moyses non vestivit eos: sed semel, id est prima die, induti sacras vestes, septem diebus non exuerunt nec atrium sunt egressi. *Die ac nocte manebitis in tabernaculo*, atrium includendo. Quod si quaeratur, ubi requisita naturae egerunt: respondetur, quod forsitan ibi erat locus ad ea paratus. Vel casus ille intelligitur esse exceptus, quum necessitas carereat lege communi. *Observantes custodias Domini*, id est mansiones istas seu iussiones ad manendum in sancto loco tot diebus, ne interim commisceamini vulgaribus, nec involvamini saecularibus curis et mundanis negotiis, quia infra hoc tempus debetis specialiter esse devoti: *ne moriamini. Sic enim mihi praeceptum est. Feceruntque Aaron et filii ejus cuncta quae locutus est Dominus per manum Moysis*.

Circa praehabita quaeritur, qualiter Moyses quum nec pontifex esset, neque sacerdos, consecravit Aaron in pontificem, et filios ejus in sacerdotes. Respondetur, quod auctoritate et vice Dei hoc fecit: ejus exemplum aliqui ponunt, quod cardinalis diaconus missus a Papa, dat benedictionem praesente episcopo in sua legatione, quoniam benedictio illa non est sua, sed Papae, ejus fungitur auctoritate. Praeterea Bonaventura super quartum Sententiarum,

A distinctione 25, testatur: Irrefragabiliter verum est quod ait Apostolus: Sine ulla contradictione quod minus est, a majore benedicitur. Quomodo ergo episcopus consecrat archiepiscopum, et episcopus Ostiensis summum Pontificem? Ad quod idem Doctor respondet: Verbum Apostoli verum est, quod minus a majore benedicitur pro statu in quo benedicitur: et sine cunctatione verum est, quod nullus dat alteri majorem dignitatem quam habet: nec minimum ordinem dare potest, qui cum non habet: ideo episcopus consecrans archiepiscopum vel Papam, non dat ei nisi consecrationem episcopalem. Sed ille ampliores auctoritatem et jurisdictionem habet a canonica subditorum electione et a suo consensu ac Dei ordinatione, qui ordinavit Petrum et suos successores supra totam Ecclesiam, volens ut omnes qui canonice electi fuerint, eandem quam Petrus, habeant potestatem. Haec Bonaventura.

Sed an Moyses fuit sacerdos, merito quaeri potest. Et ex verbis jam allegatis argui potest quod imo, praesertim quum et in Psalmo dicatur: Moyses et Aaron in sacerdotibus ejus. Iterum quia frequenter lunctus est sacerdotali, imo et pontificali officio, et eibus sacerdoti appropriatus, deputatus est ei, puta praetuseulum, in consecratione sacerdotum atque pontificis. Haec autem quaestionem movet B. Augustinus super praallegatum verbum Psalmi, dicendo: Si Moyses fuit sacerdos et pontifex, quomodo ab Aaron et filiis ejus pontificium et sacerdotium legis coeperunt? et eorum vestes sacras non habuit? Ad haec sine praedjudicio videtur dicendum, quod ex privilegio sine consecratione humana pontificalis sacerdotalisque dignitas fuerunt in Moyse, etiam altiori modo, quam in Aaron et filiis ejus, non tamen altiores. Quod autem ab Aaron et filiis ejus incepisse dicuntur, intelligendum videtur, quantum ad eos qui per legitimam et consuetam institutionem aut successionem dignitates illas sortiti sunt. Unde quem-

Hebr. vii, 7.

Ps. xcvi, 6.

admodum in summo Pontifice nostro est utriusque potestatis plenitudo respectu militantis Ecclesiae, prout in fine secundi Sententiarum Thomas et alii dicunt: ita in Moyse, respectu Israeliticæ plebis, vide-

tur fuisse plenitudo potestatis spiritualis et sæcularis secundum exigentiam status plebis illius. Nam et Moyses, Deo iubente, instituit ipsum Josue principem pro se, prout in libro Numerorum legitur. *Num. xxvii. 22.*

## ARTICULUS XX

### SPIRITUALIS CAPITULI HUIUS OCTAVI EXPOSITIO.

**L**OCUTUS est Dominus ad Moysen, dicens: Tolle Aaron cum filiis suis. Apostolus ad Hebræos: Nemo, inquit, sumit sibi honorem, hoc est, nullus debet se ipsum ad ecclesiasticas dignitates aut prælaturam ingerere: sed qui vocatur a Deo ut Aaron, quem Dominus ad pontificatum elegit, vocavit et promovit per Moysen. Per quod primo omnis damnatur ambitio, et reprobantur ambitiosi, qui ad aliorum regimen animarumque curam adspirant, quia Dei iudicium non verentur. Denique, quemadmodum Dominus jussit pontifici et sacerdotibus specialia ac præclara fieri indumenta, ut ipsi et eorum officia et sacrificia in majori reverentia haberentur a populo: sic unam specialem tribum, imo unius tribus determinatam familiam, ad sacerdotium prælegit, quatenus ex dignitate successionis, posterius essent honorabiliores in plebe. *Vestesque eorum et unctionis oleum.* Per hoc insinuat, quod illi digni sunt ad ecclesiasticos promoveri honores, in quibus sunt virtutes designatæ per vestes illas, atque charismata Spiritus Sancti, quæ per unctionis oleum intelliguntur.

*Et congregabis omnem cœtum filiorum Israel ad ostium tabernaculi.* Per quod insinuat, quod electio et promotio debent fieri in aperto, ita quod electioni saltem scrutatores adsistant. Circa hæc loquitur Origenes: Requiritur in ordinando sacerdote, hoc est pontifice, aut prælato, sen-

B presbytero, præsentia populi, ut sciant omnes et certi sint, quoniam qui præstantior est ex omni populo, qui doctior, qui sanctior, qui in omni virtute eminentior, ille eligitur ad sacerdotium: et hoc adstante populo, ne qua postmodum retractatio aut scrupulus alieni resideret. Ego tamen (verba sunt Origenis) et amplius aliquid video in eo quod dicitur, Convocavit Moyses omnem synagogam seu cœtum: et puto quod convocare synagogam, sit colligere omnes animi virtutes, quatenus cum sermo de sacerdotibus sacramentis habetur, vigilent omnes animi virtutes et intentæ sint, et nihil in his sapientiæ, nihil scientiæ, nihil industriæ desit: sed adsit omnis multitudo spiritualium sensuum, adsit omnis congregatio cogitationum sanctarum, ut quid sit pontifex, quid unctio, quid indumenta ipsius, conferens intra sacrarium cordis sui possit advertere. Hæc Origenis verba, Hieronymo solent adscribi, et ei attribuuntur in Decreto: sed ex Origene ea acceperit.

Insuper Josephus protestatur, quod Moyses animos populi inclinavit ad sacerdotium Aaron in hunc modum: Dixit enim populo, quod ipse, scilicet Moyses, se ipsum dignum sacerdotio iudicaret, tum propter familiaritatem quam habebat cum Deo, tum quia plurimum laboraverit pro populo, tum quoniam unusquisque naturaliter amicus sui est: sed Dominus ipsum Aaron dignum iudicavit. In hoc quoque ostenditur, quam infinita sit misericordia

superpiissimi Dei, quod Dominus ipsum Aaron et posteros ejus ad pontificium sacerdotumque assumpsit, postquam circa vitulum conflatilem tam dire peccavit. Nemo ergo ad ignoscendum sit tardus.

*Statimque obtulit Aaron et filios ejus.* Per hoc notatur, quod in sacris Ordinibus constituti, sunt Deo specialiter consignati et consecrati: propter quod sacrilegi fiunt, dum Deo relicto, ad carnalia atque inania se effundunt. *Quumque lavisset eos:* quia ad sacros Ordines indigni sunt promoveri, praesertim ad pontificatum ac pastorem, qui ab universis vitiis non sunt immunes seu emundati: imo qui ad aliquod tale accedunt indigni, utpote conscii sibi de culpa, peccant mortaliter: similiter qui actum sacri Ordinis exsequuntur indigne. Atque ut divinus Dionysius contestatur, sacerdotes debent etiam a minimis culpis consistere alieni: quod denotat lotio extremitatum digitorum eorum in celebratione. Ipsi ergo ante celebrationem se ipsos discentiant, confiteantur, et lacrimis poenitentiae lavent.

*Vestivit pontificem subucula linea.* Primo quippe oportet a vitiis expurgari, deinde virtutibus decorari, juxta illud: Declina a malo, et fac bonum. De multiplici autem causa et significatione pontificalium ac sacerdotum vestimentorum ac ornamentorum, tot et tanta super Exodum scripsi, ut ea jam iterare molestum sit. Brevissime autem tangendo, per subuculam seu tunicam lineam strictam, rite intelligitur puritas seu innocentia vitae, quae ardua est aretaque via: per balteum, virtus continentiae, qua praecingendi sunt lumbi: per tunicam hyacinthinam, conversatio caeliformis atque angelica, quia hyacinthus est coloris celestis: et ad hujusmodi conversationem, per innocentiam continentiamque pertingitur. *Et desuper humerale imposuit.* Per humerale exprimitur caritatis perfectio, seu firmitas patientiae, qua praelati et perfectiores, inferiorum et pusillorum defectuositates pie et caritative supportant, juxta illud Apostoli: Debemus nos firmiores

A imbecillitates infirmorum sustinere. Et ne quis in se ipso fatue gloriatur, quasi tantus existens ut pusillos sustineat, ejusque comparatione alii reputentur infirmi, recte adiecit Apostolus: Et non nobis place- re. Haec autem caritatis perfectio competit eis, qui dicere possunt: Nostra conversatio in caelis est. *Quod adstringens cingulo, aptavit rationali.* Per rationale significatur discretio, quae cingulo, id est pia et sapientiali moderatione, jungenda est humerali, ut sic aliorum defectus caritative B portentur, ut nihilo minus eum discretione corripiantur et castigentur, ne inveterascent atque putrescant infirmi in sordibus suis. *In quo erat Doctrina et Veritas:* quoniam per discretionem agnoscitur, qualiter audientes et subditi sint docendi, non solum per verba, sed etiam per exempla, quod veritas vitae insinuat. *Cidari quoque terit caput.* Per cidarim relictudo justitiae accipi potest, qua caput, id est cor, ornari oportet. Per auream laminam, in qua erat nomen Domini, contemplatio sancta signatur, qua Deus menti inscribitur. Prælati etenim perfectione vitae activae et contemplativae debet fulgere, et nunc unius, jamque alterius vitae exercitiis inharere.

*Tulit et unctionis oleum quo linivit tabernaculum.* Per quod figuratur, quod tota fidelium congregatio unctione charismatum Spiritus Sancti sit perfundenda. *Quod fundens super caput Aaron, unxit eum.* Nam praesidens seu praelatus tanto exuberantiori indiget unctione et gratia Spiritus Sancti, quo major est sua praelatio, et quo pluribus praest, quo item qui ei commissi sunt ad altiora et perfectiora tenentur, in tantum ut de plenitudine sua queat influere subditis suis. *Filios quoque ejus vestivit:* quia et inferiores sacerdotes ac clerici omni castitate, innocentia, justitia debent ornari. *Obtulit et vitulum pro peccato:* quia sacerdotes pro suis peccatis satisfacere debent Deo, et superiores ac praesidentes pro sibi commissis intercedere, offerre et satisfacere debent Deo, ipsos ei reconciliando, quemadmodum sanctus Job mane consur-

Rom. xv, 1.

Philipp. m, 20.

Ps. xxxiii, 15; xxxvi, 27.

Math. vii, 13.

Rom. xv, 1.

Job i, 5.



gens, obtulit holocaustum pro filiis suis A quotidie. *Obtulit et arietem in holocaustum* : quoniam sacerdotes totis viribus debent honorare Altissimum, propter propriam ejus superpræstantissimam dignitatem, et honorabilitatem prorsus immensam. Denique pro beneficiis sibi collatis, devotissimas Deo grates debent rependere: quod per oblationem arietis consecrationis innuitur.

Is. lIII, 7.

Apoc. v. 10.

Qualiter autem Christus per ista sacrificia designetur, dictum est sæpe. Ipse equidem tanquam vitulus est pro nostris B peccatis oblatus. Ipse se ipsum pro nobis Patri obtulit holocaustum. Et factus est nobis aries consecrationis, qui fecit nos Deo Patri regnum et sacerdotes. Quod etiam figurabatur per hoc, quod unguento et sanguine Moyses adpersit Aaron et filios ejus, præcepitque eis : *Coquite carnes ante fores tabernaculi, et ibi comedite eas*. Carnes has

coquere, est corpus dominicum consecrare, seu illud intra se diligentissime considerare, quam reverenter, pure et amore sit accipiendum et pertractandum : quod et in loco sancto atque in ecclesiastica unitate sumendum est cum panibus consecrationis, id est de actibus virtuosis, ex canistro, id est continentia sacra Scripturæ.

*De ostio quoque tabernaculi non eribitis*. Per hoc edocemur, quam assidue et devote debeant sacerdotes et clerici evangelicæ legis in ecclesia demorari, discursum vitare, ac divinis intendere. Quam item enormiter peccent, qui evagationibus, vanitatibus ac carnalitati intenti sunt. *Die ergo ac nocte*, videlicet in prosperis et adversis, *septem diebus*, id est per omne tempus vitæ præsentis, observent *custodias Domini*, id est, se ipsos ac sibi commissos cum diligentia summa custodiant. Cetera patent ex dictis.

## ARTICULUS XXI

EXPOSITIO LITTERALIS CAPITULI NONI : FACTO AUTEM OCTAVO DIE.

QUALITER Aaron et filii ejus officio C suo sacerdotali uti exorsi sint, modo describitur. *Facto autem octavo die*, id est in ipso die, qui immediate sequebatur præfatos septem dies consecrationis, *vocavit Moyses Aaron et filios ejus, ac majores natu Israel*. Illos nobiliores, tanquam rectores et judices plebis, Moyses specialiter convocavit, in quorum tamen vocatione intelligitur vocasse et alios. Nam paulo post fertur : Ubi quum omnis staret multitudo, puta ad ostium tabernaculi. Circa hoc Lyra allegat Rabbi Salomonem, dicen-

tem quod dies ista octava, fuit prima dies anni secundi egressionis de Ægypto. Ad quod non oportuit illum specialiter allegare, quum et catholici expositores nonnulli hoc dicant. Nam et Magister in hi-

Exod. XL, 2.

storiis : Tradunt quidam, hunc octavum, fuisse primum diem anni secundi ex quo egressi sunt. Quumque objicitur eis, quod prima die anni secundi tabernaculum est erectum, ut in Exodo legitur, dicunt erectionem ibi accipi pro consummatione ipsius.

*Dirigitque ad Aaron : Tolle de armento vitulum pro peccato*, id est, ex multitudine boum tuorum accipe unum offerendum pro remissione culparum tuarum aut etiam filiorum tuorum: *et arietem ex grege ovium tuarum ad offerendum eum Deo in holocaustum*, id est ad reverentiam majestatis divinæ : *utrumque immaculatum*, id est sine macula, quæ reddit animal ineptum ad immolandum. *Et offer illos successive coram Domino* in atrio juxta altare holo-

caustorum. *Et ad filios Israel loqueris : A* *stum, et de peccare pro te et pro populo.* Tollite hircum pro peccato, id est, de communi sumptu adducite hircum, qui immoletur pro culpa communitatis, vel (ut aliqui dicunt) pro culpa principis : *et vitulum atque agnum anniculum sine macula in holocaustum, bovem et arietem pro pacificis,* id est ad offerendum pro hostiis salutaribus propter beneficia vobis collata aut conferenda. *Et immolate eos coram Domino,* id est, animalia ista presentate sacerdotibus, ut per manus eorum offerantur Deo pro vobis : *in sacrificio singulorum animalium horum, similitam oleo conspersam offerentes,* quemadmodum frequenter jam dictum est, sic esse agendum. *Hodie enim Dominus apparebit vobis,* id est, per gratiosum et miraculosum effectum ostendet se accepta habere sacrificia ista, prout in fine hujus capituli legitur, quod ignis egressus a Domino ea consumpsit.

*Tulerunt ergo cuncta quae jusserat Moyses, ad ostium tabernaculi,* id est, filii Israel universa animalia jam praefata adduxerunt per se, vel per sacerdotes, usque in atrium prope et extra tabernaculum. Porro in Scholastica fertur historia : Aaron primo obtulit vitulum pro peccato suo ; deinceps oblaturus pro populo, sumpsit ab eis hostias quinque : vitulum pro peccato populi et hircum pro peccato principis, agnum pro peccato animae, bovem in holocaustum, arietem pro pacificis. Verumtamen istud ex textu hujus capituli non videtur manifeste elici posse, nec loquitur littera ista separatim de peccato, aut sacrificio synagogae et principis ac animae, id est privatae sen singularis personae. *Ubi quum omnis multitudo adstaret, ait Moyses : Iste est sermo quem praecepit vobis Dominus : Facite, et apparebit vobis gloria ejus. Et dixit Moyses ad Aaron : Accede ad altare holocausti, et immola vitulum pro peccato tuo,* id est pro omnium peccatorum tuorum remissione. Aliqui tamen specialiter referunt hoc ad peccatum Aaron in vitulo conflati perperato. Sed hoc jam fuit ei dimissum. *Offer holocau-*

stum, et de peccare pro te et pro populo. Obtulit autem successive duo holocausta, unum pro se, aliud pro plebe : rectusque ordo, ut primo oret pro se, deinde pro populo. Nam ut ait Salvator : Quid proficit homo, si lucretur universum mundum, se ipsum autem perdat ? Nam et caritas incipit a se, id est a proprio suo subjecto. Denique qui vult exaudiri copiose pro aliis, studeat personaliter Deo reconciliari et complacere. *Quumque mactaveris hostiam populi,* id est animal offerendum pro remissione peccati communitatis, seu et alias hostias plebis, *ora pro eo, sicut praecepit Dominus.* Sacerdos enim cum oratione obtulit sacrificia sive pro se sive pro aliis. Interdum vero obtulit ea cum gratiarum actione.

*Statimque Aaron accedens ad altare, immolavit vitulum pro peccato suo, cujus sanguinem obtulerunt ei filii sui,* id est, sanguinem illum in vasculo receptum praesentaverunt patri suo pontifici, ut faceret quae sequuntur. *In quo tingens digitum, tetigit,* id est linivit, *cornu altaris holocausti. Et fudit residuum ad basim ejus.* Ad basim autem altaris thymiamatis quod in tabernaculo stetit, sanguis non fundebatur. *Adipemque et reneticulos ac reticulum jecoris, quae sunt pro peccato, audivit super altare. Carnes vero et pellem ejus extra castra combussit igni.* Sensus horum patet ex dietis in expositione quarti capituli. Fecit enim de vitulo isto, sicut de vitulis pro peccato oblati esse agendum, in illo jubetur capitulo. *Immolavit et holocausti victimam,* id est holocaustum pro se et filiis suis, qui ei in istis immolationibus adstiterunt, cooperabantur et subservierunt, nec propriis manibus aliquid obtulisse leguntur hac vice. Quae autem de isto holocausto ultra dicuntur in textu, patet ex primi expositione capituli, in qua ritus sacrificii hujus describitur.

*Et pro peccato populi offerens mactavit hircum.* Ex quo apparet, quod hircum obtulit non specialiter pro peccato principis, sed communitatis in generali, in qua et princeps tanquam caput et principalis pars

Matth. xvi,  
26.  
Marc. viii,  
36.  
Luc. ix, 25.

Lev. iv, 5  
et seq.

Ibid. i, 3  
et seq.

continetur. *Expiatque altari holocausti*, id est, in holocaustum populi mactavit et obtulit vitulum et agnum, ut dictum est: *addens in sacrificio libamenta quæ pariter offeruntur*, id est, ipsi holocausto adjecit panem ex simila cum oleo, quæ cum hujusmodi sacrificio simul offerri solent juxta præhabita. *Et adolens*, id est, comburens, ea super altare holocaustorum, absque carimoniis holocausti matutini, id est, ultra hoc quod observavit et obtulit juxta sacrificium, quod summo mane ante alia sacrificia offerebatur et cremabatur, quemadmodum et de sero ultimum fuit, videlicet unus agnus in mane, alter in vespere, ut frequenter inductum est. *Immolaritque bovem atque arietem, hostias pacificas populi*, id est, pro populo et adductas ab eo. De isto quoque sacrificio fecit secundum quod tertio capitulo scriptum est, de ipso esse fiendum: ideoque ex dictis ibidem, clara est littera ista. *Pectora eorum et artus dexteris separavit Aaron, elevans eorum coram Domino*, id est, pectuscula, dexterisque humeros hostiarum istarum pacificarum divisit a corporibus immolatis, et pro suo esu ac filiis suis retinuit.

*Et extendens manum ad populum, quasi representans Deo populum suum, benedixit eis*, imprecando eis bona a Domino, cui sacrificia devote jam obtulerunt. *Sicque completis hostiis pro peccato et holocaustis et pacificis, descendit ab altari holocausti*, ad quod ascendebatur non per gradus, sed per scamnum, aut per ligneum instrumentum oblongum, paulatim tendens in altum, sive per alium modum, ut super Exodum dictum est plenius.

*Ingressi autem Moyses et Aaron in tabernaculum testimonii*: steterunt enim in atrio juxta holocaustorum altare, et tabernaculum intraverunt, ut Dominum exorarent quatenus per effectum ostenderet sacrificia sibi esse accepta. Et quamvis Moyses id ipsum ex revelatione jam novit atque prædixit, ut patuit, nihilo minus exoravit ut fieret, quia sic præordinatum fuit a Deo ut per orationes compleretur

sanctorum, quemadmodum Christus exoravit pro suis electis et pro glorificatione corporis sui, quæ scivit esse præordinata a Patre ut fierent. Ait namque: Non pro mundo rogo, sed pro his quos dedisti mihi de mundo. Secundo, ut aliqui dicunt, tabernaculum introierunt, quatenus Moyses plenius informaret ipsum Aaron de qualitate offerendi incensum super altare thymiamatis in tabernaculo situm. Nam quamvis sacrificia essent completa quoad fienda in holocaustorum altari, non tamen omnia fuerant consummata, quousque post prædicta sacerdos in sanctuario super altare thymiamatis immolaret incensum, juxta illud ad Hebræos: In priori tabernaculo semper introibant sacerdotes, sacrificiorum officia consummantes. Dictum est quoque quarto capitulo, quod de sanguine vituli pro peccato sacerdotis oblatus, inferbatur in sanctuarium ad ponendum de eo super cornua altaris thymiamatis. *Et deinceps egressi, benedixerunt populoambo simul*, ut ex communi tantorum benedictione et oratione major populo gratia præstaretur.

*Apparuitque gloria*, id est, præclarus effectus, Domini, omni multitudini. *Et ecce ignis cyressus a Domino*, id est, divina virtute per angelicum ministerium productus in aere, et inde descendens supra naturam, quoniam leve naturaliter habet ascendere, non descendere; *devoravit holocaustum*, id est, holocausta tam ipsius Aaron quam communitatis, et adipem quæ erant super altare holocausti. Per hoc Dominus demonstravit sibi placere sacrificia illa, sicut ostendit in sacrificiis Abel et Salomonis atque Eliæ. Aaron namque non supposuit illis ignem, prout hactenus factum fuit per Moysen. Unde et ignis qui ita descendit, nutritus et conservatus est in sanctuario et templo deinceps, et vocatus est ignis perpetuus: quem tempore Babylonice captivitatis sacerdotes transmigrantes absconderunt in puteo sicco, atque per Nehemiam recuperatus est in suo simili, ascendens ex aqua crassa, juxta quod se-

Joann. xvii, 9.

Hebr. ix, 6.

Lev. iv, 6, 7.

Lev. iii, 1.

ei

Exod. xx, 26.

Gen. iv, 4.  
III Reg. viii, 63; xviii, 38.

II Mach. i, 20.



cundo Machabaeorum libro narratur. *Quod* A *quum vidissent turbae*, scilicet tribus adstantes, quae fuerunt una totalis turba sub principe suo generali, videlicet Moyse; et item fuerunt plures turbae partiales, sub specialibus suis iudicibus ac tribunis; *laudaverunt Dominum*, quoniam bonus in se et pius circa cultores suos, qui tam dignanter egit cum eis, *ruentes in facies suas*, id est in terram se humiliter prosternentes ad reverentiam Omnipotentis, ex consideratione et intuitu maiestatis et misericordiae

suae, cui tanto plus se totos humiliaverunt, quanto ipse gratiosius et mirabilius egit cum eis.

Postremo Augustinus improbat eos, qui dicunt tantum quinque animalia sumpta ad offerendum, affirmans cum illis quinque, sumptum agnum anniculum in holocarpissim, quod interpretatur holocaustum fructuosum, utpote quod Deus aliquo signo sensibili sibi gratum esse monstravit. Forsan tamen per agnum illum, intelligit praefatum iuge sacrificium matutinum.

## ARTICULUS XXII

DE SPIRITUALI EJUSDEM CAPITULI NOMI INTELLIGENTIA.

**F**ACTO autem octavo die, etc. Per hoc B quod Moyses expletis septem diebus consecrationis pontificis ac sacerdotum, mox die sequenti, Deo iubente, vocavit pontificem et sacerdotes filios ejus, praecipiens, ut statim ad suorum executionem officiorum procederent, datur intelligi, quod episcopi atque presbyteri evangelicae legis, tenentur potestate et ordine sibi concessis uti et exsequi sua officia in celebrando et aliis actibus ad quos obligantur ex consecratione aut professione. Hinc Thomas super quartum Sententiarum, distinctione 13, sic scribit: Quum dicat Gregorius, Dum crescent dona, rationes etiam crescent donorum, et sacerdoti data sit nobilissima potestas, reus negligentiae erit, nisi ea utatur ad Dei honorem et suam salutem, aliorum quoque vivorum ac mortuorum, juxta illud primae Petri, Unusquisque sicut accepit gratiam, in alterutrum illam administrantes: nisi forte quis ex familiari Spiritus Sancti instinctu dimittat, sicut legitur de quodam sancto Patre in Vitis Patrum, qui ordinatus, nunquam D postea celebravit. Itaque qui ordinem habet, exsequi eum tenetur. Nam et Ambro-

sus ait: Grave est, Domine, quod ad tuam mensam mundo corde et manibus innocentibus non venimus: sed gravius est, si dum peccata metumimus, etiam sacrificium non reddimus. Quum igitur primum horum mortale sit, ergo et secundum. Verumtamen quum praecipuum celebrandi sit affirmativum, obligat semper, sed non ad semper. Unde et circa hoc examinet quisque conscientiam suam, et juxta suam vocationem, professionem, seu occupationem opportunis studeat temporibus celebrare: imo et taliter conversari, quod ad tantum opus sit dignus, quantum humana simit fragilitas.

*Dixitque ad Aaron: Tolle de armento vitulum pro peccato*, etc. Quemadmodum litteralis, ita et spiritualis hujus capituli sensus ex saepe praehabitis pro maxima patet parte: nempe qualiter per oblationem vituli pro peccato, intelligatur vel Christus, vel salubris mortificatio proprii corporis, seu bestialium interfectio passionum ac motuum, introductum ubertim D recordor. Insuper dictum est, qualiter ista tam a sacerdotibus quam ab aliis debeant immolari: quid item per sanguinis tin-

1 Petr., iv,  
10.

etionem, adspersionem et effusionem si-  
gnetur: similiter quid per intestina, quid  
per holocausta, quid per sacrificia pro  
peccato, quid per pacificas hostias.

Præterea advertendum, quod si sacrificia illa irrationalium jumentorum Deo sic placuerunt ex fide, obedientia et devotione offerentium, atque ex orationibus et exercitiis obsequiosis sacerdotum, quod ea igne cœlitus dato fecit consumi in signum sensibile acceptationis divinæ: quam incomparabiliter amplius complacet Deo sacrificium evangelicæ legis, oblatio Filii Dei, immolatio corporis et sanguinis ejus dignissimi. Quod utique sacrificium ex se ipso propria sua virtute Deo Patri, imo et toti superbeatissimæ Trinitati est gratissimum: nec, quantum ad hoc, plus valet celebratio sacerdotis boni, quam mali: nihilo minus, quantum ad quædam sacrificio huic annexa, videlicet quantum ad orationes, laudes et quasdam ministraciones, plus valet Missa virtuosi presbyteri quam iniqui, et eam audire salubrius est, non obstante quod et mali sacerdotis oratio, quam fundit in persona Ecclesiæ, et tanquam officians ejus, ejusque vicem gerens, efficaciam aliquam sortiatur.

Itaque in sacris constituti Ordinibus, in primis offerant omni die pro culpis propriis vitulum, id est, Christi passionem ac meritum Deo Patri pro venia impetranda

humiliter immolando, recolendo seu representando, sed et proprium corpus efficaciter castigando: deinde sic purificati, se ipsos totaliter offerant ei in holocaustum. Pro beneficiis quoque concessis laudem et grates offerre non desinant, sed et pro obtinendis majoribus deprecari non cessent. Insuper cum omni affectu orent et celebrent pro communitate, pro principe, in primis pro summo Pontifice et ceteris qui ponuntur in canone. Insuper ceteri et vulgares Deo fideliter offerant suas oblationes spirituales et corporales, et grati sint Deo, imo de collatis tam grati, ut plura atque majora mereantur sortiri. Quemadmodum etiam Filii Aaron suo patri in oblationibus adstiterunt et servierunt: sic clerici inferiores superioribus Dei ministris et suis praelatis in omni bono cooperari ac communicare seu obsequi cum ingenti concentur fervore, præsertim in officio Missæ. Quod si ita egerimus, *ignis egressus a Domino* devorabit sacrificia nostra, id est, Spiritus Sanctus a Patre Filioque procedens, rapiet et quasi absorbebit in se, caritatisque ardor ea incendet, et Pater omnipotens corda celebrantium ac offerentium tam calidissime inflammabit, tamque gratiosissime visitabit, quod per hoc evidenter sensibiliterque monstrabit, quam accepta sint ei sacrificia atque obsequia nostra.

## ARTICULUS XXIII

ELUCIDATIO LITTERALIS CAPITULI DECIMI: ARREPTISQUE NADAB ET ABIU, FILII AARON, TIRIBUS SCIS.

**P**ROSPERIS frequenter miscentur adversa. Idecirco in die prosperitatis non est incaute neque inaniter gloriandum, juxta quod in Ecclesiastico legitur: In die bonorum ne immemor sis malorum. Sic accidit primis sacerdotibus istis, quia quum

fuissent vehementer honorati a Deo per descensum ignis divinitus dati, eorum sacrificia devorantis, mox ipsi incaute se habentes, aut etiam subito aliquali inani gloria tacti, suam volentes coram populo potestatem et excellentiam demonstrare,

sacerdotali officio sunt abusi, ideoque plagiati. Ait ergo Scriptura : *Arreptisque Nadab primogenitus Aaron, et Abiu secundo natus, thuribulis suis, posuerunt ignem in thuribulis, et incensum desuper*, id est materiam quamdam ad incendendum eam igne illo et offerendam Deo : *offerentes coram Domino ignem alienum*, id est, de igne altaris holocausti desuper dato, non sumptum, sed aliunde acceptum : *quod eis præceptum non erat*, sed prohibitum. Jam enim per Moysen dictum fuit ad eos, ne in hujusemodi sacrificiis alio uterentur igne quam illo desuper dato. Ut refert Lira. Rabbi Salomon dicit causam mortis sacerdotum istorum fuisse, quia immoderate potati, intraverunt ad ministrandum in tabernaculo : ob quam irreverentiam sunt percussi. Unde et paulo post Dominus ait ad Aaron : Vinum et omne quod inebriare potest, non bibes tu et filii tui, etc., quasi ad præcavendum simile malum. Sed ista narratio non videtur textui satis consona, quam evidenter dicatur in littera, quod obtulerunt ignem alienum, id est, in igne prohibito immolaverunt incensum. Ignis quippe non erat per se materia immolati-  
eia, atque ob illud dicuntur occisi. Nam sequitur :

*Egressusque ignis a Domino, devoravit eos*, id est exstinxit, non autem incinera-  
vit. Devorare namque interdum extense accipitur pro superare, occidere, dejicere. Unde et in Job scriptum est : Etiam, inquit, si locutus fuerit homo, devorabitur. Josephus vero sic refert : Dum Nadab et Abiu portarent hostias super aram, quas non præceperat Dominus, sed quibus primitus utebantur, ante suam videlicet consecrationem in sacerdotes, subito inflammati sunt, nec valuit eos quisquam extinguere. Pro quorum concordia forsitan dici posset, quod primo posuerunt incensum super ignem thuribuli, deinde super altare. Porro quod dictum est, Egressus ignis a Domino, devoravit eos : intelligendum est, vel de igne illo jam ante egresso qui holocausta voravit, et mansit in holocau-

storum altari ; vel de alio igne, instae prioris noviter descendente. *Et mortui sunt coram Domino*. Est tamen ambiguum, an occisio illa sacerdotum per ignem, facta sit ministerio angeli boni an mali.

*Dixitque Moyses ad Aaron*, quum ipse Aaron et filii ejus inciperent deplorare tam improvise ac repente combustos : *Hoc quod nunc vides impletum in filiis tuis occisis, est quod locutus est Dominus*, dicens : *Sanctificabor in his qui appropinquant mihi*, id est, in sacerdotibus et ministris qui in templo mihi deserviunt, sanctitatem atque justitiam meam sine personarum acceptione monstrabo : *et in conspectu omnis populi glorificabor*, id est, gloriosus et omnipotens declarabor per effectus justitiæ et omnipotentiae meæ, ulciscendo sacerdotum peccata quando excesserint. Vel sic : Sanctificabor in his qui appropinquant mihi, id est, in cordibus ministrorum meorum, qui per mentis conversionem accedunt ad me, sanctus et justus esse cognoscear, ita quod ab eis volo mihi in sanctitate servire : Et in conspectu omnis populi glorificabor, id est, in oculis eorum gloriosus efficiar seu reputabor. Primæ expositioni magis concordat quod in Exodo Dominus loquitur : Sacerdotes qui accedunt ad Dominum, sanctificentur, ne percutiam eos. Secundæ expositioni consonat quod ait Salvator : Videant opera vestra bona, et glorificent Patrem vestrum qui in coelis est. *Quod audiens Aaron, tacuit*, voluntatem subjeiciens ac conformans divinæ justitiæ, nec Moysis verba indignanter accipiens, atque a ploratu, verbisque dolorosis se reprimens.

Quæri potest, cur ultionem istam tam rigorosam, improvisam, subitanæam, in primis sacerdotibus illis pro culpa (ut apparet) non magna, fecerit Deus. Respondetur, quod fecit hoc, ad incutendum timorem ceteris sequentibusque sacerdotibus, ut reverenter et timorate sua exsequantur officia : sicut et circa principium dationis legis Dominus jussit eum qui sabbato col-  
legit ligna, mox lapidari : in principio quo-

Exod. xix, 22.

Matth. v, 16.

Nam. xv, 35.



Act. v, 2. que evangelicæ legis maritum et conjugem A qui de pretio agri fraudaverant, fecit subito mori : quatenus leges divinæ a ceteris sollicitius custodiantur.

*Vocatis autem Moyses Misaele et Elisaphan filiis Oziel patrui Aaron, ait ad eos : Tollite fratres, id est consobrinos vestros : nam variis modis dicitur unus frater alterius in Scripturis ; de conspectu sanctuarii, id est de loco seu præsentia tabernaculi, seu de atrio ejus in quo combusti fuerunt : et asportate extra castra : ad locum in quo honorifice sepeliantur, ne et ex eorum adspectu jucunditas hujus solennitatis, in qua pontifex et sacerdotes orsi sunt exsequi sua officia, in luctum vertatur : quum et in Nehemia dicatur : Dies sanctus Domini est, nolite lugere : gaudium enim Domini est fortitudo vestra.*

II Esdr.  
viii, 9, 10.

*Confestimque pergentes, tulerunt, id est, abstulerunt eos, sicut jacebant, vestitos, id est exstincta eorum cadavera : ponitur enim pars pro toto : tunicis lincis, et ejecerunt foras, ut sibi fuerat imperatum.* Ex quo elicitur, quod nec corpora eorum C erant incinerata, nec vestes læsæ : quod de vestibus fuit miraculum. Quod autem corpora igne occidantur, nec incinerentur, non est miraculosum : attamen ignis ille qui tantæ fuit vigorositatis, quod tot holocausta repente incineravit, potuisset et corpora incinerare humana : sed Deus justus ac sapiens suas moderatur vindictas, sicut et tertio Regum libro Propheta, qui ex deceptione alterius pseudo, contra præceptum Dei sibi præfixum, in Samaria manducavit, legitur a leone occisus, qui D

III Reg.  
xiii, 2<sup>a</sup>.

tamen nec corpus ipsius, nec asinum læsit. Hinc quoque creditur pie, quod duo hi sacerdotes æternam evaserint damnationem, utpote temporaliter castigati, quum scriptum sit : Non vindicabit Dominus his in id ipsum ; seu, Non consurget tribulatio duplex. Videntur tamen in præfato facto peccasse mortaliter, utpote contra Dei præceptum : sique dicere oporteret, quod in ipsa sua plagatione misericorditer tacti a Domino, pœnituerunt. Denique, quoniam

Nahum 1,  
9

primi hi sacerdotes Mosaicæ legis cum sacris sui officii vestimentis sepulti sunt, orta est consuetudo, quod ministri altaris cum sui ministerii vestibus sepeliuntur propter sacri Ordinis dignitatem.

*Locutus est Moyses ex præcepto Domini, ad Aaron, et ad Eleazar et Ithamar filios ejus : Capita vestra nolite nudare, et vestimenta nolite scindere.* Istud ad litteram Dominus jussit, quoniam sacerdotes idololatæ in mortibus propinquorum suorum capita sua nudabant, vel evellendo crines usque ad calvitiam, vel nudatis capitibus suos importune monstrando mœrores. Vestes vero in magnis adversitatibus scindere, consuetudo exstitit etiam Judæorum. Quod in isto casu sacerdotibus Dei prohibitum est, ne instar vulgarium se haberent in funeribus propinquorum : quia sic debebant esse circa divina intenti, ut immoderatos vitarent mœrores. Verumtamen moderatum et naturalem compassionis affectum non eis prohibuit Dominus. Porro secundum Lyram, pro eo quod nostra habet translatio, Capita vestra nolite nudare, in Hebræo habetur, Capita vestra non augmentabitis, scilicet dimittendo capillos crescere ultra solitum, quemadmodum faciebant gentiles in morte amicorum in signum tristitiæ. Sed his contradicit Rabbi Paulus : Hebraica, inquit, littera in hoc loco penitus est conformis nostræ translationi. Verbum enim Hebraicum hic positum, aliud nihil significat quam nudare : et est sensus, quod Judæi non evellerent capillos ex capite, ita ut fieret calvitium, per quod caput nudatur, quod facere consueverunt gentiles super mortuos suos. Unde et in Deuteronomio scriptum est : Non facietis calvitium super mortuo. Hæc Deut. xiv, 1.

Paulus. Nolite ergo hæc facere, *ne forte moriamini*, id est, ne præcepta ista transgrediendo mereamini repente occidi, sicut plagati sunt duo præfati ; vel, Ne moriamini in præsentī morte peccati, deinde morte infernalis supplicii. Et quod addit, Forte, non ambiguitatem, sed libertatem in Deo

designat. *Et super omnem cartum oriatur indignatio*, id est, propter vestra peccata contingat totum populum flagellari : sicut interdum subditi, propter superiorum suorum vitia, puniuntur pena corporali et temporali, non autem spirituali atque aeterna, in quantum superiores et subditi unum sunt : quod tamen omnipotens Deus ordinat ad bonum inferiorum, sicut de hoc alibi plenius scripsi. Interdum quoque contingit, quod excessus sacerdotum dat aliis peccandi audaciam : sicque eos scandalizando, exstant occasio, quod super cartum subditorum indignatio Dei ac ultio oritur.

*Fratres vestri*, puta Levitæ non consecrati in sacerdotes, *et omnis domus Israel*, id est residuum Israeliticæ plebis, *plangent incendium quod Dominus suscitavit*, id est, interitum sacerdotum combustorum deplorent, præsertim quia sacerdotes fuerunt publicæ personæ et quasi patres populi. Unde et tales sunt a plebe specialiter deplaudendi, sicut et specialiter sunt amandi, et propter damnum commune, quod ex talium imminet morte. Unde et apes mortem regis sui, quem mortuum vident, sic dolent et quasi deplorant, quod nisi aliunde eis provideretur, et ipsæ mox morerentur. Quo constat, quam ingrati ac duri consistent, qui superiorum suorum, saltem honorum, non deflent mortem. *Vos autem non egrediimini fores tabernaculi, alioqui peribitis*. Octavo capitulo dictum est, quod infra dies septem quibus consecratio sacerdotum duravit, non licuit eis tabernaculum egredi, nomine tabernaculi intelligendo et atrium ejus. Ili autem septem dies non erant præteriti. Cur ergo nunc rursus jubentur illud non egredi? et quamdiu duravit prohibitio ista? Dicendum, quod prohibentur modo non egredi ad tempus, ad sepeliendum defunctos, nec inter vulgares nudatis misceri capitibus, quia et recenter consecrati et uncti fuerunt. Propter quod subditur : *Oleum quippe sanctæ unctionis est super vos*. Verumtamen solus pontifex unctus fuit in capite oleo unctionis puro. Qualiter autem

alii sacerdotes uncti dicantur oleo mixto, dictum est sæpe. *Qui fecerunt omnia juxta præceptum Moysis*.

*Dixit quoque Dominus ad Aaron*. An jussio et allocutio ista sit facta ad Aaron per Moysen, an immediate per angelum, textus non exprimit. Et quamvis istud præceptum concernebat etiam inferiores sacerdotes, tamen ad pontificem tanquam ad principalem, atque per eum ad filios ejus, est factum. *Vinum et omne quod inebriare potest*, videlicet siceram, *non bibetis tu et filii tui*, scilicet inferiores sacerdotes, *quando intrabitis in tabernaculum testimonii*, id est eo die seu tempore quo ingressuri estis sanctuarium ac altare, ad ministrandum et sacrificandum ibidem, intelligendo per tabernaculum, altare etiam holocausti ; *ne moriamini : quia præceptum est sempiternum*, id est perpetue obligans, *in generationes vestras*, id est successione et ordine sacerdotum per totum veteris Testamenti decursum. *Et habebitis scientiam*, id est liberum usum et expeditum judicium, *discernendi inter sanctum et profanum*, id est, quæ sint sacrificia licita, et quæ non : *et inter pollutum et mundum*, id est, quæ sint munda secundum legem, et quæ non, præsertim inter laudabiles et vituperabiles mores, inter virtutes et vitia : *dorcatisque filios Israel omnia legitima mea*, puta præcepta moralia, caerimonialia et judicialia, *quæ locutus sum ad eos per manum Moysis*. Quamvis autem vinum moderate sumptum, non impediatur istam discretionem, scientiam et doctrinam, imo elarificare dicatur ingenium ; tamen quia difficile est in potatione vini non excedere medium, ex quo excessu mala plurima oriuntur, ideo Dominus absolute prohibuit sacerdotibus vini potum tempore ministerii sacri : ut etiam per ab continentiam et obedientiam, obtinerent a Domino gratiam ampliorem ad exsequendum condigne omne ministerium suum, atque ut populus in sacerdotum sobrietate et ab continentia edificaretur.

Circa hæc loquitur Augustinus : Si non A lieuit eis bibere vinum et siceram, quando ingressuri erant tabernaculum, quos quotidie necesse erat illud intrare et accedere ad altare, ubi quotidie sacrificabatur, cur ergo non dixit Dominus breviter, Vinum non bibetis ; sed addidit, Quando intrabitis, etc. ? An quia causa non bibendi tacenda non erat, et maxime, quoniam Deus præsciebat multos postea, etiam summos sacerdotes, futuros uno tempore, id est non per successionem, qui universo illi ministerio vicissim deservirent, et tunc servituri in tabernaculo, vinum non bibebant ? Hæc Augustinus. Verumtamen ad istud videtur breviter dici posse, quod quamvis quotidie fiebant in templo sacrificia, multiplicatis tamen sacerdotibus, singuli non ministraverunt quotidie in eodem. In solitudine autem deerat vinum.

*Locutus est Moyses ad Aaron et Eleazar et Ithamar filios ejus qui erant residui : Tollite sacrificium quod remansit de oblatione Domini, id est, partes sacrificiorum vobis deputatas accipite, et comedite illud absque fermento, id est cum azymis panibus, juxta altare holocausti in atrio seu in exedra, hoc est domuncula ibi sita ad comedendum, quia sanctum sanctorum est. Comedetis autem in loco sancto jam dicto, quod datum est tibi et filiis tuis de oblationibus Domini, id est partes vobis concessas ex hostiis pro peccato, ex quibus soli sacerdotes edere poterant, non uxores et filiae eorundem, sicut de hostiis pacificis, de quibus subjungitur : Pectusculum quoque quod oblatum est, et armum qui separatus est, id est pectora et amos seu humeros, vel, ut alia habet translatio, brachia sacrificiorum pacificorum vobis reposita, edetis in loco mundissimo jam præfato, tu et filii tui et filiar tuæ tecum, et eadem ratione uxores. Aaron tamen non legitur filias habuisse, sed sub nomine Aaron dirigitur sermo etiam ad posteros ejus. Sacerdotes autem de partibus sibi deputatis, dividebant et communicabant uxoribus suis et filiabus, quibus non erant*

speciales partes deputatæ ex lege. *Tibi enim et liberis tuis reposita sunt membra præfata de hostiis salutaribus filiorum Israel, id est de pacificis hostiis, de quibus poterat mulieribus aliquid dari ; eo quod armum et pectus et adipēs qui cremantur in altari, id est super altare holocausti, de quibus adipibus nil edebatur, elevaverint coram Domino, id est, ratione sacerdotalis officii competunt vobis hæ partes, ejus officii auctoritate competit sacerdotibus eas coram Deo levare, dum sacrificia salutaria offeruntur, sicut multoties dictum est.*

*Inter hæc hircum qui oblatum fuerat pro peccato plebis seu principis, quum quæreretur Moyses, id est carnes hirci sic immolati : has namque quærebat Moyses, ad videndum an in esu earum lex esset servata : crustum reperit, quia totum corpus ejus fuit relictum in igne ex inadvertentia sacerdotum, qui mœrore et turbatione confecti fuerunt ex horribili morte consacerdotum et fratrum suorum. Iratusque ira per zelum contra filios Aaron qui remanserunt, ait : Cur non comedistis hostium pro peccato in loco sancto, id est, cur non satis tempestive manducastis partes hirci pro peccato oblatis, deputatas esui vestro, quæ sancta sanctorum est, et data vobis, ut portetis iniquitatem multitudinis, id est, solliciti sitis Deo reconciliare eos, pro quibus oblatum est hircus, quasi eorum peccata essent vestra, et rogetis pro ea in conspectu Domini, utpote devote et reverenter, tanquam in Dei præsentia constituti ? præsertim quum de sanguine illius non sit illatum intra Sancta, hoc est in ipsum tabernaculum ad liniendum ex eo altare thymiamatis, sicut fiebat de sanguine vituli pro peccato populi immolati, ut habetur quarto capitulo. Si autem fuisset de sanguine hirci hujus illatum in Sancta, fuisset extra castra, ut dicitur, totaliter comburendus. Et comedere eum debueratis in sanctuario, id est in atrio seu exedra sanctuarii.*

*Respondit Aaron pro filiis suis et pro se : Oblata est hodie victima pro pecca-*

Lev. iv, 7.



ta, et holocaustum coram Domino : quasi A  
dicat, In parte solvi et feci quod facere  
debui. Mihi autem accidit quod cides :  
videlicet incendium filiorum meorum. Quo-  
modo potui comedere eam, scilicet hostiam  
hirci, aut placere Domino in caerimoniis  
ejus, id est per observantiam praecepti, et  
ritus istius caerimonialis de esu hostia hu-  
jus cum filiis meis, mente lugubri, id est  
in tanta tristitia ? quasi dicat : Prae turba-  
tione, mœrore, et inadvertentia contigit  
iste defectus, nec delectabat nos eibus in  
isto eventu. Quod quum audisset Moyses, B  
recepit satisfactionem, id est, pia exensa-  
tioni acquievit, nec afflictos voluit magis  
affligere. Exensatio quoque hae absolvit  
eos vel a toto reatu, vel saltem a tanto.

Circa praedicta allegat, et sequitur Lyra  
Rabbi Salomonem, dicentem quod Aaron

pro peccato suo in vituli conflatione, me-  
ruit non solum mori, sed etiam cum sua  
posteritate deleri. Unde in Deuteronomio  
Moyses ait : Adversus Aaron vehementer  
iratus Dominus, voluit eum conterere. His  
vero Rabbi Paulus contradicit, affirmans  
quod peccatum illud Aaron non fuit ita  
enorme, quod meruit eum sua posteritate  
deleri. Circa quod possent multa hinc inde  
induci. Nam et in libris Regum multi re-  
ges cum sua posteritate leguntur propter  
idololatrias suas deleti. Sed de hac diffi-  
cultate pertranseo, quum Dei sit judicare,  
quantae gravitatis sint vitia hominum co-  
ram se, et quantum ac qualiter ex diversis  
causis et circumstantiis allevientur vel ag-  
graventur : de qua re veritatem pro certo  
agnoscere non valeamus, nisi in quantum  
in Scripturis aut aliter revelatur.

Heut. ix.  
20.

III Reg. xv,  
29, 30 ; xvi,  
2, 3.

## ARTICULUS XXIV

### DE MYSTICO HUIUS DECIMI CAPITULI SENSU.

ARREPTISQUE Nadab et Abiu thuri- C  
butis suis, etc. Per duos hos sacerdo-  
tes, qui irreverenter et inconsulte cum  
impetu quodam ad opus sacerdotii sui se  
ingesserunt, recte intelliguntur sacerdo-  
tes et praesules, clerici et praelati, qui of-  
ficiorum et ordinum suorum dignitatem  
eminentiamque pensantes, magnitudinem  
vero annexi periculi, et onus ac debitum  
concessae potestatis ac praesidentiae non  
ponderantes, inaniter gloriantur, ac stoli-  
de intumescunt, et sine congrua prepara-  
tione ad ea quae possunt, accedunt sine D  
reverentia et timore, abutentes commissa  
auctoritate : quibus in Amos minatur ac  
loquitur sermo divinus : Vae qui laetamini  
in nihilo, qui dicitis, Numquid non in for-  
titudine nostra assumpsimus nobis cor-  
nua ? Advertant hi illud Sapientiae : Judi-  
cium durissimum in his qui praesunt, fiet :

Amos vi, 14.

Sap., vi 6.

et quod ait Salvator : Cui plus datum est, Luc. xii, 48.  
plus requiretur ab eo. Posuerunt ignem  
et incensum desuper, offerentes coram Do-  
mino ignem alienum. Thuribulum tuum,  
o sacerdos ! est mens tua, in qua thus  
saluberrimae mortificationis, flagrantis ora-  
tionis, dulcissimae devotionis et meditatio-  
nis, Deo jugiter debes offerre : in quo  
alienum ignem ponis et offers, dum rationi  
tuae carnalis dominatur affectio, dum ali-  
quid turpiter amas, dum concupiscentia-  
rum aut cupitorum fervore exaestnas, aut  
pro lucro terreno divina exsequeris. Huic  
igni superponit incensum, qui objecta et  
cogitamina male inflammantia, suo inserit  
cordi. Talis igitur igne ultionis divinae me-  
retur consumi. Nequaquam multi modo sunt  
tales ! et ipsi sunt mortui coram Deo.

Dixitque Moyses : Hoc est quod locutus  
est Dominus : Sanctificabor in his qui ap-

*propinquant mihi.* Hinc princeps ait Apostolorum : Tempus est ut incipiat iudicium a domo Dei. Unde et per Ezechielem locutus est Dominus : A sanctuario meo incipite. Nempe quo altior gradus, eo major ruina, eo quoque intolerabiliora instant supplicia. Itaque in ministris Ecclesiae qui nomen Domini pollunt in medio populi, quem scandalizando ad varia trahunt peccata, Deus se ipsum sanctificat, dum in eis veritatem suae iustitiae rigorosius manifestat. Qui autem eum vera devotione et sancta dilectione accedunt ad Dominum, juxta illud, Accedite ad eum, et illuminamini : ipsi sanctificant Dominum, dum eum corde, ore et opere venerantur, aliosque ad idem inducunt. Et ita, quantum in ipsis est, Deum esse sanctum et summum demonstrant, cujus in se recognoscunt atque extollunt excellentiam infinitam, quemadmodum Isaias hortatur : Dominum exercituum sanctificate. Et summus Apostolus : Dominum, inquit, Christum sanctificate in cordibus vestris. Pro hac obtinenda et exercenda sanctificatione, oramus quotidie, proferentes : Pater noster qui es in caelis, sanctificetur nomen tuum. *Quod audiens Aaron, tacuit.* Ita et omnis qui praest aut subest, terribilibus his auditis, ab omni verbo superbo, injusto, illicito sileat, imo ab omni opere cesset iniquo. Praeterea per hoc, quod filii Aaron sepulti sunt in tunicis suis lineis, sicut jacebant occisi, potest intelligi, quod opera morientium eos sequuntur, et quod unusquisque in ea mentis dispositione et affectione, conversione seu aversione, manet in aeternum post mortem, in qua recedit a corpore.

Locutus est Dominus sacerdotibus : *Nolite nudare,* etc. Caput suum nudat, qui peccando, propriam mentem decore virtutum et donis gratiae privat, vel qui secreta cordis sui insipienter revelat. Hinc in Apocalypsi dicitur tali : Vestimentis albis induaris, ut non appareat confusio nuditatis tuae. *Et vestimenta vestra nolite seindere.* Vestimenta animarum nostra-

rum, sunt sapientia et virtutes ac opera bona, ipsaque caritas vestis est nuptialis. Haec vestimenta in sua integritate sunt conservanda, nec caritas ab ullo est retrahenda. Vestis quoque est ecclesiastica unitas, quae summa cum diligentia inviolabiliter est tenenda, nulloque schismate, nulla haeresi, nulla aversione frangenda, quum dicat Apostolus : Id ipsum dicatis omnes, et non sint in vobis schismata. *Fratres vestri et omnis domus Israel,* hoc est saeculares fideles et laici, *plangent incendium, quod Dominus suscitavit : vos autem non egrediemini fores tabernaculi.* Ex hoc habemus, quod saeculares homines possunt temporalia damna et propinquorum amicorumque mortem deflare. Sed homines spirituales religiosi, et in sacris Ordinibus constituti, tantae debent perfectionis consistere, tamque vehementer circa spirituale profectum ac commune bonum contemplationemque divinorum esse intenti, ut cuncta temporalia et mala poenalia penitus parvipendant : imo nullus fidelium de corporali suorum morte debet immoderate tristari instar infidelium, qui futurorum non habent fidem bonorum, quum dicat Apostolus : Nolumus vos ignorare de dormientibus, ut non contristemini sicut et ceteri, qui spem non habent.

*Dixit quoque Dominus ad Aaron : Vinum et omne quod inebriare potest, non bibetis tu et filii tui, quando intrabitis in tabernaculum.* Si hoc jussum est pontifici ac sacerdotibus veteris legis, quorum sacerdotium fuit carnale, et circa corporalia, irrationalia aut inanimata sacrificia versans : quanto magis sacerdotibus evangelicae legis, qui assidue ingrediuntur ecclesiam ad ministrandum seu offerendum, vitanda et exhorrenda est omnis ebrietas, crapula, et ingurgitatio detestanda ? Ebrietas namque et fornicatio et vinum auferunt cor. *Ut habeant scientiam discernendi inter sanctum et profanum,* inter vere religiosa et superstitiosa, inter vere et apparenter virtuosa, inter vera et falsa, doceantque populum universa Dei praecepta, et quidquid ad sa-

lutem requiritur animarum : ne propriis vitis exæcati, proferant mortua atque sterilia verba, nuda et insipida documenta, aut certe ne cupiditate proprii commodi, aut timore sui incommodi, subiceant veritatis doctrinam, et subditorum palpent peccata; vel, quod pessimum est, blandiantur peccantibus, seu peccatorem in desideriis animæ suæ laudent, quæ et cunctis fidelibus prorsus vitanda sunt.

Circa hæc loquitur Origenes: Sacerdotes et clericos qui portio Dei sunt, vult ipse Dominus sobrios esse, jejunantes ac vigilantes omni tempore, maxime quando ad exorandum Deum, et sacrificandum in conspectu ejus, altaribus præsto sunt. Sobrietas enim omnium virtutum est mater, sicut e contrario ebrietas omnium vitiorum. Nam et Apostolus pronuntiavit aperte: Vinum in quo est luxuria; ut ostenderet, ex ebrietate quasi primogenitam filiam generari luxuriam. Præterea, Dominus et Salvator regia auctoritate sacerdotibus simul ac populis leges ac jura constituens: Attendite, inquit, ne graventur corda vestra ebrietate et erapula et sollicitudinibus sæculi, et veniat super vos subitaneus interitus. Audistis æterni Regis edictum, et lamentabilem ebrietatis ac erapulae finem. Sola ebrietas est, quæ animam simul cum corpore debilem reddit. In ceteris quippe fieri potest, ut (secundum Apostolum) dum infirmatur corpus, tunc magis potens sit spiritus; et ubi is

A qui deforis est, homo corrumpitur, ille qui intus est, renovetur. In aegritudine autem ebrietatis, corpus simul et anima corrumpitur; spiritus cum carne pariter vitatur: cuncta membra debilitat, oculos tenebrat, pes vacillat, oblivio velat mentem, ita ut homo se hominem esse ignoret. Hæc Origenes. Quæ quum ita se habeant, quid de sacerdotibus tabernas visitantibus, ne dicam et luxuriantibus, videtur esse dicendum? Nonne vitiosissimi et omni damnatione dignissimi comprobantur?

B *Hircum qui oblatus fuerat pro peccato, quum quereretur Moyses, crustum reperit. Hoc impletur, dum is qui propter peccata sua corpus suum afflixit, rursus concupiscentiæ igne illud incendit, vitiorumque flamma occidit se ipsum. Quomodo potui placere Domino mente lugubri?* Per quod patet, quod inordinata et sæcularis tristitia efficit hominem Deo displicentem, et impotentem ad promerendum. Ideo ait Apostolus: Non ex tristitia aut necessitate. Itemque: Gaudete in Domino semper. Et C rursus: Sæculi tristitia mortem operatur. *Quod quum audisset Moyses, recepit satisfactionem.* Sic prælatus, judex, imo et quilibet Christianus, rationabili excusatione audita, placabilis esse debet, non austerus aut vindicativus. Verumtamen is qui præest, non debet nimis faciliter excusationibus subditorum fidem præbere, sed causam quam nescit, diligentissime investigare. Cetera ex præhabitis patent.

II Cor. iv. 16.

Ibid. ix. 7.

Philipp. iv. 4.

II Cor. vii. 10.

## ARTICULUS XXV

EXPLANATIO LITTERALIS CAPITULI UNDECIMI: LOCUTUS EST DOMINUS AD MOYSEN ET AARON.

PRO hujus intellectu capituli advertendum in primis, quod in prima secundæ, quæstione 102, asserit S. Thomas: Populus Judæorum fuit specialiter deputatus ad cultum divinum, et inter eos, præcipue

D sacerdotes: et sicut aliæ res quæ ad cultum applicantur divinum, aliquam debent specialitatem habere, quod ad divini cultus honorificentiam pertinet: ita in conversatione illius populi, et maxime sacerdotum,

Ps. ix. 24.

Ephes. v. 18.

Luc. xvi. 34.

II Cor. xii. 10.



debuerunt esse aliqua specialia, congruentia ad cultum divinum vel corporalem, vel spiritualem. Cultus autem legis figurabat mysteria Christi, ita quod omnia gesta illorum præfigurabant ea quæ spectant ad Christum, juxta illud Apostoli : Omnia in figura contingebant illis. Ideo rationes legalium observantiarum in cibis et consimilibus, dupliciter assignantur : primo, secundum congruentiam ad cultum divinum : secundo, prout aliquid figurabant circa Christum et vitam Christianorum. — Consequenter pensandum, quod duplex pollutio seu immunditia observabatur in lege : una culpæ, per quam polluitur anima ; alia ejusdam corruptionis, per quam corpus quodammodo inquinatur. Loquendo ergo de prima immunditia, nulla cibaria erant immunda, nec hominem poterant inquinare ex sua natura, quemadmodum ait Salvator : Non quod intrat in os, coinquinat hominem, sed quæ procedunt de ore. Verumtamen aliqui cibi possunt per accidens hominem inquinare, in quantum contra votum, vel obedientiam, aut ex nimia concupiscentia comeduntur, vel in quantum præbent fomentum luxuriæ, propter quod quidam abstinere a vino et carnibus. — Porro, secundum corporalem immunditiam, quæ est corruptionis ejusdam, aliqua animalium carnes quamdam immunditiam habent : vel quia ex rebus immundis vesanntur, ut porcus : aut quia immunde conversantur, ut animalia quædam sub terra habitantia, sicut talpæ et mures, unde et quædam eorum foetorem contrahunt : vel quia eorum carnes corruptos generant humores, propter ipsorum superfluum humiditatem aut siccitatem : ideoque prohibite sunt Judæis carnes animalium habentium ungulam unam non fissam seu indivisam, propter eorum terrestritatem ; carnes quoque animalium habentium multas fissuras in pedibus, quia sunt nimis cholericæ et adustæ, ut carnes leonis. Eadem ratione prohibite sunt eis aves quædam rapaces, quia sunt nimis siccitatis : et quædam aves aquaticæ,

A propter excessum humiditatis : similiter aliqui pisces non habentes squamas et pennulas, ut anguillæ, propter humiditatis excessum. Sunt autem eis ad esum concessa animalia ruminantia, ungulamque findentia, quoniam habent humores bene digestos, et sunt mediæ complexionis : quoniam non sunt nimis humida, quod significat ungulæ : nec nimis sicca sive terrestria, quum non habeant ungulam continuam, sed divisam. In piscibus quoque concessi sunt eis pisces sicciore, quod significatur per hoc quod habent squamas et pennulas. Per hoc enim ostenditur complexio piscium humida temperata. In avibus etiam concessæ sunt eis magis temperatæ, sicut gallinæ et perdices, atque hujusmodi. — Alia ratio prædictorum fuit, in detestationem idololatriæ. Gentiles namque, præsertim Egyptii, inter quos Judæi fuerunt nutriti, animalia hujusmodi prohibita suis idolis immolabant, vel eis ad maleficia utebantur : animalia vero quæ Judæis sunt concessa ad esum, non comdebant, sed ea tanquam deos colebant : vel ob aliam causam abstinere ab eis. Tertia ratio fuit, ad tollendam nimiam diligentiam circa cibaria. Hinc concessa sunt eis animalia, quæ possunt faciliter in promptu haberi. Quarta ratio fuit figuralis et spiritualis, quæ sequenti tangetur articulo. Hæc Thomas.

Præterea, de ista materia scribit Guillelmus Parisiensis libro de Fide et legibus : Post hæc prosequemur immunditias animalium. Ubi primo sciendum, quod quædam animalia immunda erant immunditia corporali et immunditia repudiationis et irregularitatis : quædam vero sola immunditia irregularitatis, quæ scilicet prohibita erant a Dei sacrificio et ab esu humano. Nec scimus aliquod animal, quod immundum reputatum sit propter solam immunditiam corporalem. Poreus vero, de quo minus videri posset, non solum habet immunditiam corporalem, sed et legalem. Adhuc enim pagani immolant porcose, et fœdera sua ac pacta sanguine firmant por-

1 Cor. x. 11.

Matth. xv. 11.

corum, non aliter ea rata et inviolabiliter A observanda putantes, nisi transierint inter partes sacrificii hujus. Atque ut paucis intelligas alia, si salubritati corporum populi sui per hanc animalium discretionem Deus intendere voluisset, animalia non munda vel immunda, sed salubria vel noxia appellasset : quamvis verum sit, quod in animalibus gressilibus, et avibus ac piscibus, quasi saniora et salubria eis concesserit, multaque venenosa atque mortifera prohibuerit eis. Ad aliud ergo respexit B providentia Dei, quamvis non praetermisserit istud. In hoc ergo quod in quadrupedibus animalibus duo signa munditiae simul conjunxit, videlicet ruminationem et ungulae divisionem, generali regula de hujusmodi populum informavit : ubi vero alterum deest, immunditiam designavit, ut in camelo et chærogryllo. Tu autem scito quod camelo sacrificabant idololatrae : hoc ipsum legimus nos in libro de Animalis septem planetarum. Propter quod etiam de chærogryllo idem hoc licitum est opinari. Nec mirum, si pauca munda C animalia reperit Deus, quæ idololatria abominabilia non fecisset, quoniam apud

\* sex

Egyptios sexcenta sexaginta tria \* sacrificiorum genera haberet idololatria, secundum quod dicit Miglodoros. Postmodum vero miseratione deorum, redacta est ad viginti quinque præcipua. Immolationem vero lacertæ, nos ipsi legimus alibi, similiter talparum et vespertilionum. Ad eam quoque dementiam pervenisse idololatrias, ut talpas et vespertiliones adorarent, Isaias testatur. Nostris etiam temporibus bufones adorari ab insanissimis gentibus quibusdam audivimus. Ex his igitur paucis intellige et mirare sapientiam Dei, quæ omnia animalia, quæ sibi idololatria usurpavit, abominabilia esse voluit populo suo : ut vel ea non comederent, vel etiam non attingerent, atque hoc ipso longe fierent a ritu idololatrarum : quemadmodum nunc in regionibus ubi adorari dicitur cattus, statuendum esset, ne ibi cattus inveniretur : et ubi bufo dicitur adorari,

ne ibi bufo vivere sineretur. Hæc Parisiensis.

Postremo, circa hæc in Scholastica fertur historia : Animalium alia vivunt in terra, alia in aquis, quædam in aere. Inter ea vero quæ in terra sunt, alia sunt reptilia, quæ omnia sunt immunda : alia sub terra latentia, ut talpa quæ generatur de luto, et omnia hæc immunda : alia sunt gradientia super terram, de quibus est hæc regula generalis : Mundum est tantum, quod ruminat et ungulam findit. De piscibus quoque hæc est regula generalis : Mundi sunt pisces illi dumtaxat, qui habent squamas et pennulas. De avibus nominatim expressit, quæ munda, et quæ immunda. Hoc solum de avibus generaliter dictum est : Volatile quod graditur super quatuor pedes, immundum est, nisi crura habuerit retro longiora super quæ saliat.

His præmissis, patet, omnia in isto capitulo jussa, rationabiliter esse statuta. Itaque ad expositionem textus est procedendum : *Locutus est Dominus ad Moysen et Aaron*. Cur Dominus aliqua dicat ad Moysen tantum, aliqua vero ad Moysen et Aaron simul, nonnulla autem ad eos et ad filios Aaron, queri potest : et quantum ad præsens, dici potest, quod ista locutus est non solum ad Moysen, sed item ad Aaron, quoniam totum populum Israel concernebant, quorum jam pontifex exstitit Aaron : unde et eos habuit legitima Dei docere. Ea vero quæ ad sacerdotes tantummodo pertinebant communiter, dixit ad Moysen tantum, tanquam ad principalem omnium ducem et legislatorem ministerialem. *Dicens ad eos : Dicite filiis Israel : Custodite omnia quæ præcepi \* vobis, ut sim vester Deus*, non solum jure creationis generalisque providentiæ, sed etiam per specialem et gratiosam gubernationem vestri, atque per debitum cultum mihi a vobis exhibendum. Verumtamen clausula ista non est in Hebræo.

*Hæc sunt animalia quæ comedere debetis, de cunctis animantibus terre*, hoc est e numero animalium gressibilium. Omne

\* scripsi

*quod habet divisam ungulam, et ruminat in pecoribus, id est inter jumenta seu pecora, comedetis, hoc est, licite manducare poteritis, tanquam munda secundum legem. Nihilominus ex speciali devotione licuit a carnibus abstinere, ut patuit in sacratissimo Joanne Baptista. Divisio namque seu fissio ungulae, signum est temperatae complexionis; ruminatio autem, bonae digestionis. Quidquid autem ruminat quidem et habet ungulam, sed non dividit eam, hoc est, fissam eam non habet, seu partes ejus ab invicem non disjungit per motum et ambulationem, sicut camelus, non comedetis illud, quum non sit tam aptum refectioni humanae; sed \* inter immunda reputabitis, id est, inter ea quae secundum legem, immunditiam habent ejusdam corruptionis atque ineptitudinis ad edendum ob causas praetactas, ut dictum est. Sicque quod ait, Inter immunda, non est intelligendum de immunditia et ineptitudine ad offerendum, sed ad comedendum. Nam plura munda et licita erant ad manducandum, quae non erant munda ad immolandum. Oblatio namque (ut patuit) de pecoribus, non fiebat nisi de tribus animalium speciebus, videlicet bove, ove, et capra. Chærogryllus, qui ruminat, ungulamque non dividit, immundus est. Chærogryllus (secundum Glossam) est bestia quae herinacius appellatur, animal debile, rapax, mortiferum, et spinosum, quoniam pro pilis operitur in pelle quibusdam materiis, instar spinarum pungentibus et aentis. Lepus quoque: nam et ipse ruminat, sed ungulam non dividit. Et sus, quæ et quum ungulam dividat, non ruminat. Horum carnibus non vescemini, nec cadavera contingetis, quia immunda sunt vobis tam ad vescendum, quam ad tangendum, praesertim dum ex intrinseca corruptione obierunt. Non tamen ex horum contactu tangens contraxit maculam tantam, aut taliter expurgandam, sicut ex aliorum quorundam contactu, prout infra habebitur.*

Consequenter discernitur inter pisces immundos et mundos. *Hæc etiam sunt quæ*

*gignuntur in aquis, et vesci eis licitum est: Omne quod habet pennulas et squamas, tam in mari quam in fluminibus et stagnis, hoc est in quacumque aqua, comedetis. Quidquid autem pennulas et squamas non habet, eorum quæ in aquis morantur et vivunt, id est, sive unum horum, sive utrumque defuerit pisci, abominabile exsecrandumque erit vobis: ejus rei causæ litterales præhabita sunt; si quidem pisces qui habent pennas et squamas, melioris complexionis consistunt. Porro pennula piscis dicitur, quod supereminet dorso ejus, et per quod se levat in aerem. Carnes eorum non comedetis. Quidam dicuntur ab esu carniū totaliter abstinere, qui tamen comedunt pisces. Quomodo ergo pisces dicuntur carnes habere? Respondetur, quod extense utendo nomine carnis, pro quocumque mixto animato. Nam et Apostolus ait: Alia caro piscium, alia voluerum, alia serpentium. Interdum vero caro strictius sumitur pro materia tali animata et calida, sanguinem in venis habente. Sicque corpus piscis non dicitur caro. Et morticina vitabitis, ne ea tangatis: ut per hoc adnoneamini, quantum ab interiore contaminatione peccati debeatis cavere. Attamen talis contactus non fuit prohibitus per modum absoluti præcepti, tanquam fuerit culpa mortalis, nisi forte contingeret ex legis contemptu; sed per modum ejusdam mandati, quod inter præceptum et consilium habet se medio modo. Unde si ex negligentia, inadvertentia, aut simili modo aliter accidebat, fuerat veniale. Cuncta quæ non habent pennulus et squamas in aquis, polluta erunt.*

Sequitur discretio inter aves, quantum ad esum. *Hæc sunt quæ de avibus comedere non debetis, et vitanda sunt vobis: Aquilam, et gryphem, et haliaetum, et milvum ac vulturem juxta genus suum, hoc est, ejuscumque sint generis seu speciei. Hæ etenim aves sunt rapaces, quod venit ex magna caliditate et siccitate complexionis eorum: ideo esui sunt ineptæ, nec faciliter possent acquiri; essetque*

<sup>1</sup> Cor. xv, 39.



curiosum et gulosum, pro tali edulio laborare : veseuntur quoque communiter cadaveribus mortuorum, quemadmodum corvi, de quibus subiungitur : *et omne corvini generis in similitudinem suam* : hoc est, nullum eorum edetis ejuscumque sit speciei : sicque similitudo hic sumitur pro specie specialissima in similitudine essentiali.

Præterea, de naturis et proprietatibus avium harum multa recoili possent, sed prolixitas est vitanda. Itaque aquila est avis magna, plumis et varietate distincta, acutissime videns, altissime volans, piscibusque insidians, quos, instar saxi descendens in nidas, trahit ad litus. Gryphus est avis monstruosa quadrupes, habens corpus formatum ut leo, alas et caput ut aquila ; crudelis est valde, homines vivos discerpens, equos odit. Et interdum equum cum equite rapit, et tollit in altum ac devorat. Tam magnos et amplos habet ungues, quod inde (ut fertur) fiunt scyphi, qui in regum ponuntur mensis. Smaragdum quoque et jaspidem ponit in nido suo contra animalia venenosa : atque ut refert Isidorus, sunt aliquæ partes et montes, in quibus abundant aurum et gemmæ, præsertim smaragdus et jaspis, nec inde possunt auferri, gryphis accessum prohibentibus rationali creaturæ, cui rarus et difficilis est aditus illuc. Haliaetus, secundum quosdam, est falco. Aptius tamen (ut videtur) per herodionem, de quo infra habetur, falco intelligitur. Nam libro de Naturis animalium legitur, quod haliaetus seu merulus parva sit avis, aves parvas invadens, rapiens et manducans. Unde quidam putant, quod sit nisus. Milvus est avis rapax, querulosa et importuna, cadaveribus veseens, domesticis præsertim pullis insidians, primo audacior, postea autem timidior, silvestres volucres impugnare non audens. Vultur est avis plurimum rapax, cadaveribus veseens, acuti intuitus, fortisque odoratus, sequens exercitum, sperans vesei cadaveribus vincendorum. Corvus est avis clamorosa, rauca, dolosa, cadavere

vivens, rostrum sterquilinio saepe inficiens, animali eruens primitus oculum. Et dicitur funeris præco, quod imminere percipit odoratu, ut fertur.

Consequenter nominantur et aliæ aves prohibita manducari. *Struthionem, et noctuam, et lacum, et accipitrem juxta genus suum, bubonem et mergulum et ibim, cyrenum et onocrotalum et porphyriionem, heradionem et charadriionem juxta genus suum, upupam quoque et vespertilionem.* Quemadmodum tangit Isidorus, si in prohibitionibus avium et bestiarum, quæ in isto capitulo prohibentur hominibus comedere, non lateret mysterium, esset in textu superfluitas magna verborum. Multa namque prohibentur in eo, quæ nullus Judæorum aut etiam aliorum bene dispositorum comedere consuevit : quod patet per se, ideo mystica est ratio horum.

Porro struthio est medium quoddam inter volatilia et gressibilia, quæ etsi pennis vestitur, nequit tamen volare ob corporis ponderositatem, sed alis juvatur ad cursum celerissimum. Ovat autem ut avis. Instanteque tempore, quo pariat ova, oculos ad stellas Pleiades levat : quia nec ovat, nisi quum illam viderit constellationem ascendere. Quam quum circa mensem Junii viderit, fodit arenam, et in ea sua cooperit ova : moxque obliviscitur ubi posuerit ea, nec ultra ad illa revertitur : sed calore solis pullificant : quo facto, suos cognoscit alitque pullos. De quo ad Job Dominus protestatur : Struthio derelinquit ova sua, *Job xxxix,* obliviscitur quod pes conenleat ea, etc. *14, 15.*

Ungulas habet fissas instar ungularum quadrupedis ; et tantæ consistit caliditatis, ut ferrum deglutiat, digerat, et consumat. Secundum Aristotelem quoque, naturaliter odit equum.

Noetua dicitur, quasi de nocte acute tuens seu videns ; et alio nomine nycteorax nuncupatur, et noctibus quærit eibum : ejus clamor odiosus est avibus, quam et aves persequuntur ; in die solis splendore visus ejus hebetatur : ova columbarum et monedularum frangit ac vo-

rat, et pugnat cum illis. Larns est avis A nunc volans in aere, nunc natans in aqua. Avis est pigra, parva et pinguis, libenter habitans juxta aquas; nec potest remote aut diu volare, ita ut velociter currens eam capere valeat: estque humida valde. Accipiter avis est rapax, prædalis, sive sit silvestris, sive domestica. Silvestris autem est peior, quoniam aves quas capit, mox devorat. Domesticus vero prædam domino suo representat et servat: flante Austro, contra solis radios alas suas expandit, quatenus poris corporis sui apertis, exentiat B eas, et novæ ei accrescunt. Propter quod ad Job xxxix, 26, Dominus loquitur: Numquid per sapientiam tuam plumeseet accipiter, expandens alas suas ad Austrum? Bubo est avis turpis, fæda, feralis, noctis amica, in sepulcris habitans et cavernis, pigra, avibus odiosa, a quibus dilaniatur, si in die reperiatur ab ipsis. Et juxta augures malum prætendit, quoniam funebris lugubrisque consistit: templa nocte ingreditur, ut oleum lampadum ebibat: quando ab avibus invaditur, vertit se in supinum, et C pedibus se defendit: mures et vespertilio-nes venatur et edit.

Mergulus a mergendo nomen sortitur, quia frequenter descendit in aquas, ut vermes pisciculosque deglutiat: imminente æquoris tempestate, cum clamore festinat ad litus. Atque ut ait Isidorus, gravem et grandem tempestatem constat mari instare, dum merguli petunt litus. Ibis dicitur Egyptiaca esse ciconia, in Nilo flumine habitans, serpentium ovīs vescens, ex quibus escam nidis suis defert gratissimam. D Cyenus est avis nota, pennis albissima, carne nigra: inter pisces nutrita, eos non comedit: ponderosum gerit corpus, ideo raro volat, diligitque quietem; quasi mortem contemnens, duleiter canit, morte instante. Post coitum femella perentit fugatque marem, qui se post coitum balneat: similiter femina ante cibum. Onocrotalus, avis est, quoad sonum, similis cyeno, et quasi ventres habens duos, in quorum uno recipit cibos, qui pro vesicula gutturis repu-

tatur, in alio decoquit eos. Cujus, teste Isidoro, duo sunt genera: unum aquaticum, aliud solitudinis. Aquaticum est valde gulosum, anguillis præsertim insidians; quod dum quiescit in littore, rostrum semper erigit sursum, ut ejus acumine se contra accipitrem muniat. Porphyrio est avis, alio nomine peleeanus vocata, ejus duplex est species: una in aqua habitans, et piscibus vescens: altera in terra solitudinem amat, lacertas comedens et serpentes. Ideo serpentes odiunt peleeanos, eisque B absentibus ascendunt in nidos ipsorum, atque ipsorum pullos intoxicant: quos rediens parens invenit morientes, et statim se vulnerans, proprio sanguine curat eos.

Herodion, qui et falco, est avis illustrium manibus assueta gestantium, animosa, et majores corpore se aves invadens, abundans plumis, non carnosus, ideo velox et agilis ad volatum, aenti durique pectoris, fortis in unguibus, gravius tamen lædens prædam pectore irruendo, quam rostro C lædendo. Quæ nisi primo aut saltem secundo prævaluerit ictu, quasi sibi ipsi indignans aut erubescens, vagatur per aera, nec facilliter ad gestantis revertitur manum. Si vero silvestris est, illa die vix quærit prædam. Charadrius dicitur avis omnino albi coloris, ejus femoris pars inferior purgat caliginem oculorum. Hujus avis hæc fertur natura: Si dirigatur super agrum moriturum, avertit visum suum ab eo: si super sanandum, visum figit in eum, quasi curando applaudens. Est tamen nutrimenti immundi. Upupa est immundissima avis, humanis vescens stercoreibus, in sepulcris commorans, aut in fimo, ejus corde utuntur malefici in maleficiis suis. Quumque senuerit, ut nec videre valeat, nec volare, pulli ejus evellunt ei pennas, et liniunt oculos ejus succis herbarum, ac fovent eam sub alis, donec erescant pennæ ipsius. Sicque renovata, volat ac videt, ut refert Isidorus. Legitur etiam, quod si quis sanguine ejus inunxerit oculos suos, pergens dormitum, dæmo-

nes in somnis se suffocantes videbit. Vespertilio est avis feda et vilis, debilis visus, habens alas sine plumis, et corpus instar muris; circa vesperam egrediens suum latibulum, pro voce sibilum facit terribilem.

*Omne de volucribus quod graditur super quatuor pedes, abominabile erit vobis ad comedendum.* Talia enim volatilia, sunt velut monstra, in parte cum avibus, et partim cum gressilibus convenientia: quibus et idololatriæ in suis maleficiis utebantur et sacris, quæ et difficulter acquiruntur. *Quidquid autem volatillum ambulat super quatuor pedes, sed habet longiora retro crura, per quæ salit super terram, comedere debetis, ut est bruchus in genere suo; et attacus, atque ophiomachus, ac locusta, singula juxta genus suum.* Opinantur aliqui, quod istæ sint diversæ species locustarum, aut magis animalia diversi gradus in eadem specie, ita quod bruchus est fetus locustæ nondum alatus: qui quum alatus fuerit, cæperitque volare, vocatur attacus: adepta vero perfectione volandi, vocatur locusta. Sed istud non videtur textui consonare, quia de præfatis volatilibus addit, Singula juxta genus suum: per quod insinuari videtur, quod differant generice sive specificæ. Hinc alii dicunt, quod attacus major est bruchus, differens specie. Ophiomachus vero est bestia quedam pugnans contra serpentes. Denique, secundum Guillelmum in libro de Fide et legibus, quod genera ista locustarum, seu genus locustæ concessum est Judæis in esum, factum videtur in memoriam auxilii eis desuper dati per locustas contra Ægyptios. Beatissimus quoque Johannes Baptista legitur usus locustis in cibum. Aliqui tamen ibi per locustas intelligunt herbas, non animalia: quoniam eis videtur, quod non sit carnis usus in eremo.

*Quidquid autem ex volucribus quatuor tantum habet pedes, execrabile erit vobis ad manducandum, sicut jam dictum est: et quicumque morticina eorum tetigerit,*

A id est cadavera ex intrinseca corruptione mortua, polluetur, et immundus erit usque ad vesperam, id est, irregularitatem quandam seu ineptitudinem, vel indignitatem introeundi sacrum locum, videlicet templum seu atrium, contrahet. Et si accesserit, ut portet quidpiam horum mortuum, lavabit vestimenta sua, et erit immundus usque ad solis occasum. Ex isto elicitur et probatur, quod immunditia ista non fuit inquinatio culpæ, quia necessitas a culpa excusat. Porro lotio ista, fuit adpersio aquæ, in qua mixtus fuit cinis vacæ rufæ combustæ, scilicet aquæ lustrationis. Et quia de tangente præfato non dicitur quod lavabit vestimenta sua, aliqui dicunt, quod immunditia ejus fuit minor, quam istius tale quid portantis: nec indignit vestimenta sua lavare, id est super ea adspergi aqua præfata, quemadmodum iste qui portavit: quoniam plus est portare, quam tangere.

*Quod ambulat super manus, ex cunctis animantibus quæ incedunt quadrupedia, immundum erit,* id est illicitum ad vescendum, ut ursus et simia, quæ per similitudinem quandam dicuntur manus habere, et super ea incedere, quoniam anteriores eorum pedes sunt similes manibus. Corpora quoque eorum, detractis coriis seu pellibus, similitudinem habent non modicam cum corpore hominis, exco-riatoque puero. Unde et una hujus prohibitionis causa assignatur, ne Judæi ex talium animalium esu afficerentur comedere carnes humanas. Sunt autem et aliæ causæ superius tactæ. *Qui tetigerit morticina eorum, polluetur,* id est, inquinatus manebit, usque ad vesperam: sieque videtur quod post transitum temporis tanti, reddebatur ab illa pollutione immunis. *Et qui portaverit hujusemodi cadavera, lavabit vestimenta sua, et immundus erit usque ad vesperum: quia omnia hæc immunda sunt vobis.*

*Hæc quoque inter polluta, id est esui illicita, reputabuntur de his quæ morantur in terra, mustela et mus.* Mustela dicitur

Matth. iii,  
4.



quasi mus longus, qui et persequitur mu- A res atque serpentes, quorum quidam latent sub terra, alii supra versantur. *Et crocodilus*. Is a croceo colore nomen sortitur, bestia magna et quadrupes, nunc in aquis, nunc in terra manens, immanitate dentium unguiumque armatus; corpus habens tam durum, ut repercutiat fortium lapidum ictus. De qua bestia ait Plinius, quod sola inter cuncta animalia movet superiorem suam mandibulam, inferiorem habens immobilem. Tantæ est quantitatis,

*Tob. vi, 3.*

quod junior Tobias ab ea timuit devorari: B quam pisces quidam serratam cristam habentes interimunt, interiora ipsius disseccantes. *Singula juxta genus suum, mygale et chameleon, stellio et lacerta et talpa; omnia hæc immunda sunt*. Mygale dicitur animal formatum ad deridendum, quia ex se ridiculosum videtur: estque dolosum, rapax et ingluviosum, secundum Glossam. Chameleon est bestia diversa varietate respersa, tanquam pardus: ad colores quoque quos intuetur, faciliter variatur, sicut in diversos colores mutatur, sicut et primo C Ethicorum ait Philosophus, et fingit se mansuetam, quum tamen crudelis sit. Stellio a stella suscipit nomen, quasi stellatus, quum sit variis maculis picturatus, et mutat colores, sicut fertur lucere ut stella. Est autem reptile, lacertæ consimile, interlucentibus guttis pictum instar stellarum: scorpionibus ita contrarium, ut visum ab eis, incutiat ipsis torporem atque pavorem. Unde in Proverbiis dicitur: Stellio manibus nititur, et moratur in aedibus regum. Lacerta et talpa sunt animalia nota. D Fertur autem chameleon aere pasci, quem admodum talpa terra, salamandraque igni, et hæc aqua, juxta illud metrium:

*Prov. xxx, 28.*

Terra cibat talpam, flammæ paseunt salamandram.  
Unda sit hælæci cibus, aer chameleoni. [dram,

Denique tactus horum censetur immundus et maculans. *Qui tetigerit morticina eorum, immundus erit usque ad vesperam; et super quod ceciderit quidquam de morticinis eorum, polluetur*. Sicut inanimata

ex illorum contactu etiam polluebantur, non utique pollutione peccati, sed inidoneitatis veniendi in humanum aut divinum ministerium ante eorum purgationem. *Tam vas ligneum et vestimentum, quam pelles et cilicio, et in quacumque fit opus, id est quodcumque utensilium, tingentur aqua, id est, aqua in qua mixtus est cinis vacearum pro peccato combustæ, adspergentur, dum ex præfacto contactu fuerint inquinata: et polluta erunt usque ad vesperum, ita quod etiam post illam adspersionem reputabuntur modo prædicto polluta seu inidonea ad utendum usque ad solis occasum; et sic postea mundabuntur, id est, post horam illam habebuntur ut munda. Vas autem fictile in quod horum quidquam intro ceciderit, id est, in quod corruerit aliquid præfactorum immundorum animalium aut morticina eorum, polluetur, et ideo frangendum est, quia non potest ob suam fragilitatem tam plene purgari per fortem confricationem, ut lignea, area et aenea vasa.*

*Omnis cibus quem comederitis, id est præparatus ad comedendum, si fusa fuerit super eum aqua, immundus erit, id est edi non poterit. Hoc exponitur de superfusione aquæ contentæ in vase, in quod immundum quodcumque corruerat, ex ejus contactu et aqua illa fiebat polluta: vel forte in detestationem idololatriæ, dictum est de eujuseumque aquæ superfusione, quia idololatriæ in suorum honorem deorum aquas, præsertim idolis consecratas, superfundebant cibariis, et quidam eorum aquam colebant. De horum autem rationibus et rationabilibus causis infra dicitur. *Et omne liquens quod bibitur de universo vase, immundum erit, id est, omnis potus seu liquor, vinum ac sicera, si in ea ceciderit quidpiam de illis immundis, non poterunt bibi. Et quidquid de morticinis hujusmodi immundorum ceciderit super illud quod dictum est, puta super quodcumque vas aut instrumentum seu vestem, etc., immundum erit ex illius contactu: sive cibum fuerint, sive chy-**

*tropodes*, id est vasa seu ollæ aut potti, habentes inferius pedes super quos stent, destruentur et immutuli erunt, si ex illis immundis fuerint tacti : quod intelligendum videtur de vasis et furnis fictilibus terreis, non saxeis aut aeneis, quum dictum sit quod vasa lignea sic contacta sint lavanda.

*Fontes vero et cisterne et omnis aquarum congregatio*, ut flumina, stagna et maria, *muncla erunt*, quamvis immunda illa in ea ceciderint : quia tam magna aquarum moles, non potest tam facile inquinari : et propter talium aquarum raritatem, præsertim in locis terræ promissionis, poterat Judæis esse grave, si aquæ illæ fuissent tam faciliter inquinatæ, usuique eorum prohibita : et etiam quia idololatræ non ita exerceverunt quasdam superstitiones suas circa aquas illas, quemadmodum circa aquas quas habebant domi in vasis : vel quia huiusmodi aquæ magnæ continentur in terra, quæ ex contactu præfatto non maculatur, idcirco nec ipsæ. *Qui morticinum eorum tetigerit, polluetur. Si ceciderit super sementem*, id est super semen aut granum nondum in terram projectum, *non polluet eam* res quæcumque præfata immunda. *Si autem quispiam aqua sementem perfuderit, et postea morticinis tacta fuerit, illico polluetur*, ita quod non erit apta ad seminandum, nisi forte purgetur. Cur autem polluitur granum ex immundorum contactu quando madafactum est aqua ? Dici potest, quoniam ipsa aqua grano superfusa, ex contactu illo polluitur, et ex consequenti sementis : vel quia sementis humefacta, susceptibilior est peregrinæ impressionis : vel quia idololatræ oppositum ritum habebant. Est tamen omnium horum mystica ratio partim tacta, et partim tangenda.

*Si mortuum fuerit animal propria morte, quod licet vobis comedere*, scilicet mundum, nisi aliunde interveniat impedimentum : *qui cula ver ejus tetigerit, immundus erit usque ad vesperum. Et qui comederit ex eo*, id est cadavere per se mor-

tuo, *quidpiam*, id est aliquam ejus partem quantumlibet parvam, *sive portaverit, lavabit vestimenta sua, et immundus erit usque ad vesperum*. Istud ex dictis est clarum.

*Omne quod reptat super terram*, quæ scilicet pedes non habent, et ore seu alio modo corpus suum trahunt ac movent, *abominabile erit vobis, nec assumetur in cibum*. Talia enim in se ipsis impura sunt, esuique inepta. *Quidquid super pertas quadrupes graditur*, ita quod quamvis habeat quatuor pedes, tamen ob erurum pedumque brevitate tangit terram in procedendo, *et multos habet pedes, sive per hominum trahitur*, etiam illa quæ habent plus quam quatuor pedes, et trahunt se per terram, vel ex alia vi se trahunt in procedendo, *non comedetis, quia abominabile est*, id est, immunda sunt vobis ad esum. Porro, ut super secundum Sententiarum Albertus, Bonaventura et alii scribunt, multiplex est genus reptilium : Unum, quod trahit ac rapit se vi oris, ut aliqui vermes : secundum, quod rapit se vi costarum, sicut serpentes : tertium, quod trahit et rapit se vi pennularum suarum, ut pisces : quartum, quod rapit se vi annulorum, ut animalia annulosa : quinto, extense loquendo, omne animal dicitur reptile, quod movendo se, magnam partem corporis sui applicat terræ, ut stellio et lacerta. Textus vero nunc loquitur de reptilibus terræ, quæ reptando immunditiam contrahunt conversatione et motu, et aliunde sunt vilia, complexionis quoque intemperatæ ad alendam vitam humanam.

*Nolite contaminare animas vestras*, parvipendendo, aut ex contemptu seu negligentia culpabili violando prætaeta mandata. Quamvis enim ex corporali illo contactu non contaminabatur anima macula culpæ directæ et immediate, poterat tamen culpam incurrere non curando, aut ex irrationabili causa omittendo observantiam eorundem. *Nec tangatis quidquam eorum*, scilicet immundorum, *ne immundi sitis* immunditia corporali aut spiritali, juxta expositionem præhabitam.

*Ego sum Dominus Deus vester* : cui A cum omni diligentia et puritate est ministrandum, nec dignus est servus meus vocari qui mihi non servit sicut præcipio.

Luc. vi, 46.

Unde et Christus in Evangelio : Quid, inquit, dicitis mihi, Domine, Domine, et non facitis quæ dico ? Per Malachiam quoque Malach. i. Dominus loquitur : Filius honorat patrem suum, et servus timet dominum suum. Si ergo Pater ego sum, ubi est honor meus ? et si Dominus ego sum, ubi est timor meus ? *Sancti estote*, id est puri a vitiis, et ornati virtutibus : *quia ego sanctus sum*, id est B essentialiter purus, virtuosus, perfectus, et sanctitas ipsa immensa, exemplaris, fontana, omnis puritatis et virtutis mensura, causa et regula prima. Dominus autem vult servos suos suæ voluntati conformari ac obedire. Præsertimque Deus, qui est summus pater ac dominus omnium, vult ut homines ad suam imaginem similitudinemque producti, conformentur etiam ei per dona gratiæ ac virtutum, ut Deus Pater resplendeat in filiis suis, et servi ipso suo famulatu ostendant Dominum suum C honorabilem esse, aliosque suo exemplo incitent et inducant ad summæ majestatis honorem. Ideo Filius Dei docuit nos orare : Pater, sanctificetur nomen tuum. Item : Vi leant opera vestra bona, et glorificent Patrem vestrum qui in cælis est.

Matth. vi,

9.

Ibid. v, 46.

*Ne polluatis animas vestras in omni reptili quod moveatur super terram. Ego enim sum Dominus qui eduxi vos de terra Egypti, ut essem rubis in Deum*, id est ad hoc, ut per debitam subjectionem, puritatem et obedientiam, ita colatis me, ut digni sitis D me Deum vocare, tanquam id quod super omnia amatis, honoratis et colitis. Propter quod I ab idolatris vos eduxi, ne conformemini illis, sed multiplices munditia differatis ab ipsis. *Sancti eritis*, id est, esse debetis immaculati, præsertim ab omni culpa mortali, et etiam virtuosus et mundi : *quia ego sanctus sum*, qui cultores meos volo mihi per imitationem esse consimiles, quia peccata odio ac detestor, virtutes sanctitatemque diligo. Hinc ait in Evan-

gelio Christus : Estote misericordes, sicut Luc. vi, 36. et Pater vester cælestis misericors est. Et demum : Estote, ait, perfecti, sicut et Pater Matth. v, 48. vester cælestis perfectus est.

Postremo additur epilogatio : *Ista est lex animalium et volucrum, et omnis animæ viventis quæ moveatur in aqua*, id est omnis animati aquatici : hoc est, in isto capitulo datæ sunt leges seu jussiones discernendi immunda a mundis, tam in bestiis terræ, quam in avibus aeris ac piscibus aquæ ; *et reptat in terra, ut differentias noveritis mundi et immundi, et sciatis quid comedere et quid respirare debeatis*.

Circa præhabita plenius intelligenda, pensandum, quia, ut docet Alexander super tertium Sententiarum, et Guillelmus libro de Fide et legibus, voluit Dominus tabernaculum suum in honore haberi, ideo non nisi mundos in illud intrare concessit. Immunditia autem irregularitatis materiæ, quæ requirebat purificationem, multiplex erat : quia vasa in quæ immunda ceciderant, et ea quæ morticina illorum tetigerant, reputabantur immunda, similiter homines qui ea tangebant, elibani quoque et ollæ : in quo non aliud recte intelligi potest, nisi prohibitio appropinquationis ad idololatriam. Ubi enim prohibiti sunt filii Israel tangere hujusmodi animalia vel morticina eorum, prohibiti sunt necessario immolare ea, et de immolatis comedere. In hoc etiam quod immunda judicata sunt immunditia, quæ prohibebat accessum ad Dei tabernaculum, præcisa est etiam ea tangentibus omnis spes emundationis, et appropinquationis ad Deum per illa. Et per hæc ostensa sunt filiis Israel signa divinæ offensionis et indignationis in illis immundis, non propter se, sed propter idololatriam quæ fiebat de eis. Denique vasa in quæ cernerunt immunda, voluit Deus esse polluta cum contentis in eis. Idololatricæ enim vasa volebant carere operculis, ut aliquibus servitiis idololatriæ magis præsto essent, atque ut ipsa reptilia idolis immolanda, in ea sponte irreperent, ut mures, mustelle, lacertæ,



sicque invenirentur in vasis illis. Si namque credebant ea esse magis accepta diis suis, utpote electa ab eis. Supersunt adhuc aliquae idololatriæ hujus reliquiæ. Credunt enim nonnulli insipientes, quædam nocturna numina frequentare domos, et vasa quæ discooperta vel aperta invenerint, postquam inde comederint vel biberint, reimplere. Si autem ea clausa, obstructa, vel cooperta invenerint, inde offendi, et ex hoc domui diffortunium imminere. Hinc et alii asserunt, quod gentiles idololatræ, aquas vasorum, aliosque liquores, in quibus præfata immunda animalia inveniebantur, putabant suis diis acceptas, et eas offerebant illis. Unde seentum videtur, quod vetulæ quædam sortilegæ, vasa in quibus est aqua, dimittunt de nocte aperta, ut nocturna numina illuc veniant ad bibendum. Quum ergo omnipotens Deus Synagogam dilexerit, tanquam sponsam, quasi amore zelotypo: quid mirum, si om-

nia ista quæ prima facie non videntur alicujus momenti, Judæis prohibuit quoniam idololatriæ talia exercebant?

Postremo, sicut in prima secunda, quæstione 102, Thomas testatur: fuerat Judæis immunditia quædam ex contactu quarundam rerum immundarum, cujus litteralis causa fuit propter reverentiam eorum quæ ad divinum pertinent cultum: tum quoniam pretiosas res homines tangere non solent, quum fuerint immundi: tum etiam ut ex raro accessu ad divina, ea amplius venerarentur. Quum enim omnes hujusmodi immunditias homo raro possit vitare, accidebat quod raro patuit eis ad divina accessus, sicque suo tempore eum majori humilitate et reverentia processerunt ad ea. Fuit et alia ratio in quibusdam: nam quoniam soli mundi intrabant, non fuit alicui occasio dimittendi ingressum in sancta ex timore infectionis seu horrore consortii immundorum.

## ARTICULUS XXVI

DE SPIRITUALI HUIUS CAPITULI UNDECIMI INTELLECTU.

**S**PIRITUALEM et mysticum hujus capituli sensum, S. Thomas compendiose perstringit magna ex parte in prima secundæ, cujus verba inducam. Primo tamen seire oportet, quod per animalia munda et immunda, homines diversorum morum signari constat ex hoc, quod Spiritus Sanctus volens principem Apostolorum ad gentilium conversionem transmittere, primo ostendit ei in visione vas, in quo erant omnia quadrupedia, serpentina ac volatilia et bestię terræ, dixitque ei: Surge, Petre, occide et manduca. Itaque per animalia illa prohibita designantur reprobi mores, diversaque vitia, a quibus cavere oportet. Unde in libro contra Faustum loquitur Augustinus: Si de porco et agno requira-

tur, utrumque quoad suam naturam sive essentiam, mundum est, quoniam omnis creatura Dei bona. Quædam vero significatione agnus est mundus, et porcus immundus, tanquam si stultum et sapientem diceret. Utrumque hoc nomen natura vocis et litterarum ac syllabarum, ex quibus constat, mundum est: significatione autem unum est mundum, aliudque immundum. Sic animal quod ruminat, et ungulam findit, significatione est mundum: quoniam fissio ungulæ significat distinctionem duorum Testamentorum, seu Personarum in divinis, duarum quoque naturarum in Christo, atque discretionem boni et mali, seu veri et falsi: ruminatio autem insinuat meditationem Scripturarum et sanum in-

Act. x, 11-13; xi, 5-7.

Thomæ verba, l. 2, q. 102, a, ad 1.

tellectum earum, sive assiduam recordationem omnium pertinentium ad salutem. Et cuicumque alterum horum deest, spiritualiter est immundus : ad quod designandum, illa sola inter terrestria animalia esui Judeorum sunt concessa, quæ ungulam findunt, ac ruminant. Similiter in piscibus, illi qui habent squamas et pennulas significatione sunt mundi : quia per pennulas significatur vita sublimis et contemplativa : per squamas vita pœnitentialis et aspera : quorum utrumque necessarium est ad spiritualem munditiam et perfectionem. — In avibus autem specialia quædam avium genera prohibentur, per quæ specialia peccata notantur. In aquila enim quæ altius volat, prohibetur superbia. In grypho, qui equis et hominibus est infestus, potentium crudelitas reprobat. In haliaëto, qui pascitur avibus minimis, designantur qui pauperibus sunt molesti. In milvo, qui pullis insidiatur, dolosi. In vulture, qui mortes et seditiones hominum cupiunt. Per corvos nigerrimos, hi qui voluptatibus denigrantur. Per struthionem, qui quamvis alatus sit, volare non valet, religiosi et clerici qui sæcularibus negotiis se immiscunt. Per nycticoracem de nocte clare videntem, hi qui in temporalibus sunt astuti, in spiritualibus hebetes. Per larum in aere volentem, atque in aquis natantem, hi qui cum Evangelio observant legalia, vel qui per contemplationem volunt volare, quum adhuc aquis concupiscentiæ seu fluctibus passionum immergantur. Per accipitrem hominibus deservientem ad prædandum, ministri qui potentibus obsequuntur ad pauperum depredationem. Per bubonem nocte alimentum quarentem, luxuriosi, præsertim adulteri, qui in suis actibus tenebrosis et obscenis quærunt latere. Per mergulum in aquis se diu abscondentem ut devoret pisces, gulosi qui in delectationum suarum humoribus se demergunt. Per ibim seu eiconiam serpentibus vescentem, invidi, qui aliorum adversitatibus tanquam serpentibus reficiuntur. Per eyenum album

et candidum, longo collo cibum trahentem ex terræ aut aquæ profunditate, hi qui per apparentem justitiam quærunt lucra terrena. Per onocrotalum, qui in folliculis suis cibaria colligit, et ea postea mittit in ventrem, signantur avari. Per porphyryonem, qui omnem cibum suum aquis intingit, hi qui juxta aliorum arbitrium nil facere volunt, sed solum quod fuerit tinctum aquis propriæ voluntatis. Per herodionem seu falconem, hi qui proni sunt ad sanguinem effundendum. Per charadriionem, quæ est garula avis, loquaces. Per upupam in cantu gemitum simulantem, tristes inordinate. Per vespertilionem circa terram volentem, hi qui sæculari scientia præditi, sola terrena sapiunt. Per quadrupedia repentia, hi qui doctrina quatuor Evangelistarum sic abutuntur, quod per eam ad amorem cœlestium non levantur. Hæc Thomas.

Itaque omnia præmemorata vitia devitemus, nec eorum impiis delectationibus reficiamur, nec eorum consortio qui talibus sordidantur, incorporemur. Quumque convenerimus, unus alium reficiat non animali immundo, hoc est non vitiosa narratione, non detractatione, nec levitatibus aut læsionibus aliorum, ut simus et nos animalia munda, proximos verbo et exemplo, oratione et fama salubriter reficientia. Nemo inficiat alium instar serpentium, nec instar rapacium avium aliena diripiat. Villissima ac sordidissima gula atque luxurie inquinamenta unusquisque jugiter detestetur. Iusuper simus animalia ruminantia, ungulamque findentia, ut juxta quod scriptum est, in lege Dei meditemur die ac nocte. Fidei quoque et scientiæ eorrespondet conversatio nostra, ne duplici condemnatione dispereamus : quoniam servus sciens voluntatem domini sui, et non faciens, plagis vapulabit multis et acrioribus. Sitque in omnibus rationabile nostrum obsequium, et discretionem regamur, quatenus decenter et secundum ordinem omnia fiant in nobis, et occasiones peccandi indesinenter vitemus, diligenti cordis custodia semper intenti.

Ps. 1, 2.

Luc. xii, 17.

Rom. xii, 1.

1 Cor. xiv, 40.

Nemo per arrogantiam se ipsum fatue A erigat, neque per ambitionem super confratres suos exaltari conetur, neque per cupiditatem et gulam, aut sensualem turpissimumque amorem sensibilibus et terrenis inhareat; sed per pedes animæ suæ, per desideria caritatis, per sanctas affectiones, per orationes et meditationes fervidas et sinceræ, Deo altissimo coherere, uniri, infigi conetur, satagat et non cesset. Nullus per consensum aut communionem illicitam tangat immunditiam alienam, et ita custodiat se, ne proximorum peccata cadant aut redundent in se ipsum. Nemo per invidiam, malitiam, nequitiam, scandalosamve actionem efficiatur animal venenatum; nec ad similitudinem talpæ et vesperilionis odiat lucem veritatis, splendorem justitiæ, manifestationem culparum suarum, correptionem et dignam castigationem ipsarum. Fictam justitiam, et omnem duplicitatem atque hypocrisim abominemur. Sicque omni torpore acedia prorsus evulso, Domino Deo nostro substantialiter et incircumscriptibiliter sancto, in omni C sanctitate et justitia, vel saltem in quotidiano profectu, incessabilique divinorum incremento charismatum serviamus, atque per hæc Patri nostro celesti, humiliter et ferventer ac ordinate assimilari nitamur.

Postremo, circa hæc loquitur Origenes : Primus eibus noster est Dominus et Salvator, qui ait : Caro mea vere est eibus ; et, *Joann. vi, 36, 41.* Ego sum panis vivus. Secundo loco, post ipsum, Petrus et Paulus, omnesque Apostoli. Tertio loco, eorum discipuli. Et sic unusquisque pro quantitate meritorum suorum et sensuum puritate, proximo suo mundus efficitur eibus. Arbitror autem illum ruminare, qui operam dat scientiæ, et in lege Domini meditatur assidue. Dividit autem ungulam, qui ea quæ legit secundum litteram, ad sensum revocat spirituales, atque ab infimis et visibilibus ad invisibilia et altiora conscendit. Sed si vita tua et actus tui non habeant discretionem, sed a fide tua et a verbis ac sermonibus discrepent, camelus es tortuosus ac deformis, quia aretam viam a spatiosa non segregas. Lepus vero est, qui inordinata formidine tremit. Iterum ait : De mundis et immundis animalibus scientiam desuper accepit Apostolus, quoniam quidem eminentiorem se et majorem non habebat in terris. Et sicut ex præcedentibus ac subsequentibus verbis Origenis ostenditur, hoc ipse de beatissimo Petro dissernit. Alia multa de his scribit Origenes in homilia, de quibus pertranseo, quia habentur magna ex parte in Glossa.

*Ps. i, 2.*

*Act. x, 13.*

## ARTICULUS XXVII

ELUCIDATIO LITTERALIS CAPITULI DUODECIMI : LOCUTUSQUE EST DOMINUS AD MOYSEN.

PRÆCEDENTI capitulo actum est de D immunditia quæ ab exteriori causa contrahitur. Nunc tractatur de ea quæ ab intrinseca causa est, et est hæc immunditia quadruplex : Prima, femine parientis, de qua nunc sermo ; secunda, lepræ ; tertia, fluxus seminis ; quarta, fluxus sanguinis.

*Locutusque est Dominus ad Moysen, dicens : Loquere filiis Israel, et dices ad*

*eos : Mulier si suscepto semine pepererit masculum.* Secundum Origenem, superflue Moyses addidisset, Si suscepto semine, nisi scivisset in spiritu virginem masculum parituram. Atque ut addit sanctus pater Bernardus, Moyses dicturus, Mulier si pepererit, immunda erit, timuit crimen blasphemie super Matre Christi incurrere : ideo addidit, Si suscepto semine. Hinc alii



dicunt, quod beata Virgo excepta fuit ab A ista lege, quia concepit et peperit sine virili semine. Quocirca Rabbi Paulus fideliter addit : Per hoc quod dicitur, Mulier si suscepto semine pepererit, Moyses intelligitur non solum excepisse eam quæ non suscepto semine peperit, sed etiam asseruisse, quod aliqua mulier absque conceptione seminis erat paritura. Alias conditio illa, Si suscepto semine, esset omnino superflua. Unde infra quum de partu feminae agitur, non additur talis conditio : sed simpliciter dicitur, Si autem feminam B pepererit : quoniam nulla feminam peperit, nisi suscepto semine.

*Immunnda erit septem diebus iuxta dies separationis menstrue*, id est eo modo quo immunnda est quæ fluxum menstrui patitur. Et ob hoc ab aliorum communione separatur, quoad lectum et cibum ac sanctuarium : imo et omne quod tangit, reddit immundum. Sic et femina pariens, fuit immunda primis septem diebus propter assiduum menstrualis sanguinis fluxum.

Gen. xvii.  
12.

*Et die octavo circumcidetur infantulus* C prout in Genesi legitur esse præceptum. Puella autem in lege scripta, quemadmodum et in lege naturæ, ab originali culpa purgabatur fide parentum. *Ipsa vero puerpera triginta tribus diebus* post illos primos septem dies, *manebit in sanguine purificationis suæ*, id est, domi manebit, nec exiet, et erit persistens in sanguine suo, aliquantulum sed nondum perfecte purgato. Unde in his diebus licuit ei a lecto surgere, et ire in domo, et aliis communicare in cibo et sede, non autem in D lecto : nec reddebat immunda, ea quæ tetigit. *Omne sanctum non tanget*, id est, nihil Deo oblatum aut consecratum licēbit ei manducare aut tangere, quia adhuc aliquantulum sustinet sanguinis impuritatem aut fluxum : *nec ingreditur sanctuarium*, scilicet atrium ejus in quod laici introibant, propter reverentiam sacri loci : *donec impleantur dies purificationis ejus*, videlicet usque ad quadragesimum diem. Nam et tot diebus secundum philosophos forma-

tur et organizatur corpusculum maris in utero matris, ut in Scholastica fertur historia. Verumtamen Beda super Joannem refert, quod secundum philosophos corpus maris in quadraginta sex diebus perficiatur.

*Sin autem feminam pepererit, immunnda erit* majori immunditia illa præfata, *duabus hebdomadibus*, scilicet quatuordecim diebus, *iuxta ritum fluxus menstrui*, id est, secundum quod observatur immunditia ista in patientibus fluxum sanguinis menstrualis, *et sexaginta sex diebus manebit in sanguine purificationis suæ*, sicut modo expositum est. Sicque in partu femellæ dies utriusque purificationis duplicabantur, et octoginta diebus purificatio complebatur, quoniam tot diebus (ut fertur) corpusculum filiæ formatur. In femellæ quoque conceptum est calor debilior, propter quod materiam tardius digerit, unde et impura materia prolixius consumitur ac purgatur.

*Quumque expleti fuerint dies purificationis pro filio sive pro filia* : quam scilicet purgationem necessariam habet propter generationem prolis, vel potius propter immunditiam generationi annexam et concomitantem : *deferet ad sacerdotem atque ad ostium atrii templi agnū anniculum in holocaustum*, id est ad hoc, quod Deo in holocaustum immoletur ad reverentiam ejus qui prolem concessit, *et pullum columbæ sive turturæ pro peccato*, ad ostium tabernaculi testimonii, et tradet sacerdoti. Hoc quidam exponunt de peccato, quod mater in concipiendo incurrit : quia etsi copula conjugalī fieri queat absque peccato, raro tamen contingit absque admixtione saltem venialis peccati. Quidam vero exponunt de originali peccato filiæ, nam filio fuit in circumcisione dimissum : quod non videtur idonee dictum, quia et filiæ fuit indultum per remedium ei conveniens, et præactum.

Aliqui autem dicunt, quod offerebatur columba illa aut turtur pro remissione peccati originalis præterita : quod repro-

bat Lyra, quum paulo post dicatur : *qui A offeret illa coram Domino, et rogabit pro ea sacerdos, et sic mundabitur a profluvio sanguinis sui.* Per quod patet, quod loquitur textus de mundatione matris, non prolis. Cui reprobationi opponit Rabbi Paulus, quod mundatio illa a profluvio sanguinis, non fuit mundatio a peccato mulieris in conceptu contracto, sed a quadam irregularitate immunditiae, ob quam non poterat sanctuarium ingredi, etc. Hæc demum reprobatio staret, nisi in textu apertissime diceretur, quod columbam si- **B** ve turturem offeret pro peccato. Attamen reprobatio Lyra videtur se ipsam perimere, quia revera mundatio a profluvio sanguinis, non fuit mundatio a peccato, sicut et Rabbi Paulus tangit. Unde quod dicitur, Orabit pro ea sacerdos, et sic mundabitur a profluvio, potest ita exponi, quod sacerdos offerens orabit pro muliere et remissione sui peccati, quod sive in conceptu, sive interim incurrat. Porro quod sequitur, Et sic mundabitur, etc., referendum est ad totum præcedens, utpote quod **C** puerpera per observantiam dierum utriusque purificationis suæ, et ceterorum quæ ei nunc iussa sunt, purificabitur a sanguinis seu seminis sui profluvio, ita quod propter profluvium illud præteritum, ultra non prohibebitur a sanctuarii introitu, a communione mariti quantum ad lectum, nec a contactu et esu immolatorum.

*Ista est lex parientis masculum aut feminam,* id est, præinductum præceptum concernit puerperam, tam eam quæ masculum, quam illam quæ feminam parit. **D** Fuitque eadem oblatio, sive masculum, sive femellam genuerat. Quocirea quæri posset, quot diebus durasset purificatio seu immunditia ejus, si simul masculum genuisset ac filiam.

*Quod si non invenerit manus ejus,* id est, ad offerendum non habuerit, *nec poterit* acquirere, neque offerre agnum, *sumet* duos turtures aut duos pullos columbarum, *unum in holocaustum, et alterum pro peccato ; orabitque pro ea sacerdos, et*

*sic mundabitur.* Hæc fuit oblatio pauperum. Unde et sacratissima Virgo in sua purificatione hæc immolavit : quo constat quod pauper erat, quamvis parentes ejus satis divites fuerint. At quæ in die Epiphaniæ copiosa Unico suo fuerunt munera a Magis oblata, ipsa creditur pauperibus erogasse, aut in pios usus expendisse. Denique holocaustum illud sive agnus, sive turtur, aut columba, offerebatur pro fetu : hostia autem alia pro parentis peccato. Atque ut Josephus addit, et ex textu Exodi patet, primogeniti præter hæc redimebantur **B** quinque siclis, primogenitis Levitarum exceptis.

Moraliter, mulier suscepto semine concipiens et pariens masculum, est anima rationalis, Dei sponsa et conjux Agni : quæ fecundante eam Spiritu Sancto lumine gratiæ seu verbo divini sermonis, concipit virile propositum, et illud perducit ad actum virtuosum, idoneum et constantem, juxta illud Isaïæ : *A facie tua concepimus,* **C** *et peperimus spiritum salutis.* Verumtamen mulier ista immunda est septem diebus : quia per omne tempus vitæ præsentis, universæ justitiæ nostræ sunt quasi pannus menstruatus, et in multis offendimus omnes. In octava autem mundatur, quia in resurrectione futura omnis defectus ab electis tolletur. Per quadraginta quoque dies purificationis, tempus penitentiae designatur, quia et Christus tot jejunavit diebus. *Si autem pepererit feminam,* id est propositum emendationis aut spiritualis profectus parvum ac debile, instabilemque executionem ipsius, reputatur immundior, et dupla purificatione est indigens : quia secundum mensuram peccati, debet et satisfactionis modus consistere. Postremo, quidam quasi theologicas et mysticas causas assignant, cur in partu femellæ diuturnior immunditia erat parientis, videlicet quod Deus honoravit in hoc sexum masculinum, quia humanam naturam in sexu illo decrevit assumere, et quia in transgressionem originalis peccati mulier culpabilior fuit.

Sensus moralis.

Is. LXVI, 17, 18.

Ibid. LXIV, 6, Jacob. III, 2.

## ARTICULUS XXVIII

DECLARATIO LITTERALIS CAPITULI TERTHDECIMI : LOCUTUSQUE EST DOMINUS  
AD MOYSEN ET AARON.

**D**E lepris et speciebus earum et cura-  
A tione, sacrificiisque pro earum pur-  
gatione offerendis nunc agitur. Dicit autem  
Magister in historiis, quod quatuor sunt  
genera lepræ. Primum in cute, secundum  
in capillis, tertium in veste, quartum in  
domo. Porro Origenes plenius distinguens,  
dicit in isto capitulo tangi sex species  
lepræ. Quem Isidorus sequens, ait : Inve-  
nimus legislatorem posuisse sex species  
lepræ in homine. Prima est barbæ et capi-  
tis, secunda calvitii et recalvationis, tertia  
carnis et cutis, quarta cicatricis albæ cum  
rubro, quinta ulceris, sexta adustionis. Ve-  
rum tamen in his speciebus, vel potius mo-  
dis, nomen lepræ æquivoce sumitur, sicut  
patebit.

*Locutusque est Dominus ad Moysen et  
Aaron, dicens : Homo in cuius carne et  
cute ortus fuerit diversus color, id est in-  
termixtus, et multum mutatus a naturali  
pristinoque colore, sive pustula. Pustula  
dicitur turgens et tumens collectio putre-  
dinis, in superficie carnis apparens, ab  
intra ascendens. Aliquando vero vocatur  
infirmetas, quæ hominem efficit putidum,  
a puteo, quod est foetere. Aut quasi lucens  
quidpiam, id est pars carnis ex corruptio-  
ne transparent, id est plaga, id est infir-  
mitas lepræ : quæ interdum a Deo in ul-  
tionem peccati infligitur, et ita est proprie  
plaga ; vel non sine justa permissione di-  
vinæ providentiæ oritur, estque læsio quæ-  
dam naturæ, et ita adhuc plaga vocari  
potest. Talis autem transparentia carnis  
ex corruptione humorum, est probabile  
atque communiter verum lepræ signum :  
idecirco quum dixerat, Aut lucens quid-  
piam, addidit, Id est plaga lepræ, non quod  
caro illa sit lepra, sed quia lepra est in*

*ea. Adducetur, vel sponte solus ibit ad  
Aaron sacerdotem, puta pontificem, vel  
ad unum quentlibet filiorum ejus, id est  
ad aliquem inferiorem sacerdotem, quem  
ad hoc deputaverit pontifex : et propter  
arduitatem hujus causæ, atque ob testi-  
monium perhibendum de discussione ac  
judicio sacerdotis, probabile est, quod co-  
mites aliqui adducebant talem infirmum  
ad sacerdotem : non tamen usque in atrium  
tabernaculi, quia suspectus fuit de lepra.*

*Qui quum viderit, id est esse cognove-  
rit, lepram in cute : transparentia namque  
præfata hoc indicat, præsertim quando ei  
junguntur et alia signa, de quibus subjun-  
gitur : et pilos in album mutatos colorem,  
capillos videlicet capitis, qui paulo ante  
fuerunt coloris alterius. Ita mutatio illa  
non venit ex senio, frigidityte, timore aut  
simili causa, quæ in se non est ægritudo.  
Ipsamque speciem lepræ, id est locum seu  
partem carnis aut cutis in qua est, humi-  
liorem, id est depressiorem seu profun-  
diorem, cute et carne reliqua : quæ depres-  
sio venit ex corrosione, qua lepra sua  
putriditate corrodit et partim consumit  
carnem aut cutem, in qua est. Plaga lepræ  
est indubitanter, et ad arbitrium ejus se-  
parabitur : id est, juxta judicium sacer-  
dotis leprosus a communi hominum habi-  
tatione et communicatione in vita civili  
removebitur.*

*Sin autem lucens candor de quo dictum  
est, fuerit in cute, nec humilior carne re-  
liqua, id est, caro seu cutis illa transpa-  
rens, non fuerit bassior partibus ei vici-  
nioribus, et pili coloris pristini manserint,  
non mutati alium in colorem : recludet  
eum sacerdos in domo ad hoc deputata,  
dictus septem, ad vitandum periculum, ne*



scilicet interim quis inficiatur ab illo, si forte leprosus existat : quia in dubiis, praesertim in causis et casibus periculosis, securior pars est tenenda. *Et considerabit suspectum de lepra die septimo ; et si quidem lepra*, id est id quod videbatur esse lepra seu signum leprae, *ultra non creverit* per profundationem, corrosionem seu depressionem sui subjecti, nec per pilorum mutationem in album colorem, *nec transierit in cute priores terminos*, se diffundendo aut pustulas pariendo, ita quod nec extensive nec intensive viderit eam auctam ; *rursus includet eum septem diebus aliis*, ut veritas interim ex effectu pandatur : quia in re tam periculosa et ardua, non est praecipitanda sententia, nec sine sufficienti examinatione veritatis proferendum iudicium. Propter quod Hesychius ait circa hunc locum : Non cito iudicemus, sed frequenter inquiramus.

*Et die septimo* hujus secundae reclusionis, *contemplabitur* sacerdos hominem illum. *Si obscurior fuerit lepra, et non creverit in cute*, id est, si cutis seu caro quae putabatur leprosa, non fuerit interim albior aut transparentior facta, sed in pristino colore permanserit, aut ab albore et translucencia priori parumper recesserit : *mandabit eum*, quantum ad manifestationem, id est, iudicabit eum esse immunem a lepra : *quia scabies est*, id est alia quaedam indispositio corporis minor lepra, et non infectiva, curabilis quoque. *Lavabitque homo vestimenta sua*, in signum suae munditiae, *et mundus erit* : id est, quia iudicatus est mundus a lepra. *Quod si postquam a sacerdote visus est*, id est consideratus, *et munditiae redditus*, id est mundus iudicatus, *iterum lepra creverit*, vel etiam quae latuit, de novo apparuerit, quia sacerdos poterat falli in iudicando de lepra : *adducetur ad eum*, puta ad sacerdotem, si manifesta et certa leprae indicia deprehenduntur in illo, *et immunditiae condemnabitur*, id est, legi leproso iudicabitur subjacere.

Consequenter agitur de lepra carnis sub cute contrafacta aut rupta. *Plaga leprae si*

*A fuerit in homine, adducetur ad sacerdotem, et videbit eum*, hoc est, leprosum diligenter considerabit. *Quamvis color albus in cute fuerit*, id est in pilis cutis, juxta sensum praehabitu. Unde subjungitur : *et capillarum mutaverit ad aspectum*, id est, albedo illa ex putrefactione interiori exorta, ostenderit capillos a pristino et naturali colore subito in alium mutatos colorem, scilicet in alborem ; *ipsa quoque caro circa apparuerit*, id est, cute jam rupta ex putrificante corruptione et corrosione, *B ipsa caro albescens et quasi transparentes* exstiterit : *lepra vetustissima iudicabitur atque inolita*, id est innata, *carni* \*, ita quod caro est quasi assuefacta hujusmodi infectione. *Contaminabit itaque eum sacerdos*, id est, immundum et leprosum esse dietabit, *et non recludet, quia perspicue immunditia est*, id est lepra, quae antonomastice immunditia nominatur, loquendo de immunditia corporali.

*Sin autem effloruerit*, id est foris longe ac late se fuderit, *discurrens lepra in cute*, id est scabies similis aliquantulum leprae : quae scabies ab imperitis lepra esse censetur. Sicque lepra in isto capitulo sumitur multum aequivoce. *Et operuerit omnem carnem*, id est totum hominis corpus, *a capite usque ad pedes inclusive*, aut etiam exclusive, *quidquid sub aspectu oculorum ceciderit*, omnes scilicet visibiles corporis partes ; *considerabit eum sacerdos, et tenei a lepra mundissima iudicabit*, id est, judicialiter dicet, quod perfusus sit scabie, quae non est lepra absolute, sed mundissima lepra, id est infirmitas quaedam curabilis, aliquid secundum apparentiam habens simile leprae : eo quod omnis cutis in candorem versa sit, id est tota caro, ita albescens absque quarundam partium corrosionem et putrida depressione : *et ideo homo mundus erit*, id est, a macula leprae iudicabitur alienus : nam et scabies illa suo pruritu putridos extrahit et consumit humores, sicque corpus purgatur per eam.

*Quando vero caro recens in eo apparuerit*, id est, dum in ipso infirmo rupta (ut

\* cuti

dictum est) eute, ipsa caro apparuerit lu-  
cens, juxta præhabitu sensum : tunc sa-  
cerdotis judicio polluctur, id est, immun-  
dus et leprosus esse monstrabitur, et inter  
immundos reputabitur. Caro enim rufa si  
lepra adspersitur, immunda est. Quod si  
rursum versa caro fuerit in alborem, et to-  
tum hominem operuerit, juxta modum et  
intellectum præfactos : considerabit eum  
sacerdos, et mundum esse a lepra decer-  
net : quoniam scabies est, et non lepra.

Sequitur de lepra ulceris, quod differt a  
vulnere, quoniam ulcus ex interiori pu-  
trefactione procedit, vulnus ab extra in-  
fligitur. Caro autem et cutis in qua ulcus  
natum est et sanatum, et in loco ulceris  
jam curati cicatrix apparuerit alba sive  
subrufa : adducetur homo ita dispositus,  
ad sacerdotem : qui quum viderit locum  
lepræ humiliorem, id est bassiorem seu  
depressiorem carne reliqua, et pilos versos  
in condorem, id est albefactos modo in-  
ducto, contaminabit eum, id est, leprosum  
esse definiet, quia plaga lepræ orta est  
in ulcere, id est in carne, in qua ulcus  
existit. Quod si pilus coloris est pri-  
stini, hoc est, si pili non fuerint in colore  
mutati, et cicatrix ulceris jam sanati fu-  
erit subobscura, sicut expositum est, et ri-  
cina carne non est humilior, id est de-  
pressior ex corrosione putredinis : recludet  
eum septem diebus. Et si quidem creverit,  
id est, si septimo die viderit sacerdos  
cicatricis lucentem alborem esse auctum  
in se, vel per extensionem diffusionem-  
que sui : adjudicabit eum lepræ, id est, le-  
prosum esse. Sin autem steterit albor ille  
in loco suo, ita quod non crevit per sub-  
jecti sui depressionem, neque per sui dif-  
fusionem : ulceris est cicatrix, id est non  
plus quam solitum ulceris curati vesti-  
gium, et homo mundus erit a lepra.

Subditur de lepra vulneris. Caro autem  
et cutis quam ignis crussit, id est cui vul-  
nus inflatum est seu læsio ab exteriori  
læsione, scilicet igne, per quem et alia læ-  
dentia dantur intelligi, ut ferrum, lapis et  
lignum, et sanata, albam sive subrufam

A habuerit cicatricem : considerabit eam sa-  
cerdos, hominem eam habente sibi adducto :  
et ecce si versa est cicatrix illa in alborem  
lucentem, et locus ejus reliqua carne hu-  
milior ex carnis corrosione : contaminabit  
eum, id est judicabit esse leprosum. Quod  
si pilorum color non fuerit immutatus,  
nec humilior plaga carne reliqua, id est,  
caro, in qua est illa cicatrix, non fuerit  
submissior... Reliqua autem quæ dicuntur  
in isto casu agenda, patent ex dictis : quo-  
niam in isto fit consideratio, sicut in aliis  
casibus præinductis. Secundum Guillel-  
mum libro de Fide et legibus, Lex cicat-  
trices vulnerum specialiter exhorruit, in  
suggilationem idololatriæ, qua ignis ab  
aliquibus colebatur. Cultores enim ignis, in  
venerationem ipsius, ustiones fecerunt in  
carnibus suis et cutibus, quemadmodum  
alii idololatræ incisiones. Accidit autem  
plerumque, ut vulnus ustionis fiat sanie  
fluens : ideo in hoc casu, propter corrup-  
tionem atque putredinem, nomine lepræ  
id designavit amator munditiæ Deus.

C Deinde subjungitur de lepra barbæ et  
capitis. Vir sive mulier in cujus capite  
vel barba germinaverit lepra : verumta-  
men lepra proprie dicta, non potest esse  
in barba, sed lepra extense seu similitu-  
dinarie sumpta : videbit eos sacerdos. Et  
si quidem humilior fuerit locus lepræ car-  
ne reliqua : quod de lepra capitis accipi  
debet, non barbæ, nisi per barbam intelli-  
gatur subjectum ipsius, in quo crescit  
et figitur : et capillus flavus, solitoque  
subtilior, id est, crines a pristino suo co-  
lore ac priori grossitie fuerint versi in  
flavum seu album colorem, et subtiliatio-  
nem materiæ suæ atque mollitiem : conta-  
minabit eos, judicando quod sint leprosi,  
quia lepra capitis ac barbæ est. Sin autem  
viderit locum macula æqualem ricinæ  
carni, non depressiorem, et capillum ni-  
grum, id est a suo naturali colore non  
immutatum, sive sit rubens, sive niger :  
unde (ut fertur) in Hebræo habetur, Et  
quavis non habeat nigros crines : reclu-  
det eum, scilicet virum, cui competit bar-

ham habere, quod mulieribus non solet competere, *septem diebus*. Unde quod dictum est, Vir sive mulier, in cuius capite vel barba, intelligendum est cum appropriatione : quia quod ait de capite, commune est viro et mulieri ; quod autem de barba, viro appropriatur.

*Et die septimo intuebitur. Si non creverit macula, et capillus sui coloris est :* sumendo capillum pro congerie seu multitudine capillorum ; *et locus plage, id est* præfatae maculae, de qua adhuc ambigitur an sit lepra, *carni reliqua æqualis ; rade-  
tur homo absque loco maculae, id est, pili* capitis seu barbae abradentur, demptis pilis in quibus est macula, vel qui stant in maculae loco seu carne : qui ad hoc stare simuntur, ut consideretur an lepra seu macula illa angebitur, et utrum diffundetur per carnem rasam : *et includetur septem diebus aliis. Si die septimo visa a sacerdote fuerit stetisse plaga in loco suo, et non diffusa, nec humilior carne illa reliqua :* mundabit eum sacerdos, id est, mundum a lepra pronuntiabit, *lotisque vestibus suis, mundus erit, id est, tanquam mundus* habebitur. *Si autem post emundationem præfata rursus creverit macula in cute capitis aut barbae, non queret sacerdos amplius, utrum capillus illius infirmi in flavam colorem sit commutatus, quia aperte immutabilia est, id est lepra, dum tamen alia præmemorata leprae indicia adsint. Porro si steterit macula, et capilli nigri fuerint, noverit hominem sanatum esse, et confidenter eum pronuntiet mundum. Vir sive mulier in cuius cute, vel in quorum pellibus candor, id est macula luens aut albor, apparuerit ; intuebitur eos sacerdos. Si deprehenderit subobscurum alborem, cui scilicet aliquid nigri aut rufi admisceatur coloris, sciat non esse lepram, sed maculam coloris candidi, et hominem mundum.*

Sequitur de lepra comæ sen cæsariei. *Vir de cuius capite capilli fluunt, calvus ne mundus est :* calvus, propter capitis nudationem a crinibus amplius non erescen-

ti-  
bus ei ; et mundus a lepra. Tale enim calvitium non fit ex putrefactione interiore et corrosiva, sed potius ex defectu humorum, ex quibus pili gignuntur seu aliis causis. *Et si a fronte ceciderint pili, id est ex opposita parte ; recalcaster et mundus est :* quemadmodum calvus, cuius pili ab anteriori capitis parte exciderint. *Sin autem in calvitio seu recalcatione, id est parte capitis ante vel retro calvata, albus vel rufus color fuerit exortus, hoc est color albus et luens, alter a priori et naturali colore, una cum præfata partis depressione ex corrosiva putriditate, et hoc sacerdos riderit ; condemnabit eum humiliter dubie, id est sine ambiguitate, leprae, quæ orta est in calvitio.*

Subditur, qualiter ab aliis distinguendi sint leprosi, vestitu, habitatione et incessu. *Quicumque ergo maculatus fuerit lepra proprie dieta, et separatus est ab hominum societate, convietu et mansione, ad arbitrium sacerdotis ; habebit vestimenta dissuta, id est facilia ad induendum vel ex-  
cendendum, seu in lateribus aperta, ut sine poena induat et exuat ea. Vel forte de exteriori intelligendum est tunica, ut sic cognosceretur. Caput nudum, ut discernatur ; os veste contactum, ne suo anhelitu sen odore inficiat alios ; contaminatum ac sordidum se clamabit vel ore, vel per ista indicia, per quæ cunctis satis patebit inquinatio ejus. Omni tempore quo leprosus est et immundus, solus habitabit extra castra, id est in domo seorsum, ita quod nullus sanus et mundus secum morabitur.*  
D Poterunt tamen leprosi cohabitare, sicut et modo, quia in eis ratio prohibitionis cessavit. Denique, quoniam lex ista per Moysen de leprosis statuta, videtur dura, quidam, ut Josephus recitat, dixerunt, et ipsum Moysen lepram incidisse, illisque similem factum, cum eis in Chananaeam venisse. Quod stultum est dicere, et Deo magis quam Moysi lex ista est adscribenda. Deus quoque in ea respexit ad bonum commune, quod præferendum est bono privato, atque per poenam et confusionem vitæ



præsentis, voluit in æternum salvare lepro-  
prosos. Verumtamen Hesychius dicit hic :  
Ridicula sunt hæc, secundum litteram in-  
terpretata. Ut quid enim de castris ejicitur  
leprosus, qui magis quam ante solatio et  
misericordia indiget ? Cur vestimenta ejus  
dissuuntur, caput nudatur, osque velatur ?  
Hæc Hesychius. Nihilominus absolute di-  
cendum, quod ista ad litteram jussa sunt  
propter rationabiles causas jam tactas.

Sequitur de lepra vestium : *Vestis lanea*  
*sive linea, quæ lepram habuerit in stami-*  
*ne atque subtegmene*, id est ex propriæ ma-  
teriæ interiori corruptione : stamen nam-  
que est tela, subtegmene materia quæ ei  
intexitur : *aut certe pellis, et quicquid ex*  
*pelle confectum est : si alba aut rufa macu-*  
*la fuerit infecta* ex interiori (ut tactum est)  
corruptione suæ materiæ, *lepra reputabi-*  
*tur* probabiliter, non tamen definitive aut  
certitudinaliter ante sacerdotis judicium.  
Ideo additur : *ostendeturque sacerdoti. Qui*  
*consideratam vestem recludet septem die-*  
*bus, et die septimo rursus adspiciens, si*  
*crevisse deprehenderit* maculam illam : *C*  
*lepra perseverans est*, id est, inhabituata  
censebitur. *Pollutum judicabit vestimen-*  
*tum omne* \* in quo fuerit iaventa : tan-  
quam subjective inhærens hujusmodi le-  
pra, quæ metaphoricè dicitur lepra, propter  
similitudinem quam ex sua corruptione ha-  
bet cum vera lepra : *et idcirco comburetur*  
*flammis* vestis talis, quia et ejus infectio  
disponit ad nocumentum utentis. *Quod si*  
*eam viderit non crevisse, præcipiet, et ex*  
*præcepto sacerdotis lavabunt id in quo*  
*est lepra*, id est partem vestis sic macula-  
tam, quia si ex lotione recedit macula, non  
est lepra : *recludetque illud septem diebus*  
*aliis. Et quum viderit quidem faciem præ-*  
*stinam non esse reversam*, id est partem  
illam lotam, ex lotione et desiccatione non  
esse reductam ad dispositionem bonam  
quam habuit antequam macula illa cepit  
oriri in ea, *nec tamen crevisse lepram* in  
ea : *immundum judicabit illud* sic lotum,  
nec tamen purgatum. Quum enim lotio ad  
ejus purificationem non prosit, signum est

quod ex interiori materiæ corruptione ma-  
cula illa sit orta. *Et igne comburet, eo*  
*quod infusa sit in superficie vestimenti,*  
*vel per totum lepra*, hoc est ob hoc, quod  
lepra illa ab intus fusa ac sparsa sit in su-  
perficie talis vestis, vel per totum, id est  
per soliditatem materiæ vestis ab una ejus  
superficie usque ad aliam inclusive.

Circa hæc scribit Lyra, hunc textum esse  
corruptum per scriptores, aut alio mo-  
do : quia hic agitur de lepra quæ videtur  
in parte vestimenti, et non per totum. Sed  
non oportet dicere textum esse corruptum,  
si quod dictum est, Vel per totum, intelli-  
gatur sicut modo expositum est de tota  
spissitudine seu soliditate vestis a super-  
ficie in superficiem : sicque convenienter  
exponitur, ad insinandum quod sive ma-  
cula illa appareat tantum in una superficie  
vestis, sive in utraque, immunda sit seu  
leprosa. Et non oportet exponere de toto  
per latum et longum, seu omnibus parti-  
bus vestimenti. Veritas autem litteræ est  
salvanda, quantum fieri potest. Asserit  
etiam Lyra in Hebræo haberi, Eo quod  
cavata sit in calvitio suo vel fenestra. Sed  
Rabbi Paulus contradicit, affirmans quod  
in Hebræo non fit mentio de fenestra, sed  
quod veritas Hebraica habeat sic. Eo quod  
cavata sit in calvitio vel recalvitio. Estque  
sensus, quod sicut homo dicitur calvus,  
ejus capilli defluunt a parte anteriori : et  
recalvaster, dum defluunt a parte poste-  
riori : sic lepra vestis accipitur hic pro  
calvitio vel recalvitio, secundum quod le-  
pra vestis contingit in ejus facie vel in dor-  
so. Hæc Rabbi Paulus, ejus expositio ex-  
positioni meæ prædictæ concordat. Sicque  
beatus Hieronymus magistraliter transtu-  
lit potius sensum e sensu, quam verbum  
ex verbo.

*Sin autem obscurior fuerit locus lepræ,*  
hoc est maculæ quæ lepra putatur, *post-*  
*quam vestis est lota*, ita quod tunc obscu-  
rius seu difficilius sit judicare de veritate  
lepræ ejus quam ante, eo quod macula il-  
la aliquantulum videatur recessisse a lucenti  
albore : *abrumpet eam, et a solido divi-*

det, hoc est, partem vestis sic maculatam A  
abrumpet a residua integritate, et abjiciet  
seu comburet. *Quod si ultra apparuerit  
in his locis vestimenti, quæ prius imma-  
culata erant a lepræ corruptione, lepra  
volatilis et raga*, id est discurrens seu in-  
terpolata; *debet igne comburi* tota hujus-  
modi vestis. *Si cessaverit lepra illa a veste,  
lavabit is* cujus est vestis, *aqua ea quæ  
pura sunt secundo*, id est partes vestis quæ  
altera vice inventæ sunt immunes a lepra,  
et munda erunt tam in se quam in alio- B  
rum reputatione. *Ista est lex lepræ vesti-*

*menti*, etc. Istud non est nisi epilogatio seu  
recapitulatio prædictorum.

Porro, ut dictum est sape, Deus voluit  
populum illum Hebræum suæ majestatis  
cultorem, a talibus exterioribus immundi-  
tiis in vietu atque vestitu cavere, ut sic  
admonerentur interiori puritati intende-  
re, et propter mysticas significationes is-  
torum, de quibus erit sermo in sequenti  
articulo. In litterali demum expositione  
sequentis capituli quædam dicentur, ex  
quibus sensus capituli hujus clarius inno-  
tescet.

## ARTICULUS XXIX

SPIRITUALIS EJUSDEM TERTHDECIMI CAPITULI INTELLECTUS.

QUAMVIS per lepram quodcumque mor-  
tale peccatum possit intelligi, propter  
quod sacerdos dicitur in confessione inter  
lepram et non lepram discernere: specia-  
liter tamen per lepram falsa doctrina, præ-  
sertim hæretica pravitas, designatur: quæ  
est languor animæ contagiosus, ac pluri-  
mos scandalizans. Nam sicut in lepra est  
colorum permixtio et lucens albedo, ita in  
falsis hæreticisque dogmatibus est falsita-  
tum cum veritatibus quibusdam conjun-  
ctio ac simulata religio. Rursus, per lepram  
hypocrisis proprie designatur. In hypocri-  
si namque est sanctitas ficta, vitiositasque  
realis.

*Locutus est ergo Dominus: Homo in cu-  
jus carne et cute ortus fuerit diversus co-  
lor sive pustula, aut quasi lucens quid-  
piam, id est plaga lepræ, adducetur ad  
sacerdotem.* Tunc in carne et cute hominis  
diversus oritur color, dum homo per cor-  
pus suum exercet aliquid justi ac boni, et  
item aliquid mali ac vitiosi. Per pustulam  
vero vitium indignationis et amaritudinis  
rite accipitur. Sed quidpiam lucens est  
vitium palliatum, speciem habens virtu-

tis. Qui itaque ista habet in se, ad supe-  
riorem suum sacerdotem ac confessorem  
est dirigendus seu adducendus, ut consi-  
deretur, examinetur, audiat, judicetur et  
expediatur per illum. *Qui quum viderit  
lepram in cute*, id est, ex peccatoris et  
subditi sui confessione seu propria discus-  
sione cognoverit illum vitiosa actione seu  
falsa instructione infectum; *et pilos in al-  
bum mutatos colorem*, id est, cogitationes  
cordis prodisse in actus apparenter lauda-  
biles, existentialiter vero vituperabiles: C  
*ipsamque speciem lepræ, humiliorem cute  
et carne reliqua*, id est, potentiam, in qua  
subjective est hujusmodi vitium, seu habi-  
tus vitiosus ex quo procedit, seu membrum  
quo exercetur, esse subactam ac subditam  
tali peccato, per consuetudinem pravam  
aut inclinationem, delectationem vel com-  
placentiam excessivam, magis quam cete-  
ra vires aut membra subduntur vitiis, quæ  
procedunt ex eis, aut fiunt per ea: *plaga  
lepræ est*, id est peccatum ita enorme, ut  
merito lepra vocetur, et quasi incurabile  
exsistat, quia in consuetudinem versum,  
nisi quod Medicus animarum omnipotens

illud curare potest: et recte vocatur plaga A lepræ, quia peccata nostra sunt culpæ in se, et pœnæ præcedentium vitiorum, animam quoque graviter ledunt.

*Sin autem lucens candor fuerit in cute,* id est, abstinencia, pallor, macies, labor religionis, et consimilia speciem lucis et virtutis habentia, appareant in conversatione hominis: *nec humilitas carnis reliqua,* id est, talia et si ex aliqua vanitate procedunt, aut enim vana gloria fiunt, non tamen sunt vitiose radicata, aut firmiter habituata in homine, ita quod naturalem B inclinationem potentiarum animæ ad virtutes non multum corroserunt, infecerunt, seu debilitaverunt: *et pili coloris pristini,* id est, interiores mentis conceptiones et affectiones non fuerint penitus sordidatæ, sed adhuc bene dispositæ ad fructificandum: *recludet eum sacerdos diebus septem,* id est, ei injunget pœnitentiam salutarem per certum tempus durantem, et a consortio iniquorum interim abstrahet eum, ne spectaculis, choreis, similibusque vanitatibus sit intentus, prout tempus luctus ac pœnitentiæ exigit. sacri etiam canones docent: *et considerabit die septimo,* id est, post tempus illud exactæ pœnitentiæ diligenter adspiciet ovem sibi commissam, qualiter conversetur deinceps. *Et si quidem lepra ultra non creverit,* id est, non recidivavit, nec iniquitatem iniquitati adiecit, *rursus includet eum septem diebus aliis,* id est, operam grandem denno adhibebit, ut præservet eum a pristinis malis, hortans eum assidue ad vitandum conventicula iniquorum.

*Et die septimo contemplabitur,* id est, post hæc rursus pensabit prælatus sive confessor, qualis interim factus sit subditus suus. *Si obscurior fuerit lepra, et non creverit,* id est, pravitas vitæ non est aucta in eo, imo recessit a pristina simulatione et apparenti justitia, *mundabit eum,* id est, fiducialiter dicet, quod subditus ille non sit incurabiliter vitiosus, nec tanquam rebellis abjiciendus vel excommunicandus, *quia scabies est,* id est huma-

na tentatio, vel peccatum ex fragilitate aut ex ignorantia, quod curationem admittit de facili. *Quod si postquam a sacerdote visus est, et munditæ redditus,* id est, si postquam a confessore est absolutus, seu a suo superiore castigatus atque purgatus, *iterum lepra creverit,* id est, graviter recidivaverit, et in pristinum usum perversum corruerit: *adducetur ad eum, et immunditæ condemnabitur,* id est, reus, ingratus et pejor quam ante erat, esse definitur: quoniam vulnera repetita plus nocent, dimissaque debita reexiguntur ab illo, et sunt novissima ejus pejora prioribus.

Luc. xi, 26.

*Sin autem effloruerit discurrens lepra in cute, et operuerit omnem carnem, considerabit eum sacerdos, et teneri a lepra mundissima judicabit, et idcirco homo mundus erit.* Per lepram hanc discurrentem, quæ operit omnem carnem, intelligitur venialium seu quotidianorum peccatorum congeries, a quibus nulla vis animæ, præsertim in qua virtus et vitium esse queunt, C immunis est: imo et omnia officialia corporis membra, talibus exstant obnoxia, quoniam exercentur per ea. Talis autem inquinatio est mundissima seu minima lepra, aliorum vitiorum respectu, præsertim eorum, quæ nec in præsentī, nec in futuro sæculo remitti dicuntur. Qui igitur sola venialia habet, mundus est, saltem a mortalibus, quæ proprie maculam ponunt in anima, nitorem gratiæ penitus auferendo. *Caro enim viva si lepra adspersgitur, immunda est.* Caro viva adspersgitur D lepra, dum membra nostra exhibemus arma iniquitatis peccato, atque luxuriæ et gula immunditiis deservitur.

Rom. vi, 13.

*Caro autem et cutis in qua ulcus natum est et sanatum,* Per ulcus intelligitur peccatum mortale, ex propria malitia, perversitate, aut fomite, vel inexcusabili ignorantia ortum: quo per pœnitentiam, et satisfactionem curato, manet cicatrix, quia reliquiæ manent de eo, scilicet pronitas ad peccandum, et debilitas resistendi, quæ sunt signa peccati præteriti. Si ergo in hac



ciatrice nascatur lepra, hoc est, ex pro-  
 nitate illa quis corrumpat in pristinum cri-  
 men, aut simile ei, vere lepra est animæ,  
 et eam inficiens. *Cura autem et cutis quam  
 ignis exussit, etc.* Per ignis exustionem seu  
 vulnus intelligitur culpa mortalis, quam  
 incidit homo a movente extrinseco, hoc  
 est a diabolica tentatione seu humana sug-  
 gestionem, adulationem vel comminationem, aut  
 penarum inflictionem. Post cuius curatio-  
 nem in ejus cicatrice oritur lepra, quando  
 reiteratur pravitas tanta.

*Vir sive mulier in cuius capite vel bar-  
 ba germinaverit lepra.* Per lepram capitis  
 potest intelligi iniquitas presidentis aut  
 propriæ mentis, quæ caput est animæ. Quod  
 si bonus subditus cognoverit superiorem  
 suum peccasse, potest, imo et debet, eum  
 caritative atque humiliter admonere, cor-  
 ripere. Quod si ille audire contempserit,  
 debet eum subditus, loco et tempore op-  
 portuno, generali alieni superiori deferre  
 et accusare, si gravitas culpæ, sive utilitas  
 boni communis hoc ipsum exegerit. Præ-  
 terea, propriæ mentis lepra sunt omnia vi-  
 tia virtutibus theologicis directe contraria,  
 peccata quoque in Spiritum Sanctum. Quid  
 autem est lepra barbæ, nisi effeminatio  
 cordis virilis? dum is qui in virtutibus  
 existit studiosus, et gustavit quam duleis  
 est Dominus, rursus infatuatur usque ad  
 vitia quæque carnalia, juxta illud Apostoli:  
 impossibile est eos qui semel illuminati  
 sunt, gustaverunt etiam donum ecclesie, et  
 participes facti Spiritus Sancti, gustave-  
 runt nihilo minus bonum Dei verbum, vir-  
 tutesque sæculi venturi, et prolapsi sunt,  
 rursus renovari ad pœnitentiam, rursus  
 crucifigentes sibimetipsis Filium Dei, et  
 ostentui habentes. Barba autem est signum  
 virilitatis.

*Vir sive mulier in cuius cute candor  
 apparuerit.* Per lepram cutis, exprimitur  
 exterior conversatio publicæ mala, et alios  
 scandalizans. *Vir de cuius capite capilli  
 fluunt.* Per lepram capillorum, accipitur vi-  
 tiositas cogitationum, quæ non refrenan-  
 tur ab intellectu, sed fluunt in eo per im-

manentiam, effluunt usque ad consensum  
 illicitum, pereffluunt usque in actum ma-  
 lignum, et in delectationibus secleratis  
 quiescunt. Unde ait Apostolus: Abundan-  
 tius oportet nos observare ea quæ audivi-  
 mus, ne forte pereffluamus. Vir de cuius  
 capite capilli fluunt, *calvus ac maculosus  
 est.* Sicut in capite materiali calvitium est  
 deforme, et ex pilorum defectu inducitur,  
 ita in intellectu et voluntate, si virtuosæ  
 cogitationes et affectiones elabuntur ac  
 cessent, deforme causatur calvitium et re-  
 B calvatio fœda: quæ tamen non sunt mor-  
 talia vitia, nisi desint cogitationes et affe-  
 ctiones necessarie ad salutem, et quæ sub  
 præcepto cadunt. Lepra vestis laneæ, est  
 spiritualis elatio, seu vana gloria, vitæ  
 contemplativæ se miscens: quæ si operi-  
 bus vitæ activæ se misceat, lepra est li-  
 neæ vestis: a quibus vitiis lavandæ sunt  
 vestes prælatæ.

*Quicumque ergo maculatus fuerit le-  
 pra, et separatus est ad arbitrium sacer-  
 dotis,* hoc est, qui pro sua enormi culpa a  
 C mystico corpore Christi, quod est Eccle-  
 sia, per excommunicationem propter me-  
 lius suum abjicitur, vel a grege sui prælati  
 excluditur: quod tamen hæreticis atque  
 schismaticis præcipue competit; *habebit  
 vestimenta dissuta,* quia ut ait Hiesychius,  
 in talibus non manet virtutum integritas,  
 et si virtutes aliquæ naturales sive infor-  
 mes in eis sint, dissutæ sunt et sublata a  
 nexu et copula caritatis, a nodo et filo ec-  
 clesiasticæ unitatis, a colligatione gratiæ  
 et virtutum, donorum et fructuum. Habe-  
 D bit etiam *caput nudum,* quia mens ejus  
 ornamento sapientiæ caret, et tegumento  
 communionis fidelium; *os veste contextum,*  
 quoniam alios docere et regere prohibe-  
 tur. Sicque ostendit se *contaminatum ac  
 sordidum* spiritualiterque mortuum; nec  
 potest salvari, nisi iniquitates suas confi-  
 teatur. Et quamdiu permanet talis, extra  
 castra morabitur: quia fidelium introire  
 ecclesias nullatenus sinitur, atque ad ma-  
 lignantium spectat ecclesiam, cum quibus  
 habet locum et societatem.

1 Petr. ii, 3.

Hebr. vi,  
4-6.1 Cor. v,  
12, 13.

## ARTICULUS XXX

EXPOSITIO LITTERALIS CAPITULI QUARTIDECIMI : LOCUTUSQUE EST DOMINUS AD MOYSEN.

**O**STENSO qualiter lepra sit cognoscenda, nunc praecipitur qualiter sit per oblationes expianda. *Locutusque est Dominus ad Moysen, dicens : Hic est ritus leprosi*, id est, legitima observantia circa eum qui fuit leprosus, *quando ab ea mundandus est : Adducetur ad sacerdotem, qui sacerdos egressus de castris Dei et hominum*, hoc est de locis sanctuarii et habitaculis Levitarum, ad eum. Et aliqui dicunt, quod leprosus venit ad portam civitatis de qua erat, vel usque prope domum sacerdotis : alii dicunt, quod venit ad locum non remotum a janua atrii templi. Videtur tamen quod leprosis licuit ingredi urbes, sicut in quarto Regum legitur de quatuor viris leprosis tempore Elisei. *Quum invenerit lepram esse mundatam*, id est, eum qui fuit leprosus, veraciter vel sacerdotis iudicio, quod tamen fallibile erat, esse curatum a lepra, vere autem secundum hominum aestimationem : *praecepit ei qui purificatur*. Si leprosus jam fuit mundatus, qualiter adhuc purificatur? Sed purificatur, id est, sacerdotis iudicio et ipsius sacrificio a lepra purgatus monstratur. *Ut offerat pro se*, id est pro sua culpa et divinae majestatis reverentia, ut infra tangitur, *duos passeris vivos quibus rescit licitum est* : ita quod aliunde non habeant impedimentum, scilicet immundi contactum, aut aliam irregularitatem legalem, qua incomedibiles fiant, vel qui non sint talis speciei, quod ex legis praecepto manducari prohibeantur : *et lignum cedrinum*, scilicet partem cedri, *vermiculumque*, id est rubeum filum, *et hyssopum*, scilicet

*herbam sic dictam.*  
*Et unum ex passeribus immolari jubet in vase fictili super aquas videntes, id*

*est scaturientes seu fluentes, quae scilicet ex ipsis videntur moveri, sicut in rebus animatis animal appellatur, quod habet in se principium vitae et motus : et ideo immolatio fiebat super eas in fictili vase susceptas, quia sunt mundiiores. Sacerdos faciet unum duorum passerum per alium sacerdotem ad Dei honorem offerri, atque occidi in fictili vase, super aquas recentes scaturientes : vel ipse idem sacerdos hoc aget, si alius desit aut hoc patrare non habeat. Alium autem vivum passerem, cum ligno cedrino et cocco, id est praefato vermiculo, et hyssopo, tinget in sanguine passeris immolati, quo sanguine adspersget illum qui mundandus est, quantum ad manifestationem, qui tamen re ipsa jam a lepra purgatus fuit, septies, ut jure purgetur, id est, legitime purgatus monstratur ac judicetur, et alii secum conversentur secure. Et dimittet sacerdos passerem vivum, ut in agrum avolet, ad alios passerem redeundo.*

*Quumque laverit homo vestimenta sua, per se ipsum, aut per ministrantium manum, radet omnes pilos corporis sui, ne quid infectionis pristinae inhareat illis, et lavabitur aqua : purificatusque modo praefato, ingreditur castra, id est, aliorum habitacula poterit introire, non tamen templum aut atrium, neque tabernacula Levitarum quodammodo sacra : ita dimittat, ut maneat extra tabernaculum suum septem diebus : ne si ingressus fuerit propriam domum, fiat ei occasio cognoscendi conjugem suam, a cujus complexu debuit abstinere usque ad consummationem suae purificationis, ne vel illa, aut fetus aliquam contraheret foeditatem. Et die septimo radat capillos capitis sui, barbamque et su-*

*percilia, ac totius corporis pilos*, qui post A prælatam abrasionem creverunt. Pili quoque ex humoribus corporis generantur: ideo qui ante completam purgationem creverunt, abradebantur, quum lepra sit infectiva et corrosiva pilorum. At vero doctores præcipui, qui in scriptis suis redegerunt et exposuerunt prægnantiora et difficiliora Scripturæ loca, ea quoque quæ prima facie videntur irrationabilia, circa hæc aliqua conscripserunt, quorum verba sunt commemoranda.

Itaque S. Thomas in prima secundæ, B questione 102: Per ritum, inquit, legis, leprosus non mundabatur, sed mundatus ostendebatur: sed purificari dicebatur, in quantum iudicio sacerdotis restituebatur consortio hominum, cultuique divino. Contingebat tamen quandoque, quod divino miraculo per ritum legis, lepra corporalis mundabatur, præsertim quando sacerdos decipiebatur iudicando de lepra. Huiusmodi autem leprosi purgatio fiebat dupliciter. Nam primo iudicabatur esse mundus: secundo restituebatur consortio hominum et C cultui Dei, videlicet post septem dies a prima purgatione. — Atque in prima purificatione obtulit duos passeris vivos, lignum cedrinum, vermiculum et hyssopum, ita quod filo illo coccineo pariter ligabantur passer vivus et hyssopus cum ligno cedrino, ad faciendum adpersorium ex eisdem, ejus manubrium fuit lignum illud cedrinum. Hyssopus autem et passer, intingebantur in sanguine passeris immolati in aquis vivis in vase fictili positis, quibus mixtus erat sanguis oblatis passeris. D Prædicta vero quatuor leprosus mundatus obtulit, contra quatuor lepræ defectus. Sunt enim in lepra putredo et fætor, insensibilitas et turpitudine. Contra fætozem offerebatur hyssopus, quæ est odorifera herba, et faciliter potest haberi: contra putredinem lignum cedrinum, quoniam cedrus imputribilis est naturæ: contra insensibilitatem passer vivus, qui est avis multum vivax et mobilis: contra turpitudinem coloris vermiculus, qui est rubei et

vivacis coloris. Offerebantur ergo hæc quatuor, ad immundum quod quatuor præfati defectus jam non erant in eo, qui fuit aut putabatur leprosus. — Porro die octavo admittebatur ad cultum divinum, et restituebatur consortio hominum: primo tamen rasis pilis totius corporis ac lotis vestimentis, quoniam lepra pilos corrodit, et vestimenta coinquinat. Adspergebatur etiam septies sanguine passeris immolati aquis intincto, ad designandum in eo perfectam emundationem a lepra. Nam septenario universalitas atque perfectio designantur. Offerebatur quoque passer unus in fictili vase, ad designandum humani corporis fragilitatem. Post hæc sacrificium offerebatur pro mundato, videlicet pro delicto ejus, quoniam lepra frequenter pro peccato inducitur: de ejus sacrificii sanguine tingebatur extremum auriculæ ejus, qui fuit leprosus, et pollices manus dextræ ac pedis, quia in his partibus lepra primo dignoscitur ac sentitur. Insuper adhibebantur huic ritui tres liquores, videlicet sanguis, contra corruptionem sanguinis in leproso, ad significandum quod corruptio illa cessavit in eo; oleum, ad exprimendum morbi curationem, quoniam oleo pietas et sanatio denotantur: et aqua viva, ad emundationem spureitiæ.

His verbis Thomæ concordant, quæ de ista materia scribit Guillelmus Parisiensis libro de Fide et legibus, et aliqua addit dicendo: Omnis lepra contrahitur ab aliquo quatuor elementorum, licet per medium aliquod quatuor humorum: ideo quatuor ibi adhibebantur, per quæ quatuor elementa signantur, videlicet cedrus, designans terram, quoniam cedrus est maxima plantarum, quas terra nutrit: vermiculus seu coccus his tinctus, ignem significans, quum sit rubei igneique coloris: hyssopus aquam signans, quæ abundat in hyssopo; et passer, aerem notans, ad insinuandum juxta litteram, quod ex quocumque quatuor elementorum lepra esset contracta, ipse Creator elementorum per prælatam adspersionem, et alia quæ circa hoc adhi-



bebantur, mundabat eam, et hoc quum A de janua atrii intelligendum videtur, quia leprosus ante consummationem suae purgationis non intravit loca sacrata. Sicque stabat extra et prope januam atrii, quod saepe nomine tabernaculi aut sanctuarii designatur. *Tollet agnum* unum de illis agnis duobus praedictis, *et offeret pro peccato*. hoc est remissione omnis peccati ejus qui fuit leprosus: vel specialiter pro peccato quo passus est, vel adhuc perpeti et incurrere posset lepram: *oleique sextarium*, id est oleum tantae quantitatis. Nam et oleum, pustularum et tumorum est curativum. *Et oblatis ante Dominum omnibus* jam praedictis, *immolabit agnum* de quo dictum est, vel alium, *ubi immolari solet hostia pro peccato, et holocaustum*, id est in loco sancto, puta in atrio super altare holocausti. *Sicut enim pro peccato, ita et pro delicto, ad sacerdotem pertinet hostia*, id est, hostia tam illa quae offertur pro peccato commissionis, quam illa quae pro peccato omissionis, venit in usum sacerdotis. Cujus tamen hostiae pars aliqua C incendebatur, ut dictum est saepe.

illis consonant quae de eadem materia super tertium scribit Albertus Magnus, atque ex horum verbis doctorum patent non solum praeducta hujus capituli verba, sed item pro magna parte sequentia.

*Et lotis rursus vestibus et corpore, die octavo assumet* leprosus mundatus, adhuc plenius, quoad manifestationem, mundandus, *duos agnos immaculatos, et ovem anniculam*, id est unius anni, *absque macula*, utpote immolaticiam agnam. Istud fiebat a divitibus, non a pauperibus, ut infra habetur. *Et tres decimas similiae in sacrificium, quae similia conspersa sit oleo*. Quid autem sit similia, quid decima pars ephi similiae, dictum est plenius in expositione litterali quinti capituli. Unde tres decimae similiae, dicuntur tres partes mensurae similiae, quae mensura vocatur ephi. Quantitatem tamen talium mensurarum, ut dictum est saepe, non valemus certitudinaliter noscere. *Et seorsum olei sextarium*. Sextarius est nomen mensurae, ejus quantitas apud diversos diversimode explicatur. Parum tamen continet sextarius olei: et oleum hujus sextarii, sminebatur seorsum praeter oleum quod similiae seu farinae triticulae mundissimae misciebatur.

*Quumque sacerdos purificans hominem, statuerit eum et haec omnia coram Domino in ostio tabernaculi testimonii: quod*

de janua atrii intelligendum videtur, quia leprosus ante consummationem suae purgationis non intravit loca sacrata. Sicque stabat extra et prope januam atrii, quod saepe nomine tabernaculi aut sanctuarii designatur. *Tollet agnum* unum de illis agnis duobus praedictis, *et offeret pro peccato*. hoc est remissione omnis peccati ejus qui fuit leprosus: vel specialiter pro peccato quo passus est, vel adhuc perpeti et incurrere posset lepram: *oleique sextarium*, id est oleum tantae quantitatis. Nam et oleum, pustularum et tumorum est curativum. *Et oblatis ante Dominum omnibus* jam praedictis, *immolabit agnum* de quo dictum est, vel alium, *ubi immolari solet hostia pro peccato, et holocaustum*, id est in loco sancto, puta in atrio super altare holocausti. *Sicut enim pro peccato, ita et pro delicto, ad sacerdotem pertinet hostia*, id est, hostia tam illa quae offertur pro peccato commissionis, quam illa quae pro peccato omissionis, venit in usum sacerdotis. Cujus tamen hostiae pars aliqua C incendebatur, ut dictum est saepe.

*Assumensque sacerdos de sanguine hostiae quae immolata est pro peccato* leprosi, puta de sanguine agni mactati, *ponet super extremum auriculae dextrae ejus qui mundatur, et super pollices manus dextrae et pedis: cujus rei causa est assignata; et de olei sextario mittet*, id est aliquid fundet, *in manum suam sinistram, tingetque digitum dextrum in eo*, unum videlicet digitum dextrae manus, *et adsperget septies coram Domino*, hoc est versus altare holocausti, in quo Dominus specialiter habitavit, in quantum ibi specialiter colebatur, et locus ejus fuit cultui consecratus: et fiebat septena contra Dominum adpersio, ad recognoscendum, quod perfecta curatio esset a Deo, vel ut ipse plene propitiaretur. *Quod autem reliquum est olei in terra manu*, hoc est in palma seu vola manus sinistrae, *fundet super extremum auriculae dextrae ejus qui mundatur*, hoc est, a lepra mundus esse monstratur, vel mundatur ab irregularitate contracta ex lepra,

delicto

hoc est ab inidoneitate intrandi atrium A sanctum. *Et super pollices manus ac pedis dextri.* Ratio horum prahabita est. Unde Parisiensis disseruit : In pollicibus illis, hoc est in sensibilitate eorum, lepra primum dignoscitur. Et ergo ipsa in capite et radice sua perenti, radicatusque purgari cognosceretur, ita praeceptum est fieri, ut idem esset ordo purgationis et infectionis. Forsitan autem et in extremo auriculae dextrae signum aliquod leprae consueverat apparere, quia pars illa valde sensibilis est. Haec Guillelmus. *Et super sanguinem qui fusus est pro delicto,* id est super sanguinem agni pro delicto leprosi fusum, linitum super praefatas partes membrorum sanguine attactorum, *et super caput ejus,* puta leprosi qui mundatur, quatenus sicut ante inessit capite nudo in signum leprositatis, ita nunc caput oleo perfunderetur in signum curationis. *Rogabitque pro eo sacerdos coram Domino, et faciet sacrificium pro peccato. Tunc immolabit holocaustum,* id est, unum praedictorum animalium offeretur pro leproso in holocaustum ad divinae reverentiam majestatis, a qua est omnis medela : *et ponet illud in altari cum libamentis suis,* id est liquidis materiis, quae simul cum animali incendebantur, videlicet cum simila oleata et vino, ut in Numeris plenius continetur.

*Quod si pauper est, et non potest manus ejus invenire quae dicta sunt,* hoc est, potestatem non habet offerendi duos agnos et agnam pro delicto ; *assumet agnum, etc., duosque tortures,* etc. Iste passus ex praedictis est clarus. Itaque etsi pauper fuit, tamen unum agnum oportebat offerre, et pro alio agno et agna duas praefatas aves, quae in terra filiorum Israel abundabant.

Ad intelligendum praedicta valet atque pensandum est, quod Magister in historiis scribit : Illic, inquit, proprie distinguitur sacrificium pro delicto, ejus sanguine liniebatur qui mundabatur, et sacrificium pro peccato, de quo nihil fiebat homini illi. Unde Moyses ait : Assumens sacerdos

de sanguine hostiae quae immolata est pro delicto, ponet super extremum auriculae, etc. Quum autem distinxisset agnum pro delicto, nec distinxisset quid aliorum duorum, videlicet agni et agnae pro peccato, et quid holocaustum fieret, innuit esse in arbitrio sacerdotis, de agno et ove annicula, scilicet agna, ut alterum pro peccato, alterum holocaustum fieret quod vellet. Verumtamen ultima pars dieti istius, non videtur posse salvari : quoniam circa exordium expositionis hujus voluminis et saepe deinceps prahabitu est, quod animalia feminei sexus non poterant offerri in holocaustum. Idcirco (ut reor) de his duobus animalibus Moyses non distinxit, quoniam ex praeductis certum reliquit, quod agnus, non ovis annicula, fuit in holocaustum offerendus.

Sequitur de lepra domus, de qua ultimo Moyses tractat, quoniam sacerdotes de ea non habuerunt judicare, quamdiu populus Israel in solitudine mansit, in qua in tentoriis, non in domibus, de quibus hic mentio, habitavit. *Locutusque est Dominus ad Moysen et Aaron, dicens : Quum ingressi fueritis terram Chanaan, quam ego dabo vobis in possessionem.*

Ad intelligendum hunc locum, qui prima facie videtur quasi ridiculose sonare, primo intuendum quod Thomas in prima secundae inducit, quaestione 102 : Erat in lege quaedam immunditia rerum inanimatarum secundum se, ut immunditia leprae in domo et in vestimentis. Sicut enim morbus leprae accidit in hominibus ex humore corrupto putrefaciente carnem et corruptente ; ita etiam propter aliquam corruptionem et excessum humiditatis vel siccitatis, fit aliquando aliqua corruptio in lapidibus domus aut vestimentis. Ideo hanc corruptionem vocat lex lepram, ex qua domus vel vestis judicaretur immunda, tum quia omnis corruptio ad immunditiam pertinebat, tum quoniam contra hujusmodi corruptionem gentiles colebant deos penates. Ideo lex jussit domos, in quibus erant tales corruptiones perseverantes, de-

strui, et vestes comburi, ad tollendum idolatriæ occasionem.

*Si fuerit plaga lepræ in aedibus*, id est præfata corruptio lepræformis, in materiis partibusque habitaculorum, *ibit is cuius est domus, nuntians sacerdoti, et dicet: Quasi plaga lepræ videtur mihi esse in domo mea*. Non sumitur nunc domus pro contentis seu commorantibus in ea. At ille, puta sacerdos, *præcipiet, ut effe- rant universa utensilia et consimilia de domo*; imo et homines ac jumenta exierunt, et extra eam manserunt ad tempus, in quo sacerdos judicavit, an domus esset leprosa: *priusquam ingrediatur eam, et videatur*<sup>\*</sup>, id est consideretur ab eo, *utrum leprosa sit ea: ne immunda fiant omnia quæ in domo sunt*, id est, irregularitatem quandam incurrant, qua inidonea sint applicari divino cultui, humanove esui, juxta modum quo dictum est, inanimata quoque immunda effici juxta legem: quæ si mansissent in domo illa tam diu, quod sacerdos judicasset domum esse leprosam, mox reputata fuissent immunda.

*Intrabitque sacerdos postea, ut consideret domus lepram*, quæ vel est, vel esse putatur lepra. *Et quum viderit in parietibus illius, aut certe in uno tantum pariete, quasi vorticulas pallore sive rubore deformes*, id est quasdam particulas ceteris partibus sibi vicinis depressiores, a pristino colore notabiliter turpiterque mutatas: ideo subditur, *et humiliores*, id est bassiores, *superficie reliqua*, secundum quod parva vallis est modicum bassior circumpositis locis: *egredietur ostium domus, et statim claudet eam*, et clausam dimittet *septem diebus*, loquendo de primo et septimo die synechocice et inclusive. Quemadmodum autem in hominibus talis partium infirmarum depressio, mutatioque coloris in lucentem alborem, signa sunt probabilia veræ lepræ, sic vorticulæ istæ sic discoloratæ in rebus inanimatis, quia utrobique ex corrosione corruptorum oriebantur humorum. Porro ex hoc quod domus dimittebatur sic clausa et vacua, po-

terat veritas melius deprehendi, quia ex diversis alterationibus aeris existentis in domo ab igne ac aliis motibus commorantium in eadem, crebro minui potest ac reprimi excessiva humiditas ac siccitas, quæ in parietibus causat hanc lepram. Hinc domus quæ non inhabitantur, velocius deteriorantur.

*Reversusque die septimo, considerabit eam*. *Si invenerit crevisse lepram*, id est præfata corruptionem seu signa ipsius præfecta, puta vorticulas pallore aut rubore lædatis, ita quod vorticulæ illæ sint præ solito profundatæ et innaturaliori colore perfusæ: *jubebit erui lapides in quibus lepra est*: et quod de lapidibus dicitur, de aliis quoque materialibus seu integralibus partibus, in quibus apparuerit talis lepra, datur intelligi: *et projici extra civitatem, aut etiam villam, in locum immundum*, ne ad alicujus mundi infectionem disponant. *Domum autem ipsam jubebit eadi intrinsecus per circuitum*, ut si forte quid immunditiæ aut corruptionis coeperit esse in ea, sic abrasatur, *et spargi pulverem rasuræ extra urbem in locum immundum, lapidesque alios reponi*, ut domus reformetur, et subveniatur domino domus, cum damno quo fieri potest minori. *Sin autem post talem reformationem, postquam eruti sunt lapides, et pulvis elatus, et alia terra lita, ingressus sacerdos, viderit reversam lepram, lepra est perseverans, et immunda domus: quam statim destrui faciet*, ne et habitantes in ea, aliquo modo lædantur seu inficiantur ex ea, atque ob aliam causam præhabitam. *Qui intraverit domum talem ante ejus destructionem, quando clausa est a sacerdote causa discutendi lepram ipsius, immundus erit usque ad vesperum*, sicque purgabitur transitu temporis. *Et qui dormierit in ea, aut comederit quidpiam*, quod est plus quam solum intrare, *lavabit vestimenta sua*, quia immunditia sua non solo temporis fluxu, sed et lotionem vestimentorum purgatur. Quid autem fuerit immunditia illa, dictum est sape. Præterea

<sup>\*</sup> videat



queri posset, an et sacerdos eam causa A considerandi ingrediens maculabatur, sicut et ille qui aqua expiationis alios adspergebat? Et videtur, quod iste magis quam ille.

*Quod si introiens sacerdos viderit lepram non crevisse in domo, postquam de-  
mum lita est, purificabit, id est, puram  
judicabit eam, reddita sanitate, id est le-  
prae illius expulsionem seu pristina habitu-  
dine bona; et in purificatione ejus sumet  
duos passeret, lignumque cedrinum et ver-  
miculum atque hyssopum: quae omnia B  
dominus domus feret ad sacerdotem. To-  
tum vero quod in textu subjungitur de  
ritu purificationis istius, patet ex dictis  
de purificatione hominis leprosi.*

Sequitur epilogatio brevis. *Ista est lex  
omnis leprae et percussurae, videlicet le-  
prae vestium et domorum, cicatricis et  
erumpentium papularum, lucentis macu-  
lar, et in varias species coloribus immutu-  
tis, ut possit sciri, quo tempore mundum  
quid vel immundum sit: in quibus verbis  
tanguntur enumeratae species leprae. Papu- C  
la autem vocatur parva et ulcerosa cutis  
erectio, seu modicum ulcus in cute, quod  
poenam scabiemque inducit.*

Præterea, pro clariori hujus ae præce-  
dentis capitulorum intelligentia, adverten-  
da sunt diligenter verba Guillelmi, in libro  
sæpe præallegato dicentis: Seire oportet,  
quod nomen leprae hic sumitur non juxta  
propriam intentionem. Lepra enim pro-  
prie letalis prurigo est, et quasi cancer ul-  
ceris, ab intimis fontibus serpens, et corru-  
ptionem in totum corpus diffundens. Quod D  
autem multum abusive sumat lex lepram,  
patet ex serie textus, qui lepram primo  
nominat scabiem, deinde nominat lepram  
in cute operientem totum corpus, quam  
vocat lepram mundissimam, et eum qui  
habet illam, asserit mundum. Nihil autem  
aliud hic accipiendum est sub nomine le-  
prae, nisi deformitas quæ notabilem atque  
abominabilis cohabitationis faciebat homi-  
nem. Voluit autem Deus populum suum  
et castra ejus non solum munda esse, sed

etiam apparere, propter honorem suum et  
gloriam. Et ut in hoc populus suis ceteris  
gentibus præmineret, voluit quoque popu-  
lum suum cavere non solum a contagio  
morbi hujus, verum etiam a suspitione con-  
tagii. Porro de coloribus et inequalitate  
entis, an sint signa verae leprae, non tam  
ars medicinae quam experientia consulen-  
da est: hi quoque qui diu cohabitaverunt  
leprosis, eosque diducare consueverunt.  
Verumtamen nullatenus dubitandum est,  
quin signa quæ lex ponit, sint vera signa  
passionum, quas lex immunditias et le-  
pras indicat esse. — Lepra vero in capillis  
et pilis, duobus intelligitur modis. Et pri-  
mo vera lepra est allapitia\*, quæ easum  
capillorum efficit et pilorum, ita etiam ut  
per eam supercilia depilentur: quæ spe-  
cies nota est medicis, sicut et aliæ. Secunda  
est morbus corrosivus pilorum et capillo-  
rum, consumens et putrefaciens paulatim,  
quemadmodum cancer carnem: et non  
operatur hæc easum pilorum, sed consum-  
ptionem. Similis quoque huic passioni est  
lepra in pelle et vellere. Est namque pas-  
sio corrosiva pilorum et substantiæ pellis.  
Similis etiam passio invenitur in parieti-  
bus atque lapidibus, scilicet corrosiva: et  
super hoc ante multos annos fuimus inter-  
rogati de quodam lapide, qui in se ipso  
in quadam abbazia ita consumitur, quod  
dicunt eum cancerosum. Non est autem  
mirum si quod fit in uno lapide ex abun-  
dantia siccitatis, contingat in congerie  
lapidum et cæmento seu in pariete. Hoc  
idem fieri videmus in lignis. — Has igitur  
passiones in vestibus et domibus lex hor-  
ruit, tum propter salubritatem utentium,  
tum propter vitandam idololatriam, qua  
pro his passionibus colebantur dii penates  
et lares, ut vel eas auferrent, vel ne eas  
inferrent. Voluit ergo Deus ut ad sacer-  
dotes suos pro his passionibus recurrere-  
tur, et abrasionibus atque combustionibus,  
ablutionibus et expiationibus mundaren-  
tur. Aquam vero expiationis ideo per  
sacerdotes voluit adhiberi, ut hujusmodi  
dæmonia exterminarentur. Novo quoque ri-

\* alopecia

tu voluit istas munditias fieri, ut a ritibus A superstitionis elongaret populum suum. Hæc Guillelmus.

Postremo circa illud, Quum ingressi fueritis, scribit Lyra : Lepra proprie esse non potest in domo, quoniam solum animal susceptivum est sanitatis et infirmitatis. Causa vero quod talis corruptio domus, dicitur lepra similitudinarie, est, in quantum potest habitantes in domo inficere. Contra hoc scribit Rabbi Paulus : Licet solum animal est susceptivum sanitatis et infirmitatis, tamen cibus dicitur sanus, et B medicina vocatur sana, in quantum sanitatem conservant sive efficiunt : et talis modus dicendi non est metaphoricus seu similitudinarius, quoniam sanitas quæ significatur per cibum aut medicinam, est vera sanitas : idcirco quum domus vocatur leprosa, non similitudinarie dicitur, sed effective, quoniam causat lepram in his qui morantur in ea, si ad hoc dispositi sint. Hæc Paulus.

Circa quod dicendum videtur, quod modus loquendi metaphoricus, et modus lo- C quendi causalis, sive per causam, secundum quod sol dicitur calidus, possunt in eadem oratione secundum diversas considerationes concurrere. Verum est tamen, quod verbum illud Lyra, Causa cur aliqua corruptio

existens in domo, dicitur lepra similitudinarie, est, in quantum potest habitantes in ea inficere, est aliquantulum inconsiderate prolatum : quia loquendo formaliter, non ideo dicitur aliquid similitudinarie, quia causat seu efficere potest : imo hoc modo prædicatur de aliquo effective, secundum quod tetigit Rabbi Paulus. Cujus tamen verba etiam pro parte reprehensibilia comprobantur : quia in proposito domus dicitur leprosa, non solum effective seu causaliter, sed etiam similitudinarie : quia corruptio quæ in domo vocatur lepra, non est veraciter lepra, sed lepra vocatur propter similitudinem, quam habet cum vera realique lepra. Nam sicut lepra in animali causatur ex elementarium qualitarum corruptione, estque fœda et infectiva deformitas : ita in domo et vestibus proportionaliter fœditas ista dicitur lepra propter similitudines istas, secundum quod pratum fertur ridere, et mare fervere. Et hoc præallegata verba Thomæ et Guillelmi evidenter prætendunt : nec hoc impedit aliquid de alio similitudinarie dici, quoniam id quod in uno est, non realiter significat aliud quod vere est tale : sed sufficit, quod id quod in alio exstat, realiter in ipso esse dicatur propter similitudinem quam habet cum illo.

## ARTICULUS XXXI

### EXPOSITIO SPIRITUALIS EJUSDEM CAPITULI QUARTIDECIMI.

**L**OCUTUSQUE est Dominus : Hic est D *Lritus leprosi quando mundandus est : Adducetur ad sacerdotem, qui egressus de castris, etc.* Quid designetur per lepram, et per diversas species ejus, in præcedentis capituli expositione tropologica est inductum. Porro quæ nunc de mundatione dicuntur leprosi, aperte præfiguraverunt ea, quæ fiunt circa interiorem curationem

spiritualiter leprosorum, puta eorum qui mortalibus premuntur peccatis. Quemadmodum enim ad purificationem legalis leprosi non sufficiebat, quod vel miraculose vel aliter curatus fuit a lepra, quam vel realiter habuit vel opinabiliter : sed oportebat eum ad sacerdotem venire, et considerari ab eo, atque ipsius sacerdotis iudicio, sacrifice et oratione purgari

seu purgatum manifestari : ita in evangelica lege non sufficit peccatoribus, in secreto per contritionem et gratiam absolvi et emundari a mortalibus culpis a Deo : sed venire et confiteri sacerdoti tenentur tempore opportuno, si adsit facultas, et audiri, judicari, absolvi, ac mundatos ostendi ab ipso per orationes ipsius et satisfactiones, quas velut sacrificia quadam Deo offerenda injungit confessis. Verumtamen circa præfatam spiritualem mundificationem plus aliquid evangelicus agit sacerdos, quam circa corporalem mundationem fecit sacerdos legalis : quoniam sacramenta evangelicæ legis, medicinalia vasa sunt, gratiæ contentiva, et efficiunt quod designant : quod veteris Testamenti non convenit sacramentis. Verumtamen sicut in veteri lege aliquando speciali miraculo contigit, quod leprosus per sacrificia illa et observantias mundabatur a Deo de lepra, a qua sacerdos erronee judicavit eum jam ante purgatum : ita frequenter in novo accidit Testamento, ut confitens qui usque ad confessionis suæ exordium aut etiam prosecutionem, solam habuit attritionem, in ipsa confessione et ejus ritu ac consummatione acquirat veram contritionem virtute ipsius sacramenti, et vi elavium, atque oratione et absolutione confessoris : imo per hæc purgatur et partim a reatu sen obligatione ad penam, ita quod non solum dimittitur ei culpa, sed etiam aliquid debite penæ.

Præterea, per hoc quod sacerdos exivit de castris ad mundandum, usque extra templum et atrium, figurabatur quod peccator, quamvis secrete contritus, non sit ad sacram communionem admittendus, quousque modo præfato absolvatur a confessoris : imo pro quibusdam excessibus ab ingressu arectur ecclesiæ, quousque per ministros Ecclesiæ reconcilietur. Insuper, sicut legalis sacerdos ei quem videbat purgatum a lepra, præcepit, ut offerret pro se *duos passeris vivos*, quorum unus occideretur, alter vivus avolari permitteretur : sic confessor tempore gratiæ confesso

A quem pie credit per contritionem a lepramentis purgatum, injungit, ut Deo pro satisfactione offerat proprium corpus, illud salubriter per rigorem jejunii, abstinencias, vigiliis, disciplinas, labores mortificando, sensitivamque animæ partem rationi fortiter subjugando, ut sic ad altitudinem spiritualium exercitiorum et opera virtutum moralium assuescat ascendere : quibus passeribus addet *lignum cedrinum*, id est dominicæ crucis vexillum, *coccum* quoque, id est sanguinis Christi pretium, et *hyssopum*, id est bonæ famæ odorem, seu internæ compunctionis suavitatem, et rorem gratiæ Dei, quibus pectus animæ emundatur a noxiis carnalium desideriorum humore. Passerem vero *vivum tinget in sanguine passeris immolati*, quoniam exercitia sensitivi appetitus fiunt Deo acceptabiliora, dum eis mortificatio jungitur carnis.

*Quicumque laverit homo vestimenta sua*, id est, virtutes suas et actiones procedentes ex illis, per lacrimas contritionis et devotionis a venialibus culpis admixtis purgaverit : *radet omnes pilos corporis*, id est, universas cogitationes, affectionesque pravas abjiciet, *et lavabitur aqua*, id est, fluentis sapientiæ salutaris intellectum suum rigabit, imo a Domino rigari orationibus obtinebit, dicendo : Redde mihi lætitiā salutaris tui. Et, *Faciem tuam illumina super servum tuum*, *Purificatusque ingreditur castra*, id est, sanctorum cœtibus incorporabitur, et sacra participabit mysteria, ita dumtaxat, ut maneat extra tabernaculum suum septem diebus. Tabernaculum istud intelligi potest pax pectoris, extra quam manet contritus, quousque septem mortalium vitiorum exstirpet reliquias, impugnationes et inquietudines : sicque corde jam tranquillato in Domino, immoretur et vacet divinis, *Et die septimo radat capillos capitis, barbamque et supercilia*, id est, rursus deplangat culpas quas interim incidit, et vanæ gloriæ tentationes ac ceteras animæ distractiones, quas et tunc incurrit quando virtuosius exercitiis

Ps. i, 14.

Ps. cxviii, 135.



ac spirituali militiæ insudavit, sicque ad A pectoris pacem pertinget.

*Et lotis rursus vestibus et corpore, die octavo assumet duos agnos immaculatos, et ovem anniculam absque macula.* Oportet enim, propter quotidiana peccata, vestes animæ et totius conversationis corpus sive congeriem lavari assidue per confessionem, in qua cuncta mundantur, et frequentissimam compunctionem, contritionem ac veniæ implorationem, a malis quæ bonis nostris miscentur : sicque deinceps Deo offerre duos agnos immaulatos, id B est intellectum et superiorem animæ appetitum sinceriter reformatos, fide quoque, spe, caritate et septem donis Spiritus Sancti ornatos : et ovem anniculam absque macula, hoc est intellectualem memoriam circa divina stabiliter occupatam. In his etenim viribus, æternæ et increatæ superbenedictæque Trinitatis imago consistit, et resplendet in nobis : ideoque per harum actus potentiarum, debemus superessentialem et supergloriosissimam Trinitatem præcipue colere, eandem mundo intelle- C ctu assidue contemplando, amorosa voluntate ardentem amando, atque his actibus per reformatam memoriam stabiliter inhærendo. Quibus sacrificiis debemus simillam oleatam, id est virtuosam operationem exteriorem, devotionis suavitate formatam, oleique sextarium, id est opera misericordiæ circa proximos, moderate ap-

ponere, et Domino voluntarie sacrificare tam intuitu suæ superdignissimæ maiestatis, quam ob nostrarum remissionem culparum, et propter divinorum impetrationem charismatum. Porro, per positionem sanguinis sacrificii super extremum auriculæ, et super pollices manus ac pedis designatur, quod peccator de cetero debet cum omni obedientia verbum Dei audire, virtutum opera exercere, et sanetis desideriis æstuaræ. *Quod si pauper est,* offerre præcipitur enim agno par turturum, aut *duos pullos columbarum*, de quorum significatione dictum est sæpe.

*Si fuerit plaga lepræ in aedibus.* Per plagam lepræ domus, intelligitur infectio totius alienjūs congregationis per culpam mortalem, præsertim per hæreticam pravitatem, aut schismatis divisionem sive hypocrisim. Si ergo hanc lepram aliquis de ovili, seu inferior præsidens, viderit, statim ex caritate et zelo justitiæ debet prælato denuntiare, qui mox debet gregem accedere, considerare, discutere, et lapides infectos ernere, id est personas sic vitiosas corripere, emendare, et si obtemperare renuerint, rebelles et induratos segregare, atque in publica pœnitentia constituere tales : alioqui tanquam ethnici essent habendi. Si vero congregatio rursus inficiatur ac induretur, est tanquam leprosa censenda, dissipanda, et igne excommunicationis percutienda.

## ARTICULUS XXXII

EXPOSITIO CAPITULI QUINTIDECIMI : LOCUTUSQUE EST DOMINUS AD MOYSEN.

**D**E immunditia fluxus seminis in viro D et femina nunc tractatur. *Locutusque est Dominus ad Moysen et Aaron, dicens : Vir qui patitur fluxum seminis, immundus erit,* durante hujusmodi fluxu, imo et post ad tempus : et immunditia ista non

erat culpa in se, nec semper conjuncta culpæ, et interdum venit ex inculpabili causa : sed fuit immunditia corporalis, quia et fluxus ille in se ipso corporaliter fœdus est, et erat irregularitas quædam, ab ingressu templi et atrij ejus impediens :

de ejus rei causis infra dicetur. *Et tunc A* judicabitur huic vitio, id est defectui, subiacere, secundum quod vitium extense accipitur : nam et animalia ad immolandum inepta ex monstruositate, dicebantur sic vitiosa : *quum per momenta singula adharserit carni illius, atque conererit fœdus humor, ex seminis quadam resolutione in extremitate membri virilis.* Nec solum fuit talis immundus in se, sed alia quoque etiam inanimata fecit suo contactu immunda. *Omne stratum in quo dormierit, immundum erit, et ubicumque sederit, immundum erit.* Si quis hominum tetigerit lectulum ejus, lavabit vestimenta sua, etc. Textus est planus, *Sagma super quod sederit, immundum erit.* Sagma est stratura equi aut asini, scilicet sella, quod super jumentum ponitur ut equitetur. Hæc ergo inanimata sic erunt immunda, quod non poterunt venire in usum humanum ante eorum purgationem. Hinc subditur : *et quidquid sub eo fuerit qui fluxum seminis patitur, pollutum erit usque ad vesperum. Qui portaverit horum aliquid, lavabit re-* C *stimenta sua :* sicque et illa ulterius immundum fecerunt tangentem. *Omnes quem tetigerit qui talis est, utpote maculatus ex contactu rei illius inanimatæ, immundæ ex contactu viri seminiflui, immundus erit : vel potius, Omnis quem tetigerit qui talis est, utpote semine fluens, non lotis manibus suis, lavabit vestimenta sua.*

*Si sanatus fuerit qui hujusmodi sustinet passionem, id est, fluxus et fœditas illa in ipso cessaverint, numerabit septem dies post emundationem suam, id est a die quo D* coepit in eo cessare immunditia illa. *Et lotis vestibus ac toto corpore in aquis viventibus, id est scaturientibus aut fluentibus, quatenus ibi removeretur, quidquid de reliquiis illius fœditatis mansisset coherens vestimentis, præsertim inferioribus, et corpori. Et quia hic dicitur, In aquis viventibus, videtur, quod lotionem illam fieri non oportuit per aquas adspersionis. Erit mundus. Die autem octavo, ab eo die quo immunditia illa coepit cessare,*

*A sumet duos turtures aut duos pullos columbar, et veniet in conspectu Domini ad ostium tabernaculi testimonii, dabitque eos sacerdoti : qui faciet unum pro peccato, et unum in holocaustum illius mundati.* Nam interdum ex priori culpa oritur passio illa, imo interdum ex assidua imaginatione lasciva, et tunc est non medio-criter vitiosa. Alter in holocaustum ad reverentiam Dei, a quo est omnis purgatio atque munditia. *Rogabitque pro eo sacerdos coram Domino, ut emundetur a fluxu B seminis sui.* Jam dictum est, quod per septem dies fuit a fluxu illo sanatus atque mundatus : quomodo ergo octavo die orabit pro eo sacerdos ut inde purgetur ? Respondendum, quod emundatio ista quæ fiebat octava die, intelligitur vel de pristina emundationis manifestatione, vel de emundatione a culpa, ex qua fluxum illum sustinuit, vel ne de cetero eam sustineat. Convenienter quoque pro emundatione ab impuritate præfacta, offerebantur aves præfata, in quibus castitas commendatur.

*Vir de quo egreditur semen coitus, id est, qui coeundo effuderit semen, lavabit aqua omne corpus suum, etiam si fuerit coitus copulæ conjugalis : et immundus erit usque ad vesperum, ita quod illo die non poterit sanctum ingredi locum. Vestem et pellem quam habuerit, lavabit aqua, et immunda erit usque ad vesperum. Quamvis enim in matrimoniali concubitu possit deesse peccatum, raro tamen fit sine culpa : estque semper in eo corporalis pollutio. Mulier cum qua coierit, lavabitur, id est, se ipsam lavabit aqua, vel hoc fiet per alium.*

*Mulier que redeunte mense, id est novo mense adveniente, patitur fluxum sanguinis menstrualis, septem diebus separabitur, id est amota et prohibita erit a sacri loci ingressu, sacrificii esu, nec licebit communicare cuiquam cum ea in cibo, potu, aut strato. Certumque est, quod cunctis diebus quibus patitur sanguinis hujus fluxus, sit immunda et separanda. Verum quod dictum est de ejus separatione, vide-*

tur intelligendum juxta præhabita de septenario dierum, cessationem fluxus illius sequentium. Dicitur autem mulieribus consuetudinarium, ut a tempore quo concipere queunt, usque ad tempus quo desinunt eis muliebria fieri, et concipere nequeunt, quolibet mense menstrualis patiantur sanguinis fluxum, nisi interdum infirmitas aut conceptus impediatur. *Omnis qui tetigerit eam*, scilicet aliquod ejus membrum aut vestimentum, aut quod ex illius contactu pollutum est, *immundus erit usque ad vesperum. Si coterit vir cum ea tempore sanguinis menstrualis, immundus erit septem diebus*. Sicque purificatio ei conceditur : quod intelligendum est de viro, qui nescit feminam pati hanc passionem, nec inde in judicio convincitur. Infra vero habetur, quod eam tempore illo accedens, sit simul cum ea occidendus : quod de eo intelligitur, qui scienter hoc agit, et potest convinci. Talis quippe concubitus prohibetur non solum ob lœditatem præfatam, sed item quia ex eo gignuntur proles monstruosæ, aut alias valde defectuosæ et ægræ, propter indispositionem materiæ. Unde si tempore tali vir petat a femina debitum, illa quantum valet, debet dissimulare, renuere, seu agritudinem aliam simulare. Tutum tamen non esset, quod passionem suam indicaret marito, nisi de ejus præsumeret probitate.

*Mulier quæ putitur multis diebus fluxum sanguinis ex infirmitate seu morbo, non ex causa penitus naturali : et talis passio ex peccato frequenter contingit : non in tempore menstruali, vel quæ post menstruum sanguinem fluere non cessat ; quamdiu huic subjacet passioni, immunda erit quasi sit in tempore menstruo, ita quod nemo eam accedet, separataque erit. Si steterit sanguis et fluere cessaverit, numerabit septem dies, etc.* Istud de purificatione ejus et oblatione pro ea, intelligendum est, sicut de viri seminiflui purgatione, sacrificioque expositum est : et quia in femina minor est calor, indige-

stiores sunt seminis ejus humores communiter.

*Dovebitis ergo filios Israel, ut caveant immunditias, et non moriantur in sordibus suis*. Istud sacerdotibus et prælatis, prædicatoribusque jubetur.

Præterea de ista materia scribit Thomas in prima secundæ, quæstione 102 : Ex hominibus immundum reputabatur, quidquid corruptionem aliquam jam habebat, vel corruptioni erat expositum. Hinc mulieres patientes sanguinis fluxum, sive per infirmitatem, sive per naturam, vel temporibus mensuris, vel tempore conceptionis, erant immundæ : similiter viri fluxum seminis patientes per infirmitatem, aut per pollutionem nocturnam, sive per coitum : quoniam omnis humiditas, prædictis modis ab homine egrediens, quamdam immundam habet infectionem. Ratio autem figuræ istorum erat, quia per hujusmodi exteriores immunditias diversa significabantur peccata. Per immunditiam enim mulieris sanguinifluæ, designabatur immunditia idololatriæ propter immolaticium cruorem. Per immunditiam vero viri seminiflui, figurabatur immunditia vanæ locutionis, quoniam semen est verbum Dei. Per immunditiam mulieris menstruatae, immunditia mentis per voluptates emollitæ. Universaliter vero per immunditiam contactus rei immundæ, exprimebatur immunditia consensus in aliorum peccatis. Hæc Thomas.

Insuper Guillelmus libro de Fide et legibus, de his plenius scribens : *Mulier, inquit, menstruata reputata est immunda secundum quosdam* † *Zabæorum, qui adeo exsecrabantur menstrua, quod crediderunt ea non nisi igne posse purgari : et propter hoc comburebantur vestimenta earum, et omnia quæ tetigissent tempore menstruali. Et quia ritus ille tantum inoleverat in terra Ægypti et in terra promissionis, non potuit populus Israel in toto averti ab eo : ideo circa hoc fecit legislator, quod in plebe tam duræ cervicis fieri potuit, immutans ritum illum et mitigans, judicans menstruatas immundas et ea quæ tetige-*



runt, sed cum aqua lavari. Nec dubium quin per immunditiam istam, multum detractum sit idololatriæ lunæ, quum fluxus menstruorum lunæ deputaretur : sicque discerent eam non esse colendam, ejus operatio pollutio est. Credimus etiam ex his quæ de idololatria legimus, quod mulier menstruata quandoque sit lunæ oblata, et quod sanguis menstruus in ejus sacrificio crebro offerebatur. Coli enim a mulieribus luna cum magna aviditate solebat, quemadmodum legitur in Jeremia :

*Jer. vii, 18.*

Mulieres adspargunt adipem, ut faciant placentas reginæ colli, id est lunæ. Fuit quoque istud præceptum, quia de sanguine menstruo multa fecerunt malefici. Et propter corruptelam atque contagium sanguinis menstrualis, qui tantæ est foeditatis, ut feculentia suæ manifestum imprimat signum speculo, in quo faciem suam mulier menstruata inspexit : sicque per legem istam de menstruatis, consultum est saluti animarum et corporum ac fetuum, et ipsius Matrimonii sacramento. Hæc Guillemus.

Amplius ex prædictis quidam affirmant, quod menstruata scienter accedere, sit peccatum mortale. Sed ut hujus rei veritas clarius innotescat, quæritur primo circa prædicta, an liceat mulieri menstruatae debitum petere. Ad hoc Thomas super quartum, distinctione 32, respondet : Ad mulierem menstruata accedere, in lege prohibitum erat, tum propter immunditiam, tum propter nocumentum quod ex hujusmodi commixtione provenit proli. Unde super illud Isaïæ, Omnes justitiæ nostræ

*Is. lxiv, 6.*

quasi pannus menstruatae, scribit Hieronymus : Tunc viri debent ab uxoribus abstinere, quia tunc concipiuntur membris damnati, cæci, claudi, leprosi et hujusmodi : ut quia parentes non erubuerunt in conclavi commisceri, eorum peccata pateant cunctis, et aperte redarguantur in parvulis. Sicque præceptum non accedendi ad menstruata, fuit caerimoniale, in quantum statutum est propter immunditiam : sed quoad aliam jam prætaetam suæ in-

stitutionis causam, fuit morale : quia quum matrimonium sit ad bonum prolis principaliter ordinatum, omnis inordinatus matrimonii usus prohibetur, quo bonum prolis impeditur. Verumtamen fluxus menstruorum potest esse naturalis et innaturalis : naturalis, sicut dum mulieres etiam sanæ patiuntur hunc fluxum temporibus determinatis : innaturalis autem, quando inordinate et quasi continue fluxum sanguinis patiuntur ex quadam infirmitate. In fluxu autem menstruorum innaturali, non est prohibitum ad menstruata accedere, præsertim in nova lege : tum propter infirmitatem, quoniam mulier in statu illo non potest concipere : tum quoniam fluxus ille est perpetuus seu diuturnus, propter quod oporteret quod vir jugiter abstineret. Sed quando mulier naturaliter patitur fluxum menstruum, potest concipere, talisque fluxus durat ad modicum tempus : ideo prohibitum est ad talem mulierem accedere : prohibitum quoque est mulieri in tali statu debitum petere.

C Secundo quæritur, an liceat mulieri menstruatae debitum reddere suo marito. Et dixerunt quidam, quod non ; sed hæc opinio videtur derogare matrimonio, per quod datur marito omnimoda potestas in corpus mulieris, quantum ad matrimoniale actum. Nec est simile de infirmitate prolis et periculo proprii corporis : quia si mulier infirmatur, certissimum est quod ex carnali copula periculum ei imminet : non autem ita est certum de prole, quæ forte nulla sequetur. Hinc alii dicunt, quod si vir quærat debitum ab uxore, quam scit menstruata, mulier debet cum precibus monitisque avertere, non tamen sic, quod sit viro occasio incidendi in alias corruptiones damnabiles, si ad eas vir pronus esse credatur. Si autem petit debitum, nesciens quod uxor sit menstruata, debet mulier aliquam occasionem prætere, et infirmitatem simulare ne reddat, nisi viro timeatur periculum. Si tamen vir a petitione non desistit, reddere debet. Hæc Thomas.

Sensus spiri-  
tualis.

Denique juxta spirituales interpretatio-  
nem ex presenti docemur capitulo, quam  
detestanda sit concupiscentia vitiosa, et  
omnis illegitima viri ac mulieris commix-  
tio, quum tam immundus et inquinativus  
reputatus sit ipse seminis fluxus in suo  
manens subjecto, et sine culpa frequenter  
contingens. Spiritualiter quoque per virum  
fluxum seminis patientem, intelligitur su-  
perior portio animæ seu appetitus intelle-  
ctivus, in quo est vanorum desideriorum,  
ambitionis, superbiæ, sive malitiæ aut ran-  
coris [profluvium]; vel intellectus ex quo  
decidit verbum Dei, vel cui inhaeret error  
aut fluctuatio circa fidem, præsertim si ta-  
libus immoretur. *Omne stratum in quo dor-  
mierit, immundum erit*, id est, enicun-  
que motivo seu argumento innitatur, insuffi-  
ciens et irrationabile erit. *Si quis homi-  
num tetigerit lectulum ejus*, id est, argu-  
menti ejus consentiat, *lavabit vestimenta  
sua*, id est, opera sua bona a tali purgare  
debet peccato, ejus admixtionem delendo.  
Et lavabit se aquis contritionis, imo et  
sapientiæ salutaris. *Si sederit ubi ille se-  
debat*, id est, consensum seu delectationem  
morosam adhibuerit, *immundus erit*. *Si  
salivam jecerit super eum qui mundus  
est*, id est, si talis pollutus aliquid suæ  
falsæ doctrinæ infuderit viro catholico,  
*immundus erit* ille fidelis, nisi mox re-  
nuat consentire. Talis pro sua emundatio-  
ne debet *duos turtures aut duos pullos*

A *columbas* offerre, id est, per simplicem  
fidei confessionem, et columbinam sim-  
plicitatem, atque per compunctionem et  
gemitum satisfacere Deo.

*Vir de quo egreditur semen coitus*, etc.  
Per hoc conjugati docentur, ut culpas co-  
pule conjugali admixtas deplorent ac vi-  
tent, nec putent se qualitercumque posse  
misceri. Hi quoque qui prædicando, do-  
cendo alios spiritualiter fecundant ut pa-  
riant, quidquid vanitatis aut abusionis  
admiserit se prædicationi seu doctrinæ  
B eorum, defleant et emendent. *Mulier que  
redeunte mense patitur fluxum sangui-  
nis*. Per hanc mulierem ratio inferior, sen-  
sitivusque appetitus, in quibus carnalium  
desideriorum regnat profluvium, intelli-  
gitur: quod tamen profluvium non assidue,  
sed certo est tempore, ex calore aut super-  
fluitate naturæ, vel ex diabolica seu hu-  
mana suggestionem. Porro, per eam quæ  
patitur fluxum multis diebus, menstru-  
que cessante, accipitur anima, quæ non  
solum tempore externæ tentationis, sed et  
C illa cessante, inquietudine concupiscenti-  
arum, et inundatione cogitationum ina-  
nium ex propria fragilitate aut perversi-  
tate, hinc inde movetur ac defluit. Itaque  
contra has foeditates studeamus semper es-  
se armati castitatis virtute et sapientiæ fir-  
mitate, omnique constantia ac fortitudine  
mentis et puritate, et caveamus ne nostra  
ex culpa nobis contingat seminis fluxus.

## ARTICULUS XXXIII

EXPLANATIO LITTERALIS CAPITULI SEXTIDECIMI : LOCUTUSQUE EST DOMINUS AD MOYSEN.

DE sacrificiis quæ in die propitiationis  
seu expiationis fiebant, nunc agitur.  
*Locutusque est Dominus ad Moysen post  
mortem duorum filiorum Aaron*, videlicet  
Nadab et Abiu, *quando offerentes ignem  
alienum interfecit*, id est, celesti igne

D occisi, prout in principio decimi capituli  
scriptum est atque expositum. Et quod  
ait, *Quando offerentes*, etc., non est intel-  
ligendum, quod locutus sit ista Deus ad  
Moysen, quando duo filii illi alienum ignem  
sic obtulerunt, sed quod ipsi duo sunt

Lev. x, 1, 2.

mortui quando hoc ipsum fecerunt. Denique infra mortem illorum et istam Dei locutionem, alia multa locutus est Dominus Moysi : cur ergo ante praecepta nunc exprimenda, specialiter recolitur mors illorum, et post illam haec a Domino dicta scribuntur? Et respondendum, quod ideo, quia nunc comminatio mortis fit ipsi Aaron, nisi praecepta nunc deprecanda servaverit : idcirco ut diligentius ipse et posterij eius obedirent, commemoratur effectus divinae justitiae in punitione inobedientiae illorum duorum.

*Et praecepit ei, dicens : Loquere ad Aaron fratrem tuum, et per ipsum ad posteros ejus ei in pontificio succedentes, ne omni tempore, id est nullo tempore, ingrediatur sanctuarium quod est intra velum, id est interiorem tabernaculi partem, inter quam et partem tabernaculi exteriorem, velum medium fuit suspensum, coram propitiatorio quo tegitur arca. In interiori namque tabernaculi parte fuit mensa aurea arcam operiens : quae mensa propitiatorium vocabatur, quoniam erat quasi sedes Dei, ejus velut scabellum exstitit arca, et ex propitiatorio illo dabat Deus responsa, et orationes pontificis exaudivit, seque propitiari seu miseri monstrarit. Quae omnia ante jam dicta sunt plenius. Ut non moriatur, hoc est, ne justo Dei judicio subito occidatur, sicut occisi sunt filii ejus. Quia in nube apparebo super oraculum. Quasi dicat : Non aliter ingrediatur Sancta sanctorum, quam ei praecipitur : quia si in hoc obediens fuerit mihi, apparebo ei super oraculum. Quod si per oraculum intelligatur sanctuarium seu tabernaculum, in quo orationes fiebant, et divina proferebantur eloquia, per nubem intelligatur nubes illa, quae filiis Israel in deserto praebebat ducatum, et super tabernaculum erat frequenter in aere. Si vero per oraculum intelligatur propitiatorium, ex quo processerunt oracula seu responsa divina, sicut colloquium saepe vocatur locus colloqui : per nubem intelligi debet vapor ille, qui ex igne et*

A thure thuribuli pontificis ascendit usque ad propitiatorium, quando in loco illo sanctissimo pontifex adolevit incensum : qui vapor nebula appellatur et nubes per similitudinem quandam. Quo item vapore sic consurgente, Deus per signum sensibile suam gratiosam praesentiam multoties demonstravit.

Itaque illuc non intret, nisi haec ante fecerit, hoc est, sacrificia statim sequentia obtulerit ante praefatum ingressum : quod tamen non est ita accipiendum, ut B quandoecumque vellet Sancta illa sanctorum intrare, haec faceret et intraret, sed ne in die propitiationis illuc ingrederetur, nisi istis praemissis. Vel etiam ut nunquam illuc intraret, regulariter certitudinaliterque loquendo, nisi his primo oblatis. Regulariter quippe loquendo, non introivit illuc, nisi semel in anno, videlicet decima die mensis septimi, quem Septembrem vocamus. Propter quod ad Hebraeos habetur : In secundo autem semel in anno solus pontifex introibat non sine sanguine. Aliquando vero in certis temporibus et accidentalibus causis ingrediebatur locum illum, ut quando castra erant movenda, seu loca mutanda, ut involveret sancta ibi contenta, quae alii sacerdotes ea portaturi, non nisi involuta poterant ferre, ut in Numeris describitur.

Vitulum offeret pro peccato suo et domus suae, ut infra docetur. Sacerdos etenim, etiam summus, cum ceteris aliis fuit culpabilis. Unde ut magis exaudiretur pro populo, primo studuit se ipsum Deo reconciliare. Et arietem in holocaustum, ad reverentiam majestatis divinae, et in memoriam arietis oblatis pro Isaac, ut tanti Patriarchae meritis juvaretur. Haec duo animalia sumpsit pontifex ex suo peculio. Et quia ante oblationem debuit se vestire vestibus sacris, subiungitur : *Tunica linea cingitur, feminalibus lineis reverenda celabit, accingetur zona linea, cidarim lineam imponet capiti.* Ista quatuor ornamenta alba et linea, erant communia pontifici et sacerdotibus aliis, de quibus in Exodo, et

Hebr. ix, 7.

Num. iv, 5  
et seq.Gen. xxii,  
13.Exod.  
xxxiii, 4.



Lev. viii. 7  
et seq.

supra dictum est. *Hæc enim vestimenta sunt sancta*, hoc est ad cultum divinum in eis faciendum consecrata et deputata : quibus cunctis, quum lotus fuerit, induetur. Nam lavit se in aqua in sanctuario posita, sicut et ceteri sacerdotes, antequam ad sacrificia exsequenda processit : imo et lavit se antequam sacras induit vestes, sicut et legis gratiæ sacerdotes.

*Suscipietque ab universa multitudine filiorum Israel duos hircos pro peccato, et unum arietem in holocaustum.* Hæc tria animalia dicitur suscepisse pontifex ab universo populo Israel, quia de communibus expensis ex parte communitatis adducebantur ab aliquibus viris communitatis ministris ad ipsum. Suscepit itaque duos hircos pro peccato, hoc est offerendos pro remissione peccatorum communitatis ; et arietem, qui pro illis offerebatur in holocaustum. *Quumque obtulerit vitulum, et oraverit pro se, et pro domo sua.* Istud non potest intelligi de reali et executiva vituli immolatione, quum paulo post, post quædam fienda post hæc, dicatur : *His rite celebratis, etc.* Est igitur sensus : Quumque obtulerit vitulum, hoc est, sumptum a populo vitulum præstaverit coram Deo ad offerendum. *Duos hircos stare faciet coram Domino in ostio tabernaculi testimonii, ut sint parati pro oblatione :* non quod ambo æqualiter offerrentur, sed unus super quem sors venerit : *mittens super utrumque hircum sortem unam Domino*, id est unam sortem per quam sciretur, quis duorum hircorum esset Domino offerendus, et alteram capro emissario, hoc est aliam sortem per quam agnosceretur, quis horum hircorum esset in solitudinem ducendus.

*Cujus sors exierit Domino*, id est hircus qui per sortem dignoscitur ad Dominum pertinere, tanquam in ejus sacrificium offerendus, *offeret illum pro peccato*, hoc est pro remissione culparum communitatis. *Cujus autem in caprum emissarium*, id est hircus super quem cadit sors, ut emittatur in eremum. Porro caper et hir-

cus idem significant. *Statuet eum rivum coram Domino in atrio circa altare, ut fundat preces super eo*, hoc est, Deum oret, quatenus toti populo suo peccata eorum quæ infra annum per ignorantiam aut negligentiam incurrerunt, ignoscat : *et emittat eum in solitudinem*, et transferat in hunc caprum, ita ut deferat illa peccata in eremum, atque pro pena quam filii Israel meruerunt peccando, caper relinquatur in eremo, devorandus ibidem a bestiis, aut silvestris efficiendus : non quod peccata essent materialia entia realiter portabilia a jumento, sed ut per emissionem capri, designaretur elongatio vitiorum a populo per remissionem culparum, juxta quem modum in Michæa legitur : *Projiciet in profundum maris omnia peccata nostra.* Et item in Psalmo : Quantum distat ortus ab occidente, longe fecit a nobis iniquitates nostras. Qualiter autem divinæ justitiæ congruat, ut pro hominum iniquitatibus bruta puniantur et occidantur, dictum est sæpe, præsertim circa primum hujus operis articulo secundo.

*His rite celebratis*, hoc est, legitime seu celebriter factis, *offeret vitulum*, de quo jam facta est mentio, pro suo et domus suæ peccato : *et rogans pro se et pro domo sua, immolabit eum.* Immolatio enim talis fiebat oratione præmissa : nec fuit accepta, nisi ex fide, devotione, oratione et obedientia immolantis. *Assumptoque thuribulo quod de prunis altaris holocaustorum impleverit*, quia de materia ignis illius altaris implevit thuribulum, *et habens manu compositum thymiamata in incensum*, id est, cum manu sua accipiens notabilem partem de thymiamate boni odoris, quod in tabernaculo servabatur, ut partem seu materiam illam imponens ardentibus prunis, faceret eam incendi : *ultra velum intrabit in Sancta*, hoc est, ex exteriori parte tabernaculi, in qua sumpsit thymiamata, intrabit per velum in interiorem tabernaculi partem, puta in Sancta sanctorum : *ut positus super ignem aromatibus*, id est thymiamate ex aromaticis

Mich. vii,  
19.

Ps. cii, 12.

speciebus confecto, imposito carbonibus A illis ardentibus, *nebula eorum, et*, pro id est, *vapor operiat oraculum*, hoc est, vapor ex inflammatione thymiamatis instar nebulae atque nubeculae surgens, ascendat tam alte, quod operiat propitiatorium, *quod est supra testimonium*, id est super arcam, in qua continebantur tabulae testamenti, in quibus fuit Decalogus legis; *et non moriatur*, hoc est, pontifex non tangatur subito plaga ultionis divinae, si transgressus fuerit hoc praeceptum, vel non moriatur ex humana fragilitate, visa Domini B majestate, ex magnifica aliqua divinae majestatis apparitione ibidem per terrificum splendidissimumque effectum, ejus intuitum nebula illa impediabat. Propitiatorium etenim existit sedes residentis in eo Omnipotentis, in quantum ibi specialiter et eminenter operabatur.

*Tollet quoque de sanguine vituli hujus oblati in atrio, et adasperget digito septies contra propitiatorium*, hoc est ex opposito ejus, utpote stans coram eo sicut quis stat coram altari, et contra illud projicit thus: C et per septenam illam adspersionem figurabatur, ut tactum est saepe, perfecta atque totalis propitiatio Dei super propitiatorium residentis. Sed difficultatem inducit quod subditur, *ad orientem*. Quum enim tabernaculum fuerit dispositum versus occidentem solis, ita quod a plaga orientali intrabatur in illud, non apparet quod adspersio ista fiebat ad orientem, sed occidentem.

Hinc circa haec scribit Lyra: Dicunt hic aliqui expositores nostri, quod licet tabernaculum sic esset dispositum, quod ingressus esset ab oriente, tamen adspersio ista fiebat ad orientem: sed non videtur, quia si adspersio ista fuit contra orientem, sequeretur quod facies ipsorum Cherubim existentium ex utraque parte propitiatorii, fuissent versa ad occidentem, et dorsa eorum versus partem tabernaculi quae dicebatur Sancta: ejus oppositum dicitur secundo Paralipomenon, quo habetur, quod facies Cherubim erant versa ad domum

exteriorem. Templum autem Salomonis, de quo loquitur ibi, fuit (secundum omnes doctores) dispositum ad modum tabernaculi Moysis. Idecirco dicendum, quod oriens non accipitur hic respectu mundi aut tabernaculi, sed propitiatorii: quia quum sacerdos adspersens sanguinem, haberet dorsum ad orientem mundi, pars illa propitiatorii quae obiciebatur sacerdotis aspectui, erat orientalis. Haec Lyra. Sed advertendum, quod facies Cherubim non erant directe situate ad orientem, imo colateraliter respiciebant ad propitiatorium, juxta illud Exodi: Facies propitiarium, etc. Duos quoque Cherubim ex utraque parte oraculi, respiciantque se mutuo, versis vultibus in propitiatorium. Itaque facies Cherubim erant versa ad exteriorem domum, et ad orientem, non totaliter et directe, sed oblique et pro parte, imo pro parte majori. Porro, qui aliam positionem, quam scilicet reprobatur Lyra, vellet tenere, dicere posset quod pontifex fecit praefatam adspersionem, stans retro propitiarium, vultu suo ad populum extra stantem converso, sicque ad orientem mundi facta fuisset adspersio, sicut et pontifex ac sacerdos evangelicae legis interdum in sacrificio suo se vertit ad populum.

*Quumque mactaverit hircum pro peccato populi, inferet sanguinem ejus in vasculo intra velum*, id est in interiorem tabernaculi locum, qui dicitur Sanctum sanctorum, sicut praeceptum est de sanguine vituli; *ut adaspergat e regione oraculi*, hoc est ex opposito propitiatorii; *et expiet sanctuarium*, id est, locum illum sanctum purget, ab immunditiis filiorum Israel, et a pravocationibus eorum, cunctisque peccatis, hoc est a contagiis quae contraxit ex pravis actibus et omissionibus, negligentis et irregularitatibus populi, in ejus medio erat, qui circa sacra loca et sacrificia ac cetera ad cultum Dei ac tabernaculi pertinentia, se frequenter habebat indigne et vitiose per totum annum: ideo semel in anno fiebat expiatio ista, non quod contagium culpae inesset templo aut sanctuario,

Exod. xxx, 17-20.

II Par. iii, 13.

sed quod quamdam inidoneitatem, ad hoc A quod in eo exercebantur divina, incurrit ex vitiiis : quemadmodum materiales ecclesiae consecratae, dicuntur per vitia quaedam in eis patrata contaminari, et reconciliatione egere. Juxta praetactum etiam ritum, altaria nostra in die Coenae lavantur. *Juxta hunc ritum faciet tabernaculo testimonii*, quod est exteriori parti tabernaculi, quod *firmum est inter eos in medio sortium habitationis eorum*, quia per gym ejus habitabant, et castra figebant Israeliticæ tribus : hoc est, pontifex expiabit septena sanguinis adpersione tabernaculum istud exterius, sicut illud interius a suis contagiis.

*Nullus hominum sit in tabernaculo, quando pontifex ingreditur sanctuarium*, utpote Sancta sanctorum, in solennitate hae expiationis seu propitiationis, *ut roget pro se et pro domo*, hoc est familia sua, et *pro universo cœtu filiorum Israel, donec egredietur tabernaculum*. Cur autem tunc solus esse debebat in tabernaculo, possunt causæ aliquæ assignari : ad insinuandum excellentiam ejus, qui inter Deum et totum populum mediabat, sicque Deus in suo honoraretur ministro : alia, ut populus interim se humiliando, quasi indignum se arbitretur sancti loci ingressu, quousque per ea quæ pontifex gessit in sanctuario, reconciliaretur Deo : tertia, ut pontifex ab aliorum strepitu atque præsentia liber, suas preces ac ministraciones devotius exsequeretur. *Quum autem exierit de Sancto sanctorum ad altare quod coram Domino est*, hoc est ad altare thymiamatis, quod fuit in exteriori tabernaculi parte, quæ Sanctum vocabatur seu Sancta : *oret pro se*, ut hac sua oratione fiat magis idoneus orare pro aliis, et cetera ad se spectantia exsequi : *et sumptum sanguinem vituli atque hirci*, id est, aliquid de utriusque sanguine sumens, *fundat super carna ejus*, utpote altaris thymiamatis, *per gym* : *adspersensque digito septies de sanguine illo utroque versus altare hoc*, *expiet et sanctificet illud ab immunditiis*

*filiorum Israel*, juxta sensum nunc introductum.

*Postquam emundaverit sanctuarium et tabernaculum et altare*. Sanctuarium et tabernaculum, sæpissime pro eodem sumuntur. Sed quia nunc exprimuntur distincte, per sanctuarium intelligendum est Sanctum sanctorum : per tabernaculum vero, exterior pars tabernaculi, quæ Sanctum vocatur : per quod, etiam includitur altare thymiamatis situm in eo : per altare autem, altare holocausti quod erat in atrio.

B *Tunc offerat hircum viventem*. Sicut in Scholastica fertur historia, non est credendum quibusdam, dicentibus quod ideo super hircos sors mittebatur, ut sciretur quis Domino esset immolandus, et quis diabolo mittendus in solitudinem cum peccatis. Lex enim non permittit immolare nisi Deo. Est igitur sensus : Offerat hircum viventem, id est, coram Deo illum præsentet juxta altare in atrio ad faciendum circa hircum quod subditur. Vel. Offerat, id est, deputet eum ad aliqua, ad Dei honorem C populi que salutem spectantia, sicut subiungitur.

*Et posita utraque manu super caput ejus*, propter causas in expositione primi capituli tactas, ob quas communiter ponebat manum sacerdos super animal immolandum. Raro tamen exprimitur, quod utraque manus super illud ponenda sit : sed hoc nunc explicatur, quoniam pro totius populi culpa ignoscenda fiebant ista, et ut devotio seu attentio pontificis per hæc amplius excitaretur. *Confiteatur omnes iniquitates filiorum Israel*, id est, culpas eorum in Deum, coram Deo cum humilitate, hoc est contritione, enuntiet : et confessio illa non fuit sacramentum aut sacramentalis, eo modo quo in evangelica lege, nec ita distincta et circumstantionata : *et universa delicta*, hoc est culpas omissionis, atque peccata eorum commisionis. *Quæ imprecans capiti ejus*, id est, imputari hirci illi exorans, juxta sensum præactum, et infra tangendum. Itaque confitebatur pontifex omnes has populi

Lev. i, 4.



culpae in generali, quantum ad eos qui peccaverunt, multa tamen peccata specificans, sicut fit confessio in principio Missae, et post sermones. Dicuntque aliqui, quod peccata illa scripsit in charta quam imposuit capiti hirci, ut eam secum in solitudinem ferret. *Emitte illam*, videlicet hircum, *per hominem paratum*, id est praecinctum et expeditum ad perducendum hircum illum, *in eremum*. Tradunt autem Hebraei, quod quorundam parvuli tribualiter, id est secundum aliquam tribum, ad hoc erant parati, medicinaliter eis splene subtracto. Et quia hic hircus emittebatur non rediturus, Graece ἀποπομπικός, Latine emissarius dicebatur: atque ut fertur, si redisset, populus non fuisset a peccatis illis solutus.

Quumque portaverit hircus omnes iniquitates eorum in terram solitariam, et dimissus fuerit in deserto, expositus periculo devorationis, reveretur Aaron in tabernaculum testimonii. Non est intelligendum, quod pontifex distulit reditum suum in tabernaculum, quousque homo ille cum hircio solitudinem introisset: sed quum eas hircus portasset, id est portare coepisset, peccata plebis in eremum, id est, quum pontifex deduxerat hominem illum cum hircio extra castra, redire coepit ad tabernaculum. *Et depositis vestibus quibus prius indutus fuerat*, id est, exutis lineis ornamentis, sibi et aliis sacerdotibus communibus, in quibus vestibus praedicta exerevit. Ideo subditur: Quibus prius indutus fuerat, *quum intraret sanctuarium*: nam vestibus illis aliqua fecit in Sanctis sanctorum, et quaedam in Sancto, utpote in utraque tabernaculi parte, ut patuit. *Relictisque ibi*, id est in sanctuario, lineis vestibus illis, *lavabit carnem suam in loco sancto*, id est in atrio, in quo erat labium aeneum, in cuius aqua lavabant se pontifex et sacerdotes, ad cultum tabernaculi accessuri. Lavabant autem manus et pedes. Verumtamen ista pontificis lotio non fuit ideo, quod aliquam iniquitatem aut immunditiam contraxisset ex

oblationibus actibusque praedictis, quia hoc ipso die eis peractis introire sanctuarium tenebatur: sed propter reverentiam divinorum se lavit, atque ob mysticam significationem, et ut per exteriorem lotionem, ad gratiam contingeret ampliorem. *Inducturque vestibus suis*, hoc est, pontificalia pontifici propria induet.

Et postquam egressus de sanctuario, obtulerit holocaustum suum de plebis, id est unum arietem in holocaustum pro se et domo sua, aliumque arietem in holocaustum pro populo, ut habetur ex dictis in isto capitulo: *rogabit tunc pro se, quam pro populo*, non solum pro remissione peccati, sed et pro salute, pace et gratia obtinendis, aut conservandis, seu perficiendis. *Et adipem qui oblatus est pro peccatis, adolebit super altare*, id est adipem vituli ac hirci: vituli, inquam, pro culpa pontificis immolati, et hirci pro peccato plebis oblato, cremabit super altare holocausti: nec solum adipem, sed et renes atque renunculos adolebat ibidem. *Ille vero qui dimiserit caput emissarium in deserto, lavabit vestimenta sua et corpus aqua*. Lotio haec fiebat per adersionem aquae expiationis. *Et sic ingreditur in castra*, id est in tabernaculum Dei seu atrium, seu etiam in habitaculum suum. Porro, circa ista et praecedentia ac consequentia, possent multa inquiri, quae infra tangenda sunt.

Vitulum autem et hircum qui pro peccato, hoc est peccatis pontificis ac populi, fuerant immolati, et quorum sanguis illatus est, id est, de quorum sanguine aliquid intulit pontifex in Sancta sanctorum et in Sancta, in sanctuarium, ut expiatio compleretur, hoc est, quatenus per adersionem, linitionem, seu fusionem sanguinis illius, praefata sanctuarii loca atque altaria mundarentur, *asportabant foras castra, et comburentur igni*, id est, extincta illorum animalium corpora inferiores sacerdotes extra castra Dei et filiorum Israel deferent, et in ignem projicient, *tum pelles quam carnes eorum et fimum*: ad designandum omnimodam consumptionem seu deletio-

\* desertum

\* erat

nem culparum cum circumstantiis suis atque effectibus. *Et quicumque combusserit ea*, hoc est, sacerdos qui corpora illa oblata fecit consumi ab igne. *lavabit vestimenta sua et carnem aqua*, sicut expositum est, tanquam immundus ex contactu mortuæ carnis, et ex contractione eorum quæ pro peccatis erant oblata: in quorum contractione forsitan incurrat aliquas culpas, in suo officio non satis reverenter et devote se habens. Unde et sacerdotes sub tempore gratiæ post celebrationem se lavant. *Et sic ingreditur castra. Eritque vobis hoc legitimum sempiternum*, id est præceptum divina lege sancitum, et per omne tempus veteris Testamenti servandum.

Consequenter traditur ritus solennitatis, in qua prædicta, aliqua quoque sequentia, sunt servanda. *Mense septimo, decima die mensis ejusdem, affligetis animas vestras*, id est vos ipsos et vitam vestram animalem ac intellectualem afflictione spontanea, corpora affligendo per jejunium, et mentem per cordialem contritionem, quia in hoc festo fiebant, ut dictum est, sacrificia pro totius populi culpa, et Deus repropitiabatur communitati: *nullumque facietis opus*, mechanicum aut servile in festo hoc, *sive indigena, sive advena qui peregrinatur inter vos*, id est, sive sitis natione Iudæi, sive proselyti. *In hac die erpiatio erit*, id est purgatio vestri in anima, atque mundatio ab omnibus peccatis vestris, id est ab exterioribus inquinamentis, per sacrificia jam prædicta et orationes sacerdotum: quod tamen sine contritione propria in nullo specialiter complebatur. Præcipue quoque intelligitur de peccatis communibus, toto anno per fragilitatem ignorantiamque contractis. *Coram Domino mundabimini. Sabbatum requiectionis est*. Festivitas ista, ut patuit, die decima mensis septimi occurrebat. Sabbatum autem septimus dies est septimanæ, et etiam mœnisis, saltem ejus qui incipit prima die hebdomadæ. Quomodo ergo de celebritate decima die Septembris occurrente, asseri-

tur, Sabbatum requiectionis est? nisi forte quod ait, Sabbatum requiectionis est, intelligatur intransitive, sicut ait Apostolus, In expoliatione corporis carnis: vel ex alterius modi computatione id accidat: vel propter similitudinem dicatur sabbatum requiectionis, hoc est, festum in quo velut in sabbato sit requiescendum. *Affligetis animas vestras religione perpetua*.

*Erpiabit autem sacerdos qui unctus fuerit*, utpote pontifex, qui proprie ungebatur fuso super caput ipsius oleo sancto, quod aliis sacerdotibus non fiebat, *et cujus initiatæ*, id est consecratæ, sunt manus, *ut sacerdotio*, id est pontificatu, *fungatur pro patre suo*, hoc est loco progenitoris sui, cui in pontificatu successit successione legitima, si tamen prosapia et successio illa duraverint. *Inducturque stola linea et vestibus sanctis*, videlicet tunica linea, feminalibus lincis, et eidari linea in capite, sicut jam claruit: *et erpiabit*, hoc est purgabit, *sanctuarium*, id est interiorem et sacratiorem tabernaculi partem, *et tabernaculum testimonii*, hoc est partem ejus exteriorem, atque altare utrumque, quia altare thymiamatis et holocaustorum, *sacerdotes quoque et universum populum*, quia pro omnium horum peccatis sacrificavit. *Eritque vobis hoc legitimum sempiternum, ut oretis pro filiis Israel et pro cunctis peccatis eorum semel in anno*. Et istud totum præhabitu est. *Fecit ergo ipse Aaron, et post eum successores ejus in pontificio, sicut præceperat Dominus Moysi*: non quod Moyses laceret ista, sed ut ex parte Dei præciperet ea fieri.

Denique de hac solennitate ait Petrus Comestor: Hæc dies solennis, dicebatur propitiationis, quia in ea certificati sunt filii Israel per Moysen, quod Dominus eis fuit propitius et ignoscens de peccato adorationis conflatis vituli, et quia pro totius anni peccatis communibus fiebat ea die oblatio. Vocabatur item afflictionis, quia hoc die jejunabant homines, et jumenta, puerique septennes, et agebatur in eo memoria defunctorum. Dicebatur insuper dies

Coloss. ii,  
11.

expiationis, quia tunc purificabant totum A tabernaculum atque altaria.

Quæritur circa prædicta, cur pontifex expiabat utramque tabernaculi partem et altaria, et pro peccatis obtulit vitulum et hircum unum, aliumque emisit, in quatuor vestibus lineis, communibus sibi et sacerdotibus inferioribus; oblaturus vero holocausta, exiit illas, et pontificalia induit. Respondetur, quod ideo, quia expiatio illa et oblatio pro peccatis, fieri debuerunt cum contritione et humiliatione; holocaustum autem et incensum, cum B solennitate et iuventute. Unde et novæ legis episcopi, lineis et minoribus vestibus sacris utuntur in adspersione ecclesiæ quam dedicant aut expiant, et in sabbato baptismali, consecrationeque fontium et immersione catechumenorum, dum ignoscuntur eorum peccata. Porro, dum his peractis procedunt ad ministrationem altaris, pretiosis et pontificalibus induuntur, prout in Scholastica fertur historia. At vero Lyra allegat Rabbi Salomonem, qui assignavit aliam rationem, quia videlicet C minister non debet esse seu ornari ut dominus. Quum ergo Sanctum sanctorum fuerit specialis locus habitationis ac residentie Dei, aurea mensa et alia aurea seu deaurata ibi contenta, fuerunt quasi ornamenta ipsius: ideo pontifex non debuit illum ingredi locum cum aureis ornamentis: sed cum illis poterat ministrare et ingredi extra Sanctum sanctorum. Verum hæc ratio modici videtur momenti, quoniam præfatam expiationem in lineis, non solum fecit intra Sanctum sanctorum, sed D in loco quoque tabernaculi exterioris, et in utroque altari, quorum unum fuit in atrio.

Amplius circa istud capitulum Magister in historiis scribit, quod dies ista sollemnis, etiam vocabatur propitiationis: quia in ea agebatur cinis expiationis, sicut dies Jovis dicitur sancta, quia in ea sanctum chrisma conficitur. Deinde subjungit: Ea die tollebat summus sacerdos vitulam de proprio rufam et trimam, hoc est trium annorum, quæ non traxerat jugum. Nec turbemur, si

quandoque vitulus nominatur, quia in femineo genere tantum intelligendum est, quoniam pro peccatis fragilitatis offerebatur: sicque non sexum, sed naturam designat. Iterum addit: Sacerdos qui colligebat cineres reservandos ad aquas adspersionis, qua per totum annum purificabantur immundi, fuit immundus. Ex quibus verbis manifeste habetur, quod secundum istum doctorem, hic vitulus fuit vacca, seu vitula rufa, ex ejus cineribus fuit conspersa aqua expiationis, seu lustrationis, vel adspersionis, prout in Numerorum libro legitur. Et istud etiam alii quidam sunt opinati, quibus obviare multa cernuntur. Nam caro vituli hujus simul cum carne hirci, usque ad cineres est combusta: sicque eorum cineres videntur fuisse commixti, nisi forte quis dicat, quod divisim et diversis ignibus sint combusti vitulus iste et hircus. Sed obviant alia. Nam vitulum istum obtulit pontifex pro se suaque domo, nec eo oblato fuit immundus, quia mox sacra introiit loca. Vacca C autem seu vitula rufa, pro totius populi offerebatur peccatis: et qui obtulit eam, fuit immundus. Rursus hic vitulus offerebatur in atrio, sed vacca illa extra castra. Denovo vaccam illam obtulit primo Eleazarus, patre suo pontifice adhuc vivente: hunc vitulum obtulit pro se Aaron pontifex. Quæ omnia ex nunc dictis atque ex textu Numerorum sunt certa.

De hac materia scribit sanctus Thomas in prima secundæ, quæstione 102: Immunditia quæ ex corruptione mentis aut corporis proveniebat, expiatur per sacrificia pro peccato. Offerebantur autem specialia pro peccatis sacrificia singulorum; sed quoniam aliqui negligentes erant circa expiationem hujusmodi peccatorum et immunditiarum, vel ex ignorantia ea omitebant, institutum fuit, ut semel in anno, decimo die mensis septimi, fieret sacrificium expiationis pro toto populo. Et primo jussus est Aaron pontifex offerre vitulum pro se ipso, in commemorationem peccati quod fecit in conflatione vituli aurei; et

*Nam xiv 9.*

*Ibid. 9.*



arietem in holocaustum, ad designandum A quod pontificis praelatio, quam aries dux gregis existens significat, ordinanda erat ad Dei honorem. Deinde offerebat pro populo duos hircos, quorum unus immolabatur ad expiandum peccatum multitudinis. Hircus namque est animal foetidum, de ejus pilis fiunt vestimenta pungentia : quatenus per hoc significarentur fœtor et immunditia, atque aculei peccatorum. Corpora vero hirci et vituli oblato- rum pro peccato, oportebat comburi, ad ostenden- dum consumptionem culparum, non tam- B men in altari, quia ibi non comburebantur totaliter nisi holocausta. Unde præceptum fuit ut comburerentur extra castra, in detestationem peccati. Hoc autem fiebat, quandocumque immolabatur sacrificium pro aliquo gravi peccato, vel pro multitudine peccantium. Alter hircus mittebatur in desertum, non ut offerretur demonibus, quos coluerunt gentiles in deserto, sed ad designandum effectum sacrificii illius oblati. Dicebatur autem hircus portare peccata populi : vel quia in ejus emissionem C significabatur remissio peccatorum populi : vel quia ligabatur super caput ejus aliqua schedula, in qua peccata populi erant scripta. Hæc Thomas.

Præterea, de his libro de Fide et legibus, scribit Guillelmus Parisiensis : Inter sacrificia solennia, valde solenne fuit sacrificium duorum hircorum, quorum unus fuit emissarius. Quem sacerdos vivum statuens coram Deo, et confitens universa peccata filiorum Israel, imputabat ea capiti ejus, quia dicebat ad hircum : Super caput tuum D sunt omnia hæc peccata, seu capiti tuo imputet ea Deus. Credebant enim, et adhuc credunt Judei, quod hircus ille portabat omnia peccata populi in desertum, et sicut disparuit, vel devoratus a feris, vel factus silvestris, sic disparerent omnia illa peccata per hujusmodi ritum. Et quia secundum eorum opinionem portavit omnia illa peccata, immundus erat; et qui abduxit eum, fuit immundus. Quomodo (inquiunt) mundus esset, qui portantem tantas im-

munditias tetigisset? Mirabile autem valde videtur, et etiam ridiculum, quod peccata populi imputarentur hircis, qui innocentissimus erat. Quomodo etiam portavit peccata populi, quæ non reliquerunt sua subiecta, migrando in aliud? Quod si dicatur, quod non portavit peccata populi, sed poenam pro illis : hoc similiter non videtur, quia liber et sanus emittebatur. Præterea, quid necessarius fuit alius hircus qui occidebatur, et postea comburebatur pro peccato populi? Si enim hircus emissarius universa populi peccata tulit in eremum, quid necesse fuit alium hircum pro peccato populi sic occidi? Prima autem causa, ob quam hircus unus in solitudinem mittebatur, esse videtur, quoniam dæmones in desertis habitare a multis credebantur, et adhuc creduntur : ideo Deus habitationem dæmonum voluit populo suo facere abominabilem et horrendam. Secunda, ut ostenderet loca dæmonum esse loca immunditiarum et vitiorum, quasi diceretur ad hircum : Ille perge et porta immunditias peccatorum, ubi locus proprius est ipsorum. Tertia, ut monstraret quod peccatores et peccata sint pars dæmonum. — Per hircum autem voluit Deus hæc fieri, quia in se immundus est, et forsitan quia in specie hircorum seu caprarum dæmones hominibus apparere solebant. Ideo quoque voluit corpus hirci pro peccato oblato extra castra comburi, ut per hoc cunctis pateret, quantum ipse detestetur peccata. Unde in horrorem et abominationem peccatorum, voluit hircum et vitulum cum fimo pellibusque cremari. Porro, dum dicitur hircus peccata populi asportasse, vel quod in hircis cremari et consumi asserebantur, signum ibi pro veritate accipitur, quemadmodum aliquid dicitur scribi aut pingi, dum nomen ejus scribitur aut pingitur. Hostiæ namque signa et figura erant vitiorum : ideo crematio, mors, ejectio, seu fugatio hostiarum, significavit cremationem, mortem, et diffugationem vitiorum. Propter quod hujusmodi hostias tangi prohibuit Dominus :

et qui tangerent eas, immundos esse de-  
crevit : in hoc patenter ostendens, quam  
longe vellet populum suum esse a pecca-  
tis, quem prohibuit tangere hostias, quæ  
sunt peccatorum figuræ et signa. — At  
vero oratio quæ super hircum fiebat, vi-  
detur fuisse hujusmodi : Sicut tu ejiceris,  
et longe fis a populo isto, ita fiat de pec-  
catis eorum. Vel, Sicut tu liber et sanus a  
morte et læsione evadis sive emitteris, ita  
liber et immunis fiat iste populus a pec-  
catis. Eodem modo super vitulum : Sicut  
tu cremaris et consumeris, ita consuman-  
tur peccata populi hujus. Sicque dicitur  
pontifex aut sacerdos imprecatus fuisse  
peccata capiti capri. — Ne obliviscaris au-  
tem, quia per caprum emissarium voluit  
Deus populo suo deserta omnia abomina-  
bilia reddere et immunda, quantum vide-  
licet ad mali communionem : tum quia  
malefici atque idololatrarum propter hoc de-

Aserta maxime frequentabant, ut ibi damo-  
num responsa audirent, et eis immolarent  
ibidem, sicut adhuc multi faciunt. Unde  
quidam magus in libro suo de Magis, ait  
quod causa philosophandi intravit loca  
destructa, omni habitatione carentia, et  
quod habitaverit ibi cum habitantibus lu-  
cem sex lustris annorum, didiceritque ab  
illis quæ in libro eodem scribit. Tum etiam  
propter Faunos et Satyros, qui in specie  
hircorum frequenter ibi illudebant homi-  
nibus, et adhuc illudere non desistunt. Si  
autem totam Egyptiorum et Chanaanorum  
ac Chaldaeorum idololatriam nosceremus  
aut legeremus, nihil penitus dubitaremus  
in his ac aliis, quæ de sacrificiis legalibus  
absurda esse videntur.

Hæc et alia multa scribit prætaeto libro  
Guillelmus. De quibus et Alexander de Ha-  
les super tertium scribit diffuse, sed bre-  
vitati studendum est.

## ARTICULUS XXXIV

DE SPIRITUALI EJUSDEM CAPITULI SEXTIDECIMI INTELECTU.

**E**XORDIUM præsentis capituli nos in-  
format, ut ex aliorum ruina, plaga et  
damno cauti, providi, et emendatiores red-  
damur. Unde et Salomon contestatur :  
Pestilente flagellato, id est peccatore,  
stultus sapientior erit. Estque commune  
proverbum : Felix quem faciunt aliena  
pericula cautum. Ideirco in Ecclesiastico  
dicitur : Memor esto judicii mei, sic enim  
erit et tuum. Mihi hodie, et eras tibi. Ete-  
nim Dominus ipsum pontificem exhorta-  
tus, recolit mortem, quam filii ejus pro  
suo incurrerunt excessu. Itaque perpenda-  
mus quam celeriter de medio sint sublati,  
quamque irreemperabiliter condemnati, qui  
ante modicum tempus in hoc sæculo re-  
belles fuerunt lumini, et lucem justitiæ  
contempserunt, ambulantes per itinera te-

Cnebrosa in vanitatibus, carnalitatibus, et  
impietatibus suis, divinæ pietati et longan-  
imitati prorsus ingrati. Hinc de talibus  
cum admiratione exclamat Propheta : Quo-  
modo facti sunt in desolationem ? Subito  
defecerunt : perierunt propter iniquitatem  
suam.

*Loquere ad Aaron, ne omni tempore  
ingrediatur sanctuarium, quod est intra  
velum, (quia in nube apparebo super ora-  
culum), nisi hæc ante fecerit. Quemad-  
modum Origenes fatetur, omnes nos sermo  
iste concernit. Præcipit enim ut non in-  
grediamur ad sacramenta suscipienda, ne-  
que ad sacra celebranda aut participanda,  
nisi diligenter ac debite preparati. Qui  
enim accedit indigne, ad suam accedit  
damnationem impia mente. Per hoc quo-*

*Proph. xix.*  
28.

*Ecclesi.*  
xxxviii, 23.

*Is. lxxvii, 19*

*1 Cor. xi, 29.*

que mystice edocemur, ne incomprehen-  
*Rom. xi, 33.* sabilia Dei judicia perscrutari, et ea quæ  
*Prov. xxi, 27.* fidei sunt, discentere præsumamus irrever-  
 enter, immoderate, aut curiose, quum in  
*Eccli. iii, 22, 23.* Proverbiis dicatur: Sicut qui mel comedit  
 multum, non est ei bonum: sic qui per-  
 scrutator est majestatis, opprimetur a glo-  
 ria. In Ecclesiastico quoque: Altiora te ne  
 quæsieris, et fortiora te ne scrutatus fue-  
 ris: sed quæ præcepit tibi Deus, illa co-  
 gita semper. Non est enim tibi necesse ea  
 quæ abscondita sunt, videre oculis tuis. *In*  
*1 Cor. xii, 12.* *nube apparebo super oraculum.* Oraculum  
 est ipsa Ecclesia, mensque devota, seu lo-  
 cus quicumque orationis, in quibus gra-  
 tiarum actio, vox laudis, atque ignite ora-  
 tionis oblatio immolantur Altissimo. Ibi  
 Creator apparet in nube. Videmus enim  
 per speculum in ænigmate. Nec aliter po-  
 test nobis lucere radius lucis æternæ, nisi  
 sensibilibus fuerit specierum circumtectus  
 velamine. Nubes rursus est Christi huma-  
 nitas, sacra Scriptura, prædicator verbi  
 celestis, homo virtuosus, cujus conversa-  
 tio est in cœlis. Per quæ omnia nobis in  
*Philipp. iii, 20.* vita hac relucet, innotescit, apparet Om-  
 nipotens. Omnes etenim homines vident  
*Joh xxxvi, 25.* Deum, unusquisque intuetur procul. Ve-  
 rumtamen interdum anagogica contem-  
 platione atque theoria claritate, elevatur  
 et rapitur mens amorosa et pura in Deum.  
*II Cor iii, 18.* dicente Apostolo: Nos autem revelata fa-  
 cie gloriam Domini speculantes.

*Vitulum offeret pro peccato et arie-  
 tem in holocaustum.* Vitulus pro peccato  
 offertur, dum caro indomita et lasciva  
 iugo subicitur disciplinae, et jeuniis, vi-  
 giliis, laboribusque castigatur salubribus,  
 atque ab omni refrenatur voluptate ini-  
 qua. Porro qui ad Christum sunt pertinen-  
 tes, hoc utique modo carnem suam cum  
 vitiis et concupiscentiis crucifigunt. Quo  
 patet, quam pauci vere Christiani consi-  
 stant. Aries autem in holocaustum offer-  
 tur, dum superior pars animæ inferioribus  
 viribus præbens ducatum, divino cultui to-  
 taliter eum inflammatione caritatis valida  
 mancipatur. Vitulum quoque offerimus,

A dum Christi propter nos crucifixi virtute  
 et meritis, veniam, gratiam et salutem ob-  
 tinere precamur. Similiter arietem immo-  
 lamus in holocaustum, dum amarissimam  
 passionem Filii Dei præsentamus æterno  
 Patri cum gratiarum actione perenni. *Tu-  
 nica linea vestietur.* De spiritali signifi-  
 cantia harum sacerdotalium vestium, et  
 qualiter virtutibus per eas signatis omnis  
 Christifidelis, præsertim in sacris Ordini-  
 bus constitutus, sit ornandus, in exposi-  
 tione capituli octavi est expressum.

B *Suscipietque ab universa multitudine  
 duos hircos pro peccato.* Per hircum uno  
 modo notatur caro Christi, propter simili-  
 tudinem suam cum carne peccati; alio  
 modo caro nostra immunda, sensitivusve  
 appetitus. Non autem sufficit ad nostram sa-  
 lutem, ut superior noster passionem Christi  
 pro nostris transgressionibus offerat Patri,  
 nisi indneat nos ad hoc, ut proprium quo-  
 que corpus divino subdamus obsequio: nec  
 rursus sufficit servitus nostra, nisi virtus  
 et meritum passionis Unigeniti Dei nobis  
 communicentur. Utrumque igitur hircum  
 accipiat is qui præest, quatenus sibi com-  
 missis indulgentiam et salutem procuret.  
 Denique per caprum emissarium in soli-  
 tudinem missum, peccata populi super se  
 bajulantem, Christus significatur, in quem  
 Pater posuit iniquitates omnium nostrum:  
 qui bajulans sibi crucem, exivit, et quæ  
 non rapuit, solvit: atque in monte Calva-  
 riæ rabidis canibus et atrocissimis bestiis  
 expositus fuit ad devorandum, qui aperue-  
 runt super eum ora sua, exprobrantes;  
 percu-  
 pueruntque maxillam ejus, et satiati  
 sunt pœnis ipsius.

*Assumptoque thuribulo.* Per hoc thuri-  
 bulum potest intelligi cor humanum, quod  
 implendum est prunis altaris, id est inci-  
 tamentis divini amoris et sanctæ dilectio-  
 nis objectis: thymiamate quoque, id est  
 meditationum et orationum suavitate, ac  
 redolentia bonæ exemplarisque famæ, ut  
 cura habeatur de bono nomine. Quumque  
 cor fuerit his repletum, introducendum est  
 in contemplationis secretum ultra velum,

*Is. lvi, 6.*

*Pr. lxxviii, 5.*

*Pr. lxx, 17.*  
*13, 14.*

*Joh xvi, 11.*

*Eccli. xli, 15.*



ut ablato obscuritatis velamine, intueatur Ari vel ipsa Christi divinitas, quæ Christo affectuose ac limpide, quam superinecomprehensibilis sit Creatoris majestas, quam item immensa superadmirabilis Trinitatis felicitas. *Nullus hominum sit in tabernaculo, quando pontifex ingreditur sanctuarium, ut roget pro se et pro domo sua.* Per pontificem intellectus accipitur, qui est summa vis animæ, atque multiplicem hostiam pro toto homine offert Deo, eum deprecando, laudando ac venerando. Quum igitur intellectus ingreditur sanctuarium, id est, verticem suum ascendit, et sapientiæ mysteria aggredi parat, nullus in tabernaculo animæ maneat : quia tunc universæ distractiones, inquietudines, curæ, phantasmata, fabulationes et occupationes impertinentes, sunt prorsus abjiciendæ, quatenus soli Altissimo acies intelligentiæ infigatur, et puram, ferventissimam ac stabilem orationem immolet Domino pro se et proximis ac tota Ecclesia, pro vivis ac mortuis.

Præterea de hujus capituli mystica expositione loquitur Thomas : Christus significatur per vitulum, propter virtutem ; et per arietem, quoniam ipse est dux fidelium, sicut aries ovium : atque per hircum, propter similitudinem carnis peccati. Ipse autem Christus oblatus est pro peccatis sacerdotum ac populi. Sanguis autem vituli et hirci per pontificem illatus est in Sancta sanctorum, quia per sanguinem passionis Christi patet nobis introitus in regnum colorum. Combusta autem sunt illorum corpora extra castra, quoniam extra portam passus est Christus. Per hircum autem qui mittebatur, potest significa-

re vel ipsa Christi divinitas, quæ Christo patiente in solitudinem abiit, non locum mutando, sed virtutem solitæ protectionis ac influentiæ subtrahendo ; vel significatur concupiscentia, quam debemus abjicere, virtuososque motus Domino immolare.

Postremo de eadem materia scribit Parisiensis : Voluit Deus in hircu emissario insinuare, quod sicut hircus ille sine custode relinquebatur in deserto, expositus bestiis deserti ad devorandum pro peccatis populi, quæ in figura portabat, sic populus oneratus peccatis, atque a Deo custode ac defensore suo relictus, bestiis, id est principibus et tyrannis malorum regnorum, inimicarumque nationum, diripiendus ac dilacerandus esset : sieque Deus populum suum sapienter admonuit, ut si Deum habere vellent propitium, vitarent immunditias vitiorum. Et quod alter hircus cremabatur, alter in eremum mittebatur, significabat, quod quædam vitia sunt fuganda longe, longeque fugienda, videlicet contagiosa et scandalizativa ; alia vero consumenda et concremanda per penitentiam et sacrificium. Vel potius totum intelligitur de cunctis peccatis : omnia namque fuganda, fugienda et consumenda consistunt. Septena vero sanguinis adpersio fiebat contra idololatriæ ritum, quoniam quidam idololatriæ totum sanguinem immolationis apponebant dæmonibus ad bibendum, nihil de sanguine reservabant, et offerentibus \* nisi propter aliquas scripturas aut figuras inde faciendas, aliquid reservaretur : quod a multis idololatri factum esse, certum habemus.

Hom. xiii, 3.

Is. lxxv, 3  
et seq.

Hebr. xiii,  
12.

\* adeo ut  
nec offeren-  
tibus.

## ARTICULUS XXXV

EXPOSITIO LITTERALIS CAPITULI SEPTIMDECIMI : ET LOCUTUS EST DOMINUS AD MOYSEN.

**P**ONUNTUR quædam in isto capitulo, A in cunctis sacrificiis observanda, præsertim determinatio loci. *Et locutus est Dominus ad Moysen, dicens : Loquere Aaron et filiis ejus et cunctis filiis Israel, dicens ad eos : Iste est sermo quem mandavit Dominus, dicens : Homo quilibet, id est quicumque, de domo Israel, id est semine Jacob patriarchæ, seu aliqua tribu descendente ex illo, si occiderit orem aut bovem sive capram : quæ tria erant animalia immolatoria, ideirco nunc sermo est de mactatione animalium horum ad immolandum : in castris vel extra castra, id est in domibus seu tentoriis suis, vel extra, seu in agris : non quod ibi poterant animalia offerenda occidere, sed si ibi hoc fecerint, quod esset peccatum commissionis : et non obtulerit ad ostium tabernaculi oblationem Domino, id est, animal immolandum non adduxerit sacerdoti ad ostium atrii, ut per manum sacerdotis exsecutio sacrificii fiat : et illud non facere esset peccatum omissionis : sanguinis reus erit, id est mortali peccato obnoxius, vel etiam C secundum legem morte plectendus aut dignus occidi : ideo subditur, quasi si sanguinem fuderit, sic peribit de medio populi, id est, puniendus est, quemadmodum homicida. Verumtamen non videtur quod sacrificium offerre extra debitum locum, aut illud negligere, fuerit in se tam enorme crimen ut homicidium. Quamvis enim peccata in Deum, sint graviora peccatis in proximum, loquendo in generali, non tamen semper in speciali.*

Ideo offerre debent sacerdoti filii Israel D hostias suas, id est, animalia offerenda præsentantur alieni sacerdotum in loco præfixo, nec sibi ipsis assument sacerdo-

tale officium : *quas hostias occidunt in agro* : quia pro tunc nonnulli ex filiis Israel talia mactaverunt in agris et aliis locis, instar gentilium sacrificantes undique indifferenter, præsertim lege nondum data, et tabernaculo non constructo : *ut sanctificentur Domino ante ostium tabernaculi testimonii, et immolent eas hostias pacificas Domino, id est, ipsa animalia a sacerdote inspecta et apta offerri judicata, deputentur ad Dei reverentiam loco debito offerenda. Fundetque sacerdos sanguinem super altare Domini, hoc est super altare holocausti. Qualiter autem id fieri debuit, dictum est in multis capitulis. Et nequamquam ultra immolabunt hostias suas daemonibus, id est, de cetero non debent nec licebit eis hoc facere : cum quibus fornicati sunt, id est spirituale adulterium commiserunt, avertentes animas suas a Deo sponso animarum fidelium, et conjungentes se daemonibus per consensum et impii actus productionem. Porro qui creaturæ Rom. 1, 25.*

sen corporibus celestibus, aut elementis, aut defunctorum spiritibus sacrificant, quamvis directe non intendunt demonibus obsequi aut servire, tamen eis immolant atque deserviunt æquivalenter, et ex daemonum instigatione procedit tanta impietas, et complacet eis : ipsi quoque in idolis sæpius habitaverunt, et responsa dederunt.

Consequenter quod dictum est, evidentius resumitur. *Et ad ipsos dices : Homo de domo Israel, id est natu Israelita, et de advenis qui peregrinantur apud vos, id est quicumque proselytus, seu ad Judæismum conversus, qui obtulerit holocaustum sive victimam, id est quancumque*

oblationem legalem, videlicet hostiam pacificam aut pro peccato, *et ad ostium tabernaculi testimonii non adduxerit eam, ut offeratur Domino* per manus sacerdotis in loco determinato et consecrato, *interibit de populo suo*. Veruntamen viri fideles et aliqui sancti in veteri Testamento leguntur extra hunc locum Domino obtulisse, ut patet de Gedeone, et patre Samsonis, Salomone, Elia : quod ex divina dispensatione, revelatione aut inspiratione creditur factum.

Judic. vi  
19. xiii, 19.  
20. III Reg.  
xvi, 62; xviii,  
30 et seq.

Consequenter esus sanguinis generaliter prohibetur, quod et supra interdum expositum est, et causae prohibitionis prae habitae sunt, nec est difficultas in textu, *Homo quilibet de domo Israel et de advenis, qui peregrinantur inter vos : et istud de mulieribus quoque est intelligendum : si comederit sanguinem, obfirmabo faciem meam contra animam illius*, id est, districte ac vindicative adspiciam illum, *et disperdam eam de populo suo* : cum plagando seu occidendo, nec erit per caritatem incorporatus synagogae electae seu vere fidei, nisi poeniteat, vel ex causa divinae sapientiae nota, differatur ultio talis : *quia anima carnis in sanguine est*, id est, ex bona sanguinis dispositione praesertim, dependet vita animalis, seu existentia et permanentia animae in corpore animato. Sicque videtur crudele, sanguinem seu aliquid ex sanguine confectum, comedere. Judaei autem ad crudelitatem et sanguinis effusionem erant proclives : ideo istud praeceptum est ipsis, ut vel sic a crudelitate ad misericordiam traherentur. *Et ego dedi illum vobis*, id est, usum sanguinis ad hoc vobis concessi, *ut super altare meum expietis pro animabus vestris*, id est, quatenus sacerdos sanguinem hostiarum vestrarum super altare fundendo aut liniendo, cooperetur vestrae purgationi, et ignoreantur vobis peccata vestra. Ideo sequitur : *et sanguis pro animarum piaculo sit*, id est, pro remissione peccati animarum vestrarum fundatur, ad praefigurandum universalem et plenam purgationem

ac liberationem per sanguinem Christi : ad quod praesignandum, universa legis sacrificia principaliter ordinabantur.

*Animus qui comederit morticinum*, id est corpus animalis per se mortui, et liciti ad vescendum ex sua natura, et si apte pareretur, *vel captum a bestia*, id est dilaniatum ab aliqua fera, et sic mortuum, antequam vivum eripiat, seu laesum satis cito et convenienter coquatur : *tam de indigenis quam de advenis*. Unde ante haec verba in textu habetur : *Homo quicumque de filiis Israel venatione sive aucupio cepit feram vel avem, quibus rescitum est, fundat sanguinem ejus, ut aperiat illum terra*. Itaque anima, id est homo, qui comederit morticinum vel captum a bestia, tam de indigenis quam de advenis, id est, sive civis fuerit, sive peregrinus, et ad ritum vestrum conversus, *lavabit vestimenta sua et semetipsum aqua* : ut sic aqua adspersionis purgetur : *et contaminatus erit usque ad vesperum, et hoc ordine mundus fiet*. Istud prae habitum est supra atque expositum. Istud quoque in primitiva Ecclesia sancti Apostoli praeceperunt ad tempus a conversis gentilibus observari, juxta illud Actuum : Visum est Spiritui Sancto et nobis, ut abstineatis vos ab immolatis simulacrorum, et sanguine, et suffocato, et fornicatione. Unde per laceratum a bestia, quidam intelligunt suffocatum duntaxat, vel diu jam mortuum.

Act. xv, 28.

Præterea de hac materia scribit Thomas compendiose in prima secundae quaestione 102, quod ad vitandum idololatriae occasionem, voluit Deus sibi in uno loco offerri, quia ad idololatriam Judaei erant pronissimi, atque ut fides unius Dei in cordibus hominum firmaretur : ad ostendendum quoque, quod corporalis cultus et legalia sacrificia non erant ei per se accepta. Secus est de cultu novae legis, in ejus sacramentis gratia continetur. Quantum vero ad spirituales Dei cultum, consistentem in doctrina legis ac Prophetarum, et in orationibus ac laudibus Dei, habebant Judaei loca ad hoc deputata diversa, vide-



licet synagogas, sicut et nunc habent Christiani plures ecclesias.

Sensus mysticus.

Mystice vero voluit sibi Deus in uno loco sacrificari, ad præfigurandum quod in evangelica lege omnia fieri et offerri debeant in ecclesiastica unitate, atque individua caritate, in unius fidei ara, ut universæ hæreses vitentur et schismata, et quidquid caritati repugnat. Insuper et nos hostias nostras nequaquam de cetero demonibus offeramus, sed Deo, ita ut omne quod agimus, ad Dei honorem et gloriam sinceriter ordinemus ac faciamus, omni exclusa vanitate ac sinistra intentione. Nec sanguinem manducemus, id est, iniquis et carnalibus aliorum operibus non communicemus nec consentiamus, juxta illud Apostoli : Non acquievi carni et sanguini. Vel sanguinem manducare, est crudelitatem in

Galat. i. 16.

alios exercere, seu labores et bona illorum consumere. Porro si aliquid ceperimus *re-natione*, id est, aliquem ad viam salutis converterimus prædicatione, aut *aucepio*, id est oratione; antequam illum edamus, id est, conversatione ac imitatione ipsius nos reficiamus, prius fundamus *sanguinem ejus*, id est, actus et affectus carnales abstrahamus ab ipso, ut mundus sit cibus. Qui enim *comederit morticinum vel captum a bestia*, id est, ejus actibus pravis cor suum refecerit, qui ex propria infectione aut malignitate in mortalia lapsus est, vel captum a bestia, id est a malignis spiritibus victum, seu bestialium aut ferocium hominum persuasionem deceptum, et spiritualiter mortuum, interibit, nisi *sua* laverit *vestimenta*, id est, vitam et actus suos per pœnitentiæ lacrimas et satisfactionem purgaverit.

## ARTICULUS XXXVI

DECLARATIO CAPITULI OCTAVIDECIMI : LOCUTUSQUE EST DOMINUS AD MOYSEN.

**D**OMINUS in exordio hujus capituli quasdam resumat exhortationes ac jussiones præhabitas, deinde gradus quosdam consanguinitatis et affinitatis a matrimonio excludit. *Locutusque est Dominus ad Moysen, dicens : Loquere filiis Israel, et dices ad eos ex parte mei : Ego sum Dominus Deus vester*, quoniam vobis specialiter legem trado, gratus beneficiusque existo, et a vobis adorari et coli requiro. *Juxta consuetudinem terre Egypti in qua habitastis, non facietis*, id est, consuetudinem idololatræ Egyptiorum vobis prohibeo; *et juxta morem regionis Chanaan, ad quam ego introducturus sum vos, non agetis, nec in legitimis eorum ambulabitis*, imitando idololatrias et cetera Chananæorum facinora. Horum duorum populorum idololatrias et peccata specialiter prohibet eis, quia de consuetudinibus

Egyptiis aliquid contraxerunt, et vitia Chananæorum facilius incidere poterant.

Ostenso quid debeant evitare, subdit quid agere debeant. *Facietis judicia mea*, id est, judicialia mea præcepta implete, *et præcepta moralia servabitis* per memoriam et effectum, *et ambulabitis in eis*, perseverando usque in finem. *Ego Dominus Deus vester. Custodite leges meas*, id est <sup>22.</sup> caerimonialia jussa, *atque judicia*. Quædam judicialia præcepta fuerunt instituta a Deo, quædam per ejus vicarios, per reges et pontifices seu principes, et utraque voluit Deus impleri. *Quæ faciens homo, vivet in eis* per gratiam, in quantum ex caritate implentur, sicque per eorum impletionem ad vitam gloriæ perducetur. Nec obstat quod per Ezechielem loquitur Dominus : Dedi eis præcepta non bona, et legem seu mandata in quibus non vivent. <sup>25.</sup>

Math. x.

Ezech. xx.

Hoc equidem dictum est, in quantum lex non continebat gratiam, et ipsa criminosa ex se ipsis non justificabant, nec erant Deo accepta, nisi ex offerentium devotione et fide Salvatoris futuri. Propter quod ait Apostolus: Nihil ad perfectum adduxit lex. Et rursus: Ex operibus, inquit, legis non justificabitur omnis homo.

Sequitur de impedimentis matrimonii ex parte propinquitatis. *Ego Dominus Deus vester, Omnis homo ad proximam sanguinis sui non accedet, ut revelet turpitudinem ejus*: id est, cunctis, præsertim Judæis, prohibeo cum persona consanguinea copulam inire carnalem. De quibus autem cognatis seu affinibus istud sit intelligendum, consequenter determinatur. *Ego Dominus, Turpitudinem patris tui et turpitudinem matris tuæ non discooperies*, id est, nec filia patri, nec filius matri miscetur. *Mater tua est, non revelabis turpitudinem ejus*: id est, ideirco eam non cognosces, quoniam mater est tua, et per consequens, non tam irreverenter et vitiose tractanda. *Turpitudinem uxoris patris tui*, id est genitale tuæ novereæ, *non discooperies*. *Turpitudinem enim patris tui est*: quoniam vir et conjux reputantur una caro, et talis discoopertio valde ignominiosa est patri. Propter quod Achitophel dixit ad Absalom: Ingredere ad concubinas patris tui, ut quum audierit omnis Israel quod fœdaveris patrem tuum, roborentur manus eorum tecum. Jacob quoque moriens, abominatus est incestum hujusmodi Ruben: Non cresecas, inquit, quia ascendisti enibile patris tui. *Turpitudinem sororis tuæ ex patre sive ex matre*, id est, sive sit soror tua solum ex parte patris, sive tantum ex parte matris; *quæ domi vel foris genita est*, id est ex toro legitimo seu illegitimo, vel domi, id est in Judaismo, vel foris, id est extra Judaismum: *non revelabis*: et per consequens, imo per locum a majore, turpitudinem ejus non revelabis, si ex parte utriusque parentis sit soror tua. *Turpitudinem filiarum filii tui, vel neptis ex filia, non revelabis*: quoniam

talium puellarum es avus, ideo subditur: *quia turpitudinem tuam est*, id est, tales puellæ sunt caro tua, quia de substantia seu semine prolis tuæ sunt nate: sieque earum turpitudinem est tua, et tibi tam propinqua, quod eam nudare non debes. *Turpitudinem filiarum uxoris patris tui, quam peperit patri tuo, et est soror tua, non revelabis*: sicut jam tactum est.

Consequenter prohibentur et aliæ personæ a connubio ratione consanguinitatis vel affinitatis, et clarus est textus ex præductis. Verumtamen quod ait, *Uxorem fratris sui nullus accipiat*, intelligendum est, fratre illo vivente, contra quod egit Herodes: vel nisi defunctus sit semine non relicto. *Sororem uxoris tuæ in pelliculam illius*, id est ad concubendum cum ea meretricaliter, *non accipies, nec revelabis turpitudinem ejus adhuc illa vivente*, id est, priori uxore tua, sorore illius, nondum defuncta: ex quo elicitur, quod licuit priore defuncta.

*Ad mulierem quæ patitur menstrua, non accedes, nec revelabis fœditatem ejus*. De causis et intellectu hujus præcepti in expositione quintidecimi capituli est tractatum. *Cum uxore proximi tui non coibis nec seminis commixtione maculaberis. De semine tuo non dabis ut consecretur idolo Moloch*. Quemadmodum tertio Regum legitur. Chamos fuit idolum Moabitarum, Moloch vero fuit idolum Ammonitarum. Cultores autem Moloch, interdum miscuerunt in sacrificiis ejus aliquid seminis seu spermatis sui. Interdum parentes obtulerunt infantulos suos idolo huic: quod, ut fertur, cupreum fuit et concavum, formam habens humanam. Quumque intus fuisset igne succensum, ponebatur puerulus in ulnis seu manibus idoli, et comburebatur. Moxque sacerdotes tantum fecerunt sonum cum tympanis, quod parentes et alii qui adstabant, lamentationem infantis non audierunt, ne compassione affligerentur, sed animam pueri crederent a diis susceptam. *Nec pollues nomen Dei tui*, ipsum tam graviter inhonorando, seu incorruptibilis

Hebr. vii,  
19.  
Rom. iii, 20

Gen. ii, 24.

II Reg. xvi,  
21.

Gen. xlix, 3.

Marc. vi,  
18.

Lev. xv, 24.

III Reg. vi,  
7.

et incommutabilis Dei nomen falsis diis A attribuendo.

*Ego Dominus : Cum masculo non commisceberis coitu femineo : quum sit Sodomiticum vitium, et ignominiosum naturae propagationi individui, conservationique speciei contrarium : quia abominatio est. Conformiter femina prohibetur in feminam exercere immunditiam : imo generaliter sicut praedicta prohibentur viris, ita et feminis : sed de viris, quasi de plurali, fit mentio. Cum omni pecore non coibis : quia hoc esset plus contra naturam, quam Sodomia : nec maculaberis cum eo per contactum, consensum seu provocationem stimulationis, resolutionisve seminis. Mulier non succumbet jumento : nec aliqua vitiosa affectione aut motione circa illud disponetur : nec miscebitur ei, quia scelus est. Nec polluantini in omnibus his, quibus contaminatae sunt universae gentes, et in quibus polluta est terra : cujus ego scelera visitabo, ut eromat habitatores suos. Custodite omnia legitima mea atque judicia, ut non faciatis ex omnibus abominationibus istis, tam indigena quam colonus qui peregrinatur apud eos. Omnes enim execrationes istas fecerunt accola terrae, videlicet Chananæi : quo constat, quam enormiter peccaverunt, et quam juste a Deo plagati sint. Ecce beatissimus Moyses divinis assuetus alloquiis, ut ab obseeno et libidinoso affectu ac opere nos avertat, organum sexus feminei tam viliter exprimit, ut vix aliquid vilius valeat excogitari. Tribus quippe nominibus in isto capitulo illud expressit, nunc turpitudinem, nunc ignominiam, nunc feditatem illud appellans. Cur igitur ratio sic obtenebratur, ut tam inordinate et bestialiter moveatur, aut sensualitatem moveri permittat ?*

Circa hæc in Scholastica fertur historia : In primorum parentum conjugio propter hominum raritatem, solum duas personas excludit Dominus a conjugio, dicens : Propter hoc relinquet homo patrem et matrem, id est, nec filius matri, nec patri

filia copulabitur. Sub lege autem plures excepit, puta duodecim, quæ sunt mater, noverca, soror, neptis, amita, matertera, uxor patruï, nurus, uxor fratris, juxta sensum præhabitu, privigna, filia privigni vel privignæ, soror uxoris. Tam paucas tunc excepit, ut multiplicarentur homines. Sub gratia plures excluduntur, ubi continentia locum habet : et est hæc prohibitio circa conjugium : a fornicatione enim omnis excluditur mulier.

Ut autem præhabita clarins intelligantur, pensandum quod super quartum Sententiarum, distinctione 40, scribit Thomas circa questionem qua quæritur, an consanguinitas de jure naturali impediatur matrimonium : Illud in matrimonio dicitur esse contra legem naturæ, per quod matrimonium redditur incompetens, respectu finis ad quem est institutum. Finis autem matrimonii, primo et per se, est bonum prolis, quod per consanguinitatem quamdam, scilicet inter patrem et filiam, et inter filium et matrem impeditur, non ut omnino tollatur, quia filia ex patre potest concipere, et simul cum eo prolem instruere ac nutrire, sed sic, ut non fiat modo convenienti. Inordinatum est enim, ut filia quam oportet patri esse subiectam, tanquam ex eo procedentem, jungatur ei in sociam et comparem ad prolificandum : atque inordinatius est ut mater filio nubat, quum uxor debeat viro aliquo modo esse subiecta. Porro finis matrimonii secundarius, tamen per se, est concupiscentiæ refrenatio : contra quam esset, quod personæ consanguineæ, præsertim quæ in eadem solent domo cohabitare, matrimonio jungerentur. Idcirco, ut Rabbi Moyses protestatur, tales personas a matrimonio lex exclusit, imo tales personæ debent suam pudicitiam mutuo custodire. Finis autem matrimonii per accidens, est confederatio hominum, et multiplicatio amicitiae inter eos, dum homo ad consanguineos uxoris, sicut ad suos se habet. Huic autem fini matrimonii præjudicaretur, si personæ sibi propinquæ sociarentur con-

Matth. XIX

5.



nubio, quia ex hoc non consurgeret amicitia nova : ideo secundum leges humanas et statuta Ecclesiae, plures consanguinitatis gradus sunt a matrimonio separati. Sicque consanguinitas quantum ad quasdam personas, impedit matrimonium de jure naturali : quantum ad aliquas, de jure divino : quantum ad aliquas, de jure positivo humano. Haec Thomas.

Qui iterum ait : Affinitas praecedens, matrimonium impedit contrahendum, dirimitque contractum, eadem ratione quae consanguinitas : nam sicut consanguineis, ita affinis inest quedam cohabitandi necessitas. Et sicut est amicitiae vinculum inter consanguineos, ita et inter affines. Si autem affinitas matrimonio superveniat, non potest ipsum dirimere. At vero in nova lege ex statuto Ecclesiae etiam spiritualis cognatio, sicut affinitas, matrimonium impedit, prout super quantum Sententiarum, distinctione 42, doctores conscribunt.

Sensus moralis.

Postremo juxta moralitatem, non debemus juxta consuetudinem terrae Aegypti facere, id est, infidelium more conversari, neque vitiosis mundi amatoribus conformari. Et specialiter religiosus nequaquam debet instar saecularium vivere, neque sub habitu sacro, ovino ac spirituali, cor car-

nale, mundanum aut sacrilegum gerere, violando suae professionis statuta aut voti. Per prohibitionem autem revelationis turpitudinis propin quarum personarum, insinuat-  
tur vitari omnis inordinata revelatio, seu detectio peccati aut defectuositatis sive secreti proximorum, sive hoc fiat directe, sive indirecte : atque (ut ait Glossa) maledictionem Cham incurrunt, qui parentum aut spiritualium patrum seu amicorum et confidentium sibi peccata ex mala radice aperiunt, impropere, vel accusant. In qua re culpabiles sunt : detractor, qui occulte alterius famam denigrat : malevolus, qui tacendo innuit, ut alius quod pejus est suspicetur : reprehensor quoque, qui nimis exaggerat culpam alterius ut gravior videatur : item susurro et bilinguis, adulator et invidus, simulator et mendax atque maledicus. De semine etiam nostro non debemus dare ut consecratur Moloch, id est diabolo. Nam Moloch interpretatur princeps et rex, per quem princeps tenebrarum, rex filiorum superbiae, designatur : cui donat et consecrat semen suum, qui vel in actibus suis quaerit placere hominibus, vel ex proposito male agit, aut spiritualement filium suum aut subditum exemplo aut verbis trahit ad vitia, per quae trahit atque incorporat eum diabolo.

Gen. ix, 22.  
24.

Job xii, 23.

## ARTICULUS XXXVII

EXPLANATIO LITTERALIS CAPITULI NONDECIMI : LOCUTUS EST DOMINUS AD MOYSEN, Dicens.

**R**EPETUNTUR in isto capitulo aliqua, vel in Exodo vel in isto volumine habita. Multa quoque praecepta adduntur. Estque praesens capitulum sententiosum, imo (ut Rabbi Paulus testatur) apud antiquissimos Hebraeorum notabilissimum reputatur. Locutus est Dominus ad Moysen, dicens : Loquere ad omnem ceterum filiorum Israel. Communitatem namque respiciunt

ista praecepta. Et dices ad eos : Sancti estote, quia ego sanctus sum, Dominus Deus vester. Haec est dignatio Dei immensa, quod servulos suos ad sui assimilationem invitare dignatur. Unde hanc benevolentissimam ac dignantissimam suae majestatis exhortationem praemittit, ut per ipsam populum suum ad suorum impletionem mandatorum alliciat. Et quoniam sine prae-

ceptorum custodia nemo potest sanctitatem adipisci, mox subditur : *Unusquisque patrem suum et matrem suam timeat* filiali timore, ita ut parentes suos, spiritualesque patres tam cordialiter amet, et tam gratus sit eis, ut eorum offensam vereatur et vitet, quantum rationabiliter et sine Dei offensione potuerit. *Sabbata mea custodite*. De hujus intellectu et qualitate præcepti, super Exodum dictum est copiose.

Exod. xx,  
8-11; xxxi,  
13-16.

*Ego Dominus Deus vester. Nolite converti ad idola*, id est, ad idololatriam mens vestra non inelinetur, non consentiat, non procedat, ne cultus vero, vivo, omnipotentique debitus Deo, creaturis aut figmentis impendatur : quæ est iniquitas maxima et negatio contra Deum altissimum. *Nec deos conflatis faciatis vobis. Ego Dominus Deus vester. Si immolaveritis hostiam pacificorum Domino, ut sit placabilis*, id est Deo accepta, eo die quo fuerit immolata comedetis eam, et die altero. Istud præceptum supra scriptum est atque expositum.

Job xxxi,  
28.

Lev. xii, 16.

*Quum messueris segetes terræ tuæ, non tondebis usque ad solum superficiem terræ*, id est, blada non desecabis ita totaliter, ut pro pauperibus nihil remaneat, sed aliquæ spicæ ac competens stipula pro illorum necessitate sunt relinquendæ in agro, nec remanentes spicas colliges : neque in vinea tua racemos et grana decidentia congregabis, sed pauperibus et peregrinis carpenta dimittes. Ecce exhortatio et præceptum ad pietatem, ad liberalitatem, ad caritatem fraternam inducens ac perti-

Exod. xx, 7.

nens. Quo probatur, Deum legis non esse naturaliter malum, nec justum duntaxat, sed etiam bonum et pium : ejus oppositum dixerunt impiissimi heresiarchæ Marcion, Manichæus, Apelles, atque Montanus. *Ego Dominus Deus vester. Non facietis furtum. Non mentiemini, nec decipiet*

veritas est, inducas ad confirmationem mendacii, præsertim dum illud scis falsum esse. De his quia præhabita sunt, transeo. Sed cur non resumitur hic præceptum de fornicatione seu adulteratione vitanda? Respondetur, quod inde facta est mentio partim in præcedenti capitulo, partimque fiet in sequenti.

Circa hæc loquitur Augustinus : Non mentiemini, nec calumniam facietis. In hoc præcepto videtur contineri. Neque falsum testimonium dices : quia calumnia sine mendacio fieri non potest, quod falso testimonio concluditur. Sed quaritur, an aliqua dispensatione, id est pro aliqua utilitate, facienda sint ista. Sic pene videtur omnibus, quod mentiendum sit pro salute ubi nemo læditur. An similiter ergo furandum est ei, cui per furtum consulitur, velut si quis furetur gladium volenti se trucidare, quemadmodum calumnia fiebat ad majus gaudium, quam Joseph de scypho intulit fratribus suis, quibus etiam explorationis falsum crimen intenderat?

Gen. xlix,  
2 et xlii, 9.

Fortassis enim furtum non est, nisi dum alieno occulte ablato proximus læditur : mendacium autem non possumus dicere tunc tantum esse : quum enim a sciente dicitur, mendacium est, sive quis, sive nemo lædatur. Absolute autem dicitur, Non mentiemini, sicut dictum est, Non occides : quia quum homo juste occiditur, lex occidit, non tu. Numquid similiter potest dici, quum homo juste mentitur, lex mentitur? Mentita sunt obstetrices, et Deus retribuit illis bona. Mentita est Ra-

Exod. xx,  
13.

Ibid. i, 19.

Josue ii, 5.

hab, et liberata est. An quoniam dictum est in lege, Non mentiemini, non licuit in tali casu et causa mentiri? Sed magis dicendum, quod quia injustum erat mendacium, ideoque prohibitum est : et non quia prohibitum, ideoque injustum est. Forsan ergo sicut obstetrices remuneratæ sunt, non quia mentite, sed quia liberaverunt infantes : et propter hanc misericordiam veniale fuit illud mendacium, non tamen nullum peccatum. Similiter de Rahab dicendum. Sed ne pulet quisque in ceteris

peccatis, si propter liberationem hominum A fiant, ita posse concedi veniam. Multa enim mala, intolerabilia, detestanda, talem sequuntur errorem. Hæc Augustinus.

*Ego Dominus. Non facies calumniam proximo tuo*, aliquid falsi ei imponendo, aut sua ab eo extorquendo cum apparenti motivo, sed injusto; *nec vi opprimes eum*: quia hoc esset crudele, inhumanum et inhumum. *Non morabitur opus mercenarii tui apud te usque mane*: id est, operanti apud te pro quotidiana mercede, da justam mercedem eadem die, si tamen indigeat et requirat, et tibi possibile sit. Mercenarii enim pauperes esse solent. Unde in Ecclesiastico legitur: Qui sanguinem fundit, et qui fraudem facit mercenario, fratres sunt. *Non maledices surdo, nec coram cæco pones offendiculum*. Isti enim sunt miserabiles personæ, quibus non est addenda injusta afflictio, nec valent se juvare, respondendo et evadendo: imo nulli est maledicendum ex zelo injusto, ira, impatientia aut rancore. Similiter offendiculum nulli ponendum est, quum et Apostolus dicat: Ne ponatis offendiculum fratri aut scandalum. *Sed timebis Dominum Deum tuum, quia ego Dominus sum*. Quem qui veretur, præfata mala, imo et cetera vitia detestatur, quemadmodum scriptum est: Qui timet Deum, nihil negligit. Itemque: Qui timet Dominum, declinat a malo.

*Non facies quod iniquum est*, id est contra justitiam; *nec injuste judicabis* ex amore vel odio, timore aut cupiditate, aut aliquo impetu passionis, et summe cavendum, ne quis scienter hoc faciat. Causam vero quam judex ignorat, diligentissime perscrutetur. *Non consideres personam pauperis*, hoc est quod alio loco idem iste præcipit legislator, Pauperis non misereberis in judicio. Quamvis ergo ceteris paribus, quantum rationabiliter fieri potest, condolendum, condescendendum, et succurrendum sit pauperi, non tamen in foro judicii, in gravamen injustum alterius partis, neque sic ut derogetur justitiæ, aut

in rei publicæ detrimentum. Ceterum, si pauper sit simplex, formidolosus, mœstus et innocens, aut excusabiliter reus, parsque adversa, audax, astuta et potens, pium et justum est, pauperem verbo et signo confovere et animare, quemadmodum sanctus Job loquitur: Quinque sederem quasi rex circumstante exercitu, eram tamen morientium consolator. *Nec honores cultum potentis*. Istud, sicut præcedens præceptum, est intelligendum, ut scilicet in judicio non deferatur parti adversæ, quamvis nobili ac potenti, contra justitiam; sed sine personarum acceptione fiat justitia, ita ut cuicumque, quantumlibet propinquo aut dilecto vel familiari, exhibeatur quod justum et condecens est: quoniam judex debet esse quasi lex animata ac viva justitia, a qua nihil æquitati contrarium, aut bono communi repugnans, procedere queat. Veruntamen potentes ac nobiles, in quantum sunt Dei vicarii ac ministri, et publicæ personæ in officiis constitutæ, seu virtuosius et superiores, sunt specialiter honorandi, sicut ait Apostolus: Cui honorem, honorem. Hinc subditur: *Juste judica proximo tuo*, id est, ad profectum seu utilitatem proximi tui profer justum iudicium in causa ipsius, tu qui ex officio vel commissione habes judicare de illo. Porro usurpata, temeraria, et injusta judicia sunt vitanda, nec ex levi suspicione est judicandum. Si autem aliquis reus est, expedit ei ut juste dijudicetur, et in vita puniatur præsentis, ne pereat aut multo gravius puniatur in posterum.

*Non eris criminator*, hoc est accusator malevolus aut mendosus, sed potius fratrum amator, et caritativus detector peccati proximi tui, dum caritas vel justitia id requirunt, opportunoque loco et tempore. Circa hoc scribit Hesychius: Septuaginta transtulerunt. Non ambulabis in dolo in gente tua. David quoque conjungit homicidium dolo, dicens: Virum sanguinum et dolosum abominabitur Dominus: (dolos enim est occultus gladius) ut dolum velociter fugiamus, qui tanto crimini, scilicet

Job xxxv, 25.

Ezod. xxiv, 6.

Rom. xiii, 7.

Ps. v, 7.



homicidio, est conjunctus. *Nec eris susurro in populis*, id est seminator discordiae inter fratres. De hoc ait Thomas in secunda secunda : Susurro et detractor in materia ac modo loquendi conveniunt, quia uterque profert de alio malum occulte : propter quod unum frequenter pro alio sumitur. Proprie tamen loquendo, differunt in fine : quia detractor intendit alterius famam denigrare : susurro autem aliorum amicitiam conatur corrumpere seminando discordias. Unde in Proverbiis habetur : *Susurratore subtracto, litigia conquiescunt*. B  
Hinc susurro proprie vocatur bilinguis, quoniam inter duos duabus utitur linguis, de utroque proferens malum in aure alterius. Hinc susurratio est gravius crimen, quam detractio, imo quam contumelia. Vere ergo in Ecclesiastico scriptum est : *Susurro et bilinguis maledictus*, multos enim turbavit pacem habentes. *Non stabis contra sanguinem proximi tui*, id est, ad ledendum vel occidendum proximum tuum contra processum formamque juris, operam non impendes ; neque consenties, nec te conjunges hiis qui proximo insidiantur, sicut multi aliis sociati faciunt, quod per se non possunt.

*Ego Dominus, Non oderis fratrem tuum in corde tuo*. Ex hoc arguitur, quia secundum legis intentionem omnis proximus, in quantum rationalis creatura ad Dei imaginem facta, et beatitudinis capax, sit ex caritate amandus. Omnes etenim fratres sumus communione naturae specificae, et unius Patris coelestis identitate, atque ex eisdem primis parentibus orti. D  
Qui autem ejusdem religionis aut professionis consistunt, ampliori ratione sunt fratres. Unde hoc loco per fratrem, etiam soror et quilibet homo viator est intelligendus : et in isto erraverunt et errant Judaei, qui putant adversarios odiendos. Praecipue autem vitandum est, ne quis malitiose seu ex rancore observet et celet peccatum alterius, ut suo tempore in majorem illius perniciem detegat illud. Ideo subjungitur : *sed publice argue eum*, id est

evidenter et caritative, non tamen semper aut statim in aliorum praesentia, ne exasperetur, aut vileseat in cordibus proximorum, seu ledatur in fama : sed ut doceat ac jubet Salvator, primo in secreto est corripendus, et si ita non acquiescit, adhibendi sunt unus vel duo testes. Quod si nec ita corrigitur, denuntiandum est Ecclesiae, seu judici aut praedato. In aliquibus tamen criminibus bonum commune ledentibus, oportet quandoque statim judici denuntiare. Est autem increpatio ista actus caritatis, et sic spectat ad omnes : estque intermittenda vel differenda, si non sit spes probabilis de emendatione peccantis. Est etiam actus justitiae, sicque ad praesidentem ac judicem pertinet. Et illius discretionis relinquitur, an statim increpet et castiget eum, de cujus emendatione spes parva vel nulla apparet. Si tamen ex dilatione disciplinae ledatur bonum commune, non est amplius dissimulandum, sed rigore justitiae est utendum. Sic ergo argue fratrem delinquentem, *ne habeas super illo peccatum*, hoc est, ne particeps sis peccati illius illud palpando, aut indebite occultando, et ne efficiaris transgressor divini praecepti : quia (ut asserit Augustinus) si increpare neglexeris, peior eo qui peccavit, efficeris.

*Non queres ultionem*, id est, injuriam tibi factam non ulcisceris, nec ulcisci optabis, praesertim ex ira per vitium : tamen ira per zelum non reprobatur. Nam et vindicativa, quae operatur rectitudinis zelo, est pars justitiae. Veruntamen ceteris paribus, commendabilius est aequanimiter pati, quam vindicare. Si autem ex patientia tali derogetur justitiae, et ledatur bonum commune, seu injuriator fiat ad injuriandum procacior, expedit justam optare ac fieri ultionem, ut reprimantur tot mala, ne pereat injuriosus in finem. *Nec memor eris injuriae civitatum tuorum*, id est, ex ira et impatientia seu rancore memor non sis injuriarum tibi a proximis illatarum. Veruntamen eo modo, quo licet aut expedit querere ultionem, licet et expedit recor-

Prov. xxvi,  
20.

Ecclesi.  
xxviii, 15.

Matth.  
xxiii, 8.

Matth.  
xviii, 15-17.

dari injuriæ tempore opportuno, et sine animi perturbatione, *Diliges amicum tuum sicut te ipsum*, id est in Deo et propter Deum, ut simul cum eo acquiras salutem. Non tamen per istud datur intelligi, quod inimici sint odiendi, nisi in quantum iniqui, id est quoad id quod culpa in eis est. Sic enim odiuntur a Deo, quemadmodum scriptum est : *Odio sunt Deo impius et impietas ejus*. Verum (ut ait Salvator), Si diligimus eos, qui nos diligunt, tantum, quam mercedem habebimus ? Nonne et ethnici hoc faciunt ? Debemus ergo inimicos propter Deum diligere, quoniam ipse hoc jussit, atque ad ejus imaginem sunt plasmati, et ipse Creator omnipotens quantum in se est, eorum cupit salvationem, et ad salutem multipliciter eos instigat per se, per angelos sanctos, per homines bonos, per beneficia atque miracula, imo et comminando ac perterrendo.

*Ego Dominus, Leges meas custodite, Jumenta tua non facies coire cum alterius generis animalibus, Agrum tuum non seres diverso semine, Vestem quæ ex duobus textu est, non indueris*. Hic ponuntur tria præcepta, per quæ tres prohibentur commixtiones. Prima est individuorum diversarum specierum ; secunda, diversorum seminum seu granorum in agro eodem ; tertia, diversorum pannorum seu colorum in una veste. Quarum jussionum ad litteram causa est, quoniam Deus voluit populum se colentem, ab idololatriis distingui. Unde de his præceptis scribit S. Thomas in prima secunda, questione 102 : Circa prohibitionem commixtionis animalium diversarum specierum, ratio literalis potuit esse triplex. Una, ad detestationem idololatriæ Egyptiorum, qui tales commixtiones fieri procuraverunt in obsequium planetarum, qui secundum diversas conjunctiones, causant diversos effectus et diversas species rerum. Alia ratio est, ad excludendum concubitus contra naturam. Tertia, ad tollendum universaliter concupiscentiarum occasionem. Animalia namque diversarum specierum non miscentur de facili ad in-

vicem, nisi hoc per homines procuretur, et in adpectu hujusmodi coitus, excitatur homini concupiscentiæ motus. Unde (ut Rabbi Moyses narrat) in traditionibus Judæorum fuit præceptum, ut homines oculos suos averterent ab animalibus concubibus. — Conformiter commixtiones seminum in agricultura, ad litteram prohibite sunt, quia Egyptii in venerationem stellarum, quas quasi deos colebant, diversas fecerunt commixtiones in animalibus, agris, ac vestibus, representantes varias stellarum ac planetarum conjunctiones. Vel omnes tales commixtiones prohibentur, in abominationem coitus contra naturam. — Præterea sicut in Ecclesiastico dicitur, *Amicus hominis annuntiat de eo*, ideo voluit Dominus populum suum distingui a gentibus aliis, non solum in corpore per circumcisionis signaculum, sed etiam extra per corporis habitum. Sicque prohibuit populo suo vestes ex duobus contextas : Primo, ad evitandum idololatriæ cultum. Nam talibus vestibus utebantur gentiles in cultu deorum suorum. Secundo, ad declinandum luxuriam : quia per commixtiones varias vestimentorum prohibitas, insinuat excludi omnis inordinata commixtio coitus. Hæc Thomas.

De eadem demum materia scribit Parisiensis libro de Fide et legibus : Post hæc dicemus causas prohibitionis commixtionis animalium diversi generis. Prima fuit, ut ipse ordo naturæ commendaretur populo Dei, naturaleque jus et institutio ejus. Secunda, ut omne Sodomiticum vitium vitandum monstraretur. Tertia, ut populus Dei a spurcissimis Chananæis differret. Quarta, ut modestia et repressio concupiscentiæ Deo acceptior ostenderetur : quam concupiscentiam etiam in brutis ad normam limitesque naturæ esse voluit religatam. Quinta, ut nefanda opera et maleficia, quæ fiebant de fetibus ex tali commixtione procreatis, evitarentur : de quibus in libris necromanticorum multa leguntur. Has quoque commixtiones animalium procurabant idololatriæ juxta con-

Sap. xiv, 9.

Matth. 10.

Ecclesi. xix, 27.

stellationes et siderum conjunctiones, quia A  
 credebant ex hoc sua opera prosperari. Vo-  
 luit ergo Deus a populo suo remove-  
 re hujus credulitatem vanitatis, tanquam idolo-  
 latrandi radicem, ne relicto Dei cultu, ad  
 stellarum servitia traheretur. Alia multa  
 scribit præfatus doctor, et Alexander de  
 Hales, de istorum rationibus præceptorum,  
 quæ brevitati studens dimitto.

Verum, ut Josephus scribit, vestis ex du-  
 obus texta, fuit communi plebi prohibita :  
 quia in vestibus sacris summi sacerdotis  
 et ornamentis tabernaculi, erant hujusmo-  
 di varietates, quibus alii conformare se  
 non debuerunt. Magister quoque in histo-  
 riis ait : In his præceptis subintelligendum  
 est, ut populus Israel talia non ageret, nec  
 haberet secundum ritum gentilium, et ma-  
 xime Egyptiorum, inter quos fuerant com-  
 morati. Nam et Salomon tertio Regum talia  
 multa legitur habuisse. Sed Egyptius om-  
 nigenum venerans monstra deorum, in  
 honore diversorum deorum, quos putavit  
 talibus præesse, diversa semina in agro,  
 diversas materias in veste sociabat : diver-  
 sos etiam cincinnos capitis, diversis diis  
 sacrabat.

*Homo natione Judæus si dormierit cum  
 muliere coitu seminis, id est, in loco quo  
 solet esse quies dormitionis, seu etiam  
 alibi, carnaliter cognoverit mulierem, quæ  
 sit ancilla etiam nobilis, tamen in famu-  
 lam venundata : ideo subditur, et tamen  
 pretio non redempta a servitute, nec liber-  
 tate donata, id est non dimissa libera a  
 domino suo : capulabunt ambo, et non  
 morientur, id est, pro peccato suo casti-* D  
*gabuntur flagellis, non tamen usque ad  
 mortem. Numerus autem ictuum, modus  
 et quantitas percussioneis, non exprimun-  
 tur hoc loco, sed e Deuteronomio accipi  
 possunt. Ideo autem non moriuntur pro  
 isto peccato, quia mulier non fuit libera,  
 sed ancilla. Pro delicto autem suo offeret  
 Domino ad ostium tabernaculi testimonii  
 arietem, id est, ad ostium atrii præsentabit  
 sacerdoti arietem, ut sacerdos ex parte ip-  
 sius offerat illum pro peccato ipsius. Ora-*

*bitque pro eo sacerdos, et pro delicto ejus.* \* peccato  
*coram Domino. Orabit enim ut Dominus  
 viro ignoscat, et deleat culpam ejus. Et  
 repropitiabitur ei, dimitteturque ei pecca-  
 tum, non virtute sacrificii, sed si vere pu-  
 niteat, et in quantum ex fide et obedientia  
 tale sacrificium offert. Mulier vero, quia  
 ancilla fuit, nec propria habens, non offe-  
 rebat.*

Sequitur præceptum observantiæ specia-  
 lis. *Quando ingressi fueritis terram Cha-  
 naan, et plantaveritis in ea ligna pomifera,*  
 B *id est arbusta recentia et secunda, ut per  
 ligna pomifera intelligantur quæcumque  
 arbusta esibilem fructum portantia. Raro  
 autem contingit, quod ossa fructuum arbo-  
 ris, vel latentia semina seminentur, quo-  
 niam tardius ferrent fructum. Auferetis  
 præputia eorum, id est primos flores seu  
 gemmas, ne erumpant in fructum. Sic qui-  
 dam exponunt. Cui expositioni non videtur  
 consonare quod subditur : Poma quæ ger-  
 minant, immunda erunt vobis, nec edetis  
 ex eis, id est illicita ad edendum. Itaque per  
 arborum præputia, intelliguntur nunc fru-  
 ctus quos ferunt per tres annos, quia hos  
 Dominus voluit populo suo esse immun-  
 dos, et abjiciendos instar præputiorum.  
 Quarto autem anno omnis fructus eorum  
 sanctificabitur laudabilis Domino, id est,  
 fructus quarti anni deputabitur partim Do-  
 mino, et cedet in usum sacerdotum, par-  
 tim vero communis erit pauperibus. Quinto  
 autem anno comedetis fructus, quia tunc  
 licuit vesci eis, congregantes poma quæ  
 proferunt. Ego Dominus Deus vester. Hoc  
 præcepto non fuit filiis Israel prohibitus  
 esus fructuum arborum, quas in terra pro-  
 missionis invenerunt plantatas.*

Circa hoc scribit Guillelmus : Quum plan-  
 taveritis ligna pomifera, auferetis præpu-  
 tia eorum, hoc est prima genimina, quæ  
 Deus immunda haberi voluit contra erro-  
 rem idololatrarum, qui ea tanquam primi-  
 tias idolis offerebant in parte, et partim  
 ea comederunt in domibus idolorum, et  
 istud per tres annos a plantatione serva-  
 bant. Credebant quoque primos fructus



esse faustos et fortunatos : ideo Dominus voluit fructus trium primorum annorum projici a populo suo, quatenus nihil faustae virtutis aut fortunae crederent esse in illis. His consonant verba Thomae, qui addit, quod quidam gentiles fructus primitivos comburebant, ad quaedam magica facienda. Aliqui vero affirmant, quod etiam ideo Dominus jussit (ut tactum est) flores et gemmas primorum annorum deleri, quia dum arbores nimis cito portant fructum, postea minus valent.

*Non comedetis carnem cum sanguine.* Hoc praecedenti capitulo satis tractatum est. *Non augurabimini, nec observabitis somnia.* Augurium est species divinationis. Divinatio autem est species superstitionis. Itaque augurium est, dum ad praecognoscendum futura, aliquid consideratur in motu, garritu, seu vocibus avium, aliorumve animalium, aut in sterutationibus hominum, saltibusve membrorum : quod totum est superstitiosum. Et quamvis in talibus non sit invocatio demonum manifesta, daemones tamen in talibus ingerunt se secreta. Omnis quippe divinatio ex demonibus provenit, vel quia aperte invocantur, vel quoniam vanae inquisitioni occulte se ingerunt. Propter quod in libris Periarchon asserit Origenes : Est quaedam operatio demonis in mysterio praescientiae, quae artibus quibusdam ab his qui se demonibus manciparunt, comprehendi videtur, nunc per sortes, nunc per auguria, nunc ex contemplatione. Quae omnia operatione demonum non dubito fieri.

Præterea, daemones expresse multis modis futura praenuntiant, quandoque videlicet praestigiosis apparitionibus adspectui atque auditui hominum se obijcientes seu praesentantes, et haec divinationis species vocatur praesagium. Quandoque vero per somnia, sicque vocatur divinatio somniorum. Interdum quoque per mortuorum apparitionem seu alloctionem, quod necromantia vocatur : *necros* etenim Graece, Latine dicitur mortuus : *mantia* autem divinatio nuncupatur. Aliquando vero per

homines vivos, ut per arrepticios, et haec est divinatio per pythones. Nonnunquam futura praenuntiant per figuras, aut signa in rebus inanimatis apparentia, puta in igne, ferro, speculo, lapide, aqua vel aere, vel in visceribus animalium, idolis seu demonibus oblatorum.

Præterea, ut clarius pateat, qualiter prohibitum sit somnia observare, pensandum, quod (ut S. Thomas in secunda secunda, questione 95 disseruit) somnia sunt interdum futurorum effectuum causa, quemadmodum dum homo ex iis quae vidit aut intellexit in somno, sollicitus est, et inducitur ad aliquid faciendum aut evitandum. Interdum somnia signa sunt futurorum eventuum, in quantum reducuntur ad causam ipsis somniis eventibusque futuris communem. Causa autem somniorum est duplex : una interior, alia exterior. Interior quoque est duplex. Una animalis, ut dum phantasiae seu imaginationi dormientis illa occurrunt, circa quae cogitatio vel affectio sua tempore vigiliae fuerunt intentae. Et talis causa somniorum, non est causa futurorum eventuum : imo somnia talia, habent se per accidens ad futuros effectus, et casuale existit, si cum eis concurrant, id est, sic fiat ut somnium est. Alia interior causa somniorum est corporalis, quia ex interiori corporis dispositione fit motus seu apprehensio in phantasia, tali dispositioni proportionata : quemadmodum homini in humoribus frigidis abundanti, apparet in somno quod sit in aqua aut nive ; et ei qui in calidis abundat humoribus, videtur in somno, quod existat aut vadat in igne. Talibus autem somniis est secundum medicos intendendum, ad cognoscendum interiores dispositiones. Porro causa exterior somniorum, est duplex. Una corporalis, in quantum phantasia dormientis immutatur ab aere continente, aut impressione caelestium corporum, ex qua dormienti apparent aliquae similitudines vel imaginationes, elementari aut caelesti dispositioni conformes. Alia exterior somniorum causa

est spiritualis, quæ aliquando est a Deo. A qui angelorum ministerio aliqua dormienti revelat, secundum quod Joseph dixit regi *Gen. xli. 25* Egypti : Quæ facturus est Deus, ostendit Pharaoni. Interdum vero ex operatione diaboli, qui in dormientis imaginativa similitudines atque phantasmata format, ex quorum intuitu dormiens futura quædam prænoseit : quod maxime his contingit qui eum demonibus pacta habent. Si itaque somniis quis utatur, prout procedunt ex revelatione angelica seu divina, aut ex causa naturali intrinseca, seu etiam extrinseca corporali, in quantum se potest extendere virtus huiusmodi causæ, non est divinatio illicita, quia sic Joseph ex revelatione divina exposuit somnia Pharaonis, et Daniel somnia Nabuchodonosor regis. *Jon. iv. 19 et seq.* (De ista materia pulchre scribit in speciali tractatu Boetius.)—Amplius advertendum, quod avium motiones, garritus et motus atque consimiles earum dispositiones, esse non valent causæ futurorum eventuum aut actuum humanorum : ideo si ex illis futura aliqua prænoseantur, hoc est in quantum garritus seu voces ac motus sunt effectus quarundam causarum, quæ vel causant, aut etiam præcognoscunt futuros eventus. Causa vero operationum brutorum, est quidam instinctus quo moventur per modum naturæ et potius aguntur quam agunt, secundum Damascenum, quoniam suorum actuum non habent dominium. Huiusmodi autem instinctus est duplex. Unus corporalis, quia quum bruta non habeant nisi animam sensitivam atque organicas vires, subjacent dispositioni corporis continentis, videlicet aeris, influentis quoque celestium corporum. Sicque quædam actiones brutorum esse possunt futurorum signa eventuum, in quantum dispositioni prædictorum corporum conformantur. Nam ex prædictis causis bruta cognoscunt multa, quæ naturæ eorum necessaria exstant, ut sunt immutationes ex ventis et pluviis. Unde ad talia præscienda considerare avium garritus ac gestus, non est superstitiosum : ut si quis dicat imbrem cito futurum, quia

audivit corvum sapius crocitantem. Secundo, instinctus brutorum est a causa spirituali bona, scilicet Deo, vel angelo sancto, ut descensus columbæ super Christum baptizatum, et instinctus corvi qui pavit Eliam. Interdum vero est a causa spirituali mala, videlicet dæmone, qui Deo permittente movet aliquando bruta ad hominum deceptiones. Itaque huiusmodi divinatione uti latius quam se extendit per naturam, aut per divinæ providentiæ ordinem, superstitiosum censetur. Nec obviat his quod Joseph dixit sibi non esse consimilem in angurandi scientia. Hoc enim (secundum Augustinum) joco asseruit.

Ex his constat qualiter intendere liceat somniis aut auguriis. Augurium tamen secundum communem modum loquendi, sonat in vitium. Est autem periculosum, præsertim simplicibus, attendere somnia, quia in eis contingere multiplex potest fallacia. Propter quod scriptum est in Ecclesiastico : Somnia extollunt imprudentes. Quasi qui apprehendit umbram, secundum hoc visio somniorum. Divinatio erroris, et auguria mendacia, et somnia malefacientium, vanitas est. Sicut parturientis, cor tuum phantasias patitur, nisi fuerit ab Altissimo emissa visitatio. Ne dederis in illis cor tuum : multos enim errare fecerunt somnia, et exciderunt sperantes in eis.

Sequitur : *Neque in rotundum attondebitis comam, nec radetis barbam.* Circa hoc ait Glossa : Sicut faciunt Barbari. Debet enim quisque esse contentus naturalibus ornamentis, ne Creatorem videatur accusare tanquam impotentem opus suum perficere : nec debet quis in honorem dæmonum circumcisos nutrire et fovere, sicut student pagani puerorum capita demonibus offerre : quod hic maxime prohibetur. Hæc Glossa sequitur : Ista ergo jussit Dominus populo in detestationem idololatrarum, qui comam attondebant rotunde in capitis gyro, et barbam suam abrauerunt : quorum etiam sacerdotes in ritibus suis vulneraverunt se ferro usque ad san-

*Joan. i. 32.**III Reg. xvii. 6.**Gen. xlii. 13.**Ecclesi. xxxiv. 1-7.*

guinem. Unde subiungitur : *Et super mortuo non incidetis carnes vestras.* Hoc tamen exponitur melius, ut scilicet filii Israel in funere propinquorum suorum non incidere corpus suum usque ad sanguinis effusionem, instar gentilium, qui ad demonstrandum vehementiam sui doloris in morte suorum, ita se inciderunt. Hinc scriptum est in Baruch de sacerdotibus gentilium : Sacerdotes sedent, habentes tunicas scissas et capita et barbam rasam. Tertio quoque Regum de sacerdotibus Baal narratur : Incidebant se cultris atque lanceolis, donec perfunderentur sanguine. *Neque figuras aliquas et stigmata facietis vobis :* confidendo in talibus, quod in ipsis characteribus et protractionibus linearum, seu modo effigiandi sit virtus, præcipue per respectum ad astra, vel ex parte loci aut temporis : quæ omnia sunt idololatriarum quædam reliquiæ, contra quæ loquitur Augustinus libro de Doctrina christiana.

Hinc scribit Guillelmus : Ad vitandam omnem idololatriæ existentiam, apparentiam, et signa ejus ac nutum, præcepit Dominus filiis Israel non consulere ariolos, nec observare somnia vel auguria, et ne inveniretur in terra Israel incantator, neque maleficus, aut qui divinos consulere. Speciem quoque idololatriæ prohibuit zelo eodem, dicens : Neque in rotundum attondebitis comam, nec barbam radetis. Incisiones autem super mortuum faciebant idololatræ, ita monstrantes magnitudinem sui mœroris in morte earorum, ad placandum deos inferorum : quod multi adhuc faciunt in morte earorum suorum, quod utique est de reliquiis idololatriæ et sacerdotum Plutonis. Stigmata vero et figuras adhuc faciunt aliqui Christiani, et deferunt ea, vocantque brevia, et in corporibus propriis, et in chartis ac metallis : quæ omnia aut sunt idololatria vera, aut species ejus, ac reliquiæ detestandæ, christianæ religioni contrariæ.

*Ego Dominus. Ne prostituas filiam tuam,* id est, eam in lupanari non ponas, nec libidini generali exponas, nec ad spiritua-

lem fornicationem seu idololatriam corrumpere sinas ; *et \* contaminetur terra, et impleatur piaculo,* id est, ne ex tali prostitutione plurimi inquinentur, et terra habitationis vestræ pollui affirmetur. *Sabbata mea custodite, et sanctuarium meum metuite,* id est, templum seu tabernaculum Dei in reverentia habetote, nec illud intrare præsumatis, nisi mundi sive mundati. *Ego Dominus. Ne declinetis ad magos,* id est maleficos sive astrologos, qui genetici \* appellantur, propter considerationem dierum natalium, atque ex situ, motu, seu dispositione ac habitudine stellarum prognosticant ultra et aliter, quam naturali scientia sciri potest, vel virtus ac influentia illorum extendit se : *nec ab ariolis aliquid sciscitemini,* id est, veritatem secretorum, aut futurorum eventum, non interrogetis ab his, qui talia divinare ac insinuare præsumunt ex intuitu viscerum et extorum animalium dæmonibus oblatorum ; *ut polluamini per eos. Ego Dominus Deus vester,* ad quem convertere vos debetis, ad interrogandum de talibus, si fuerit opportunum, sicut per Isaiam ait Spiritus Sanctus : Numquid non a Deo suo

*Coram vano capite consurge.* Senes enim, ceteris paribus, sunt præhonorandi corde et signo exteriori : nam et ipsa senectus est unum eorum quæ hominem efficiunt venerandum. In senibus quoque solent experientia et sapientia abundare, quamvis in decrepitis vigor sensuum visque intellectus paulatim decreseant. Si autem qui capite canus est, levis sit moribus et vitiis induratus, ipse se privat senectutis honore. Qui vero ex naturali aut inevitabili causa puerilizat in senio, est pie portandus et honeste tractandus. *Et honora personam senis :* quod a minoribus præsertim servandum est. Unde et Paulus apostolus : Seniore, inquit, ne increpaveris, sed obsecra ut patrem. Et in Ecclesiastico habetur : In multitudine presbyterorum prudentium sta, et ex corde sapientiæ illorum conjungere. Et rursus Ecclesiasticus

Baruch vi,  
30.

III Reg.,  
xviii, 28.

\* an

\* genetici  
aci

Is. viii, 19.

I Tim. v. 1.

Ecclesi. vi,  
33.



*Ecclesi.*  
xxxiii, 13.

*Thren.* v.  
12.  
*Sap.* ii, 10.

doceat : Ubi sunt senes, non multum loquaris. Hinc de improbis fertur in Threnis : Facies senum non erubuerunt. In libro Sapientiae quoque impii dicunt : Non vereamur canos veterani multi temporis. *Et time Dominiuum Deum tuum.*

*Ego Dominus. Si habitaverit advena in terra vestra, et moratus fuerit inter vos, non exprobreis ei : hoc est, defectum vel inopiam, expulsionem sive exilium ejus non objiciatis ei malevole, imo quantum fieri potest, salva justitia pie eum tractetis : sed sit inter vos quasi indigena, id est* B *quasi natus et civis in terra vestra, et diligetis eum quasi vosmetipsos, quamvis non æqualiter. Nam amor ad alium, oritur ex amore ad se ipsum. Spirituali autem amore amandus est omnis proximus propter Deum. Fuistis enim et vos advena in terra Ægypti. Ideo sicut vobis factum est, aut fieri affectastis ab indigenis regni illius, sic facite aliis advenis in vestra terra, præsertim quia ex propria experientia scitis animos advenarum, quam faciliter desolati et pusillanimes fiant, dum ab indigenis* C *dure tractantur.*

*Ego Dominus Deus vester. Nolite facere iniquam aliquid in judicio, quod alios*

A *judicatis, vel in foro judiciali alios accusando mendaciter, vel contra eos injuste testificando, aut certe innocentes non excusando et eripiendo pro posse, præsertim si illorum innocentiam possetis probare : in regula : sumitur regula hic pro instrumento mensurandi ea, quæ linealiter aut per planum mensurantur : in quo instrumento servanda est rectitudo, ne proximus damnificetur : in pondere : per quod accipitur cognitio, quantum quid valeat, aut quantum alteri debeat de re sua aut empta : in mensura : per quam liquida venduntur aut arida, ut blada. Hinc subditur : Statera justa, et æqua sint pondera : justus modius, æquusque sextarius : ut sic inter concives ac reliquos medium justitiæ observetur, nullaque fraus committatur ; sed quod sibi quisque fieri cupit, aut vellet rationabili voluntate, faciat ceteris, et quod* Tob. ix, 16 *sibi fieri odit, nemini faciat. Justus etenim* Ps. x, 8 *Dominus, et justitias diligit, suosque ministros vult invicem esse fideles ac justos, et unicuique reddi quod ei debetur, virtute misericordiæ salva. Ego Dominus Deus vester, qui eduxi vos de terra Ægypti. Custodite omnia præcepta mea, et universa judicia, et facite ea. Ego Dominus.*

## ARTICULUS XXXVIII

DE SPIRITUALITATE HUIUS NONDECIMI CAPITULI ET QUIBUSDAM VERBIS RABBI PAULI.

**L**OCUTUS est Dominus ad Moysen, dicens : Loquere ad omnem certum filiorum Israel : Sancti estote, quia ego sanctus sum, Dominus Deus vester. Non solum sacerdotibus, nec solum Scribis et Pharisæis, sed universo Israelitico populo ista sunt jussa, ut sancti sint : quanto magis plebem omnem evangelicæ legis (enī lex spiritualis, et tota divina atque perfecta, desuper est collata) sanctam esse oportet ? Verum, ut ait Origenes, sanctitas in

D *Scripturis non solum hominibus, sed et brutis, imo et inanimatis rebus, ut templo, altari, vasis tabernaculi et vestibus cultus divini, adscribitur : in quibus illa dicuntur sancta, quæ divino sunt cultui mancipata, nec aliis possunt usibus applicari. Sic et homines merito sancti dicuntur, qui toto corde adhaerent Deo, et sacro ejus obsequio cum omni posse suo intenti sunt, atque a pravis et carnalibus hominibus separantur, etsi non loco, tamen*

operibus. Sanctus quoque in Graeco dicitur ἅγιος, quod interpretatum est, sine terra. Tunc itaque recte dicimur sancti, dum a terrenis et mundanis affectibus fuerimus expurgati. *Unusquisque patrem suum et matrem suam timeat.* Non solum carnales parentes, sed et patres spirituales, vicarii Dei, praelati nostri, nobis sunt cordialiter honorandi, timendi, et cum obedientia diligendi, propter eum cujus circa nos vicem gerunt, et quia pro nostra sollicitantur salute. Nemo igitur talibus audeat indignari, irasci, resistere. *Nolite converti ad idola.* Semper itaque, potissimum in divinis, omnia vana, phantasmata, distractiones, et fœdas imaginationes prorsus abjiciamus, quoniam Spiritus Sanctus aufert se a cogitationibus quæ sunt sine intellectu. *Æterna quoque Sapientia contestatur : Ego Sapientia habito in consilio, et eruditus intersum cogitationibus.*

*Quam messueris segetes terræ tuæ, non tondebis usque ad solum superficiem terræ, nec remanentes spicas colliges.* Terra nostra est propria caro, cujus segetes sunt opera bona, quæ per corpus et membra ejus effluimus. Hujus terræ segetes metimus, dum ad memoriam revocamus bona quæ egimus, et ea in horreo cordis reponimus, ut sciamus quæ a Deo donata sunt nobis, vel ut ea intueamur, quando de desperatione tentamur, vel ut in grandi necessitate Deum cum ampliori invoceamus fiducia, exemplo sancti Ezechiæ orantis : Memento, quæso, Domine, quomodo ambulaverim coram te in veritate, etc. His nempe ex causis expedit interdum propria bona recolere, attamen cum humilitate et gratiarum actione, imo et sine incauta assertionem, quum ignoremus an ex vera processerint caritate. Sed dum facimus istud, non debemus usque ad solum superficiem terræ nostræ tondere : quia non debemus nimis integraliter ea ad mentem reducere, nec ea plus quam condecet magnificare : imo merita nostra debemus proximis, præsertim pusillis et imperfectis, libenter communicare. Considerando etenim propria

A mala, debemus potius declinare ad majus ; sed considerando propria bona, declinare debemus ad minus. Opposito autem modo nos habere debemus in considerationibus vitiorum, operumque bonorum proximorum nostrorum. Istud quoque *in vinea* est agendum, id est in exercitiis saporosis ac dulcibus vitæ contemplativæ.

*Non mentimini, nec decipiet unusquisque proximum suum.* Deus qui essentialiter verus et veritas est, omne detestatur mendacium : ideo os quod mentitur, occidit animam ; et ipse perdet omnes qui loquuntur mendacium. Ipse quoque qui substantialiter justus est et infinita justitia, deceptores et deceptiones eorum abhorret : ideirco simulatores et callidi provocant iram Dei, et qui sophisticæ loquuntur, odibilis est. Denotatio etiam pessima superbilinguem : et, *Næ duplici corde. Non facies calumniam proximo tuo, nec vi opprimes eum.* Jubet omnipotens Dominator, ut servi et subditi mutuo conversentur pacifice, caritative, juste et pie, ne potentior opprimat infirmior : nec unus alteri injuriatur ; nec is qui astutior est, sub colore justitiæ alium gravet injuste. *Non morabitur opus mercenarii tui apud te usque mane.* Ex hoc patet, quam graviter peccent, qui mercenariis et operariis, servis et ancillis justam mercedem non solvunt tempore opportuno, aut aliquid subtrahunt illis : imo qui solutionem differendo, sunt aliis, quibus tenentur, causa damni, illis pro hujusmodi damno satisfacere obligantur : nec dimittitur peccatum, nisi restituatur ablatum, aut recuperetur damnum ita illatum. Hinc juxta Scripturam, qui defraudat mercenarium, et qui sanguinem fundit, fratres sunt. Jacobus quoque apostolus : Ecce, inquit, merces operariorum vestrorum quæ fraudata est a vobis, clamat, et clamor eorum in aures Domini Sabaoth introivit. Denique, his qui nobis spiritualia seminant, temporalia stipendia prompto ac celeri animo sunt præstanda. *Non maledices surdo* : quia nec absenti est maledicendum, et surdo com-

Sap. 1, 3.

Prov. xvi, 12.

1 Cor. ii, 12.

IV Reg. xx, 3.

Sap. 1, 11

Pr. x, 7.

Joh. xxxvi, 13.  
Eccli. xxxvii, 23.  
v, 17; ii, 14.

Ibid. xxxv, 27.

Jacob. x, 1.

patiendum. Ei vero qui aures audiendi non habet, bona gratiæ imprecemur, ut cum obtemperacione audiat verbum Dei, et timeat. Audiat item quid in ipso loquatur Dominus Deus, et quid ei inspiret angelus bonus.

*Iuste judica proximo tuo.* Hoc est quod ait Salvator : Nolite secundum faciem judicare, sed justum iudicium judicate. *Non oderis fratrem tuum in corde tuo.* Qui enim odit fratrem suum, homicida est. Et sicut summa virtus est caritas, sic maximum peccatum est odium. *Sed publice*

argue eum ex caritate et pietate cum discrezione. Hoc est quod Christus præcepit : Si peccaverit in te, id est te sciente, frater tuus, corripe eum inter te et ipsum solum.

In Proverbiis quoque asseritur : Qui corripit hominem, gratiam postea inveniet apud eum, magis quam ille qui per blandimenta decipit. Et Psalmista : Corripiet me, inquit, justus in misericordia, et arguet me. Corruptus vero, cum omni patientia et gratiarum actione increpationem, tanquam interioris suæ lesionis ac

mortis medelam, accipiat, efficaciterque emendet. *Non quaeres ultionem, nec memor eris injuriæ civium tuorum.* O saluberrimum documentum ! dogma non solum Mosaicum, sed evangelicum quoque ! Ait namque Salvator : Quum stabitis ad orandum, dimittite si quid habetis adversus aliquem. Quod si non dimiseritis, nec Pater vester qui in caelis est, dimittet vobis peccata vestra. Hinc in Ecclesiastico legitur : Qui vindicari vult, a Deo inveniet vindictam. Et Salomon ait : Ne reddas malum pro malo : exspecta Dominum, et liberabit te. Itaque vae, et æternum vae illis, qui tam faciliter irascuntur, et difficulter ignoscunt, imo memoriae suæ inseribunt, si eis in aliquo foret ! Etenim qua mensura

mensurant, remetietur eis.

*Jumenta tua non facies coire cum alterius generis animalibus :* id est, carnales ac brutales sensualitatis tuæ motus, non permittas in aeternum procedere cum motibus alienorum. *Agrium tuum non seces*

*A diverso semine.* Per agrum eor potest intelligi, vel grex ovium Christi. Hi agri non sunt diverso semine seminandi, hoc est, documentis catholicis atque hæreticis instruendi, aut moribus sæcularium simul cum moribus virtuosorum instituendi, nec prudentia carnis cum prudentia spiritus est miscenda, ita nec amor mundi cum amore Dei. *Vestem quæ ex duobus texta est, non indueris.* Vestis animæ, est operatio ejus. Vestis autem ex duobus contexta, est operatio apparenter bona et foris clara, intus autem infecta, et ex vana emanans intentione. *Ne prostituas filiam tuam :* id est, animam tibi commissam, nec verbis, nec actibus, nec omissionibus scandalizes, ita ut dæmonum incidat manus, et constupretur ab eis.

*Nolite facere iniquum aliquid in iudicio.* Contra hoc agunt temerarie judicantes, qui propria mala excusant, extenuant, et se ipsos justificando, interpretantur illa in melius, aliorum autem facta in pejus. *In regula.* Contra hoc agunt, qui auctoritates Scripturæ ad suum fleetunt propositum, et per earum expositionem non rectam, culpas suas colorant, et alios gravant. *In pondere.* Contra hoc faciunt, qui festinam cernunt in oculis proximi, trabem autem in oculo suo non intuentur : item scrupulosi nonnulli, et aliqui exæcati, qui de parvis culpis aut etiam rebus non malis, grandem sibi conscientiam pariunt, et mala pejora dissimulant. *In mensura.* Contra hoc peccant, qui fortia docent, et nec minora adimplent : qui item instar Scribarum et Phariseorum imponunt gravia aliis, quæ ipsi nec digito suo curant movere.

Præterea circa istud capitulum aliqua scribit Rabbi Paulus, et primo quærit, cur Moyses hic resumit præcepta Decalogi. Quocirca reprobatur responsionem dicentium, quod ideo, ut ea fortius imprimat cordibus hominum : quia ut ait, Moyses non loquitur hic ut repetitor, sed præcipit ista quasi antea ea non præcepisset, saltem sub forma qua hic traduntur. Deinde aliam assi-

Ps. LXXXV, 9.

Joann. VII, 24.

I. Joann. III, 15.

Matth. XXIII, 17.

Prov. XXVIII, 23.

Ps. CXLII, 1.

Marc. XI, 25, 26.

Ecclesi. XXXIII, 1. Prov. XX, 22.

Matth. XXIII, 2.

Matth. XII, 3.

Ibid. XXXIII, 1.



gnat rationem, inter cetera dicens : In datione legis, populus Judaeorum fuit non solum rudis, sed etiam noviter incipiens in disciplina virtutum; ideo non fuit eis pro tunc expressus modus servandi illa praecepta, prout cadere possunt sub lege divina, videlicet ut praecepta illa ex interiori motu tanquam volentes et eligentes implerent; sed solum fuerunt eis proposita, saltem pro majori parte, quoad actus exteriores, prout possunt cadere sub lege humana, quae de exterioribus tantum judicat. In hoc autem loco, quum populus ille esset jam magis eruditus, praecepta Decalogi iterantur cum expressione modi quo observanda sunt, ut scilicet ex interiori motu ad exteriora virtutum opera procederetur. Nam circa parentum obsequia, in datione legis dicitur, Honora patrem tuum et matrem tuam : quod praeceptum per solos exteriores actus potest impleri, quia honor qui est exhibitio reverentiae, in solo exteriori actu consistit, in quo signa reverentiae exhibentur. Porro, in hac hujus praecepti iteratione dicitur, Unusquisque patrem suum et matrem suam timeat. Timor autem essentialiter consistit in actu interiori, quod est difficilius impleri quam primum. Et in isto tangitur modus implendi praeceptum hoc, ut scilicet parentes honorentur ex timore filiali et reverentiali. Idem patet in secundo praecepto hic tradito, quum dicitur, Sabbata mea custodite. In prima vero traditione singulariter dicitur, Memento ut diem sabbati sanctifices. Perfecta autem sabbati quies, debet esse per cessationem ab omni opere servili, carnali. De prohibitione quoque idololatriae dicitur hic, Nolite converti ad idola : ubi interior actus circa idolorum culturam prohibetur, quod in prima traditione non fuit expressum. Similiter de prohibitione homicidii dicitur hic, Non stabis contra sanguinem proximi tui : ubi consilium et auxilium occidendi vetantur, quae non videntur in prima traditione prohibita.

Insuper dicit hic Rabbi Paulus : Praeceptum de dilectione proximi, prout in lege

A divina traditur, non est de praeceptis juris naturalis, primo per se notis. Manifestum est enim, quod talia praecepta prima juris naturalis, sunt eadem apud omnes. Constat autem quod praecipui philosophi, qui de naturali dictamine rationis maxime servati sunt, hoc non invenerunt. Nam tractantes de amicitia quae apud eos virtus est, ipsam posuerunt solummodo inter bonos et virtuosos.

B Haec et alia multa scribit hic Rabbi Paulus, cujus verba non videntur pro magna parte salvari. Nempe quod ait, in prima praeceptorum Decalogi traditione non fuisse expressum modum servandi illa praecepta, prout cadere possunt sub lege divina, videlicet, ut praecepta illa ex interiori motu tanquam volentes et eligentes implerent, sed solum fuerunt eis proposita, quoad actus exteriores, saltem pro majori parte, prout cadere possunt sub lege humana : istud, inquam, videtur omnino irrationabiliter et inconsiderate prolatum. Omnis etenim legislator dat praecepta sua secundum exigentiam finis suae legis, hoc est, C secundum quod per observantiam praeceptorum suorum, subditi sui possunt pertingere ad finem, ad quem intendit eos perducere per suae legis impletionem. Finis namque, secundum philosophos, imponit necessitatem his quae sunt ad finem : atque secundum finis exigentiam, media disponi necesse est. Finis autem legis divinae, non solum evangelicae, sed item Mosaicae, est vera et aeterna felicitas, quae sola est digna et plena merces dilectionis divinae, quae D in Mosaica quoque praecipitur lege, dicente : Diliges Dominum Deum tuum ex toto corde tuo. Ad hunc autem finem observantia praeceptorum Decalogi, neminem unquam perducere quivit, nisi in quantum illa praecepta ex interiori motu voluntatis ea sponte implere volentis, et mentis sibi praeligentis observabant.

Præterea Deus jussit praecepta illa impleri, secundum quod eorum impletiones sunt actus virtuosus et meritorii, praesertim de affirmativis loquendo praeceptis : imo

*Deut. vi, 5.*

præcepta illa, secundum quod primo sunt tradita, sunt præcepta justitiæ secundum doctores communiter. Intentio quoque legislatoris est, populum suum facere virtuosum. Denique præcepta Decalogi secundum quod primo sunt data, duabus tabulis sunt inscripta, et in forma illa permanent usque in præsens, et sufficienter sunt tradita, secundum quod per eorum impletionem Deo placeretur: et secundum formam illam cadunt sub lege divina, et pertinent ad eandem tanquam prima et principaliora ejus præcepta, per quorum impletionem Deus voluit et intendit interiora populi sui purgare et reformare, et suæ majestati servire ab eis: quod esse non potuit, nisi secundum quod observabantur ex interiori cordis affectione, et mentis deliberatione atque proposito.

Amplius, in prima præceptorum traditione Deus intendebat sibi Synagogam per caritatem unire, imo et desponsare, acceptamque facere per observantiam præceptorum secundum sensum et formam seu modum quo tradidit, prout Sancti communiter dicunt, præsertim Hieronymus, atque in Ezechiele satis describitur. Istud autem nequaquam verum esset, nisi in prima illa traditione expressus esset modus servandi Decalogum. At vero hoc ipsum ex textu monstratur, quoniam in Exodo legitur, qualiter Dominus decem præcepta daturus, ita exorsus est loqui ad Synagogam seu Israeliticam plebem: Ego sum Dominus Deus tuus, qui eduxi te de terra Ægypti. Non habebis deos alienos coram me. Quasi dicat: Me solum habebis, coles, et adorabis pro vero Deo: ceteros qui dii vocantur, refutabis adorare et colere latriæ cultu. Hinc subjungitur ibi in textu: Non facies tibi sculptile, neque omnem similitudinem, etc. Non adorabis ea nec coles. Cujus præcepti rationem protinus subdit ibidem: Ego enim sum Dominus Deus tuus, fortis, zelotes, visitans iniquitatem patrum in filios, etc. Porro zelotes proprie nuncupatur, amator volens solus amari: idcirco secundum doctores præci-

puos, Alexandrum, Thomam, Albertum et ceteros, ita est sensus: Ego enim sum Dominus Deus tuus, fortis, zelotes, id est, ideo tibi alienorum deorum cultum et adorationem prohibeo, quoniam ego solus sum verus Deus et Dominus tuus, qui instar sponsi et mariti seu amatoris zelotypi, volo a fidelibus animabus solus amari, adorari, amplecti, et coli ut Deus et sponsus, ita ut in derogationem et minorationem mei amoris, nil mecum ametur: propterea plebi et sponsæ meæ prohibeo cum aliis diis fornicari, sicut sponsus sponsam suam non patitur alteri commisceri. Ecce clarissime in prima hujus traditione præcepti evidenter exprimitur modus servandi ipsum, ut scilicet ex interiori cordis intentione et affectu, Deus verus colatur et adoretur. Idcirco quoque in isto præcepto vetatur conversio mentis ad idola.

Denique, quum in actu exteriori non sit culpa aut meritum, seu aliquid virtutis aut vitii, nisi ex interiori mentis dispositione, secundum doctores, constat quod Deus in prima Decalogi datione eo modo jubet se adorari et coli, quo adoratio sui et cultus procedunt ex interiori mentis conversione ad ipsum et ex virtute. Eo etiam modo prohibet alienos deos coli et adorari, secundum quod hoc fieret ex cordis conversione ad illos, hisuper istud evidenter probatur ex prima traditione præcepti de celebratione sabbati, quum in prima ejus traditione Dominus ait: Memento ut diem sabbati sanctifices. Reminisci enim est actus interior, et verus hujus præcepti intellectus a Deo intentus est, ut dies ille sollemnis in virtuosis et sanctis operibus expendatur. Similiter Deus præcepit honorari parentes, secundum quod honoratio illa est actus virtutis, nec aliter placet Deo. Possent autem et alia quasi innumerabilia, verbis Rabbi Pauli objici, quæ dimitto.

Denique, quod non obstante populi ruditate, Deus in prima Decalogi datione intenderit populum illum inducere, imo et obligare ad observantiam præceptorum illorum cordialem, ex interiori promptitu-

*Ezech.*  
*xxv et seq.*

*Exod. xx,*  
*2, 3.*

*Idol. v. 3.*

dine et affectu atque proposito emanantem, declaratur ex ipsa Scriptura canonica. Nam in Exodo describitur, qualiter Deus volens populo dare decem praecepta, primo *Exod. xix, 3-6.* vocavit Moysen in altitudinem montis Sinai, et dixit ad eum : Haec dices filiis Israel : Vos ipsi vidistis quae fecerim Aegyptiis, et assumpserim vos mihi. Si ergo audieritis vocem meam, et custodieritis pactum meum, eritis mihi in peculium de cunctis gentibus, et eritis mihi in regnum sacerdotale, et gens sancta. Palam est autem, quod verba illa de sola exteriori auditione vocis Dei non possint intelligi, nec pactum seu fœdus Dei initum cum Hebraeis, poterat sine interiori commemoratione et electione ac volitione servari, nec pro sola exteriori auditione ac impletionem filii Israel esse promeruerunt præ ceteris gentibus peculium Dei et gens sancta. Deinde post hæc in Exodo narratur, qualiter Deo iubente, Moyses descendit de monte ad populum, verbaque Dei retulit eis. Quinque respondissent, Omnia quae locutus est Dominus, faciemus, Moyses retulit verba eorum ad Dominum. Qui dixit ad Moysen : Vade, et sanctifica populum hodie

et eras ; laventque vestimenta sua, et sint parati in diem tertium. Deinde recitatur ibidem, qualiter tertio die ceperunt de monte audiri tonitrua, micareque fulgura, et ignis operuit montem. Quae omnia fiebant, ut populus cum majori reverentia, timore et attentione praecepta Dei susceperet et impletet. Unde et Moyses paulo post dixit : Ut probaret vos, venit Deus in igne, et ut terror illius semper in vobis sit. *Deut. iv, 10. Exod. xx, 20.*

Præterea, quod proximum diligere quasi se ipsum, sit de lege naturæ, doctores fatentur concorditer. Philosophi quoque dixerunt hoc. Nam et vitiosos conabantur a vitiis ad virtutes retrahere, quod non fecissent, nisi amassent eos. Porro amicitiam quæ fundatur in bono honesto, et relationem includit, secundum quod Avicenna et Algazel in suis metaphysicis scribunt, dixerunt philosophi inter virtuosos dumtaxat haberi : quod etiam nos fatemur. De his brevitati studens pertranseo, quum et certum sit istud, dicente sancto Ambrosio : Nihil tam secundum naturam, sicut amare consortem naturæ : in Ecclesiastico quoque dictum sit : Omne animal diligit simile sibi, sic et omnis homo proximum sibi, etc. *Ecclesi. xiii, 19.*

## ARTICULUS XXXIX

EXPOSITIO LITTERALIS CAPITULI VICESIMI : LOCUTUSQUE EST DOMINUS AD MOYSEN.

QUE octavodecimo capitulo iussa sunt sine adiectione pœnæ transgressoribus infligendæ, nunc repetuntur eum appositione huiusmodi pœnæ : et ibi expressa sunt ista praecepta sine pœnæ expressione, ad innuendum, quod Deo sit obediendum, eo ipso quod ipse sic praecepit, et propter suæ majestatis honorabilitatem, suamque bonitatem et sanctitatem, et solo ejus intuitu ac amore : sed quia perpauci sic serviunt Deo, nunc pœna adjicitur, ut vel pœnarum formidine obedire incipiant, qui

amore boni hoc facere renuunt. Exprimuntur quoque pœnæ vitæ præsentis potius quam gehennæ, quoniam rudes, imperiti et imperfecti in fide, magis moveri videntur horrore suppliciorum vitæ quæ nunc est, quam futuræ. Nam et pro peccatis suis cogitant se postmodum confessuros ac benefacturos.

*Locutusque est Dominus ad Moysen, dicens : Hæc loqueris filiis Israel : Homo de filiis Israel, et de advenis qui habitant in Israel, si quis dederit de semine suo*



*Moloch.* Qualiter autem dupliciter possit A intelligi datio ista seminis proprii idolo  
*Moloch.* in litterali expositione capituli  
 21. octavidecimi est inductum. *Morte moriatur* : secundum quod subditur. *Populus terre lapidabit eum*, id est filii Israel in terra eis promissa morantes, quibus crimen hoc innotuerit, quum fuerit satis probatum et dijudicatum. *Et ego ponam faciem meam contra illum*, id est, rigorose et indignanter eum adspiciam : *et succidam eum de medio populi sui*, auferendo eum per mortem, ita quod ultra non gignet : *eo quod dederit de semine suo Moloch, et contaminaverit sanctuarium meum*, id est, templum seu tabernaculum Dei inhonoraverit, offerendo superstitiose alteri quam vero Deo, cui in sanctuario suo est immolandum. Qui autem in loco consecrato vero Deo tale quid egerit, præcipue locum sanctum contaminat : quod filii Israel saepe fecerunt in templo a Salomone constructo, prout in libris Regum et Paralipomenon recitatur. Circa hoc scribit quidam, quod Scriptura sacra frequentius loquitur de Moloch quam aliis idolis ; verumtamen puto quod sapius loquatur de Baal. *Ac polluerit nomen sanctum meum*, id est, me ipsum, quantum in se est, vilipendendum monstraverit, alteri magis quam mihi sacrificando, et alios scandalizando, seu suo exemplo inducendo ad idem. Vel, Polluerit nomen sanctum meum, tam vile idolum, falsumque deum, vocando Deum sacrificiis dignum, quum soli vero Deo sit sacrificandum.

*Quod si negligens populus terre, et quasi parvipendens imperium meum, dimiserit*  
*hominem qui dederit de semine suo Moloch, nec voluerit eum occidere ; ponam faciem meam super hominem illum dantem de semine suo Moloch, ita quod meam non evadet vindictam ; et super cognationem ejus, que ei in crimine tanto communicat ; succidamque eum et omnes qui consenserunt ei in tanto facinore ; et per illos consentientes, quidam intelligunt negligentes eum occidere. Unde Lyra hic*

scribit : Ex quo patet, quod illi qui debent corripere crimina, si negligant, consentientes reputantur, et eandem pœnam incurrunt. Sed contra hoc scribit Rabbi Paulus : Ex littera non habetur, quod negligentes corrigere crimina, eandem pœnam incurrunt, sed solum si sint consentientes. Dicitur enim in littera : Succidam eum et omnes qui consenserint : non dixit, Et omnes qui neglexerint. Ex quo patet, quod negligentes, licet sint digni pœna, non tamen eandem pœnam incurrunt quam transgressores, nisi eum hoc sint consentientes.

Quocirca dicendum videtur, quod verba Lyrae satis caute prolata sunt. Illi qui debent corripere crimina, utpote quibus ex officio vel præcepto incumbit, ut in proposito, si negligant, consentientes reputantur, id est, æquivalenter tantumdem est ac si consentiant, quamvis non semper consentiant formaliter et directe : et eandem pœnam incurrunt, quia mortaliter peccant negligendo seu omitendo quod eis præceptum est : imo interdum culpabiliores censentur, quam qui peccaverunt, secundum quod asserit Augustinus : Si inerepare neglexeris, peior peccante efficeris. Præterea, quod negligentes corripere, eandem pœnam incurrunt, præsertim si præsent, videtur ex eo quod per Ezechielem Dominus bis testatur de speculatore vidente gladium venientem et tacente, quod sanguinem pereuntis requisiturus existat de eo. Imo qui pluribus præest, interdum gravius peccat, dum plures subditorum suorum scit reos esse, nec corripit eos, quam aliquis eorumdem. Aliquando etiam gravius peccat non corripiendo, quam alius solum consentiendo. Verumtamen loquendo in generali, vitiosius puto consentire peccato alterius, quam non corripere illud.

*Anima que declinaverit ad magos et ariolos ad sciscitandum aliquod secretum ab eis, ut per magicam artem aut ariolationis practicam, accipiat responsionem. Ideo subditur : et fornicata fuerit eum eis, id*

Lev. xviii.  
21.

IV Reg. xvi.  
10 et seq.  
xvi, 5, 7.

Ezech. iii.  
17 et seq.

dedi

et ipsam

est, in tali scelere communicaverit eis, vel etiam magis dumtaxat, aut ariolis tantum, quod est fornicatio spiritualis, puta recessus ab unione Sponsi celestis, et voluntatis commixtio cum adulterante secum diabolo; *ponam faciem meam contra eam, et interficiam illam de medio populi sui*: quia faciam eam occidi per homines iudices, aut per angelum bonum vel malum, nisi forsitan penitendo evaserit: et sumitur nunc anima pro homine. Quid autem sit declinare ad magos sive ariolos, in expositione precedentis capituli patuit.

Lev. xix, 31.

*Sanctificamini et estote sancti, quia et ego sanctus sum Dominus Deus vester. Custodite praecepta mea, et facite ea. Ego Dominus qui sanctifico vos.* — *Qui maledixerit patri suo aut matri,* contra praeceptum precedenti capitulo et in Exodo positum, *morte moriatur*, praesertim si ex deliberatione aut certa malitia vel consuetudine fecerit hoc. Quo constat enormitas sceleris huius, quod et ingratitude nimium magnam includit. Unde pro confirmatione et exaggeratione istud repetitur. *Patri matrique qui maledixerit,* aut uni eorum, *sanguis ejus sit super eum*, id est, causa suae occisionis imputetur ei.

Exod. xx, 12.

Consequenter in littera pro variis criminibus mors infligi jubetur, et capitulo octavodecimo praecepta vitiorum illorum prohibitiva, exposita sunt. In duobus quoque casibus jubetur peccus, cum quo peccatum commissum est, occidi, in detestationem majorem tam innaturaliam vitiorum, et ne inspectio bruti talis, alieni pariat imaginationem foedissimam. *Qui acceperit sororem suam, filiam patris sui, vel filiam matris suae, et viderit turpitudinem ejus, illaque conspexerit ignominiam fratris: nefariam rem operati sunt: occidentur in conspectu populi, eo quod turpitudinem suam mutuo revelaverint, et portabunt iniquitatem suam*: si super hoc fuerint convicti in foro iudicii et dijudicati, et ex proposito, id est, absque rationabili causa id egerint. Secus, si improvise aut necessaria causa. *Qui coierit cum muliere*

Lev. xviii, 6 et seq.

*A in fluxu menstruo*, id est durante fluxu sanguinis menstrualis, *et revelaverit turpitudinem ejus, ipsaque aperuerit fontem sanguinis sui*, ita quod sponte hoc sustinet, *interficientur ambo*, quum in iudicio fuerit comprobatum, et scienter commiserint. De hujus criminis prohibitione, prohibitionisque causa, in expositione capituli quintidecimi dictum est. *Turpitudinem matertera tuae et amita tuae non discoperies. Qui hoc fecerit, ignominiam carnis suae nudavit: portabunt ambo iniquitatem*

*B suam. Qui coierit cum uxore patris vel avunculi sui, et revelaverit ignominiam cognationis suae*, id est personae sibi affinis, vel ejus quae fuit una caro cum patruo aut avunculo suo, sicque ignominia talis feminae, fuit ignominia viri sui propinqui coeuntis cum illa: *portabunt ambo peccatum suum*, id est mortem, quae eis intelligitur pro tali incestu aut etiam adulterio, si priori marito vivente contingat. *Absque liberis*, id est sine legitimo partu et successore hereditatis, *morientur*: vel sobolem acquirere sunt indigni, seu justo iudicio subtrahetur. *Qui duxerit uxorem fratris sui*, illo vivente, aut etiam mortuo, si semen reliquerit: *rem facit illicitam: absque liberis erunt*, juxta expositionem praetactam: et inter tales non est matrimonium verum, ut patet ex introductis in elucidatione capituli octavidecimi.

*Custodite leges meas atque judicia, et facite ea: ne et vos evomat terra, quam intraturi estis et habitaturi*, id est, ne propter vitia vestra violenta morte ejiciamini ex hac terra, tanquam vile atque superfluum quid in ea, sicut de corpore animalis violenter ejicitur superflua indigesta foeda materia. *Nolite ambulare in legitimis nationum, quas ego expulsurus sum ante vos. Omnia enim haec fecerunt, et abominatus sum eas. Vobis autem loquor: Possidete terram eorum, quam dabo vobis in hereditatem, terram fluentem lacte et melle. Ego enim Dominus Deus vester, qui separavi vos a ceteris populis habitatione et loco, circumcisione et legis traditione,*

fide et conversatione. *Separate ergo et vos jumentum mundum ab immundo, et avem mundam ab immunda*, id est, ea quæ secundum legem prohibita sunt comedi aut offerri, non comedatis nec immoletis : *ne polluatis animas vestras in pecore et avibus et cunctis quæ moventur in terra, et quæ vobis ostendi esse polluta*. Circa hoc scribit Lyra : In Hebræo habetur, *Separate bestiam mundam ab immunda*. Jumentum enim proprie dicitur, quasi juvamentum, utpote animal quod deservit homini tantum in laborando, ut equus, asinus et consimilia, quæ omnia sunt quoad esum immunda : ideo distinctio mundi ab immundo, in jumentis locum non habet. Circa quod dico, quod secundum expositores, jumentum dicitur quasi juvamentum, quia deservit homini ad necessaria vitæ seu ad labores. Sed non est de ratione jumenti proprie dicti, quod solum deserviat homini ad labores : imo bos proprie loquendo est jumentum, qui tamen est animal mundum comestibile ac immolaticium : ideireo translatio ista est apta, et distinctio hæc in jumentis locum sortitur. *Eritis mihi sancti, quia sanctus sum ego Dominus, et separavi vos a ceteris populis, ut essetis mei*, id est ad majestatis meæ honorem, quia cultores meos ab infidelibus volo distinguere magis, quam animalia munda ab immundis.

*Vir sive mulier, in quibus pythonicus vel divinationis fuerit spiritus*, id est, qui ex subsidio damonis sponte et libere ex-

Arcuerit magicam artem a Pythone inventam, vel futura prædixerit : *morte moriantur* : et qua morte, subjungitur, *lapidibus obruent eos, Sanguis eorum sit super illos*. Istud (ut ait Guillelmus) præcepit Deus, ne per divinationem pythonicam ad idololatriam declinarent Judæi. Python quippe, qui alio nomine appellatur Apollo, magicam quandam reperit artem, qua mortui suscitati videntur, quia in eorum similitudine seu persona aliquis demon apparet : quod incantationibus agitur. Interdum vero B per vivos demon revelat futura, et tales vivi dicuntur spiritum pythoneum habere, id est spiritum divinationis, ejus auctor fertur Apollo fuisse. Sicque dupliciter contingit divinatio illa pythonica, scilicet per mortui apparitionem prestigialem, et per alicujus vivi revelationem, per quem spiritus malus prædicat quædam futura : imo et hoc quoque duobus accedit modis. Interdum enim homo talis est arrepticus sive obsessus, ita quod sine sua procuratore spontanea prædicuntur per ipsum C futura : et hoc potius habet rationem peccatæ quam culpæ, nec de talibus pythonicis loquitur hic Scriptura. Talisque fuit puella pythonissa, de qua in Actis legitur, de qua, Paulo jubente, exiit spiritus nequam. Interdum vero est sane mentis, voluntarie utens hujusmodi arte, qualis exstitit mulier pythonissa, de qua primo Regum habetur. Et de talibus est nunc sermo.

Spiritualis demum hujus capituli sensus ex præhabitis innotescit.

Act. xxi, 16, 18.

1 Reg. xxviii, 7 et seq.

## ARTICULUS XI

DECLARATIO LITTERALIS CAPITULI VICESIMI PRIMI : DIXIT QUOQUE DOMINUS AD MOYSEN.

MODU traduntur quædam præcepta sacerdotibus concernentia, qualiter debeant ab exteriori immunditia, corporali- que defectu esse immunes, ut per hoc

D insinuetur, qualiter intus debeant esse sancti : imo et quam virtuosos ac sanctos esse debeant legis evangelicæ sacerdotes, in quorum figura, præcepta nunc exponenda



sacerdotibus legalibus sunt praefixa. *Dicit A quoque Dominus ad Moysen : Loquere ad sacerdotes filios Aaron, ipso pontifice inferioribus, et dices ad eos : Non contaminetur sacerdos in mortibus civium suorum, id est, nullus sacerdotum inferiorum incurrat inidoneitatem intrandi sanctum locum et sacrificandi in eo, ingrediendo ad aliquem defunctum in urbe seu villa habitationis suae, nisi tantum in consanguineis ac propinquis, id est super patrem et matrem et filios ac filias, fratrem quoque et sororem virginem, quae non est nupta viro, id est, ad has personas defunctas poterit ingredi, et earum interesse funeribus : et tamen ex hoc contaminabitur, praefatam irregularitatem incurrendo, a qua per adspersionem aquae expiationis indigebant purgari. Sed nec in principe populi sui contaminabitur, id est, ad ejus funus et sepelitionem non ingrediatur, ne maculetur.*

Circa hoc scribit Thomas in prima secunda : Malefici et sacerdotes idolorum, in suis ritibus utebantur ossibus seu carnibus hominum mortuorum : ideo ad extirpandum idololatriae cultum, praecipit Dominus ut sacerdotes minores, qui certis temporibus ministrabant in sanctuario, non inquinarentur in mortibus nisi valde propinquorum. Pontifex autem semper debuit esse paratus ad ministerium sanctuarii : ideo ei prohibitum fuit accedere mortuum, quantumcumque propinquum. De eadem materia libro de Fide et legibus scribit Guillelmus : Mortuos generaliter, tam viros quam mulieres, immundos esse lex voluit, ut elongaret populum Israel a ritu funerandi quem habebant idololatriae, et ab operibus maleficis ac necromanticis, quorum multa legimus : ideoque qui tangeret mortuos, esset immundus. Sacerdotes autem prohibiti sunt intrare ad mortuos, praeterquam ad sex, ad quos introire permissi sunt, ne lex videretur nimis inhumana et dura. In Numerorum quoque libro legitur, mortuum esse immundum, et tabernaculum omnemque suppellectilem ejus, et eos qui ingrediuntur tabernaculum illud.

*Non radent caput, nec barbaram, neque in carnibus suis facient incisuras.* Istud supra legitur filiis Israel generaliter esse prohibitum, propter causas ibi expressas ; nunc vero specialiter sacerdotibus prohibetur, qui praeter ceteris debuerunt ab idololatriis et curiosis ac vanis hominibus esse distincti. Et quod nunc dicitur, Non radent caput, non est intelligendum quod novacula nunquam ascenderet caput eorum, sicut de perpetuis nazaraeis fuerat jussum, sed ne in rotundum attenderent caput, prout capitulo nonodecimo continetur. Unde in Ezechiele habetur : Caput non radent, nec comam nutriunt, sed tondentes attendent capita sua : utpote medium observantes inter omnimodam abrasionem et immoderatam prolongationem. Unde Septuaginta transtulerunt ibidem : Et comas non ad pressum tondebunt. *Sancti erunt Deo suo, id est, cum speciali munditia Deo vacabunt, praesertim tempore ministerii sui. Et non polluent nomen ejus. Incensum enim Domini et panes Dei sui, id est panes Domino consecratos, offerunt ; et ideo sancti erunt, id est, esse tenentur et merito essent, quamvis saepe contingat oppositum. Haec equidem sunt praecepta, quamvis per modum praecepti non exprimantur.*

*Scortum et vile prostibulum non ducet uxorem, id est meretricem seu prostitutam, quia hoc vergeret in dedecus sacerdotis, nec eam quae repudiata est a marito, quia de illa habetur suspicio mali, quamvis forte immunis sit : quia consecratus est Deo suo : ideo ab exteriori quoque vilitate et foeditate debet cavere. Inhonestas autem uxoris redundat in virum, quum una sint caro. Redundat quoque in sobolem. Hinc asserit Thomas : Praeceptum est etiam eis, ne ducerent uxorem meretricem aut repudiatam, sed virginem : tum propter reverentiam sacerdotum, quorum dignitas ex tali conjugio videretur quodammodo minui ; tum propter eorum filios, quibus esset ad ignominiam turpitudine matris, quod tunc maxime erat vitandum, quando sacerdotii dignitas secundum successionem generis*

*Lev. xix. 27, 28.*

*Num. vi. 5.*

*Ezech. xlii. 20.*

*Num. xix. 13, 14.*

Ezech.  
XLIV, 22.

conferebatur. Hæc Thomas. Verumtamen A  
viduatam a sacerdote poterat sacerdos ac-  
cipere, ut in Ezechiele conscriptum est.  
*Et panes propositionis offeret. Sit ergo  
sanctus, quia et ego sanctus sum Domi-  
nus, qui sanctifico eos.*

*Sacerdotis filia si deprehensa fuerit in  
stupro*, id est, probari possit quod sponte  
se permisit violari seu deflorari, *et viola-  
verit nomen patris sui*, id est, patrem suum  
sacerdotem tam graviter inhonoraverit :  
quia in patris sui improprium specialiter  
hoc redundat, qui cum omni sobole sua B  
debuit præcipua honestate pollere : *flam-  
mis eruretur* : quia gravius peccavit quam  
aliæ virgines violatæ, quæ nec tam gravi-  
ter puniebantur, nisi fuissent viro addictæ  
seu affidatæ. Unde nec verum videtur,  
quod aliqui dicunt passum istum intelli-  
gendum esse de filia sacerdotis affidata,  
non de omnino libera ab affidatione.

Consequenter traduntur ad pontificem  
pertinentia. *Pontifex, id est sacerdos ma-  
ximus dignitate inter fratres suos*, id est  
consanguineos seu reliquos sacerdotes, *su-  
per cujus caput fustum est unctionis oleum,  
et cujus manus in sacerdotio consecrate  
sunt, vestitusque est sanctis vestibus, cap-  
ut suum non discooperiet*, illud nudando  
instar aliorum defunctos lugentium. Unde  
cidarim a capite suo non deponet illa ex  
causa. Ex eadem quoque causa *vestimenta  
sua non scindet*. Legitur autem pontifex in  
Christi passione vestes suas secidisse, quasi  
blasphemiam audire non valens, nisi in  
signum doloris scinderet vestimenta. *Et  
ad omnem mortuum non ingreditur om-  
nino*, id est ad nullum defunctum, imo  
nec ad parentes, sicut subjungitur. *Super  
patre quoque suo et matre non contami-  
nabitur*, id est, ad eos jam mortuos non  
intrabit, ne contaminetur modo prætaeto,  
et multo minus intrabit ad alios jam de-  
functos. Circa hoc loquitur Augustinus :  
Quare pontifex prohibetur super funus  
patris sui intrare, quum esse non potuerit  
summus sacerdos, nisi patre suo defuncto,  
cui lex jubet eum succedere? Sed necesse

erat nondum sepulto pontifice, statim sub-  
stitui alium, propter continuationem in-  
censi. *Nec egredietur de Sanctis*, id est, de  
sanctuario non exibat prosequendo funus  
parentum ad sepeliendum. Si autem obji-  
ciatur, quod istud videatur pietati contra-  
rium, quæ defunctis, præsertim parentibus  
et propinquis, debetur : dicendum, quod  
una virtus aliquando cedit alteri (potissi-  
mum inferior superiori) ex rationabili cau-  
sa, sieque in proposito, misericordia cari-  
tasque fraterna cedunt et deferunt caritati  
divinæ ac patriæ. *Ne polluat sanctuarium  
Domini*, id est, ne inhonoret tabernaculum  
Dei aut templum, in quod redundat inqui-  
natio summi ministri ipsius. Nam locus  
seu habitaculum ex suo habitatore dicitur  
clarificari aut vilificari. *Quia oleum san-  
ctæ unctionis Dei sui super eum est*, id  
est, super caput ipsius in sua consecra-  
tione fustum est sanctæ oleum unctionis,  
sicut capitulo octavo patuit. Hinc præci-  
pua debet honestate ac puritate pollere, et  
jugiter esse paratus ad consistendum ac  
ministrandum in templo. *Ego Dominus.*

*Virginem ducet uxorem. Viduam autem  
et repudiatam et sordidam*, id est fiedam  
aut monstruosam, *et meretricem*, id est  
ullam talem, *non accipiet conjugem, sed  
puellam virginem de populo suo*. Per po-  
pulum suum, quidam intelligunt tribum  
Leviticam, ita quod sine dispensatione non  
licuerit pontifici sumere contoralem de  
alia tribu. Unde et Lyra ait : Hoc fuit in-  
stitutum a principio : tamen fuit conces-  
sum ut posset accipere de regia stirpe, D  
scilicet tribu Juda, propter illius stirpis  
nobilitatem, et ut rex qui præest in tem-  
poralibus, et summus sacerdos qui præest  
in spiritualibus, essent magis concordēs,  
quod profuit ad bonum regimen plebis,  
atque ut reges per familiaritatem sacerdo-  
tum essent magis edocti in lege divina.  
Talis quoque conjunctio videtur concedi  
per hoc quod subditur : *Non commisceat  
stirpem generis sui vulgo gentis suæ*, id  
est, se ipsum aut successorem suum non  
jungat matrimonialiter communibus de

populo Israel. Per quod concedi videtur A cum regia stirpe commixtio. His verbis Lyre contradicit Rabbi Paulus : Per hoc, inquit, quod dicitur, De populo suo, non intelligitur de genere sacerdotali vel Levitico tantum. Nunquam enim (ut credo) legitur fuisse prohibitum summo sacerdoti contrahere cum virgine de quacunque alia tribu. Nec in hoc fuisset dispensatum cum eo. Quod vero dicitur, Non commisceat stirpem generis sui vulgo gentis suae, in Hebraeo habetur, Non polluat : quod intelligitur facere, si commisceret se ali- B cui praelatarum personarum sibi prohibitarum. *Ego Dominus qui sanctifico eum.*

*Locutusque est Dominus ad Moysen, dicens : Loquere ad Aaron, praecipiendo ei ex parte mei : Homo de semine tuo per familias, id est, per quacunque familiam descendat a te et a posteris tuis, qui habuerit maculam, id est monstruositatem aut notabilem defectuositatem, aut deformitatem per quam quis fit contemptibilis in aliorum adspectu : non offeret panes Deo suo, nec accedet ad ministerium ejus, C id est, sacerdotale officium exsequi non praesumat, ne ex ejus deformitate sacerdotale officium vilipendatur. Si enim hujusmodi macula fuit in sacrificiis seu animalibus immolandis vitanda, quanto magis in sacrificantibus Dei ministris? Nec accedet ad ministerium ejus. Quasi dicat, Non omnes qui de sacerdotali sunt genere, apti sunt esse sacerdotes, et actum sacerdotii adimplere, seu consecrari in sacerdotes. Glossa : Oportet sacerdotem animo et conversatione esse immaculatum, quem sicut D Moyses praecipit esse immunem a duodecim maculis (secundum Septuaginta), sic Paulus monuit eum conservare virtutes duodecim, dicens : Non iracundum, non vinolentum, etc. Est enim Dei dispensator, qui subjectis debet praeminere virtutibus.*

Deinde exprimuntur deformitates istae in speciali. *Si caecus fuerit, si claudus, si vel parvo vel grandi vel torto naso, si fracto pede, si manu, si gibbus, si lippus, si albuginem habens in oculo, si jugem scabiem,*

*si impetiginem in corpore, et herniosus ; non accedet offerre hostias Domino, nec panes Deo suo.* Hic planus est textus. Quae autem in eo aliquam habent obscuritatem, paulo post exponuntur. *Vescetur tamen de panibus qui offerantur in sanctuario, id est in atrio a populo, quia hereditatem non habet, sicut nec sacerdotes ; ita duntaxat, ut intra velum templi non ingrediatur, id est in Sancta sanctorum, etiamsi sit primogenitus pontificis, nec ad altare accedat ad offerendum in eo ; quia maculam habet, et contaminare non debet sanctuarium meum, id est inhonorare, faciendo ibidem quod ei prohibitum est. Ego Dominus qui sanctifico eos, videlicet sacerdotes, determinando qui debeant mihi in sacerdotibus consecrari, quos et dedico cultui meo in templo, non alios : ideo alter non ingrat sese.*

Circa hoc advertendum, quod Magister in historiis ait : Sacerdotes habuerunt tria genera panum, videlicet panes sacerdotales, et Leviticos, ac laicos. Sacerdotales erant panes propositionis, qui de publico sumptu fiebant, quibus vesci solis sacerdotibus lieuit. Panes Levitici seu offertorii erant, quibus soli de genere Levi vesciebantur, et etiam hi, qui propter maculam non poterant ministrare in sanctuario : et filiafamilias, sed non uxorata, vel vidua, aut repudiata, nisi necessitate rediret ad domum patris, ut esset quasi filiafamilias. His etiam panibus non vesciebantur advena, inquilinus, et mereenarius sacerdotis : sed verna vel empticius ejus poterat inde comedere. Laicos vero panes quicumque poterat manducare. Rursus in Scholastica fertur historia, et sumptum videtur ex Josepho : Sacerdotibus prohibuit etiam eas accipere in uxores, quae vivunt de cauponis et pandochiis, id est de rebus venalibus in apothecis seu locis fenestras, ubi exponuntur venalia. Pontificem vero jussit Dominus ad nullum ingredi mortuum. Unde et dominus Papa nullis exsequiis dicitur interesse : nec parochia ejus muros Urbis excedit.

1 Tim. iii, 3.



## ARTICULUS XLI

DE SPIRITUALI INTELLECTU HUIUS CAPITULI VICESIMI PRIMI.

**A**D intelligendum clarius præinducta de sacerdotibus, et a ministerio sacerdotali prohibitis, advertendum quod in prima secundæ, quæstione 102. loquitur Thomas : Intentio legis erat inducere populum ad reverentiam cultus divini, et hoc dupliciter : uno modo, excludendo a cultu divino quicquid poterat esse contemptibile ; alio modo, apponendo ad cultum divinum omne quod videbatur ad reverentiam pertinere. Et si hoc observabatur in tabernaculo et vasis ac animalibus offerendis, multo magis observandum hoc fuit in ipsis ministris. Hinc ad removendum contemptum ministrorum, præceptum fuit ut non haberent maculam vel corporalem defectum, quia huiusmodi homines solent contemni. Hinc etiam institutum fuit, ut non sparsim ex quolibet genere ad Dei ministerium applicarentur, sed ex certa prosapia secundum generis successionem, ut ex progenie clariores reputarentur. — Fuit etiam ratio figuralis, cur propter maculam ministrare non poterant ex sacerdotibus nati : quoniam corporales illi defectus designant vitia et peccata diversa, quibus sacerdotes debent carere. Prohibetur etenim sacerdos esse cæcus, id est ignorans et indoctus. Item claudus, id est instabilis et ad diversa leviter se inclinans. Parvo quoque, grandi aut torto naso, id est indiscretus, ne per discretionis defectum excedat, plus aut minus aut perverse quid agens. Per nasum quippe, qui est percipitivus odoris, notatur discretio. Et ne sit fracto pede aut manu, id est, ne virtutem bene agendi ac proficiendi amittat. Prohibetur quoque esse gibbosus retro sive in pectore, id est elatus aut terrena superflue amans. Et lippus, ne mens ejus per carnalem obtenebretur

**A** affectum, et ne hebes sit ad intelligendum pertinentia ad suum officium. Lippitudo namque causatur ex fluxu humoris. Prohibetur item albuginem habere in oculo, id est præsumptionem candoris justitiæ in propria reputatione. Albugo enim vocatur subtilis membrana visum impediens, tenuisque pellicula, albedo et glaucaitas oculorum. Et jugem scabiem, id est petulantiam carnis. Et impetiginem, quæ sine dolore corpus occupat, et membrorum fœdat decorem, per quam avaritia designatur. Aut herniosus seu ponderosus, id est pondus turpitudinis aut passionum gravamen ferens in corde, quamvis non prosequatur in opere. Et ne nimis ad inferiora afficiatur, nec turbatus sit cerebro, sed pæcatus et sincerus ad proximos, atque tranquillus in domo.

Si ergo hæc vitia erant sacerdotibus illis corporales hostias immolantibus, detestanda et abjicienda : quanto magis sacerdotibus Ecclesiæ, qui superdignissimum offerunt Sacramentum ? Rursus, si corporalis macula, natos ex stirpe sacerdotali fecit indignos offerre panes solum materiales, inanimatos, et pecorum carnes : quanto magis culpæ mortalis turpitudine fœdissima, indignissimum efficit sacerdotem ad immolandum Deo Patri corpus et sanguinem unigeniti Filii sui, imo ipsum Unigenitum ejus ? Sit ergo omnis sacerdos Ecclesiæ videns, mente illuminatus a Spiritu Sancto, constans in via justitiæ, immobilis a firmitate virtutum, nequaquam in duas claudicans partes, sed regia jugiter via incedens. Sit quoque discretus in omnibus, decenter et ordinate omnia agens, et luce suæ discretionis alios efficaciter duccens ac dirigens. Non sit remissus in ope-

re, nec frigidus a spirituali affectu, non A elatus aut tumidus, non lascivus aut cupidus: sed omni humilitate, liberalitate, continentia, caritate repletus, omni pondere irae et impatientiae, omni onere pravae tristitiae carens in corde. *Non contaminetur sacerdos in mortibus civitum suorum*, id est, peccatis aliorum nullo modo communiceet.

Præterea quæ de magno sacerdote dicuntur in textu, Origenes bene et allegorice exponit de Christo, qui vere et absolute fuit et est magnus et summus Sacerdos. De B  
quo Gabriel dixit: Ille erit magnus. Ceteri peccando facti sunt parvi. Peccatum quippe efficit hominem parvum atque exiguum: virtus, magnum et eminentem. Quemadmodum namque corporis ægritudo reddit illud exiguum et exile, sanitas autem latum et validum: sic ægritudo peccati reddit animam parvam et vilem: sanitas vero interioris hominis, excellentem et magnam. Christus ergo est magnus Sacerdos inter fratres suos, id est Apostolos, de quibus locutus est: Vade, dic fratribus C  
meis. Super ejus caput fustum est oleum unctionis: quia cordi ejus copiosissime est infusum oleum sanctæ jucunditatis, abundantia omnis superni charismatis, juxta Ps. XLIV, 8, quod scriptum est: Unxit te Deus, Deus tuus, oleo lætitiæ. Unde per Isaiam fatur: Spiritus Domini super me, eo quod unxerit me. Propter quod princeps ait Apostolorum in Actis: Unxit eum Dominus Spiritu Sancto et virtute.

Circa hæc loquitur Origenes: Qui magnus est, non scandalizatur, sed qui pusillus est, D  
Qui magnus est, quodcumque viderit, quodcumque passus fuerit, non declinat a virtute. Qui autem pusillus est, occasiones querit quomodo scandalizetur. Talibus ergo oportet nos maxime prospicere, ne labantur. An ostendes mihi de Scripturis, ubi aliquis peccator aut meriti parvi, appellatus sit magnus? Hæc Origenes. Qui in hoc ultimo

verbo insinuare videtur, quod iniqui et pusilli non vocentur magni in Scripturis canonicis. Et quamvis id raro inveniat, aliquando tamen invenitur, quum primo Regum de Nabal legatur: Erat homo ille magnus nimis. Et in Zacharia: Quis tu, mons magne, coram Zorobabel? in planum. Ubi per montem magnum, ad litteram designatur diabolus.

Denique Christus non est contaminatus in patre aut matre, quia ex Deo Patre est genitus ab æterno, nec Mater virgo cum concepit aut peperit in peccato. Ille non nisi virginem ducit uxorem, quia etsi animas peccatrices convertat et copulet sibi misericordissime, tamen antequam uniantur ei per amplexum internum, purgat et ornat easdem, atque per fidem, spem, caritatem reducit eas ad spirituales integritatem et mentis virginitatem.

Postremo, quod dictum est, *Non egredietur de Sanctis*: secundum quod asserit Origenes et probat, non potest proprie verificari de sacerdote magno in lege, qui virginem jubetur in conjugem sumere, quam in tabernaculum non potuit introducere atque cognoscere: imo pro multis causis sanctuarium exiit. Sed Dominus noster Jesus Christus semper permansit in Sanctis: in sanctis utique meditationibus, verbis et actibus, qui sponsam, hoc est animam, valde puram et valde sinceram requirit: quia quæ ei conjungitur, unus secum efficitur spiritus. Pulchra a Deo C  
creata est anima. Vide quam pulchra, quæ ad imaginem et similitudinem Dei creata est. Hanc pulchritudinem videns diabolus et angeli ejus, concupiscunt: et quia sponsi ejus fieri nequeunt, cum ea meretricari desiderant: quibus si acquieverit et consenserit anima, meretricatur cum illis, et adulteros amplexatur. Si spiritus iræ, spiritus superbiæ, spiritus impudicitiae tentaverit eam, et ipsa consenserit, meretricatur enim illis.

1 Reg. xxv,  
2.  
Zach. iv, 7

1 Cor. vi,  
17.

Luc. i, 32.

Joann. xx,  
17.

Ps. XLIV, 8.

Is. Lxi, 1.

Act. x, 38.

## ARTICULUS XLII

ELUCIDATIO LITTERALIS CAPITULI VICESIMI SECUNDI : LOCUTUSQUE EST DOMINUS  
AD MOYSEN, DICENS : LOQUERE, ETC.

**P**AUCA in isto continentur capitulo quæ præhabita non existant : specialiter vero nunc sermo est, qualiter filii Israel, potissime sacerdotes, se habere debuerint circa oblata. *Locutusque est Dominus ad Moysen, dicens : Loquere ad Aaron et filios ejus, præcipiendo tam pontifici quam sacerdotibus reliquis, ut caveant ab his quæ consecrata sunt filiorum Israel, hoc est, ut caute se habeant circa ea quæ filii Israel per manus sacerdotum immolant, ac consecrant seu deputant mihi, ad majestatis meæ honorem : et non contaminent nomen sanctificatorum mihi, quæ ipsi offerunt, hoc est, sacrificia mihi oblata per eos, non tractent irreverenter, nec redigant ea in usus illicitos : per quod talia mihi sanctificata seu consecrata, nomen sacrificii et sanctificati quasi amitterent, ipsumque nomen nominans ac nominatum, polui et in abusum venire judicarentur. Ego Dominus. Dic ad eos, puta ad Aaron ejusque filios, et ad posteros eorum : quos vel tunc habuerunt, quia Phinees filius Eleazari fuit tunc : vel habituri fuerunt, non quod illi tunc possent hæc verba audire, sed quia hæc verba eos concernebant tempore suo. Omnis homo qui accesserit de stirpe vestra ad ea quæ consecrata sunt, et quæ obtulerunt filii Israel, in quo est immunditia : hoc est, quicumque de stirpe sacerdotali habens deformitatem, quæ (ut in præcedenti capitulo dictum est) facit eum ad sacerdotale officium inidoneum, si accesserit ad offerendum ea quæ populus ordinavit, et præsentavit ad ostium atrii, ut per manus sacerdotum Domino immolentur : peribit coram Domino : quia peccat mortaliter, et forsán plagabitur,*

**A** quemadmodum perenssi fuerunt Nadab et Abiu. Vel sensus est, ut isti maculati de stirpe sacerdotali, edere non præsumant de his, quorum esus lieuit sacerdotibus tantum, ut fuerunt panes propositionis, qui de communi sumptu plebis offerebantur. Lev. x, 1, 2.

Consequenter diversi excipiuntur et prohibentur a comestione immolatorum : et hoc, quatenus hostiæ Deo consecratæ et sacerdotii dignitas, sacer locus et cultus Dei in eo, in ampliori reverentia haberentur. *Ego Dominus, Homo de semine Aaron, qui fuerit leprosus, aut patiens fluxum seminis, juxta sensum in expositione quintidecimi capituli introductum, non resectur de his, quæ sanctificata sunt mihi, hoc est de hostiis mihi oblatis, donec sanetur : sicque eo sanato, cessavit in eo hæc prohibitio. Qui tetigerit immundum super mortuo, id est, qui immundus est ex contactu, videlicet quia tetigit aliquid quod ideo fuit immundum, quia fuit in domo mortui, dum expiravit, et pertinebat ad ipsum : omnia namque quæ erant in domo morientis, erant immunda, ut in Numeris legitur ; et ex quo egreditur semen quasi coitus : hoc est, qui tetigerit eum qui sustinet seminis fluxum : et qui tangit reptile, et quodlibet, id est quodcumque, immundum, cujus tactus est sordidus, id est inquinans tangentem : immundus erit usque ad vesperum. De hujus instituti intellectu et causis, dictum est in undecimi expositione capituli. Et non resectur his quæ sanctificata sunt, hoc est immolatis. Sed quum laverit carnem suam aqua, id est, perfusus fuerit aqua adspersionis, et occubuerit sol : tunc mundatus resectur de sanctificatis, quia cibus illius est, id est, de jure com-* Ibid. xv, 2, 3.

*Numer. xix, 14.*



petit ei, tanquam de stirpe sacerdotali nato, quum impedimentum utendi suo jure fuerat deletum. *Morticinium*, id est per se mortuum, *et captum*, id est suffocatum, *a bestia*, diuque mortuum ex bestiae laceratione, *non comedet* \* natus de stirpe hac, \* *polluetur* *nec polluetur* \* *in eis*, id est in esu istorum. Istud mandatum undecimo capitulo et alibi plenius continetur atque expositum est. *Custodiant praecepta mea, ut non subjaceant peccato, et moriantur in sanctuario, quum polluerint illud. Ego Dominus, qui sanctifico eos.*

*Omnis alienigena non comedet de sanctificatis.* Certum est quod his qui non erant natione Judaei, nec ad Judaismum conversi, non licuit vesei oblati : ideoque nomine alienigenae potest modo intelligi omnis non existens de tribu sacerdotali, demptis tamen his, qui paulo post excipiuntur. *Inquilinus sacerdotis*, id est alienus ad tempus in domo commorans sacerdotis, *et mercenarius*, qui servit sacerdoti pro mercede, nec de ejus est semine, *non vescetur ex eis* : quia sunt sui juris, nec ad sacerdotem pertinent multum. *Quem autem sacerdos emerit*, id est servus ejus empticius, *et qui vernaculus domus ejus fuerit*, id est nutritus et natus in domo atque obsequio sacerdotis : *hi comedent ex eis*, dum fuerint mundi : nec enim sunt proprii juris, sed res ac possessio sacerdotis hujusmodi. *Si filia sacerdotis cuilibet ex populo nupta fuerit*, id est alicui viro non existenti de stirpe sacerdotali : *de his quae sanctificata sunt, et de primitiis Deo oblatiis, non vescetur* : quia cum marito tali facta est caro una, et emancipata a patre, ideoque de cetero conformatur marito in rebus domesticis victuque corporis. Nam conjugatorum una est mensa. *Sin autem vidua vel repudiata et absque liberis, reversa fuerit ad domum patris sui : sicut puella consueverat, aletur cibis patris sui*, id est oblatiis quibus ante suam emancipationem licite utebatur, quia tunc ratio cessat praefata. *Omnis alienigena comedendi ex eis non habet potestatem.*

*Qui comederit de sanctificatis per ignorantiam, nec est de sacerdotum progenie, addet quintam partem eam eo quod comedit*, id est, tantum restituet, quantum sic illicite manducavit, et ultra hoc pro quinta parte tantum, pro inadvertentia et negligentia sua, quae non excusat eum in toto : *et dabit sacerdoti in sanctuarium*, id est, ad atrium tabernaculi deferet ista ad sacerdotem, cui sua illicite comestione intulit damnum, et ut sacerdos oret pro eo, atque illatam sibi injuriam indulgeat illi. *Nec contaminabunt sanctificata filiorum Israel*, id est hi qui non sunt sacerdotes, nec eorum domestici modo praetacti, non usurpabunt oblata, *quae offeruntur Domino* : *ne forte sustineant iniquitatem sui delicti, quum sanctificata comederint*, id est, ne forsitan mox puniantur antequam punierint.

*Locutusque est Dominus ad Moysen, dicens : Loquere ad Aaron et filios ejus, et ad omnes filios Israel, dicesque ad eos : Homo de domo Israel, id est natione Israelita, et de advenis qui habitant apud vos, id est quicumque ad Mosaicam legem conversus, et inter vos commorans, qui obtulerit oblationem suam Deo per manum sacerdotis, vel vota solvens, id est oblationem ex promissione debitam exhibens, vel sponte offerens, puta ex devotione et supererogatione : quicquid obtulerit in holocaustum Domini, quod ad Dei honorem totaliter consumebatur, ut offeratur per vos, id est per obsequium sacerdotum, quorum fuit hostias populi Deo offerre, masculus immaculatus erit*, hoc est animal masculini sexus, *ex bobus et ex ovibus et ex capris*, id est ex speciebus pecorum hujusmodi seu ex aliqua specie eorumdem : quia ut dictum est saepe, ex pecoribus seu jumentis nullum animal fuit immolaticium, nisi individua trium specierum istarum. Et quoniam holocaustum fuit dignissimum sacrificium, ideoque non nisi animalia masculina poterant in holocaustum offerri, ut frequenter praehabitu est : ideo capra non notat hic sexum, sed

naturam, imo pro hircio accipitur. *Si maculam*, id est notabilem deformitatem aut monstruositatem habuerit animal, *non offeretis, neque erit acceptabile*, quia prohibitum est.

*Homo qui obtulerit victimam pacificorum Domino*, hoc est hostiam pacificam in gratiarum actionem pro beneficio dato, vel in postulationem pro beneficio dando, *vel vota solvens, vel sponte offerens*, secundum sensum jam habitum, *tum de hominibus quam de ovibus* aut etiam capris, quæ nunc causa brevitatis non exprimuntur, quia ex præcedenti mandato satis intelligi dantur; *immaculatum offeret, ut acceptabile sit*. Poterat tamen indifferenter esse masculini aut feminei sexus. *Omnis macula non erit*, id est nulla erit, *in eo*. Et deinde exprimuntur maculæ in speciali. *Si cæcum fuerit*, imo et si uno dumtaxat caruerit oculo, *si fractum*, hoc est læsum aut ruptum, *si cicatricem habens*, id est deformem et perceptibilem fæditatem ex illato vulnere, eo curato, *si papulas*, id est parvas cutis erectiones cum rubore, seu pustulas habens, *aut scabiem vel impetiginem*, hoc est scabiem siccam, aut scabiem alterius generis habens; *non offeretis ea Domino*, cui perfecta et integra sunt offerenda.

*Bovem et ovem, aure et cauda amputatis, voluntarie offerre quis potest*. Hoc contrariari videtur verbo quod dictum est: Homo qui obtulerit hostiam pacificorum Domino, vel vota solvens, vel sponte offerens, immaculatum offeret. Ad hoc quidam respondent, quod istud sit intelligendum de oblatione sacerdoti facta, non ut offerat Deo, sed ut vendita ea, pretium ejus convertat in utilem aliquem templi usum, puta in reparationem vasorum aut cortinarum. *Votum autem ex eis solvi non potest*: hoc est, votivum aut solenne sacrificium ex eis fieri prohibetur. Unde dicendum, quod sacrificari talia poterant Deo in casu necessitatis articuloque inopiæ, quando quis obligatus non erat ad sacrificium, nec aliud animal habuit, habereve poterat.

A *Votum autem ex his solvi non poterat*, hoc est oblatio ex debito aut promisso, juxta illud Malachie: *Maledictus dolosus qui habet in grege suo masculum, et votum faciens, immolat debile Deo*. Et rursus: *Si offeratis claudum vel debile, nonne malum est? Omne animal quod vel contritis, vel tunsis, vel sectis ablatisque testiculis est, non offeretis Domino*, quum sit monstruosum et vile.

*De manu alienigenæ non offeretis panes Deo vestro*. Hoc aliqui sic exponunt, quod sacerdotibus Judæorum non licuit a gentilibus incircumcisis aliquid accipere, ut illud idem ex parte ipsorum immolaretur super altare Dei. *Et quidquid aliud dare voluerit alienigena, non accipietis illud ad offerendum: quia corrupta et maculata sunt omnia*, quæ alienigenæ ita dederint vobis ad offerendum: non quod omnia illa essent in se ipsis corrupta et maculata, sed quia Deo accepta non erant sacrificia inde facta, nec ex se, nec ex offerentium fide et devotione, quia alienigenæ circumcisionem (quæ erat signum fidei) non habentes, reputabantur immundi: *non suscipietis ea*, o sacerdotes, ad offerendum. Poterant tamen ab alienigenis sumi pecuniæ, donaque alia, ex quibus emerentur sacrificia immolanda. Sicque secundo Machabæorum libro scriptum est, quod Seleucus rex Asiæ, ex sumptibus suis præstabat ea quæ ad sacrificia pertinebant. Hanc expositionem sequitur Lyra. Verum (ut refert) Rabbi Salomon aliter exponit, dicendo quod ista lex datur ad dubium removendum. Lex etenim data fuit non gentilibus, sed Judæis: ideirco præceptum immolandi immaculata, solum adstringebat Judæos: ideo sacerdotes Judæorum credere poterant animalia maculata oblata a gentilibus, ex devotione posse offerri per manus suas in altari holocaustorum, et hoc removet Dominus per litteram istam, quæ talis est in Hebræo: *De manu alienigenæ non offeretis panes Deo vestro: quia corruptiones eorum in eis sunt, et macula in eis est, non proficient eis*.

Malach. 1.

14.

Ibid. 1, 8.

II Mach.

III. 3.

Dicit tamen Rabbi Salomon, quod animalia immaculata immolaticia poterant ab alienigenis recipi et offerri. Similiter panes mundi et immaculati : non autem immundi ex commixtione et maculati. Huic dicto videtur favere quod in libro Esdræ ait rex Darius : A me præceptum est quid oporteat fieri presbyteris Judeorum, ut aedificetur domus Dei. Quod si necesse fuerit, et vituli, et agni, et hœdi, in holocaustum Deo cœli, frumentum, sal, vinum, et oleum secundum ritum sacerdotum, qui sunt in Jerusalem, dentur eis per singulos dies, ne sit in aliquo querimonia, et offerant oblationes Deo cœli, orentque pro vita regis et filiorum ejus. Præterea multi alienigenæ seu gentiles erant vere devoti atque fideles, ut Job : ergo eorum sacrificia ex præfatis animalibus facta, poterant esse Deo accepta, ex ipsorum fide et devotione. Insuper in Job legitur, qualiter (Deo jubente) tres amici Job sumpserunt septem tauros et septem arietes, quos Job immolavit pro eis, et placuit Deo sacrificium illud etiam ex parte amicorum Job. in quantum ex obedientia et contritione fecerunt animalia illa offerri pro ipsis : magis tamen placuisse videtur ex parte Job offerentis, et orantis pro illis.

Deinde describitur (quod et antea habitum est) in qua ætate poterant animalia munda offerri. *Locutusque est Dominus ad Moysen, dicens : Bos, ovis et capra quum genita fuerint, septem diebus erunt sub ubere matris suæ : quia tandiu præ nimia teneritudine non sunt ad offerendum idonea : die autem octavo et deinceps offerri poterunt Domino, quia extunc sunt solidiora. Sive illa bos, sive ovis, non immolabuntur uno die cum fetibus suis, id est, nec vacca, nec ovis eodem die offerri debet cum suo fetu, videlicet cum vitulo, aut agniculo : quod in detestationem idololatriæ prohibitum creditur, et in contemptum maleficorum, qui fecerunt oppositum ad placandum amplius deos suos, vel ut ex sic simul oblati maleficia aliqua perpetrarent : itemque ad exercendum et instruendum*

*A* dum Judeos, ad crudelitatem proclives, circa pietatem in homines. Ad crudelitatem etenim quandam pertinere videtur, matrem cum fetu simul mactare. *Si immolaveritis hostiam pro gratiarum actione Domino, ut possit esse placabilis, eodem die comedetis eam.* Hoc septimo capitulo scriptum est atque expositum. *Ne polluat is nomen sanctum meum,* id est, ne per inobedientiam inhonoretis, et quasi vilem parvipendatis me Sanctum sanctorum, sed potius honorificetis et magnificetis me : *ut sanctificet in medio filiarum Israel,* id est, a toto Israelitico populo tanquam vere sanctus recte honorer, ita ut mihi in sanctitate deserviat, ex vestra conversatione virtuosa et exemplari excitatus et edificatus. *Ego Dominus qui sanctifico vos, etc. Ego Dominus.*

Postremo, sicut dicta in isto capitulo, quasi plene præhabita sunt, ita et spiritualis eorum intelligentia ex præinductis patere censetur. Nempe quod præfatæ personæ immundæ, defectuosæ et viles forinsecus, prohibebantur edere immolata, præfiguravit quod homines intrinsecus vitiosi non debeant ad sacram ire communionem, nec sacramenta suscipere, nisi confessi et expurgati. In speciali autem per leprosum notatur hæreticus : per seminfluum, verbosus sive lascivus : per immundum ex contactu, consentiens et communicans alienis peccatis : per immundum ex esu, gulosus : per inquilinum, discurrens et vagus, nunc hic, nunc alibi degens : per mercenarium, is qui intuitu et amore temporalium magis quam propter Deum, agit bona ex genere : per alienigenam, infidelis, excommunicatus, sive schismaticus : per filiam sacerdotis populari marito nuptam, religiosa persona, ad exteriora et mundana vitiose conversa. Debemus quoque Deo offerre sacrificia illibata, hoc est opera vere virtuosa, aliorum non infectiva, nec infecunda, quæ per animalia testiculis carentia designantur : sed fecunda, per quæ alii convertantur, ædificentur, et accendantur in Domino.

1 Esdræ, vi,  
8-10.

Job xlii,  
8-10.

Lev. xii,  
12-14.

Sensus spiri-  
tualis.



## ARTICULUS XLIII

EXPOSITIO LITTERALIS CAPITULI VICESIMI TERTII : LOCUTUSQUE EST DOMINUS  
AD MOYSEN, DICENS.

**D**E festis legis, et festorum sacrificiis A  
nunc tractatur. *Locutusque est Domi-  
nus ad Moysen, dicens : Loquere filiis Is-  
rael : Hæ sunt feriæ Domini quas vocabi-  
tis sanctas*, id est celebres, et ad divina  
opera peragenda specialiter deputatas. *Sex  
diebus facietis opus*, id est, sex primi dies  
in hebdomada erunt feriales, in quibus  
licebit manualiter atque mechanicè opera-  
ri, nisi inter hos dies contingat sollemnitas  
alia : *dies septimus*, scilicet ultima dies  
hebdomadæ, *quia sabbati requies est*, hoc  
est deputata ad quiescendum ab operibus  
exterioribus servilibus, in commemoratio-  
nem quod Deus omnipotens septimo die  
quievit ab omni opere quod patrarat : pro-  
pter quod benedixit diei septimo, et san-  
ctificavit illum : *vocabitur sanctus. Omne  
opus non facietis in eo. Sabbatum Domini  
est*, hoc est dies requiei, designans quietem  
Dei præfatam : *in cunctis habitaculis* \*  
*vestris* : quia in die illo manserunt domi  
communiter, nec ignem accenderunt, nec  
præparaverunt cibaria, imo nec manna col-  
legerunt, prout super Exodum dictum est  
plenius. *Hæ sunt ergo feriæ Domini san-  
ctæ, quas celebrare debetis temporibus suis*  
nunc exprimendis : sicque intelligitur is-  
tud de festis sollemnibus, quæ per plurimos  
dies durabant, ut infra habetur.

*Mense primo anni*, secundum compu-  
tationem et ordinem mensium apud He-  
bræos : qui mensis secundum ordinem  
mensium apud nos, est tertius aut quar-  
tus : *quintadecima die mensis ejusdem ad  
vesperum, Phase Domini est*, id est solen-  
nitas designans transitum, quo Dominus  
seu angelus ejus transit illo vespere et  
de nocte per Ægyptum, percutiens primo-

genita Ægyptiorum, et Hebræos non va-  
stans : in ejus rei memoriam paschalis  
illa sollemnitas inceptit a vespera quartæ-  
decimæ diei mensis primi : et ipsa solen-  
nitas fiebat in memoriam liberationis fi-  
liorum Israel ex Ægypto, quæ liberatio  
facta fuit quintadecima mensis istius die.  
Hinc subditur, *et quintadecima die men-  
sis hujus sollemnitas Azymorum Domini  
est*, id est sollemnitas paschalis, in qua per  
septem dies non licet uti panibus ferment-  
tatis, sed azymis tantum : in signum ac  
reecordationem quod Ægyptii compulerunt  
filios Israel tam velociter egredi, quod ip-  
si Israelitæ non poterant fermentatum sibi  
panem parare, sed farinam conspersam,  
antequam fermentaretur, ligantes in pal-  
liis secum tulerunt, ut in Exodo continetur.  
*Dies primus sollemnitis paschalis,  
erit vobis celeberrimus sanctusque*, hoc est  
celebris valde, atque celebrior quinque die-  
bus ejusdem festi ipsum immediate se-  
quentibus. *Omne opus servile non facietis  
in eo ; sed offeretis sacrificium in igne  
Domino septem diebus* quibus durat festi-  
vitas. Et quale fuerit sacrificium illud, in  
Numeris describitur, quo habetur : Offeretis  
incensum holocaustum Domino, vitulos  
de armento duos, arietem unum, agnos an-  
nienlos septem, etc. *Dies autem septimus  
erit celebrior et sanctior* quinque præfatis  
diebus intermediis, utpote tam festivus et  
sanctus ut primus. Unde in Numeris vocatur  
celeberrimus sicut primus. Veruntamen  
quando sabbatum occurrebat in altero  
horum dierum, fuit absolute celebrior.  
*Nullumque servile opus facietis in eo.*

Consequenter subditur speciale manda-  
tum de primitiis spicarum Domino offe-

Gen. ii, 2, 3.

\* habita-  
tionibus

Exod. xiii,  
34.

Numer.  
xxviii, 19 et  
seq.

Ibid. 25.

rendis altera die post primam diem solen-  
nitatis paschalis. *Locutusque est Dominus*  
*ad Moysen, dicens : Loquere filiis Israel,*  
*et dices ad eos : Quum ingressi fueritis*  
*terram, quam ego dabo vobis, et messueri-*  
*tis segetem.* Aliqui dicunt, quod tunc non-  
dum exstitit communis segetum messis,  
et quod cito evenire non potuit, sed quod  
homines tunc colligebant spicas maturita-  
ti magis appropinquantes in aliqua parte  
terre illius, et inde offerebant istas pri-  
mitias. Veruntamen prout super Exodum  
scripsi, Glossa et alii multi, imo et Augu-  
stinus aliter sentiunt, utpote quod regionis  
illius natura et dispositio habeant hoc, vel  
saltem tunc habuerunt, ut tam mane sit ibi  
messis. Hoc quoque textus videtur eviden-  
ter prætendere. Nam ait, *Quum messueri-*  
*tis.* Non autem fit messio ante communem  
segetum maturitatem. Denique subditur :  
*feretis manipulos spicarum primitias mes-*  
*sis vestre ad sacerdotem.* Ergo tunc messis  
fuit communiter ibi. *Qui terabit fascicu-*  
*lum,* hoc est manipulum spicarum, *coram*  
*Domino, ut acceptabilis sit oblatio illa pro*  
*vobis.* Sacerdos namque divinae majestati  
cum oratione et oblato elevatione presen-  
tavit quod obtulit, ut ex fide, devotione,  
et obedientia offerentis, et meritis suæ  
orationis ac ministrationis, oblatio illa Deo  
placere. *Altera die sabbati,* hoc est sexta-  
decima die mensis primi, quæ fuit altera  
dies sabbati, id est paschalis festivitatis,  
eujus primus integer dies fuit quintadeci-  
ma primi mensis dies. Vocatur autem pri-  
ma illa Paschæ dies sabbatum, quia tunc  
cessabatur a cunctis operibus, a quibus  
quiescebatur in sabbato. *Et sanctificabit*  
*illum,* hoc est, manipulum divino deputa-  
bit honori, et usui sacerdotis. *Atque eodem*  
*die quo manipulus consecratur,* id est, of-  
fertur et sanctificatur modo præfato, *car-*  
*detur,* hoc est mactabitur, *agnus immacu-*  
*latus anniculus,* id est, qui non sit ultra  
annum unum habens aetatem, *in holocau-*  
*stum Domini.* Istud non est intelligendum  
de agno paschali, qui offerebatur quarta-  
decima die mensis primi ad vesperum. *Et*

*libamenta offerentur cum eo,* hoc est, ma-  
teriæ liquore perfusæ immolabuntur cum  
agno illo : de quibus subiungitur, *duæ*  
*decimæ similæ conspersæ oleo in incensum*  
*Domini, odoremque suavissimum.* Quæ ver-  
ba in expositione quartidecimi capituli sa-  
tis exposita sunt. *Liba quoque vini, quarta*  
*pars hin.* Hin est nomen mensuræ, at-  
que (ut dictum est sæpe) mensuræ apud  
diversos diversificantur, etiam illæ quæ  
ejusdem sunt nominis : ideo quantitatem  
hin, certitudinaliter scire non possumus.  
B Offerebant autem etiam primitias uvarum.

*Panem et potentiam et pulles non comed-*  
*etis ex segete, usque ad diem quo offeretis*  
*ex ea Deo vestro :* id est, ante oblationem  
primitiarum segetis novæ, non manduca-  
bitis aliquem cibum factum ex segete nova,  
ut de fructibus terræ vestræ primo ho-  
norificetur Deus, in recognitionem quod  
omnia sunt ab eo, sicque etiam in hoc  
primum quæri videatur regnum eorum.  
Potentia autem nunc dici potest esca facta  
ex granis novis tostis, quæ confricata sunt  
manibus. Super Leviticum vero hoc exstat  
expositum. Puls vero vocatur cibus factus  
ex farina et aqua seu lacte. *Præceptum*  
*est sempiternum,* id est jugiter duraturum,  
durante Testamenti veteris cursu, *in gene-*  
*rationibus cunctisque habitaculis vestris.*

Sequitur de solennitate Pentecostes. *Nu-*  
*merabitis ergo ab altera die sabbati, in qua*  
*obtulistis manipulum primitiarum,* hoc est  
a secundo die solennitatis paschalis, diem  
illum secundum includendo, *septem heb-*  
*domadas dierum plenas,* quæ reddunt dies  
D quadraginta novem : *usque ad alteram*  
*diem expletionis hebdomadæ septimæ,* id  
est usque ad diem immediate sequentem  
ultimum diem illarum septem hebdoma-  
darum, *id est quinquaginta dies :* ita quod  
dies illa sequens ultimum diem præfatum,  
est quinquagesimus dies. *Et sic offeretis*  
*sacrificium novum Domino ex omnibus ha-*  
*bitaculis vestris,* id est principalis ex qua-  
libet domo : *panes primitiarum duos,* id  
est duos panes ex primitivis novisque fru-  
ctibus, ex quibus in Pascha grana obtuli-

Lev. xiv,  
10, 21.

Matth. vi,  
33.

Lev. ii, 14.

stis, *de duabus decimis similæ fermentatæ*. A fit mentio in Numeris. Ideo quidam putant ita quod uterque panum illorum constabit ex totidem similæ decimis. Vel (ut alii opinantur) in utroque fuit tantum una similæ decima. Vocaturque decima, decima pars ephi, de qua mensura prædictum est. Præterea quæri potest, quomodo hic dicatur, Similæ fermentatæ, quum secundo capitulo dictum sit, Omnis oblatio quæ offertur Domino, absque fermento fiet. Ad quod patet responsio ex dietis in expositione secundi capituli, et etiam septimi quo habetur, Pannes quoque fermentatos cum hostia, etc. B Quos coquetis in primitias Domino, id est, quos panes formabitis, ut Domino in primitias offerantur, ut tactum est.

Offeretisque cum panibus septem agnos immaculatos anniculos, et vitulum de armento unum, et arietes duos : et erunt in holocausto, ita quod offerentur in holocaustum : nec unusquisque hæc omnia obtulit, sed de communi potius offerebantur pro omnibus. Duravit autem solennitas illa Pentecostes sicut paschalis septem diebus, in quorum quolibet ista offerebantur, ut C Magister in historiis ait. Erunt ergo in holocausto cum libamentis suis, in odorem suavissimum Domino. Hinc in Numeris habetur de sacrificiis hujus festi : Offeretisque holocaustum, vitulos de armento duos, arietem unum, et agnos anniculos septem : atque in sacrificiis eorum similæ oleo conspersæ tres decimas, per singulos vitulos : per arietes, duas : per agnos, decimam decimæ : quæ verba suo exponuntur in loco. Sed inter hæc quæri potest, qualiter in isto dicatur capitulo, quod D offeretur vitulus unus, et arietes duo : Numerorum vero præfato capitulo, quod erunt vituli duo, et aries unus. Ad quod responderi posse videtur, quod utrumque fieri poterat, secundum quod loco et tempori amplius congruebat. Facietis et hircum pro peccato, hoc est, pro remissione peccati offeretis hircum, qui immundum est animal : duosque agnos anniculos offeretis in hostias pacificorum, ut sæpe expositum est. Verumtamen de his duobus agnis non

istud intelligendum de agnis duobus jugis sacrificiis, qui offerebantur quotidie, unus de mane, alter de vespere. Vel, quod hic exprimitur, ibi tacetur, ut ex præhabitis datur intelligi. Quinque eleverit eos sacerdos cum panibus primitiarum coram Domino, cedent in usum ejus. Et vocabitis hunc diem celeberrimum atque sanctissimum. Solennitas namque Pentecostes fuit valde magna et sancta in lege, et una præcipuarum celebritatum. Omne opus servile non facietis in eo.

Postquam autem messueritis segetem terræ, non secabitis eam usque ad solum : nec remanentes spicas colligetis, sed pauperibus et peregrinis dimittetis eas. Ego sum Dominus Deus vester. Istud præceptum

supra habitum expositumque consistit. Sequitur de festo Tubarum. Locutusque est Dominus ad Moysen, dicens : Loquere filiis Israel : Mense septimo, prima die mensis, erit vobis sabbatum memoriale, hoc est solennitas, in qua sicut in sabbato ab exterioribus servilibusque operibus est quiescendum, in memoriam liberationis Isaac a morte, quando pater ejus ex Dei precepto extendit manum suam ad ipsum immolandum, quemadmodum in Genesi describitur : elangentibus tubis : illo etenim die elangebant Judæi cornibus pecorinis, eo quod aries pro Isaac immolatus, cornibus hæsit inter fruteta : et illarum elangor tubarum, fuit excitatio præparatoria ad agendum hilariter ac devote omnia mensis septimi festa, qui quasi totus erat celebris apud eos. Et vocabitur sanctum sabbatum, tanquam divino cultui deputatum. Omne opus servile non facietis in eo, et offeretis holocaustum Domino. Nec solum tunc offerebatur holocaustum, sed et alia sacrificia quædam, quæ non hic, sed in Numerorum libro exprimuntur, quo legitur : Offeretis holocaustum Domino, vitulum unum, arietem unum, agnos anniculos immaculatos septem, et hircum pro peccato, præter holocaustum calendarum enim sacrificiis.

Nam.  
XXVIII, 3, 4.

Lev. XIX, 9.

Gen. XXII,  
10.

NUMER. XXIII,  
2, 3, 6.

Lev. II, 11.

Ibid. VII, 13.

Num.  
XXVIII, 27-  
29.



Consequenter agitur de festo Expiationis. *Locutusque est Dominus ad Moysen, dicens: Decimo die mensis hujus septimi, dies Expiationis \* erit celeberrimus. Hoc festum vocatum est Expiationis, in recognitionem et gratiarum actionem, quod Dominus illa die ignovit filiis Israel de crimine adorationis aurei vituli, ut dictum est saepe. Et vocabitur sanctus, affligetisque animas vestras in eo, orationibus, vigiliis, atque jejuniis insistendo, quia etsi culpa fuit indulta, non tamen poena in toto, et interim peccaverunt: et offeretis holocaustum Domino, prout in Numeris conscriptum est. Eadem sacrificia offererantur in isto festo ac precedenti. Omne opus servile non facietis in tempore diei hujus, quia dies propitiationis, hoc est divinae miserationis atque placationis, est, ut propitiatur vobis Dominus Deus vester. Ex hoc elicitur, quod licet festivitas ista exstitit instituta in commemorationem remissionis peccati adorationis vituli, nihilo minus ultra hoc instituta fuit ad impetrandum ceterorum quoque remissionem peccaminum, et ad satisfaciendum pro idololatria illa gravissima. Omnis anima quae afflicta non fuerit in die hoc, id est, omnis homo adultæ ætatis ac vestræ religionis, qui se ipsum non castigaverit in hoc die per vigiliis, orationes, jejunia, seu consimilia pœnitentiæ virtutumque opera, peribit de populis suis: quia peccando mortaliter, meretur damnari, aut etiam temporaliter est plaganda, et nisi penituerit, condemnabitur. Et quæ operis quidpiam fecerit, id est aliquid notabile de opere servitutis aut vitiorum, delebo eam de populo suo. Nam et contra præceptum agendo, separabatur a mystico corpore Synagogæ electæ, et incorporabatur diabolo. Nihil ergo operis facietis in eo. Legitimum sempiternum erit vobis. Sabbatum requiectionis est, affligetisque animas vestras die nono mensis. A vespera usque ad vesperam celebrabitis sabbata, hoc est festa vestra. Hoc dicitur ad insinuandum quod præcedens festivitas (sicut et alia quedam festa*

A in lege) inchoabat a vespera præcedentis diei, et usque ad vesperam durabat diei sequentis.

Nunc de solennitate Tabernaculorum subjungitur: *Et locutus est Dominus ad Moysen, dicens: Loquere filiis Israel: A quintodecimo die mensis hujus septimi, erunt feriæ Tabernaculorum septem diebus Domino: hoc est, ad laudem et gloriam Domini, atque in recognitionem beneficiorum ipsius celebrabitur festivitas ista septem diebus, eo quod filii Israel habitaverunt in solitudine in tabernaculis atque umbraculis quadraginta annis, et ibi protegabantur ac nutriebantur a Deo. Dies primus vocabitur celeberrimus atque sanctissimus. Omne opus servile non facietis in eo; et septem diebus offeretis holocausta Domino, utpote quolibet festi istius die. De hoc in Numeris diffuse habetur. Dies quoque octavus, scilicet dies præfatam solennitatem proxime sequens, erit celeberrimus dies atque sanctissimus, et in eo fuit solennitas alia. Unde mox additur: et offeretis holocausta Domino. Est enim Cœtus atque collectæ: et de sacrificio tunc agendo, habetur in Numeris. Porro (ut Lyra dicit) hoc festum vocatum est Cœtus atque collectæ, quia eadem die colligebatur pecunia pro sacrificiis per annum fiendis, et aliis necessitatibus templi aut tabernaculi, de communi sumptu præstandis.*

Sed his contradicunt Rabbi Paulus: Ex hoc, inquiens, quod dies ista dicebatur Cœtus et collectæ, non habetur quod in ea fiebat illa pecuniarum collectio, etc., quia similiter dies septima festi Paschæ dicebatur Collectæ, ut in Deuteronomio legitur, et tamen nullus dicit, quod in ea colligebantur pecuniæ. Manifestum est quoque apud doctores Hebræorum communiter, quod præfata pecuniarum collectio fiebat per totam terram promissionis primo die duodecimi mensis, ut habetur per scripturas eorum authenticas, in quibus credendum est eis in his quæ non pertinent ad eorum errores. Ideo autem festum hoc dicebatur Cœtus et collectæ, quia in eo po-

\* Expiationum

Numer. xxix, 8.

Numer. xxix, 12 et seq.

Deut. xvi, 8.

pulus debuit adunari et colligi ad vacandum divinis, et per consequens cessare ab operibus servilibus. Unde huic verbo, *Custus* seu *Collectæ*, semper adjungitur in hac materia cessatio ab operibus. Sed circa hoc attendendum, quod ista festivitas quæ agebatur post septimum diem festi Tabernaculorum, nullam rationem habuit litteralem pertinentem ad præteritorum memoriam. Unde tota ejus ratio est figurativa futuri. Nec est dicendum, quod præfiguravit adunationem et pacem populi Israel in terra promissionis. Sic namque cessasset post ingressum in terram illam, quemadmodum cessat figura, figurato adveniente. Hinc dicendum videtur, quod figuravit congregationem fidelium in ecclesia ad orandum, vel in regno cælorum. Cujus signum est, quod in tota lege Mosaica septenarium celebrabatur, ut patet de sabbato, et septem diebus Paschæ, ac totidem Pentecostes, ac Tabernaculorum, et de sabbato terræ post sex annos. Dies autem octava non fuit celebris, nisi in hoc loco : in quo manifeste notatur, quod expletis omnibus festis veteris Testamenti, quæ omnia in hoc capitulo recitantur, succederent festa Christi, quæ in die octavo, hoc est in Christi resurrectione, sumpserunt exordium, prout ista plenius in Glossa tractantur : quæ non sunt intelligenda ad sensus mysticos pertinere, sed ad litteram ratione prædicta. Hæc Rabbi Paulus.

Attamen verbis Lyre concordat quod in Scholastica fertur historia : Octava illa dies fuit sollemnis, quia in ea conveniebant ad faciendum collectam, forte in usus pauperum, vel in alios usus communes. Verba quoque S. Thomæ quæ sequenti ponentur articulo, non consonant verbis Rabbi Pauli.

Deinde recapitulantur prædicta. *Hæc sunt ferie Domini*, hoc est dies festivi, *quas vocabitis celeberrimas atque sanctissimas : offeretisque in eis oblationes Domino holocausta et libamenta*, id est liquida sacrificia, *juncta ritum uniuscujusque diei*, hoc est secundum quod jussum est fieri in utroque horum dierum solennium : *exce-*

*ptis sabbatis Domini*, quæ scilicet celebrantur assidue per totum anni decursum, *donisque vestris*, id est beneficiis quæ ex supererogatione aut simili causa dederitis ministris templi, *et quæ offeretis ex voto*, hoc est ex promissione aut obligatione, *vel quæ sponte tribuetis Domino*, id est, ex devotione, et ultra constitutum seu debitum Domino offeretis : his, inquam, demptis, offeretis quæ dicta sunt in solennitatibus illis præcipuis, quæ semel occurrunt in anno.

*A quintodecimo ergo die mensis septimi*, secundum computationem Hebræorum, cui apud nos correspondet September, *quando congregaveritis omnes fructus terræ vestræ, celebrabitis ferias Domini septem diebus* : quibus agebatur festum Tabernaculorum, ut dictum est. Quocirca pensandum, quod secundum legem ter in anno solvebantur primitiæ : primo de novis granis in Pascha ; secundo de novis panibus in Pentecoste : tertio de omnibus fructibus terræ, de quibus erant solvendæ. Nempe ut aliqui dicunt, non dabantur de terræ nascentibus, nisi de septem speciebus, utpote de frumento, hordeo, vinea, oliva, malogranato, fien et palma. Et ista solutio in Septembri fiebat. *Die primo et die octavo erit sabbatum*. Summetisque vobis *die primo* festi Tabernaculorum, *fructus arboris pulcherrimæ*, scilicet poma citrina, ut aliqui opinantur, quæ decora sunt valde, *spatulasque*, id est ramos, *palmarum et ramos ligui*, id est arborum, *densarum frondium, et salices de torrente*, id est torrentibus, ubi ereseunt : *et letabimini coram Domino Deo vestro : celebrabitisque solennitatem ejus septem diebus per annum*. Hæc enim sumpserunt in commemorationem, quod quadraginta annis in solitudine desuper pasti sunt cibo clarissimo, et nube per diem contra solis ardorem protecti, in tentoriisque morati, ac inde perducti sunt in terram lacte et melle manantem : et ne obliviscerentur mirabilium quæ Deus fecit eis in solitudine, in qua per quadraginta annos vestimenta eorum

*Deut. xxxii, 5.*

non sunt attrita. Quæ omnia in observan- A  
tia hujus festi, quasi in libro quodam (se-  
cundum Guillelmum Parisiensem) legun-  
tur. Hinc in textu subjungitur : *Mense*  
*septimo festa celebrabitis, et habitabitis in*  
*umbraculis factis de præfatis materiis,*  
*septem diebus, Omnis qui de genere est*  
*Israel, manebit in tabernaculis : ut di-*  
*scant posteri vestri, quod in tabernacu-*  
*lis habitare fecerim filios Israel, quam*  
*educerem eos de terra Egypti.* Parentes  
namque exposuerunt filiis suis causam ha-  
bitationis et observantiæ hujus. *Ego Do-*  
*minus Deus vester. Locutusque est Moys-*  
*ses super solennitatibus Domini ad filios*  
*Israel.*

## ARTICULUS XLIV

DE SPIRITUALI SIGNIFICATIONE HUIUS CAPITULI VICESIMI TERTII, ET VERBIS  
QUORUNDAM DOCTORUM.

SECUNDUM quod compendiose scribit B  
in prima secundæ Thomas, quæstio-  
ne 102, in veteri lege erant septem solen-  
nitates temporales, id est, certis anni tem-  
poribus venientes : et una quasi continua,  
quia in ea continue mane et vespere  
immolabatur agnus. Festorum autem tem-  
poralium primum erat, quod iterabatur  
omni hebdomada : et hæc erat solennitas  
Sabbati, quæ celebrabatur in memoriam  
creationis. Alia solennitas fuit in exordio  
cujuslibet mensis, videlicet festum Neo-  
meniae, quod celebrabatur in memoriam  
divinæ gubernationis : quia hæc inferiora  
secundum motum lunæ præcipue varian-  
tur. Ideo servabatur hoc festum in novita-  
te, non in plenitudine lunæ, ad evitandum  
idololatriæ cultum, quoniam in plenitudi-  
ne lunæ sacrificabant idololatæ ipsi lunæ.  
Et quia hæc duo beneficia sunt commu-  
nia toti generi humano, ideo frequentius  
iterabantur. Alia quinque festa celebra-  
bantur semel in anno, et recolebantur in  
eis specialia quadam beneficia, populo  
Israelitico specialiter condonata. Celebra-  
batur enim festum Phase, in memoriam  
liberationis populi ex Egypto : et quin-  
quagesimo die festum Pentecostes, in me-  
moriâ beneficii legis datæ in Sinai, quin-  
quagesimo die post Paschæ exordium. Alia  
tria festa recolebant specialia beneficia  
populo illi exhibita, et celebrabantur sep-  
timo mense, qui quasi totus apud eos fuit  
solennis, sicut et septimus dies. In prima  
etenim die mensis septimi erat festum Tu-  
harum, in memoriam liberationis Isaac :  
decima die mensis illius fuit festum Expi-  
ationis, ut dictum est : quintodecimo die fuit  
festum Tabernaculorum, in quo sumpse-  
runt fructum arboris pulcherrimæ, ut pole-  
citrum, et lignum densarum frondium, id  
est myrtum, quæ sunt odorifera, spatulas-  
que palmarum et salices de torrente, quæ  
diu retinent suum virorem (et hæc in terra  
promissionis inveniuntur) : quæ fiebant ad  
significandum, quod per aridam terram  
deserti Deus duxerat eos ad terram deli-  
ciosam. Octavo die celebrabatur festum  
Cætus atque collectæ, in quo colligebantur  
a populo ea quæ necessaria erant ad ex-  
pensas cultus divini : per quod significa-  
batur adunatio populi, et pax præstita in  
terra promissionis. — Figuralis vero ratio  
horum festorum est, quia per iuge sacri-  
ficium agni figuratur perpetuitas Christi  
æterna, qui est Agnus Dei, de quo ad He-  
braeos fertur : *Jesus Christus heri et hodie,*  
*ipse et in sæcula.* Per sabbatum significa-  
tur quies nobis data per Christum : per  
Neomeniam, quæ est incensio lunæ, illu-  
8.

Hebr. xiii,



minatio primitivæ Ecclesiæ : per festum Pentecostes, descensus Spiritus Sancti in Christi discipulos ; per festum Tubarum, prædicatio Apostolorum ; per festum Expiationis, emundatio populi christiani a suis peccatis ; per festum Tabernaculorum, peregrinatio fidelium in hoc mundo, in quo ambulant in virtutibus proficiendo ; per festum Cætus atque collectæ, congregatio fidelium in regno eorum : ideo hoc festum dicebatur sanctissimum. Et hæc tria festa erant ad invicem continua : quoniam a vitiis expiatis in virtutibus oportet proficere, quousque ad Dei perveniant visionem.

Hæc Thomas. In quibus duo tanguntur contra Rabbi Pauli verba præcedenti articulo introducta. Primum est, quod in festo Cætus et collectæ fiebat collectio necessariorum ad divini cultus expensas. Secundum est, quod per ipsum figurabatur collectio populi, et pax in terra promissa. Nec inde sequitur quod Rabbi Paulus concludit, nisi dicatur, quod institutum fuit dumtaxat ad illa præfiguranda.

*Num. XXVIII.*

Denique de his festis et eorum appellationibus ac sacrificiis plura induci possent ex Josepho aliisque auctoribus, de quibus usque ad præallegatum librum Numerorum transeo. In generali quoque assignatæ sunt rationes ad litteram, cur Deus jussit sibi sacrificia de præfatis animalibus potius quam de aliis immolari. In speciali vero de singulis reddere rationem, ut cur præcepit sibi tot præcise vitulos sive agnuculos offerri in illo, vel illo festo, et cur tot in illo, cum aliis eis adjunctis, videtur supra hominem esse, ita quod ad hujusmodi quæstiones liceat respondere : Quis consiliarius ejus fuit ? Et rursus : Non desuit servus dominum suum. Tamen (ut tangit Guillelmus) si in speciali plene sciremus omnia sacra et sacrificia, ac observantias idololatrarum, possemus faciliter de multis, aut omnibus his, rationabiles tradere causas. At vero de spirituali significatione Paschæ et concernentium festum illud, dictum est super Exodum.

*Is. XL, 13.*

Moraliter autem docemur ex isto capitulo, ut in præcipuis evangelicæ legis solennitatibus Deo omnipotenti eum præcipua devotione vacemus, ac spiritualia munera offeramus. Imo quidquid præcipuum fuerit in nobis in actu vel habitu, aut in potentia, sive in naturalibus, sive in donis gratuitis, Creatori et justificatori nostro eum singulari devotione, gratiarum actione, atque interna munditia jugiter immolemus et adscribamus : imo tanto humiliter et integrius, quanto hujusmodi donum in nobis fuerit majus, ut nunquam de aliquo tali inaniter gloriemur vel extollamur. Quid autem per immolationem agni, bovis, arietis, capræ, similia, olei, et consimilium intelligendum sit, ubertim præhabuit est. Præterea, omne tempus, videlicet septem hebdomades, quæ inter Pascha et Pentecosten eveniunt, numerare ac mensurare debemus, ita ut ipsum fructuose pertranscamus : sicque de Christi resurrectione gloriemur in Domino, ut per omne hoc tempus ad copiosam adorandi Spiritus Sancti susceptionem nos præparemus, atque in ipsa dignissima Pentecostes celebritate, offeramus Domino panes duos primitiarum, id est omnem actum præcipuum, tam contemplativæ vitæ quam activæ, cum septem agnis, id est puris et innocentibus actibus septem donorum Spiritus Sancti.

*Sensus moralis.*

*1 Cor. I, 31.*

C

Celebremus insuper festum Tabernaculorum, non sic, sicut in veteri lege, sed quod per festum illud est præfiguratum. Unde et Zacharias scribit : Omnes qui reliqui fuerint, ascendent ab anno in annum, ut adorent Regem Dominum exercituum, et celebrent festivitatem Tabernaculorum. Quemadmodum enim Hebræi septimo mense jussi sunt agere festum illud in memoriam deductionis eorum per desertum, usque in terram promissam : ita et nos quotidie cum cordis celeberrima gratiarum actione debemus recolere, qualiter per Christi adventum et passionem, de vitiorum caligine et demonum potestate erepti, per vallem hanc lacrimarum tanquam per so-

*Zach. XIV, 16.*

litudinem, ad patriam aeternae deducimur A  
claritatis, et interim in isto exilio quasi  
*Ps. lxxv. 3* in terra deserta, inopia, et iniqua, pas-  
ceamur et potamur, protegemur et guber-  
namur a Domino : in quorum omnium  
gratiam memoriam debemus accipere *fructus arboris pulcherrimae*, id est, actus et  
opera Christi considerare, fructum et me-  
*Prov. iii. 18* ritum suae præstantissimae passionis parti-  
cipare. Christus quippe est lignum vitae, et  
pulcherrima sapientiae arbor, qui se ipsum  
vocavit viride lignum etiam tunc, dum  
*Is. lvi. 4* tanquam leprosus et quasi percussus a  
Deo, bajulus sibi crucem exivit. Iterum  
*Joann. xix. 17.* arbor ista est crux Salvatoris, arbor vere  
decora et fulgida, ornata regis purpura,  
ejus fructus est meritum Christi, salvatio  
mundi, salus aeterna. *Spatulasque palmarum*, id est documenta et exempla Aposto-

lorum, qui sublimiter justî, floruerunt ut  
palmae, et ramos doctrinarum atque virtu-  
tum extenderunt ad nos, ut inde pasca-  
mur. *Et ramos ligni densarum frondium*.  
Hoc lignum est gloriosissima Christifera  
Virgo, plena omnium supernorum donis  
charismatum, quæ de sua opulentia libe-  
ralissime nobis communicat : quæ alis  
suae pietatis ac potestatis, tanquam densis-  
simis frondibus nos tuetur. *Et salices de torrente*. Salix est sterilis arbor, sed sum-  
diu servans virorem. Per salices ergo in-  
telligi possunt virgines sacrae, quæ carne  
infecundæ, omni floruerunt castitatis can-  
dore. His omnibus Ecclesiam Christi, ha-  
bitaculum cordis nostri, conversationem  
nostram in isto exilio decorare debemus :  
sique cogitationes nostræ diem festum *Ps. lxxv. 11.*  
agant Deo in animo.

## ARTICULUS XLV

EXPOSITIO CAPITULI VICESIMI QUARTI : ET LOCUTUS EST DOMINUS AD MOYSEN.

*Exod. xxx.* **R**EPETUNTUR in hujus capituli exor-  
dio aliqua in Exodo scripta et habita :  
similiter in fine capituli hujus. *Et locutus  
est Dominus ad Moysen, dicens : Præcipe  
filiis Israel, ut afferant tibi oleum de oli-  
vis expressum, purissimum*, non fœculen-  
tum aut mixtum, ac lucidum : quoniam  
præstantiora pro divino cultu sunt exhi-  
benda, et de hujusmodi oleo clarior flam-  
ma gignitur et nutritur : *ad concinmandas  
lucernas jugiter*, id est, quatenus ex oleo  
illo lucernæ, in exteriori tabernaculi parte  
positæ ac lucentes, decenter impleantur ac  
foveantur : *extra velum testimonii in ta-  
bernaculo faderis*. Hoc additur, quia (ut  
taetum est) lucernæ sitæ erant in exteriori  
parte tabernaculi, quæ dicta est Sanctum  
seu Sancta, inter quam et interiori ta-  
bernaculi partem, quæ vocata est Sancta  
sanctorum, velum pendeat. *Ponctque eas*

*C Aaron a vespere usque in mane coram  
Domino*, id est, pontifex de sero ordinate  
disponet, implebit, accendet istas lucer-  
nas, ut ardeant, luceantque in tabernaculo  
tota nocte usque in mane, et tunc extin-  
guebantur, vel omnes ut aliqui dicunt, vel  
ut Josephus recitat, tres per diem permit-  
tebantur lucere : *cultu rituque perpetuo in  
generationibus vestris*. Oleum istud lucer-  
narum ministrabatur a populo de sumptu  
communi : erantque aliqui deputati ad of-  
ferendum illud, ac providendum de eo.  
*Super candelabrum mundissimum ponentur  
semper in conspectu Domini*, id est,  
jugiter positæ erunt ac permanebunt super  
candelabrum aureum quod in exteriori  
parte tabernaculi stetit : et lucernæ hæ  
erant septem, imo secundum Josephum,  
septem lampades erant insertæ et innexæ  
candelabro.

*Accipies quoque simitam*, id est puram A et delicatissimam tritici farinam, *et coques*, id est, per sacerdotes formari pararique facies : quia ad sacerdotes hoc pertinebat, et forsitan Moyses primo eis modum facien- di monstravit. *Coques, inquam, ex ea duodecim panes, qui singuli habebunt duas decimas*, id est, in unoquoque panum il- lorum erit tanta similis quantitas, scilicet bis decima pars ephi. *Quorum senos al- trinsecus super mensam purissimam cor- ram Domino statues*, id est, in una parte mensæ aureæ pones sex panes propositionis simul, et unum super alium, atque in alia parte ejusdem mensæ ex opposito col- locabis sex alios panes : *et pones super eos thus lucidissimum*, id est, super quemlibet cumulum horum panum, pones thus optimum et odoriferum in aureo vaseulo : *ut sit panis*, id est, ut congeries horum panum sit, *ibi in monumentum*, id est in memoriale, *oblationis Domini* : quia per totam hebdomadam stabant ibi in signum et testimonium obedientiæ filiorum Israel, de quorum sumptu atque materia erant C formati ac immolati. *Per singula sabbata mutabuntur coram Domino* : nam quolibet sabbati die removebantur panes vete- res, moxque alii recentes super mensam reponerantur in loco priorum : *suscepti a filiis Israel*, qui materiam panum istorum sacerdotibus exhibuerunt, et ob hoc panes isti dicuntur suscepti a filiis Israel, *facere sempiterno* ; *eruntque Aaron et filiorum ejus*, quia in eorum esum cesserunt, *ut comedant eos in loco sancto*, puta in atrio, aut in aliqua aede aut exedra prope sita, D *quia sanctum sanctorum est de sacrificiis Domini jure perpetuo*.

De ista materia nunc breviter transeo, quoniam super Exodum, præsertim in ex- positione capituli vicesimi quinti diffuse inde tractatum est. Verum ut Josephus seribit, hi panes azymi erant, et singulis aurea superponebatur patena thure ple- na, atque diluculo sabbati panes duodecim recentes et calidi imponebantur, et stabant ibi immoti usque ad sabbatum sequens :

tuncque illis sublatis, et thure super altare succenso, ac dulci odore inde surgente, novi cum alio thure substituebantur. Erant autem duodecim, juxta numerum duodecim tribuum Israel, in quorum sempiternam memoriam coram Domino positi erant. Ve- rum, sicut ex primo Regum et Evangelio 1 Reg. xxi, 6; Matth. xii, 3, 4, comprobatur, in necessitatis articulo po- terant aliis, quam sacerdotibus, ad eden- dum communicari.

Præterea, quia diabolus jugiter elaborat tritico superseminare zizania, consequen- ter narratur casus adversus ac sceleratus, B qui inter bona tot accidit. *Ece autem cyressus* de habitaculo suo, et de impio mentis conceptu prorumpens in actum ma- lignum, *filius mulieris Israelitidis, quem peperit de viro Ægyptio inter filios Israel*. Circa hoc quidam satis assertorie refert, quod ille vir Ægyptius fuit, quem in Exo- do legitur Moyses occidisse, quia injuriam fecit Hebræo, et quod mulier ista de adul- terio concepit a viro illo. Sed istud incer- tum videtur, præsertim quum in Scriptu- ris mariti communiter viri feminarum vocentur. Unde potius puto, quod ista He- bræa nupserat illi Ægyptio. Nam aliqui et aliquæ Hebræorum, cum Chananæis atque Ægyptiis inierunt connubia, nec ante Moy- sis legem hoc eis prohibitum erat. *Jur- gatus est in castris cum viro Israelita, Quumque blasphemasset nomen Dei, et maledixisset ei* : quod superseceleratissi- mum fuit ; et impius ille amaritudinis felle repletus, ac iræ et impatientiæ stimulis agitato, prorupit in verba tam criminosa : *adductus est ad Moysen*, tanquam ad prin- cipem et judicem. *Vocabatur autem mater ejus Salumith, filia Dabri, de tribu Dan, Miseruntque eum in carcerem*. Hoc fecerunt ex Moysis jussione, cui nondum (ut apparet) fuerat formaliter revelatum, qua morte puniendi essent blasphemi, quamvis jam ei revelatum exstiterit, quod maledici in suos parentes, et blasphemi in Deum omnium patrem primum ac summum, es- sent necandi. Sed qualem carcerem habu- erunt in eremo illa, in qua nullam sibi

1 Reg. xxi, 6;  
Matth. xii,  
3, 4.

Ibid. xii,  
25.

Exod. n. 12.



domum construxerant? Respondetur, quod A nomine carceris, potest intelligi fovea aliqua, aut strictus penalisque locus, ubi rem hunc forsitan vinxerunt. *Donec nascent quid juberet Dominus*, id est, quousque Deus per Moysen revelaret eis genus mortis huic infligendum.

*Qui locutus est ad Moysen, dicens: Educ blasphemum extra castra*, id est extra habitacula seu tentoria populi, tanquam indignum mori ac vivere in medio plebis Deum colentis, *et ponant omnes qui audierunt verba suae blasphemiae, manus suas super caput ejus*, ut zelo justitiae imprecantur ei debitam poenam, et contra eum testentur. Si autem tam multi audissent blasphemias ejus, quod omnes simul non potuissent manus superimponere capiti ejus, fecissent hoc successive, vel quidam principales ex omnium parte. *Et lapidet eum populus universus*, id est aliqui ex parte universorum, ita ut ceteri adstando, consentiendoque lapident, sequendum quod Paulus Stephanum lapidavit.

Act vii, 59.

Deinde occasione hujus facti, dantur C leges communes de justa ultione ac talione. *Et ad filios Israel loqueris: Homo qui maledixerit Deo suo*, utpote vero Deo, aut etiam Sanctis ejus, quorum blasphemia redundat directe in Deum, *portabit iniquitatem suam*\*, id est, ultionem debitam sustinebit. *Et qui blasphemaverit nomen Domini*, id est Deum nomine designatum, *morte moriatur*, id est, lapidetur, sicut subjungitur: *lapidibus eum opprimet*, id est obruet et occidet, *omnis populi multitudo*: quia etsi pium sit propriam aquanimitter ferre injuriam, impium tamen est Dei injuriam, praesertim blasphemiam, dissimulare aut sustinere. Imo quum homo debeat Deum incomparabiliter plus quam se ipsum et cetera cuncta diligere, zelum suum debet in tali casu pro Deo demonstrare. Denique tam enorme crimen est maledicere Deo, ut Scriptura in aliis locis horreat illud exprimere, atque ob id per bonum contrarium illud designet, sicut in Job: Nisi in faciem benedixerit tibi. Et

Job i, 11.

tertio Regum: Benedixit Naboth Deo et regi. *Sive ille civis*, id est natione Judaeus, seu diutius habitator in loco vestro, *sive peregrinus fuerit*, id est conversus ad Judaismum, aut advena inter vos, quia etsi nondum ad fidem conversus esset, non tamen blasphemia ejus esset ferenda.

III Reg. xxi, 11.

*Qui percusserit aut occiderit hominem* ex ira, odio, proposito, contra processum et formam juris, *morte moriatur*: secus si fortuito, vel a casu, seu nescienter, quia tunc erat in civitate aliqua refugii suscipiendus ac defensandus. *Qui percusserit animal*, id est, jumentum alterius injuste occiderit, *reddet vicarium*, id est *animam pro anima*, utpote pecus seu bestiam ejusdem valoris ac speciei. *Qui irrogaverit maculam*, id est gravem et irreparabilem deformitatem aut lesionem, seu mutilationem, *cuiuslibet civium suorum*: sicut fecit, sic fiet ei. *Fracturam*, id est vulnerationem aut membri dissipationem, *pro fractura, oculum pro oculo, dentem pro dente restituet*, id est, restituere compelletur, ita ut oculi sui erutionem, seu dentis excusionem pati cogatur, sique satisfaciat ei, cui tale quid violenter inflixit. Sic quoque in aliis. *Qualem quis inflixerit maculam, talem sustinere cogetur*. *Qui percusserit jumentum, reddet aliud*. *Qui percusserit hominem*, non usque ad mortem, mutilationem, vulnerationem, aut deformationem praefatam, *puniatur pecuniaria aut simili poena*, praefatis poenis minori, juxta sententiam judicis. Verum ut fertur, in Hebraeo habetur, Qui percusserit hominem, morietur: et sic quidam per hominem intelligunt patrem aut matrem carnalem, pro quorum notabili percussione, mortis poena infligebatur. *Equum judicium sit inter vos, sive peregrinus, sive civis peccaverit: quia ego sum Dominus Deus vester*. De his, quia super Exodum diffuse exposita sunt in expositione vicesimi primi capituli, pertranseo.

Exod. xxi, 12, 15.

Præterea mirum videri potest, quod lex pro occisione, læsione aut mutilatione, non nisi simplicem intulit ultionem, pro furto

autem multiplicatam. Ad quod dici potest, A quod homines promiores sunt ad diripiendum occulte bona aliorum, quam ad laudandum eos aperte in propria eorum persona. Ideo illud oportebat per multiplicatam poenam restringi. Est autem questio, an læsus in corpore aut injuriatus, poterat se ulcisci, absque prævia judicis sententia. Sed de hoc super Exodum dictum est.

Exod. xxi,  
24, 25; ii, 12  
Sensus spiri-  
tualis.

Postremo de spirituali hujus capituli intelligentia introducta sunt multa, præsertim super Exodum. Cognoscimus quoque ex isto capitulo, rigorem et imperfectionem legis Mosaicæ: pietatem vero et perfectionem evangelicæ legis, in qua percutienti unam maxillam consulitur altera exhiberi, adversariusque jubetur amari, et malum vinci in bono. At vero per blasphemum illum ex parte Ægyptium, et ex parte Israelitam, jurgantem contra eum qui ex parte patris et matris fuit Israelita, intelliguntur hæretici et ficti devoti, ac forinsecus justi, qui vere catholicos et devotos ac justos impugnant. Itaque afferamus in Ecclesiam Christi *purissimum oleum*, id est

Matth. v,  
39.

Rom. xii,  
21.

opera pietatis, quibus nil vanitatis sit mixtum, ex quibus foveantur *lucernæ*, id est claritas bonæ famæ, sermo prædicationis, et lumen scientiæ salutaris. Qui autem nondum equanimiter ferre potest aut vult illatas sibi injurias, saltem non cupiat majus malum rependere, nec gravius vindicare. Potius vero simus contra omnia vitiorum et tentationum praelia, impugnationes et tela omni virtute armati: sintque *duodecim panes* semper in mensa animæ nostræ, hoc est duodecim Apostolorum doctrinæ, virtutes, exempla, nec quemquam scandalizando lædamus. Nulli oculum eruamus, inducendo eum ad cordis execrationem, ignorantiam vel errorem. Nec exentiamus alicui dentem quo teritur cibus cordis, nec mentis integritatem frangamus in proximo, nec maculam inferamus alicui per detractionem aut impiam diffamationem: imo qui quidpiam fecerit horum, ipse se ipsum vulnerat, caveat, prosternit; et *sicut fecit, fiet ei*, juxta quod ait Salvator: Qua mensura mensi fueritis, remetietur vobis.

Rom. xiv,  
21.

Matthæi,  
2.

## ARTICULUS XLVI

ELUCIDATIO LITTERALIS CAPITULI VICESIMI QUINTI: LOCUTUSQUE EST DOMINUS AD MOYSEN.

DIVERSA in hoc capitulo traduntur præcepta, quorum quædam sunt cærimonialia, quædam judicialia. *Locutusque est Dominus ad Moysen, dicens: Loquere filiis Israel, et dices ad eos: Quando ingressi fueritis terram, quam ego dabo vobis, sabbatizetis sabbatum Domino*, id est, ad Dei honorem quiescat terra a solita cultura et seminatione, sicut in sabbato cessatur ab opere omni servili. *Ser uanis seres agrum tuum*. Istud præceptum in Exodo scriptum est, et ibi diffuse exposi-

Exod. xxxi,  
10, 11.

opinionem, non fiebat aliqua agrorum aratio, seminatio, messio in septimo anno. Et hanc opinionem (quam et Josephus approbat) sequuntur Magister in historiis, et Andreas, ac alii quidam expositores catholici. Augustinus vero et Glossa, ac alii quidam dicunt, quod septimo anno terra seminabatur ac metebatur, non tamen ad propriam seminantium commoditatem, sed potius ad pauperum usus ac sustentationem. Verum tamen ex isto passu habetur, quod ea quæ septimo anno sponte nascebantur in agris, venerant in usum et esum communem, tam seminantium seu domi-

norm ipsorum agrorum, quam aliorum, A scilicet pauperum ac brutorum. Et quod de agris dictum est, de vinea quoque et olivetis est intelligendum. Nam fertur in littera : *Septimo autem anno sabbatum, id est quies, erit terræ, requietionis Domini*, id est talis quies, ut est quies in septimo die hebdomadæ, ita quod in tota terra vestra cessabitur ab agricultura, seminatione, et messione. Unde subiungitur : *Agrum non seres, et vineam non putabis*. De oliveto autem fit mentio in Exodo.

Exod. xxiii, 11.

*Quæ sponte gignit humus, non metes*. B Terra seu agri dicuntur illa sponte producere, quæ sine humana cultura gignunt, sive ex decidentibus granis segetum anni prioris, sive ex innata fecundatione. Occulta etenim quadam semina latent in hujus mundi corporeis elementis. *Et uvas primitiarum tuarum*, id est primos botros vitis tuæ, et per consequens, nec ceteros in tuos usus præcise, *quasi vindemiam non colliges*, id est, ut colligi solent uvæ vinearum aliis annis. *Annus enim requietionis terræ est*, Sed fructus horum, puta agrorum et vinearum septimo anno nascentes, *erunt vobis in cibum*, videlicet tibi et servo tuo et ancillæ tuæ et mercenario tuo, et advenæ, qui peregrinatur apud vos, *Jumentis tuis et pecoribus* : in Exodo dicitur, et bestiis, per quas intelliguntur animalia silvestria : *omnia quæ nascuntur, præbunt cibum*. Denique textus iste, dempto eo quod ait, Et advenæ, sonat, ac si ista sponte nascentia, solum redigenda essent in usum dominorum terræ in qua nascuntur, et domesticorum ipsius. Textus vero D Exodi sonare videtur, quasi totum illud esset pauperibus derelinquendum ac brutis. Nam dicitur ibi, Anno septimo dimittes terram et requiescere facies, ut comedant pauperes populi tui, et quidquid reliquum fuerit, edant bestię agri. Ex quibus omnibus colligitur, quod fructus hujusmodi erant communes usui tam dominorum agrorum et domesticorum ipsorum, quam advenarum, pauperum ac brutorum. Verumtamen ut loquitur Augustinus, satis

mirum apparet, qualiter terra sine cultura et seminatione poterat notabiles fructus producere, ex quibus omnes hi vescerentur, nisi forte natura terræ illius hoc habeat.

Subditur de anno jubilæo : *Numerabis quoque tibi septem hebdomadas annorum* : quarum hebdomadarum quelibet continet septem annos, sicut hebdomada dierum continet septem dies : hinc subiungitur, *id est septies septem*, supple, annos : *quæ hebdomadæ annorum simul, faciunt annos B quadraginta novem*. Et clanges buccina mense septimo, decima die mensis illius, propitiationis tempore, id est, in quo decimo die est festum Expiationis, ut vicesimo tertio habetur capitulo, *in universa C terra vestra*, propter imminentis jubilæi solennitatem, atque ut omnes se præparent ad illam : sieque in diversis terræ partibus erant plures buccinatores. Tamen, ut in Scholastica recitatur historia, aliqui dicunt, Septem annis jubilæum præcedentibus in singulis neomeniis, id est novis lunationibus, clangebant tubis, et septem diebus continuis ante jubilæi inceptionem solennizabant tubis clangentes.

Lev. xxiii, 27.

*Sanctificabisque*, id est, ad multa divina ordinabis et applicabis, *annum quinquagesimum*. De intellectu hujus verbi est duplex opinio apud Hebræos atque Catholicos, quoniam quidam per hunc quinquagesimum annum intelligunt ultimum annum prædictarum septem hebdomadarum, videlicet annum quadragesimum novum : quem tamen quinquagesimum vocant per comparisonem ad præcedentem jubileum, seu potius ad ultimum annum illius, per inclusionem anni ejusdem : sieque annus jubilæus concurrebat seu idem erat cum anno remissionis ultimæ hebdomadæ prædictorum annorum. Alii per quinquagesimum annum intelligunt annum proxime subsequenter præfatas septem hebdomadas : et ita tam in ultimo illo anno septem hebdomadarum seu quadragesimo nono, quam in anno immediate sequente, utpote jubilæo, terra Israel sab-

Ibidem.



batizavit. *Et vocabis remissionem*, id est annum gratiosum, *cunctis habitatoribus terre tue*, remissione et gratia ejus egen-  
tibus. *Ipsa est enim jubilaeus*, id est ju-  
cundus et prosper propter ea quae fiunt in  
eo. De quibus subjungitur :

*Revertetur homo ad possessionem suam*,  
quam ante vendiderat, seu quae heredita-  
rio jure ad ipsum pertinere debebat, quam-  
vis ad tempus fuit impedimentum : *et*  
*unusquisque rediet ad familiam pristi-*  
*nam*, a qua, fuga, exilio, conjugio aut  
simili modo fuerat separatus : *quia jubi-*  
*laeus est et quinquagesimus annus*. Non  
*seretis neque metetis in jubileo sponte in*  
*agro nascentia, et primitias vindemiae non*  
*colligetis*, prout fit in aliis annis, vehendo  
ea in horrea vestra ad proprium usum, ob  
sanctificationem jubilai : *sed statim abla-*  
*ta* \* comedetis, id est, ea quae inde cursim  
et partim tuleritis, tanquam de quodam  
communi bono comedetis.

Circa haec scribit Thomas in prima se-  
cundae, quaestione 105, et primo sic arguit :  
Societas hominum per hoc maxime con-  
servatur, quod homines emendo et ven-  
dendo sibi invicem res suas commutant  
quibus indigent, ut in Politicis dicitur. Sed  
lex vetus abstulit vim venditionis : man-  
davit enim quod possessio vendita rediret  
ad venditorem in jubileo. Ad idem res-  
pondet : Sicut Philosophus dicit in secun-  
do Politicorum, Regulatio possessionum,  
multum confert ad conservationem civita-  
tum, gentis ac patriae. Unde refert, quod  
in quibusdam gentium urbibus fuit statu-  
tum, ut nullus possessionem suam vendere  
posset, nisi pro manifesto detrimento. Si  
enim passim possessiones vendantur, potest  
contingere, quod omnes possessiones ad  
paucos deveniant, et ita necesse erit civi-  
tatem vel regionem habitatoribus vacuari.  
Ideo lex vetus ad hujusmodi periculum  
evitandum sic ordinavit, quod et necessi-  
tatibus hominum subveniretur : propter  
quod admisit venditionem usque ad certum  
tempus, et eum hoc removet periculum,  
praecipiens ut certo tempore possessio ven-

dita ad vendentem rediret : et hoc consti-  
tuit, ut sortes non confunderentur, sed  
semper remaneret eadem distinctio deter-  
minata in tribubus.

Sequitur modus servandi justitiam in  
contractibus. *Quando vendas quidpiam ci-*  
*vi tuo*, id est alicui de populo tuo : alienis  
enim gentibus non poterant vendere agros  
suos Judaei, nisi forte fuissent ad Judai-  
smum conversi : *vel emes ab eo agrum, oli-*  
*vetum aut vineam : ne contristes fratrem*,  
id est proximum tuum, ipsum injusto  
B contractu gravando : *sed iuxta numerum*  
*annorum jubilai emes ab eo*, id est, plus  
aut minus dabis vendenti pro re venali,  
secundum quod plures aut pauciores anni  
restant usque ad proximum jubilaum fu-  
turum, seu a proxime elapso fluxerunt :  
quod reddit in idem : *et iuxta supputatio-*  
*nem frugum vendet tibi*, id est, plus aut  
minus de pretio exiget, secundum quod  
fructus nascituri probabiliter aestimantur  
maiores aut minores futuri, vel prout res  
vendenda fertilior est. Hinc quasi exposi-  
C torie sequitur : *Quanto plures anni re-*  
*manuerint post jubilaum* praeteritum us-  
que ad jubilaum sequentem, *tanto crescet*  
*et pretium exponendum pro agro emendo,*  
aut re consimili : *quanto minus temporis*  
*numeraveris, tanto minoris emptio con-*  
*stabit*. *Tempus enim frugum vendet tibi*,  
id est fructus nascituros usque ad jubi-  
laum : nam fundum non potest vendere  
absolute. Praeterea Josephus ait : In jubi-  
laeo conveniebant venditor agri et emptor,  
computabantque fructus ex agris susce-  
Dptos : quibus compertis exuberasse ultra  
expensas factas in agro, recipiebat vendi-  
tor agrum. Quod si expensae transeende-  
rent, hoc quod deerat emptor recepit, et a  
possessione sua discessit.

*Nolite affligere per circumventionem,*  
aut alium modum injustum, *contributes*  
*vestros*, id est eos qui ex eadem vobiscum  
sunt tribu aut natione : imo nullus injuste  
est affligendus corporali aut spiritali af-  
flictione, quum hoc sit de lege naturae :  
Ne facias alteri, quod non vis fieri tibi. *Tob. iv, 16.*

*Sed timeat unusquisque Deum suum: quem* A  
*quī timuerit, omnia ista implebit, quia qui*  
*timet Deum, nil negligit: quia ego Domi-*  
*nus Deus vester, Facite praecepta mea mor-*  
*alia, et ea quae sunt de lege naturae, et*  
*judicia mea, id est judicialia mandata,*  
*custodite memoriter, et implete ea per ef-*  
*fectum. Neminem enim vult Deus otio dare*  
*locum, sed juxta vires suas vult unum-*  
*quemque fructificare. Vires quoque (ut ait*  
*Glossa) conscientia ejusque examinat. Cir-*  
*ca haec ait Glossa: Ne quis audita modera-*  
*tione vendendi et emendi, savior \* fieret,*  
*et condescensio ipsa noceret, caute adjun-*  
*git: Facite praecepta mea. Audito quippe*  
*praecepto moderamine, in contractibus ob-*  
*servando, poterat emptor amaricari, eo*  
*quod parum esset lucraturus emendo, et*  
*venditor remissior fieri et prodigus in*  
*utendo, tanquam qui venditum esset reha-*  
*biliturus vel in se ipso, aut in sobole sua: id-*  
*eo ad excludendum ab utrisque haec mala,*  
*sapienter admonuit Dominus, ut unusquis-*  
*que secundum divina praecepta se regeret.*

Consequenter tangit Dominus quasi rationem seu premium observandi sua praecepta. *Ut habitare possitis in terra vobis promissa, absque ullo pavore carnali, munda-*  
*dano, inordinato, pœnali: et gignat vobis*  
*humus fructus suos, quibus vescamini us-*  
*que ad saturitatem exclusive, si per satu-*  
*ritatem intelligatur gulosa comestio, juxta*  
*quod ait Salvator: Vae vobis qui saturati*  
*estis. Vel. Usque ad saturitatem inclusive,*  
*intelligendo nomine saturitatis sufficien-*  
*tem refectionem. Nullius persecutoris im-*  
*petum formidantes, certi quod Deus non*  
*deseret vos, nisi prius deseratur a vobis.*  
*Veruntamen contra tentationes et impetus*  
*invisibilium hostium, oportet nos jūgiter*  
*esse praeinectos, et eum filiali timore et*  
*tremore inde nascente, nostram operari*  
*salutem. Ne autem ex diffidentia provi-*  
*dentiae Dei, et ex sollicitudine mundiali*  
*negligerent Hebraei praecepta de sabbatiza-*  
*tione septimi anni et requie jubilaei ser-*  
*vare, Dominus subdit: Quod si dixeritis,*  
*Quid comedemus anno septimo, si non*

*serverimus, neque collegerimus fruges ag-*  
*stras? Dabo benedictionem meam, id est*  
*copiosam et supernaturalem multiplicatio-*  
*nem terrae nascentium, vobis anno sexto,*  
*et faciet fructus trium annorum: id est,*  
*terra vestra tantum proferet fructum uno*  
*anno, utpote sexto, quantum naturaliter*  
*solet proferre tribus annis. Seretisque an-*  
*no octavo, quiescentes septimo anno ab*  
*agricultura, et comedetis fruges veteres,*  
*utpote fructus sexti anni, usque ad annum*  
*nonum: donec nova nascantur, edetis vete-*  
*ra: atque ut Josephus refert, istud in obe-*  
*dientibus implebatur. Quocirca loquitur*  
*Glossa: Quia per duos annos Dominus*  
*terram vacare praeceperat, ne conturbaren-*  
*tur tanquam solliciti quid comederent, ait:*  
*Dabo benedictionem meam. Et notandum,*  
*quia quum Christus dicat, Nolite cogitare*  
*de crastino, lex jubet ne cogitent de tri-*  
*bus annis.*

*Terra quoque non vendetur in perpe-*  
*tuum, quia mea est. Non dubium quin*  
*jure creationis et gubernationis, ac uni-*  
*versalis dominii, universa terra totusque*  
*mundus sit Dei; sed nunc specialiter men-*  
*tio est de terra promissionis, quam Deus*  
*suo cultui specialiter deputavit. Unde nunc*  
*jubet, ut nec tota, nec aliqua ejus pars in*  
*aeternum vendatur a filiis Israel, quasi ipsi*  
*essent domini terrae illius, qui solum erant*  
*advenae et coloni ipsius Dei in ea: sicut*  
*colonus fertur, qui colit et incolit ter-*  
*ram seu domum alterius. Verum ut recitat*  
*Augustinus, alia littera habet, Terra non*  
*vendetur in profanationem, ne quis ter-*  
*ram quam accepit, audeat vendere profa-*  
*nis hominibus, qui in ea impietatem exer-*  
*ceant, alienosque deos colant. Alii autem*  
*habent, In confirmationem, ut scilicet ven-*  
*ditio non ita firmetur, quin in jubilaeo*  
*venditum redeat ad venditorem. Ideo qui*  
*habet terram, utatur ea secundum Dei prae-*  
*ceptum. Unde cuncta regio possessionis ve-*  
*strae, sub redemptionis conditione vende-*  
*tur, id est, nulla pars terrae vestrae aliter*  
*vendatur a vobis, nisi sub hac conditione,*  
*quod redimi poterit. Unde subjungitur:*

*Eccle. vii,*  
19.

\* segnior

*Luc. vi, 25.*

*Philipp. ii,*  
12.

*Math. vi,*  
31.

*Si attenuatus frater tuus, id est proximus tuus compulsus inopia aut diffortu-*  
*nio, vendiderit possessionem suam, et*  
*volverit propinquus ejus, potest redimere*  
*quod ille vendiderat : et hoc ratione con-*  
*sanguinitatis quæ facit cognatos quodam-*  
*modo unum, quemadmodum multi rami et*  
*frondes sunt unum in radice. Sin autem*  
*non habuerit proximum, id est, si vendi-*  
*tor nullum habuerit cognatum volentem*  
*et potentem redimere quod venditum est,*  
*et ipse venditor, pretium ad redimen-*  
*dum potuerit invenire, id est obtinere in*  
*promptu : computabuntur fructus levati*  
*ab emptore de terra quam emit, ex eo*  
*tempore quo venditor vendidit, id est ter-*  
*ram talem : et quod reliquum est, id est,*  
*id quod computatis fructibus illis, adhuc*  
*deest ab integritate pretii, quod ab emptore*  
*pro terra sua accepit, reddet emptori si*  
*potest, sicque recipiet possessionem suam.*  
*Quod si non invenerit manus ejus ut reddat*  
*pretium, id est, si potestas sua non exten-*  
*dit se ad hoc, quod reddere possit emptori*  
*præfatum residuum ; habebit emptor quod*  
*emerat usque ad annum jubileum. In*  
*ipso enim omnis venditio redibit ad domi-*  
*num suum, et ad possessorem pristinum.*

*Qui vendiderit domum suam intra mu-*  
*ros urbis situatam, habebit licentiam re-*  
*dimendi, donec unus impleatur annus. Si*  
*non redemerit eam primo anno, et anni*  
*circulus fuerit evolutus : an autem pro-*  
*pinquus poterat eam redimere, non expri-*  
*mitur hic : emptor possidebit eam, et po-*  
*steri ejus in perpetuum, et redimi non*  
*poterit etiam in jubileo. Sin autem in*  
*villa fuerit domus, quæ villa muros non*  
*habet, agrorum jure vendetur, id est tali*  
*manerie, quod redimi poterit semper us-*  
*que ad jubileum, eo modo quo de redem-*  
*ptione agrorum venditorum est dictum.*  
*Si autem \* redempta non fuerit ante ju-*  
*bileum, in jubileo revertetur ad dominum*  
*suum, id est ad venditorem, seu ejus he-*  
*redem.*

Sed circa hæc oritur questio, quæ sit  
 causa diversitatis istius circa venditas do-

mos. Iterum, quoniam dictum est, quod in  
 jubileo omnis possessio seu venditio redit  
 ad dominum ac pristinum possessorem,  
 ergo et domus in urbe sita et vendita, sal-  
 tem in jubileo potest redimi, imo sine  
 redemptione ad venditorem reverti. — Ad  
 primum horum aliqui dicunt, quod urbes  
 oportet esse magis populosas : ideo stat-  
 tutum est, ut domus earum venditæ, non  
 possent redimi nisi primo anno, quatenus  
 possessores essent minus proni vendere  
 ipsas. Porro Thomas in prima secunda,  
 quæstione 105, respondet : Quia domus ur-  
 bana non erant sorte distinctæ, Deus con-  
 cessit ut in perpetuum vendi possent, sicut  
 et bona mobilia. Reditio namque venditi  
 ad venditorem, est instituta ut sortes non  
 confunderentur, id est divisio terræ tribu-  
 bus facta per sortium missionem : nec erat  
 statutus numerus domorum civitatum, sic-  
 ut erat certa mensura possessionis, ad  
 quam non addebatur. Sed domus villarum  
 non muratarum, in perpetuum vendi non  
 poterant, quia hujusmodi domus non con-  
 struuntur, nisi ad cultum atque custodiam  
 possessionum. — Ad secundum responde-  
 tur, secundum Magistrum in historiis, quod  
 a generali regula illa excipiebantur do-  
 mus urbium. Verumtamen domus Levita-  
 rum venditæ, semper redimi poterant. Un-  
 de mox subditur :

*Edes Levitarum quæ in urbilus sunt,*  
*semper redimi possunt. Si redemptæ non*  
*fuerint ante jubileum, in jubileo reverten-*  
*tur ad dominos suos. Cujus ratio subditur,*  
*quia domus urbium Levitarum, sunt pro*  
*possessionibus inter filios Israel : id est,*  
*domus Levitarum, quas habent in urbilus*  
*seu etiam in villis, sunt quasi hereditaria*  
*bona eorum, eo modo quo agri et vineæ*  
*sunt hereditates tribuum aliarum : nec Le-*  
*vita agros in hereditatem sortiti sunt. Ideo*  
*domus Levitarum, quamvis site in urbi-*  
*bus, redimi possunt, et redeunt ad suos*  
*possessores, quemadmodum agri tribuum*  
*aliarum. Suburbana autem eorum non re-*  
*vertent\*, id est, Levite non poterunt sua ven-*  
*dere suburbana, quia possessio sempiterna*

\* si ante

\* revertant



est. Suburbana quippe Levitarum, erant A loca pasqualia extra et prope urbes ipsorum sita, et communiter deputata alendis eorum pecoribus, et ita erant quaedam communia bona : propter quod a singularibus vendi non poterant, sed erant bona perpetua, quia communitas illa Levitica, cui attinebant, secundum se totam non defecit.

Sequitur alia lex pietatis de proximo non gravando. *Si attenuatus fuerit frater tuus, et infirmus manu; id est, si proximus tuus nati Judæus fuerit depauperatus, et facultate seu robore operandi destitutus; et susceperis eum ad cohabitandum tibi, quasi ulcenam et peregrinum, eo quod in alienis domibus commoretur, et rixerit tecum inter te conversando : ne accipias ab eo usuras pro eo quod ei accommodaveris, nec amplius quam dedisti, id est nullam superabundantiam ultra sortem : quia non est afflicto addenda afflictio, praesertim dum ejusdem religionis et nationis consistit. Time Deum tuum, caritative et timorate te habendo, secundum quod exigit filialis timor Dei, ut vivere C possit frater tuus apud te per tuam subventionem, et non cogatur prae paupertate et aggravatione ei facta ex te, abire et fugere. Deinde quasi expositorie subditur : Peruniam tuam non dabis ei ad usuram, et feugum superabundantiam non exiges, plus de bladis petendo, quam ei accommodasti : quia usura committitur non solum in pecuniis, sed et in fructibus terræ ac consimilibus, quorum usus est eorum consumptio. Hoc loco prohibetur Judæis usura in suos : alibi vero videtur eis permitti in D extraneos, ut ibi dicitur.*

*Ego Dominus Deus vester, qui eduxi vos de terra Ægypti, ut darem vobis terram Chanaan, et essem vester Deus : ideo volo, quod sicut ego fui omnibus vobis graciosus et pius, ita et vos mutuo sitis. Si paupertate compulsus vendiderit se tibi frater, id est proximus tuus in servum, seu proxima in ancillam, non opprimes eum servitute famulorum, id est tam dure sicut tractari solent servi et ancillæ alte-*

rius sectæ ac nationis ; sed quasi mercenarius et colonus erit, id est, ita tractabis eum atque reficies, ut solent mercenarii et coloni tractari, qui quasi medio modo habentur inter prolem et servum empticium. Servus quoque Hebræus empticius, non fuit penitus mercenarius et colonus, quoniam domum suam et agrum fuit cito recuperaturus, ut dicit Glossa. *Usque ad annum jubilarum operabitur apud te, id est, tibi deserviet. Verumtamen si interim occurrebat annus remissionis, scilicet septimus annus ab exordio quo cepit servire, poterat egredi liber, prout in Exodo præhabutum est. Et postea, scilicet in exordio jubilai, egredietur domum et servitutem tuam, liber cum liberis suis et uxore, et revertetur ad cognationem, id est ad habitandum inter suos cognatos, et ad possessionem patrum suorum quæ ad tempus fuit alienata ab eo.*

*Mei enim sunt servi : id est, filii Israel sunt immediate servi mei, quia de servitute Ægypti eos redemi, et meo obsequio mancipavi. Hinc additur : et ego eduxi vos de terra Ægypti. Non venient \* conditione servorum, id est, hoc jubeo, ut non vendantur ut solent vendi ceteri servi ad serviendum perpetuo, qui et dura servitute premuntur : nec affligas eum per potentiam, sed metuito Deum tuum. Servus et ancilla sint vobis, id est, servos et ancillas cœtis ac jugiter teneatis, de nationibus quæ in circuito vestro sunt, puta de infidelibus, quamvis nondum conversis, et de adventis qui peregrinantur inter eos, id est de conversis ad Judaismum, vel qui ex his nati fuerint in terra vestra : hos habebitis famulos et item ancillas ex illis, et transmittetis hereditario jure ad posteros, secundum quod in libris Josue, et Josue ix, 27. Regum, et Paralipomenon, et Esdræ, legitur de Gabaonitis, seu Nathinæis, aliisque 1 Par. ix, 2. quibusdam impletum : ac possidebitis in 1 Esdr. ii, æternum. Hæc promissio fuit conditiona- 38. liter intelligenda, sicut et aliæ multe, videlicet si Judæi in Dei cultu manerent constantes, nec peccando obicem ponerent*

Exod. xxi,

2.

\* venient

impletioni promissionis divinae. *Fratres A* autem vestros filios Israel ne opprimatis per potentiam.

*Si iuraverit apud te manus adven- atque peregrini : hoc est, si aliquis ad Judaismum conversus, in terra vestra fuerit dives et potens factus, aut manserit talis : et attenuatus frater tuus natione Judæus, vendiderit se ei in servum, aut cuiquam de stirpe ejus, post venditionem potest redimi. Qui voluerit ex fratribus, id est consanguineis suis, redimat eum, et patruus et patruelis, id est filius seu filia patruus, et consanguineus et affinis, id est quicumque cognatorum seu affinium ejus. Sin autem et ipse potuerit, redimet se, supputatis dumtaxat annis a tempore venditionis sue usque in annum jubileum : et pecunia qua venditus fuerat, juxta annorum numerum etiam computata, et ratione mercenarii supputata : id est, redimendo se attendet, et computabit quantum servitus sua profuit venditori a tempore quo se vendidit illi, et item quot anni restent usque ad proximum jubileum futurum : sic- que in redemptione sua defaleabitur de restitutione pretii, quo vendidit se, tantum, quantum interim valuit servitus sua, seu alibi promernisset deserviendo. Et rursus, quo jubileus magis aut minus distat, secundum hoc magis aut minus reddet pro sua restitutione, sicut de redemptione agro-*

rum jam dictum est. Ex quibus planus est textus sequens. *Si plures fuerint anni, qui remaneant usque ad jubileum, secundum hos reddet pretium. Si pauci, ponet rationem cum eo juxta annorum numerum, et reddet emptori, quod reliquum est annorum, quibus ante servivit, mercedibus imputatis. Non affliget eum violenter. Quod si per hanc redimi non potuerit, anno jubileo egredietur cum liberis suis, sicut expositum est.*

*Mei enim sunt servi filii Israel : ideo- B* in servitutem humanam non sunt perpetuo redigendi, nisi forte per suos excessus aliud mereantur, vel nisi sponte eligant in servitute manere, prout super Exodum fuit expositum. Hinc Josephus et Magister in historiis protestantur, quod quamvis Judæi essent contribules et concives eorum a quibus aliquando emebantur, tamen voluit eos servitutis schemate castigare propter legum seu Mosaicæ legis præceptorum transgressionem. Atque ut ait Glossa, constat ex his, quantum diligitur a Domino, et quantum sit diligenda libertas. Ideo enim Israelitam noluit alienis servire, sed redimi jussit. Denique si indecens fuit, natione Hebræum servire alieno, quamvis ad Judaismum converso : quanto indecentius est, Christianum aut Christianam induratis perfidisque servire Judæis ? Non ergo hoc permittant fideles.

## ARTICULUS XLVII

DE SPIRITUALI EJUSDEM CAPITULI VICESIMI QUINTI INTELLECTU.

**Q**UANDO ingressi fueritis terram, D quam ego dabo vobis, sabbatizet terra sabbata sua. Terra ista est Ecclesia militans, quæ peregrinatur in terra : vel monastica religio, seu propria fragilitatis consideratio humilis : quæ terra a Deo donatur, dum quis ab ipso per fidem et caritatem

incorporatur Ecclesiæ, vel gratiam conversionis perfecte sortitur, sive ad veram humilitatem perducitur. Quum igitur quis has terras, aut earum aliquam est ingressus, tunc ipsa Ecclesia gloriatur in Domino, et pace pectoris conquiescit. Similiter sacra religio de suis professoribus gaudet. Il-

militas quoque facit mentem repausare in Christo. *See annis serēs agrum tuum, et see annis putabis vineam tuam.* Per agrum, inferior pars animæ; per vineam, portio ejus superior designatur. Per senarium autem annorum, qui est numerus completus, totum vitæ nostræ tempus in hoc sæculo accipi potest. Itaque indesinenter omni quo vivimus tempore in hoc mundo, non cessemus tam inferiorem rationem sensitivumque appetitum, quam vim intellectivam ac voluntatem circa spiritualia ac divina versantes seminare, fecundare, excolere, et implere actibus virtuosis, affectionibus sanctis, apprehensionibus et considerationibus vere salubribus, ne exprobrari valeat nobis illud Proverbiorum: *Per agrum hominis pigri transivi, et per vineam viri stulti, et ecce totum operuerunt urticae.* Amputandæ ergo sunt a vinea cordis urticae et spinæ passionum ac vitiorum.

*Septimo autem anno sabbatum erit terræ.* Per septimum annum intelligitur tempus beatæ remunerationis, sive in particulari uniuscujusque judicio, sive in resurrectione finali, in quibus non erit tempus seminandi ac promerendi, seu per profectum colligendi: sed de eo quod seminavimus et profecimus, beatificam refectionem suscipiendi pro præmio, juxta quod scriptum est: *Labores manuum tuarum quia manducabis.* Et iterum: *Opera eorum sequuntur illos.* Hinc subditur: *Sed erunt vobis in cibum, tibi et servo tuo et ancillæ tuæ:* quoniam in resurrectione finali præmiabuntur electi in corpore et in anima, in intellectivis ac sensitivis potentiis, pro meritis vitæ præsentis. *Quæ sponte gignit humus, non metes:* hoc est, de his quæ propria efficit voluntate aut naturalis rationis dietamine, sine caritatis et gratiæ condimento, mercedem gloriæ non habebis, quum absque caritate nihil sit meritum.

*Numerabis quoque tibi septem hebdomadas annorum, sanctificabisque annum quinquagesimum, et vocabis remissionem cunctis habitatoribus terræ.* Per annum hunc quinquagesimum jubileum, præfi-

guratus videtur annus jubileus evangelicæ legis, quo plena confertur peccatorum remissio cunctis hominibus, qui per veram contritionem et confessionem ad tantam gratiam se disponunt: quo anno instante, buccina prædicationis undique intimatur tanta celebritas. Rursus per jubileum legis, intelligitur tempus gratiæ Christi, qui prædicavit annum acceptabilem Domino. Nihilominus per eundem jubileum designatur quietissima et æterna duratio electorum in patria. Propterea Glossa dicit: Interrogemus Judæos, si septimum diem Moyses honoravit, et ab operibus vacare præcepit, cur quinquagesimum annum celebrari mandavit. Non utique hoc mandasset, nisi mysterium designasset, quod Judæorum non capit infirmitas. Per hæc etenim duplex omnium consummatio significatur a Deo: una cujusque singularis, altera omnium generalis. Prima designatur per septenarium, secunda per jubileum seu quinquagesimum. Nempe in hebdomadam dierum, duratio vitæ humanæ modo dividitur. Quum ergo hic numerus fuerit in semetipso multiplicatus, et tota sæculi ætas completa, et tempus diu vultum, ad finem pervenerit, jubilaus succedet. Ante quem buccina clanget, quia in tuba Dei Christus descendet de cælo ad judicandum pro suis electis. Tunc *revertetur homo ad possessionem suam,* ad eam videlicet paradisi: *et ad familiam pristinam,* id est ad angelicam societatem, cum qua præordinatus est Deo servire. In fine etenim dicturus est Judex: Venite, benedicti Patris mei, percipite regnum quod vobis paratum est ab origine mundi.

*Quando vendas quidpiam civi tuo, vel emes ab eo, ne contristes fratrem tuum.* Dominus et Salvator in Evangelio loquitur: *Negotiamini dum venio.* Est itaque spirituale quoddam commercium seu mercatum, quo prælatus seu prædicator impendit auditoribus talentum verbi cælestis, donum doctrinæ et gratiam sibi collatam illis communicat, quatenus illi pro hujusmodi bonis referant fructum, spiritualiter

Prov. xxv,  
30, 31.

Ps. cxxxvii,  
2.  
Apoc. xiv,  
13.

Is. lxi, 1

Exod. xx,  
10.

1 Thess. iv,  
15.

Math. xxv,  
34.

Luc. xiv, 13.

Math. xxv,  
14, 15.



que ditentur. Verumtamen non sunt ultra A  
modum requirendi ad exhibendum huiusmodi incrementum, sed patienter sunt tolerandi, et cum modestia corripiendi, ut saltem paulatim proficiant. *Nolite affligere contribules vestros*. Nemo alteri sit molestus, injuriando aut ulciscendo injuste, imo alter alterius onera portet. Advertamus quod per Ezechielem Dominus contestatur contra iniquos : Mœrere fecistis quem ego non contristavi.

*Implete praecepta mea, ut habitare possitis in terra absque ullo pavore*. Observantia etenim praeceptorum, bonam conscientiam parit, generatque fiduciam, et imperterritum facit. Unde justus quasi leo confidens, absque terrore erit. Porro sonitus terroris semper in auribus impij, et quum pax sit, ille insidias suspicatur. Hinc et Philosophus ait, quod hi qui bene se habent in divinis, sunt audaciores. *Et gignat vobis humus fructus suos*, id est, caro obediendo spiritui exerceat actus virtutum. *Quibus vescamini usque ad saturitatem*, ut scilicet in patria coronemini pro huiusmodi factis, pro jejuniis, disciplinis, C  
vigiliis, lacrimis.

*Terra quoque non vendetur in perpetuum*. Terra nostra, est caro nostra mortalis, quam quasi diabolo pro voluptatis et iniquitatis denario vendimus, dum eam exhibemus arma iniquitatis peccato. Quod et si quis ad tempus effecerit, absit ut vel proposito vel opere faciat hoc usque in finem vitae suae : sed protinus resipiscat, seque per penitentiam redimat, et a iugo atque obsequio iniquitatis ac demonum D  
conetur eruere. *Si attenuatus frater tuus vendiderit possessionem suam* : id est, si quis onere tentationum, aut pondere adversitatum, charismata gratiae sibi infusa amiserit, consentiens tentatori, et locum in se praestans diabolo, propinquus ejus potest redimere eum : tunc enim ceteri debent pro eo orare, et omni quo quiverint modo, ad statum salutis eum reducere.

*Qui vendiderit domum suam intra muros urbis, habebit licentiam redimendi,*

*donec unus impleatur annus*. Domus intra muros posita, est status salutis, seu gradus meritorum, vel locus quem quis habet in Ecclesia, quae est civitas Dei viventis, ejus muri sunt angelica custodia et ipse Salvator, praelatorum quoque praesidentia. Qui hanc suam vendiderit domum, egrediendo Ecclesiam per peccatum, vel ecclesiasticam unitatem per schisma vel haeresim, vel individuum caritatem per mentis aversionem, potest eam redimere primo anno. Si autem perseveraverit, induratusque fuerit in his malis, vix aut nunquam se emendabit, dicente Apostolo : Haereticum hominem post unam et secundam correptionem devita, sciens quia subversus est, et delinquit proprio judicio condemnatus. *Si autem in villa fuerit domus*. Domus in villa, est existentia meritorum, seu locus virtutum inter pusillos et fragiles : qui si peccaverint ex ignorantia aut infirmitate, non ex proposito atque malitia, veniam facilius adipiscuntur, et convertibiliores existunt : ideo semper redimi possunt venditae domus ipsorum, quia ad pristinum gratiae statum citius reparantur. *Si autem redempta non fuerit, in jubileo revertetur*. Saepe enim contingit, ut per misericordissimam Dei praeventi-  
nem quasi in jubileo poeniteant et salventur, qui nec suis laboribus, nec aliorum suffragiis ad hoc devenissent. Quod et in jubileo anno Ecclesiae copiosius solet accidere. *Aedes Levitarum quae in urbibus sunt, semper redimi possunt*. Aedes Levitarum, possunt intelligi virtutes et merita religiosorum et perfectorum, qui si interdum corruerint, tot et tanta habent praesidia resurgendi, quod facilius recuperantur, et memores quales paulo ante exstiterint, fortius ad meliora nituntur. *Suburbana autem eorum non venient* : id est, libri Scripturae canonicae atque authenticae non sunt alienandi, quoniam sunt perpetua hereditas electorum.

*Si attenuatus fuerit frater tuus, et infirmus annus* : id est, si proximus aut subditus tuus fuerit vitis obrutus, et tentatione

Matth.  
xviii, 29.

Galat. vi, 2.

Ezech.  
xiii, 22.

Prov.  
xviii, 1.  
Job xv, 21.

Rom. vi, 13.

Ephes. iv,  
27.

Tit. iii, 10,  
11.

oppressus, et susceperis eum ad curandum, A ei, schismatici, et ceteri infideles serviant ad informandum ac protegendum, noli esse austerus ad ipsum, sed caritative, patienter et discrete te habe ad ipsum, nec amplius quam potest ab ipso requiras, quum dicat Apostolus : Debemus nos firmiores inbecillitates infirmorum portare.

Rom. xv, 1.

Galat. vi, 1.

Itemque : Fratres, et si praecipuus fuerit homo in aliquo delicto, vos qui spirituales estis, hujusmodi instruite in spiritu lenitatis, considerans te ipsum, ne et tu tenteris. Si paupertate compulsus, rendiderit se tibi frater tuus, etc. Hoc loco docentur fideles Domini, quam pie et humiliter habere se debeant ad fideles eis obsequentes, tanquam ad participes gratiae, et sicut ad fratres fide ac religione, et velut ad pauperes Dei, quibus ait Salvator : Beati pauperes, quoniam vestrum est regnum Dei : imo sicut ad eos, qui ipsis forsitan multo meliores, aut magis electi consistent. Hanc doctrinam tangit et Paulus in suis epistolis, *Servus et ancilla sint vobis de nationibus*. Vere sic deest, ut haereti-

Luc. vi, 20.

Christianis, qui sunt genus electum, regale sacerdotium, gens sancta. *Fratres autem vestros filios Israel ne opprimatis per potentiam* : hoc est, vere catholicos non tractetis indigne. Sed heu ! quoniam Christiani suis vitiis opprimi, et servire iniquis merentur : et ipsi dimissis perfidis hostibus suis, contra se invicem praeliantur : imo scientes quam dire et inhumane fratres eorum fideles catholici, ab impiis Sarracenis, Turcis et barbaris redigantur in servitutem, in captivitatem et mortem, non redimunt, nec succurrunt.

*Mei enim sunt servi filii Israel quos eduxi de terra Aegypti* : id est, Christifideles quos de tenebris et peccatis hujus saeculi nequam eripui, sunt servi mei servitute dignissima, quae est vere dominium, quia mihi servire regnare est, utpote mundo, carni, vitiis, ac daemonibus, imo et proprio animo dominari : ideo non sunt vendendi, neque tractandi conditione et more servorum.

## ARTICULUS XLVIII

ELUCIDATIO LITTERALIS CAPITULI VICESIMI SEXTI : EGO DOMINUS DEUS VESTER.

SCIENS Dominus populum illum cui tradidit legem, esse durum ac rudem, nunc exhortatur eos ad suae observantiam legis, et hoc variis modis : videlicet, prospera pollicendo obedientibus, adversa minando rebellibus, et omnes consolatorie refovendo. Denique, quia futurorum, aeternorum, et spiritualium vix erant capaces, promittit eis temporalia bona, et transitoria prospera. Talia quoque comminatur adversa, ut carnales et rudes saltem vel sic allicerentur ad cultum Dei. Verumtamen sub temporalibus illis bonis promissis, comminatisque malis, intelligenda sunt bona caelestia et aeterna, mala quoque in-

fernaliter sempiterna : quia nec bona temporalia et terrena, sunt spiritualium et virtuosorum actuum merces condigna, sed beatitudo coelestis et aeternalis : nec temporalia mala sunt sufficiens poena inobedientiae praeceptorum incircumscripibilis Dei, cujus offensio est gravitatis immensae.

Primo autem repetit Dominus quaedam praecepta sua interdum praehabita. *Ego Dominus Deus vester. Non facietis vobis idolum*. De quali idolo hoc dicatur, constat ex eo quod subditur, *et sculptile*. Itaque per idolum intelligitur statua fusilis : per sculptile, imago sculpta. *Nec titulos erigetis*, id est notabilia et velut honorifica

D

signa memorativa in honorem deorum: vel. ut quidam exponunt, altaria pro idolorum cultura: *nec insignem lapidem ponetis in terra vestra ut adoretis eum. Ego enim sum Dominus Deus vester.* Id est, non constituetis hinc inde, imo nullibi aliquem præclarum ornatumque lapidem idolorum imagine pictum, seu saxeam statuam, ut adoretis eum. *Custodite sabbata mea.* Per sabbata possunt omnes sollemnitates legis intelligi, vel specialiter septimi dies tunc celebres. Custodienda sunt ergo sabbata in memoria et effectu, ut in eis mala videntur, a servilibus operibus quiescant, atque virtutibus insistatur. *Et parete ad sanctuarium meum,* id est, reverenter habete vos circa templum seu tabernaculum, non ingrediendo illud, nisi cum puritate et devotione.

Deinde obedientibus prospera promittuntur. *Ego Dominus. Si in præceptis meis ambulaveritis,* id est, per observantiam præceptorum divinorum vixeritis vita gratia, et recte tenderitis ad ultimum finem, *et mandata mea custodieritis, et feceritis ea; dabo vobis pluvias temporibus suis,* id est opportunis, prout expedit fecundationi fructificationique terræ vobis promissæ, quæ pluviis irrigatur et fecundatur; terra vero Ægypti, inundatione Nili, prout in Deuteronomio tangitur: *et terra gignet germen suum, et pomis arbores replebuntur. Apprehendet messium trituram vindemiam,* id est, tam copiosa nascentur blada, ut ante depositionem uvarum, vix colligantur et exequi queant: *et vindemia occupabit sementem,* id est, bonorum copia erit tam magna, ut eorum depositio et expressio extendantur usque ad novam seminationem: *et comedetis panem vestrum in saturitate,* id est, victualium sufficientiam habebitis: nomine equidem panis, omnis cibus aut etiam materia refectionis, utpote cibus et potus, intelliguntur: *et absque pavore visibilium hostium habitabitis in terra vestra:* imo et absque omni inordinata formidine. *Dabo pacem in finibus vestris,* id est, pacem temporis, imo et pe-

etoris, dabo habitatoribus terræ vestræ, scilicet vobis et posteris vestris, vestigia vestra sectantibus. *Dormietis, et non erit qui exterreat,* suscitando vos ad resistendum hostibus. *Auferam malas bestias,* ita quod vobis nocivæ non erunt: *et gladius,* id est persecutor cum gladio, *non transibit terminos vestros,* id est partes et sortes terræ vestræ. *Persequemini inimicos vestros. Persequentur quinque de vobis, cecutum alienos,* ita quod fugient: *et centum ex vobis, decem millia.* Hoc aut simile, vel etiam plus aliquid interdum accidisse creditur bonis Judæis, sicut ex libro Regum, Paralipomenon, et Machabæorum, posset probari. Omnipotens quippe Deus, universorum hominum corda et corpora juxta omne libitum suum alterat et immutat, debilitat et confortat, stupefacit et relevat, erigit et prosternit, animat et perterret, lætificat et contristat: nec aliter credibiles essent historiæ, quæ in divinis leguntur Scripturis.

*Respiciam vos oculo pietatis, et crescere faciam. Et firmabo pactum meum vobiscum,* id est, fœdus seu promissum meum adimplebo in vobis. *Comedetis vetustissima veterum,* id est fructus valde antiquos præ abundantia residuos annis prioribus: *et vetera germina terræ, novis fructibus supervenientibus, projicietis* tanquam superflua: quia nec pauperes inter vos erunt qui eis indigeant, sicque brutis projicientur. *Ponam tabernaculum meum in medio vestri,* id est tabernaculum istud materiale jussu Moysis factum, deinde et templum constituam inter vos in terra promissionis; et inter vos, imo in cordibus vestris gratiose morabor: *et non abjiciet vos anima mea,* id est, mens mea non detestabitur neque repellet vos. Anima autem adscribitur Deo metaphorice, et ipse omnipotens Dominus frequenter loquitur affectu et more humano, condescendens infirmitati capacitatis humanæ. Hinc asserit Augustinus: Animam suam vocat Deus voluntatem suam. Non enim est animal habens corpus et animam. *Ambulabo inter*

Deut. xi, 10.

II Par. xx,  
15 et seq.  
I Mach. iv,  
30 et seq.



*eas*, id est, ubique familiariter adero vobis, *A* est aestuanti angustia seu exteriori incendio, *qui conficiat oculos vestros* : quia ex vehementia egestatis et ardoris illius, exteriores oculi vestri miserabiliter erunt dispositi, interioresque oculi dolore et pavore obtenebrabuntur; *et consumat animas vestras*, id est, omnino deiciat, ita quod quasi mortuae erunt, quia eas nil delectabit. Unde et de maestissimo Jacob jam consolato ait Scriptura, quod revixit spiritus ejus, *Frustra secretis sementem, quae ab hostibus decorabitur. Ponam faciem meam contra vos*, id est, indignanter et rigore adspiciam vos; *et corruetis coram hostibus vestris, et subjiciemini his qui oderunt vos. Fugietis nemine persequente*, id est, ex solo timore adventus adversariorum vestrorum fugam accipietis, quia nec in Deo, nec in viribus vestris confiditis, sed timore eritis vieti.

Sequuntur comminationes. Atque ut in Scholastica fertur historia, in his inveniuntur triginta clausulae promissionum; transgressoribus vero multo plures maledictiones ingeminat. Glossa quoque latetur: Triginta benedictiones in presenti capitulo lex praedicat, quas in translatione Septuaginta interpretum distinctas reperies. Denique plures ponuntur maledictiones seu comminationes, quam promissiones: quoniam pravi et duri homines, quales isti fuerunt, magis retrahuntur a vitiis per terrorem malorum, quam per amorem bonorum. *Quia si non audieritis me aure cordis, nec feceritis omnia mandata mea. Oportet enim omnia adimplere, quum Salomon dicat* : Qui in uno deliquit, multa bona perdet; imo ut Jacobus ait apostolus, Si quis totam legem implevit, offendat autem in uno, factus est omnium reus. *Et spreveritis leges meas*, id est, jussiones caerimoniales, non solum ex infirmitate aut ignorantia, sed ex certa malitia eas transgrediendo; *et judicia*, id est, iudicialia praecepta, *contempseritis, ut ad irritum perducatis pactum meum*, id est, legem meam, quantum in vobis est, evaeuetis, quasi in vanum et cassum duxeritis; *ego quoque qui essentialiter et interminabiliter justus sum, nullumque malum culpabile impunitum relinquo, huc faciam vobis* :

*Visitabo vos*, id est, puniam, *velociter in egestate ex terrae sterilitate, et ardore*, id

est aestuanti angustia seu exteriori incendio, *qui conficiat oculos vestros* : quia ex vehementia egestatis et ardoris illius, exteriores oculi vestri miserabiliter erunt dispositi, interioresque oculi dolore et pavore obtenebrabuntur; *et consumat animas vestras*, id est, omnino deiciat, ita quod quasi mortuae erunt, quia eas nil delectabit. Unde et de maestissimo Jacob jam consolato ait Scriptura, quod revixit spiritus ejus, *Frustra secretis sementem, quae ab hostibus decorabitur. Ponam faciem meam contra vos*, id est, indignanter et rigore adspiciam vos; *et corruetis coram hostibus vestris, et subjiciemini his qui oderunt vos. Fugietis nemine persequente*, id est, ex solo timore adventus adversariorum vestrorum fugam accipietis, quia nec in Deo, nec in viribus vestris confiditis, sed timore eritis vieti.

*Sic autem nec sic obedieritis mihi* : sicut nec modo obediunt infelicissimi obduratissimi que Judaei, et tempore persecutionum quas a Chaldaeis atque Assyriis pertulerunt, per praefata correcti non obedierunt: *addam correctiones vestras septuaginta*, id est, ultiones meas in vobis perfecte augebo, *propter peccata vestra*, scilicet incorrigibilitatem, obstinationemque vestram; *et conteram superbiam duritiae vestrae*, id est, per poenas gravissimas dissipabo et deiciam vestri indurati cordis elationem, ita quod cunctis gentibus inferiores et infortunatiores, aspernatiorisque eritis, sicut nunc videmus ad oculum. *Daboque vobis desuper caelum sicut ferrum*, id est, nullam habebitis consolationem ex influentiis caelestium corporum, nec ex caelo aereo imber defluet vobis aut ros, imo sole nascente timor et miseria major vos apprehendent; *et terram aeneam*, id est, durissimam, non irrigatam nec fructuosam. *Consumetur incassum labor vester*, id est, frustra laborabitis in agricultura, in fuga, vel ad resistendum; *non proferet terra germen, nec arbores poma praebebunt*.

*Si ambulaveritis ex adverso mihi*, id est, nec per praefatas poenas cessaveritis ab

Baruch ii.  
18.

Eccle. ix.  
18.

Jacob. ii. 10.

Gen. xix.  
27.

\* corrup-  
tiones

operibus et omissionibus mihi et meis praeceptis contrariis: *addam*, id est augebo, *plagas vestras in septuplum*, id est plene secundum dictamen justitiae meae, *propter peccata vestra*, ut quanto plus creverit vestra iniquitas, tanto plus crescat justitiae meae effectus in vobis: *immittamque in vos bestias agri, quae consumant vos et pecora vestra, et ad paucitatem cuncta redigant*, videlicet feras voraces: *desertaque fient viae vestrae*: quia vobis et iumentis vestris occisis, viae a paucis aut nullis terentur.

*Quod si nec sic volueritis recipere disciplinam, sed ambulaveritis ex adverso mihi*: ego quoque contra vos adversus incedam, id est, agam quae contraria erunt vestrae voluntati, quasi adversarius vester, quantum ad id quod estis per culpam. Loquitur autem Dominus de se metaphorice, quasi de homine contra suos hostes irato animo incedente ad repugnandum ac ulciscendum. *Et percutiam vos septies propter peccata vestra. Induramque super vos gladium*, hoc est exercitum armatum ad vindicandum cum gladio transgressiones, quibus praevaricati estis legem meam. *Quumque fugeritis in urbes extra propriam terram, mittam pestilentiam in medio vestri, et trademini in manus hostium, postquam confregero baculum panis vestri*, hoc est, abstulero vobis sustentamentum et refectioem ciborum vestrorum: *ita ut decem mulieres in uno clibano coquant panes*, id est, tanta sit vestra caristia, ut unus fornax medioeris pro una domo factus, sufficiat decem domibus ad panes calore consolidandos, *ut reddant eos ad mensuram*, hoc est cuilibet adstantium aut domesticorum, videlicet parce.

*Sin autem nec per haec audieritis me*, id est, tanta vexatio vobis non dederit intellectum: *ego incedam adversus vos in furorē contrario*, hoc est, per inflictionem acerrimarum poenarum, ex quibus quasi per modum furiosi me contra vos habere videbor: *et percutiam\* vos septem plagis*, id est universis poenis residuis nondum

A expressis, ac durioribus veteris, *ita ut comedatis carnes filiorum vestrorum et filiarum vestrarum*: secundum quod quarto Regum tempore Elisei legitur factum in obsidione Samariae, Jeremias quoque in Threnis: Manus, inquit, mulierum misericordium coxerunt filios suos: facti sunt cibus earum in contritione filiae populi mei: quod fuit in obsidione Jerusalem a Chaldaeis, Josephus etiam libro de Judaico bello recitat idem accidisse in obsidione Jerusalem a Romanis. Unde in Glossa ex-

IV Reg. vi, 29.

Thren. iv, 10.

De Bello Jud. vi, 20.

B primitur Maria Eleazari filia, *Destruam excelsa vestra*, hoc est fana atque altaria, quae in locis sublimibus construxistis ad exercendum ibidem idololatrias vestras. *Cadetis inter ruinas idolorum vestrorum*: quia ibi occidemini ab adversariis vestris: *et abominabitur vos anima mea in tantum, ut urbes vestras redigam in solitudinem*. In his Moyses non solum tanquam legislator praecipit quid agendum, sed tanquam propheta praedicit futura, seque praesse demonstrat ventura Judaeorum facinora et flagella.

*Et deserta faciam sanctuaria vestra*, id est, templum, altaria, synagogas, et sacrificia per manus hostium destruam: quod factum est per Assyrios, Chaldaeos, Romanos: *nec recipiam ultra odorem suavissimum*, id est sacrificiorum oblationem quae mihi valde fuit accepta, quando devoti et obedientes fuistis. *Disperdamque terram vestram*, hoc est habitatores et habitacula, urbes et fortalitia: *stupebuntque super ea*, id est, de tanta eorum dissipatione mirabuntur, *inimici vestri, quum habitatores illius fuerint*, hoc est, quum terram vestram obtinuerint, inhabitareque ceperint. Hinc Jeremias frequenter praedixit: Omnis qui transierit per eam, sibilabit et stupebit super universis plagis ejus. Itemque: Dabo vos, inquit, in opprobrium, et in maledictionem, et in stuporem universis gentibus. *Tunc placebunt terra sabbata sua*: id est, terra vestra tam diu erit deserta, et ab operibus agriculturae quiescente, quod habebit se per modum placentis de

Jer. xlv, 17.

Ibid. xxiv, 18.

\* corripiam

hujusmodi requietionibus. Dum namque aliquid placet alicui, libenter solet illud diu secum tenere. *Quando fueritis in terra hostili, sabbatizabit, et, pro id est, requiescet in sabbatis solitudinalis suae*: in quietionibus quas habebit durante sua derelictione. Quod totum completum est saepe. Nam tempore captivitatis Babylonicae, Godolia occiso, terra illa mansit pro magna parte non habitata. Primo quoque Machabaeorum narratur, quod Jerusalem non habitabatur. *Eo quod non requievit in sabbatis vestris*, id est, quia vos ipsi non cessastis in diebus solennibus ab operibus tunc prohibitis, *quando habitabatis in ea*.

*Et qui de vobis remanserint, dabo pacem in cordibus eorum in regionibus hostium. Terrebit eos sonitus folii volantis.* Hyperbolicum verbum est. Ac si dicat: In tanta erunt pusillanimitate atque formidine, ut ex sola suspicione, imaginatione, aut levi sonitu adversitatis, concutiantur, quasi grandis instet adversitas. Ideo subditur: *et ita fugient quasi gladium, etc. Et propter peccata patrum suorum et sua affligentur*: in quantum vitia patrum suorum secuti sunt: et quoniam posterius quandoque puniuntur propter suorum peccata parentum corporalibus poenis, sicut ab illis corporaliter descenderunt, prout alibi clarius est expressum, et infra suis declarabitur locis. *Donec confiteantur iniquitates suas*, hoc est, juste se talia pati recognoscant, poeniteant, et emendent, sique redimi mereantur; *et erubescat incircumcisa mens eorum*, id est, cor eorum quod diu fuit vitiosum, tandem de suorum turpitudine et enormitate facinorum salubriter verecundetur: tanquam illuminata ad intuemum salubriter, quae ante non consideravit.

*Et recordabor fœderis mei*, hoc est pacti quo promisi me miserturum et benefacturum filiis Israel poenitentibus, *quod pepigi*, id est inii, *cum Jacob, et Isaac, et Abraham*: quibus, ut in Genesi patuit, istud promisi. Nominantur autem hic hi tres Patriarchae ascendendo secundum or-

A dinem generationis. *Terra quoque memor ero*, hoc est, memorem me esse per effectum ostendam, reducendo ad eam filios Israel, sicut patribus eorum spondi. *Attamen quum essent in terra hostili, non penitus abieci eos*: quia semper reliquiae manserunt ex eis, ex quibus postmodum propagati sunt multi: *neque sic desperi, ut consumerentur, et irritum facerem pactum meum cum eis. Ego enim sum Dominus Deus eorum, et recordabor fœderis mei pristini, quando eduxi eos de terra B. Egypti*, id est, quod cum eis inivi, eisque promulgavi statim, dum eos de Aegypto eduxi.

Ex his sumere et formare valemus vera et efficacissima argumenta contra Iudeos: quod scilicet in hanc captivitatem longissimam sunt redacti, propter sua et patrum suorum gravissima scelera, quae nondum recognoscunt, neque deplorant, propter quod erui non merentur. Quum enim omnia adversa nunc praetacta, eis per tot annorum centenaria sint inflicta, nec interim coluerint idola, et quum hoc die ac nocte Deum rogent, ut liberet eos: certissimum est, quod infidelitate pessima detineantur, et Deo prorsus displiceant, eo quod sua non confiteantur peccata, propter quae in ista diuturnissima inciderunt adversa gravissima: nec captivitas atque calamitas istae, universis eorum praeteritis captivitatibus et calamitatibus quasi tam incomparabiliter graviores, tam diu durarent, nisi et eorum facinora proportionabiliter enormiora consisterent eunctis excessibus, propter quos patres eorum praecedentes captivitatem miseriamque perpessi sunt: quum in isto capitulo jam saepe protestatus sit Dominus, quod nisi per inflictas correptiones obedierint ei, inflictorum sit eis poenas septuplum graviores, quousque sua confiteantur peccata. Unde et demonstratur quod modo in ista captivitate non obediant, neque veraciter serviant ei: neque (ut dixi) perpendunt veram causam hujus suae captivitatis ac molestissimae calamitatis, quia nec regem habent, nec pa-

Jer. xli, 16  
17.

1 Mach. 6  
40.

Gen. xv, 18:  
xvii, 8; xxii,  
17; xxi, 4;  
xxviii, 13.



triam, nec templum, nec sacerdotes, nec A hostias, et ita sunt emetis gentibus miserabiles. Et si suæ captivitatis atque miseriæ tantæ causam adverterent, confi-

terentur ac deplorarent, non dubium quin mox a Domino misericordiam consequerentur : quod quia non faciunt, in suis manent miseriis.

## ARTICULUS XLIX

SPIRITUALIS EXPOSITIO EJUSDEM CAPITULI VICESIMI SEXTI.

**L**ITTERALIS vel potius superficialis hujus capituli intellectus præcedenti articulo est inductus. Et posset quis argumentari, quod ille non sit verus et litteralis intellectus hujus capituli, eo quod multi in veteri Testamento justî, imo perfecti exstiterint, qui prosperitates seu benedictiones et remunerationes hic tactas consecuti non sunt : imo adversa gravissima habuerunt, ut patet de Jeremia, Baruch, filiis Reehab, multisque aliis. Nam et per Ezechielem Dominus ad Jerusalem

*Ezech. xxi.* ait : Occidam in te justum et impium. Un-

3.

*Ps. xxxiii.*

20.

*Sap. iii, 6.*

*Hebr. xi,*

36, 37.

de et Psalmista de talibus loquitur : Multæ tribulationes justorum. Quod et in libris Machabæorum docetur in multis Judæis sub Antiocho adimpletum. De quibus et in libro Sapientiae habetur : Tanquam aurum in fornace probavit electos Dominus. De talibus quoque scribit Apostolus : Alii distenti sunt, alii ludibria et verbera experti, insuper vincula et carceres ; lapidati sunt, secti sunt, tentati sunt, in occisione gladii mortui sunt. Circumierunt in melotis, egentes, angustii, afflicti. Denique multi injusti et vitiosi fuerunt in veteri Testamento, quibus comminationes, maledictiones, seu pænæ in isto capitulo recitatae non contigerunt, sed prospera, ut constat de Saul, Doeg et aliis multis. Hinc asserit Glossa : Ista ad litteram stare non possunt. Multi enim in præceptis Dei ambulaverunt, et multa adversa perpessi sunt. Verumtamen dici potest, quod præinducta expositio ad litteram potest salvari, quo-

nam intelligenda est non de suppositis singulis, sed potius de communitate et secundum cursum communem. Nam sicut in libris Judicum, Regum, Paralipomenon, Machabæorum describitur, communiter contigit, quod quando filii Israel generaliter seu pro majori parte Deo fideliter servierunt, præfata prospera sunt adepti ; quando autem impii erant atque idololatræ, sustinuerunt adversa præhabita. Lex autem communitatem, non unamquamque personam concernit.

Itaque Dominus loquitur : *Si in præceptis meis ambulaveritis, dabo vobis pluvias*

*temporibus suis.* Pluviæ istæ sunt sermo-

inationes verbi cælestis, infusio gratiæ, ros consolationis divinæ, irrigatio Spiritus Sancti. Unde per Isaiam prolatum est :

Ros tuus, Domine, ros lucis. Et Dominus ipse : Mandabo, inquit, nubibus meis, ne

*Is. xlvii, 19:*  
v, 6.

pluant super eam imbrem. In cantico quo-

que Deuteronomii legitur : Conereseat ut

*Deut. xxxii,*  
2.

pluvia doctrina mea, fluat ut ros eloquium

meum, quasi imber super herbam. Has

pluvias vere salubres et animam fecun-

dantes, dat Dominus obedientibus sibi tem-

pore suo, tempore scilicet opportuno, atque

ab eo æternaliter præordinato. Quocirca

(ut Origenes fatetur) pensandum, quod sic-

ut pluvia materialis si inepto tempore aut

immoderatius cadat, ohest agro et fructibus magis nocet : ita qui verba prædicationis informationisve ingerit tempore non

suo, aut modo inordinato, lædit magis quam sanat. Hinc in Proverbiis asseritur :

*Prov. xxx.* Mala aurea in lectis argenteis, qui loquitur A  
 11. verbum in tempore suo, in Ecclesiastico  
*Eccle. xx* quoque : Imprudens non servabit tempus.  
 7, 8. Et : Qui multis utitur verbis, laedit animam  
 suam. *Et terra gignet germen suum.* Quod  
 fit, dum gratia excitante et operante, caro  
 cum membris suis animae in omni Dei ob-  
 sequio deservit et paret. *Et pomis arbores*  
*replebuntur :* id est, homines actibus abund-  
 dabunt virtutum, seu ipsae virtutes proced-  
 dent copiose in actum. Quod totum per-  
 agitur, dum praefatae pluviae descendunt in  
 mentem, et actualis motio Spiritus Sancti  
 excitat eam. Quemadmodum autem, Salo-  
 mone testante, Sapientia lignum vitae est  
 omnibus apprehendentibus eam : sic fides,  
 sic humilitas, ceterae quoque virtutes ar-  
 bores dici queunt. Et certe pulcherrima,  
 fructuosissima atque altissima arbor est  
 caritas. Nemo itaque sine praefatis pluviis  
 arbitretur se posse fructificare : et qui per  
*Prov. iii,*  
 18. eas fructificat, non insipienter in se, sed  
 sapienter in Domino gloriatur.

*Apprehendet messium tritura vindem-  
 niam.* Messium tritura, est virtuosa ex- C  
 ercitatio vitae activae, quae apprehendit  
 vindemiam, id est, ad contemplativae vitae  
 actiones pertingit. Nam sicut per januam  
 intratur ad domum, ita per exercitia vitae  
 activae, atque per actus virtutum moralium,  
 ad contemplationem, intellectualiumque  
 perfectiones virtutum pertingitur. Sed quia  
 in exercitio vitae contemplativae copiosior  
 gratia obtinetur, per quam rursus ad opera  
 vitae activae decenter proceditur, recte  
 subjungitur : *et vindemia occupabit se-  
 mentem,* id est, contemplatio extendet se  
*Luce. vii, 11.* ad germen operis boni, et semen suscipiet  
 verbi Dei. Rursus ut tangit Glossa, messis  
 purganda in area, est intellectus Scripturae  
 proferendus in medium, et cum ceteris  
 doctoribus ac divinis voluminibus confe-  
 rendus, ut si quid paleae aut aristae, id est  
 vanitatis aut falsitatis contineat, spiritu  
 discretionis exentiatur, solumque triticum  
 conservis suo tempore dispensandum re-  
 maneat. Hinc quippe Paulus testatur : As-  
*Galat. ii, 1.*  
 2. cendi Ierosolymam, et contuli eum illis

A Evangelium quod praedico, ne forte in va-  
 num currerem. *Et comedetis panem res-  
 trum in saturitate,* corpus videlicet Salva-  
 toris, imo ipsum Dominum in Sacramento,  
 qui ait : Ego sum panis vitae. Et : Caro mea  
 vere est cibus. Est item panis bonae ope-  
 rationis, de quo discernit : Mens cibus est,  
 ut faciam voluntatem Patris mei qui misit  
 me. Rursus, est panis vitae et intellectus,  
 panis lacrimarum et contritionis, panis  
 supersubstantialis qui per contemplationem  
 gustatur. His panibus saturantur fi-  
 deliter obedientes.

*Et absque pavore habitabitis in terra  
 vestra,* hoc est in militante Ecclesia. Unde  
 ait Salvator : Nolite timere eos qui corpus  
 occidunt. Et princeps Apostolorum : Timore-  
 rem eorum ne timeritis, et non contur-  
 bemini. Itaque qui Deo vere obedit, pas-  
 sionem timoris refrenat, servilem repellit  
 timorem, et per timorem initialem ascen-  
 dit ad filialem : quo adepti, omnem ex-  
 eludit vilem, effeminatam et inordinatam  
 formidinem, sciens omnipotentem Deum  
 sibi ubique praesentem, sine cuius permis-  
 su aut jussu nil sibi valet accidere, et qui  
 in adversis gratiosius adest. De angelica  
 quoque est securus custodia, et in Deo qua-  
 si fidelissimo atque piissimo patre filiali-  
 ter sperans. Talis veraciter confitetur : Do-  
 minus illuminatio mea et salus mea : quem  
 timebo ? Dominus protector vitae meae : a  
 quo trepidabo ? Talis demum invisibiles  
 hostes magis perterret, quam terreatur ab  
 ipsis. Talis fuit sanctus Job : Si expavi,  
 inquit, ad multitudinem nimiam. *Dabo*  
 34. *pavem in finibus vestris :* id est, pacem  
 pectoris infundam congregationibus et cor-  
 dibus vestris, sicut orat Apostolus : Pax  
 Christi custodiat corda vestra. Etenim pax  
 multa diligentibus legem Dei, qui ponit  
 pacem fines Ecclesiae, et corda servorum  
 suorum facit quietam et requiescentiam in se.  
 Unde in Isaia Dominus ait : Erit opus ius-  
 titiae pax : et sedebit populus in pulchritu-  
 dine pacis, et in tabernaculis fiducia, et in  
 requie opulenta. Haec interiora et praela-  
 rissima beneficia Spiritus Sancti, auferro

*Joann. vi,*  
 51, 56.  
*Ibid. ix, 34.*

*Eccle. ix, 3*  
*Ps. lxxxix, 6.*

*Matth. x,*  
 28.  
*1 Petr. iii,*  
 13.

*Ps. xvi, 1.*

*Job xxxi,*  
 34.

*Philipp.*  
 iv, 7.  
*Ps. cxviii,*  
 165, cxlvii,  
 11.

*Is. xxxii,*  
 17, 18.

nequivit Ecclesiae persecutio tyrannorum, A rabies perfidorum, crudelitas injustorum.

*Dormietis, et non erit qui exterreat.* Contemplativi in Domino dulciter et frequenter obdormiunt eo sopore, quem Dominus misit in Adam : quo et corpus ab exterioribus soporatur. Virtuosi quoque meliora somnia habent, et sapientes phantasmatum ludificationes contemnunt. *Auferam malas bestias.* Scimus quod pessimae ferae et crudelissimae bestiae sanctis Patribus obedi- B entes fuerunt, et plurimos martyrum tangere non audebant. Bestiae quoque ma- lae sunt daemones, de quibus orat vir ju-

Ps. LXXIII,  
19.

Job v, 22.

stus : Ne tradas bestiis animam confitentem tibi. Quos Dominus aufert, dum eos a nobis vinci facit. Unde et in Job habetur : Bestias terrae non formidabis. *Et gladius non transibit terminos vestros.* Persecutionem enim tyrannorum abstulit Deus frequenter a suis fidelibus, et quamvis gladius pertranseat terminum nostrum, id est, corpus occidat, terminos tamen nostros, videlicet corpus et animam, seu intellectum et voluntatem pertransire non C valet, quoniam anima cum praefatis potentiis suis est immortalis. Potest rursus per gladium, diabolicæ impugnationis acumen intelligi, ad quod illud in Job poterit pertinere : In bello eruet te de manu gladii. Iterum gladius accipi potest in bono, quum dicat Apostolus : Gladius spiritus est verbum Dei. Qui gladius non pertransit terminos nostros exeundo et relinquendo, sed firmus et stabilis in Ecclesia permanet.

Ibid. 20.

Ephes. vi,  
17.

*Persequimini inimicos vestros,* scilicet D invisibiles hostes et aciem vitiorum ac sæculi vanitates, eis viriliter resistendo, atque virtutibus, praesertim caritati, humilitati et concordiae, insistendo. *Et corruent coram vobis,* sicut ait Propheta : Persequar inimicos meos, et comprehendam eos. *Persequentur quinque de vobis,* qui circa exteriorum quinque sensuum objecta non occupantur, nec afficiuntur inordinate, hoc est non nisi secundum rectae rationis iudicium, ac divinae legis tenorem, *centum*

Ps. LVII, 35.

*alienos de hostibus nunc praedietis : et centum ex vobis, decem millia,* imo unus fidelium persequitur saepe et vincit tantam daemonum vitiorumque turbam, quemadmodum ait Scriptura : Cadent a latere tuo mille, et decem millia a dextris tuis : ad te autem non appropinquabit.

Ps. xc, 7.

*Respiciam vos* oculo miserationis et subventionis, sicut respexit Dominus Jesus Petrum : ex quo respectu ille mox compunctus, flevit amare. *Et crescere faciam,* merito et numero : quia praelectis fidelibus tanta gratiarum charismata largitur Omnipotens, ut orando, loquendo, imo caritatis merito et exemplaribus actibus convertant et alios, et spirituales procreent sobolem. *Comedetis vetustissima veterum :* id est, consideratione et imitatione patrum, qui fuerunt in lege naturae et lege scripta, reficientur animae vestrae : caerimonialia quoque veteris Testamenti, quantum ad litteram consumetis, et ultra non esse servanda probabitis. *Et vetera, novis supervenientibus, proficietis :* id est, evangelicae legis testimonia, consilia et praecepta amplectendo, legem quantum ad caerimonialia et iudicialia ejus praecepta derelinquetis. *Ponam tabernaculum meum in medio vestri.* Hoc Filius Dei promisit, loquens : Si quis diligit me, sermonem meum servabit, et Pater meus diliget eum, et ad eum veniemus, et mansionem apud eum faciemus. *Ambulabo inter vos, et ero vester Deus, vosque eritis mihi populus.* Hoc est quod in Apocalypsi promittitur : Ecce tabernaculum Dei cum hominibus, et habitabit cum eis : et ipsi populus ejus erunt, et ipse Deus cum eis, erit eorum Dens. *Et confregi catenas cervicem vestrarum, ut incederetis erecti.* Christus in sua dignissima passione vincula et catenas cervicem nostrarum, jugum peccati, dominationem diaboli, omne pondus iniquitatum prementium mentem deorsum, diripit et tulit a nobis, per suorum sufficientiam meritorum. Deinde in Baptismatis sacramento, in sacramento quoque Penitentiae, et per suam gratiosissimam praeventi-

Luc. xxi,  
61, 62.

Joann. xiv,  
23.

Apoc. xxi,  
3.



ista frequenter in nobis operari dignatus est, ut qui eramus ad carnalia et terrena depressi, simus ad celestia et aeterna erecti.

Eccc in textu triginta benedictiones istae obedientibus Deo denuntiantur, quia (ut *Luc. iii, 23.* Glossa fatetur) quum Christus fuisset triginta annorum, venit ad Baptismum, ut in aetate perfecta donorum perfectionem ostenderet, quia extunc Evangelium praedicavit, in quo consistit omnis plenitudo vitae et perfectionis, quae in hoc capitulo designantur.

Sequuntur mala inobedientibus praenuntiata et comminata. *Quod si non audieritis me, visitabo vos velociter in egestate.* abstrahendo vobis spiritualia dona, in quibus consistit opulentia animae: *et ardore concupiscentiarum ac vehementia passionum:* quia dum Deum offendimus, iuste nos deserit, moxque carnalium desideriorum ac stimulorum calorem illabimur, passionumque vehementia superamur, ex quibus oculi mentis caecantur, et anima spiritualiter annihilatur. *Frustra seretis sementem:* quoniam opera bona ex genere, facta extra caritatem, non proficiunt ad salutem. Opera quoque meritoria prius peracta, persequens mortale peccatum evacuantur, et ab invisibilibus adversariis devorantur. *Corruetis coram hostibus vestris,* id est, tentationibus daemonum superabimini: qui hostes intensissime odiunt vos, qui nil aliud querunt, nisi aeternam nostram damnationem: ideo stultissime agit qui ipsis consentit.

*Conteram superbiunt duritiae vestrae.* Qui *Ibid. xxiii, 41.* namque exaltant se, humiliabuntur: et eos qui spiritualiter intumescunt, Dens frequenter permittit in manifesta cornere vitia, ut vel sic deprimere se cogantur, qui magni erant in oculis suis. *Daboque vobis desuper calum sicut ferrum, et terram aeneam.* Hoc fit dum tales spirituali consolatione privantur, nec desuper fecundantur, exteriori quoque et corporali adversitate ac desolatione gravantur, ita quod undique sic punguntur, juxta illud Osee:

A *Eccc ego sepiam viam tuam spinis. Un-* *Osee ii, 6.*  
*sumetur incassum labor vester.* Iter enim *Ps. i, 6.*  
impiorum peribit, et impius nil Deo acceptum exerceat, imo reprobis omnia coope- *Ps. cxxxix,*  
rantur in malum, et labor laborum ipso- *10.*  
rum operiet eos. Ideo sero dieturi sunt illud Sapientiae: *Lassati sumus in via* *Sap. v, 7.*  
*iniquitatis et perditionis, et ambulavimus*  
*vias difficiles. Non proferet terra geramen*  
*suum. Caro enim iniqui, fructum virtutum*  
*non parit, nec ipsi sunt arbores fructuosae.*  
*Hinc iusto iudicio mittuntur in eos bestiae*  
*B agri, quarum una, Circuivi, inquit, terram* *Joh. i, 7.*  
*et perambulavi eam: quae eos et bestialia*  
*eorum opera ad mortem trahit gehennae, et*  
*cuncta bona ad paucitatem perducuntur*  
*in ipsis. Desertaeque fient viae vestrae:* quia  
eorum operationes destitutae sunt et privatae directione et gratia Spiritus Sancti. Insuper pestilentiam Dominus mittit in eos, quia se invicem scandalizant ac spiritualiter perimunt, atque diversis modis peccata unius redundant in alios. Nam prava societas necat se ipsam. Aufert item  
C *eisdem spiritualia alimenta in tantum, quod*  
*etsi verbum Dei audierint, aut sacramenta*  
*susceperint, spirituales gustum et fructum*  
*non sortiantur ex eis: imo panes vitae gra-*  
*tiae, fiunt eis pabula mortis culpae.*

*Ita ut decem mulieres in uno elibano*  
*coquant panes.* Decem mulieres, possunt  
intelligi animae praetorum, decem prae-  
cepta servantes: qui panes coquant in  
elibano, id est in audientium corde, in quo  
panes doctrinae optant perficere, et ad opus  
perducere: tuncque in uno elibano agunt  
hoc, quando paucissimos habent auditores  
obedientes. Et comedetis *carnes filiorum*  
*vestrorum et filiarum vestrarum:* id est,  
sobolem vestram carnaliter diligendo, eam-  
dem ad vitiosam vitam trahetis, per quod  
spiritualiter devorabitis illam. Vel, de prava  
eorum vita per consensum et complacentiam detestandam reficietis eor-  
vstrum. Sic et Isaias testatur: Unusquisque  
comedet carnem brachii sui. Rursus hoc  
agitur, dum parentes aut praesidentes in-  
justi, prolem suam aut subditos suos se-

*Is. ix, 20.*

cum incorporant ecclesie malignorum. An- A  
 tieluristo atque diabolo : sicut et sancta  
 mater Ecclesia comedit et incorporat sibi  
 electos et singulos quos convertit, qui sunt  
 partes ejus nutrimentales.

*Destruam excelsa vestra*, id est cornua  
 vestrae elationis, præsumptiones, jactan-  
 tias, prælaciones et eminentias, cum quibus  
 peribitis, juxta illud : Vidi impium super-  
 exaltatum, et transivi, et ecce non erat. *Et*  
*simulacra vestra confringam*. Simulacra  
 ista sunt turpia immundorum phantasma-  
 ta : phantasie auri et argenti in cordibus B  
 cupidorum : apprehensiones et species di-  
 gnitatum, honorum et excellentiarum in  
 mentibus superborum : quæ omnia repro-  
 bat Dominus et condemnat. Et tales talia  
 apprehendendo cadunt per culpam, deinde  
 cum vanitatibus suis currunt in gehem-  
 nam. *Et deserta faciam sanctuaria vestra* :  
 id est, corda vestra, quæ erant aliquando  
 per fidem et caritatem templa Dei, relin-  
 quam. *Nec recipiam ultra odorem suavis-*  
*simum* : id est, spiritualia sacrificia vestra,  
 videlicet orationes et laudes, quæ ex suo C  
 genere valde commendabiles sunt, non  
 erunt meritoria apud me. Nempe qui de-  
 clinat aurem suam ne audiat legem, oratio  
 ejus erit execrabilis. Et peccatori dixit  
 Deus : Quare tu enarras justitias meas ?

*Disperdamque terram vestram*, id est  
 terrena consortia vestra et conventicula  
 ecclesie malignantis, in tantum ut perfidi  
 de vestra perditissima vita mirentur : qui-  
 bus et propter vestros excessus subditi  
 eritis, qui et dies festivos in magnis vitiis  
 expendistis. Isti facillime perterrentur, dum D  
 audiunt prædicari quam arcta sit via salu-  
 tis : ita quod virtutum exercitia, peniten-  
 tiæ quoque laborem, semitamque salutis,  
 tanquam difficillima quædam atque duris-

sima aggredi trepidant, quia non figunt  
 spem suam in Domino, nec ejus implorant  
 auxilium, nec aliorum qui viriliter sunt  
 conversi pensant exempla, sed propriam  
 fragilitatem et pronitatem in vitia inor-  
 dinate attendunt : ideo fugiunt a salutis  
 itinere, et labuntur ex propria infirmita-  
 te, ignorantia aut malitia, nemine extrin-  
 secus impellente, nec hostibus suæ salutis  
 opponunt se. Hinc relinquuntur, et dire  
 multipliciterque vulnerantur in anima,  
 quousque suas confiteantur iniquitates.  
 Quod si fecerint, mox recollit Dominus,  
 quemadmodum penitentibus veniam re-  
 promisit.

Denique etsi in populo christiano multi  
 sint vocati et pauci electi, nunquam tamen  
 Dominus Ecclesiam suam relinquit in to-  
 to, sed misericordiam suam in ea frequen-  
 ter quasi de novo mirificat, miracula re-  
 novat, sanctos homines mittit, per quorum  
 doctrinam, merita et exempla convertit  
 quamplurimos. Postremo et hoc intuen-  
 dum, quod sicut præfata adversa Judæi  
 propter scelera sua multa corporaliter pas-  
 si sunt, utpote egestatem, famem, dolores,  
 angustias, depredationes et expugnationes  
 ab infidelibus gentibus, Assyriis, Chaldæis,  
 Chananæis et Philistæis : ita et Christiani  
 interdum, imo et sæpe talia pertulerunt ob  
 suas transgressiones a Turcis, Sarraeenis,  
 Tartaris, et aliis barbaris. Interdum quoque  
 absque sua culpa hujusmodi corporalia  
 damna, noementa, imo et crudelissimas  
 mortes ab impiissimis toleraverunt, ut glo-  
 riosius coronarentur a Deo, eorumque pa-  
 tientia ac virtutes proponerentur ceteris  
 in exemplum, et tali occasione Deus fidem  
 catholicam per præclara augeret miracu-  
 la, sicut de sanctis constat beatissimisque  
 martyribus.

Ps. xxxvi,  
 35, 36.

Prov.  
 xxxiii, 9.

Ps. xlix, 16.

Matth. xii,  
 14.

Ezech.  
 xiii, 21-23.

Matth.  
 xxi, 11.

Ps. xvi, 7.

## ARTICULUS I.

EXPLANATIO LITTERALIS CAPITULI VICESIMI SEPTIMI : LOCUTUSQUE EST DOMINUS AD MOYSEN.

**D**E obligationibus, redemptionibusque Avotorum, de consecratis quoque et decimis nunc tractatur. *Locutusque est Dominus ad Moysen, dicens : Loquere filiis Israel, et dices ad eos : Homo qui votum fecerit, et spoponderit Deo animam suam, id est, se ipsum promiserit Deo, ita ut se offerat illi, seu ejus honorificentiae mancipet vitam suam. Unde Symmachus transtulit, Si separaverit se Deo. Et Septuaginta, Si spoponderit honorem animæ suæ Deo. Sub æstimatione dabit pretium, id est, secundum certam taxationem se redimet, secundum mensuram sui valoris, si se redimere voluerit, ut sient ante, vel instar aliorum, actibus vacet humanis. Nam illa promissio sic fuit intelligenda, et Deo instituyente ita fiebat. Unde et primogenita quæ Domini erant, redimebantur. Nec homo fuit animal immolaticium : propter quod factum votum de ejus oblatione, persolvendum non erat per ejus mactationem, sed redemptionem. Nec tunc poterat quisque sic applicari divinis, quando sacerdotium fuit in una tribu, et per generationis successionem cultus Dei conservabatur in una dumtaxat plebe, sicut nunc potest. Deinde æstimatio seu mensura pretii determinatur : quod pretium secundum varietatem ætatum ejusdem et sexus diversorum diversificabatur.*

*Si fuerit masculus a vicesimo anno usque ad sexagesimum, dabit quinquaginta sielos argenti, id est pecuniam tanti valoris. Sielus autem (ut infra dicitur) viginti obolos habet, atque (ut alii dicunt) sielus in Scripturis pro uncia sumitur, pro quo Septuaginta transtulerunt, ὀβολοῖς 72. Porro ad insinuandum qualitatem ponderis pretii hujus, subjungitur, ad mensuram sanctua-*

*arii. Tanquam dicat, Pretium hoc erit illius sieli vel ponderis, ejus usus est in templo seu tabernaculo Dei : quod pondus differebat ab eo, ejus usus fuit in mercationibus aliis. Refertque Josephus, quod sielus quo utebantur in templo, continebat quatuor drachmas, et qualibet drachma obolos quinque. Obolus quoque (ut legitur) est media pars nummi. Est etiam obolus scrupulus, qui tribus appenditur siliquis. Scrupulus vero sex siliquarum pondere constat. Tamen (ut dixi) frequenter numismata et mensuræ ac pondera apud diversos diversificantur, ita quod eorum quantitatem pro certo scire non possumus quantum ad omnes. Sieli demum, per quos votentes se Deo ita se redemerunt, divinis usibus templi seu ministrorum ejus applicabantur. *Si mulier, triginta, id est, si femina vovit se Deo ab anno vicesimo usque ad sexagesimum, dedit pro sua redemptione triginta sielos. Vir enim muliere præstantior, validiorque censetur.**

*A quinto autem anno usque ad vicesimum masculus dabit viginti sielos : mulier\*, id est puella, decem sielos : non quod proles in quinto suæ vitæ anno poterat se Deo vovere aut pretium solvere, sed in tali ætate interdum volebantur Deo a suis parentibus, a quibus et redimi poterant. Unde et primo Regum Anna legitur Samuelem nondum natum Deo vovisse. Si autem parentes obiissent, poterant pueri Deo promissi se ipsos redimere, quum ad discretionem venissent. *Ab uno mense usque ad quintum annum pro masculo sic promisso ac redimendo, dabuntur quinque sieli : pro femina, tres. Quare non potius duos cum medio, scilicet pro media parte tantum, quantum pro masculo ? Forsan**

\* femina

I Reg. i, 11.



quoniam in ætate tam tenera minor apparet elegantia masculi ultra femellam, vel quia frequenter tunc mori solent. *Sexagenarius et ultra masculus dabit quindecim siclos*, id est, si quis a sexagesimo anno vel majori et ulteriori ætate voluerit se redimere a voto quo vovit se Deo, dabit pro sua redemptione quindecim siclos; *mulier\*, decem*. Ab illa namque ætate valor viri deficere incipit, nec tantum eminet mulieris valori ut ante, nec ad bella aptus videtur: ideo minus tunc dedit, nec duplum respectu feminae. Itaque quatuor gradus ætatis expressi nunc sunt, per quos (ut apparet) alii proportionabiliter erant taxandi.

*Si pauper fuerit is qui se aut sobolem suam nondum adultæ ætatis vovit Deo, et æstimationem*, id est quantitatem, pretii reddere non valebit pro sua aut prolis suæ redemptione; *stabit coram sacerdote*, id est, sacerdoti ad hoc deputato causam suam inopiamque exponet et comprobabit: *et quantum ille, puta sacerdos discretus, æstimaverit, et viderit eum posse reddere, tantum dabit*: quoniam ultra vires viri non vult Deus ulla requiri.

*Animal autem quod immolari potest Domino, si quis voverit*, id est, si quis promiserit Deo immolare animal ei aptum offerri, ut sunt bos, ovis et capra, deformitatis maculam non habentes; *sanctum erit*, id est, ad Dei honorem offerretur: *et mutari non poterit, id est nec melius malo, nec pejus bono*, id est, aliud animal pro ipso offerri non licebit, sive aliud sit melius, sive pejus: quoniam illud sic Deo promissum, ex hujusmodi promissione quamdam idoneitatem et consecrationem ad ea quæ Dei sunt, sortitum videtur. *Quod si mutaverit*, id est, si vovens adduxerit aliud animal ad immolandum pro illo, *et ipsum quod mutatum est*, id est animal deputatum offerri pro alio per viam mutationis, *et illud pro quo mutatum est, scilicet animal prius promissum, consecratum erit Domino*: ita quod utrumque immolabitur Deo, quia et illud secundum rationem

sue deputationis ad sacrificeationem, jam quamdam consecrationem consecutum censetur.

*Animal immundum, quod immolari Domino non potest, si quis voverit*. Istud secundum Glossam stare non potest, non enim lieuit immunda animalia Deo voveri aut immolari. Verumtamen salva hac Glossa interlineari, dicere possumus, quod animal immundum nunc appellatur, non quod secundum legem nec offerri licet nec manducari, sed quod per immunditiam, id est macular deformitatem seu monstruositatem aut debilitatem immolari non potest, quamvis ex sua specie immolabile esset. Tale itaque animal adducetur a vovente ante sacerdotem, qui dijudicans utrum bonum vel malum sit, id est aptum offerri vel non, statuet pretium, id est, determinabit quantum dandum sit pro redemptione hujusmodi animalis, postquam judicaverit ipsum animal non esse immolaticium. *Quod pretium si dare noluerit is qui offert*, id est, si ille qui animal illud ineptum adduxit ad offerendum, non voluerit ipsum redimere eum pretio a sacerdote taxato, sed rehabere voluerit animal illud: *addet supra æstimationem quintam partem*, id est, pro animali illo rehabendo dabit pretium a sacerdote statutum, et ultra hoc quintam partem illius pretii, ita quod carius emet animal illud, quam emeretur ab alio. Cujus causam expositores assignant, dicentes: Ne voventes adspirarent ad rehabendum quod voverant, quasi penitentia ducti, sicque votum eorum esset inacceptius Deo: ne etiam reputarent se digniores in emptione talium rerum, quia dederant eas.

Circa hæc scribit Petrus Comestor: Distinguendum est de hujusmodi votis. Aliquando enim aliquid ex voto sanctificabatur sic Domino, quod anathematizabatur, id est separabatur, ita ut eo nullus uteretur, et tunc non poterat vendi a sacerdotibus, vel alienari: quandoque autem non sic obligabantur votiva, sed poterant a sacerdotibus vendi pretio determinato secundum

\* femina

dum mensuram utilitatis, quæ ex re votiva A immediate sequente, si in jubileo non licebat venditio: *quanto valere potest, tanto æstimabitur*, id est, tam care vendetur, sicut valor ejus secundum se extendit se, seu tam pretiose sicut secundum legem fieri potuit, jamque præfactum est, quinquaginta videlicet sictis, ut sic pro quolibet anno sictus unus acciperetur. *Sin autem post aliquantum temporis*, id est, si voverit agrum aliquibus annis a jubileo evolutis: *supputabit sacerdos pecuniam*, id est, justum pretium dandum pro redemptione seu emptione agri illius pensabit atque taxabit, *juxta annorum qui reliqui sunt, numerum*, id est secundum multitudinem, paucitatemve annorum restantium usque ad jubileum, et detrahetur ex pretio, id est, tanto plus de pretio præfato defalcabitur, quanto plures anni fluxerunt a jubileo proxime elapso, ita quod pro quolibet anno tali detrahetur a pretio illo quinquaginta sictorum unus sictus.

*Homo si voverit domum suam, et sanctificaverit eam Domino*, id est, si quis domum suam aut domos suas promiserit ac deputaverit Deo, ut ejus consecrentur honori aut cultui: *considerabit eam sacerdos peritus et constitutus ad hoc, utrum bona sit an mala*, id est, an domus illa sit bene disposita ad applicandum divinis obsequiis, an non: *et juxta pretium quod ab eo fuerit constitutum, venundabitur*, id est, domus illa, præsertim si apta non est ad divina, vendetur pro pretio quod sacerdos statuerit, qui valorem domus pensabit. *Sin autem ille qui voverat, voluerit redimere eam, dabit quintam partem æstimationis supra*, id est, quintam pretii partem addet, ut dictum est in casu præcedenti, *et habebit domum illam ut ante*.

*Quod si agrum possessionis suæ*, id est agrum hereditario jure possessum: quod dicitur, ad differentiam agrorum emptorum aut aliter acquisitorum: *voverit et consecraverit Domino: juxta mensuram sementis æstimabitur pretium*, id est, tanto plus valere judicabitur, quanto plus de semine requiritur ad ejus seminationem, hoc est, quanto majoris est quantitatis: et hoc intelligendum est, ceteris paribus. Alioqui contingere potuit, quod minor ager fuerit appretiabilior agro majore, utpote fertilior illo. *Si triginta modis hordei seritur ager*, id est, si tot modii hordei requiruntur ad seminationem alienius agri:

\* *venundetur*.

*quinquaginta sictis argenti vendetur*\*. Et D proportionabiliter dicendum videtur de agris qui aliis seruntur seminibus. Sed quia in jubileo agri et cetera vendita ad pristinum revertebantur possessorem, valor agrorum fuit etiam attendendus penes distantiam a jubileo minorem aut amplio-rem. Hinc subditur: *Si statim ab anno incipientis jubilæi voverit agrum*, id est, si quis voverit agrum talem Deo in anno jubilei instantis et inchoantis, scilicet in ipso anno jubileo, aut in anno jubileum

*Quod si voluerit redimere agrum ille qui voverat, addet quintam partem æstimationis pecuniæ*, id est pretii prætaxati propter causas præhabitas, *et possidebit eum sicut et ante votum*: imo quintam hanc partem pretii addidit iste qui vovit, obtulit et redemit agrum, non solum propter rationes illas præfactas, sed item, quia ex hoc quod ipsemet agrum redemit, damnum sacerdotibus imminabat. Dum etenim alteri venundabatur, rediit in jubileo ad sacerdotes, et fuit possessio Domino consecrata, seu ejus ministris deputata. Dum vero vendebatur voventi, non ad sacerdotes revertebatur in jubileo, sed mansit ejus qui vovit atque redemit eum. Istud tangit littera sequens. *Si autem redimere noluerit agrum, qui vovit et obtulit eum, sed alteri cuilibet fuerit venundatus, ultra eum qui voverat redimere non poterit*, id est, is qui voverat agrum, non poterat eum ultra redimere, postquam alter aliquis eum emit a sacerdote: *quia quum jubilæi venerit dies*, id est tempus sive exordium, *sanctificatus erit Domino*, id est, redibit ad sacerdotes, deputatusque erit usui mi-

nistrorum templi : *et possessio consecrata*, A in templo. *Sielus viginti obolos habet*. Circa quod Lyra allegat Rabbi Salomonem, dicentem : Sielus communis, quo scilicet utebantur vulgares in suis commutationibus, erat sielo sanctuarii major, quia continebat viginti quatuor obolos. Quidam tamen affirmant oppositum, asserentes quod pondus sanctuarii fuerat respectu communis ponderis duplex. *Primogenita quæ ad*

*Si ager emptus est, et non de possessione* B *majorum sanctificatus fuerit Domino*, id est, si quis voverit Deo agrum emptum, quem non habet hereditario jure ex possessione progenitorum suorum : *supputabit sacerdos juxta annorum numerum usque ad jubileum, pretium*, id est, taxabit pretium seu valorem illius agri juxta numerum annorum qui restant a tempore C *voti facti de agro illo, usque ad proximum jubileum : et dabit pretium tale pro agri redemptione, ille qui voverat eum, Domino*. In jubileo autem revertetur ager ille ad priorem dominum qui vendiderat eum præfato voventi, qui (ut dictum est) per emptionem acquisierat agrum illum : propter quod non potuit eum tenere pro se, nisi usque ad jubileum, nec longius vendere : *et habuerat in sortem possessionis suæ*, id est, prior ille dominus seu D *possessor agri, habuit agrum illum hereditario jure ex sortium distributione*.

Circa hæc omnia ait breviter Glossa : In sequentibus, hujus scilicet capituli, verbis dicitur : Omne quod Domino consecratur, sive homo, sive animal, sive ager, redimi non poterit : nunc autem præcipit redimi domum et agrum. Sed forsitan hoc secundum diversas vendentium intentiones discernit, tanquam ibi, scilicet in votis in quibus infra prohibetur redemptio votivorum, non habuerint voventes voluntatem habendi ulterius, quod penitus consecraverunt, id est, Deo voverunt : in præcedentibus autem votis, de quibus jam mentio facta est, aliam habuerint intentionem. Verum de ista materia paulo post dicetur diffusius.

*Omnis æstimatio sielo sanctuarii ponderabitur*, id est, universus valor, omneve pretium in præfatis redemptionibus, determinabitur quantitate seu numero sielorum, quorum usus est in sanctuario seu

in templo. *Sielus viginti obolos habet*. Circa quod Lyra allegat Rabbi Salomonem, dicentem : Sielus communis, quo scilicet utebantur vulgares in suis commutationibus, erat sielo sanctuarii major, quia continebat viginti quatuor obolos. Quidam tamen affirmant oppositum, asserentes quod pondus sanctuarii fuerat respectu communis ponderis duplex. *Primogenita quæ ad* Dominum pertinent, nemo sanctificare poterit et vovere. Primogenita enim pertinebant ad Dominum ex institutione ipsius, in memoriam quod primogenita Egyptiorum pereussit. Ideo subditur : *sive hos sive oris fuerit primogenitum, Domini sunt*. Nemo autem potest Deo vovere ac libere deputare, nisi quod suum est : et rursus, ut tangit Glossa, quoniam primogenita ex divino statuto sanctificata sunt Deo. *Quod si immundum animal est*, id est inidoneum immolari ob maculam suam : *redimet qui obtulerit juxta æstimationem suam*, id est, qui animal tale præsentaverit sacerdoti ad offerendum, redimet illud secundum taxationem sui valoris, *et addet quintam partem pretii*, ob causas præhabitas. *Si redimere noluerit, vendetur alteri quantumcumque fuerit æstimatum valere*, id est pro pretio a sacerdote juxta determinato.

*Omne quod Domino consecratur, sive homo fuerit, sive animal*, id est brutum : sumitur enim genus pro specie subalterna : *sive ager, non vendet*, id est, non vendetur, *neque redimi poterit* pretio a vovente seu consecrante. Hinc subditur : *Quidquid semel consecratum, id est oblatum ac deputatum, est, sanctum sanctorum erit Domino*, id est, ad gloriam Dei manebit valde sanctum, seu divinis applicatum, nec in usum redigetur humanum. *Omnis consecratio*, id est omnis res consecrata, *quæ offertur ab homine, sive se ipsum, seu sobolem suam, aut agrum, aut brutum, aut mobilia aliqua bona voverit, et sanctificaverit Deo, non redimetur, sed morte morietur*.

Ista plena sunt difficultate. Primo enim videntur manifeste contraria præinductis



in isto capitulo in quo jam multa de talium volivorum et consecratorum redemptione sunt dicta. Denique homo non est animal immolaticium, nec Deo consecratus aut voto ei adstrictus, potest occidi. Ager quoque, et cetera inanimata quæ Deo voventur et consecrantur, interfici nequeunt, quia nec vivunt. Hinc fertur in Glossa : Secundum litteram multa obscura et insolubilia hic interposuit legislator. Veruntamen ex pramemoratis Glossæ et Petri Comestoris verbis patet aliquantula horum intelligentia atque concordia. Et rursus ex verbis Glossæ dicentis : Aliud est anathematizare, id est separare, aliud sanctificare. Quod enim anathematizatum est, in nullius usum humanum, imo nec in sacerdotis usum, reverti potest. Ideo qui de rebus Jericho aliquid furabatur, periit, quia anathematizate fuerunt : quæ autem filii Israel rapuerunt ab inimicis suis, videlicet Chananæis, cum quibus amicitiam jungere prohibiti erant, præcipiente Domino anathema fecerunt, quia videlicet de talibus rebus aliqua sponte obtulerunt, ut in libro Numerorum de rebus et personis Madian legitur factum : et talia juxta formam præscriptam, vel redimi, vel non redimi poterant.

De hoc super hunc locum diffusius scribit Lyra : Consecratio, inquit, sumitur hic pro deputatione alicujus ad cultum divinum, absque reditu ad usus communes : et tale consecratum non potuit vendi aut redimi. Juxta hoc dictum, consecratio sumitur hic magis stricte quam ante. Insuper ait, quod in Hebræo habetur hic nomen, quod designat non solum consecrationem, sed item destructionem, non qualemcumque, sed factam ad Dei honorem, quemadmodum Jericho cum suis habitatoribus fuit destructa : spolia vero urbis quæ ad divinum poterant cedere cultum, ut aurum, argentum, ferrum et æs, fuerant Domino consecrata, ita quod aliis usibus ea non licuit applicari. Consecratio autem hæc stricte sumpta, poterat esse in persona humana, vel in animali, vel in re

A inanimata : sicque quum dicitur, Morte morietur, mors æquivoce sumitur, quia homo consecratus non occidebatur, neque res inanimata. — Itaque si res Domino consecrata erat persona humana, vel erat Hebræa, vel gentilis. Si Hebræa, vel erat de tribu Levi, vel de alia. Si de tribu Levi, sic pueri poterant a parentibus Domino consecrari ad serviendum in tabernaculo Dei usque ad mortem : sicque Samuel fuit a parentibus consecratus. Sic quoque, ut videtur, Levita adultus poterat se ipsum Domino consecrare, ut in Deuteronomio habetur. Si autem persona Hebræa erat de alia tribu, non poterat taliter consecrari, quia non licuit ei accedere ad ministerium sanctuarii aut altaris : poterat tamen Domino consecrari per aliquem modum vivendi perfectiorem communibus, quemadmodum Samson per abstinentiam a cibo immundo et potu inebriativo. Si autem erat persona gentilis, utpote servus vel ancilla Hebræi, sic erat res domini sui, et per consequens eam poterat consecrare, quia erat persona serva simpliciter ad semper, non tamen consecratur ad faciendum opera Levitarum, sed ad servilia opera quædam templo et ejus ministris necessaria, sicut est cædere ligna, et portare aquas ad locum cultus divini : sicque Josue decrevit Gabaonitas esse in ministerium populi et altaris. Hoc autem modo non poterat consecrari persona Hebræa, quia non erat serva simpliciter, sed ad tempus, videlicet usque ad septimum annum, qui fuit annus remissionis, vel ad longius usque ad jubilæum, si septimo anno egredi libera recusavit. — Porro si res consecrata erat inanimata, aut erat immobilis ut ager, et tunc distinguendum : quia aut erat ager de hereditate paterna, et sic poterat Domino simpliciter consecrari, quia in jubilæo non revertebatur ad pristinum dominum, sed mansit possessio templi aut sacerdotum : si vero acquisitus fuit per emptionem, non poterat taliter consecrari, quia in jubilæo ad dominum revertebatur priorem. Si vero res consecrata fuit mobi-

Josue vii,  
1, 25.

Numeri, xxxi,  
28, 29, 30.

Josue vi,  
21, 24.

1 Reg. i, 28

Deut. xviii,  
6, 7.

Judic. xiii,  
7.

Josue ix, 27.

lis, ut aurum, argentum, æs, etc., de quibus fieri poterant sanctuarii vasa ac instrumenta; poterat Domino consecrari, nec potuit ultra ad usus alios applicari. — Quod si res consecrata fuit animal immolaticium, sine mutatione et redemptione Domino offerebatur, nisi post consecrationem suam facta esset ad immolationem inepta, antequam ad locum immolationis veniret. Et tunc interficiebatur absque venditione seu redemptione, quia non poterat aliis usibus applicari. Si autem erat animal non immolaticium, utile tamen ad ministerium templi aut sacerdotum, ut equus et asinus, mansit in obsequio sacerdotum aut templi usque ad mortem. — At vero si prætactum verbum Hebraicum sumatur hoc loco pro destructione ad Dei gloriam ordinata, talis destructio fuit implenda, aut ex sententia Dei, aut ex sententia iudicium ejus, aut ut impleretur promissio Deo facta. Si primo modo, tunc erat simpliciter inferenda tam in homines, quam in bruta. Unde filii Israel reprehendebantur, quia Chanaanæos non occiderunt; et Saul, quia pepereit peccatoribus Amalec. Si secundo modo, tunc etiam fuit infligenda, videlicet quando aliquis per iudices fuit morti adjudicatus, propter homicidium aut simile crimen. Si tertio modo, iterum erat infligenda, secundum quod legitur in Numeris, quod Israel voto se obligans Domino, ait: Si tradideris populum istum in manus meas, delebo urbes ejus. — Itaque quum dicitur, Omne quod Domino consecratur, morte morietur, mors æquivoce sumitur. Nam homines consecrati Deo, puta Levitæ, dicebantur mortui morte civili, sicut apud nos religiosi. Ager autem et res inanimatæ dicebantur mori seu mortuæ, sicut possessiones Ecclesiæ dicuntur amortizatae. Eodem modo de servis et ancillis dicendum est. Animalia vero immolaticia proprie occidebantur. Hoc quoque pensandum, quod consecratio prædictorum quandoque cessit in usum sacerdotum, interdum vero in necessaria templi, secundum quod vovens et consecrans exprimebat in consecrando.

Sequitur de decimis. *Omnes decimæ terræ, sive de frugibus*, id est bladis et fructibus, *sive de pomis*, id est fructibus arborum, sumendo pomum pro quocumque hujusmodi fructu accommo, sicut et in Mareo, fructus arboris fici, pomum vocatur: *Domini sunt*, id est, Deo sunt offerende, *et illi sanctificantur*, id est, ad sustentationem ministrantium sibi in templo deputantur ac dantur. *Si quis autem voluerit redimere decimas suas*, quas debuit immolare seu obtulit, *addet quintam partem earum*, id est, quintam partem pretii quo redimet eas, dabit ultra pretium illud principale, eadem ratione qua ita fiebat in redemptione votorum, ut dictum est. *Omniū decimarum oris et bovis et capræ, quæ sub pastoris virga transeunt*: quia a pastore diriguntur, educuntur et reducuntur eum virga, pala seu baculo pastoralis: horum itaque animalium *quidquid decimum venerit, sanctificabitur Domino*, id est, offeretur ad laudem ipsius in usum ministrorum ejusdem, sive nascendo, sive numerando decimum erat. *Non eligetur nec bonum, nec malum*, id est, pro decimo tali animali, non licebit assignare aliud melius eo, neque deterius. *Si quis mutaverit decimum animal, dando aliud pro eo; et quod mutatum est*, id est illud aliud, *et pro quo mutatum est*, utpote decimum pro quo aliud assignatur, *sanctificabitur Domino*, sicut expositum est, *et non redimetur*, juxta expositionem præhabitam.

*Hæc sunt præcepta quæ mandavit Dominus Moysi ad filios Israel*: id est, Moysi ea insinnavit et jussit, ut ea filiis Israel ex parte Dei denuntiaret atque juberet.

Præterea, circa præsens capitulum multa possent induci de voto quid sit, et de comitibus ejus, et ejus virtutis sit actus, de obligatione quoque et dispensatione ac mutatione votorum: de quibus doctores super Sententias, et in Summis suis, specialiter vero Thomas in secunda secunda, et super quartum pulchre et magistratiler scribit: sed brevitati studens, pertranseo.

<sup>1</sup> Reg. xx, 9-23.

Num. xxi. 2.

Marc. xi, 13.  
1<sup>a</sup> sec. ix, 10.

Postremo, de decimis scribit S. Thomas A. tum aliquid significavit. Nam omnia in fi- *1 Cor. x, 11.*  
in secunda secunda, quaestione 87 : Deci-  
mae in veteri Testamento dabantur ad sus-  
tentationem ministrorum Dei. Sicque prae-  
ceptum de decimis persolvendis, partim  
fuit morale, utpote naturali inditum ratio-  
ni : quoniam naturale est, ut necessaria  
vitae ministrentur a populo eis, qui pro-  
pter totius plebis salutem divino sunt cul-  
tui mancipati, quemadmodum et militibus  
dantur stipendia. Partim vero erat judicia-  
le, in quantum determinatio decimae partis  
ex divina ordinatione est instituta. Multa B  
namque instituta sunt in populo Hebrae-  
orum a Deo, ad conservandam aequalita-  
tem iustitiae inter eos. Ex hoc autem quod  
decima pars dabatur, et nunc datur, ser-  
vatur aequalitas ista iustitiae, quia mi-  
nistris templi sufficienter providetur, et  
populus non gravatur : imo qui primitias,  
oblationes et decimas fideliter solvunt, eo-  
piose et multipliciter remunerantur a Deo,  
etiam in praesenti atque in corporalibus  
bonis. Rursus, praeceptum de decimis, ex  
consequenti fuit et caerimoniale, in quan- C  
tum aliquid significavit. Nam omnia in fi-  
gura contingebant illis. Denarius namque  
perfectus est numerus, et decima ejus uni-  
tate seu parte sublata, manent novem, quae  
sunt numerus imperfectus : sicque per de-  
cimarum persolutionem significatur, quod  
ipse persolvens et offerens, recognoscit se  
imperfectionem suam a se ipso habere,  
perfectionem vero expectare a Deo, et  
eam adscribere Domino. Nunc autem deter-  
minatio ista decimae partis, quae solvi-  
tur ex instituto Ecclesiae, observatur : imo  
Ecclesia posset determinare aliam par-  
tem, sive majorem, sive minorem, esse  
solvendam, opportunitatibus personarum,  
causarum ac temporum consideratis. Por-  
ro ante legem scriptam, videlicet in lege  
naturae, ministri cultus divini non erant  
ita determinati ut modo, sed primogeniti  
erant (ut dicitur) sacerdotes : ideo non  
erat tunc determinata pars decima, sed  
unusquisque offerebat sacerdoti, prout oc-  
currebat sponte quod voluit. Hinc Jacob *Gen. xxviii,*  
legitur decimas vovisse, quia ad certam <sup>22.</sup>  
determinatamque partem non tenebatur.

## ARTICULUS LI

SPIRITUALIS INTELLIGENTIA EJUSDEM CAPITULI VICESIMI SEPTIMI.

**L**OCUTUS est Dominus : Homo qui vo-  
tum fecerit, et spoponderit Deo ani-  
mam suam, sub aestimatione dabit pre-  
tium. Vota illa legalia, imperfecta et typica,  
figurae fuerunt votorum, quae nunc in  
Ecclesia fiunt perfecte, praesertim dum  
utriusque sexus personae religionem san-  
ctam monasticam intrare promittunt, vel  
potius profitentur in ea, et solenni se voto  
adstringunt ad tria illa omni religioni sub-  
stantialia, sive ad certa quaedam. Aliqui  
quoque in saeculo ad continentiam, absti-  
nentiam, aut consimiles actus virtutum se  
voto adstringunt : estque multo laudabi-

lius talia facere ex voto, quia sic arbor cum  
fructibus Deo offertur : et idem actus ex  
pluribus virtutibus principiat, et ipsum  
votum est actus praeclarae virtutis, quae la-  
tria nuncupatur. Quemadmodum autem in  
lege quaedam vota sub redemptione cade-  
bant, et quaedam non, ita in evangelica  
lege quaedam vota dispensabilia, quaedam  
indispensabilia reputantur. Itaque homo  
qui vovit Deo animam suam, hoc est, ad  
opera supererogationis seu consiliorum im-  
pletionem, sive ad actus virtutum prae-  
cipuarum voto adstringit se, sub aestimatio-  
ne dabit pretium. Per pretium istud, quo



redimit se coram Deo a periculo et peccato A transgressionis sui voti, intelligenda est vera atque idonea sui voti impletio, quae justa aestimatione solvenda est, ut quanto quis altiora et plura promiserit, eo virtuosius vivat. Ideo subditur :

*Si fuerit masculus a vicesimo anno usque ad sexagesimum, dabit quinquaginta sictos ; si mulier, triginta.* In illa quippe aetate homo est fortior corpore, et validior mente. Vir quoque in naturalibus multo

Luc. xii, 48.

exstat perfectior muliere. Cui autem plus datum est, plus requiretur ab ipso. Per sictos autem quinquaginta, intelliguntur exercitationes virtutum cum speciali tranquillitate, et abundantia gratiae Spiritus Sancti exhibitae, qui datus est quinquagesimo die. Annus etiam quinquagesimus, fuit tempus remissionis et quietis et magnae iuconditatis. Per sictos vero triginta, tricesimus potest intelligi fructus continentiae conjugalis, vel decem praeceptorum impletio, in fide, spe, et caritate superbenedictae Trinitatis exhibitae. A quinto autem anno, etc., quia in illa aetate minor C virtutum perfectio exigitur. *Sexagenarius et ultra masculus dabit quindecim sictos ; mulier, decem :* quia in aetate senili non requiritur ab homine tantus exterior labor. Quindecim tamen sictos reddere debet, decem implendo praecepta, cum sensuum spiritualium quinque custodia, ut sit coram proximis exemplaris, et coram Deo internus seu contemplativus. Feminae magnum est si observet praecepta, nec est ad contemplationem tam idonea ut vir, nisi ex gratia speciali. *Si pauper fuerit,* D etc., hoc est, ab imperfecto, inexercitato, pusillo, rudi, et eo qui incipit, nil ultra ejus vires requiratur : sed paulatim aedificetur, informetur, enutriatur, et perficiatur. Quis enim fit subito summus, nisi quod Omnipotenti cuncta facilia sunt ? Sed ipse dona gratiae variis modis largitur.

*Animal quod immolari potest Domino, si quis voverit, sanctum erit, et mutari non poterit :* hoc est, si quis voverit aliquem actum virtutis implere, religionem

intrare, aut Christi visitare sepulcrum, per se ipsum hoc facere et implere tenetur : nec in his quae sibi possibilia sunt, substituat alium : et si substituerit, nihilo minus personaliter operetur. Hoc est contra eos, qui horas canonicas quas legere obligantur, faciunt legi per alios, putantes se excusari, quum et quotidie tot horas infructuose, imo et vitiose expendant. *Animal immundum, quod immolari Domino non potest, si quis voverit, adducetur ante sacerdotem,* etc. Per animal immundum Deo promissum, designatur opus illicitum, ad quod quis sub specie boni se obligat, qui se exponere debet sui sacerdotis seu confessoris ac praelati discretioni, et juxta illius judicium opus tale redimere, hoc est, per poenitentiam de stulta promissione, et per actum vere virtuosum se a periculo expedire.

*Homo si voverit domum suam, et sanctificaverit eam Domino,* hoc est, solem suam atque familiam, seu corporis sui motus et opera proposuerit ad Dei honorem efficaciter gubernare, et divino cultui applicare, considerare debet superior ejus, an digne hoc impleat quantum valet : et quo defectuosior in hoc fuerit comprobatus, eo major ei satisfactio imponatur : et si domesticos suos voluerit a periculo liberare, oret pro eis, et omni quo potest modo conetur eos ad salutis trahere viam. *Si agrum possessionis suae voverit et consecraverit Domino, juxta mensuram seminis aestimabitur.* Ager iste est proprium eorum semine verbi ecclestis seminatum, gratiarumque donis ornatum, et meritis fecundatum : quem vovet quis Deo, dum de omnibus bonis his firmiter statuit soli Altissimo grates et debitam servitutem rependere, a quo tanto majora ac plura exiguntur a Judice, quanto plus fuerit eruditus, gratiosiusque praeventus, et affluentius adimpletus. *Primogenita quae ad Dominum pertinent, nemo sanctificare poterit et vorere.* Primogenita sunt perfecti discipuli, qui humana sanctificatione non indigent, et ipsi Deo intime sunt conjuncti.

*Omne quod Domino consecratur, non A*  
*veniet, nec redimi poterit.* Quum igitur in  
 Baptismo, in sacrorum Ordinum suscepio-  
 ne, in sacramentali benedictione, in profes-  
 sione monastica consecrati simus Creatori  
 nostro ac Salvatore, non committamus sa-

Rom. vi, 13

crilegium detestandum, exhibendo mem-  
 bra nostra arma iniquitatis peccato, nec  
 animæ nostræ Sponso unitæ superno, dæ-  
 monum fiant adulteræ; sed in sanctitate  
 et iustitia proficientes quotidie, cum am-  
 pliori puritate et fervore obsequamur in-

1 Cor. iii,  
 16.

desinenter Domino Deo nostro. Templum B  
 etenim Dei sumus, si tamen Spiritus San-  
 ctus demoratur in nobis. Non igitur pro-  
 fanemus templum Dei altissimi: imo ut  
 bonæ oves, transeamus cum omni obe-  
 dientia sub summi Pastoris et ejus Vica-  
 rii virga. Postremo, in verbo nunc præin-  
 ducto, et in eo quod subditur, *Quidquid*  
*semel consecratum est, sanctum sancto-*  
*rum erit Domino,* quidam fundaverunt se,  
 asserentes quod nec dominus Papa possit  
 in voto solenni continentiae dispensare;  
 quod et Albertus affirmat, allegans pro C  
 se quod beatissimus evangelista Matthæus  
 noluit sanctam Iphigeniam virginem con-  
 secratam, velatam, tradere conjugem regi,

quum tamen rex ille promitteret se cum  
 omni regno suo fidem accepturum catholi-  
 cam. Hoc idem Thomas defendit in secun-  
 da secunde, quæstione 88. Verumtamen  
 super quartum Sententiarum, distinctione  
 38, dicit oppositum.

Postremo, in fine expositionis Levitici  
 dicit Glossa, et videtur esse verbum Hesychii:  
 Paulus et Barnabas aliquando dis-  
 senserunt. Nam Barnabas dixit Marcum  
 assumendum: Paulus sensit oppositum, et  
 assumpsit Silam, Barnabas Marcum. Qui in  
 tantum claruit, ut fieret unus de quatuor  
 Evangelistis. Verumtamen (salva reveren-  
 tia istud dicentis) hoc ipsum non potest  
 salvari: quoniam Marcus ille quem Barna-  
 bas secum duxit, fuit consobrinus ipsius,  
 et vocabatur Joannes, ejus mater, ut in  
 Actibus Apostolorum habetur, in Jerusalem  
 habitavit. Marcus vero unus quatuor Evan-  
 gelistarum, fuit natione Alexandrinus, et  
 specialis gloriosissimi principis Apostolo-  
 rum discipulus, qui cum ipso sacratissimo  
 Petro Romam profectus est. Deinde in Aqi-  
 legia, post hoc in Alexandria prædicavit,  
 martyriumque perpressus est. Ad laudem  
 et gloriam Omnipotentis, qui est super om-  
 nia Dens sublimis et benedictus. Amen.

Act. xv  
 37-40.

Ibid. xv, 12.





ENARRATIO  
IN LIBRUM NUMERI



## PRÆFATIO

**Q**Uæducit in numero militiam eorum, et omnes ex nomine vocat. Is. xl., 26.

De numeris, numerorumque rationibus, speciebus, proportionibus, proprietatibus atque mysteriis, non a philosophis tantum, sed a theologis quoque multa subtilia sunt conscripta. Unde et unus sapientium loentus est Deo : In numero, pondere *Sap. vi, 21* et mensura omnia constituisti. Et alter : Qui numerat multitudinem stellarum. Etenim *Ps. cxviii, 1* Domino Deo, antequam crearentur, nota sunt omnia. Hic ergo Dominator omnipotens, ejus sapientiæ non est finis, volens populum suum esse ordinate dispositum, et instar exercitus sibi subjectum, postquam populo suo tradidit legem, volensque populum suum ad legis suæ executionem procedere, jussit ut populus ille recte inter se distingueretur, loco, situ, numero, origine, auctoritate. Hinc multiplicem numerationem fieri jussit, sicut in libri hujus patebit processu : non quod ipsum omnium Creatorem, gubernatorem ac judicem numerus populi sui lateret : sed ut insinuat quod plebis suæ fidelis specialem habeat curam, et aliis numerus talis, quantum ad singulas tribus, pateret : et propter mysterium, ut infra tangetur.

Hinc liber iste Numerorum vocatur, non quod de numero, ejusque speciebus et proprietatibus, tanquam de subjecto seu genere seibili tractet, sed quia de populo Israel multipliciter numerato, facit in suo exordio mentionem. Est namque consuetudo Hebræis, libros a materiis, de quibus in exordiis suis loquuntur, intitulare. Itaque qui in triumphanti Ecclesia certum instituit numerum civium beatorum, ipse in militanti Ecclesia numerat suos, monstrans se prædeterminasse ac scire, quos et quot ad celestium civium perduetur sit thronos. Infidelium vero et reproborum, quos quasi ignorat, non legitur quod fecerit numerari eatervas, quia in illis confusa sunt omnia. De quibus et protestatur : Non est anima mea ad populum istum.

*Jer. xv, 1.*

Quod si quaeratur, cur igitur populum christianum nunquam numerari præcepit : respondetur, quod populus christianus ubique terrarum supra numerum multiplicatus est ; et tamen ut agnosceatur, quam admiranda et supernaturalis existat tanta multiplicatio populi christiani, paucitas ejus describitur in exordio primitivæ Ecclesiæ, ut quod fuerunt duodecim Apostoli, et septuaginta duo discipuli, atque turba eorum in die Pentecostes, dum Spiritum Sanctum affluentissime susceperunt, fere centum viginti : ex quibus, imo ex quorum aliquibus, per universum orbem diffusa et suscepta est fides catholica et evangelica lex, sine armis et bellis, sine artibus falsis, sine terrenis promissis et commodis. Nec impedire hoc potuit rabies tyrannorum, argumentatio philosophorum, perfidia et crudelitas Judæorum, hæreticorum vesania, imperatorum et regum renitentia furiosa, invisibilium hostium repugnatio tentatioque assidua : quoniam omnipotentia Creatoris per signa, prodigia atque miracula, per virtutes et varias Spiritus Sancti distributiones, pro sua lege ac plebe pugnavit, sicut et olim in Ægypto, in mari Rubro, in eremo et terra promissionis, pro Israelitico populo, quem extunc reliquit, quando legem Christi diffudit ac roboravit.

*Act. i, 15.*





# ENARRATIO IN LIBRUM NUMERI

HEBRAICE VAIEDABBER

IN QUO AGITUR DE NUMERATIONE, MURMURATIONEQUE  
POPULI ISRAEL, DE PROPHETIA RALAAM, DE MANSIONIBUS POPULI IN DESERTO,  
ET VICTORIA CONTRA REGES CITRA JORDANEM.

## ARTICULUS PRIMUS

EXPOSITIO LITTERALIS CAPITULI PRIMI : LOCUTUSQUE EST DOMINUS AD MOYSEN  
IN DESERTO SINAI.

**L**EGE jam data, et tempore procedendi A  
ad terram promissam instante, locutus  
est Dominus Moysi de quibusdam præam-  
bulis, puta de populi numeratione, de tri-  
buum ordinata collocatione, de tabernaculi  
dedicatione ac deportatione, de Levitarum  
separatione officiisque distinctis. Itaque,  
*Locutusque est Dominus per angelum ad  
Moysen in deserto Sinai*, hoc est in de-  
serto in quo mons Sinai situs est, et facta  
est allocutio ista, *in tabernaculo fœderis* :  
in quo scilicet tabernaculo continebantur  
tabulæ testamenti seu fœderis Dei ad po-  
pulum. Processit autem vox Dei ad Moysen  
de propitiatorio, quod erat quasi thronus  
seu sedes Dei, ut super Exodum atque Le-  
viticum frequenter est dictum. *Prima die  
mensis secundi, anno altero*, hoc est se-  
cundo, *egressionis eorum ex Ægypto*. In  
Exodo scriptum est : Mense primo anni  
secundi, in prima die mensis, collocatum  
est tabernaculum. Ex quo constat, quod  
allocutio ista facta sit per unum mensem

post tabernaculi erectionem, et infra hoc  
tempus locutus est Deus Moysi ea quæ in  
Levitico scripta sunt.

*Dicens : Tollite summam*, id est, certum  
numerus accipite, *universæ congregatio-  
nis filiorum Israel, per cognationes et do-  
mos suas et per nomina singulorum* : id  
est, totum populum istum sic numerate,  
ut primo numeretis personas cujuslibet  
tribus, dempta tamen Levitica tribu : nu-  
merum vero personarum cujuslibet tribus  
accipite, numerando personas uniuscujus-  
que familiæ ipsius tribus. In una enim  
tribu erant tot familiæ, quot erant filii  
Patriarchæ tribus illius : et quoniam Dau  
patriarcha non habuit nisi filium unum,  
non nisi una erat familia in tribu ipsius,  
ut infra habetur. Numerum quoque perso-  
narum familiæ numerate, numerando sin-  
gula familiæ supposita, sicque ex omnibus  
his sumite summam multitudinis univer-  
sorum. *Quidquid sexus est masculini a  
vicesimo anno et supra*. Non exprimit lit-

*Exod. xxv,*  
22.

*Ibid. xl. 15.*

tera, quousque illud *supra* extendebatur, A seu ad quem terminum ætatis ascendebatur in computando ab anno vicesimo. Aliqui autem putant, quod omnes viri qui vicesimum annum attigerant, numerabantur in undecim tribubus: quod nequaquam putandum est, quia subiungitur, *omnium virorum fortium ex Israel*, qui scilicet poterant ad bella procedere: quod de senibus atque decrepitis accipi nequit. Porro aliqui dicunt, quod numerabantur usque ad sexagesimum annum. Josephus vero refert, quod usque ad quinquagesimum. Et B *numerabitis eos per turmas suas, tu et Aaron; eruntque vobiscum principes tribuum ac domorum*, id est familiarum, ita quod in qualibet undecim tribuum, vel etiam duodecim tribuum: nam tribus Joseph divisa est in duas tribus, pro eo quod tribus Levi a ceteris tribubus existit separata, ut sequenti habetur capitulo: itaque in qualibet tribu numerata præfuit unus princeps, tamen sub Moyse. Deinde exprimuntur principes isti in textu, qui planus est. Adjuncti sunt autem principes isti, C quia tam in numerando quam in dirigendo præstabant præsidium Moysi. Adjuncti sunt quoque præter et ultra eos, quos ad consilium Jethro Moyses prætulit populo, hoc est præter tribunos, centuriones, quinquagenarios, et decanos, prout ex verbis B. Augustini probatur in Glossa.

Denique in isto capitulo sumuntur tribus, cognatio, et generatio pro eodem: familia quoque et domus. Interdum tamen inter domum et familiam insinuat distinetio, ut quum in isto capitulo legitur, D *Reeentes, id est numerantes, eos per cognationes et domos ac familias*. Aliquando vero sic scriptum est in hoc ipso capitulo, *Per generationes et familias ac domos suas*. Unde dicendum videtur, quod familia quandoque accipitur prout plura includit quam domus. Nonnunquam fit e converso, imo frequenter omnia ista pro eodem accipiuntur. In translatione vero Septuaginta interpretum, sic habetur: In descriptione numerationis cujuslibet tri-

bus secundum propinquitates eorum, secundum populum eorum, secundum domos familiarum eorum, secundum capita eorum, secundum numerum nominum eorum. Insuper, quoniam Deus de populo Israel sæpe testatus est, Eritis mihi in peculium: et rursus, Elegit te Dominus ut sis ei populus peculiaris: ideo sicut quis frequenter numerat peculium suum quod amat, sic Deus populum istum in hoc libro describitur bis ac pluribus modis enumerasse. In Exodo quoque summa populi E *hujus sæpius est descripta, et item in Genesi*: utpote cum quot personis Jacob intravit Ægyptum, quanta existit multitudo exeuntium de Ægypto. Exod. xix, 5.  
Deut. xii, 6.  
Exod. xii, 37.  
Gen. xlvii, 26.

Littera demum descriptionis numeri tribuum, plana est, nisi quod de numeratione tribus Dan, sic legitur: *De filiis Dan, per generationes et familias ac domos cognationum suarum recensiti*, id est numerati sunt, etc. Jam quippe præhabitu est, quod Dan non habuit nisi unicum filium, et quod una dumtaxat familia ab ipso descendit: quorum primum patet ex eo quod in Genesi habetur, Filii Dan, Husim, ubi plurale pro singulari accipitur, utpote Filii pro Filius: secundum vero, ex hoc quod infra in isto narratur volumine: Filii Dan, Subham. Omnes fuerunt Subamitæ: sicque qui in Genesi dicitur Husim, in libro Numerorum vocatur Subham. Quæ quum ita se habeant, quomodo nunc de numeratione tribus Dan fertur, *Per generationes et familias ac domos cognationum suarum*? Responderi potest juxta nunc tacta, quod sumitur plurale pro singulari, vel cognationes et familiæ ac domus istæ computantur non ab immediatis filiis Dan, sed ab his qui de immediato ejus filio nunc expresso, descenderunt.

*Fueruntque omnes simul filii Israel per domos et familias suas*, id est, personas domorum ac familiarum pariter computando, a vicesimo anno et supra, qui poterant ad bella procedere, sexcenta tria millia, id est sexcenta millia et tria millia, virorum, quingenti quinquaginta. In Exodo

Exod. xix, 5.  
Deut. xii, 6.

Exod. xii, 37.

Gen. xlvii, 26.

Ibid. 23.

Num. xxxi, 42, 43.



*Erod.* xvi. scriptum est : Profecti sunt filii Israel de  
 47. Ramesse in Socoth sexcenta fere millia pe-  
 ditum virorum, absque mulieribus et par-  
 vulis : quomodo ergo potuerunt jam post  
 unum annum et mensem unum esse tam  
 multi, ut dictum est, præsertim quia quos  
 interim genuerunt, non sunt annumerati ?  
 Dicendum videtur, quod infra hoc tempus  
 multi ad virilem pervenerunt ætatem, qui  
 ante nondum erant viginti annorum.

*Locutusque est Dominus ad Moysen, dicens: Tribum Levi noli numerare. Quid*  
*Num. m, 10.* *est hoc, quum infra legatur. Locutus est Dominus ad Moysen, Numera filios Levi per domos patrum suorum? Et respondendum, quod Dominus nunc prohibet filios Levi numerari inter alias tribus, et eo modo quo aliæ tribus sunt numeratæ, videlicet a vicesimo anno et supra. Tertio autem capitulo præcipit eos numerari seorsum specialique modo, puta ab uno mense et supra, prout infra dicitur. Ex his etiam innotescit dignitas sacerdotalis. Neque ponas summam eorum cum filiis Israel, id est cum multitudo populari, cui debet præesse. Cæterus namque sacerdotalis, a plebeia concione debet conversatione et loco distingui, ut aliis in exemplum ponatur, et Deo vicinius appropinquet ac vacet. Sed constitues eos super tabernaculum testimonii, et cuncta vasa ejus, et quidquid ad caerimonias pertinet. Super non dicit hic situm, sed curam, provisionem, obsequium, quemadmodum Pharaon dixit ad Joseph: Tu eris super domum meam. Itaque, Constitues eos super tabernaculum et super vasa et super omnia quæ ad caerimonias pertinent, id est super sacrificia et cetera caerimonialia, ut omnium horum curam, provisionem, ac ministerium habeant, prout infra copiose habetur. Unde mox subditur: Ipsi portabunt tabernaculum in profectione et mutatione locorum, et omnia utensilia ejus, vasa et instrumenta cultus divini: et erunt in ministerio sanctuarii, ac per gyrum tabernaculi metabuntur, id est, tentoria sua ligent in circuitu tabernaculi, propinquius quam aliæ tribus.*

quæ etiam in tabernaculi gyro sua statuerunt tentoria. *Quumque proficiscendum fuerit*, hoc est, dum nube procedente populus motum nubis sequetur, *deponent*, id est, a suo loco removebunt, et secum ferent *Levite tabernaculum*; *quum castra metanda*, id est, dum nube alicubi quiescente tentoria fuerint figenda, *erigent*, id est, tabernaculum in altum figent ipsi Levitæ.

*Quisquis externorum accesserit*, hoc est, quicumque qui non est de tribu Levi, usurpaverit sibi officium Levitarum circa sanetuarium Dei, *occidetur* morte, id est, secundum legem mori meretur, vel a Deo plagabitur, aut sententialiter dijudicabitur: ideo Ozias rex thurificare præsumpsit, percussus est lepra. Gedeoni quoque et domni ejus factum est in ruinam, quod se de sacerdotali officio plus quam licuit, intromisit. Septuaginta transtulerunt: Alienigena qui accesserit, moriatur. In quibus verbis alienigena improprie sumitur, utpote non pro gentili, sed pro Hebræo non C Levita, ut Augustinus testatur.

*Metabuntur autem, hoc est figent, castra filii Israel, unusquisque per turmas suas et cuneos atque exercitum suum, id est unusquisque in loco suae tribui et tribus suae exercitui deputando, ut infra describitur. Porro Levitae per gyrum tabernaculi figent tentoria, sicut expositum est, ne fiat indignatio super multitudinem filiorum Israel, id est, ne ex inordinata Levitarum dispositione et inobedientia alii scandalizentur, et pereuti mereantur. Interdum quippe tota communitas temporaliter corporaliterque punitur pro peccato partis suae, in quantum omnes sunt quodammodo unum. Ad Levitas quoque pertinebat orare pro populo, et Deum eis reconciliare: ideo si et Levitae peccassent, potuisset populus indignationem Dei facilius gravinsque incurrere. Ex scandalosa etiam spiritualium personarum dispositione et vita, populares cito labuntur, et illorum peccata in se mutuo redundare videntur, ac variis modis communicant sibi in vi-*

II Par.  
xxvi, 16-19.  
Judic. viii,  
27.

Num. iv,  
20.

tiis : sicque directe aut occasionaliter ex A peccato unius, indignatio super alios venit. *Et excubabunt in custodiis tabernaculi testimonii* : hoc est, Levitæ vigiles et intenti erunt circa ea, quæ ad tabernaculi observantias, cultum, honorem, tuitionemque pertinent.

Præterea, sicut non solum in populo christiano, sed et gentili tres status consistunt, videlicet conjugatorum seu popularium, qui in urbanos et agricolas seu rusticos dividuntur : et militarium, qui tumentur rem publicam ense et armis ; ac B sacerdotalium seu spiritualium, qui circa divina intenti sunt, et causam populi eoram Domino gerunt : ita in populo Indeorum fuerunt hi status. Verumtamen in deserto non fuit in eis ordo agricolarum, quia  
*Exod. xvi.*  
 4. de cælo consequebantur annonam. Sed alii status fuerunt in eis ibidem. Ideo post-

quam in libro Levitico, de pertinentibus *Lev. viii,*  
*ix, x.* ad sacerdotes et ministros templi tractatum est, nunc in hujus principio libri de concernentibus militarem statum fit sermo. Hinc Josephus materiam libri hujus præhabitam, sic inducit : Moyses prædictam legum constitutionem in Sinai a Deo accepit, et eam Hebræis tradidit scriptam : quinque circa legislationem ista putaret sufficere, ad militaris exercitii jura conversus est, numeravitque capita populorum pugnare valentium, et super hoc Dominum asserit sibi esse locutum.

Postremo Magister in historiis addit : Moyses prætermittit hic quædam, quæ facta fuerunt in primo mense anni secundi, videlicet oblationem duodecim principum in dedicatione sanctuarii, et solennitatem *Num. vii,*  
*ix, xiii.* Phase, et forsitan de sanctificatione Levitarum, de quibus infra.

## ARTICULUS II

### DE SPIRITUALI HUIUS CAPITULI PRIMI SENSU.

NON caret mysterio, quod Dominus data C lege suum jussit populum numerari, et eos dumtaxat in numero computari, qui ætate et robore apti erant ad bella procedere. Per hæc quippe signatur, quod domesticorum legis ac fidei specialem curam et providentiam habeat Deus : et item quod talibus acriora instant certamina ab invisibilibus inimicis, contra quos efficaciter præliari non competit, nisi confortatis a Deo per charismata gratiarum. Tunc quoque facta est numeratio ista virorum ad bella idoneorum, quando ad terram promissionis mox profecturi erant Israelitæ a Sinai monte : ad figurandum quod ad spiritualem virtutum profectum, quo ad terram viventium finaliter repromissam itur ac pervenitur, non exstat idoneus, nisi qui ad dominandum suo animo est robustus,

qui fortis est ad crucifigendum corpus *Galat. v,*  
 24. suum cum vitiis ac concupiscentiis, qui per sæculum istud nequam, tanquam per solitudinem pergit, renuens in his quæ *Ps. lxxvi, 3.* mundi sunt consolari : qui puerilem exitum sensum, et omnem femineam abjicit levitatem, nec impietatis iugo subdi se patitur, neque barbarica crudelitate decerpitur : ad quod insinuandum, nec pueri, nec mulieres, nec servi, nec senes, nec barbari sunt numerati. Illi igitur in cælesti Jerusalem in prædestinatione divina, in libro vitæ sunt scripti, qui taliter viri sunt, atque a vitiis præactis immunes. Hinc loquitur Origenes : Divino numero non omnes condigni sunt, sed certis prærogativis ornati. Idecirco in libro hoc, nec mulieres educuntur ad numerum, propter infirmitatem femineam : nec servi, tanquam vita mori-

busque degeneres : neque Aegyptii Israelitis admixti, nec alienigenae, nec etiam barbari.

Insuper, Deus creator universa et singula distinctissime sciens, qui unico verbo celerime poterat Moysen, et per Moysen alios certificare de numero Israeliticorum virorum ad bella dispositorum, jussit numerationem hanc fieri per Moysen : nec tantum per eum, sed et per Aaron fratrem ejus, et per duodecim nobilissimos principes duodecim tribuum Israel : ad insinuandum, quod praelati et principes, tam superiores quam minores, debent sibi commissos diligentissime considerare, pusillos a fortibus, effeminatos a virilibus, vitiosos a virtuosis discernere, et unicuique secundum quod capax est, indigensque consistit, prospicere, verbum salutis impendere, ad meliora provehere, virtuosiores quoque in auxilium cooperatores sibi assumere, ad defendendum imperfectos ac labiles ab impugnationibus vitiorum ac demonum.

Praeterea, per Moysen legislatorem ac duce[m] Israeliticæ plebis, Christus unigenitus Patris, rex et legifer noster designatur, qui proprio ore testatur : Ego scio quos elegerim, quorum non solum personas, sed et capillos perhibet numeratos a Patre. Per Aaron vero princeps Apostolorum beatissimus Petrus accipitur, quem sibi Dominus et Salvator in primum et summum cooperatorem assumpsit : Pasee, inquit, oves meas. Et rursus : Tu aliquando conversus, confirma fratres tuos. Per duodecim nobilissimos principes, ceteri duodecim Apostoli, Paulo connumerato, intelliguntur. Hi omnes vigilantissime consideraverunt vultus pecorum, utpote subditorum, et viros virtutum voluerunt ad spiritualia bella jugiter esse accinctos : imo eos qui tales non erant, prædicando, orando, atque sanctis-

simè conversando, sed et miracula perpetrando, tales fecerunt. Verumtamen præinducta non sunt ita intelligenda, quasi omnes illi Israelitae qui numerabantur, fuerint virtuosissimi, melioresque illis qui non computabantur ; sed figuralis ratio in illis est observata, quatenus si inter electos Dei cupimus numerari, non cessemus conari pro assiduo incremento virtutum, pro constantia in adversis, pro victoria in omni tentatione. Sicque in omnibus coram Deo sumus solliciti, timorati et fructuosi.

*Locutusque est Dominus ad Moysen : Tribum Levi noli numerare.* Per hoc præfiguratum est evidenter, quod sacerdotes, religiosos et clericos, omnesque in sacris Ordinibus constitutos, oporteat præceteris in Ecclesia Dei omni sanctitate et exemplaritate fulgere, quemadmodum præminent ordinis dignitate, religionisque consecratione : qui ecclesiam cum omni reverentia debent intrare, custodire, tueri, et sacra vasa ac divini obsequii instrumenta mundis manibus contrectare : sicque populum christianum opere et sermone, directione et sollicitudine indesinenter præcedere, nec sæcularibus commisceri. Hinc Rabanus contestatur : In tribu Levi sacerdotalis ordo signatur, qui super tabernaculum testimonii, id est supra Ecclesiam, in qua testamenta Dei sunt condita, constituitur, ut curam gerat fidelium, et omnia vasa, id est fideles ad Dei cultum electi, sine errore, vitiorumque sorde permaneant. Ille ordo procurare debet quidquid ad caerimonias pertinet legis, quia ipsius est populum informare, qualiter secundum legem Dei ordinate et honeste in ecclesia conversetur. Ille ordo tabernaculum portat et utensilia ejus, quoniam sacerdotes compatiendo, infirmorumque mores tolerando, et consolando pusillos, quasi humeris patientiæ ac laboris portant Ecclesiam.

Is. LVIII,  
22.  
Joann. XIII,  
18.

Luc. XII, 7.

Matth. XVI,  
17-19.

Joann. XXI,  
17.  
Luc. XXII,  
32.

Prov. XXVII,  
23.



## ARTICULUS III

DECLARATIO LITTERALIS CAPITULI SECUNDI : LOCUTUSQUE EST DOMINUS AD MOYSEN.

**R**ECITATA tribuum enumeratione, nunc A enarratur numeratorum coordinatio, quantum ad situm et motum. *Locutusque est Dominus ad Moysen et Aaron, dicens: Singuli per turmas suas, signa atque vexilla et ducum agnationum suarum, castrametabuntur filii Israel, per gyrum tabernaculi foederis.* Illucensque haeret littera et condeperdet constructio seu ordo verborum, et est sensus: Singuli filiorum Israel figent tentoria sua, seu unusquisque vir aut paterfamilias numeratus, statuet suum papilionem in turma suae tribus, ha- B hente signum atque vexillum sibi deputata. Solent namque pugnatore in sentis seu vestimentis habere signaculum, quo discernantur ab aliis. Vexilla vero deferuntur in hastilibus elevata, quorum vexillorum intuitu et praecessu dirigitur atque ad praelium excitatur et confortatur exercitus. Sic itaque metabuntur seu figent tentoria per gyrum tabernaculi foederis. Voluit quippe Dominus, ut tabernaculum in medio castrorum semper consisteret, ad designandum quod ipse dignanter esset in C medio populi sui, atque ut tota plebs vere monstraret se esse paratam usque ad sanguinem pro defensione legis Dei sibi datae et tabernaculi ejus.

*Ad orientem, id est in orientali plaga respectu tabernaculi, Judas, utpote tribus Juda, quae ceteris principalior, numerosior, atque potentior fuit, figet tentoria per turmas exercitus sui: quoniam in totali illo exercitu Judae fuerunt plures turmae particulares familiarum suarum. Iuxta enim castrametati sunt nati de tribu Issachar, D etc. In tribu Zabulon princeps fuit Eliab filius Helon, etc. Haec duae tribus junctae fuerunt tribui Judae in quiescendo ac pro-*

*cedendo, et qualibet harum per aliquantam distantiam exstitit separata ab aliis: sed tres tribus sic junctae, multum distabant ab aliis turmarum ternariis. Porro Judas, Issachar et Zabulon, fuerunt fratres uterini, nati de Jacob ex Lia, ejus quartus filius fuit Judas, quintus Issachar, sextus Zabulon. Deinde in textu qui difficultatem non habet, describitur, quod tribus Ruben cum adjunctis sibi tribubus Simeonis et Gad, castra fixerunt ad tabernaculi plagam meridionalem. Erantque Ruben et Simeon filii Jacob ex Lia: Gad autem fuit filius Jacob ex Zelpha Liae ancilla. Ad occidentem castra fixerunt filii Ephraim et Manassae ac Benjamin. Nempe (ut dictum est) tribus Joseph in duas divisa est tribus, videlicet in tribum Ephraim et tribum Manassae filiorum Joseph. Benjamin autem, sicut et Joseph, fuit natus Rachelis. In parte aquilonari sita fuerunt tentoria tribus Dan filii Bala, quae fuit Rachelis ancilla. Cui tribui junctae fuerunt tribus Aser filii Jacob ex Zelpha, et tribus Nephthali filii Jacob ex Bala.*

*Levitae autem non sunt numerati inter filios Israel, ob causam praehabitam, quia occupati erant circa altiora, scilicet circa divina. Unde ut dicitur, non tenebantur ire ad praelia ad pugnandum: poterant tamen pugnare pro causa justa, ut patet de Jonatha et Simone fratribus Machabaei. Aliqui quoque tenebantur exire tempore pugnae ad populum exhortandum, ut in Deuteronomio legitur. Circa haec scribit Lyra: Aliam causam assignat Rabbi Salomon, cur Levitae non fuerunt inter alios filios Israel numerati, quia sententia mortis fuit a Deo praevisa super omnes bellatores hic numeratos, cui sententiae noluit Dominus subja-*

*Gen. xxiv, 35; xxx, 17-20.*

*1 Mach. v, 17 et seq.: x, 74.*

*Deut. xx, 2.*

eere Levitas, quoniam non peccaverunt in adoratione aurei vituli, saltem pro parte majori. Contra quod scribit Rabbi Paulus, dicendo : Sententia lata contra murmuratores tempore exploratorum, fuit præcise contra illos, qui fuerunt numerati a vicesimo anno et ultra : in quo manifeste excludebantur Levitæ, qui a tricesimo anno, vel ab uno mense sunt numerati, ut infra habetur.

Insuper circa illud, Per signa atque vexilla, recitat Lyra : Dicunt quidam Hebræi, quod vexillum cuiuslibet tribus fuit simile in colore lapidi posito in rationali, in quo sculptum erat nomen sui Patriarchæ, ita quod vexillum tribus Ruben fuit rubei coloris, quemadmodum sardius, in quo sculptum fuit nomen Ruben. Quocirca Rabbi Paulus adjungit : Secundum antiquos Hebræorum expositores, signa vexillorum quatuor tribuum harum, quibus junctæ sunt aliæ tribus, fuerunt hæc : In vexillo Ruben fuit figura hominis, quoniam Jacob dixit de eo : Ruben primogenitus meus. In vexillo Judæ fuit leo, quia de Juda dixerat Jacob : Catulus leonis Juda. In vexillo Ephraim fuit figura tauri, eni Moyses eum assimilavit in Deuteronomio : Quasi primogeniti tauri pulchritudo ejus. In vexillo Dan, fuit figura aquilæ. Nam Jacob assimilaverat eum colubro, quod non est animal pulchrum ad ponendum in vexillo. Moyses vero assimilavit eum catulo leonis in Deuteronomio, dicens : Dan catulus leonis : quod signum pertinebat ad Judam. Ideo dicunt, quod data sit aquila pro signo, conformiter ad quartum animal, de quo in Ezechiele legitur, quatenus in istis vexillis figurarentur quatuor animalia illa. Sed huic ultimo dicto, de causa ob quam data dicitur aquila tribui Dan pro signo,

videtur ordo historiae obviare, quoniam deportatio et insignitio vexillorum istorum diu præcessit comparisonem, de qua in Deuteronomio legitur Moyses ipsum Dan catulo comparasse leonis.

*Deut XXXII*  
22.

Præterea, circa præfatam tribuum dispositionem, Josephus et Magister in historiis dicunt : Ternæ tribus per quatuor partes tabernaculi excubabant, ita tamen remote ab invicem, ut maximam in medio plateam haberent. Erantque ornatus castrorum, quasi forum rerum venalium, singulis in ordine constitutis. Opifices artium mechanicarum in stationibus suis, id est in fenestris et officinis fuerunt, ita ut urbi adificatæ castra eorum simillima viderentur. Porro inter tabernaculum et castra excubabant Levitæ in tabernaculis suis, propinquiores tabernaculo quam castris : et excubabant similiter per quatuor plagas, videlicet Moyses et Aaron cum suis ad orientem, reliqui Caathitæ ad meridiem sub custodia Eleazari filii Aaron : Gersonitæ ad occidentem, Meraritæ ad septentrionem, et erant utrique sub custodia Ithamar. Hæc in Scholastica historia.

Postremo quæri potest, cur præfatæ quatuor tribus fuerunt principales in quatuor illis ordinibus, ita quod eis adjunctæ sunt ceteræ, utpote duæ cuilibet earum. Responderi potest, quod tribus Juda fuit una et prima ob multiplicem eminentiam suam prætactam, et quoniam Jacob prophetavit ex ea Christum et reges nascituros. Tribus Ruben, quoniam Ruben primogenitus erat, quamvis primogenitura sua fuit privatus. Tribus Ephraim, quoniam Jacob prætulerat ipsum Ephraim Manassæ. Tribus Dan, quoniam fortior et populosior fuit tribus sibi adjunctis : erat quoque Dan primogenitus Balæ.

*Gen. XLIX,*  
10.

*Ibid.* 3.

*Ibid. XLIX,*  
20.

*Num. IX, 3,*  
III, 40.

*Gen. XLIX, 3,*

*Ibid.* 9.

*Deut XXXII,*  
17.

*Gen. XLIX,*  
17.

*Deut XXXII,*  
22.

*Ezech. I,*  
11.

## ARTICULUS IV

DE SPIRITUALI EJUSDEM CAPITULI SECUNDI INTELLECTU.

**L**OCUTUS est Dominus : Singuli per A istas virtutes (utendo extense nomine virtutis) sunt tres virtutes theologicæ, septemque dona Spiritus Sancti, gratia gratum faciens, et gratia sacramentalis, si tamen ab invicem distinguantur : vel certe duodecim fructus Spiritus. Porro oriens Ecclesiæ est vel Christus, de quo Zacharias. Ecce, inquit, vir. Oriens nomen ejus : vel fides, per quam primo illuminatur a Sole sapientiæ ; vel respectus ad gratiam gratificantem, vel status incipientium. Meridies Ecclesiæ est prosperitas, vel ardor sancti amoris, vel affluentia supernorum charismatum, seu proficientium status. Occidens est mors salubris, coram Domino pretiosa, vel finis mundi, vel status perfectorum, in quantum in eo finitur profectus omnis vitæ præsentis. Aquilo est adversitas, temptationum duritia, refrigescencia caritatis. In quolibet horum quatuor multi morantur. At vero per quadripartitam duodecim tribuum divisionem, vel quatuor Evangelia, vel quatuor virtutes cardinales, vel quatuor principales partes mundi ad Christum conversæ intelliguntur, quæ omnes ad Christum et ejus Ecclesiam respexerunt. Per hoc quoque, quod in qualibet parte quaternarii illius erant tres tribus, significatur, quod fides superbenedictæ Trinitatis ubique terrarum in sancta Ecclesia concorditer est suscepta.

istæ virtutes (utendo extense nomine virtutis) sunt tres virtutes theologicæ, septemque dona Spiritus Sancti, gratia gratum faciens, et gratia sacramentalis, si tamen ab invicem distinguantur : vel certe duodecim fructus Spiritus. Porro oriens Ecclesiæ est vel Christus, de quo Zacharias. Ecce, inquit, vir. Oriens nomen ejus : vel fides, per quam primo illuminatur a Sole sapientiæ ; vel respectus ad gratiam gratificantem, vel status incipientium. Meridies Ecclesiæ est prosperitas, vel ardor sancti amoris, vel affluentia supernorum charismatum, seu proficientium status. Occidens est mors salubris, coram Domino pretiosa, vel finis mundi, vel status perfectorum, in quantum in eo finitur profectus omnis vitæ præsentis. Aquilo est adversitas, temptationum duritia, refrigescencia caritatis. In quolibet horum quatuor multi morantur. At vero per quadripartitam duodecim tribuum divisionem, vel quatuor Evangelia, vel quatuor virtutes cardinales, vel quatuor principales partes mundi ad Christum conversæ intelliguntur, quæ omnes ad Christum et ejus Ecclesiam respexerunt. Per hoc quoque, quod in qualibet parte quaternarii illius erant tres tribus, significatur, quod fides superbenedictæ Trinitatis ubique terrarum in sancta Ecclesia concorditer est suscepta.

*Ad orientem Judas figet tentoria.* Tabernaculum istud, ut tactum est, designat Ecclesiam, seu quancumque congregationem devotam, seu animam solidam, justam, catholicam. In gyro Ecclesiæ principes, id est duodecim Apostoli, sua fixerunt tentoria, id est stationes ac mansiones, ad muniendum et confortandum Ecclesiam. Animam vero justî duodecim virtutes morales decorant ac protegunt ; vel duodecim

Rom. xiii, 1.

I Cor. xiv, 10.

Is. xi, 2, 3.

Galat. v, 22, 23.

Zach. vi, 12.

Ps. cxv, 15.

D



retributionis aeternae, ut omnis vana con-  
temnatur intentio, nec propter laudem hu-  
manam aliquid fiat. Issachar namque, vir  
mercedis interpretatur. Et Zabulon, id est  
firma in Deo stabilitas, ne mens in bonis

A distrahatur a Domino. Zabulon quippe, ha-  
bitaculum fortitudinis dicitur. Conformi-  
ter per alia Patriarcharum nomina, se-  
cundum variam eorum interpretationem,  
diversae intelliguntur virtutes.

## ARTICULUS V

EXPLANATIO LITTERALIS CAPITULI TERTII : HÆ SUNT GENERATIONES AARON ET MOYSIS.

**N**UMERATIO, dispositio et proprietates  
aliquæ Levitarum, nunc describuntur.  
*Hæ sunt generationes Aaron et Moysis.*  
Nominatur hic Aaron ante Moysen, quo-  
niam senior erat, et propter pontificii di-  
gnitatem. Frequentius tamen dum pariter  
recitantur, Moyses ante exprimitur, quia  
simpliciter major fuit et sanctior. *In die*  
*qua locutus est Dominus ad Moysen* : non  
quod in die seu tempore illo genuerint,  
sed quia tunc habuerunt generationes seu  
filios generatos. *In monte Sinai.* Nam ante  
tabernaculi constructionem et erectionem  
Dominus ad Moysen loquebatur communi-  
ter in vertice montis illius : tabernaculo  
autem erecto, in ipso tabernaculo.

*Et hæc sunt nomina filiorum Aaron :*  
*Primogenitus ejus Nadab, deinde Abiu et*  
*Eleazar et Ithamar. Hæc nomina filiorum*  
*Aaron sacerdotum qui uncti sunt, id est*  
*consecrati in sacerdotes, et quorum reple-*  
*tæ et consecratæ sunt manus, ut sacerdotio*  
*fungerentur.* Qualiter intelligendum sit istud,  
et qualiter filii Aaron dicantur uncti et  
consecrati, et repletæ seu initiatæ manus  
eorum ad fungendum sacerdotio, clare ex-  
pressum est in Exodo et Levitico quoque.  
Breviter tamen repetendo, dicunt nonnulli  
quod solus pontifex ungebatur oleo sancto  
in capite ac manibus, inferiores autem sa-  
cerdotes in manibus tantum : et hoc textus  
videtur interdum innuere, sicut et isto in  
loco. Alii dicunt quod non ungebantur oleo  
puro, sed quadam confectione ex oleo et

B sanguine sacrificii facta : quod item unctio  
illa non fuit nisi adpersio, qua ipsi et  
vestes eorum adspergebantur hujusmodi  
commixtione. Sed secundum hoc non ap-  
paret, cur manus eorum dicantur speciali-  
ter consecratæ, nisi forte quod ideo, quo-  
niam mixtura illa ex adpersione, tetigerit  
nudas eorum manus. Vel ideo dicuntur  
manus eorum repletæ et consecratæ, quia  
in eorum consecratione pontifex posuit  
quasdam sacrificiorum materias super ma-  
nus eorum, per quod dedit eis auctoritatem  
sacrificandi, prout super Exodum expo-  
situm est. Nec aliter poterant sacerdotali  
officio legitime uti.

*Locutusque est Dominus ad Moysen :*  
*Applica tribum Levi, id est, ab aliis divi-*  
*de eam, et coram Aaron ipsam presenta.*  
Ideo subditur : *et fac stare in conspectu*  
*Aaron sacerdotis, ut ministrent ei* tanquam  
pontifici, prosequendo inferiora obsequia,  
*et crebrent, id est, vigilanter intenti sint*  
die ac nocte tempore opportuno. Videtur  
autem B. Augustinus sentire, quod Exen-  
bare hic accipiatur proprie, utpote pro  
nocturna vigilatione quæ certis horis fit  
in castris pro custoditione exercitus, quasi  
Levitæ putaverint, vel ne putarent, se esse  
debere immunes a vigiliis talibus propter  
honorem quo in tabernaculo serviebant,  
præsertim quum et eos oporteret vicissim  
servare propter opera tabernaculi vigilias  
tales, quales observabantur circumquaque  
in aliis castris. *Et observent quidquid ad*

*Exod. xxix,*  
*21.*

*Exod. xxix,*  
*Lev. viii.*

*cultum pertinet multitudinis*, id est, ea quæ pro communi populo Israel erant agenda in hostiis et oblationibus, exsequantur ex parte communitatis, et pro prosperitate ac salute universorum secundum regulam officii Levitis præfixam. *coram tabernaculo testimonii*, id est in atrio in quo Levitæ tale officium exereuerunt communiter: *et custodiant vasa tabernaculi*, id est instrumenta cultus divini eis commissa, ut infra dicitur, *servientes in ministerio ejus*, id est Deo obsequentes in his quæ in tabernaculo ac atrio fiunt.

Num. iv, 5  
et seq.

*Dabisque dono Levitas Aaron et filiis ejus*, id est, Levitas assignabis gratuito ac subdes pontifici et sacerdotibus aliis, *quibus traditi sunt a filiis Israel*, id est, ex parte filiorum Israel, et pro ipsis dati et assignati ac subditi sunt Levitæ pontifici ac sacerdotibus. Siquidem pro tota communitate divino sunt cultui deputati. *Aaron autem et filios ejus constitues super cultum sacerdotii*, id est, eorum executionem quæ ad summum sacerdotem, inferioresque sacerdotes pertinent, eis committes. Istud enim jam existit factum in consecratione ipsorum. *Externus*, utpote de stirpe Levitica non existens, *qui accesserit ad ministrandum*, id est ad faciendum Leviticum aut sacerdotale officium, *moriatur*, sicut in expositione primi capituli dictum est.

*Locutusque est Dominus ad Moysen, dicens: Ego tui Levitas a filiis Israel*, id est, tribum Levi elegi et assumpsi ad ministerium meum in sanctuario, *pro omni primogenito qui aperit vulvam in filiis Israel*, id est pro primis filiis Israelitarum exeuntibus uterum maternum ante ceteram prolem: *eruntque Levitæ mei*, id est meo cultui specialiter deputati. *Meum est enim omne primogenitum*, id est mihi specialiter consecratum seu consecrandum ex mei ipsius statuto, in commemorationem et gratiarum actionem, quod primogenita Israelitarum non tetigi, sed salvavi quando Ægyptiorum primogenita interfeci. Ideo subditur: *Ex quo percussi primogenitos*

Exod. xxii,  
23.

*A in terra Ægypti, sanctificavi*, id est, offerendum et deputandum mihi institui, *quidquid primum nascitur in Israel, ab homine usque ad pecus inclusive, mei sunt*, præsertim quia primitiæ ejuslibet fructus Deo debentur.

*Locutusque est Dominus ad Moysen, dicens: Numera filios Levi per domos patrum suorum et familias*, id est, numerando eos qui descenderunt ex semine Levi per tres filios ejus, videlicet Caath, Gerson et Merari, quorum filii vocantur tres domus: numerando quoque natos ex posteris illis, qui fecerunt multas familias: sieque domus, ut hic sumitur, includit familiam, quemadmodum tribus domum. Possunt tamen nunc accipi pro eodem, quia et infra posteritas ejuslibet filiorum Levi, vocatur familia, quum dicitur: *Caath a quo familia Caathitarum. Omne masculinum* \* *ab uno mense et supra*. Primogeniti namque aliarum tribuum, pro quibus isti commutabantur, offerebantur in templo, dum erant unius mensis et paulo plus, scilicet quadragesimo die a sua natalitate. *Numeravit Moyses ut præceperat Dominus*, etc.

Num. xxvi,  
57.

\* Omnem  
masculum

*Filius Gerson*, qui erat filius Levi patriarchæ, fuerunt *Lebni et Semei*, de quibus natæ sunt duæ familiæ, et continebant septem millia quingentos. *Ii post tabernaculum castrametabuntur ad occidentem. Et habebunt excubias*, id est vigilantem custodiam, *in tabernaculo foderis*, exercendo ibidem suum officium, diligenter custodiendo ipsum tabernaculum et operimentum ejus, imo operimenta, quorum unum fuit de sagis cilicinis, secundum de pellibus arietum rubricatis, tertium de pellibus hyacinthinis: *tentorium*, id est velum, *quod trahitur ante fores tecti foderis*, id est sanctuarii, ejus tectum fuit planities, et operiebatur præfato triplici operimento: *tentorium quoque, quod appenditur in introitu atrii tabernaculi*, id est velum quod ante januam seu aditum atrii pependit: unde alia littera habet, *Velum ostii atrii: et quidquid ad ritum*

Exod.  
xxxviii, 18.

*altaris pertinet*, id est ad observantias eorum officio deputatas circa altare holocaustorum, quod stetit in atrio; *funes tabernaculi et omnia utensilia ejus*. Circa hæc enim obsequium quoddam habebant per modum qui infra tangetur: præsertim si per tabernaculum, atrium tabernaculi intelligatur, ut ante frequenter est factum. Ideo reprobatio ejusdam hoc loco non prævalet.

Sequitur de domo Levitarum secunda. *Cognatio Caath*, id est progenies totalis descendens de Caath filio Levi, *habebit populos*, id est quatuor familias, utpote *Amramitas et Jesaaritas et Hebronitas et Ozielitas*. Hæ quatuor familie natæ sunt ex quatuor filiis Caath, puta ex Amram et Jesaar et Hebron et Oziel. Hi *habebunt excubias sanctuarii*, quod deferebant: *et castrametabuntur ad meridiana[m] plagam tabernaculi*. *Et custodient arcam, mensamque et candelabrum, altaria et vasa sanctuarii in quibus ministratur*. Hæc portabant propriis humeris involuta. Dura enim ferebant, et cum illis unum molle, de quo subditur: *et velum*, quod inter Sancta sanctorum et Sancta pendebat. Sicque apparet, quod utrumque altare portabant, et vasa amborum saltem præcipua, ut quæ altaribus propria erant, ut aliqui dicunt. *Princeps autem principum Levitarum Eleazar filius Aaron, erit super excubitores custodiæ sanctuarii*. Iste Eleazar fuit princeps generalis specialium principum, qui præerant in suis familiis, et communiter præfuit excubitoribus tabernaculi, cui et præfati principes particulares rationem reddebant.

Subditur de tertia domo Levi. *At vero de Merari erant populi Moholite et Musite*, quæ duæ familie natæ sunt de duobus filiis Merari, puta de Moholi et Musi. *In plaga septentrionali castrametabuntur: erantque sub custodia eorum tabule tabernaculi et rectes et columnæ ac bases earum, columnæque atrii cum basibus suis*. Ad Meraritas namque pertinet ferre dura, quæ extra tabernaculum erant: sic-

ut ad Caathitas dura, quæ intra illud fuerunt. Nec obest quod subditur, *et parilli cum funibus*, quia de funibus, qui inseparabiliter erant innexi duris, exponitur hoc. Portabant autem ista in curribus.

Sequitur de situ superiorum, qui erant Caathitæ. *Castrametabuntur ante tabernaculum federis, id est ad orientalem plagam, Moyses et Aaron cum filiis suis, habentes custodiam sanctuarii*. Hi enim habuerunt principalem respectum, curam et gubernationem tabernaculi Dei, in quod intrabatur ab oriente.

Deinde subjungitur summa omnium horum sic numeratorum. *Omnes Levitæ quos numeraverunt Moyses et Aaron ab uno mense et supra, fuerunt viginti duo millia*. Hoc verum est, juxta morem Scripturæ, quæ minutias temporum et numerorum non computat. Strictè enim numerando et consociando præfatos numeros partiales, faciunt viginti duo millia et trecenta. Insuper dici potest, quod trecenti illi omituntur in summa hac, quoniam primogeniti erant, sieque ratione primogenituræ pertinebant ad Dominum, sicut et primogeniti alii: ideirco pro aliis primogenitis non poterant commutari, ac Domino deputari.

*Et ait Dominus ad Moysen: Numera primogenitos sexus masculini de filiis Israel a mense uno et supra*. Hoc intelligitur de primogenitis tribuum aliarum. *Tollesque Levitas mihi, etc.*, id est, eos meo cultui in tabernaculo applicabis: *et pecora eorum*, scilicet Levitarum, *pro universis primogenitis pecorum filiorum Israel*. Verumtamen pecora munda ac primitiva aliarum tribuum Domino offerebantur. Ideo de pecoribus earum immundis seu non immolatiis quæ redimebantur, exponitur hoc. *Recepsit*, id est numeravit, *Moses sicut præceperat Dominus. Et fuerunt primogeniti earum, id est tribuum, masculi ab uno mense et supra, viginti duo millia ducenti septuaginta tres. In pretio autem ducentorum septuaginta trium primogenitorum tribuum ceterarum, qui excedunt*



*numerum Levitarum* jam prætaxatum, qui commutari poterant pro filiis Israel: *de primogenitis filiorum Israel accipies quinque syclos per singula capita*, id est, pro quolibet illorum primogenitorum aliarum tribuum Israel, accipies in pretium eorundem quinque syclos, *ad mensuram sanctuarii*: quorum scilicet usus in sanctuario fuit, prout sæpe expositum est. Illi namque residui non poterant redimi per Levitas, ideo per pecuniam sunt redempti a parentibus suis communiter, et illa pecunia data est Aaron et filiis ejus, tanquam Dei tabernaculique ministris, qui communem totius plebis curam gerebant, et causam salutis eorum agebant, et clarus est textus.

Circa exordium hujus capituli quæri po-

test, cur ibi dicatur, *Illæ sunt generationes Aaron et Moyses*, quum consequenter non fiat mentio ibi de filiis Moysis, nec fuerunt sacerdotes. Ad hoc refert Lyra, Rabbi Salomonem respondere, quod Moyses fuit spiritualis pater Aaron filiorumque ejus, quoniam docuit eos legem. Quam responsionem reprobatur Rabbi Paulus, quoniam simili ratione dici posset pater totius Israelitici populi. Addit quoque quod filii Moysis, quamvis non exprimantur in speciali, recoluntur tamen in generali, videlicet in summa Amramitarum. Sed dictum hoc Rabbi Pauli non videtur magni vigoris, quoniam Moyses non solum ratione doctrinæ, imo et ratione suæ præsentia, potuit dici pater plebis illius.

## ARTICULUS VI

DE SPIRITUALI HUIUS CAPITULI TERTII INTELLIGENTIA.

QUOD Dominus sacerdotalem et Leviticam stirpem fecit numerari specialiter et seorsum, designat quod ei sit specialis cura circa sacerdotes, et prælatos spiritualesque homines, a quibus et majora ac plura requirit: specialiter quoque diligit eos, si digne se habeant: si quo minus, intolerabilior imminet eis damnatio, hoc est, si instar duorum filiorum Aaron, qui ignem obtulerunt alienum, excesserint: quod agunt, qui corda sua Spiritui Sancto consecrata, relicto sanctæ dilectionis igne, implent carnali et turpi amore, et bona que agunt, intentione prosequuntur sinistra, aut falsa seminant documenta. *Applica tribum Levi*, etc. Ex his docemur, quam integro ac fervido vigilantique corde sacerdotes et omnes qui in sacris constituti sunt Ordinibus, habere se debeant circa divina, suis quoque superioribus obedire, ita ut unusquisque efficiat quod sibi injunctum est, nec transgrediatur terminos

sibi præfixos. *Ego tui Levitas a filiis Israel*. In lege naturæ primogeniti erant communiter sacerdotes: verum in lege Moysis nam tribum Deus specialiter sibi assumpsit in sacerdotale Leviticumque officium, quatenus ex ipsa successione sacerdotalis dignitas in majore haberetur honore.

*Deut. xviii, 5.*

Amplius, ex præhabita commutatione filiorum Levi pro primogenitis tribuum aliarum, et ex residuorum primogenitorum Israel redemptione, diligentique numeratione, commendatur nobis rectitudo, imo et districtio divinæ justitiæ. Per tres vero familias Levitarum, intelligi potest triplex ordo sacer, seu triplex eorum distinctio, qui in sacris sunt constituti Ordinibus; seu triplex status religiosorum, videlicet status animalis et rationalis ac spiritualis; seu triformis diversitas famulantium Deo, videlicet servorum fidelium, et amicorum, ac filiorum; vel via

*Lev. x, 1.*

**N**um. ix. purgativa, illuminativa et perfectiva. Sed hoc infra amplius ostendetur, ubi Levitarum et sacerdotum officia plenius describuntur.

Rursus, per hoc quod Levitæ in circuitu tabernaculi per quatuor plagas loca sortiti sunt et castra fixerunt, in quibus et aliæ tribus : insinuatur quod sacerdotes et prædicatores jugiter debent plebi de propinquo adsistere, ut eam informant ac tueantur : et quoniam pro communi omnium laborant salute, ab omnibus filialiter sunt

Amandi, honorandi ac sustentandi. Amplius, per hoc quod Moyses et Aaron cum suis habuerunt custodiam ante fores tabernaculi ab oriente : innuitur quod majores prælati ac principes debeant Ecclesiam cum omni diligentia ac fidelitate respicere, observare, tueri, ne hæretici, schismatici, perfidi aut tyranni eam invadant, corrumpant aut persequantur, quibus vel materiali, aut spirituali, aut vicissim utroque obviandum ac resistendum est gladio.

## ARTICULUS VII

DECLARATIO LITTERALIS CAPITULI QUARTI : LOCUTUSQUE EST DOMINUS AD MOYSEN ET AARON.

**N**UNC Dominus jubet, qualiter circa de-  
portationem tabernaculi et contentorum in eo, habere se debeant filii Levi. *Locutusque est Dominus ad Moysen et Aaron, dicens : Tollite summum*, id est certum numerum, *filiorum Caath de medio*, id est universitate, *Levitarum*. Vel, De medio, quoniam inter filios Levi medius fuit Caath, primogenitus vero Gerson et ultimus Merari, sicut in Exodo scriptum est : Filii Levi, Gerson, Caath et Merari. Glossa quoque ex Origene hoc dicit. *At tricesimo anno et supra, usque ad quinquagesimum annum, omnium qui ingrediuntur tabernaculum, ut stent et ministrent in tabernaculo fœderis*. Isti de stirpe Caath non idem habuerunt officium, quia in duos status erant divisi. Nam quidam eorum sacerdotes fuerunt, videlicet Aaron et posterius ejus, qui descenderunt de Caath per Amram patrem Moysis, Aaron et Mariæ. Alii fuerunt tantum Levitæ, et sacerdotibus servierunt in tabernaculo, et circa sacrificia, atque in deferendis his quæ nunc describuntur, imo et præcedenti capitulo sunt expressa.

Præterea quæstio oritur, quomodo hic dicatur, A tricesimo anno et supra : quum

infra scribat, A viginti quinque annis et supra : translatio quoque Septuaginta hoc loco habet, A vicesimo quinto anno : quem numerum annorum in ordinatione sacerdotum nos observamus, ut in historiis ait Magister. Respondetur, quod in anno vite suæ vicesimo quinto applicabantur, ut obsequium Levitarum addiscerent : anno autem tricesimo, hi qui per experientiam inventi fuerunt apti officio exerceendo, instituebantur ad ministrandum, inepti vero repellebantur. Reete quoque in anno tricesimo factum est hoc, quia usque ad illud tempus proficit homo in rationis vigore ac viribus corporis : vis autem corporis a quinquagesimo anno decrescere incipit. Unde ut in Decreto habetur, Ecclesia diu sic observavit, quod ante tricesimum annum non poterat quis ad sacerdotium promoveri.

Consequenter narratur officium Caathitarum, Aaronitarum, ntpote sacerdotum. *Hic est cultus*, id est observantia caerimonialis, *filiorum Caath*, non omnium, sed eorum de quibus subjungitur : *Tabernaculum fœderis*, id est exteriorem sanctuarii partem, quæ aliquando Sanctum sen Sancta vocatur, et *Sanctum sanctorum ingre-*

*Num. vii, 24.*

*Dist. 77, c. In veteri. Dist. 78, c. Presbyter.*

dientur Aaron et filii ejus, videlicet sacerdotes, quando moventur castra, id est, quando Israelitae loca mutabunt et progredientur, motum nubis sequendo : et deponent velum, quod pendet ante fores, videlicet velum quod inter Sancta et Sancta sanctorum pendebat, et ante aditum interioris partis tabernaculi : involventque eo, scilicet velo isto, arcam testamenti, in qua videlicet erant tabulae testamenti : et ut in Scholastica fertur historia, hoc velo involvebantur simul cum area propitiatorium et Cherubim : et operient arcam cum his sibi annexis, rursus velamine hyacinthinarum pellium, extendentque desuper pallium totum hyacinthinum : sicque triplici operimento fuerunt ista operata. Hinc loquitur Origenes : Septem sunt quae operiri sunt jussa. Primo, tanquam omnium pretiosior, arca operata est velo. Pelle quoque hyacinthina desuper tegitur : additur etiam aliud velamen desuper hyacinthinum. Secundo, operata est mensa : tertio, candelabrum : quarto, altare aureum : quinto, vasa ministerii : sexto, operimentum altaris cum quibusdam velamentis appositis : septimo, operitur et labrum : et nihil horum nudum relinquitur. Denique additur : Nolite exterminare de tribu sua plebem Caath, ut scilicet exterminandos se seirent, si forte ad haec movenda manus suas mitterent, nisi unumquodque eorum prius fuisset a sacerdotibus tectum. Haec Origenes. Et inducent veetes. Non est sensus, ut veetes inducerent arcae, quum in Exodo sit dictum, quod veetes jugiter manebant in area, nec extrahebantur, sed ut inducerent eos portantium humeris. Veruntamen extrahi poterant, quando aliquid fuit reparandum in eis : quo facto, rursus annulis aureis imponebantur.

Exod. xxx.  
15.

Mensam quoque propositionis, super quam omni sabbato mane ponebantur duodecim panes propositionis, involvent sacerdotes hyacinthino pallio, et ponent cum ea thuribula et mortariola aurea, cyathos et crateras ad liba fundenda. De his distid. xxx. vini cultus vasis et instrumentis, super

A Exodum dictum est. Atque ut dictum est in Exodo, thuribula illa aurea duo erant, in quorum uno ponebatur incensum super sex panes propositionis, in alio super alios sex. Mortariola erant vasa, in quibus terebantur radices et species pro unguentis et consimilibus conficiendis. Cyathi erant vasa parva, phialisque minora, ex quibus vinum fundebatur super altare. Craterae sunt scyphi, quibus liquida materia siccae commiscebatur, fiebantque liba. Panes semper in ea erant : quia ut patuit, quando duodecim panes deponebantur de mensa illa, mox alii totidem super eam collocabantur. Quumque mensa ad alium locum deferrebat, panes cum ea involvebantur. Extendentque desuper, id est super mensam illam et super contenta in ea, pallium coctaeum.

B Sument et pallium hyacinthinum, quo operient candelabrum aureum, cum lucernis et forcipibus suis et emunctoriis et cunctis vasis olei, quae ad concinnandas lucernas necessaria sunt. Lucernae illae septem erant, fueruntque lampades insertae candelabro. Forceps vocatur instrumentum, quo calidum quid tenetur : interdum pro novacula, quandoque pro emunctorio sumitur. Vasa, in quibus oleum continebatur pro praefatis lucernis concinnandis, id est componendis atque fovendis, aurea erant. De his cunctis pertranseo, quoniam super Exodum, Leviticumque diffuse exposita sunt. Inducentque veetes. In Exodo non legitur candelabrum hoc veetes habuisse. Veruntamen quum involutum erat, ad deportandum veetes in superficie operimentorum ponebantur, ut convenientius bajularetur.

Deinde in textu subiungitur de involutione aurei altaris, omniumque vasorum per quae in sanctuario ministrabatur, et planus est textus. Sed et altare munda-  
bunt cinere. Hoc de altari holocaustorum sumendum est, super quo holocausta comburebantur : propter quod cineres remanentes inde eiciebantur, per quorum ejectionem mundabatur altare. Et involvent

Exod. xxx.  
20 et seq.  
Lev. xxiv.



*illud purpureo vestimento.* Sub hoc altari A continebatur ignis perpetuus desuper datus; quomodo ergo congruebat ut purpura operiretur? et cur magis opertum est purpureo operimento, quam praelata, quæ hyacinthinis operta sunt velamentis? Quocirca refert Lyra Rabbi Salomonem dicentem: Ignis in altari hoc semper erat: sed dum castra movebantur, ponebatur desuper operimentum aeneum et pallium desuper, nec comburebatur, sicut nec ignis ille exstinguebatur a vento aut pluviiis, tempore quietis castrorum discoopertus sub dio. B Hoc dictum approbat Lyra, additque: Fiebat etiam hoc divino mysterio, quia in populo illo erant miracula quædam transeuntia, sicut divisio maris Rubri: et quædam permanentia, quemadmodum descensio mannae, et continuatio hujus ignis sine extinctione. Litteralius tamen veriusque dicendum videtur, quod ex quo holocaustum fuit dignissimum sacrificium, ideo propter divinæ reverentiam majestatis, altare illud tam præclaro operiebatur tegumento.

*Ponentque in eo vasa, quibus in ministerio ejus utuntur,* id est in sacrificiis et immolationibus quæ in isto fiebant altari, *id est ignium receptacula,* id est instrumenta seu vasa, in quibus sacerdotes posuerunt prunas ardentes, quas de igne altaris holocaustorum sumpserunt, easque tulerunt in tabernaculum ad altare thymiamatis seu incensi, ad eremandum super illud ipsum thymiana suave: *fasciculos,* quæ sunt instrumenta, quibus coqui extrahunt de caldaria carnes: *ac tridentes, uncinos.* Tridens est instrumentum habens tres dentes. *Et batilla,* quæ sunt vasa, in quibus portantur carbonēs seu prunæ. Porro in Exodo non nominantur tridentes, uncini atque batilla, sed alia quædam non expressa hoc loco, puta lebetes, in quibus ponebantur quæ ex sacrificiorum combustionē in altari holocausti manserunt, foreipes atque craticula aenea instar retis formata. *Cuncta vasa altaris holocaustorum operient simul velamine hyacinthinarum pellium.*

*Quamque involerint Aaron et filii ejus sanctuarium,* id est contenta in eo, et *omnia vasa ejus* jam dicta, *in commotione castrorum,* id est instante progressu filiorum Israel cum suis tentoriis: *tunc intrabunt filii Caath,* id est prædicti Caathitæ, quorum ministerium fuit propinquius officio sacerdotum, quam officia Gersonitarum et Meraritarum: tunc itaque intrabunt exteriorem tabernaculi partem, *ut portent involuta:* et *non tangant vasa sanctuarii nuda, ne moriantur:* quia si tangerent ea nondum involuta, mererentur plagari a Domino, contra ejus præceptum agendo: quod fuit jussum, ut cultus Dei et sacerdotium, ejusque instrumenta, in reverentia haberentur majori, et propter mysticam rationem sequenti articulo inducendam.

*Ista sunt opera filiorum Caath in tabernaculo fœderis:* quia materiæ illæ imponebantur eorum humeris deportandæ in prima seu exteriori tabernaculi parte: *super quos erit Eleazar filius Aaron sacerdotis.* Circa hoc scribit Lyra: Præcedenti capitulo dictum est quod erat super omnes C Levitas, ergo non solum super Caathitas. Ad quod respondet, quod erat super Caathitas immediate, super Gersonitas vero et Meraritas mediate. Quocirca sciendum, quod præcedenti capitulo sic habetur: Princeps autem principum Levitarum Eleazar. Ex Scholastica quoque historia allegatum est, quod Caathitæ qui exuebant ad meridiem, erant sub custodia Eleazari, Gersonitæ autem et Meraritæ sub custodia Itamar: imo hoc infra in isto capitulo evidenter B narratur. Itaque præcedenti capitulo dictum est, quod Eleazar præfuit principibus Levitarum, juxta sensum in expositione præcedentis capituli introductum.

*Ad cujus Eleazari curam pertinet oleum aut concinnantias,* id est componendas ac fovendas, *lucernas,* quæ super aureum erant candelabrum. Oleum autem illud fuit de fructibus arborum olivarum. Denique in Exodo Dominus jubet: Collocabunt eam, puta lucernam, imo septem lucernas candelabri aurei Aaron et filii

Exod. xiv.  
21, 22.  
Ibid. xvi.  
11 et seq.

Num. iii. 32.

Ibid. xxvii.  
3, 1.

Exod.  
xxvii, 21.

ejus : cur ergo nunc dicitur, quod ad eum Eleazar spectet oleum ad concinnandas lucernas ? Respondetur, quod specialiter pertinebat ad eum oleum illud usque ad locum candelabri apportare : atque ut fertur, attulit illud in dextera manu. Pertinuit item ad ejus curam *et compositionis incensum*, id est thymiama : sic quod attulit illud ad altare incensi in manu, ut

*Exod. xxx.*  
35.

fertur, sinistra. De ejus compositione et materiis in Exodo scriptum est. Incendebatur autem pars aliqua thymiamatis super altare incensi, in prima tabernaculi parte, ad faciendum ibi suavem odorem, ne odor qui in atrio ex combustione sacrificiorum ascendit, molestiam pareret ministrantibus in sanctuario, aut locum jam sacrum abominabilem redderet. *Et sacrificium quod semper offertur*, id est jube

*Ibid. xxix.*  
38 et seq.

sacrificium, quo quotidie offerebantur duo agni anniculi, unus de mane, et alter de vespere, cum aliis quibusdam materiis, prout in Exodo describitur. Hujus itaque sacrificii materiam prefato modo adduxit Eleazar, et post eum cui ex successione et ordine compete-  
bat. Eratque sacrificium istud præcipuum, et offerebatur in holocaustum. *Et oleum unctionis*, de ejus

*Ibid. xxx.*  
23-25.

compositione ac materiis scriptum est in Exodo. Provisio itaque et custodia olei hujus Eleazaro est commissa. *Et quidquid ad cultum tabernaculi pertinet, omniumque vasorum quæ in sanctuario sunt* : non quod Eleazar omnia exerceat, quæ in toto tabernaculo agebantur, imo multa illorum ad solum pertinebant pontificem : sed quia Eleazar post Aaron fuit præcipuus, tanquam senior filius ejus, duobus primis defunctis : ideoque pertinebat ad eum eorum, quæ in exteriori parte tabernaculi exercebantur, et cura de usu vasorum sacerorum.

*Locusque est Dominus ad Moysen et Aaron, dicens : Nolite perdere populum Caath de medio Levitarum*, id est, non permittatis Caathitas transgredi legem eis præfixam circa tabernaculi et vasorum ejus obsequium : imo diligenter eos in-

struite de agendis. Ex hoc probatur, quod damnatio inferiorum pereuntium imputatur a Deo superioribus eorundem, nisi circa inferiores diligenter impleverint debitum sui officii. *Sed hoc facite eis, ut vivant non solum vita naturæ, sed etiam vita gratiæ obediendo divinis præceptis : et non moriantur morte culpæ per inobedientiam, aut etiam morte corporali ante finem naturalis periodi in pœnam sui peccati, si tetigerint sancta sanctorum*, id est præfata valde sacra in sanctuario, præsertim in interiori ejus parte contenta, antequam fuerint involuta. *Aaron et filii ejus sacerdotes, intrabant sanctuarium ad operiendum, involvendumque sacra prædicta, ut patuit. Alii de tribu Levi non sacerdotes, et multo plus nati ex aliis tribubus, nulla curiositate videant quæ sunt in sanctuario, præsertim ultra velum, quod inter duas sanctuarii partes divisit ac pendit, priusquam involvantur : alioqui moriuntur*.

Sequitur de officio Gersonitarum. *Locusque est Dominus ad Moysen, dicens : Tolle summam filiorum Gerson, juxta expositionem in principio hujus articuli positam de summa et numeratione filiorum Caath. Hoc est officium familiæ Gersonitarum, ut portant cortinas tabernaculi*. De numero, materiis, coloribus, quantitate et usu cortinarum istarum, dictum est in Exodo : ideo brevitati studens, non immoror.

*Exod. xxvi.*  
1-6.

*Et tectum funderis*, id est operimentum de sagis quo tabernaculum tegebatur, quod non habuit tectum de asseribus aut consimilibus materiis compaginatam. Hinc scriptum est in Exodo : *Facies et saga cilicina undecim, ad operiendum tectum tabernaculi*. Porro sagum est pannus asper factus de pilis caprarum : et ponebantur saga supra cortinas, quibus etiam tabernaculum fuit opertum. *Operimentum aliud, quod item superponebatur tecto tabernaculi, factum de pellibus arietum rubricatis : et super omnia relamen hyacinthinum*. Hoc fuit quartum tabernaculi operimentum, factum de pellibus hyacinthinis, quæ cœ-

*Ibid. 7.*

*Ibid. 11.*

lestis aereique consistunt coloris. Hoc ergo A *per circuitum* : non quod atrium fuerit circularis figurae, sed per circuitum, id est ex utraque parte, inter quas fuit spatium magnum quasi grandis platea, prout haec omnia in Exodo plenius scripta sunt *Exod. xxxi* atque exposita. *Hoc erit officium Meraritarum et ministerium in tabernaculo foderis* in suscipiendo, deportando, et custodiendo praefatas materiales integralesque partes tabernaculi ac atrii. Itaque ut loquitur Origenes, et patet ex textu, Caathitae erant sacerdotibus viciniores, ideo humeris suis sacrationa quaeque involuta portabant. Gersonitae vero Caathitis in ordine successerant dignitatis, et molliora ferebant in planstris. Meraritae autem erant praedictis inferiores, bajulabantque grossiora et graviora super quadrigas. Infra namque habebitur, quod duae tribus simul offerebant unum planstrum, id est, duodecim tribus sex planstra, ex quibus duo planstra data sunt Gersonitis, quatuor Meraritis. *Eruntque sub manu Ithamar*. Quum Eleazar fu- *Num. vii. 28.* erit senior Ithamar sacerdote, cur duae familiae Levitarum, videlicet Gersonitae et Meraritae, subjectae sunt Ithamar, et una, utpote familia Caathitarum, Eleazaro? Respondetur, quod Eleazaro tanquam seniori majora commissa sunt, quia et principes trium familiarum istarum fuerunt subditi ei. Ad ejus quoque pertinuit curam oleum unctionis, incensum compositionis, sacrificium jube, et quidquid ad tabernaculi pertinet cultum, sicut in isto capitulo dictum est.

*Exod. xxxi. 9 et seq.*

*Omnia quae ad altare pertinent, funiculos et vasa ministerii, jubente Aaron et filiis ejus, portabunt filii Gerson.* Jam in isto capitulo dictum est, quod omnia vasa quibus ministratur in sanctuario, scilicet in altari incensi, et in altari holocausti, Caathitae portabant : quae igitur vasa ministerii Gersonitae tulerunt? Respondetur, quod Caathitae portabant vasa instrumentaque dura : Gersonitae, alia quaedam vasa, id est instrumenta ad officium suum spectantia, puta funiculos et consimilia, quibus limes cortinarum et aliorum tabernaculi operimentorum figebantur in locis quietis. Est autem consuetudo sermonis Hebraei, quodcumque instrumentum vocare vas. *Eruntque sub manu Ithamar sacerdotis*, sicut praehabuitur est. Et dicunt nonnulli, quod immediate erant sub Ithamar, mediate sub Eleazaro. Verumtamen supra scriptum est, quod erant sub principe Elia- *Num. iii. 24.* saph filio Lael, qui fuit immediatus princeps eorum. Isti tamen diversimode, et quantum ad diversa, Gersonitis praefuisse videntur, sicut ex textu praecedentis capituli, et littera capituli hujus colligitur.

Sequitur de numeratione atque officio D *Moyses et Aaron et principes synagogarum*, videlicet duodecim principes tribuum, *filiis Caath*, etc. Ex hoc perpenditur, quod quamvis in praeductis interdum solus Moyses exprimat inter eos, qui numerationes istas fecerunt, Aaron tamen et principes adstiterunt et adjuverunt. Quae autem in textu sequuntur, expositione non indigent.



## ARTICULUS VIII

## SPIRITUALIS EXPLANATIO EJUSDEM QUARTI CAPITULI.

**Q**UEMADMODUM ex precedenti ac præ-  
*Num. iii, 15.* senti patet capitulis, Levitæ duplici-  
 ter et bis numerati sunt. Primo, ab uno  
 mense et supra; secundo, ab anno tricesi-  
 mo usque ad quinquagesimum annum.  
 Litterales horum rationes inductæ sunt.  
 Mystice vero per primam illam ab uno  
 mense et supra numerationem, præfigura-  
 tum censetur, quod hi potissimum ad sa-  
 eros sunt Ordines promovendi, divinoque  
 cultui mancipandi, ita ut alios corripiant  
 et castigent, erudiant et gubernent, pur-  
 gent, convertant, et reconcilient Deo, qui  
 in innocentia baptismali manserunt: sicut  
*Dist. 23, c. 1 et seq.*  
*Dist. 25, c. m.*  
*Luc. iv, 23.* de hoc in Decreto multæ auctoritates et  
 constitutiones leguntur. Tales enim non  
 habent quod increpetur, nec obijci eis pos-  
 sit: Medice, cura te ipsum. Veruntamen,  
 quia hoc paucis concessum est, hi saltem  
 promoveantur dumtaxat, qui in fide super-  
 beatissimæ et incomprehensibilis adorandæ  
 Trinitatis, atque per spem et caritatem  
 impleverunt Decalogum, et pro suis satis-  
 fecerunt peccatis, et corde, ore ac opere  
 stabiliter sunt conversi: qui jam in virtutibus  
 exercitati, in gratia roborati, divinis  
 charismatibus adeo sunt repleti, ut de plenitudine  
 sua aliis queant communicare, influere, et  
 sibi commissos purgare, illuminare, perficere:  
 quod totum designatur per numerationem ab  
 anno tricesimo, qui perfectus est numerus:  
*Matth. iv, 17.* in qua ætate Dominus et Salvator  
 universorumque conditor, in assumpta humanitate  
 orsus est prædicare: Joseph quoque evidens  
 Christi figura, Ægypto prælatus est, et David  
 Israelitico populo: Ezechiel etiam vaticinari  
 incepit.

Præterea, quamvis tales consistere debeant  
 universi qui ceteris præficiuntur, et

in quocumque ordine sacro constituuntur,  
 divino Dionysio protestante ac asserente,  
 Non est audendum aliis fieri ducem, nisi  
 quis in omni virtute deiformis effectus sit:  
 nihilo minus in hac perfectione diversi  
 sunt gradus. Quidam namque sunt viri  
 excellenter heroici et divini, quorum omnia  
 mentis interiora in sincerissimæ caritatis  
 viscera sunt conversa, atque in purum totius  
 boni honesti affectum: qui summi et increati  
 et incircumscripibilibus boni sancto amore  
 assidue et incomparabiliter ardent: boni  
 quoque communis desiderio, imo præestuan-  
 ti affectu conversionis salutisque omnium  
 jugiter inardescunt, cruciantur, suspirant.  
 Isti ad mysticæ theologiæ visiones, ad  
 theoricæ contemplationes, ad considerandum  
 limpide mirabilia legis divinæ ac fidei  
 orthodoxæ, excellenter dispositi sunt, imo  
 facillime elevantur ac rapiuntur in Deum:  
 sed et frequenter præveniuntur in hoc, et  
 sic mente præstringuntur, et velut rapidissi-  
 mo coruscamine luminis increati valide  
 præoccupantur, tanguntur ac perfunduntur,  
 ut etiam si velint reniti aut resistere, nequeant.  
 Hi ergo per summam et primam Leviticæ  
 stirpis portionem et ordinem, hoc est per  
 Moysen et Aaron, ejusque filios, qui ad  
 orientem situm habebant, signantur. Hi  
 ingrediuntur in sanctuarium Dei, et in  
 Sancta sanctorum: quoniam in secretum  
 æternæ Sapientiæ transferuntur, ejus  
 immenso circumplectantur splendore, audiuntque  
 auditu interno ineffabilia verba, et ea quæ  
 christianæ sunt fidei, ad quæ naturalis non  
 valet pertingere ratio, clarissimo atque  
 certissimo contemplantur intuitu: ita ut eis  
 nihil tam certum sit, nil tam rationabile,  
 profundum et conve-

*II Cor. xii,*

<sup>4</sup>.

nientissimo videatur, ut ea quæ sacro- A vote, indigne conficiunt, suscipiunt aut sancta credit et tenet Ecclesia. contrectant ?

Insuper, post hos Caathitis sequuntur, id est viri religiosi, proficientes et virtuos- Amplius, post Caathitis Gersonites se-  
si, nondum tamen ita illuminati, nondum quuntur, qui mollia bajulabant : per quos  
tam purificati et reformati, ut modo præ- designantur, qui simplici præceptorum ob-  
tacto stent quasi in assiduo Solis æterni servantia sunt contenti, et ardua consilio-  
contactu. Veruntamen appropinquant, et rum refugiunt opera, nec corpus suum ab  
sublimia atque arcana cum sensibilibus omni voluptate restringere erituntur : sed  
formarum velamine speculantur. Sicque quantum sibi licere putant, corpori suo  
infinitam sapientiam, pietatem, justitiam, parcunt, nec arduis observantiis se volunt  
omnipotentiam, bonitatem Creatoris, quas gravare. Per Meraritas qui graviora porta-  
in se ipsis anagogice ac mystice nequeunt B bentes, sed indiscrete, qui non attendentes  
contemplari, in Christi incarnatione, pas- quod ait Apostolus, Pietas ad omnia utilis  
sione ac ceteris ejus mysteriis speculari 1 Tim. iv. 8.  
conantur. Sicque in suis cordibus cum in- est, in corporalibus exercitiis immoderate  
volutione multiplici gerunt aream Dei, id se occupant et fatigant, atque in illis ma-  
est humanitatem Verbi æterni, quæ et ipsa gnam constituunt perfectionem. Non autem  
per comparisonem ad Verbum æternum, satagunt se intrinsecus reformare, volun-  
in quantum ab illo assumpta est ad ipsius tatem propriam abnegare, cum devotione  
esse hypostaticum et increatum, omni quo interna vacare Altissimo, atque cum ipso  
que divino charismate, quantum capax in latitudine cordis deambulare, et ei sta-  
fuit, impleta, imo et beatifica fruitione ab biliter inharere, cum actuali attentione  
incarnationis instante, incomprehensibilis ipsius in meditando, orando, psallendo :  
nobis est. Gerunt et mensam propositio- ideo etsi multum laborent, parum tamen  
C intus proficiunt, quia non assuescunt re-  
nis, id est sacram Scripturam multiplici frenare se ipsos, et suo animo dominari.  
sensu refertam : candelabrum cum suis Hinc proni sunt indignari, et alios aspere  
lucernis, id est vitam et documenta Apo- judicare, et putant se aliquid esse: portant  
stolorum : altare in interiore homine, in Galat. vi. 3.  
quo sacrificium laudis, incensum amoris, que tabulas tabernaculi et columnas, quo-  
thymiana orationis Deo offerunt inces- niam sanctos patres in præactis corpora-  
santer. Præterea advertamus, cum quanta libus exercitationibus imitantur, sed non  
reverentia velit omnipotens Deus sua referunt eas ad debitum finem, quemad-  
sacramenta ac sacra mysteria contrectari. modum patres sancti, nec cum debita dis-  
Si Caathitis sub pena mortis prohibitum cretione et humilitate insistent eisdem.  
fuit, sacra illa nuda attingere : quam in- De moralitate autem et allegoria capituli  
genti damnatione sunt digni, qui eccle- hujus pertranseo, quoniam super Exodum  
siastica sacramenta, præsertim corpus et D de his introducta sunt multa, videlicet de  
sanguinem Salvatoris, irreverenter, inde mystica significatione tabernaculi et con-  
tentorum in eo.

## ARTICULUS IX

DECLARATIO LITTERALIS CAPITULI QUINTI : LOCUTUSQUE EST DOMINUS AD MOYSEN.

**A**LIIQUA in Levitico dicta, in hujus ca-  
pituli repetuntur exordio. *Locutusque  
est Dominus ad Moysen, dicens : Præcipe  
filiis Israel, ut ejiciant de castris omnem  
leprosum et qui semine fluit, pollutusque  
est super mortuo.* Non solum conjunctim,  
sed et divisim intelligenda sunt ista, ut sit  
sensus, quod quicumque habuerit aliquam  
harum trium immunditiarum, et multo  
plus si habuerit earum duas aut tres, sit  
ejiciendus de castris. Sed quæri potest, de  
quibus castris. Si enim de omnibus castris :  
ubi manebant aut morabantur seminiflui,  
aut super mortuo polluti? Ad hoc respon-  
detur ex dictis Hebræorum, quod in populo  
Israel erant triplicia castra. Prima erant ca-  
stra Dei, videlicet tabernaculum et atrium :  
et de illis ejiciebantur hi omnes. Secunda  
erant castra seu habitacula Levitarum, quæ  
circa Dei castra jam dicta, fuerunt situata :  
et de illis ejiciebantur, seu ea ingredi  
prohibebantur, leprosi atque seminiflui,  
non autem super mortuo polluti. Tertia  
fuerunt castra populi, de quibus soli le-  
prosi ejiciebantur, qui et cogebantur ha-  
bitare seorsum. Porro de leprosis, et causis,  
speciebus diversitatibusque leprarum, di-  
ctum est in Levitico. Lepra autem quum  
sit fœda et infectiva, reddidit leprosos a  
cunctis castris ejiciendos. Immunditia vero  
patientis fluxum seminis, non erat sic in-  
fectiva : attamen fuit fœda, ideo fecit ejici  
a castris Levitarum : quæ castris populi  
puriora esse debebant. Immunditia vero  
contracta ex tactu mortui, vel ex ingressu  
habitaculi ejus, exstitit minor : ideo a  
solis Dei castris ejici fecit. De immunditia  
quoque, causa et diversitate fluxus semi-  
nis, dictum est satis in Levitico. Similiter  
in pluribus locis super Leviticum, de im-  
munditia super mortuo est tractatum.

*Locutus est Dominus ad Moysen, dicens :  
Vir sive mulier, quum fecerint ex omni-  
bus peccatis, quæ solent hominibus acci-  
dere, id est quodcumque peccatum non  
inhumanum, sed consuetum : et ut ex ver-  
bis patet sequentibus, istud dicitur de  
peccatis injustitiæ quæ fiunt in proximum,  
ad quæ Judæi avari et cupidi erant proni :  
et per negligentiam transgressi fuerint  
mandatum Domini dicentis, Non furtum  
facies : quod quis transgredi potest per  
negligentiam valde damnabilem, qua non  
curat implere Dei præceptum, vel illud  
non attendit, nec debito tempore recollit  
illud aut pensat : vel per negligentiam  
venialem quæ est inadvertentia quædam,  
ex contemptu aut malitia non procedens,  
sed ex fragilitate mentis humanæ, aut dis-  
tractione vel occupatione ad alia. Unde  
subjungitur : atque deliquerint, per omis-  
sionem diligentiae adhibendæ : peccatum  
suum confitebantur sponte, antequam de  
hoc per testes aut facti evidentiam con-  
vincantur : et reddent ipsum caput, id est,  
rem alterius injuste ablatam, restituent ei  
sponte, quintamque partem desuper, id  
est, ultra hoc reddent ei pro quinta parte  
tantum, quantum valet res illa fraude aut  
vi ablata : reddent, inquam, ei in quem  
peccaverint per injustitiam talis defrau-  
dationis, in ejus recompensam reddent  
quintam hujusmodi partem. Loquitur ergo  
præceptum hoc in casu, quo defraudator  
aut fur voluntarie pandit suum peccatum,  
et ad satisfactionem se offert. Si autem  
fur vendidisset quæ erat furatus, vel apud  
eum res furata fuisset inventa, aut testibus  
de furto fuisset convictus, gravius punie-  
batur, prout in Exodo habetur.*

De hoc Magister in historiis ait : Posses-  
sio rei alienæ aliquando fuit ex industria,

Lev. xiii,  
xiv.

Ibid. xv,  
Ibid. xi,  
xvii, xxi.

Exod. xx,  
13.

Ibid. xxii.



Exod. xxv,  
1, 4.

furto aut rapina, aliquando ex negligentia, interdum ex ignorantia. De re ablata scienter in Exodo legitur, quod restituebatur in quadruplum, si res illa perierat; quod si superfuit, in duplum. De re sublata per ignorantiam agitur hic, ut reddatur caput seu capitale, et quinta pars desuper: vel de re furata, dum omnino latebat, et fur poenitens confitebatur. Istud autem ex verbis Augustini est sumptum, et Glossa concordat. Augustinus tamen hunc passum secundum translationem Septuaginta exponit. Sicque expositio ejus a præinductis aliquid discrepare videtur. Verum de his et multiplex ratio istorum, in Exodo diffuse est disputatum.

*Sin autem non fuerit qui recipiat*, id est is cui de jure receptio competit, ut si defunctus est dominus rei, nec heredem reliquerit qui possit adiri, *dabunt Domino*, id est ministro Dei, videlicet sacerdoti, *et erit sacerdotis*. Talia namque in pium usum sunt convertenda, dando ea ministris Ecclesiae aut egenis, ut Rabanus scribit. Ille tamen determinatur, ut sacerdoti tradatur. C Josephus demum testatur, quod argentum et aurum reddebatur in duplum, jumenta in quadruplum, solus bos in quintuplum: quia quo ceteris utilius possidetur, eo damnosius perditur. Sed quoniam alienae rei ablator peccavit non tantum in proximum, sed item in Deum, ejus violavit præceptum, subiungitur: *excepto ariete qui offertur pro expiatione*, id est, ultra caput et quintam partem rependet de suo ariete, quem ad sacerdotem deducet, ut pro sui peccati remissione immoletur, *ut sit placabilis hostia*, id est, quatenus oblatio illa valeat ei ad placandum sibi Dominum, in quantum ex fide, devotione et contritione offertur.

*Omnes quoque primitivæ*, id est primitivi fructus pecorum vel agrorum, *quas offerant* aut offerre tenentur *filiis Israel, ad sacerdotem pertinent*, id est ad aliquem sacerdotum ex institutione legis divinae, quoniam potiora Deo sunt immolanda. Erat autem tale oblatum sacerdotis cui adduce-

A batur, seu cui ex ministerio quod suo loco et tempore exercuit, competeat. Propter quod subditur: *et quidquid in sanctuario offertur a singulis*, id est, quidquid ceteri Israelitæ, non existentes de tribu Levi, adduxerint, ut immoletur Deo in atrio sive in tabernaculo, *et traditur manibus sacerdotis*, ut per eum Domino sacrificetur, *ipsius erit*: non quod semper poterat totum in suum usum convertere: imo holocausta totaliter comburebantur. Pelles tamen pecorum, quæ in holocaustum offerebantur, ad sacerdotes spectabant. Ideo sensus est, quod quidquid de talibus fuit residuum incensionem et partem, quæ in aliquibus hostiis offerenti dabatur, puta in hostiis pacificis, pertinebat ad sacerdotem. Aliqui vero exponunt de decimis, quæ ex determinatione legis erant sacerdotibus dandæ: ideo eis fuit reddendum aut persolvendum, quidquid de decimis aut primitiis istis fuit eis subtractum. Et quia hic dicitur, *Et traditur manibus sacerdotis*, aliqui dicunt, quod sacerdotes non poterant talia vi auferre a domibus dominorum, sed solum accipiebant tradita sibi ab aliis. Verumtamen puto, quod per viam juris poterant ea exigere, quando non tradebantur.

Sequitur de lege zelotypiæ, usque ad hujus capituli finem. *Locutusque est Dominus: Vir cujus uxor erraverit a via justitiæ per vitium incontinentiæ, maritumque contemnens*, id est, proprium virum inhonorans, aut tanquam vilem aspernans: *dormierit*, id est, mœchata fuerit, sive in lecto sive alibi, *cum altero viro*, vel soluto, vel non soluto: *et hoc maritus deprehendere*, id est pro certo cognoscere, aut per effectum scire, *nequiverit via humana; sed latet adulterium, et testibus argui*, id est probari, *non potest, quia non est inventa in stupro*, id est adulterio: *si spiritus zelotypiæ concitaverit virum contra uxorem*. Ut in Scholastica fertur historia, zelus proprie dicitur amor viri in uxorem: ob quem amorem ferre non potest, ut uxor alteri misceatur. Hinc mari-

ius talem habens amorem, vocatur zelotes. A Zelotypia quandoque dicitur mœchia, et zelotypus, adulter. Solet quoque zelotypia dici sola suspicio adulterii, et ita nunc sumitur. Et quia hic dicitur, Si spiritus zelotypiæ, aliqui opinantur, quod sicut specialiter aliquis demon vocatur spiritus fornicationis aut alterius vitii, sic aliquis demon vocetur spiritus zelotypiæ, qui præsit vitio huic : quod satis probabiliter sonat, sumendo zelotypiam prout sonat in malum. Aliquando tamen est suspicio vehementis atque probabilis, quæ non est culpa in se.

Si ergo spiritus zelotypiæ, id est animus suspicionis de adulterio, aut vehementis zeli seu affectionis viri in conjugem, aut spiritus nequam tentans hominem de hac culpa, excitaverit virum contra uxorem, quæ vel polluta est adulterio, vel falsa suspitione appetitur, id est, a marito invaditur aut acensatur : ad quod quidam mariti, de propria incontinentia et infidelitate sibi conscii, sunt proclives. Estque grande peccatum secundum Chrysostomum super Matthæum, videlicet ex levibus signis tantum malum suspicari de conjugē. *Adducet eam ad sacerdotem* : id est, hoc facere potest secundum legem, ne in gravio-rem incidat culpam, videlicet occidendo aut vulnerando uxorem ex tali suspitione tanquam adulteram, ut dicit Guillelmus Parisiensis, et ita instituta est lex ista simili ratione, qua et lex de libello repudii dando : *et offeret oblationem pro ea*, id est, pro cognoscenda veritate de ipsa, an existat adultera, *decimam partem sati farine hordeaceæ*, id est modicam talis farine quantitatem, ejus mensura sati nomine designatur : quæ tamen mensura, quoad suam determinatam capacitatem, nobis ignota est, et juxta Josephum fuit assarium hordeaceæ farine, quod est decima pars sati. *Non infundet super eam oleum, nec imponet thus* : quia sacrificium zelotypiæ est, id est ex zelotypia procedens, et oblatio investigans adulterium : quasi dicatur, Eo ipso quo ex tali radice procedit,

A atque ad talem refertur finem, non debet sacerdos huic oblationi superfundere oleum nec thus ei imponere.

Quocirca in libro de Fide et legibus scribit Parisiensis : Hoc sacrificium non erat nisi modicum farine hordeaceæ, super quam fundi oleum, et poni thus prohibuit Dominus : quia nec propter Dei honorem fiebat, nec ex bona voluntate processit, sed solum causa detegendi occultum adulterium. Ideo autem ex farina hordeacea sine thure et oleo offerebatur, ut viris esset rubori, quia ostendebatur Deo offerri, non ex devotione, sed suspitione : tum, quoniam vile erat in se, imo omnium sacrificiorum vilissimum. Noluit etiam Dominus in hac parte sacerdotibus dare occasionem cupiditatis, ne invitarent aliquem ad hujusmodi sacrificium offerendum, quod non tam honorificentia Dei exegit, quam malitia maritorum extorsit. Hæc Guillelmus.

Rationabiliter demum fuit hoc sacrificium institutum, quia ut ait Thomas in prima secunda, quæstione 105 : Mulieres pronæ sunt ad adulterium propter delectationem, et occulte illud committunt, quoniam oculus adulteri observat caliginem. Præterea quæri potest, cur lex non instituit, ut feminae simili modo possent maritos ex suspitione adulterii accensare, examinare, impetere. Forsan propter nimiam pronitatem mulierum ad suspensiones hujusmodi, et quoniam vir caput est conjugis. Et rursus, quoniam adulterium uxoris amplius dehonestat maritum ac sobolem, quam adulterium viri uxorem et prolem. Itemque, quia non fuit periculum, quod mulier ita occideret maritum summ ex suspitione adulterii, sicut contra. Insuper, quia adulterans comparatur jumento, recte farina hordeacea, quæ pabulum est brutorum, pro investigando adulterio offerebatur. Cui sacrificio oleum non miscebatur, quoniam oleo pietas significatur et claritas. Hoc autem sacrificium non venit ex pietate, atque in tenebris fieri solet hoc vitium. Thure quoque devotio et odor bonæ famæ signantur. Quum

Joh xxiv.  
13.

Ephes. v.  
23.

ergo oblatio ista non ex devotione processerit, diffamiamque pepererit, non debuit ei thus misceri.

*Offeret igitur eam sacerdos*, id est, mulierem presentabit, *et statuet eam Domino*, ad faciendum circa eam quæ subsequuntur, et ad experiendum, an terrore imminuentis periculi tanquam conscia sibi de culpa imposita, suum fateatur excessum. *Assumetque sacerdos aquam sanctam*. Secundum quosdam fuit aqua viva : et dicitur sancta, quia sacrificio applicata, et in atrio sancto reposita : vel quia (ut Josephus contestatur) schedula in qua scriptum exstitit nomen Dei, seu nomen Domini tetragrammaton scriptum in illa, diluebatur in aqua hac. Sive, ut aliqui arbitrantur, sumpta fuit de aqua aenei labri, in qua sacerdotes sacrificia oblaturi, suas lavabant manus. *In vase fictili*, quod fragilitati adulteræ et vilitati hostiæ correspondet : *et paucillum terre de pavimento tabernaculi*, id est modicum pulveris sumpti de fundo sanctuarii seu atrii ejus, *mittet in eam*, id est in illam oblationem, ad innuendum quod oblatio illa erat pro carnali et turpi negotio cognoscendo.

*Quumque steterit mulier in conspectu Domini*, puta in atrio circa altare holocausti, *discooperiet sacerdos caput ejus*, pro eo quod ipsa in tenebris commisit aut commisisse putatur, et ut ex illa confusione aliæ feminae terrentur, nec tale quid perpetrare auderent, imo confabulationes et nuntus, amplexus, oscula atque munuscula, ex quibus mali suspicio gignitur viro, vitarent. *Et ponet super manus illius sacrificium recordationis*, id est sacrificium jam prælatum, quod tendit ad hoc, ut peccatum ejus præteritum in notitiam deveniret, vel ut ipsa illud recolendo confiteretur, et, pro id est, *oblationem zelotypiæ* : quod sic vocatum est ob causam præhabitam. Posuit autem hæc super feminae manus, ad insinuandum quod pertinebat ad eam, et quia in adulterio manus exhibentur arma iniquitatis peccato. *Ipsæ autem sacerdos tenebit aquas amarissimas*

in vaseculo : quæ aquæ amarissimæ concupantur ex suo effectu, quia in muliere adulteræ amarissimos pariebant effectus, ut statim dicitur : *in quibus eam exsecratione maledicta congegit*, id est, imprecatus est maledictiones sequentes feminae aquam hanc potaturæ. Aliqui tamen dicunt, quod maledictio illa non fuit nisi præfatæ schedulæ lotio aut rasio in hac aqua, ex cujus effectu infligebantur adulteræ pœnæ sequentes. Sed primum verius esse apparet, quum infra dicatur : *Scribetque sacerdos in libello ista maledicta*. Magister autem in historiis dicit, quod sacerdos fecit jurare mulierem, quod viro suo non fregit fidem : et si hoc non sufficebat marito, subdebat sacerdos maledictiones sequentes.

*Adjurabitque eam, et dicit : Si non dormivit*, id est non concubuit, *circa alium tecum : non te nocuerunt*, id est non læderunt, *aquæ istæ amarissimæ ex effectu*. *Sin autem concubuisti cum altero viro : his maledictionibus subjacebis*, hoc est pœnis sequentibus seu imprecationibus eandem. *Det te Dominus in maledictionem, exemplumque cunctorum in populo tuo*, hoc est, ita te puniat, ut cuncti terreamur tuo exemplo, et juste maledicaris ab eis. Vel, quum quis voluerit maledicere alteri, dicat, *Faciatur tibi Deus, vel tibi contingat, quemadmodum illi adulteræ*. *Putrescere faciat femur tuum, et tumens uterus tuus dirumpatur*. Nominantur et puniebantur hæc partes quæ ad committendum scelus, propinquius suo modo deserviebant : et per expressionem ventris ac femoris, interposita pars potest intelligi. Istam maledictionem proferebat sacerdos zelo justitiæ, non affectu invidiæ aut vindictæ. *Et respondebit mulier : Amen, amen* : quasi scœna de innocentia sua, et tanquam applaudens divinæ justitiæ, et velut utrique præfatæ imprecationi consentiens : ut scilicet non læderetur ex potu aquæ, si esset innoxia : et læderetur, si esset culpæ obnoxia.

*Scribetque sacerdos in libello ista maledicta*. Per libellum intelligitur membra-



na, atque ut dicitur, membrana proprie appellatur ala vesperilionis : sed hic vocatur vile ac tenue pergamenum, sicut et ala illa vilis tenuisque consistit. Et dicitur pergamenum a Pergamo oppido, ubi primo fertur inventum. Veruntamen secundum Josephum, non scripsit sacerdos in libello, nisi nomen Domini tetragrammaton, ejus virtute infligebantur adulteræ isti vindictæ. *Et delebit ea aquis amarissimis*, id est, maledicta illa seu nomen Domini scriptum in illa membrana abradet, et pulverem abrasionis in aquas illas cadere sinet. *Dabitque ei bibere aquas illas. Quas quum exhauserit*. Dicunt quidam, quod ista potatio post sacrificii oblationem fiebat : quia gesta non semper recitantur eo, quo facta sunt, ordine. Sed hoc non videtur, quia in textu hoc continetur, *Quas quum exhauserit, tollet sacerdos de manu ejus sacrificium zelotypiæ* : quod non videtur posse verificari, si sacrificatio, quæ nunc consequenter describitur, exhaustum illum præcessit. *Et elevabit illud coram Domino*, cui obtulit illud pro veritatis ostensione, *imponetque super altare*, quod fuit in atrio : *ita dumtaxat, ut prius pugillum sacrificii tollat de eo quod offertur*, hoc est, de farina hordeacea jam præfata, *et incendat quantitatem illam farinæ super altare holocaustorum*, projiciendo tantumdem illius farinæ in ignem altaris : quod ipse sacerdos fecit in primis ad Dei honorem, a quo veritatis manifestatio petebatur. *Et sic potum det mulieri aquas amarissimas*. Ex hoc non sequitur, quod potatio illa facta est sacrificio immolato : sed quod incensio partis illius, potationem et oblationem præcessit : quod innuit littera, dicens, *Ita dumtaxat, ut prius pugillum sacrificii tollat*. Sic quoque Magister in historiis tangit, qui ordinem hujus rei gestæ diligenter consideravit.

*Quas quum biberit, si adulterii rea est, inflato ventre putrescet femur ejus* : et hoc fuit speciale miraculum, quoniam aquæ illæ in se ipsis non erant amaræ nec infectivæ. *Quod si polluta non fuerit crimine*

sibi imposito, *erit innoxia*, id est, innoceus apparebit per hoc, quod ex aquæ illius potatione nullam incurrit lesionem : *et faciet liberos*. Circa quod scribit Lyra, quia si ante sterilis fuit, fiebat fecunda. Dicunt etiam quidam Hebræi, quod virtute aquæ illius concepit, etiam absque virili semine : et hoc erat unum de miraculis permanentibus, sicut dictum est de descensu manna. Hæc Lyra. Quibus partim concordat, quod in Scholastica fertur historia, quæ super illud, *Innoxia erit*, addit : Immo sape concipiet, et masculum pariet mense decimo. In eadem quoque Historia legitur : Si mulier rea erat adulterii, computruit femur ejus, et uterus tumuit in hydropisi, non tamen statim, sed usque ad decimum mensem. Sed contra illud, quod Lyra refert dicere quosdam Hebræos, quod mulier innoxia sine virili conciperet semine, scribit Rabbi Paulus : Non recolo me legisse in voluminibus Hebræorum, quod mulier talis conciperet sine virili semine. Nam et pari ratione diceretur, quod si aliqua virgo conjugata accusaretur a viro modo prædicto, et esset innoxia, conciperet sine semine viri : quod singularissimum fuit in Virgine gloriosa. Unde ridiculum videtur dicere, quod Deus tantum miraculum fecerit in facto zelotypiæ pro tam modica re, qui probatur hoc solum fecisse pro liberatione totius generis humani.

*Si declinaverit mulier*, id est, si adultera præmemoratas maledictiones incurrerit, peractis rite circa eam quæ dicta sunt : *maritus absque culpa erit*, hoc est, ei non imputabitur, quod mulier sua tam vitiosa præfatis subjiçitur plagis. Circa hoc scribit Lyra : Ex hoc sequitur, quod illa purgatio non erat illicita tempore veteris Testamenti, quia et ibi fiebat divinum miraculum. Sed obviare videtur quod in Scholastica affirmatur historia : Hæc lex introducta fuit ad duritiam cordis eorum, sicut permissus est libellus repudiî, quia prompti erant ad effundendum sanguinem, supple. uxorum. Denique fieri potuit, quod ex levibus signis vir suspicaba-

Matthæi, 19.  
7, 8. Deut.  
xxiv, 1.

tur adulterium de sua uxore vere adultera, accusabatque eam : quod non videtur fuisse sine peccato, quamvis illa existerit rea. Dictum est quoque, quod non processit sacrificium zelotypiæ ex bona voluntate. Ad istud respondendum videtur, quod potuit examinatio ista secundum formam hujus legis fieri sine peccato, et aliquando eum peccato. Si enim vir zelo justitiæ principaliter movebatur, et ex probabilibus signis, non videtur in tali facto peccasse. Si autem ex zelo immoderate affectionis, et levibus signis, vel si et ipse A eodem exstitit crimine aut majori foedatus, non sine peccato censetur talem investigationem fecisse; et quia communiter ex suspitione non bona fecerunt istud mariti, dicuntur ex voluntate non bona id peregissee. Quia etiam communiter erant crudelēs, atque ad uxoricidium prout, introducta fertur hæc lex propter duritiā cordis ipsorum. *Et illa*, scilicet adultera, *recipiet iniquitatem suam*, id est, adulterii sui debitam punitionem jam dictam in vita hæc: quam si patienter et contrite pertulerit, erit illa punitiō animæ suæ purgatio.

## ARTICULUS X

### ELUCIDATIO SPIRITUALIS HUIUS CAPITULI QUINTI.

**Q**UEMADMODUM super Exodum dictum est plenius, per leprosum significatur quicumque hæreticus, aliorumve spiritualiter infectivus, seu verbo et opere scandalosus, discordiam seminans, seu ad alia alliciens vitia : in quo est color diversus, quoniam fide, doctrina et moribus a veris differt Catholicis. At vero semine fluens, est homo lubricus et verbosus, mente carnalis et levis, qui carnalium desideriorum profluvio et cogitationibus vanis defluit et vagatur. Pollutus autem super mortuo est, C qui alienis consentit communicatque peccatis. Illi omnes extra Ecclesiam projiciuntur, quia ad corpus spectant diaboli: nec ad mysticum pertinent corpus Christi, secundum præsentem justitiā, quamvis aliqui tales ad illud pertineant secundum prædestinationem æternam: ideo non sunt incaute dijudicandi aut penitus contemnendi: periculosa tamen est mala societas, et abseindendum est membrum scandalizans, quantum ad suum abusum.

*Vir sive mulier, quum fecerint ex omnibus peccatis, peccatum suum confitebuntur.* Hoc est quod Salomon ait: Qui abs-

condit scelera sua, non dirigetur: qui autem confessus fuerit, et reliquerit ea, misericordiam consequetur. Si ergo quocumque modo incedimus culpam, citius quo valemus, ad sacramentalis confessionis remedium ac medelam curramus. Corrupti quoque grante accipiamus, nec culpam propriam exensemus, imo et nondum corrupti accusemus nos ipsos assidue et ex corde coram Deo atque hominibus. Ideo sanctus Job dixit: Si abscondi-  
quasi homo scelera mea. Et rursus: Vias meas in conspectu Dei arguam, et ipse erit salvator meus. Hinc Rabanus loquitur: Hoc capitulo admonemur, ut si quid per negligentiam deliquimus, per confessionem et poenitentiam diluamus, et damnum restituamus. Si autem proximo damnum intulimus, coram illo poeniteamus, et damnum reddamus. Si vero non superest, confitendo, poenitendo, et elemosynas largiendo, Domino satisfaciamus. Hinc subditur: *Reddent ipsum caput, quintamque partem desuper, ei in quem peccaverint.* Non enim dimittitur peccatum, nisi restituatur ablatum, et venia postuletur ab inju-

Job. xxxi.  
33; Am. 15,  
16.

riato : et qui Deo aut ejus vicario abstulit animam falsa suggestione, pravo exemplo aut alio modo, satagere debet omni modo sibi possibili, ut eandem animam ad Deum gratiamque reducat : et ultra hoc per penitentiam et opera virtuosa satisfaciat Deo. Arietem quoque offerat pro suo peccato, proprium corpus cum vitiis et concupiscentiis crucifigendo, sen Christum propter nos passum, ejusque passionem Deo Patri representando.

Insuper, monet nos littera hæc ut decimæ et primitiæ atque oblationes ministris Dei fideliter persolvantur : quod qui fecerint, copiosum et multiplex præmium a Domino assequuntur, etiam in præsentī.

*Vir cujus uxor erraverit*, etc. Vir iste, est bonus diligensque prælatus, ejus uxor est anima subditi sibi commissi, quam caritate complectitur, et instruendo, hortando, increpando, ac bene agendo fecundare conatur, ut illa sit quasi oliva in domo Dei fructifera. Hæc uxor maritum suum contemnit, et cum alio dormit viro, quando prælato tali non acquiescit nec obedit, sed C damonibus suggestionibusve iniquis præbet consensum. Quumque prælatus hoc pro certo nequit cognoscere, eo quod illa astute exuset, et ipse nimio zelo salutis illius torquetur, debet eam sacerdoti adducere, hoc est ad veram confessionem movere, sen Christo per ferventem orationem humiliter commendare : sacrificium quoque offerre pro ea *decimam partem sati furinæ hordeaceæ*, quoniam merita sua, quibus implet decem præcepta, debet illi caritative communicare. *Non infundet super eam oleum*, non utique oleum adulationis, *nec thus*, id est odorem laudis : sed oleum pietatis, fragrantiam orationis oportet impendere animæ devianti, in qua etiam rigor justitiæ vieissim est exercendus. *Assumetque aquam in vase fictili*, id est salubrem doctrinam in ore suo : cui miscabit *paucillum terræ* : quoniam alium increpando, debet et propriam fragilitatem parumper attendere, sicut ait Apostolus : Te ipsum considerans. *Quumque steterit mu-*

*lier in conspectu Domini*, id est, anima seu persona talis ad forum confessionis sen ad tribunal judicii sui pervenerit, *discoperiet caput ejus*, id est, mentem ipsius in manifestum deducere enitetur, et prædicet animæ tali, quod si rea est, et in sua pravitate permanserit, pertransibunt eam amarissimæ aquæ, quia comminationes sacre Scripturæ complebuntur in ea : et femur ejus putrescet, uterque tuncbit ac dirumpetur, quia omnis immunda ejus voluntas in amaritudinem convertetur, quemadmodum scriptum est : Quantum glorificavit se et in deliciis fuit, tantum date illi tormentum et luctum. Uterus autem animæ talis, est cor superbum, quod nunc timet elatione, postea tormentorum repletionem. Unde in Osce Dominus protestatur : Occurram eis ut ursa raptis catulis : dirupiam interiora eorum, et consumam eos ut leo. Si ergo prælatus hæc fecerit, non ei imputatur a Domino culpa animæ subditi sui : sed ipsa, nisi penituerit, in iniquitate sua peribit.

Postremo, ut præinducta clarius intelligantur, quæritur, an per suspensiones sit procedendum ad alterius accusationem, judicationem aut punitionem. Quocirca pensandum, quia (ut in secunda secunda, quæstione 60. scribit Thomas) suspicio, prout Tullius scribit, opinionem seu estimationem mali importat, quæ ex levibus causis concipitur, et procedere potest ex tribus : Primo, ex malitia suspicantis, qui sibi de proprio merito conscius, alios putat tales qualis est ipse. Secundo, ex mala affectione ad alium : quia dum quis ad alium male afficitur, odiendo, irascendo, aut simili modo, tunc ex levibus faciliter atque celeriter malum de ipso opinatur. Tertio, ex experientia : sicque secundo Rhetoricæ ait Philosophus, quod senes sunt maxime suspiciosi, quoniam aliorum defectus sunt magis experti. Constat autem, primas duas suspensionis causas esse injustas : sed tertia rationem suspensionis diminuit, eo quod rectitudini magis propinquet. Hinc suspicio vitium est. Est autem triplex gradus suspensionis : Primus, dum quis ex

Galat. v.  
24.

Ps. cx, 10.

Galat. vi, 1.

Apoē xvi, 7.

Osce xiii, 8.



levibus causis incipit dubitare de bonitate alterius : et hoc est veniale peccatum, pertinens ad tentationem humanam. Secundus, dum ex levibus causis aut signis aliquis pro certo tenet et sentit malum de altero : et si malum illud est mortale, sus-  
 A spicio talis est culpa mortalis, quum sit contra caritatem, nec sit sine contemptu proximi. Tertius gradus est, dum quis ex suspicione procedit ad alterius condemnationem ac punitionem : et hoc gravius est praedictis, et directe contra justitiam.

## ARTICULUS XI

DECLARATIO LITTERALIS CAPITULI SEXTI : LOCUTUSQUE EST DOMINUS : VIR SIVE MULIER.

QUIDAM sunt excellenter boni, non solum observantes praecepta, sed etiam supererogationis opera exerceentes : et talia quidam agunt ex solo bono proposito; alii autem ex voto, qui in veteri Testamento vocabantur Nazaraei, qui interpretantur sancti, vel florentes, aut germinantes, de quibus nunc agitur. Alii autem sunt praecipue mali, qui nec praecepta observant, nec graviora vitant facinora, sicut adulterantes, de quibus in praecedenti tractatum est capitulo. Alii medio modo se habent. Ut ergo opposita juxta se posita, clarius elucescant, postquam in praecedenti capitulo de pessimis dictum est, nunc de optimis recitatur.

*Locutusque est Dominus : Vir sive mulier, quum fecerint votum ut sanctificentur*, id est, quum voverint, quod divino se cultui mancipabunt ultra debitum legis per exercitia supererogationis, vacando orationibus, jejniis aut consimilibus, *et se voluerint Domino consecrare*, ei per specialem sanctimoniam adhaerendo : *a vino et omni quod inebriare potest, abstinerebunt*, D

ut per talem abstinenciam adipiscantur gratiam ampliorem, sicut de Daniele, ejusque sociis legitur factum. Vinum quoque et potus inebriativus ad carnalia incitant, rationem obnubilant, et divinorum inducunt oblivionem, quemadmodum Osee propheta  
 Dan. i, 8, 16, 17.  
 Osee iv, 11.  
 Prov. xx, 1.

*B* riosa res est vinum, et tumultuosa ebrietas. *Acetum ex vino et ex qualibet alia potione*, id est de quocumque potu inebriativo confectum, *et quidquid de uva exprimitur, non bibent*, utpote nec agrestiam. *Uvas recentes, siccasque non comedent*, quia in talibus est aliquid de vini vigore, et ad vini potum allieunt : *cunctis diebus, quibus ex voto Domino consecrantur*. Ex hoc constat, quod nunc sit sermo de eis qui Nazaraei erant ad tempus, ut adulti qui proprio voto ad certum tempus consecrabant se Domino. Aliqui vero erant Nazaraei per omne tempus vitae suae, vel ex voto parentis, ut Samuel : vel ex commissione et revelatione divina, ut Samson, ut patet in libro Judicum : vel ex proprio voto, a tempore quo voverunt. *Quidquid ex vinea esse potest, ab uva passa inclusive, usque ad acinum*, id est granum uvae, inclusive, *non comedent* : quasi dicatur, Nil prorsus ex fructu vitis gustabunt, ut per abstinentiam tam diligentem, ad mentis proficiant puritatem.

*Omni tempore separationis suae, qua a communi hominum vita se dividunt per speciale obsequium Dei, novacula non transibit super caput ejus*, id est, crines suos non faciet nec permittet Nazaraeus abradi, *usque ad completum diem quo Domino consecratur*, id est, quousque tempus suae consecrationis sit finitum. *Sanctus erit*, id est Deo specialiter deputatus, vacans

1 Reg. i, 11.

Judic. xiii,

2.

et serviens, *crescente caesario capitis ejus*. Cur caput radere prohibebatur? Forte ut omnem exteriorum, adventiciumque ornatum abjiceret, quatenus interiori decori magis esset intentus: et item quoniam sacerdotibus assimilabatur in multis. Nam

*Lev. x, 9.*

et illis fuit praeceptum: Vinum et omne quod inebriare potest, non bibetis quando ingressuri estis sanctuarium. Quemadmodum igitur sacerdotibus fuit prohibitum

*Ibid. xxi, 5.*

in Levitico, radere caput aut barbam, ita et Nazaraei nunc prohibetur. Atque ut super Leviticum scripsi, una horum existit ratio: quia hujusmodi personae divino cultui specialiter mancipatae, debebant ab idololatris praeter ceteris differre. Sacerdotes autem idolorum caput et barbam radebant, sicut in Baruch narratur: Sacerdotes eorum sedent, habentes caput et barbam rasam.

*Baruch vi, 30.*

*Omni tempore consecrationis suae, super mortuum non ingreditur, nec super patris quidem et matris, fratris, sororisque funere contaminabitur*, id est, nullius horum defuncti intererit, nec ad eos jam defunctos intrabit, neque sepeliet: *quia consecratio Dei sui super caput ejus est*, id est, in capite ejus apparet suae consecrationis indicium, scilicet capillatura non rasa. Vel, quia in corde ipsius est specialis devotio et contemplatio Dei, quam nec interrompere neque dimittere debet per occupationem, compassionemque sensualem, aut distractionem circa propinquos, quamvis inter opera misericordiae computetur morientibus ministrare et mortuos sepelire. Sed altioribus deputati, altiora prosequi debent. Denique Nazaraei in isto assimilabantur pontifici, qui, sicut et ipsi, jugiter debuit esse paratus ad actus pontificii sui. Unde in Levitico jussit Dominus, ut sacerdos non contaminaretur in mortibus civium suorum, nisi tantum in consanguineis et propinquis, qui exprimuntur ibidem: pontifex vero ad nullum mortuum prorsus ingrederetur. Jussum est item istud a Domino in idololatriae detestationem: quia, ut dictum est ibi, male-

*Lev. xxi, 1-3.*

*Ibid. 10.*

lici et sacerdotes idololatrarum in ritibus suis uti consueverunt ossibus et carnibus mortuorum.

*Sin autem mortuus fuerit quispiam subito coram eo, polluetur caput consecrationis ejus*. Pollutio illa, secundum Guillelmum Parisiensem, non fuit communiter culpa, sed irregularitas quaedam, id est inidoneitas intrandi templum, et edendi de immolatis. Poterat tamen pollutio ista in Nazaraeo esse peccatum, si non curasset vitare praesentiam mortui. Si autem tam

inopinate accidisset mors alienius ei praesentis, quod non potuisset se tempestive subtrahere, non fuisset ei culpabile. Et quod ait, Coram eo, potest exponi, in eodem loco aut domo. In Scholastica autem historia dicitur: Forte non pro quolibet mortuo, sed pro occiso coram eo, polluebatur. Verumtamen textui magis concordare censetur, quod pro quolibet mortuo, praesertim quoniam omnium horum mystica figuralisque ratio fuit. Specialiter quoque ait, Polluetur caput consecrationis ejus, quia in capitis eritione magis apparebat consecratio illa. *Quod radet illico in eadem die purgationis suae*, id est, crines suos mox die quo ita pollutus est, faciet abradi: quo die purgari incipiet per adspersionem aquae lustrationis: *et rursus septima die adaspergetur hujusmodi aqua*: siveque in  $\dagger$  prima die qua rursus fecit se radi, incepit de novo observantia suae consecrationis, quia dies praeteriti propter supervenientem pollutionem erant pro non factis.

*In octavo autem die offeret Nazaraeus qui ita pollutus erat, duos turtures vel duos pullos columbarum sacerdoti*: praesentando et exhibendo alieni sacerdoti tunc ministranti tale par avium immolationiarum, de quibus super Leviticum dicta sunt plura: *in introitu forderis testimonii*, id est ad ostium atrii, per quod ad tabernaculum intrabatur: et ante januam atrii consideravit sacerdos, an aves fuerint aptae ad immolandum. *Facietque sacerdos unum pro peccato*, id est, unam illarum

avium offeret Deo pro remissione peccati Nazarei, et alterum in holocaustum, ad reverentiam majestatis divinae quam inhonoravit; et deprecabitur pro eo, quia peccavit super mortuo, per praesentiam suam ad morientem aut mortuum, juxta sensum praetactum: vel per modum peccantis se habuit: vel alieni culpa suae fuerat adscribendum, quod Deo permittente contingit ei tale suae consecrationis obstaculum. Sanctificabitque caput ejus die illo, quo Deo sic reconciliatur, vel per aquam lustrationis purgatur; et consecrabit Domino dies separationis ejus, id est, sacerdos praefato ritu efficiet, quod observatio qua Nazareus observat ea quae ei ex lege injuncta sunt, erit placita Deo ab ea die qua de novo consecrationem suam incepit per iteratam suorum abrasionem pilorum: qua observatione dividitur a communi hominum vita. Offerens ipse sacerdos agnum anniculum, qui scilicet non sit ultra minus anni aetatem, pro peccato Nazarei: quem agnum adduxit Nazareus ad sacerdotem. Sicque pro peccato Nazarei offerebantur sacrificia duo, videlicet una avis praefata et agnus. Vel agnus iste offerebatur pro reliquis ejus peccatis, aut pro omnibus simul. Nam unum mortale sine altero non dimittitur ei qui plura habet. Ita tamen, ut dies priores, qui pollutionem praecesserunt jam dictam, irriti fiant, id est cassati et quasi infecti, ut patuit.

Quum dies quos ex voto decreverat, complebuntur, id est, impletis diebus quibus promisit Deo speciali devotione servire: adducet eum, videlicet sacerdos Nazareum, qui statuto tempore comparebat ibidem, ad ostium tabernaculi foderis, id est ad locum atrii circa altare holocausti; et offerret oblationem ejus Domino, id est, ea quae Nazareus adduxit ad immolandum, immolabit pro eo sacerdos, agnum anniculum immaculatum, id est non deformem, foedum, monstruosum aut languidum, in holocaustum, quod fuit sacrificium dignissimum: unde nec pecora feminei sexus poterant in holocaustum offerri. Ob-

tulit autem hoc holocaustum ad Dei honorem, qui contulit Nazareo perficere observantiam suam. Et orem anniculum pro peccato, id est pro culpis quas interim incurrit, et arietem immaculatum in hostiam pacificam, pro gratiarum actione de beneficiis sibi desuper datis, praesertim tempore suae consecrationis, atque pro pace aeternitatis et vera salute finaliter obtinendis. Porro Magister in historiis ait: Quum simpliciter ponitur aries, debuit ad minus esse duorum annorum, ut dicit Hebraeus, Canistrum quoque panium azymorum, in quibus videlicet non est fermentum admixtum, qui conspersi sint oleo, utpote oleati in sua pistratione, et lagana absque fermento uncta, id est lita, oleo. Lagana sunt panes lati ac tennes, qui interdum tortae vocantur. Vel, ut aliqui asserunt, sunt panes ex simila cocti in calida aqua. Ac libamina singulorum, id est materias liquidas et humectatas, quae offerebantur cum panibus illis et laganis: quae offerret sacerdos coram Domino, videlicet super altare holocausti, et faciet tam pro peccato, quam in holocaustum: id est, partem eorum quae dicta sunt, offerret pro peccato Nazarei, sicut expressum est, et partem in holocaustum ex parte ipsius. Arietem vero immolabit hostiam pacificam Domino pro Nazareo, ejus consecratio est finita, offerens simul canistrum azymorum, id est azymos panes in cophino positos, et libamina quae ex more debentur, id est, quae consuetum ac debitum est simul offerri eum pacifica hostia, juxta illud Levitici: Qui offert victimam pacificorum Domino, offeret simul libamenta ejus. Possent hic multa quari et dici de rationibus et qualitatibus et mensuris sacrificiorum istorum, de quibus super Leviticum dictum est copiose: ideoque pertranseo.

Tunc radetur Nazareus ante ostium tabernaculi foderis casarie consecrationis suae, id est, capilli capitis, quos, durante sua consecratione, portavit non rasos, abradentur in signum quod consecratio sua fuit finita, redireque potuit ad vitam commu-

Lev. vii, 29

Ibidem



nem cum ceteris, quæ in præceptorum A observantia consistebat. Radebatur autem (ut dicitur) non sub dio, sed in æde seu exedra aliqua juxta atrium sita. *Tolletque sacerdos capillos ejus, et ponet super ignem, qui est suppositus sacrificio pacificorum*, ejus una pars incendebatur, ut dictum est in Levitico. *Et armum coctum arietis*, ejus carnes in caldaria coquebantur, *tortamque unam de canistro*, id est panem unum azymum, accipiet de sporta præfata, *et layanum azymum unum*, id est unum panem latum ac tenuem non fermentatum, *et tradet in manibus Nazarevi*, in signum et recognitionem, quod ab ipso sint data et accepta, et pro ipso oblata. *Susceptaque rursum ab eo, elevabit in conspectu Domini*. Cur sacerdos iterum sumpsit ista ex manibus Nazarevi, et ea coram Domino elevavit, nisi ut tam in ipso quam in Nazareo renovaretur devotio, et applicaretur intentio ad sacrificia ista, sicque complacentior fieret Deo, et Deus de cetero conservare dignaretur Nazareum in gratia sua? *Et sanctificata sacerdotis erunt*, id est, in usum et esum ipsius cedent, quantum ad ea quæ in talibus hostiis deputata sunt usui sacerdotis, prout super Leviticum dictum est saepe. Nempe in hostiis pacificis una pars cessit in esum offerentis, et quædam pars adolebatur super altare. Erunt itaque sacerdotis, *sicut pectusculum quod separari jussum est*, id est, quemadmodum pectora aliorum sacrificiorum præter holocausta, in usum sacerdotum cesserunt, sicque jussa fuerunt dividi ab aliis partibus pecoris immolati, et sacerdotibus deputari. Hinc in Levitico

Lev. iii, 5.  
11, 16.

Ibid. ii, 3,  
10; v, 13.

Ibid. xii, 31.

Domini loquitur: *Pectusculum elevationis et armum separationis tuli a filiis Israel, et dedi Aaron sacerdoti et filiis ejus. Et femur*. Femur arietis hujus, pro hostia pacifica immolati, erit etiam sacerdotis. Unde non videtur posse salvari, quod quidam hic scribit, dicens: In aliis, scilicet sacrificiis pacificorum, sacerdos habuit tantum pectusculum. Nam in Levitico legitur: *Armum dexter de pacificorum ho-*

stiis cedet in primitias sacerdotis. *Post hæc Nazareus*, id est, qui hactenus exstitit Nazareus, *potest bibere vinum*: cetera quoque quæ nascuntur ex vite, gustare potando aut manducando, quia de cetero Nazareus non fuit.

*Ista est lex Nazarevi, exceptis his quæ invenerit manus ejus*: id est, præter sacrificia memorata, ex legis præcepto immolanda, potuit plura seu majora offerre ex spontanea devotione. *Juxta quod mente devoverat, ita faciet*, id est, votum suum mentale implebit, imo et desiderium suæ supererogationis quo ultra debitum offert quod placet, *ad perfectionem sanctificationis suæ*, id est ad hoc, ut ex tali impletionem et voti supererogatione perficiatur sanctificatio quam tempore suæ consecrationis exerevit sive adeptus est.

Sequitur speciale officium sacerdotum, et forma benedictionis, qua populo benedicere debuerunt. *Locutusque est Dominus ad Moysen, dicens: Loquere Aaron et filiis ejus: Sic benedicetis ministerialiter*, id est, bona imprecabimini vos et posteri vestri, *filiis Israel*, id est unicuique eorum tempore suo, seu pluribus simul vel communitati. *Benedicat tibi Dominus*, dona gratiæ conferendo, et multiplicando ea in te, imo et temporalia ad sufficientiam tribuendo; *et custodiat te in adversis*, et a malis præservet, atque in bonis conservet. *Ostendat Dominus faciem suam tibi*, id est, te nunc gratiose illuminet, deinde ad suam beatificam visionem perducet; *et misereatur tibi*, ignoscendo tibi tua peccata, et quasi condolendo calamitatibus tuis, te relevando in eis. *Convertat Dominus vultum suum ad te*, id est, te clementer adspiciat, pie præveniat, misericorditer consoletur, sicque gratiosum et familiarum se tibi exhibeat; *et det tibi pacem*, pacem videlicet temporis, pacem pectoris, quæ est quies mentis in Deo, et pacem æternitatis. *Invocabunt nomen meum super filios Israel*, quia inter Deum et populum sunt mediatores; *et ego benedicam eis*, implendo orationes et benedictiones

sacerdotum fusas pro populo. Ex quo patet, quod orationes et benedictiones sacerdotum, in quantum sunt vicarii Dei, et communes ministri plebis ipsius, in persona communitatis agentes, magnam effi-

Acaciam sortimur : ideo sunt honorandi, et exorandi ut orent pro aliis. Et si virtuosae sint conversationis, majoris vigoris sunt oblationes, orationes, et benedictiones eorum.

## ARTICULUS XII

### EXPOSITIO SPIRITUALIS CAPITULI HUIUS SEPTI.

**V**IR sive mulier, quum fecerint votum. Per Nazaraeos, designati sunt homines evangelicae perfectionis, praesertim casti, sobrii, praesertim qui evangelica conantur consilia adimplere. Quemadmodum autem per Nazaraeos omni tempore vitae suae seu usque ad mortem, praefiguratae sunt religiosae personae, quae vitam monasticam profitentur et servant usque ad obitum suum; ita per Nazaraeos ad certum tempus expressi sunt Christifideles, qui ex proposito seu promissione vacant ad tempus spiritualibus exercitiis certarum virtutum, abstinendo, peregrinando, orando, aut pauperibus ministrando. Hi omnes a vino et omni inebriativo, carnaliterque delectante debent penitus abstinere, hoc est ab immoderantia universorum, quae gustum et tactum oblectant : quod et praelatis, principibus atque iudicibus praecipue est servandum, juxta illud Proverbiorum : Noli regibus dare vinum, quia nullum secretum ubi regnat ebrietas : ne forte bibant, et obliviscantur iudiciorum, et mutent causam filiorum pauperis. *Acetum ex vino*, etc., id est, amaritudinem quae ex vinolentia sequi solet, aut aliam pravam libidinem concomitari, non sibi imprimunt nec admittunt, quum dicat Apostolus : Omnis amaritudo, ira, indignatio et clamor tollatur a vobis. *Uvas recentes siccassque non comedent*. Sicut per vinum luxuria, ita per uvas recentes praebula et incitamenta luxuriae, puta amplexus, tactus et

oscula, intelliguntur, quibus appetitus non est reficiendus, sed reprimendus.

*Sanctus erit, crescente casarie capitis ejus*. Casaries capitis, est germinatio bonarum meditationum, piarumque affectionum in corde : quibus invalescentibus, homo fit sanctus, propter quod increata Sapientia contestatur : Eruditus intersum cogitationibus. *Super mortuum non ingreditur*. Quoniam ei qui per vitia mortuus mente est, non debet uniri, conformando se illi in quocumque illicito. *Nec super patris quidem et matris, fratris, sororisque funere contaminabitur* : id est, nullus quantumcumque propinqui aut eari inordinato affectu se inquinabit, nec de illorum morte seu quacumque adversitate immoderanter tristabitur, ne per hoc a puritate et stabilitate contemplationis atque a puritate retrahatur divini amoris. *Sin autem mortuus fuerit quispiam subito coram eo*, id est, si aliquis eo approbante aut non impediante pro posse, ruat in peccatum mortale, *polluetur caput consecrationis ejus*, id est, mens ejus Deo dicata, in consimilem decidit culpam, quia non solum morte digni sunt qui faciunt talia, sed etiam qui consentiunt facientibus. Hinc rursus loquitur Paulus : Nolite communicare operibus infructuosis tenebrarum, magis autem redarguite. *Quod radet illico in eadem die*, id est, protinus poenitebit, et cogitationes affectionesque pravas de corde suo abijcet : et aquis lu-

PROP. XXXI,  
4-5.

Ephes. iv,  
31.

1th l. v, 18.

PROV. xiii,  
12.

Rom. i, 32.

Ephes. v,  
11.

strationis purgabit se, id est, lacrimis contritionis, aqua sapientiae salutaris, rore divinae visitationis se emundabit.

*In octavo autem die*, id est, septenario suae poenitentiae jam completo, *offeret duos turtures*, id est mentis et corporis castitatem, *vel duos pullos columbarum*, id est sapientialem simplicitatem in corde et ver-

*Prov. iii,*  
*32.*  
*Matth. x,*  
*16.*

bis. Cum simplicibus namque est sermo-  
cinatio Dei, qui ait : Estote simplices sicut columbae. Sacerdos vero pro ipso sacrificans, est vel devota mens sua, vel sacerdos exterior aut praelatus, qui offert pro illo *agnum unicum*, id est innocentissimum Dei Agnum propter nos crucifixum, seu passionem ipsius. *Ita tamen, ut dies priores irriti fiant*, quoniam polluta est sanctificatio ejus : quia dum quis mortaliter peccat, mortificantur merita ejus praeterita, quemadmodum per Ezechielem Dominus testatur : Si averterit se justus, etc., omnes justitiae ejus non recordabuntur. Verumtamen per sequentem contritionem rursus vivificantur. Spiritualis demum ratio et significatio sacrificiorum, quae ex-

*Ezech.*  
*xviii, 21.*

*Tunc radetur Nazareus*. Hoc est quod  
*Luc. xvii,* ait Salvator : Quum feceritis omnia quae  
*10.* praecepta sunt vobis, dicite : Servi inutiles sumus : quod debuimus facere, fecimus. Quum itaque homo virtuosus juxta suae

exigentiam vocationis digne fuerit conversatus, necesse est ut se omnino profunde humiliet, et distractiones, pravasque cogitationes et phantasias quas interim habuit, debeat et deploret. Quum enim consummarit homo, tunc incipiet. Tales autem capillos comburet igne, quoniam caritatis consumuntur fervore. Caritas quippe operit multitudinem peccatorum. Est quoque ignis caritatis suppositus sacrificiis, quoniam nulla oblatio, sive sit spiritualis seu corporalis, est Deo accepta, nisi in caritate fundetur, et ex ea procedat.

*Eccli. xviii,*  
*6.*

*1 Petr. iv,*  
*8.*

*Sic benedicetis filiis Israel : Benedicat tibi Dominus*. Ista fuit benedictio valde compendiosa, sententiosa, devota et optima, juxta cujus formam sacerdotes evangelicae legis populo christiano, et unicuique ejus supposito, praesertim sibi commissis, benedicere debent : et exprimuntur in ea sex verba, significantia sex actus Dei, quibus maxime indigemus. Primo videlicet, ut dona gratiae suae nobis infundat, quod tangitur quando ait : Benedicat tibi Dominus. Secundo, ut dona infusa conservet. Tertio, ut de statu viae ad gradum gloriae perducat. Quarto, ut culpas interim se miscentes dimittat. Quinto, ut nos gratiose praeveniat. Sexto, ut pacem conferre dignetur. Atque (ut ait Glossa) in hac benedictione Dominus ter nominatur, ut summa sanctaque Trinitas intelligatur.

## ARTICULUS XIII

EXPLANATIO LITTERALIS CAPITULI SEPTIMI : FACTUM EST AUTEM IN DIE QUAE COMPLEVIT MOYSES TABERNACULUM.

**F**ACTUM est autem in die qua complevit Moyses tabernaculum et crevit illud, unxitque et sanctificavit cum omnibus vasis suis, altare similiter et vasa ejus. In Exodo legitur, Mense primo anni secundi, in prima die mensis, collocatum

*Exod. xl,*  
*15, 16.*

est tabernaculum, crexitque illud Moyses. Eodem capitulo Dominus ait ad Moysen : Assumpto unctionis oleo, unges tabernaculum cum vasis suis, ut sanctificentur altare holocausti et omnia vasa ejus. Deinde subjungitur ibi, Posuit et altare aureum

*Exod. xl,*  
*9, 10.*

*Ibid. 24.*



sub tecto testimonii. Itaque prima die primi mensis anni secundi ab egressu filiorum Israel de Aegypto, complevit Moyses tabernaculum, id est, ungendo atque ad divina ibi agenda aptando, consummavit tabernaculum seu consecravit, quod jam paulo ante ab artificibus fuerat materialiter completum : et sicut Moyses fecit illud, id est, fieri jussit, ita erexit illud per manus aliorum, qui partes tabernaculi compaginaverunt, et vasa ac utensilia quaedam sacra intulerunt in illud : de quibus omnibus super Exodum est tractatum. *Ob-*  
*tulerunt principes Israel, et, pro id est,*  
*capita, id est capitanei, familiarum, qui*  
*principes erant per singulas tribus, id*  
*est, singuli in singulis tribubus prae-*  
*sident, videlicet unusquisque eorum in sua*  
*tribu, tamen sub Moyse, ejus isti erant*  
*coadjutores in tanti regimine populi, prae-*  
*fecti eorum qui numerati fuerant a vice-*  
*simo anno et supra, ut primo hujus libri*  
*capitulo patuit, munera coram Domino,*  
*de quibus muneribus infra in capitulo isto*  
*habetur : quae munera Domino obtulerunt*  
*in ejus conspectu atque praesentia, qui*  
*omnia intuetur, et ubique est praesens,*  
*praecipue tamen in locis ei consecratis :*  
*sex plaustra tecta, id est operta, cum duo-*  
*decim bobus, duo enim duces seu principes*  
*unum plaustrum cum duobus bobus dede-*  
*runt et exhibuerunt ad Dei honorem, ut*  
*servirent ad ea quae necessaria erant circa*  
*tabernaculi, pertinentiumque ad illud, de-*  
*portationem, prout in textu, qui planus*  
*est, recitatur, supra quoque expositum est.*

Verum circa haec oritur quaestio intricata de ordine rei gestae, quia jam dictum est, quod tabernaculum sit erectum prima die mensis primi anni secundi. Porro in exordio hujus libri scriptum est : Locutus est Dominus ad Moysen in tabernaculo foederis, prima die mensis secundi anno altero, id est secundo egressionis eorum ex Aegypto, dicens : Tollite summam universae congregationis filiorum Israel. Ex quo sequi videtur, quod oblatio, de qua in isto capitulo agitur, per mensem praecessit

populi numerationem, quum tamen hic enarratur post praefate numerationis descriptionem. Hinc aliqui dicunt, quod hoc loco non servatur ordo historiae, et quod ista scribuntur per recapitulationem in praesenti capitulo. Quibus obviare videtur quod in littera dicitur : Obtulerunt principes, etc., praefecti eorum qui numerati fuerant : ergo apparet, quod tempore harum oblationum tribus jam numeratae fuerunt.

Praeterea in Levitico describitur, quemadmodum consecratio Aaron filiorumque ejus in pontificium et sacerdotium, duravit septem diebus. Deinde in eodem subiungitur : Facto autem octavo die, vocavit Moyses Aaron et filios ejus : et illo die coeperunt Aaron et filii ejus sua exercere officia, quod non potuit esse ante erectionem tabernaculi : sicque videtur, quod post illos septem dies consecrationis coeperunt principes isti offerre, puta die octavo. Quod rursus reprobat per id quod in isto capitulo legitur, quod die quo erectum est tabernaculum, obtulerunt : quod fuit prima die anni secundi. Iterum, si octavo die mensis secundi offerre coeperunt ibi principes, quorum oblatio duravit per dies duodecim, ut paulo post fertur in textu, protracta fuit oblatio eorum usque ad nonumdecimum diem secundi anni : sicque filii Israel post illas oblationes non celebrassent Pascha quartodecimo die ad vespem, ut erat praecipuum, imo ut infra in principio noni capituli fecisse leguntur. Si ergo concedatur quod primo die anni secundi coeperunt offerre praefecti, sacerdotibus nondum consecratis, tunc sacerdotes consecrati sunt vel post istas oblationes, vel infra dies earum : et constat quod non sint consecrati post illas oblationes ex textu, nec infra eas. Non enim apparet, quod solus Moyses potuerit omnia illa exercere una die, quae circa sacerdotum consecrationem et principis oblationem fiebant, quemadmodum ex Exodo et ex Levitico atque ex isto probari capitulo potest. Hinc aliqui responderunt, quod

Lev. vii.  
34.

Ibid. ix, 1,  
8 et seq.

Exod. xl.

Num. i, 50.

Exod. xl,  
15.

Num. i, 1, 2.

Exod.  
xxix. Lev.  
viii.

septem dies consecrationis sacerdotum per-  
tinnerunt ad ultimam primi anni hebdo-  
madam, et ita respectu illorum septem  
dierum, primus dies anni secundi vocetur  
octavus, in quo Aaron suum cepit offi-  
cium exercere, in quo et principes coepe-  
runt offerre.

Hæc responsio in Scholastica historia  
tangitur. Cui partim concordat quod Lyra  
Rabbi Salomonem asserit respondisse, quod  
scilicet duplex fuit erectio tabernaculi :  
una quotidiana, qua erigebatur mane, et  
deponebatur vespere : alia stabilis, quæ  
duravit usque ad motionem castrorum : et  
quod prima illa erectio facta est septem  
diebus ultimis primi anni egressionis de  
terra Egypti, atque in illis consecrati sunt  
sacerdotes, in quibus diebus solus Moyses  
exercuit sacerdotale officium. Octava au-  
tem die, quæ fuit prima dies anni secun-  
di, facta est prima tabernaculi erectio sta-  
bilis, tuncque sacerdotes suum coeperunt  
officium exsequi. Istud, inquam, consonat  
præinductæ responsioni, nisi quod addit  
de prima illa tabernaculi erectione quoti-  
diana : quod videtur ficticium, quum ex  
textu manifeste probetur, quod tabernacu-  
lum sit primo erectum primo die anni  
secundi. Et quod antea non fuit erectum  
per unam septimanam quotidie, probatur  
ex hoc quod a vicesimo sexto Exodi capi-  
tulo usque ad quadragesimum libri illius  
capitulum, describitur qualiter Beseleel et  
Ooliab exsecuti sint quæ Deus jusserrat per  
Moysen fieri : qua narratione completa, in  
fine capituli tricesimi noni legitur : Quæ  
postquam Moyses cuncta vidit expleta, be-  
nedixit eis : moxque ibidem in exordio  
capituli quadragesimi immediate subjun-  
gitur : Locutusque est Dominus ad Moy-  
sen, dicens : Mense primo, prima die men-  
sis eriges tabernaculum : et nulla fit mentio  
ibi de alia sen priori tabernaculi erectio-  
ne. Nec videtur ad quid illa quotidiana  
erectio utilis exstisset filiis Israel ibi  
quiescentibus circa Sinai montem.

Præterea Magister in historiis ait : Dici  
potest quod eadem die inchoata sit unctio

A sacerdotum et tabernaculi, et oblatio prin-  
cipum, et eucurrerunt simul per septem  
dies, post quos adhuc duravit oblatio prin-  
cipum quinque diebus. Tangit deinde idem  
Magister solutionem aliam, dicens : Dici  
potest, hanc oblationem duodecim prin-  
cipum factam secundo mense anni secundi,  
nec per recapitulationem hæc dici : quod  
vero legitur in ea die esse inchoatam, qua  
unctum est tabernaculum, intelligendum  
est de die consimili. Istud videtur rationa-  
biliter posse teneri : ad quod ex littera in-  
ducta est ratio una. Alia est, quoniam in  
textu hujus capituli legitur : *Ait Dominus  
ad Moysen : Suscipe ab eis planstra, ut  
serviant in ministerio tabernaculi, et tra-  
des ea Levitis juxta ordinem ministerii  
sui. Itaque quum suscepisset Moyses plan-  
stra et bores, tradidit ea Levitis. Duo plan-  
stra et quatuor bores dedit filiis Gerson,  
juxta id quod habebant necessarium, etc.* Ex  
quibus sequi videtur, quod ante oblatio-  
nem principum, distinctæ fuerunt Levita-  
rum familiæ per sua officia : quod tamen  
C in earum numeratione legitur factum su-  
pra. Rursus, quod oblatio principum non  
describatur hic per recapitulationem, sed  
secundum gestæ rei ordinem, hinc vide-  
tur quod duodecim tribubus præfecti sunt  
duodecim principes, de quorum oblatio-  
ne nunc agitur in enumeratione tribuum,  
et non ante, ut patet ex primo hujus libri  
capitulo. Sicque numeratio illa oblationem  
istam præcessit.

*Ignitur obtulerunt duces in dedicatione  
altaris, id est in consecratione altaris ho-*  
D *locustorum, quod eodem die cum taber-*  
naculo et utensilibus ejus est dedicatum,  
unctum seu consecratum, ut legitur in  
Exodo : imo in Exodo legitur, quod taber-  
naculum et utrumque ejus altare sint pa-  
riter consecrata : tamen de altari fit mentio  
specialis, quia in eo offerebantur sacrifi-  
cia ista : *oblationem suam*, id est sacrificia,  
quia in oblatione totali cujuslibet principis  
multa particularia sacrificia contineban-  
tur, sicut in textu exprimitur : *ante altare*,  
quia adduxerunt sacrificia sua ad sacerdo-

Num. iv.

Exod xxx,  
26-28.

tes, a quibus deducta fuerunt ante altare A holocausti in atrio. *Dirigitque Dominus ad Moysen* : *Singuli duces per singulos dies offerant munera in dedicatione altaris*, id est in tempore quo altare est dedicatum, seu ad reverentiam dedicationis illius, ut ex tam solenni oblatione dedicatio videretur celebrior. Elicitur demum ex verbis istis, quod duodecim principes intende-  
bant omnes una die sua sacrificia immolare : imo uno animo hoc fecerunt. Propter quod dictum est, Obtulerunt duces in dedicatione altaris die qua unctum est, B quasi plures una die obtulissent : sed Deo iubente, obtulerunt singulatim quilibet suo die.

*Primo die oblationum istarum, obtulit oblationem suam Naasson filius Aminadab de tribu Juda. Fueruntque in ea*, id est, in totali illa oblatione continebantur, *acetabulum argenteum pondi centum triginta siclorum*, id est ponderans, seu pondere continens siclos centum triginta. De quantitate autem, et valore duplicitateque sieli, dictum est saepe. Pro acetabulo, habetur in C Hebræo, scutella. In hoc autem acetabulo, secundum aliquos, considerabatur materia offerenda, an esset oblationi conveniens, ut acetum, vel potius similia et incensum. *Phiala argentea*, in qua, secundum quosdam, thus ponebatur : vel, ut alii dicunt, liquida (ut vinum) considerabantur in ea, an essent immolaticia : *habens septuaginta siclos iuxta mensuram sanctuarii*, id est, continens materiam seu pondus septuaginta siclorum, quorum usus fuit in tabernaculo. *Utrumque, videlicet acetabulum D et phialam, plenum similia*, id est delicatissima tritici farina, *conspersa oleo*, ut offerretur cum aliis materiis in sacrificium. *Mortariolum aureum habens*, id est continens, *decem siclos*. In hoc vaseculo quadam species seu aromata terebantur, et ad hoc sufficere poterat, quamvis quidam dicat oppositum. Verumtamen in Hebræo legitur, Cochlear, quo scilicet thus in thuribulo ponebatur. *Plenum incenso*, hoc est, materia incendenda in altari thy-

miamatis, utpote thymiamale. *Bovem de armento*, id est sumptum de grege pecorum suæ speciei, *et arietem, et agnium annuatim in holocaustum*, ita quod agniculus iste, vel certe tria pecora illa, in holocaustum offerebantur. *Hircumque pro peccato*, Nam hircus pro peccato principis offerri solebat, ut dictum est in Levitico. *Et in sacrificio pacificorum, boves duos*. Duo boves illi immolabantur in hostiam pacificam pro gratiarum actione de beneficiis datis, atque pro pace et salute præstandis aut conservandis. *Arietes quinque, hircos quinque, agnos anniculos quinque*. Hæc etenim animalia erant immolaticia.

Sicque decem et septem animalia obtulit Naasson in pacificas hostias, tria in holocaustum, et unum pro peccato, quæ simul fuerunt viginti unum jumenta : quorum omnium certas, determinatas, literalesque rationes assignare, super hominis vires est, quamvis constet Deum nil horum sine ratione præcepisse legitima. Verumtamen quidam quasdam adaptationes adducunt, quæ modici sunt momenti, sicut et alibi est probatum. Et super illud, Hircumque pro peccato, scribit quidam, Ad expiandum peccatum venditionis Joseph, in qua hircus occisus est : quod non videtur idonee dictum, quia et fratres venditores ipsius Joseph, postea valde pœnituerunt, veniamque sortiti sunt, et sancte vixerunt, sicut de Levi specialiter in Malachia legitur, In pace et æquitate ambulavit, etc. *Hæc est* <sup>6.</sup> *oblatio Naasson*. Estque probabile, quod obtulit ista, non tantum pro se, sed et pro tribu cui præfuit.

*Secunda die obtulit Nathanael, dux de tribu Issachar*. Omnes principes isti eandem in specie oblationem fecerunt, et ex descriptione unius patent aliarum expositiones. Obtulerunt quoque non secundum ordinem generationis duodecim Patriarcharum ex Jacob, sed juxta ordinem situationis suæ circa tabernaculum, et processus in profectioe castrorum. Princeps equidem in tribu Juda, et princeps in tribu Issachar, princepsque in Zabulon tri-

Lev. ix. 21

Malach. ii.



bu, fixerunt tentoria ad tabernaculi orientem. Sicque de aliis est pensandum, prout *Num. II, 3.* supra habetur. Quod autem omnes principes aequalem oblationem fecerunt, commendat humilitatem concordiamque ipsorum, quum tamen unus alio esset nobilior, et pluribus præsideret. Primo autem obtulit princeps tribus Judæ, quia tribus illa fuit privilegiata in multis, et numero ac viribus major. De qua sanctus Jacob prædixit nascituros non solum principes totius Israelitici populi, sed etiam Christum regem : ideo propter Christum fuit tribus illa tam incluta et electa. Aliqui quoque addunt, quod in transitu maris Rubri, tribus Juda primo Moysen sit secuta. Quod tamen Rabbi Paulus non approbat, quamvis multi Catholici et Hebræi hoc dicant. *Gen. XLIX, 10.*

## ARTICULUS XIV

DE MYSTICO EJUSDEM CAPITULI SEPTIMI INTELLECTU.

**P**ER oblationes principum duodecim tribuum, in dedicatione tabernaculi et altaris factas tam ordinate, præfigurabatur, quod in dedicationibus ecclesiarum atque altarium debeant Christifideles, præsertim majores, liberaliter, devote et ordinate offerre. Allegorice per Moysen exprimitur Christus, qui Deo Patri edificavit, consecravit, et erexit Ecclesiam ex vivis et electis lapidibus, quam unxit Spiritu Sancto, et sanctificavit cum vasis suis, hoc est personis seu cordibus devotorum, atque altari, id est intellectu illuminato, qui spiritalia jugiter offert Deo. Tunc principes obtulerunt, quia in primitiva Ecclesia et ejus gratiosissimaunctione sancti Apostoli immolaverunt hostias laudis et gratiarum actionis, incensum orationis, et satisfactionis opera pro diversis : imo pro omnium communi reconciliatione et salute. Deo prædicta sacrificare non cessaverunt. Obtulerunt quoque sex plaustra, quia corporalia impendebant conversis solatia. Dividebatur namque singulis, prout cuique opus erat, nec quisquam egens exstitit inter illos, sicut in Actibus recitatur. Obtulerunt etiam boves, quia Apostoli undique direxerunt suos discipulos prædicatores egregios, qui excoluerunt et fecundaverunt Ecclesiam.

**B** Obtulit autem unusquisque principum acetabulum argenteum, per quod discretus confessor significatur, qui confitentes examinat, an bene dispositi sint ad offerendum Deo se ipsos et sua. Per phialam designatur prudens et eruditus consultor ac informator, qui instar phialæ angustatur intus in se, sed dilatatur in Domino. Isti sunt pleni similia, hoc est puritate interna, et oleo pietatis atque incenso sanctæ dilectionis. Mortariolum, per quod vir patiens designatur, qui ictibus adversitatum percutitur. Obtulit quoque bovem, id est, proprium corpus exhibendo arma justitiæ Deo : et arietem, hoc est rationis ducatum : et hircum, id est, sensualitatem infectam ac fœdam frenando : et in sacrificio pacificorum boves duos, quoniam ad regrediendum, orandumque pro se, invitat et adducit proximos virtuosos. Vel duo boves sunt duplex appetitus sensitivus, videlicet concupiscibilis et irascibilis. Arietes quinque, id est, quinque sensus exteriores regit secundum Deum : hircos quinque, hoc est sensus interiores : agnos anniculos quinque, per quos sensus spirituales, qui quinque sunt, intelliguntur. Ista sunt offerenda proportionabiliter et a nobis, ut donis Dei utamur salubriter, mala reprimamus viriliter, et bona prosequamur alacriter.

## ARTICULUS XV

DECLARATIO LITERALIS CAPITULI OCTAVI : LOCUTUS EST DOMINUS AD MOYSEN :  
LOQUERE AD AARON.

Exod. xl. 1

**R**EPETUNTUR quaedam in exordio huius capituli, quae in Exodo continentur : et de Levitarum consecratione deinde tractatur. *Locutus est Dominus ad Moysen : Loquere ad Aaron : Quum posueris septem lucernas, candelabrum in australi parte erigatur.* Candelabrum namque situm fuit in exteriori tabernaculi parte versus plagam meridionalem, et lucernae super candelabrum ponebantur, juxta illud

Ibid. 22, 23.

Exodi : Posuit Moyses candelabrum in tabernaculo testimonii e regione mensae in parte australi, locatis per ordinem lucernis. Denique, ad pontificem pertinuit lucernas disponere atque accendere, vel per se, vel per aliquem sacerdotum, cui commisit hoc. *Hoc igitur praeripe, ut lucernae contra boream e regione respiciant ad mensam panum propositionis :* quoniam mensa illa sita fuit in exteriori parte tabernaculi ad aquilonem, secundum illud Exodi. Posuit mensam in tabernaculo testimonii ad plagam septentrionalem extra velum, ordinatis coram propositionis panibus. Sicque lucernae contra boream constitutae, respiciebant ex opposito mensam propositionis.

Ibid. 20, 21.

*Contra eam partem quam candelabrum respicit, lucere debebunt.* Ex stipite quippe candelabri in parte ejus superiori egrediebantur oblique tria brachia ab utraque stipitis parte, in quorum summitatibus collocabantur lampades seu lucernae, quarum flammæ seu lumina lateraliter resperxerunt lucernam illam in medio stantem in caemine stipitis. Hinc scriptum est : *Facies lucernas septem, et pones eas super candelabrum, ut luceant ex adverso.*

Ibid. xxx, 37.

*Hæc autem erat factura candelabri. Ex auro ductili, tam medius stipes, hoc est*

hastile candelabri, *quam cuncta quæ ex utroque calamorum latere nascebantur :* id est, tam stipes quam ea quæ egrediebantur ex brachiis seu calamis candelabri. Inerunt facta ex auro ductili, hoc est malleis ad formam redacto. Josephus tamen ait, Fusili. Hinc scriptum est in Exodo : *Facies et candelabrum ductile de auro mundissimo, hastile ejus, calamos, scyphos, sphaerulas, ac lilia ex ipso procedentia, universa de auro purissimo :* quæ omnia super Exodum cum opinione Josephi sunt tractata. *Juxta exemplum quod Dominus ostendit Moysi, ita operatus est,* id est fieri fecit, *candelabrum, quod Beseleel fabricavit.* Hoc est quod in Exodo Dominus ait ad Moysen : *Inspice et fac juxta exemplar quod tibi in monte monstratum est :* quod ibi expositum fuit. De quibus omnibus et significationibus, formis, et causis eorundem, super Exodum diffuse est dictum.

Exod. xxx, 31.

Ibid. 40.

Quibus nunc breviter addi potest, quod libro de Fide et legibus scribit Guillelmus : Candelabrum cum septem lucernis suis, præcepit Dominus erigi a parte meridiei contra aquilonem, in figuram septem planetarum : mensam vero propositionis cum panibus, ad partem aquilonis ex adverso : quoniam populatio ad partem aquilonis est in hoc mundo, ideirco est ibi fertilitas cibi, quæ signatur in panibus. Pars namque australis opposita terræ nostræ habitationis, est inhabitabilis. Porro aliis visum est, quia vitalis caloris ac luminis vigor est in parte cœli meridionali : ideirco ad hoc designandum, præcepit Dominus candelabrum ignis et luminis stare ad partem illam : ex adverso autem ad partem aquilonis, poni præcepit mensam et panes pro-

positionis, quoniam virilis caloris nutrimentum est esca, quæ in parte aquilonari magis abundat. Sed hæc intuentibus et non intelligentibus quid proderant? Hæc igitur causa fuit ad litteram, quatenus adorantes in tabernaculo, et offerentes in ejus altaribus, recognoscerent se a Deo obtinere nutrimentum et lumen. Hæc Guillelmus.

Sequitur de dispositione oblationeque Levitarum. *Locutusque est Dominus ad Moysen : Tolle Levitas de medio filiorum Israel, tanquam divino cultui specialiter deputatos, et purificabis eos juxta hunc ritum : Adspersionem aqua lustrationis.* Per cujus adspersionem filii Israel munda- bantur ab immunditiis quibusdam corporalibus atque legalibus, quas ex contactu defuncti et mortuini et consimilibus contrahabant. Adspergebantur autem Levitæ a pontifice. *Et cadant omnes pilos carnis suæ :* in quibus, ut in Scholastica habetur historia, non includebantur capilli. *Quumque laverint vestimenta sua, et mundati fuerint* per præfata : nempe per ista exteriora admonebantur, ut interiori puritati studerent, universasque cogitationes superfluas et affectiones immundas abjicerent, et aqua sapientiæ orarent perfundi. Præterea Rabbi Moyses scribit, quod ex quo Levitæ divino sunt cultui mancipati pro aliarum primogenitis tribuum, quæ per idololatriam aurei vituli erant fœdatæ, quæ idololatria est spiritualis lepra : ideo sicut a corporali lepra purgati jubebantur omnes suæ carnis abradere pilos, sic et Levitæ qui pro illis idololatriis deputati sunt Deo. *Tollant bovem de armentis, id est, Levitæ accipiant, et secum adducant bovem de grege suo, et libamentum ejus, puta materiam inanimatam offerendam cum bove : unde subjungitur, similitam oleo conspersam, ex qua fiebat sapidus panis. Bovem autem alterum accipies a Levitis offerendum a sacerdote pro peccato, hoc est pro remissione culparum ipsorum. Unde apparet, quod prior bos offerebatur in holocaustum, imo hoc paulo post habetur in textu. Et applicabis, hoc est deduces ac*

presentabis. *Levitas coram tabernaculo fiederis, ita quod stabunt in atrio ante fores tabernaculi : convocata omni multitudine filiorum Israel, quorum præcipui stabant in atrio apud Levitas.*

*Quumque Levitæ fuerint coram Domino, stantes in loco præfacto, ponent filii Israel, scilicet aliqui ex principalibus, manus suas super eos.* Duodecim enim tribus offerebant Deo Levitas ad serviendum in tabernaculo pro primogenitis omnium tribuum : offerebant tamen Levitas per manus pontificis. Propterea subditur : *Et offeret Aaron Levitas munus in conspectu Domini a filiis Israel, id est, pontifex Levitas offeret Deo pro munere ex parte communitatis, secundum quod sibi assignati erant ad hoc a communitate. Levitæ quoque, videlicet quidam ipsorum ex parte omnium, ponent manus suas super capita bovm, qui offerebantur ex parte ipsorum : offerentes namque posuerunt manus suas super hostias suas : e quibus unum facies, id est, per manus pontificis offerri facies, id est, per manus pontificis offerri facies, pro peccato Levitarum, et alterum in holocaustum, ut depreceris pro eis, id est, quatenus deprecatio tua et pontificis, una cum sacrificiis fusa pro Levitis, fiat Deo acceptior. Statuesque Levitas in conspectu Aaron et filiorum ejus, quatenus in cultu tabernaculi sint ministri pontificis ac sacerdotum, sicut patuit. Et consecrabis, hoc est, divino cultui dedicabis, ipsos Levitas oblatos Domino, secundum ritum jam dictum. In quo ritu, ut ex dietis colligitur, observabantur hæc quinque. Primo enim adspergebantur aqua lustrationis. Secundo, pili eorum abradebantur. Tertio, lavabantur vestes eorum. Quarto, fiebant pro eis sacrificia nunc expressa. Quinto, a multitudine populi immolabantur Deo per manus pontificis. Ac separabis eos de medio filiorum Israel, sicut spirituales personæ a sæcularibus distinguuntur, ut sint mei, per speciale obsequium : et postea ingrediantur tabernaculum, utpote exteriorum ejus partem, non autem Sancta sanctorum. Aliis autem tribubus non licuit ingredi in*

Num. v.



tabernaculum ipsum: ideo dicitur, *ne sit A* *plaga in populo, si ausi fuerint accedere ad sanctuarium.*

*Elevavitque eos Aaron in conspectu Domini: hoc est, Levitas cum devotione Domino præsentalit, Levitarumque corda excitavit ad hoc, quod se cum ingenti devotione et gratiarum actione elevarent ad Dominum.*

*Locutusque est Dominus: Hec est lex Levitarum. A viginti quinque annis sue ætatis et supra, ingrediantur sanctum locum, ut ministrent in tabernaculo fœderis, usque ad quinquagesimum annum sue ætatis, faciendo opera laboriosa in deferendo vasa aut alia, prout in expositione superius dicta patuit. Verumtamen juxta ibidem contenta, non ceperunt exsequi sua officia ante annum vitæ suæ tricesimum, sed ab anno vicesimo quinto inceperunt addiscere concernentia officium suum. Quumque quinquagesimum annum ætatis impleverint, servire cessabunt, hoc est, præacta opera graviora exsequi sinent, quia extunc erant quasi emeriti milites, non tamen penitus otiosi. Nam subditur: *Eruntque ministri fratrum suorum, videlicet sacerdotum, ut custodiant quæ sibi fuerint commendata a sacerdotibus ad custodiendum, videlicet vasa et alia sacra: opera autem ipsa non facient:* quæ decuit a junioribus et fortioribus fieri, præsertim quando sufficiebant ad hoc.*

Sensus mysticus.

Insuper juxta mysticos intellectus, tabernaculum est Ecclesia militans, in qua Aaron, hoc est Christus, ponit septem lucernas, septem videlicet dona Spiritus Sancti in cordibus devotorum, et in suorum mentibus electorum. Candelabrum vero in parte australi erigitur, dum evangelica doctрина, seu bonus prælatus, qui vita, doctрина, fama et moribus splendet, in gratiarum fervore, seu in prosperitate spirituali locatur, ita quod proficit sibi et aliis, et recte sibi succedit in suo regimine. Tunc quoque lucernæ ex opposito ad mensam panum propositionis respiciunt, dum is qui

donis Spiritus Sancti repletus est, eadem dona communicat aliis, et spiritualiter reficit illos, quemadmodum præstantissimus princeps Apostolorum hortatur: Unusquisque sicut accepit gratiam, in alterutrum illam administrantes. Præterea, per Levitas intelliguntur subdiaconi atque diaconi, aut in inferioribus ordinibus constituti, qui pro communi populo serviunt Domino, quos ante assumptionem ordinum, præsertim sacrorum, et ante executionem usus eorum, oportet purificari a vitiis, specialique gratia decorari, et tanto plus, quo altiore suscipiunt exsequunturve ordinem. Primo ergo adspargendi sunt aqua lustrationis, hoc est, lacrimis contritionis se ipsos perfundere debent, et aquas sapientiæ adipisci. Deinde, pilos carnis suæ debent abraderе, id est, omnes supervacuas occupationes, motionesque carnales, imaginationes turpes, apprehensiones noceivas prorsus abjicere, nec ullam temporis partem infructuose expendere. Tertio, debent vestes suas lavare, id est, virtutes actionesque virtuosas a malis eis admixtis purgare, mala illa deflendo ac diligenter vitando. Quarto, debent bovem offerre, hoc est, carnem cum concupiscentiis suis maculare seu refrenare, atque in Dei obsequio facere promptam. Quibus peractis, condigni sunt ut per episcopum ad ordines promoveantur sublimiores, et pro multitudine deprecantur.

Præterea, per hoc quod Levita ab anno vicesimo quinto usque ad quinquagesimum, peragerent opera interiora et graviora, a quinquagesimo autem custodes vasorum fierent: datur intelligi, quod homines in ætate adolescentiæ ac juventutis, non sunt communiter ita apti ad interna contemplativæ vitæ exercitia atque ad regimen animarum, propter vehementiam passionum, sanguinisque fervorem: quemadmodum in ea ætate, qua declinantibus viribus corporis talia conquiescunt, et homo expeditius ad divina ac spiritualia fertur. Verumtamen ex specialibus gratiæ donis confertur quammultis, ut in juven-

1 Petr. iv  
10.

1 Cor. x,  
21.

tute ad cuncta spiritualia, aliorumque gubernacula extent idonei. Itaque per Levitas emeritos, ab operibus exterioribus relevatos, signantur personae maturioris aetatis ab exterioribus sequestrati et introversi, qui meditando, orando, et vitam internam ducendo, gerunt sollicitudinem proximorum, et pro communi sunt bono solliciti, aliosque custodiunt.

Postremo, circa capituli hujus materiam scribit Thomas in prima secundae, quaestione 102: Sicut populus Israel communiter instituebatur ad cultum Dei per circumcisionem, ita ministri tabernaculi per aliquam specialem purificationem aut consecrationem. Unde et separari ab aliis praecipuntur, quasi ad Dei obsequium prae aliis specialiter deputati: et totum quod circa eos fiebat in eorum consecratione vel institutione, pertinebat ad hoc, ut ostenderetur, eos specialem puritatis, virtutis

et dignitatis prerogativam habere. Purificabantur autem communiter omnes per aquae ablutionem, et per sacrificia quaedam: specialiter vero Levitae radebant pilos carnis suae. Nec aliam habebant consecrationem, nisi quod Domino offerebantur a filiis Israel per manus pontificis, qui et oravit pro eis. Applicabantur quoque ad ministerium suum per hoc, quod intro-mittebantur in tabernaculum foederis, quasi ad ministerium suum circa vasa sanctuarii. — Figurális autem horum ratio fuit, quoniam consecrandi ad spirituale obsequium Christi, debent primo purificari per aquam Baptismi et lacrimarum in fide passionis Christi, quod est sacrificium expiativum ac purgativum: et radere pilos carnis, cogitationes pravas delendo. Debent quoque ornari virtutibus, et sic esse intenti ad exerceendum spiritualia sua obsequia. Haec Thomas.

## ARTICULUS XVI

EXPLANATIO LITTERALIS CAPITULI NONI: LOCUTUSQUE EST DOMINUS AD MOYSEN  
IN DESERTO SINAI.

**D**E paschalis observantia solennitatis nunc aliqua introducuntur: *Locutusque est Dominus ad Moysen in deserto Sinai, anno secundo, postquam egressi sunt de terra Aegypti, mense primo.* Evidenter constat, istud per recapitulationem referri hoc loco, quum in exordio hujus voluminis scriptum sit, quod anno secundo, mense secundo jussit Dominus populum numerari. Istud vero praecepit anno secundo, mense primo. *Faciant filii Israel Pascha, hoc est, paschalem observent celebritatem, in tempore suo in lege praefixo, regulariter loquendo, videlicet quartadecima die mensis hujus, puta Aprilis, seu Martii juxta quosdam, qui est primus anni mensis apud Hebraeos: ad vesperam: tunc enim inee-*

*pit illa solennitas: juxta omnes caerimonias et justificationes ejus:* id est, ita ut in illa celebratione observent tam caerimonialia, quam judicialia sive moralia legis praecepta festum hoc concernentia: ut scilicet immoletur agnus sine macula, et comedatur in domo una: et sabbato infra solennitatem illam occurrente, sit duplex festivitas: unusque vocet alium, si per se et suos domesticos nequiverit comedere agnum: nec quicumque admittatur ad esum agni: de quibus in Exodo scripta sunt multa.

*Eccē autem quidam immundi super anima hominis, hoc est plus quam homo ad celebrandum Pascha idoneus: sieque accipitur super in Psalmo: Dominus prote-*

Num. i. 1, 2.

Exod. xii.

Ps. cxxv.

etio tua super manum dexteram tuam, hoc A  
est plus quam dextera tua. Vel, Super ani-  
ma hominis, id est ex hoc quod tetigerunt  
hominem mortuum, privatum videlicet vi-  
ta seu anima. Anima namque frequenter  
pro toto homine sumitur. *Quare fraudamur ut non valeamus oblationem*, hoc est  
agnum paschalem, *offerre Domino in tem-*  
*pore suo* jam memorato ! quasi dicant, Is-  
tud durum videtur nobis. Sicque quasi  
mirando, indignando, aut querulando hoc  
dicunt, quoniam talis immunditia non fuit  
impuritas culpæ semper, sed irregularitas  
quædam, qua ad tempus prohibebantur a  
templi ingressu, sacrificiorumque esu : et  
potuit inevitabiliter, aut etiam ex pia et  
meritoria causa provenire immunditia il-  
la, ut ex sepultura parentum aut pauperum.  
Tob. xii, 12. Unde laudatur Tobias, et tamen ob  
eam oportuit septem diebus purificari se-  
cundum legem. Sic et in evangelica lege  
quandoque irregularitas quædam incurritur  
ex causa non mala, aut etiam ex opere  
justo, sicut ex bigamia, et condemnatione  
occisioneque rei secundum juris proces-  
sum. *Quibus respondit Moyses : State*, id  
est exspectate, *ut consulam*, hoc est, ab  
angelo mihi assidue apparente quæram ac  
docear, *quid præcipiat Dominus in hoc ca-*  
*su de vobis*. Nempe Dominus qui contulit  
legem, habuit interpretari eandem ; nec  
de hoc voluit Moyses intrinsecus se in-  
caute, sed detulit legislatori.

*Locutusque est Dominus ad Moysen :*  
*Homo qui fuerit immundus super anima*  
*hominis, sive in via procul*, id est in di-  
stantia extra viam filiorum Israel. Porro  
quod subditur, *in gente vestra non est in*  
Hebræo, estque referendum ad illud, Ho-  
mo, ut sit sensus : Homo in gente vestra,  
hoc est homo existens de populo ves-  
tro. *Faciatur Phase Domino mense secundo*  
primi anni, *quartadecima die mensis se-*  
*cundi*, quia tunc servatur eadem hora. Sic-  
que Dominus plus respondit, quam fuit  
interrogatus : quia non solum respondit,  
quid esset agendum immundis, sed etiam  
itinerantibus. Quæ autem subjunguntur in

textu de observandis in esu agni pascha-  
lis, habita sunt in Exodo atque exposita. *Exod. xii.*  
Circa hæc querit Augustinus, quid agen-  
dum fuisset ei, cui et secundo mense talis  
immunditia contigisset : et conformiter  
queri potest de alio impedimento. Ad quod  
Augustinus respondet : Puto quod dictum  
est de mense secundo, tanquam regulariter  
fuisse servandum, ut tertio observare-  
tur. Aut forte si pascha non egissent, non  
pertinisset ad culpam. Hoc est quod in  
Scholastica fertur historia : Quod de uno  
mense dictum est, similiter in aliis datur  
intelligi. Vel forte, si deinceps eo anno  
non faceret, non peccaret. *Si quis autem*  
*mundus est, et in itinere non fuerit, et*  
*tamen non fecerit Phase*, id est, qui sine  
legitimo impedimento omiserit illud, *ex-*  
*terminabitur*. Nam et per infirmitatem et  
captivitatem aut aliam impossibilitatem  
poterat excusari. *Peregrinus quoque et ad-*  
*vena si fuerit apud vos*, id est, qui ad  
Judaismum conversus fuerit, et inter vos  
habitaverit, *faciat Phase*, legitimo cessan-  
te obstaculo.

*Igitur die qua erectum est tabernacu-*  
*lum, operuit illud nubes*. Erectum est au-  
tem primo die primi mensis anni secundi *Ibid. xi, 15.*  
ab exitu de Ægypto, ut in Exodo legitur.  
Eodemque mense jussit Dominus quæ nunc  
in isto sunt dicta capitulo : an tamen  
eodem die, non scitur. Tunc ergo nubes  
quæ angelo motore ac regente præbuit  
Israelitis ducatum, et eis in die contra solis  
ardorem fecit umbraculum, operuit taber-  
naculum, ad insinuandum quam accepta  
D fuerit Deo tabernaculi illius constructio  
atque erectio. *A vespere autem super ten-*  
*torium*, id est super tabernaculum quod  
erat quasi castrum et tentorium Dei et ha-  
bitaculum ejus, *erat quasi species ignis*  
*usque ad mane*. Nam nubes in una parte  
sua erat instar ignis clara et lucens, et illa  
pars tota nocte super sanctuarium appare-  
bat, clarificans noctem et viam ostendens,  
quando progrediebantur in nocte. *Sic fie-*  
*bat jugiter*, quamdiu in solitudine erant :  
*per diem operiebat illud nubes*, illa videlicet



pars, quæ habuit formam et speciem nubis, quæ et densa erat. Etenim columna ignis et columna nubis, fuerunt una nubes totalis, ut aliqui probabiliter dicunt. Alii vero tenent, quod erant duæ columnæ, quarum una exstitit nubes, alia ignis : et quod de vespere abiit nubes, columna ignis adveniente : qua recedente de mane, rediit nubes, prout in Exodo plenius est scriptum. *Quumque ablata fuisset nubes, quæ tabernaculum protegebat*, etc., hoc est, dum nubes illa sanctuarium tegens, cepit auferri ac progredi : non tamen totaliter removebatur a tabernaculo : sed sic, quod non mansit fixe stans in aere super illud. *Si fuisset nubes a vespera usque ad mane*. Ex hoc videtur quod columna ignis de nocte apparens, tabernaculumque operiens, fuit nubes. *Et si post diem et noctem recessisset, dissipabant tentoria*, hoc est, filii Israel tentoria sua deposuerunt, sicut et tabernaculum disjungebatur. Porro, quæ hic prolixè dicuntur, in fine libri Exodi compendiosius scripta sunt.

*Ibid.* xl, 32  
et seq.

II Par. xxx,  
18-20.

Sensus mysticus.

*Exod.* xii.

Postremo, secundo Paralipomenon libro leguntur quidam adhuc immundi fecisse Pascha. Sed ut legitur ibi, sanctus rex Ezechias oravit pro ipsis, ac veniam impetravit, vel Deus dispensavit cum illis. Juxta mysticum sensum, Pascha designat transitum de vitiorum caligine ad lucem virtutum, de via ad patriam, de imperfectione ad profectum. De spiritualibus vero significationibus eorum quæ circa Pascha jussa sunt fieri, dictum est super Exodum magis diffuse, quæ brevitati studens non arbitror repetenda. At vero immundi super anima hominis sunt,

A qui peccatis communicant alienis, et proximorum animas scandalizant, qui evangelicæ legis paschalem solennitatem non celebrant vere neque condigne, et Christum in Sacramento suscipere prorsus indigni sunt. Per existentes vero procul in via, intelliguntur qui recedunt a statu salutis, et abeunt in consilio impiorum, et per dissimilitudinem vitiorum longe a Deo sunt instar filii prodigi, qui abiit in regionem longinquam. Veruntamen etsi hi temporibus ab Ecclesia institutis non confliteantur, neque communicent, nec festa vere observent, vitando in eis peccata, quæ sunt summe servilia, atque virtutibus insistendo, non tamen debent in sui torporis ignavia obdurari, sed protinus penitere et recuperare omissa : sicque bonus Dominus propitiabitur eis.

*Ps.* i, 1.

*Luc.* xx, 13.

Præterea per tabernaculum designatur Ecclesia, seu quæcumque fidelis persona, quam de nocte tegit et spiritualiter operit species ignis, hoc est fervor et gratia Spiritus Sancti, in tempore adversitatis, seu aeris tentationis, dum viriliter reluctatur, et tanto instantius insistit actibus virtutis, quanto durius impugnatur. In die autem tegit et obumbrat eum columna nubis : quoniam tempore prosperitatis et spiritualis profectus internæque pacis, desuper instillatur, et rore dulcissimo Spiritus Sancti perfunditur ; nec vane resolvitur, sed gloriatur in Domino, cui omne bonum adscribit. Qui talis est, juxta institutionem, motionem, atque imperium Spiritus Sancti movetur, procedit, et occupatur in exercitiis vitæ activæ, quiescit vero in contemplativæ actibus vitæ.

*Jer.* ix, 23,  
25. I Cor. i,  
31.

## ARTICULUS XVII

DECLARATIO LITTERALIS CAPITULI DECIMI : LOCUTUSQUE EST DOMINUS AD MOYSEN,  
DICENS : FAC TIBI, ETC.

**D**E multiplici plebis Israeliticæ con-  
vocatione et ordinata progressionem nunc  
agitur : *Locutusque est Dominus ad Moy-*  
*sen, dicens : Fac tibi*, id est, per manus  
artificum fieri jube, *duas tubas argenteas*,  
quia tales sunt bene sonoræ, *ductiles* : et  
ita non erant fusæ, sed malleorum ictibus  
factæ; nisi forte dicatur, sicut de vitulo  
conflati dicitur, quod scilicet fusæ primo  
fuerint, deinde martello percussæ ac de-  
coratæ : *quibus convocare possis multitu-*  
*dinem populi cui præes, quando movenda*  
*sunt castra*, hoc est, quando decreveris  
populum istum ad te debere accedere, vel  
potius quando progredi debet. Sicque in  
verbis his tanguntur duo, ad quæ tubæ  
illæ deserviebant, videlicet convocatio po-  
puli, et ejus progressus. Idcirco (ut fertur)  
præfata litteræ verba in Hebræo habentur  
cum conjunctione copulativa, hoc modo :  
Quibus convocare possis multitudinem, et  
quando movenda sunt castra. Imo ut Ma-  
gister in historiis ait, et ex textu elicitur,  
Tubæ istæ valuerunt ad quatuor usus : ad  
vocandum multitudinem, ad castrorum  
motionem, ad bella, ad festa. Atque ut  
Josephus protestatur, Iste tubæ erant quasi  
fistulæ cantatoriæ, quasi magnitudine cu-  
biti, calamo capaciores seu ampliores, quæ  
in principio sui, seu extremitate initiali  
continebant latitudinem ori convenientem  
ad susceptionem anhelitus, quæ azona ap-  
pellatur Hebraice.

*Quamque increpaveris tubis*, non proprio  
ore, sed per sacerdotes, quibus Moyses of-  
ficium hoc commisit, ut infra habetur,  
*congregabitur ad te omnis turba ad ostium*  
*tabernaculi*, puta in atrio, et circa, seu  
prope. Istud de ambabus tubis est ac-

cipiendum, quia ad totam plebem con-  
vocandum ambæ tubæ sonabant, duobus  
sacerdotibus id agentibus. *Si semel clau-*  
*gueris*, hoc est cum una tuba; vel semel,  
id est uno impulsu, seu absque interrup-  
tione : *venient ad te principes et capita*  
*multitudinis*, scilicet principes duodecim  
tribuum, vel etiam tribuni et centuriones  
ac judices : quod fiebat, quum Moyses vo-  
lebat cum eis servare consilium, aut inve-  
stigare qualiter gubernabant subjectos. In-  
super, prout Josephus recitat, clangebant  
etiam semel et una tuba, dum quisquam  
principum suam tribum voluit congrega-  
re. *Sin autem proluxior atque concisus*, id  
est interruptus, *clangor ambarum tuba-*  
*rum increpaverit*; *movebunt castra* ad pro-  
grediendum *primi, qui sunt ad orientalem*  
*plagam*, videlicet tribus Juda et duæ tri-  
bus ei adjunctæ, utpote Issachar et Zabul-  
on, quæ ad orientem tabernaculi fixerunt  
tentoria. *In secundo autem sonitu et pari*  
*ululatu tubæ*, id est tubarum ambarum :  
qui ululatus seu perstrepens sonus, similis  
fuit primo tubarum sonitui proluxiori et  
conciso : *levabunt tentoria qui habitant*  
*ad meridiem*, hoc est tribus Ruben et duæ  
tribus ei annexæ, quæ ad meridianam ta-  
bernaculi plagam loca sortiebantur. *Et*  
*juxta hunc modum reliqui facient* : id  
est, in tertio sonitu tribus Ephraim cum  
sibi adjunctis ad occidentem locata, mo-  
vebit castra; in quarto sonitu, tribus Dan  
cum suis, quæ erant ad aquilonem. *Quan-*  
*do autem congregandus est populus totus*  
*ad Moysen*, sicut jam dictum est, *simplex*  
*tubarum sonus erit, et non concise ulula-*  
*bunt*. Tunc enim duo sacerdotes clangen-  
bant soli \* uno impulsu ac breviori. *Filii*

\* soni

autem Aaron, hoc est posteri ejus, utpote sacerdotes, *clangent tubis* ex debito sui officii, quia sic Dominus jussit.

*Si exieritis ad bellum* vos aut posteri vestri *de terra vestra contra hostes qui dimicant*, id est dimicaturi sunt, *adversum vos*; *clangentis*, id est, sacerdotes ex parte vestri clangent, quemadmodum in Josue legitur in eversione Jericho factum: *et erit recordatio vestri coram Domino*: hoc est, observando præceptum hoc, promerebimini quod Deus erit memor vestri ad succurrendum: *ut eruatini de manibus inimicorum vestrorum auxilio Dei*, qui solo imperio corda hominum terret et animat, debilitat et confortat. *Si quando habebitis epulum*, hoc est splendidam præparationem ciborum sive commune convivium ex causa legitima, sicut post victoriam Judith, et post Mardochei promotionem, *et dies festos*, præsertim festa solennia, *et calendaras*, hoc est exordia mensium: *cane-tis tubis ministerio sacerdotum super holocaustis et pacificis victimis*, id est in oblationibus sacrificiorum vestrorum, quæ tunc offeruntur per sacerdotes pro vobis in holocausta victimasque pacificas: *ut sint vobis in recordationem Dei vestri*, hoc est, quatenus ex illo clangore excitentur animæ vestræ ad devotionem majorem: sicque per hæc, et per obedientialem observantiam horum, Deus misericorditer memor sit vestri, et orationes oblationesque vestras dignetur suscipere. Cur non exprimitur hic oblatio pro peccato? An forte in ea non erat clangendum, quoniam cum contritione et salubri tristitia exstitit immolanda?

Consequenter describitur, quo tempore filii Israel a monte Sinai sint progressi. *Anno secundo egressionis ex Ægypto, mense secundo anni ejusdem, vicesima die mensis*, hujus mensis secundi, *elevata est nubes de tabernaculo fœderis*, progrediendo in aere ex ductu et motu angeli sancti eam regentis: *profectique sunt filii Israel per turmas suas*, sicut divisi atque dispositi erant, prout supra dicebatur: *et recu-*

*buit*, id est quievit, *nubes in solitudine Pharan*: quæ secundum Scholasticam historiam est maxima solitudo, quam modo Sarraçeni inhabitant. *Moveruntque primi castra filii Juda* cum tribubus duabus sibi adjunetis, qui tanquam fortiores et audaciores, in prima acie ceteros præcesserunt ad ceterorum tutamen. *Depositumque est tabernaculum*: id est, quam cito nubes cepit procedere, sacerdotes in tabernaculo involverunt involvenda, et tradiderunt ea Caathitis portanda: quo facto, Gersonitæ et Meraritæ ingredientibus, dissolverunt et deposuerunt tabernaculum et atrium ejus, et portabant ea in curribus, prout supra patuit. Ideo subditur: *quod portantes, egressi sunt* post nubem et post tribum Juda, ejusque socios, *filii Gerson* qui mollia deferabant, *et Merari* qui dura portabant. *Profectique sunt filii Ruben* cum sibi adjunetis in acie secunda. *Profectique sunt et Caathite portantes sanctuarium*, id est sacratiora quæ in tabernaculo continebantur, videlicet arcam, propitiatorium, mensam, candelabrum, vasaque sacra, et cetera capitulo quarto expressa. *Tandiu tabernaculum portabatur*, non integrum, sed divisum modo prædicto, *donec venirent ad erectionis locum*, ubi scilicet nubes quievit: et tabernaculum rursus compaginabatur, elevabatur et figebatur. *Moverunt et castra filii Ephraim* cum duabus tribubus sibi adjunetis, qui erant tertia acies, et erant ad occidentem. *Novissimi castrorum omnium profecti sunt filii Dan*, qui cum sociis suis erant ad aquilonem. Sicque Caathitæ cum sacris quæ involuta portabant, in medio omnium ibant, quasi universarum tribuum aciebus vallati secundum quatuor plagas terræ, omnibus quasi paratis ad defensionem sacrorum.

Circa prædicta ait sanctus Hieronymus: Supputemus dies, et inveniemus quinquagesimo die egressionis ex Ægypto legem latam in monte Sinai: unde Pentecostes solennitas celebratur, et Evangelii sacramentum Spiritus Sancti descensione completur. In hac mansione Sinai, media pars

Josue vi,  
16, 20.

Judith xv,  
15.  
Esth. xvi,  
17.

Num. ii, 3  
et seq.

IIud. iv.



Exodi, et totus Leviticus, Numerorum quoque non modica praecepta, atque per singulas tribus distributio, principumque oblatio, sunt descripta. Insuper Magister in historiis scribit : Quoniam primo anno, mense tertio, venerunt in montem Sinai, et ab eodem egressi sunt anno secundo, vicesima die mensis secundi, patet quod in hac mansione sederunt fere per annum : et dicit Hieronymus, quod per annum et quatuor dies ibi fuerunt : quod difficile est invenire, nisi forte fuerit annus embolismalis.

*Dixitque Moyses Hobab filio Raguel Madianitar, id est nato de terra Madian : quoniam fuit filius Jethro, qui alio nomine vocatus est Raguel, eratque sacerdos Madian, cujus filia fuit Moyses uxor ; cognato suo, id est affini, quia uxor sua fuit soror istius Hobab. Alii tamen nonnulli dicunt, quod Hobab iste fuit ipsemet Jethro, quos sequitur Lyra : quia (ut ait) in Hebraeo habetur, Socero suo. Ad quod Rabbi Paulus respondet, quod dictio illa Hebraica significat socerum et cognatum. In Scholastica quoque historia legitur, quod Hobab fuit frater uxoris Moysis. Proficiscimur ad locum quem Dominus daturus est nobis, nisi obviam peccando ponamus ; veni nobiscum, ut beneficiamus tibi. Cui ille respondit : Non valum tecum, sed revertar in terram meam. Et ille : Noli, inquit, nos relinquere. Tu enim nosti in quibus locis per desertum castra ponere debeamus : quia videlicet Hobab iste natus fuit de terra deserto huic propinqua : et eris ductor noster. Ex his apparet, quod Hobab*

Exod. xviii, 27.

iste non fuit Jethro, quoniam in Exodo legitur qualiter Jethro in suam rediit terram. Et si dicatur, ut aliqui dicunt, quod disposita domo sua, ad Moysen sit reversus, atque ad Iudaismum eum suis conversus : non est verisimile, quod rursus voluisset ad sua reverti, vel quod reddidisset se ita difficilem ad remanendum cum Moysse.

Præterea mirum videtur, quod Moyses qui certissimo nubis ac angeli ductu diri-

gebatur, et ceteri Israelite cum ipso, nec aliter incedere aut quiescere potuit, petiit hujus viri ducatum. Ad hoc quidam respondent, quod quamvis motum nubis assequi tenebantur, tamen Hobab iste cognovit quæ loca erant magis accommoda ex parte situs, et ex vicinitate aquarum et pascuarum ; quæ item loca essent securiora, et in talibus poterat eos dirigere, et media itinera compendiosiora monstrare. Potest etiam dici, quod divina subsidia non excludunt humana. Nam et Ezechias videns

IV Reg. xiv, 1 et seq.

regem Assyriorum venire adversum se, totam spem suam collocavit in Domino : nihilo minus fecit ad resistendum quidquid potuit vi humana ac sua industria. Porro beatus Gregorius aliter solvit, dicendo : Plerumque suadere elatis salubria melius possumus, si profectum eorum nobis potius, quam ipsis, profuturum dicamus. Hinc Moyses, qui Deo regente et duce columna pergebat, quum cognatum suum a gentilitatis conversatione vellet educere, et Dei obsequio subjugare, ait : Proficiscimur ad locum quem Dominus daturus est nobis. Quumque ille respondisset, Non pergam tecum ; illico Moyses adjunxit, Noli nos relinquere. Tu enim nosti in quibus locis castra ponere debeamus. Non Moysen ignorantia itineris angustabat : sed vir providus elato auditori loquens, solatium petiit ut hoc præstaret : requirebat ducem in via, cui dux fieret ad salutem. Egit ergo, ut superbus auditor voci ad meliora suadenti eo magis fieret devotus, quo plus putaretur necessarius ; et unde exhortatorem suum præcedere crederet, inde se verbis exhortantis inclinaret.

*Quumque nobiscum veneris usque in terram nobis promissam, quidquid optimum fuerit ex opibus quas nobis daturus est Dominus, dabimus tibi.* Non est intelligendum, quod Moyses proposuit omnia hujusmodi meliora conferre suo cognato, sed tantum quantum ipse rationabiliter affectaret. Denique in textu non legitur, an Hobab acquievit ; communiter tamen tenetur, quod imo, quia et in Iudicium ti-

*Judic. xv, 11* bro habetur : Habere autem Cineus ree-  
serat quondam a ceteris Cineis fratribus  
suis filiis Hobab cognati Moysis. Similiter  
in libris Regum scriptum est, quemadmo-  
*1 Reg. xx, 6,* dum dixit Saul Cinea : Tu fecisti miseri-  
cordiam cum omni Israel quum ascenderet  
de Aegypto.

*Profecti sunt ergo de monte Domini*  
*viam trium dierum.* Dicunt aliqui, quod  
per tres dies illos naturales ambulaverunt  
continue, ita quod nec noctibus quievere-  
runt. Siquidem columna ignis aerem illu-  
stravit, et diu jam in monte Sinai quieve-  
rant. Voluitque Dominus demonstrare quam  
paratus esset, quantum in se erat, eos cito  
in terram promissionis inducere. Unde in  
*Num. vi, 1,* principio sequentis capituli leguntur pro-  
pter laborem itineris murmurasse. Aliqui  
tamen affirmant, quod primo die sui re-  
cessus a Sinai monte, ambulaverunt trium  
spatium dietarum. Sed quod dictum est,  
verius reputatur, *Arcaeque foederis Domini*  
*praecebat eos per tres dies,* id est per  
spatium trium dierum. Non enim arca ante  
motum nubis processit : nube autem pro-  
cedente, omnes filii Israel mox sequeban-  
tur. *Procedens castrorum locum :* non  
quod arca fuerit viva, aut providentiae ca-  
pax, aut ex sua provisione quiescens : sed  
materialiter providit locum castrorum, id  
est, sua quiete Deo providente ostendit,  
quod circa locum suae quietis filii Israel  
deberent concurrere atque quiescere. Hinc  
ait Petrus Comestor : Dicunt Hebraei, quod  
arca praecedebat eos tribus dietis, super  
quam nube stante, quasi ad certum locum  
conveniebant paulatim, quidam citius, et D  
aliqui tardius. Verumtamen his objeci po-  
test, quia jam dictum est, quod Caathitae  
qui inter cetera portabant arcam involu-  
tam, pergebant in medio populi. Ad quod  
aliqui responderunt, quod hoc observaba-  
tur, quando ex adversariorum incursu time-  
batur periculum. Recitat autem Lyra  
opinionem Rabbi Salomonis, dicentis quod  
istud sit intelligendum de alia arca, in  
qua reverenter servabantur primae tabulae

A fractae a Moyse, eo quod erant digito Dei  
inscriptae. Sed hoc videtur confictum, quum  
in libris Moysis per arcam testamenti seu  
foederis Domini, communiter intelligatur  
una et eadem arca, in qua scilicet duae  
tabulae Decalogi erant repositae. Hinc ali-  
qui opinantur, quod sicut in transitu Jor-  
danis arca praecessit populum spatio duo-  
rum millium cubitorum, ut Josue liber  
fert, ita in profectione per desertum pra-  
cessit per spatium memoratum, ut ex arcae  
praecessu filii Israel devotius atque alacrius  
B sequerentur : et in hoc fuit exceptio a ge-  
nerali regula Caathitarum.

*Nubes quoque Domini super eos erat*  
*per diem quum incederent,* faciens eis re-  
frigerationem contra solis ardorem. *Quum-*  
*que elevaretur arca,* ut portaretur a Caa-  
thitis, dicebat Moyses : *Surge, Domine,* quasi  
ad ambulandum nobiscum : surge, inquam,  
id est, per modum surgentis te habe, ad-  
sistendo et succurrendo : *et dissipentur*  
*inimici tui,* id est, idololatrie ac rebelles,  
hostesque populi tui succumbant, ac supe-  
rentur a populo tuo : *et fugiant qui oderunt*  
*te, a facie tua,* id est a tua praesentia seu  
praesenti effectum tuae justitiae, quum pec-  
cata eorum exasperis per tuum populum  
vindicare : sicut in libris Josue et Judi-  
eum narratur impletum. Haec autem lo-  
cutus est Moyses zelo justitiae et spiritu  
prophetiae, non affectu invidiae : et iste  
versiculus in Psalmo assumptus est et pra-  
missus. *Quum autem deponeretur arca ad*  
*quiescendum ubi nubes quievit, aiebat :*  
*Revertere, Domine, ad multitudinem exer-*  
*citus Israel,* id est copiosum Israeliticæ  
plebis exercitum. Loquitur autem Moyses  
de omnipotenti, incircumscriptibili et in-  
variabili Deo more humano, quasi Deus  
populum praecedendo ac deducendo, pau-  
lulum discessisset ab eis : ideo populo  
quiescente oravit, ut Deus reverteretur ad  
eos, id est, per modum redeuntis habe-  
ret se, corda populi gratiose visitando de  
novo, dimittendoque culpas in via con-  
tractas.

*Josue iii, 1.*

*Ps. lxxvii, 2.*

## ARTICULUS XVIII

DE SPIRITUALI EJUSDEM DECIMI CAPITULI INTELECTU.

De XVIII.  
22.

**P**ER Moysen Christus dux et legifer A  
noster signatur, qui unicuique ait præ-

lato : *Fac tibi duas tubas argenteas ductiles*. Tuba est prædicatio altisona, audientium excitativa, quæ instruit et accendit, terret, immutat, convertit. Unde Dominus

Ibid. XVIII.  
1.

dixit Prophetæ : Quasi tuba exalta vocem tuam. Tuba argentea, est sermocinatio expedita et gratiosa, sicut de Christo fatetur

Luc. IV, 22.

Evangelista : Mirabantur omnes in verbis gratiæ quæ procedebant de ore ejus. De

Ps. XXV, 31.

sacra quoque Scriptura ait Psalmista : Eloquium Domini igne examinatum. Hæc de-  
mum tuba est ductilis, quia ad audientium aures juxta eorum capacitatem dirigitur, et verba divina ad diversos fructus ducuntur, modisque variis applicantur, ac instar cereæ hinc inde trahuntur. Duæ vero tubæ, sunt prædicatio divinæ justitiæ ad terrenum, et sermocinatio pietatis divinæ ad consolandum : seu duplex sermo, utpote ex veteri et novo Testamento assumptus : aut certe doctrina litteralis ac spiritualis, instructio medioeris et sapientialis, quum

1 Cor. III,  
1, 2.

dicat Apostolus : Non potui vobis loqui C  
quasi spiritualibus, sed quasi carnalibus : et quasi parvulis in Christo lac vobis potum dedi, non solidum cibum. Sapientiam autem loquimur inter perfectos. Rur-

Ibid. II, 6.

sus duæ tubæ sunt prædicatio de miseriis et impietatibus vitæ præsentis, et sermocinatio de beatitudine vitæ futuræ. Propter

Matth. XXI,  
52.

quæ omnia testatur Salvator : Omnis seriba doctus in regno Dei, similis est homini patrifamilias, qui profert de thesauro suo nova et vetera. Per duas has tubas convocatur prælatus et prædicator multitudinem D  
populi christiani sibi commissi, a vitiorum dispersione, a discordiarum et errorum varietate ac divisione, eos ad san-

ctam dilectionem, ecclesiasticam unitatem, virtuosam conformitatem revocando ac perducendo ; *quando moranda sunt castra*, id est, turbæ fidelium ad spirituales prelectum et contra peccata sunt incitanda.

*Quumque increpueis tubis, congregabitur ad te omnis turba* : quia dum pastor

seu prædicator utrisque sermocinationibus præactis jam utitur, tam pusilli quam majores, tam simplices quam eruditiores, salubriter ad ipsum concurrunt. *Si semel clangueris, venient ad te principes et ca-*

**B***pita multitudinis*. Semel clangere, est doctrinam ad præsidentes specialiter pertinentem proponere : ad quam, qui præsent, debent confluere, quos superiores prælati debent diligentissime exhortari, informare, succendere ad fructuosam et condignam suorum officiorum executionem. Debent quoque altiores prælati, eos qui sub se præsident vigilanter examinare, qualiter conversentur ac præsent. Et si eos invenerint negligentes aut scandalose agentes, acriter increpent ipsos : qui nisi se emendaverint, de sua statione sunt expellendi, et substituendi sunt alii, qui vita, scientia et ætate exstant idonei. *Si autem prolixior atque concisus clangor increpuecit, movebunt castra primi, qui sunt ad orientalem plagam*. Clangor prolixior et concisus, est sermo sonorus et fervidus, protractus et mixtus, in quo nunc blanda, nunc terribilia, nunc alta, nunc simplicia, nunc plana, nunc mystica deprimuntur : ex enjus auditu accinguntur ad prælia contra invisibiles hostes et ad omne exercitium virtuosum primi hi, quorum mentibus Sol sapientiæ primo et gratiosius radios sapientiæ et caritatis ardores infundit, quorum exemplo provocantur et alii minus



boni ad meliora, in tantum ut paulatim etiam vitiosi de suis vitiositatibus erube-  
scent et convertantur.

*Si exieritis ad bellum de terra vestra contra hostes qui dimicant adversum vos, clangetis ululantibus tubis.* Apostolus loquitur: Qui in carne sunt, Deo placere non possunt. Qui igitur contra concupiscentias carnis viriliter reluctantur, de terra, id est de suis corporibus, egrediuntur ad expugnandum spiritum fornicationis, spiritum gulae, spiritumque torporis. Tales igitur debent clangere ululantibus tubis, id est, se ipsos per verba sacrae Scripturae hortari, animare, accendere, et sua defflere peccata, ut Deus sit memor eorum, et ejus ope praevaleant. In epulo quoque, id est spirituali refectione et consolatione divina, in sacrificiis ecclesiasticis, observantiisque festorum clangendum est tubis, Deo humiliter gratias agendo, psallendo, et alios informando.

*Anno secundo, mense secundo, elevata est nubes de tabernaculo foderis.* Tabernaculum, juxta praehabita, est Ecclesia et quaecumque fidelis anima, in qua per fidem et caritatem commoratur Altissimus. Nubes vero est gratia Spiritus Sancti, seu cognitio Dei per speculum et aenigma: quae elevatur, dum animas nostras levat ad altiora, ut intueamur et fervide diligamus aeternam et increatam veritatem, et bonitatem illam perfectionaliter penitus infinitam: quod secundo agitur anno, hoc est in proficientium statu et ejus processu, quia tunc incipit fieri. Ad hujus nubis ducatum omnes vere Israelitae, fide et opere Christiani, ordinate sequuntur ac decenter procedunt, unusquisque in ordine suo, juxta suae exigentiam vocationis.

Postremo, exemplo Moysis, discat ac studeat unusquisque proximos suos, cognatos, amicos, domesticos humiliter et facete hortari: et quem per apertam increpationem non valet lucrari, per quamdam concutur solertiam a via perditionis ad semitam reducere lucis. Bonus itaque Christianus dicat proximo et propinquo: *Profriscis-*

*mur ad locum quem Dominus Deus noster daturus est nobis,* ad paradisum caelestem, ad patriam civium supernorum, ad locum amenitatis immensae et juvenilitatis aeternae: *veni nobiscum* per fidem et caritatem, ad plenam aeternaliterque securam pergendo felicitatem, *ut beneficiamus tibi,* communicando tibi in via gratiarum charismata nobis collata, atque in patria dona gloriae ibi praestanda. Quod si ille renuerit, non volendo terrena relinquere, neque carnalia aspernari, dicamus: *Noli nos relinquere*: quasi et nos ejus indigemus ducatu. Vix namque est aliquis, quin saltem in aliquibus valeat nobis consilio auxilioque prodesse.

*Profecti sunt ergo de monte Domini viam trium dierum.* Mons Domini, est Ecclesia militans, de qua loquitur Isaias: Erit preparatus mons Domini in vertice montium. Ab hoc monte est procedendum ad triumphantis Ecclesiae sublimitatem viam trium dierum, id est actione fidei, spei et caritatis: seu per observantiam triplicis legis, videlicet naturalis, divinae et positivae: per exercitia viae purgativae, illuminativae et perfectivae; per fidem testimoniorum, per adimplerionem praeceptorum, per supererogationem consiliorum. *Arcaeque foderis Domini praecebat eos per tres dies.* Haec arca est Christi humanitas, quae in omni virtute praecessit nos in sua infantia, pueritia et adolescentia, *providens castrorum locum,* quemadmodum ait: *Vado parare vobis locum.* Itemque: *Pater, volo ut ubi sum ego, et illi sint mecum.*

Itaque qui se dicit in Christo manere, debet instar ipsius ambulare. Nam ipse est via, qui ait: *Nemo venit ad Patrem nisi per me.*

Postremo, zelo boni communis accensi, dicamus cum Moyse: *Surge, Domine, et dissipentur inimici tui omnes,* videlicet infideles, tyranni et persecutores Ecclesiae sanctae, qui destruantur et pereant in praesenti, quantum ad id quod infidelitatis et vitiositatis in ipsis est, ut salubriter mortificentur, et desinant tales esse quales fuerunt. Quod si obstinati, inconvertibiles-

Rom. viii, 8.

1 Cor. xiii, 12.

Is. ii, 2.

Joann. xiv, 2; xviii, 24.

1 Joann. ii, 6.

Joann. xiv, 6.

que permanserint, expedit eis ut auferantur. Dicamus quoque, *Revertere, Domine, ad multitudinem exercitus Israel*, id est, populum christianum, qui tanquam exercitus Dei est ordinatissime institutus, piissime

A visita : imo assidue innova in eodem gratiarum tuarum charismata : et Ecclesiam, quam propter nostra facinora lamentabiliter reliquisti, gratiosissime praeveni, inhabita, et reforma.

## ARTICULUS XIX

ELUCIDATIO LITTERALIS CAPITULI UNDECIMI : INTEREA ORTEM EST MURMUR POPULI.

**D**EScriptis magnis et variis beneficiis atque statutis Dei omnipotentis, consequenter narrantur maleficia et ingrattudines populi. *Interca ortum est murmur populi*, id est multorum de populo, *quasi dolentium*. Quasi, dicit hic veritatem, non similitudinem tantum. Ex dolore etenim murmurabant contra Dominum, male loquendo aut cogitando de ipso, quasi dure nimis tractaverit eos, nec fecerit quod promisit. Unde infra Dominus loquitur. Detraherunt mihi per decem vices. Doluerunt autem propter laborem itineris, quia per triduum ambulaverunt continue, prout in litterali praecedentis capituli expositione dictum est plenius. *Quod quum audisset* *Sap. i, 10.* Dominus, iratus est. Auris enim zeli audit omnia : et, Qui plantavit aurem, nonne audiet ? Verumtamen non exteriori auditu aut nova perceptione andixit hoc, sicut neque iratus est per aliquam immutationem aut alterationem affectus, sed intra se intellectualiter cognovit, et effectum iustitiae exsequendo, per modum irascentis se habuit. *Et accensus est in eos ignis Domini*, id est, ignis divina virtute, angelicoque ministerio formatus, incendit murmuratores illos, *devoravitque extremam partem castrorum*, hoc est eos qui longe sequebantur in ultimis, ut communiter exponitur. Illi enim praeter ceteris lassi fuisset videntur, quanquam quaedam tribus in ultimis erant dispositae.

Lyra autem scribit hoc loco : Extrema

B pars accipitur dupliciter, scilicet de parte superiori et inferiori : sicque per extremam partem secundum quosdam intelligitur vultus : secundum alios autem, ipsi majores de populo : et hunc sensum secundum sequitur Rabbi Salomon, dicens quod seniores populi qui erant principales, meruerant mortem, et Nadab et Abiu cum eis, quando viderunt Deum. Sed quoniam Dominus eo tempore quo data est lex de novo, noluit miscere luctum cum gaudio de legis receptione concepto, ideo distulit mortem Nadab et Abiu, usque ad dedicationem altaris : mortem autem septuaginta seniorum, distulit usque ad illum locum, in quo fuerunt negligentes de repressione murmurationis populi, quem tenebantur regere, sicut et Moyses : et quia forte murmuraverunt. Haec Lyra. Contra quae scribit Rabbi Paulus : Per hoc quod dicitur, Devoravit extremam partem, non datur intelligi, quod devoratio ista sit facta in vulgo vel in majoribus, sed solum ostendit, quod non sit facta per omnia castra, sed per quandam partem, quae tamen non determinatur in littera. Nec culpandi sunt seniores, quasi negligentes circa repressionem murmurationis populi : quia si sic, etiam Moyses et Aaron fuissent inde culpandi, qui praeter ceteris tenebantur ad regimen populi : propter quod opinio Rabbi Salomonis non tenetur ab aliis expositoribus Hebraeorum. Haec Rabbi Paulus.

Præterea advertendum, quod verba Rabbi Salomonis videntur penitus imperita et

*Numer. xvi,*  
22.

*Ibid. x, 33.*

*Sap. i, 10.*

*Ps. xciv, 9.*

stolida. Nempe quod asserit duos Aaron A filios seniores, et septuaginta senes, mortem promernisse, quando viderunt Deum visione de qua dictum est Exodi vicesimo quarto, irrationabile est omnino, textuique contrarium. Non enim viderunt eum in sua deitatis essentia, nec aliter nec clarius eum viderunt, quam ipse se eis ostendit. Nec altius ascenderunt quam Moyses eis præfixit, nec Scriptura alicubi tangit eos tunc mortem promernisse: imo Scriptura Levitici decimo, et in multis aliis locis evidenter docet Nadab et Abiu esse com- B bustos, eo quod ignem alienum coram Domino obtulerunt. Porro septuaginta senes, quos Rabbi Salomon dicit in hac plaga esse occisos ab igne, secundum eum non fuerunt septuaginta senes, qui in isto leguntur capitulo assumpti ad regimen populi in adiutorium Moysis, sed alii de quibus supra scriptum est. Verumtamen ratio Rabbi Pauli contra Rabbi Salomonem inducta, non includit. Eadem enim ratione duodecim principes, qui (ut infra habetur) jussi sunt suspendi pro excessibus populi, C non fuissent magis quam Moyses Aaronque culpandi.

*Quumque clamasset populus ad Moysen,* ut oraret pro eis. Qui fuerunt isti qui clamaverunt ad Moysen? Forte quod aliqui qui non murmuraverunt, ex compassione oraverunt pro pereuntibus, vel murmuratores non fuerunt omnes simul succensi, sed illi in primis qui erant magis culpabiles, quorum exemplo alii territi penituerunt, et Moyses flagitaverunt suffragium. *Oravit Moyses ad Dominum, et absorptus est ignis:* D ita quod meritis et precibus Moysis ignovit Dominus et pepercit. *Et vocavit nomen loci illius, Incensio.* Consuetudo namque fuit, præsertim Hebræis, imponere nomina rebus ab aliqua proprietate, eventu aut actione.

*Vulgus quoque promiscuum,* id est utriusque sexus, *quod ascenderat cum eis,* id est, cum Israelitis exivit de Ægypto, quæ situ bassior fuit, quam terra promissionis. Unde in Exodo legitur, *Vulgus promiscuum*

innumerable ascendit cum eis. *Flagravit desiderio carnium,* id est, ardentem optavit carnium esum, intelligendo per carnes, quoscunque delectabiles cibos. Nam paulo post in querimonia horum, fit mentio non solum de carnibus, sed de aliis cibis: imo ut fertur, verbum hoc, Carnium, non habetur hic in Hebræo. Vidi quoque textus correctos, in quibus non habebatur. Isti fuerunt Ægyptii, et secundum Magistrum in historiis, fuerunt servi et ancille. Aliqui quoque affirmant, quod ex mirabilibus in Ægypto visis, fuerunt ad Judaismum conversi. *Sedens et fletus* ex dolore, quia carebat cibo optato, *junctis sibi pariter filiis Israel,* qui erant procliviores ad hujusmodi gulam, voluptatemque gustus; *et ait vulgus illud cum sibi adjunctis: Quis dabit nobis ad vescendum carnes?* quasi dicant, Multum optamus ut aliquis det nobis.

Circa hoc scribit quidam: Patet quod petitio ista fuit injusta, quia adduxerant secum de Ægypto animalia multa. Nec potest dici quod erant consumpta, quoniam infra continetur. Filii Ruben et Gad ha- *Num. xxxii,* bebant pecora multa: ideo inde poterant <sup>1.</sup> carnes habere: sed ex avaritia pareebant animalibus suis, et quia optabant carnes delicatiores. Hæc ille. Circa quæ dico, quod utique petitio illa fuit injusta, et quod ex Ægypto duxerunt animalia secum multa: sed ratio qua probat illa non fuisse consumpta, non invenitur idonea. Siquidem quod allegat de filiis Ruben et Gad, fuit post interfectionem duorum regum Amor- *Ibid. xxi,* rharorum Sehon et Og, de quorum regnis <sup>24, 35.</sup> acquisierunt innumerable pecora, ut in Deuteronomio habetur: ideo auctoritas allegata posset de illis exponi pecoribus. Verumtamen satis probabile est, quod pecora eorum ex Ægypto educta, nondum erant consumpta. Nam in Exodo leguntur de carniis murmurasse defectu, et earum esum optasse antequam ad montem Sinai devenerunt, et pecora multa habebant. Augustinus vero aliam tangit super Exodum causam, cur suis pepercerunt jumentis:

*Num. iii,*  
*4; xxi, 61.*

*Exod. xxi,*  
*25.*

*Num. xxxii,*

<sup>1.</sup>

*Ibid. xxi,*  
*24, 35.*

*Deut. ii,*  
*33-35; iii, 7.*

*Exod. xxi,*  
*3.*

*Exod. xii,*  
*38.*



ne scilicet animalibus suis consumptis, de-  
essent tandem pecora ad immolandum ne-  
cessaria, quia in solitudine illa fuit pa-  
scentiarum inopia, et per consequens, minor  
jumentorum fecunditas. At vero Guillelmus  
Parisienſis libro de Fide et legibus, aliam  
causam assignat, cur filii Israel in solitudi-  
ne non edebant sua jumenta: quia videlicet  
tantæ carnificina odorem pati non potuis-  
sent in loco, quo erant sic conglomerati, et  
ubi erat tam planus et patens commoran-  
tia situs. Insuper arbitror posse dici, quod  
vulgus istud promiscuum fuit egenum, nec  
pecora propria habens, præsertim si juxta  
præallegata erant famuli et ancillæ: et  
idem de sibi adjunctis potest quis opinari,  
præsertim quum non videatur probabile,  
quod majores de Israel se illis adjunxerint.

*Recordamur pisces quos comede-  
bamus in Ægypto gratis*, id est sine pretio, ut  
quidam exponunt. Lyra tamen exponit sic:  
Gratis, id est pretio parvo, quia non potest  
intelligi, quod pro nihilo, quum etiam pa-  
leæ ad conficiendum lateres non darentur  
eis gratis. Quocirca dicendum, quod paleæ  
non dabantur Hebræis gratis. Isti autem fu-  
erunt pro maxima parte vulgus Ægyptium.  
Nec tamen Hebræi paleas illas emerunt  
pro pretio, sed collegerunt laboriose, et  
hoc modico tempore, utpote post accessum  
Moysis ad Pharaonem usque ad breve tem-  
pus: ante vero dabantur eis diu et gratis  
pro conficiendis lateribus. Denique reor  
probabile, quod tam isti Ægyptii quam  
Hebræi eis adjuncti, frequenter comede-  
runt pisces sine pretio in Ægypto, quia  
per diversa Ægypti loca fluit Nilus, hinc  
inde divisus, piscibusque abundans: sic-  
que in certis locis potuit piscatio aliqua  
esse communis, sicut videmus in terris  
istis. *In mentem nobis veniunt cucum-  
res*: cucumer est species melonis, præci-  
pue pro infirmis, aut terræ nascentium  
genus, sive (ut aliqui dicunt) encurbitæ;  
et *pepones*, qui sunt alia quædam species  
melonis: *porrique et carpe et allia*, id est  
ista et consimilia additamenta, seu quo-  
dammodo condimenta principalium fereu-

lorum. *Autem nostra arida est*, id est om-  
ni solatio destituta, et præfatis humidis  
cibis privata. Quocirca queri potest, qua-  
liter verum sit hoc, quum scriptum sit in  
Sapientie libro: Paratum panem de celo  
præstitisti eis sine labore, omne delecta-  
mentum in se habentem, et omnis saporis  
suavitatem. Sed hoc paulo post solvetur.  
*Nihil aliud ad victum pertinebat respi-  
ciunt oculi nostri, nisi man*, id est man-  
na. Hoc dixerunt tanquam valde ingrati,  
aspernantes et fastidientes panem illum  
coelestem.

*Erat autem man quasi semen coriandri*,  
id est parvulum quantitate, et in figura  
simile semini illi: estque coriander herba  
seu fructus, qui inter olera seu terræ na-  
scentia odorifera computatur: *coloris bdellii*,  
id est albi et clari, semen autem corian-  
dri est nigri coloris. Dicuntque aliqui, quod  
bdellium sit gummi ejusdam aromaticæ  
arboris, ejus lacrima lucida est, gustu  
amara, sed boni odoris. Hinc in Exodo  
scriptum est: *Erat quasi semen coriandri*,  
album, gustusque ejus quasi similis cum  
melle. *Circuibatque populus*, quia manna  
jacuit in castrorum circuitu, et colligens  
illud, *frangebat mola, sive terebat in mor-  
tario, coquens*, id est, ex manna ita in  
pulverem comminuto, formans panes, *in  
olla*: sicut et aliqui panes fiebant in sar-  
tagine, id est in patella, quidam in aqua,  
ut lagana, ut in Levitico habetur. In Exodo  
legitur, *Erat man minutum, apparuitque  
in solitudine minutum et quasi pilo tusum  
in similitudinem pruinae*: quid ergo ne-  
cesse fuit illud frangi aut mola teri? Ad  
hoc aliqui dicunt, quod soli mali hoc fe-  
cerant, quia manna fuit eis insipidum, id-  
circo quærebant illi variis modis saporem  
meliorem adijcere, nec valebant, quoniam  
ex tali decoctione naturalis sapor mannæ  
mutabatur in pejus. *Et faciens ex eo tor-  
tulas*, id est parvos panes, *saporis quasi  
panis oleati*, id est panes suaves, ut est  
panis factus ex pasta, in ejus pistratione  
mixtum est oleum. In Exodo autem legi-  
tur, Gustusque ejus quasi similis cum mel-

Sap. xxi,  
20.Exod. xxi,  
31.Lev. vii, 9,  
12.Exod. xxi,  
11.

Ibid. 31.

Exod. x,  
12.

le. Simila quippe est delicatissima tritici A farina. Sicque panis iste erat valde suavis, instar panis confecti ex simila melle admixta. Cur ergo quibusdam non sapuit? Respondetur, quod propter eorum malitiam. Naturalis etenim sapor mannae exstitit dulcis, et talis ut dictum est. Supernaturalis vero sapor ipsius fuit, quo bonis sapiebat secundum voluntatem eorum. Si enim optabant, sapuit eis ut caro, et item ut piscis, sicque descendendo ulterius. Tertius vero et accidentaliter sapor ejus fuit, quem habuit in injustis, quibus fuit insipidum. B

Sap. xvi, 21. Hinc in Sapientiae volumine dicitur Deo :  
\* Substantiam

quā habes in filios, ostendebas : deserviens enim uniuscujusque voluntati, ad quod quisque volebat, convertebatur. Unde praeallegata auctoritas qua dicitur, quod omne delectamentum continuit, intelligenda est quantum ad virtuosos. De his super Exodum plenius scripsi. Quumque descenderet nocte super castra ros, descendebat pariter et manna. Ros non solum descendit super castra, sed et super terram, juxta C quod in Exodo dicitur. Mane ros jaenit per circuitum castrorum : et ita manna simul cum rore descendit : quod super Exodum diffusius est expositum.

Exod. xvi, 13.

Audivit ergo Moyses fletum populum per familias : quia in eadem tribu erant diversae familiae juxta praehabita : et singulos murmuratorum illorum, non singulos totius populi, per ostia tentorii sui : quia in foribus tenteriorum suorum sedebant plorando. Verumtamen non audivit distincte singulorum lamenta, sed omnium D fletum audivit confuse, vel aliquo sibi narrante percepit, qualiter omnes illi ac singuli flerent. Iratus est furor Domini, hoc est, rigor divinae justitiae valde exereuit ultionem in eos, prout infra in isto habetur capitulo. Sed et Moysi intoleranda res visa est, id est res valde molesta, et quodammodo intolerabilis, tam insolentem et improbam ferre turbam in querimoniis et murmurationibus ac malitiosis fletibus suis. Et ait ad Dominum, non ex indi-

gnatione aut impatientia, sed ex quadam pia familiaritate atque tristitia bona : Cur afflixisti servum tuum? id est, cur me famulum tuum permittis ita affligi, ita quod paci internae et contemplationi vacare non queo ut opto? Quare non invenio gratiam coram te? id est, quare non habes me supportatum ab onere isto, ut saepe rogavi, nec desideratam tranquillitatem mihi largiris? Et cur imposuisti pondus universi populi hujus super me? hoc est, cur tantae plebis mihi commisisti, ex qua commissione mihi incumbit omnium horum causas et importunitates sufferre, et sollicitari pro eis. Contra hoc objeci posset, quod Deus concesserat Moysi in adiutorium Aaron fratrem suum et alios multos, videlicet tribunos, centuriones, decanos : sed ista obiectio ex sequentibus verbis augeatur, ideo infra solvetur. Numquid ego concepi omnem hanc multitudinem, vel genui eam : quasi dicat, non sum mater aut parens carnalis eorum : ut dicas mihi, Porta eos in sinu tuo, id est, pie et paterne suffer et dirige eos, sicut portare solet nutritrix infantulum, et defer in terram, pro qua jurasti patribus eorum? Unde mihi carnes, ut de tantae multitudinis? hoc est, humana potentia non valeo satisfacere petitioni eorum.

Fleunt coram me, dicentes : Da nobis carnes ut comedamus. Jam dictum est quod dixerunt. Quis dabit nobis ad vescendum carnes? in quibus verbis non videntur carnes petisse a Moyse, sed tacite magis a Deo, a quo et cetera eis dabantur. Quomodo ergo Moyses ait, Fleunt coram me, dicentes, Da nobis carnes? Ad hoc Rabbi Paulus respondet, dicendo quod petitio illa populi potuit dupliciter intelligi. Primo, quod intendebant petere dari sibi carnes a Deo miraculose, et hoc major culpa fuisset. Nam petere quod Deus praetermittat ordinem naturae, ad satisfaciendum concupiscentiae aliorum inordinate, vitiosius est, quam ab ordine naturae plus deviet. Secundo potest intelligi, quod petebant sibi provideri de carnibus per humanam

industriam, secundum quod duces providere solent exercitiis suis de cibis: et hoc levius esset, quum minus sit præter ordinem naturalem. Hinc Moyses volens petitionem populi interpretari in melius, dixit: Flent coram me, etc. Potest etiam aliter responderi, quia etsi non legantur ante dixisse hæc verba ad Moysen, tamen quia Moyses sic resumit, datur intelligi, quod utique hoc dixerunt, ita quod primo dixerunt in generali, Quis dabit nobis carnes? deinde in speciali ad Moysen, Da nobis, etc. Non enim omnia scripta sunt, sed frequenter ex uno verbo aliud insinuat: quemadmodum in Genesi Judas ait ad patrem suum de Joseph, Interrogavit nos homo per ordinem nostram progeniem: et tamen ante non legitur Joseph hoc interrogasse.

Gen. XLII,  
7.

*Non possum sustinere omnem hunc populum*, id est, solus non sufficio regere eos, *quia gravis est mihi*, id est valde molestus. Sicque Moyses discretus et pius, quantum potest modeste loquitur conquerendo de populo, declinando ad minus, utpote minus dicens, et plus innuens. Unde et Aristoteles docet, quod quamvis nunquam a veritate sit recedendum, tamen quando quis loquitur de culpa alterius, debet potius declinare ad minus: quando autem de propria culpa, potius declinare debet ad majus. Hic rursus loquitur Moyses, quasi solus præfuerit populo, quum multos habuerit officiatos. Ad istud quidam respondent, quod officiatii illi præfati, solum præfuerunt et intromiserunt se de temporalibus: Moyses autem volebat adjutorium habere etiam in spiritualibus. Hæc responsio videtur prætere, quod solus Moyses in spiritualibus præsidebat: contra quod videtur, quod Aaron pontifex et filii ejus sacerdotes, in spiritualibus Moysi subsidia impendebant. Porro Rabbi Paulus præactam responsionem quam sequitur Lyra, emendare conatur: Videtur, inquit, magis proprie distinguendum in ista materia, quod scilicet tribuni, centuriones, et ceteri ex consilio Jethro consti-

Exod. XLIII,  
25, 26.

A tuti, intendebant tantum de judicialibus. Hic vero petebat Moyses adjutorium in regimine universali totius populi. Verumtamen ista responsio parum aut nihil differt a prima. Causæ namque judiciales, de quibus officiatii præfati judicabant, erant terrenæ, et de rebus minoribus tantum, prout in Exodo continetur. Universale autem regimen populi, spiritualia maxime concernebat, ut scilicet viverent juxta legem. Ideo dici potest, quod Moyses præter præactos officiatos quærebat opem majorem, ut ei in adjutorium donarentur viri sapientes et justi, qui per totam plebem illam diffusi, dirigerent eam tanquam consilarii generales. Præterea adhuc remanet quæstio, qualiter Moyses solus sustinuit omnem populum illum. Et respondendum, quod solus sustinuit omnem plebem illam, tanquam monarcha in ea, ita quod quasi regalis, principalis, generalisque cura fuit ei soli imposita: quæ et post hæc mansit imposita ei, sed enim subsidio ampliori quam ante.

Exod. XLIII,  
26.

C *Sin aliter tibi videtur*, id est, si tibi non placet mihi conferre optatum subsidium, vel ab onere hujus præsidentiae me habere supportatum, *obsecro ut interficias me*, id est, de vita hæc tollas morte pia seu naturali, non violenta. Sicque Interficere capitur hic extense, Ut interficias me plaga tibi placente, per quam a culpis meis expurger. Ideo subditur: *et inveniam gratiam in oculis tuis*, hoc est remissionem culparum per penam vite presentis. Vel, Inveniam gratiam, ita ut inter sanctos patres in limbo quiescam. *Ne tantis afficiar malis*, hoc est tot tribulationibus et inquietudinibus atque tristitiis ex insolentia populi hujus: sicque exponitur de malis penalibus. Forte etiam incidit interdum culpas saltem veniales occasione regiminis, timuitque incidere graviora peccata, sicut et postmodum incidit culpam incredulitatis ad aquam Contradictionis: ideo tolli oravit, sicut raptus est Enoch, ne malitia immutaret eor ejus. Sed quum patientia sit virtus moralis passionem tristitie

Gen. v. 24.  
Sup. iv. 11.



moderans ac refrenans, ad cuius spectat perfectionem ut faciat hominem in adversis gaudere: nonne istud ad impatientiam pertinuisse videtur, quod Moyses ex tribulationibus sibi inflatis, in tantum est contristatus, quod oravit occidi nisi relevaretur, ne afficeretur tot malis et tantis? Et respondendum, quod in adversis pœnalibus est gaudendum, non in quantum adversa sunt, sed in quantum a Deo dispensante proveniunt, et a vitiis purgant, multisque aliis modis sunt utilia. Verum in quantum sunt vehementer afflictiva, et a futura beatitudine dilativa, imo et impeditiva interdum a contemplatione et tranquillitate interna, potest quis de eis moderate tristari et mortem appetere, in quantum est finis presentium miseriarum, et porta vite appetibilioris: et hoc non ex impatientia, sed amore quietis internæ et felicitatis future, et ne amplius peccet. Nam et Paulus apostolus: Supra modum, inquit, gravati sumus supra virtutem, ita ut tæderet nos vivere. Et Elias: Tolle, Domine, quæso, animam meam.

II Cor. i, 8.

III Reg. xiv, 1.

Insuper quæritur, cur Moyses in hoc casu ostendit tantum gravamen, nec more solito Dominum exoravit, ut populo daret quod petiit, scilicet carnes, sed a regimine populi petiit exonerari aut mori. Ad hoc Rabbi Paulus respondet, quod ideo non rogavit, ut Deus plebi daret optata cibaria, ne populi augetetur malitia. Concupiscentia namque puerile est vitium, quoniam instar pueri non attendit ordinem rationis, et quanto plus ei consentitur ac satisfit, tanto plus crescit: quemadmodum puer tanto plus crescit in propria ac pessima voluntate, quanto plus sibi ipsi dimittitur. Sed tunc oritur quæstio, cur Deus absque Moysis oratione concessit populo male desiderata: ad quod respondebitur infra.

*Et dixit Dominus ad Moysen: Congrega mihi septuaginta viros de senioribus Israel, quos tu nosti quod senes populi sint et magistri.* Istud intelligendum videtur de his, in quibus ætas, morumque gravitas, seu vita virtuosa atque scientia

concurrerant. Nam et (ceteris paribus) seniores tempore, sunt preferendi ad consulendum ac dirigendum, quum et ipsa experientia in eis magis abundet, et ex consequenti, prudentia ut frequenter, in decrepitis tamen ratio solet decrescere, nisi per dona gratiæ specialis juvetur. Tales ergo sunt senes populi, id est digni nomine senum in populo, qui facto et verbo edocent plebem. Nihilominus morum maturitas soli senectuti est preferenda, et simili modo prudentia: ideo si in aliquo sit ætas medioeris et virtus abundans, recte senex potest vocari, præsertim si et prudentia vigeat.

Circa hæc quæritur, cur Deus commisit electionem hanc Moysi: et videtur quod non debuit ei committi, quia non poterat certitudinaliter scire, qui essent præfato modo veraciter senes. Quis enim novit quid agatur in homine, nisi spiritus ejus? Unde et primo Regum Dominus contestatur: Homo videt ea quæ parent, Dominus autem intuetur cor. Denique electio tribunorum

I Cor. ii, 11.

I Reg. xvi, 7.

Deut. i, 13.

et centurionum ac quinquagenariorum, populo fuit commissæ, ut in Deuteronomii libro habetur: cur ergo non etiam electio horum septuaginta? Iterum quæri potest, cur Deus voluit in populo suo tam multos præesse, et præter illos, adjecit hos septuaginta pro populi directione et consultatione.

Ad primum horum videtur dicendum, quod sicut Apostolus scripsit sanctis viris Timotheo ac Tito, quales ad sacros Ordines promoverent non quod illi absque speciali revelatione possent pro certo cognoscere, qui essent tales et sacris condigni Ordinibus, sed ut in hoc adhiberent diligentiam sibi possibilem ad cognoscendum modo probabili: ita de Moyse potest dici, Ad sciendum dicendum, quod tribuni ac similes instituebantur ad præsidendum populo in decisione minorum causarum: idcirco a populo sunt electi. Isti autem septuaginta assumpti sunt, ut cooperarentur, adstantque Moysi in executione universalis regiminiis populi, ipsum populum per consilia, documenta, hortamentaque dirigen-

I Tim. iii, 2-13.

Tit. i, 6-9.

do : ideo a Moyse sunt electi, praesertim A quia et spiritum prophetiae etiam fuerant sortituri, propter quod deuit eos esse notabiliter virtuosos : quod melius a Moyse quam a populo poterat sciri. Ad tertium respondendum ex verbis S. Thomae, qui in prima secunda, quaestione 103, disseruit :

Circa bonam ordinationem principum in aliqua civitate aut gente, duo sunt attendenda : Primum est, ut omnes aliquam habeant partem in principatu : per hoc enim conservatur pax populi, et omnes talem ordinationem amant atque custodiunt, B ut dicitur secundo Politicorum. Aliud est quod attenditur secundum speciem regiminis vel ordinationis principativae : ejus quum sint diversae species, secundum Philosophum tertio Politicorum, praecipue tamen sunt regnum seu monarchia, in qua unus principatur secundum virtutem : et aristoeratia, id est potestas optimorum, in qua pauci principantur secundum virtutem : et demoeratia, in qua praest communitas, id est quidam boni de tota communitate. Hinc optima ordinatio principum C in regno ac urbibus est, ubi unus secundum virtutem praeficitur qui omnibus praesit, et sub ipso sunt aliqui principantes secundum virtutem, et tamen talis principatus ad omnes pertinet : tum quia ex omnibus eligi possunt, tum quia ab omnibus eliguntur. Talis enim est optima politia, bene commixta ex regno seu monarchia, in quantum unus omnibus praesidet : et ex aristoeratia, in quantum multi principantur secundum virtutem : atque ex demoeratia, hoc est potestate populi, in D quantum principes ex popularibus eliguntur, aut eligi possunt, et ipsa electio principum ad populum pertinet. Et istud fuit institutum secundum legem divinam. Moyses namque et successores ejus gubernabant populum, quasi singulariter omnibus praesidentes : quod est quadam species regni. Elegit autem septuaginta senes secundum virtutem, et hoc erat aristoeraticum : sed democraticum erat, quod de omni populo eligebantur.

Sequitur : *et ducis eos ad astium tabernaculi faderis*, ut in loco sancto suscipiant dona Spiritus Sancti : *faciesque ibi stare* : quia non poterant tabernaculum introire, quum non essent de tribu Levi, sed foris stabant in atrio ante januam tabernaculi : *ut descendam*, non in propria persona, aut locum mutando, sed per effectum, et per angelum mihi ministrantem, *et loquar tibi* : *et auferam de spiritu tuo*, id est de donis Spiritus Sancti tibi collatis, non ea minuendo in te, aut tollendo a te : sed dona gratiae donis tuis similia, quamvis non aequalia, aliis dando. Unde subjungitur : *tradamque eis*, ex mea benignitate, et propter commune bonum populi mei, et etiam meritis tuis ac precibus : sicque dona gratiae in Moyse, erant quasi causa meritoria instrumentalis donorum in aliis : *ut sustentent tecum unum populi*, hoc est, in providendo, instruendo, dirigendoque plebem, te adjuvent. Loquitur autem Deus de spiritualibus per modum corporalium rerum, in quibus aliquid pluribus communicatur per hoc, quod id in multa dividitur, quod unus integrum solus possedit. Verumtamen per hunc loquendi modum insinuat, quanta fuerit gratiae plenitudo in Moyse, de ejus abundantia sic communicatum est aliis.

Hinc ait Petrus Comestor : Ablatio spiritus Moysis, et traditio aliis facta, non est intelligenda divisio spiritus ejus per partes vel diminutio, sed illuminatio aliorum ad regendum populum per eandem gratiam spiritualem, per quam Moyses erat illuminatus, sicut de igne unius lucernae multae illuminantur sine illius imminutione. Verumtamen secundum Rabbi Paulum, pro eo quod nostra translatio habet, *Auferam*, habetur verbum in Hebraeo, quod licet multa significet, nunquam tamen invenitur significare idem quod auferre. Translatio Chaldaica posuit hic verbum, significans idem quod diffundere seu protendere, ut sit sensus, quod Deus diffudit seu protendit de spiritu qui erat in Moyse, et dedit viris illis septuaginta. Et forte translatio nostra

primo habuit, Afferam de spiritu, et Affe- A  
rens de spiritu tuo, per duplex //, quod  
satis consonat translationi Chaldaicæ: et  
postea vitio scriptorum est positum, afe-  
ram et auferens, per litteram u. Hæc Pau-  
lus. Sed prima pars hujus dicti non videtur  
vera, aut certa, quoniam Septuaginta in-  
terpretes transtulerunt, Auferam de spiritu  
qui in te est.

Circa hæc scribit Lyra quod tactum  
est, scilicet quod viri illi, illuminati fue-  
runt absque diminutione gratiæ Moysis,  
sicut a lumine minus candelæ plures illu- B  
minantur. Et addit, Sciendum tamen quod  
ista similitudo non tenet, quantum ad cau-  
sam effectivam, ita quod donum gratiæ  
existens in Moyse, causaret in aliis gra-  
tiam effective: sed tantum meritorie, in  
quantum ad preces Moysis ob ejus suble-  
vationem illuminati sunt alii.

Porro circa et contra hæc verba Nicolai  
de Lyra, scribit Rabbi Paulus multum pro-  
lixè, sed non multum resolute aut satis  
perite, ejus aliqua verba tangam. Itaque  
inter cetera ait: Similitudo illa videtur C  
tenere, etiam quantum ad causam effecti-  
vam: quoniam Glossa ait, Moyses et spiri-  
tus qui erat in eo, quasi clarissimi luminis  
lucerna fuit, ex qua Deus septuaginta se-  
nes accendit, ad quos principalis lumi-  
nis splendor advenit, et origo ipsius nihil  
damni ex derivatione accepit. Hæc in Glos-  
sa. Ex quo patet manifeste, quod spiritus  
sen lumen gratiæ in senioribus illis, fuit  
derivatum a lumine gratiæ quod erat in  
Moyse. Deinde Rabbi Paulus subjungit: Cir-  
ca hæc sunt duo attendenda: Unum est, D  
quod spiritus sen gratia de qua hic agi-  
tur, non est lumen naturæ, nec lumen  
gratiæ gratum facientis, sed gratia pro-  
phetiæ: quia in littera dicitur, Quumque  
requievisset in eis Spiritus, prophetaverunt.  
Secundum est, quod illuminatio propheti-  
ca, quæ est principaliter a Deo, quandoque  
tangit mentes Prophetarum, mediantibus  
angelis, ut patet de Moyse in primordiali  
sua assumptione ad statum propheticum:  
et quod majus est, etiam inter angelos qui

superiores sunt, inferiores illuminant. Eo-  
dem modo potest de Moyse intelligi circa  
septuaginta viros, videlicet quod lumen  
propheticum menti Moysis a Deo infusum,  
confortavit lumen naturale seniorum, et  
manifestavit eis veritatem de his, quæ per-  
tinebant ad statum regiminis populi, ita  
quod principalitas hujus illuminationis est  
a solo Deo, secundaria vero illuminatio  
activa in Moyse, quemadmodum luna reci-  
pit lumen a Deo mediante sole. Hæc au-  
tem excellentia rationabiliter Moysi vide-  
tur concessa inter Prophetas, quoniam fuit  
eximius Prophetarum, et solus inter illos  
essentiam Dei vidit in vita præsentī. Ideo  
meruit et habuit prærogativam angelorum  
Deum videntium illuminatione prophetica:  
ita quod sicut Deus mediantibus angelis il-  
luminat mentes Prophetarum, sic mediante  
Moyse per lumen propheticum ei excec-  
lentissime collatum, lumen propheticum  
traderetur viris illis. Si enim septuaginta  
viri a Deo immediate recepissent lumen  
propheticum, sicut Moyses immediate ac-  
ceperat, essent quodammodo pares in hu-  
jusmodi regimine, quia magis et minus  
non variant speciem.

Hæc Paulus. Cujus verba, multa quæ non  
videntur posse salvari, includunt. In pri-  
mis ergo non sequitur: Lumen illud gra-  
tiæ in septuaginta, fuit derivatum a lumi-  
ne gratiæ quod fuit in Moyse, ergo fuit  
ab eo, sicut a causa efficiente. Dicitur enim  
aliquid derivari ab alio, non solum sicut  
a causa effectiva, sed etiam sicut a causa  
formali, aut exemplari, aut finali, aut ma-  
teriali. Secundo quod ait, istud de lumine  
gratiæ datæ septuaginta viris, esse intelli-  
gendum solum de gratia prophetiæ, non  
de gratia gratum faciente, non videtur ido-  
neè dictum: imo et de sapientia atque  
prudētia, prout sunt dona ad aliorum gu-  
bernationem spectantia in rebus divinis  
et humanis. Ait namque Origenes, et ha-  
betur in Glossa authentica: Requievit su-  
per eos Spiritus, et prophetaverunt om-  
nes. Non legitur requievisse Spiritus, nisi  
in sanctis. Requiescit enim in his qui mun-



do sunt corde, qui purificant suas animas a peccato, sicut non habitat in corpore subdito peccatis. Peccantes autem, contristamus Spiritum Sanctum; bene autem agentes, requiem ei paramus. Quod ergo ait de septuaginta presbyteris, id est senibus, quia Spiritus requievit in eis, laudem vite eorum et virtutes exposuit. Hæc Origenes et Glossa. Itaque, dato quod ante hanc Spiritus donationem fuissent in caritate et gratia, tamen in ista donatione gratia gratum faciens et virtutes fuissent in eis auctæ. Amplius expositores catholici ei communiter dicunt, quod data est senioribus illis illuminatio ad regimen populi, quod ad prudentiam pertinet, et ad informationem in lege, quod est sapientiæ actus.

Deinde quod Paulus iste adjungit, quod illuminatio prophetica quandoque tangit mentes Prophetarum mediantibus angelis, quasi quandoque tangat non per intermedios angelos, sicut et postea innuit, non est apte inductum: quia ut Thomas ex verbis divini Dionysii probat, atque in pluribus locis docet, revelationes propheticae universaliter per angelos sanctos sunt factæ, secundum quod ordo angelicæ hierarchiæ ad humanam, et utriusque ad Deum habet. Quod item Albertus libro de IV Coæquævis, et super secundum Sententiarum, et super Prophetas sentire censetur, aliique communiter.

Quod vero consequenter asserit Rabbi Paulus, quod sicut Moyses accepit primo gratiam prophetiæ a Deo per angelum: sic septuaginta a Deo per Moysen, quemadmodum etiam luna sumit lucem suam a Deo per solem: nil prorsus valere monstratur, et textui contrariari probatur: quoniam lumen propheticum Moysis menti infusum atque inherens, non potuit operari aut influere in mentes seu animas aliorum, nisi per exteriora verba aut signa vel opera. Ex tali autem instructione aut revelatione, qua unus homo alteri futura aut secreta revelat, alius non fit propheta: sicut nec Pharo et ejus ministri fuerunt prophetæ, eo quod Joseph revelante, præcognoverunt sterilitatem septem annorum. Denique in textu manifeste habetur, quemadmodum Deus dixit ad Moysen: Auferam de spiritu tuo et dabo illis. Et rursus: Descendit Dominus per nubem, et locutus est ad eum, puta ad Moysen, auferens de spiritu qui erat in Moysen, et datus septuaginta viris: non autem dicitur, quod Moyses [dederit] de spiritu suo septuaginta viris. Moxque subjungitur: Quinque requievisset in eis Spiritus, prophetaverunt. Et illa requiescentia Spiritus Sancti in ipsis, non fuit ex Moysis informatione aut impressione, sed ex Dei donatione.

Postremo, quod Rabbi Paulus ait, Moysen immediate a Deo accepisse lumen propheticum, non concordat prædictis ex B. Dionysio et S. Thoma inductis, imo nec litteræ. Apparitiones etenim, allocutiones, revelationesque Dei factæ Moysi, per angelum seu angelos sanctos factæ sunt ei, non solum in rubo, sed etiam in Ægypto, monteque Sinai et deinceps: quod et in Actibus Apostolorum B. Stephanns protestatur, et S. Augustinus declarat, Magister quoque Sententiarum libro secundo disseruit, imo ex littera ista ostenditur. Non enim Deus immediate in propria persona descendit in nube, et allocutus est Moysen.

Sequitur: *Populo quoque dices: Sanctificamini*, hoc est, devote disponite vos ad suscipiendum grante futuam et concupitam carnium refectionem: *cras comedetis carnes. Ego enim Dominus Deus audivi vos dicere: Quis dabit nobis escus carniū?* Itaque sanctificamini, *ut det vobis Dominus carnes et comedatis: non uno die tantum, nec duobus, vel quinque, aut decem, sed nec viginti quidem diebus tantum, sed usque ad mensem dierum*, id est per integrum mensem: *donec crevet per nares vestras*, hoc est, ad tantum vomitum deveniatis, ut et nares vestræ inde fædentur, et vertatur in nauseam, id est in fastidium: delectationes namque sensibiles, per satietatem in fastidium vertuntur; eo quod repuleritis Dominum, qui in

*medio vestri est.* Si jam Dominum repulerunt a se per ingratitudinem, improbitatem et concupiscentiam suam, quomodo Dominus adhuc in medio erat eorum? Dicendum, quod quidam eorum repulerunt eum a cordibus suis, non acquiescendo instinctui divino neque angelico; alii autem non repulerunt, in quorum medio fuit per gratiam. Totum autem a diversis partibus suis diversas sumit denominationes. Vel adhuc fuit per essentiam, praesentiam atque potentiam, et per beneficia ac mirabilia multa, etiam inter reprobos illos.

Præterea quæri potest, cur Dominus acquievit irrationabili petitioni ingratorum carnaliumque illorum, et cur dedit illis materiam tantæ gulositatis, et qualem consequentiam habet et causalitatem, quod Dominus dedit illis abundantiam illam, eo quod repulerunt eum a se. Et respondendum, quod Dominus dedit eis iusta et bona intentione, quod ipsi injuste et sensuali petierunt affectu: nec ideo dedit eis abundantiam illam directe, ut ea abuterentur: sed abusus illa ex ipsorum carnalitate est

consecuta, ideo sunt puniti. Sic et reprobis concedit quotidie temporalia multa quibus abutuntur. Nam et omnia cooperantur eis in malum. Dominus quoque voluit omnipotentiam et liberalitatem suam diffidentibus et ingratibus illis monstrare.

*Et ait Moyses: Sexcenta millia peditum populi hujus sunt.* Sic et in Exodo legitur, Sexcenta fere millia peditum virorum. Sed obviare videtur illud superius dictum, Fuerunt omnes simul filii Israel sexcenta tria millia virorum, quingenti quinquaginta. Ad hoc quidam respondent, quod in plaga tacta in exordio hujus capituli, fuerunt tot mortui, quot ultra sexcenta millia computantur supra. Sed quoniam istud incertum est, dici potest quod Moyses non curavit tam determinate summam illam exprimere, et Scriptura non solet minutias numeri ac temporis computare. Minor quoque numerus non excludit majorem. *Et tu dicis, Dabo eis esum carniū mense integro?* Non diffidendo, diseredendo, aut ver-

A bis Dei contradicendo, dixit hoc Moyses, sed admirando, et modum investigando. *Numquid ortum et bonum multitudo cadetur,* hoc est maetabitur, *vel omnes pisces maris congregabuntur,* etc.? Ex hoc elicitur, quod hoc loco per carnes, non solum animalium gressibilem, sed et natantium corpora intelliguntur. Sicque caro extense accipitur, quemadmodum et dum ait Apostolus: Alia caro avium, alia piscium.

1 Cor. xv.  
39.

*Cui respondit Dominus: Numquid manus Domini invalida est?* quasi dicat: B Nonne ego omnipotens sum? ideo non oportet te tantum mirari aut sciscitari: imo implebo quod dixi, neutro tamen modorum quos tetigisti. *Itum nunc,* hoc est valde celeriter, *videbis, utrum sermo meus opere compleatur.* Tanquam dicat, Videbis quod utique, et tamen non tibi prædico modum. Verumtamen ista responsio Domini videtur sonare, quasi Moyses ex desperatione facti aut dubitatione fuisset locutus. Unde ut refert Lyra, quidam Hebræorum doctores dicunt, quod dubitavit hoc loco, et quod hic peccavit tam graviter, sicut ad aquas Contradictionis: non tamen statim fuit punitus, nec ejus punitio est hic expressa, quemadmodum ibi: quoniam istud peccatum ejus fuit coram Domino in secreto, illud in publico. Alii Hebræi dicunt oppositum, et sicut nunc dictum est: quibus concordant expositores catholici, quia et Glossa ait ex Augustino: Quæritur, utrum hoc Moyses diffidendo dixerit, an quarendo. Si diffidendo, cur hoc non exprobratur ei a Domino, sicut ad aquas Contradictionis? Si inquirendo, responsio Domini obviare videtur, quæ quasi redargutio sonat. Sed puto Dominum sic respondisse, tanquam non voluerit dicere modum quem ille quærebat, sed opere ipso suam demonstrare potentiam.

Nam. xv.  
12.

*Venit igitur Moyses, et narravit populo verba Domini* de adjutorio sibi dando in regimine populi, atque de esu carnium eis præstando. *Quumque requierisset in eis,* videlicet in septuaginta senioribus, *Spiritus Domini,* de quo in Psalmo: Spi-

Ps. xxiiv. 6.

Exod. xii.  
37.  
Num. i. 45,  
46.

ritu oris ejus omnis virtus eorum : *prophetaverunt, nec ultra cessaverunt*, hoc est, spiritus prophetiae mansit in eis, ita quod deinceps tempore opportuno prophetaverunt. Verum ut fertur, verbum Hebraicum pro quo habemus, Cessaverunt, significat etiam, Addiderunt : et ita exponunt Hebraei. Nec ultra addiderunt, hoc est, non prophetaverunt, nisi in illo die. Quod non videtur idonee dictum, quia propter communem populi utilitatem et directionem data fuit gratia prophetiae senibus illis : ideo durante eorum officio, mansit in ipsis saltem tempore opportuno, nisi forsitan posuerint obieem.

*Remanserant autem in castris duo viri*, non ex elatione aut inobedientia, sed humilitate, quoniam tanto officio se reputabant indignos, sicut et Saul se absconderat domi, dum erat promovendus in regem : *super quos requievit Spiritus* : qui super humiles et in humilibus requiescit sen commoratur. *Nam et ipsi descripti fuerant*, hoc est inter electos a Moyse computati, et nominatim conscripti. Circa hoc *recitat Lyra fabulam Rabbi Salomonis*, dicentis quod Moyses de qualibet tribu elegit sex senes, videlicet septuaginta duos, ne aliqui ei indignarentur si plures de una tribu, quam de alia elegisset, scripsitque in schedulis septuaginta hoc nomen. Senex : et duas posuit schedulas, in quibus nihil exstitit scriptum, commisitque singulis ex vase accipere unam schedulam ad fortunam, affirmans quod Dei esset voluntas illos duos non esse computandos in numero septuaginta, qui caperent schedulas non inscriptas : ideo dicitur de istis duobus quod erant descripti, quia schedulas scriptas acceperant. Sed istud non videtur litterae consonare, quia non sequitur : acceperunt schedulas sic descriptas, ergo ipsi descripti fuerunt.

*Quumque prophetarent in castris, occurrit puer*, qui secundum quosdam Hebraeos fuit Gersam primogenitus Moysis, *et nuntiavit Moyse, dicens : Eldad et Medad prophetant in castris*. Erant enim tanto

A fervore repleti, quod se cohibere nequibant. Illi duo viri, ut in Scholastica habetur historia, secundum Hebraeos fuerunt fratres Moysis ex patre, non ex matre : quia post legem acceptam, Amram mandante Moyse, dimisit primam conjugem Moysis matrem, quoniam amita sua fuit : duxitque aliam, de qua suscepit hos duos. Sed juxta hoc, nondum fuissent bini, id est duorum annorum, quia a lege data nondum fluxerant duo anni. Haec ibi. Veruntamen quidam dicunt, quod Moyses in spiritu praevidebat se legem accepturum, et ante realem ejus acceptionem, suo patri illud mandavit.

*Statim Josue minister Moysis* specialis et familiaris : ideo subditur, *electus e pluribus*. Fuit enim vir valde egregius, non solum a Deo sublimiter, sed a Moyse quoque in specialissimum ministrum electus, et ita nunc commendatur, quia paulo post increpatur, ne videretur ex malitia peccasse. *Ait : Domine mi Moyses, prohibe eos*. Quare hoc ait Josue ? Forsitan, quia putavit eos ex superbia, vel ex inobedientia non venisse cum aliis juxta Moysis jussionem, ideo dubitavit, an vere spiritum prophetiae haberent. Vel videbatur ei contra honorem Moysis, quod prophetabant eo absente, quasi non adjuti meritis et precibus Moysis ad obtinendam hujusmodi gratiam. Ideo subditur : *At ille : Quid, inquit, emularis pro me ?* hoc est, cur talem zelum non satis discretum habes pro meo honore, ut videaris quodammodo invidere gratiae aliorum ? *Quis tribuat ut omnis populus prophetet, et det eis Deus Spiritum suum ?* quasi dicat, Non meum privatum, sed Dei quero honorem, et universorum salutem ac bonum commune : ideo opto, ut tam dona gratiae gratis datae, quam gratiae gratum facientis omnibus condonentur. Denique, in his verbis frequenter innuitur personalis distinctio in divinis, atque persona Spiritus Sancti, et quod ei approprietur largitio gratiarum ; quod item ipse his detur a Patre, quibus dona gratiae conferuntur, quamvis obtenebrati perfidi Judaei haec omnia negent.



Quidam vero Hebraei affirmant, quod Eldad et Medad prophetabant de obitu Moysis, substitutioneque Josue in principatu: quod item Josue populum in terram promissionis induceret: ideo Josue motus fuit hae dicere, quia ex humilitate noluit hoc audire. Sed istud non reor verum, quia et Moyses diu post hae adhuc putavit se introducturum populum illuc, ut ex sequentibus saepe probari potest. Nec ejus increpatio qua increpat ipsum Josue, hoc praetendit. Moyses quoque infra rogat Dominum, ut provideat virum qui sibi in principatu succedat: et tunc primo cognovit de Josue, quod sibi succederet, secundum quod textus praetendit: cui securius creditur quam fabulis euri-  
osis.

*Ventus autem egrediens a Domino.* Unde apparet, quod ventus ille fuit supernaturaliter angelico obsequio formatus et excitatus. *Arceplas trans mare Rubrum coturnices* de loco quodam Arabiae, in qua hujusmodi aves abundant, *detulit*, id est apportavit, *et demisit in castra*, hoc est undique per circuitum tentoriorum, et forte aliquae intrabant tentoria, *itinere* etc., id est per spatium unius dietae: *volabantque duobus cubitis  $\frac{1}{2}$  super terram*, et ita facillime sine inclinatione capiebantur. *Surgens ergo populus, congregavit coturnicum multitudinem.* Qui parum, decem coros, id est, qui minorem avium illarum multitudinem collegerunt, tantam de eis numerositatem congregaverunt, quantam decem cori capere possent. Corus autem hic sumitur pro mensura, continetque modios D triginta, et capit decem ephi. Hinc in Ezechiele habetur: Ephii et batus, aequalia et unius mensurae erunt, ut capiat decimam partem cori batus, et decimam partem cori, ephi. Tamen juxta frequenter praehabita, hae nomina mensurarum apud diversos

A valde diversificantur. *Et siccaverunt eas per gyrum castrorum*, hoc est, corpuscula avium harum suspenderunt ad siccandum in aere, ne putrescerent ex humore, quia servabantur per aliquot dies, imo usque ad mensis terminum edebantur. Consonat autem ista historia cum ea, quae in Exodo recitatur quo legitur: Factum est ergo vespere, et ascendens coturnix operuit castra. Fuerunt autem istae coturnices, non illae parvae quae apud nos sunt, sed illae majores quae regiae aves vocantur, quas eurleios a eurrendo dicimus, quia frequenter cursitant super terram. Hanc avem vocant Graeci *ὄρτυγος ἑρπετος*: Josephus, ortygiam. Unde in Sapientie libro scriptum est: In allocutione desiderii ascendit illis de mari ortygometra.

*Adhuc carnes coturnicum erant in dentibus eorum: et furor Domini percussit populum plaga magna nimis.* Non tamen exprimitur hic species hujus plagae, nec numerus occisorum. Cur istos percussit, nisi propter eorum concupiscentiam vitiosam, et quia non sanctificaverunt se ad esum carniū harum, de priori concupiscentia poenitendo, et cibum istum cum gratiarum actione, sobrie ac devote sumendo? *Vocatusque est locus ille, sepulchra Concupiscentiae*: ejus nominis ratio subditur, *Ibi enim sepeliverunt populum qui desideraverat carnes cum praedominanti concupiscentia.* Aliqui autem pie credunt, quod isti in sua percussione ad mentem reversi, poenituerunt. Vel si ante poenituerunt, fuit eis mors ista pro poena culpae illius et aliarum, quamvis forte non pro punitione sufficiente. *Egressi autem de sepulchris Concupiscentiae*, id est de loco in quo erant sepulchra occisorum propter concupiscentiam suam, *venerunt in Haseeroth*, id est in partem eremi sic vocatam, *et manserunt ibi*.

Num. xxxvii,  
16-18.

Exod. xvi,  
13.

Sap. xix,  
12.

Ezech. xlv,  
11.

## ARTICULUS XX

DE SPIRITUALI EIUDEM CAPITULI UNDECIMI SENSU.

**O**RTUM est murmur populi, quasi do-  
lendum pro labore, contra Dominum.

Per murmuratores illos figurati sunt Christiani impatientes, quibus durum est, et quasi intolerabile apparet, super se ferre jugum Christi, et evangelicæ legis onus servare, aut præcepta observare Ecclesiæ, de jejuniis, abstinentiis, festivitatis, consimilibusque instituta: similiter religiosi pigri, inobedientes, carnales, quibus ire per iter observantiæ regularis molestum est. Hi omnes de arduitate atque gravitudine præceptorum aut statutorum Dei atque Ecclesiæ ac sacræ religionis causantur: quorum observantia nimis laboriosa ab eis censetur, quoniam caritate non fervent, et ob suam duritiam ac carnalitatem non experiuntur quam veraciter dixerit Filius Dei: Jugum meum suave est, et onus meum leve. Nec pensant illud Apostoli: Non sunt condignæ passionis hujus temporis ad futuram gloriam. Quod qui efficaciter ponderat, cum eodem exclamat Apostolo: Id quod in presenti est leve et modicum tribulationis nostræ, supra modum in sublimitate æternum gloriæ pondus operatur in nobis.

Quod quum audisset Dominus, iratus est: et accensus est in eos ignis Domini. Ex quibus verbis probatur, quam enorme et detestabile sit istud peccatum, præsertim in Christianis, et maxime in religiosis. Ideo scriptum est in Sapientiæ libro: Custodite vos a murmuratione, quia tumultus murmurationum non abscondetur. Atque in Threnis: Quid murmuravit homo vivens, vir pro delictis suis? Quo contra ait alia scriptura: Vir sapiens, non murmurabit; et, Non contristabit justum, quidquid ei acciderit. Illic Rabanus: Ignis,

inquit, divinæ ultionis, illos in futuro torquet, qui nunc lingua inflammata obloquuntur aut murmurant. *Quumque clamasset populus ad Moysen, oravit Moyses ad Dominum, et absorptus est ignis.* Quo innotescit, quantum prosit subjectis devota præsentis oratio fusa pro eis. Idecirco cum omni humilitate et affectu superiorem suum efflagitent, ut pro ipsis assidue invocet Dominum: atque ut prædens fructuose hoc agat, studeat ipse coram Deo sinceriter conversari, et suum implere officium; subditi quoque ei in cunctis obedire conentur.

*Vulgus quoque promiscuum flagravat desiderio carnium.* Per improbum vulgus illud, quod erat Ægyptium, cui et multi ex filiis Israel se junxerunt, designantur amatores sæculi hujus, qui carnalium voluptatum, potissime gustus et tactus, ardent amore, quibus et multi ex clericis et religiosis ac sacerdotibus se conformant, scandalose turpiterque viventes: quibus si desint gulæ irritamenta, et suarum obiecta deliciarum, dicunt: *Quis dabit nobis ut vescendum carnes?* Hi quippe carnibus fruuntur potius quam utantur. Nam et in alimentis delectationem magis, quam necessariam quærent refectionem: in venereis vero instar equi et muli se habent, etiam cum persona legitime copulata. *Recordamur piscium.* In piscibus namque, sicut in carnibus potest esse excessus. Nec religiosus arbitretur se magnum quid agere, abstinendo a carnibus et a vino, si in piscium qualitate aut quantitate, ceterorumve poculorum mensura excedat. Religiosus itaque totis præcordiis se transferat ad divina, et in spiritualium transformetur affectum et gustum; nec ea quæ semel

Matth. xi,  
30.

Rom. viii,  
18.

II Cor. iv,  
17.

Sap. i, 11,  
10.

Thren. iii,  
39.

Ecclesi. x, 28.

Prov. xii, 21.

Ps. xxxi, 9.

propter Deum deseruit, denuo optet mente apostata, neque in saeculum nequam .Egyptum animo revertatur. Universi quoque fideles, maxime semel conversi et illustrati, perpendant illud beatissimi principis apostolici agminis : Melius erat non cognoscere viam iustitiae, quam post agnitionem retrorsum reverti. Contigit enim eis illud veri proverbii : Canis reversus ad vomitum suum, et sus lota in volutabro luti.

II Petr. II,  
21, 22.

*In mentem nobis veniunt cucumeres et pepones, porrique et caepae et allia.* Per cucumeres et pepones, prospera, blanda et dulcia mundi ac carnis signantur : per porros, caepas et allia, exprimuntur labores, sollicitudines, difficultates, ac tædia quæ deliciis, divitiis atque honoribus vitæ miscentur praesentis, quæ etsi pungant, lassent ac tribulent, tamen obtenebrata mente, a perversis amantur et amplectuntur, qui esse sub sentibus delicias computant, et stercora, hoc est fœda et turpia, amplexantur. Ideo sero fatebuntur cum extremo dolore, sed infructuoso, dicentes : C

*Sap. v, 7.* Lassati sumus in via iniquitatis et perditionis, et ambulavimus vias difficiles. Quibus convenit illud Osce : Ephraim columba seducta, non habens cor. Itemque : Ephraim vitula docta diligere trituram. *Anima nostra arida est. Nihil aliud respiciunt oculi nostri, nisi man.* Hoc dicunt qui spirituales consolationes ignorant ; qui sacramentum Eucharistiæ quasi panis buccellam, sine fervore et gustu suscipiunt : qui ad actus virtutum non trahuntur puro amore, sed duro timore ; quibus spiritualia vileseunt charismata, nec sacra sapit Scriptura. Istis iraseitur furor Domini valde, quum insipientes ingratissimique consistant, carnalia et caduca spiritualibus et æternis, imo et bono incircumscribibili preferentes.

Osce VII,  
11 ; 8, 11.

*Sed et Moysi intoleranda res visa est :* quoniam de talium subditorum perversitate bonus praelatus vehementissime contristatur, in tantum ut interdum ab officio suo conetur absolvi, et gravari se conqueratur, imo et cupiat tolli de medio, nisi

A desuper gratiose juvetur. *Et dixit Dominus : Congrega mihi septuaginta viros de senioribus Israel.* Ex his docemur, quam pronus sit Dominus virtuosos juvare praelatos, qui etiam in adiutorium suum debent sibi assumere prudentiores et meliores ex grege sibi commissio. Rursus constat ex his, quales sint praelatione et consulatu condigni : ut qui ætate, sapientia, virtutibusque præfulgent : qui et tanta debent gratia adimpleri, ut de plenitudine sua suis queant copiose influere subditis. *Sanctificamini ; cras comedetis carnes.* Per hoc docemur, quod cibum et potum ac cetera corporalia beneficia cum devotione et gratiarum actione debeamus accipere, quemadmodum Corinthiis ait Apostolus : Sive manducatis, sive bibitis, sive aliud aliquid facitis, omnia in gloriam Dei facite. *Ut det vobis Dominus carnes,* etc., *donec creant per nares vestras.* Ex hoc elucescit, quod Deus frequenter dat pravis hominibus temporalium copiam rerum, ad maiorem ipsorum damnationem. Ideo talia non sunt optanda, nisi in quantum Dominus novit nostræ expedire salutem.

I Cor. X, 31.

*Venit Moyses, et narravit populo verba Domini.* Sic praelatus ac prædicator debet nunc in abscondito contemplationi, puritati, devotioni, orationibusque vacare : nunc foris ad subditos seu proximos egredi, et quæ intus consideravit ac sapuit, eis cum omni ardore proponere. Hinc loquitur Origenes : Quamdiu Moyses audit verba Dei, et docetur ab ipso, intus est et in secretis consistit : ubi vero turbis loquitur, et quæ D audit ministrat, egredi dicitur. Imo omnis doctor Ecclesiæ, si de profundioribus tractat mysteriis, et occulta sapientiæ profert inter perfectos, intus est ; quum autem loquitur turbis ea quæ turba capere potest, egreditur. Intus erat Paulus quum dixit, Sapientiam loquimur inter perfectos : ad populum vero procedens, ait : Omnis sermo malus ex ore vestro non procedat.

Ibid. II, 6.

Ephes. IV,  
29.

*Quumque requirerisset in eis Spiritus Domini, prophetae verunt, nec ultra cessa-*



verunt. Omnipotens enim virtus Spiritus A Sancti, qui substantialiter amor et liberalitas est, ignis et unctio, mentem a se inhabitatam assidue excitat, movet et elevat, nec sustinet esse otiosam, sed agilem reddit et accendit, ita ut se nequeat cohibere. *Remanserant autem in castris duo viri.* Quorum exemplo discamus ex vera humilitate honores exteriores contemnere, omnem ambitionem vitare, velle nesciri, malle subesse, et non solum ad praesidentiam non aspirare, sed et oblatam pro posse abjicere. Sic enim veraciter super nos requiescet Spiritus Sanctus, qui super humilem et quietum, imo in medio cordis illius conquirere ac morari eligit. *Quis tribuat ut omnis populus prophetet?* Hic caritas atque humilitas Moysis commendatur, quoniam universorum optavit profectum, et subditos sibi in donis gratiae gratum facientis ac gratis datae concupivit assimilari, non proprium quarens honorem aut famam praecipuam; et quod ipse per se nequit efficere, per alios optat suppleri.

Is. LVIII, 2.

Postremo Deus populum suum non piscibus aut jumentis, sed avibus pavit, ut celestibus nitamur cibariis refici, pane vitae, cibo sacramentali, verbo doctrinae, suavitate contemplationis, bonarum robore actionum, caritatis ardore. *Adhuc carnes erant in dentibus eorum,* etc. Huic simile est quod in Evangelio ait Salvator de cupido et guloso, qui dixit animae suae: Anima, habes multa bona reposita in annos plurimos: requiesce, comede, bibe, epulare. Dixit autem illi Deus: Stulte, animam tuam hac nocte repetunt a te: quae autem parasti, ejus erunt? Nempe sic evenit multis, ut dum carnaliter vivere inchoant aut proponunt, et plura sibi de temporalibus collegerunt, repente tollantur. Propter quod in libro Job dicitur: Vidi impium firma radice, et maledixi pulchritudini ejus. Atque in Psalmo: Quomodo facti sunt in desolationem? Subito defecerunt: perierunt propter iniquitatem suam. Velut somnium surgentium, Domine, in civitate tua imaginem ipsorum ad C nihilum rediges.

Luc. XII, 19, 20.

Job V, 3.

Ps. LXXII, 19, 20.

## ARTICULUS XXI

DECLARATIO LITTERALIS CAPITULI DUODECIMI: LOCUTAQUE EST MARIA ET AARON,

DESCRIPTIS praecedenti capitulo quibusdam excessibus vulgarium, et eorum justis punitionibus, nunc excellentiorum personarum quaedam mala narrantur. *Locutaque est Maria et Aaron contra Moysen,* id est, loquendo peccaverunt in Moysen, et per consequens in Deum. Praeponitur autem Maria Aaron sacerdoti, quia in isto excessu principalior et culpabilior fuisse videtur, ut infra dicitur: atque ut infra exprimit textus, peccatum istud fuit detractio, in qua etiam alia plura vitia D concurrerunt, sicut patebit. Deinde causa detractiois subjungitur: *propter uxorem*

*ejus Ethiopissam.* Quocirca loquitur Augustinus: De uxore Moysis Ethiopissa quaritur, an ipsa sit filia Jethro, an alteram duxerit aut superduxerit Moyses. Sed ipsam fuisse filiam Jethro, credibile est. De Madianitis quippe erant, qui in libro Paralipomenon Ethiopes nuncupantur, ubi contra eos rex Josaphat \* pugnasse narratur, quia in his locis dicitur eos populus Israel persecutus, ubi habitant Madianitae, qui nunc Sarraceni nuncupantur. Sed nunc fere nullus eos vocat Ethiopes, sicut solent locorum et gentium nomina plerumque vetustate mutari. In his Augustini verbis

II Par. XIV, 9 et seq.

\* Asa

habetur, quæ fuit femina ista, non autem A quam ob causam Aaron et Maria moti sint ad loquendum contra Moysen propter hanc ejus uxorem. Isidorus vero dicit, quod detraxerunt Moysi, eo quod alienigenam seu gentilem duxit uxorem. Magister in historiis scribit : Jurgati sunt Aaron et Maria contra Moysen, propter uxorem ejus Ethiopissam, inproperantes ei quod reginam Ethiopum duxisset uxorem, vel ductam dimiserit, vel potius propter uxorem ejus Sephoram, quæ rixata fuerat contra Mariam. Hæc ibi. Itaque aliqui dicunt, quod B Maria et Sephora inter se contenderunt. Quumque Moyses inter eas judicaret, judicavit pro conjuge sua. Propter quod indignata Maria, conquesta est Aaron fratri suo : sicque ambo obloenti sunt Moysi.

Quidam vero Hebræi, quos sequitur Rabbi Paulus, affirmant quod Moyses ab uxore sua omnino continuit, ut esset jugiter paratus loqui cum Domino et esse in tabernaculo : quod videbatur Aaron et Maria non esse necesse, quia et ipsis Dominus loquebatur multoties, et tamen ab actu C matrimoniali non penitus abstinebant. Verum tamen istud non arbitror verum, præsertim si juxta dicta super Exodum. Hic fuit maritus Mariæ, et a Judæis idololatriæ exstinctus quoniam restitit eis circa productionem conflatis vituli. Tunc enim Maria fuit plusquam nonagenaria, ut patet ex dictis in Exodo : ideo non videtur quod mulier prophetissa tam vetula, alium duxerit contortalem, quando nec apta erat concipere. Unde et Sara nondum tam vetula :

Exod. xvii,  
10, 12.

Gen. xvi,  
12.

Postquam, inquit, consenui, voluptati operam dabo ? quasi dicat, Non deceat. Et hoc dixit quando maritum habuit adhuc viventem. Ideo probabile est, quod quamvis maritus Mariæ adhuc vixisset, ipsa tamen continuisset deinceps, saltem quantum fuisset in se. Verius ergo videtur, quod Maria et Sephora aliquam inter se dissensionem habuerint, ipsa Sephora de mariti sui excellentia gloriantem, et ob hanc aliquid prærogativæ habere volente : in qua causa Moysen pro sua conjuge judicante, ægre hoc

tulit Maria, et Aaron est conquesta : qui indignati, voluerunt se Moysi comparare.

Præterea ad intelligendum quod dictum est de regina Ethiopum, advertendum quod Josephus refert : Ethiopibus, in-quiens, Egyptum vastantibus, Egyptii acceperunt oraculum, ut uterentur auxiliatore et duce Hebræo : sicque Moyses eorum exercitui præpositus, expugnavit Ethiopes, et eos qui fugerunt conclusit in Saba regia civitate. Tandem filia regis patri superstes, probitatem, pulchritudinem et fortitudinem Moysis admirata, optavit frui ejus amplexibus, atque per nuntios obtulit ei urbem ex condicto, si eam sumere vellet in conjugem : cui Moyses acquievit. Dicunt autem nonnulli, Sephoram fuisse vere Ethiopissam colore, quoniam Madianitæ in tentoriis habitantes solis calore migrantur. Alii dicunt, quod vocata sit Ethiopissa per contrarium, quoniam fuit valde pulchra, moribusque ornata.

*Et dixerunt : Non solum per Moysen locutus est Dominus. Nonne et nobis similiter est locutus ?* quasi dicant, Cur nobis præfertur ? Et quamvis verum sit quod non solum sit locutus per Moysen, sed et per eos : non tamen tam frequenter, nec tam sublimiter, neque tam universaliter, sed nec tam amicebiliter ac familiariter : et quamvis ista Maria fuerit prophetissa, Scriptura tamen in speciali non exprimit, ubi aut quando seu ad quid, ad eam locutus sit Dominus. *Quod quum audisset Dominus, iratus est valde,* non per conturbationem affectus, sed per similitudinem operis. Quum enim Moyses esset tam fidelis et supremus vicarius Dei, contumelia ei facta redundabat in Deum : imò quo Moyses id æquanimius tulit, eo Deus distrietiùs vindicavit. Ideo subditur : *Erat enim Moyses vir mitissimus super omnes homines qui morabantur in terra.* Hoc scripsit Moyses de se ipso non jactanter, sed instigante Spiritu Sancto, ad nostram instructionem : nec sine revelatione seire id poterat, quod universis tunc in orbe terrarum morantibus mansuetior erat, quum

\* Non per  
solum Moy-  
sen locutus  
est Domi-  
nus ?

unus aliorum corda non videat. Denique A mansuetudo valde necessaria est praelatis, quos oportet aliorum improbitatem et passionem aequanimiter tolerare : quæ et Moysi specialissime necessaria exstitit, qui durissimæ cervicis populum habuit gubernare. Credendum est autem, quod ex naturali dispositione fuit ad præcipuam mansuetudinem valde dispositus, sed per gratiam et exercitationem multo mitior est effectus.

*Statimque locutus est Dominus ad eum, puta ad Moysen, et ad Aaron et Mariam : Egredimini vos tantum tres ad tabernaculum foderis, etc.* Voluit enim Dominus Aaron et Mariam increpare seorsum, ne pontifex coram multitudine reprehensus, vilesceret turbæ, cui in spiritualibus præfuit. *Dirigit ad eos.* Ecce qualiter Dominus suos tam præelectos ita celeriter reprehendit et acriter, quemadmodum protestatur : Ego quos amo, arguo et castigo. *Audite sermones meos : Si quis fuerit inter vos propheta Domini, aut etiam prophetissa, in visione apparebo ei, vel per somnium loquar ad illum.*

Cognitio equidem prophetalis interdum fit in plena vigilia, ita quod exteriori visu videtur spiritus angelicus futura prænuntians, aut exteriori auditu audiuntur eloquia revelantis secreta, qui duo modi sæpe concurrunt, sicut in Virgine gloriosa, quæ Gabriele vidit, et loquentem audivit. Aliquando autem fit prophetica revelatio per anagogicam illuminationem. Itaque intellectus sine imaginariis formis intuetur occulta : quæ cognitio potest etiam visio nominari, quæ tamen et in somno fieri potest. Aliquando revelatio prophetica fit in somno, et talis communiter fit per imaginarias similitudines : unde et imaginaria visio appellatur. (Secundum quod Augustinus ponit tres species visionis, quæ sunt visio sensitiva exterior, visio imaginaria, et visio intellectualis.) Tamen ad rationem propheticæ cognitionis non sufficit imaginaria visio, sed et intellectualis notitia ejus exigitur, quia intelligentia est opus in visione, id est principale in prophetali

manifestatione. Denique revelatio illa quæ fit in somno, nunc nomine somni designatur, ita quod somnium ita acceptum, includit oraculum : quæ tamen ab invicem solent distinguî, ut super Genesim scripsi. Tempus quoque nocturnum et somnus coaptant ad hoc, ut in eis revelatio fiat : quia tunc omnia sunt magis quieta, et imaginatio, interioresque sensus magis quiescunt, nec intellectus solito modo distrahitur : quoniam vires istæ tunc non moventur, nec excitantur ab exterioribus suis objectis.

B Hinc scriptum est in Job : Per somnium in visione nocturna quando irrumpit sopor super homines, et dormiunt in lectulo, tunc Deus aperit aures virorum, et erudiens instruit disciplina. Revelatio demum in vigilia facta, et in qua revelans videtur ad oculum, ceteris paribus, exstat sublimior.

Itaque Dominus ait ad Aaron et Mariam : Si fuerit inter vos propheta Domini, in visione apparebo ei, id est per visionem exteriori ministerio angelico exhibitam. Vel per intellectualem et anagogicam ap-

C paritionem manifestabo ei secreta, seu supernaturalia aut divina. Vel per somnium loquar ad illum, id est, per apparitionem imaginariam factam in somno revelabo ei occulta. *At non talis servus meus Moyses,* id est, non solum attingit præfatos gradus modosque prophetiæ, *qui in omni domo mea fidelissimus est,* id est in tota Synagoga, vel præcunctis in terra morantibus ac Deum colentibus. Tunc enim multi erant unius Dei cultores in lege naturæ, quæ usque ad evangelicæ legis promulgationem currebat cum lege scripta : sicque, omnis seu tota domus Dei, fuit universitas fidelium Dei cultorum tunc existentium, inter quos Moyses tenebat primatum, utpote sublimior tam in fide, quæ est theologia virtus : quam fidem cum rationibus credendorum et purificatæ mentis intelligentia excellentius habuit : quam in fide seu fidelitate, quæ ponitur pars justitiæ : quia præceteris qui tunc erant, in cultu veri Dei fuit ferventior, justior, imo (ut creditur) in omni virtute perfe-

*Apoec. iii, 19.*

*Luc. i, 28 et seq.*

*Dan. x, 1*

*Job xxxiii, 13, 16.*



etior. Posset tamen secundum eos qui dicunt beatum Job tempore Moysis exstitisse, objectio fieri de Job, de quo Dominus dixit ad Satan : Numquid considerasti servum meum Job, quod non sit ei similis in terra ? Sed ad hoc in expositione Job est data solutio. Itaque in his verbis commendatur Moyses non solum de eminentia prophetiae, quae est donum gratiae gratis datae, sed et de eminentia gratiae gratum facientis, bonitateque morum. Idcirco non valet quod Rabbi Paulus dicit oppositum. Quum enim prophetia sit donum gratiae gratis datae, bonis ac malis commune, propter ipsum solum non dicitur quis fidelissimus Deo.

*Ore enim ad os loquor ei, id est familiariter valde.* Unde in Exodo dictum est : Loquebatur Dominus cum Moyse, sicut loqui solet homo ad amicum suum. Nam ad libitum suum assidue habuit allocutionem et revelationem divinam. Istud tamen fiebat per angelum, in Dei persona apparentem atque loquentem, et in humana effigie visibiliter se monstrantem. *Et palatum, non per aenigmata et figuras, videt Deum.* In his verbis, secundum Augustinum et doctores catholicos eum sequentes, datur intelligi, quod Moyses in hac vita vidit Deum per speciem, hoc est divinam essentiam clare et immediate in se ipsa. Cognitio namque, qua Deus videtur per quaecumque speciem similitudinemve creatam, est obscura, aenigmatica, figuralis, quum omnis forma creata infinite deficiat a plena et clara representatione divinae essentiae, a cuius perfectione distat

in infinitum. Ideo ait Apostolus : Videmus nunc per speculum in aenigmate. Sicque hoc loco insinuat, Moyse in hac vita esse concessum, quod in Exodo legitur ei negatum. Ibi quippe oranti, Si inveni gratiam in conspectu tuo, ostende mihi faciem tuam : responsum est, Faciem meam videre non potes. Non enim videbit me homo, et vivet. Verumtamen, ubi, quando seu quoties concessa sit Moyse in hac vita cognitio illa deitatis per speciem, Scriptu-

ra non exprimit, nec doctores authentici hoc determinasse inveniuntur. Itaque, secundum Augustinum duodecimo super Genesim ad litteram, et in libro de Videndo Deo, sicut Paulus in hac vita vidit immediate et clare in raptu divinam essentiam, ita Moyse est concessum, quatenus primus Iudaeorum legislator, atque praecipuus gentium doctor, in hac gratia esset conformes, prout in secunda secunda, quaestione 175, scribit Thomas diffuse, ubi inter cetera ait, quod illa visione durante, non fuit in Moyse et Paulo fides et spes, quantum ad actus earum, sed solum quantum ad habitum : quod item in eis tunc fuit lumen gloriae, et quod erant beati, non habitualiter, sed secundum actum transcurrentem, nec tunc vivebant vita sensitiva humana, sed supernaturali divina.

Verumtamen Hebraei et quidam fideles aliter exposuerunt hunc passum, quia per visionem, intellexerunt exteriorem Dei apparitionem, qua per angelum visibiliter apparentem, quibusdam sanctis apparuit, ut Abrahae in convalle Mambræ ; per somnium, visionem datam in somno per cognitionem Dei palam factam, seu claram revelationem anagogicam, quae dicitur non per aenigma nec per figuras, quia non est per imaginarias formas, neque per sensibiles species, sed est pure intellectualis, et comparatione aliarum, non aenigmatica. Juxta quem modum David ait : Spiritus Domini locutus est per me, et sermo ejus per linguam meam, sicut lux aurorae, sole oriente, mane absque nubibus rutilat. Verumtamen praehabita expositio verior esse censetur, praesertim propter ingeminationem illam tam evidentem, qua dicitur : Palam, non per aenigmata et figuras, videt Deum. Porro secundum Hebraeos et alios quosdam, Moyses in hac vita non vidit divinam essentiam.

*Quare igitur non timuistis detrahere sermo meo Moyse ?* quum tanta sit excellentia ejus ultra vos, imo et super alios universos, juxta sensum praehabitu. Valde etenim est perversum detrahere meliori,

Job 1, 8.

Exod.  
xxxiii, 11.1 Cor. xiii,  
12.Exod.  
xxxiii, 13, 20.11 Cor. xii,  
2-4.

Gen. xxi, 1.

11 Reg.  
xxxiii, 2, 4.

aequiparare se sanctiori, *Iratusque contra* A eos, quia nondum vere penituerint, *abiit*, subito disparendo, ostendens eos divino adspectu indignos, ac Dei gratia destitutos, quia detractio tam enormis, fuit culpa mortalis, *Nubes quoque recessit* simul cum angelo in altiora scandendo, *Et ecce Maria apparuit candens lepra quasi nix* : non quod nix sit leprosa, sed tam magna et horrida fuit lepra Mariae, quod candor niveus in lepra illa apparuit. Unde in Levitico dictum est, quod albor seu candor sit leprae indicium. *Quumque resperisset eam* B *Aaron, et vidisset perfusam lepra, ait ad Moysen* : Obsecro, domine mi, ne imponas nobis hoc peccatum detractiois quod stulte commisimus, ne fiat huc quasi mortua, et ut abortivam quod efficitur de vulva matris : id est, non optes illud districtius vindicari, nec propter injuriam quam tibi intulimus, desinas orare pro nobis, ut et ista a plaga sibi inflata curetur, et ego non puniar. Itaque ex timore periculi proprii, et ex compassione sororis, oravit hae Aaron. *Ecce jam medium carnis ejus de-* C *coratum est a lepra* : quae est (ut ait Guillelmus) letalis prurigo, et quasi cancer universalis, ab intimis fontibus serpens, et corruptionem in totum corpus diffundens. Unde constat, quod magna fuit illa Mariae afflictio.

*Clamavitque Moyses ad Dominum, dicens* : quoniam pius, mansuetus, caritativus, cito ignovit, et forsan non erat pro sua injuriatione indignans, reddiditque bonum pro malo. Clamavit autem intenso affectu magis quam alta voce : *Deus, ob-* D *secro, sana eam*. Ex his patuit excellentia sanctitatis Moysis super Aaron et Mariam, quam et Deus ideo sic plagavit, ut per experientiam disceret, quantum inferior erat fratre. Aaron quoque ad Moysis ora-

tionem expetendam confugere est compulsus. Sed cur Aaron non est percussus lepra aut alia plaga? Respondetur, quia in hac re excusabilior fuit Maria, et instigatus ab ea, ut patuit; et item propter dignitatem sui officii, et ne populus in ejus culpa et poena scandalizaretur: atque ad ostendendum quod superiores sunt potius sustinendi, seu divino judicio reservandi.

*Cui respondit Dominus* : Si pater ejus spmisset in faciem illius, nonne debuerat saltem septem diebus rubare suffundi? id est, si a patre suo carnali fuisset pro aliquo excessu viliter tractata, correpta, punita, deberet per congruum tempus confusionem suam portare, et confusibilis apparere. Multo igitur amplius nunc a Patre spirituum inerepata, debet ad tempus verecundatione perfundi. *Separetur septem diebus extra castra, et postea revocabitur*. In Levitico dictum est, quod leprosi jam mundati, adhuc manebant extra castra septem diebus, et postea, id est die octavo, redibant ad ea. Ex hoc sequi videtur, quod Maria ad preces Moysis fuit statim curata: et tamen ob causam praetactam, et ob legis observantiam, fuit tam diu exclusa. Veruntamen Origenes et Glossa dicunt: Maria, interveniente Moysse, septimo die curatur. Hoc tamen exponi potest, quia septimo die finitum est ejus opprobrium. *Exclusa est itaque Maria extra castra septem diebus* : et populus non est motus de loco illo, donec revocaretur Maria. Hanc reverentiam populus ei exhibuit propter fratres ejus, potissimum propter Moysen, et etiam propter ipsius Mariae sanctitatem et prerogativam; imo Deo sic placuit, et ipse ita disposuit, quoniam nubes interim non processit: quae si processisset, fuissent eam secuti.

## ARTICULUS XXII

DE MORALITATE ET ALLEGORIA HUIUS CAPITULI DUODECIMI.

**P**RIMO patet ex initio huius capituli A quanta nos pusilli indigeamus diligentia, atque custodia cordis ad vitandum peccata mortalia. Nam ecce Aaron et Maria in senio suo et post gratiam prophetiae, eminentiamque virtutum eis concessas, subito in detractionem, in elationem, temerariumque iudicium sunt prolapsi, et viro quamapertissime Dei amico sunt injuriati. Beatus igitur homo qui semper est pavidus. Allegorice per Moysen qui sibi desponsavit Æthiopissam, intelligitur Christus, qui gentilitatem sibi univit, et ex ea congregavit Ecclesiam, quam sumpsit in sponsam : cui super hoc detraxerunt Judæi, qui et ejus discipulis objecerunt quod gentibus prædicarent.

*Prov.*  
xxviii, 11.

*Act. xiii,*  
45; *xxii,* 22.

Docemur quoque ex isto capitulo, quam grande crimen sit detractio, maxime dum quis detrahit meliori, aut falsum profert de aliquo : estque præcipue vitiosum, mansuetis et patientibus injuriari seu obloqui. Quidam vero diabolico spiritu agitati, tanto proniores sunt persequi tales, quanto minus verentur similia pati ab illis. Quemadmodum autem Maria pro sua detractio- C ne perfusa est voraci et pessima lepra, sic detractores Deo odibiles, merito suæ detractio- nis graviter valde inficiuntur in anima : maculamque incurrunt, quam aliis superinducere enituntur : imo aliis sæpe laudem et gloriam adipiscuntur, et tanto plus faciunt eos laudari, quanto plus eos obscurare intendunt. Hinc loquitur Origenes : Audite quantum beneficii conferunt

obtrectantes detracto. Nunquam enim invenimus Dominum tantum commendasse Moysen, quantum nunc quum ei detrahitur. Vide quid tormenti sibi ipsis, quid gloriæ acquisierunt Moysi : sibi turpitudinem. Moysi gloriam sunt mercati.

Insuper mititatem et fidelitatem sanctissimi Moysis jugiter consideremus et imitemur, quum dicat Salvator : Discite a *Matth. xi,* me, quia mitis sum. Et item : Beati mites, *29; v, 1.* quoniam ipsi hereditabunt terram. Simus itaque mites ad omnem hominem, mutuoque fideles ac fidelissimi Deo, omnem oblo- *Eccles. x, 11.* cutionis speciem penitus evitantes : quia si serpens mordeat in occulto, nihil minus habet qui detrahit fratri suo. Non applaudamus, sed reprimamus, et vultum mæstum obloquenti monstremus. Alioqui sicut nubes recessit a tabernaculo, sic gratia Dei a nostro habitaculo cordis : et sicut Dominus ab Aaron ac Maria recessit, sic Dominus nos relinquet. Postremo cum Aaron et Maria discamus omnem correptionem et correctionem gratanter ac patienter suscipere, nec timore temporalis confu- sionis ac pœnæ nos excusare. Quemadmodum etiam populus exspectavit usque ad revocationem Mariæ, nec eam in publica pœnitentia constitutam deseruit vel contempsit, ita nos lapsis ac pœnitentibus cordialiter compatiamur et auxiliemur, propriam pronitatem in omne malum, propriosque excessus pensantes, et verbis atque exemplis proximos ad meliora trahamus.



## ARTICULUS XXIII

EXPLANATIO LITTERALIS CAPITULI TERTHDECIMI : PROPECTUSQUE EST POPULUS DE HASEROTH.

**D**E exploratione terræ promissionis nunc agitur. *Profectusque est populus de Haseroth, fixis tentoriis in deserto Pharan* : id est, post recessum a mansione nomine Haseroth, fixerunt in solitudine Pharan tentoria. Sed qualiter verum est istud, quum dictum sit supra, Profecti sunt filii Israel per turmas suas de deserto Sinai, et recubuit nubes in solitudine Pharan ? Si ergo de Haseroth iverunt ad solitudinem Pharan, retrocessisse videntur. Ad hoc Magister in historiis respondet : Pharan non est nomen mansionis, sed solitudinis, plures mansiones continentis, ut infra in catalogo mansionum ostenditur. Nam continet omnes mansiones ab Haseroth, quæ fuit quartadecima, usque ad Asiongaber, quæ fuit mansio tricesima secunda : per quas omnes transierunt anno secundo. Hinc supra, solitudo Pharan accipitur pro prima parte et mansionem illius deserti : hic autem pro ultima, quæ est versus terram promissionis, puta pro Asiongaber, a qua exploratores sunt missi.

*Ibiq[ue] locutus est Dominus ad Moysen, dicens : Mitte viros qui considerent terram Chanaan, quam daturus sum filiis Israel.* In Deuteronomio habetur, qualiter Moyses dixit ad filios Israel : Accessistis ad me omnes, atque dixistis, Mittamus viros qui considerent terram : quomodo igitur dicitur hic, quod Dominus iussit Moysi mittere viros ad explorandum ? Ad hoc Lyra respondet, quod mittere viros ad explorandum, non videbatur Moysi bonum, quia Dominus eis promisit ducatum. Quumque super hoc Dominum consulisset, accepit ab eo responsum, ita quod Dominus in pœnam populi id permisit, quia non satis confidebant in Domino. Sed ista re-

sponsio videtur aliquantulum dissonare a littera : siquidem in Deuteronomio post præallegata verba Moyses addidit : Quumque sermo mihi placuisset, misi duodecim viros. Ad quod possit quis dicere, quod post responsionem Domini hoc placuit Moysi.

*Vocavitq[ue] Osee filium Nûn, Josue.* Hæc nomen triplex, videlicet Osee, Jesus et Josue. Si itaque in hoc loco Moyses primo imposuit ipsi Osee nomen hoc Josue, hucusque vocatus est Josue per anticipationem, quoad ordinem rei gestæ, etsi non quoad tempus descriptionis. Queritur, cur nunc imposuit ei Moyses nomen hoc novum. Ad quod aliqui dicunt, quod ideo, quoniam Moyses oravit pro eo, ut rediret cum animæ corporisque salute : ideo vocavit eum Josue, quod interpretatur salus. Sed probabilius reor, quod non solum oravit ita pro Josue, sed pro ceteris quoque. Propterea aptius dici potest, sicut in Scholastica recitatur historia, quod Moyses commisit ipsi Josue salutem et curam undecim aliorum.

*Et dixit Moyses ad eos : Ascendite per meridianam plagam, id est per viam eremi hujus respicientem ad austrum. Quumque veneritis ad montes propinquos terræ Chanaan, vel sitos in ea, considerate terram qualis sit, utpote an sit fertilis. Hoc Moyses non fecit considerari pro sua informatione, quoniam noverat Dominum vere dixisse, quod terra esset lacte et melle manans : sed pro ampliori infirmi populi certificatione et consolatione. Et idem dici potest de aliorum consideratione et exploratione, quæ tanguntur in littera. Vel Deo inspirante Moyses ita locutus est, ut fides populi probaretur, sicut et alibi Dominus ait : Ut tentem eum. Nec est putan-*

Num. x, 12.

Ibid. xxxiii, 17-30.

Deut. i, 22.

Deut. i, 23.

Exod. xvi, 4

dum, quod omnia ista poterant explorare A  
stando in montibus, nisi per montes intelligantur urbes et villæ sitæ in locis montanis, vel ipsæ terræ montuosæ, ut Augustinus exponit. *Confortamini*, assumendo bonam audaciam fiduciamque in Domino. Hoc addit, quia poterat periculosum videri, intrare regionem alienam ignotam ad explorandum, præsertim quia jam fama Israelitarum fuit vulgata, et forsitan Chananæi jam pereceperunt, quod terram eorum intrare et obtinere intenderent Israelitæ: tamen secundum Augustinum, non poterant faciliter exploratores intelligi, ubi tanquam peregrini omnia perquirebant. *Et afferte nobis de fructibus terræ*, ut non solum auditu, sed et visu certificemur de affluentia terræ illius, et sic populus iste accendatur ad ejus ingressum. *Erat autem tempus quando jam præcoquæ*, id est tempestive maturæ, *uvæ rescî possunt*, id est comedi, juxta illud Michææ, *Præcoquas uvas desiderat anima mea*.

Mich. vii, 1.

*Ascenderuntque exploratores, et venerunt in Hebron*, id est urbem sic nominatam, quæ postea fuit in sorte Judæ, juxta quam fuit spelunca duplex, in qua Patriarchæ cum suis erant conjugibus tumulati. Ideo creditur, quod ex devotione locum istum visitorunt, et oraverunt ibidem. Nec putandum cum Rabbi Salomone, quod solus Caleb ibi advenit, quum Josue sanctor eo illuc venisse magis credendus sit, nec littera illud prætendit. *Ubi erant Achiman et Sisai et Tolmai filii Enac*. Tres viri illi fuerunt gigantes nati ex stirpe Enac gigantis. Et ne quis incredibile putet, quod in Hebron tunc erant gigantes, subiungitur: *Nam Hebron septem annis ante Tanim urbem Egypti condita est*. Specialiter autem fit mentio de hac urbe Egypti, quia in ea filii Israel viderunt quosdam gigantes ex stirpe Enac gigantis, qui ex antiquis temporibus ortum et mansionem habuerunt ibidem. Quum igitur Hebron fuerit antiquior urbe illa Egypti, non mirum quod et in urbe Hebron erant gigantes.

Unde et creditur quod semen illud gigantes-  
tem ex Hebron in Egyptum descenderit. *Pergentesque usque ad torrentem Botri*, id est usque ad torrentem juxta quem erat vitis, de qua palmitem absciderunt cum botro, propter quod locus ille vocatus est, torrens Botri, ut narratur in textu: *absciderunt palmitem*, etc. Littera plana est. An autem in palmite illo fuerit tantum una uva, an plures, incertum videtur. *De malis quoque*, id est pomis, *granatis et de ficis loci illius tulerunt*, id est, secum sumpserunt. Hujus enim sunt fructus præcipui, quos et secretius atque liberius quibant auferre.

*Reversique exploratores terræ post quadraginta dies, venerunt ad Moysen et Aaron, et ad omnem cartum filiorum Israel in desertum Pharan, quod est in Cades*, id est ad eam partem deserti Pharan, quæ sita erat in loco ejusdem deserti, qui vocatur Cadesbarne. Unde in Deuteronomio leguntur exploratores fuisse missi a Cadesbarne. *Ostenderunt fructus terræ Chanaan*, quos secum tulerunt in testimonium, quod legationem eis commissam fideliter expleverunt, et ut sequentibus eorum verbis melius crederetur: *et narraverunt, dicentes: Venimus in terram, ad quam misistis nos*. In principio hujus capituli leguntur missi fuisse a Moyse: sed quoniam de totius populi consensu hoc factum est, imo ad universorum petitionem, ideo nunc dicuntur a populo missi. *Quæ revera fluit lacte et melle*, id est ennetis terræ nascentibus ac necessariis vitæ. Nec enim mel et lac secum tulerunt, sed per ea expresserunt abundantiam delectabilium ac necessariorum vitæ humanæ. Propter quod subdunt: *ut ex his fructibus cognosci potest: sed cultores fortissimos habet*. Exploratores isti pro majori parte, videlicet decem eorum, volentes terræ promissionis detrudere, a laudibus ejus exorsi sunt, ut eorum vituperationibus sic amplius crederetur. Sic enim faciunt detractores. Itaque aiunt: Cultores, id est habitatores, fortissimos habet, et urbes grandes

Deut. 1, 19.

*atque muratus* : quasi dicant, Non valebi-  
mus illis resistere : quod consequenter  
declarant. *Stirpem Enacim*, utpote homi-  
nes gigantes, *vidimus ibi*, *Anacee habi-  
tat in meridie*, id est populus Anaceitarum  
valde bellicosus, moratur in plaga au-  
strali, per quam ingressuri essemus, sed  
propter illorum resistantiam non poterim-  
us; *Hethæus et Jebusæus et Amorrhæ-  
us in montanis* : quasi dicant, Ex omni  
partes inexpugnabilis est et inaccessibilis  
nobis.

His auditis, cepit plebs de adiutorio Dei  
diffidens aut non sperans, contra Moysen  
murmurare. Hinc subditur : *Inter hæc  
Caleb unus exploratorum, natus de tribu  
Juda, compescens murmur populi, qui orie-  
batur contra Moysen, quasi ipse deceperit  
et periculis exposuerit eos, ait : Ascenda-  
mus et possideamus terram nobis a Deo  
promissam, quoniam poterimus auxilio  
Omnipotentis, non viribus nostris, obtinere  
eam. Alii vero exploratores, dempto Jo-  
sue, qui (ut sequenti habetur capitulo) af-  
firmavit verba Caleb, dicebant : Nequa-  
quam ad hunc populum valeamus ascendere  
enim effectum victoriae, quia fortior nobis  
est. Excitati isti, non attendebant omni-  
potentiam Dei, nec opera ejus in Ægyptios  
facta. Detraheruntque terræ, dicentes :  
Terra quam lustravimus, decorat habita-  
tores suos, id est, tam fertilis est et tam  
fortis, ut sine sanguinis effusione defendi  
et obtineri non valeat. Et quamvis hoc  
fuit laudatio potius quam detractio terræ  
illius, tamen quantum ad filios Israel, fuit  
detractio, et quantum ad similitudinem  
effectus, oblocutio quædam : quia per ver-  
ba illa verterunt filiis Israel terram illam  
in abominationem, contemptum et nau-  
seam, juxta illud, Pro nihilo habuerunt  
terram desiderabilem. Quidam tamen ex-  
ponunt, dicentes quod dixerunt terram  
illam esse pestilentiam, frequenter infe-  
ctam, ita quod habitatores ejus non vive-  
rent diu. Magister in historiis, circa hæc*

scribit : Hebraeus exponit sic, Terra infir-  
ma est, nec habere diutius vivaces homi-  
nes potest, vel quia nulli genti licebat diu  
habitare in ea, propter frequentes super-  
venientium impugnationes. Unde Ezechiel  
securitatem diu habitandi in ea pacifice  
pollicens, prædixit hoc opprobrium afe-  
rendum ab ea : Non vocaberis, inquiens,  
ultra devoratrix populi tui. Potest demum  
et pro commendatione terræ exponi, quod  
adeo bona sit, quod nullus velit ab ea  
discedere ; sed qui in ea moratur, in ea et  
moriatur. *Populus quem adspeximus, pro-  
ceræ statura est. Ibi vidimus monstra qua-  
dam filiorum Enac*, id est gigantes enor-  
mis magnitudinis, qui erant monstratione  
et admiratione condigni : *quibus compa-  
rati, quasi locustæ videbamur*, id est val-  
de exigui et infirmi.

Juxta mysticos intellectus, exploratores  
designant prædicatores, qui diriguntur ad  
considerandum qualis sit terra finalis pro-  
missionis supernæ Jerusalem, paradisus  
cœlestis, ut ejus universalitatem et gloriam  
prædicent undique habitatoribus mundi.  
Sed sicut pauci exploratorum stabiles per-  
manserunt in virtutum constantia et spe, sic  
multi qui ad aliorum regimen ac doctri-  
nam mittuntur, inter alios subvertuntur :  
et ex inspectu gigantum terrentur, dum  
tentationibus demonum et persecutioni-  
bus tyrannorum dejiciuntur. Apportant ta-  
men de fructibus terræ promissæ, quum de  
plenitudine cœlestium gaudiorum evange-  
lizant. Nihilominus quasi detrahunt terræ  
cœlesti, dum quam difficile sit eam acqui-  
rere, prædicant, exclamantes : Regnum cœ-  
lorum vim patitur, et violenti rapiunt  
illud. Sicque multi quasi murmurant con-  
tra Christum, quod tam arduam fecerit  
viam salutis, tamque difficilem dederit  
legem. Porro per Caleb et Josue designati  
sunt prædicatores fervidi et constantes,  
qui fideliter declarant hominibus, quam  
vere omnia possint in eo qui ipsos con-  
fortat et adjuvat.

Ezech.  
xxxvi, 13,  
14.

Sensus mys-  
ticus.

Matth. xi,  
12.

Philipp. iv,  
13.



## ARTICULUS XXIV

EXPLANATIO LITTERALIS CAPITULI QUARTIDECIMI : Igitur VOCIFERANS OMNIS TURBA.

**C**ONTINUATUR hoc loco historia, in fine precedentis capituli inchoata. *Igitur vociferans omnis turba*, videlicet multitudo illa turbata et perfida, ad malum pronissima, *flevit nocte illa*, ex mera malitia : *et murmurati sunt contra Moysen et Aaron cuncti filii Israel*, præsertim qui numerati fuerunt, valde paucis exceptis, demptis quoque quibusdam Levitis, *dicentes* ex desperatione : *Utinam mortui essemus in Ægypto, et non in hac vasta solitudine*, id est, utinam nunquam intrassemus hanc latam et magnam eremum, nec essemus in ea, sed potius in Ægypto essemus defuncti, vel non in hac vasta solitudine essemus morituri, et jam quodammodo mortui ex desperatione ac tedio, periculisque instantibus. Tamen (ut dicitur) in Hebræo habetur, Vel in hac solitudine mortui essemus. Unde subiungitur : *Utinam percamus, et non inducat nos Dominus in terram istam, ne cadamus gladio*, moriendo repente in loco isto, antequam ad graviora veniamus mortis supplicia. *Nonne melius est reverti in Ægyptum?* Miseri isti, omnium divinorum mirabilium quæ pro eis fecerat Dominus, erant immemores, atque ad naturales causas respexerunt duntaxat. *Dixeruntque alter ad alterum : Constituamus nobis ducem, et revertamur in Ægyptum.* O quanta est perversitas, velle relinquere ducem tam sanctum Moysen suum legiferum, quem seiverunt sibi a Deo esse prælatum !

*Quo audito, Moyses et Aaron ceciderunt proni in terram* : quoniam timuerunt iram Dei populo superventuram, de tanta populi iniquitate vehementer dolentes. *At vero Josue et Caleb, qui et ipsi lustraverunt terram, sciderunt vestimenta sua in si-*

*gnum extremi sui doloris, et ad omnem multitudinem locuti sunt : Nolite rebelles esse contra Dominum*, desperando de ejus promissis, et abjiciendo Moysen vobis a Deo prælatum : *neque timeatis populum terræ hujus : quia sicut panem, ita eos possumus devorare*, id est, tam faciliter per Omnipotentis auxilium possumus eos consumere, sicut escam. Unde Septuaginta transtulerunt, Quoniam eibus nobis sunt. *Recessit ab illis omne præsidium*. Hoc quidam sic glossat, quia virtute divina timore erant percussi, ita quod non remanserat in eis consilium et virtus resistendi : quod non apparet congrue dictum, quia ut infra in isto habetur capitulo, paulo post dies istos impugnaverunt et superaverunt multos ex Israel. Verum est autem, quod diu post hæc occisis duobus Amorrhæorum regibus Sehon et Og, Chananæi fuerunt timore prostrati, nec remansit in eis consilium resistendique virtus, ut Josue describit. Est igitur sensus : *Recessit ab illis omne præsidium*, id est, nobis introeuntibus ad eos, mox omni subsidio sunt privandi a Deo, cui nullus resistere valet. Est enim consuetudo loquendi, ut de re certissime futura, loquamur per modum præteriti. Unde Septuaginta transtulerunt, Abscessit ab eis tempus, hoc est, finis prosperitatis eorum jam instat, et tempus vitæ eorum mox præcidetur. Circa quod loquitur Augustinus : Impiis occulta dispensatione datur tempus florendi atque regnandi, sed Dominus juxta sapientiæ suæ decretum, finem imponit. Hinc subditur : *Dominus nobiscum est, nolite metueret*, hoc est, paratus est nos juvare, et sua implere promissa, nisi obicem inducamus.

Josue II, 11.

Quumque clamaret omnis multitudo ex A populi sibi commissi, totus miro modo impatientia et furore contra Caleb et Josue, et lapidibus vellet eos opprimere: quia ex vehementia passionum suarum, nullam receperunt informationem aut exhortationem. Quidam autem, per eos, intelligunt non solum Josue et Caleb, sed Moysen quoque et Aaron. Hoc tamen littera non videtur prætere. *Apparuit gloria Domini super tectum tabernaculi, cunctis videantibus filiis Israel*, id est, divina majestas per suum effectum, puta per nubem, descendit super tectum tabernaculi, parata B suos defendere, impiosque punire, quos et tunc sua repressit virtute. *Et dixit Dominus ad Moysen: Usquequo detrahet mihi populus iste?* id est, quamdiu reddent mihi mala pro bonis, et male loquentur de me, videlicet ea quæ promissionibus meis contrariantur? Detrahere autem, proprie est, malum loqui de alio in ejus absentia et eo non audiente. Deus autem ubique est præsens, et universa cognoscit: ideo nemo potest ei proprie obloqui, nisi forte tam fatuus sit, ut æstimet Deum non omnia scire, aut non esse præsentem ubique. *Quousque non credent mihi in omnibus signis quæ feci coram eis?* quasi dicat, Inexcensabiles sunt execratio incredulitasque eorum. *Feriam igitur eos pestilentia atque consumam.* Hoc Dominus dixit comminatorie, et per respectum ad proximas causas: quia secundum peccata sua tam gravia, merebantur statim occidi. *Te autem faciam principem super gentem magnam, et fortio rem quam hæc est:* hoc est, noli timere, nec ores pro istis, quasi D amissurus prælationem si isti perentiantur, quia majori et fortiori plebi præficiam te, istis occisis. Quod Dominus potuit multipliciter adimplere: nam et posteros horum potuit cito valde multiplicare, et Moysen eis præficere.

*Et ait Moyses,* qui non quærebat proprium honorem aut principatum, *ad Dominum: Ut audiant Egyptii, de quorum medio eduxisti populum istum.* Moyses sancta caritate et amore boni communis

succensus, verba præscindit, et in affectum prorumpit, et quasi arguens cum Domino, deprecatur pro populo. Sumitque argumentum ex zelo divini honoris, quia non decuit pium Dominum sic ulcisci suam injuriam, quoniam hoc cessisset in sui ipsius inhonorationem atque blasphemiam. Itaque ait, *Ut audiant, etc.*, id est, an ideo vis populum tuum extinguere, ut audiant Egyptii et habitatores terre hujus nobis a te promissa, utpote Chananæ, qui audierunt quod tu, Domine, in populo isto sis, tanquam specialiter Deus ac rector ac ductor populi hujus, et facie vultus ad faciem a vicariali rectore ac legislatore populi hujus, videlicet a me: vel, Videaris facie ad faciem, id est, evidenter appareas istis hominibus per præclaros effectus miraculosaque opera: *quod occideris tantam multitudinem, et dicant, Non poterat introducere populum istum in terram pro qua juraverat,* id est, de qua cum juramento promisit, quod daret eam populo isti? Quasi dicat, Istud cederet in tuæ majestatis blasphemiam, et periret famæ tuæ sublimitas. Idcirco occidit eos in solitudine. *Magnificetur ergo fortitudo Domini,* id est, omnipotentia tua se ipsam declaret per magnifica opera, implendo in populo isto quæ promisisti. Unde subjungitur: *sicut jurasti, dicens,* id est, cum vocali protestatione Patriarchis, Abraham scilicet, Isaac, et Jacob jurasti, quod terram istam eorum posteris dares.

Deinde continuatur oratio Moysis: *Dominus patiens,* id est, tu Deus existens omnium Dominus, et longanimitè præstolaris emendationem peccantium, *et multe misericordie,* id est copiosus in misereando; *auferens iniquitatem* commissam in te, *et scelera quæ fiunt in proximum;* *nullumque innoxium derelinquens,* id est, qui nullum peccatum deseris impunitum, vel nullum hominem concedis omnino seu totaliter innocentem esse, quia in multis offendimus omnes, nec ab originali peccato est quisquam immunis: qui visitas

Jacob. iii, 2.

*peccata patrum in filios in tertiam et quartam generationem.* Qualiter istud conveniat divinæ justitiæ, super Exodum et super Jeremiam et Ezechielem expositum est. Filii quippe et posterii, in quantum sunt aliquid parentum suorum, quantum ad corpus, quandoque pro peccatis parentum in corporalibus puniuntur, præsertim si peccata parentum sequantur : et si ea non sequuntur, tunc Deus penas tales ordinat posteris in melius, ita quod potius habent rationem medicinæ, quam pænæ in posteris illis. Sicque punit parentes in prole eorum, sicut frequenter punit vitia dominorum in possessione ipsorum. *Dimitte, obsecro, peccatum populi tui hujus, id est congeriem vitiorum quæ nunc commiserunt, secundum multitudinem* *magnitudinem* *misericordiæ tuæ, sicut propitius fuisti credentibus de Ægypto usque ad locum istum :* in quo tamen spatio multi propter suos excessus fuerunt occisi, præsertim propter vituli adorationem.

*Dixitque Dominus : Dimisi juxta verbum tuum.* Non est putandum, quod Deus dimisit illis antequam pœnitnerunt, si vere pœnitentibus remissionem promisit : et quantum ad hoc, cunctis dimisit quantum ad debitam pœnam, quod non percussit eos pestilentia subito simul, ut fuerat comminatus. *Vivo ego, id est, quam verum est quod ego sum vivens, tam vere subjungo :* *et implebitur gloria Domini universa terra, id est, tot et tanta mirabilia adhuc agam in populo isto, eorumve posteris et contra inimicos eorum, quod cuncti homines hæc cognoscent, et universis majestas mea innotescet.* *Attamen omnes homines qui viderunt majestatem meam, id est, eam per suos effectus noverunt, et signa quæ feci in solitudine, etc.* *Jam per decem vi-* *ces, id est multoties, ut Glossa exponit.* Sicque ponitur numerus determinatus pro indeterminato. Et ideo ait, *Per decem vi-* *ces, quoniam decem principalia præcepta violaverunt.* Aliqui tamen determinate assignant has vires, ut primo dicantur Denu-

A quando non acquieverunt verbis Dei per Moysen prolatis ad eos. Unde in Exodo Moyses ait ad Dominum : *Eecce filii Israel non me audiunt.* Secundo, quando post egressum de Ægypto, ex diffidentia divini auxilii locuti sunt Moysi : *Forsitan non erant sepulera in Ægypto, ideo tulisti nos ut moriamur in solitudine.* Tertio, quando propter amaritudinem aquæ murmuraverunt in Mara, et diffidendo dixerunt : *Quid bibemus ?* Quarto, quando murmuraverunt desiderio carnium. Quinto, quando ex diffidentia servaverunt manna usque mane. Sexto, quando propter defectum aquæ murmuraverunt : propter quod Moyses dixit eis, *Cur tentatis Dominum ?* Septimo, in adoratione vituli. Octavo, quando ex dolore laboris murmuraverunt, ut superius patuit. Nono, quando (ut in hoc eodem capitulo scriptum est) desiderio delectabilium cibarium murmurando dixerunt : *Anima nostra arida est, etc.* Decimo, sicut nunc isto patet capitulo. Veruntamen tentatio Dei in his interdum extense accipitur.

C Hi ergo *non videbunt terram, pro qua juravi patribus eorum, hoc est terram promissionis, nec quisquam ex illis qui detrahit mihi, intuebitur eam.* *Servum meum Caleb qui plenus alio spiritu, hoc est spiritu meo, qui alius est a spiritu quo impleti sunt isti murmuratores, secutus est me, id est, mihi adhæsit per fidem et spem ceterasque virtutes, inducam in terram hanc, quam circumvit : et semen ejus possidebit eam.* Quare non facit Dominus mentionem de Josue ? Forsan quoniam infra satis idem narrandum fuit de eo : nam et paulo post fit hoc in isto capitulo. *Omnes qui numerati estis a viginti annis et supra, et murmurastis contra me, non intrabitis terram, etc.* Circa hoc quæri potest, an aliqui ex filiis illorum murmuratorum adulti, et citra vicesimum annum exsistentes, murmuraverunt cum patribus suis, aut murmurantibus consenserunt. Dicitur ei potest, quod Deus præservavit eos ab illo peccato. Vel, si aliquo modo excesserunt in hoc, Deus habuit eos partim exen-

Exod. xx, 5.  
Thren. x, 7.  
Ezech.  
xviii.

Exod. vi,  
12.

Ibid. xiv,  
11.

Ibid. xx, 24.

Ibid. xvi, 3.

Ibid. 20.

Ibid. xxv, 2.

Ibid. xxxii,

6.

Num. xi,

4.

Ibid. 6.

Exod.  
xxviii, 28.



salos propter ætatis pueritiam : vel quia A inducti erant ab aliis : et ultra hoc puniuit eos per hoc, quod diu post hæc in deserto detenti sunt. Insuper quæri potest, quid de feminis et puellis contigerit. Responderi potest, quod quidam ex vetustate, vel alia causa naturali obierunt in cremo, quidam ex suo demerito : si tamen responsioni

Pe. cix, 37.

huic non obuiat illud in Psalmo. Non erat in tribubus eorum infirmus. *Filii vestri vagi erunt in deserto*, id est hinc inde per loca euntes, non tamen vagi omnino sive indomiti, *quadraginta annis*; B *et portabunt fornicationem vestram*, hoc est, propter scelera vestra, quibus recessistis a Deo animarum fidelium sponso, differuntur seu retardabuntur ab ingressu terræ promissæ : quod qualiter non sit injustum, jam tactum est. Unde et Jeremias ait in Threnis : Patres nostri peccaverunt, et non sunt, et nos iniquitates eorum portauimus. Nam et secundum leges humanas, pro crimine læsæ majestatis commisso a patre carnali, puniuntur filii ejus. *Donec consumantur cadavera C patrum in deserto, iuxta numerum quadraginta dierum, quibus considerastis terram*. Annus pro die imputabitur, hoc est, sicut quadraginta diebus fuerunt exploratores in via, sic quadraginta annis durabit hæc pœna : non quod exploratores per quadraginta dies auerterunt, aut auertere proposuerunt populum ab ingressu terræ promissionis, quoniam aliquos dies expenderunt illuc pergendo : sed peccatum tot dies secutum, in populo juste meruit pœnam tot annorum, imo incomparabiliter majorem et longiorem, sed misericorditer relaxata est justa punitio meritis ac precibus Moysis.

Thren. v, 7.

*Igitur omnes viri quos miserat Moyses ad contemplantam terram, mortui sunt atque percussi. Josue autem filius Nun et Caleb filius Jephone, vixerunt ex omnibus qui perreuerant ad considerandam terram*. Sensus est, quod decem exploratores propter præfatam suam iniquitatem, subito sunt plagati a Deo ac mortui.

*Locutusque est Moyses universa verba hæc ad omnes filios Israel* : qualiter scilicet hi qui numerati erant, morerentur in solitudine, et filii eorum per quadraginta annos vagarentur in ea : *et lucit populus nitanis*, videns se undique angustatum. At tamen benignitatem Dei frequenter experti, præsumpserunt de venia, putantes verba Dei solum comminatoria esse. *Et ecce* : quasi dicat, Mira et magna execratio populi hujus subjungitur : *mane primo surgentes*, scilicet die mox sequenti, hora diluendi : B *vel mane primo*, id est valde mane, *ascenderunt verticem montis* propinqui loco, a quo missi sunt exploratores, *atque direxerunt* : *Parati sumus ascendere ad locum, de quo Dominus locutus est, quia peccavimus* : quasi dicant, Pœnitemus de nostra perversitate, ideo nunc prompti sumus ire ad terram promissionis. Quæri potest, unde venit eis tam magna et repentina mutatio. Respondendum, ex hoc quia viderunt illos exploratores quibus crediderant, subito esse perenssos, et alios duos a quibus bene instructi erant, esse superstites. Deinde in textu describitur, qualiter Moyse prohibente cœperunt procedere : ideoque ab adversariis sunt perenssi et fugati usque Horma, id est usque ad locum sic appellatum ex adverso eventu : quoniam ibi caesi et destructi sunt quidam ex Israel, sicut et in Deuteronomio habetur, quod C *fugati sunt, sicut solent apes persequi*. Horma autem uno modo interpretatur destructio, ut infra habetur.

Deut. i, 44.

Num. xxi, 3.

Postremo Rabbi Salomon dicit, quod filii decem exploratorum fuerunt in terra promissionis hereditate privati, eo quod patres eorum populum a terræ illius introitu auerterunt : quod verum non arbitror, præsertim quum adoratio vituli fuerit gravior scelere isto, et tamen filii idololatrarum illorum hereditatem in terra promissa sunt consecuti.

Spiritualiter docemur copiose ex isto capitulo, quanta sit humani cordis fragilitas, quanta deinde perversitas, et quanta deinceps incorrigibilitas, quanta item sit

Sensus spiritualis.

Dei elementia. Per murmuratores autem istos ac desperantes, intelliguntur temporalium amatores, qui ex transitoriarum rerum amissione, interdum sic opprimuntur mœrore, ut eupiant mortem, imo eam sibi sceleratissime inferant. Incorrigibilium quoque illorum impietatem sequuntur, qui nulla informatione fleetuntur in melius, sed potius pejorantur ex informatione et correptione benigna, in tantum ut nonnunquam violentam extendant manum in corripientem seu admonentem, quemadmodum Scribæ et Pharisei Christo fecerunt. Amplius, exemplo Moysis docentur hic prælati pro sibi commissis ardentissime exorare, atque ut exaudiri mereantur, studere debent divini honoris zelo accendi. Patet item ex dictis, quod Dominus sæpe dimittit penitenti peccata sua, quantum ad culpam, non tamen quantum ad penam.

Denique, per hoc quod tam pauci ex Israelitis numeratis ingressi sunt terram promissionis, præfiguratum est, quod per pauci terram cœlestis patriæ intrant, sicut ait Salvator : Pauci electi. Rursus docet nos hujus scriptura capituli, quam infallibiliter Deus numeret nostra peccata, et qualiter recidivantibus impropere etiam peccata ante indulta, et quam graviter lædant ac noceant vulnera animæ repetita, sicut et in corporum vulnerationibus hoc videmus. Hinc loquitur Origenes : O si possemus per unumquodque peccatum videre, quomodo anima vulneratur ! Sermo malus vulnus infligit non linguæ, sed animæ. Vulneratur etiam anima per cogita-

tionem et concupiscentias pravas : frangitur vero atque conteritur per opera vitiosa : quæ omnia si videremus, et vulneratæ animæ cicatrice sentiremus, usque ad mortem resisteremus peccatis. Sed sicut demoniaci vel mente capti non sentiunt si vulnerentur, quoniam carent naturalibus sensibus : ita cupiditatibus sæculi aut carnis concupiscentiis seu vitiis aliis inebriati, non sentimus quanta animæ vulnera, quantas contritiones seu destructiones, quanta damna peccando acquiritur.

Postremo, ut dictum est, exemplo obtenebratorum filiorum Israel edocemur, quam ineffabilis sit pronitas nostra ad omne malum : et qualiter paulatim, nisi mox resipiscamus, in enormiora dilabimur : quemadmodum isti Judæi noluerunt ad terram promissam procedere, quando Deus hoc jussit, et summè promisit auxilium : eamque ingredi tentarunt, dum Deus prohibuit, et summè negavit subsidium. Hinc Rabanus protestatur : O mira protervitas mentis humanæ, et horrenda stultitia cordis cæcati ! Mandat Deus promissionibus suis credere, et de potentia sua confidere, sicque terram promissionis intrare : et humana diffidit stultitia, ac salutaria respuit monita. E contrario suum negat auxilium : et ipsi contra Dei voluntatem volunt invadere terram. Quibus similes sunt, qui promissionibus Dei nec acquiescunt, et prohibita faciunt : ideo sicut perversi illi Judæi a suis adversariis facillime vincebantur, sic isti ad omnia scelera ab invisibilibus hostibus levissime pertrahuntur.

Joann.  
xviii, 12.

Matth. xx,  
16.

## ARTICULUS XXV

EXPOSITIO LITTERALIS CAPITULI QUINTIDECIMI : LOCUTUS EST DOMINUS AD MOYSEN.

**P**OST prætaeta historica, inseruntur nunc A carimonialia quædam. *Locutus est Dominus ad Moysen, dicens : Loquere ad filios Israel, et dices ad eos : Quum ingressi fueritis terram habitationis vestræ, quam ego dabo vobis, et feceritis oblationem Domino in holocaustum aut victimam pacificam, id est, sive sacrificium vestrum sit oblatio pro peccato, sive holocaustum, quod ad divinitatis reverentiam totaliter incendebatur, seu victima pacifica pro beneficio dato, vel pro parta salute aut præstanda ; rota solventes aut sponte offerentes, id est sive hæc sacrificia immolentur ex debito, sive ex spontanea devotione et supererogatione, aut in solennitatibus vestris adolentes odorem suavitatis Domino, id est incendentes aliquid sacrificii super altare, ejus odor sit Deo suavis, hoc est, ut ipsum sacrificium Deo acceptum sit ex offerentis fide, devotione et obedientia ; de bobus sive de ovibus offeret, quicumque immolaverit victimam, id est, si de pecoribus fecerit oblationem, erit vel bos, vel ovis, aut etiam hircus, de quo infra fit C mentio. Nam inter pecora, hæc tres species erant dumtaxat immolatiæ, ut super Leviticum dictum est. Sed istis principalibus sacrificiis adiciebantur sacrificia quædam minora. Unde subjungitur : *Sacrificium simile decimam partem ephi conspersam oleo, quod mensuram habebit quartam partem hin, et vinum ad liba fundendu ejusdem mensuræ dabit in holocaustum, sive in victimam, per singulos agnos, id est, in sacrificio ejuslibet agni offeret simul decimam partem ephi, scilicet mensuræ sic dictæ : decimam, inquam, partem ephi simile oleatæ, seu admixtæ oleo tantæ quantitatis ut mensuram impleat quartam partem**

*hin : offeret etiam simul vinum ejusdem mensuræ, sicut de oleo dictum : quod vinum offertur, ut ex eo perfusio fiat liborum. Et arietis erit sacrificium simile durarum decimarum, quæ conspersa sit oleo tertie partis hin, id est, si aries sacrificetur, addentur duæ decimæ similæ, in ejus pistratione mixtum sit oleum, habens mensuram tertie partis hin ; et vinum ad libamentum tertie partis ejusdem mensuræ offeret in odorem suavitatis Domino, id est, tantundem offeret de vino ad humectandum materiam siccam, sicut de oleo jam prædicto. Quando vero de bobus feceris holocaustum aut victimam, si bos offeratur, dabis per singulos boves simile tres decimas conspersæ oleo, quod habeat medium mensuræ hin, id est mediam partem mensuræ sic appellatæ, et vinum ad liba fundenda ejusdem mensuræ, in oblationem suavissimi odoris Domino. Sic facies per singulos boves et arietes et agnos et hircos et hædos, id est in sacrificio uniuscujusque bovis et arietis et agni et hirci, sicut jam prætaxatum est.*

*Tam indigene, id est Israelitæ natione, quam peregrini, id est advenæ ad Judæismum conversi, inter filios Israel habitantes, eodem ritu offerent sacrificia jam præfata. Unum præceptum erit atque judicium tum vobis quam advenis terræ : id est, præinductum præceptum ac dictamen a me institutum, indifferenter concernit tam vos Judæos, quam conversos ad legem vestram, commorantes in terra vestra.*

*Sequitur de primitiis, quod et in Levitico pro majori parte est habitum. Locutus est Dominus ad Moysen, dicens : Loquere filiis Israel : Quum veneritis in terram quam dabo vobis, et comederitis de pani-*

Lev. xxiii,  
10 et seq.



*bus regionis illius, separabitis primitias Domino*, id est, primitiva aliqua atque præcipua ab aliis dividetis, reponetis, ac Dei ministris dabitis ea, *de cibis vestris. Sicut de arcis*, id est granis ac fructibus contentis in area, *primitias separabitis;*

*\*primitiva ita et de pulmentis dabitis primitias\* Domino*. Pulmentum vocatur quilibet cibus duleis et delicatus, seu quilibet cibus præter panem, id est companaticium, quod scilicet cum pane in esum suscipitur. Tamen (ut fertur) in Hebræo habetur, De pastis vestris tortellum: quia de unaquaque frumenti decoctione separabatur unus tortellus, sacerdotibus pro primitiis dandus.

*Quod si per ignorantiam præterieritis quidquam horum, etc.*, quæ per Moysen Dominus iussit, *oblitaque fuerit facere multitudo*, id est, communitas per oblivionem ignorantiamve omiserit quidpiam: *vitulum offeret in holocaustum* ad divinæ majestatis (quam inhonoravit) honorem, *et sacrificium ejus ac liba, ut caerimonia postulant*, id est alia quædam, quæ simul cum vitulo illo sunt offerenda, juxta tenorem caerimonialium præceptorum. Quæ autem sint sacrificia cum vitulo immolanda, jam dictum est, scilicet simila, oleum, vinum, secundum mensuram prætactam. De caerimoniis quoque in isto sacrificio observandis, dictum est in Levitico, quo

*Leg. iv, 43, 44 et seq.* legitur: Si omnis turba filiorum Israel ignoraverit, offeret pro peccato suo vitulum, etc. *Hircumque pro peccato*. Verumtamen in Levitico habetur, quod pro peccato

*Ibid. 23.* totius turbæ offerebatur vitulus, hircus autem pro peccato principis: quomodo ergo nunc dicitur, quod vitulus immolabatur in holocaustum, et hircus pro peccato? Sed quoniam vitulus pro peccato turbæ oblatu, comburebatur totaliter, holocaustum poterat dici. Hic quoque sumitur multitudo cum principis inclusione, ut videtur: quoniam non fit hic mentio specialis de principe, ibi vero de turba et principe sacrificiisque eorum distincte tractatur. *Et rogabit sacerdos pro omni multitudine filiorum Israel; et dimittetur eis*

A per oblationem orationemque sacerdotis, si tamen poeniteant, et ex contritione, devotioneque offerant juxta legis præceptum, *quoniam non sponte peccaverunt*. Circa hoc querit B. Augustinus, quæ sint peccata quæ non sponte committuntur, quum omne peccatum sit voluntarium. Deinde declarat, qualiter ea quæ fiunt ab ignorantibus aut compulsis timore, qui eadit in virum constantem, valeant dici non sponte commissa, non quod sint penitus involuntaria, sed quoniam ratio voluntarii minoratur in

B eis, nec ea quæ agunt propter se volunt. *Nihilominus offerentes incensum Domino pro se*, id est pro sua salute et pace et peccato eis dimittendo, *atque errore suo*, commissione seu omissione erronea, vel pro errore quo putabant licere quod non licet. Porro de isto incenso dicitur in Levitico: Omnem adipem vituli tollet, et adolebit super altare. Et quia hoc fecit sacerdos pro turba, ideirco de personis turbæ collective sumptis nunc dicitur, Offerentes incensum, per manus videlicet sacerdotis.

C *Quod si anima una nesciens*, id est, si particularis homo seu persona vulgaris per ignorantiam peccaverit, omittendo quod fieri jussum est, vel committendo quod prohibetur: *offeret capram anniculam*, id est, quæ non sit ultra unius anni ætatem. De sacrificio autem pro peccato sacerdotis, habetur in Levitico: de quo tacetur hoc loco. *Una lex erit omnium qui peccaverint ignorantes*, dummodo fuerint unius status, seu gradus aut dignitatis: non alias. Alia namque fuit jussio data de sacrificio sacerdotis per ignorantiam excedentis, alia de principe ignoranter peccante, alia quoque de persona vulgari, ut patet in Levitico.

*Anima vero*, id est persona, *quæ per superbiam aliquid commiserit*, aut certe omiserit, *sive civis sit ille*, id est natione Hebræus, *sive peregrinus* ad Mosaicam legem conversus: *quoniam adversus Dominum rebellis fuit*, ex firmo proposito seu contemptu peccando, *peribit de populo suo*, id est de grege justorum et numero

*Leg. iv, 19.*

*Ibid. 3.*

*Ibid. 3, 22, 27.*

electorum, pertinendo ad corpus diaboli malignantiumque ecclesiam. *Verbum enim, id est praeceptum, Domini contempsit, et praeceptum illius fecit irritum*, peccando ex certa scientia atque malitia. *Idecirco debetur, et portabit iniquitatem suam*, et hoc, nisi poeniteat. Nec exprimitur sacrificium offerendum pro tali excessu, ad insinuandum gravitatem talis peccati. Veruntamen non fuit penitus irremediabile, quia contritione condigna quae fuit interior poena, atque per poenitentialia opera poterat tolli et indulgeri, etiam quoad culpam et poenam in praesenti.

Denique non distinguuntur hic nisi peccata facta ex ignorantia, vel ex superbia. Aliqua autem fiunt ex infirmitate, id est vehementia passionis, quae ad peccata ex ignorantia, possunt reduci, quoniam vehementia passionis rationem valde excaecat per peccatum: aut ex superbia designatur omne peccatum ex certa malitia, deliberatione, seu contemptu. At vero quod dictum est, Peribit de populo suo, quidam exponunt de morte corporali, dicentes, quod taliter peccans, fuit mox occidendus, quando per testes fuit convictus non solum de peccato in se, sed item quod scienter id incurrisset. Unde Apostolus ait: Irritam quis faciens legem Moysis, absque ulla contradictione duobus aut tribus testibus moritur.

*Factum est autem quum essent filii Israel in solitudine, et invenissent hominem colligentem ligna in die sabbati, obtulerunt eum Moysi tanquam iudici superiori, et Aaron tanquam secundo post Moysen, et universae multitudini pro cautela. Qui recluserunt eum in carcerem*: Moyses enim iussit eum detineri seorsum captivum: *nescientes quid super eo facere deberent*, id est, qualiter esset tractandus ac puniendus. Veruntamen dictum fuit in Exodo, quod violans sabbatum, morte moreretur. Sed genus mortis non fuit ibi expressum: ideo Dominus exprimit hoc nunc, iubens illum ab omnibus, id est a quibusdam de omnibus, lapidari, ut patet in textu qui planus est. Ideo autem in ex-

ordio legis iussit Dominus pro peccato illo tam diram mortem infligi, ut ipsa lex fortius imprimeretur cordibus hominum, et alii amplius terrentur, quemadmodum in exordio primitivae Ecclesiae, Ananias et uxor ejus, repente terribiliterque puniti sunt pro sua proprietate et furto. Unde et Dominus, ad vitandum similia mala, subiungit ad Moysen:

*Loquere filiis Israel, ut faciant sibi fimbrias*: fimbriae sunt extremitates vestis, vel fila quae in extremitate stoke aut pallii appenduntur: *per angulos*, id est in quatuor angulis, *palliorum, ponentes in eis vittas hyacinthinas*, quae sunt caeliformis coloris, in memoriam legis de caelo datae, atque ad designandum, quod Judaei tanquam cultores veri Dei, deberent praeter ceteris caelestem ducere vitam. *Quas quum rulerint, recordentur omnium mandatorum Domini*, regnando vitam suam secundum legem, *nec sequantur cogitationes suas*, id est, pravis cogitationibus nequaquam consentiant, *et oculos per res varias fornicantes*, id est, desideria carnalia, quae ex visu exteriori solent oriri, non sequantur, nec impleant. Evagatio quoque et in custodia oculorum vitanda est. Fornicantur autem oculi per res varias, quoniam multipliciter peccat homo per visum circa diversa objecta. Propter quod in prima

S. Joannis Canonica legitur: Omne quod est in mundo, concupiscentia carnis est, et concupiscentia oculorum, et superbia vitae. *Sintque sancti Deo suo*, id est, ad Dei honorem sint immaculati ab omni transgressionem praecepti. Itaque specialis iste vestitus seu habitus, est deputatus Judaeis ob duplicem causam: primo, ad commonendum eos de divinis praeceptis diligenter servandis: secundo, ut sicut per circumcissionem in carne, ita per habitum foris distinguerentur a gentilibus. Siquidem populus ille fuit specialiter a Deo electus, et variis modis ornatus. Propter quod speciali sanctitate et observantia religiosa debebant fulgere praeter aliis, maxime quia ex eis fuerat Dei Filius incarnandus. Postre-

Act. 5, 10.

1 Joann. 2, 16.

Hebr. x, 28.

Exod. xxxv, 2.

Matth.  
xiii, 5.

mo. Magister in historiis scribit : Uteban- A  
tur Judæi quadratis angulis, et adhuc in  
angulis vestis quadratæ in synagogis suis  
habent fimbrias hyacinthinas. Has magni-  
ficaverunt Pharisei in tantum, ut etiam  
spinas ligarent in eis, quatenus frequenti  
earum punctione, ad jugem præceptorum  
Dei memoriam excitarentur.

## ARTICULUS XXVI

DE SPIRITUALI INTELLIGENTIA HUIUS CAPITULI QUINTIDECIMI.

**Q**UUM ingressi fueritis terram habita-  
tionis vestræ. Terra habitationis no-  
stræ, est Ecclesia militans, extra quam  
nemo salvatur, in qua Deo assidue spiri-  
tualia sacrificia et varias hostias offerre  
debemus, sicut de hoc super Leviticum sæ-  
pissime dictum est : ubi et frequenter ex-  
pressum est, quid per immolationem agni  
et arietis ac bovis, quid item per simulam,  
vinum et oleum spiritualiter designetur.  
Denique singulis sacrificiis principalibus,  
seu de pecoribus factis, jubetur addi simila,  
per quam, secundum Hieronymum, puritas  
intentionis seu mentis munditia significa-  
tur, vel spiritualis scientia : oleum quo-  
que, per quod caritas notatur ac pietas : et  
vinum, id est communicatio dominicæ  
passionis. Vel per vinum, quod letificat  
cor hominis, interna signatur jucunditas.  
Hæc igitur cunctis bonis operibus sunt  
jungenda. Oleum autem et vinum, in ea-  
dem quantitate jussa sunt immolari : quia  
per oleum pietas, et per vinum rigor ju-  
stitiæ exprimi solent. Unde in Evangelio  
legitur, quod Samaritanus oleum infudit  
et vinum vulnerato. Per horum vero men-  
suram signatur discretio. Vinum ergo et  
oleum ejusdem mensuræ offeruntur, dum  
pietas et justitia per discretionem æquali-  
ter contemperantur. Præterea Josephus ait :  
Lex præcipit in privatis publicisque sacri-  
ficiis farinam mundissimam, scilicet simi-  
lam, adjici : in agno quidem mensuram  
assarii, in ariete mensuram assariorum  
duorum, in tauro trium : et super altare

B etiam oleum mixtum : nam et oleum offe-  
rent immolantes, in bove quidem hin me-  
dietatem, in ariete hujus mensuræ tertiam  
partem, et quartam partem in agno.

*Separabitis primitias Domino de cibis  
vestris.* Cibi animarum nostrarum, sunt ec-  
clesiastica sacramenta, virtutes et dona  
Spiritus Sancti, virtuosique actus, et duo-  
decim fructus Spiritus, omnis pura volup-  
tas in Domino, spiritualis profectus, con-  
fortatio et consolatio in Spiritu Sancto. De  
quibus omnibus oportet nos Deo immolare  
C primitias : quoniam quidquid in his est  
acceptabilitatis ac meriti, a Deo profluit et  
donatur, et ei cum omni gratiarum actio-  
ne et humilitate est adscribendum. *Sicut  
de arcis, ita et de pulmentis primitias se-  
parabitis.* Per grana et blada, quæ conti-  
nentur in area, intelliguntur opera vitæ  
activæ, bona et exteriora misericordiae ope-  
ra, in se grossa et indigesta ; per pulmenta  
vero, interna exercitia igne caritatis deco-  
cta et duleia : de quibus omnibus quidquid  
præcipuum est, Domino debet attribui,  
D nullaque unquam gloria vana aut ingrati-  
tudo admitti.

*Quod si per ignorantiam præterieritis  
quidquam horum quæ Dominus mandavit.*  
De spirituali significatione hujus loci dic-  
tum est supra, et intelligendum est istud  
de ignorantia facti, secundum Thomam, non  
de ignorantia juris, quæ non excusat. Ve-  
runtamen ignorantia facti, quæ excusat in  
toto, quando videlicet circa factum debita  
adhibetur cautela, culpam non habet, nec

Ps. ciii, 15.

Luc x, 34.

Lev. iv.



satisfactionem requirit. Denique invincibilis ignorantia juris excusat. Ignorantia vero affectata et crassa, aggravat culpam, atque in se grande peccatum est, loquendo de ignorantia juris quod quis seire tenetur, ejus scilicet adimpletio ad suum pertinet statum. Ideirco ad intelligendum Scripturas, ad cognoscendum vere salubria, ad discernendum necessaria ad salutem, ad separandum pretiosum a vili, simus studiosi atque solliciti : quoniam qui ignorat, ignorabitur.

1 Cor. xiv, 38.

*Anima vero quæ per superbiam aliquid commiserit, quoniam adversus Dominum rebellis fuit, peribit de populo suo : verbum enim Domini contempsit.* Hic docemur, quam enorme atque damnable sit, ex superbia et contemptu, aut ex deliberatione et scientia certa peccare, quum non exprimatur quo sacrificio tale facinus valeat expiari; et quoniam ita peccans, dicitur verbum Dei, imo Deum in suo imperio, aspernari. Verumtamen dupliciter peccat quis ex contemptu superioris, videlicet Dei aut ejus vicarii : Primo formaliter, ut qui potestatem spernit, directe eam in se vilipendens, et in ejus despectum quid faciens aut omittens : quod est ineffabiliter grave peccatum. Unde Petrus habet : Novit Dominus iniquos in die judicii cruciandos reservare, qui dominationem contemnunt, audaces, sibi placentes. Et Judas : Hi carnem maculant, dominationem spernunt, majestatem autem blasphemant. Verumtamen pauci sunt qui ita peccent ex Dei contemptu, quum Augustinus testetur, et habetur in Glossa : Si diligenter consideretur, forte ipsum peccare nemo vult propter se, sed propter aliud fit quod vult qui peccat. Omnes enim qui scientes faciunt quod non licet, vellent id licere. Usque adeo ipsum peccare nemo appetit propter hoc ipsum, sed propter illud quod ex eo consequitur. Secundo quis dicitur peccare ex contemptu æquivalenter, quia videlicet non curat de superioris præcepto, sed scienter transgreditur illud. Et quia superbia est vitiorum regina, et to-

II Petr. ii, 9, 10.

Jud. 8.

lius perditionis origo, recte peccatum ex certa malitia, designatur per peccatum ex superbia. Vitemus ergo omne hujusmodi vitium, quod summe vitandum est, nec potest curari, nisi spiritu contrito et humiliato corde, quod Deus non despicit.

Ps. l, 12

*Factum est quum invenissent hominem colligentem ligna in die sabbati.* Hic docemur quam grave sit, dies violare festivos : quod maxime fit, exercendo in eis opera vitiosa, aut bona debita omittendo. Spiritualiter quoque ligna in sabbato colligit, qui incitamenta libidinis sibi in festis haurit et accipit, et ea quæ infernali igne sunt punienda, exerceat : quia omnis violenta prædatio cum tumultu, et vestimentum mixtum sanguine, erit in combustionem et eibus ignis, ut loquitur Isaias.

Is. lxv, 5.

Postremo, quam timorate et vigilantissime recolenda observandaque jugiter sint universa Dei præcepta, constat ex eo quod Dominus jussit vittas in fimbriis palliorum reponi, ut eas adspiciendo, recordarentur mandatorum Altissimi. Præterea, circa hunc locum reprehendit Rabbi Paulus Lyram, dicentem quod præceptum de faciendo fimbrias in angulis palliorum, ordinabatur ad distinctionem filiorum Israel ab aliis nationibus, quando jam habebant signum distinctionis notissimum, videlicet circumcisionem. Sed advertendum quod reprobatio ista non valet, quia S. Hieronymus super Matthæum evidenter testatur hoc ipsum quod Lyra scribit. Thomas quoque in prima secunda, quæstione 102, ita allegat : Hieronymus dicit super Matthæum : Dominus jussit ut in quatuor angulis palliorum hyacinthinas fimbrias facerent, ad populum Israel dignoscendum ab aliis populis. Unde per hoc se esse Judæos profitebantur : ideo per adspæctum hujus signi inducebantur ad memoriam suæ legis. Hæc Thomas. Isidorus quoque : Jubentur, inquit, filii Israel in quatuor angulis palliorum hyacinthinas fimbrias facere, ut sicut in corporibus circumcisio signum est Judaicæ plebis, ita et vestis aliquam habeat differentiam : et moneantur, qui præcepto

C

D

Matth. xiii, 5.

Dei habitu a ceteris gentibus differunt, et a religione differre.

Postremo, juxta instituta divina non sequamur cogitationes illicitas, quum dicat

*Mich. ii, 4.*

*Jer. iv, 13.*

*Is. i, 16.*

*Jer. ix, 21.*

*Thren. iii,*

*51.*

*Eccle. ii,*

*11.*

*Prov. xiii,*

*24.*

*Michæas* : Væ qui cogitatis inutile. Et *Jeremias* : Usquequo morabuntur in te cogitationes noxiæ ? Dominus quoque per *Isaiam* : Auferte malum cogitationum vestrarum ab oculis meis. Neque sequamur oculos per res varias fornicantes, sed visum custodiamus, ne mors introeat animam per visus fenestram, et ne oculus noster deprædetur animam nostram. Oculi etenim sapientis in capite ejus, stultorum autem in finibus terræ. Incustoditus visus, signum est incustoditæ intemperateque men-

tis. Porro, oculos sequi, est apprehensionibus affectionibusque illicitis, quæ ex visu exteriori prodeunt, consentire.

Amplius circa prædicta verba *Rabbi Pauli* occurrit, quod *Thomas* scribit in prima secunda : In Ecclesiastico scriptum est, Amictus corporis enuntiat de homine : ideo voluit Dominus, ut populus suus distinguere ab aliis non solum signo circumcisionis, quod erat in carne, sed etiam certa habitus distinctione. Et quamvis notissimum fuit, quod *Judei* distinguebantur ab aliis signaculo circumcisionis, tamen hoc signum latebat sub veste : ideoque signum foris apparens, convenienter est additum.

*Eccle. xvi,*  
*27.*

## ARTICULUS XXVII

EXPOSITIO LITTERALIS CAPITULI SEXTIDECIMI : ECCE AUTEM CORE FILIUS ISAAR, FILII CAATH, FILII LEVI, ETC.

**D**ESCRIPTO unius excessu et punitione in præcedenti capitulo, nunc multorum et eminentium mira iniquitas ac metuenda punitio describuntur. *Ecce* : per quod notatur, quam enorme piaculum et quam dirum supplicium sint narranda : *Core filius Isaar, filii Caath, filii Levi* patriarchæ, cum quo *Caath* filius ejus intravit Ægyptum, et *Dathan atque Abiron filii Eliab filii Ruben, Non quoque filius Pheth de filiis Ruben, surrexerunt contra Moysen. Alii quoque filiorum Israel* ducenti quinquaginta, procures synagoga, id est capitanei ac nobiles in populo, et qui tempore concilii per nomina vocabantur, tanquam inelyti et prudentes. *Ecce* quod *Moyses* qui assidue quasi ad libitum angelico fruebatur alloquio, informatione celesti et directione divina, in arduis causis frequenter convocavit et celebravit generale concilium, non aspernans vota consultationesque hominum. Quanto magis

*Pontifex summus* in arduis causis deberet statutis temporibus universalem synodum convocare ac celebrare ? Nec mirum quod *Moyses* tempore concilii convocavit tam multos, imo convocavit multo plures quam istos, qui omnes fuerant de tribu *Ruben*. *Moyses* autem ad concilium convocavit de singulis tribubus quosdam. Magnus equidem populus fuit ibi, quia plures quam sexcenta millia virorum. Nam et in primo libro *Machabeorum* scriptum est, quod *Romani* quotidie tenebant concilium, in quo erant viri trecenti viginti, ut quæ digna sunt gerant.

*1 Mach.*  
*viii, 13.*

*Quinque steterunt adversum Moysen et Aaron, dixerunt.* Auctor et caput hujus seditionis exstitit *Core*, qui (ut in Scholastica fertur historia) videns fratruales suos honoratos, unum ducatu populi, alterum sacerdotio, imo et pontificatu, invidit, et alios contra illos concitavit, videlicet viros

ducentos et quinquaginta de Levitis ma-  
joribus, quibus persuasit quod sacerdotio  
digni essent. Attraxit etiam sibi Dathan et  
Abiron ac Hon, potentiores Rubenitarum,  
persuadens eis quod principatus spectaret  
ad eos de jure, eo quod essent de stirpe  
Ruben primogeniti Jacob, cui sanctus Ja-  
cob moriens dixit : Ruben, tu primogeni-  
tus meus, primus in donis, major in im-  
perio, ut patet in Genesi. Denique Moyses  
et Aaron et Core, fuerunt filii fratrum.

Gen. xlix,  
3.

Exod. vi,  
18, 20, 21.

Nam Caath habuit filios quatuor, inter quos  
primogenitus fuit Amram, pater Moysis,  
Aaron et Mariae. Secundus fuit Isaar pater  
Core : tertius, Hebron : quartus, Oziel.  
Quum igitur Core vidisset filios patris sui  
sic praesidere, et ipsum Elisaphan filium  
Oziel praelatum Caathitis, tamen sub Elea-  
zaro, ut habetur supra : ex superbia in-  
dignatus est, et ambitione repletus exei-  
tavit hoc schisma in populo, et rebellionem  
hanc contra Moysen, non attendens quot  
et quanta prodigia Deus per Moysen egerat,  
quoties quoque iniquos percusserat. Sic  
infelix ambitio inebriat atque obtenebrat  
mentem.

Num. iii,  
30, 32.

Quum itaque hi stetissent erecta cervice  
contra Moysen et Aaron, dixerunt, non  
omnes, sed Core ex parte omnium : *Suffi-  
ciat vobis, quia omnis multitudo sancto-  
rum est*, id est, in hoc sitis contenti, quod  
universus hic populus sanctus est, et di-  
vino cultui mancipatus, atque ad sancto-  
rum et electorum numerum pertinens, *et  
in ipsis est Dominus*, id est, Deus est in  
filiis Israel tanquam rector et ductor. Qua-  
si dicat, Non indigent praesidentia vestra.  
Sicque malignus iste, ut sibi allieceret  
plebem, ab ejus commendatione exorsus  
est. *Cur elevamini super populum Domi-  
ni?* id est, cur usurpatis vobis istam praela-  
tionem, et derogatis Deo ac populo ejus?  
Sic versipelles ac impii sciunt verba colo-  
rata proferre, et suam malitiam sub specie  
magni proponere boni. Sed Deus non irri-  
detur. Erat autem, secundum Josephum,  
Core facundus et ad persuadendum versu-  
tus, ac valde pecuniosus, asserens Moysen

Galat. vi, 7.

A sibi assumpsisse ducatum, et ipsi Aaron  
procurasse pontificatum tyrannice et si-  
mulatorie et ex privato affectu, confingen-  
tem se loqui cum Deo, quum tamen com-  
muni electione plebis promovendus sit  
pontifex; atque in tantum concitavit po-  
pulum, quod voluerunt Moysen lapidare, et  
ipsum Aaron pontificatu privare. Etenim,  
Josepho teste, vulgus naturaliter gaudet,  
dum contra eos qui in potestate sunt con-  
stituti, querimonia concitatur.

*Quod quum audisset Moyses, cecidit  
B pronus in terram* : in quo magna ejus hu-  
militas, mansuetudo et caritas demonstra-  
tur, quia de illorum impietate vehemens  
dolor penetravit cor ejus, timuitque de  
eorum periculo : nec inflammatus est su-  
bito, sed mansuete respondit : *Mane*, id  
est cito vel crastina die ante meridiem,  
*notum faciet Dominus* per sensibile si-  
gnum, *qui ad se pertinent*, id est, qui  
veri sint sancti. Jam quippe Deo intus  
splendente et alloquente, Moyses intellexit  
quid instaret et immineret. *Et sanctos ap-  
C plicabit sibi*, id est, inspirabit eis, ut hu-  
militer ac devote accedant ad sacerdotale  
officium, non usurpatorie et ambiciose, ut  
vos. *Et quos elegerit, appropinquabunt  
ei*, non solum corporaliter ad tabernacu-  
lum accedendo, sed caritativa unione se  
Deo jungendo. *Hoc igitur facite* : *Tollat  
unusquisque thuribulum suum, tu Core,  
et omne concilium tuum*, id est, qui tibi  
adharent ex tribu Levi : *et hausto eras  
igae*, id est igne seu prunis acceptis ac  
positis in thuribulis, *ponite desuper thy-  
miama* : de cujus materia et confectione  
dictum est in Exodo. Itaque Moyses dedit  
eis dilationem usque ad crastinum diem,  
ut resipiscerent interim. *Et quemcumque  
elegerit, ipse erit sanctus*, id est, quem  
Deus per evidens signum monstravit esse  
sibi placentem, et sacerdotio dignum, ha-  
beatur pro sancto, et sacerdotale officium  
deinceps exerceat. *Multum erigimini, filii  
Levi*, id est, valde extollitis vos, o Levitae,  
instar ingratorum, qui dato sibi honore  
non contenti, semper per fas et nefas ad

Exod. xxx,  
34, 35.



altiora adspirant, et præcedere meliores A conantur.

*Dixitque rursum ad Core*, volens eum pie monere ad desistendum cum suis : *Audite, filii Levi*. Hæc dixit ad Core, tanquam ad incentorem facinoris ceterorum, sed omnes pariter est affatus. *Num parum vobis est*, hoc est, non deberetis reputare pro modico, *quod separavit vos Deus Israel ab omni populo*, id est a ceteris tribubus Israel, *et junxit sibi ut serviretis ei in cultu tabernaculi, et staretis coram frequentia populi, et ministraretis ei ?* Idecirco ad se B *fecit accedere te*, o Core, *et omnes fratres tuos filios Levi*, id est istos tuos cognatos tibi nunc adstantes, *ut vobis etiam sacerdotium vindicetis*, id est, usurpare tentetis ? Est autem probabile, quod Core intendebat Aaron ex pontificatu rejicere, et illum sibi appropriare. *Et omnis globus tuus*, id est ista collectio tua, *stet contra Dominum*, id est, contra Dei præceptum tibi adhæreat ? Non asserendo, sed redarguendo, dicit hæc Moyses : nam addit, *Quis est enim Aaron ut murmuretis contra eum ?* quasi dicat, Consobrinus vester est, nec justam contra eum rationem murmurandi habetis, quia non ingressit se ipsum ad pontificatus honorem.

*Misit ergo Moyses, ut vocaret Dathan et Abiron filios Eliab*. Hoc sonare videtur, quasi miserit primo nuntium, qui illos vocaret ad Moysen : quibus venire rennuntibus, ipsemet Moyses ivit ad eos. Vel sensus est, quod misit, id est, dimisit Core et suos sic stare, et ivit ut vocaret Dathan et Abiron, ut venirent ad atrium tabernaculi, aut circa ubi Core stetit et sui ac ceteræ tribus. Porro, secundum Josephum, Moyses misit ministros, ut venirent et adessent quando Core et sui, Aaron quoque, thurificarent, ad agnoscendum ejus obsequium Deo placeret. Unde Magister in historiis ait : Illis sic stantibus, descendit Moyses eum senioribus populi ad Dathan et Abiron. Porro Abiron, secundum Josephum, fuit ex parte patris Levita.

*Qui responderunt* pleni diabolica elat-

ione : *Non venimus*, id est, nolumus tibi obedire, sed tanquam seductorem et mendacem atque ambitiosum despiciamus te. Idecirco subjungunt : *Numquid parum est tibi*, id est, videtur tibi quod modicum forefecisti nobis, *quod eduxisti nos de terra quæ lacte et melle manabat*, id est de terra Egypti valde fructuosa et opulenta, *ut occideres in deserto*, id est, in hac solitudine nos faceres mori, et fame ac siti tabescere : in quibus verbis perniciose mentiti sunt : *nisi et dominatus fueris nostri*, id est, etiam morte civili nos opprimas, in servitutem nos redigendo ? Deinde ironice addunt : *Revera induxisti nos in terram quæ fluit civis lactis et mellis, etc.* *An et oculos nostros vis erueri*, id est tyrannidem in nos exercere usque ad mutilationem ? *Non venimus*. Quasi dicant : In hoc sumus firmati vel potius obstinati, quod de cetero non obtemperabimus tibi. Reprobi isti sola terrena quærebant : qui si vere fuissent desuper illustrati, incomparabiliter plus ponderassent et appretiati fuissent, quod tot et tanta mirabilia Dei toties conspexerunt, imo et quotidie intuebantur, quod legem acceperunt de cælo, et Dominum audierunt eis loquentem per angelum, quam omnium affluentiam terrenorum.

*Iratusque Moyses valde*. Ista sancti viri iracundia, fuit ira per zelum. Siquidem divinitatis amore et vera æquitate repletus, tantam Omnipotentis injuriam et potestatis a Deo collatæ contemptum, amplius ferre nequivit. *Ait ad Dominum : Ne respicias ad sacrificia eorum*, id est, sacrificia horum rebellium Levitarum accepta non habeas. Istud erat terribile, quando tam mitis et pius prælatus, qui hucusque consuevit orare pro illis etiam prave agentibus, contra eos oravit. Sciebat autem Moyses, quod Deus illorum sacrificia non acceptaret. Sed in his Moyses orasse videtur, ut omnipotens Deus per evidens signum ostenderet, quod illorum sacrificia sibi essent ingrata. *Tu scis quod ne asellum quidem unquam acceperim ab eis, nec*

*affligerim quempiam eorum : quasi dicat, Non habent querelam contra me justam. Dixitque ad Core : Tu, et omnis congregatio tua stas seorsum. Tollite singuli thuribula vestra, et ponite super ea incensum, offerentes Domino ducenta quinquaginta thuribula. Aaron quoque teneat thuribulum suum.*

*Quod quum fecissent, non ex obedientia, sed ex arrogantia, quasi nihil timentes, et coacerassent, id est congregassent, adversum Moysen et Aaron omnem multitudinem, quam sibi attraxerunt : multis enim persuaserunt, quod juste moverentur, et quærerent bonum commune : atque ut aiunt quidam Hebraei, tota nocte et per auroram discurrerunt per castra, ad alligandum sibi quos poterant : quum itaque congregassent multitudinem suam contra eos, id est contra Moysen et Aaron, ad ostium tabernaculi, puta in atrio, apparuit eunctis gloria Domini, quia tunc Dominus per nubem descendit ad Moysen ob ejus defensionem. Unde subjungitur : Locutusque est Dominus ad Moysen et Aaron : Separamini de medio congregationis hujus, ut eos repente disperdam. Qui ceciderunt prout in faciem suam, atque direrunt : Fortissime Deus spirituum universae carnis, id est, tu Deus omnipotens creator omnium animarum, num uno peccante, contra omnes ira tua desaviet ? quasi dicant, Non deceat sapientiam, pietatem, justitiamque tuam, ut propter peccata paucorum, punias totam communitatem, quoniam tu omnium inspicis corda. Sic et Abraham dixit : Numquid perdes justum cum impio ?*

*Surrexitque Moyses et abiit ad Dathan et Abiron, et sequentibus cum senioribus Israel, dixit ad turbam : Recedite, id est separemini, a tabernaculis hominum impiorum horum, videlicet qui mihi repugnant. Quumque recessissent a tentoriis per circuitum eorum, Dathan et Abiron stabant in introitu papilionum suorum cum uxoribus et liberis, omnique frequentia, id est copiosa familia, disponentes se*

*ad resistendum verbis et factis. Et ait Moyses : Tu hoc scietis quod Dominus miserit me, id est, quod Deo jubente et operante factus sum dux vester, eductor, doctor et ductor. Si consueti hominum morte interierint, et existerint eos plaga, qua ceteri hominum visitari solent, non misit me Dominus. Dicunt aliqui, quod Moyses Dominum exoravit, ut morte perirent insolita. Sed potius puto, quod Deus Moysi hoc non oranti revelavit se hoc facturum. Quum autem Moyses praefata verba proferret, et sciret quid miseris illis mox esset futurum, ex compassione ploravit : et protinus cepit terra contremere, expavitque populus, atque (ut in historiis ait Magister) grandi strepitu per illorum tabernacula excitato, factum est quod textus subjungit.*

*Confestim igitur ut cessavit loqui Moyses, dirupta est terra sub pedibus eorum, et apparuit ibi laeus profundus, horribilisque hiatus, quoniam illorum tentoria magnum occupaverant spatium ; et aperiens os suum, id est, Deo jubente, per modum hominis os suum aperientis ad cibum vorandum se habens. Nec enim putandum est, ut quidam philosophi atque idololatrar opinati sunt, quod terra sit animata, et anima ejus agente aperiat se, vel quod juxta Platonis et Procli ac Plotini opinionem, totus mundus sensibilis sit unum animal magnum, cujus quasi quatuor membra sint quatuor elementa. De qua re loquitur Plato in primo Timæi, et Proclus in Elementatione sua theologica, Plotinus quoque in libro de Tribus divinis substantiis : quam etiam opinionem in libro de Civitate Dei recitat Augustinus. Sed sicut mare metaphorice dicitur videre, timere et fugere, juxta illud, Mare vidit et fugit : sic terra os suum dicitur aperuisse. Deroravit illos cum tabernaculis suis et universa substantia, et cum eorum domesticis consentientibus eis. Descenderuntque viri in infernum, aperti humo, et perierunt de medio multitudinis, id est, adhuc viventes in corpore, coeperunt corruiere ad infernum.*

Ps.  
LXXXVIII, 19.

Hebr. ix,  
27.

ita quod obierunt in via ruinæ miserrimæ. Quis est enim homo qui vivet, et non videbit mortem? Nam et Apostolus ad Hebræos: Statutum est, inquit, hominibus semel mori. Porro secundum animam corruerunt in infernum inferiorem. Quo facto, ita clausa est et redintegrata terra, quasi non fuisset aperta, ut Josephus scribit. *At vero omnis Israel qui stabat per gyrum, fugit a clamore percutientium, diceas: Ne forte et nos terra deglutiat.* O quam horribiliter et miserabiliter clamaverunt, dum terram sub se taliter aperiri senserunt! *Sed et ignis egressus a Domino,* id est divina virtute egrediens, interfecit comburendo ducentos quinquaginta viros qui offerebant incensum, id est thymiama quod inflammabatur in eorum thuribulis.

De quo in Scholastica historia legitur: Ignis egressus est de thuribulis Core et concilii ejus tantus, quantus nec de terra prolatus est, vel concursione fluctuum, id est nubium, aut violentia spirituum visus est unquam exsilire, Aaron stante illæso. Quidam quoque Hebræorum doctores dicunt ignem illum de thuribulis exivisse. Ex his sequi videtur, quod et Core fuit combustus: quod tamen non est dicendum. Quæri etiam potest, quid de præfato Hon Rubenita contigerit. Quod autem Core non fuit combustus, constat ex eo quod infra scriptum est: Aperiens terra os suum, devoravit Core. Creditur item quod et Hon eadem perierit plaga. Si autem dicatur Core fuisse incensus igne sui thuribuli, posset quis dicere, quod ultra hoc fuerit a terra absorptus: sed potius puto quod dictum est, Josephus tamen affirmat, quod simul cum aliis fuit extinctus, et quod corpora combustorum nullibi apparebant, utpote prorsus incinerata, solusque Aaron in igne mansit illæsus.

*Locutusque est Dominus ad Moysen, dicens: Præcipe Eleazaro ut tollat thuribula quæ jaceant in incendio, et ignem huc illucque dispergat.* Ex diversis enim flammis quæ ex thuribulis eruperunt, factus

exstitit ignis grandis adhuc durans. *Quoniam sanctificata sunt in mortibus peccatorum,* id est, deputata sunt ad designandum aliquid sanctum, per hoc quod per ea puniti sunt peccatores Levitæ, qui sibi sacerdotium usurpare conati sunt. Ex hoc etenim facto monstratur, quod sacerdotes debeant esse sancti. *Producatque ea in laminas, et affigat altari, eo quod oblatum sit in eis incensum Domino, et sanctificata sint.* Et ita erant divino usui applicanda, quamvis peccaverunt qui eis sic usi sunt: ita quod propter honorem ejus cui per ea incensum oblatum est, scilicet Dei, ad talem usum convertenda fuerunt. *Ut cernant ea,* id est laminas ductiles factas ex illis thuribulis, *pro signo et monumento filii Israel,* pro signo videlicet divinæ justitiæ in punitione pravorum, et pro monumento, id est memoriali eorum quæ contigerunt, ne quis similia attentaret. Dicit autem Petrus Comestor, quod Eleazar ex laminis illis formavit coronulas, quæ sic fabrefactæ sunt, quod stabant ibi ad decorem, affixæque sunt altari æneo, puta altari holocaustorum quod stetit in atrio. Unde in translatione Septuaginta interpretum dicitur, quod fecit ex thuribulis sen batillis circulos.

*Murmuravit autem omnis multitudo filiorum Israel sequenti die contra Moysen et Aaron:* non simpliciter omnis sen tota multitudo, sed valde multi, vel quidam de omnibus zelantes pro interfectis, de quorum tam invisa et horribili plaga vehementer dolebant: *dicentes: Vos interfecistis populum Domini,* id est, mors occisorum imputanda est vobis, quia Moyses contra eos videbatur orasse: atque ut Josephus narrat, dicebant illos ita esse occisos a Deo, magis intuitu favoreque Moysis, quam propter ipsorum transgressionem, quia circa cultum Dei fuerunt solliciti. Dolebant quoque tam de calamitate taliter occisorum, quam ex propinquitatis affectu. Unde et alios contra Moysen incitabant, dicentes, multitudinî expedire quod ejus gloria minueretur.

Num. XXVI,  
10.



*Quumque oriretur seditio, et tumultus A* *increveret* : voluerunt enim (ut aliqui dicunt) Moysen et Aaron lapidare ; *Moyses et Aaron fugerunt ad tabernaculum fideris* : quod postquam ingressi sunt, *operuit nubes tabernaculum, et apparuit gloria Domini*. Angelus enim movebat nubem illam ad libitum suum, secundum quod expedire videbat. Sicque nubes pro aliqua sua parte descendit, tegens ac ambiens tabernaculum, sicque defendit Dominus suos ministros. *Dixitque Dominus ad Moysen* : *Recedite de medio multitudinis hu-* B *jus*. Nonne Moyses et Aaron jam fugerunt et recesserunt ab illis ? Cur ergo Dominus dixit, Recedite, praesertim quia etsi non recessissent, poterat Dominus plagare iniquos ? Ideirco quod ait, Recedite, de spiritali recessu potest intelligi, ut sit sensus, Recedite, id est, cor vestrum ab illis avertite, non odiendo, sed ab oratione pro eis fundenda aut fusa cessando : quod tamen Dominus non dixit jubendo, sed

quid illi merebantur insinuando. *Et nunc delebo eos*. Hoc comminatio fuit et designatio, quid esset agendum secundum illorum demerita. *Quumque jacerent in terra*, quia prostrati orabant pro populo, *dixit Moyses ad Aaron*, qui Deo revelante vidit in spiritu quid transgressoribus contigisset : *Tolle thuribulum, et hausto igne de altari holocausti, in quo ignis ardebat assidue, mitte incensum desuper, pergeas cito ad populum, ut roges pro eis. Jam enim egressa est ira*, id est vindicta, a B *Domino*.

Deinde in textu describitur, qualiter Aaron cum thuribulo suo euenit ad medium turbam, quam vastavit incendium : stansque inter extinctos et vivos, obtulit thymiana, se opponens incendio, et orans pro populo, sicque plaga cessavit. In quo ostensum est, quantum valeat oratio sacerdotis, et sacrificium devote offerentis : quanta item sit virtus et dignitas sacerdotalis et pontificalis officii.

## ARTICULUS XXVIII

DE SPIRITUALI HUIUS CAPITULI SEPTIDECIMI SIGNIFICATIONE ATQUE DOCTRINA.

**M**ANIFESTUM est, per Core et Dathan C *atque Abiron* designari rebelles, superbos, ambitiosos, et eos praesertim, qui desiderio praelature aut principatus terreni, practicant practicationes malignas, dissensionem, aversionem, discordiam, aut etiam schisma : et quod omnium pessimum est, interdum sic pervertuntur, ut et haeretica seminent documenta. Hi iustis praesidentibus multipliciter adversantur, et quales ipsi sunt, tales illos esse suspiciantur, dicentes : Cur elevamini super populum Dei ? Specialiter vero Corithae censentur, qui per amicorum et propinquorum potentiam ad ecclesiasticas tentant pertinere dignitates. Denique subditi variis pee-

cant modis in suos superiores : Primo, illorum defectus et excessus inordinate aut irrisorie publicando. Hi designantur per Cham, qui patris sui verenda fratribus suis monstravit : ideirco cum illo maledictionem merentur. Secundo, insufficientiam regiminis objiciendo, quemadmodum filii Israel, abjecto Samuele, regem postularunt : ideo sicut filiis Israel datus est Saul tyrannus, sic isti tyrannum merentur. Tercio, praesidentibus detrahendo, aut illis se insipienter aequando, sicut Aaron et Maria obloenti sunt Moysi. Isti spiritali lepra merentur perfundi. Quarto, ad superiorum suorum depositionem inordinate conando : qui vestigia Core, sociorumque ejus

Gen. ix, 22.

1 Reg. viii, 5.

sectantur, et cum ipsis damnantur. Præ- A  
terea, sicut sanctus pater Bernardus fate-  
tur : Nullum sibi modum statuit humana  
ambitio, sed oculis obtenebratis, altiora  
jugiter apprehendere nititur. Si quis sim-  
plicem præbendam in collegio est ade-  
ptus, pudet se solo canonicatu esse conten-  
tum. Isti per Core et adhaerentes ei Levitas  
significantur, qui inferiori gradu non con-  
tentabantur. Qui autem in faciem contra-  
dicunt, et suis superioribus cum irrisione  
et contemptu loquuntur, imitatores et filii  
sunt Dathan et Abiron.

*Recedite a tabernaculis hominum im-*  
*piorum, et nolite tangere que ad illos*  
*pertinent, ne involvamini in peccatis eo-*  
*rum.* Periculosa et infectiva est prava so-  
cietas, a qua (si fieri potest) est corpora-  
liter abeundum. Quod si fieri nequeat,  
spiritualiter est discedendum ab ea : imo  
sic necesse est ab illa discedere, quamvis  
corporaliter non recedatur. Spiritualiter  
vero recedere, est vitia, vanitates, negli-  
gentias talis societatis vitare, nec solum  
actum iniquum, sed nequaquam per con-  
sensum aut alio modo communicare. Hinc

II Cor. vi,  
17.

et Apostolus : Exite, inquit, de medio il-  
lorum, et immundum ne tetigeritis. Præ-  
terea, quam enorme crimen sit schisma  
atque rebellio, et alios ad talia scelera pro-  
vocare, ostensum est ex morte illa incon-  
sueti, horribili, qua Dathan, Abiron, Core  
et Hon repente plagati sunt, quibus in  
terram dimersis, terra reducta est, quasi  
nil tale factum fuisset. Amplius, per thur-  
ribula in quibus ambitiosi atque sacrile-  
gi illi obtulerunt incensum, intelligenda D  
sunt dicta et argumenta ac media, per  
quæ illi iniqui et schismatici ac hæreti-  
ci suos querunt et nituntur errores de-  
fendere ac firmare, et per quæ Deum se  
honorare et colere arbitrantur : quæ om-  
nia sunt frangenda, quantum ad id quod  
falsitatis et vitiositatis in ipsis est. Sunt

que producenda in laminas et affigenda  
altari, quoniam quidquid veritatis in illis  
est, ad Dei honorem est convertendum, ut  
separetur pretiosum a vili, malum a bono,  
falsum a vero. Ideo loquitur Origenes : Si in  
verbis hæreticorum aliqua ex divinis Scri-  
pturis inveniuntur, non respuuntur : quo-  
niam sanctificata et oblata sunt Domino.

Insuper caritatem, patientiam, perfectio-  
nem Moysis Aaronque discamus, qui pro-  
strati in terram, oraverunt pro illis qui  
ipsos lapidare volebant : pro quibus et  
B Aaron Domino sacrificavit. Hinc Origenes :  
Moyses, inquit, et Aaron discipuli sunt  
Evangelii magis quam legis. Nam diligunt  
inimicos, et pro persecutoribus orant. Vi-  
deant hæc qui Deum eriminantur et le-  
gem, quomodo Moyses et Aaron ante fe-  
cerunt, quod Evangelium postea docuit.  
Invenitur ergo Evangelii virtus in lege, et  
Evangelium fundamento innititur legis.  
Rursus per hoc quod Aaron suo incenso  
compescuit plagam, quam angelus vastator  
influxit, præfiguratum videtur, quod  
pontifex summus Dominus Jesus passione  
corporis sui et suæ ardentissimæ caritatis  
incenso reconciliavit Patri genus huma-  
num, et electos segregavit a reprobis, qui  
et pro suis erueifixoribus exoravit. Multos  
quoque eorum qui ipsum occiderunt, ad  
æternam perduxit salutem, quibus prædi-  
xit : Quum exaltaveritis Filium hominis,  
tunc cognoscetis quia ego sum. Luc. xxiii,  
31.

Luc. xxiii,  
31.

John. viii,  
28.

Itaque impiorum supplicia nos infor-  
ment, et aliorum perditio reddat nos cau-  
tos. Omnis inobedientia, rebellio, ambitio  
cum vitiis sibi annexis, infinito horrore  
odiantur ac vitentur a nobis : quoniam  
quasi scelus idololatriæ est, nolle acquie-  
scere. Nullus præsumptione superba di-  
gnitatem sibi a deo non datam, nec legitime  
impositam, invadat ; sed illi cedat, quem  
non humana ambitio, nec favor corruptus,  
nec damnanda largitio introduxit. 1 Reg. xv,  
23.

1 Reg. xv,  
23.

## ARTICULUS XXIX

DECLARATIO LITTERALIS CAPITULI SEPTIMIDECIMI : ET LOCUTUS EST DOMINUS AD MOYSEN.

**N**UNC enarratur qualiter Dominus alio A signo miraculoso monstravit, quod solos Aaronitas elegisset in sacerdotes. *Et locutus est Dominus ad Moysen, dicens : Loquere ad filios Israel, et accipe ab eis, id est a singulis principibus duodecim tribuum, virgas singulas per cognationes suas, a cunctis principibus tribuum virgas duodecim, utpote duodecim virgas, præter virgam Aaron. Quemadmodum Magister in historiis refert, post plagas et strages in capitulo præcedenti descriptas, nondum cessaverat tumultus super sacerdotio Aaron : quia dicebant, quamvis Dominus non elegerat prædictos Levitas ad sacerdotium, poterat tamen esse quod quidam de aliqua tribuum reliquarum digni sacerdotio essent, et forte de omnibus tribubus vellet Dominus aliquot sacerdotes habere, ne tanta sacerdotii dignitas uni tantum domui et paucis committi videretur ministris. Accusabantque Moysen de inopia eremi, eo quod eorum negotiaretur penuriam, id est, negotiose intenderet quod semper inopes essent, vel ipsorum penuria C esset negotiatio ei, ut semper indigere viderentur ejus auxilio. Sicque ad dirimendum hanc litem, Deo jubente, virgas accepit.*

*Et uniuscujusque nomen, id est enjuslibet tribus seu principis vocabulum, super-scribes virgæ suæ. Nomen autem Aaron erit in tribu Levi, id est, in virga tribus Levi, quæ virga erit tertiadecima, scribes nomen Aaron et nomen Levi, ut quidam exponunt, quia per mortem Core et complicium ejus, determinata jam fuit quæstio de sacerdotio Aaron quoad Levitas res- duos : idcirco de sacerdotio et pontificio Aaron quæstio non remansit, nisi quan-*

tum ad alias tribus. Veruntamen Magister in historiis et alii quidam affirmant, quod nomen Levi fuit scriptum in Aaron virga, quoniam virga illa tribum representavit Leviticam, multoque plures erant de tribu Levi superstites quam occisi. *Et una virga cunctas eorum familias continebit.* Circa hoc aliqui dicunt, quod et in Scholastica fertur historia, quod præter virgas præfatas fuit adhuc una alia et quartadecima, cunctas tribus seu familias continens, in qua probaretur, utrum de omnibus tribubus vellet Deus sacerdotes habere. Alii autem dicunt hujus contrarium, quoniam istud satis innotuit per hoc, quod solius Aaron virga (ut infra legitur) floruit. Idcirco quod dictum est ita exponunt : Una virga cunctas eorum familias continebit, quod sola virga Aaron continebat omnes familias Levi : non quod nomina omnium illarum familiarum erant scripta in ea, sed quod sola virga Aaron suffecit pro omnibus illis : quoniam quæstio de sacerdotio determinata jam fuit quantum ad alias Levi familias ; sic quod jam patuit, domum Aaron continere totum jus sacerdotii in tribu Levi. Sed istud non videtur satis certum, quoniam et in aliis tribubus fuerunt plures familiæ, et virga enjuslibet principis continebat virtualiter universas suæ tribus familias, et sufficiebat pro omnibus illis.

*Ponesque eas in tabernaculo foderis eorum testimonio, ubi loquar ad te, id est ante arcam in qua erant duæ tabulæ testamenti. Quem ex his elegero, id est, me elegisse ad sacerdotium monstravero, germinabit virga ejus ; et cohibebo a me querimonias filiorum Israel, quibus contra vos murmurant, id est, per signum illud*



ostendam, quod nullum eorum ad sacerdotium elegi : sicque refrenati, a murmuratione ista cessabunt. Præterea quaeritur, si isti adhuc murmuraverunt contra Moysen et Aaron propter sacerdotium, cur non sunt percussi ut alii ? Ad quod poterit responderi, quod eorum cognitor Deus iudex justissimus, vidit non esse ita incensam sive malignam murmurationem istorum ut aliorum, nec ita se ad sacerdotium ingesserunt aut rebellaverunt ut ceteri, sed quasi dubitando inter se mussitabant.

*Fueruntque virga duodecim, juxta numerum duodecim tribuum, absque virga Aaron.* Quamvis etenim Jacob non habuerit nisi duodecim filios, a quibus prodierunt duodecim tribus, attamen quoniam tribus Levitica fuit ab aliis separata ad tabernaculi cultum, nec hereditatem sortita est, fuit tribus Joseph in duas divisa. Verum ex his videri potest, quod non erant nisi tredecim virgæ, præsertim quia (ut dicitur) in Hebræo habetur, *Fueruntque virgæ duodecim, et virga Aaron in medio earum.* Sed hoc alii solvunt, dicentes quod istud intelligendum sit de singulis specialibus virgis, una videlicet generali excepta. *Quas quum posuisset Moyses coram Domino in tabernaculo testimonii, sequenti die regressus Moyses in tabernaculum, invenit germinasse virgam Aaron in domo Levi,* id est ipsius Aaron existentis et contenti in progenie Levi : *et turgentibus,* id est inflatis, *gemmis* ex quibus prodeunt flores, *eruperant flores, qui foliis dilatatis, in amygdalas,* id est fructus arboris vocatæ amygdalus, *deformati sunt,* id est perfecte formati. Unde alia translatio habet, *Nuces.* *Dixitque Dominus ad Moysen : Refer,* id est reporta et pone, *virgam Aaron, ut servetur ibi in signum rebellium filiorum Israel,* id est pro memoriali, quod quidam eorum tam rebelles, ambitiosi, temerarii que fuerunt, quatenus alii a consumilibus vitii caveant. Posita autem est

Hebr. ix, 1

*Dixeruntque filii Israel ad Moysen : Ecce consumpti sumus, omnes peribimus.*

*A Quicumque accedit ad tabernaculum Domini, moritur.* Istud fuit potius verbum desolationis quam murmurationis : ideo propter hæc verba non sunt puniti. Quasi dicant : Tam multi et magni ex nobis propter hanc sacerdotii causam occisi sunt, quod pene omnes videmur extincti, vel protinus extinguendi. Quicumque accedit ad tabernaculum Domini, moritur : et hoc aliquo modo existit verum, quoniam qui se inordinate intromiserunt de sacerdotali officio, perierunt ; qui vero devote accesserunt seu introierunt in atrium causa orandi aut offerendi juxta legis ordinationem, non solum non occidebantur, sed in vita gratiæ profecerunt, vitæque hujus prolongationem merebantur, imo et vitam beatam. Itaque verba istorum per modum hyperbolici locutionis sunt intelligenda. *Num usque ad internecionem cuncti delendi sumus ?* id est. Occidemur ne omnes ? quasi dicant, Videtur quod imo, nisi Deus agat nobiscum elementius. Unde et in his verbis istorum, pius Dominus patientiam habuit, quoniam ex interioris doloris magnitudine proferebantur. Sicque afflictis non est addenda afflictio.

Amplius, juxta mysticum sensum, unusquisque prælatus, princeps, iudex aut præsidens debet virgam habere, id est prælaticam potestatem, ecclesiasticam jurisdictionem, verbum veritatis, legem justitiæ et rigorem iudicii, directionem gregis commissi. Porro per virgam Aaron, primo intelligitur Christus et ejus potestas, qui velut arida virga fuit sepultus, sed in resurrectione statim reffloruit, flores virtutum dispersit, folia, id est verba celestia, protulit, et fructum æternæ produxit salutis, imo suæ salvificæ merito passionis convertit et salvavit genus humanum. Protulit quoque amygdalas, id est Scripturarum sanctorum doctrinas. Nam sicut in amygdalis lorinseus est legumentum amarum, deinde munimentum robustum, tertio fructus suavis : sic in Scripturis sunt comminationes terribiles et ardua quædam præcepta : deinde auctoritates firmissimæ et præclara

Sensus mysticus.

miracula, quibus Ecclesiae fides munitur; A  
tertio autem spirituales et mystici sensus, promissa dulcissima, virtus et gratia Spiritus Sancti, consolationes internae, multiplexque relectio mentis. Præterea virga Aaron est sacratissima Virgo Christifera, a nullo hominum fecundata, quæ superveniente Spiritu Sancto est supernaturaliter impraguata, omniumque virtutum gemmis ornata, et protulit incomparabilis pulchritudinis ac summæ dulcedinis florem, super quem in fine totius excellentiæ requievit Spiritus septiformis, sicut prædixerat B  
Isaias: Egredietur virga de radice Jesse, et flos de radice ejus ascendet, et requiescet super eum Spiritus Domini. Produxit item opulentissimum et indeficientissimum fructum, qui de se ipso testatur: Ego sum paupis vivus: in quo velut in nuce, fuit passibilitas carnis, et corpus amaritudinibus adimpletum, fortissima anima, deitasque superdulcissima. Quemadmodum au-

tem solum Aaron, ejusque posteros Deus elegit in sacerdotes, sic in novo Testamento usque in finem mundi vult Pater omnipotens, solius Christi sacerdotium per ejus ministros exerceri, durare, florere: ad quod qui indignus accedit, infernali meretur igne cremari. Rursus virga est auctoritas præsentis, qua nisi quis utatur legitime, manet infructuosa: germinat autem, dum prædens ea discrete est utens. Quumque proponit et appetit debitum sui explere officii, prodit in gemmas: ex quibus erumpunt mox flores, dum salubris doctrina profluit ex mente affectuosa et pura. Dilatantur etiam folia, dum exemplaria opera extenduntur ad proximos. Produciuntur quoque amygdalæ, dum prædens exercet se ad pietatem, ad reformationem interiorem, ad vitam secretam, ad contemplationem theoreticam, ad affectionem in Deum quotidie ardentiorum ac mundiorem.

## ARTICULUS XXX

EXPOSITIO CAPITULI OCTAVIDECIMI: DIXITQUE DOMINUS AD AARON.

HUCUSQUE per duo capitula legitur C  
Dominus pugnasse pro Aaron, et ejus auctoritatem magnificasse; nunc subdit onera pontificii ac sacerdotii ejus. *Dixitque Dominus ad Aaron.* Aliqui scribunt, quod Deus per Moysen dixerit ista ad Aaron: quod reor incertum, præsertim quia ut patuit, sæpe Deus locutus est Aaron pontifici per angelum immediate, non per Moysen. *Tu et filii tui et domus patris tui tecum*, id est tu pontifex et sacerdotes atque Levitæ, *portabitis iniquitatem sanctuarii.* Iniquitas seu peccatum frequenter D  
accipitur pro sacrificio, quod pro peccati remissione offertur, ut quum per Osee Dominus contestatur: Peccata populi mei comedent. Unde et Paulus apostolus: Chri-

stus, inquit, factus est pro nobis peccatum. Sicque ab Augustino locus iste exponitur, ut sit sensus, quod sacerdotes et Levitæ portant iniquitatem sanctuarii, id est, sacrificia sumunt et edunt, quæ in tabernaculo offeruntur pro culpis. Simili sensu subjungitur: *Et tu et filii tui simul sustinebitis peccata sacerdotii vestri*, id est sacrificia pro peccatis oblata, ac sacerdotibus deputata. Huic expositioni consonat translatio Septuaginta interpretum, quæ habet: Tu et filii tui accipietis peccata sanctorum, et peccata sacerdotii vestri. Verum expositio ista, quam et Glossa sequitur, quibusdam non placet: quoniam sustinere et portare, designant onus injunctum: oblatio autem et receptio sacrificiorum, non

Luc. i, 31,  
35.

Is. vi, 1, 2.

Joann. vi,  
41, 51.

Osee iv, 8.

II Cor. v, 21

est sacerdotibus onerosa. Sed reprobatio ista modici est vigoris. Nam etsi oblatio illa atque receptio, in se ipsis onerosæ non sint, tamen propter annexum periculum onerosæ consistunt: propter quod et ipsa sacerdotalis dignitas sæpe onus vocatur. Timorati quoque sacerdotes, cum ingenti et timore et onere conscientie, aliorum oblata consumunt, et hoc propter annexum periculum. Nihilominus potest et ita exponi: Portabitis iniquitatem sanctuarii, id est, vobis imputabitur, si alii, quibus ex officio non incumbit, ingesserint se sacerdotali Leviticæ officio ex ignorantia juris, quia tenemini eos de hoc informare. Potest denuo sic exponi: Portabitis iniquitatem sanctuarii, id est, negligentie et peccata, quæ in tabernaculo Dei-que cultu committuntur a vobis, tanto districtius punientur in vobis, quanto plus tenemini ex injuncto officio esse diligentes in Dei obsequio. Pari modo sustinebitis peccata sacerdotii, id est, quæ in officio sacerdotali incurritis, quoniam juxta gradum dignitatis ejus qui peccat, aggravantur ejus peccata, juxta illud: Quo gradus altior, eo ruina est major: et item: Graviora delinquentium vitia, facit dignitas delinquentis.

*Sed et fratres*, id est cognatos, *tuos de tribu Levi et sceptrum patris tui*, id est ceteros sacerdotes, qui quasi regiam habent dignitatem, in spiritualibus præsidendo, *sune tecum*, ut eorum fultus auxilio, plenius tuum exsequaris officium: *præstoque sint*, id est, præsentialiter et parato animo adsint, *et ministrent tibi*, ex-

Hebr. ix, 7.

*Exerubabuntque Levitæ*, id est, vigiles erunt in suis officiis, *ad præcepta tua, et*

*ad cuncta opera tabernaculi*, hoc est, parati jugiter esse debent ad prosequendum universa ministeria eis injuncta in tabernaculo, ejusque atrio: *ita dumtaxat, ut ad vasa sanctuarii et ad altare non accedant*, id est, non præsumant tangere vasa seu instrumenta cultus divini, nisi fuerint involuta, nec sacerdotale officium sibi usurpent sacrificando in altari: *ne et illi moriantur, et vos pereatis simul. Sint autem tecum et exerubent in custodiis tabernaculi et in omnibus caerimoniis ejus*:

**B** *custodiendo ea quorum usus est in tabernaculo, et materias ejus, præsertim in motione castrorum. Alienigena non miscebitur vobis*, id est, nullus de alia tribu intermittet se de vestris officiis. Ista frequenter præhabita sunt, tam in Levitico quam in volumine isto: ideo non condeet

Nam. iii, 10.

**C** *immorari: nec tamen superflue repetuntur in textu, sed ut tenacius imprimantur memoriæ. Tradidi donum Domino*, id est, Levitas assignavi sacerdotibus pro munere in adjutorium eorundem ad gloriam Dei: *et loquitur Dominus de se quasi de alio. Tu autem et filii tui, custodite sacerdotium vestrum*, id est, mente devota ac custodita exsequimini actus ipsius: *et omnia quæ ad cultum altaris pertinent*, id est sacrificiationes et contrectationes vasorum, mundationem altaris, et fomentum ignis, qui jugiter arsit in altari, ac consimilia, *et intra velum sunt*, id est contenta in interiori tabernaculi parte, *per sacerdotes administrantur*, id est, fient et contrectabuntur, involventur, efferentur, et Levitis ad

**D** *portandum dabuntur, dum castra movenda sunt, prout in superioribus est conscriptum. Si quis externus accesserit, occidetur*, id est, si quis de alia natione aut tribu usurpaverit sibi officia vestra, plagabitur morte corporali aut civili, sicut Ozias rex thurificare præsumens, lepra percussus est. Talis quoque occidit se ipsum morte culpæ, et si non penituit, perit morte infernalis miserie.

Ibid. iii, iv.

II Par.  
xxxv, 49.

Denique, ut sacerdotes in horum observantiis diligentiores consisterent, comme-



morat Dominus qualiter eis de victu providit, et temporalem quandam mercedem præter æternam retribuit. *Locutusque est Dominus ad Aaron: Ecce dedi tibi custoditum primitiarum mearum*, id est, primitias quæ mihi debentur, deputavi tibi ac filiis tuis, ut eas vobis reponatis, et opportuno tempore manducetis. *Omnia quæ Deo sanctificantur a filiis Israel*, id est, ea quæ ceteræ tribus deputant et offerunt Deo ex voto aut alio modo, *tibi tradidi et filiis tuis*, ut inde accipias vel totum, vel partes

Lev. xii.

secundum legem præfixas, prout in Levitico diffuse præhabuit est, *pro officio sacerdotali*, id est pro obsequiis atque laboribus mihi a vobis exhibitis in sacerdotali aut pontificali officio: non quod temporalia ista fuerint merces finalis et principalis obsequiorum Deo exhibitorum, sed merces præambula, secundaria, temporalis, puta stipendium vitæ, ordinatum ad retributionem beatificam et æternam, quemadmodum Christus in Evangelio prædicatoribus

Luc. x, 7.

ait: In eadem domo manete, edentes et bibentes quæ apud illos sunt. Dignus est enim operarius mercede sua. *Omnis oblatio et sacrificium, et quicquid pro peccato atque delicto redditur mihi, et cedit in sancta sanctorum, tuum erit et filiorum tuorum*.

Lev. x-xii.

Ista sæpe præhabita sunt: et potest hoc loco per oblationem intelligi pacifica vitima: per sacrificium, holocaustum: per ea quæ offeruntur pro peccato et delicto, sacrificia quæ fiebant pro peccatis majoribus aut minoribus, vel pro culpa commissionis et vitio omissionis: quæ omnia in toto vel pro parte, cesserunt in usum

Ibid. xii, 8.

sacerdotum. Nam et pelles holocaustorum erant eorum. *In sanctuario comedes illud*, id est in ædibus prope atrium sive in atrio. *Mares tantum comedent* \* ex eo, id est, soli sacerdotes et non eorum uxores, edent ex hostia tali, *quæ consecrata est Domino*. In Levitico autem diffuse expositum est, de quibus licuit uti solis sacerdotibus, et de quibus tam eis quam eorum filiis, de quibus item et ipsorum uxoribus, ceterisque domesticis.

\* edent

*Primitias autem quas voverint et obtulerint filii Israel*, id est, primitiva quæ deputantur et immolant Deo, sive ex voto, sive ex legis statuto, aut ex devotione supererogante, *tibi dedi et filiis tuis ac filiabus tuis jure perpetuo*, id est tibi ac tuis domesticis pro sustentaculo vitæ. *Qui mundus est a fluxu seminis, a lepra, a contaminatione mortui, et consimilibus irregularitatibus legis, vescetur eis*, immundis autem non licuit tale quid manducare, quoniam Domino erant sanctificata et consecrata. *Omne melullum olei et vini ac frumenti*, id est primitiva atque præcipua de oleo, vino, frumento, quæ Domino pro primitiis offeruntur, cui præstantiora sunt immolanda, quod per medullam innuitur, *quicquid offerunt primitiarum Domino, tibi dedi*. *Universa frugum initia*, id est primitivi fructus terræ, vinearum, arborum, ficorum ac olivetorum, *cedent in usus tuos*. *Quicquid primum erumpit de vulva cunctæ carnis quam offerunt Domino, sive ex hominibus, sive de pecoribus*

*fuert*, id est omne primogenitum ex hominibus et jumentis, *tui juris erit*, id est, ad sacerdotes pertinebit, quia primogenita erant Domino consecrata: *ita dumtaxat, ut pro hominis primogenito pretium accipias*, id est quinque sicles pro quolibet primogenito aliarum tribuum Israel. Istud supra dictum est. *Et omne animal quod immundum est*, id est non immolaticium: vel si est de genere immolabilium pecorum, tamen maculatum est, deformis, monstruosum, aut languidum: *redimi facias*, ut

scilicet dominus primogeniti pecoris talis, offerat pro illo pretium, et animal illud sibi reservet: *cujus redemptio erit post unum mensem a nativitate pecoris talis, sicles argenti quinque*. *Sicles viginti obolos habet*. Totum hoc supra scriptum est. Verumtamen istud non est intelligendum absolute de universis immundis pecoribus, quoniam juxta præhabita, quædam primogenita bestiarum, videlicet canum, non redimebantur, sed occidebantur. Primogenita vero asinorum redimebantur, non

Num. iii, 47.

Exod. xiii, 2, 12, 13.  
Lev. xxvii, 26, 27.

Deut. xxi, 18.

*Erod. xiii,* siclis aut pecunia, sed unumquodque com-  
 13. mutabatur, redimebaturque ove. De quibus omnibus assignatæ sunt supra variæ rationes litterales ac spirituales. Ideo quod dictum est, intelligitur de omni animali immundo, quod cadit sub redemptione, et quia perpaucæ species a regula illa redemptionis excipiuntur. *Primogenita autem bovis et ovis et capræ non facias redimi.* Hæ namque tres animalium species erant immolatiæ: propter quod subditur, *quia sanctificata sunt Domino*, id est depulata ut Deo immolentur: ideo primogenita horum non redimebantur. *Omnes primitias sanctuarii*, id est, quæ offeruntur Deo in tabernaculo, *tibi dedi.* Pactum salis sempiternum est, id est, lex ista est firmum statutum, divinæ sapientiæ condimento sancitum, spiritualiter saporosum: et recte pacti stabilitas nomine salis exprimitur, quia sal in omni sacrificio ponebatur.

*Lev. ii, 13.*

*Dixitque Dominus ad Aaron: In terra eorum nihil possidebitis*, id est, tu pontifex, sacerdotes, et Levitæ, non habebitis  
*Ibid. xxv,* inter tribus Israel hereditaria bona. Urbes  
 32-31. tamen et villas ad habitandum, et suburbana ad alendum pecora sua habebant. *Nec habebitis partem inter eos*, id est nihil omnino ultra quam tactum est. Aliqui autem dicunt hoc additum, ad insinuandum quod nec in spoliis inimicorum participationem habere debebant: cujus tamen oppositum in præda Madianitarum infra legitur factum. *Ego pars et hereditas tua in medio filiorum Israel*, id est portio hereditaria omnium vestrum, quia mihi oblata et consecrata, vobis in sustentationem vite concessi, nec amplius indigetis. Sequitur de stipendio temporalique præmio Levitarum. *Filiis autem Levi*, id est Levitis qui erant sub sacerdotibus, *dedit omnes decimas Israelis*, id est tribuum aliarum, *in possessionem*, id est loco portionis ipsorum: qua portio debebant esse contenti, et tanto quietius Deo servire,

*Num. xxi,*  
 28-30, 37-41.

A atque pro populo exorare, quo plus eis providebatur a populo. Ideo peccata populi portare debebant, orando, ministrando, et satisfaciendo pro illis, condolendo quoque eisdem, et sollicitudinem pro illis gerendo. Quæ nisi fecissent, peccata plebis redundassent in ipsos.

Subditur de præcipua portione pontificis. *Præcipe Levitis atque deamnia: Quam acceperitis decimas a filiis Israel, primitias earum offerite Domino*, id est, decimam partem decimarum, ut imputetur vobis  
 B *in oblationem primitivarum*, id est, tam accepta sit Deo hæc vestra oblatio, ac si de quibuscumque aliis rebus immolaretis primitias, dato quod alia licite possideretis. *Tam de arcis quam de torcularibus*, id est, de vino ac aliis rebus offerite has decimas sive primitias. Nam et meliora quæque ex decimis sibi datis debuerunt Deo offerre, et illa cesserunt in usum pontificis. Hinc additur: *Omnia que affertis* \* *offeretis*  
 C *decimis vobis a populo persolutis, et in donaria Domini separabitis*, id est, quæ dividetis a ceteris partibus rerum seu decimarum vestrarum, ad hoc quod offerantur Deo in dona pro usu summi ministri ipsius, *optima et electa cuncta erunt. Dicesque ad eos*, videlicet ad Levitas: *Si præclara et meliora quæque obtuleritis ex decimis, reputabitur vobis quasi de area et de torculari dederitis primitias*, id est, tam laudabile erit, quasi de propriis granis et vinis quæ in area et torculari continentur, solveritis primitiva et præstantiora, dato quod talia licite possideretis: et comedetis eas, hoc est decimas vestras, ita tamen, quod decimam partem earum præclariorem, ut dictum est, offeretis. *Et non peccabitis super hoc*, id est, præcipio ne contra hæc agatis, egregia vobis et pingua reserrantes, ne polluatis oblationes filiorum Israel, id est, ne decimis vobis a populo datis abutamini, ita quod cedant vobis in malum, et inaccepte sint Deo ex parte vestri.

## ARTICULUS XXXI

DE EIUDEM CAPITULI OCTAVIDECIMI INTELLIGENTIA SPIRITUALI.

**P**ER Aaron præsulem, et ejus filios sacerdotes, intelliguntur pontifices, sacerdotes, et ceteri in sacris Ordinibus constituti, religiosi quoque ac ceteri virtuosus, praesertim praelati idonei. Horum omnium est portare iniquitatem sanctuarii, id est peccata Ecclesiae: hoc est, aliorum imbecillitates pie sufferre, condolare pusillis, afflictiis, et tentatis ac lapsis caritative succurrere, et pro alienis peccatis, praesertim eorum qui eis commissi sunt, sicut pro propriis, poenitere, flere, satisfactionisque opera exercere: quod nisi juxta B exigentiam officiorum suorum, et prout vera dilectio pietasque requirunt, fideliter fuerint executi, sustinebunt peccata sacerdotii sui. Porro summus pontifex noster Dominus Jesus Christus, vere super se accepit peccata omnium nostrum: quoniam Joann. 1, 29, ipse est Agnus Dei qui tulit peccata mundi, Is. 53, 6, in quo Dominus posuit iniquitatem omnium nostrum, de quo princeps Apostolorum dignissimus: Peccata, inquit, nostra portavit in corpore suo super lignum. Majores autem praelati, inferiores assumere C debent in suum auxilium, suosque hortari vicarios, ut omni cum vigilantia mentis expleant quicquid eis injunctum est: sic quod majores majoribus et sacratoribus exercitiis debent totis viribus esse intenti, atque cum summa reverentia circa altare Deo adsistere.

Denique hoc loco recitat Origenes, qualiter suis temporibus dixerant Judaei: Quoniam non habemus templum, nec sacerdotium, neque altare, nec hostias immolamus: ideo peccata nostra manent in nobis, nec D veniam consequimur. Istud refert, non reprobatur, non tamen approbatur, Origenes. Sed horum verborum rudissimus error fa-

ciliter demonstratur. Deus namque uberissime eis promisit, quod si in toto corde suo reverterentur ad ipsum, ignosceret etiam in terra aliena, in qua sacrificare non poterant, atque reduceret eos. Nec sacrificia illa carnalia ex se ipsis justificabant. In Babylonica quoque captivitate, combustis templo atque altaribus, misericordiam impetraverunt, et reducti fuerunt. Sacrificium autem Deo spiritus contribulatus: corque contritum et humiliatum Deus non despiciit. Nec unus sua tyrannide potest directe salutem alterius impedire. Imo, ut ait Ezechiel, In quacumque hora ingemiseit peccator ex corde, omnium iniquitatum ejus Dominus non amplius recordatur.

IV Reg.  
xxv, 9.  
I Esdr. 1,  
2 et seq.  
Ps. l, 19.

Ezech.  
xviii, 22;  
xxxiii, 12.

*Tu autem et filii tui ministrabilis in tabernaculo. Excubabuntque Levitae ad praecepta tua.* Ex his constat, quam assidue et devote debeant praelati et sacerdotes, maxime superiores, in ecclesia esse, divinis officiis interesse, et contemplari mysteria Dei, sacramentaque Christi: quam prompta quoque et condecens obedientia, quam pulcherrimus ordo consistere debeat inter ministros Ecclesiae, ut fiant omnia ordinate.

I Cor. xiv,  
40.

*Locutusque est Dominus ad Aaron: Ecce dedi tibi custodiam primitiarum mearum.* Sicut in veteri lege, ita in nova sacerdotibus et pastoribus primitiae debentur ac decimae persolvuntur: quia hoc est partim de jure divino, et partim de jure naturali, imo et ad positivum jus pertinet. Nam et ratio dicat, ut eis a populo ministrentur corporalia vitae stipendia, qui ipsi populo spiritualia ministrant. Hinc Origenes: Deo, inquit, offerri dicitur, quod sacerdotibus datur. Hoc enim ex lege docetur, quod nemo legitime utitur fructibus aut pecoribus suis, nisi Deo, id est sacerdotibus, ex



singulis primitias offerat. Hanc ergo legem, sicut et alia quaedam etiam nunc ad litteram necessario puto servanda. Verumtamen sunt qui dicant, Si aliquid observatur ad litteram, cur non omnia? Si vero sunt spiritualiter intelligenda, spiritualiter sunt omnia observanda seu discutienda. Nos autem utriusque assertionis insolentiam temperantes, auctoritate Scripturarum proferimus quid sit observandum in istis. Scriptum est enim: Lex Domini irreprehensibilis, convertens animas: testimonium Domini fidele, praeceptum Domini lucidum, etc. Haec Origenes. Ex quibus intendit probare, quod multiplicia ac diversa erant veteris legis praecepta, videlicet moralia, caerimonialia et judicialia. Caerimonialia autem cessant aut prohibentur in evangelica lege: quoniam erant principaliter figurativa eorum, quae in nova lege sunt adimpleta: veritate autem veniente ac patefacta, cessat figura. Judicialia quoque sic cessant, quod non obligant ex eo quod in veteri lege instituta fuerunt: non tamen sic prohibentur, quin possint licite observari, si ab Ecclesia vel principe auctoritatem tantum habente instituantur. Moralia vero manent in nova lege. Praecepta demum legis naturalis ad moralia redeuntur, imo sunt fundamenta eorum. Denique in secunda secundae, quaestione 85, Thomas declarat, quod offerre sacrificium Deo sit de lege naturae.

Verumtamen taxatio certae quantitatis in oblatione primitiarum, non fuit determinata in lege, quia primitiae dantur per modum oblationis gratuite, de cuius ratione est quod sit voluntaria. Dicit autem Isidorus, quod ex majorum traditione sit introductum, quod qui plurimum dabant, quadragesimam partem sacerdotibus dabant loco primitiarum; et qui minimum, sexagesimam partem. Unde videtur, quod inter hos terminos sint primitiae offerendae, secundum consuetudinem patriae: quod et Thomas scribit in secunda secundae, quaestione 87; et in eadem quaestione testatur: Decimae in veteri lege dabantur ad

sustentationem ministrorum Dei. Sicque praeceptum de decimarum persolutione, partim erat morale naturale, videlicet inditum rationi, et partim judiciale, ex divina institutione robur habens. Quod enim his qui divino sunt cultui dediti pro omnium salute communi, a communitate provideatur de necessariis vitae, dictat ratio naturalis, (et a gentilibus servabatur, ut patet in Genesi de sacerdotibus Aegyptiorum, quibus ex publicis horreis alimenta dabantur). Sed determinatio certae partis exhibendae Dei ministris, non est de jure naturali, sed est introducta institutione divina, secundum conditionem illius populi cui lex ista dabatur: qui quum esset in duodecim tribus divisus, duodecima tribus, puta Levitica, divinis obsequiis mancipata, hereditatem non habuit: ideo rationabiliter est statutum, ut undecim tribus decimam partem suorum proventuum darent Levitis, quatenus honorabilius viverent. Conformiter in novo Testamento determinatio decimae partis solvendae, est ex auctoritate Ecclesiae instituta secundum quamdam humanitatem: ut scilicet populus evangelicae legis non minus exhibeat ministris ejusdem legis, quam populus veteris Testamenti exhibebat ministris veteris legis, praesertim quum populus novi Testamenti ad majora sit obligatus, major quoque sit dignitas ministrorum novae legis quam veteris. Itaque praeceptum de decimarum persolutione, quantum ad id quod erat morale, datum est a Christo: Dignus est enim operarius mercede sua. Hinc asserit Origenes: Utile est offerre primitias sacerdotibus Evangelii, ut qui Evangelium nuntiant, de Evangelio vivant. Impium quippe est, ut qui ingreditur Ecclesiam, et scit sacerdotes ac ministros altari adstare, et verbo Dei aut ministerio Ecclesiae deservire, non offerat sacerdotibus primitias de fructibus terrae quos Dominus dedit, qui solem suum facit oriri, pluviamque descendere.

*Omnem medullam olei et vini ac frumenti, etc. De horum spirituali signifi-*

Ps. xviii,  
8, 9.

Gen. xlviii,  
22.

Luc. x, 7.

1 Cor. iv,  
14.

Matth. x,  
45.

eatione dictum est sapere, Itaque tam de corporalibus quam de spiritualibus bonis, quidquid primum præcipuumque consistit, Deo est offerendum : quod et angeli sancti efficiunt, qui eos quos dirigunt, offerunt Domino cum omni profectu quem fecerunt in illis. *Dirigitque Dominus ad Aaron : In terra eorum nihil possidebitis*, etc. Per hoc constat, quam vehementer omnis avaritia sacerdotibus et ministris Ecclesiae sit vitanda, ut pure, integre ac libere vacent Deo. Propter quod Rabanus ait : In utroque Testamento ministris altaris oblationes et decimæ ad necessaria tribuuntur, ne terrenis possessionibus audeant inhiare, nec lucri de ministerio querere, quum dicat Salvator : Gratis accepistis, gratis date. Itaque sacerdotibus veteris Testamenti dabantur primitiæ, Levitis decimæ, pontifici autem decimæ decimarum a Levitis.

Matth. x. 8.

Quocirca quæri potest, an et summo Pontifici nostro, modo solvendæ sint decimæ decimarum. Circa quod loco præallegato aliqui dicunt, sicut et Thomas : Quia Levitæ sub sacerdotibus erant, mandavit Dominus, ut Levitæ loco primitiarum solverent summo sacerdoti decimam de decimis suis. Unde nunc eadem ratione tenentur

A clerici summo Pontifici decimam dare, si exigat : quoniam naturalis ratio dicat, ut ei qui habet de communi multitudinis statu curam, provideatur, unde exsequi possit ea quæ pertinent ad communem salutem. Verumtamen de hoc scribit Antisiodorensis in tertia parte Summæ suæ : et primo argumentatur, dicendo : Summus Pontifex præsidet toti Christianitati, ergo ei solvendæ sunt decimæ decimarum, sicut in veteri Testamento. Ad hoc dicendum videtur, quod clerici non tenentur domino Papæ dare decimam decimarum, quia et difficultum esset illam colligere. Unde ordinavit Ecclesia, quod dominus Papa habeat suam propriam diocesim, cui præest et providet immediate, et in qua habet decimam decimæ, si vult. Habet quoque multa regalia quæ dederunt ei imperatores, et insuper omnia bona Ecclesiæ sua sunt, et accipit inde quantum vult. Ait etiam doctor iste : Loco primitiarum veteris Testamenti, subintroierunt in Ecclesia oblationes, quæ fiunt quotidie, et præcipue oblationes quæ fiunt in tribus festis, scilicet in Pascha, Pentecoste, et Nativitate. Postremo, responsio Alexandri de Haes super secundum Sententiarum de præfacta questione, magis consonat responsioni beati Thomæ.

## ARTICULUS XXXII

EXPOSITIO LITTERALIS CAPITULI NONIDECIMI : LOCUTUSQUE EST DOMINUS  
AD MOYSEN ET AARON.

DE quodam præcipuo legis ritu et sacrificio ac sacramento nunc agitur. *Locutusque est Dominus ad Moysen et Aaron, dicens : Ista est religio victimæ quam constituit Dominus.* Quod ait, Quam, potest referri tam ad religionem quam ad victimam. Itaque, Ista est religio, hoc est religiosa observantia seu legitimus ritus ac modus victimæ, id est sacrificii pro

peccato populi, et pro purificatione ipsius offerendi. *Præcipe filiis Israël, ut adducant ad te vaccam rufam.* Nam quia pro totius plebis expiatione immolabatur, de communi sumptu exhibebatur, et adducebatur per quosdam deputatos ad hoc ex parte communitatis. Fiebat autem sacrificium istud de vacca, quia secundum Hebræorum doctores, et secundum Patres

catholicos, offerebatur pro peccato adorationis vituli aurei, et in memoriam illius facinoris, prout Alexander super secundum, et Guillelmus libro de Fide et legibus scribunt. Verumtamen animal istud vocatur vacca magis quam vitulus, ad insinuandum fragilitatem et vilitatem populi in scelere illo: et quoniam populus ille ob suam carnalitatem, torporem, lasciviam, assimilatus est vaccae. Unde scriptum est:

*Amos ix, 1.* Audite, vaccae pingues, quæ estis in monte

*Osee ix, 16.* Samariæ. Et apud Osee: Sient vacca lasciviens declinavit Israel. Vituli quoque quos a tempore Jeroboam adoraverunt, interdum vaccae vocantur, juxta illud: Vaccae Bethaven coluerunt.

Itaque, Adducant ad te vaccam rufam, rubei scilicet coloris, quia et vitulus ille aureus erat talis coloris: quatenus vacca illa per suam substantiam et colorem, faceret ipsi Aaron ac populo rememoratiorem peccati commissi in aureo vitulo, et de eodem peccato pudorem eis ineuteret et horrorem. Rufus etiam color in vaccis exstat communior. *Ætatis integræ*, ad designandum quod jam adulti erant, imo et senes, qui vitulum adoraverunt. Dicuntque aliqui, quod debuit esse trima, id est trium annorum, sient et in Genesi legitur Dominus dixisse ad Abraham: Sume vaccam triennem. Tamen (ut fertur) in Hebræo non habetur, *Ætatis integræ*, sed, *Integræ*: ut sit sensus, quod vacca debuit esse rufa per totum. Sicque quod subditur, *in qua nulla sit macula*, posset exponi, quod in ea non debuit esse macula velleris, diversitasve coloris. Melius tamen exponitur, in

*Gen. xv, 9.*

qua nulla sit macula, id est deformitas sen defectuositas reddens animal ineptum ad offerendum. *Nec portaverit jugum*: ad figurandum quod populus idololatrans, fuit prorsus indomitus, jugumque legis abiecit, quemadmodum per Jeremiam Dominus protestatur: A sæculo confregisti jugum meum, rupisti vincula mea: et dixisti, Non serviam.

*Jer. ii, 20.*

Præterea, ut recitat Rabbi Paulus: Pro eo quod nostra translatio habet, Ista est

religio victimæ, in Hebræo habetur, Istud est caerimonium legis. Et dicunt expositores Hebræorum, quod hoc præceptum sic appellatur, quia non habet rationem litteralem claram, sed secretam. Multa enim sunt in isto præcepto ab aliis sacrificiis declinantia, ut patet intuenti. Ideo Rabbi Moyses Gerundensis, hoc loco excusans se a reddenda ratione hujus præcepti, ait: Nos autem qui pro peccatis nostris sumus contaminati in hac captivitate, ignoramus munditiam sanctitatis, donec veniat super nos spiritus de alto, et effundat Deus super nos aquas mundas, et mundemur. Utinam Rabbi iste intellexisset se ipsum. Hæc Rabbi Paulus.

*Tradetisque eam Eleazaro sacerdoti*: cui tradebatur ad offerendum magis quam patri ejus, quia non peccavit in adoratione vituli, quemadmodum Aaron. *Qui eductam extra castra*: non enim offerebatur in tabernaculo vel atrio, quæ erant castra deitatis, nec in castris Levitarum aut populi, sed extra omnia, in horrorem peccati tam gravis, atque ad innuendum, quod tota plebs ab illo peccato summe elongare se debeat: et quoniam extra portam passus est Christus, quod ad mysticam pertinet rationem, prout sequenti dicitur articulo: *immolabit in conspectu omnium*: ut omnes de suis pœniterent peccatis, et quia idololatria illa in vitulo aureo publice facta fuit. Aliqui tamen dicunt, quod Eleazar vaccam maculavit per alium sacerdotem. Unde in Hebræo fertur haberi. *Immolabit eam in conspectu suo*, id est, eam faciet coram se immolari.

*Hebr. xiii, 12.*

*Et tingens digitum in sanguine ejus, adasperget contra fores tabernaculi septem vicibus*. Infra in isto habetur capitulo, quod sacerdos offerens vaccam, completo isto et quibusdam sequentibus, rediit in castra: idcirco adspersionem hanc fecit antequam rediit, ita quod in loco immolationis vaccae stans, faciem suam direxit versus tabernaculi fores. Sicque adpersit versus easdem, quemadmodum tertio Regum, Salomon ait de filiis Israel: Si capti fue-



III Regum,  
18.  
Dan. vi, 10.

rint, adorabunt versus locum quem elegi-  
sti. Daniel quoque recitat se orasse in terra  
aliena contra Jerusalem. Itaque septies ad-  
persit sanguinem vaccae oblatae, ejus  
sanguis saltem pro parte colligebatur in  
vase. Dicuntque aliqui, quod septies ad-  
persit, ad insinuandum quod idololatriae  
crimen quodammodo aequiponderat cun-  
ctis peccatis, quia importat totalem re-  
cessum a Deo. Sed adpersio cum sanguine  
victimae, videtur potius designasse peccati  
expiationem, quam gravitatem. In aliis quo-  
que sacrificiis fiebat frequenter septena  
adpersio sanguinis. Sed et odium Dei, non  
est minus crimen quam idololatria. Verius  
ergo videtur, quod ait Thomas in prima  
secundae, questione 102 : Ut significaretur  
populus per hoc sacrificium emundari ab  
universis peccatis, intingebat sacerdos di-  
gitum suum in sanguinem, septiesque ad-  
persit : nam septenarius universitatem si-  
gnificat.

*Comburetque eam cunctis videntibus, ut*  
ex vaccae combustione advertant, quod ip-  
si peccando meruerunt infernali torqueri  
incendio, imo et occidi in saeculo isto.  
Comburebatur demum in igne, quoniam

Exod. iii, 2.  
Act. vii, 30.  
Exod. xix,  
16, 18 : xx,  
18.

Dominus in igne apparuit Moysi, et in  
igne data est lex, et quoniam idololatria  
est penitus exstirpanda cum speciebus et  
circumstantiis suis. Ad quod denotandum,  
fiebat quod subditur : *tam pelle et carni-  
bus, quam sanguine et fimo flammæ tra-  
ditis*, ita quod nihil remansit de vacca. Pro  
Fimo, Septuaginta transtulerunt, Stereo-  
ra : per quæ interiores immunditiæ de-  
signantur. *Lignum quoque cedrinum et*  
*hyssopum, coccumque bis tinctum sacer-  
dos mittet in flammam, quæ vaccam ro-  
rat.* Circa hoc scribit Thomas : Istud fiebat  
ad significandum quod sicut ligna cedrina  
non de facili putrescunt, et coccus bis  
tinctus non amittit suum colorem, et hys-  
sopus suum servat odorem, etiam quum  
fuerit desiccatus : ita hoc sacrificium fuit  
in conservationem populi, et honestatis  
devotionisque ejus. Vel (ut Josephus ait)  
per ista, designata sunt quatuor elemen-

ta : videlicet elementum ignis per flam-  
mam : terra per cedrum, ob suam terre-  
streitatem : aer per hyssopum, ob suum  
odorem : aqua per coccum, propter tin-  
cturas quæ ex aquis sumuntur : quatenus  
per hæc exprimeretur, quod sacrificium  
hoc offerebatur Creatori quatuor elemen-  
torum. Aliqui vero dicunt, quod cedrus et  
hyssopus ponebantur in igne, ad repri-  
mendum factorem ex vaccae combustione  
surgentem : coccus bis tinctus, ad insi-  
nuandum quod cineres vaccae erant per  
totum annum servandi pro purificatione  
populi. Unde Magister in historiis ait : Ve-  
risimile est, quod cineres vaccae annuatim  
fiebant, sicut modo fit chrisma. Quidam  
tamen Hebræi dicunt eos valuisse et du-  
rasse per plures annos, nec novos factos,  
nisi quum veteres defecerunt. Hæc ibi. Cui  
recitationi concordat quod scribit Rabbi  
Paulus : Cineres vaccae non solum serva-  
bantur per totum annum, sed pluribus  
annis. Tradunt namque Hebræi, quod per  
totam utriusque templi durationem non  
erant combustæ, nisi sex vaccae in sacrifi-  
cium istud : una videlicet tempore Moy-  
sis, ejus cineres duraverunt per totum  
tempus primi templi : secunda tempore  
Esdrae, in principio templi secundi : aliæ  
duæ sub Simone justo summo sacerdote  
diversis temporibus : ceteræ duæ sub Joan-  
ne pontifice, patre Mathathiae, patris Ma-  
chabæorum.

*Et tunc demum lotis vestibus et corpore*  
*suo, ingreditur in castra.* Ex immolatio-  
ne etenim vaccae contraxit immunditiam  
quamdam legalem, propter quam remo-  
vendam lavit corpus suum, videlicet ali-  
quas corporis partes et vestes. *Commacu-  
latusque erit usque ad vesperam* : quia  
etsi lotus modo præfacto poterat propria  
ingredi castra, non tamen tabernaculum  
ante vesperam : et impedimentum illud  
ingrediendi sanctum locum, vocatur com-  
maculatio et irregularitas quedam. *Sed et*  
*ille qui combussit eam, id est, sacerdos*  
qui ad ignem remansit, donec tota vacca  
fuit combusta, *lavabit vestimenta sua et*

*corpus, et immundus erit usque ad vesperam, juxta sensum expositum.*

*Colliget autem vir mundus, puta sacerdos ad hoc deputatus, cineres vaccæ, quibus admixti erant cineres ligni cedrini et hyssopi, ecci quoque his tineti: et effundet eos extra castra in loco purissimo: reponebantur enim cineres illi seorsum extra populi castra in loco et reposito sacro: ut sint multitudini filiorum Israel in custodiam, id est pro communi omnium utilitate custodiantur, et in aquam adpersione, id est ad hoc, quod aliqua pars cinerum horum admisceatur aquæ, quæ sic mixta, aqua adpersione seu lustrationis et expiationis appellatur, qua adspergebantur immundi. Quumque laverit, qui vaccæ portaverit cineres ad locum mundissimum, vestimenta sua et etiam corpus, immundus erit usque ad vesperam.* Immunditia ista non fuit culpa, sed irregularitas quædam, impediens a templi ingressu, sacrificiorumque esu.

Præterea mirum videtur, cur erat immundus qui istud sacrificium obtulit; item qui ad ignem, quousque consumeretur, remansit: is quoque qui cineres congregavit: quum cineres isti fuerint facti ad alios emundandos, et sacrificium istud specialiter religiosum nuncupetur a Domino. Valde etiam videtur mirabile, quod et is qui alium hæc aqua adpersit, et adspargendo mundavit, fiebat immundus, præsertim quum actus prædicti fuerint jussi a Domino et virtuosus in se, utpote actus seu opera latriæ, sique exercentem purificabant, aut puriorem reddebant. Ad hæc Thomas respondet in prima secundæ: Quia hoc sacrificium pro peccato idolatriæ offerebatur, ideo in ejus detestationem tam vaccam comburens, quam ejus cineres colligens, quam aquam, cui cinis vaccæ mixtus fuit, adspargens, representabantur immundi: ut per hoc ostenderetur, quod quidquid quocumque modo ad idolatriam pertinebat, immundum erat. Alii dicunt, quod immunditia duobus modis contrahitur: Primo, ex im-

munditia rei tactæ: sique mortuum tangens, fiebat immundus. Secundo, ex indignitate tangentis, quemadmodum sæcularis peccaret calicem consecratum tangendo. Si que prædicti in vaccæ immolatione, combustionem, et cinerum ejus collectionem, et aquæ illius adpersione, efficiebantur immundi: quoniam sacrificium illud, et cineres ejus, atque adpersio, ad totius populi purificationem ordinabantur. Propter quod tangens aut tractans ea, debuit se reputare illorum contactu indignum, et maculam quandam contrahere, ac ideo indigere purgatione. Attamen macula illa non fuit macula culpæ, sed irregularitatis præfatæ. Potest tamen et alia ratio assignari, quam arbitror veriore, quod scilicet omnes illi fuerunt immundi, ad designandum quod sacramenta et sacrificia illa legalia non habuerunt in se aliquam sanctitatem et sanctificandi virtutem, sed potius fæditatem: tamen ex institutione divina, atque ex offerentium fide, obedientia, devotione, purgabant. Fuit quoque et mystica causa, articulo sequenti tangenda.

*Habebunt hoc filii Israel, et advena qui habitant inter eos, puta proselyti, sanctum jure perpetuo, hoc est, præceptum istud de sacrificio isto, et ceteris ei annexis, observabunt tanquam sacrum divinitus institutum, ac duraturum per omne tempus veteris Testamenti.*

*Qui tetigerit cadaver hominis, et propter hoc septem diebus fuerit immundus, adspersetur hæc aqua die tertio et septimo, et sic mundabitur,* ita quod deinceps poterit ingredi sanctum locum, et de oblatis comedere. *Si die tertio adpersus non fuerit, septimo non poterit emundari* adpersione aquæ istius, propter negligentiam illam priorem: ideo oportet eum de novo computare septem dies, in quibus immundus erit, et in quorum tertio et septimo adspersetur. Istud, sicut et sequentia, præhabitu est in Levitico variis locis, ubi omnium horum rationes litterales ac mysticæ sunt inductæ.

*Omnis qui tetigerit humanam animam* A *desuper, immundum erit* ex morte morientis sen defuncti presentia. Ex quo elicitur, quod si vasa ibi existentia fuerint lecta, ligatave desuper, pro tunc non maculabantur, quoniam intus non fœdabantur, ubi ponebantur necessaria victui. De expositione et rationibus horum dictum est in Levitico. Lev. xi, 32. 34.

*Si quis in agro tetigerit cadaver occisi hominis, aut per se mortui, scilicet ex causa naturali intrinseca, sive as illius vel sepulcrum; immundus erit septem diebus.* Tollerentque homines mundi de cineribus combustionis atque peccati, hoc est aliquid cinerum vaceæ combustæ pro peccatis communitatis, et mittent aquas vias, utpote scaturientes, quæ instar viventium ex se moveri videntur, super eos, id est super cineres illos, in vas in quo cineres primo ponebantur: in quibus quum homo mundus tinerit hyssopum, adsperset omne tentorium et cunctam suppellectilem defuncti in domo, et homines hujusmodi contagione pollutos, id est inquinatos ex tactu seu presentia mortui. Atque hoc modo mundus lustrabit, id est purgabit, immundum, et expiabit tertio et septimo die. Fiebat autem adpersio illa cum hyssopo, quæ est boni odoris, ad inuendum quod homo sic purgabatur a fœditate contracta. Ipse quoque qui adsperset aquas super immundum, lavabit vestimenta sua. Omnis qui tetigerit aquas expiationis per se, non ex hoc, quod super eum adsperguntur, immundus erit usque ad vesperum, eadem ratione, qua tangens et deferens reputabatur immundus. Quidquid tetigerit immundus, immundum faciet: et anima, id est homo, quæ horum quidpiam tetigerit, immunda erit usque ad vesperam. De his, quia præhabita sunt, percurro. Porro ab hac minori immunditia purificabantur per solam vestium lotionem, nec indigebant aqua adspergi, ne procederetur in infinitum. Qui enim aqua adspergebat, immundus fiebat. Sicque si se ipsum adspurgeret, remaneret pollutus: si autem adspurgeretur ab altero, alter ille inquinabatur, et ita nunquam terminaretur purgatio.

*Ista est lex hominis qui moritur in tabernaculo, id est, institutio sequens concernit morientem in domo. Omnes qui ingrediuntur tentorium illius, ipso nondum elato ex domo, sen ante septimum diem post obitum, et universa vasa quæ ibi sunt, polluta erunt septem diebus: nisi fuerint cooperta, ideo subditur: Vas quod non habuerit cooperculum, nec ligaturam*

*desuper, immundum erit* ex morte morientis sen defuncti presentia. Ex quo elicitur, quod si vasa ibi existentia fuerint lecta, ligatave desuper, pro tunc non maculabantur, quoniam intus non fœdabantur, ubi ponebantur necessaria victui. De expositione et rationibus horum dictum est in Levitico.

*Si quis in agro tetigerit cadaver occisi hominis, aut per se mortui, scilicet ex causa naturali intrinseca, sive as illius vel sepulcrum; immundus erit septem diebus.* Tollerentque homines mundi de cineribus combustionis atque peccati, hoc est aliquid cinerum vaceæ combustæ pro peccatis communitatis, et mittent aquas vias, utpote scaturientes, quæ instar viventium ex se moveri videntur, super eos, id est super cineres illos, in vas in quo cineres primo ponebantur: in quibus quum homo mundus tinerit hyssopum, adsperset omne tentorium et cunctam suppellectilem defuncti in domo, et homines hujusmodi contagione pollutos, id est inquinatos ex tactu seu presentia mortui. Atque hoc modo mundus lustrabit, id est purgabit, immundum, et expiabit tertio et septimo die. Fiebat autem adpersio illa cum hyssopo, quæ est boni odoris, ad inuendum quod homo sic purgabatur a fœditate contracta. Ipse quoque qui adsperset aquas super immundum, lavabit vestimenta sua. Omnis qui tetigerit aquas expiationis per se, non ex hoc, quod super eum adsperguntur, immundus erit usque ad vesperum, eadem ratione, qua tangens et deferens reputabatur immundus. Quidquid tetigerit immundus, immundum faciet: et anima, id est homo, quæ horum quidpiam tetigerit, immunda erit usque ad vesperam. De his, quia præhabita sunt, percurro. Porro ab hac minori immunditia purificabantur per solam vestium lotionem, nec indigebant aqua adspergi, ne procederetur in infinitum. Qui enim aqua adspergebat, immundus fiebat. Sicque si se ipsum adspurgeret, remaneret pollutus: si autem adspurgeretur ab altero, alter ille inquinabatur, et ita nunquam terminaretur purgatio.



## ARTICULUS XXXIII

DE MYSTICA HUIUS CAPITULI NONDECIMI INTERPRETATIONE.

**P**ER vaccam rufam integræ ætatis, et A quæ jugum non traxit, allegorice designatur Christi humanitas, seu persona Christi naturali infirmitate ac passibilitate circumdata, quæ adhuc in Virginis utero manens, vir fuit de quo Jeremias prædixit : Novum faciet Dominus super terram. *Jer. lxxxi, 22.* Mulier circumdabit virum. In quò nulla *I Petr. ii, 22.* est maenla, quia peccatum non fecit neque contraxit. Et rufa effecta est tempore passionis, quia adpersus est Christus sanguine suo : quem angeli sancti interrogaverunt. Quare rubrum est indumentum *Is. lxxiii, 2.* tum ? Unde et Sponsa in Canticis : Dilectus meus candidus et rubicundus. Hæc vacca ducta fuit ad Moysen et Aaron, ad præfigurandum quod principes sacerdotum jusserunt sibi adduci Christum, quem de Mosaica legis violatione multipliciter ac graviter accusarunt. Denique quod vacca illa tradita est Eleazaro ad immolandum, hoc figuravit, quod Christus crucifigendus, est traditus manibus sacerdotum, quibus gloriosissimus Apostolorum signifer constantissime dixit : Justum et sanctum *Act. iii, 14.* negastis, et petistis virum homieidam donari vobis, auctorem vero vitæ interfecistis. *15.* Qui eductam extra castra, immolabit in conspectu omnium. Nam sacerdotes fecerunt Jesum propriam sibi crucem habulantem, extra portas Jerusalem duci ac crucifigi universis cernentibus in ecclebrimo festo, ut per hæc passio ejus ignominiosior esset. *Joann. xix, 17.* Et tingens digitum in sanguine ejus, adpergit contra fores tabernaculi septem vicibus. Clamabant enim : Sanguis ejus super nos et super filios nostros. Christum etenim occidendo, putabant se obsequium præstare Deo. Postea autem multi ex sacerdotibus illis ad Chri-

stum sunt conversi, secundum quod recitat Lucas : Multa, inquit, turba sacerdotum obediebat fidei. Tinxerunt digitum in sanguine ejus, id est, cum omni discretione consideraverunt suæ passionis mysterium, illudque aliis prædicaverunt ad impetrandum credentibus veniam ac salutem, et ad perfidorum condemnationem majorem : septenaeque illa adpersio, omnium vitiorum remissionem, et septem donorum Spiritus Sancti infusionem, præfiguravit.

*Comburentque eam cum cunctis videntibus, tum pelle et carnibus ejus, quam sanguine et fimo flammæ traditis.* Per combustionem et ignem, quæcumque intensa pœna exprimitur. Quoniam ergo tempore passionis, humanitas Christi fuit tota ultra omnem sermonem acerbissimæ et ignominiosissimæ pœnæ exposita, atque in summo dolore passionis et compassionis amarissimæ constituta, recte pellis ejus et ossa, sanguis et limus, igni tradita asseruntur. *Lignum quoque cedrinum et hyssopum, coactumque bis tinctum sacerdos mittet in flammam.*

**C** Per lignum cedrinum intelligitur viror et fructuositas Christi, qui pergens ad passionem, comparavit se ligno virenti : Si in viridi, inquit, ligno hoc faciunt, in arido quid fiet ? Per hyssopum suavitas famæ, bonusque odor ipsius exprimitur, quia multi dixerunt de eo : Nunquam sic apparuit in Israel. Per coeum bis tinctum, *Luc. xlviii, 31.* ignea prædicatio ejus accipitur. Hæc itaque tria impiissimi perfidique Judæi simul cum Christo obruere sunt conati, atque ad horam aliquam exstinxisse videntur. *Math. ix, 33.* Quoniam tempore passionis famam ejus potissimum obscuraverunt, tuncque ceaserunt ejus miracula et doctrina, per quam ante multos convertit. Unde illud Jeremiæ

*Act. vi, 7.**Luc. xlviii, 31.**Math. ix, 33.**Matth. xlviii, 29.*  
*Joann. xvi, 2.*

*Jer. xi, 19.* Christus de eis testatur : Consilium fecerunt inimici mei adversum me, dicentes : Venite, mittamus lignum in panem ejus, et eradamus eum de terra viventium, et nomen ejus non memoretur ultra.

*Tunc lotis vestibus et corpore suo, ingreditur in castra.* Hoc de conversis post Christi passionem et Sancti Spiritus missionem sacerdotibus potest exponi : qui

*Apost. vii, 11.* extunc laverunt stolas suas in sanguine Agni, baptizatique sunt in nomine Christi,

*Luc. xxiii, 48.* imo ut Evangelista testatur : Omnis turba eorum qui aderant expirationi Christi, et viderunt quæ fiebant, percutientes pectora sua, revertebantur. Qui vero manserunt increduli, laverunt se solito modo sacrilege. Per hoc autem quod offerentes comburentesque vaccam, et ejus cinerem congregantes, et aquam cineribus mixtam adspergentes, fuerunt commaculati : præfiguratum est, quod sacerdotes, Scribæ et Pharisei, ceterique Judei, in passione Unigeniti Patris æterni, pro maxima parte sunt exæceati et inquinatissimi constituti, super

*1 Thess. ii, 16.* quos pervenit ira Dei usque in finem, qui

*Ps. lxxviii, 21, 22.* per vesperam designatur : de quibus prædixit Psalmista, Obscurentur oculi eorum ne videant. Item : Effunde super eos iram tuam, et furor iræ tuæ comprehendat eos.

*Colliget autem vir mundus cineres vacca, et effundet eos extra castra in loco purissimo.* Per virum mundum intelligitur ordo prædicatorum, potissimum beatissimorum Apostolorum, qui extra Judæam detulerunt reliquias dominicæ passionis, et qualiter Verbum æternum propter nos sit incarnatum, passum, sepultum : quæ

A naturalibus donis et affluentis Spiritus Sancti, facta est aqua lustrationis, utpote fons Baptismi, quo mortuos per peccata necesse fuit lavari, qui a Christi passione vim suam purgativam sortitus est. Unde Salvator disseruit : Nisi quis renatus fuerit ex aqua et Spiritu Sancto, non potest videre regnum Dei.

*Joann. iii, 5.*

Præterea de spiritali significatione immundorum ex contactu aut præsentia mortui, de immunditia quoque vasorum, super Leviticum dictum est copiose, Iusuper aqua adspersionis non solum designat Baptismum, sed et irriguum lacrimarum, quo frequenter mundari oportet : quod per adspersionem tertii septimique diei notatur. Moritur autem in tabernaculo, qui in fide Ecclesiæ et statu salutis decedit : qui vero in infidelitate aut alia mortali moritur culpa, expirat in campo, in lata videlicet via perditionis. Est autem notabile, quod vas non opertum, fertur immundum : opertum vero seu ligatum desuper, mundum : quoniam eo quod non ponit enstodiam ori suo, nec ostium circumstantiæ labiis suis, omni lædatur ac repletur spureitia. Qui autem enstodit os suum, et moderatur labia sua, verbaque sua ponderat discretionis statera, liberat ab angustiis animam suam, vitatque peccata innumera, et evadit supplicia sempiterna. Postremo, sicut adspergens aquas, et colligens cineres, reddebatur immundus, ita multoties accedit, quod aliorum gubernationi, purgationi et instructioni vacantes, atque sacramenta ecclesiastica conficientes ac ministrantes, incurrant quosdam defectus ex fragilitate humana, aut ex negligentia, acceptione personarum : imo in regimine multi periclitantur ac pereunt, qui in statu subjectionis obtinerent salutem.

*Ps. cxi, 3.*

*Prov. xiii, 3 ; x, 19.*

## ARTICULUS XXXIV

ELUCIDATIO LITTERALIS CAPITULI VICESIMI : VENERUNTQUE FILII ISRAEL ET OMNIS MULTITUDO.

**T**ERTIODECIMO libri hujus capitulo A scriptum est, qualiter missi sint exploratores ad considerandum terram promissionis, et quid responderint reversi. Porro quartodecimo capitulo est narratum, qualiter filii Israel ex responsione exploratorum murmurarint, et qualiter ob hoc sint puniti ac jussi redire in eremum ad loca ante perambulata. Quid vero ab illo die sit factum in populo usque ad annum quadragesimum exitus de Ægypto, ceptum est recitari a capitulo illo præallegato, et enarratum est inde usque ad capitulum B istud vicesimum : imo perpauca sunt inde conscripta. Nunc itaque quid quadragesimo illo contigerit anno, describitur, et quid deinceps.

*Veneruntque filii Israel et omnis multitudo congregationis eorum ac pecorum.*

*Exod. xxi, in desertum Sin.* In Exodo legitur, Profeti sunt de Elim, et venit omnis multitudo filiorum Israel in desertum Sin, quod est inter Elim et Sinai, quintodecimo die mensis secundi, et post hoc venerunt in montem Sinai : ideo locus ille et iste, diversi sunt, et diversimode scribuntur, secundum Hieronymum.

In eodem autem totali deserto fuerunt variae solitudines partiales, nomina diversa habentes. Ad hunc itaque locum venerunt mense primo quadragesimi anni exitus de Ægypto. Et mansit populus in Cades, id est in loco deserti sic nunenpato, a quo secundum quosdam missi fuerunt exploratores, vel in quo redierunt ad populum. Unde supra dictum est : Reversi-que exploratores, venerunt ad Moysen et Aaron in desertum Pharan, quod est in Cades. Scriptum est quoque in Deuteronomio : Quumque venissemus in Cadesbarne, dixistis : Mittamus viros qui considerent

terram. Hinc in Scholastica fertur historia : Fuerunt filii Israel longo tempore in solitudine. Multo sederunt tempore in Cadesbarne, et diu circumierunt montem Seir, et redierunt fere usque ad mare Rubrum, et circa fines Sinai, et prostrata sunt eorum eadavera in deserto. Tandem post multos labores et annos, tricesimo octavo anno redierunt ad Cades, unde miserant exploratores, vel ubi redierunt ad eos. *Mortuaque est ibi Maria, et sepulta est in eodem loco.* Prophetissa soror Moysis et Aaron, secundum Josephum, mortua est quum complisset annum quadragesimum ex quo reliquit Ægyptum, et sepelierunt eam in monte qui dicitur Sin, valde solenniter, fleveruntque eam (secundum Magistrum in historiis) triginta diebus. Erat autem notabiliter senior Moyses, quoniam eo in flumine exposito et inde sublato, quum trium mensium esset, ipsa fuit adulta puella, ita quod eum filia Pharaonis tractavit de educatione infantis.

*Exod. ii, 7, 8.*

*Quumque indigeret aqua populus, convenerunt adversus Moysen et Aaron.* Non ait, Convenerunt ad Moysen et Aaron : sed, Adversus : quia venerunt male confederati, non ad rogandum humiliter, sed et ad contendendum contra suos superiores contumaciter. Ideo subditur : *et versi in seditionem, dixerunt : Utinam perissemus inter fratres nostros coram Domino,* id est, utinam corporaliter mortui fuissetis inter cognatos nostros, qui jam ante in deserto defuncti sunt celeri morte : quasi dicant : Mors illa tolerabilior exstitisset afflictione ista diuturna gravissima. Non est autem putandum, quod optaverint ater- naliter periisse per condemnationem finalem, ut quidam exponunt. *Cur eduxistis*

*Num. xiii, 26, 27.*

*Deut. i, 19, 22.*



*ecclesiam Domini*, id est populum istum A fidelem : sicque ecclesia hic sumitur pro synagoga, a qua tamen solet distinguī; *in solitudine*, ut et nos et jumenta nostra moriamur? Carnales isti communeraverunt se suis jumentis, quibus et per passionibus suas tam irrefrenatas, similes, imo et incomparabiliter peiores fuerunt; atque in tali articulo de jumentorum suorum doluerunt periculo, quando de animarum suarum salvatione tantum sollicitari debuerant, quanquam etiam pium sit jumentis aliquando condolere. *Quare ascendere nos fecistis de Aegypto?* Ecce quam execrata perversitas, quasi non Deus eos de Aegypto eduxerit. *Et adducistis in locum istum pessimum?* tanquam dicant, *Quare non duxistis nos per viam rectam, et habitabilia loca?* Cujus tamen ratio scripta est in Exodo.

Exod. xiii,  
17.

*Ingressique Moyses et Aaron* : qui in hoc casu, sicut et ante frequenter, habuerunt se multum patienter ad plebem ita perversam, reddideruntque ei bona promalis : *dimissa multitudine, in tabernaculum federis*, ut in loco sancto citius exaudirentur. Unde constat, quod consecratio et sanctitas loci ad exauditionem orationis conferunt, imo omnia opera bona reddunt acceptabiliora. Quemadmodum enim gravius est in eis peccare, ita et melius est ibi bene agere. Oraverunt quoque dimissa multitudine, quoniam quies solitudoque loci cooperantur ad orandum devotius. *Corruerunt prout in terram*. Ex quo elicitur, quod et situs corporis et humiliatio ejus excitant et prosunt ad deprecandum perfectius, et praesertim in terram prostratio, in qua est extrema corporis humiliatio. *Clamaveruntque ad Dominum*, non tam alta voce, quam ferventi affectione, atque dixerunt : *Domine Deus, audi clamorem populi hujus*. Populus ille non legitur clamasse ad Dominum orando pro aqua. Ideo sensus est : Audi clamorem populi hujus, id est orationem quam fundimus pro populo isto. Vel, Clamorem populi hujus audi : quia etsi non petierunt

formaliter aquam, tamen in suis clamorosis seditiosisque verbis satis pandebant se aliqua appetere, et appetitio illa rationalis fuit in se, quamvis irrationaliter proponebatur a populo. Sicque Moyses et Aaron oraverunt, ut non obstante plebis perversitate Deus succurreret. *Et aperi eis thesaurum tuum*, id est opulentiam tuarum potentiarum, scilicet abundantiam aquae. Unde subjungitur : *fontem aquae vive*, quae instar viventium fluat et currat : *ut satiati, cesset murmuratio eorum*, quatenus eis sufficienter repletis poculo aquae, desistant peccare, ut nec te offendant, nec nobis molesti sint.

*Et apparuit gloria Domini super eos*, id est, Deus per nubem gloriose descendit ad Moysen, ceteris nubem cernentibus; vel, Apparuit gloria Domini, id est praeclarus Dei effectus, qui per angelum loquebatur ad Moysen. *Locutusque est Dominus ad Moysen, dicens : Tolle virgam, tu et Aaron, et loquimini ad petram coram eis*. De qua virga istud sit dictum, posset esse ambiguum, nisi paulo post subderetur, Tulit igitur Moyses virgam quae erat in conspectu Domini : quod intelligendum videtur de virga Aaron, quae fronderat, et post suam miraculosam floritionem, Deo jubente, posita fuit intra Sancta sanctorum in arca, ut supra scriptum est. Sed quia de virga Moysis, per quam fecit in Aegypto prodigia, etiam aliquando leguntur haec, puta quod erat in conspectu Domini, vel quod erat virga Dei, quia et ipsa fuit Deo specialiter sanctificata, per quam fiebant ad Dei honorem tot et tanta miracula : posset quis opinari, quod istud sit intelligendum de Moysis virga : sed quia in Exodo virga Moysis frequenter vocatur ipsius Aaron virga, posset rursus quis suspicari, quod illa et ista fuerunt una virga. Praeterea quaeritur, cur Dominus jussit Moysi loqui ad petram, quum illa nec audire nec intelligere quivit. Respondetur, quod sicut nos in laudibus Dei frequenter irrationalia et inanimata alloquimur, non ut ipsa audiant sive intelligant, sed ut ex alloquio

Num. vii,  
10.

Exod. vii,  
viii.

ne illorum nos ipsi aut alii excitemur et accendamus ad contemplationem, amorem, admirationem ac laudem Creatoris ex ejus effectibus : sic in proposito dici potest. Rursus, quod Dominus ait. Loquimini ad petram, potest exponi. Loquimini de petra. Nam et infra Moyses non dirigit verbum ad petram, sed de ea ait ad populum : Num de petra hac, etc. ? *Et illa dabit aquam*, id est, ex ea manabunt aquae, sive per creationem aquae in ea, sive per miraculosam conversionem materiae alienius in aquam.

*Tulit igitur Moyses*, id est, accepit et secum portavit, *virgam quae erat in conspectu Domini*. Nunc omnia sunt in conspectu Domini ? Cur ergo hoc specialiter dicitur de hac virga ? Et respondendum, quod vel ideo, quoniam erat in tabernaculo, in quo Deus specialiter habitavit, et ibi contenta intuebatur, tanquam praecipue ad se pertinentia : vel, quoniam virga illa fuit Deo sanctificata, et instrumentum omnipotentiae suae, sic quod eam speciali modo respexit. *Congregata omni multitudine ante petram* : non quod omnes poterant in angusto loco coram lapide illo consistere, sed quod principales de populo stabant ibidem, et ceteri accesserunt secundum quod poterant et congruebat. Ideo quoque jussit Dominus populum ibi adstare, ut ex intuitu tanti miraculi roborarentur in fide, et Deum plus solito formidarent, et de sua perversitate confunderentur ac poeniterent, et Domino essent grati. *Dixitque eis : Audite, rebelles et increduli*. Saepe enim fuerunt Deo et Moysi inobedientes, atque infirmi et defectuosi in fide, a qua et multi eorum interdum totaliter corruerunt. Non tamen absolute de omnibus dixit hoc Moyses, nam multi boni inter ipsos fuerunt, sed seditiosis et murmuratoribus istud loentus est. Et queri potest, an isti fuerunt de his qui ante fuerant murmurati : potestque esse quod quidam illorum adhuc residui fuerunt in ista seditione praecipui.

*Num de petra hac aquam vobis poteri-*

*mus ejicere ?* Haec verba secundum se sumpta, possent vere multipliciterque exponi, ita quod viderentur irreprehensibiliter, imò et laudabiliter prolata a Moyse, nisi infra Dominus evidenter protestaretur, Moysen et Aaron non credidisse sibi hoc loco. Nempe haec verba possent primo ita exponi : Num de petra hac, etc., id est, Propria et naturali virtute non valemus vobis de saxo isto educere aquam. Secundo sic, et quasi interrogative, Valemusne istud peragere ? Sicque adhuc dupliciter possent intelligi : Primo affirmative, quasi dicat, Utique per omnipotentiam Dei possumus istud. Sed huic expositioni videtur obsistere quod Dominus ait : Quia non credidistis mihi. Secundo negative, quasi dicat, Non possumus. Sed mirum si Moyses et Aaron reputaverint istud impossibile Deo, in cujus virtute semel fecerunt simile huic ad petram Horeb, ut in Exodo legi-  
tur, et quandoque majora. Hinc aliqui dicunt, quod Moyses istud dixit dubitative, Dicuntque aliqui, quod ipse et Aaron non dubitaverunt quin Deus id posset, sed de effectu, ne forsitan impediretur propter vitia populi.

Unde Lyra hic scribit : Verba Moysis poterant dupliciter intelligi, affirmative et negative : et sic protulit ea, ut dicunt expositores catholici communiter, quia licet non dubitaret de potentia Dei quin posset illud, dubitavit tamen de effectu, ne impediretur propter malitiam populi. Ideo dubitando de effectu, dicit sic, Num de petra, etc., ut si effectus fuisset secutus, intelligeretur hoc modo, Non obstante incredulitate vestra, poterimus aquam ejicere de petra virtute divina : si autem non sequeretur effectus, sic intelligeretur, Num de petra, etc., quasi diceret, Non poterimus propter malitiam vestram. Haec Lyra. Cujus verbis duo objici possunt : Primum est, quod non videtur fuisse illicet Moysi dubitare de isto effectu, an scilicet propter peccata populi impediretur : nec hoc fuisset incredulitatis, quia divina promissa frequenter intelligenda sunt ita, quod im-

Exod. xvii.  
b.

plebuntur nisi per hominum iniquitatem A  
obex ponatur. Secundum est, quod aliqui  
magi et sancti doctores catholici dicunt,  
Moysen de Dei virtute seu potentia dubitas-  
se hac vice. Imo Glossa ex verbis B. Isido-  
ri ait: Ille Moyses Dominum offendit, et  
prohibetur Jordanem transire: turbatus  
enim murmure populi, dubitanter virga  
petram percussit, quasi non posset Deus  
aquam de petra educere, quod fecerat ante.  
Ille Moyses Judaicum populum sub lege po-  
situm significat. Nam sicut Moyses virga  
petram percussit, de Dei virtute dubita- B  
vit: sic populus ille sub lege data per  
Moysen positus, Christum ligno crucis af-  
fixit, nec eum esse Dei virtutem credebat.  
Hæc Isidorus.

Num. vi, 21.

Insuper super illud, Ait Moyses, Sex-  
centa millia peditum populi hujus sunt, et  
tu dicis, Dabo eis esum carniū mense  
intero? loquitur Augustinus: Queritur,  
utrum Moyses dixerit hoc diffidendo, an  
quarendo. Sed si putaverimus eum hoc  
diffidendo dixisse, cur ei hoc non expro-  
bravit Dominus, sicut ad petram unde pro- C  
fluxit aqua? Videtur de potestate Domini  
dubitasse. Deus autem non de verbis tan-  
tum, sed de cordibus judicat: alioqui pos-  
set Moyses excusari de verbis prolatis ad  
petram, nisi contra eum esset clara sen-  
tentia Dei, quod diffidendo talia dixerit,  
Numquid de petra ista, etc. Deinde sequi-  
tur, Et elevata Moyses manu sua, percussit  
virga bis silicem. Ad hoc virgam illam, in  
qua tanta miracula fecerat, sumpsit, eaque  
petram percussit, atque inde solite virtu-  
tis est consecutus effectus. Verba igitur D  
quibus ait, Numquid de petra hæc, etc.,  
possent sic accipi, tanquam diceretur:  
Nempe ex hac petra, secundum vestram  
incredulitatem, aqua educi non potest; ut  
autem percussit ostenderetur, divinitus  
fieri potuisse quod illi in infidelitate sua  
non eredeabant, maxime quoniam dixit, Au-  
dite me, increduli. Num de petra hæc, etc.  
Sed Deus qui inspector est cordis, indica-  
vit quo animo Moyses ita locutus est: Ait  
enim, Quoniam non credidistis sanctificare

A me, etc. Ac per hoc intelligitur Moysen ita  
dixisse, tanquam ad incertum percusse-  
rit, ut si non sequeretur effectus, hoc præ-  
dixisse putaretur, quum ait: Numquid ex  
petra hæc aquam, etc., quod in ejus animo  
omnino lateret, nisi Dei sententia prodi-  
disset.

Eecce in his Augustini et Isidori verbis  
habetur, quod Moyses de Dei virtute et  
potestate dubitavit seu diffidebat. Ex me-  
moratis quoque Augustini verbis probatur,  
quod Moyses percussit petram cum virga,  
per quam et alia fecit miracula. Sed si ita  
dicamus, remanet questio, quomodo Moy-  
ses omnipotentiam Dei toties expertus et  
certissime contemplatus, poterat de ea dif-  
fidere sive ambigere. Ad quod ex verbis  
Isidori habetur responsio, quia ex populi  
perversitate et murmure fuit turbatus, sic-  
que ex turbatione passionis hujus obscu-  
ratum fuit in eo rationis judicium. Vermu-  
tamen non arbitror Moysen tantum fuisse  
turbatum, ut dubitaverit an virtus Dei om-  
nipotentis posset de saxo ejicere aquam:  
dubitavit tamen an aqua ejiceretur de C  
petra: et fuit incredulus Deo, non quia  
dubitavit an Deus hoc posset, sed quia ex  
mentis turbatione, Deo sic permittente, non  
consideravit actualiter omnipotentiam Dei,  
nec ad eam respexit, sed ad difficultatem  
effectus in se, et per respectum ad causas  
naturales: et ita non credidit Deo, priva-  
tive magis quam contrarie, utpote quia  
omisit actum fidei, ad quem pro tunc te-  
nebatur juxta exigentiam causæ ac tem-  
poris; non tamen commisit infidelitatis  
D actum aetui præfato contrarium.

*Quinque elevasset Moyses manum, per-*  
*cussit virga bis silicem.* Communiter di-  
citur, quod bis percussit, quia in primo ietu  
petra non est seissa, nec vomuit aquam,  
propter Moysis incredulitatem seu dubita-  
tionem. In secundo autem ietu divisa est  
petra, et aquam diffudit, non quod Moyses  
tunc credebat, sed ex pietate divina, qua  
Deus suum promissum implevit. Potest  
etiam dici, quod Deo sic dispensante bis  
percussit, propter mysterium: quia ut as-



serit Augustinus, Quod virga petra percussitur, crux Christi figuratur. Ligno namque accedente ad petram, gratia emanavit : et quod his percussitur, evidentius significat cruceem : duo etenim ligna sunt crux. *Egressæ sunt aquæ largissimæ* : in quo ostensa est omnipotens virtus Dei magnifice, qui si produxisset aquam illam de terra, suspicari quis potuisset, quod ex ventriculis terræ manasset. Ideo istud omnipotentiam Dei gloriosius demonstravit. *Ita ut populus biberet et jumenta* : quod valde erat mirabile, tantam videlicet profluere aquam repente de saxo durissimo, quod tot millia hominum ac pecorum inde biberint.

*Dixitque Dominus ad Moysen et Aaron* : Quia non credidistis mihi dicenti, quod aqua manaret de petra, juxta sensum præhabitu, *ut sanctificaretis me coram filiis Israel*, id est, ut in omnium præsentia honoraretis me, ostendendo me esse verum et sanctum in promittendo ac implendo promissa. Hoc enim non fecerunt, quoniam Moyses in persona sui ac Aaron dubitando jam dixerat, Numquid de petra, etc. *Non introducetis hos populos*, id est tribus Israel, quæ erant unus populus totalis, et plures populi particulares : ideo ait pluraliter, Hos populos, quoniam per dissensiones et seditiones erant divisi : *ad terram quam dabo eis* : et ita Deus punivit elementer in vita hæc peccata horum tam electorum virorum. *Hæc est aqua Contradictionis*. Circa hoc Magister in historiis ait, Quia etiam electi ita desperaverunt ibi de promissis et potentia Dei, quasi contradicentes promittenti : quæ verba interpretari possunt, et suo modo salvari juxta prædicta. Vel dicitur aqua Contradictionis, propter dissidium et contrarietatem, quæ ibi inter Moysen populumque fuerunt. *Ubi jurgati sunt filii Israel contra Dominum*. Jurgando etenim contra Moysen et Aaron vicarios Dei, contra Deum jurgati sunt, præsertim quia beneficia Dei præterita parvipenderunt, et ea quæ Moysi per modum culpæ imposuerunt, fecerat Moyses ex Dei præcepto. *Et sanctificatus*

*est in eis*, id est, sanctitatem et bonitatem suam ostendit Deus in filiis Israel per miracula et beneficia ipsis, quamvis indignis, exhibita.

Circa illud, Non introducetis hos populos, scribit quidam : Licet Moyses et Aaron multum desiderarent ingredi terram promissionis, quia tamen sciverunt quod verbum Dei erat definitum, id est definitive et assertive prolatum, non oraverunt pro retractatione ipsius. Sed objici potest quod in Deuteronomio Moyses loquitur : Deprecatus sum Dominum, dicens : Domine Deus, tu cepisti ostendere servo tuo magnitudinem tuam. Transibo ergo et videbo terram hanc optimam trans Jordanem. In quibus verbis Moyses manifeste oravit pro retractatione hujus sententiæ : quod non fecisset, si scivisset eam definitive prolatam.

Rursus, circa hunc passum recitat Lyra : Hebræi dicunt, quod Moyses et Aaron peccaverunt, quoniam non fecerunt sicut præceperat Dominus, dicens : Loquimini ad petram, et illa dabit aquas, ut patet ex textu, ita quod solo verbo absque percussione petra dedisset aquas : quod fuisset novum divinæ potentiæ signum, ante non factum. Ideo Dominus dixit : Quia non credidistis mihi, etc., quasi diceret : Si coram filiis Israel dixissetis, En lapis iste qui non videt nec audit, obedit verbo Dei, aquam sine percussione fundendo, multo plus vos rationales creature obedire debetis, etc. Istud non videtur in toto idonee dictum. Dominus enim non solum dixit ad Moysen, Loquimini ad petram, etc., sed præmisit, Tolle virgam : per quod satis innuitur, Dominum intendisse ut Moyses virga pegeret petram. Nec propter omissionem facti illius fuissent inereduli, nec audissent a Domino. Quia non credidistis mihi. Denique Rabbi Paulus affirmat, opinionem illam, quam Lyra dicit esse Hebræorum, esse solius Rabbi Salomonis : et addit, quod alii Hebræorum doctores de hac materia varie sentiunt, quoniam Rabbi Moyses Egyptius dicit peccatum Moysis

Deut. iii,  
23-25.

fuisse in hoc, quod dixit, Audite, rebelles et increduli. In quibus verbis ostendit se habere magnam contra populum iram, quod fuit dupliciter malum : Primo, quia in tanto viro a quo ceteri debebant formam vite addiscere, ira, praesertim in publico, valde vituperabilis fuit. Secundo, quia per verba illa, Moyses dedit populo occasionem credendi quod Deus eis hoc loco irasceretur : quod tamen non fuit, quia petebant rem necessariam eis, videlicet aquam.

Circa haec verba Rabbi Pauli miror, et vix credere valeo quod Rabbi Moyses ille Aegyptius, quem notamus quum absolute Rabbi Moysen allegamus, dicat populum non peccasse hoc loco, quum in textu apertissime asseratur. Versi in seditionem fuerunt, et valde passionato locuti sunt, et contra Dominum sunt iurgati. Fuit quippe Rabbi Moyses ille vir profundissimi sensus, magnus theologus et praeclarus philosophus, quem quidam dicunt tandem factum fuisse neophytum, quoniam super librum Iudicum scribit, quod Jesus Nazarenus videtur fuisse Messias in lege promissus, et propter ipsum meruit Israel ut eaderet gladio Romanorum. Denique Moyses sanctus, qui erat Iudaeorum praelatus, poterat eos ex ira per zelum acriter inerepare, potissimum quia id mernerunt. Sed tunc oritur quaestio, quia si filii Israel peccaverunt hoc loco tam graviter, cur non fuerunt puniti sicut Moyses et Aaron? Respondetur, quod Dominus eorum misertus est, quoniam magnum habuerunt incitamentum ad istum excessum, videlicet indigentiam necessarii potus, nec petierunt vinum aut siceram, sed simplicissimum aquae potum.

Misit interea Moyses nuntios de Cades ad regem Edom, id est Idumaeorum, qui erant de semine Esau fratris Jacob, qui dicerent : *Hec mandat frater tuus Israel.* Loquebantur hi nuntii ex Moysis informatione de toto Israelitico populo, quasi de homine uno, et nomine Fratris optavit regem illum inclinare ad caritativum con-

sensum. *Nosti annem laborem qui apprehendit nos, quomodo patres nostri descenderint in Aegyptum, et habitaverimus ibi multo tempore, afflicerintque nos Aegyptii, et quomodo clamaverimus ad Dominum, et exaudierit nos, miserique angelum qui eduxit nos de Aegypto.* Quomodo poterat rex ille idololatra noscere omnia ista? nisi forte dicatur, quod perceperit ista in generali ex publica fama, orta ex mirabilibus quae Deus in Aegyptiis fecerat, et quia per quadraginta annos filii Israel in solitudine permanserunt, sequentes nubis ducatum, et panem de caelo edebant : cui solitudini Idumaea fuit propinqua. Unde in Exodo Dominus ait Pharaoni : In hoc excitavi te, ut ostendam in te fortitudinem meam, et annuntietur nomen meum in universa terra. Supra quoque Moyses ait ad Dominum : *Ut audiant habitatores terrae hujus, videlicet Chanaanai, qui audierunt quod tu, Domine, in populo isto sis, et facie videaris ad faciem, et nubes tua protegat eos, etc.* Et ecce in urbe Cades, quae est in extremis finibus tuis, id est prope urbem in confinio deserti illius et Idumaeae locatam, positi, obsecramus ut nobis transire liceat per terram tuam. Non ibimus per agros nec per vineas, nec bibemus aquas de puteis tuis gratis, ut infra in textu innuitur. In illis etenim locis et terris aqua est pretiosa, et multoties pauca.

Cui respondit Edom : *Non transibitis per me, etc.* Statimque egressus est obrivus ad resistendum filiis Israel, cum infinita multitudine, id est cum exercitu plurimum copioso : sieque quod ait, Cum infinita multitudine, est hyperbolicus sermo, quo aliquid dicitur per excessum, ad insinuandum magnitudinem rei. Queritur, si rex Edom scivit omnia jam praetacta, videlicet qualiter Deus per angelum eduxit et duxit filios Israel, quomodo ausus fuit eis ad resistendum occurrere. Ad quod dici potest, quod excæcavit eum malitia sua, sicut jam ante Aegyptios et postea Chanaanæos, qui et visa statione solis in caelo per integrum diem, exierunt contra filios

Exod. ix,  
16.

Num. xiv,  
13, 14.

*Josue* XI, 5. Israel ad pugnandum, ut in Josue libro legitur.

*Deut.* II, 5. *Quamobrem divertit ab eo Israel.* Contra hoc objici potest, quod in Deuteronomio legitur Dominus ad filios Israel protulisse: Transibitis per terram fratrum vestrorum filiorum Esau, et timebunt vos. Et rursus legitur Moyses dixisse per nuntios regi Sehon: Transitum nobis concedas, sicut fecerunt filii Esau. Ad hæc respondendum videtur, quod referenda sunt ista ad diversa loca et tempora. Potuit enim esse quod rex Edom primo negavit iter præfatum, præsertim per medium territorii sui; postea autem illud concessit, saltem circa extrema ejusdem. Et ad intuitum Hebræorum potuit Deus timorem Idumæis inculcare, ne scilicet a Deo filiorum Israel tale quid paterentur, qualia sustinuerunt Egyptii. Sed denuo oritur quæstio: Cur petierunt transitum per Idumæam, quum tenerentur sequi nubis ducatum, quæ si per Idumæam duxisset Hebræos, non potuissent Idumæi hoc impedire? Forsitan dici potest, quod Moyses opinabatur nubem præcessuram filios Israel per terram Edom: non tamen voluit Moyses per terram illam transire sine regis consensu propter bella vitanda, quoniam Dominus jussit ut filii Israel contra Idumæos non præliarentur.

*Quumque castra movissent de Cades, venerunt in montem Hor,* id est ad loca monti illi vicina. Porro secundum Magistrum in historiis, et ex Hieronymo et Josepho sumptum videtur: Egrediens Israel de Cades, circumivit Idumæam, incedens per desertum Arabiæ, et prætergrediens Arabim metropolim Arabum, quæ nunc Petra vocatur, venit ad montem Hor. *Ubi locutus est Dominus ad Moysen: Pergat, inquit, Aaron ad populos suos,* id est ad limbum ubi Sancti erant, qui a principio mundi recesserunt de sæculo isto, et vel in vita hæc aut postea erant purgati, ad quorum sortem pertinuit Aaron. Atque in verbis his insinuat immortalitas animæ, et retributio sequens. *Tolle,* id est, tecum assume, *Aaron et filium ejus Eleazarum*

*A cum eo, et duces eos in montem Hor. Quumque nudaveris patrem veste sua,* id est sacerdotali ornatu: et forsitan per vestem intelliguntur pluraliter vestes sacerdotales, quibus Aaron erat indutus, præsertim quæ pontifici propriæ erant: *indues ea Eleazarum filium ejus; et Aaron morietur, et ibi colligetur:* ad insinuandum quod patri suo in pontificatu succederet. *Fecit Moyses ut præceperat Dominus. Et ascenderunt in montem Hor coram omni multitudine.* Credendum est quod Moyses B revelavit Aaron fratri suo, quod voluntas Dei esset ut moreretur in montis illius cacumine, et filius ejus suis vestibus indueretur. Et tunc Aaron acquievit devote. *Illo mortuo in montis supercilio, Moyses descendit cum Eleazaro.*

Quæritur, quis sepelivit Aaron præsullem. Quocirca recitat Lyra, quemadmodum Rabbi Salomon dicat, quod quum ascendissent Moyses et Aaron atque Eleazar in montem, viderunt ibi speluncam et lectum in ea, lampademque ardentem ante lectum: et Aaron exutus, posuit se in lecto illo: extentisque manibus ac pedibus, elansit oculos et os, et Deus accepit spiritum ejus in pace. Quod videns Moyses, optavit similem mortem: quod concessum est ei, prout in Deuteronomio Dominus ait ad eum: Jungeris populis tuis, sicut mortuus est Aaron frater tuus. Et sepelivit Moyses Aaron. Quid veritatis istud contineat, Deo committitur. Augustinus vero dicit, quod Eleazarus sepelivit Aaron patrem suum, ut pontifex novus præberet officium sepulture defuncto. Sed quæritur, quomodo istud licuerit, quum Dominus in Levitico jussisset, pontificem non interesse morti aut sepulture cujusquam, imo nec proprii patris. Respondetur, quod Dominus in lege sua potuit dispensare.

Dubitatur quoque, quomodo Aaron hie dicatur mortuus, et sepultus in monte Hor, quum scriptum sit in Deuteronomio: Filii Israel castra moverunt ex Beroth filiorum Jacan in Mosera, ubi Aaron mortuus ac sepultus est. Ad istud respondet Glossa in

*Deut.*  
XXXII, 50.

*Lev.* XXI, 11.

*Deut.* X, 6.



præallegato Deuteronomii loco : Forsitan locus est binominus. Beroth enim filiorum Jacan est in deserto. Sicut Mosera ubi obiit Aaron, sicut in libris Locorum legitur, et ostenditur usque hodie in decimo lapide urbis Petrae in montis vertice. Lyra vero respondet : Dicunt aliqui quod Mosera et Hor unus mons est diversimode nominatus. Rabbi Salomon dicit contrarium, probans per hoc quod infra habetur capitulo tricesimo tertio, quod inter Moseroth, qui est idem locus qui Mosera, et inter montem Hor, sunt sex mansiones. Ideo dicit, quod Aaron in veritate mortuus est atque sepultus in Mosera : sed ideo dicitur sepultus in monte Hor, quoniam filii Israel ibi postea venientes, ad montem Hor, fleverunt eum ibidem, ac si funus praesens fuisset. Sed istud est manifeste contra scripturam hanc, in qua apertissime legitur, quod Moyses et Aaron et Eleazar pariter ascenderunt in montem Hor, et quod turba videns occubuisse Aaron in supercilio montis, flevit eum, etc., et quod in monte Hor Moyses induit Eleazarum veste Aaron. Præterea (sicut jam patuit) Lyra refert, qualiter Rabbi Salomon narrat, quod Moyses et Aaron viderunt in monte Hor speluncam et lectum in ea, in quo se posuit Aaron, et obiit. Iterum circa illud, Et ascenderunt in montem, scribit Lyra, quod multitudo non ascendit, sed tantum Moyses, Aaron et Eleazar, tamen omnis multitudo vidit quando ascenderunt. Sicque Rabbi Salomon est sibi ipsi contrarius. In Scholastica quoque fertur historia, quod usque hodie monstratur locus sepulturae Aaron in vertice montis. Idcirco dicit, quod Moseroth et Mosera non sint idem locus. Denique, sicut diversa loca habent frequenter idem nomen, sic et idem locus diversa nomina saepe sortitur. Filii quoque Israel, eundo et redeundo ac circumgyrando, venerunt saepe ad locum eundem. Amplius, ubi mansio Moseroth infra primo exprimitur, et postea mansio montis Hor, non dicitur quod Aaron mor-

tuus sit et sepultus in Moseroth, sed quod ascendit in montem Hor : ideo dictum illud Rabbi Salomonis, est penitus falsum, et contra Scripturam.

*Omnis autem multitudo videns occubuisse Aaron, quia non vidit eum reverti, sed filium ejus in vestitu illius, flevit super eum triginta diebus per cunctas familias, ex dilectione et compassione, imo et quia privati erant tam fideli et sancto pontifice, a quo multa beneficia erant sortiti, et propter honorem summi sacerdotii sui.*

Mystice, sicut defuncta Maria femina sancta, populus indiguit aqua, et incidit magna peccata: sic frequenter contingit, quod mortuis sanctis personis, quarum meritis Deus benefecit viventibus aliis, beneficia talia subtrahantur eisdem, incidantque mala poenae et culpae. Insuper, exemplo Moysis et Aaron instruuntur praetati, cum omni caritate et patientia sufferre subditorum defectus, et subvenire eis quamquam ingratis. Docemur quoque exemplo Moysis, ut dum fieri potest, et ardentem orare optamus, fugiamus tumultum, et secrete oremus, atque in terra prostrati, etiam pro inimicis. Si tamen ex prostratione somnolentia oriatur, alio situ orandum est, nisi prostratio requiratur. Postremo, ex consideratione culpae sanctorum patrum istorum Moysis et Aaron, reddamur et simus incessabiliter timorati, custoditi, solliciti. Ecce etenim viri illi post tot et tanta miracula, post assiduas apparitiones caelestes, allocutiones angelii, illuminationes divinas, post tantae sanctitatis adeptionem, in senio suo et imminente vitae eorum termino, tam subito corruerunt : quid ergo nobis pusillis, inexerciceatis, defectuosissimisque hominibus agendum relinquitur, nisi ut omni praesumptione et vana securitate abjectis, in vera humilitate timoreque Dei, et compunctione assidua persistamus, jugiterque clamemus ad Dominum, ne unquam relinquat nos, et ne in fine sinat nos impediri ab ingressu regni caelestis?

Sensus mysticus.

## ARTICULUS XXXV

EXPOSITIO LITTERALIS CAPITULI VICESIMI PRIMI : QUOD QUUM AUDISSET  
CHANANÆUS REX ARAD, ETC.

**P**ROCESSUS filiorum Israel, et eventus A  
eorum a monte Hor usque ad campe-  
stria Moab per diversas mansiones et vias,  
capitulo isto describitur. *Quod quum au-*  
*disset Chananæus rex Arad, qui habita-*  
*bat ad meridiem, venisse scilicet Israel*  
*per exploratorum viam, pugnavit contra*  
*illum.* In Genesi legitur, quod Chanaan fi-  
lius Cham filii Noe, habuit undecim filios,  
a quibus disseminati sunt populi Chana-  
næorum, et inter undecim filios Chanaan  
unus vocatus est Aradius. Ideo per Cha-  
nanæum regem Arad, intelligitur nunc  
determinata persona, nata ex stirpe Ara-  
dii, quæ regnavit in terra et regno Arad :  
quæ regio sita fuit in plaga meridiana, re-  
spectu terræ promissionis. Porro per viam  
exploratorum, intelligi potest via per quam  
iter egerunt exploratores missi a Moyse.  
Non enim filii Israel ubique aut semper  
declinarunt a recto itinere : ideo obiectio  
eiusdam contra expositionem istam, non  
prævalet. Vel, via exploratorum, fuit ali-  
qua via generaliter sic vocata, ex eventu  
quocumque, quia per viam illam explora-  
tio aliquando noceve et callide facta fuit, C  
aut fieri consuevit. Aliqui vero putant ex-  
ploratores hic nominari eos, qui populum  
Israel præcesserunt ad providendum ea-  
strorum locum. Pugnavit contra illum, *et*  
*victor existens, duxit ex eo prædam.* Cur  
Deus permisit populum illum vinci a Cha-  
nanæis præfatis ? et ubi tunc fuit oratio  
Moyse ? Dici potest, quod propter peccata  
sua populus Israel damnum istud susti-  
nuit, et propter eadem vitia poterat effe-  
tus orationis Moyse impediri ad modicum  
tempus : creditur quippe, quod parva fuit D  
illa adversariorum victoria.

*At Israel voto se Domino obligans, ait :*  
*Si tradideris populum istum Chananæo-*  
*rum in manu mea ad occidendum, quem*  
*viribus meis nequeo superare : delebo ur-*  
*bes ejus, populum occidendo, et oppida*  
*demoliendo.* Quum votum sit proprie de  
bono majori, quomodo istud potuit cadere  
sub voto ? Et respondendum, quod idolo-  
latræ isti erant tam scelerati, quod Deus  
voluit eos occidi ab Israelitica plebe, sie-  
que illorum occisio fuit actus justitiæ.  
*Exaudivitque Dominus preces Israel :* nam  
præter votum illud fuderunt et preces, vel  
B votum illud fuit æquivalenter oratio : *et tra-*  
*didit Chananæum, hoc est populum illum*  
*Aradium, manibus Israelis. Quem ille in-*  
*terfecit, subversis urbibus ejus, et vocavit*  
*illius loci nomen, Horma, id est anathe-*  
*ma :* quam interpretationem adjunxit trans-  
lator. Sed quæri potest, de quo loco sit  
istud intelligendum : an de tota illa re-  
gione, an forsitan de regia ejus metropoli,  
seu alio quovis loco. Magister autem in  
historiis scribit : Forte iste est locus, qui  
supra per anticipationem dictus est Hor-  
ma. Scriptum est enim supra : Descendit  
Amalecites et Chananæus, et persequentus  
est eos usque Horma. Rursus in Schola-  
stica historia fertur : Anathema dicitur  
ab ἀνὰ ἑῶντι, hoc est sursum ponere, quod  
est devotare, seu voto seorsum ab usu no-  
stro separare, dum scilicet res vota, seu  
promissa ac reddita, ponebatur sursum in  
templis. Hinc alii dicunt : destructio ur-  
bis Horma proprie nominatur, quando ha-  
bitatoribus ejus necatis, præda urbis di-  
vino cultui applicatur. Unde Achan dicitur  
D usurpasse de anathemate Jericho, hoc est  
de spoliis ejus Deo dicatis. Nunc tamen

Gen. x, 15.  
18.

Num. xiv.  
45.

Josue vii, 1.

anathema pro destructione seu demolitio- A  
ne sumi videtur.

*Profecti sunt autem filii Israel de monte  
Hore per viam quae ducit ad mare Rubrum,  
ut circumirent terram Edom, cundo per  
extremitates Idumaeae. Et tondere cepit po-  
pulum itineris ac laboris. Nam multum  
diverterunt a recto itinere. Locutusque  
contra Dominum et Moysen : quia loquen-  
do contra vicarium Dei sanctum Moysen  
injuste et impatienter, loquebatur et con-*

*Luc x, 16.*

*tra Dominum, qui suis ait vicariis : Qui  
vos spernit, me spernit. Non tamen legun-  
tur directe contra Deum locuti, alloquendo  
eum sicut allocuti sunt Moysen. Ait po-  
pulus ille : Cur eduxisti nos de Aegypto, ut  
moreremur in solitudine ? In hoc loque-  
bantur malevole et mendose. Non enim  
Moyses proprio capite eduxerat eos, nec  
ad hoc ut in solitudine morerentur. Deest  
panis, id est necessaria alimenta : tamen  
panis factus ex manna non defuit eis ; non  
sunt aquae, id est, copiam aquarum non  
habemus. Anima nostra jam nauseat, id  
est, fastidium habet, super cibo isto levissi-  
mo, scilicet manna : quod malis non sa-  
puit, nisi secundum eorum demerita, tan-  
quam arida et insipida esca : quum tamen  
ex sua natura esset saporis suavis, juxta  
illud Exodi : Gustus ejus quasi simile eum  
melle, id est quasi panis facti ex delica-  
tissima tritici farina melli admixta. De  
triplici autem sapore mannae superius di-  
ctum est.*

*Exod. xvi.  
31.*

*Quamobrem misit Dominus in populum  
ignitos serpentes. Primo peccaverunt enim  
in corde, per immoderatum tedium et im-  
patientiam ; et quoniam suas passiones non  
refrenaverunt, proruperunt in verba pra-  
vissima, et praelato suo contumeliose lo-  
cuti sunt, et beneficia Dei parvipende-  
runt. Serpentes illi vocantur igniti ex suo  
effectu, quia intra se abundabant calore.  
Unde (ut dicitur) valde parvi erant atque  
celerissimi, et volitabant in aere, tanquam  
scintillae, infeceruntque homines veneno, et  
inflammabant usque ad tumorem, ignem-  
que ruborem. Ad quorum plagas mortes-*

*que plurimum, venerunt ad Moysen :  
non qui jam ex infectione et latione ser-  
pentium spiritum exhalarunt, sed qui infici  
metuebant, et aliqui forsitan laesi ; atque  
dixerunt, quia vexatio dedit eis intellectum :  
Peccavimus, quia locuti sumus contra Do-  
minum. Ora ut tollat a nobis serpentes. Ora-  
vitque Moyses, qui assidue reddidit bona  
pro malis ; et locutus est Dominus ad eum :  
Fac serpentem aeneum, et pone eum pro  
signo, id est, erige et in alto fige eum. Un-  
de, ut dicitur, in Hebraeo habetur : Pone  
eum in pertica. Fuit quippe elevatus in  
ligno hujusmodi pro signo. Pro quali si-  
gno ? Est enim signum memorativum prae-  
teriti, et prognosticum seu figurativum  
futuri. Est item signum praesentis, quem-  
admodum ante hospitium aut tabernam  
pendet signum sive indicium hospitalita-  
tis, aut potus venalis. Itaque serpens ille  
fuit signum memorativum transgressionis  
commissae, signum quoque prognosticum  
non solum Christi pro nobis in cruce le-  
vati, tunc levandi, sed et sanationis pro-  
missae adspicientibus dandae. Qui percussus  
a serpentibus, adspexerit eum, vivet, hoc  
est, curabitur. Fecit ergo Moyses serpen-  
tem aeneum, id est, fieri fecit per manus  
artificum, et posuit eum pro signo : quem  
quum percussi adspicerent, curabantur.*

*Is. xxxiii,  
19.*

*Joann. iii,  
15.*

Circa haec merito quaeritur, cur Dominus  
qui voluit filiis Israel, ad idololatriam pro-  
nis, omnem idololatrando occasionem au-  
ferre, in tantum quod prohibuit imagines  
pecorum, reptilium et volatilium fieri, et  
in tabernaculo suo locari, praecepit fieri  
hunc serpentem, per quem poterat popu-  
lus ad idololatriam provocari. Item, cur  
fecit eum aeneum fieri, et cur pro signo  
levari, et non potius aliquid mite ac no-  
bile animal fustum, aut sculptum. Respon-  
detur ad primum, quod non sine mysterio  
factum est istud : tamen quia a serpenti-  
bus vulnerabantur, jussum est ut fieret  
serpens, qui in posterum ad memoriam  
revocaret plagam illam tam justam ac di-  
vinæ pietatis remedium ei appositum. Fi-  
guravit autem serpens ille Christum in

*Deut. iv,  
16-18.*



cruce levandum, per cuius adspexit et A  
recreationem seu speculationem sanantur fideles a lesionibus demonum, hoc est morsibus vitiorum. Hinc factus est serpens ille de aere, quod durativum est valde praeter ceteris metallis, etiam ad praefigurandum invincibilem fortitudinem, inconcussibilemque constantiam Salvatoris : per quod patet ad secundum responsio. Ad tertium vero dicendum, quod ad litteram fuit levatus ut adspiceretur longe ac late a cunctis ; mystice autem, ut Christi in cruce exaltationem signaret, quum ipsemet dicat : Sic ut Moyses exaltavit serpentem in deserto, ita exaltari oportet Filium hominis. Ad quartum etiam dicendum, quod serpens etiam in bono accipitur, quum Dominus exhortetur : Estote prudentes sicut serpentes, etc.

Joann. iii,  
14.

Matth. x,  
16.

Insuper quaeritur, qua virtute serpens ille curavit adspicientes. Et respondendum quod non serpens, sed Dominus illos sanavit, in quantum ex obedientia adspiciebant illum serpentem cum culparum suarum recognitione, contritione, ac invocatione pietatis divinae. Et quamvis sine serpentis adspeditione poterat Dominus illos curare, tamen ob causas praefatas voluit hoc modo impendere medicinam. In textu autem non legitur, an nondum percussi praeservabantur a serpentium percussione ex serpentis illius intuitu : et forte quod imo, vel percussio illa cessavit ante erectionem serpentis, quando videlicet veniam postulabant.

Denique in Scholastica fertur historia : Hunc serpentem semper habuerunt secum filii Israel, et in Jerusalem magnifice repositus fuit, usque ad tempus Ezechiae, qui fecit serpentem illum in pulverem redigi propter cultum superstitionis, quem ei exhibuit populus, ut legitur in quarto libro Regum.

IV Reg.  
xviii, 4.

*Prophetique filii Israel, castrametati sunt in Oboth. Unde egressi, firere tentoria in Jeabarim, in solitudine quae respicit Moab contra orientalem plagam : adhuc enim (secundum Hieronymum) erant in finibus*

et eremo Idumaeae : eremo, inquam, respiciente Moabitidem regionem ex opposito orientis. Unde Septuaginta transtulerunt. Contra solis ortum. Dicunt aliqui quod Jeabarim sint duae dictiones Hebraeae, quae interpretantur. In solitudinibus Abarim, et quod Abarim nomen sit montis, in quo defunctus est Moyses. Unde in Deuteronomio Dominus loquitur ei : Ascende in montem hunc Abarim. *Et inde morientes, re-* Deut.  
xxxii, 49.  
*nerunt ad torrentem Zared, quem, ut in historiis scribit Magister, transierunt siccis pedibus, quemadmodum mare Rubrum. Quem relinquentes, castrametati sunt contra Arnon.* Dicunt nonnulli, quod Arnon sit civitas situata in solitudine. Josephus vero testatur, quod Arnon sit flumen emanans ab Arabiae montibus, ac defluens per desertum usque in stagnum Asphaltiten, dividens Moabitidem atque Armeniacam regionem : et forte hoc nomen Arnon ad utrumque aequivoecum est. Multa quippe significat Arnon, etiam praeter ista. Nam super illud Amos. Projiciemini in Arnon. Amos iv, 3.

Hieronymus per Arnon intelligit Armeniam. Symmachus quoque ibidem transtulit. In Armeniam : atque ut ibi asserit Glossa. Arnon est regio ultra montes Medorum et Persarum. *Quae Arnon est in deserto praefato, et prominet, id est, procul vel ab alto apparet, in finibus Amorrhæi. Siquidem Arnon, prout hic sumitur, terminus est Moab, id est terrae Moabitarum, dividens Moabitas et Amorrhæos, id est habitantes ultra Jordanem, natos ex Amorrhæo filio Chanaan, ut in Genesi legitur.* Gen. x, 16.

Sicque Amorrhæus uno modo est nomen proprium viri, alio modo nomen est gentis. *Unde dicitur in libro bellorum Domini : Sicut fecit in mari Rubro, sic faciet in torrentibus Arnon.* De libro isto bellorum Domini, difficultas est quis sit. De qua re habetur ex verbis Augustini : Non dixit in quo libro scriptum sit, vel cuius Propheta aut Patriarchae. Nec est negandum fuisse tunc libros Chaldaeorum, ex quibus egressus est Abraham : vel Egyptiorum, ubi didicerat Moyses omnem illorum sapien-

Act. vii, 22.

tiam : vel ejuslibet alterius gentis, in A quorum librorum aliquo hoc potuit esse scriptum : qui tamen liber non sit inter Scripturas canonicas computandus. Licuit enim auctoritati divinae testimonium verum assumere unde volebat, non tamen omnia ibi scripta approbavit. Cur autem istud hoc loco sit commemoratum, non evidenter apparet, nisi forsan bello gestum sit quod fines illic inter duas gentes sunt constituti, quod homines loci illius bellum Domini nominarunt propter magnitudinem rei, ita ut scriberetur et vocaretur B in aliquo libro eorum bellum Domini. Hæc Augustinus. Alii dicunt librum bellorum Domini esse specialem librum, non tamen translatum, et idem dicunt de libro Justorum.

In Scholastica historia scribitur : Quidam dicunt totam historiam de filiis Israel scriptam, vocari librum bellorum Domini, quia in ea frequenter legitur Dominus pugnasse pro filiis Israel : et maxime dicunt Hebræi, Amorrhæos in terra illa potenti manu Hebræorum esse deletos. Et isti legunt, Dicetur, non, Dicitur : quia et in Hebræo habetur, Super hoc dicitur in libro, in recitationibus bellorum Domini. Et legunt sic : Unde, id est de Arnon, dicitur, hoc est, mentio fiet in libro bellorum Domini, id est in historia ista, videlicet libro Numerorum vel Pentateucho : Sicut fecit Dominus in mari Rubro, submergendo Ægyptios, sic faciet in torrentibus Arnon, delendo Amorrhæos. Et quod sequitur, *Scopuli torrentium inclinati sunt*, etc., similiter ambigue, id est diversimode exponitur. D Dicunt enim Hebræi innumeram multitudinem Amorrhæorum, posuisse insidias filiis Israel in convallibus torrentium et scopulis Arnon, ut incautos perimerent transeuntes, sed Dominum latitantes oppressisse, rupibus hinc inde inclinatorum, ita ut labentia, id est ruina, scopulorum extenderetur in Arnon, et requiesceret ibi, id est finiretur. Hæc ibi.

Quibus satis concordat quod Lyra hic scribit : Quidam, inquiens, dicunt, quod

liber bellorum Domini, liber sit Numerorum, ubi scribitur istud : quoniam liber Numerorum, in quo continentur bella Judæorum, communiter appellatur liber bellorum, quia divina vincebant virtute. Verumtamen istud non arbitror verum. Non enim probabile est, sicut et Lyra alibi dicit, quod idem liber alleget se ipsum. Denique si liber Numerorum ideo nuncupatur liber bellorum Domini, eo quod aliqua bella ejus recitentur in ipso, multo plus liber Josue, liberque Judicum dicerentur libri bellorum Domini, quia in libris illis describuntur plura et non minus præclara bella Domini, quam in Numerorum volumine. Similiter de libris Regum et Paralipomenon argui posset.

Insuper refert Lyra : Hebræi dicunt, quod iste sit textus : Nonne scriptum est hoc in narratione bellorum ? quoniam verbum Hebraicum, æquivoecum est ad librum et ad narrationem. Dicunt ergo, quod ubi filii Israel erant transituri, erant scopuli multum protensi super aquam, in quibus erant cavernositates, in quibus adversarii Hebræorum posuerunt armatos latenter, qui filios Israel de subtus transeuntes, interficerent lapidibus ac sagittis. Dominus autem scopulos illos fecit inclinari usque ad aliam partem terræ vel aquæ. Sic latentes ex illa inclinatione fuerunt extincti, et filii Israel super scopulos inclinatorum libere transierunt. Quo facto, scopuli divina virtute ad locum redierunt priorem. Hæc Lyra.

Unde et Petrus Comestor : Potuit, inquit, esse quod aliqui scopuli minores eorum Israelitis inclinati sunt, ut de facili transirent : quod forte prædictum fuit in benedictione Joseph, qua legitur, Donec veniret desiderium collium æternorum. Et forte de eodem cecinit David : Montes exultaverunt ut arietes, etc. Fuerunt demum qui opinati sunt, per verba præfata describi situm Arnon, quia quum scopuli prærupti et altissimi sint in deserto, paulatim inclinantur, donec requiescant, id est finiantur, prope Arnon. Unde subjungi-

Gen. XLIX,

26.

Ps. cxviii, 4.

tur : ut requiescerent in Arnon, et recu-  
berent, id est quiescerent, in finibus Mo-  
abitarum : qui fines incepserunt juxta  
Arnon.

Ex eo loco apparuit puteus, hoc est, ex  
loco prænominato devenerunt filii Israel  
ad alium locum, in quo (Deo jubente et  
indicante) adepti sunt puteum per modum  
qui tangitur infra ; super quo, hoc est de  
quo puteo, locutus est Dominus ad Moy-  
sen : Congrega populum, et dabo ei aquam,  
qua ipsi et pecora reficiantur. Non legitur  
quod Dominus omnipotens et liberalissi-  
mus dederit populo suo in deserto vinum  
aut carnes, sed solummodo panem et aquam  
pro sustentaculo vitæ. Nempe, quod ali-  
quando contulit eis carnes, fuit ad peti-  
tionem ipsorum, et potius in punitionem  
quam in bonum eorum. Tunc cecinit Is-  
rael carmen istud, id est, filii Israel gra-  
tias Domino retulerunt pro beneficio aque  
dando vel dato, dicentes : Ascendat pu-  
teus, Concinebant, id est, filii Israel simul  
canebant grata et hilari mente : Puteus  
ascendat, id est, aqua ex fossa prorumpat,  
in tantum ut supra redundet, quem fode-  
runt principes, id est capitanei Israeliticæ  
plebis, et paraverunt duces multitudinis,  
id est præfati principes qui erant ductores  
et capita populi. Vel per principes intelli-  
guntur quicumque principales de populo,  
sicut textus superius disseruit quod Da-  
than et Abiron erant principes populi. In  
Joanne quoque legitur : Multi ex principi-  
bus crediderunt in Jesum. In datore legis,  
id est ex ostensione et jussione Dei, qui  
erat legifer principalis, et Moysis, qui fuit  
legislator ministerialis et instrumentalis :  
et in baculis suis : quia cum palis aut ba-  
culis foderunt, seu percusserunt in loco  
terre eis monstrato a Deo per Moysen, et  
inde aqua affluenter manavit.

Profectique sunt de solitudine in Mat-  
thana, id est de una solitudinis parte in  
altam sic vocatam ; de Matthana in Na-  
hathiel. Ista sunt nomina locorum, per qua  
transierunt, non mansionum in quibus no-  
tabiliter quieverunt. De Nahathiel venerunt

in Bamoth, quod est nomen mansionis,  
secundum quosdam. Aliqui tamen dicunt,  
quod non sit hic nomen mansionis, sed  
vallis in regione Moab. Unde subjungitur :  
Bamoth vallis est in regione Moab in ver-  
tice Phasga, id est montis sic dicti, quod  
respicit contra desertum. Sed qualiter po-  
tuit vallis esse in vertice montis ? Ad hoc  
quidam respondent, quod iste sit sensus :  
In vertice Phasga, id est prope montem  
sic dictum. Alii putant, quod mons ille sit  
adeo grandis, ut in superioribus sint colles  
et valles.

Misit autem Israel, id est Moyses, se-  
cundum Glossam : vel populus, Moysen an-  
nuente, nuntios ad Schon regem Amor-  
rheorum, dicens : Obsecro ut transire mihi  
liceat per terram tuam, etc. Istud humili-  
ter rogaverunt filii Israel, quia Deus directe  
promisit eis terram Chanaan trans Jorda-  
nem. Qui concedere noluit, ut transiret  
Israel per fines suos : quin potius con-  
gregato exercitu, egressus est obviam in  
desertum, et venit in Jusu, pugnavitque  
contra eum, id est contra populum Israel,  
a quo percussus est Schon in ore gladii,  
et possessa est terra ejus a filiis Israel, ab  
Arnon usque Jaboc. Arnon et Jaboc acci-  
piuntur hic pro urbibus, quarum una fuit  
exordium regni Schon, alia finis regni ejus-  
dem : et filios Ammon, id est usque ad  
terram Ammonitarum. Dicit autem Jose-  
phus multos Amorrhæorum in pugna illa  
perisse, alios ad flumina corruisse, quos-  
dam jaculis terræ affixos : fugientes ad  
mœnia, a fundibulariis esse præventos.  
Præfatam etiam terram Amorrhæorum as-  
serit inter tria flumina sitam, ut insulam,  
et esse uberrimam, ita quod fluvius Arnon  
sit a meridie, Jaboc ab aquilone (unde in  
Genesi habetur de vado Jaboc), Jordanis ab  
occidente. Præterea dicunt Hebræi, quod  
rex Schon accepit pecuniam ab habitato-  
ribus terræ Chanaan, quatenus filiorum  
Israel prohiberet adventum. Cur autem fi-  
lii Israel non obtinuerunt terram Ammo-  
nitarum, subjungitur : quia forti præsi-  
dio, id est tuitione, tenebantur termini

Ezod. xvi,  
12.  
Num. xi, 33.

Ibid. xvi,  
1, 2.

Joann. vii,  
11.

Gen. xxxii,  
22.



Deut. ii, 19.

*Ammonitarum*, ita quod extrema sua quibus filii Israel propinquabant, munitionibus firmaverunt. Præcipua tamen ratio fuit, quia Deus prohibuit filiis Israel invadere Ammonitas, ut in Deuteronomio habetur. Ideirco, per forte præsidium istud, quidam non inepte intelligunt prædictam Dei prohibitionem. Poterat tamen materiale illud præsidium esse tam forte, quod filii Israel non valebant illud viribus suis expugnare, nec ad hoc voluit eos Dominus supernaturaliter adjuvare, quoniam filiis Lot natis ex Ammon, tradiderat terram illam.

*Urbs Hesebon fuit Schon regis Amorrhæi*. Per hoc satisfit objectioni et dubitationi, quæ moveri potest circa prædicta, qualiter verum sit quod filii Israel possederunt urbem nomine Hesebon, quum illa pertinnerit regi Moab, a cujus terra prohibuerat Dominus Israellem. Et respondetur, quod quamvis civitas illa primo attinuerit regi Moab, postea tamen jure prælii obtinuit eam rex Schon, et ab illo obtinuerunt eam filii Israel jure belli. *Qui pugnavit contra regem Moab, et tulit omnem terram, quæ ditionis illius erat*, id est, Schon rex abstulit regi Moab omnem terram sui domini, *usque Arnon* : per quod innuitur, quod non abstulit ei totum territorium regni sui. *Idcirco dicitur in proverbio*, id est in verbo vulgari et carmine publico aliquantulum parabolico, secundum quod de notabilibus bellis magnificisque triumphis carmina solent componi : *Venite in Hesebon*, id est ad locum in quo steterat urbs illa, antequam Schon rex eam vastavit : *edifectur, et construat civitas Schon*, id est, civitas illa jam reparetur ad honorem Schon regis, cui nunc attinet. *Iguis egressus est de Hesebon*, id est, ex præcepto regis Schon possidentis urbem nomine Hesebon, egressi sunt ejus ministri ad incendendum alia oppida Moabitarum. Unde sententia ista aliis verbis repetitur, ut moris est in cantilenis. *Flamma de oppido Schon*, videlicet de præfata urbe Hesebon, *et devoravit Moabitarum Ar-*

*non*\*, id est urbem sic dictam, quæ fuit inter urbes Moab præcipua, *et habitatores caeclosorum*, id est sublimium locorum, *Arnon*, hoc est oppidi aut fluvii nomine Arnon. *Ux tibi Moab*, Carmen istud a fautoribus Schon factum est et cantabatur, qui dixerunt : *Væ tibi Moab*, id est, mors, confusio, vastitas tibi illata est, o rex, seu plebs Moabitis : *peristi, popule Chamos*, id est, tu gens Moabitea, quæ colis idolum nomine Chamos, dejecta et vieta es. *Dedit*, id est, Chamos Deus Moabitarum exposuit, vel potius tradi permisit, imo impedire non potuit, *filios ejus*, utpote populi se colentis, *in fugam*, quia fugerunt territi Amorrhæos, *et filias in captivitate regi Amorrhæorum Schon* : quia mulieres non sunt ad fugiendum veloces, propter quod velocius capiuntur. *Jugum ipsorum dispersit*, id est, potestas regis et plebis Moab, qua alios opprimere consuevit, destructa est, *ab Hesebon urbe usque ad Dibon* oppidum Moab : *lassi pervenerunt in Nophe et usque Medaba* : id est, Moabite fugientes, tandem fatigati, venerunt ad urbes nomine Nophe et Medaba, ad quas confugerunt, quia nondum perdiderant eas. De his et aliis civitatibus Moab legitur plenius in Isaia et Jeremia. Is. XLV et XLVI  
Jer. XLVIII.

*Habitavit itaque Israel in terra Amorrhæi* : quia hæc urbes pro tunc fuerant regis Amorrhæorum, et non regis Moabitarum. *Misitque Moyses quosdam de Israel, qui explorarent Jazer urbem Schon* : *cujus ceperunt viculos, et possederunt habitatores*. Exploratores isti plus fecerunt, quam eis injunctum fuit : quia non solum exploraverunt, sed etiam vastaverunt urbem, ad quam explorandam erant directi, et viculos circumjacentes. Habitatores vero locorum illorum possedissee dicuntur, quia subdiderunt eos suæ voluntati, et forsitan occiderunt. *Verteruntque se*, ut redirent ad Moysen, *et ascenderunt per viam Basan*, id est regionis seu loci illius, *et occurrit eis Og*, id est, ad occurrendum paravit se, atque occurrere cepit, *rex Basan, cum omni populo suo, pugnaturus in*

*Edrai* : quia in loco sic dicto proposuit A contra Israelitas pugnare. Forsanque primo intendebat exploratores illos in via perimere, antequam reverterentur ad Moysen : sed Deo revelante, Moyses propositum et occursum Og regis cognovit. Et ut Josephus refert, intendebat succurrere amico suo regi Schon : quem quum audisset exstinctum, nihilo minus decrevit contra Moysen praeliari. Unde subjungitur : *Discepsque Dominus ad Moysen : Ne timeas eum*, quamvis sit prapotens gigas, grandi ac valido vallatus exercitu, *quia in manu B tua tradidi illum*, id est, dare decrevi, *et omnem populum ac terram ejus, etc. Percusserunt igitur filii Israel, Deo auxiliante, et hunc Og cum filiis suis, universumque populum ejus*. Forsitan habuit secum in bello filios suos carnales, qui secum occubuerunt.

Qualiter autem gesta sint ista contra hos duos reges Amorrhæos, plenius continetur in Deuteronomio. Verum, ut in Scholastica fertur historia, territoria regum istorum non fuerunt de terra promissa : quod C patet, quoniam eam ingressus est Moyses, cui locutus est Dominus : Non introduces filios Israel ad terram quam eis promisi.

*Deut. ii, 23  
et seq. : m.  
1-14.*

Hic pleraque Biblia, et Septuaginta interpretes exordiantur viceesimum secundum capitulum : *Profectique inde filii Israel, castrametati sunt in campatribus Moab, ubi trans Jordanem Jericho sita est.*

Postremo, ut infelicium Judæorum fatalitas elarius pateat, recitabo quod Lyra hic refert. In libro qui apud Judæos vocatur liber Benedictionum, narratur, quod Og audiens castra filiorum Israel occupare milliaria tria, ivit, et evulsit unum montem tantum spatium occupantem, quem imposuit capiti suo, uti super filios Israel projiceret eum. Deus vero immisit formicas, quæ montem perforaverunt : sicque per foramen suum mons descendit ad collum Og, qui dum vellet se expedire de monte illo, creverunt dentes ejus, et intraverunt foramina montis : ita non potuit illum e collo suo ejicere. Moyses autem decem cubitos in altitudine habens, habuit securim, ejus manubrium longitudinem decem cubitorum habebat. Quumque videret ipsum Og monte irretitum, eueurit ad eum, et saltavit in altum per cubitos decem, sicque attingit cavillam pedis illius, et projecit eum in terram, et interfecit. Ecce quam infinita stoliditas !

## ARTICULUS XXXVI

DE SPIRITUALI HUIUS VICESIMI PRIMI CAPITULI SENSU.

**F**ILII Israel, christiani populi fuerunt D figura. Quemadmodum enim filiis Israel ad terram promissionis tendentibus, diversa et magna occurrerunt impedimenta intrinseca et extrinseca, utpote mala culpæ, quæ ex eorum prava voluntate, atque infecta sensualitate et ratione erronea profluerunt, mala quoque penæ ipsis illata a visibilibus inimicis, labor, lassitudo, fames, et sitis : ita et Christianis ad celeste regnum eis promissum tendenti-

bus, varia ac gravia occurrunt obstacula, a visibilibus et invisibilibus hostibus, ex propria carne, ex mundo et improba voluntate, fomitisque infectione : quibus omnibus necesse est viriliter reluctari, ac fideliter prevalere, quia non coronatur, H Tim iii, 5, nisi qui legitime certat.

Porro, per Chanaanem qui ad meridiem habitabat, intelliguntur spiritus nequam, qui in fervore suæ perdurant malitiæ, qui ad ignem concupiscentiæ, ad flammam ira-

eundie, ad fervorem peccandi nos incitant, qui quum viderint nos venire per viam exploratorum, hoc est per rectam et arctam viam salutis, quam veraciter cauti, virtuosi, ac providi viatores, tanquam compendiosiore observant et eligunt, impugnant nos acriter, prævalentque frequenter, et charismatibus spoliant nos d'vinis. Sed quemadmodum filii Israel depredationem perpessi, Domino mox voverunt, quod si traderet Chananaeos illos in manus ipsorum, delerent urbes Chananaeorum: ita nos a demonibus depredati, firmiter proponamus et incipiamus Deum incessabiliter invocare, ut gratiam et virtutes prævalendi demonibus nobis largiri dignetur: quam si contulerit, statuamus non solum nos ipsos de manibus illorum erui impiorum, sed et urbes eorum delere, hoc est, consortia iniquorum convertere, congregationes injustas ad salutis reducere viam, vitiorumque aciem dissipare, laborando ad hæc implenda pro posse orationibus, exhortationibus, et exemplaribus actibus.

Præterea, per regem et populum Edom, qui filiis Israel negaverunt iter per terram suam, imo et armati occurrerunt eisdem, intelliguntur homines carnales, terreni, principes iniqui, qui justorum abominantur consortia, et inter se non permittunt illos pacifice conversari, imo derident, persequunturque ipsos, et vitam ipsorum putant insaniam. Sic impii excecantur, sic principes dixerunt ad Jehu de discipulo Elisei: Quid venit insanus iste ad te? Sed sicut Israel divertit ab Edom, sic justi debent cedere impiis, non tamen relinquere virtutum constantiam, sed malle mori quam transgredi.

Caveamus præterea, ne cum filiis Israel tædeat nos itineris assumptæ justitiæ, ac laboris qui in Dei consistit obsequio. Bonorum namque laborum gloriosus est fructus: et pro brevissimo vitæ hujus eurriculo, in Dei cultu expenso, præmia præstolamur æterna, et bona quæ nec oculus vidit, nec auris audivit, nec mens valet

concupere. Quod si interior aliquis inordinatus consurgit motus, non acquiescamus, nec ad murmurationis et impatientiæ rebellionisve verba prorumpamus iniqua. Non nobis vertatur in nauseam panis cælestis, refectio spiritualis, verbum Dei, studium spirituale, observantia virtuosa: alioqui Deo justissime permittente, invadent, intoxicabunt, occident nos serpentes igniti, passionibus mortiferæ, tela nequissimi ignea, et spiritus infernales. Denique si, quod absit, ad tantum devenerimus lapsum, non desperemus, sed Christum propter nos cruci appensum intueamur, invocemus, sectemur: ejusque passionem nostris cordibus indelebiter inscribamus, atque in ea tanquam saluberrimo libro omnem consideremus, discamus, operemur virtutem. Et sicut filii Israel processerunt paulatim, et de una ad aliam profecti sunt mansionem, ita spirituali profectui ordinale et jugiter insistamus, et unicuique virtuti suo loco et tempore simus intenti. Nempe (ut sanctus ait Hieronymus) non

C semper uni virtuti studendum est, sed de virtute in virtutem eundum. Cohærent etenim sibi et connexæ sunt virtutes, ut qui una caruerit, omnibus careat. Hoc autem eorum est propriè, qui observant ortum Solis justitiæ.

*Ex eo loco apparuit puteus.* In Scripturis puteus interdum in malo accipitur, utpote pro vitiorum profundo atque voragine pravitatis, quemadmodum scriptum est. Neque urgeat super me puteus os suum: interdum in bono, videlicet pro flumine gratiarum, pro profundo sapientiæ et scientiæ Dei, pro exuberantia supernorum charismatum. Itaque evangelicæ legis doctрина, apostolica documenta et cetera Scripturarum volumina putei sunt, ex quibus rivi sapientiæ, refectiones animæ sitientis, irrigationes consolationum sanctarum, et gratiarum munera hauriuntur. Hos puteos foderunt, et nobis exhibuerunt Princeps pastorum et sancti Apostoli, qui constituti sunt principes super omnem terram, Evangelistæ et Prophetæ ductores nostri. Ex

*Ephes. vi.*  
16.

*Ps. cxviii.*  
16.

*Ps. xlv. 17.*

*Sap. x. 1.*

*IV Reg. ix.*  
11.

*Sap. iii. 13.*

*Is. lvi. 4.*  
*I Cor. ii. 9.*



puteis istis reficit Dominus suam incessanter Ecclesiam, si tamen fuerit congregata, hoc est fide et devotione unita.

*Scopuli torrentium inclinati sunt.* Scopuli sunt saxa eminentia, quæ a longe queunt videri : per quæ intelligi possunt ecclesiastici viri in sublimibus officiis constituti, acuti et rigores, qui superextenduntur torrentibus, id est congregationibus multis et magnis, presidendo eisdem : et inclinantur, quoniam quanto majores, tanto plus in cunctis humiliant se, et unicuique subditorum juxta illius capacitatem indigentiamque coaptant. Quemadmodum autem aquæ multæ populi multi, ita torrentes sunt hominum congregationes. Torrens tamen quandoque designat tribulationis exuberantiam.

Postremo, per Moysen intelligitur Chri-

stus, qui suos misit bellatores et exploratores ad universas mundi provincias, videlicet sanctos Apostolos, et eorum cooperatores et successores, ut auferrent diabolo spolia ejus, et regna mundi evangelicæ subderent legi ; sicque saluberrime caperent homines, et eos ad vivificam mortificationem perducerent. Sed occurrerunt ac resisterunt ministris Christi Schon et Og, hoc est superbissimi principes et tyranni cum suis satellitibus, qui memoriam nominis christiani, et universos Christi ministros delere conati sunt. Sed miseri defecerunt, quia nec sapientiæ discipulorum Christi, nec potentiæ Salvatoris, nec divulgationi Evangelii potuerunt resistere : imo et multi eorum ad fidem catholicam sunt conversi : ceteri æternaliter perierunt.

## ARTICULUS XXXVII

EXPOSITIO LITTERALIS CAPITULI VICESIMI SECUNDI : VIDENS AUTEM BALAC FILIUS SEPHOR.

**Q**UOT et qualibus modis obviatum sit filiis Israel, et quam gratiose ac miraculose egerit Deus cum eis, et propter eos, nunc recitatur. *Videns autem*, id est percipiens et intelligens, *Balac filius Sephor, omnia quæ fecerat Israel Amorrhæo*, id est duobus præfatis Amorrhæorum regibus et etiam regi Arad : *et quod pertinuissent cum*, videlicet populum Israel, *Moabitæ, et impetum ejus ferre non possent* : non quod populus Israel impugnaverit Moabitas : sed quod Moabitæ consideraverunt filios Israel tanto Dei sui adjutorio esse suffultos, quod ipsi Moabitæ non valerent Israelitis resistere, si invaderentur ab ipsis : propter quod, ne invaderentur, permiserunt filios Israel ire per terminos suos, ut in Deuteronomio habetur : *dixit ad majores natu Madian*, hoc est ad nobiliores Madianitarum, quorum rex fuit, et ipsi

erant consiliarii ejus : *Ita debet hic populus omnes, qui in nostris finibus commorantur, quomodo solet bos herbas carpere usque ad radices*, id est, penitus nos occidet sicut bos devorat gramina. Consideravit itaque se non posse per arma et bella Israelitis resistere, quoniam reges ipso potentiores, victos esse cognovit ab illis. *Ipsæ autem erat rex eo tempore in Moab*. Jam dictum est, quod rex iste vidit quod Moabitæ pertinuerunt filios Israel, ideo alloentus est majores natu Madian, quasi Moabitæ fuerint alieni ab eo et a populo ejus : quomodo ergo nunc dicitur, quod eo tempore ipse exstitit rex in Moab ? Ad hoc credibiliter quidam respondent, quod Balac iste fuit natione Madianita, et in eis plus confidebat : non autem fuit rex in Moab ex genealogia, sed vel jure belli, vel ex spontanea subjectione Moabitarum, quo-

*Apoc. xviii, 13.*

*Deut. ii, 18.*

rum hereditarius rex fuit fortassis a Sehon A rege occisus.

Misit ergo ex consilio Madianitarum nuntios solennes et multos, quasi ad reverentiam Balaam, et ad denotandam magnitudinem causæ, ad Balaam filium Beor ariolum, hoc est magnum et superstitiosum, qui habitabat super flumen terre filiorum Ammon. De variis autem speciebus et modis magicæ artis, et quid proprie sit ariolari, dictum est in Levitico, ubi inter cetera legitur: Non declinetis ad magos, nec ab ariolis aliquid sciscitemini. Proprie quippe ariolator vocatur, qui exta seu viscera animalium immolatorum diis seu daemonibus super aras considerat, ut ex inspectione illorum divinet, occulta revelando, seu quid agi oporteat denuntians. *Ut vocarent eum*, id est, invitarent ad veniendum secum ad Balac, et dicerent: *Ece egressus est populus ex Ægypto, qui operuit superficiem terræ, sedens contra me*, id est ex opposito regni mei, vel ad insidiandum nocendumque mihi. Hoc dixit, quia verebatur quod impugnaretur a filiis Israel, a quibus tamen (ut videtur) non fuisset impugnatus, si non opposuisset se eis, quoniam nec terram Moab, in qua ipse tunc dominabatur, nec regionem Madian promiserat Dominus Israeli. *Veni igitur, et maledic populo huic, quia fortior me est, nisi juver per te: si quo modo*, id est ut per aliquem modum, *possim percutere et ejicere*, id est occidere vel fugare, *eum de terra mea*. Jam enim populus Israel fuit in campestribus Moab.

Circa hæc loquitur Origenes multum D pulchre in homilia, ejus etiam verba habentur diffuse in Glossa: Quid consequentiæ aut consilii habet ista historia? Quis regum imminente sibi prælio, confugit aliquando ad verba aruspiceis aut divini, armis relictis? In primis ergo fateri oportet, quod in aliquibus plus valent verba, quam corpora: et quod exercitus nequit efficere, hoc fit verbis: nec tantum sanctis verbis Dei, sed et verbis inutili arte compositis. Erant in Ægypto incantatores et

magi. Quis hominum potest fortitudine corporis virgam mutare in serpentem, aut aquam in sanguinem, quod tamen illi fecerunt? Sunt autem magorum differentiae, et alii plus, alii minus possunt. Balaam famosissimus erat in magica arte et in carminibus potens; non tamen habebat potestatem aut artem verborum ad benedicendum, sed ad maledicendum. Quia igitur in his expertus, opinatissimus erat in oriente. Misit Balac ad eum, præsumens fieri posse sermonibus Balaam, quod ferro et acie vix fieri posset. Videtur etiam rex Balac audisse, quod filii Israel hostes vincent oratione, non armis, non tam ferro quam precibus præstantes. Itaque apud se cogitavit: Orationibus hujus populi nulla arma possunt conferri, ideo mihi requirendæ sunt preces. Dixit enim: Nunc ablinget synagoga hæc omnes qui in circuitu nostro sunt, sicut ablingit vitulus herbam campi. Quasi dicat, Sicut vitulus abruptit ore herbam, et lingua tanquam falce secat quæ invenit, ita populus hic ore et labiis pugnat, et in verbis habet arma. Mittit ergo ad Balaam, ut verba verbis opponat, et precibus preces: preces, inquam, fusas ad daemones. Nec mireris si tale quid sit in magica arte. Sic enim Scriptura designat esse hanc artem, ut eam prohibeat: sicut daemones esse significat, sed eoli vetat, quia magorum magistri sunt spiritus maligni, qui arte quadam et compositione verborum in anieitias cesserunt Balaam mago. Hæc Origenes. Dicunt etiam quidam Hebræi, quod Balac percepit populum Israel plus prævalere verbis et precibus, quam armis: ideo vocavit Balaam, ut maledicendo, verba verbis opponeret.

*Novi enim quod benedictus sit, cui benedixeris; et maledictus, in quem maledicta congesseris*. Quasi dicat, Scio quod benedictiones et maledictiones tuæ efficaciam habeant: quod secundum Origenem et Glossam, non dixit rex Balac veraciter, sed adulatorie, quatenus artem ipsius Balaam extollens, promptiorem eum faceret sibi. Recitat tamen Lyra, quemadmodum

Rabbi Salomon dicit, quod Balaam praedixit huic Balae, quod regnaturus esset in Moab, et quod superavit Moabitas per maledictiones et carmina Balaam edita contra illos. Istud incertum est. Deus tamen interdum justo permittit iudicio aliqua fieri huiusmodi arte, et aliquos debilitari, aliquos adjuvari per spiritus malos. Potest insuper dici, quod Balaam fuit tantae versutiae, quod noverat dare consilia proficua ad vivendum, et etiam ad nocendum, et tales consultationes ac practicas vocavit Balae benedictiones et maledictiones.

*Perreueruntque seniores Moab et maiores natu Madian*: utrique enim genti praefuit Balae: *habentes divinationis pretium in manibus*, id est in promptu, quasi paratissimi dare ipsi Balaam mercedem copiosam pro divinatione, qua regi annuntiaret futura, et quid sibi esset agendum. Quum enim futura pure contingentia et omnino secreta, pro certo praecognoscere, Deo sit

Is. xli, 23.

proprium, juxta illud in Isaia, Ventura et quae futura sunt, annuntiate nobis, et sciemus quia dii estis vos: ideo qui magica arte talia sibi usurpant, divini vocantur. Verumtamen Septuaginta transtulerunt. Habentes divinationes in manibus. Sic quoque in Hebraeo habetur. Quod tribus modis exponitur: Uno modo, per divinationes intelligendo praemia divinationis: secundo, instrumenta ejusdem, quoniam magi utebantur certis instrumentis ad divinandum. Hinc alia habet translatio. Habentes divinaacula: quae secundum Glossam sunt instrumenta, quae curiositas adinvenit humana, et a gentilibus vocantur tripodes aut cortinae, quae ad hoc suo modo sunt consecratae, id est, moventur ac contrectantur a magis in artibus suis. Tertio, per divinationes intelliguntur concordationes, quibus Madianitae inter se condixerunt, secundum quosdam: Si Balaam mox consenserit venire nobiscum, proderit ipse nobis: si autem distulerit, non erit adventus ejus nobis proficuum. Sic et aruspices Philistaeorum dixerunt de vaccis repor-

A tantibus aream Dei: Si ierint per viam rectam, etc. 1 Reg. vi, 9.

*Quumque venissent ad Balaam, et narrassent ei omnia verba Balae* jam introducta, et forsitan plura, quia omnia non sunt scripta, *ille respondit: Manete hic nocte*. Circa hoc scribit quidam: Erat enim propheta demonum: revelationes autem demonum quas iste quarebat, fiunt ut communiter de nocte, quia sunt spiritus tenebrarum. Quocirca pensandum, quod non solum demonum, sed etiam Dei et angelorum revelationes communiter fiunt de nocte, prout supra ostensum est super illud: Si fuerit inter vos propheta, in visio-

Num. xii, 6.

ne apparebo ei, vel per somnium loquar ad eum. Unde in Evangelio legitur angelus in somnis apparuisse Joseph. *Et respondet* Matth. i, 20: u. 13, 19. *bo quidquid mihi dixerit Dominus*. Quaeritur, quem intelligat hic Balaam per Dominum. Ad hoc in Scholastica respondetur historia: Mentiebatur, et mendose dixit se esse prophetam Dei, quum in sacrificando consuleret daemones: vel forte daemonem, qui sibi loqui solebat, dominum appellavit.

Porro Lyra circa haec ait: Aliqui expositores dicunt dubium esse, de quo intelligatur hic Dominus, utrum de Deo, vel de daemone: quoniam magi et arioli daemone sibi apparentem, vocant principem vel dominum, cui et exhibent reverentiam. Sed apud Hebraeos non est de isto dubium: quoniam ubi habemus, Dominus, in Hebraeo habetur nomen Domini tetragrammaton, quod non competit nisi vero Deo. Nec obstat quod Balaam quarebat revelationes a daemone, quoniam moris est magorum, potissimum cupidorum, qualis exstitit Balaam, fingere coram hominibus, quod revelationes sibi fiant a Deo vero, ut sic eis magis credatur, et majus lucrum reportent. Verumtamen his obviare videtur, quod Glossa hic introducit ex Origene: In Hebraeorum litteris nomen Dei, hoc est Deus vel Dominus, diversimode dicitur scribi. Aliter enim scribitur quicumque deus, aliter verus Deus, qui certo littera-

D



rum signo scribitur, quod apud Hebraeos A tetragrammaton dicitur. Quod dum sub signo hoc scribitur, nulla dubitatio est, quin de vero Deo dicatur. Quando vero communibus litteris, incertum est, an dicatur de Deo vero, an de quolibet aliorum. Aiunt ergo qui Hebraeos litteras legunt, Deum hic non suo signo tetragrammaton esse positum. De quo qui potest, inquirat. Hæc Origenes. Sed quia Glossa et Origenes hæc dicunt recitative, non assertive, argumentatio ista est parvi vigoris. Ideo dici potest eum Lyra, quod in Hebræo sic habeatur, quia nec Rabbi Paulus in hoc redarguit ipsum. De isto puncto infra magis dicitur.

*Mauentibus illis apud Balaam, venit Deus.* Invariabilis et incircumscriptibilis Deus locum non mutat, nec ad aliquem venit localiter, sed per effectum, videlicet gratiam infundendo, aut de novo quid operando, aut nuntium destinando : sicque venit ad Balaam, ad quem venit angelus sanctus missus a Deo, et loquens in ejus persona. Putantque aliqui quod fuit angelus ductor Israeliticæ plebis, de quo Dominus C dixit ad Moysen : Ecce ego mitto angelum meum qui præcedat te, et custodiat in via. *Et ait ad eum : Quid sibi volunt homines isti apud te ?* id est, cur venerunt ? Non ex ignorantia querit id Dominus, sed ut ad responsa Balaam pertinenter respondeat. Venit autem Dominus, non propter merita Balaam qui fuit iniquus, nec ipse Balaam Dominum invocavit, ut sibi appareret, et de agendis instrueret, sed potius more magorum a dæmone petiit eloceri, prout infra clarius ostendetur. Cur ergo Dominus D apparuit, et locutus est impio huic, nisi ex sua benignitate, et propter populum suum electum ? Etenim gratia talium apparitionum, et gratia prophetiæ, sunt dona gratiæ gratis datæ, communia bonis et malis, quæ propter communem dantur utilitatem. Respondit : *Balac rex Moabitarum misit ad me, dicens : Ecce populus cgressus est de Ægypto, et operuit superficiem terræ : veni, et maledic ei, si quo modo possim pugnans abigere eum.* id

est, populum hunc amovere de superficie terre, saltem meæ quam operit. Ex hoc habetur, quod Balac non proposuit omnino relinquere arma, sed populo maledicto a Balaam, intendebat contra eum pugnare. *Dixitque Deus ad Balaam : Noli ire cum eis, neque maledicas populo, quia benedictus est.* Multi enim boni erant tunc in populo Israel, et pro maxime parte erant electi, qui terram promissionis introierunt.

Queritur, cur Dominus apparuit Balaam B ad faciendam hanc prohibitionem, quum maledictio ipsius Balaam nihil potuerit populo illi nocere, nisi Domino permittente. Ad hoc Glossa respondet : Balaam acceptis oraculis, quum dæmones solerent ad eum venire, fugatos videt, et Deum adesse conspiciet : quem ideo dicit se interrogare, quia consuetos sibi apparere non cernit. Venit ergo Deus ad Balaam, non quia sit Deus ejus, sed ut fugentur illi qui ad maledicendum et ad malefaciendum adesse consueverunt. Hinc enim providebat Deus populo suo. Origenes vero in homilia de ista materia tractat prolixè et satis catholicè, inter cetera loquens : Non vult Deus dæmones ante tempus damnare, id est, omnes in infernum detrudere, ideo non removit diabolum a principatu sæculi hujus, quoniam opera ejus necessaria sunt ad perfectionem eorum qui coronandi sunt. Sic igitur agit, ut populus Israel adhuc rudis, qui nuper a cultura dæmonum abstrahi cœperat, dæmonibus non tradatur, et invocanti mago responsa non deferantur : ideo prævenit Deus, et non permittit Balaam dæmones invocare.

*Qui manæ consurgens :* quo constat, quod in nocte facta est ei apparitio et allocutio : an tamen in somno, an in vigilia, ignoratur : *dixit ad principes : Ite in terram vestram, quia prohibuit me Dominus venire vobiscum.* Ut fertur, Rabbi Salomon ait, quod Balaam cupidus et superbus, ideo adiecit, Vobiscum, quasi nuntii illi non fuissent sibi satis venerabiles, ut deducerent eum. Sed hoc dictum nec rationi con-

sonat, nec Scripturæ. Fnerunt enim nuntii illi seniores Moabitarum, et nobiliores Madianitarum. *Reversi principes dixerunt ad Balac: Noluisti Balaam venire nobiscum.* Sed an nuntii isti adiecerunt causam quam Balaam eis expressit, videlicet quia Dominus illud prohibuit, non est certum. *Rursum ille multo plures et nobiliores, quam ante miserat, misit, ut per exhibitionem majoris honoris, magis alliceret ambitiosum, atque ut tantorum nuntiorum excellentia flecteretur. Qui dixerunt ad Balaam: Sic dicit Balac filius Sephor: Ne cuncteris, id est, non tardes nec dubites, venire ad me: paratum habeo honorare te, et quidquid volueris dabo tibi: dummodo in mea sit potestate, secundum quod tales promissiones solent intelligi: veni, et maledic populo isti.* Respondit Balaam: *Si dederit mihi Balac domum suam plenam argenti et auri, non potero immutare verbum Domini Dei mei, ut vel plus vel minus loquar.* Dum volumus apertissime insinnare et fortissime affirmare, quam invite aliquid faceremus aut omitteremus, nominamus aliquid ad quod aliunde vehementer afficimur, aut quod maxime detestamur. Quum itaque Balaam volens ostendere, quam invitissime verbum Dei transgrederetur, mentionem inducit de argento et auro, apparet quod intensissime afficiebatur ad ea: per quod suæ cupiditatis excessus probatur.

Quæri potest, an per Dominum Deum suum intelligat verum Deum: et si sic, an protulit verba ista ex corde, an fiete. Ad primum videtur ex dictis dicendum, quod per Dominum Deum suum, intellexerit verum Deum. Ad aliud respondetur, quod dixit verba illa ex fictione, ut justior videretur, et credibilior reputaretur, sieque plura acquireret. Vel si non protulit ea ex simulatione, protulit ea ex servili timore: et ita tunc sensit sic, sed postea transgressus est verba Dei. Et si obijciatur, quod fuit idololatra, ut infra habebitur, ergo non coluit verum Deum, nec illum appellat Dominum Deum suum: respondendum,

A quod Balaam iste habuit magnam veri Dei notitiam, et certitudinem de providentia ejus. Ideirco, non obstante quod coluit idola, colere potuit verum Deum eo modo, quo quarto Regum de gentibus a rege Assyriorum in Samaria collocaatis, asseritur, quod coluerunt timueruntque Dominum, et nihilo minus idolis suis serviebant. Atque nunc usque (ut fertur) Tartari colunt unum altissimum Deum, et cum hoc idola sua. Sic et magni quidam philosophi, ut Porphyrius, Apuleius, et alii quidam adoraverunt unum summum omnium Deum, universorum principium, et præter hoc deos suos. Sic putandum reor de Balaam, qui fuit philosophus. Sicque verum Deum universorum vocavit specialiter Deum suum, vel quia tam gratiose sibi apparuit, vel ex præsumptione et simulatione ob causam prætectam.

Attamen sicut super Genesim allegavi, beatus Hieronymus aperte testatur, quod Balaam iste primo fuerat sanctus vir et verus Dei propheta, et quod postea cupiditate corruptus sit, sicut et proditor Judas. Hoc tamen aliorum dictis non consonat, nec videtur textui concordare: quia in isto capitulo Balaam vocatur ariolus, et infra habetur quod non ixit ut augurium quæreretur, scilicet solito more, ut exponetur ibidem. Unde elicitur, quod jam ante hæc fuerat magicis artibus deditus. Alibi quoque dicit Hieronymus, quod fuit Elin Buzites, de quo in libro Job legitur: et tamen Eliu ille vocatur filius Barachel, iste vero filius Beor. Ad quod dici posset, quod pater ejus fuit binomius: imo ut super Job circa proemium introduxi, Hebræi et Scholastica historia dicunt, Eliu illum fuisse hunc Balaam. Verum tamen circa hoc rursus quæstio oriretur, quoniam ut super Genesim recitavi, Hieronymus ait, quod Eliphaz primogenitus Esau, fuit Eliphaz Themanites, qui in libro Job inducitur disputare: et quomodo poterat ille usque ad tempus istud, quo circa finem vite Moysis Balaam ista dixit et egit, vixisse?

IV Reg.  
xxx, 33, 34.

Gen. xxx.  
21.

Job xxxii, 2.

Gen. xxxvi.  
4.  
Job iv, 1.

*Obsecro ut hic maneatis etiam hac nocte, ut scire queam quid mihi rursum respondeat Dominus.* In his verbis, secundum Augustinum, Balaam graviter peccavit. Ait equidem Augustinus : Balaam jam constans esse debuit, quum audisset a Domino, Non ibis cum eis : nec debuit spem nuntiis dare, quod posset Dominus sententiam suam mutare contra populum suum quem asseruit benedictum. Sed Balaam ista dicendo, ostendit se victum cupiditate : quod Dominus videns, permisit eum ire, ut avaritiam ejus primo coereret per asinam suam, hoc ipso confundens dementiam ejus, quod prohibitionem per angelum factam, asina transgredi non auderet, quam ipse ex cupiditate transgredi conaretur. Hinc loquitur Origenes : Quoniam Balaam persistebat in desiderio pecuniae, indulgens Deus potestati arbitrii ejus, ire permisit. Glossa etiam ait : Molestus est Balaam Deo, et quasi extorquet permitti sibi ut eat. Aliqui quoque fatentur, quod querebat aliquem modum quo posset ire. Et quamvis dicebat, Ut scire queam quid mihi rursum respondeat Dominus, ut sic magis authenticus videretur, optavit tamen ut Domino [non] veniente ad eum, demon permetteretur sibi apparere atque consulere.

*Venit ergo Deus,* id est angelus ex parte Dei, *ad Balaam nocte, et ait : Si te vocare venerunt homines isti :* de quibus in tantis angustiis positus, Dominus quasi compatiendo disseruit, *Homines isti : surge et vade cum eis.* Aliqui dicunt verba ista ironice esse prolata ab angelo : sed non videtur, quia subjungitur : *ita dumtaxat, ut quod tibi praecepero, facias,* id est, dicas et agas : sicque Facere sumitur hic, prout commune est ad loqui et operari. Itaque Dominus non dedit ei licentiam eundi cum nuntiis illis simpliciter, sed conditionaliter, puta sub pacto isto, ut Deo obediat in verbis et factis. Aliqui vero dicunt, quod verba illa, *Vade cum eis,* non fuerunt jussio neque concessio, sed quaedam permissio, qua Deus multa mala permittit, ut ex eis bona eliciat, sicut ex ista

itineratione ipsius Balaam elieuit plurima bona, ut infra patebit. Sicque justo judicio Deus reliquit eum ire in malum ipsius, ita quod ista permissio existit ira Dei, qui protestatur : *Dimisi eos secundum desideria cordis eorum.* Unde et Glossa interlinearis : Cedit Deus cupiditati, dimittit eum in desiderium cordis sui. Circa hoc Origenes : Per sapientiam, inquit, Dei omnia ita disposita sunt, ut nihil otiosum sit apud Deum, sive sit bonum, sive malum. Malitiam non fecit Deus, tamen ab aliis inventam, quum impedire possit, non impedit, sed utitur ea cum ipsis malis hominibus ad necessarias causas, quia per eos in quibus est malitia, probat eos qui ad gloriam tendunt. Si enim non esset malitia, non esset qui contrairet virtutibus. Virtus autem si contrarium non haberet, non claresceret. Tolle malitiam fratrum Joseph, auferes bona quae ex ea sunt consecuta. Tolle malitiam Balae regis et viam Balaam, non erunt prophetiae ipsius. Hec Origenes prolixè prosequitur. Veruntamen textum bene intuendo, constat quod non dedit Deus ipsi Balaam eundi licentiam, nisi ad bene agendum : et ad vitandum malum culpae, primo prohibuit ei transitum illum. Josephus autem dicit, quod Dominus volens per ipsum Balaam rem experimento probare, permisit eum ire cum nuntiis, ut sibi juste permetteretur perire.

*Surrexit Balaam mane, et strata asina profectus est,* id est equitavit, *cum eis.* Illis enim in terris asinae magnae sunt, similiter asini, sicut hic muli. Nec turpe est ibi, asino sedere aut asinae. *Et iratus est Deus :* similiter angelus Dei. Sed quare iratus est, quum jam dixisset, *Vade cum eis ?* Respondetur, quod ideo, quia perversa ivit intentione, et sicut in Scholastica narratur historia, mutavit propositum, et captus cupiditate promissorum, disponebat et intra se tractabat, qualiter malediceret populo Israel. Josephus tamen et alii quidam opinati sunt, quod Dominus ironice dixerit Balaam, *Vade cum eis :* atque ob id iratus fuerit ei, quia verbum illud accepit ut se-

PERISS. 11.



riose prolatum. Sed ut tactum est, hoc non videtur textui consonare. Si enim Dominus ironice dixisset, Vade cum eis, non addidisset, Ita dumtaxat, ut quod tibi præcepero, facias. Et iratus est Deus : *stetitque angelus Domini*, custos Israelitiæ plebis, *in via contra Balaam qui insidebat asinæ* ; et duos pueros, id est ministros vel filios sive discipulos, *habebat secum*. Ex hoc elicitur, quod quamvis cepit iter arripere cum nuntiis regis, tamen in via leceit illos præcedere, forte ut acutius cogitaret de consulendis atque agendis, vel quia speravit quod sibi in via nequam spiritus appareret.

*Cernens asina angelum stantem in via evaginato gladio*. Angelus ille in corpore assumpto et in humana apparebat effigie. Sed sicut Beatus habens corpus glorificatum, sibi plene obediens et subiectum, ostendit se uni, dum vult, et non alteri, ita et angeli in assumptis apparentes corporibus : sicque corpus illud angeli immutavit visum asinæ, et non visum Balaam, ut ipse per hoc paulo post suam vitiositatem, insipientiamque adverteret. Hinc ait Glossa : Magnus videt dæmones, asina angelum : non quod ipsa sit digna angelum intueri, sicut nec loqui, sed ut Balaam confutaretur. *Avertit se de itinere*, timens occidi, et ibat per agrum. *Quam quum verberaret Balaam, et vellet ad semitam reducere, stetit angelus in angustiis*, id est coarctationibus seu aretis itineribus, *duarum maceriarum*, quibus vineæ cingebantur, et ab invicem distinguebantur : et ad introitum semitæ illius Balaam reduxerat asinam suam de agro. *Quem videns asina, junxit se parieti*, id est maceriæ unius vineæ, elongando se pro posse ab angelo stante juxta maceriam aliam : *et attrivit sedentis pedem*, ita quod unus pes Balaam comprimebatur inter corpus asinæ et parietem vineæ. *At ille iterum verberabat eum asinam* ; et nihilo minus angelus ad locum angustum transiens, ubi nec ad dexteram nec ad sinistram poterat deviare propter aretitudinem loci, *obvius stetit*, id est ex

adverso Balaam. *Quumque vidisset asina stantem angelum, cecidit sub pedibus sedentis*, ex debilitatione quam incurrit ex timore angeli, et verberibus ac tractationibus Balaam. *Qui iratus vehementius*, quia erat res multum insolita, et videbatur quasi amentia obtusi jumenti, *cadebat fuste latera ejus*.

*Aperuitque Dominus os asinæ, et locuta est* : id est, Deus per linguam et os asinæ loentus est miraculose, non immediate per se, sed per ministerium angeli alienjus, qui linguam asinæ movit et flexit ad verba formanda, quemadmodum diabolus per os serpentis alloentus est Evam, imo per idola gentium, quæ nec os nec linguam vere et proprie habent, dæmones dant responsa. Et videtur Origenes velle, atque in Glossa habetur, quod angelus iste fuit qui præsidet speciei asininae. Quemadmodum enim quilibet hominum habet specialem angelum sui custodem, ita secundum Origenis intentionem, qualibet alia species specialissima rerum habet angelum sibi præidentem ac gubernantem. Ait equidem Origenes : Opus est mundo etiam angelis qui sunt super bestias et præsent animantium nativitati, incrementisque virgultorum et plantationibus ceterorum. De hoc scribit Thomas in prima parte summæ suæ, quæstione 110 : Virtus inferior materialis ac particularis, a virtute superiori universali et immateriali administratur et regitur, sicque corporalia et terrena ab angelis gubernantur. Plato autem posuit omnia sensibilia a formis separatis immediate profluere, sed doctores catholici ponunt, diversis rebus corporeis diversas esse præpositas spirituales substantias. Dicit etenim Augustinus libro Octoginta trium quæstionum : Unaquæque species visibilis in hoc mundo, habet angelicam potestatem sibi præpositam : atque ut asserit Damascenus, primus ille apostata angelus, fuit ex eis spiritibus qui orbi terrestri erant prælati.

Itaque locuta est : *Quid feci tibi ?* quasi dicat, Injuriam facis mihi, quia non fore feci tibi neque peccavi. *Cur percutis me*

Gen. iii, 1-5.

ecce jam tertio, id est tertia vice? Multa A mirabilia considerantur in opere isto. Nam numerare est actus rationis, quia in numeratione est collatio unius ad alterum per modum propositionalem, quæ collatio est actus rationis. Propter quod bene descriuit Avicenna, quod quamvis gallina apprehendat multitudinem suorum pullorum, non tamen numerum eorundem. Unde si multos habeat pullos, et se absente unum amittat aut duos, reversa non sentit; secus, si plures simul, quamvis absens, amittat. Quod itaque asina dixit, Percutis me B ecce jam tertio, quasi numerans vices suæ percussione, fuit super naturam. Præterea quæri potest, an asina propria intellexerit verba. Ad hoc communiter respondetur, quod non: sensit quippe ictus sibi inflictos, et imaginativa sensitivaque cognitione apprehendit eosdem: non autem sciebat quid loquebatur, nec supra actum suum habuit reflexionem. Ideo ait Glossa: Deus animam asinæ non vertit in rationalem naturam, sed quod sibi placuit, ex ea sonare fecit ad illius, scilicet Balaam, vesania C coerendam. Hinc dignissimus apostolici chori vertex, in secunda sua fatetur Canonica: Subjugale animal hominis voce loquens, corripuit prophætæ insipientiam. Insuper circa hæc quæri posset, an Creator omnipotens per omnipotentiam suam supernaturaliter poterat dare asinæ intelligentiam eorum quæ protulit: ejus rei discussionem disputatoribus, scholasticisque committo.

*Respondit Balaam: Quia commeruisti, et illusisti mihi*, id est, quasi stolidum me D tractasti. Vel, per te fraudatus sum meo intento, quia putabam quod mihi obtemperares, et convenienter me veheres: tu autem fecisti contrarium. *Utinam haberem gladium ut te percuterem*, id est, occiderem. *Dixit asina: Nonne animal tuum sum, cui semper insidere consueveristi usque in præsentem diem?* id est, super quod omni tempore opportuno interim quod me habuisti, solitus es equitare. *Dic quid simile unquam fecerim tibi. At ille ait:*

*Nunquam tale quid mihi fecisti. Inter hæc* (ut Augustinus conscribit) nihil mirabilius videtur, quam quod loquente asina, territus non est Balaam, sed insuper audacter ei respondit. Quod Augustinus solvit, dicendo quod Balaam assuetus fuit talibus monstris, atque (ut aliqui dicunt) solitus erat demones in specie animalium sibi apparentes videre, et secum loquentes audire. Alii dicunt, quod tanta cupiditatis aviditate ferebatur, quod nec tanti monstri miraculo terrebatur, et responderit ei quasi ad hominem loquens. Potest etiam dici, quod ex vehementia iræ, aut non, aut minus expavit. Ira namque mentem obtenebrat, facitque hominem periculose audacem, et periculorum improvidum. Tamen, ut Josephus ait, primo fuit inde turbatus. Sed quæri potest, an Balaam putavit verba sua intelligi ab asina sua; et rursus, a quo spiritu putavit asinæ verba formari. Ad quæ possit quis dicere, quod Balaam naturali philosophia instructus, agnovit asinam non esse intellectualis cognitionis capacem, nec ex suis viribus posse loqui: propter quod scivit verba illa a spiritu intellectualis naturæ formari; et potius reor, quod putavit ea formari a demone, quam ab angelo bono. Potuit tamen contingere quod ira repletus, non consideraverit actualiter, quod noverat habitualiter: ideoque locutus sit asinæ tanquam creaturæ rationali, et quasi peccaverit, quum esset innoxia. Vel protulit verba ad asinam, ut intelligerentur a loquente per eam, et indignatus est contra illum, et in illius dedecus voluit asinam trucidare.

*Protinus aperuit Dominus oculos Balaam*: non quod corporales oculi ejus hucusque fuerint clausi, sed quoniam Deo jubente, nunc aliter cœperunt videre, et illud inspicere quod antea non viderunt. Præterea aperuit oculos ejus interiores, manifestando ei quod ante nescivit, sicut subjungitur: *et vidit angelum stantem in via evaginato gladio*, tanquam iratum, et ad resistendum paratum; *adoravitque eum pronus in terram*, adoratione dulciæ, non

tamen ex vera virtute, neque ex caritate, sed ex servili timore, metuens ab angelo percuti. *Cui angelus: Cur, inquit, tertio verberas, id est jam verberasti, asinam tuam?* quasi dicat, Ipsa non meruit hoc, et tu ipse magis percuti meruisti. *Ego veni ut adversarer tibi, quia custos et propugnator sum Israelitici populi cui tu adversaris: quia perversa est via, id est ambulatio tua, mihiq[ue] contraria: quoniam ex intentione iniqua procedit, et quum non habueris licentiam seu permissionem pergendi ad Balac, nisi ut quae Deo sunt placita agas, tu cogitas ea quae displicent Deo, efficere. Et nisi asina declinasset de via recta, dans locum resistanti, id est mihi cedens, te occidissem, et illa viveret.* Hoc mihi videtur difficile, qualiter intelligendum sit quod angelus occidisset Balaam, nisi asina divertisset a via. Nonne et extra viam poterat attingere et interficere impium illum? Et si angelus illum interemisset, qualiter fuissent impleta quae Deus per Balaam voluit exhibere? Sed forte sic erat praedeterminatum, ut singula sic et sic, et non aliter, fierent. Vel quod ait, *Te occidissem, comminatio fuit ad perterrendum, ut vel sic resipisceret a peccato.* Etiam dixit hoc ad designandum, quam irrationabiliter ipse Balaam suam pereusserat asinam, per cuius declinationem ipse evaserat mortem.

<sup>1</sup> Reg. xv, 30.

*Dixit Balaam: Peccavi, asinam verberando, imo multo plus per cupiditatem et per pravam propositum, nesciens quod tu stares contra me in hac via.* Scivit tamen quod impium suum propositum fuit Deo angelisque contrarium: sed hoc, vitiositate repletus, non consideravit. Porro quod sequitur, *Et illa viveret, dupliciter potest intelligi: primo, quod asina ex nimia perterritione, flagellatione et violentatione sibi inflictis, repente obierit: secundo, quod angelus sic ipsum Balaam occidisset, quod ejus asinam non laesisset. Et nunc si displicet tibi ut ead[em], revertar.* Hoc dixit timore periculi, non animo sinceriter obediendi. Jam enim audivit ab angelo, quod

A via sua esset perversa, etc., et tamen conditionaliter ait, *Si displicet tibi, etc., quasi dicat, Quantum in me est, cupio ire et ead[em], dummodo tu permittas. Ait angelus: Vade cum istis nuntiis, scilicet regis, qui tamen jam praecesserunt, nec interfuerunt his gestis, sed aliquantulum erant progressi. Porro quod angelus ait, Vade cum istis, intelligendum est sicut quod Dominus dixit ad ipsum, Vade cum eis. Sed cave ne aliud quam praecepero tibi, loquaris. Igitur cum principibus, insequendo viam ipsorum.*

*Quod quum audisset Balac, utpote ipsum Balaam advenire: nam quidam ex nuntiis praecesserunt ad denuntiandum hoc regi, quatenus occurreret venienti: egressus est in occursum ejus, ad suscipiendum eum cum ingenti honore, quatenus eum ad omnem suam fleeteret atque alliceret voluntatem: imo remote ivit obviam ei cum grandi apparatu et populo. Nam subditur, in oppido Moabitarum, quod situm est in extremis finibus Arnon: ubi sunt C confinia Amorrhaeorum et Moabitarum, prout jam dictum est. Dixitque Balac: Misi nuntios ut vocarem te. Cur non statim venisti ad me? An quia mercedem adventui tuo reddere nequeo? Cui ille respondit: Ecce adsum. Numquid aliud loqui potero, nisi quod Deus posuerit in ore meo?* quasi dicat, Non. Tamen quia invite protulit illa, non promeruit, talia proferendo. Vel dixit hoc ex vanitate, ut magis authenticus haberetur a rege, sive ad innuendum cur non venerat cum nuntiis primis, quia videlicet Deus dixerat ne veniret.

*Perrexerunt ergo simul per aliquantum spatium, et venerunt in urbem quae in extremis regni ejus finibus erat. Quumque occidisset Balac oves et boves, ad convivandum cum Balaam, misit ad Balaam et ad principes qui cum eo erant, munera. Ex hoc elicitur, quod rex cito discessit a Balaam ad providendum de regali convivio. Interim quoque Balaam non parum sollicitus repausavit. Misit itaque munera*



ipsi Balaam, et principibus qui venerunt A  
cum eo, tanquam his qui suam legationem  
melius implere videbantur quam nuntii  
primi. Vel, misit munera et principes, id  
est principes cum muneribus ad Balaam,  
ut antequam malediceret populo, incita-  
retur per munera ad maledicendum illis  
aentius. *Mane autem facto, duxit eum ad*  
*excelsa Baal*, id est ad montem sublinem,  
videlicet Phasga, in quo Baal colebatur,  
ut jam inde inciperet maledicere cultori-  
bus veri Dei; *et intuitus est extremam*  
*partem populi*, id est totum populum us-  
que ad ultimos ejus, praesertim quum se-  
quenti habeatur capitulo: Dixit Balac ad  
Balaam, Veni mecum in alterum locum,  
unde partem Israel videas, et totum videre  
non possis. Vel sensus est, Intuitus est  
extremam partem populi, id est quousque  
extenderetur exercitus filiorum Israel;  
quod notavit adspiciendo ultimam agni-  
nis partem, ut magnitudinem exercitus  
sciret.

Sensus mo-  
ralis.

1 Tim. vi,  
10.

Moraliter ex isto capitulo informamur,  
ad quanta scelera trahat cupiditas, quae om-  
nium radix vitiorum merito appellatur, et  
mentem prorsus excaecat. Per Balac autem  
intelliguntur malevoli, qui in humanis  
confidunt versutiis: qui dum se per ra-  
tionem et potestatem cernunt non posse  
obtinere intentum, victoriamque sortiri,  
ad calliditates et dolos, atque ad callido-  
rum consilia ac subsidia convertuntur. Per  
Balaam autem recte accipiuntur consilia-  
rii vitiosi, astuti et arrogantes, qui Deum  
non metuentes, desiderio munerum et hono-

ris, fraudulenta atque nequissima praestant  
consilia. Rursus, per Balac designatur dia-  
bolus, qui a fidelibus metuens superari,  
assumit sibi in auxilium praelatum carna-  
lem et versipellem, quem cunctis modis  
instigat, ut per negligentiam scandalosam-  
que vitam alios seculum mittat in rete dia-  
boli. Docemur rursus ex isto capitulo, non  
multum appetere dona gratiae gratis datae,  
quae apud homines pariunt famam, saepe-  
que generant gloriam vanam; sed veram  
humilitatem, timorem Dei, et cetera gra-  
tiae gratum facientis dona, totis affectemus  
et conservemus praecordiis: et cognita Dei  
voluntate, non queramus occasionem ex-  
cusandi nos, aut peccandi: et tales simus  
in opere, quales in verbis. Balaam quippe,  
qui quasi devotissima et magnae perfectio-  
nis protulit verba, dicendo, Si dederit mi-  
hi Balac domum suam plenam auri, non  
potero immutare verbum Dei mei, et tamen  
impiam gessit mentem, designat hypoeri-  
tas, et eos qui quod docent, non implent:  
et coram hominibus pulchra et magna lo-  
quuntur, sed coram Deo turpia cogitare ac  
viliter se habere non erubescunt. Postre-  
mo, quod per asinam locutus est Deus, re-  
prehenditque Balaam, hoc designat, quod  
saepe per idiotas et simplices inerepat Do-  
minus sapientes et prudentes saeculi hujus;  
et quia infirma et stulta mundi elegit, ut  
per eos sapientes in oculis suis confundat.  
Itemque, quod inerepationem caritativam,  
pianque informationem gratanter debea-  
mus accipere, etiam si ab indoctis et sim-  
plicibus videatur procedere.

1 Cor. i, 27.

## ARTICULUS XXXVIII

EXPOSITIO CAPITULI VICESIMI TERTII: DIXITQUE BALAC AD BALAC.

QUALITER motus et quasi compulsus D  
sit Balaam ad benedicendum, nunc re-  
citatur. *Dixitque Balaam ad Balac: Aedi-*

*fica mihi hic septem aras*, id est, fac hic  
construi septem altaria, *et para*, id est, fac  
adduci etiam totidem vitulos, ejusdemque

*numeri arietes*, ut super quamlibet aram offeratur vitulus unus, unusque aries. Hæc sacrificia jussit Balaam immolari, non ad veri Dei honorem, sed ad reverentiam Baal ac dæmonum, quorum invocabat consilium et succursum. Fecit tamen (ut aliqui dicunt) septem aras parari, ad septem planetarum honorem, ex quorum constellationibus putavit vitam pendere humanam pro magna parte. *Quumque fecisset Balac juxta sermonem Balaam, imposuerunt simul vitulum et arietem*, hoc est Balac et Balaam pariter, *super aram* quamlibet, aut super unam et primam earum, unum vitulum et unum arietem, quatenus sacrificium ex hoc magis acceptum esset Baal sive dæmonibus, quoniam tam solennes ministri propriis manibus illud imposuissent. *Dixitque Balaam ad Balac : Sta paulisper juxta holocaustum tuum* : nam utrumque animal ad honorem Baal totum igne incendebatur : *donec vadam ad locum secretum*, in quo in quiete consistens, aptior sim ad apparitiones et revelationes quas cupio, *si forte occurrat mihi Dominus*.

NUM. XXIV,  
1.

infra habetur : Quumque vidisset Balaam quod placeret Domino, ut benediceret Israeli, nequaquam abiit ut ante perrexerat, ut augurium quæreret. Ex quibus verbis ostenditur, quod hæc vice similiter et sequente, abiit ad quærendum augurium : quod non quæritur a Deo, nec ab angelo bono, sed magis a spiritu malo. Cur igitur ait, Si forte occurrat mihi Dominus? nisi quod nomine Domini intelligit eum quem colebat tanquam idololatra, cui et sacrificavit. Vel nomine Domini verum Deum designat, quem etiam coluit juxta præhabita, ut amplioris auctoritatis esse credatur omne quod agit et loquitur. Propter quod subdit : *et quodcumque mihi impetaverit, loquar tibi*.

*Quumque abisset velociter*, desiderio complacendi satisfaciendique regi, et ut promissa acquireret præmia, *occurrit ei Deus*, id est angelus in Dei persona apparens et loquens, non propter merita aut preces Balaam, sed (ut dictum est præce-

denti articulo) quatenus fugaret diabolum, et maledictionem populi impediret, eumque faceret benedicti. *Locutusque ad eum Balaam : Septem, inquit, aras ereri*, id est erigi feci, *et imposui vitulum et arietem desuper* in holocaustum. Cur Balaam dixit hoc tam andaacter, quasi Deo placeret hujusmodi cultus et idololatria illa? Respondetur, quod gentiles philosophi putaverunt cultum deorum suorum esse placitum summo Deo, a quo putabant regimen mundi diis suis esse commissum, sicut ex libris Porphyrii et Apuleii, imo ex libro de Civitate Dei S. Augustini, monstratur. Dixit tamen Porphyrius, quod Deus prohibuit Hebræis cultum deorum, quia ipse solus voluit eoli ab ipsis Hebræis.

*Dominus autem posuit verbum in ore ejus*, id est, revelavit huic Balaam quod vellet dici per eum, *et ait : Revertere ad Balac, et hæc*, quæ statim sequuntur, *loqueris*. Et recte nunc dicitur, quod Dominus posuit verbum in ore ejus : quoniam fuit indignus apparitione et allocutione divina : qua si dignus fuisset, posuisset Dominus verbum in corde ipsius. Ideo Glossa fatetur : Quia in corde Balaam desiderium mercedis erat, verbum Domini non in corde, sed in ore ejus ponitur. Mira etenim dispensatione agebatur, ut verba prophetiarum quæ intra Israeliticam aulam, id est Synagogam, continebantur, per Balaam ad gentes pervenirent, dum ei crederent gentes : nationibusque proferret secreta de Christo mysteria, ac magnum thesaurum, non tam corde et sensu, quam ore et sermone. Hæc Glossa. Verumtamen hoc ultimum verbum Glossæ, non est sic accipiendum, quasi Balaam non intellexerit vaticinia sua quæ infra habentur : alias non fuisset propheta, quia intelligentia est opus in visione : sed quod cordis sui affectio revelationibus sibi factis non concordabat. *Reversus, invenit Balac stantem juxta holocaustum suum* : juxta quod stabat, ut deus suus respiceret eum simul cum sacrificio suo : *et omnes principes Moabiturum*, vel simpliciter omnes, vel

B

C

D

Don. x, 1.

quosdam de omnibus. Aderant quoque principes Madian.

*Assumptaque parabola sua*, hoc est, sermone obscuro et mystico ac parabolico inchoato: nam infra loquitur per similitudines designantes quendam mystica et obscura, secundum quod moris est Prophetarum; *dixit: De Aram*, id est de loco seu oppido Mesopotamiæ sic vocato, *adduxit me*, hoc est, per nuntios deduci me fecit, *Balaam rex Moabitarum, de montibus orientis*: quoniam terra illa est in parte orientali respectu terræ Moab, suntque in terra illa Aram montes, per quos fuit ipsius Balaam iter. *Veni, inquit, et maledic Jacob*, id est filiis Israel natis ex semine Jacob: *propera*, quia periculum est in mora, *et detestare*, hoc est, abominabilem esse affirma, ac doce qualiter abominabilem faciamus, *Israel*, id est Israeliticum populum natum ex præfato Jacob, qui alio nomine dictus est Israel. *Quomodo maledicam, cui non maledixit Deus? Quæ ratione detester, quem Dominus non detestatur?* quasi dicat: Nec juste, nec rationabiliter maledicere aut abominari valeo populum istum, qui est benedictus et honoratus a Deo. *De summis silicibus ridebo illum, et de collibus considerabo illum*. Litteralis sensus uno modo potest hic esse, quoniam Balaam ductus fuit in montem valde sublimem petrosum, et inde intuebatur populum Israel, qualiter erat multus et fortis, ordinate quoque per tribus suas dispositus, habens in medio sui tabernaculum Dei. Deinde de montibus minus altis consideravit plebem eandem. Amplius autem loquendo, per summos silices intelliguntur Patriarchæ majores, solidissimi in omni virtute: per colles, Patriarchæ minores et sancti patres. Ex quorum consideratione poterat perpendi, quod filii Israel erant populus benedictus a Domino, qui eis terram Chanaan repromisit daturusque fuit, sicut ad Patriarchas, præsertim ad Abraham, Isaac et Jacob, frequenter fuit locutus.

*Populus solus habitabit*, hoc est, popu-

lus Israeliticus morabitur in terra sibi promissa, segregatus ab aliis nationibus fide, circumcisione, conversatione, habitu et privilegiis multis; *et inter gentes non reputabitur*, id est, erit specialis et electus, peculiarisque populus Dei, non annumerandus gentibus aliis, nec computandus inter communes; de quo per Isaiam Dominus dixit: *Hereditas mea Israel*. Dicunt expositores, quod Balaam nihil prophetauit de adversitatibus Israeliticæ plebis, ne ex tali vaticinio Balaam et aliæ gentes animarentur ad impugnandum eandem. Alias potuissent hæc verba de adversitate plebis illius exponi, quia in captivitate Babylo-nica et Romana habitavit plebs illa hinc inde dispersa, et distincta ab aliis atque contempta. *Quis dinumerare possit pulverem Jacob*, hoc est posteros Jacob patriarchæ instar pulveris seu arenæ multiplicatos, *et nosse numerum stirpis Israel?* quasi dicat: Tam copiosa erit per temporum successiones plebs nata ex Israel, quod ab hominibus non poterit numerari. Verum-tamen illi quos Balaam vidit, poterant numerari. Hinc quoque in Genesi Dominus locutus est Abraham: Si quis hominum possit numerare pulverem terræ, semen quoque tuum numerare poterit.

*Moriatur anima mea morte justorum*, hoc est, anima mea recedat a corpore morte salubri, quæ est janua vite beatæ: non quod anima desinat esse, sed quia mors justorum est recessus a vita præsentis in statu gratiæ et salutis: et tali modo optavit Balaam iste, ad horam compunctus, ab hac vita recedere: noluit tamen justorum apprehendere vitam. *Et fant novissima mea horum similia*, hoc est, tale iudicium et talem beatitudinem adipiscar, qualia iusti acquirunt. Istud desiderium Balaam fuit quædam imperfecta velleitas optativa, qua nunc usque multi cupiunt vitam suam bene concludere, finaliterque salvari, non tamen procedunt in actum: quia non habent velle imperativum plenum et efficax, quod, impedimento cessante, in opus procedit, quale nec Balaam habuit. Transla-

It. xiv, 24.

Gen. xiii, 16.



tio Septuaginta sic habet: Moriatur anima mea inter animas justorum, et fiat semen meum ut semen hoc. Sicque optavit posterorum suorum salutem: quod secundum Glossam impletum est in Magis, qui Christum adoraverunt, qui descenderunt de Balaam per generis successionem et disciplinae traditionem, quos constat cognovisse stellam quam Balaam prädixerat orienturam.

*Dicitque Balac ad Balaam.* Audita hae benedictione populi, ejus maledictionem speravit audire, rex Balac contristatus est valde, et secundum Glossam ultra non ferens, verba prophetantis interrupit, dicendo: *Quid est hoc quod agis?* quasi dicat, Perverse te habes. Nam *ut malediceret inimicis meis*, imprecando eis adversa, et prädicando de eis mala, ac operam dando quod talia nunc eis contingant, *roavi te; et tu contrario benedicis eis*, id est, eos commendas, et bona vaticinaris de eis. *Cui ille respondit: Num aliud possum loqui, nisi quod jusserit Dominus?* Certum est quod Balaam non poterat licite aliquid loqui contra praeceptum Dei, et tamen post hae dedit consilium malitiosum adversus hunc populum, contra Dei praeceptum. Verumtamen Deo omnipotenti, tanquam infinitae potentiae supergloriosissimo Creatori, est proprium directe et immediate agere in omnem voluntatem creatam, et illam ad libitum immutare, flectere, et vertere quocumque voluerit: nec potest quis hujusemodi inelinationi motionique Dei resistere, nec tamen absolute compellitur (sicut nec Sancti in patria, quamvis non possint in contrarium boni, in quo sunt confirmati), nam et Creator excelsus movet voluntatem ipsius. Denique per hae verba lassus est Balaam, magicas suas artes, superstitiosasque practicas divinationum et auguriorum contra Deum nil posse, nec aliquid nisi Deo permittente valere.

*Dixit ergo Balac ad Balaam: Veni mecum in alterum locum, unde partem Israel videas, et totum videre non possis.* Quod ait, Veni mecum in alterum locum,

A quidam exponunt de alio monte, juxta praehabita in praecedenti articulo. Alii autem exponunt de alio loco praefati montis, videlicet Phasga. *Et inde maledicito ei.* Juxta expositores, Balac iste putavit ipsum Balaam perterritum ex inspectione totius Israelitici populi, et ideo ausum non fuisse maledicere ei, sed beatificasse tantum exercitum: ideo voluit eum ducere in locum, in quo non videret, nisi partem populi hujus. Forsitan quoque putavit hic Balac, quod Balaam non audebat maledicere populo toti, propter virtutes et merita tantae communitatis Deum summum colentis: sed quod parti populi, quae minus habuit gratiae ac virtutis, maledicere bene auderet. Iterum aestimabant gentiles, praesertim augures et divini, omnia interesse locis atque temporibus, et in auguriis ac magicis actibus loca esse observanda ac tempora. *Quinque durisset eum in locum sublimem, super verticem montis Phasga:* qui loens quamvis esset plurimum altus, tamen erat sic situatus, quod ex eo totus populus Israel simul videri non poterat, quamdiu erat in loco, in quo tunc fixit tentoria: *edificavit Balaam septem aras,* id est, eas erigi fecit, *et impositis supra vitulis et arietibus:* fecit enim, ut ante, parari septem vitulos, totidemque arietes ob causam praedictam: *dixit ad Balac: Sta hic juxta holocaustum tuum, donec ego pergam obviare ad locum seorsum,* in quo demonem mihi occurrere opto, ut instruar ab eodem.

*Cui quum Dominus,* scilicet angelus Domini, *occurrisset,* ob causas praehabitas, *posuissetque verbum in ore ejus, ait: Revertere ad Balac, et haec loqueris ei* Ista fuit causa, cur bonus et sapiens Deus permisit impium Balaam ire ad Balac, et quod eunti ad consulendum diabolum, Dominus dignabatur occurrere: ut scilicet ex malitiis Balaam, bona magna eliceret, ut scilicet ei annuntiaret quaedam secreta, et ea per spiritum prophetiae pronuntiarentur a Balaam, ad omnium gentium utilitatem. Hinc loquitur Origenes: Deus verbum suum in-

jecit in os Balaam, prohibens fieri maledictiones, ut benedictionibus locum daret; et pro maledictionibus proferri fecit benedictiones et prophetias, quæ adificant etiam reliquas gentes. Si enim prophetiæ Balaam a Moyse scriptæ sunt, quanto magis ab his qui cum ipso Balaam in Mesopotamia habitabant, a quibus tanquam discipulis magicæ artis, magnificus habebatur? Ex ipso namque fertur gens institutioque magorum vigere in partibus orientis, qui scripta habentes omnia quæ Balaam prophetaverat, hoc inter cetera habuerunt: Orietur stella ex Jacob, et exsurget homo de Israel. Ideo Magi nato Domino, cognoverunt et intellexerunt impleri prophetiam, magis quam Judæi. Ideo Magi scientes adesse tempus, venerunt et adoraverunt Dominum, atque ad magnum fidei argumentum, venerati sunt puerum parvum quasi regem magnum. Hæc Origenes. Hinc ait et Glossa: Rogatur Balaam ut populo Israel maledicat. Stant attonitæ gentes, obnixæ exspectantes quid respondeat Balaam, quem divinis dignum credebant colloquiis. Vide quomodo divina sapientia vas in contumeliam præparatum, proficere fecit, non uni genti dumtaxat, sed toti mundo: et huic cui solebant demones apparere, apparet Deus, prohibens illi iter mali operis. Stupescit Balaam, et miratur prohibentis auctoritatem. Hæc Glossa.

*Reversus, invenit eum*, videlicet Balæ regem, *stantem juxta holocaustum suum, et principes Moabitarum cum eo. Ad quem Balæ: Quid, inquit, locutus est Dominus? At ille assumpta parabola sua, ait: Sta, Balæ, et ausculta; audi, fili Sephor. Balaam iste admiratione majestatis divinæ repletus ad horam, et magnitudine revelationum sibi factarum attonitus, nescit blandiri, sed velut imperterritus, constanter locutus est regi, adstantibus ejus principibus. Non est Deus quasi homo, ut mentiatur: ideo quod jam semel pronuntiavit, implebitur: nec ut filius hominis, ut mutetur: ideo invariabiliter fixum est verbum ipsius, qui per Malachiam ait,*

A Ego Dominus, et non mutor: Apud quem, ut Jacobus ait apostolus, non est transmutatio, neque vicissitudinis obumbratio. Ipse enim Deus gloriosus et adorandus, est ætus purus, et ens infinite perfectum, æternaliter in optima sui dispositione consistens. *Dixit ergo, et non faciet?* quasi dicat: Non utique, sed quod se dixit facturum, efficiet. *Locutus est, et non implebit?* Veruntamen in Ezechiele, Jeremia, Zacharia, aliisque Prophetis frequenter loquitur Dominus per modum dominatoris ac judicis variabilis atque flexibilis: et per Isaïam ac Ionam quædam dixit futura, quæ non evenerunt, puta de morte Ezechie, eversioneque Ninive.

Quocirca pensandum, quod duplex est prophetia seu prænnuntiatio Dei: Una prædestinationis seu æternæ præcognitionis, dum scilicet Deus prænnuntiat aut revelat aliqua, prout sunt in sua infallibili ac divina notitia: in qua omnia quasi præsentialiter intuetur, et quidquid ita prænnuntiat aut revelat, infallibiliter adimpletur seu evenit. Alia prænnuntiantur aut revelantur a Deo per angelos, secundum quod sunt in causis suis secundariis, naturalibus et proximis, quæ interdum non ita eveniunt nec implentur, quoniam causæ eorum mutantur. Unde ait per Zachariam: Convertimini ad me, et convertar ad vos. Atque per Jeremiam: Repente loquar adversum regnum, ut destruiam illud. Si pœnitentiam egerit, agam et ego pœnitentiam. Et tamen in primo libro Regum Samuel contestatur: Porro triumphator in Israel non pareet, et pœnitudo non fleetetur.

*Ad benedicendum adductus sum*. Bene ait, Adductus sum: nam quamvis ipse non venit intentione benedicendi. Dominus tamen adduxit eum ad benedicendum populo suo. *Benedictionem prohibere non valeo*, id est, vitare nequeo quin verba bona et commendatoria, imprecativaque boni loquar de populo isto, quoniam Deus me movet ad talia. *Non est idolum in Jacob, nec videtur simulacrum in Israel*, id est, plebs ista Israelitica nata ex Jacob, non est

*Malach.*  
iii, 6.  
*Jacob* i, 17.

*Ezech.* iii,  
11; xv.  
*Jer.* ii, iii,  
xvi.  
*Zach.* xiii,  
xv.  
*Is.* xxxviii,  
1.  
*Jonæ* iii, 4

*Num.* xxiv,  
17.

*Matth.* ii, 1.

*Zach.* i, 3.

*Jer.* xviii,  
7, 8.

*1 Reg.* xv,  
29.

vitio idololatriæ obnoxia. Dicuntque alii, quod idolum sit imago facta ad similitudinem alienius rei existentis: simulacrum vero, imago facta ad similitudinem rei non existentis. Glossa vero dicit opposito modo, quum et Apostolus dicat: *I Cor. viii, 4.* Nihil est idolum in mundo. Alia translatio habet sic: Non erit labor in Jacob, nec videbitur dolor in Israel. Per quæ verba status futuræ vitæ denuntiatur, ut Origenes exponit. In hac etenim vita labor et dolor abundant. *Dominus Deus ejus cum eo est*, id est, verus Deus per gratiam, opem et protectionem adest populo huic: ideo superari non potest, nisi Deum offenderit: *et clangor victoriæ regis in illo est*: id est, quamvis hic populus non habeat regem terrenum, tamen adjutorio regis cœlestis undique prævalet, sicque clangor victoriæ, id est præclara fama triumphii, convenit huic plebi. Clangor autem proprie dicitur sonus tubarum, et filii Israel certis tubis utebantur ac personabant in præliis: qui sonus fuit signum victoriæ eis promissæ a Rege cœlorum. Septuaginta sic transtulerunt: Præclara principum cum ipso sunt. Potestas eximia, victoriosaque pugna consistunt in Israelitico populo.

*Dominus Deus eduxit eum*, scilicet populum istum, *de Ægypto* per signa atque prodigia, *cujus fortitudo similis est rhinocerotis*. Quod ait, Cujus fortitudo, potest referri sive ad Deum, sive ad populum Israel. Dicitur autem rhinoceros *ῥινό τεῦ ζῆς*, quod est naris, et *ζῆς*, quod est cornu, quasi animal gerens cornu in naribus, sive ut alii dicunt, inter oculos seu in fronte: *Id* quod Græce vocatur *ῥινόκερος*, a *ῥίνο*, quod est unum, et *ζῆς*, quasi unicum cornu habens. De hoc animali scribunt, qui de proprietatibus animalium tractant, quod sit animal fortissimum atque acerrimum, subtilissimum habens caput, et unicum cornu in nare: estque talis naturæ, quod nullus venator ipsum capere valet, sed virgo in campo exponitur, qua visa, omnem feritatem deponit, et quasi humiliatus, cedit in ejus amplexus, tamen absque

libidinis sorditate. Gregorius quoque: Rhinoceros, inquit, tantæ est fortitudinis, ut nulla venantium capiatur virtute, sed virgo puella proponitur, quæ venienti aperit sinum, in quo ille, omni ferocitate deposita, caput ponit: sicque soporatus, velut inermis mox capitur. Verumtamen tam indomitæ est naturæ, ut dum captus fuerit, teneri non queat: aut si teneatur, impatiens mori protinus dicitur. Ideo alii dicunt, quod sit superbissimum animal, ita quod dum contra suam inclinationem tenetur, ex indignatione cadit et moritur. Denique secundum Albertum, cornu rhinocerotis longitudinis est duodecim pedum et amplius, quod est ante valde acutum, et plenum seu solidum, non concavum: et in basi ubi conjungitur capiti, diameter ejus est plus quam palmi, quod egreditur ad similitudinem gladii. Ideo alii asserunt: Unicornis in media fronte gerit cornu tam acutum et validum, ut quidquid impetierit, aut ventilet, aut perforet. Cum elephantibus solet pugnare, quos in ventre vulnerat ac prosternit, et buxi fertur esse coloris. Unde omnipotens Deus ad ostendendam infinitam suæ excellentiam potestatis, mentionem inducit de rhinocerate ad Job: Numquid, inquires, volet rhinoceros servire tibi? Numquid fiduciam habebis in magna fortitudine ejus?

*Job xxxix, 9, 11.*

Itaque si comparatio ista ad fortitudinem rhinocerotis, referatur ad Israeliticum populum, sensus est, quod sicut rhinoceroti nulla pene bestia poterit prævalere, sic nulla gens filiis Israel, quamdiu Deo obedierint, prævalere valeret. Si vero comparatio ista referatur ad Deum, merito quaeritur, quid magnum omnipotenti Creatori, si fortitudo ejus fortitudini bestie assimilaretur, nisi in his quid mysticum intelligatur: videlicet quod Virgo mundissima atque sanetissima Omnipotentem, cui nullus potest resistere, sua humilitate, caritate, et interno decore in se traxit, et in suo ventre ac gremio requiescere fecit, juxta illud, *Concupiscet rex decorem tuum, Ps. xlii, 12.* quoniam ipse est Dominus Deus tuus. Sic-



que in verbis istis mysterium Incarnationis innuitur, quod (ut infra patebit) erat Balaam revelatum. Porro Septuaginta translulerunt : Deus eduxit eum ex Aegypto : gloria ejus gloria unicornis. Circa quod loquitur Origenes : In potentia unicornis intelligitur Christus : cornu autem pro regno multoties ponitur, juxta illud in Daniele, Quatuor cornua, quatuor regna sunt. Sicque sub nomine unicornis ostenditur, quod universa quæ sunt, sint unum regnum Christi. Omnia enim subiecit (Pater) sub pedibus ejus. Et ipse testatur : Data est mihi omnis potestas in celo et in terra.

*Non est augurium in Jacob, nec divinatio in Israel* : id est, Israeliticus populus superstitionibus et magicis artibus non nititur, nec per auguria quæ ex garritu avium veritatem prognosticant, nec ex aliis speciebus divinationis querunt de secretis et futuris doceri, sed a Deo suo. Ideo subditur : *Temporibus suis dicetur Jacob et Israeli, quid operatus sit Deus* : id est, tempore congruo revelabitur Israelitico populo per Prophetas aut alios sanctos viros, quid Deo sit placitum, et quid fecit, aut facturum sit Deus, secundum quod expedit sciri. *Ecce populus ut leona consurget, et quasi leo erigetur* : id est, populus Israel adversus hostes suos accedet ad pugnam eum omni confidentia et virtute, et ipsos prosternet, quemadmodum leo et leona cum animositate animalia alia invadunt et vincunt. *Non accubabit donec devoret prædam* : id est, non quiescet donec adversarios suos prostraverit, diripueritque bona ipsorum : *et occisorum sanguinem libat*. Hoc est metaphoricum verbum, ad insinuandum quod sicut sitiens delectatur in potu, et ex abundantia ejus reficitur, sic filii Israel in dejectione adversariorum suorum ketati sunt zelo justitiæ, et in quantum ex præcepto Dei fecerunt hoc, juxta quem modum fertur de justo : Manus suas lavabit in sanguine peccatoris. In libro quoque Job : Videbunt justi et ketabuntur, et innocens subsannabit eos.

*Dixitque Balac ad Balaam : Nec maledicas ei, nec benedicas* : quasi dicat, Si vis non maledicere hostibus meis, saltem cessa a benedictione eorum. Consternatus fuit Balac, et omnes qui adstabant attoniti erant ac territi ex auditis. *Et ille, scilicet Balaam, ait : Nonne dixi tibi, quod quidquid mihi Deus imperaret, hoc facerem*, id est, dicerem et implerem? Non poterat se aliter excusare. *Et ait Balac ad eum : Veni, ducam te ad altum locum, si forte placeat Deo, ut inde maledicus ei*. Credidit Balaam ipsum Balaam habere maledicendi voluntatem, quamvis lucusque prohibitam, sed adhuc putat ei deesse loci opportunitatem. *Quinque duxisset eum super verticem montis Phogor, qui respicit solitudinem, dixit ei Balaam : Edifica mihi hic septem aras, et para totidem vitulos, ejusdemque numeri arietes per singulas aras*. Impius iste magnus tam frequenter increpatus a Domino, atque prohibitus maledicere populo, adhuc in pessima permanet voluntate, et quarit occasionem qua maledicat, consentitque regi iniquo, loca mutando, et sacrilega sacrificia jubet. *Fecit Balac ut Balaam diceret, Imposuitque vitulos et arietes per singulas aras*, id est, super quamlibet aram imposuit vitulum unum et unum arietem, sicut et antea egit.

Spiritualiter docemur ex præsentis capitulo, ne pauperibus, idiotis, simplicibus, monstruosis, infirmis aut justis maledicamus, quibus Dominus benedixit : Beati, inquiens, pauperes, quia vestrum est regnum Dei : imo talibus, præsertim miserabilibus personis, præcipuo caritatis affectu condoleamus, benedicamus, auxiliemur. Denique quidquid benedictionis ad litteram locutus est Balaam de Israelitis, spiritualiter et præeminenter de christiano potest intelligi populo, quem considerare debemus de summis silicibus, et intueri de collibus : quoniam quanta sit dignitas, virtus, excellentia et perfectio populi hujus, non solum ex contemplatione Christi qui est petra altissima, sed et Apostolorum,

Sensus spiritalis.

Luc. vi, 20.

Don. viii, 22.

Ps. viii, 8.

Matth. xxviii, 18.

Ps. lxxii, 11.

Job xxii, 19.

apostolicorum quoque virorum oportet advertere. Christus quippe per gloriosos Apostolos insignivit Ecclesiam suam, exaltavit et locupletavit eandem ecclesiasticis sacramentis, auctoritatibusque divinis, sacris Scripturis, omni virtute, dono et gratia Spiritus Sancti. Nec solum in uno climate terræ et angulo mundi, sed ubique terrarum dilatavit Ecclesiam, merito et numero auxit eam, ita ut pulvis Jacob, hoc est spiritualis soboles Christi, omnium vitiorum excellentissimi supplantatoris, nequaquam valeat numerari.

Dicamus demum et nos: *Moriatur anima mea morte justorum*. Pretiosa enim in conspectu Domini mors justorum. Sed sic dicamus hoc, ut vitam illorum viriliter aggrediamur, et efficaciter prosequamur. Qui autem tanti fervoris est, ut cum sanctis martyribus pro fidei veritate, aut defensione justitiæ optet occumbere, condigne potest orare: *Moriatur anima mea morte justorum, et fiant novissima mea horum similia*. Sed curemus ut prima nostra ac media, sint primis illorum ac mediis, puta conversationi et profectui spirituali, conformia. Nec aliud loquamur, nisi quod jusserit Dominus, hoc est, nil proferamus contra præceptum Altissimi. Non mendacium, nec detractionem, neque seminationem discordiæ, aut verba contumeliosa seu jaectantiosa, sed ea quæ jussit Creator, assidue resonemus, implentes quod scriptum est: Benedicam Dominum in omni tempore, semper laus ejus in ore meo.

*Non est idololum in Jacob*. Israeliticus ille populus in idololatriam frequenter dilapsus est, non autem populus christianus. Verumtamen a spiritualibus idolis, hoc est a phantasmatibus vanis et turpibus, ab amore venereo, ab avaritia, quæ simulacrorum est servitus, ab omni elatione et ambitione, quæ sunt diabolicæ imi-

tationes, atque ab omni inordinata adhesionem, qua creaturis magis quam Creatori impie coheretur, nos abstinere oportet: sieque stabiliri in Domino, et in veritatibus ac virtutum affectum tam constanter ac immobiliter transformari, ut ad imitationem invariabilis Dei, nec mentiamur, nec a præfatis bonis mutemur, ita ut nec terror, neque cupido, nec amor, nec pœna, neque voluptas a veritate et virtuositate nos unquam avertat. Justus etenim quasi fundamentum æternum. Hinc nam-

que hortatur Apostolus: *Stabiles estote et immobiles, abundantes in opere Domini semper*. Si ita egerimus, erit Dominus Deus noster nobiscum, neque prævalebunt nobis adversarii nostræ salutis, imo succumbent. Nam *et clangor victoriæ regis nostri* sonabit in cordibus nostris, exclamans: Deus conteret Satanam sub pedibus vestris velociter. Et item: *Beati omnes qui sperant in Domino*. Proprie Dominus nos eduxit de Ægypto, id est vitiorum caligine et potestate tenebrarum invisibilium inimicorum. Non sit ergo in nobis augurium, nec ulla species magicæ artis. Curiositas præscientiæ futurorum, atque aviditas cognoscendi secreta, quorum notitia non est ad salutem proficiua, abjiciantur: sed quæ Deus præcepit, et quæ nobis in Scripturis patefecit, jugiter cogitemus. Qui autem indiget sapientia, postulet a Deo, nihil dubitans, plenus fide.

Postremo populus christianus multoties ut leona surrexit, atque ut leo erectus est contra visibiles et invisibiles hostes, in tantum quod qui ei maledicere tentaverunt, coacti sunt virtutem Christi fateri, ejusque populum exaltare: imo innumerales tales ad fidem Christianorum conversi sunt, etiam persecutores et magi atque philosophi multi, qui spiritui et gratiæ Christi non poterant reluctari.

Prov. x, 25.

1 Cor. xv, 58.

Rom. xvi, 20.  
Ps. xxxiii, 9, 23.

Ecclesi. iii, 22.

Jacob. i, 6.

Coloss. iii, 3.

## ARTICULUS XXXIX

ELUCIDATIO LITTERALIS CAPITULI VICESIMI QUARTI : QUUMQUE VIDISSET BALAAM  
QUOD PLACERET, ETC.

**C**ONTINUATUR hic historia duorum A  
præcedentium capitulorum. *Quumque vidisset Balaam quod placeret Domino ut benediceret*, ipse Balaam vel Deus per Balaam, *Israeli, nequaquam abiit ut ante perregerat, ut augurium quæreretur*. Præcedenti namque capitulo patuit, quod his recessit per aliquantulum spatium a Balaam, ceterisque adstantibus ad quærendum augurium, ut scilicet a demonibus instrueretur de modo maledicendi filiis Israel : sed angelo sancto præveniente et occurrente, impeditum est propositum Balaam, et jussus est benedicere plebi. Timens ergo ne et tertia vice sibi accideret simili modo, non ivit ad quærendum augurium, quia scivit quod non acquireret responsum a dæmone, sed quod angelus ei appareret, atque juberet benedicere populo. *Sed dirigens contra desertum*, in quo filii Israel quiescebant, *cultum suum* : quod fecit Deo instigante, ut sic excitaretur ad benedicendum populo Dei : *et levans oculos exteriores et interiores, vidit Israel in tentoriis commorantem per tribus suas*. Nam quælibet tribus habuit locum et situm proprium, sibi assignatum per Moysen, distinctum ab aliis tribubus. *Et irruente in se spiritu Dei*. Proposuit impius ille maledicere plebi Dei; sed Spiritu Sancto præveniente, impeditus est actus voluntatis perversæ. Irruit autem in eum spiritus Dei per summum effectum, quia repente illuminatus est spiritu prophetiæ, et immutatum est cor ipsius, non de vitio ad virtutes, sed de consideratione malevola ad agnitionem salubrem, et si non sibi qui ea abusus est, D aliis tamen. Irruit ergo in eum spiritus Dei, quantum ad dona gratiæ gratis datæ, quæ bonis et malis existunt communia.

Et *assumpta parabola, ait*. Job quoque *Job xxvii, 1*, legitur esse locutus assumpta parabola. *Dixit Balaam filius Beor; dixit homo, cujus obturatus est oculus* : obturatus, id est vitiis obscuratus, repletus et clausus, fuit oculus ejus interior, ita quod nihil salubriter ac meritorie vidit. Alia translatio habet : Dixit Balaam filius Beor, homo vere videns. Unde et littera alia habet, *Cujus revelatus est oculus* : ut sit sensus, quod oculus ejus interior fuit cœlestibus visionibus illustratus, quando et oculus ejus exterior fuit obturatus, id est somno clausus, quia in somno factæ sunt ei aliquæ revelationes, tam ab angelo bono, quam a malo, sæpius tamen a malo. *Dixit aulitor sermonum Dei* : quoniam tam in somno quam in vigilia audivit a Deo per angelum verba prophetalia ac divina, imo et quædam præcepta, quibus et partim inobediens fuit, ut patuit et patebit : *qui visionem Omnipotentis intuitus est*, hoc est, revelationes imaginarias seu aliter sibi factas, veraciter intellexit. Vel, Visionem Omnipotentis, id est, ipsum Omnipotentem in visione cognovit speculative per suos effectus.

*Qui cadit, et sic aperiuntur oculi ejus*. Hoc multipliciter explanatur. Primo sic : Qui cadit, id est, ruit in culpam, et sic aperiuntur oculi ejus interiores : quia dum ruit ad quærendum auguria, contemplatus est in vigilia exteriori inspectione angelum, qui docuit eum quid diceret, et futura prænuntiavit eidem. Secundo sic, Qui cadit : quia dum angelum vidit ad oculum, prostravit se, adoravitque illum ; vel ex timore et admiratione seu reverentia cecidit, vel ex alienatione a corpore, aut corporis debilitatione, quemadmodum in



talibus visionibus fieri solet. Unde et Da-  
*Dan. xiii, 18.* niel : Collapsus sum, inquit, pronus in  
*Ezech. ii, 1.* terram. Ezechiel quoque : Vidi, et cecidi  
*Is. xvi, 3.* in faciem meam. Et Isaias : Corruui quum  
 audirem. Et post huiusmodi casum illumi-  
 nati sunt spiritu prophetiae oculi Balaam  
 infelicis. Tertio sic : Qui cadit, hoc est, in  
 somnum resolvitur, et sic aperiuntur oculi  
 ejus, quia in somno revelationes quasdam  
 sortitus est. Unde, ut aliqui dicunt, in He-  
 braeo habetur : Qui ponit, id est, in lecto  
 reelinat se, ut in historiis exponit Ma-  
 gister.

Hanc ultimam expositionem sequitur Al-  
*Job iv, 13.* bertus, dicens super illud Job, In horrore  
 visionis nocturnae, quando sopor solet oc-  
 cupare homines : Sopor est somnus pro-  
 fundus, ligans sensus et imaginationes :  
 sed ad intellectum non perveniens, quia  
 intellectus non est virtus in corpore : pro-  
 pter quod in sopore magis operatur, quia  
 nec operatione membrorum, nec imagi-  
 natione sensuum evocatur vel impeditur.  
 Somnus autem commune est ligamentum  
 sensuum, non phantasie nec imaginatio-  
 nis. Unde ait Philosophus primo de Somno  
 et vigilia, quod phantasia movetur in vi-  
 gilia, et magis in somno. Huius signum  
 est, quod dicitur in Genesi, quia quum Do-  
 minus vellet Adae revelare intellectualem re-  
 velationem, qualiter de latere Christi for-  
 manda esset Ecclesia, immisit soporem in  
*Gen. ii, 21.* Adam, ut scilicet non impedito intellectu,  
 limpide perciperet revelationem. Hinc scri-  
 ptum est in Canticorum libro : Ego dormio,  
*Cant. v, 2.* et cor meum vigilat. Et in commendatio-  
 ne visionis Balaam, qua dicitur, Visionem  
 Omnipotentis intuitus est, praemittitur, Di-  
 xit homo cuius obturatus est oculus, et sic  
 aperiuntur oculi ejus : et intendit quod  
 quanto obturatus est oculus exterior, tanto  
 limpidius videt interior : et quanto cadit  
 exterior profundiori destitutus sopore, tan-  
 to apertiores habet oculos interiores ad  
 veritatis contemplationem. Haec verba Al-  
 bertus, quae partim procedunt secundum  
 philosophiam ipsius, recitative magis quam  
 assertive commemorat.

Præterea considerandum, quod Balaam  
 vir ingeniosus et arrogans dona sibi supra  
 merita sua collata, intelligens ea, non pa-  
 rum extollitur, et de eisdem se ipsum non  
 mediocriter elevat, ac in praesentia regis et  
 principum laudat, ut moris est superbo-  
 rum, ut scilicet omnibus esset admiratio-  
 ni, magisque honoraretur.

*Quam pulchra tabernacula tua, Jacob,*  
*et tentoria tua, Israel!* Alia littera habet :  
 Quam bonae domus tuae, Jacob! In quibus  
 verbis, secundum Origenem, non laudat  
 B domos terrenas, sed populum habitantem  
 in eis. Itaque tabernacula illa nominat pul-  
 chra, similiter ejus tentoria : quoniam filii  
 Israel erant ordinate, pulchre, et sapienter  
 divisi per loca et habitacula sua, et in ta-  
 bernaculi gyro. Et primo erant divisi in  
 duodecim tribus, præter tribum Leviticam.  
 Quaelibet quoque tribus fuit divisa per fa-  
 milias, domos, ac capita. Rursus duodecim  
 tribus erant divisa in quatuor partes, in  
 quarum qualibet erant tres tribus, quæ  
 quatuor partes erant in circuitu taberna-  
 culi in quatuor locis, secundum quatuor  
 plagas mundi. Levitæ quoque erant in tres  
 partes divisi, et tabernaculo Dei propin-  
 quiores. Tam multiplex autem et conde-  
 cens ordo, multum perornat atque pulchri-  
 ficat tam habitacula quam habitantes in  
 eis. Nam et ordo est optimum quid in re-  
 bus. Multum quoque intuentes delectat.  
 Ex qua consideratione venerabilis doctor  
 Richardus de Mediavilla, super primum  
 Sententiarum probat, quod relatio sit ens  
 reale, quoniam ordo qui est relatio, actum  
 habet realem.

*Ut valles nemorose,* hoc est, nemoribus  
 consita quæ sunt pulchrae ad intuemdum,  
 et delectabiles ad inhabitandum, et valent  
 ad protegendum contra solis ardorem. Unde  
 alia habet translatio : Ut nemora umbran-  
 tia. *Ut horti juxta fluvios irrigui.* Quem-  
 admodum enim horti qui fluvii irrigan-  
 tur, sunt fructuosi, herbisque virentes, et  
 amœni ad conspectandum ac spatiandum  
 in eis, sic populus Israel prole atque divi-  
 tiis crevit, potestate et virtutibus floruit,

\* nec intel-  
 ligens ea se  
 aliunde ha-  
 bere (3<sup>a</sup> ed.)

Num. ii, 2  
 et seq.

Ibid. iii,  
 17 et seq.

et delectabiliter fuit dispositus; eratque A deliciosum inter eos versari, ad inspieiendum assidua Dei miracula, ac praelara gratiarum charismata. *Ut tabernacula quæ fuit Dominus.* Hoc aliqui sic exponunt, quod tabernacula et tentoria populi imitabantur pulchritudinem tabernaculi Dei, quod Dominus fixit, et posuit in medio populi sui: quod et pluraliter Tabernacula nuncupatur, quoniam atrium comprehendebat, et in duas principales partes, videlicet tabernaculum exterius, tabernaculumque interius, fuit distinctum, B et inibi fuit stabilis mansio Dei. Potest quoque intelligi, quod tabernaculum illud portatile, et tabernacula seu tentoria populi transferibilia, assimilavit in pulchritudine tabernaculis, quæ postea facta sunt a Salomone et a Zorobabel, et ceteris a Babylone reversis, quæ etiam facta fuerunt juxta similitudinem tabernaculi Moysis: et item domibus, quas filii Israel in terra promissionis construxerunt, quæ tabernacula non portatilia erant, sed fixa in uno jugiter loco quamdiu durabant. *Quasi cedri prope C aquas,* quæ cedri sunt pulcherrimæ atque altissimæ arbores: sic populus Israel magna excellentia et decore virtutum est sublimatus.

*Eccle. xv, 3.* *Fluet aqua de situla ejus:* hoc est, aqua sapientiæ salutaris accipietur ex doctoribus et sacris Scripturis populi hujus. Quemadmodum enim situla est instrumentum hauriendi aquas ex puteo, sic Prophetæ et sancti doctores legis, ex fonte æternæ et increatæ Sapientiæ, rivos sapientiæ ac scientiæ susceperunt. Similiter libri legis salutarem continebant doctrinam ex infusione sapientiæ Deitatis. *Et semen illius erit in aquas multas:* hoc est, populi magni ac innumerabiles gignentur ex semine Israeliticæ plebis: quod libri Regum ac Paralipomenon docent copiose esse impletum. Quod autem per aquas populi designentur ad litteram, constat ex verbis Salomonis, dicentis: Mitte panem tuum super transeuntes aquas. In Apocalypsi quoque habetur: Aquæ multæ, populi multi. Et

A Isaias: Beati, inquit, qui seminatis super omnes aquas. Vel, Semen illius, est prima et originalis scriptura legis Mosaicæ, ex qua diversi libri multiplicesque doctrinæ fluxerunt.

*Tolletur propter Agag rex ejus, et aufertur regnum illius.* Istud, secundum expositores communiter, est evidens prophetia de Saul, primo generali rege totius Israeliticæ plebis, quem Deus a Philistæis I Reg. xxvi, permisit occidi, regnumque Israel transtulit ad aliam tribum: quoniam Saul, secundum quod sibi erat præceptum a Domino, non occidit Agag regem Amalecitarum, et I Reg. xv, 9, meliora pecora ejus, ut legitur primo libro Regum. Aliqui vero Hebræi dicunt, quod iste sit verus textus: Altior Agag rex ejus, hoc est, Saul rex Israel potentior erit rege Amalec nomine Agag, et exaltabitur regnum ejus, quia post illam victoriam obtinuit Saul diversos triumphos, quemadmodum scriptum est primo libro Regum: Quocumque se vertit, superabat. Ibid. xiv, 17. Post mortem autem ipsius, multo plus exaltatum est regnum Israel sub David ac Salomone. Porro alia littera, quam Origenes exponit, aliter habet. Siquidem pro eo quod dictum est, Semen illius erit in aquas multas, sic continet, Exhibit homo de semine ejus, et dominabitur gentibus multis. Quod quamvis aliquo modo videatur impletum in David et Salomone, quibus multe gentes servierunt sub tributo, maxime tamen in Christo, cui Pater in Psalmo: Postula, inquit, a me, et dabo tibi gentes hereditatem tuam, et possessionem tuam terminos terræ. Deinde pro eo quod habemus, Tolletur propter Agag rex ejus, etc., habet sic: Exaltabitur super Gog regnum ejus, et crescet regnum ejus. In quibus verbis Gog non sumitur, prout est proprium nomen viri aut gentis, sed prout interpretatur Tecta, ut sit sensus, quod regnum Israel in altum exeresceret, præsertim per perfectionem fidelium.

*Dens eduxit illum de Ægypto, cujus fortitudo similis est rhinocerotis.* Hoc præcedenti capitulo scriptum expositumque

Num. xxi, 22.

est : et nisi mysticum quid ac profundum includeret sensum, non hic (ut puto) sub eadem forma repeteretur. *Decorabunt gentes hostes illius*. Hoc sic potest intelligi, quod filii Israel devorabunt seu vincunt gentes incredulas inimicas Dei seu Israelitici populi. Unde in Hebræo fertur haberi : Devorabit, scilicet Israel, gentes hostes suos. Alia quoque translatio habet, Edent gentes inimicorum suorum, et ita quod dicitur, Gentes inimicorum suorum, intransitive accipitur pro gentibus adversariis Israeli. *Ossaque eorum confringent* : id est, filii Israel adversarios suos penitus conterent, eorumque robur comminuent, sicut hoc in libris Josue ac Iudicum recitatur impletum : *et perforabunt sagittis adversarios suos* : hoc tamen in præfatis Josue et Iudicum libris non legitur ad litteram adimpletum, nisi forsan metaphoricè accipiatur. Sed in libro Regum legitur, Saul emissarios habuisse : occisoque Saul, legitur David jussisse, ut docerent filios Juda arcum, id est artem sagittandi. *Accubans dormivit ut leo* : id est, populus Israel in terra promissionis quiescet, dormietque secure instar leonis : *et quasi leona quam suscitare nullus audebit* : quia sicut vix aliquis est qui audet suscitare leonem, sic vix aliqua gens audebit filios Israel impugnare. Quod sub Josue fuit impletum, quia ut legitur in Josue, Nullus contra filios Israel mutire ausus est, et fuit eis terra subjecta ; certumque est, quod permanentibus filiis Israel in observantia legis plenarie, nullus eis poterat prevalere. *Qui benedixerit tibi, o Israel, erit et ipse benedictus*, id est, bene aget tibi benedicendo, et Deo placebit, dummodo non ponat obicem suæ benedictioni, quemadmodum fecit hic Balaam : quia quamvis populo Israel benedixit, nihilo minus fuit maledictus propter alia sua peccata. *Qui maledixerit tibi, in maledictione reputabitur*, id est, maledici merebitur.

His auditis, Balaam vehementer indignans, interrupit vaticinia Balaam. Propter quod subditur : *Iratusque Balaam contra Bala-*

*am, complosis*, id est super se percussis, manibus, vel complosis, id est in pugnium contractis, ait : *Ad maledicendum inimicis meis cocavi te, quibus contrario tertio, id est tertia vice, benedixisti. Revertere ad locum tuum. Deceveram quidem magnifice honorare te donis, obsequiis et exhibitionibus reverentiarum, si mihi acquievisse : sed Dominus privavit te honore disposito, per hoc quod inclinavit te in ea quæ displicent mihi. Respondit Balaam ad Balaam : Nonne nuntiis tuis dixi, Si dederit mihi Balaam plenam domum suam argenti et auri, non potero præterire sermonem Domini Dei mei, ut vel boni quid vel mali proferam ex corde meo, sed quidquid Dominus dixerit, hoc loquar? Verumtamen pergens ad populum meum, dabo tibi consilium, quid populus tuus huic populo faciat* : id est, quamvis tunc ita locutus sim, nunc tamen mutato proposito, quum corperem ad terram meam reverti, consulam tibi qualiter subditi tui poterunt populum Israel ad peccata, et ex consequenti ad poenam et dejectionem pertrahere : *extremo tempore*. Quod dicitur, Extremo tempore, Rabbi Paulus refert ad prophetias sequentes, quas dicit pertinere ad Judæos sub tempore Christi et evangelicæ legis. Quod convenienter dictum videretur, nisi post istud complexum alia verba interponerentur, quæ declarant quod tempus istud extremum, sit referendum ad verba præhabita : ut sit sensus, Quid populus tuus faciat populo huic extremo tempore, id est ultimis diebus in quibus recedam a vobis : vel extremo tempore, id est tempore necessitatis, quo viderint se aliter non posse resistere filiis Israel : vel extremo tempore vitæ suæ, quia fortassis probabiliter cognovit Balaam, quod populus Balaam regis cito occideretur et periret post expletionem consilii quod dare proposuit. Dedit tamen consilium ad satisfaciendum aliquantulum regi, cui in toto satisfacere non valebat.

*Sumpta igitur parabola, rursus ait : Dixit Balaam filius Beor ; dixit homo cu-*

I Reg. xvii,  
17.  
II Reg. i, 18.

Josue x, 21.



*jus obturatus est oculus; dixit auditor ser-* A non erit incarnatio ejus, nec in sua per-  
*monum Dei. Ista exposita sunt. Qui novit* sona eum conspiciam visu corporeo in hac  
*doctrinam Altissimi. id est, prophetalia* vita. Ultimo, Videbo eum in futuro gene-  
*documenta sibi divinitus revelata verari-* rali judicio et in secundo ejus adventu,  
*ter intellexit, et alia multa moralia dogma-* sicut et sanctus Job dixit : In carne mea  
*ta noseit, quae a Deo fontaliter cognoseun-* videbo Deum Salvatorem meum, quem vi-  
*tur; quoniam omnis sapientia a Domino* surus sum ego ipse, et oculi mei conspe-  
*Deo est, a quo etiam fluit et datur naturale* eturi sunt. Potest quoque aliquo modo  
*lumen mentis humanae, per quod naturalia* exponi de Christo, quoad primum ejus ad-  
*et moralia plurima cognoscuntur. Unde ad* ventum : in quo etsi Balaam non vidit eum  
*Romanos de philosophis ait Apostolus :* oculis propriis, tamen in posteris suis vi-  
*Quia quod notum est Dei, manifestum est* dit Christum, quando tres Magi ex Balaam  
*in illis. Deus enim illis revelavit. Qui vi-* B nati, Christum corporaliter presentem in  
*siones Omnipotentis videt, hoc est quod* sua infantia adoraverunt. *Intuebor illum,*  
*nunc dixit, Visionem Omnipotentis intui-* *sed non prope :* quia longe distat ejus ad-  
*tus est. Similiter quod subjungit, Qui ca-* ventus a tempore meo : vel, Non prope, id  
*dens, apertos habet oculos, idem est ei quod* est, Deum elare et immediate in se ipso  
*protulit, Qui cadit, et sic aperiuntur oculi* intueri nequeo in vita presenti, sed per  
*ejus. Verum, ut Origenes disseruit, vix de* creatas species, et per suos effectus dimit-  
*aliquo Prophetarum tam magnifica reci-* tat. Unde scriptum est : Omnes homines  
*tantur, aut quisquam eorum in procemio* vident Deum, unusquisque intuetur procul.  
*valiciniorum suorum tam sublimiter se* 25.  
*commendat : sed juxta praeterita, arrogans*  
*iste avidus lucri et laudis, in conspectu*  
*regis ac principum, dona gratiae gratis da-* C  
*tae sibi concessa in tantum magnificavit,*  
*ut amplius reputaretur.*

*Videbo eum, sed non modo.* Quid est  
 quod ait, Videbo eum, quum non praemi-  
 serit quemquam ad quem fiat ista relatio?  
 Sed questio ista perfidis Judaeis potest pro-  
 poni, qui hoc quod ait, Eum, exponunt (ut  
 fertur) de statu prospero filiorum Israel  
 sub David et Salomone : quem statum Balaam  
 vidit in spiritu. Quae expositio vide-  
 tur extorta, quum non sit immediate jam  
 ante mentio facta de statu aut populo illo,  
 sed de Deo quem Balaam altissimum et  
 omnipotentem vocavit. Ideo vera et pro-  
 pria est catholicorum expositio Patrum,  
 qui per Eum, intelligunt verum Deum, de  
 quo immediate facta est mentio : ut sit  
 sensus, Videbo eum, videlicet Unigenitum  
 Dei, Verbum aeternum, Christum incarna-  
 tum : quem Balaam vidit in spiritu per  
 gratiam prophetiae et fidem informem, eo  
 modo quo dicitur fidem hujusmodi habu-  
 isse ; Sed non modo, id est, tempore meo

non erit incarnatio ejus, nec in sua per-  
 sona eum conspiciam visu corporeo in hac  
 vita. Ultimo, Videbo eum in futuro gene-  
 rali judicio et in secundo ejus adventu,  
 sicut et sanctus Job dixit : In carne mea  
 videbo Deum Salvatorem meum, quem vi-  
 surus sum ego ipse, et oculi mei conspe-  
 eturi sunt. Potest quoque aliquo modo  
 exponi de Christo, quoad primum ejus ad-  
 ventum : in quo etsi Balaam non vidit eum  
 oculis propriis, tamen in posteris suis vi-  
 dit Christum, quando tres Magi ex Balaam  
 nati, Christum corporaliter presentem in  
 sua infantia adoraverunt. *Intuebor illum,*  
*sed non prope :* quia longe distat ejus ad-  
 ventus a tempore meo : vel, Non prope, id  
 est, Deum elare et immediate in se ipso  
 intueri nequeo in vita presenti, sed per  
 creatas species, et per suos effectus dimit-  
 tat. Unde scriptum est : Omnes homines  
 vident Deum, unusquisque intuetur procul.  
 25.

*Orietur stella ex Jacob.* Judaei ad Chri-  
 stum conversi, de ipso Christo ista expo-  
 nunt : similiter quidam Judaeorum doctores  
 increduli, sed alia intentione : quia quod  
 credimus factum, eredunt futurum. Unde  
 et Rabbi Paulus testatur : Rabbi Moyses  
 Gerundensis super hunc locum scribit :  
 Messias congregaturus est dispersos Israel  
 ab extremis terrae usque ad extremum ter-  
 ra, idcirco assimilatur stellae, quae transit  
 per firmamentum a summo caeli. Quidam  
 vero Hebraei increduli, per stellam intelli-  
 gunt David regem, qui ob suam sapientiam  
 et sanctitatem stella vocatur : quem item  
 per virgam intelligunt ob suam regiam  
 potestatem, quum subditur, *et consurget* D  
*virga de Israel, et percutiet duces Moab.*  
 Scriptum est enim secundo Regum, quod  
 regem Moab et populum ejus deviecit. *Va-* 2.  
*stabitque omnes filios Seth.* Isti per filios  
 Seth, intelligunt habitatores urbis nomine  
 Seth situatae in regno Moab, quos dicunt a  
 David occisos. *Et erit Idumaea possessio*  
*ejus, quia servivit David regi sub tributo ;*  
*hereditas Seir, id est terra Edom, videli-*  
*cet Idumaea, cedet inimicis suis, id est, in*  
*dominium regum filiorum Israel, scilicet*

II Reg. viii.

Ibid. 11.

David et Salomonis, veniet. *Israel vero A* fortiter aget, id est, victorioso pravalebit, virtuoseque vivet. *De Jacob erit qui dominetur.* Hoc referunt ad Salomonem, quem dicunt toti orbi dominatum, juxta illud tertio Regum : Magnificatus est Salomon super omnes reges, et singuli deferebant ei munera. *Et perdat reliquias civitatis,* id est, eos vincet quos pater suus David non vicit. Quidam tamen Hebraei per dominatorem istum intelligunt regem Messiam, quem dicunt in temporali potestate venturum ac regnaturum, perditurum quoque reliquias civitatis Romæ, id est eos qui tunc in Romana fuerint urbe.

Veruntamen expositiones istæ probantur ineptæ, quia nec David nec Salomon fuit hereditarius Idumææ possessor, quamvis Idumæa fuerat tributaria eis. Quemadmodum enim Deus prohibuit filios Israel ab invasione Idumæorum quando ex Ægypto venerunt, eo quod terram Idumææ contulerat Esau et filiis ejus, sic eadem ratione posteris Israelitarum non licuit Idumæam hereditarie possidere. Salomon quoque non præfuit toti orbi, imo nec decimæ ejus parti: nec hoc prætendit auctoritas allegata, sed quod magnificatus est divitiis et gloria super omnes reges, id est, præ unoquoque regum seu præ eunetis divisim : et quod singuli detulerunt ei munera, intelligitur de regibus in cireuitu Israelitici regni, seu non multum remote sitis, vel est per hyperbolen aut synecdochen dictum, secundum quod tales locutiones in Scripturis veteris Testamenti frequentes sunt. Denique Prophetæ apertissime prædixerunt, Messiam in primo suo adventu in omni humilitate et paupertate venturum, ut judicaretur ac pateretur, suæque passione redimeret mundum : Judæos quoque tunc execrandos ac relinquendos, et gentes credituras esse in ipsum : ad quæ omnia comprobanda, introductæ sunt alibi auctoritates Prophetarum et legis copiosissimæ.

Ideirco per stellam hoc loco intelligendus est Christus rex celestis, omni sapientia sanetitateque plenus, qui in Apocalypsi

testatur: Ego sum radix et genus David, stella splendida et matutina. Per virgam vero consurgentem de Israel, intelligitur idem Christus, iudex et princeps populi christiani, seu regia ejus potestas vel evangelica lex. Unde habetur in Psalmis : Virga directionis, virga regni tui. Itemque : Reges eos in virga ferrea. Potest rursus per virgam intelligi sacratissima Virgo Christifera, de qua loquitur Isaias : Egredietur virga de radice Jesse. *Et percutiet duces Moab,* id est, Moabitas eorumque principes corrigit virga seu disciplina evangelicæ legis, convertendo eos ad fidem. Unde Isaias testatus est : Percutiet terram virga oris sui.

*Vastabitque omnes filios Seth,* id est, totum genus humanum, seu quosdam ex omni genere, statu, graduque hominum, salubriter mortificabit et iugo suæ legis subiciet, ita quod per aretam viam incedent salutis. Hinc Psalmista locutus est Christo : Accingere gladio tuo super femur tuum, potentissime : sagittæ tuæ acutæ, populi sub te cadent, in corda inimicorum regis.

Ista est salubris vastatio, de qua Dominus per Isaiam prædixit : Volabunt in humeros Philistiim, simul depraedabuntur filios orientis. Et ipse Dominus in Evangelio Joannis : Qui amat animam suam, perdet eam. Circa hunc passum loquitur Origenes, et habetur in Glossa : Iste est Seth filius Adæ, a quo, videlicet Seth, descendit omne genus humanum. Qui enim de Cain nati sunt, diluvio perierunt. Hinc et Lyra hic scribit : De Seth egressi sunt omnes populi, quoniam Abel mortuus est sine filiis, et filii Cain fuerunt deleti diluvio. Sed his obijci potest, quod quamvis Scriptura in speciali non exprimit, nisi hos tres filios Adæ, certum est tamen quod Adam habuit alios quamplures filios, de quibus nati sunt innumerabiles homines. Unde scriptum est : Facti sunt dies Adam postquam genuit Seth, octingenti anni, genuitque filios et filias. Sed istud videtur posse solvi per hoc quod in Scholastica fertur historia : De Seth totum genus humanum est, de quo Seth fuit Noe. Itaque, qui post diluvium

Apoc. xxi, 16.

Ps. xlii, 7; ii, 9.

Is. vi, 1.

Ibid. 4.

Matth. xii, 11.

Ps. xlv, 4.

Is. vi, 14.

Joann. xii, 25.

Gen. iv, 25.

Ibid. v, 1.

III Reg. x, 23, 25.

Deut. ii, 5.

III Reg. x, 23.

Ibid. 25; ix, 21.

existerunt, nati sunt de Seth, in quantum A prodierunt ex filiis Noë nati de Seth. Nihilominus ante diluvium fuerunt multi, qui neque de Seth, neque de Cain exorti sunt.

*Et erit Idumaea possessio ejus*, quoniam gens illa fuit per evangelicæ legis prædicationem Christo subiecta. *Hereditas Scir cedet inimicis suis*, Apostoli ex Judæis na-

ti, constituti sunt principes super omnem terram: populus autem Scir Judæos reputavit hostes et adversarios suos. Dum ergo in Christi et Apostolorum ditionem redacti B sunt, cesserunt in hereditatem inimicis suis, non quod Christus et Apostoli fuerint inimici illorum, sed quoniam illi erant æmuli Judæorum. Ideo Pater in Psalmo ait Christo: Postula a me, et dabo tibi gentes hereditatem tuam. *Israel vero fortiter aget*, quoniam Christus, et ejus discipuli ex Judæismo conversi, omnem orbem terrarum converterunt ad Dominum. Hinc scriptum

est in Isaia: Idumæa et Moab præceptum manus eorum, et Filii Ammon obedientes erunt. De hac vastatione, possessione, conversione et fortitudine Israel, multa sunt scripta in Michæa, ubi inter cetera legitur:

Stabit et pascet in fortitudine Domini: et convertentur, quia nunc magnificabitur usque ad terminos terræ. Et suscitabimus super eum septem pastores et octo primates homines: et pascet terram Assur in gladio, et terram Nemrod in lanceis ejus. Et erunt reliquæ Jacob in gentibus quasi leo, et quasi leæna. *De Jacob erit qui dominetur*: id est, Christus omnium dominator, erit ex semine Jacob secundum carnem:

de quo legitur in Daniele, quod Antiquus dierum, videlicet Pater æternus, dedit ei potestatem et honorem et regnum: et omnes populi, tribus et linguæ ipsi servient. Unde prædixit Psalmista: Reminiscuntur et convertentur ad Dominum universi fines terræ. *Et perdat reliquias civitatis*. Omnes enim qui non credunt in Christum, condemnantur ab ipso, qui sunt reliquiae civitatis Babylonis et ecclesiæ malignantis, et filii hujus sæculi nequam.

de quo legitur in Daniele, quod Antiquus dierum, videlicet Pater æternus, dedit ei potestatem et honorem et regnum: et omnes populi, tribus et linguæ ipsi servient.

Unde prædixit Psalmista: Reminiscuntur et convertentur ad Dominum universi fines terræ. *Et perdat reliquias civitatis*. Omnes enim qui non credunt in Christum, condemnantur ab ipso, qui sunt reliquiae civitatis Babylonis et ecclesiæ malignantis, et filii hujus sæculi nequam.

omnes enim qui non credunt in Christum, condemnantur ab ipso, qui sunt reliquiae civitatis Babylonis et ecclesiæ malignantis, et filii hujus sæculi nequam.

Hæc Balaam iste prophetavit de Christo. Quidam autem per stellam, intelligunt stellam quæ Magis apparuit, quæ orta est ex Jacob, id est, ad designandam nativitatem Christi ex Jacob progeniti. Propter quod loquitur Origenes, quod stella illa fuit indicium deitatis Christi, et quod de deitate Christi, id est Christo Deo, dicitur, Orietur stella ex Jacob: de humanitate vero, Exsurget homo ex Israel.

Consequenter describitur qualiter Balaam prophetavit de aliis gentibus. *Quamvis vidisset Amalec*. Unde elicitur, quod aliqui principales ex Amalecitis confluerunt ad Balæ, vel pro consilio acquirendo, vel pro subsidio exhibendo. *Assumens parabolam, ait: Principium gentium Amalec*. Hoc secundum quosdam ad litteram stare non potest, quoniam Amalec non fuerat ante ceteras gentes universas; sed diabolus designatus per ipsum, fuit principium gentium incredularum, quando ex cultoribus Dei fecit idololatras vel iniquos. Alii vero exponunt ad litteram, quod Amalec fuit

principium gentium contra filios Israel pugnantium, quia dum egressi fuissent Egyptum, primo ab Amalecitis sunt impugnati, ut dictum est in Exodo. *Cujus*

*extrema perdentur*, id est, posteri populi Amalec a filiis Israel occidentur: quod factum est per Saul et populum ejus, quando per Samuelem locutus est Dominus. Recensui quæ Amalec fecit filiis Israel quando egressi sunt de Egypto, ut in primo libro Regum scribitur. Vel dicitur Amalec principium gentium propter multitudinem populi nati ex ipso Amalec filio Eliphaz, primogeniti ipsius Esau, ut legitur in Genesi.

*Vidit quoque Cinæum*. Per Cinæum quandoque intelligitur certa persona, quæ alio nomine dicta est Hobab, qui (ut probabilius dicitur) fuit filius Jethro, qui vocatus est etiam Raguel. Sed nunc per Cinæum accipitur certa progenies nata de terra Madian ex semine Jethro. *Et assumpta parabola, ait: Robustum est quidem habitaculum tuum*, id est, in regione ant

Matth. 2

Exod. xviii.

1 Reg. xv. 2.

Gen. xxxvi, 3, 12.

Num. x. 29.

Exod. ii. 18.



urbe forti seu in domibus firmis moraris : A  
*sed si in petra posueris nidum tuum*, id  
 est, quamvis in adibus saxeis seu petrosis  
 habitationem feceris tibi, *et fueris electus*  
*de stirpe Cin*, id est, dato quod sis de ele-  
 gantioribus natis ex semine viri Cin nomi-  
 ne, a quo Cinai sunt appellati, *quamdū*  
*poteris permanere?* quasi dicat, Non perma-  
 nebit posteritas tua tamdiu ut putas. *Assur*  
*enim capiet te*, id est, rex et populus As-  
 syriorum capiet te : quod aliqui dicunt  
 impletum, quando sub Osee rege Israel  
 captæ sunt decem tribus Israel ac transla-  
 tæ, cum quibus Cinai tunc prope ipsas  
 tribus manentes, sunt capti, quod et ante  
 contingere potuit.

IV Reg.  
xvii, 6.

*Assumptaque parabola, iterum locutus*  
*est : Heu, quis victurus est quando ista*  
*faciet Deus?* Istud dupliciter potest expo-  
 ni. Primo, ut exclamatio ista ad præce-  
 dentia referatur : tanquam dicat, O quis  
 vivet? et heu quod ego non vivam tunc,  
 quando implebuntur ea quæ dixi. Orietur  
 stella ex Jacob, et consurget homo de Is-  
 rael, qui idololatriam destruet, et gentes  
 suæ subjiciet legi! quasi dicat, Beati qui  
 vivent tunc, et viderint ea visione fide-  
 li, secundum quod Christus ait discipu-  
 lis : Beati oculi qui vident quæ vos vide-  
 tis. Dico enim vobis, quod multi reges et  
 Prophetæ voluerunt ea videre, et non vi-  
 derunt. Secundo, exclamatio ista refertur  
 ad subsequentia, ad insinuandum quod  
 illa fierent circa primum Christi adven-  
 tum, instante incarnatione Filii Dei. Nam  
 subditur : *Venient in tricibus de Italia*,

Luc. x, 23,  
24.

id est, Romani et Italici venient per aquas D  
 in navibus tres ordines remorum habentibus,  
*superabunt Assyrios, vastabuntque*  
*Hebræos*. Hoc factum est quando Romani  
 cœperunt obtinere monarchiam et undique  
 prævalere. Quumque Julius vastasset occi-  
 dentem, atque Pompeius orientem, idem  
 Pompeius intravit Jerusalem, graviterque  
 oppressit Judæos, sicut in chronicis legi-  
 tur, et Josephus refert. Julio autem succes-  
 sit in imperio Octavianus, sub cuius impe-  
 rio incarnatus et natus est mundi Salvator.

De Bello  
Jud., i, 13 et  
seq.

*Et ad extremum etiam ipsi peribunt.*  
 Judæi increduli putant imperium Romano-  
 rum per suum Messiam penitus destru-  
 endum : et verum est quod Antichristus  
 potissimum destruet illud ad modicum  
 tempus. Interim tamen non deficiet nec  
 cessabit in toto. Veruntamen a tempore  
 quo monarchiam obtinuerunt, statim cœ-  
 perunt contra se invicem dimicare, et sic-  
 ut refert Orosius, et Augustinus in libro  
 de Civitate Dei, gravius dilaniaverunt et  
 vastaverunt se mutuo, quam antea erant  
 ab extraneis devastati. Quod etiam in vi-  
 sione quam Daniel regi Babylonis exposuit,  
 evidenter est prænnuntiatum. Ibi namque  
 fertur de quarto fortissimo regno, videlicet  
 imperio Romanorum : Regnum quartum  
 erit velut ferrum. Quomodo ferrum commi-  
 nuit et domat omnia, sic comminet et  
 conteret omnia hæc, utpote cetera regna.  
 Porro quia vidisti pedum et digitorum  
 partem testæ lignuli, et partem ferream,  
 regnum divisum erit : et ex parte erit  
 solidum, et ex parte debile. Commisce-  
 buntur quidem humano semine, sed non  
 adhærebunt sibi, sicut ferrum non po-  
 test misceri testæ. Denique instante Anti-  
 christi adventu, fiet discessio præcipua  
 ab utroque imperio, puta papali et impe-  
 riali. Occiso autem Antichristo, pene uni-  
 versus orbis convertetur ad Christum, et  
 idololatria prorsus cessabit, atque Roma-  
 num imperium erit plenum : sed modico  
 tempore hoc durabit, quia secundus Chri-  
 sti instabit adventus ad universale judi-  
 cium.

Dan. ii, 40-  
43.

His demum quæ dicta sunt de Christo,  
 Pereutiet duces Moab, vastabitque omnes  
 filios Seth, manifeste consonat quod Dani-  
 el de regno Christi inducit : In diebus  
 illorum regnorum suscitabit Deus cœli re-  
 gnum, quod in æternum non dissipabitur :  
 et regnum ejus populo alteri non tradetur.  
 Comminuet et consumet universa regna  
 hæc, et ipsum stabit in æternum, secun-  
 dum quod vidisti quod de monte abscissus  
 est lapis sine manibus. Et comminet tes-  
 tam et ferrum et aes et argentum et au-

Ibid. 44, 45.

rum. Quae omnia super Danielelem exposita A sunt diffuse. Et quantum ad haec, aliquo modo posset salvari quod in Scholastica historia ex Josepho allegatur hoc modo: Dicit Josephus ipsum Balaam prophetasse adhuc, totum orbem futurum eorum, videlicet Hebraeorum, habitaculum, etiam insulas, in aeternum; et quum pars prophetiae sit expleta, reliquum pro certo implendum est. Haec ibi.

*Surrexitque Balaam*, postquam ista se-

dendo locutus est, vel potius postea. Nam praedicta et forsitan multo plura videtur stando locutus, juxta profana Balae altaria. *Et reversus est*, id est, cepit reverti, *in locum suum*. Tamen (ut infra habebitur) in via ad Balae seu Madianitas regressus est. *Balae quoque via qua venerat, rediit*. Deduxerat quippe cum principibus suis ipsum Balaam usque ad terminos Madian, prout in exordio expositionis sequentis tangetur capituli.

## ARTICULUS XL

### EXPOSITIO SPIRITUALIS EJUSDEM CAPITULI VICESIMI QUARTI.

Job xxi, 11.

**B**ALAAAM recte figurat eos, qui animo B obstinato renuunt converti ad Dominum, et quasi de industria ab ipso recedunt, juxta illud in Job: Dixerunt Deo. Recede a nobis, scientiam viarum tuarum nolumus. Siquidem impius Balaam vitans angeli sancti occursum, maluit sibi occurrere demonem, sibi apparere assuetum. Sic quidam vitant accedere eos, a quibus se aestinant corripiendos atque salubriter informandos, cupiuntque sibi occurrere demonem, id est consultorem sociumque pestiferum; et quidquid suggerit inimicus salutis, mox amplectuntur. Veruntamen sicut ipsum Balaam cohibuit angelus sanctus a vitiis multis, sic angeli sancti hominum custodes fidelissimi, retrahunt sibi commissos, quantumlibet pravos, a multis excessibus.

Nom. xxii, 32.

*Dirigens Balaam contra desertum vultum suum, vidit Israel in tentoriis commorantem*. Sic interdum contingit quod aliqui litterati, sed mente carnales et mundani, considerant vitam sanctorum eremitarum, regularemque observantiam religiosorum: D

ffectum, non sequuntur instinctum angelicum nec divinum, nec admonitionem fraternam, imo nec conscientiae suae dictamen: quibus informis scientia intolerabilius parit judicium. Quorum unusquisque dicere potest: *Dixit homo cujus obturatus est oculus; dixit auditor sermonum Dei, qui visionem Omnipotentis intuitus est; qui cadit, et sic aperiuntur oculi ejus*. Talis quippe, mentis oculum habet vitiis et passionibus obscuratum, nihilo minus audit sermones Dei, nec implet, eni Jacobus ait apostolus: Si quis auditor est verbi Dei, et non factor, hic comparabitur viro consideranti vultum nativitatis suae in speculo; consideravit enim se, et abiit, et statim oblitus est qualis fuit. Ideo rursus hortatur: Estote factores legis, et non auditores tantum, fallentes vosmetipsos. Talis quoque visionem Omnipotentis intuetur, dum ea quae in veteri Testamento de Christo et evangelica lege sunt praedicta, intelligit vel audit exponi, sive dum specialem aliquam de Deo notitiam suscipit. Quo cadente in culpam, aperiuntur oculi conscientiae ejus: quia post culpae perpetrationem habet interdum gravem remorsum, nisi forte adeo sit perversus, ut

Jacob. i, 23, 24.

Ibid. 22.

glorietur malo commisso, et suum jactans A peccatum, prædicet illud ut Sodoma.

Is. iii, 9.

*Quam pulchra tabernacula tua, Jacob, et tentoria tua, Israel!* Per Jacob designantur fideles activi, et qui contra vitia præliantur, eaque vincent. Horum tabernacula sunt status et congregationes incipientium ac proficientium, atque eorum qui exterioribus misericordiarum operibus sunt intenti, in quibus est decor gratiæ, et pulchritudo virtutum, ac multiplex ordo. Porro tentoria Israel sunt congregationes contemplativorum, status perfectorum, gra-

Ps. lxxxiii, 9.

1 Petr. ii, 3.

Ps. xxiv, 15.

busque prælatorum, qui vacant et vident quam suavis est Dominus, et dicere possunt: Oculi mei semper ad Dominum: aut qui spirituales misericordiarum actus exercent, aliosque efficaciter regunt. Rursus tentoria Israel, sunt religiosa cœnobîa, ecclæ solitariorum, reclusoria electorum: in quibus omnibus est ineffabilis pulchritudo interior. Et ipsa universalis Ecclesia militans, est pulcherrime ordinata, decantissime quoque distincta, et ineffabili modo ornata intus et extra, sed potissimum intra per gratiam, virtutes, dona, fructus, et beatitudines, et per multiplicem omnium horum gradum et ordinem: deinde per dona multiformia gratiarum gratis datarum, per ecclesiasticas et spirituales personas, per varias religiones, per principatus et prælaciones. *Ut valles nemorosa*, per quas corda humilium plena fructu virtutum signantur. *Ut horti irrigui*, per quos exprimuntur proficientes, qui desuper irrigantur assidue. *Ut tabernacula quæ fieri Dominus*, per quæ mentes stabilitæ in Deo accipiuntur. *Quasi cedri*, per quas contemplativi et perfecti, præsertim prælati, significantur. *Fluct aqua de situla ejus*, id est, ex ore doctorum et prædicatorum fidelium procedit copiosa ac salutaris doctrina, ex qua multi spiritualiter recreantur atque gignuntur, dum iniqui convertuntur ad fontem totius salutis.

*Tolleitur propter Agag rex ejus.* Hoc impletur, dum prælati aut principes christiani reprobantur a Deo, eo quod iniquis

et potentibus sæculi persecutoribus et tyrannis, aut aliis vitiosis hominibus non resistunt, ut obligantur, increpando, prædicando, orando, seu modis aliis renitendo: sed permittunt mala increbere, justos opprimi, Ecclesiam devastari. *Deus educit illum de Egypto.* Christus namque transtulit nos de potestate tenebrarum in regnum suæ Ecclesiæ, in locum religiosum, in penitentiarum statum, in admirabile lumen suum. *Cujus fortitudo similis est rhinocerotis*: quia quem nullus unquam capere aut comprehendere quivit, mundissimæ et incomparabilis sanctimoniarum Virgo, sua humilitate, caritate, decore in se traxit, concepit et peperit, lactavit et maternaliter contrectavit, imo et subditum habuit sibi ac commorantem. *Devorabunt gentes hostes illius.* Populus christianus Deo perfecte obediens, adversariis suis corporaliter ac spiritualiter ubertim prævaluit, et ubique terrarum diffusus est, tanque incomparabilibus donis supernaturalibus fuit repletus, ut ei dignissime dicatur: *Qui benedixerit tibi, erit benedictus; et qui maledixerit tibi, in maledictione reputabitur.* *Videbo eum, sed non modo.* Videbimus plane Deum deorum in Sion triumphante Ecclesia, elare per speciem, et immediate facie ad faciem: quod in præsentem non conceditur vita.

Coloss. i,

13.

1 Petr. ii, 9.

C

D

*Principium gentium Amalec, etc.* Per Amalec, qui interpretatur ablingens, designantur avari, qui jugiter lambunt terrena, et quasi ablingendo aliorum cupiunt bona. Idecirco perduntur eorum extrema, quoniam quidquid superflue colligunt, una hora in fine amittent, quemadmodum sanctus Job loquitur: Dives quum dormierit, nihil secum auferet; apprehendet eum quasi aqua inopia. Et Psalmista: Nihil, inquit, invenerunt omnes viri divitiarum in manibus suis. *Videns quoque Cinæum.* Per Cinæum intelliguntur potentes et nobiles hujus mundi, in quibus elatio atque præsumptio, potentiæ divitiisque frequenter junguntur. Hi tales quantumlibet terrenis opibus, potestate clientium, fortitudine mu-

Ps. lxxxviii,

8.

1 Cor. xiii,

12.

Job xxxvii,

19, 20.

Ps. lxxxv, 6.



nitioſum armaverint ſe, nil proderit eis, quia ſubito una hora veniet hora iudicii eorum, qua potentes potenter tormenta patientur, et ignobiles eſſe cernentur quicumque Dei contempſerunt praecepta, hoc eſt, qui non enrauerunt nec ſategerunt obedire proprio Creatori. Denique tales ſaepe a ſibi ſimilibus et potentioribus in hac vita deſcendant, quia et unus reprobus

A multoties eſt instrumentum divinae iuſtiae ad puniendum peccata alterius, ſicut per Perſas et Medos puniuit impietates Aſſyriorum et Chaldaeorum, per Graecos autem puniuit Perſas et Medos, per Romanos vero deſecit Graecos ac ceteras nationes. Idcirco per Iſaiam ait ad regem Aſſyriorum: Vae Aſſur, virga furoris mei et baculus ipſe eſt.

## ARTICULUS XLI

EXPOSITIO LITTERALIS CAPITULI VICESIMI QUINTI: MORABATUR AUTEM ISRAEL EO TEMPORE.

EFFECTUS iniquiſſimae ſuggeſtionis re-  
probi Balaam, hoc loco deſcribitur. *Morabatur autem Israel eo tempore*, quo fiebant quae in praecedenti ſcribuntur capitulo, *in Setim*, id eſt in loco deſerti ſic appellato arboribus conſito, qui et contra ſolis valebat ardorem; *et fornicatus eſt populus Israel cum filiabus Moab*. Qualiter factum ſit iſtud, Moyses brevitati ſtudiens in quibusdam hitoriis, hoc loco non exprimit, ſed infra ait: Cur feminas reſervatiſtis? Nonne iſtae ſunt quae deceperunt filios Israel ad ſuggeſtionem Balaam, et praevariari vos fecerunt ſuper peccato Phogor, unde et percuffus eſt populus? De hac re in multis Scripturae locis fit mentio. Nam et in Apocalypſi iſtud apertius legitur: Balaam docebat Balac mittere ſcandalum coram filiis Israel, edere et fornicari. Judas quoque apoſtolus in ſua Canonica ſcripſit: Vae illis qui errore Balaam, mercede effuſi ſunt. Denique per Michaeam loquitur Dominus: Populus meus, memento, quaeso, quid cogitaverit contra te Balac rex Moab, et quid ei reſponderit Balaam. Sed D

B non ſcribit quod Balac pugnavit contra filios Israel ſaltem manu armata. Hieronymus vero dicit, quod perduxit exercitum contra Hebraeos. Unde elicitur, quod ad pugnandum ſe praeparavit.

Itaque, ſicut et in Scholaſtica fertur hiſtoria: Quum Balaam in finibus Madian valediceret Balac et principibus ejus, conſultuit ut mitterent virgines nobiles, pulchras, ornatas, quarum ſpecie filii Israel, ad carnalia prona, accenderentur; quumque cum enceniis ſeu mercedibus circa tentoria Israel conveniſſent, invitarentque Israelitas ad ſui acceſſum et emptiorem, deinde ad commixtionem, inflammatis vero filiis Israel non acquieſcerent ad copulam foedam, niſi prius de ſacrificiis deorum earum comederent, ac idola adorarent: quod totum ſic factum eſt, idque conſultuit Balaam, quatenus Deo Israelitis irato, devincerentur. Deo namque eis, inquit, propitio, nec bella, nec peſtis aliqua eos corrumpere poterit.

Hinc itaque dicitur: Fornicatus eſt populus cum filiabus Moab, *quae vocaverunt eos, ſcilicet filios Israel, ad ſacrificia ſua. At illi concupiſcentia victi, comederunt idolothya, et adoraverunt deos earum*. Forte adoraverunt deos, non quod putaverunt deos illos eſſe colendos, ſed ne obſce-

Num. xxxi.  
13, 16.

Apoc. ii, 13.

Jud. ii, 11.

Mich. vi, 3.

Josue xxiv,  
9, 10.

III Reg. VI,  
7, 8.Num. XXXI,  
16.

nis carerent deliciis, sicut et Salomon, ne A suas contristaret delicias. Sed quomodo dicuntur hic fornicati cum filiabus Moabitarum, quum infra legantur peccasse cum filiabus Madianitarum? Respondetur, quod eum utrisque transgressi sunt. Unde Magister in historiis ait, quod de Madianitis puellis missæ sunt plures, et de Moabitis virginibus paucae, quia naturaliter sunt deformes. *Initiatusque est Israel Beelphegor*, id est, populus Israel pro parte consecratus est idolo Madianitarum sic dicto: quia videlicet populus ille tam proclivis B ad scelera, se ipsum applicuit venerationi idoli hujus.

*Et iratus Dominus, ait ad Moysen: Tolle cunctos principes populi, et suspende eos contra solem*, id est versus orientem, vel mane sole ascendente, *in patibulis, ut avertatur furor meus ab Israel*. Hoc aliqui sic exponunt, quod principes jussi sunt crucifigi, eo quod unusquisque eorum plebem sibi subjectam a fornicatione illa carnali cum puellis, et spirituali cum idolis atque dæmonibus, non compescuerunt. Sed C hinc expositioni videtur obviare quod subditur: *Dixitque Moyses ad judices Israel: Occidat unusquisque proximos suos qui initiati sunt Beelphegor*. Judices enim principes erant, et e converso. Si ergo Moyses commisit judicibus occidere idololatrias, ipsi non erant affigendi patibulo. Insuper, si per suspensionem principum fuit ira Dei avertenda a populo, quid necesse fuit jubere principibus ut occiderent ceteros reos? Hinc quidam per principes intelligunt auctores seu principales factores idolatriæ hujus. Aliqui vero exponunt sic: Tolle principes, id est, accipe eos tecum, ad dijudicandum puniendumque idololatrias. Sed his obviare videtur translatio Septuaginta quæ habet: Accipe duces populi, et ostenta \* eos Domino contra solem: ubi Aquila transtulit, Confige eos. Hinc Origenes et Augustinus, Glossa, multique alii referunt penam istam ad principes, eo quod populum non prohibuerunt aut corripuerunt. Nam principes aderant sibi com-

missis. Sed tunc questio oritur, an jussio ista de suspensione principum fuit impleta: si sic, cur non est scriptum? si non, ubi obedientia Moysis?

De hoc Augustinus sic scribit: Mirum quod Scriptura non narrat, an hoc fuit ex præcepto Dei impletum, quod contemni potuisse non video, aut contemptum impune contemni. Si autem factum est et tacitum, cur ex eo quod Phinees transfixit fornicantes, Scriptura dicit Dominum esse placatum, et plagam cessasse, quasi crucifixis D ducebus, sicut præceperat Dominus, indignatio ejus perseverans, adhuc alio modo videretur placanda, quum tamen dixisset iram suam ab Israel avertendam ducebus crucifixis? Et si hoc ita factum est, quid necesse fuit ut Phinees ad placandum Dominum, fornicantes transfoderet, Scripturaque perhiberet hoc modo Dominum esse placatum? Deinde Augustinus solvit, dicendo: Nisi forte intelligamus, quum illud quod præceperat Dominus de ducebus suspendendis, Moyses implere dispo-

C voluisse etiam Moysen secundum legem punire illa flagitia, ita ut juberet unumquemque interficere proximum suum diis alienis consecratum, et inter hæc Phinees perfoderit fornicantes: sieque ira Dei placata, non fuisse opus duces suspendi. Hæc Augustinus. Insuper dici potest, quod diversus ibi fuit principum et judicum ordo, quoniam aliqui erant tribuni, aliqui centuriones, quidam quinquagenarii: ideo non oportet per principes et judices sumi eosdem.

*Et ecce unus de filiis Israel*, scilicet Zambri dux et princeps in tribu Simeonis, *intravit coram fratribus suis ad scortum*, id est Madianitidem meretricem, quæ fuit filia Sur nobilissimi principis Madianitarum, quæ tamen non fuit antea meretrix, sed virgo puella, attamen facta est meretrix, coeundo nefarie cum principe illo, qui tamen secundum Josephum duxit eam uxorem, sed non erat verum connubium, quia lege prohibitum, et fuit dispar cultus: *vidente Moyse et omni turba filio-*

\* traduc

rum Israel: quo patet, quod vir ille fuit A totus excecatus, rebellis, invereecundus et libidinosus; qui flebant ante fores tabernaculi. Flebant autem ex compassione, quia timebant viro tam impio periculum imminere. Flebant quoque propter aliorum excessus, et quia timebant iram Dei populo superventuram. Quod quum vidisset Phinees filius Eleazari filii Aaron sacerdotis, surrexit de medio multitudinis, et accepto pugio, id est parvo gladio bis acuto, ingressus est post virum Israelitam in lupanar, et perfodit ambos coeuntes in locis genitalibus: ut per quae peccabant, punirentur; et ubi abundabat voluptas, abundaret et poena. Cessavitque plaga a filiis Israel, id est, ultra non duravit, nec amplius desavit in plebe. Et occisi sunt viginti quatuor millia hominum. Sed qualiter seu a quibus et qua morte, Scriptura non exprimit, ut aliqui dicunt: quod non videtur idonee dictum, quum in isto capitulo habitum sit: Dixit Moyses ad iudices Israel. Occidat unusquisque proximos suos. Sicque Moyse praecipiente, a filiis Israel videntur gladio interfecti. Verumtamen in Scholastica historia legitur: Occisi sunt forte a Domino per plagam aliquam praecedentem, quae tunc cessavit. Josephus vero sentire videtur, quod plurimi juvenes ex Israel, exemplo et zelo Phinees inflammati, peremerunt multa millia populi: alios autem pestilentia esse percussos.

Denique istam historiam Josephus plenius recitat, dicens, quod Zambri duxit feminam illam in conjugem, et ea iubente, omisit Deo sacrificare. Propter quod D inerepatus in generali a Moyse, respondit se alienigenam duxisse, deosque colere, nec curare de tyrannicis Moysis legibus, quibus sub figmento legis ac Dei gravius premeret populum, auferendo ei libertatem vivendi, quam pressus ab Aegyptiis erat. Obiecitque Moysi, quod et ipse alienigenam duxerat. Sicque cum elatione discessit, et ivit ad feminam, admirantibus cunctis quod non fuit subito mortuus.

*Dixitque Dominus ad Moysen: Phinees*

*filius Eleazari avertit iram meam a filiis Israel, id est, justitiae meae suo merito satisfecit pro populo reo nondum occiso: quia zelo meo, id est zelo justitiae mihi accepto, et fervido caritatis meae affectu, ac desiderio mei honoris, commotus est contra eos, quos ita perfodit: ut non ipse delerem filios Israel in zelo meo, id est, ne ego ipse zelo justitiae meae acrius punirem et plures occiderem ex fornicatoribus istis, aut communicantibus eis in crimine isto. Porro si Phinees ista intentione illos B perfodit, sic quod dictum est, Ut non ipse, etc., tenetur causaliter. Si vero non intendit hoc, sed solum juste punire duos illos sic coeuntes, tunc quod dicitur, Ut non ipse, etc., tenetur concomitanter. Idcirco loquere ad eum: Ecce do ei pacem foederis mei, id est pacificam participationem sacerdotii, imo et pontificii post obitum Eleazari pontificis patris sui, sicut institui, foedusque iniit eum Aaron. Jam nempe Phinees erat sacerdos, et quamvis secundum legem debuit patri suo in pontificatu C succedere, poterat tamen per mortem aut aliter impediri. Sed nunc propter meritum suum certificatur, quod jure illo utetur non solum ipse, sed et posteri ejus. Unde subjungitur: et erit tamen ipsi quam semini ejus pactum sacerdotii sempiternum, id est, per omne tempus veteris Testamenti sacerdotio isto fungentur: quod tamen in posteris poterat per eorum vitia impediri, sicut et factum est. Quia zelatus est pro Deo suo, id est, pro honore Dei conservando, et pro ejus inhonoratione vindicanda, motus est sancto zelo, et expiavit, id est, remitti fecit, scelus filiorum Israel.*

*Locutusque est Dominus ad Moysen, dicens: Hostes vos sentiant Madianitae, et pro id est, percutite eos, non ex invidia, sed zelo justitiae, et ex praecepto majestatis divinae: quia et ipsi hostiliter, hoc est invidie et inimice, egerunt contra vos, et decipere insidiis, id est versute, per idolum Phogor, inducendo vos ad idola sua veneranda, et per Cozbi filiam ducis Ma-*

*Exod.,  
XXVIII, XXIX.*



*dian, sororem*, hoc est cognatam, *suam*, A stat quod maxime cupiebant filiorum Israel inducendo vos ad libidinem per tam formosam nobilemque puellam: non tamen per eam solam, sed per eam præcipue, quia ex ejus intuitu multi fuerant accensi. Similiter exemplo Zambri, qui eam accepit, multi erant ad similia provocati. *Quæ percussa est in die plague*, hoc est, perfossa in die quo Phinees eam juste occidit, quando et præfata viginti quatuor millia sunt percussa, *pro sacrilegio Phogor*, hoc est propter sacrilegam adorationem Beelphegor. Nam et si propter corporalem fornicationem plagati sunt, magis tamen propter idololatriam. Ex hoc autem, quod Madianitæ miserunt tam illustrem puellam, con-

stat quod maxime cupiebant filiorum Israel deceptionem.

Quæritur, cur Dominus non jussit simili modo Moabitis occidi, quia et ipsi filias suas miserunt ad eadem crimina perpetranda. Ad quod juxta præfata poterit responderi, quod paucae erant missæ a Moabitis, nec illæ tantum inflammaverunt filios Israel ut feminae Madianitæ. Vel propter merita sancti Lot Deus pepereit posteris ejus: propter quæ etiam prohibuit filios Israel ab impugnatione Moabitarum. Præterea aliqui opinantur, quod Deus per verba præfata mandavit occidi feminas quæ deceperunt filios Israel, sicut occisi fuerunt qui peccaverunt cum illis.

*Deut. ii, 9.*

## ARTICULUS XLII

DE MORALI EJUSDEM CAPITULI VICESIMI QUINTI INTELLECTU.

SICUT præhabitu est, Setim erat lo- C Cus amœnus arboribus plenus. Dum itaque Israel, id est populus christianus, aut etiam clerus incipit deliciosa querere loca, et carnali repausationi dat locum, mox a spirituali relaxatur custodia hominis interioris, incipitque tentari concupiscentiis carnis, et vel consentiendo, aut turpiter imaginando, aut in ipsis imaginationibus delectando, vel in actum procedendo fornicatur cum filiabus Moab, id est cum feminis impudicis, aut puellis ornatis: quæ quantum ad impudicitiam suam D superfluumque ornatum, ex diabolo sunt, qui iniquorum est pater, sicut ait Salvator: Vos ex patre diabolo estis. Moab autem interpretatur, ex patre. Ideo filia Moab sunt, quæ curioso ornatu pompaticove vestitu, verbis, incessu, signis aut nutibus, amplexu aut osculis, quempiam ad incontinentiam excitant. Nec minus, imo plus filii Moab sunt, et impii Moabitis, quicumque aliquo modo præfata feminas aut

puellas naturaliter fragiles trahunt, aut trahere optant seu moliantur ad actum obscenum. Præterea, per Moabitis et Madianitas, qui filias suas miserunt ornatas ad filios Israel decipiendos, recte designantur diaboli, quorum suggestionem mulieres faciunt talia, vel etiam carnales parentes, qui filias suas non bene informant, superflue ornant, pompaticè vestiunt, ad choreas sive spectacula dirigunt, vel ire permittunt.

*Quæ vocaverunt eos ad sacrificia sua.* Sacrificium Deo spiritus contribulatus: sacrificium Dei laus devota, oratio fervida. Sacrificium salutare, attendere mandatis: sacrificium sacrificiorum, Eucharistiæ sacramentum. Quæ ergo sunt sacrificia diabolica, sive inanum hominum, quæ diabolo offeruntur, nisi spiritus vitiose delectans, carmina sæculi, procatio fallax, transgressio præceptorum? Ad hæc sacrificia præfata filia Moab vocant viros et juvenes, videlicet ad choreas, ad confabulationes carnales, ad deducendum tempus

*Pr. i, 19.*

*Ezech. xxxv, 2.*

*Joanna, xiii, 33.*

infructuose, ad concupiscendum inique, ad agendum pravissime: imo frequenter viri et juvenes vitiosi ad ista et consimilia provocant mulieres et adolescentulas, quarum simplicitati et instabilitati frequenter multipliciterque illudunt. Mutuo quoque alliciunt se ad cultum deorum, et ad idola adoranda, hoc est ad aversiones mentis a Deo, ad fornicationem spirituales cum diabolo, ad inhaerendum creaturis magis quam Creatori, ita quod turpem carnem quasi Venerem colant, et nummum plus ament quam Deum, suisque phantasmatibus foedis in absentia objectorum, quasi idolis, infatuata cohaereant mente. Ecce ad quanta vitia traxit consilium nequissimi Balaam, quem imitantur consiliarii mali, et copulatores ac copulatrices abominandi. Innotescit quoque ex his, quam intense et periculosissime concupiscentia carnis rationem obtenebret, quoniam ad idololatricam traxit Israelitas.

Rom. i, 25.

Ps. cx, 28.

II Petr. i, 1.

*Initiatusque est Israel Beelphegor.* Quemadmodum homo per virtutes et dona Spiritus Sancti deiformis efficitur, et juxta principis Apostolorum sacram doctrinam, divina efficitur consors natura: ita per passiones et vitia non bestiis tantum, sed demonibus quoque assimilatur: totque demonibus initiatur et mancipatur, quot vitiorum speciebus subieitur et fordatur. Si aediosus es, si gula deservis, si iracundiae facibus inflammaris, aut consimilibus obnoxius es peccatis, scito quia spiritibus malignissimis, qui de his vitiis sollicitant homines, es consecratus. Quocirca, ut loquitur Origenes, adest unicuique angelus bonus, qui regat, moveat, qui pro nostris actibus corrigendis et miserationibus exponendis, videat et exoret faciem Domini.

*Et iratus Dominus, ait ad Moysen: Tolle cunctos principes populi, et suspende eos contra solem in patibulis.* Ex his primo instruimur, quam gravia scelera sint fornicatio et idololatria, quae Deus tam celeriter tamque terribiliter puniri mox iussit. Rursus constat ex istis, quam periculosissimum sit praeesse, praesertim in

A spiritualibus, quia et principes isti, qui in temporalibus praefuerunt, jussi sunt propter subditorum peccata suspendi. Tertio elucescit ex his, quod subditorum peccata praesidentibus imputentur, nisi qui praesunt omne sui officii debitum exhibuerint sibi commissis, informando, hortando, corripiendo, corrigendo, orando, custodiendo, exemplariterque vivendo. Quis igitur est qui appetit praesidere, nisi qui non metuit in manus Dei viventis incidere, nec perpendit quam durissimum iudicium instet praelatis? Ideo loquitur Origenes: Non tantum pro suis arguuntur peccatis, sed pro populo etiam compelluntur principes et praelati reddere rationem, ne forte non docuerint, non moverint, non sollicitè arguerint eos qui primum peccaverunt, ne contagio dispergeretur in populos. In ipsos namque convertetur ira Dei, et cessabit a populo. Haec si homines cogitarent, principatum non ambirent. Sufficit cuique pro peccatis propriis argui, et reddere rationem. Quid necesse est, pro peccatis populi ostentari ante solem, coram quo nihil potest abscondi? Haec Origenes. Advertant haec ambitiosi, qui quum non sufficiant custodire et regere semetipsos, ad aliorum adspirant ducatum, omni insipientia, imo insania mentis repleti, quemadmodum in Proverbiis Salomon protestatur: Homo stultus plaudit manibus, quum spoponderit pro amico suo. Itemque: Noli esse cum his qui defigunt manus suas, et vades se offerunt pro debitis.

Sap. vi, 6.

Prov. xvii, 18.

Ibid. xxii, 26.

*Ecce unus de filiis Israel intravit coram fratribus suis ad scortum Madianitidem, vidente Moyse et omni Israel.* Per virum illum, qui et princeps fuit in progenie Simeonis, intelliguntur universi rebelles, elati, incorrigibiles, habituati in vitiis, qui sine verecundia peccant, quibus facta est frons meretricis: propter quod erubescere nolunt, sed characterem bestiae gestant in frontibus suis. Et heu! modo sunt multi tales ex praesidentium numero, quibus propria voluntas est lex, et potestate pro aequitate utuntur.

Jer. iii, 3.

Apoc. xvi, 2.

Porro, per Phinees qui illum perfodit, A expressi sunt viri virtutum, qui zelo Dei accensi sunt, qui etsi propriam, non tamen Creatoris, injuriam pati queunt. Verumtamen non debet quis proprio capite, aut usurpata auctoritate, privatave potestate, se ipsum ingerere ad ulciscendum Dei aut sui ipsius offensam : quia nec Phinees ultus est illud piaculum, nisi legis auctoritate, et quoniam Moyses dixit iudicibus : Occidat unusquisque proximos suos. Postremo, docemur ex sententia Omnipotentis, factum illud Phinees magnifice B commendantis ac multipliciter remune-

rantis, quam acceptus sit Deo verus iustitiæ zelus, qui discretionem conditur et æmulatio Dei, seu zelus divini honoris : quo zelo renititur homo pro viribus suis omni peccato, hisque potissime quæ evidenter contrariantur rectitudini æquitatis, et Deum ab universis cupit ac salagit honorari. Hunc zelum adipisci non possumus, nisi a privato purgemur amore, affectum proprii commodi penitus excludentes, ita ut non sinus ad nos ipsos inordinate reflexi, sed in Deum directe linealiterque reducti, constabiliti, et transformati.

## ARTICULUS XLIII

ELUCIDATIO LITTERALIS CAPITULI VICESIMI SEXTI : POSTQUAM NOXIORUM SANGUIS EFFUSUS EST.

NUNC recitatur, qualiter secundo numeratus est totus Israeliticus populus. C non ut numerus ejus innotesceret Deo, sed ad nostram informationem, ut advertamus quanta sit Deo omnipotenti cura et providentia de plebe sua. Denique sicut pastor accelerat sua computare jumenta et pecora, quum quædam ex eis fuerint a lupis, et forte furtim ingressis, vorata sive sublata : sic Dominus facta strage in populo suo ex suggestionem dolosæ vulpis, videlicet Balaam, atque ex infernalium instigatione luporum, per subintroductionem filiarum Moab ac Madian, protinus jussit eas quæ D remanserant oves diligentissime numerari, ut de cetero vigilantius custodirentur.

Itaque ait : *Postquam noxiorum sanguis effusus est*, id est, occisis viginti quatuor millibus ex plebe Israel, propter idololatricam et fornicationem præcedenti descriptas capitulo, *dixit Dominus ad Moysen et Eleazarum filium Aaron sacerdotem*, id est pontificem. Verumtamen quidam exponunt istud de effusione sanguinis Madianitarum, de quibus in fine præcedentis

capituli legitur, quorum interfectio infra <sup>Num. xxxi,</sup> recitatur, dicentes hanc populi numerationem factam post Madianitarum necationem, quamvis ante hic describatur, quoniam in historica relatione ordo temporis non semper servatur. *Numerate omnem summam filiorum Israel a viginti annis et supra, per domos et cognationes suas*, id est per tribus atque familias, *omnes qui possunt ad bella procedere*. Multa hic dici possent de causa et significatione numerationis istius, et qualiter adjutorio principum facta sit, et usque ad quodum annum numerabantur, et cur feminae non computabantur : de quibus pertranseo, quoniam in expositione superiorum sunt inducta.

*Filius Phallu, Eliab, Hujus filii, Namuel et Dathan et Abiron. Isti sunt principes populi*, id est inter præcipuos in tribu Ruben, et forsitan in aliquibus erant officiis constituti, *qui surrexerunt contra Moysen et Aaron in seditione Core*, et in <sup>Idid. xvi,</sup> rebellionem, ejus auctor præcipuus fuit Core Levites, Moysis consobrinus, quoniam <sup>1 et seq.</sup>



filiis fratrum erant ; *quando aduersus Dominum rebellauerunt*, quoniam resistendo Moysi et Aaron fidelibus Dei, vicariis ac ministris, opposuerunt se Deo, et contra Dominum, hoc est, contra ejus praeceptum praesumpserunt hoc agere ; *et aperiens terra os suum, devoravit Core, morientibus plurimis, quando combussit ignis ducentos quinquaginta viros*. Totum istud habitum pleniusque expositum est supra. *Et factum est grande miraculum, ut Core pereunte, filii ejus non perirent*, id est, non devorarentur a terra, nec consumerentur ab igne. Contra hoc sic argui posset, quia aut filii ejus consenserunt excessibus sui patris, aut non : si consenserunt, ergo perierunt cum eo, cujus contrarium dicitur hic : si non consenserunt, non fuit miraculum quod non perierunt, imo injustum fuisset quod perissent, secundum quod Abraham dixit ad Deum : Numquid perdes justum cum impio ?

Gen. xvi,  
21.

Circa hoc scribit Lyra : Quod aut quale fuit istud miraculum, non habetur ex textu in speciali, sed Glossa super Psalmum quadagesimum quintum dicit : Quando terra devoravit ipsum Core, filii ejus manserunt stantes in aere divina virtute, quousque terra fuit reclusa : propter quod in gratiarum actionem fecerunt psalmum, Deus noster refugium et virtus. Non enim David fecit omnes psalmos. Haec Lyra. Alibi demum refert, quemadmodum Rabbi Salomon dicat, quod filii Core primo consenserunt suo patri : sed audita Moysis exhortatione, poenituerunt. Quamquam Moyses dixit, Recedite a tabernaculis hominum impiorum : ipsi tamen manserunt cum patre suo in tabernaculo ejus, non ad adsistendum ei in malo, sed ut suis exhortationibus et precibus averterent eum a suo proposito : ideo non fecerunt contra Moysis jussionem, sic remanendo. Quumque terra aperto ore deglutiret patrem eorum, stabant suspensi in aere usque ad terrae reclusionem : quo facto, totis praecordiis ad Deum conversi sunt, et plures fecerunt psalmos pulcherrimos. Haec Lyra. Verumtamen Rah-

Ps. xlv.

Num. xvi,  
26.

bi Paulus his contradicit : Ubi, inquit, translatio nostra habet, Factum est grande miraculum, ut Core pereunte, filii ejus non perirent, in Hebraeo habetur, Facti sunt in signum, id est in miraculum ; et quod additur, Ut Core pereunte, etc., non est de textu. Sicque quod dicitur, Facti sunt in signum, refertur ad immediate praecedentia, scilicet quod illi qui fuerunt devorati ab ore terrae, et combusti ab igne egresso a Domino, facti sunt in miraculum. Unde glossa illa Hebraica allegata, non habet fundamentum in littera. Similiter fundamentum certum non habet, quod propter illud miraculum factus sit psalmus, Deus noster refugium, etc. Exponitur enim et aliter. Item quod dicitur, omnes psalmos non esse factos a David, est contra opinionem Augustini, quam credo veram. Haec Paulus.

Circa haec dico, glossam illam Hebraicam, et dictum Rabbi Salomonis, vera esse in parte hac : habetque glossa illa fundamentum in littera ista, quam tota Ecclesia quae non errat, credit esse simpliciter veram ; nec Hieronymus in hac parte, sicut nec alibi, ab Hebraica veritate recessit. Porro, quod Lyra dicit de psalmo praetateo, et quod non omnes psalmi sunt facti a David, non est certum, et circa hoc sancti viri vario modo senserunt. Nam et Hieronymus protestatur, et Hebraei communiter, quod psalmi non sunt omnes a David facti. Ait quoque Hieronymus : Totum perhistrans psalterium, non invenio in psalmis filiorum Core aliquod terrenum aut triste, sed omnia spiritualia sunt in eis atque juennda. Potius tamen credo, cum Augustino, omnes psalmos a David factos, prout in exordiis expositionis psalterii persuasiones ad hoc aliquas introduxi.

*Haec sunt familiae Manasse, et numerus earum quinquaginta duo millia septingenti*. Haec est summa filiorum Manasse. De numero autem filiorum Ephraim, subditur : *Haec sunt cognationes filiorum Ephraim, quarum numerus fuit triginta duo millia quingenti*. Istud videtur esse contra

Gen. xlviii,  
19.

Num. i, 32-  
35.

Judic. xii, 6.

id quod in Genesi sanctus Jacob in benedictione Manassæ et Ephraim dixit. Iste quidem, videlicet Manasses, erit in generationes, et multiplicabitur : sed frater ejus junior, utpote Ephraim, major illo erit, et semen illius crescet in gentes. Et respondendum, quod populus natus ex Ephraim, communiter et pro majore temporis parte, creditur fuisse major, quam populus genitus ex Manasse. Interdum tamen potuit aliter esse. Nam et in prima populi numeratione, Ephratai fuerunt multo plures quam nati ex stirpe Manassæ, ut habetur supra. In Judicum libro quoque leguntur quadraginta duo millia ex semine Ephraim uno tempore corruisse sub Jephthe.

*Locutusque est Dominus ad Moysen, dicens : Istis dividetur terra juxta numerum vocabulorum, hoc est suppositorum, in possessiones suas, id est ad hoc, ut hereditarie eam possideant. Hinc subditur : Pluribus hominibus majorem terram partem dabis, et paucioribus minorem.* Circa quod ait Glossa, Ut scilicet numerosior tribus majora terræ spatia sortiatur : quæ autem minor fuerit hominum numero, minora accipiat. Circa hoc Magister in historiis scribit : Istud non est intelligendum de tribubus et familiis, sed de domibus. Terra enim æque divisa, secundum sortes data est tribubus : et quælibet tribus sorte partes æquales dedit familiis. Familiæ vero, juxta numerum capitum, domibus diviserunt sine sorte minores et majores partes. Alii quoque dicunt, quod in divisione terræ non solum considerata est spatii magnitudo, sed et terræ fertilitas : sicque quod dicitur, Majorem, intelligitur vel mole, vel valore. Ex quibus patet intellectus verborum sequentium : *Ita duntaxat, ut sors terram promissionis tribubus dividat et familiis.* Illam etenim sortium projectionem Deus moderabatur, secundum quod Salomon loquitur : Sortes mittuntur in sinum, sed a Domino temperantur. Ideo non poterat ibi quisquam murmurare, propter terræ participationem, quasi in-

Prov. xvi,  
33.

A juste factam. Qualiter vero liceat sortibus uti, et qualiter non, dictum est saepe.

Verumtamen Moyses dedit tribubus Ruben et Gad, ac dimidiæ tribui Manasse terras duorum regum trans Jordanem absque sortibus. Dicunt quoque expositores super Josue, quod ipse Josue dedit in terra promissionis tribui Juda, tribui Ephraim, et dimidiæ tribui Manasse, terram et partes absque sortium missione. Quod qualiter intelligendum sit, ibidem exposui. Siquidem tribubus illis data est terra dupliciter, B utpote concessione et sorte : concessione, ut quidquid expugnarent, esset earum. Unde et Origenes hic ait : Video Moysen non sorte dividere hereditatem Ruben et Gad et dimidiæ tribui Manasse. Jesus quoque, id est Josue, extra sortem dat hereditatem tribui Juda, et Caleb, et tribui Ephraim, et dimidiæ tribui Manasse. In ceteris sors mittitur.

Consequenter describitur numeratio filiorum Levi ab uno mense et supra, et plana est littera. Quod vero in textu Jo- C chabed mater Moysis, vocatur filia Levi, intelligitur quod fuit filia filii ejus, ut ante expositum est. Hoc interea advertendum, quod supra leguntur Levitæ numerati ab uno mense et supra. Deinde ibidem alio capitulo leguntur numerati ab anno tricesimo usque ad quinquagesimum annum : de qua numeratione non agitur hic, quoniam illa facta est ad deportandum tabernaculum in profecione castrorum : jam autem filii Israel venerunt usque confinia terræ promissionis. Vel, quod semel fuerat jussum, insinabatur deinceps servandum. Sed ex supradictis patet intelligentia litteræ hujus.

Num. iii,  
15.  
Ibid. iv, 3.

Ut tamen quæ dicta sunt, et adhuc quædam dicenda, clarius intelligantur, pensandum, quod in prima secundæ, quæstione 105, ait Thomas : Circa res possessas, optimum est, ut dicit Philosophus in secundo Politicorum, quod possessiones sint distinctæ, et usus earum sit partim communis, et partim juxta voluntatem possessorum communicetur : quæ tria fuerunt in lege

statuta. — Primo enim possessiones divisa-  
 erant in singulos, secundum quod in Nu-  
 merorum codice Dominus ait : Ego dedi  
 vobis terram in possessionem, quam sorte  
 dividetis vobis. Et quia per possessionum  
 irregularitatem plures civitates destrun-  
 tur, secundum Philosophum, secundo Po-  
 liticorum, ideo ad possessiones regulandas,  
 lex adhibuit triplex remedium : Unum, ut  
 secundum numerum hominum aequaliter  
 dividerentur : unde dicitur in Numeris,  
 Pluribus dabitur latiore, et paucioribus  
 angustiore. Aliud, ne possessiones in  
 perpetuum venderentur, sed usque ad cer-  
 tum tempus dumtaxat, videlicet ne con-  
 funderentur sortes possessionum. Tertium  
 fuit, ad auferendum talem confusionem, ut  
 proximi morientibus succederent in bonis  
 possessis : primo videlicet gradu filius,  
 secundo filia, si filius non adesset, tertio  
 fratres, quarto patrui, quinto quicumque  
 propinqui. Ad conservandam autem sor-  
 tium distinctionem, ordinavit lex ultra, ut  
 mulieres quae sunt heredes, nuberent viris  
 suae tribus. — Secundo instituit lex, ut  
 quantum ad aliqua, usus rerum esset com-  
 munis patriae. Et primo quantum ad eu-  
 ram, juxta illud Deuteronomii : Non vide-  
 bis ovem et bovem fratris tui errantem, et  
 praeferibis, sed reduces fratri tuo : et si-  
 militer de aliis. Secundo, quantum ad  
 fructum. Concedebatur namque commu-  
 niter, quantum ad omnes, ut ingressus in  
 vineam amiei, comedere posset quantum  
 vellet, non tamen extra portaret : quantum  
 vero ad pauperes specialiter, ut relinque-  
 rentur manipuli obliti, et fructus racemique  
 remanentes : et quae sponte nascebantur,  
 septimo anno communicabantur. — Tertio,  
 statuit lex communicationem factam per  
 dominos rerum : unam pure gratuitam :  
 unde in Deuteronomii libro dicitur, Anno  
 tertio separabis aliam decimam, venient-  
 que Levites et peregrinus, etiam pupillus  
 et vidua, et comedent, et saturabuntur :  
 aliam vero cum recompensatione utilita-  
 tis, sicut per emptionem et venditionem,  
 per locationem et conductionem, per mu-

luum, et iterum per depositum. Sicque suf-  
 ficienter ordinavit convictum Israeliticæ  
 plebis.

Præterea, spiritualitas hujus capituli, ex  
 dictis in exordiis libri hujus est evidens.  
 Nempe ut asserit Origenes, Terræ hujus  
 divisio atque hereditas, forma est cælestis  
 hereditatis quæ Sanctis datur, ubi in domo  
 Patris multe sunt mansiones. Et sicut qui-  
 busdam filiis Israel divisa est terra absque  
 sorte, sic puto quod quidam in cælesti he-  
 reditate non venient ad sortem, neque cum

ceteris, quamvis sancti sint, numerabun-  
 tur : sed erit egregia eorum hereditas, sic-  
 ut fuit Caleb et tribui Juda, et Josue filio  
 Nave. Quemadmodum enim, dum adepta  
 victoria dividuntur spolia, egregii bellato-  
 res non ducuntur ad sortem, sed optima  
 quæque merito virtutum suscipiunt, ceteri  
 autem sorte utuntur jure victoriae : ita vi-  
 detur mihi Christus Dominus meus factu-  
 rus. Illis namque præcipuos et sublimes  
 decernet dabitque honores, quorum facta  
 magnifica et sublimes cognoscit virtutes,

quibus ait : Sedebitis super duodecim  
 thronos, etc. Et iterum : Sicut tu, Pater,  
 in me, et ego in te, ita et isti unum in no-  
 bis sint. Hæc omnia non sorte descendunt,  
 sed dilectionis prærogativa. Hæc verba  
 Origenis, quæ et in Glossa habentur, se-  
 cundum primum intellectum possunt sal-  
 vari : nihilo minus constat, unumquemque  
 premiari in cælo juxta suorum meritorum  
 mensuram. Omnes quoque in regno cælesti  
 sunt unus exercitus, et unum inter se, ac  
 unum in Domino.

Dicit quoque Isidorus : Sexcenta millia  
 armatorum de Ægypto egressa sunt, et duo  
 tantum viri ex eis in terram promissionis  
 ingressi. Multi enim ad fidem transeunt  
 per Baptismum, sed ad cælestem patriam  
 perducuntur paucissimi. Duo tantum in-  
 grediuntur, ad designandum eos qui ex  
 utroque populo regnum cæleste adipiscen-  
 tur, vel qui per vitam activam et con-  
 templativam salvantur. Hinc ait et Orige-  
 nes : Omnia ad monadem reducuntur. Pone  
 omnem humani generis numerum, elige

Num.  
xxviii, 33,  
44.

Ibid. 54

Deut. xxi,  
1.

Ibid. xxiii,  
24

Ibid. xxiv,  
19-21.

Ibid. xiv,  
28, 29.

Sensus spi-  
ritualis.

Joann. xiv,  
2.  
Joan. xiv  
et seq. : xiv,  
19, 30.

Luc. xvii,  
30,  
Joann. xvii,  
21.



fideles : pauciores erunt quam infideles : A res, et pauciores erunt : et quanto eligendo fidelibus elige meliores, et invenies do processeris, tanto pauciores invenies, pauciores : de melioribus elige perfectio- donec venias tandem ad unum summum.

## ARTICULUS XLIV

EXPOSITIO LITTERALIS CAPITULI VICESIMI SEPTIMI : ACCESSERUNT AUTEM FILIE SALPHAAD.

**A**CCESSE<sup>32</sup>RUNT autem ad Moysen filie Salphaad, qui fuit de tribu Manasse ; steteruntque quinque filiae illae coram Moysse et Eleazaro sacerdote, et cunctis principibus populi ad ostium tabernaculi foderis, atque dixerunt : Pater noster Salphaad mortuus est in deserto.

Salphaad iste secundum Hebraeos et quosdam Catholicos fuit ille, de quo supra legitur : Factum est quum filii Israel essent in deserto, invenerunt hominem colligentem ligna in sabbato. Quod non videtur certum, praesertim quia subjungitur : nec fuit in seditione quae concitata est contra Dominum, utpote contra Moysen et Aaron Dei vicarios, sub Core qui fuit principalis concitator rebellionis illius. Etenim vir

ille qui ligna collegit in sabbato, fuerat lapidatus, de quo omnibus patuit quod non fuit in seditione Core. Salphaad quoque, qui directa linea fuit quartus a Manasse filio Joseph, fuit notabilis vir, de quo non apparet, quod personaliter ligna collegerit. Aliqui vero dicunt, quod ideo addiderint patrem suum non fuisse in Core seditione, ad innuendum quod non erant private jure percipiendi possessionem hereditariam ex demerito rebellionis illius, quemadmodum posterius seditiosorum illorum : quod tamen supra approbatum non est. Sed in peccato suo mortuus est, propter praevagationem privatam, aut propter murmurationem suam ex verbis exploratorum conceptam. An autem in mortali obierit culpa sine poenitentia vera ejus, non patuit filiabus, estque probabile cum

B poenituisse. Hic non habuit natus filios. Cur tollitur nomen illius de familia sua, quia non habet filium ? hoc est, cur inter alios filios Manasse non est annumerata domus ipsius, nec manet ejus memoria per prolis successionem et hereditatis participationem, quoniam soli viri sunt numerati ? Et jussum est, quod eis terra dividatur per sortem : sicque erimus exhereditae. Quod ne fiat, Date nobis possessionem inter cognatos patris nostri.

Retulitque Moyses causam earum ad C judicium Domini, id est, a Deo petit edoceri, quid in hoc casu esset sibi agendum. Nam contra praefatum Dei praeceptum noluit auctoritate propria dispensare. Qui dixit ad eum : Justam rem postulant filiae Salphaad : quia non erant sine rationabili causa hereditate privandae. Deinde occasione hujus casus, datur lex generalis de successione in paterna hereditate. Ad filios autem Israel loqueris haec : Homo quum mortuus fuerit absque filio, ad ejus filiam transibit hereditas sua, eo defuncto.

Et si non habuerit filiam, successio devolvetur ad propinquiores ei, sicut in textu narratur, et in fine praecedentis capituli est ostensum. Quocirca loquitur Origenes : Libertas filiarum Salphaad non solum eis hereditatem contulit, sed perpetua jura vivendi saeculo dedit. Quis potest legem istam dissolvere, qua universus utitur mundus, omnes videlicet homines qui legibus vivunt ? Eritque hoc filiis Israel sanctum lege perpetua, id est, statutum istud de hereditaria successione, a filiis

Nam, xv, 32.

Ibid, xvi.

Ibid, xvi.

Israel est servandum tanquam justum et A ratum.

*Dixit quoque Dominus ad Moysen : Ascende in montem istum Abarim, qui camp-  
pustribus istis propinquus est, et contem-  
plare inde terram quam daturus sum  
filiis Israel, id est terram promissionis  
quam ingredi cupis, sed nequibis : ideo  
pro tua aliquanta consolatione tibi eam  
monstrabo. Quumque videris eam, ibis et  
tu ad populum tuum, id est ad limbum  
patrum. Secundum quosdam dubium est,  
an Moyses ascendit hae vice montem præ-  
fatum, an postea. Sed quia Dominus ait,  
Quumque ascenderis eum, ibis ad populum  
tuum, apparet quod postea et non modo  
ascendit, nisi dicatur bis ascendisse : imo  
certum est, quod morte sua de proximo  
imminente, ascenderit montem illum, quum  
scriptum sit in Deuteronomio : Ascendit  
ergo Moyses de campustribus Moab super  
Nebo. Eratque Nebo, eminens pars seu  
monticulus in monte Abarim.*

*Cui respondit Moyses : qui audita sua  
defunctione, et quod propter culpam suam  
ingressurus non esset terram promissam,  
ostendit se vere ac valide inflammatum  
caritate populi sibi commissi et zelo com-  
munis boni eorum. Nam quasi immemor  
sui, nec de sua morte et punitione turbatus,  
oravit mox pro eisdem : Provideat Domi-  
nus Deus spirituum omnis carnis, qui solus  
novit corda omnium filiorum hominum,  
ideo novit quis dignus sit principatu, ho-  
minem qui sit super multitudinem hanc  
dignitate et auctoritate ; et possit exire et  
intrare ante eos, id est, se in omnibus ex-  
emplarem præbere, et primus esse in acie  
belli, atque in actibus vitæ activæ exte-  
rioris et contemplativæ internæ præfulgere, et  
educere illos ad exsequendum agenda, vel  
introducere ad terram promissionis : ne sit  
populus Domini sicut ovis absque pastore.*

*Dan. x, 21.* Quamvis etenim Dens, et sub Deo Michael  
princeps magnus præfuit Synagoga; ipsa ta-  
men indiguit pastore propriæ speciei, et ejus-  
dem conversationis ac status eum ea, a quo  
per sensibilia poterat informari ac dirigi.

T. 2.

*Dixitque Dominus, qui tam caritativam  
et piam orationem protinus exaudivit,  
etiam meritis deprecantis, ad Moysen :  
Tolle, id est accipe ad te, Josue filium  
Nun, virum in quo est Spiritus Dei, id  
est virum virtuosum in quo Spiritus San-  
ctus per caritatem et virtutes tam gratiose  
moratur, quod tanta praelatione condignus  
est : et pone manum tuam super eum, in  
signum quod instituatur a te, atque ut ex  
impositione manus tuæ gratiam sortiatur  
majorem. Qui stabit coram Eleazaro sa-  
cerdote, id est pontifice, et omni multitu-  
dine, quatenus universi sciant, quod me  
jubente, instituatur a te ad præsidendum  
post mortem tuam ; et dabis ei præcepta  
cunctis videntibus, ut acquiescat suæ pro-  
motioni, et qualiter post te debeat præsi-  
dere, et partem gloriæ tuæ, id est auctori-  
tatem et eminentiam tuam, quæ est pars  
beneficiorum tibi a me præstitorum : vel,  
Partem gloriæ tuæ, hoc est participationem  
donorum gratiæ tibi concessæ. Verumta-  
men Josue habuit jurisdictionem super  
universum populum illum, quemadmodum  
Moyses ; sed in aliis fuit inferior Moyse,  
qui hanc gloriam suam contulit ipsi Josue  
dispositive et ministerialiter, Deus autem  
effective et principaliter. Ut audiat eum  
omnis synagoga filiorum Israel, id est, to-  
ta plebs ei obediat. Pro hoc, si quid agen-  
dum erit, Eleazar sacerdos consulat Do-  
minum, hoc est, occurrente aliquo arduo  
et intricato negotio, Eleazar per orationes  
et sacrificia, quæret informationem a Do-  
mino pro directione Josue. Ad verbum  
Deus, videlicet Eleazari, ingreditur et egre-  
diatur ipse Josue, et omnes filii Israel cum  
eo, id est, juxta oraculum Dei notifica-  
tum per Eleazarum ipsi Josue, faciet Josue  
et omnes ei subjecti. Verumtamen Josue  
post mortem Moysis fuit major et excel-  
lentior Eleazaro, quemadmodum postea  
reges pontificibus, prout in libro de Regi-  
mine regum, Thomas declarat. Nam sacer-  
dotium illud fuit carnale et typicum. Ex  
prædictis autem non est putandum, quod  
Moyse vivente, Josue fuerit supremus po-*

31

puli princeps, quia sic duo fuissent principes plebis illius, non subordinati, nec regimen populi fuisset monarchicum. Unde etsi potestas quæ est de genere qualitatis, præstita fuit ipsi Josue, adhuc vivente Moyse : jurisdictio tamen quæ est relatio, data est ei mox ut Moysis principatus cessavit. Hinc in Deuteronomio describitur, qualiter Moyses protinus moriturus, commisit Josue executionem sui officii.

Deut. xxxi,  
7, 8.

Sensus moralis.

Moraliter per filias Salphaad, intelliguntur animæ imperfectæ, quæ audientes quod regnum celorum promissum sit viris virtutum, atque militibus Christi, nequaquam volunt excludi, sed inter illos petunt aliquam in cælestibus portionem, et saltem ad inferiorum ordinum societatem assumi, quamvis pater earum, hoc est imperfectus prælatus, non potuerit eas ad virorum perfectionem deducere. Huic petitioni Deus Pater misericorditer acquiescens, Christo homini omnium judici, quoad prolationem sententiæ jubet, ut tales quoque animas æterna hereditate felicitet.

*Homo quum mortuus fuerit absque filio, ad filiam ejus transibit hereditas.* Moritur homo, quando mortaliter peccat, præsertim si in mortali decedat peccato : ejus præcedentia merita non remanent irremunerata, quamvis ipse non præmiatur pro illis, sed ad mysticum corpus Ecclesiæ convertuntur. Relinquit autem filium, qui imitorem habet discipulumve perfectum, ad quem ejus hereditas cælestis (quam obtinisset, nisi obicem posuisset peccando) devolvitur, dum apud Deum est ratio, ut ei communicetur : et si talem non habet filium, sed filiam, id est imitatricem aut discipulam animam imperfectam, quæ in statu decessit salutis, potest tandem ad eam devolvi hereditas memorata. Quod si nec filium reliquit, nec filiam, transibit hereditas sua ad fratres, id est alios Christianos electos, secundum quod major aut minor ratio fuerit coram Deo, ut ipsis communicetur felicitas quam ille olim promernit, sed male cursum suum finiendo, tanto præmio se privavit.

*Dixit quoque Dominus ad Moysen : Ascende in montem istum Abarim, et contem-  
plare inde terram, quam daturus sum filiis  
Israel.* Per montem designatur virtutum sublimitas, præsertim perfectio doni sapientiæ, fervorque caritatis divinæ : in quem montem debemus indesinenter proficiendo ascendere, ut tantam sublimitatem adepti, simus idonei in carne ista mortali contemplari Regem gloriæ in suo decore, triumphantem Ecclesiam, et ea quæ oculus non vidit, nec auris audivit. In eodem quoque monte moriendum est nobis, ita ut nunquam cancerorum more retrocedamus, nec caritas tepescat in nobis, nec redeamus retrorsum, sed quæ retro sunt obliviscentes, in contemplatione et desiderio divinorum salubriter obdormiamus. Qui sic moritur, evolat, moxque pergit ad populum suum beatum, ejus est Dominus Deus ejus per beatificam fruitionem, ut in sinu Dei Patris omnipotentis æternaliter ac securissime et desiderantissime conquiescat.

Cant. iii. 11.  
1 Cor. ii. 9.

Philipp. iii.  
13.

Ps. cxlvi.  
15.

*Cui respondit Moyses : Provideat Dominus Deus hominem qui sit super multitudinem hanc.* In omnibus his proponitur sanctus Moyses prælatus omnibus in exemplum, ut scilicet migraturi de sæculo, non sint circa terrena solliciti, sed summe desidererent, orent, præmerent, ut idoneos habeant successores, et oves Christi eis commissa, post eos salubriter gubernentur : nec student cognatos, in quantum tales, sed vere condignos et virtuosos promoverè ad regimen. Hinc loquitur Origenes : Reversurus Moyses de sæculo, orat Deum ut provideat ducem populo. Habuit Moyses ipse filios Gersam et Eliezer, et nepotes filios fratris sui magnos et egregios viros ; non oravit Deum pro ipsis, ut constituerentur duces populi : ut discant Ecclesiarum principes, successores sibi non propinquitate carnis testamento signare, nec principatum Ecclesiæ hereditarium tradere, nec eligere eum quem humanus commendat affectus, sed Dei judicio successoris electionem dimittere. Poterat Moyses ducem eligere, cui dixerat Dominus : Elige presbyteros

B

C

D



populo, etc. : non tamen eligit nec audet, A ne relinquat posteris præsumptionis exemplum. Quis ergo se ad præsidendum iudicet dignum ex plebe, quæ saepe moveri solet clamoribus, ex gratia, seu favore aut pretio excitatis? aut ex sacerdotibus, nisi si alieni oranti aut petenti (ut Moysi) reveletur, secundum quod Deus ait ad Moysen, Assumes Jesum, id est Josue, etc. ? Audis evidenter ordinationem principis populi tam manifeste descriptam, ut pene expositione non egeat. Nulla hic populi acclamatio, nulla propinquitatis contemplatio. B Relinquatur propinquis agrorum et prædiorum hereditas : gubernatio populi illi tradatur quem Deus elegit, ei scilicet in quo est Spiritus Dei, et qui in conspectu suo habet divina præcepta, qui notus et familiaris sit Moysi, hoc est in quo sit observantia, et claritas, atque scientia legis. Hæc Origenes. Ex quibus certissime innotescit, quam enormiter peccent, qui importune aut per subreptionem, vel ex carnali affectu seu commodi privati intuitu, conantur quempiam promovere : per C quod non tantum se ipsos, sed universum etiam gregem exponunt periculis. Quemadmodum enim in rebus humanis vix præclarius domini esse potest quam bonus

prælatus, sic summum periculum est habere indignum. Talis itaque eligatur qui valeat ingredi et exire ante oculos Salvatoris, id est, ad actus vitæ contemplativæ et activæ sit expeditus, atque in omnibus fervens, agilis, exemplaris.

*Qui stabit coram Eleazaro sacerdote et omni multitudine.* Sic princeps debet sacerdotes obedientes audire, et gregi sibi commisso adstare. Sacerdotum vero et clerici est, indesinenter Dominum exorare, quatenus eos qui præsunt, dignetur piissime illustrare, afficere, dirigere et gubernare in omnibus, quemadmodum ad Timotheum ait Apostolus : Obsecro primum omnium fieri obsecrationes, orationes, postulationes pro omnibus hominibus, pro regibus et omnibus qui in sublimitate sunt constituti, ut quietam et tranquillam vitam agamus in omni pietate.

<sup>1 Tim. ii. 1, 2.</sup>

Postremo, quod nec Moyses nec Aaron, sed Josue introduxit plebem in terram promissam, præfiguravit, quod nec observantia legis designatæ et datæ per Moysen, neque legale sacerdotium expressum per Aaron, sed fides et gratia Christi significati per Josue, perduxit electos ad patriam claritatis æternæ finaliter repositæ.

## ARTICULUS XLV

DECLARATIO LITERALIS CAPITULI VICESIMI OCTAVI : DIXIT QUOQUE DOMINUS AD MOYSEN.

RECITATIS jam quibusdam historiis, D reditur ad ærimonialia legis. *Dixit quoque Dominus ad Moysen : Præcipe filiis Israel, et dices ad eos : Oblationem meam*, id est mihi debitam, et quæ mihi offertur de his, quæ jure creationis sunt mea, et panes propositionis seu panes primitiarum, et ceteros qui secundum legem sunt offerendi, et incensum odoris suavissimi, id est thymiamatis adolationem,

seu holocaustum, quod totum incendebatur, vel immolationem partium quæ in altari holocausti cremabantur : *offerte per tempora sua*, id est unumquodque tempore opportuno, prout in lege præfixum est.

Consequenter descendit ad iuge sacrificium, quod offerebatur quotidie, de cuius materia, ritu et significatione dictum est sæpe : ideo non condecet immorari. *Hæc sunt sacrificia quæ offerre debetis : Agnos*

<sup>Exod. xxix, 38-42.</sup>

*anniculos*, qui scilicet non excedant aetatem anni unius, *immaculatos*, id est bene dispositos, non monstruosos, viles aut languidos, quia praestantiora Deo sunt offerenda, *duos quotidie in holocaustum semperiternum*, quod scilicet daret per omne tempus veteris Testamenti. *Unum offeretis mane, et alterum ad vesperum*. Sacerdos namque seu pontifex in diluvio obtulit agnum unum super altare holocausti, qui toto die cremabatur ibidem : quo consumpto, in crepuseculo immolavit agnum secundum, qui tota nocte comburebatur. *Decimam partem ephi similia, quae conspersa sit oleo purissimo, et habeat quartam partem hin*. Holocaustum namque non offerebatur nisi adjunctis libamentis, quae erant similia oleo conglutinata, et vinum ; et cum agnuculo offerebatur similia mensurae decimae partis ephi. *Holocaustum jure est quod obtulistis Domino in monte Sinai* : quia in consecratione sacerdotum, dedicationeque tabernaculi seu altaris, oblatum fuit sacrificium istud, antequam a monte Sinai recesserunt, non quod in ipso monte, sed prope, factum sit sacrificium hoc. *Et libabitis vini quartam partem hin*, id est, de vino offeretis simul cum agnuculo mensuram quae teneat quartam partem metretae, quae hin appellatur, de qua dictum est saepe. Nee possumus determinatam quantitatem mensurarum istarum per vocabula nota exprimere.

*Die autem sabbati*, id est quolibet sabbato, *offeretis duos agnos anniculos immaculatos* : qui tamen poterunt habere maculas diversorum locorum, nec ante octavam diem a nativitate poterant immolari : *et duas decimas similia oleo consperse*, id est oleatae in sua pistratione, sumendo decimam pro decima parte ephi, *in sacrificio* ; et *liba, quae rite fundantur*, id est libamenta quae cum huiusmodi pecoribus legitime offeruntur, *per singula sabbata in holocaustum semperiternum* : quia et isti agni in holocaustum offerebantur, pariter tamen et ultra duos agnos anniculos jam praedictos, secundum Josephum.

A Unde (ut fertur) in Hebraeo habetur, Super holocaustum jure, videlicet praeter et ultra illud.

*In Calendis autem*, id est in mensium exordiis seu noviluniis, *offeretis holocaustum Domino*, utpote vitulos de armento, id est sumptos de grege suae speciei, *duos, arietem unum, agnos anniculos septem immaculatos, et tres decimas similia oleo consperse, in sacrificio per singulos vitulos*, ita quod sacrificio cujuslibet vituli addebantur tres decimae similia oleatae : *et duas decimas similia oleo consperse per singulos arietes* ; et *decimam decimae ex oleo in sacrificio per singulos agnos*. Per decimam decimae, designatur una dumtaxat decima similis, quae est decima pars cori. Quæri potest, cur cuilibet vitulo addebantur tres decimae similia oleatae, cuilibet autem arieti duae decimae, unicuique autem agno anniculo una tantum. Respondere quis potest, quod juxta valorem sacrificii seu animalis oblatis, fuit mensura additionis istorum et consimilium libamentorum : vel, ut aliqui opinantur, juxta mensuram aetatis animalium : quia (ut putant) vituli debebant esse trium annorum, arietes duorum, agni non amplius quam unius. Similiter quæri potest, cur in Neomeniis offerebantur agni anniculi septem, quum in sabbatis duo jussi sunt immolari. Dici potest, quia sacrificium istud rarius fiebat quam illud in sabbato, vel ad designandum universitatem beneficiorum quae habemus a Deo. Festum etenim Neomeniae agebatur in honorem et recognitionem divinae gubernationis ac providentiae Dei, a qua universa quae habemus emanant ; et septenario universitas denotatur. In specialibus quoque festis merito fiebant speciales oblationes, ad solennitatis, imo ad Dei honorem ; et quia indesinenter conservamur a Deo, et ei jugiter obligati sumus, ac servire indesinenter debemus, deenit cum jure sacrificium illud duorum agnorum quotidie immolari. *Libamenta autem*, id est oblationes de materiis liquidis : itaque libamenta vini quae per singulas

*fundenda sunt victimas, id est pecorum A* ut prima. Unde subjungitur : *Dies quoque septimus celeberrimus et sanctus vobis erit*, id est celebris valde præ diebus internediis, nisi in illis sabbatum evenisset; et si sabbatum occurrerit prima die aut ultima, fuit præ ceteris sex diebus sollemnis, quia duplex concurrebat festivitas uno die.

*Sequitur de sollemnitate Pentecostes : Dies etiam Primitivorum, id est Penteco-* B *stes, quando offeretis novas fruges Domino*, quæ tunc in terra illa maturæ sunt, de quibus offerebantur primitiæ. Dicebatur autem præcipue festum Primitivorum, quia tunc offerebantur panes recentes duo de novis frugibus, seu frumento anni illius : atque ut Josephus ait, erant panes illi formati de alphyto siccato, id est de farina frumenti in summitatibus spicarum collecti, quod ibi grossius meliusque consistit, et fermentati : ideo de his nil super altare ponebatur. Offerebantur quoque cum his duæ agnæ in esum sacerdotum duntaxat, nec licuit aliquid inde servare in crastinum. Rursus hoc festum dicebatur Hebdomadarum, quoniam celebrabatur evolutis septem hebdomadibus a celebritate paschali, in commemorationem legis acceptæ in monte Sinai quinquagesimo die ab egressione Egypti. Eadem etiam sacrificia fiebant in ista sollemnitate, quæ in paschali; et septem diebus duravit, quemadmodum illa : ex quibus textus est clarus.

Sequitur de sollemnitate paschali et sacrificiis ejus. *Mense autem primo, secundum computationem Judeorum, qui annum incipiunt a Martio seu Aprili, qui apud eos frequenter concurrunt saltem in parte, et interdum quasi in toto, et mensis ille primus vocatur Nisan ; quartadecima die mensis ejusdem, Phase Domini erit, id est, festum paschale incipietur ad vesperam ; et quintadecima die sollemnitas Azy-* C *morum erit* : quia die immediate sequente fuit paschalis celebritas toto tempore ejusdem diei, ita quod fuit prima integra dies festi illius, in quo septem diebus panibus azymis seu non fermentatis vesciebantur. *Offeretisque incensum holocaustum Domino, id est holocaustum quod totaliter in-* D *cendatur, vel in holocaustum, in ejus oblatione consuevit thymiana incendi. Itaque offeretis vitulos de armento duos, arietem unum, agnos anniculos immaculatos septem ; et sacrificia singulorum ex simila quæ conspersa sit oleo, etc. ; et hircum pro peccato unum, ut expietur pro vobis, id est, quatenus Deus vobis placetur atque indulgeat, præter holocaustum matutinum, quod semper, id est quotidie hora matutinali seu in aurora, offeretis, quum sit sacrificium iuge. Ita facietis per singulos dies septem dierum, id est quolibet die paschalis celebritatis, quæ durat septem*

*Ezod.*  
XXXIV, 22.



gis sacrificabant. Per sabbatum autem et sacrificium ejus, fiebat protestatio immobilitatis et superplenissimæ tranquillitatis Dei in semetipso, qui immobilis permanens, omnia movet.

De spiritali demum et mystica significatione, imo et litteralibus causis eorum quæ in isto sunt dicta capitulo, tot sunt dicta et toties, ut ea repetere gignat fastidium.

## ARTICULUS XLVI

ELUCIDATIO LITTERALIS CAPITULI VICESIMI NONI : MENSIS ETIAM SEPTIMI PRIMA DIES.

**A**GITUR hic de solennitatibus quas Hebraei in septimo mense juxta suam numerationem agebant quolibet anno : et quæ de hoc introduci nunc possent, diffuse præhabita sunt in Levitico. Quemadmodum autem inter dies hebdomadæ dies septima erat festiva, sic inter menses septimus erat totaliter celebris et sabbatum mensium. *Mensis etiam septimi*, puta Septembris, *prima dies venerabilis et sancta erit vobis*, id est, ad vestram salutem expendenda est in actibus virtuosis. Dicitur enim tempus sanctum seu venerabilis dies, propter sancta et venerabilia quæ in eis gesta sunt, aut gerenda vel recolenda. *Omne opus servile non facietis in ea*, id est nullum actum peccati aut mechanicum, *quia dies clangoris est et tubarum*, id est dies festiva, in qua tubis pecorinis, id est cornibus pecorum buccinare debetis seu clangere, in commemorationem liberationis Isaac a morte, quando pro eo oblitus est aries, qui cornibus hærebat in venibus, prout in Genesi legitur. *Offeretisque holocaustum in odorem suarissimum Domino, vitulum de armento unum, arietem unum, agnos anniculos septem*, etc., præter holocaustum Calendarum, id est præter sacrificia quæ offerenda sunt in exordio cujuslibet mensis. Quum enim festum Tubarum evenerit primo die mensis septimi, constat quod die illo erat duplex festivitas, utpote Neomeniæ et Tubarum, propter quod duplex sacrificium totale seu integrum

tunc fiebat ; et de sacrificio Calendarum præcedenti capitulo est tractatum. *Et sacrificium\* sempiternum*, id est etiam jube sacrificium quod nullo die omittebatur. Et quia in festo illo Tubarum erant tam multa alia sacrificia offerenda, sacrificium illud festi Tubarum fuit tam modicum forsitan institutum, videlicet vitulus unus et aries unus : quod et ideo potuit esse, quoniam beneficium illud liberationis Isaac erat minus et particularius, quam beneficium liberationis populi ex Egypto, et beneficium legis datæ in Sinai. *Eisdem carimoniis offeretis incensum*, ponendo thymiama supra prunas ardentes pro bono odore habendo in tabernaculo, ne odor qui ex combustione holocaustorum in atrio diffundebatur, generaret horrorem aut indecentiam quamdam in tabernaculo.

Subditur de festo Expiationis, quod servabatur in recognitionem veniæ eis datæ a Deo per preces et merita Moysis, pro scelere adorationis conflatis vituli : quam veniam Moyses de monte descendens illo die eis annuntiavit. *Decima quoque dies hujus mensis septimi, erit vobis sancta atque venerabilis, et affligetis animas vestras*, id est vos ipsos per jejunia, per contritionem et fletum pro peccato illo præterito ac ceteris, atque pro gratia præservationis ab eisdem et consimilibus. Nihilominus etiam tunc gaudebant in Domino pro beneficio tantæ veniæ eis concessæ. *Offeretisque holocaustum suarissimum Domino*, etc. ; hir-

Lev. xxiii,  
24 et seq.

Gen. xxi,  
13.

\* holocaustum

Exod.  
xxxiv, 9 et  
seq.

cum pro peccato absque his quæ offerri A  
pro delicto solent in expiationem. Nam  
ultra præfacta offerebatur et hircus emis-  
sarius, de quo in Levitico scriptum est ;  
vitulus quoque, ejus sanguis intra San-  
cta inferebatur : de quibus memorato  
Levitici capitulo dictum est plenius. Hæc  
itaque offeretis, et etiam holocaustum sem-  
piternum, id est jure sacrificium.

Sequitur de festo Scenopægiæ seu Ta-  
bernaculorum, in quo septem diebus sub  
umbraculis factis de arborum ramis de-  
morabantur, in recognitionem, quod post B  
egressum ex Ægypto, manserunt in taber-  
naculis in deserto. *Quintadecima vera die  
mensis septimi, quæ erit vobis sancta at-  
que venerabilis, omne opus servile non fa-  
ciatis in ea*, quia est prima dies præfate  
festivitatis, quæ etiam septem diebus du-  
ravit. Unde subjungitur : *sed celebrabitis  
solemnitatem Domino septem diebus*. De  
hac solemnitate et aliis dictum est diffuse  
in Levitico ; non tamen dictum est ibi tam  
plene de sacrificiis faciendis in eis, ut nunc.  
Unde et propter sacrificiorum illorum de-  
scriptionem, fit hic repetitio de ipsis so-  
lenniis. *Offeretisque holocaustum in ado-  
rem suavissimum Domino*, primo die festi  
istius, *vitulos tredecim, arietes duos, agnos  
anniculos quatuordecim, et in libamentis  
eorum*, etc., de quibus patet intellectus ex  
dictis : *et hircum pro peccato, absque holo-  
causto sempiterno*, id est jure sacrificio,  
quod propter nullum aliud sacrificium  
omittebatur quocumque die. *In die altero*,  
id est festi Scenopægiæ, *offeretis vitulos  
de armento duodecim, arietes duos*, etc.

Consequenter in isto capitulo describitur  
sacrificium singulorum dierum sequen-  
tium festi hujus, nec est mutatio in sacri-  
ficiis horum dierum, nisi quod quotidie  
offerebatur unus vitulus minus quam die  
præterito. Sicque in toto vituli qui infra  
septem dies hujus festi offerebantur, erant  
septuaginta, in memoriam quod patres  
eorum in septuaginta animabus descen-  
derunt in Ægyptum, ut aliqui opinantur.  
Dicunt autem Hebræi, quod vituli isti of-

feriebantur pro ceteris gentibus : ideo sicut  
dicuntur esse septuaginta gentes totidem  
linguis distinctæ, sic erant in toto vitu-  
li septuaginta : et quotidie subtrahatur  
unus in sacrificio, ad designandum quod  
regna gentilium erant paulatim diminuen-  
da per Christi imperium, cui interim fue-  
runt subjecta : quod totum Judæi increduli  
putant in adventu Messie implendum. Ve-  
runtamen de his determinatam et certam  
reddere rationem per singula ad litteram,  
non puto, sine revelatione, possibile.

Sequitur de festo Cætus et collectæ, *Die  
octavo quæ est celeberrima* : non tamen  
pertinebat ad præfatam Scenopægiæ festi-  
vitatem, sed immediate sequebatur septi-  
mam et ultimam ejus diem : *omne opus  
servile non faciatis in eo*. *Offerentes holo-  
caustum, vitulum unum, arietem unum,  
agnos anniculos immaculatos septem*. Cur  
autem dicebatur festivitas ista Cætus et  
collectæ, expositum est in Levitico : quia  
videlicet tunc colligebantur a plebe com-  
muni, quæ ad celebrandum præfatam so-  
lemnitatem Tabernaculorum confluerat,  
sumptus aut pecunia pro communibus sa-  
crificiis aut necessariis tabernaculi usibus,  
sen pro pauperum necessitatibus. Et quod  
contra hoc scribit Rabbi Paulus, dissonat  
a doctoribus catholicis ac Hebræis, ut eo-  
piose ostensum est in Levitico.

De spirituali autem significatione et  
litterali ratione ac numero et ordine so-  
lennitatum istarum, super Levitico est  
tractatum. Denique superaddita sunt post-  
ea a Judæis quædam festivitates in lege,

D videlicet festum seu dies Phurim, id est  
Sortium, ut legitur in Esther libro, festum  
Dedicationis templi sub Salomone, item  
Victoria tempore Judith. Similiter Judas  
Machabeus et fratres ejus aliqua festa in-  
stituerunt, utpote de victoria contra Ni-  
canorem, et de quadam templi dedicatio-  
ne, prout in libro habetur Machabæorum.

Præterea spiritualiter tredecim vitulos  
offert, qui universas animæ passionem mor-  
tificat et reformat, qui dum in tali confi-  
ctu crescit, quasi quotidie subtrahit unum

Lev. xvi, 10

Lev. xxiii,  
13.

Ibid. xxxiii.

Lev. xxiii,  
36.

Ibid. xxiii.

Esth. iv, 26.

III Reg. xiii

Judith xvi,

31.

I Mach. xii,

49.

II Mach. x,

8.

Sensus spi-

ritualis.

Gen. xlii,

27.

Deut. x, 22.

*Matth. vi.*  
33.

vitulum a mactatione, quia non indiget tot  
vitiis jugulare. Qui autem primo quaerit re-  
gnum caelorum, et ab innocentia incipit  
expendere diem, offert agnum in iuge sa-  
crificium; offert et agnum in vespere, dum  
diem fructuose ac innocenter transegit et  
claudit. Porro in exordiis mensium sacri-  
ficare, est totius gratiae illuminationis cau-  
sam atque initium Deo grata ac humili-  
mente adscribere, propriumque defectum  
corde contrito recognoscere et fateri. Qua-  
tuordecim agnos offert, qui tribus virtu-  
tibus theologicis et quatuor cardinalibus. **B**  
septemque donis Deum sinceriter colit:  
quod praecipue adimplere censetur, qui in  
umbraculis commoratur, id est in protectio-  
ne Dei et sub umbra alarum ipsius, atque  
sub tegumento manus Altissimi, et in refrig-  
erio Spiritus Sancti. Agit quoque festum  
Cantus et collectae, qui universas cogitatio-  
nes, affectiones, verba et opera sua con-  
vocat, examinat, dijudicat: et quidquid in  
eis culpabile est, damnat, punit et vitat:  
sicque per sanctas meditationes, orationes  
et affectiones, stabilis se in Deo.

*Ps. xc, 1.*

Postremo circa praehabita loquitur Ori-  
genes: O mira festivitas! Dies festus vo-  
catur afflictio animae, quia dies propiti-  
ationis, dies est afflictionis. Vide ergo si

A diem festum vis agere, si vis ut laetetur  
Deus super te, afflige animam tuam et hu-  
milia eam, ne expleat desideria sua, ne  
laseiviat. Denique Paschae festivitas et Azy-  
morum, panem afflictionis habere diemur:  
nec potest quis agere diem festum,  
nisi afflictionis manducaverit panem: nam  
et pascha cum amaritudine manducatur.  
Vides ergo quales sint festivitates Dei: non  
recipiunt corporalem dulcedinem, nihil  
remissum, nihil voluptuosum admittunt:  
sed afflictionem animae et amaritudinem,  
humilitatemque deponunt. Quum enim  
afflicta fuerit anima et humiliata in con-  
spectu Dei, propitiatur ei Christus, quem  
Pater posuit propitiatorem in sanguine  
ejus. Si autem vis videre, quomodo in fu-  
turo agantur dies festi, obliviscere cuncta:  
describe tibi quomodo caelum terraque  
transeunt, et omnis habitus hujus mundi;  
caelumque novum et terra nova fundantur.  
Amove lucem solis hujus, et da saeculo  
illi solem septies clariorem, imo ipsum  
Deum altissimum. Pone adstantes angelos  
Gloriae, et omnes caeli virtutes. Considera  
quae ibi festivitas, quae gaudia, quanta lae-  
titudinis magnitudo. Vere sicut nunc ex parte  
cognoscimus, atque ex parte prophetamus,  
ita ex parte agimus festa. Haec Origenes.

*Rom. iii, 25.*

*Luc. xxi,*  
33.

*Apoc. xxi,*  
1.

*I Cor. xiii,*  
9.

*Act. xxi, 27.*

*II Tim. iv,*  
2.

## ARTICULUS XLVII

EXPOSITIO CAPITULI TRICESIMI: NARRAVITQUE MOYSES FILIIS ISRAEL.

**Q**UALITER filii Israel habere se de-  
beant in praeceptis, praehabitu est;  
nunc edocetur, qualiter in his quae sunt  
supererogationis, debeant se habere. *Nar-  
ravitque Moyses filiis Israel omnia quae ei  
Dominus imperarat ut diceret ea ipsis:*  
in quo patent fidelitas et obedientia Moy-  
sis: praesidentibus quoque datur exem-  
plum, duplexque documentum, videlicet  
ut universa quae tenentur subditis dicere

instruendo, hortando, corripiendo, aut alio  
modo, dicant eisdem assidue, omni scili-  
cet tempore opportuno: deinde, ut quam  
prompte volunt sibi a subditis obtempera-  
ri, tam prompte, imo multo promptius, ipsi  
obtemperent Deo. Hinc enim in Actis ait  
Apostolus: Non subterfugi quominus an-  
nuntiarem vobis omne consilium Dei. Et  
alibi: Praedica verbum: insta opportune,  
importune: argue, obsecra, increpa, in

*Act. xxi, 27.*

*II Tim. iv,*  
2.



omni patientia. *Et locutus est ad principes tribuum filiorum Israel*, quatenus ipsi denuntiarent ea ulterius subtilis sibi; *Iste est sermo quem praecepit Dominus : Si quis virorum votum roverit Domino*, id est, promiserit Deo aliquid se facturum, aut non facturum, aut se juramento constrinxerit : non faciet irritum verbum suum, sed implebit quod promisit sive juravit : et istud est intelligendum de viro libero, et qui est sui juris, ut infra magis patebit. Et quia in persolutione debiti carnis, contorales ad paria judicantur, non potest maritus votum continentiae adimplere sine uxoris consensu. Intelligendum est quoque de voto et juramento, prout sunt actus virtutis, et super debitam cadunt materiam, atque habuerint tres comites suos, qui sunt, veritas, iudicium (id est discretio) et iustitia : contra quae tria si quid juretur aut voveatur, non est servandum : imo non est veraciter juramentum aut votum, ut sunt actus virtutis quae latria nuncupatur, per quam Deo cultum caerimoniamque impendimus : et qui taliter jurat aut vovet, peccat et transgressor efficitur : non quia non implet quod juravit aut vovit, sed quia illicite juravit aut vovit.

*Mulier si quidpiam roverit, et se constrinxerit juramento, quae est in domo patris sui, et in aetate adhuc puellari*, id est, nondum data est aut affidata marito, sed est adhuc juvenilis aetatis seu adolescentula : *si cognoverit pater ejus votum quod pollicita est, et juramentum quo obligavit animam suam*, id est se ipsam, sumendo partem pro toto, et tacuerit, id est, non contradixerit verbo aut signo evidenti, et multo plus, si verbo aut evidenti signo consenserit, *voti rea erit*, id est, obligata erit ad votum solvendum. *Quidquid pollicita est et juravit, opere complebit*, id est, implere tenebitur, sive obligaverit se solo voto, seu solo juramento, et maxime si simul utroque. Denique, quia vovere est actus virtutis, ad quem necessaria est discretio rationis, ideo de puellis adultae aeta-

tis, quae discretionis attigerint annos, intelligenda sunt ista. Quocirca duae occurrunt dubitationes : Prima, an simile sit iudicium de pueris seu masculis nondum emancipatis : et videtur, quod imo, quum eadem esse ratio aestimetur, quia sub parentum cura sunt constituti. Secunda, an quod dictum est de patre, sit etiam intelligendum de matre, praesertim patre defuncto. Certum est equidem, quod pater sit principalis in regimine domus, curaque sobolis. Sed eo defuncto irrecuperabiliterve subtracto, manet proles sub cura et regimine matris. Sicque apparet, quod in ea exsistat auctoritas revocandi suae sobolis juramentum et votum. Insuper intelligenda sunt ista de prole non emancipata, quantum ad ea in quibus subjecta est patri, et quantum ad res patris. In aliquibus vero est libera, praesertim quantum ad actus intellectivae partis interioris, et quoad ea quae directe concernunt totum atque perpetuum suae personae statum, ut sunt religionem intrare, contoralem accipere, castimoniam conservare, militiam profiteri : et in talibus non possunt ejus vota aut juramenta revocari a patre.

*Si maritum habuerit, et roverit aliquid, et semel de ore ejus verbum excediens, animam ejus obligaverit juramento : quo die audierit vir, et non contradixerit, voti rea erit, reddetque quodcumque promiserat*. Istud dupliciter potest intelligi : Primo, de muliere quae aliquid juravit aut vovit antequam nupsit aut fidem dedit marito, cui mulieri a patre suo concessum est implere quod vovit sive juravit, et tamen ante hujusmodi impletionem datur marito, qui quum cognoverit votum aut juramentum traditae sibi uxoris, potest illud cassare : et si primo die quo cognoverit tale suae conjugis votum aut juramentum, contradixerit, mulier non est voti juramentive rea : alias obligatur implere. Sic exponit Augustinus et Glossa. Secundo exponitur de muliere affidata, nondum egressa de domo paterna, cujus votum potest cassari tam a patre, in quantum adhuc est

sub ejus cura, quam a marito modo præ-  
tacto. Sicque, ut fertur, exponunt Hebraei.  
Et hanc expositionem approbat Lyra, qui  
tamen in expositione casus præhabiti, qui  
est de puella non affidata nec maritata, af-  
firmat quod casus ille non sit intelligen-  
dus de his quæ sunt maritatae, licet adhuc  
maneant cum patre, quia sunt emancipa-  
tæ : per quod videtur innuere, quod non  
sint sub cura patris, ita quod earum vo-  
tum aut juramentum queat cassare. Ideo,  
quod pater possit irritare votum aut jura-  
mentum filiæ affidatæ, quamvis adhuc  
secum manentis, non videtur aliquibus  
certum, si per verba de præsentī in po-  
testatem mariti translata sit : secus, si  
per verba de futuro data sit fides. *Vi-  
dua et repudiata, quidquid roverint aut  
juraverint, reddent*, secundum sensum  
prædictum de viris, videlicet si sint sui  
juris, et licenter fecerint votum aut jura-  
mentum.

Sequitur de uxore quæ est in domo ma-  
riti sui, seu ei jam tradita plene. *Uxor in  
domo viri, quum se voto constrinxerit*,  
etc., *reddet quodcumque promiserat*. Lit-  
tera est plana, quoniam talis mulier non  
potest ita vovere aut jurare, quin vir va-  
leat revocare, mox ut audierit sive perce-  
perit. Si autem vir non contradixerit pri-  
ma die, mulier est obnoxia, id est, obligata  
voto aut juramento implendo quantum in  
se est. Verumtamen si maritus prohibuerit  
ei postea votum implere aut juramentum,  
ipsa exensatur, et viro culpa imputatur.  
Ideo dicitur : *Si autem non contradixerit  
postquam rescivit*, id est, si maritus non  
revocaverit uxoris votum aut juramentum,  
statim quum illud primo agnovit, sed post-  
ea prohibuerit ea impleri, *portabit ipse  
iniquitatem ejus*, id est, culpabilis erit,  
penamque luet, quam mulier sustineret, si  
ex propria voluntate violaret votum aut  
juramentum. Istud tamen intelligendum  
censetur de his, in quibus uxor viro sub-  
jecta est, non de his, in quibus est libera :  
quia si vovet quis, quod implere non valet  
sine derogatione juris quod alter habet in

eo, non potest illud implere sine consensu  
alterius. Verumtamen in votis potest dis-  
pensatio fieri, dum rationalis causa oc-  
currit, et commutari possunt in melius  
auctoritate superioris.

Insuper, secundum quod Thomas scribit  
in secunda secundæ, quæstione 88, Votum  
est conceptio boni propositi cum delibera-  
tione firmata, qua quis ad faciendum vel  
non faciendum Deo se obligat. In qua de-  
finitione, facere, capitur multum extense,  
prout includit loqui, cogitare, affectare ac  
agere. Et quamvis homo non possit homi-  
ni aliquid promittere, nisi per verba aut  
exteriora signa, Deo tamen potest promissio  
fieri per solam interiorem cogitationem  
et definitionem. Interdum tamen verba  
adduntur, propter sui ipsius excitationem  
aut aliorum contestationem. Quumque vo-  
tum sit promissio Deo facta, cui nil placet  
nisi quod moraliter bonum est seu vir-  
tuosum, ideo mala seu indifferentia non  
cadunt proprie sub voto. Similiter nec im-  
possibilia, nec ea quæ sunt necessaria ab-  
solute. Opera autem supererogationis pro-  
priissime cadunt sub voto. Ea quoque quæ  
sunt necessaria necessitate finis, videlicet  
impletio præceptorum, sub voto cadere  
queunt, in quantum libere observantur.  
Amplius, votum obligat magis quam jura-  
mentum : quia ad fidelitatem pertinet vo-  
tum implere, et voti fractio infidelitatis  
est species : ad juramenti autem impletio-  
nem tenemur ex debito reverentiæ, quam  
Deo exhibere tenemur, implendo quod per  
nomen ipsius firmavimus. Infidelitas au-  
tem est gravius malum quam irreverentia,  
et eam includit, et mali aliquid superad-  
dit, non e converso. Ex præhabitis etiam  
constat, quod servus empticius sive ver-  
naculus aut hereditarius, non potest vovere  
religionis ingressum, aut aliquid quod sine  
domini sui consensu implere non valet ;  
proles autem quæ ad pubertatis annos de-  
venit, quum sit libera, quoad suam per-  
sonam operationesque personales, potest  
invitis parentibus ingressum religionis pro-  
mittere et implere. Porro religiosa persona

suo prelato aut prelata subjecta est, secundum tenorem suae professionis : ideo quando non occupatur a suo superiori circa debita aliqua, potest facere alia. Sed quoniam nullum est tempus in quo a praesidente occupari non possit, ideo nullum votum religiosae personae vim habet, nisi de superioris sui consensu. Postremo, quum

A votum sit actus patriae, quae est praeclarissima virtus moralis, valde meritum est votum, quum vovens, votumque implens, offerat fructum cum arbore, et suam voluntatem Deo intentius uniat, et opus bonum liberaliori reddat affectu.

## ARTICULUS XLVIII

EXPOSITIO LITTERALIS CAPITULI TRICESIMI PRIMI : LOCUTUSQUE EST DOMINUS AD MOYSEN.

Nom. xxx,  
17.

**E**XSECUTIO praecepti de Madianitarum interfectione in superioribus positi, modo describitur. *Locutusque est Dominus ad Moysen, dicens : Uleiscere prius filios Israel de Madianitis*, id est, Madianitas fac occidi propter impietates eorum in filios Israel, quos deceperunt : *et sic*, id est hoc facto, *colligeris ad populum tuum*, id est, per mortem corporalem descendes in limbum patrum, vel (ut Glossa exponit) colligeris ad sanctos supernae civitatis eives. Non tamen factum est hoc ante Christi adventum, nisi quod Sancti illi in limbo C detenti, erant eives futuri in regno caelorum, et praedestinati ad hoc. Nec est putandum, quod Moyses obiit immediate post Madianitarum interitum, sed cito post eum. Verum secundum Glossam et Origenem, ex verbis his sumitur argumentum contra eos qui negant animae immortalitatem et resurrectionem futuram. Nemo enim apponitur ad eos qui non sunt. Constat igitur esse aliquem populum, cui Dominus dicit Moysen apponendum. *Statimque Moyses ad populum : Armate, inquit, ex vobis viros* D *ad pugnam*. Quamvis sanctus vir audivit a Domino se celeriter moriturum Madianitis occisis, non tamen ob hoc procrastinat divini executionem praecepti, quasi desiderans diutius vivere in hoc mundo : sed mox praecepit jussionem Dei executioni

B mandari. *Qui possint ultionem Domini de Madianitis expetere*, id est vindictam a Deo jussam, et quae vindicabit injuriam Deo illatam, quia ex Madianitarum practicatione filii Israel in fornicationem et idolatriam, deinde in corporalem interitum sunt prolapsi. *Mille viri de singulis tribubus eligantur ex Israel, qui mittantur ad bellum*, videlicet viri aptiores ad praedium.

Nom. xxx,  
1-5, 9.

*Quos Moyses misit cum Phinees*, qui erat vir fervens, fortis et audax, quemadmodum antea miserat ipsum Josue et quosdam ex populo contra Amalec, ut in Exodo scriptum est. Josephus dicit, de qualibet tribu sumpta fuisse duodecim millia : et sicut Josue elegit illos, sic Phinees istos, adjuvantibus eum in eligendo principibus. Quare autem Moyses non misit millia ista cum Josue ? Forsan quia jam substituerat sibi ipsum Josue in totius populi principem. *Vasa quoque sancta et tubas ad clangendum tradidit ei*, id est ipsi Phinees, id est, ejus custodiae ea commisit. Porro, per vasa sancta quidam intelligunt arcam Dei et auream laminam, quae pendeat ad frontem pontificis, habens sibi inscriptum nomen Domini tetragrammaton, ut in Exodo est dictum. Unde et primo libro Regum leguntur filii Israel misisse pro arca, quando semel caesi fuerunt a Philistaeis. Per tubas vero intelliguntur tubae, quibus utebantur

Exod. xvii,  
9.

Exod.  
xxxviii, 30-38

1 Reg. iv, 4.

Nom. x, 9.



in bellis, ut dictum est supra. Unde et in libro Josue leguntur septem sacerdotes, septem buccinis clausisse. Vel vasa sancta erant quaecumque instrumenta deputata ad Dei cultum, quorum usus poterat esse in praeliis. Sacerdotes quippe habuerunt buccinas duplices, scilicet corneas, quibus utebantur in jubileo et festis quibusdam, quibus et in subversione Jericho usi sunt; et item productiles bellicas: et cur illis utebantur in praeliis, dictum est supra. Sicque per vasa sancta intelligi possent buccinae, quibus in solennitatibus utebantur.

Quotumque pugnassent filii Israel contra Madianitas, atque vicissent, omnes mares occiderunt. Omnipotens enim perterruit et deiecit impios illos, et confortavit suos cultores. Dicunt autem Judaei, quod aurea lamina elevabatur in altum: qua visa adversarii excecati, corruerunt in terram. Et reges eorum Eri et Sur et Recem et

Hur et Rebe. Praehabitu est, quod Balac fuit rex Madianitarum. Ideo isti non fuerunt plenarie reges, sed reguli et principales post regem totius regni, quemadmodum et Philistaei leguntur habuisse satrapas quinque et regem. Hinc de his Madian regibus subditur: *quinque principes gentis eorum*, ita quod unusquisque eorum sub rege, praefuit alicui parti populi sibi assignatae. Balaam quoque filium Beor interfecerunt gladio: sicque obiit morte justorum, id est illata sibi a justis: sed absolute loquendo, obiit morte injustorum, de qua in Psalmo: Mors peccatorum pessima.

Hinc elicitur, quod Balaam post recessum suum a Balac, ad Madianitas reversus sit. Forsitan enim, audita transgressione et interfectione filiorum Israel, quas inciderunt ex sua suggestione, putavit eos adhuc vincendos in bello, ideo sumpsit redeundi audaciam. Verumtamen Origenes circa haec scribit: Dictum est quod Balaam rediit in locum suum: sed forte reversus est, quamvis Scriptura non dixerit, vel forsitan a loco sacrificii rediit in locum sui hospitii. Attamen potius reor, quod coepit reverti in terram suam. Nam inter cetera dixit ad

Balac: Verumtamen pergens ad populum meum, dabo tibi consilium, etc., ut scriptum est supra.

Egressi sunt autem Moyses et Eleazar sacerdos, et omnes principes synagoga, id est duces tribuum et iudices qui praefuerunt sub Moysse, in occursum eorum, quia victorioso egerant, extra castra. Unde et militibus strenuis cum triumpho redeuntibus rex solet occurrere. Iratusque Moyses ira per zelum, principibus exercitus duodecim millium, utpote tribunis et centurionibus qui venerant de bello. Principes autem illi praefuerunt exercitui, id est aliquibus partibus ejus, et erant sub Phinees, qui erat princeps communis totius illius exercitus. Sed quare Moyses non fuit iratus ipsi Phinees, quum ei sequens culpa tanquam superiori videretur magis imputanda, quam aliis? Dici potest, quod et Phinees includitur sub nomine principum, vel in facto illo non habuit culpam, quia fortassis cessit principum importunitati. At: Cur feminas reservastis? id est, vivere permisistis, quum meruerint mortem, alliciendo filios Israel ad fornicandum et idololatrandum. Ideo sequitur: Nonne istae sunt quae deceperunt filios Israel ad suggestionem Balaam, ut patuit capitulo vicesimo quinto, et praevaricari fecerunt eos in Domino super peccato Phogor, id est per idololatriam Beelphegor? Est autem consuetudo Scripturae, ut adscribat communitati aut societati, quod factum est aut contigit quibusdam ex eis. Sic et isti dicuntur taliter praevaricati, quoniam eorum consocii idololatraverunt in Phogor: qui enim illa crimina commiserunt, fuerunt occisi. Vel si adhuc quidam illorum erant superstites, per poenitentiam et per zelum operationemque Phinees, manum Domini evaserunt juxta praeducta.

Ergo cunctos interfecite quicquid generis est masculini, etiam in parvulis. Istud fortasse durum et crudele videtur fuisse, et tamen juste ac rationabiliter gestum est, videlicet in tantorum detestationem facinororum commissorum a patribus parvulorum

Josue vi, 1.

Num. x, 9.

Ibid. xxi, 10.

Judic. iii, 3.  
1 Reg. vi, 16.

Ps. xxxiii, 22.

Num. xxiv, 14.

Ibid. xxv, 1-3.

Ibid. 9.

istorum, qui patres filias suas prostitu-  
runt, et ut patres in suis parvulis punirentur, et quoniam expediebat parvulis illis sic mori, ne in adultam pervenientes aetatem, graviter peccando, aeternam acquirerent damnationem, et quia Deus volebat hoc modo rigorem suae manifestare justitiae ad aliorum terrorem. *Et mulieres quae noverunt viros in coitu, jugulate* : quoniam

Num. xxv,  
18.

\* feminae

provocando filios Israel ad peccandum, vel filias suas mittendo ad ipsos, meruerunt occidi, imo et aliis modis, quoniam erant vitiosae idololatrae. *Puellas autem, etiam parvulas, et omnes mulieres\* virgines reser-  
vate vobis*, non ad luxuriandum, sed ad commendationem virginis castitatis, et ut suo tempore ducatis eas uxores, convertatisque eas ad Dei cultum ; et quia puella non potuerunt postea ita nocere filiis Israel, sicut parvuli mares. *Et munete extra castra Dei septem diebus*, id est, non praesumatis ingredi sacra loca seu atrium tabernaculi infra septem dies, quousque sitis purgati juxta legis praeceptum per adspersionem aquae lustrationis tertio die ac septimo : non quod peccaverunt interficiendo

Ibid. v, 2.

Madianitas ex Dei praecepto, imo in hoc meruerunt : sed quoniam ex contactu mortuorum et rerum mortuis adjunctarum contraheretur immunditia quaedam legalis, impediens ab ingressu sancti loci et esu sacrificiorum, per modum frequenter expressum. Hinc subditur : *Qui occiderit hominem, quamvis juste, vel occisum tetigerit, lustrabitur*, id est, aqua adspersionis purgabitur, *die tertio et septimo. Et de omni praeda*, id est, quidquid inter spolia

continetur, *sive vestimentum fuerit, sive vas, etc., expiabitur*, id est, purgabitur juxta ritum legis, quia immundum est eo modo, quo immunda fiebant quae in domibus morientium erant, dum moriebantur.

Hinc subjungitur : *Eleazar quoque sacerdos ad viros exercitus, qui pugnaverant, sic locutus est : Aurum et argentum, et aes, et ferrum, et plumbum, et stannum, et omne quod potest transire per flammam, absque sua corruptione et notabili lesione,*

*A igne purgabitur. Quidquid autem ignem non potest sustinere, saltem ad modicum tempus, quemadmodum aurum et argentum, quae tamen resolvi possunt si diu in igne remaneant, aqua expiationis sanctificabitur*, id est, per adspersionem aquae lustrationis purgabitur : *et lavabitis vestimenta vestra die septimo* ; unde supra scriptum est, *Expiatus die septimo lavabit se et vestimenta sua : et purificati postea castra intrabitis*, id est atrium tabernaculi, ut Dominum exoretis, et ei hostias offeratis.

Num. xiv,  
19.

Sequitur de spoliis divisione : *Dixit quoque Dominus ad Moysen : Tollite summum eorum quae capta sunt in terra, ab homine usque ad pecus inclusive, numerando tam homines quam pecora illa : et intelligitur de adhuc viventibus ; de hominibus autem Madianitis captis, non erant superstites nisi virgines, quas filii Israel discreverunt ab aliis per aliquod signum datum a Deo per Moysis informationem : tu et Eleazar sacerdos et omnes principes*  
*culgi : dividesque ex aequo praedam inter eos qui pugnaverunt, et inter omnem reliquam multitudinem*, id est, totam harum rerum viventium, scilicet virginum et pecorum, praedam seu multitudinem, sive supposita, divides in duas partes aequales, quarum unam dabis eis qui pugnaverunt, aliam reliquae multitudini Israel. Sic quidam exponunt. Tamen, ut verba sonant, videtur sic accipi posse, quod aequum multum dabatur his qui pugnaverunt, et eis qui manserunt in castris, ita quod singulis aequa pars donabatur, secundum quod primo Regum libro ait David : *Aequa pars erit descendentis in praelium, et remanentis ad sarcinas*. Quod si dicatur, obviare videtur quod praetacto Regum capitulo legitur : *Factum est hoc deinceps quasi constitutum et lex in Israel. Ex quo apparet, quod antea non fiebat sic*.

1 Reg. xxx,  
24.

Ibid. 25.

Denique in textu subjungitur : *Et separabis partem Domino*, id est ad usum ministrorum ejus, scilicet sacerdotum ac Levitarum, *ab his qui pugnaverunt, unam*

*animam*, id est unam personam, quantum ad virgines, et unum individuum, quantum ad pecora, *de quingentis animabus, tam ex hominibus*, id est virginibus captis, *quam ex bobus et asinis et aribus*, id est quibuscvis jumentis; *et dabis eam Eleazaro sacerdote*, id est pontifici pro ipso et sacerdotibus aliis, *quia primitiae Domini sunt*, id est, de rebus jure praelii adeptis offerendae sunt Domino pro primitiis, sicut de animalibus et terrae nascentibus offerebantur primitiae Domino. *Ex media quoque parte filiorum Israel*, id est ex alia medietate praedae assignata et data his qui in bello non erant, *accipies quinquagesimam caput*, id est individuum, *hominum et bovum*, id est virginum et pecorum, *et dabis ea*, id est individua illa, *Levitis*, per divisionem justam et congruentem. Sicque a pugnatoribus plus de praeda habentibus, minus acceptum est, et plus ab aliis: forsan quoniam pugnatores eundo, pugnando et redeundo plus laboraverunt. Porro, quod media pars totius praedae data sit eis, apertissime patet ex sequentibus verbis textus, in quo divisio illa taxatur, et planus est textus. Virginibus autem Madianitis sacerdotes et Levitae non ad libidinem sunt abusi, sed potius converterunt eas, et conubio sociaverunt, aut aliter pie tractaverunt.

*Quumque accessissent principes exercitus qui pugnavit, ad Moysen, dixerunt: Recensuimus*, id est, numeravimus et intuiti sumus, *numerum pugnatorum*, veluti post pugnam fieri moris est; *et ne unus quidem defuit*, id est, nullus eorum in bello

succubuit, quum tamen adversarii fuerint multo plures quam ipsi: quo clarissime patuit, victoriam eis desuper datam. *Ob quam causam offerimus* sponte pro gratiarum actione *in donatis Domini*, id est inter ea quae Domino consecrantur ut munera, *singuli quod in praeda auri potuimus invenire*, id est aurea ornamenta quae inter spolia reperimus. Fuit autem oblatio ista de rebus inanimatis. *Periscelides*, quae sunt ornamenta seminarum in earum vestitu circa renes, ad componendum earum gressum, *et armillas*, quae sunt ornamenta circa artus seu humeros, *annulos*, qui digitis imponuntur, *et dextralim*, id est ornamenta brachiorum seu dexterarum, *ac murennulas*, quae sunt ornamenta colli, seu catenulae ibi circumpositae pro ornatu: *ut depreceris pro nobis Domine*: non quod corporalia illa dabantur ut pretium orationis, quae est bonum spirituale, sed tanquam signa internae devotionis ad provocandum et inclinandum cor Moysis ut oraret pro ipsis. *Susceperuntque Moyses et Eleazar illa donaria*. *Unusquisque enim quod in praeda*, id est in depredatione Madianitarum, *rapuerat, suum erat jure belli justum*, et ex concessione Dei, ejus sunt omnia, et qui dat ea cui voluerit. *Et susceptum intulerunt in tabernaculum*, id est, omnia illa a bellatoribus devote oblata, Moyses et Eleazar posuerunt in tabernaculo, *in monumentum*, id est memoriale, *filiorum Israel coram Domino*: ut scilicet Deus illa in suo sanctuario videns sic posita, pie recordaretur et misereretur eorum qui ea obtulerunt, totiusque populi.



## ARTICULUS XLIX

DE SPIRITUALI SENTENTIA HEUT'S CAPITULI TRICESIMI PRIMI.

**P**ER Moysen non solum Christus, sed et A quilibet praelatus seu princeps vere christifidelis, figuraliter designatur. Quem admodum ergo Moysi desuper jussum est, ut populum sibi commissum vindicaret de adversariis suis ante obitum suum, sicque colligeretur ad Sanctos in limbo : ita christianis jubetur principibus, ut plebem Christi a perfidis ac tyrannis, impiisque tueantur hominibus, et pro christiana religionis defensione viriliter praelentur, ac devastationem Ecclesiae ulciscantur in hostes ipsius. Porro praelatis praecipitur, ut contra invisibiles hostes, a quibus plebs Christi assidue fallitur, spiritualiterque mactatur, accingantur ad pugnam, et subditos suos arment virtutibus, ac fervide exhortentur, quatenus cum omni humilitate et spe divini auxilii atque fervore Spiritus Sancti, resistent pessimis humanae beatitudinis inimicis, eosque sub suis pedibus conterere entantur, vitia superando, ac Deo in omnibus obediendo. Nempe quoties temptationibus praevalent et vitia superant, toties invisibiles illos hostes conculcant.

Quod si praelatus viderit omnes sibi commissos non esse ad talia bella idoneos, eligat fortiores, id est, virtuosiores quosque admoneat ad pugnandum pro se ipsis ac aliis, indesinenter orando, gemendo, et cetera virtutum exercitia alacriter prosequendo. Talibus Christi militibus praeficiendus est Phinees, id est vir exercitatus in omni virtute, imperterritus corde, zelator Dei, amator fratrum. Et danda sunt eis vasa sancta, quia ecclesiasticis sacramentis sunt muniendi : et sancti patres, qui erant vasa electionis divinae et gratiae ac virtutum, proponendi sunt eis in exemplum ad imitandum. Dandae quoque sunt eis tubae ad

clangendum, id est orationes et psalmi, cantica spiritualia, et divinarum eloquia Scripturarum, juxta quae regant se, et daemones clangore orationum ac laudum expellant : sicque vincant non solum Madianitas, id est visibiles seu invisibiles amulos Christianismi, sed et quinque reges eorum, id est principes tenebrarum, qui per exteriorum quinque sensuum objecta et delectamenta vincunt innumerabiles, et jugiter contradicunt veritatibus evangelicae legis. Insuper interficiendus est Balaam gladio : id est, seductores pestiferi et consultores fallaces, verbo Dei sunt convincendi ac reprobandi.

Per hoc quoque quod Moyses iratus fuit principibus, eo quod feminas corruptas reservaverunt, datur intelligi, quod virtuosus praelatus gregi sibi credito debeat juste irasci, si vitiorum occasiones ac scandala adduxerint secum, nec scandalizantia absciderint membra. Ideo occidendae sunt feminae tales, id est, concupiscentiae venereae prorsus sunt suffocandae, imo et parvuli sexus masculini, id est primi motus carnalitatis. Virgines vero, id est castae affectiones, sunt conservandae. Similiter pecora : quoniam corpora non sunt penitus conterenda, sed moderate frenanda ac castiganda. Verumtamen pugnatores isti quantumlibet fortes, maculas aliquas contrahunt in pugnando, vel non tam cito ac fortiter resistendo, aut aliquid suis viribus attribuendo, aut superflue repausando : ideo indigent aqua adspersionis, id est lacrimis compunctionis, et rore gratiae amplioris, undaque sapientiae salutaris perfundi ac emundari : et quidquid praedando obtinuerunt ab adversariis suis, ut aurum sapientiae naturalis, argentum eloquentiae

Is. XLV, 6. rhetoricalis, æs constantiæ, ferrum roboris, A plumbum gravitatis, stannum niloris, oportet igne caritatis purgari a culpis eis admixtis : sed vestimenta, id est virtutes, earumque actus, qui panno menstruata assimilantur, necesse est emundari a quotidianis peccatis quæ permiscuntur.

Præterea tollenda est summa eorum, quæ capiuntur in bello, quoniam omnis spiritualis profectus est computandus, et quidquid in tali triumpho est præcipuum, Deo in primis loco primitiarum est offerendum. Sed et principes christiani, qui in B

exterioribus bellis sortiuntur victorias, debent ecclesiis Dei largas conferre oblationes. Et immolandæ sunt Deo periseelides, id est castimoniæ decoramenta, et armille, id est piæ sufferentiæ defectuosorum alienarum, dextralia quoque, id est fortitudines operum, annuli fidei, muræculæ quoque, id est connexiones et contemperationes actionum virtuosarum, ac ordinationes sermonum utilium : quibus omnibus perornandæ sunt animæ, et de eisdem glorificandus est Deus universorum fons bonorum, adiutor et conservator suorum.

## ARTICULUS I

EXPOSITIO LITTERALIS CAPITULI TRICESIMI SECUNDI : FILII AUTEM RUBEN ET GAD HABEBANT PECORA MULTA.

SCRIPTURA nunc docet, qualiter duæ tribus et dimidia sortitæ sunt terram habitationis suæ ultra Jordanem. Facilia autem sunt transeunda, ut difficilioribus immoretur. Porro nulla in isto est difficultas capitulo. *Filii autem Ruben et Gad, quibus infra annumeratur media tribus Manasse, habebant pecora multa.* Jam enim tria regna vastata et depradata erant a filiis Israel, scilicet regnum Schon, regnum Og, regnumque Madian. Ex Ægypto quoque deduxerunt pecora sua, quæ in deserto C proliferaverunt. *Et erat illis in jumentis infinita*, id est magna valde et ultra solitum, substantia. *Quinque vidissent Jazer et Galaad aptas aliendis animalibus terras*, quia pasenæ abundabant rivis, campi graminibus, *venerunt ad Moysen et Eleazarum sacerdotem et principes multitudinis, atque dixerunt : Terra quam percussit Dominus in conspectu filiorum Israel, cujus habitatores percusserunt filii Israel adiutorio Dei, regionis uberrime est*, id est territorium fertilissimum ; *preca-* D *murque ut des eam nobis in possessionem,*

*nec facias nos transire Jordanem.* Si hoc intellexerunt, quod non voluerunt transire Jordanem ad habitandum ibidem, et tamen parati erant transire ad adjuvandum ceteras Israel tribus, recta fuit eorum intentio. Si autem sic, quod nec ad adjuvandum alios, perversa fuit intentio eorundem : sicque Moyses verba eorum accepit. Quamvis enim verba dubie prolata, quæ multipliciter possunt intelligi, sint in partem meliorem interpretanda, quantum ad internum iudicium, ad vitandum iudicia temeraria ; prælatus tamen verba et facta subditorum suorum, quæ et bene et male accipi possunt, accipere debet quasi in partem deteriore in exteriori iudicio tempore castigationis, quia hoc tutius est, propter bonum correctionis, ad vitandum periculum incorrectionis, nisi ipse prælatus de opposito rationabiliter informetur.

*Quibus respondit Moyses : Numquid fratres vestri*, id est cetera tribus quæ ex semine Patriarcharum, sicut et vos, natæ sunt, et fratres vestri sunt fide ac religione, *ibunt ad pugnam*, in qua solent oc-

Num. xxi,  
24, 33.  
Ibid. xxvi,  
7.

currere labor, dolor, timor, et diversa pericula, *et vos hic sedebitis*, id est secunde quiescetis? *Cur subvertitis mentes filiorum Israel, ne audeant transire in locum, quem eis daturus est Dominus?* Nam præfata petitio tribuum Ruben et Gad, videbatur prima facie ex timore vel ignavia processisse, vel ex cupiditate immoderata, ita quod horruerunt imminuentia prælia aut labores, vel nimis avidè cupiebant terras et opes communi omnium acquisitas certamine. Sicque petitio illarum nondum bene exposita, fuit aliorum scandalizativa. *Nonne ita egerunt patres vestri, etc.?* Qui ascenderunt ex *Egypto* a viginti annis et supra, id est, quando erant ad minus viginti annorum vel circiter, ita quod in prima numeratione numerati fuerunt. *Et vos surrexistis pro patribus vestris, incrementa et alumni hominum peccatorum*, id est, nutritores facti estis vitiorum in aliis, quos verbis et exemplo vestræ perversitatis provocatis ad scelera, graviusque peccatis quam patres vestri. Ista Moyses non dixit simpliciter asserendo, sed valde suspicando et metuendo de peiori. *Ut auferetis furorem Domini contra Israel*, id est rigorosam punitionem filiis Israel infligendam. *Quod si nolueritis sequi eum*, id est Deo obedire intrando terram promissionis, *in solitudine populum derelinquet*, præsertim eos qui vestro exemplo subversi exstiterint, vel etiam alios: quia interdum unus propter peccata alterius in corporalibus punitur, in quantum sunt quodammodo unum origine, societate, aut simili communione aut connexionione: quod tamen omnipotens atque justissimus Deus convertit et ordinal in melius his, qui talem pœnam corporalem non meruerunt, quemadmodum alibi frequenter declaratum est plenius. *Et vos causa eritis necis omnium filiorum Israel*, qui vobis consenserint, aut propter vos incurrerint plagam: et hoc secundum ordinem inferiorum causarum, quia æterna præordinatio Dei cassari nequivit.

*At illi propius accedentes ex confidentia bonæ conscientiæ: sicut et Judas propius*

*A* accessit ad Joseph, excusaturus se et fratres suos de furto, a quo erant immunes; *dixerunt: Non revertemur, usque dum possideant filii Israel hereditatem suam*, id est eis promissam trans Jordanem. *Quibus Moyses ait: Si feceritis quod promittitis, expediti pergite coram Domino ad pugnam*. Ista enim assertio fuit promissio. *Præcepit ergo Moyses Eleazaro et Josue*, super quos habuit jurisdictionem, quam Josue nondum acceperat quamvis fuerat institutus in principem quantum ad potestatem, ut clarius dictum est ante. *Si transierint filii Ruben et Gad vobiscum, date eis terram Galaad*: non tamen illam duntaxat, ut infra exprimitur. *Si autem noluerint transire Jordanem ad pugnandum pro aliis, inter vos habitandi accipiant loca*, id est, ibi morentur vobiscum si voluerint, nec habeant terram istam. Tribus istæ in sua acerrima increpatione patientes fuerunt, et sua molli responsione fregerunt Moysis iram. Nam subditur: *Respondērunt filii Gad et Ruben: Sicut locutus est dominus noster*, scilicet Moyses, *servis suis, ita faciemus; ipsi armati pergemus, et possessionem jam nos suscepisse confitemur in spe, et sub præfata conditione*.

Tunc igitur Moyses, videns firmum eorum propositum, dedit eis per se ipsum absolute territoria illa optata, quorum urbes quas paulo ante destruxerant, reparaverunt, *imponentes vocabula urbibus, quas extruxerant*: quibus imposuerunt nomina nova pro memoriali victoriarum suarum et sui ipsorum vel patrum suorum, quemadmodum in libro Judienn leguntur filii Dan urbem, quæ ante vocabatur Lais, appellasse nomine patris sui, quæ tamen in Josue Lesem Dan, secundum expositores, vocatur. Hinc subditur: *Jair filius Manasse occupavit vicos ejus*, videlicet terræ Galaad, *quos appellavit Havoth Jair*, id est villas Jair. *Nobe quoque*, id est vir sic nominatus de tribu Manasse. Quandoque autem Nobe est nomen urbis, ut in Isaia: *Adhuc dies est ut in Nobe stetur*. Itaque Nobe

Gen. XLIV,

18

Num. XXV,

18-23.

Prov. XV, 1.

Judic. XVIII,

29.

Josue XIX,

47.

Is. X, 32.



*perrexit cum domo et familia sua, et apprehendit Canath, id est urbem sic dictam trans Jordanem. Fuit autem et alia urbs ejusdem nominis in terra promissionis. Vocavitque eam ex nomine suo Nohe.*

Sed quæri potest, qualiter verum sit quod in isto capitulo legitur, Dedit Moyses terram Galaad Machir filio Manassæ, et quod nunc expositum est, Jair autem filius Manassæ occupavit vicos ejus. Filii namque Manassæ non videntur usque hanc distributionem vixisse, præsertim quum

*Gen. i. 22.* scriptum sit in Genesi, Filii Machir filii Manassæ, nati sunt in genibus Joseph, quo constat, quod Machir multis annis vixit eum Joseph in regno Egypti; et dato quod de Egypto exisset eum Moyse, numeratus fuisset in prima populi numeratione, idcirco mortuus jam fuisset. Idem de Jair argui potest. Ideo respondendum, quod per nomina ista propria designantur familie nate ex viris illis, vel aliqui in familiis illis præcipui sic vocati. Iterum queritur, quomodo terra Galaad dicatur istis donata, quum in hoc ipso capitulo scriptum sit: Si transierint filii Ruben et filii Gad vobiscum, date eis terram Galaad. Et respondendum, quod filii Ruben et Gad sumuntur ibi eum inclusione filiorum Manassæ. Similiter terra Galaad capitur ibi eum annotatione terrarum Schon et Og, quemadmodum etiam per regna Schon et Og, datur intelligi et terra Galaad, quum dicitur in capitulo isto: Dedit Moyses filiis Ruben et Gad et dimidiæ tribui Manasse regnum Schon regis Amorrhæorum, et regnum Og regis Basan. Hoc quoque

*Num. xxxi, 29.*

*Sensus spiritualis.*

Spiritualiter per filios Ruben et Gad atque Manassæ, habentes in pecoribus substantiam infinitam, intelliguntur divites et avari. Specialiter vero per filios Ruben primogeniti Jacob, designantur eminentiores prelati, qui a sanctæ dilectionis fervore

*Gen. xxix, 32.*

re alieni, terrenorum amore et immundarum voluptatum replentur affectu. Per Gad qui interpretatur accinctus, accipi possunt principes sæculares, corporalibus armis muniti, sed a spirituali armatura immunes. De quibus dicit Baruch: Ubi sunt principes qui argentum thesaurizant et aurum, in quo confidunt homines, et non est finis acquisitionis eorum? At vero Manasses interpretatur oblivio, per ejus filios intelliguntur sacerdotes et clerici, potissime religiosi, quorum est omnium temporalium oblivisci, et mente transformari in Deum, solis intendendo celestibus, spiritualibus ac divinis. Sed heu! isti pro maxima parte abierunt retrorsum, abjicientes a se jugum Christi, regularia instituta, canones et decreta Patrum sanctorum, professionem monasticam, ita quod ubi abundabant omnis devotio, spiritualitas maxima, exemplarissima vita, econtrario nunc abundant omnis aversio, carnalitas fœda, scandalosaque vita. Unde presentibus delectati, et pascuis Amorrhæorum attracti, non curant terram promissionis supernam, regionem lucis altissimam ingredi: qui si propter hoc increpentur, æquanimiter ferre videntur servili forsitan timore, et ne præsentis principatu priventur. Nam et alios suo modo præcedunt, suorum officiorum quedam opera exercendo.

*Baruchm. 16, 48.*

Præterea ex increpatione Moysis edocemur, quam damnable sit otio et torpori vacare, negligentia et carnalitati locum præstare, aliorum subvertere corda per verba prava aut opera vetita, præsertim in tempore peregrinationis præsentis et exsili hujus, in quo est pœnitentiæ hora et locus gemituum: in quo tempore fratres nostri vere christiani, vere religiosi et clerici, virtuosius exerceantur laboribus, pœnitentes, gementes, et flentes in lacrimarum hac valle, et contra suæ salutis hostes indesinenter pugnantes. Erubescat ergo piger Christianus, negligens religiosus, carnalis clericus aut sacerdos, qui scientes quam virtuose et fervide patres eorum olim vixerunt, imo de gratia Dei adhuc aliqui

conversentur, non confunduntur coram oculis majestatis divinae, angelorum sanctorum et omnium Beatorum, tam viliter se habere.

Verumtamen filii Ruben et Gad ac Manasse, accipi possunt in bono, quia bona intentione videntur petisse territoria illa, quamvis verba sua non satis circumspecte protulerint. Efficaciter quoque impleverunt, quod Moysi promiserunt. Sicque per eos optimi praelati ac principes designantur, qui viliori temporalium parte contentantur, dummodo subditos verbo et exemplo, oratione et omni modo sibi possibili, ad terram coelestis paradisi queant

inducere. Sicque laudabile valde fuit in istis, quod sine suo demerito tam acriter a Moyse increpati, patienter omnino tulerunt. In hoc itaque eos imitari curemus, in tantum, ut si etiam sine nostris demeritis fuerimus acriter reprehensi, cum omni sustineamus tranquillitate, et cum ingenti respondeamus humilitate: imo exemplo istorum propius accedamus ad Moysen, utpote ad praelatum vel alium corruptorem, non indignantes aut ab illo nos avertentes, sed ferventius quam ante, ipsum pro tanto beneficio diligentes. O sapientem, qui hoc implet!

## ARTICULUS LI

DECLARATIO LITTERALIS CAPITULI TRICESIMI TERTII: HÆ SUNT MANSIONES FILIORUM ISRAEL.

**N**UMERUS mansionum filiorum Israel, in quibus quieverunt ab Ægypto usque Jordanem, hic recitatur: et sunt in toto mansiones quadraginta duæ, videlicet quatuor antequam transierunt mare Rubrum: deinde octo a mari Rubro usque Sinai montem; et a Sinai usque Cadesbarne, viginti una: atque a Cades usque Jordanem, novem: inter quas omnes fuerunt tres principales, a quibus tanquam a terminis præcipuis se moverunt, puta Ramesse, Sinai et Cades. Nee est putandum, quod omnia loca, in quibus ad tempus quieverunt, mansiones vocentur, quia tunc multo plures consisterent mansiones: sed ea loca, in quibus novum quid et notabile aliquid contigit eis, aut ubi manserunt diutius. *Hæ sunt mansiones filiorum Israel, qui egressi sunt de Ægypto per turmas suas*: non quod omnes illi fuerunt in omnibus mansionibus istis, imo multi eorum qui exierunt Ægyptum, hinc inde in diversis eremi locis fuerunt prostrati, et multi in solitudine nati fuerunt, et pene omnes qui primo fuerant numerati, obierunt antequam ad

ultimas mansiones perventum est. Egressi sunt autem Ægyptum *in manu*, id est cum ducatu et ministerio, *Moysis et Aaron, quas mansiones descripsit Moyses juxta castrorum loca*, id est secundum loca tentorium, seu filiorum Israel habitantium in eis, notabiliora: quia juxta numerum talium locorum, fuit et numerus mansionum istarum: *quæ loca Domini jussione mutabant*: quoniam processerunt de loco ad locum ad motum nubis eis viam monstrantis, quam angelus sanctus movit juxta imperium Dei.

*Exod. xii, 11, 51.*

*Profecti igitur de Ramesse*, id est de loco et oppido quodam Ægypti sic nominato: quod secundum Isidorum fuit in extremis Ægypti partibus, ubi populus convenit ad exeundum, et videtur fuisse in terra Gessen, in qua habitaverunt filii Israel, quæ fuit pars quædam terræ Ægypti; *mense primo*, scilicet in Aprili secundum quosdam, vel in Martio secundum alios, ut dictum est sæpe, et utrumque aliquo modo verum est juxta præhabita: qui mensis est primus juxta Hebræorum computationem;

*quintadecima die mensis primi* : nam *Exod. xii, 18.* quartadecima die ad vesperam comederunt agnum paschalem, et nocte illa percussa fuerunt primogenita Egyptiorum : *Ibid. 31, 33.* propter quod territi Egyptii, compulerunt filios Israel altera die valde mane exire, ut in Exodo legitur : *altera die post Phase.* Aliqui textus habent, Altera die fecerunt Phase. Circa quod dicit Lyra, quod in Hebræo et libris correctis non habetur, Fecerunt : ut sit sensus, quod exierunt quintadecima die, quæ dies fuit altera dies Phase, id est dies proxime sequens diem, in quo ad vesperam oblatus atque comestus fuit agnus paschalis. Glossa tamen exponit hunc passum cum inclusione hujus verbi, Fecerunt : dicendo, quod quartadecima die ad vesperam ineeperunt Pascha ; et quia die sequenti non potuerunt continuare festivitatem inceptam, prosecuti sunt eam in Socoth. Egressi sunt ergo Egyptum *in manu excelsa*, id est sublimi adjutorio Dei per præclara prodigia, *videntibus cunctis Egyptiis*, id est quibusdam de omni genere Egyptiorum. Non enim tota Egyptus confluit ad videndum egredientes. Nam et in diis eorum exercuerat ultionem, idola dejiciendo et comminuendo, falsorumque deorum impotentiam demonstrando, ut Josephus refert, et super Exodum tacitum est. *Castrametati sunt in Socoth.* id est in loco sic dicto, et sito inter Ramessem et solitudinem, fuitque alter a loco quem Jacob de Mesopotamia rediens, vocavit Socoth, sicut in Genesi scriptum est. Fuit quoque civitas in terra filiorum Israel *Judic. viii, 16.* nomine Socoth, quam Gedeon devastavit, sicut in libro Judicum habetur, et dicitur quod sit idem locus cum illo, quem Jacob sic nuncupavit. Denique aliqui dicunt, quod Socoth fuit prima filiorum Israel mansio ; alii, quod Rameses. Verumque est, quod Socoth fuit prima post exitum de Egypto.

*De Socoth venerunt in Etham*, id est partem extremam eremi, versus Egyptum. Ideo subditur : *quæ est in extremis finibus solitudinis*, id est totalis et magni deserti,

A quod est inter Egyptum et Chanaan. Istud in Exodo scriptum est. *Inde egressi, venerunt contra Phihahiroth*, id est ex opposito loci sic dicti et circa eundem. Ista secundum Hieronymum, fuit mansio quarta : quod verum est, includendo et computando Ramessem pro prima mansione. Hinc in Exodo scriptum est : *Castrametentur e regione Phihahiroth*, quæ est inter Magdalum et mare. *Et castrametati sunt*, id est tentoria sua fixerunt, *ante Magdalum*, quod fuit civitas in Egypti confinio, ad B quam primo confugerunt Judæi tempore Jeremiæ Godolia occiso, ut in Scholastica habetur historia. *Profectique de Phihahiroth, transierunt per medium mare*, id est per fundum maris Rubri miraculose siccatum, et aqua maris divisa ac instar murorum stante ex utroque transeuntium latere, *in solitudinem*, quia transito mari illo, introierunt desertum. *Et ambulantes tribus diebus per desertum Etham* : idem enim totale desertum diversa sortitur nomina atque agnomina in diversis partibus suis, sicque desertum Etham fuit pars totalis deserti, in quo fuit locus Etham præfatus ; *castrametati sunt in Mara*, id est in loco ubi aquam inventam ob ejus amaritudinem potare nequibant : propter quod locum illum vocabant *Mara*, id est amaritudinem, *ut in Exodo scribitur. Profectique de Mara, venerunt in Elim*, id est in locum solitudinis sic vocatum, *ubi erant duodecim fontes aquarum* : in quibus tamen secundum Josephum, modicum fuit de aqua : *et septuaginta palmæ* : quod et in præallegato Exodi habetur libro.

*Inde egressi, fixerunt tentoria super mare Rubrum*, non tamen in ea parte, ubi ingressi sunt illud, sed longe inde et alio latere. Nam et idem mare in diversos sinus declinat, super quos hinc inde a viantibus devenitur. *Profectique de mari Rubro*, id est de præfata parte et sinu ipsius, *castrametati sunt in deserto Sin*. Secundum Hieronymum, tota eremus usque Sinai, Sin vocatur, et a tota provincia locus mansionis illius nomen accepit, quemadmodum



Moab tam urbis quam provincie nomen A  
est. Unde egressi, venerunt in Daphea;  
de Daphea in Atus. Istæ mansiones fue-  
runt in deserto Sin. In mansionē autem  
Sin primo datum est manna, ut in Exodo  
legitur. *Egressique de Atus, in Raphidim*  
*fixerunt tentoria*: qui locus est etiam in  
deserto Sin, secundum Glossam: *ubi po-*  
*pulo aqua defuit ad bibendum*, et ibi Do-  
minus primo eduxit aquam de petra, ut  
scribitur in Exodo. *Profectique de Raphi-*  
*dim, castrametati sunt in deserto Sinai*,  
id est juxta Sinai montem in deserto si-  
tum, ubi secundum Hieronymum duode-  
cima mansio fuit. *Sed et de solitudine*  
*Sinai*, id est de parte illa solitudinis monti  
vicina, *egressi, venerunt ad sepulchra Con-*  
*cupiscentiæ*, id est ad locum sic dictum,  
quoniam ibi percussī sunt et sepulti, qui  
esum carniū desideraverunt, ut dictum  
est supra. *Profectique inde, castrametati*  
*sunt in Haseeroth*, et ibi Maria et Aaron  
oblocuti sunt Moysi, ut supra habitum est.  
Deinde in textu multæ mansiones expri-  
muntur, de quibus ante hæc in textu nil  
legitur.

*Profecti de Asiongaber, venerunt in de-*  
*sertum Sin*. Iste locus est alius a præhabito  
loco Sin, quia diversa loca frequenter idem  
habent vocabulum: tamen ut ait Hierony-  
mus, loca ista diversimode scribuntur. Un-  
de subjungitur, *hæc est Cades*: a quo loco  
missi fuerunt exploratores, et ibi mortua  
est Maria, ut dictum est capitulo vicesimo:  
et vocatur etiam desertum Pharan, propter  
quod supra scriptum est: Profectus est  
populus de Haseeroth, fixis tentoriis in de-  
serto Pharan, ubi locutus est Dominus:  
Mitte viros qui considerent terram. *Inde*  
*venerunt in montem Hor*, id est ad locum  
ei vicinum: in quo monte defunctus est  
Aaron et sepultus, sicut supra scriptum  
est. *Audivitque Chananæus*, etc. Istud su-  
pra scriptum est atque expositum. Sed  
quæri potest, qualiter Chananæus iste rex  
Arad habitasse dicatur ad meridiem in ter-  
ra Chanaan, quum terra Chanaan dicatur  
terra promissionis, extra quam iste mora-

tus est, scilicet ultra Jordanem. Ad quod  
dicendum videtur, quod terra Chanaan ca-  
pitur hic extense, pro tota scilicet terra in  
qua posteri Chanaan filii Cham habitave-  
runt. Rex autem Arad fuit de semine Cha-  
naan, ut in Genesi continetur.

*Profecti de monte Hor, castrametati*  
*sunt in Salmona*: inde venerunt in Phu-  
non. Istæ duæ mansiones, secundum Hiero-  
nymum, in ordine historiæ non habentur,  
sed scriptum est pro eis, Egressi de monte  
Hor, per viam maris Rubri, circuierunt  
terram Edom: ex quo ostenditur, eas in  
finibus et circuitu Edom positas esse. *Pro-*  
*fectique de Phunon, castrametati sunt in*  
*Oboth*, ut scriptum est supra. *Et de Oboth*  
*venerunt in Jeabarim, quæ est in finibus*  
*Moabitarum*. Hoc eodem capitulo scriptum  
expositumque est. *Inde venerunt in Di-*  
*bongad, inde in Helmondeblathaim*. Ista  
nomina non sunt ante descripta. Sed ut  
ait Hieronymus, pro eis legitur supra, Fi-  
xerunt tentoria in Jeabarim, et inde mo-  
ventes, venerunt ad torrentem Zared, quem  
relinquentes, castrametati sunt contra Ar-  
non. *Venerunt ad montes Abarim*, ubi  
postea defunctus est Moyses, contra Nebo,  
id est ex adverso loci seu montis sic dicti.  
Inde transierunt ad campestria Moab su-  
pra Jordanem contra Jericho, id est ex  
opposito urbis illius, inter quam et filios  
Israel fuit Jordanis. *Ibique castrametati*  
*sunt de Bethsimoth usque Abelsatim*, id  
est per spatium quod fuit inter duo loca  
sic nuncupata. Non tamen oportet putare,  
quod occupaverint totum hoc spatium, et  
aliqui dicunt, quod tria milliaria de spatio  
occupaverunt. Refert tamen Lyra, quod  
inter duo hæc loca erant duodecim millia-  
ria: sed non habet apparentiam quod oc-  
cupaverunt tot milliaria, nisi forsitan valde  
parva.

*Ubi, scilicet in campestribus Moab, lo-*  
*cutus est Dominus ad Moysen*, dicens:  
*Præcipe filiis Israel et dic ad eos: Quando*  
*transieritis Jordanem, intrantes terram*  
*Chanaan, disperdite*, id est interficite,  
*cunctos habitatores terræ illius*. Ab hac

Exod. xxi,  
11, 15.Ibid. xvi,  
6.Num. xi,  
33, 34.Ibid. xii, 1,  
2.Num. xiv,  
1-3.

Ibid. xx, 29.

Ibid. xxi, 1.

Gen. x, 16.

Num. xxi,  
10, 11.

Ibid. 12, 13.

Josue ix, 26.

tamen lege communi, facta est postea exceptio ex speciali causa in casu, ut patet in Gabaonitis, qui per suam humiliationem adepti sunt veniam, ut patet in Josue libro. *Confringite titulos*, id est signa solennia aut nomina, quæ in honore deorum suorum erexerunt. Aliqui tamen per titulos intelligunt aras. *Statuas*, id est idola, *comminuite, atque omnia excelsa vastate*, id est, loca amœna et alta, in quibus sacrificaverunt idolis suis, in quibus etiam locis construxerunt ades atque altaria deiecit. *mundantes terram et habitantes in ea*, id est, per has pœnas facite cessare solita scelera in terra illa, habitatoribus ejus occisis; qui non mundabantur absolute per

A mala illa pœnalia, sed cohibebantur a consuetis criminibus: quibus deletis, consecrata est terra illa cultui veri Dei. *Sin autem nolueritis ista implere: qui remanserint, erunt vobis quasi clavi in oculis, et lanceæ in lateribus*, id est, erunt vobis incitamentum atque occasio incidendi facinora gravia, quia ad idololatriam trahent vos seu posteros vestros: sicque consequenter incidetis servitute gravissimam, et opprimemini ab illis, et interficiemini propter scelera vestra. Ideo subditur: *Quid quid illis facere cogitaveram, vobis faciam*, infligendo vobis hæc mala pœnalia, sicut in libro Judicium satis ostenditur adimpletum.

Judic. ii, 14  
et seq.: 10,  
8, 12, etc.

## ARTICULUS LII

### EXPOSITIO SPIRITUALIS CAPITULI HJUS TRICESIMI TERTII.

NON sine mystica ratione Moyses Spiritu Sancto plenus, tam distincte ac diligenter descripsit mansiones filiorum Israel, quoniam Israeliticus populus figura fuit populi christiani. Egressus autem Israelitarum ex Ægypto, typus fuit liberationis Christianorum a servitute diaboli, a jugo peccati, et eductionis ex caligine vitiorum. Introductio vero Israelis in terram promissionis, designavit introductionem omnium electorum in patriam regni celestis. Porro, progressus Hebræorum per desertum, significavit peregrinationem nostram in sæculo isto, et spirituales profectum, quo itur ad regnum cælorum. Mansiones demum illorum, præsignabant inhaerentiam et quietem fidelium in executionibus quarumcunque virtutum, præsertim in contemplationibus ac dilectionibus divinorum, post labores exercitiorum bonorum.

Itaque ait: *Hæ sunt mansiones filiorum Israel*, hoc est Christifidelium, qui per fi-

C dem et gratiam sunt imitatores ac filii Patriarcharum, *qui egressi sunt de Ægypto*, id est de ignorantie tenebris et statu damnationis, *per turmas suas*, id est secundum diversos status, et gradus ac ordines. Diversæ etenim turmæ Christianorum, sunt spirituales et sæculares, prælati et subditi, vulgus et clerus, conjugati et continentes, religiosi et viduæ, incipientes, proficientes, perfecti. *In manu Moysis*, id est virtute et mysteriis Christi, *et Aaron*, hoc est vicariorum ipsius, quorum primus D et maximus fuit sacratissimus Petrus, per quem post Christi ascensionem christiana religio potissime invaluisse censetur. *Quos descripsit Moyses*, id est, Christus per Evangelistas atque Apostolos fecit describi: *juxta castrorum loca*, id est secundum profectus virtutum. Christianorumque agminum: *quæ Domini jussione mutabant*: quia secundum tenorem præceptorum Dei, student proficere, transcuntque de virtute una in aliam, prout Dominus

Ps. LXXXIII,  
8.

jussit, nunc uni virtuti, nunc alteri esse A intentum.

*Profecti igitur de Ramesse*, quod interpretatur commotio : quia salvari volentibus, primo necesse est salubriter commoveri et conturbari ex memoria et dolore præcedentium vitiorum. *Castrametati sunt in Socoth*, Socoth interpretatur tabernacula : per quod intelliguntur particulares Ecclesiae, congregationes devotæ, claustra, collegia, sacraque loca, ad quæ pertingit, qui propter sua peccata salubri compunctione

Ps. xxxvii,  
9.

Job iii, 24.

Ephes. vi,  
10,  
Ps. cxviii,  
63.

Jer. xi, 19.

concutitur, sieque turbatur, ut dicat : Afflictus sum et humiliatus sum nimis, rugiebam a gemitu cordis mei : atque cum sancto Job : Antequam comedam, suspiro, et tanquam inundantis aquæ sic rugitus mei. Talis dignus est incorporari Ecclesiis Christi, et in ejus tabernaculis commorari. *De Socoth venerunt in Etham*, quod interpretatur fortitudo : quia per sacram contritionem et incorporationem mysticam jam præfatam, confortatur homo in Domino et in potentia virtutis ejus, particepsque efficitur omnium timentium Dominum, quoniam merita aliorum sibi per caritatem communicantur. *Inde egressi, venerunt contra Phihahiroth*, quod interpretatur os nobilium. Dum etenim quis virtutibus est firmatus, et gratiose confirmatus in Deo, discernit pretiosum a vili, verum a falso, virtutem a vitio : sieque efficitur quasi os Domini, et per os ejus loquitur Spiritus Sanctus et angeli gloriosi. Ipse quoque vere nobilitatur in Creatore, ejus intuitu et amore omnia vana, prava ac vilia aspernatur. *Inde transierunt per medium mare* : quoniam gurgites vitiorum, flumina tentationum, et opera sanguinum cedunt his, fugiuntque ab istis, qui ad prætaclas virtutum celsitudines sunt perducti, ita quod pede sieco, hoc est immaculato affectu, tentationes et adversitates pertranseunt, in quibus submerguntur iniqui et persecutores iustorum.

Inde venerunt in Mara : quoniam per præmemoratas virtutum ascensiones, perducitur homo ad tantam caritatis et æqui-

tatis dilatationem, quod propter proximorum peccata et totius mundi misérias et errores, præsertim propter innumerabiles et enormes Deitatis offensiones et inhonorationes, assidue ingemiscit, torquetur, et lacrimas fundit, dicens illud in Esdra : Deus meus, confundor et erubescio levare faciem meam ad te, quoniam iniquitates nostræ multiplicatæ sunt super caput nostrum, et peccata nostra creverunt usque ad cælum. Itemque : Zelus domus tue comedit me. *Profectique de Mara, venerunt*

1 Esdr. ix,  
6.

Ps. lxxviii,  
10.

B in Elim, quod interpretatur arietes : per quod status prælationis signatur. Arius enim cornutus est, et dux ovium : in statu autem prælationis, sunt eminentiæ ecclesiasticæ auctoritatis ac potestatis. Porro, qui ad præinductam caritatis atque justitiæ amaritudinem, generalemque Dei zelum tam fervidum attingit, prælatione condignus est, et idoneus regere alios, utpote qui cum gloriosissimo Petro plus aliis diligit Christum corde, ore et opere, et proximos suos. In hoc loco sunt *duodecim fontes* : per quos exprimuntur duodecim Apostoli, qui fuerunt post Christum primi et summi Ecclesiarum prælati, quamvis non omnifarie æque summi, quoniam Petrus ceterorum fuit prælatus et princeps. Isti fuerunt fontes evangelicæ prædicationis et supernaturalium doctrinarum. Fuerunt quoque ibidem *septuaginta palmæ* : per quas septuaginta secundi ordinis discipuli Christi significantur, qui floruerunt ut palmæ, fueruntque arbores decoræ ac fulgidæ, et fidelissime sanctis Apostolis cooperati noseuntur.

Joann. xxi,  
13-17.

Luc. x, 1.  
Ps. xci, 13.

*Inde egressi, fierunt tentoria super mare Rubrum* : per quod juxta præhabita denotatur Baptismatis gratia. Qui autem in prælatione sunt constituti, habent aliorum conversioni ac baptismationi intendere, sacramentorumque pensare virtutes. Potest item per mare Rubrum intelligi passio Salvatoris, de cujus latere profluxerunt aqua et sanguis. Quantumlibet autem quis perfectus existat, et aliorum salutem seu contemplationi invigilet, certis tamen ho-

Joann. xix,  
34.



ris debet quotidie dominicæ passionis meditationibus affectuosissimis immorari. Inde venerunt in desertum *Sin*, quod odium interpretatur : quoniam per inductos ascensionum spiritualium gradus, pertingit homo ad sincerissimum odium iniquitatis, in quantum iniquitas, et præsertim in quantum offensiva est Dei. Rursus, qui tam virtuosus est, præsertim si aliis præsit, ut justitiæ fervens zelo, corripiat strenue delinquentes, incurrit frequenter odium aliorum. Inde *venerunt in Daphca*, quod interpretatur pulsatio. Qui enim sic odit iniquitatem et iniquos, in quantum sunt tales, et propter virtutes suas oditur, non cessat Deum precibus suis pulsare, etiam pro inimicis orando, imo et pro conservatione ipsius, ne per impatientiam aut alio modo vincatur adversis. Inde *in Alus*, quod interpretatur labores. Qui enim Deum sic pulsatur pro aliis, grandem sibi ipsi indicit

*Ps. vi, 7.*

laborem internum, ita ut fateatur : Laboravi in gemitu meo. Nempe quantumlibet oret pro proximis, semper videt sibi indesinentis luctus abundare materiam, adesse causam. Talis quoque dire laborat, ut eorum suum in Deo ita recolligat et defigat, quod saltem tempore orationis et cultus divini non evagetur. Inde *venerunt in Raphidim*, quod interpretatur dissolutio fortium seu remissio manuum : quoniam per studium memoratum, quod est contra proprii cordis instabilitatem, et pro aliorum reductione ad Deum, dissolvitur et fugatur invisibilis hostis, et vires ipsius debilitantur, quum Jacobus contestetur, Resistite

*Jacob. iv, 7.*

diabolo, et fugiet a vobis : imo quum dicat *Psalmographus*, Cadent a latere tuo mille, et decem millia a dextris tuis.

*Ps. xc, 7.*

Inde *venerunt in desertum Sinai*, quod interpretatur rubus : quo designatur Ecclesia, quia præfatis exercitata profectibus, instar rubi a Moyse visi inflammatur, et cooperitur igne divini amoris, nec læditur inde, sed culpæ rubigo consumitur : sicque in arce Ecclesia ponitur, et in monte sublimi, tanquam lucerna lucens et ardens. Inde *ad sepulcra Concu-*

*piscentiæ* : quia vir talis progreditur, ut prædicet his qui concupiscentiis sunt depressi, et carnalitatibus victi, ut penitendo reviviscant, et igne caritatis tangantur, et ait : Surge, qui dormis, et exsurge a mortuis. Inde *in Haseiroth*, quod interpretatur atria. Hæc namque agendo, meretur homo Deitatis atria ingredi, et in eorum contemplatione suspendi, ita ut ex sententia psallat : Quam dilecta tabernacula tua, Domine virtutum ! concupiseit et defecit anima mea in atria Domini. Atria ista sunt mansiones cœlestes. Inde *venerunt in Rethma*, quod interpretatur visio consummata : quia ingredienti cœleste palatium, protinus datur pro præmio beatifica visio, quæ est contemplatio consummata. Inde *venerunt in Remmonphares*, quod mali divisio interpretatur. Qui enim Deo beatifice perficiuntur, plenissime cum suavissimo gustu discernunt, quid inter Creatorem et creaturam intersit, quam incomparabiliter increatum illud superpurissimum bonum ceteris universis emineat in omni suavitate, amabilitate, felicitate et gloria. Inde *in Lebua*, quod dealbatio dicitur, per quam puritas designatur. Qui enim Omnipotenti beatificæ sunt uniti, amplius jam peccare non valent : ideirco eorum munditia, nulla potest culpa aut macula tangi. Inde *venerunt in Ressa*, quod interpretatur laudabilis. Quamvis etenim Sancti in patria culpabiliter tentari non queant, inclinantur tamen animæ sanctæ ad resumenda corpora sua, non talia qualia nunc sunt, sed glorificanda, ut simul cum illis glorificentur in sempiternum. Inde *venerunt in Cee-latha*, quod interpretatur ecclesia : quoniam Beati ad viatores et ad militantem Ecclesiam, et ad eos qui in purgatorio continentur, oculum pietatis, opem orationis, affectum dilectionis extendunt.

*Ephes. v, 11.*

*Ps. lxxxiii, 2, 3.*

Inde *venerunt in montem Sepher*, Sepher pulchritudo interpretatur : sicque mons Sepher est sublimitas pulchritudinis intellectualis, imo Deus superpulcherrimus, fons universi decoris, in quem Beati totaliter transformantur, viatores quoque ali-

*Joann. v, 35.*

*Cant.* i, 15. qualiter intinguntur, psallentes : Ecce tu A pulcher es, dilecte mi, et decorus. Inde *in Arada*, quod interpretatur miracula : nam et cives caelestes in hoc saeculo cornseant miraculis, devoti etiam viatores insistendo præinductis virtutum processibus, miraculorum efficaciam sortiuntur : et qui ex se ipsis non habent nisi deficere et peccare, in Deo eos confortante supernaturalia operantur. Inde venerunt *in Marcloth*, quod principatus interpretatur : quoniam adversariis potestatibus imperant Sancti, et demones fugant, dominanturque vitiis, quod B est saluberrimus principatus. Inde *in Thathath*, quod dicitur pavor : quia per hæc fit miles Dei hostibus metuendus, ut castrorum acies ordinata. Timor quoque reverentialis, quo quis ex contemplatione immensæ excellentiæ Dei in propriam resilit parvitatem, abundat in Sanctis tam triumphantis quam militantis Ecclesiæ. Inde *in Thare*, quod eestasis dicitur : quia præ admiratione æterni et increati omnium Dominatoris, cuncti electi deficiunt et extra se rapiuntur in ipsum. Inde *in Methca*, quod interpretatur mors nova : hæc est mortificatio saluberrima, qua præ abundantia gratiæ Dei, mens omni propriæ voluntati mortua, soli vivit Creatori, ut ait Apostolus : Vivo, jam non ego. Itemque : *Coloss.* iii, Mortui estis, et vita vestra abscondita est cum Christo in Deo.

Inde venerunt *in Hesmona*, quod festinatio sonat : quoniam taliter mortuus, omni abjecto torpore, ardentissime festinat ad patriam electorum. Inde venerunt *in Moseroth*, quod dictum est disciplina : quoniam sic festinantes ad Dominum, instruntur ab ipso, et si quid forefecerint, paternaliter disciplinantur ab illo, et sine dissolutione festinant. Inde *in Benejaacan*, quod resonat fontes : quia sic currens ad increatum Fontem, fontibus sapientiæ ac virtutum recreatur ab ipso, sicut ait Salvator : Aqua quam ego dabo, fiet in eo fons aque salientis in vitam æternam. Inde *in montem Gadgad*, quod expeditio interpretatur : quia sic recreatus, carnalia et terrena

adspernans, cuncta spiritualis cursus deponit obstacula, ut animo expedito, appropriet Deo. Inde *in Jetchatha*, quod dicitur bonitas : quoniam ita se occupans, totus in boni honesti affectum convertitur, et laedere nescit, cupitque cunctis prodesse, pro communi bono semper sollicitus et laborans. Inde *in Hebrona*, quod dicitur transitus : quia sic bonus effectus in se, jugiter appetit dona gratiæ proximis communicare, sieque caritativo affectu tendit in eos. Inde *in Asiongaber*, quod interpretatum est ligna viri : quoniam talis, de aridis infructuosisque lignis diaboli, orando et prædicando, exemplariterque vivendo, facit fructuosa atque virida ligna Christi, de quo loquitur Zacharias : Ecce vir, Oriens *Zach.* vi, nomen ejus. Inde *in desertum Sin*, hæc est Cules, quod interpretatur tentatio : quoniam post excellentia virtutum exercitia, contingit interdum tentari a gloria vana, imo a stimulo quodam, dicente Apostolo : Datus est mihi stimulus carnis meæ angelus Satanae. Inde in montem *Hor*, quod D lumen seu montanus interpretatur : quoniam per tentationis triumphum ad lumen gloriæ et omnium verticem Deum ascenditur. Deinde *in Salmona*, quod portio dicitur : quoniam sic ascendens, veraciter psallere potest : Portio mea in terra viventium. Et rursus : Pars mea Dominus, dixit anima mea. Inde *in Phunon*, quod dicitur os, per quod confessio laudis divinæ significatur : quoniam a laudibus Dei homo hujusmodi nunquam desistit.

Deinde venerunt *in Oboth*, quod pythones seu magi interpretatur : quoniam homo tam virtuosus jam illudit dæmonibus, eorumque machinas pro nihilo reputat. Inde *in Jenbarim*, quod acervos transeuntium lapidum signat : per quod multitudo Sanctorum instar petra solidorum, ad regnum caeleste perguntium, denotatur, quibus Dei laudator se jungit. Inde *in Dibongad*, quod interpretatur tentatio fortiter intellecta : et convenit viro sancto heroico, adeo forti ut in omni tentatione maneat corde tranquillus et ratione illesus, ita ut sinceriter

*Zach.* vi, 12.

*II Cor.* xii, 7.

*Ps.* cxlii, 6.

*Thren.* iii, 21.

*Joann.* iv, 14.

queat pendere pondus suæ tentationis. A impios, et non erunt; spiritus quoque malignos in mentibus iniquorum morantes pellendo, insinuando videlicet proximis, quam vile, stultum ac impium sit talibus habitatoribus locum præbere in corde, quod consecratum est Spiritui Sancto, et quod ipse verus Deus paratus est sibi in habitaculum, imo in templum assumere, dedicare et possidere. Sic quoque dissipet *titulos*, id est vanitatum erectiones et memorialia inania ac elata; *et statuas*, id est simulacra vitiorum et fœda phantasmata, distractionesque cordis; *atque creelsa*, id est omnem altitudinem elationis, præsumptionis et intemoratæ securitatis, quatenus homo Dei in valle humilitatis et pavida consideratione periculorum suorum obsequatur et sacrificet soli Deo. Quod si quis non studuerit in his Domino obedire, justo iudicio relinquatur, et incidet mala culpa et pœnæ, sicque tradetur in manus Sathænæ et dæmonis, quibus insipientissime acquiescit ac subditur. Paulo post *erunt ei clavi in oculis, et lanceæ in lateribus*, et pessimam ei remunerationem rependent: quia quo amplius eis deservit, eo ab ipsis gravius punietur.

Thren. iii,  
30.

Matth. v,  
11.

Deut.  
xxxiv, b.

Prov. xii, 7.

## ARTICULUS LIII

EXPOSITIO LITTERALIS CAPITULI TRICESIMI QUARTI: LOCUTUSQUE EST DOMINUS AD MOYSEN.

NE filii Israel plus sibi usurparent de D terra, quam concessum fuit divinitus, præfiguntur eis termini totius terræ eis promissæ. *Locutusque est Dominus ad Moysen, dicens: Præcipe filiis Israel, et dices ad eos: Quum ingressi fueritis terram Chanaan, et in possessionem vobis sorte ceciderit, his finibus terminabitur: Pars meridiana terræ promissionis, respiciens plagam australem, incipiet a solitudine Sin, de qua dictum est præcedenti capitulo, quæ est juxta Edom, id est terram Idu-*

*mæorum: et habebit terminos contra orientem, id est versus plagam orientalem, mare Salsissimum, utpote mare Mortuum: in* eius loco stetit olim Pentapolis pulcherrima atque nberrima regio, quæ ob Sodomæ crimen versa est in lacum salsum et sterilem, qui vocatur mare Mortuum, in quo nec piscis, nec avis vivere potest, nec navigabile est, et fumigat. Propter quod in libro Sapientiæ, fumigabunda terra est appellata, de qua in Genesi plenius est dictum. *Qui circuibunt australem plagam,*

Gen. xii,  
10.

Sap. x, 7.

Gen. xix,  
24, 25, 28.



id est, per gyrum attingent meridionalem A terræ promissæ partem, *per ascensum Scorpionis*, id est per montem sic nominatum, quoniam scorpiones habitabant in eo, *ita ut transeant in Senna*, id est locum seu vicum sic dictum, *et perueniant ad meridiem usque ad Cadesburne*, de quo loco seu oppido dictum est, *Ibitque per gyrum terminus iste australis ab Asemona*, id est loco sic nuncupato, *usque ad torrentem Ægypti*: quod (ut quidam dixerunt) non est intelligendum de Nilo, sed de fluvio multum minori, qui Rhinocolura dicitur, et B dividit inter Ægyptum et Palestinam, estque terminus terræ promissionis a parte australi, ut sextodecimo de Civitate Dei docuit Augustinus. Unde Geneseos quintodecimo Dominus ait ad Abraham: *Semini tuo dabo terram hanc a fluvio Ægypti. Et maris Magni littore finietur pars ista meridionalis*. Quemadmodum autem in Josue, multisque locis Scripturæ, ita et hic per mare Magnum, intelligitur non mare Oceanum, quod est simpliciter magnum mare, sed mare Mediterraneum, quod respectu C maris Mortui, dicitur magnum.

Sequitur de ejusdem terræ promissionis termino occidentali. *Plaga autem occidentalis a mari Magno incipiet, et ipso fine claudetur*, id est termino maris ejusdem, ita quod non extendetur ultra hoc mare. Non autem potest per mare Magnum, mare Oceanum accipi, quia sic filii Israel nondum obtinuissent totam terram eis promissam.

Subditur de terminis plagæ aquilonaris. *Porro ad septentrionalem plagam a mari Magno*, id est Mediterraneo, puta ab una D ejus parte versus aquilonem respiciente, *termini incipient, pervenientes usque ad montem altissimum*, id est ceteris altiore in situ terræ illius: per quem quidam intelligunt montem Libani, qui esse legitur in termino aquilonari terræ promissionis: *a quo venient in Emath*, id est usque prope Antiochiam, *usque ad terminos Seda-* da: *ibuntque confinia usque Zephrona et villam Enan*, id est, pertingent usque ad loca sic dicta: et juxta Glossam, per Ze-

phrona intelligitur urbs Ciliciæ, quæ usque nunc Sephædum appellatur. Enan autem villa, Hebraice Asiram nuncupatur. Circa hæc fertur in Glossa: Dicunt Hebræi septentrionalem plagam incipere a mari Magno, quod Palestina, Phœnices et Syria prætenditur littoribus, et per Ægyptum tendit ad Libyam. Quod autem dicitur, Pervenientes usque ad montem altissimum, autumant significari montem Amanum vel Taurum: quod verius videtur.

Subjungitur de terminis partis orientalis. *Inde*, videlicet a termino aquilonari, *metabuntur*, id est ducentur, *fines contra orientalem plagam de villa Enan jam dicta, usque Sephama*, quam Hebræi Aphamiam vocant: *et de Sephama descendunt termini isti orientales in Reblatha*, id est Antiochiam Syriæ ex alia parte, *contra fontem*, id est ex opposito fontis nomine *Daphnim*: de quo Antiochia abundantissimis fruitur aquis, secundum Glossam: atque (ut fertur) in hoc fonte est verus ortus Jordanis, quoniam palææ ibi impositæ, recipiuntur per mediterraneam viam in fonte qui dicitur Dan, a quo et alio fonte Jor nomine, nomen sumpsit Jordanis. *Inde pervenient termini orientales ad mare Cenereth*: quod secundum Glossam est stagnum seu mare Tiberiadis, estque lacus magnus, in ejus littore sitæ sunt urbes, nomine Tiberias, Genesareth, Bethsaida, quæ sunt oppida Galilææ. Unde in Evangelio nominatur mare Galilææ, quoniam Joann. vi, 1. transit per eam. *Et tendunt usque ad Jordanem*, qui transire fertur per stagnum præfatum, *et ad ultimum Salsissimo clauduntur mari*, quod fuit in angulo terræ Chanaan Israelitis promissæ, orientalem partem cum occidentali copulante. Quemadmodum enim australis plaga inchoat inde, id est a mari illo Salsissimo, sic orientalis pars terminatur ad ipsum. Denique ista terminatio terræ promissæ ad hoc quoque necessaria fuit, quoniam extra terram promissionis non licuit filiis Israel templum ædificare aut sacrificare.

*Et ait Dominus ad Moysen: Hæc sunt*

Gen. xv, 18.

Josue i, 4.

Joann. vi, 1.

*nomina virorum qui terram vobis, id est A* populo tibi commissio. *divident, utpote* novem tribubus atque dimidiæ : *Eleazar sacerdos, et Josue filius Nun, et singuli principes de singulis tribubus, id est de*

qualibet tribu suam portionem nondum sortita, princeps unus, qui simul decem fuerunt, quia dimidiæ tribui nondum dotatæ assignatus fuit unus princeps, ut patet in textu qui est planus.

## ARTICULUS LIV

DECLARATIO LITTERALIS CAPITULI TRICESIMI QUINTI : ILEC QUOQUE LOCUTUS EST DOMINUS AD MOYSEN.

**Q**UALITER Dominus jussit sacerdotibus ac Levitis dari urbes ac vienos ad commorandum, et suburbana earum ad enutriendum eorum jumenta, qualiter etiam eis assignatæ sint urbes refugii, modo describitur. *Hæc quoque locutus est Dominus ad Moysen in campatribus Moab supra Jordanem contra Jericho : Præcipe filiis Israel, ut dent Levitis de possessionibus suis, id est de civitatibus quas possidebunt, urbes ad habitandum et suburbana earum, id est spatia contigua urbium muris et extra eos, ut ipsi Levitæ in oppidis mancant.* Erant autem sacerdotes et Levitæ per omnes tribus dispersi ad populum informandum. *Et suburbana sint pecoribus ac jumentis eorum ad pastum : et proprie dicuntur jumenta, animalia quæ hominibus adjutorium præstant in necessariis laboribus exercendis seu oneribus deferendis : cetera domestica animalia, dicta sunt pecora ; quæ a muris civitatum forinsecus per circuitum mille passuum spatio tenduntur, id est, extenduntur in latum, in quo spatio erunt pascua animalium prædictorum.* Verumtamen istud difficultatem non haberet, nisi subjungere-tur : *Contra orientem duo millia cubiti erunt, et contra meridiem similiter erunt duo millia. Ad mare quoque quod respicit occidentem, de quo mari dictum est capitulo præcedenti, eadem mensura erit, videlicet spatium duorum millium cubitorum,*

*et septentrionalis plagæ æquali termino finietur, id est, spatium suburbanorum respiciens aquilonem, erit quantitatis æqualis : hoc est, spatium illud per totum urbium gyrum, seu versus quatuor partes orbis, erit æquale, ita ut contineat duo millia cubitorum.* Hæc autem sibi invicem contrariari videntur, quoniam mille passus faciunt plus quam duo millia cubiti, quum passus sit spatium quinque pedum, juxta illud : Quinque pedes passum faciunt, etc.

Circa hæc scribit Lyra : Dicunt expositores communiter, quod idem est spatium mille passuum, et duorum millium cubitorum : quia passus continet quatuor pedes, ut dicunt ; sed hoc est contra illud commune dictum, quod passus continet quinque pedes. Dato etiam quod passus contineret quatuor pedes tantum, adhuc dictum eorum non consonaret Hebraicæ veritati. Nam ubi translatio nostra habet, Mille passuum, in Hebræo habetur, Mille cubitorum : quod tamen videtur repugnare ei quod subditur, Ad orientem duo millia cubiti. Ad hoc Rabbi Salomon respondet, quod secundum veritatem duo millia cubiti erant extra muros civitatum per circuitum. Mille tamen cubiti propinquiore civitati, sic erant dispositi, quod in eis non poterat domus edificari, nec poterant arari, seminari, nec plantari poterant vineæ ibi, sed erant ad recreationem et pascua animalium. Fiebant etiam ibi pisci-

nae ad vestium lotionem. Ideo isti mille cubiti vocantur proprie suburbana, et de eis loquitur Scriptura praeise, quum dicitur in Hebraica veritate, quod a muris civitatum forinsecus per circuitum mille cubitorum spatio tenderentur. In aliis autem mille cubitis remotioribus a muris, poterant vineae plantari. Large tamen loquendo pertinent ad suburbana, ut hoc modo loquatur Scriptura, quum subditur: Ad orientem duo millia cubiti erunt. Haec Lyra.

Ista responsio Rabbi Salomonis non videtur idonea, quoniam sub eodem contextu, mox quum dictum est, quod suburbana a muris civitatum tenderentur forinsecus per circuitum spatio passuum mille, immediate subiungitur: Contra orientem duo millia cubiti erunt, etc., quod non est nisi expositio et determinatio quaedam praecedentium verborum, si recte pensetur. Denique illa Rabbi Salomonis solutio non satisfacit nostrae translationi, de cuius veritate non dubitamus: quoniam juxta istam solutionem non erant extra muros, nisi dumtaxat duo millia cubitorum per gyrum; non ergo mille passus, etiam si cubitus contineat duos pedes, quum tamen communiter dicatur, non continere nisi pedem cum medio, nisi dicatur, quod passus contineat solum quatuor pedes.

Præterea Rabbi Paulus contra præhabita scribit, et reprobat solutionem Rabbi Salomonis, dicens, quod in littera non habeat fundamentum, ideoque nullius auctoritatis existat. Expositio autem Rabbi Pauli, quantum capere queo, nullius videtur valoris. Nec enim civitates, de quibus nunc sermo, jussæ sunt esse quadratae, nec in quadra positæ erant, ut ipse insinuat. Itaque salvando nostram translationem, cum Catholicis est tenendum, quod passus hic sumitur pro spatio quatuor pedum, et cubitus pro spatio pedum duorum. Nec obstat objectio introducta, quoniam mensurae apud diversos variantur, imo in eodem territorio frequenter diversimode accipiuntur. Sunt enim et cubiti geometrici, quo-

rum unus continet sex cubitos communiter dictos. Itaque, etsi passus communiter apud nos accipitur pro spatio quinque pedum, et cubitus pro mensura usuali continente cubitum unum cum medio, nunc aliter accipiuntur: nec solum nunc, sed in aliis quoque locis. Nam quod in Genesi legitur de cubitis arcae, Augustinus, Origenes, multique alii de cubitis geometricis exposuerunt. Credo etiam in Hebraeo haberi, sicut Hieronymus transtulit, et quod dictio illa Hebraica, pro qua posuit Passum, significet vere passum, quamvis possit et cubitum ac alia significare.

Sequitur de civitatibus refugii, de quibus in Deuteronomio plenius dicitur. *De ipsis autem oppidis quæ Levitis dabitur, sex erunt in fugitivorum auxilia separata*, id est deputata ad hoc, ut in ea confugiant fugitivi. Hinc subditur: *ut fugiat ad ea qui sanguinem fuderit*, non qualitercumque, sed nolens, ut infra exprimitur. Harum urbium refugii tres deputavit Moyses adhuc vivens trans Jordanem, ut legitur in Deuteronomio; alias tres Josue, mortuo Moysæ. *Et exceptis his*, etc., id est, in toto erunt quadraginta octo oppida Levitis præstanda, non in dominium, nec in possessionem hereditariam, sed in habitationem. Quod qualiter factum sit, in Josue historia habetur: sic et de urbibus fugitivorum. *Ait Dominus ad Moysen: Loquere filiis Israel, et dices ad eos: Quando transgressi fueritis Jordanem in terram Chanaan, decernite*, id est, judicate et institute communi consensu, *quæ urbes esse debeant in præsidia fugitivorum, qui nolentes sanguinem fuderint*, id est casu seu sine lædendi proposito. *In quibus*, id est in aliquam harum, *si fugerit profugus, qui homicidium tale commisit, cognatus occisi eum non poterit occidere*. Ex quo eliciunt quidam, quod poterat hoc, si apprehendebat eum antequam urbem illam profugus introivit. Sed melius est, ut dicatur quod non poterat homicidam talem occidere, nisi sententia contra eum ordinarie prolata, præsertim quum innocens fuerit, nec me-

Gen xi, 15, 16.

Deut. xix.

Ibid. iv, 41-43.

Josue xx, 7.

Ibid. xxi.



ruerit pro homicidio tali occidi. Unde sub-  
jungitur: *donec stet profugus in conspectu  
multitudinis*, id est hominum commoran-  
tium in loco, in quo, vel in cujus dominio  
homicidium perpetravit, *et causa illius  
judicetur* a iudicibus loci illius. Habitato-  
res enim urbis confugii, tradebant talem  
homicidam in manus iudicum illorum, ut  
discuterent causam ipsius: et si invenie-  
batur innocens, restituebatur secure in ur-  
bem refugii: si reus, dabatur manibus  
propinquorum ad occidendum, sicut super  
Exodum dictum est, et infra in isto conti-  
nuitur capitulo.

Exod. xxi,  
12, 13.

*De ipsis autem urbibus quæ ad fugi-  
tivorum subsidia separantur, tres erunt  
trans Jordanem, et tres in terra Chanaan,  
tam filiis Israel quam advenis atque pere-  
grinis.* Hoc videtur inconveniens, quoniam  
terra novem et mediæ tribuum, erat multo  
major quam alia. Ad hoc Lyra allegat Rab-  
bi Salomonem, dicentem quoniam homines  
in terra Galaad, quæ erat trans Jordanem,  
erant ad effusionem sanguinis proni: et  
item ut effusores sanguinis elongarentur a  
templo quod non fuit ultra Jordanem, sed  
eitra. Verum prima harum rationum vide-  
tur invalida, quia hoc fuisset homicidas ex  
proposito occidentes fovere in crimine, ut-  
pote quia faciliter poterant fugere. Secun-  
da quoque inepta censetur, quia secundum  
legem homicida fuit tutus in templo, dum-  
modo non per industriam occidisset, nec  
paciis pactum frangendo. Verior ergo causa  
apparet, quoniam qui trans Jordanem mo-  
rabantur, erant nimis remoti a templo,  
ideo tanto plus indigebant aliis confugii  
locis. Denique ad tollendam talem impari-  
tatem civitatum refugii, infra in Deu-  
teronomio præcipitur, ut adhuc alias tres  
refugii urbes haberent, quum dilatati es-  
sent eorum termini in terra promissionis.

Deut. xix,  
8, 9.

*Si quis ferro percusserit*, id est, læserit  
alium ex proposito seu scienter, *et mortuus  
fuerit qui percussus est*, id est læsus: *reus  
erit homicidii* qui fecit hoc, *et ipse morietur*,  
id est occidetur. *Si lapidem jecerit*,  
et  $\dagger$  ictu lapidis occubuerit alius: similiter

*puniatur* talis projector, præsertim si pro-  
jecit ut tangeret alium, vel ad locum in quo  
est consuetum et publicum iter. *Si ligno  
percussus interierit*, percussoris sanguine  
vinducabitur, id est, percutiens illum ju-  
dicabitur et interficietur ut homicida. Et  
per hæc tria instrumenta percutiendi, in-  
telliguntur et alia per quæ quis potest oc-  
cidi. *Propinquus occisi*, homicidam talem  
ex proposito occidentem sive lædentem  
*interficiet*, dato iudicio quod reus sit san-  
guinis: *statim ut apprehenderit eum*, in-  
terficiet, id est, occidet eum, quamvis fue-  
rit in civitate refugii, quia in ea non fuerat  
tutus, sed ab ea fuit expellendus, postquam  
judicatus fuit ex proposito occidisse.

*Quod si fortuitu*, id est per ignorantiam  
et sine proposito, *et absque odio et ini-  
micitiis quidquam horum fecerit*, id est  
occiderit, *et hoc audiente populo fuerit  
comprobatum* per testes sufficientes atque  
idoneos: *liberabitur innocens*, id est ca-  
sualis occisor, *de manu ultoris*, cui prohi-  
bebitur a iudicibus facere ultionem in in-  
nocentem, *et reducetur per sententiam  
iudicum in urbem ad quam confugerat*.  
Ex quo innotescit, quod iudicabatur in loco  
suo dominio in quo occidit, illucque du-  
cebatur secure, ut causa sua ibi ventilare-  
tur: nam et quisque sortitur forum a loco  
excessus. Inventaque et approbata per ju-  
dices innocentia ejus, reducebatur cum  
securitate ad urbem confugii. Exemplum  
excusabilis homicidii ponitur in Deutero-  
nomio, ut si ferrum exierit manubrium  
abscidentis ligna in silva, et læserit alium.

Deut. xix,  
5.

*Manebitque ibi*, scilicet in urbe refugii,  
*donec sacerdos magnus*, puta episcopus, *qui  
oleo sancto unctus est in capite et mani-  
bus*, quod inferioribus sacerdotibus non  
fiebat, *moriatur*: quo defuncto, poterat  
ad locum suum reverti, et non ante, ne ex  
ejus inspectione propinqui ejus quem in-  
terfecit, incitarentur adversus eum. Longi-  
tudine autem temporis poterant oblivisci  
mortem propinqui sui occisi, præsertim in  
tempore mortis pontificis, dum erat dolor  
communis et occupatio generalis in aliis,

Lev. xiii,  
12.

vel propter reverentiam novi pontificis; A et item ob mysticam significationem, quia per Christi veri et summi antistitis occisionem, inductum est genus humanum ad celestis patriam paradisi, qua erat privatum demerito Protoplasti.

*Si interfector*, qui a casu quemquam occidit, *extra fines*, id est muros, *urbium*, nisi forte et suburbana sacerdotalium urbium infra earum fines computentur, *quæ exsulibus*, id est fugitivis, *sunt deputatæ*, fuerit *inventus*, et *percutsus ab eo qui ultor est sanguinis*, id est ab occisi propinquo, cui jure divino competit secundum legis tenorem vindicare occisionem sui cognati; *absque nota erit qui eum occiderit*, id est non imputabitur ei ad culpam, si tamen zelo legis et non ex vitiosa fecerit id radice. Nam etsi casualis occisor occidendo non mervit trucidari, tamen non remanendo in urbe confugii juxta legis statutum, meretur occidi. Ideo subditur: *debuerat enim profugus*, utpote hujusmodi homicida, *usque ad mortem pontificis in urbe refugii residere*. Postquam autem ille, videlicet pontifex, *obierit*, homicida *revertetur in terram suam*. Istud et in evangelica lege quodammodo observatur, quantum ad hoc, quod rei cum novo episcopo aut principe redeunt unde exsules erant.

*Homicida sub testibus punietur*, id est, non nisi ex sufficienti testimonio contra eum adjudicabitur poenæ: attamen evidentia facti pro testimonio reputatur. *Ad unius testimonium nullus condemnabitur*, quia facile atque probabile est unum mentiri aut falli sive subverti: ideo ad minus duo testes exiguntur, qui una cum accusatore non possunt tam facile deviare et concordare in malo, quanquam et hoc quandoque contingere possit: sed et lex respicit ad id, quod ut in pluribus accidere solet. Testes quoque diligenter sunt examinandi et seorsum interrogandi de circumstantiis rei: quibus et grave incumbit periculum, si in falsitate deprehendantur. In omni autem materia, certi-

tudo est de circumstantiis rei exigenda secundum qualitatem materie. Ideo in rebus actibusque humanis, in quibus frequenter non potest certitudo absoluta haberi, sufficit certitudo probabilis. Est autem probabile, quod assertio duorum cum tertio concordantium, verior sit quam unius. Nec omnes indifferenter ad perhibendum testimonium admittuntur, sed qui secundum jura censentur idonei.

*Non accipietis pretium ab eo qui reus est sanguinis*. Hoc in veteri Testamento fuit rationabiliter institutum, quoniam iudices ipsi erant ad avaritiam proni. Judæi quoque erant crudeles et ad homicidium inclinati. Ideo hoc rigore oportuit iudicium cupiditatem et subditorum crudelitatem compesci. Unde subjungitur: *statim et ipse qui reus est mortis, morietur*, data contra eum sententia, quæ non sine necessitate est differenda, ne interim aliquo modo evadat. *Exsules et profugi, aut mortem pontificis nullo modo in urbes suas sen alia habitacula sua reverti poterunt*. Hoc dicitur ad designandum, quod nec ab eis fuit pretium accipiendum ut possent redire. Quamvis enim fuerant a crimine homicidii innocentes, tamen propter multa mala vitanda, et propter commune bonum patriæ, erant tali exsilio puniendi. Et enim interdum necesse est bono personæ sen particulari commodo aliquid tolerare propter procurandum vel conservandum bonum commune, quemadmodum nonnunquam propter curationem membri principalioris, totiusve corporis, in membro sano fit quædam incisio, et membrum ægrum omnino abscinditur. Nec in tali casu derogatur personæ, quia et ei sic expedit, et ipsa est pars communitatis, et bonum universale præferendum est bono particulari.

*Ne pollutis terram habitationis vestræ*, id est, opera criminea non faciatis, nec fieri permittatis in ea, nec facta dimittatis inulta. Dicitur autem terra pollui, sicut et consecrari, non quod sit vitii aut virtutis subiectum, sed instrumentum aut medium quoddam, vel ordinata ad sacra aut non

sacra. *Quæ insontium*, id est innocentium, *maculatur* : non quod sanguis innocens sit immundus aut maculans, sed ejus effusor, et ipsa detestanda effusio maculat terram. Præterea propter innocentium sanctitatem, et passionis eorum mortisque meritum, terra interdum dicitur sanctificari, et sancta vocatur : sicut Jerusalem, in qua passus est Sanctus sanctorum, vocatur civitas sancta : et terra promissionis, propter mysteria Christi ibi expleta, sancta vocatur. *Nec aliter expiari potest*, id est purgari, et Deo quodammodo reconciliari, suoque modo placere, *nisi per ejus sanguinem*, id est justam interfectionem, *qui alterius sanguinem fuderit* : ut injustitiæ obliquitas per hanc justitiæ rectitudinem reducat ad medium quoddam, et recompensetur excessus culpæ per adimpletionem justitiæ : sicque fiat uni, sicut fecit alteri, et per quæ peccavit, per ea et puniatur. Simili modo erat vitanda et præcavenda fusio sanguinis homicidii casualis per præfatum exilium. *Atque ita emundabitur vestra possessio*, id est terra seu regio, *me commorante vobiscum*, id est ob hoc, quod ego tam gratiose dignor inter vos commorari, quem non deet in terra polluta morari. Unde in Deuteronomio legitur : Dominus Deus ambulat in medio castrorum ; ideo castra vestra sint sancta. *Ego enim sum Dominus qui habito inter filios Israel*, id est in tabernaculo seu in templo quod erat in medio Israeli- ticæ plebis, imo potius inter filios Israel, id est in cordibus ipsorum per fidem et gratiam, ad quod obtinendum, necesse est D meis obedire præceptis.

Sensus spi-  
ritualis.

Præterea spiritualis et mysticus hujus capituli sensus, hinc inde præhabitus est, qui tamen breviter tangi potest. Nempe per hoc quod sacerdotibus et Levitis datæ sunt urbes ad habitandum, non ad hereditandum aut principandum, designatur in primis, quantum avaritia atque ambitio vitandæ sint sacerdotibus et clericis, maxime religiosæ evangelicæ legis, et ut habentes vietum et legumenta, contenti sint ;

A deinde, quod populus libenter debet temporalia ministrare his, a quibus spiritualia suscipit. Per suburbana vero Levitarum, quibus pecora sua alebant, intelliguntur spiritualia dona, per quæ prælati et spiri- tualia, animas subditorum vulgariisque reficiunt. Quæ suburbana debent mille pas- sum spatio tendi : quia grandis spiritu- alium charismatum exuberantia superi- oribus necessaria est, ut de plenitudine sua copiose communicent sibi commissis. Possunt tamen per suburbana extra ur- bes sita, intelligi libri sacre Scripturæ, et sanctorum Patrum volumina, ex quibus populus saluberrime enutritur : quod si- ne personarum acceptione est faciendum, quod significatum videtur per hoc, quod ad quatuor plagas terræ suburbana æqualiter tendebantur.

1 Petr. iv,  
10.

Porro, per urbes refugii intelliguntur ec- clesiastica sacramenta et penitentiarum loca, claustra, collegia, congregationes devotæ, in quibus protegitur homo ab invisibilibus inimicis, etiam mortem evadit perpetuam : quæ si ante mortem exierit præsulis, occide- tur : quoniam si prætaeta refugii deserue- rit loca sive remedia, antequam finaliter merito dominicæ passionis salvetur, æter- naliter perit. Hæc quoque refugii loca, inter sacerdotes spiritualesque homines maxime reperiuntur. Amplius, nolens sanguinem fudit, qui non ex deliberatione, sed ex infirmitate aut ignorantia peccat et alios scandalizat, et facilius veniam promeretur. Qui autem ex proposito et certa scientia facit hoc, difficulter curatur, potissimum si consuetudinis prævæ mole oppressus sit : sed desperandum non est, quoniam omnipotenti Medico animarum, universa non solum possibilia, sed et facillima sunt. At vero de urbibus refugii tres sunt trans Jordanem, et tres ab alia parte, quia tam spirituales quam sæculares indigent istis remediis.

*Si quis ferro percusserit*. Ferro occidit, qui detrahit. Detractio namque est gladius bis acutus et ferrum durissimum, quo de- tractor simul et auditor, nisi dissentiant,

1 Tim. vi, 8.



perimuntur. Lapidem projicit et occidit, A qui cum immoderata asperitate increpat aut objurgat, aut pungitiva pronuntiat verba. Ligno autem occidit, qui virgam correctionis ultra mensuram extendit, nec juxta modum culpæ apponit remedium pœnæ. Per hoc demum quod cognatus occisi poterat homicidam opprimere, significata videtur spiritualis censura Ecclesiæ, qua per excommunicationem, suspensionem, interdictum, degradationem, aut simili modo aliqui puniuntur. Per exsilium vero fugitivi notatur, quod homo tandiu a mystico corpore Ecclesiæ permanet separatus, quousque per pœnitentiam Deo reconcilietur in morte pontificis, id est virtute et merito dominicæ passionis. Per hoc etiam quod Dominus prohibuit pretium accipi ab eo, qui reus est sanguinis, constat quam dire peccent, qui in evangelica lege

ex cupiditate aut cum remissione pretium sumunt a facinorosis in derogationem justitiæ et jacturam reipublicæ, aut crimina fieri sinunt quæ possent aliquo modo impedire, ut ex aliorum sceleribus atque injuriis temporalia commoda sortiantur: qui utique ineffabiliter vitiosissimi sunt censendi, qui pecunias sic præferunt Deo et proximorum saluti atque virtutibus.

Postremo, si terram illam Israelitarum et tabernaculum Domini oportuit esse tam munda, quia ibidem Dominus habitavit, B quanto magis terram, loca et regna, claustra, collegia, ecclesias, imo potissimum corda Christianorum, in quibus Deus tam multipliciter, tam misericordissime, tam evidentissime commemorari dignatur, ubi et per sacramentalem sic adest præsentiam, per ecclesiastica sacramenta, per Sanctorum reliquias?

## ARTICULUS LV

EXPOSITIO LITTERALIS CAPITULI TRICESIMI SEXTI : ACCESSERUNT AUTEM ET PRINCIPES FAMILIARUM.

**L**EX specialis circa matrimonia contra- C henda, in præsentī recitatur capitulo. *Accesserunt autem et principes familiarum Galaad, hoc est viri sic dicti, filii Machir, filii Manassæ, de stirpe filiorum Joseph: de quorum genealogiis dictum est supra. Locutique sunt Moysi: Tibi domino nostro vicariāli et secundario præcepit Dominus universorum, primus ac principalis, ut divideres terram filiis Israel sorte, et ut filiabus Salphaad fratris, id est cognati, nostri, dares possessionem debitam patri, id est partem hereditariam, quam* D *pater earum habiturus erat, nisi peccando deemeruisset: de quo præcepto et causa institutionis sue dictum est supra, quia videlicet pater earum non habuit aliquem filium. Quas si alterius tribus homines,*

*id est viri, uxores acceperint, sequetur possessio sua: hoc est, hereditas familiarum illarum devolvetur ad earum filios, et consequenter ad tribum illam, de qua earum filii fuerint nati ex parte patris: quoniam genealogia filiorum sumitur ex parte patrum suorum, non matrum; imo nec moris est Scripturarum, mulierum genealogiam describere, ut ait Hieronymus. Atque ita fiet, ut quum jubilarus, id est quinquagesimus annus remissionis advenierit: in quo omnis hereditas ad pristinam redit tribum atque heredem, quia nec poterat ultra tempus illud alienari aut vendi, ut dictum est sæpe; confundatur sortium distributio: hoc est, hereditates sortibus distributæ misceantur confuse ad invicem, deveniendo ad alias tribus,*

*Numer. xxvi, 29.*

*Ibid. xxvii, 1-6.*

nec maneant sicut a Domino erant distinctæ.

*Respondit Moyses, et Domino præcipiente, ait: Recte tribus filiorum Joseph locuta est: hoc est, viri isti de tribu Manassæ filii Joseph nati, sapienter quæstionem hanc proposuerunt, ad evitandum inconvenientiam jam præacta. Et hæc lex, hoc est iussio, super filiabus Salphaad, a Domino promulgata est, hoc est, mihi a Deo est revelata per angelum, ut eam omnibus pandam. Nubant quibus volunt, tantum suar tribus hominibus: non tamen indifferenter quibuscumque viris de tribu sua, sed eis, qui secundum legem non excluduntur ab earum connubio, propter consanguinitatem vel affinitatem. Deinde occasione casus istius datur lex generalis: Omnes enim viri ducent uxores de tribu et cognatione sua: non quod omnes mares erant obligati simpliciter ad contrahendum conjugium, quum nec Elias nec Jeremias hoc fecerunt; sed omnes matrimonium contracturi, contrahant eum mulieribus suar tribus: et cunctæ feminae maritandæ, de eadem tribu, de qua ipsæ sunt, maritos accipient, ut hereditas permaneat in familiis, hoc est, quælibet familia teneat, aut saltem in jubileo recipiat hereditatem patrum suorum, quæ ei secundum legem debetur.*

Ex hoc verbo doctores eliciunt, istud non esse intelligendum de mulieribus quibuscumque, sed de his, in quibus locum habuit ratio hujus institutionis, hoc est de feminis in hereditate paterna succedentibus, ex quarum connubio cum viris aliarum tribuum inito, sequi poterat hereditatum ad aliam tribum translatio, sortiumque confusio. Unde et Thomas ait in prima secundæ, quæstione 105: Lex non statuit, quod mulieres succederent in bonis paternis, nisi in defectu filiorum masculorum. Tunc namque necessarium erat in tali casu, ut successio hereditatis concederetur mulieribus in consolationem patris, cui valde grave fuisset, si ejus hereditas transisset ad omnino extraneos. Adhibuit

tamen lex circa hoc debitam cautelam, præcipiens ut mulieres succedentes in hereditate paterna, nubere suar tribus hominibus, ad hoc quod sortes tribuum non confunderentur. Hæc Thomas. Hinc etiam asserit Augustinus, quod mulieres non succedentes in hereditate, poterant successive nubere maritis tribuum diversarum, quum et in Judicum libro scriptum sit, quod post Abimelech surrexit dux in Israel Thola filius Phua patris Abimelech, vir de Issachar. Sicque Phua fuit frater Gedeonis, qui fuit pater ipsius Abimelech, quum tamen Gedeon esset de tribu Manasse. Ad quod Augustinus respondet, quod Phua et Gedeon fuerunt fratres ex parte matris, quæ successive nupsit nui viro de Manasse, et alteri viro de Issachar: quod et expositores communiter approbant.

Sed obviare videtur auctoritas litterarum hujus. Nam sequitur: *nec sibi misceantur tribus, sed ita maneant, ut a Domino separatae sunt.* Denique maritus et uxor correlativa sunt, et rite concluditur, si femina nubat viro alterius tribus, quod etiam vir contrahat eum muliere alterius tribus. His de causis quidam dixerunt, quod nulla mulier secundum legem poterat nubere viro alterius tribus, nec e converso: quos sequitur Lyra hoc loco, quamvis super Judicum libro aliter dicat. Nempe hic scribit: Non poterant viri accipere mulieres, etiam hereditatem non habentes, de alia tribu: nec per consequens illæ, videlicet mulieres, poterant contrahere cum viris alterius tribus, quoniam ex utraque parte eadem ratio assignatur, utpote impermixtio tribuum. Dispensatum tamen fuit, quod tribus regia et sacerdotalis poterant matrimonio sociari, propter utriusque tribus nobilitatem: et item, ut ex mutua familiaritate reges tenerentur facilius in cultu Dei per sacerdotes: et rursus, ut per regis et sacerdotum concordiam, communis pax magis conservaretur in populo. Hæc Lyra.

Sed Rabbi Paulus his contradicit: In hoc, inquit, præcepto multum deviat

Judic. i, 1.

translatio nostra a veritate Hebraica, quia A secundum Hebraicam veritatem non prohibetur mulieribus, quin nubant quibuscunque voluerint de genere Israelitico, nisi tantum feminis hereditatem habentibus. Nam ubi nostra translatio habet, Omnia feminae maritos de eadem tribu accipient, in Hebræo habetur, Omnis filia quæ habet hereditatem, viri de cognatione patris sui erit uxor. Similiter non prohibetur, quin viri ducant uxores de alia tribu. Hoc enim quod dicitur in nostra translatione, Omnes viri ducant uxores de tribu et cognatione B sua, non est in Hebræo, sed ibi sic dicitur : Non revertatur hereditas filiorum Israel de tribu in tribum, sed unusquisque in hereditate patrum suorum adhaereat. Similiter ubi nostra translatio habet, Ne sibi misceantur tribus, etc., in Hebræo habetur, Ne revertatur hereditas unius tribus ad aliam tribum. Nec legitur aliquando facta dispensatio, ut tribus regia et sacerdotalis possent matrimonio commisceri. Non enim necessaria fuit in hoc dispensatio, quia Deus non prohibuit commixtionem tribuum, nisi tantum ubi ex tali matrimonio posset sequi commixtio hereditatum, ut patet secundum Hebraicam veritatem.

In his Rabbi Pauli verbis male sonat, quod ait translationem nostram multum a veritate Hebraica discrepare. Sic enim videtur sequi, quod vera non esset. Nec Lyra aliquid tangit hic inde, qui tamen communiter tangit, quando aliquid aliter aut plus habetur in nostra translatione quam in Hebræo. Nec verisimile reor, B. Hiero-

onymum tantam hic fecisse mutationem verborum aut sensus : nec ignorabat consuetudinem Hebræorum in observationibus connubiorum. Ideo puto, quod sine dispensatione non licuit aliter fieri, quam noster continet textus, et si absque dispensatione aliter fiebat, illicitum fuit. Unde quod David filiam Saul sumpsit uxorem, ex dispensatione creditur factum, sive Deus per occultam inspirationem, sive per Prophetarum revelationem, aut alio modo dispensaverit ita.

*Feceruntque filiae Salphaan, ut sibi fuerat imperatum : in quo earum obedientia commendatur.*

Postremo subditur epilogus prædictorum. *Hæc sunt mandata atque judicia.* Per judicia intelliguntur judicialia Dei præcepta. Et quia in hoc libro multa sunt jussa, quorum aliqua ad præcepta moralia, aliqua vero ad caerimonialia pertinent, possunt duplicia ista præcepta hoc loco intelligi per id quod ait : *Hæc sunt præcepta. Quæ præcepit \* Dominus per manum,* hoc est \* *mandavit* ministerium, *Moyſis ad filios Israel in campeſtribus Moab supra Jordanem contra Jericho.*

Spiritualiter, qui illicita, clandestina, aut prohibita incunt conjugia, confundunt Ecclesiae ordinationem, et hereditate Patris cœlestis privantur. Omnes quoque Christiani fideles contrahere cupientes, non nisi suis sociantur cognatis, hoc est personis ejusdem, non disparis, cultus, ut pariter atque concorditer ministrent Altissimo, et ad ejus honorem proliferent, qui est super omnia Deus sublimis et benedictus. Amen.





ENARRATIO  
IN LIBRUM DEUTERONOMII





## PRÆFATIO

**S**ERVA mandata et legem quasi pupillam oculi tui. Liga eam in digitis tuis, et in tabulis cordis tui scribe eam. Prov. xii. 2, 3.

In his verbis tria tanguntur : Primum est, quam diligenter servanda sint mandata Dei et lex ejus, per operum executionem, quantum ad substantiam facti seu actus, quum dicitur, Serva mandata, id est, adimple. Secundum est, quam tenaciter lex divina sit custodienda per veram discretionem, ut scilicet ea quæ legis sunt, non solum fiant quantum ad actum imperatum, sed etiam ut cum debitis circumstantiis impleantur, utpote suo loco et tempore, et taliter ac recta intentione, sicut oportet, et ut dicat discretio, quæ significatur per digitos quemadmodum opus seu vis operativa per manus. Tertium, quam indelebilitè lex divina sit memoriæ imprimenda, dum additur, In tabulis cordis tui scribe eam. Nempe hæ tabulæ sunt intellectus atque memoria, seu intellectus speculativus et practicus, vel voluntas et intellectus, ut sicut intellectus exerceendus est jugiter in consideratione et commemoratione cœlestium præceptorum ac legis divinæ, ita voluntas semper parata sit et fervens ad eorundem executionem. Unde de viro fideli cantatur : In lege Domini voluntas ejus, et in lege ejus meditabitur Ps. 1, 2. die ac nocte. Itaque ad observantiam legis Dei concurrunt hæc tria, quamvis non eo ordine ut nunc tanguntur, sed modo retrogrado. Primo namque requiritur, ut lex divina insit memoriæ : secundo, ut cum discretionem servetur : tertio, ut realiter fiat quod jubet, si adsit facultas.

Porro, ad hoc quod aliquid firmiter imprimatur memoriæ, et diligenter actualiterque pensetur, confert, quod sæpius repetatur, atque interdum ad tollendum fastidium sub verbis aliis resumatur, et aliquando enim additamentis : et ita in præsentī libro nunc exponendo peragitur. Dicitur quippe liber iste Hebraice, ELLE HADDEBAMM : Græce autem, † δευτερον, id est, iterum, vel δευτερονόμιον, quod Latine interpretatur, secunda lex, hoc est lex secundo seu altera vice repetita. Ideo in hoc libro descripta non est alia ab ea, quæ in Exodo, atque Levitico, Numerorumque libro digesta est. Hinc loquitur Glossa : Intentio Moysis in hoc libro est, recapitulare prædicta triplici ratione. Primo, ut acrius memoriæ commendentur. Secundo, ut per tam frequentem repetitionem insinuetur, et mentibus inculcetur utilitas eorum quæ continentur in lege ista. Quod etenim utile est, merito non pigebit sæpius dicere, nec molestum debet esse frequenter audire. Tertio, ut Judæorum duritia condemnetur, qui toties dictum non impleverunt. Propterea Magister in historiis ait : δευτερον Græce, Latine interpretatur, iterum vel secundo : et νόμος lex, quasi secunda lex. Ex hoc nomine quidam errantes, dixerunt duas esse leges : unam quæ in libris præcedentibus continetur, alteram datam a Moyse, quæ in isto libro habetur. Quod probabant ex hoc, quod de illa legitur lege. Locutus est Dominus ad Moysen : de ista autem, Locutus est Moyses ad omnem Israel : et item per hoc, quod hic multa leguntur, quæ supra expressa non sunt. Sed verius dici-

*1 Cor.* ix, 9. tur, quod non sit nisi una lex vetus, quæ ab apostolo Paulo ac aliis sæpius appellatur  
*Hebr.* x, 28. lex Moysis, quam lex Dei. Hebræi quoque vocant hos quinque libros Moysis, תּוֹרָה, id est Legem. Iterantur autem tria in libro isto, tribus de causis. Primo enim, iterantur præcepta et caerimoniae, ut commendentur memoriae, et ut repetitio sit confirmatio. Secundo, repetuntur beneficia Dei, ut per ea accendamus amore ipsius. Tertio, flagella peccantium, ut timor Dei nobis inculcetur. Hæc ibi.

Denique sanctus Moyses in hoc libro ita procedit, quod obscura declarat, præhabita breviter replicat, supplet omissa, necessaria quoque addit et applicat.

# ENARRATIO IN LIBRUM DEUTERONOMII

## HEBRAICE ELLE HADDEBARIM

IN QUO REPLICANTUR QUÆ IN QUATUOR LIBRIS PRÆHABITIS  
DICTA SUNT, ATQUE DE VARIIS LEGALIBUS INSTITUTIONIBUS, MORTE MOYSIS,  
ET JOSUE AGITUR SUBSTITUTIONE.

### ARTICULUS PRIMUS

EXPOSITIO LITTERALIS CAPITULI PRIMI : HÆC SUNT VERBA QUÆ LOCUTUS EST MOYSES  
AD OMNEM ISRAEL.

**F**ACTOR libri hujus, quasi prologum A quemdam ac titulum volumini huic præmittit, dicendo : *Hæc sunt verba quæ locutus est Moyses ad omnem Israel trans Jordanem in solitudine campestri.* Porro quod ait, Trans Jordanem, quidam sic intellexerunt, quasi verba ista prolata sint pertransito jam Jordane, hoc est, postquam filii Israel transierunt Jordanem : et quoniam Moyses non transivit Jordanem, sed obiit antequam Jordanem filii Israel transierunt, prout infra scriptum est : hinc dixerunt quod Moyses non conscripsit hunc librum, sed Josue. Verum hoc argumentum perimit semetipsum. Nam sive Moyses, sive alius librum hunc conscripserit, oportet concedere, quod ipse verba ista protulerit trans Jordanem, sicut textus evidenter affirmat. Quum ergo Moyses non transivit, nec pervenit ultra Jordanem, fateri necesse est, id quod dicitur, Trans Jordanem, non posse intelligi ultra Jordanem a loco possessionis duarum tribuum

atque dimidiæ, quæ communiter habitasse dicuntur trans Jordanem, quia in terra possessionis earum defunctus est Moyses. Ideireo quod ait, Trans Jordanem, intelligendum est per respectum terræ promissionis, præsertim urbis Jerusalem, ita quod Moyses dixit hæc verba trans Jordanem, hoc est in terra quæ respectu Jerusalem et terræ promissionis, est ultra, non citra, Jordanem. Unde in Scholastica fertur historia : Pro situ terræ promissionis Scriptura dicere solet, Ultra Jordanem, vel Citra Jordanem. Itaque terra duarum tribuum ante Jordanis transitum acquisita, vocatur Trans Jordanem respectu terræ promissionis. Per solitudinem autem campestram, intelligitur magna illa planities campi, in terra Moab supra Jordanem siti, in qua filii Israel multis quieverunt diebus, ut in libro Num-

*Deut.*  
XXXIV, 5.

*Num.* XXXIII,  
49.

*Deut.*  
XXXIV, 5.

Præterea quaeritur, cur dictum est, Hæc sunt verba quæ locutus est Moyses, et non



potius. Quæ scripsit. Respondetur, quod A  
verba sequentia Moyses primo pronuntia-  
vit ad populum, exhortando ac instruendo :  
deinde conscripsit, quemadmodum infra  
habetur : Scripsit itaque Moyses legem  
hanc. Itemque : Postquam scripsit Moyses  
verba legis hujus atque complevit. Nec  
mirum aut rarum, quod Moyses in tertia  
persona loquitur de se ipso, quasi de alio,  
quum et alibi frequenter ita locutus sit,  
sicut dum ait, Erat Moyses vir mitissimus.  
Ideo ait Glossa : Hæc de se tanquam de  
alio, more sanctæ Scripturæ dicit. Sic nam-  
que vitat, et vitandam docet arrogantiam,  
sen propriam laudem. Similiter Job de se  
dicit : Vir erat in terra Hus. Et Joannes :  
Hic est discipulus qui testimonium perhibet  
de his. Vel per istum modum loquendi,  
Spiritus Sanctus perhibet testimonium  
Moysi, ut nemo dubitet eum ista scripsisse.  
Hæc Glossa. Tamen ut dictum est, quidam  
dixerunt Moysen ista oretenus prædicasse  
ad populum, et ipsum Josue aut (secundum  
quosdam) Esdras ea redegeisse in  
scriptis. Hinc Petrus Comestor : Videtur  
Hieronymus velle, quod Josue magnam  
hujus libri scripserit partem : sed verius  
esse videtur, quod a Moysæ scriptus sit, et  
ista in principio apposuit Esdras, quem-  
admodum et in fine libri, de obitu Moysis.  
Hæc Petrus. Verumtamen probabilius reor,  
quod Esdras non apposuit aliquid prin-  
cipio hujus libri, quum et in textu isto  
dicatur quod Moyses verba ista locutus  
sit, nec Hebræi hoc dicant. Ultimum vero  
hujus libri capitulum, creditur a Josue  
editum : quod et Hebræi fatentur.

Moyses igitur volens in exordio hujus  
voluminis insinuare, quod primo dixerit  
verba ista ad populum, deinde ea conscrip-  
serit, ita exorsus est scribere hoc volu-  
men : Hæc sunt verba quæ locutus est  
Moyses. Itaque locutus est ista in solitudi-  
ne campestri, *contra mare Rubrum*, hoc  
est ex opposito alienius partis, aut sinus  
maris illius, cujus aliqua pars videtur non  
multum distans fuisse a loco illo : *inter  
Pharan et Tophel et Laban et Haseiroth*.

Secundum Glossam, ista sunt nomina qua-  
tuor montium ac locorum vicinorum cam-  
pestribus, in quibus ista locutus est Moy-  
ses. Pharan quoque quandoque accipitur  
pro urbe, interdum pro provincia. Laban  
etiam interdum est nomen proprium viri.  
*Ubi auri est plurimum*, id est, multum  
de auro est in illo loco. Et quod ait, Ubi,  
potest referri vel ad ultimum horum loco-  
rum, vel etiam ad alia : nec certum arbi-  
tror, ad quid potius referatur.

At vero, secundum Thomam super illud  
B Job. Auro locus est in quo conflatur : *Job xxxviii, 1*  
Quum aurum sit purissimum, invenitur ut  
plurimum in sua puritate generatum, inter  
fluviorum arenas propter multitudinem  
evaporationis et caliditatem arenæ, quia  
ex multis arenulis colliguntur granula au-  
ri, quæ in unum liquantur : quod fit in lo-  
cis ubi concurrit debita proportio virtutis  
activæ, ad materiam de qua gignitur au-  
rum. Generantur quippe metalla ex vapo-  
ribus humidis, ex terra resolutis, per vir-  
tutem et calorem solis ac siderum : propter  
quod metalla liquabilia sunt atque ducti-  
lia : quemadmodum lapides et hujusmodi,  
quæ non molliuntur nec funduntur, ex  
sicca exhalatione infra terram retenta. Di-  
versificantur autem species metallorum  
secundum majorem et minorem puritatem  
resoluti vaporis, secundum diversam quo-  
que efficaciam et vim digerentis caloris,  
inter quæ aurum videtur esse purissimum,  
et post illud argentum. Amplius, super il-  
lud Job, Ab aquilone aurum venit, scribit  
C Albertus : Aurum inter metalla est melio-  
ris digestionis et commixtionis : ad quod  
requiritur, ut frigus circumstans extrinse-  
cum reprimat, et impellat calorem minera-  
lem ad interiora viscerum terræ, ut calor  
ille intensus sit ad digerendum metalli  
materiam. Idcirco in aquilone ubi frigus  
circumstat, aurum melius generatur. Hæc  
quoque est causa, quod in fluxiorum are-  
nulis frigidorum generatur multoties au-  
rum, quia frigiditas aquæ impellit calorem  
ad profundum, ut melius digerat mate-  
riam, et faciat puriorem. Ex his elici po-

Deut. xxxi,  
9, 21.

Num. xii, 3.

Job i, 1.

Joann. xxi,  
24.

Deut.  
xxxiv.

Ibid.  
xxxvii, 22.

test, cur in loco praefato sit multum de A

*Undecim diebus de Horeb per viam montis Seir usque ad Cadesbarne.* Hoc quidam exponunt sic, quod Moyses per undecim dies exposuit populo legem. Sicut quod dicitur, Undecim diebus, refertur ad verba illa praehabita, Haec sunt verba quae locutus est Moyses. Cui expositioni non videtur consonare quod subditur, De Horeb per viam montis Seir usque Cadesbarne : nisi dicatur quod per viam illam quae fuit a monte Horeb per montem Idumaeorum, quae via decem dietas includit, Moyses locutus sit ista. Quod etiam Glossa tangit et sentire videtur, dicendo : Undecim diebus antequam veniret ad Cadesbarne, Moyses legem solo verbo recapitulavit, et de Cadesbarne usque campestria Moab. Verum huic expositioni a quodam obijcitur, quoniam non apparet, quod Moyses ambulando exposuerit legem, quoniam explanatio talis requirit docentis audientiumque quietem. Quae obiectio facillime solvitur, quum et Christus in Evangelio legatur ambulando populum docuisse. Filii quoque Israel in itinere constituti, certis horis pausabant. Legitur quoque primo Machabaeorum libro de Juda Machabaeo : Erat Judas congregans extremos, et exhortabatur populum per totam noctem, donec venirent in terram Juda.

Sed magis me movet, quod dictum est quod Moyses locutus est verba haec in solitudine campestri contra mare Rubrum, et paulo post in isto habetur capitulo, quod cepit legem explanare interfectis regibus D

a monte Horeb, venerunt illuc, videlicet usque Cadesbarne, in tribus diebus. Et respondendum, quod dictum hoc Rabbi Salomonis non videtur salvari posse, nec textui consonare. Scriptum est enim in Numeris, quod profecti sunt de monte Domini, utpote de monte Horeb, seu Sinai, viam trium dierum, sicutque venerunt ad sepulera Concupiscentiae, in quo integro mense aut circiter, carnes ederunt, ut in Numeris scribitur. Inde egressi, venerunt in Haseiroth, ubi septem diebus manserunt, prout in Numeris legitur : atque post hoc venerunt in Cadesbarne, quemadmodum in Numeris rursus recitatur. Non ergo in tribus diebus venerunt illuc. Verumtamen Rabbi Salomon protestatur, quod spatium inter Horeb et Cadesbarne sit itineris undecim dierum.

Insuper dici posset, quod etiam post recessum a monte Horeb, cepit Moyses legem aliquantulum explanare, cundo per viam usque ad Cades : sicutque per solitudinem campestris possit intelligi eremus illa instar campi plana : sed postea fixus in loco campi Moab praefato, cepit legem plenius explanare, sicut subjungitur.

*Quadragesimo anno, undecimo mense quadragesimi anni, prima die mensis undecimi.* Quocirca queri potest, de quo quadragesimo anno istud dicatur. Ad quod in Scholastica respondetur historia : Quadragesimo anno ab exitu filiorum Israel de Aegypto. Isidorus quoque : Quadragesimo, inquit, annis filii Israel ad terram promissionis venerunt, seu transierunt. Sed obviare videtur, quod secundum Glossam, ab exitu Israel de Aegypto usquequo pervenerunt ad campestria Moab supra Jordannem, fluxerunt quadragesimo duo anni. Et hoc videtur probabile, quia ut in Numeris fertur : Quum redissent exploratores quadragesimo die, et populum murmurare fecissent, locutus est Dominus, quod quadragesimo annis vagi existerent in deserto, secundum numerum dierum explorationis et reditus. Fuerunt autem filii Israel ante exploratorum missionem, integro anno in

Luc. xiii,

22.

1 Mach. v,

33.

\* viam

Numer. xvi,

24, 33.

Numer. x, 33.

Ibid. xi, 20.

Ibid. 34.

Ibid. xii, 15.

Ibid. xiii,

27.

Ibid. 26 ;

xiv, 33, 34.

monte Sinai, imo secundum Hieronymum, *A* per annum et quatuor dies, ut dictum est in Numeris. Venerunt vero ad montem Sinai quadragesimo septimo die post exitum de Ægypto. Numerantur etiam quadraginta dies, a recessu de Sinai usque ad missionem exploratorum, ut patet ex dietis in isto articulo. Et præter hos dies, fuerunt et alii multi dies post secundam populi numerationem, antequam filii Israel post mortem Moysis transierunt Jordanem. Nam et obitum Moysis deplanxerunt triginta diebus. Sicque in toto colliguntur circiter *B* quadraginta duo anni ab exitu de Ægypto, usque dum venerunt ad campestria Moab. Idcirco quod dictum est, Quadragesimo anno, etc., videtur intelligendum, de anno quadragesimo a reditu exploratorum ad Moysen.

Itaque, quadragesimo anno, undecimo mense, prima die mensis, *locutus est Moyses*, id est, loqui cœpit per modum explanationis, *ad filios Israel*. Jam dictum est, quod ad omnem Israel verba ista locutus sit. Quibusdam tamen apparet non esse probabile, quod universus populus ille potuerit verba Moysis immediate audire. Propterea dicunt, quod loquebatur majoribus populi, et majores ad tribus seu turmas sibi subjectas: sed quoniam Deus omnia quasi miraculose egit per Moysen, facile fuit Deo sic ordinare, quod verba Moysis audirentur distincte ab omnibus tempore opportuno, præsertim quum Moyses esset totius plebis illius legislator et doctor communis. *Omnia quæ præceperat illi Dominus* per angelum, *ut diceret eis*: in quo patet obedientia Moysis. Non tamen in ista explanatione legis repetivit omnia in speciali, quæ (Deo iubente) dixerat ante ad Israel: sed omnia quæ Deus iussit resummi, resumpsit, et aliqua addidit; vel resumpsit omnia, hoc est quædam de omnibus, videlicet aliqua de præceptis judicialibus, et quædam de carimonialibus, aliqua quoque de moralibus, vel omnia in generali. *Postquam percussit Schon regem Amorrhæorum, qui habitavit in Hesebon,*

*et Og regem Basan, qui mansit in Astaroth et Edrai, trans Jordanem in terra Moab*, hoc est, postquam Moyses eum populo Israel (Deo auxiliante) percussit duos reges præfatos, eorumque populos. Porro, quæ in textu isto dicuntur, exposita sunt in Numeris.

*Cœpitque Moyses explanare legem* obseura elucidando, *et dicere*. Porro, secundum Josephum, Moyses congregavit populum ad Jordanem, ubi tunc erat civitas Abila, et locus palmarum. *Dominus Deus noster locutus est ad nos in Horeb*, id est in monte Sinai, *dicens: Sufficit vobis quod in hoc monte mansistis*, id est, satis diu fuistis in monte isto; *revertimini*, hoc est, mentem vestram rursus convertite ad peragendum versus terram promissionis, ob cuius acquisitionem egressi estis Ægyptum, jamque per annum cessastis ab isto itinere, et circa alia occupati, interrupistis propositum eundi ad terram illam. Vel ideo ait, *Revertimini*, quoniam quamvis filii Israel, de quibus Dominus ista locutus est, non fuerunt ante in terra promissionis in propriis personis, tamen patres eorum demorati erant in illa, atque ex ea descenderunt in Ægyptum: sicque propter unitatem consanguinitatis ac parentelæ, filii dicuntur illuc reverti: quia quod patribus convenit, adscribitur filiis, et contra. Unde interdum legitur Deus dixisse ad Abraham: *Tibi dabo terram hanc*. Hinc in Genesi legitur Deus dixisse ad Jacob existentem in via ad intrandum Ægyptum: *Noli timere descendere in Ægyptum, quia ego descendam tecum illuc, et inde adducam te revertentem*. Et tamen constat quod Jacob in propria persona non rediit inde. Dominus quoque ait ad Abraham de posteris ejus: *Generatione quarta revertentur* *huc*.

*Et venite ad montem Amorrhæorum*, hoc est, accedite terram promissionis, in qua sunt montes qui dicuntur esse eorum qui commorantur ibidem: et potest per montem intelligi aliquis mons eminentior aliis, situs circa terram præfatam: *et ad cete-*

*Num. x.*  
11, 12.

*Exod. xix.*  
1.

*Deut. xxxiv.*  
8.

*B*

*C*

*D*

*Num. xxi.*  
21 et seq.

*Gen. xii, 7.*  
xiii, 15.

*Ibid. xlii.*  
3, 4.

*Ibid. xliii.*  
32.

*Ibid. xiv.*  
16.



ra quæ ei proxima sunt loca, campestria A  
atque montana et humiliora loca contra  
meridiem. Per verba hæc exprimitur ma-  
gnitudo terræ promissionis, in qua erant  
magni campi, et loca montana ac valles :  
eratque terra illa situata contra meridiem  
respectu terræ Ægypti, quæ versus au-  
strum vergebat quoad terram promissio-  
nis. *Et juxta littus maris.* Hoc de Medi-  
terraneo mari exponitur, super quod terra  
promissionis, quoad longitudinem suam  
dicitur situata, et est terminus ejus ab  
occidente. Unde subjungitur, *terram Cha-*  
*nanaeorum* : nam terra promissionis com-  
muniter appellatur terra Chanaan seu Cha-  
nanaeorum, qui nati fuerunt ex Cham filio  
Noë, et habitaverunt in ea : *et Libani* :  
eadem terra vocata est terra Libani, quia  
in termino ejus aquilonari est mons Liba-  
ni situs : *et usque ad flumen magnum Eu-*  
*phraten.* Euphrates est unus de quatuor  
fluviiis paradisi, ut in Genesi habetur, et  
per Chaldaeam decurrit : et versus ortum  
solis, dicitur esse terminus terræ promissio-  
nis, saltem pro aliqua sui parte.

Præterea, verba jam memorata non le-  
gitur Deus dixisse ad filios Israel, quum  
essent juxta Sinai montem, in aliquo qua-  
tuor præcedentium librorum, nec apparet  
quod immediate dicta sint ad populum to-  
tum, sed primo ad Moysen, et per eum ad  
plebem. Verumtamen aliquid simile his in  
libro Numerorum conscriptum est, utpote,  
Ad imperium Domini movebant castra, seu  
erigebant tentoria, et ad imperium illius  
deponebant. Quum autem filii Israel in  
monte Sinai acceperint legem, et taber-  
naculo cum suis attinentiis ibi completo,  
ceterisque peractis in monte illo, quæ in  
Exodo et in libro Numerorum ibi peracta  
leguntur, tempus fuit ut inde recederent  
ad terram promissam.

*En, inquit, tradidi vobis,* hoc est, ter-  
ram illam dare decrevi, et tam certitudi-  
naliter tradam, nisi obiecem ponatis, ac si  
eam jam tradidissem. *Ingreddimini et pos-*  
*sidade eam, super quam juravit Dominus*  
*patribus vestris,* id est, cum juramento

asseruit et promisit, quod daret eam patri-  
bus vestris, *Abraham, Isaac, et Jacob, ut*  
*daret illam eis,* sicut in Genesi originali-  
ter legitur, *et, pro id est, semini eorum*  
*post eos* : non enim dedit terram illam Pa-  
triarchis præfatis in propriis eorum per-  
sonis, aut per exhibitionem realem, sed  
posteritati eorum. Propter quod beatissi-  
mus Stephanus martyr ait : Deus gloriæ  
transulit Abraham in terram istam, et non  
dedit illi hereditatem in ea, nec passum  
pedis, sed repromisit dare illi eam in pos-  
sessionem, et semini ejus post eum.

*Dirigite vobis illo in tempore,* hoc est  
in anno quo circa montem Sinai mansi-  
mus, vel in Raphidim, et ante prolationem  
verborum jam dictorum : *Non possum so-*  
*lus sustinere vos,* hoc est, gubernare et  
judicare ac expedire universa negotia ve-  
stra : *quia Dominus Deus vester multipli-*  
*cavit vos, et estis hodie sicut stellæ cæli,*  
*plurimi,* hoc est valde multi, quamvis  
multo pauciores quam sidera : et ita est  
comparatio hyperbolica. Unde et in Genesi

C Dominus dixerat Abraham : Suspice cælum,  
et numera stellas, si potes : sic erit semen  
tuum. *Dominus Deus patrum vestrorum*  
*addat ad hunc numerum* vestrum : qui  
determinate habetur in Numerorum libro  
pro tempore illo. Nam legitur ibi : Ista est  
summa filiorum Israel, qui recensiti sunt,  
sexcenta millia, et mille septingenti tri-  
ginta. Tot equidem erant viri. Estque pro-  
babile, quod mulieres et parvuli ac puellæ  
et juvenes infra vicesimum annum exsi-  
stentes, multo plures fuerunt. Itaque, Do-  
minus addat successive, per generationis  
propagationem, *multa millia,* ut populus  
Deum verum colens, numero augeatur ac  
merito. Propter quod subditur : *et bene-*  
*dicat vobis per infusionem supernorum*  
*charismatum et temporalium affluentiam*  
*rerum, sicut locutus est se facturum, dum-*  
*modo peccando obiecem non ponatis.* Ita-  
que Moyses non oravit absolute pro sola  
individuum multiplicatione, sed et pro  
eorum sanctificatione, seu pro bonorum  
suppositorum copiosa propagine. Propter

Gen. xi, 31;  
v. 6.

Ibid. ii, 11.

Num. ix,  
18, 20.

Gen. xv 7,  
18 etc.

Act. vi, 2.

Gen. xv, 5.

Num. xvi,  
51.

*Ecclesi. xvi.* quod scriptum est in Ecclesiastico : Utile A  
 4. est mori sine filiis, quam relinquere filios  
*Ibid. i. 3.* nequam. Et rursus ibidem : Ne jucunderis  
 in filiis nequam si multiplicentur. Melior  
 est unus timens Deum, quam mille filii  
 impii.

\* *valeo* Non possum \* solus negotia vestra susti-  
 nere, hoc est, causas vestras portare, exam-  
 inare, et exsequi, et pondus, id est cu-  
 ram, ac jurgia, hoc est contentiones et  
 lites. Date ex vobis viros sapientes et qua-  
 ros, id est, eligite ex tribubus vestris viros  
 in divinis ac temporalibus eruditos præ B  
 ceteris, utpote aptiores ad regimen alio-  
 rum, quorum conversatio sit probata in  
 tribubus vestris, id est, qui communi om-  
 nium aut plurimorum testimonio sint bo-  
 nae vitæ ac famæ honestæ, ita quod sint in  
 virtutibus notabiliter exercitati et exem-  
 plares : et ponam eos vobis principes, id  
 est, vestram electionem approbabo et au-  
 thenticabo, vel electis a vobis dabo aucto-  
 ritatem, et disponam in quo gradu quivis  
 eorum debeat præsidere.

Tunc respondistis mihi : Bona res quam C  
 vis facere, Tulique, hoc est, eos quos ele-  
 gistis, accepi et acceplavi, de tribubus ve-  
 stris : quia de qualibet tribu aliqui ac-  
 cipiebantur, ne aliqua tribus videretur  
 contempta, et in unaquaque tribu erant  
 principes nati ex ea. Tribus tamen Levitica  
 habuit specialem regiminis dispositionem  
 et modum. Viros sapientes in divinis, et  
 nobiles non solum carnis propagine, sed  
 et virtutum claritate, et constitui eos prin-  
 cipes : tamen in diverso gradu, et ordine  
 quodam. Unde subjungitur : tribunos, qui D  
 præsent mille viris : nam alia translatio  
 habet. Chiliarchos, hoc est millenarios ; et  
 centuriones, qui præsent centum, et quin-  
 quagenarios, et decanos, qui docerent vos  
 singula quantum eorum exegit officium,  
 ita quod unusquisque eorum instruere ha-  
 buit sibi subjectos, de pertinentibus ad  
 cathedram seu præsentiam suam circa  
 sibi commissos.

Præcepique eis, dicens : Audite illos, hoc  
 est, patienter et prudenter anseultate, quid

quilibet ad vestra judicia aut documenta  
 confugiens, dicat : et ambas partes ante  
 prolationem sententiæ in foro contentioso,  
 audite auribus cordis et corporis. Nemo  
 etenim judicandus est, nisi prius auditus,  
 nisi forte propter evidentiam facti, enor-  
 mitatemve sceleris manifesti. Et quod ju-  
 stum est, judicate, hoc est, per sententiam  
 approbate et declarate, seu justam proferte  
 sententiam in omni negotio ad vestrum  
 forum spectante : sive civis sit ille, id est  
 natione Judæus, aut ejusdem urbis habi-  
 tator, sive peregrinus, hoc est ad Juda-  
 ismum conversus, vel extraneus, aut ad-  
 vena. Nulla erit distantia personarum : id  
 est, quantum ad hoc, ut de unoquoque re-  
 cte et vere judicetis, non erit differentia in-  
 ter judicandos, quoniam quantumcumque  
 aliunde distincti sint, tamen in hoc cuncti  
 conveniunt, quod de unoquoque judicabi-  
 tur secundum exigentiam juris : sicque a  
 judicibus excludenda est omnis privata et  
 inordinata affectio, qua in foro judicii  
 magis solent fovēri cives, quam peregri-  
 ni : et cognati, quam alieni. A judicibus  
 quoque excludendus est timor carnalis,  
 humanus et sæcularis, quo judices magis  
 solent palpare potentes et eminentes perso-  
 nas, quam impotentes. Hinc sequitur : ita  
 parum, id est vilem, ignobilem, egenum,  
 audietis ut magnum : imo quantum fieri  
 potest, salvo ordine juris, miserabiles perso-  
 nae sunt in foro judicii pie tractandæ,  
 præsertim dum agunt contra potentiores,  
 ne ex timore a sua desistant justitia.

Nec accipietis cuiusquam personam, id  
 est, in judicando attendite causas, non ho-  
 mines secundum quod homines, vel quan-  
 tum ad ea quæ impertinentia sunt in foro  
 judicii. Est namque personarum acceptio,  
 dum in aliquo attenditur, non id propter  
 quod aliquid ei merito dandum aut depu-  
 tandum vel adjudicandum est, sed aliud  
 per quod non habet proportionem aut di-  
 gnitatem, seu rationabilem causam ad il-  
 lud : ut si alieni detur præbenda, non quia  
 propter scientiam aut virtutes dignus cen-  
 setur, sed quia cognatus aut carus est. Ideo

dicat Thomas in secunda secunda, quaestione 63: Acceptio personarum opponitur distributivae justitiae, quae diversis personis tribuit secundum dignitatem ipsarum ac merita. Ideo considerando personae proprietatem, propter quam aliquid ei datur, non est acceptio personae, sed causae. Hinc iudex discernere debet causas, non personas. Si autem in iudicio aliquis iustificetur aut foveatur, quia propinquus, dives vel potens, non quia causam habet justam, personae acceptio est, et contra justitiam, atque ex suo genere est mortale. *Quia Dei* *judicium est*, id est, in iudicando geritis vicem Dei, et estis vicarii ejus, cui ex se ipso competit esse universorum iudicem justum, qui omnem injustitiam detestatur. Ideo iudices constituti sub eo, debent secundum tenorem et regulas juris procedere, et Deum sequi, apud quem non est personarum acceptio. Quod si a veritate et aequitate declinent, non se habent ut vicarii, sed ut adversarii Dei. Hinc secundo libro Paralipomenon, Josaphat rex ait iudicibus suis: Videte quid faciatis. Non enim hominum exerceatis iudicium, sed Domini; et quodcumque judicaveritis, in vos redundabit. Sit timor Domini vobiscum, et cum diligentia cuncta facite. Non enim est apud Dominum Deum nostrum iniquitas, nec personarum acceptio, nec acceptio munerum. Hinc et Aristoteles naturali ratione inductus, subtiliter est loentus: Iudex debet esse tanquam viva lex, et sicut animata justitia.

*Quod si difficile aliquid vobis visum fuerit*, id est, causa ardua, intricata, vestrum forum aut intellectum excedens, occurrerit vobis, *referte illam ad me*, id est, ad me habete refugium, qui auctoritate et sapientia vos excedo. Non arroganter dixit hoc Moyses, sed juste et caritative propter bonum commune, et quia evidenter sic fuit, et quoniam inter iudices necesse est ordinem esse, ut in certis casibus inferiores iudices ad superiores recurrant. *Et ego audiam*, id est, determinabo et expediam hujusmodi causas: quod Moyses fiduciali-

ter dicere potuit, quia si nescivit quid judicaret, habebat ad libitum recursum ad Dominum, et mox informabatur ab eo, ut patuit de his qui non poterant suo tempore facere Phasae, et de eo qui ligna collegit in sabbato, et de causis concernentibus filias Salphaad. *Praecepitque omnia quae facere debetis*, id est, omnia vobis necessaria ad salutem, et quidquid Deus requirit a vobis, ex parte Dei vobis mandavi.

Præterea advertendum quod in Exodo non legitur Moyses protulisse verba quae hic recitat se dixisse, videlicet, Non possum solus sustinere vos, etc.: imo potius in libro Numerorum legitur ista dixisse. Ibi quippe loquitur Deo: Cur imposuisti pondus universi populi hujus super me? Non possum solus sustinere omnem hunc populum, quia gravis est mihi. Sed hoc fuit post recessum de Horeb, nec de illa locutione nunc agitur, quia post illam Moyses non dixit, Date ex vobis viros sapientes et gnaros, et cetera nunc præacta; imo diu ante illam locutionem constituerat principes et iudices sub se, secundum modum nunc recitatum. Sed merito quaeritur, qualiter ista Moysis recitatio consonet rationi quam in Exodo Moyses ipse describit. Siquidem ibi narrat se iudices constituisse ex consilio Jethro soceri sui; hic autem refert quasi ex propria consideratione id fecerit. Ibi quoque consulit Jethro, ut Moyses provideat viros aptos ad iudicandum: hic autem fertur, quod Moyses commisit populo talium virorum electionem. Et respondendum, quod utrumque horum tunc factum est. Nam Jethro primo admonuit Moysen seorsum de istis, et inter cetera dixit ad eum ex familiaritate: Stulto labore consumeris: ultra vires tuas est hoc negotium, solus illud non poteris sustinere. Quibus auditis, Moyses acquievit et locutus est eadem aut consimilia verba populo quasi ex se ipso, sicut nunc recitat. Veruntamen electionem iudicum plebi commisit. Porro secundum Josephum, Jethro venit ad Moysen circa montem Sinai ubi in rubo multas viderat Moyses visiones.

Num. ix,  
6-12; xv, 36,  
xvii, 1-6.

Num. xi,  
11, 14.

Exod. xvi,  
24-26.

Ibid. 18.

Act. x, 32.

Ibid. 31.

II Par. xiv,  
6, 7.



*Profecti autem de Horeb*, id est, a monte Sinai recedentes, *transivimus per eremum terribilem et maximam*, id est solitudinem valde magnam. Legitur tamen in India major ac terribilior eremus esse. *Quam vidistis* : in qua erant ferae et animalia venenata, ut infra habebitur. De qua eremo scriptum est in Jeremia : Dominus transduxit nos per desertum, per terram inhabitabilem et inviam, per terram sitis et imaginem mortis, per terram in qua non habitavit vir nec ambulavit homo. Quo constat, quod solitudo illa erat solo adspectu valde terribilis. *Per viam montis Amorrhæi*, id est per iter quod ducit ad montem Amorrhæorum ; sicut præceperat Dominus Deus noster nobis. Præcepit enim ut sequerentur motum ducatumque nubis, vel forte etiam per Moysen istud præcepit verbo.

Jer. II, 6.

\* venissemus

Num. XX, 1.

*Quumque venissetis* \* in Cadesbarne, id est ad locum eremi sic vocatum. In Numeris autem leguntur venisse in Cades, ubi et Maria soror Moysis est defuncta. An tamen sit idem locus ille et iste qui nunc Cadesbarne vocatur, diversi diversimode opinantur, ut super librum Numerorum est inductum. *Diri vobis : Venistis ad montem Amorrhæi*, qui vicinus est præfato loco, qui Cades nominatur, *quem Dominus Deus noster daturus est vobis*. Dedit etenim Dominus filiis Israel regnum Schon regis Amorrhæorum, in quo regno fuit mons ille, sicque per partem totum significatur. Veruntamen regna Schon et Og non pertinebant ad terram promissionis, quam constat Moysen non intrasse. Noverat tamen in spiritu Moyses, quod regna illa filii Israel essent adepturi. *Vide*, tu popule Israel, *terram quam Dominus Deus tuus dabit tibi*. Si hoc de terra promissionis ultra Jordanem sita intelligatur, non apparet quod filii Israel potuerint illam videre corporali intuitu, existendo in Cades aut in monte prædicto : quæ loca multis distabant dictis a terra promissa : ideirco de interiori intuitu potest exponi. *Ascende et posside eam, sicut locutus est Dominus Deus noster patribus tuis*, certus de pro-

missione Dei, dummodo non diffidas, nec obieem ponas per alias culpas. *Noli timere* resistantiam Chanaanæorum, *nec quæquam paveas* carnali et inordinato timore.

*Et accessistis ad me omnes*, id est aliqui ex parte omnium vestrum, *atque dixistis : Mittamus viros qui considerent terram promissionis, et renuntient nobis, per quod iter debeamus ascendere, et ad quas pergere civitates*. Istud in Numeris plenius scriptum est atque expositum, tamen ibidem habetur, quod Deo committente missi sunt exploratores. Populus quippe aliquatiter metuens et diffidens, incitavit Moysen ut mitteret viros : super qua re Moyses consuluit Dominum, qui vel jussit vel permisit sic fieri, et hoc justo judicio, in penam populi male timentis, ut in Numeris dictum est plenius. Verum, ut ait Gilbertus, exposita reexponere, otiosi est, non studiosi : non ergo immorandum est semel expositis. *Quumque mihi sermo placuisset*. Postquam enim Dominus dixit ut nuntii mitterentur, tunc placuit Moysi. *Misi ex vobis duodecim viros qui dixerunt* post reditum suum : *Bona est terra*, id est fecunda et pulchra, *quam Dominus Deus noster daturus est nobis*. Hoc Josue et Caleb dixerunt ex animo. Alii decem exploratores etiam ex animo commendabant terræ fertilitatem ; sed videbatur eis impossibile, quod filii Israel acquirerent eam, propter multitudinem et fortitudinem habitatorum ipsius, urbiumque munimen. Ideirco quod dictum est, Quam Dominus Deus noster daturus est nobis, vel non, vel ironice solum dixerunt.

Num. XII, 3.

Ibidem.

Præterea quæritur, quomodo nunc dicatur, quod in Cadesbarne facta sit dispositio ista de exploratoribus destinandis, quum in Numeris scriptum sit : Profectus est populus de Haseeroth, fixis tentoriis in deserto Pharan, ibique locutus est Dominus ad Moysen : Mitte viros qui considerent terram Chanaan. Ad hoc præallegato Numerorum libro est data responsio. Glossa quoque hoc loco ex verbis Augustini declarat, quod filii Israel his venerunt in Cades. Primo

Ibid. 1-3.

ante missionem exploratorum. Secundo A autem diu post hoc, scilicet quadagesimo anno post exitum de Ægypto, quando ibi-

Num. xx, 1.

dem Maria defuncta est, ut in Numeris scriptum est.

*Et noluistis ascendere ad terram pro-*

*missionis : quæ situ altior est Ægypto, ac*

*interposita eremo; sed increduli ad sermo-*

Gen. x, 16.

*nem Domini Dei nostri, qui per me vobis*

*promisit terram illam atque victoriam, murmurastis in tabernaculis vestris, at-*

Num. xxi, 31.

*que dixistis : Odit nos Dominus, et idcirco*

*elaturit nos de terra Ægypti, ut traderet*

Ps. cxi, 26.

*in manum Amorrhæi, id est Chananeor-*

Num. xxi, 29.

*rum : quorum una gens seu natio dicebat-*

Ibid. xiv, 1-3.

*ur populus Amorrhæorum, id est natus de*

*Amorrhæo filio Chanaan filii Cham, qui*

*fuit filius Noe, ut in Genesi legitur : atque*

*deleret. Quo ascenderemus ? quasi dicant,*

*Frustra ascenderemus ad terram illam.*

*Nuntii terruerunt eam nostrum, dicentes : Maxima multitudo est habitatorum terre*

*promissæ, et nobis statura procerior. Unde*

*in Numeris dixisse scribuntur : Ibi vidi-*

*mus monstra quadam filiorum Enac de*

*genere giganteo, quibus comparati, quasi*

*locustæ videbamur. Urbes magnæ sunt in*

*terra illa, et ad cubum usque muratæ, id*

*est valde altos muros habentes, erectos in*

*cælo aereo. Istud tamen est verbum hy-*

*perbolicum, ad insinuandum magnitudi-*

*nem rei, sicut illud in Psalmo : Ascen-*

*dunt usque ad cælos, et descendunt usque*

*ad abyssos. Verumtamen in libro Numero-*

*rum exploratores dixisse narrantur : Urbes*

*grandes atque muratæ. Sed isti perversi*

*verba illa exaggeraverunt ad colorandam*

*suam perversitatem. Ecce in verbis osten-*

*ditur magna vitiositas plebis illius. Primo*

*enim peccaverunt per inobedientiam, quod*

*notatur quum dicitur : Nolulistis ascende-*

*re. Secundo, per incredulitatem, propter*

*quod dictum est : Sed increduli ad sermo-*

*nem Domini. Tertio, per murmurati-*

*onem, de qua in Numeris plenius legi-*

*tur. Nam ex nimia malitia ploraverunt, et*

*murmurando dixerunt : Utinam pereamus.*

*Quarto, per ingratitudinem quum dixerunt :*

*Oditi nos Dominus, quum tamen tot signa*

*dilectionis eis monstrasset. Quinto, per*

*mendacium perniciosum, detractionem at-*

*que blasphemiam, quum dixerunt : Idcirco*

*eduxit nos ut traderet. Hinc in Nu-*

*merorum libro Dominus ait : Usquequo*

*detrahet mihi populus iste ? Sexto, per*

*inordinatam et carnalem formidinem, quia*

*dicebant : Nuntii terruerunt nos. Septimo,*

*per indurationem et pertinaciam proprii*

*sensus, ut statim subiungitur. Octavo, per*

*stultam audaciam, quia contra præceptum*

*Moyse exeperunt procedere, ut infra in*

*isto habetur capitulo.*

*Filios Enacim vidimus ibi. Et dixi*

*robis : Nolite metueret, nec timeatis eos ;*

*Dominus pro vobis pugnabit, sicut fecit*

*in Ægypto et in solitudine, quando Ama-*

*lee vos invasit, et quando Pharaon cum suo*

*exercitu vos insequabatur in solitudine,*

*ubi angelus interposuit nubem inter vos*

*atque Ægyptios, ut in Exodo scriptum est.*

*Portavit te Dominus Deus tuus, id est,*

*pie toleravit, et providit tibi de neces-*

*sariis, ac protexit, ut solet homo gestare*

*parvulum filium suum, in omni via, per*

*quam ambulasti donec veniretis ad lo-*

*cum istum, scilicet Cadesbarne, ubi Moy-*

*ses primo protulit verba ista, quæ postea*

*in campatribus Moab repetivit. Verum-*

*tamen, sicut homo parvulum filium quem*

*amorese portat, aliquando corrigit dum*

*meretur, sic Dominus ante missionem ex-*

*ploratorum, interdum correxit populum*

*illum ob suos excessus, videlicet juxta*

*montem Sinai ubi vitulum adoraverunt,*

*et postea in sepulcris Concupiscentiæ, et*

*quando pro labore itineris murmurave-*

*runt. Et nec sic quidem credidistis Domino*

*Deo vestro, id est, nec per tanta beneficia,*

*nec per commemorationem eorum nunc*

tunt. Sic omnia jam inducta intelligenda sunt, non de his quibus in campestribus Moab Moyses ista locutus est, sed de patribus eorum, qui propter præacta scelera jam in solitudine erant defuncti. Hi autem quibus Moyses ista repetiit, non fuerunt tunc numerati, sed postea illis prostratis.

*Qui præcessit vos in via*, id est, per motum nubis motæ ab angelo viam monstravit, *et metatus est locum in quo tentoria figere deberetis*, id est, per quietem nubis ostendit et determinavit loca et mansiones, in quibus, fixis tentoriis, quievistis, *nocte ostendens vobis iter per ignem*: interdum enim ambulaverunt de nocte, et tunc columna ignis aerem illustravit, et viam ostendit: *et die per columnam nubis*, id est per nubem, ejus una atque anterior pars plebem præcessit, alia pars eam obumbravit contra solis ardorem. Porro an fuerit eadem columna ignis et nubis, ita quod nubes pro parte fuit subtilis, clara, et ignea, et pro alia parte spissa, super Exodum est discussum: nec est certum, quia de hoc sunt duæ probabiles opiniones. Hebræi vero potius tenent, quod erant duæ columnæ: una nubis, apparens in die, et dispars in vespere: alia ignis, de vespere subiitans, ac mane recedens. Alii dicunt, quod una fuit in substantia, sed duplex officio, utpote ex una parte lucens ut ignis, ex alia parte obumbrans ut nubes.

*Quumque audisset Dominus vocem sermonum vestrorum*, id est præinducta pravissima verba vestra: quæ non audivit auditu corporeo, nec per alterationem aut cognitionem recentem, sed æternaliter præcognovit: et quando proferebantur, ostendit se ea cognoscere per vindictam: *iratus non per conturbationem affectus, sed per rigorem effectus, juravit, et ait: Non videbit quispiam de hominibus generationis hujus pessimam terram bonam*, scilicet repromissam, præter Caleb filium Jephone, et etiam præter Josue, qui alibi exprimitur. Et istud intelligendum fuit de his, qui

A in prima numeratione fuerant numerati, ideo et Levitæ excipiuntur. *Nec miranda indignatio Dei in populum*, id est contra vulgares numeratos, *quum mihi quoque iratus Dominus propter vos*, etc. Quasi dicat, Non mirum quod vobis, hoc est prædictis patribus vestris, indignatus est Dominus propter tot scelera eorundem, quum et mihi sibi tam familiari et electo indignatus sit propter vos. Hoc non est intelligendum, quod propter crimina populi Deus iratus fuerit Moysi, et eum prohibuerit terram Chanaan ingredi: quoniam in libro Numerorum et alibi manifeste habetur, quod Moyses et Aaron peccaverunt ad aquas Contradictionis vitio incredulitatis, Domino ad eos loquente. Pro eo quod non credidistis mihi. Ideirco quod ait, Propter vos, exponendum est, Propter peccatum quod occasione vestri incedi. Ex importuna quippe plebis instantia, seditione ac jurgio, Moyses et Aaron conturbati fuerunt et mente impediti a consideratione omnipotentis Dei, sicque videbatur eis quasi impossibile aliquid, aquam de petra ejicere, ut in Numeris dictum est plenius. *Vos autem revertimini et abite in solitudinem per viam maris Rubri*. Omnia hæc in libro Numerorum scripta sunt atque exposita: siquidem propter scelera sua jussit Dominus ut redirent in eremum, per viam ducentem ad mare Rubrum.

*Et respondistis mihi: Peccavimus Domino*, Hoc dixerunt, visa subitanea morte decem exploratorum, ex quorum verbis moti fuerunt ad murmurandum. *Ascendemus et pugnabimus, sicut præcepit nobis Dominus. Quumque instructi armis*, id est armis muniti. Unde et in Exodo legitur, quod filii Israel armati ascenderunt de Ægypto. Circa quod aliqui dicunt, quod aliqui arma secum tulerunt, et quod Ægyptii concesserunt eis arma, sicut et vasa aurea atque argentea. Vel per arma, intelliguntur fustes et baculi aut etiam gladii. *Pergeretis in montem*, ad eundem versus terram promissionis, ad pugnandum quoque contra adversarios vestros, *ait mihi*

Exod. xiii, 21.

Num. xx, 12.

Ibid. 10.

Ibid. xiv, 25.

Ibid. 36, 37.

Num. xiv, 30.

Exod. xiii, 18.



*Dominus : Dic ad eos : Nolite ascendere, A* bant Amorrhæos, qui ibi designantur per neque pugnetis, non enim sum robiscum, ne cadatis coram inimicis vestris, Locutus sum vobis verbum Dei id prohibentis, et non audistis auribus cordis, id est, non obtemperastis : sed adversantes imperio Domini, et tumentes superbia, quia præsumpsistis de vestris viribus, et vane gloriabimini de hoc quod essetis populus Dei, et adjuvandi ab eo, cui non obedistis, ascendistis in montem, id est in loca Amorrhæorum montuosa, Itaque egressus Amorrhæus, qui habitabat in montibus, et obrium B veniens, persecutus est vos sicut solent apes persequi, id est, faciliter fugavit vos, sicut fugantur apes. Vel, Persecutus est vos, acriter vos ledendo sicut apes persequuntur eos quos acutis aculeis pungunt. Et cecidit \*, id est, gladio percussit, de Scir, id est a loco vel confinio Idumæorum, usque Horma, id est usque ad locum sic dictum, propter causam in Numeris positam. Et ut in Numeris habetur, Horma interpretatur anathema. Porro ut in eodem libro legitur, Descendit Amalecites et Chanaanæus, et persecutus est eos usque Horma. Unde elicitur, quod Amalecitarum juva-

bant Amorrhæos, qui ibi designantur per Chanaanæos.

*Quamque reversi :* non illi qui gladio corruerunt, sed qui per fugam evaserunt : ploraretis coram Domino, potius propter adversa seu mala pœnæ quæ incurristis, quam propter mala culpæ quæ commisistis : non audivit vos, id est, vestrum fletum non accepit, quia non venit ex vera contritione, nec voci, hoc est orationi, estrar voluit acquiescere : quia non relaxavit pœnam, quam vobis infligendam prædixit propter scelera vestra, nec suam retractavit sententiam. Etiam dato quod quidam illorum vere penitissent, non tamen retractavit Deus sententiam prolatam de eorum justa punitione, quam nec Moysi nec Aaron relaxavit pro peccato eorum ad aquas Contradictionis. Interdum etenim, imo frequenter Deus dimittit culpam, non pœnam. Sedistis ergo, id est, mansistis et habitastis, in Cadesbarne multo tempore. Quum enim vidissent se non posse ad terram promissionis procedere, manserunt diu in loco præfato et in circumjacentibus locis. Redierunt tamen in eremum ad nobis motum.

## ARTICULUS II

### DE SPIRITUALI HUIUS CAPITULI PRIMI INTELLECTU.

MOYSES non Christum duntaxat, sed D et quemlibet designavit fidelem prælatum. Quemadmodum ergo Moyses, obitu suo instante, populum sibi commissum præ solito diligenter ac fervide admonuit et instruxit, de pervigili divinæ legis custodia, de beneficiis et mirabilibus Dei factis atque fiendis, de iniquitatibus et ingratitude populi, et de justis judiciis Omnipotentis super justos ac reprobos in futurum : sic Dominus et Salvator ante diem festum Paschæ, sciens quia venit ho-

ra ejus qua transiret ad Patrem, convocatis et secum cœnantibus Apostolis, atque in eorum persona universis fidelibus, post cœnam fecit prolixum pulcherrimumque sermonem, in quo legem evangelicam, quam jam ante in monte tradiderat, explanavit, et plurima addidit, christianæque fidei docuit fundamenta, et ejus per mundum divulgationem, miraculis roborandam. In quo item sermone, Judæorum scelera ac dispersionem prædixit, beneficia Spiritus Sancti promisit, et de futuro statu

Ecclesiae evidentissime ac copiosissime est A invisibilibus ac visibilibus suae salutis prae-locutus.

Moraliter, horum exemplo docentur animarum curam habentes, ut tota sollicitudine sibi commissos hortentur, informant, corripiant, et praecepta Dei eis proponant frequenter, quousque eorum cordibus efficaciter imprimantur. Distinctionem quoque divini iudicii, et tormenta inferni, cum omni fervore sermocinentur, ut saltem timore retrahantur a vitiis, qui boni honesti amore non afficiuntur virtutibus. Insuper, beneficia per Christum exhibita B populo christiano ab Ecclesiae primitivae exordio, distincte replieant ac ferventer, et peccata eorum impropere eis cum discretione, exhortando semper eos ad poenitentiam et emendam. Denique, sicut Moyses locutus est populo cuncta quae Dominus jussit: sic praelatus et praedicator, omni carnali et mundano timore postposito, insinuare debet gregi dominico universa Dei atque Ecclesiae sanctae praecepta, et quidquid audientium necessarium est saluti. Verumtamen qui praest C et docet, satagere debet, ut in primis et antequam instruat alios, interficiat reges Amorrhaeorum, id est, vitia mundi, omnem ambitionem et fastum atque carnalitatem in semetipso, tenebrarumque principes sub suis conterat pedibus.

Insuper, sicut filiis Israel, mox ut legem in Sinai susceperunt, Dominus jussit ire ad terram promissionis, sic Christus quum in monte Thabor legem evangelicam dedisset, statim auditoribus suis praecepit, ut per divinorum executionem praeceptorum, D ad caelestem properarent hereditatem, huiusque saeculi pertransirent desertum, nil in hoc mundo inordinate amando, delectationesque saeculi aspernando. Amplius, sicut Moyses deprecatus est, Israeliticum populum merito numeroque augeri: sic unusquisque fidelis, praesertim praelatus et doctor, toto debet affectu Dominum jugiter exorare, ut plebs christiana in omni sanetitate et iustitia, in potestate et multitudine copiosa exerceat assidue, et

assumere adjutores idoneos ad informandum ac dirigendum subiectos, nec se in exterioribus superflue occupare, ne a spiritualibus exercitiis impediatur: sed circa gregem commissum, intus purgandum ac servandum, semper intenti sint; sicque exteriorum dispositionem, quantum congrue fieri potest, suis committant officiat.

Præterea ex hoc textu docemur, quales B sint ad praelaturas atque officia eligendi ac promovendi: videlicet qui vita, scientia, ætate et fama reputantur magis idonei, qui et in omni suo officio debent se iuste habere, et sine personarum acceptione unumquemque iudicare, corripere, castigare, neminem spernere, universos in Deo diligere, omnique passione exclusa, secundum verum iustitiae callem procedere. In difficilioribus vero ac periculosioribus causis ac casibus, ad suum debent C superiorem cum humilitate habere recursum, nec transgredi terminos sibi praefixos. Principes demum et praelati superiores singulariter debent esse solliciti et intenti circa vicarios, officiatosque suos, instruendo ipsos qualiter habere se debent, et inquirendo an sicut tenentur, ita se habeant. Qui nisi iuste habuerint se, admonentur ut corrigant se: quod nisi fecerint, a suis stationibus expellantur, et eorum officia melioribus committantur. Sic etenim multi virtuosos et sanctos reges, principes et praelati, leguntur fecisse. Quid D autem per exploratores et facta eorum mystice designetur, in libro Numerorum est expressum.

Postremo, erudiamur ex isto capitulo, omnem inobedientiam evitare, diffidentiam fugere: nec contra Deum nec contra ejus vicarios murmuremus. Absit vero ut aliquis sic passionibus inflammetur, ut prorumpat in verba malitiae et nequitiae contra Deum, ne inter eos numeretur, de quibus per Prophetam Dominus conqueritur, dicens: Quoniam declinaverunt in me

Matth. v.  
vii.  
Luc. vi,  
20 et seq.

Numer. xiii.

Ps. lxxv, 1.

iniquitates. Nec quispiam dicat : Odit me Dominus, id est, reprobus sum et præsensus, et salvari non valeo. Acquiescat quoque unusquisque superioribus et correptionibus suis in omni salubri materia; nec in montem superbiæ ascendamus, neque ad montem præsentitiæ quis adspiret, ne demonum incidat manus. Veruntamen ad montem perfectionis pertingere nitamur, et vestigia Christi, qui est mons montium, imitemur, atque ad montem triumphantis Ecclesiæ adspiremus. Rogemusque Dominum, ut in nocte vitæ præsentis, id est in omni adversitate et tentatione, in omni ignorantia et errore, dignetur nobis iter salutis, lumen veritatis, splendorem justitiæ demonstrare per ignis columnam, hoc est per Spiritus Sancti gratiam ac virtutem : ipse quippe est ignis innocue ardens, peccata consumens, corda inflammans, et superessentialis dilectio : in die vero, id est in omni prosperitate et profectu, per columnam nubis, hoc est per ve-

ram discretionem, quæ dulciter mentem refrigerat et obumbrat contra indiscretum fervorem, contra passionum vitiorumque æstum : sicque Deo ductore viâ regia gradiamur, nec in prosperis inaniter gloriemur, aut in timore alicujus arrogantiae sedueamur, aut per indiscretionem cadamus, nec in adversis dejiciamur per impatientiam aut errorem.

Postremo vitandum, ne quis contra doctrinam Scripturæ, aut contra suorum monita prælatorum, sponte se ingerat ad prælia tentationum, instructus armis propriæ præsumptionis, et confidens viribus suis : quia si fecerit, ab immundis spiritibus facillime elidetur, sicut solent apes prosterni : propter quod imperfectis non expedit tentationes optare. Qui autem in omni humilitate, caritate, discretionem bene fundati sunt et armati in Domino, ita ut dicere queant, Persequar inimicos *Ps. xvi, 35.* meos, etc., possunt eos sine periculo affectare.

### ARTICULUS III

EXPOSITIO CAPITULI SECUNDI : PROPECTIQUE INDE VENIMUS IN SOLITUDINEM.

**P**ROSEQUITUR Moyses inchoatam historiam, specialiter nunc describens, a quarum gentium impugnatione prohibuerit Dominus filios Israel. *Propectique inde*, puta de Cadesbarne, secundo, videlicet post determinationem divinæ sententiæ quod per quadraginta annos in solitudine maneremus, *venimus in solitudinem*, id est in partem quamdam totius deserti illius, quod a diversis partibus suis, et a circumjacentibus locis, atque a quibusdam eventibus diversa nomina habet, *que ducit ad mare Rubrum*, id est ad aliquem ejus sinum : redierunt enim ad quedam loca in quibus ante fuerunt : *sicut dixerat Dominus. Et circumivimus montem Seir longo*

*C tempore*. Per montem Seir intelligitur territorium Idumææ, vel aliquis eminens mons in ea.

*Dixitque Dominus ad me : Sufficit vobis circumisse montem istum*, id est, satis diu in gyro montis istius deambulastis. Alloquitur autem Dominus Moysen in persona totius populi sibi commissi, et sic Moyses verba Dei retulit plebi. *Ite contra aquilonem*, id est versus plagam septentrionalem. In Idumæa autem est valde intensus calor solis tempore æstivali, ita quod habitatores terræ illius de die latere consueverunt in subterraneis ædibus, secundum Hieronymum. *Et populo præcipe, dicens : Transibitis per terminos fratrum*



*vestrorum filiorum Esau, qui habitant in A Seir* : qui vocantur fratres filiorum Israel.

*Gen. xxx,* quoniam Jacob et Esau fuerunt fratres gemelli uterini : *et timebant vos.* Audierant enim Idumæi, qualiter Egyptii erant propter filios Israel destructi, submersi, occisi : ideo timebant sibi imminere periculum, vel suspicabantur quod filii Israel intenderent terram eorum vastare aut possidere, vel bona eorum diripere. Forsitan etiam timerunt eos, quoniam perceperunt quod Deus eorum pugnaret pro ipsis, cui nullus resistere posset.

Sed contra hæc duplex potest fieri obiectio. Prima, quoniam in Numeris scriptum est, quod rex Edom negavit filiis Israel transitum per terram suam, propter quod declinaverunt ab eo. Quomodo ergo nunc dicitur, Transibitis per terminos fratrum vestrorum? Secunda, quia in eisdem Numeris legitur, quod rex Edom mandavit populo Israel : Non transibis per me, alioqui armatus occurram tibi. Statimque egressus est obviam eum infinita multitudo. Ergo apparet quod Idumæi non timerunt filios Israel. Verum ad hæc patet solutio ex dictis Numerorum. Certum est quoque, quod multi vadunt ad prælium contra eos quos aliquantulum timent, quum et in Job scriptum sit : Angustia vallabit impium, sicut regem qui paratur ad prælium. In expositione autem hujus voluminis est observandum, quod ait Gilbertus : In aliis libris exposita transeurimus, ut his quæ non sunt exposita, immoremur.

*Videte ergo diligenter ne moreamini contra eos,* id est, nec affectu, nec opere incatis pugnam contra Idumæos. *Neque enim dabo vobis de terra eorum quantum potest unius pedis calcare vestigium : quia in possessionem Esau dedi montem Seir,* id est, terram Idumææ montuosam dedi hereditarie ipsi Esau ac posteris ejus, propter merita patriarcharum Abraham avi Esau, et Isaac patris ejus. *Cibos emetis ab eis pecunia, et comedetis.* Ibant enim filii Israel vel juxta vel per Idumæam : sieque vendiderunt Idumæi eis cibaria cupiditate

lucri magis quam ex caritate fraterna. *Aquam emptam haurietis,* id est, antequam hauriatis aquam ex puteis ipsorum, emetis eandem. Aqua enim rara et cara est ibi. Ex hoc videtur, quod transierunt per terram ipsorum, saltem circa extrema terræ illius. *Et bibetis.* Sed cur Dominus dixit istud, quum filii Israel haberent quotidie manna? Respondetur, quod quando filii Israel potuerunt sibi de necessariis vitæ providere modo humano, hoc Dominus permisit, atque in isto indulsit imperfectioni ipsorum.

*Dominus Deus tuus benedixit tibi in omni opere manuum tuarum,* id est, gratiose adfuit tibi in cunctis. Præsertim autem sic adfuit justis, et gratiosius adfuit his, quibus Moyses ista locutus est, quam patribus eorum qui jam occubuerunt in eremo. *Novit iter tuum,* id est, proecessum tuum approbavit, et te in tuo custodivit itinere, consideravitque pie tuum progressum, *quomodo transieris solitudinem hanc magnum per quadraginta annos* : non quod assidue aut quotidie ambulaverunt in ea tot annis, imo frequenter quieverunt multis diebus in certis locis : *habitans tecum,* id est in tabernaculo quod fuit in medio populi, in cordibus quoque bonorum. *Dominus Deus tuus : et nihil tibi deficit.* In libro Numerorum et Exodo leguntur interdum aqua indiguisse, sed et infra habetur, Afflixit te penuria : quomodo ergo nihil deficit eis? Et respondendum, quod sic nihil deficit eis finaliter, quia necessitatibus eorum Deus pie subvenit. Justis etiam manna sapuit ut volebant.

*Quumque transissemus fratres nostros filios Esau, per viam campestris venimus ad iter quod ducit in desertum Moab :* quod totius deserti illius pars perhibetur, et a regno Moabitarum sibi vicino, desertum Moab vocatur. *Dixitque Dominus ad me : Non pugnes contra Moabitas. Non enim dabo tibi quidquam de terra eorum, quia filiis Lot tradidi Ar in possessionem.* Ar fuit civitas metropolis in regione illa : ideoque per Ar, tota illa regio significa-

*Num. xx, 2.*  
*Exod. xxx,*  
*1-3.*  
*Deut. vii, 3.*

tur, quam Dominus contulit filiis Lot, id est postérité nate ex Lot per filium ejus primogenitum nomine Moab, deditque terram hanc Moabitis meritis Lot patris eorum, vel etiam meritis Abraham, cum quo Lot propriam terram reliquit. *Emim*, id est homines sic vocati, quia terribiles erant adpectu : Emim quippe, secundum Glossam, interpretatur terribilis; *primi fuerunt habitatores ejus*, hoc est, ante Moabitas habitabant in terra illa. *populus magnus numero, et validus robore corporali, et tam excelsus statura, ut de Enacim stirpe quasi gigantes crederentur*, id est, quantitate et robore similes erant filiis Enac sen Enacim gigantis, ita quod putabantur a multis nati ex illo gigante, de quo in Numerorum libro facta est mentio. Denique Moabite appellant eos *Emim*, id est terribiles, quoniam vultu, statura et robore erant terribiles.

In Seir autem, hoc est in Idumæa, prius habitaverunt Horraei : qui secundum quod legitur, ita vocati sunt, quia et ipsi enormitate corporis erant horribiles; quibus expulsis atque deletis, habitaverunt filii Esau : id est, posteritas Esau, auxiliante Deo, Horraeos illos expugnavit, et terram eorum possedit : sicut fecit Israel in terra possessionis suæ. Si hoc exponitur de filiis Israel qui terram promissionis hereditaverunt, interfectis in ea Chanaanæis, sicut in libro Josue recitatur : dicendum, quod Moyses dixit hoc more prophetico, de futuro loquens per modum præteriti. Nam ipso vivente, filii Israel terram promissionis ingressi non sunt. Si vero intelligatur de tribubus Ruben et Gad atque dimidia tribu Manasse, quæ ante hujus libri conscriptionem obtinuerunt regna Sehon et Og, sic est historialis narratio. Porro, secundum Glossam, Seir est mons in terra Edom, in quo habitavit Esau in regione Gabalena, ubi ante habitavit Chorraeus, quem interfecit Chodorlahomor rex Elamitarum, ut in Genesi legitur : qui mons ab Esau piloso et hispido, nomen Seir, id est pilosi, accepit.

*Surgentes ergo de solitudine Moab, ut transiremus torrentem Zared, venimus ad eum*. De quo torrente dictum est super illud Numerorum : Filii Israel fixerunt tentoria in solitudine quæ respicit Moab; inde venerunt ad torrentem Zared. *Tempus autem quo ambulavimus de Cadesbarne usque ad transitum torrentis Zared, triginta octo annorum fuit* : non quod tot annis fuerint in continuo motu aut directo progressu de uno illorum locorum ad alium locum, sed sæpe et diu quieverunt hinc inde, et terram Edom circumierunt : donec consumeretur annis congregatio hominum bellatorum de castris, sicut juraverat Dominus. Postquam autem universi ceciderunt pugnatore in prima enumeratione numerati, locutus est Dominus ad me, dicens : Tu cum populo tuo transibis, id est transire incipies, hodie, vel, Transibis hodie, id est in brevi seu tempore isto, terminos Moab, urbem nomine Ar : de qua jam dictum est, et circa illam pertransierunt Israelitæ, non per urbem illam : et accedens in viciniam filiorum Ammon, cave ne pugnes contra eos, nec movearis ad prælium, eadem ratione qua nec contra Moabitas. Non enim dabo tibi de terra filiorum Ammon. Terra gigantum reputata est regio Ammonitarum; et in ipsa olim habitaverunt gigantes, quos Ammoniter vocant Zomzommim, populus magnus et multus et proceræ longitudinis, sicut Enacim, quos deleverit Dominus a facie eorum, utpote Ammonitarum, qui Dei auxilio illos vicisse censentur. *Heræos quoque qui habitabant in Haserim*, id est in terra sic nuncupata, usque Gazam urbem Philistin, Cappaloces expulerunt : qui egressi de Cappalocia, deleverunt eos.

*Surgite et transite torrentem Arnon*. Ista sunt verba Dei ad filios Israel, quibus jussit torrentem illum transire. De quo transitu dictum est circa illud Numerorum : Castrametati sunt contra Arnon. Siquidem Arnon terminus est Moab. Sicut fecit in mari Rubro, sic faciet in torrentibus Arnon, etc. *Ecce tradidi*, id est, pro certo

Numer. xxi, 11, 12.

Ibid. 13, 11.

tradam, et dare decrevi. *Sehon regem Hesebon in manu tua, etc. Hodie*, id est de proximo, *incipiam mittere terrorem atque formidinem tuam in populos qui habitant sub omni caelo, ut audito nomine tuo, paveant, et in morem parturientium contremiscant, et dolore teneantur* : hoc est, ita incipiam te, o popule Israel, exaltare, per hoc quod mea virtute tam repente ac facile vinces hunc regem, et deinde alios reges ac populos, quod universi habitatores orbis terrarum, audita fama tua, concipient timorem cordis ac formidinem corporis ex tua consideratione. Itaque non est sensus, quod ex sola dejectione Schon aut Og tantum crevit fama filiorum Israel, sed crescere cepit præcipue. Ideo apparentiam non habet opinio Rabbi Salomonis, qui (ut Lyra refert) ait quod in prælio Israelitarum contra Schon et Og sol stetit, quemadmodum in prælio Josue : nec probabile est, quod Moyses tantum siluisset miraculum. Unde quod dictum est, Incipiam mittere terrorem tuum in populos qui habitant sub omni caelo, per synecdochen atque hyperbolen dictum videtur.

*Misi ergo nuntios de solitudine Cade-moth*, id est loci sic dicti in eremo situati.

A *ad Schon regem Hesebon*. Qualiter factum sit istud, in Numeris scriptum est atque expositum. Denique regna Schon et Og non pertinebant ad terram promissionis, ut dictum est sæpe. Ideo Moyses primo obtulit eis pacem, et pacificum postulavit saluumque conductum ac transitum : quibus id agere renuentibus, meruerunt occidi. *Voluitque Schon nobis dare transitum, quia induraverat Dominus Deus tuus spiritum ejus*, id est, justo judicio eum reliquit, nec mentem ejus per gratiam emollivit, *et obfirmaverat cor illius*, non influendo malitiam, sed sponte conceptam non auferendo, quemadmodum cor Pharaonis legitur obdurasse : *ita ut traderetur in manus tuas, sicut nunc vides factum*. Quod ait, *Ut traderetur*, aliqui dicunt intelligendum consequitive, non causaliter. Sed quia malum pœnæ causaliter est a Deo, et Deus justo judicio illum ita reliquit, ut illam incurreret pœnam, scilicet interfectionem ab Israelitis, potest dici quod, *Ut*, tenetur hic causaliter. Cetera hujus capituli verba patent ex dictis Numerorum.

Postremo, sicut litteralis, ita et spiritualis hujus capituli intellectus patet ex dictis in præallegatis libri Numerorum capitulis.

*Numer. xxi, 21 et seq.*

*Exod. iv, 21; xi, 10.*

*Numer. xxi, 21 et seq.*

## ARTICULUS IV

EXPOSITIO CAPITULI TERTII : ITAQUE CONVERSI, ASCENDIMUS PER ITER BASAN.

QUALITER filii Israel vicerunt Og regem Basan, nunc recitatur. *Itaque conversi*, id est, vertentes nos a regione Schon, ad ingrediendum territorium regni Og, *ascendimus per iter Basan*, hoc est, per viam quæ ducit ad regnum ipsius Og regis, quæ regio Basan vocatur. Dicunt nonnulli, quod Moyses non misit ad Og pro transitu, quoniam Og exiit in occursum filiis Israel antequam regionem suam attingerent. Glossa vero testatur, quod Moyses non dignabatur

D legatos ad ipsum dirigere, forsitan propter ipsius superbiam et obdurationem. Hæc autem historia qualiter vietus est Og, præhabita est atque exposita in Numeris.

*Solus quippe Og rex Basan restiterat*, id est, superstes fuit, *de stirpe gigantum* in terra illa. Alibi tamen adhuc erant gigantes, videlicet in terra Chanaan. Unde in Numeris exploratores dixerunt : *Ibi vidimus monstra quædam de genere giganteo*, quibus comparati, quasi locustæ videba-

*Ibid. 33-35.*

*Ibid. xiii, 34.*



Gen. xiv, 5  
7.

mur. Tamen (ut refert Lyra) Rabbi Salo-  
mon fabulatur, quod solus Og supererat de  
gigantibus quos Chodorlahomor cum suis  
associatis, in Genesi legitur occidisse, quo-  
rum manum dicit istum Og evasisse, et us-  
que ad Moysis adventum vixisse. Sicque a  
tempore Abrahæ tunc usque, vixisset plus-  
quam annos quadringentos : quod fabu-  
losum videtur. *Et monstratur lectus ejus  
ferreus qui est in Rabbath urbe filiorum  
Ammon, novem cubitos habens longitudi-  
nis, et quatuor cubitos latitudinis ad men-  
suram cubiti virilis manus.* Scriptura ista  
tam diligenter describit magnitudinem cor-  
poralem istius Og, non quod hujusmodi  
corporea moles magnæ sit appretiationis  
coram Deo, sed ut victoria filiorum Israel,  
quæ illum cum suo prostraverunt exerci-  
tu, mirabilior innotescat ad gloriam Om-  
nipotentis, qui contulit eam. Cubitus autem  
continet pedem cum medio. Aliqui tamen  
dicunt quod duos contineat pedes. Porro de  
magnitudine et robore hujus Og, Judæi ali-  
qua fatua fabulantur, quæ Lyra refert et re-  
probat : sed recitatione indigna censentur. C  
Deinde in littera enarratur, qualiter terra  
duorum istorum distributa sit duabus tri-  
bus atque dimidiæ : quod totum in Nume-  
rorum codice habitum, expositumque est.

Num. xxxii,  
33.

*Preccatusque sum Dominum in tempore  
illo, scilicet duobus regibus his prostratis,  
dicens : Domine Deus, tu carpisti ostendere  
serro tuo, mihi videlicet Moysi, magnitudi-  
nem, id est majestatem, tuam, manumque  
fortissimam, id est operationem magnifi-  
cam, quia per tam miraculosam dejectionem  
tantorum regum, exercituumque eo-  
rum, eo quod nullus filiorum Israel fuit  
læsus ab illis, monstravit Deus omnipoten-  
tiam suam. Transibo igitur et videbo ter-  
ram hanc optimam, id est valde pulchram  
et uberem, trans Jordanem et montem is-  
tum egregium et Libanum qui continetur  
in terra illa. Istud fuit verbum ejusdam  
familiaritatis, et spiritualis fiducia, et  
æquivalenter fuit oratio : quasi dicat, Pre-  
cor ut liceat mihi ingredi terram illam, et  
omnino confido quod exaudies me in hoc.*

A Expertus etenim Moyses tanta beneficia  
Dei, confidentiam sumpsit ad ampliora ; et  
quamvis jam ante ad aquas Contradictionis  
audisset à Domino, quod terram illam ob  
sum peccatum non introiret, nunc tamen  
cepit confidere, quod Dominus hoc dixis-  
set non absolute definiendo, sed commi-  
nando. At vero per montem egregium, qui-  
dam intelligunt montem quemdam situm  
in termino terræ promissionis australi, in  
quo est ascensus Scorpionis, de quo in Jo-  
sue legitur. Per Libanum vero, intelligunt  
montem sic dictum, in termino septentrio-  
nali ejusdem terræ locatum. Alii per mon-  
tem, intelligunt montem in quo Abraham  
vultu ipsum Isaac immolare. Gen. xxi, 2.

Num. xx  
12

Josue xv, 3.

Gen. xxi, 2.

Circa hunc passum Rabbi Paulus scri-  
bit satis catholice, dicens quod Moyses vir  
perfectus, non optabat tanto affectu terram  
promissionis corporalibus oculis intueri  
propter corporalem adspectum dumtaxat,  
aut propter terræ dispositionem, sed ex  
devotione quam habebat ad ea quæ in ter-  
ra illa erant facta, aut fienda : quia jam  
ante, Abraham, Isaac, et Jacob habitave-  
runt ibidem, et Abraham voluit in monte  
Moria Isaac immolare, et habuerunt visio-  
nes multas in terra illa. Præviditque Moy-  
ses templum ædificandum in monte illo de  
lignis Libani, propter quod mentionem fe-  
cit de Libano, et scivit Christum in templo  
illo præsentandum ac prædicaturum : et  
quoniam scivit Christum per totam terram  
illam ambulaturum, prædicaturum, et mi-  
racula operaturum, optavit totam terram  
illam conspicerem, quemadmodum multi  
Christiani nunc cupiunt et laborant eam  
inspicere ex devotione eorum quæ gesta  
sunt ibi.

*Iratusque est mihi Dominus propter vos,  
hoc est propter peccatum quod occasione  
vestri incurri (ut præcedenti articulo ex-  
positum est), nec exaudivit me in hac ora-  
tione, quia etsi culpam illam mihi indul-  
sit, non tamen hanc penam, sed dixit  
mihi : Sufficit tibi, id est, satis orasti pro  
hac re, quia non impetrabis eam, et suffi-  
cit tibi gratia mea in aliis atque remissio* 9.

II Cor. xii,

culpæ, nec tuæ saluti necessarium est terram illam intrare. *Nequaquam ultra loquaris de hac re ad me. Ascende eacumen*

*Num. XXIII, 11.* *Phasga*, id est montis alti sic appellati :

de quo in Numeris dictum est : *et oculos tuos circumfer ad occidentem et aquilonem, austrumque et orientem*, id est ad quatuor plagas et terminos terræ promissionis, *et adspice*. Qualiter autem et quando Moyses fecit hoc, et qualiter ex vertice montis illius vidit totam terram promissionis, ultimo hujus libri capitulo recitatur. Sed quæri potest, quomodo hic dicatur, *Ascende eacumen Phasga*, etc., quum in Numerorum volumine Dominus dicat,

*Num. XXXII, 12.* *Ascende in montem istum Abarim*. Et infra additur, In montem Nebo. Respondetur,

quod ejusdem montis diversa sunt nomina, vel superior pars montis illius dicitur Phasga, imo et Nebo. *Nec enim transibis Jordanem istum. Præcipe Josue*, ut te defuncto, impleat quæ ei vivens jussisti, videlicet ut populum istum præcedat, regat, et introducat in terram promissionis. Qualiter autem Moyses Deo jubente fecerit ipsum Josue successorem suum in principatu, dictum est in Numeris. *Et corrobora eum atque conforta*, id est, verbo et exemplo exhortare eum ad constantiam,

*Ibid. XXXII, 18-23.*

A idoneamque sui officii executionem, nec pusillanimis fiat timendo quod cornuendo in aliquam culpam demerebitur introducere populum istum in terram promissam, sicut in eo perfectior demeristi : *quia ipse præcedet populum istum, et dividet eis terram* : quasi dicat, Absolute affirmo quod faciet hoc, et præservabo eum a tali ruina. *Mansimusque in valle*, id est, ad tempus quieviinus in valle montis præfati, *contra fanum Phogor*, id est ex opposito loci, in quo filie Madianitarum incitaverunt filios Israel ad cultum Beelphegor, juxta illud Numerorum : Madianitæ deceperunt vos per idolum Phogor. Initiatusque est Israel Beelphegor.

*Num. XXV, 18 et 3.*

De spiritualitate hujus capituli, super librum Numerorum in præallegatis capitulis dictum est : atque ut dictum est sæpe, quod Moyses legislator Judæorum eos in terram promissionis nequivit inducere, præfiguravit, quod per observantiam veteris Testamenti, nemo valuit cælorum ingredi regnum, nisi Christo pro humano genere satisfaciente, et suos electos in celestem patriam finaliter principaliterque promissam introducente : sicut et Jesus filius Nun, filios Israel in terram terrenam induxit promissionis.

*Sensus spiritualis.*

## ARTICULUS V

ELUCIDATIO LITTERALIS CAPITULI QUARTI : ET NUNC, ISRAEL, AUDI PRÆCEPTA.

**H**UCUSQUE sanctus Moyses præambula et quædam præmisit, ad explanationem et observantiam legis deservientia, recitando varia beneficia Dei et eminentiam potentiae ejus. Nunc incipit legis præcepta repetere, explanare, atque ad ejus custodiam diversis modis plebem hortari.

*Et nunc, Israel, audi*, hoc est, tu israelitica plebs, sine dilatione auscultauit auribus cordis et corporis, *præcepta moralia*

ac caerimonialia, *et judicia*, hoc est mandata judicialia, *quæ ego doceo te : ut faciens ea*. Scientia enim præceptorum est practica : ideo ordinantur ad opus, quemadmodum et Aristoteles ait : Quid est virtus inquirimus, non ut sciamus, sed ut boni reddamur. Finis autem præceptorum affirmativorum est, facere ea : sed negativa præcepta dantur ad vitandum opera mala, nec immediate, sed ex consequenti ordi-

nantur ad operationem. Porro, dum finis A  
præceptorum dicitur opus seu operatio, per  
operationem seu factionem intelligenda  
est non solum exterior, sed item interior  
actio: imo principales actiones fidei, spei  
et caritatis, sunt actus interiores, videlicet  
credere, sperare, diligere. Similiter princi-  
pales actus virtutum moralium sunt, pas-  
siones intrinsecus refrenare ac reformare.  
De virtutibus quoque intellectualibus et  
donis constat, quod actus eorum princi-  
pales, sunt interiores. *Vivas* per gratiam, et  
etiam *vivas* vita naturæ longiori, quia lex B  
vetus directe et evidenter promisit bona  
terrena, diuturnioremque vitam in corpore.  
Unde subjungitur: *et ingrediens, possi-  
deas terram promissam, quam Dominus  
Deus patrum vestrorum daturus est vobis.*  
Verumtamen sub talibus promissis ac præ-  
miis intelligenda sunt principaliter bona  
spiritualia et æterna atque celestia præ-  
mia, quum certum sit bona corporalia, tem-  
poralia et terrena, non esse spiritualium bo-  
norum, virtuosorumque actuum sufficientia  
præmia, potissimum apud Deum, qui ultra C  
condignum remunerat bona. Multi etiam  
sanctiores in veteri Testamento caruerunt  
talibus temporalibus premiis, prosperita-  
tibusque terrenis, imo graves ac varias  
persecutiones sunt passi, quemadmodum  
de Jeremia, Elia, aliisque patet Prophetis.

Jer. XXXVII  
et XXXVIII.  
III Reg. XIX.

*Non addetis ad verbum quod vobis lo-  
quor, nec auferetis ex eo.* Certum enim  
est, quod Scripturæ canonice nihil liceat  
addere vel auferre, textum mutando, vel  
tanquam ad textus substantiam pertinens.  
Unde et divus Dionysius ait: Non est au- D  
dendum aliquid de superessentiali Deitate  
asserere, præter ea quæ nobis in sacris  
sunt scripta eloquiis. Idem primo libro le-  
quitur Damascenus. Nihilominus per mo-  
dum expositionis, exhortationis et doctrinæ  
plurima addi possunt et addita sunt. Circa  
hoc ait Glossa: Per hæc verba Moyses do-  
cet normam æquitatis, et omnem hæresim  
percutit. Vetat enim rectæ doctrinæ ali-  
quid prævæ intentionis addere, vel aliquid  
veritatis subtrahere. Regia enim via est in-

cedendum. Sic et S. Joannes in Apocalypsi  
ait: Si quis apposuerit ad hæc, apponet  
super eum Deus plagas scriptas in libro  
isto. Et si quis diminuerit, auferet Deus  
partem ejus de libro vite. Itaque Moyses  
prohibuit suis verbis aliquid addi aut sub-  
trahi, non in quantum erant verba ipsius,  
sed quoniam erant verba Spiritus Sancti  
per ipsum loquentis.

Apoc. XVI.  
18. 19.

*Custodite mandata Domini Dei vestri,  
quæ ego præcipio vobis, in memoria et ef-  
fectu. Oculi vestri viderunt omnia quæ  
fecit Dominus contra Beelphegor: quod  
consequenter exponitur. Quomodo contri-  
verit omnes cultores ejus de medio vestri,*  
id est, qualiter Deus peremit fratres ve-  
stros, qui ad suggestionem Madianitarum  
adoraverunt idolum Phogor: propter quod  
seelus percussi fuerunt de populo Israel  
viginti quatuor millia, ut in Numeris de-  
scribitur. Vos autem qui adharetis Domino  
Deo vestro per fidem et obedientiam, nec  
ad idololatriam declinastis, *vivitis universi*  
vita naturæ et gratiæ, *usque in præsentem*  
*C diem.*

Num. XXV.  
9.

*Scitis quod docuerim vos præcepta cari-  
monialia et judicialia, et justitias, hoc est  
præcepta Decalogi, quæ sunt directe de  
actibus justitiæ, atque ad naturalem per-  
tinent rationem et legem, sicut mandavit  
mihi Dominus Deus meus: qui quamvis  
sit omnium Deus per creationem et uni-  
versalem provisionem, electorum tamen  
est Deus tanto specialius, quanto se gratio-  
sius habet ad eos, et quanto perfectius ab  
ipsis amatur ac colitur. Sic facietis ea in  
terra quam possessuri estis, et observabitis  
opere. Mandata enim sunt implenda juxta  
præcipientis intentionem, nec sufficit ad  
salutem, ea facere quantum ad substan-  
tiam operis, sed ex fide et caritate, inten-  
tioneque recta oportet ea servare. Hæc est  
enim vestra sapientia et intellectus coram  
populis, id est, in hoc consistit vera et sa-  
lutaris sapientia vestra ac intelligentia in-  
ter gentes et coram hominibus, qui viderint  
vos in divinorum observantiis præcepto-  
rum fideles, ut audientes universi præve-*



*pta hanc, dicant : En populus sapiens et intelligens, id est, plebs ista Israelitica, Deum verum obedienter et integre colens, est veraciter sapiens, fortunatam et sapidam divinorum scientiam habens, et ea quæ Dei sunt, recte intelligens : sicque convertantur ad legem vestram. Hinc Job fatetur : Ecce cultus Dei, ipsa est sapientia : et recedere a malo, intelligentia. Gens magna, magnitudine spirituali per donorum abundantiam supernorum. Erant quoque magni numero, quia ut patuit, fuerunt ut stellæ plurimi.*

*Nec est alia natio tam grandis. Infra legitur : Te elegit Dominus, etc., non quia eunctas gentes numero vincebatis, quum sitis omnibus populis pauciores. Idei-  
quod ait, Non est alia natio tam grandis, exponendum est, quod illo in tempore non erat aliqua plebs tam digna et electa a Domino, ut Israeliticus populus, ex electissimis Patriarchis ac vatibus natus, divina lege instructus, variis gratiæ donis ornatus, quia ex ea Christus Dei Filius exstitit nasciturus. Quæ habeat deos appropinquantes sibi, sicut Deus noster adest eunctis obsecrationibus nostris : hoc est, gentiles qui idola colunt seu falsos deos, non tam prompte aut salubriter exaudiuntur a diis suis, sicut nos exaudimur a vero Deo quem colimus : nec dii gentium tam potenter et miraculose suos valent cultores protegere ac juvare, sicut nos defendit ac adjuvat Deus noster. Hoc clarissime patuit in Ægyptiis, Amorrhæis, Madianitis, ac ceteris jam victis ab Israelitis. Quæ est enim alia gens sic incluta, spirituali et vera nobilitate gratiæ ac virtutum, aut nata ex tot clarissimis Patriarchis, ut habeat carimonias justaque judicia, hoc est carimonia et judicialia præcepta, et universam legem, quantum ad præcepta moralia et hortamenta ac documenta legis, quam ego proponam hodie, id est in tempore isto, in*

\* ante oculos vestros

ante oculos vestros, vobis præsentibus, et ante oculos cordis vestri? quasi dicat. Non est alia gens talis, sed tu sola es plebs tam electa et nobilitata a Deo. Ne ergo sis

A Deo ingrata, et ne tantam præclaritatem amittas.

*Custodi igitur temetipsum et animam tuam sollicite, hoc est, cum spirituali sollicitudine præcave tibi ab omni peccato, et intus ac extra sis custoditus, ne in aliquo Deum offendas, sed eoram eo semper sollicite ambula. Ne obliviscaris verborum quæ viderunt oculi tui, hoc est, divinorum præceptorum ac testimoniorum, quæ oculi tui interiores intellexerunt, nunquam immemor fias. Vel. Ne obliviscaris verborum,*

B id est rerum significatarum, per verba videlicet signorum et prodigiorum beneficiorumque Dei, quæ corporaliter conspexisti. Possunt quoque per verba, intelligi mandata Decalogi, quæ Dominus in monte Sinai locutus est plebi. Unde in Exodo scriptum est : Cunctus populus videbat voces et lampades, et perterriti dixerunt : Non loquatur nobis Dominus, ne forte moriamur. Atque post pauca dixit Dominus : Vos vidistis quod de cælo locutus sim vobis. Sicque per visum designatur auditus. Visus namque inter sensus obtinet principatum : idei-  
pro unoquoque sensu accipi potest. Et ne excedant de corde tuo per negligentiam, seu occupationem immoderatam in aliis. Verumtamen non oportet sine interpolatione ea actualiter reminisci, sed semper habitualiter debent inesse memoriæ, et actualiter omni tempore opportuno. Estque valde expediens ut assidue recolantur, quatenus secundum ea totam nostram conversationem regulemus ac dirigamus. Docetis filios ac nepotes tuos, hoc  
est sobolem ac familiam, posteritatemque tuam, verba præfata et diem quo stetisti coram Domino Deo tuo in Horeb, id est, omnibus his narrabis, quando et qualiter stetisti ad radices montis Sinai ante legis dationem, et ibi audisti Dominum loquentem ac dantem ipsum legis Decalogum, prout in Exodo legitur.

*Et accessistis ad radices, hoc est pedem, montis Sinai, qui ardebat usque ad cælum. Hoc hyperbolice dicitur, id est, valde alte ascendit ignis a cacumine montis illius.*

Exod. xx, 18, 19, 22.

en

Exod. xix et xx.

Vel usque ad cælum aereum, quod aqua A diluvii occupavit. *Erantque in eo tenebrae*, hoc est fumositates et vapores obscuri, et *nubes*, quæ fuit densissima, et *caligo*, id est carentia luminis : quo constat quod ignis ille fuit fumosus, qui tamen habuit aliquid claritatis, et fuit in una parte montis claritas quædam. Hinc in Exodo legitur, Totus mons Sinai fumabat, eo quod descendisset Dominus super eum in igne, et ascenderet fumus ex eo, quasi de fornace. Eratque mons omnis terribilis. De his et horum causis pertranseo, quia super Exodum hinc dictum est plenius.

*Locutusque est Dominus ad vos de medio ignis* : quia in illo igne montem operiente, angelus in Dei persona apparens, loquebatur ex loco eodem, sicut in igne rubi. Et recte Dominus, qui ignis consumens vocatur, in igne apparuit : nam et ignis sua agilitate, actualitate, calore, splendore, puritate et subtilitate, divinæ naturæ proprietates evidenter designat. Voluit quoque Deus per huiusmodi apparitionem et allocutionem terribilem, suæ majestatis timorem Judæis inentere. Unde demum in Exodo legitur : Jam advenerat dies tertius, et ecce ceperunt audiri tonitrua, et micare fulgura, et nubes densissima operire montem, clangorque buccinæ vehementis perstrepebat, et timuit populus. *Vocem verborum ejus audistis, et formam penitus non vidistis*, hoc est nullam sensibilem speciem ejus qui loquebatur. Quamvis enim angelus sic apparens, consuevit Moysi sensibilibiter apparere in corpore assumpto, tamen pro tunc non ostendit filiis Israel angelus ille aliquam similitudinem corporalem : primo, ad insinuandum divinæ naturæ in-circumscriptibilem immaterialitatem, atque purissimam simplicitatem ; secundo, ne ad imaginem Domini apparentis, filii Israel formarent sibi sculptile aliquod sive conflatile, sicque addicerent idola colere, prout paulo post in textu exprimitur. *Et ostendit vobis pactum suum*, hoc est legem seu fœdus quod iniit vobiscum, ut essetis de cetero peculiaris populus ejus. *Quod*

*præcepit, ut faciatis*\*, implendo quod lex jubet, et quod fœdus illud requirit : et *decem verba quæ scripsit in duabus tabulis lapideis*, hoc est decem præcepta, quæ primo per allocutionem proposuit, deinde in duabus lapideis tabulis scripsit.

*Mihique mandavit in illo tempore, ut docerem vos caerimonias et judicia, quæ facere deberetis in terra quam possessuri estis*. Quum enim filii Israel audissent Dominum decem præcepta terribiliter proponentem, timore concussi, locuti sunt Moysi :

B Loquere tu nobis, et non Dominus, ne moriamur. Atque extunc Dominus soli Moysi proposuit caerimonialia judicialiaque præcepta, ut ipse doceret ea filios Israel, sicut in Exodo legitur. *Custodite ergo sollicite animas vestras ab omni divinorum præceptorum transgressione, præsertim ab interiori impuritate. Non vidistis aliquam similitudinem*. Exprimitur ratio una prætaeta, cur Dominus non apparuit populo in legis datione in aliqua corporali similitudine, scilicet : *ne forte decepti errore idololatriæ, et putantes Deum in propria sua natura esse materiale, et corporalia lineamenta habentem, faciatis vobis sculptam similitudinem*, id est corporale exemplar, ad ejus effigiem formentur idola quæ colantur, *aut imaginem masculi vel femine*, id est alicujus hominis. Itaque non faciatis *similitudinem omnium jumentorum*, id est, nullius jumenti similitudinem faciatis ad colendum, *quæ sunt super terram, vel avium sub cælo volantium, atque piscium qui sub terra morantur in aquis* : quæ juxta ripas suas, inferiores sunt terra ne effluant. Verumtamen aquæ in mari, in locis remotis a ripa, superiores sunt terra, imo et montibus terræ, ut patet ex tractatu de Sphæra, pleniusque probavi super illud in Psalmo, Super montes stabunt aquæ.

*Ne forte*, hoc est, etiam ideo nullam formam Dei vidistis, ne forte oculis elevatis ad cælum, videas solem in die, et lunam et omnia astra cæli : non quod universa sidera sunt perceptibilia visu, sed distri-

\* faceretis

Exod., xv,  
xxxi, 18 |  
xxxiv, 28.

Ibid. xx 19.

Ps. ciii, 6.

Exod., xix,  
18.Hebr., xii,  
29.Ibid., xiv,  
16.

butio ista accommoda est omnibus visibilibus stellis : *et errore deceptus*, putans quod aliquid numinis sit in eis, *adores ea et colas, quæ creavit Dominus Deus tuus in ministerium cunctis gentibus quæ sub cælo sunt*. Hoc Augustinus uno modo exponit sic, quod Deus creavit cælestia corpora in cultum gentilium, non ita quod ideo fecit ea, quatenus ab idololatriæ cole-  
rentur, sed quia præsevit eos cultum illis exhibituros. Melius tamen exponitur, quod Deus creavit ea in ministerium, id est in usum atque obsequium activum, gentibus

*Gen. i, 14, 15.*

universis, ut scilicet cælestia corpora suo motu, lumine et influentia ministrent hominibus, ac diversa commoda pariant eis, tempora distinguendo, juxta illud Genesis : Fiant luminaria in firmamento cæli, et dividant diem ac noctem, et sint in signa et tempora et dies et annos, et illuminent terram. Hanc quoque expositionem tangit Augustinus. Itaque cælestia corpora propter homines, et inferiora sunt eis : ideo non sunt ab hominibus adoranda neque colenda. Denique, numero electorum completo, cessabit motus cæli et influentia siderum consueta. Hinc ministerium quod impendunt hominibus, non est tale, quale quod angeli hominibus exhibent, et prælati subditis suis, quod est ministerium dignationis ac dignitatis. Ideo ex his sumitur argumentum, quod corpora cælestia non sint animata, quamvis Rabbi Moyses et alii multi aliter senserint. Hinc per Jeremiam Dominus loquitur : A signis cæli nolite metuiere quæ timent gentes, quoniam leges populorum vanæ sunt.

*Jer. x, 2, 3.*

Præterea pro eo quod nostra habet translatio, Quæ creavit Dominus Deus tuus in ministerium cunctis gentibus : alia littera continet, Quæ distribuit Dominus Deus cunctis gentibus. Sic quoque secundum Rabbi Paulum, in Hebræo habetur. Circa quod (ut recitat Rabbi Paulus) quidam Hebræi dixerunt, quod sicut Deus deputavit ad custodias singularum gentium singulos angelos, ut patet in Daniele de principe regni Persarum, et de principe regni Græ-

*Dan. x, 13, 20.*

corum ; sic singulis gentibus deputavit singula astra, quibus tales gentes cultum exhibuerunt. Insuper Rabbi Paulus hoc loco contradicit Lyrae, dicendo : Non videtur sufficiens ratio in proposito, quam postulator assignat hic, dicens : Si creaturæ humanæ non est latria impendenda, multo minus corporibus cælestibus, quæ propter hominem facta sunt. Quocirca sciendum, quod Lyra compendiose et apte exponit hunc passum, nec valet reprobatio Rabbi Pauli. Quum enim finis sit dignior his quæ ordinantur in ipsum, et corpora cælestia ordinantur in bonum hominis, quemadmodum elementa et mixta, certum est, quod si hominibus latria non debetur, ergo nec stellis nec orbibus. Unde ad insinuandum hoc ipsum, Moyses ait corpora cælestia in ministerium gentium condita esse : per quod satis significavit, cælestium corporum motum esse cessaturum, cessante hominum generatione. Nec obstat, si in Hebræo habeatur, Quæ distribuit : quoniam sensus redit in idem, videlicet quod corpora cælestia usui commoditæque hominum sunt collata. Propter quod serviunt hominibus servitute inferioritatis, secundum quod Basilii et Damasceni istud exponunt.

*Vos autem tulit Dominus et eduxit de fornace ferrea Aegypti*, id est gravissima servitute et tribulationum fervore, quibus serviebatis Aegyptiis, quibus et lateres coexistis in furnis ; *ut haberet populum hereditarium*, id est ad hoc, ut vos sitis populus Dei peculiaris, ei inseparabiliter

cohaerendo per fidem et cultum, sicut hereditaria possessio firmiter possessori adheret. Unde per Isaiam Dominus ait : Hereditas mea Israel. *Iratusque est Dominus contra me propter sermones meos* \*, hoc est propter culpam meam ad aquam Contradictionis, quam culpam in eidi occasione murmuratum et seditionum vestrarum, juxta præhabita : *et juravit ut non transirem Jordanem*. Ante hæc non legitur Deus istud jurasse, sed quia Moyses nunc ita resumit, credendum est ; et quia post

*Is. xix, 25.*

\* vestros



primam Dei sententiam de hac re Moyses exoravit, ut posset terram promissionis intrare, ut precedenti habetur capitulo, verisimile reor, quod Dominus denegando illam petitionem, juravit quod Moyses illuc non introiret. Hoc de se interposuit Moyses ad aliorum cautelam, ne peccando demererentur terrae promissae ingressum. Ideo subdit : *Cave ne quando obliviscaris pacti Domini Dei tui*, id est legis ac fœderis ejus seu praecepti, quo jussit se solum adorari, et omnem idololatriam declinari : *quia Dominus Deus tuus ignis consumens est, Deus amulator*, id est acute et acriter puniens vitia, impiosque aeterno injiciens igni. Deus item essentialiter caritas est, quæ igni assimilatur : ideo Deus omnem impietatem abominatur, et æquitatem zelatur. Propter quod subditur, Deus æmulator.

*Si genueritis filios immediate, et nepotes mediate per filios, testes invoco cælum et terram*, hoc est intellectuales rationalesque creaturas, et omnes Dei electos in cælo ac terra morantes : sicque ponitur C. ut continens pro contento. Testari autem proprie non competit, nisi intellectualibus creaturis. *Cito vos perituros cum vestra posteritate, si ad idololatriam cum posteris vestris lapsi fueritis. Quumque quæsieris ibi Dominum Deum tuum, invenies eum*, hoc est, dum per veram contritionem invocaveris misericordiam Dei, exaudieris : *si tamen toto corde quæsieris eum*, id est integra fide intellectus, et fervida affectione voluntatis, totisque viribus, et tota tribulatione animæ tuæ, hoc est, cum omni D. nimoda afflictione pœnitentialis doloris, et cum salubri tristitia ac bona formidine. *Postquam te invenerint omnia quæ prædicta sunt*, hoc est, præfata mala pœnalia ac culpabilia tibi contigerint. In tribulatione enim Deus præcipue pronus est misereri, et afflictis compati est paratus. Verumtamen cum perseverantia oportet eum sic quærere. *Novissimo autem tempore reverteris ad Dominum Deum tuum, et audies vocem ejus, quia Deus misericors,*

*A Dominus Deus tuus est. Non dimittet te, nec omnia delebit, neque oblitiscetur pacti in quo juravit patribus tuis.* Hoc accipi potest de finali ac generali Judæorum conversione circa sæculi finem, quia ut Apostolus protestatur : Quum plenitudo gentium intraverit, tunc omnis Israel salvus fiet. Sicque Moyses verba hæc retulit ad din post futuros, sub persona presentium, quibus hæc loquebatur.

*Interroga de diebus antiquis qui fuerunt ante te, ex die quo creavit Dominus Deus tuus hominem super terram*, id est, gesta a principio mundi revolve, inquire et lege : gesta, inquam, a summo cæli usque ad summum ejus, id est in omni loco sub extremis cæli contento. Vel inquire ab omni creatura sub gyro cæli locata. Sic et in Evangelio legitur : Congregabuntur electi a summis cælorum usque ad terminos eorum. *Si facta est aliquando hujuscemodi res, aut unquam cognitum est*, id est, an unquam contigit tam admirabile gratiosumque opus Dei circa aliquem populum, ut scilicet audiret populus alter quam tu vocem Domini loquentis de medio ignis, sicut tu audisti et vidisti ipsum tibi loquentem de igne in Sinai. Attamen in Genesi legitur, quod Dominus vocavit et allocutus est Abraham de cælo : sed hoc uni personæ, non toti populo, est concessum. Interroga quoque : *Si*, id est an, *fecit Deus tam pie cum alia gente, ut ingrederetur Deus per suos ministros, angelos, et homines sanctos, et per effectus magnificos, et tolleretur sibi gentem*, hoc est, populum aliquem sibi misericorditer applicaret, de medio nationum incredularum, per tentationes, id est explorationes seu inquisitiones, quibus per verba quaritur aliquid, sicut Deus primo per Moysen a Pharaone per verba exegit, ut dimitteret filios Israel : et per signa minora seu particularia, ut erant conversio virgæ in colubrum, et reditio ejus in pristinam speciem : † et prodigia, id est generalia ac majora miracula, ut erant conversiones aquarum Ægyptiorum in sanguinem, et

Rom. xi.  
29, 20.

Math.  
xxiv, 31.

Gen. xxi,  
11, 13.

Exod. iv,  
15.

Ibid. vii, 9.

Hebr. xii,  
29.

obscuritas illa palpabilis trium dierum in omni loco habitationis .Egyptiorum, sole suam lucem ab ipsis retrahente ; *atque portenta*, ut erant reliquæ .Egyptiorum plagæ : *per pugnam*, qua Dominus pugnavit pro Israele contra .Egyptios, eorum primogenita occidendo, et ipsos submergendo in mari Rubro ; *et robustam manum*, hoc est potestatem, *extentumque brachium*, id est operationem sublimem, supernaturalem, et evidentem ; *et horribiles visiones*, quia, ut super Exodum dictum est, Deus in somnis dire ac sæpe perterrebat .Egyptios per phantasias et apparitiones horrendas. Propter quod Sapiens ait : Visiones illos turbaverunt. Et item : Tunc continuo visiones somniorum malorum turbaverunt illos, et timores supervenerunt insperati. *Ut scires quoniam Dominus ipse est Deus*, quia per effectus cognoscitur causa, *et non est alius præter eum*.

Sap. xviii,  
19 et 17.

*De caelo audire te fecit vocem suam, ut doceret te*, quia de cacumine montis Sinai, qui usque ad cælum acreum est porrectus ; *et in terra ostendit tibi ignem suum maximum*, hoc est, tibi existenti juxta pedem montis, monstravit ignem terribilem valde magnum in vertice montis ejusdem : qui tamen ignis, igni elementari quasi incomparabiliter minor fuit : *quia dilexit patres tuos*, hoc est, ex sua caritate et pietate hæc fecit, qua Patriarchas sanctos amavit, et propter merita quæ eis donavit, *et elegit semen*, id est posteritatem, *eorum post eos*. Sicque totum fuit pietas et gratia ejus, cuius tamen electio activa seu prædestinatio est æterna, sed per effectus monstratur in tempore. Elegit quoque semen Patriarcharum non totum, sed aliquos posterorum.

*Tunc separavit Moyses tres civitates trans Jordanem ad orientalem plagam, ut confugiat ad eas qui occiderit nolens proximum suum*. Illic agitur de urbibus refugii, ad quas confugerunt qui a casu vel ignorantia aliquem occiderunt : et de ista

A materia diffuse præhabitu est in Numeris. *Ista est lex quam proposuit Moyses coram filiis Israel*, hoc est, juxta Jordanem repetivit, sicut in Sinai eam recepit, ac populo insinuavit : textusque planus est. Hanc tamen legem infra magis in speciali resumit, atque hincque eam in generali multipliciter commendavit.

Sensus moralis.

Moraliter docemur ex toto præsentis capitulo, quam sollicite et ferventer debemus legem evangelicam adimplere, quam ipsemet Deus incarnatus in propria persona contulit nobis, in ejus observantia consistit universa salus, honorificentia ac gloria populi christiani coram Deo et universis electis. Et si plebs christiana legem sibi desuper oblatam, integre inviolabiliterque servaret, a cunctis gentibus magnificaretur, et prævaleret universis hostibus suis. Denique quamvis Moyses pro tempore suo ac decursu veteris Testamenti, vere gloriatus est, dicens, Non est alia natio tam grandis, etc. : itemque, Quæ est alia gens sic inelyta, etc. ? tamen tempore evangelicæ legis evanescens est gloriatio illa, quoniam populus christianus incomparabiliter magis honorificatus, nobilitatus, universis gratiarum eminentiis decoratus est sub novi tempore Testamenti a Deo, quam antea Synagoga. Et in Sacramento vere præsentialem adest nobis ac precibus nostris Dominus Deus noster, perfectioremque legem contulit nobis quam illis. Sed quanto plus ita est, tanto amplius debemus Deo grati existere, atque cum omni diligentia et custodia cordis ei jugiter deservire. Quod si reliquerimus eum, dispergemur per multitudinem vitiorum, et serviemus demonibus, creaturis magis quam Creatori, tanquam idolis adhærebimus ; sed si toto corde et tota tribulatione animæ nostræ quesierimus eum indesinenter, inveniemus. Postremo, quid per civitates refugii et alia in isto capitulo scripta designetur, in Numerorum libro et alibi est expressum.

D

## ARTICULUS VI

DECLARATIO LITTERALIS CAPITULI QUINTI : VOCAVITQUE MOYSES OMNEM ISRAELITAM.

NUNC incipit legislator legem in speciali resumere, atque ad ejus observantiam affectuosissime admonere: et a decem praeceptis moralibus, quae digniora sunt, incipit. *Vocavitque Moyses omnem Israelitam.* Non enim potuit omnia verba hujus libri uno die proferre ad populum, sed vitans fastidium, quolibet die certam proposuit partem. Unde nunc volens ad particularia descendere, populum convocavit. *Et dixit ad eum: Audi caerimonias atque judicia, quae loquor ego in auribus vestris hodie.* In libro isto idem sensus nunc sub iisdem, nunc sub aliis verbis frequenter exprimitur ad inculcandam hanc legem duris cordibus Judaeorum. *Dominus Deus noster pepigit nobiscum fœdus in Horeb,* id est, in monte Sinai legem contulit nobis, et pactum pacis, amicitiae ac familiaritatis percussit nobiscum. *Non cum patribus nostris iniiit pactum.* Scriptum est in Genesi: Dixit Deus ad Noe et ad filios ejus: Ecce ego statnam pactum meum vobiscum. Similiter alio loco libri ejusdem Dominus ait ad Abraham: Ponam fœdus meum inter me et te. Tu ergo custodies pactum meum. Quomodo ergo nunc ait Moyses, Non cum patribus nostris iniiit pactum? Sed ad hæc ac similia una responsio, quia cum illis Deus non iniiit pactum, id est, observantiam hujus totius legis eis non jussit, nec legem hanc tradidit ipsis. *Facie ad faciem locutus est nobis in monte de medio ignis,* id est palam et non per intermedium hominem, quia Decalogum protulit ad totum populum Israel immediate per angelum. *Ego sequens et medius fui inter Deum et vos in tempore illo, ut annuntiarem vobis verba ejus.* Audito enim Decalogo ex ore Dei per

angelum, populus territus rogavit Moysen ut ipse ad Deum accederet, et verba ipsius audiret, denuntiaretque ea ipsis. *Exod. xx 18. 19.*

*Et ait: Ego Dominus Deus tuus, o Israel, cui solum latriæ cultum impendere debes.* Ideo subditur: *Non habebis deos alienos in conspectu meo. Ego enim sum Dominus Deus tuus, Deus armulator,* id est zelator justitiæ, et omnem iniquitatem detestans ac puniens, *reddens iniquitatem patrum super filios in tertiam et quartam generationem his qui oderunt me,* id est imitantibus vitia patrum. Denique, quamvis nemo possit Deum odire secundum se, videlicet in quantum est ipsa bonitatis essentia, et bonitas pura, tamen ratione sui effectus odiri potest ab impiis, in quantum prohibet ea quæ ipsi desiderant, et poenam infligit. *Et faciens misericordiam in multa millia diligentibus me, et custodientibus mandata mea.* Verba hæc in Exodo saepe exposita sunt. Præcepta autem Decalogi quæ hic repetuntur, Exodi etiam alio loco continentur, et diffuse exposita sunt: ideo non est immorandum. *Non usurpabis nomen Domini Dei tui frustra,* jurando per Deum aut alio modo sine necessaria aut rationabili causa; *quia non erit impunitus qui super re vana nomen ejus assumpserit,* id est, ad confirmandum rem seu locutionem cassam, inanem, frivolum aut indignam, Deum in testem acceperit. O quam multi contra hoc agunt, et pessimam sibi consuetudinem faciunt!

*Hæc verba, videlicet decem præcepta, locutus est Dominus ad omnem multitudinem vestrum in monte de medio ignis et nubis et caliginis, voce magna, nihil addens amplius; et scripsit ea in tabulis*

*Gen. ix, 8.  
9; xvii, 2, 9.*

*Exod. xxxiv, 7 et xx, 6.*



*lapideis quas tradidit mihi.* Nam quia ad naturalem pertinent rationem, et universos concernunt, præstantioraque sunt, et ad ea reducuntur alia, voluit Dominus per se, hoc est per angelum in sua persona loquentem, non per hominem, primo mandare ea ad populum.

Et accessistis ad me omnes principes tribuum et majores natu, atque dixistis : Ecce ostendit nobis Dominus Deus noster majestatem et magnitudinem suam, id est, per suos effectus quos in monte Sinai vidimus et audivimus, patefecit nobis omnipotentiam et eminentiam suam : et probavimus hodie per experientiam, quod loquente Deo cum homine, vixerit homo, quum tamen humana fragilitas, præsertim hominum imperfectorum, non possit faciliter talem locutionem sufferre. Cur ergo moriemur, et devorabit nos ignis hic maxime ? quasi dicant : Jam satis ostensa est nobis magnificentia Dei nostri per effectus præactos, nec opus est ut amplius talia audiamus et inspeciamus : quid ergo necesse est, ut ex talium sensatione penitus prosternamur ? Si enim ultra audierimus vocem Domini Dei nostri, id est vocem illam tubalem et magnificam, moriemur, id est, ferre non poterimus, sed ex nimia formidine, alteratione et sensuum læsione, prorsus deficiemus in corpore. Quid enim est omnis caro, ut audiat

*A vocem Dei viventis sicut nos audivimus, et possit vivere ?* quasi dicant, Fragilis creatura humana sufferre non potest. Unde in Apocalypsi ait S. Joannes : Quum vidissem eum, eccidi ad pedes ejus tanquam mortuus. Et Isaïas : Corruï quum audirem, emareuit cor meum. Daniel quoque : Domine, inquit, in visione tua dissolutæ sunt compages meæ, et nihil in me remansit virium. Apoc. i, 17.  
Is. xxi, 3. 4.  
Dan. x, 16.

Quod quum audisset Dominus, id est, intra se cognovisset, ait ad me : Audiri vocem verborum populi hujus, quæ locuti sunt tibi. Bene omnia sunt locuti. Quis det talem eos habere mentem ut timeant me ? Hoc Dominus ait, non quasi impossibile sibi sit dare hominibus mentem hujusmodi, sed ad insinuandum humani arbitrii libertatem, et quod ipse quantum in se est, cupiat nostram salutem, et adjuvare paratus sit. Hinc in Isaia locutus est Dominus : Utinam attendisses mandata mea. Custodite ergo et facite ea quæ præcepit Dominus Deus vobis. Non declinabitis neque ad dextrum, neque ad sinistram, id est ad nullum vitiosum extremum, inter quæ mediat virtus : nec ultra vires quid attentetis, nec citra vires pusillanimes sitis, remissi, aut tepidi : nec propter prospera sæculi obtinenda, nec propter adversa effugienda, recedatis a via justitiæ ac salutis. Is. xlviii, 18.

## ARTICULUS VII

EXPLANATIO LITTERALIS CAPITULI SEXTI : ILEC SUNT PRÆCEPTA ET CÆRIMONIE.

**I**N exordio hujus capituli tangitur triplex genus præceptorum veteris legis. Ille primum est præceptum morale, quod est directe de actu justitiæ seu virtutis observando, vel de vitando ejus contrario. Nam tria prima præcepta pertinent ad latrariam, secundum assignationem communem, quamvis

primum magis proprie spectet ad fidem, quæ est omnium fundamentum virtutum. Alia septem ad justitiam pertinent. Secundum genus est, præceptum cærimoniale, quod multas species habet. Suntque præcepta cærimonialia, quædam determinatæ explicationes trium priorum Decalogi

praeceptorum : quoniam praecepta caerimonia-  
lia tradunt varium modum colendi  
Deum, per sacra et sacrificia ac sacramen-  
ta, observantiasque legales. Tertium est  
praeceptum judiciale, quod in diversas di-  
viditur species. Sunt autem judicialia prae-  
cepta, quaedam statuta divina de modo  
observandi justitiam in mutuo convictu  
humano : ideo sunt determinatae explica-  
tiones, et velut conclusiones septem prae-  
ceptorum Decalogi concernentium proximos.  
De his dictum est copiose super  
Exodum ex scriptis Alexandri de Hales su-  
per tertium Sententiarum, et S. Thomae in  
prima secunda, atque Guillelmi Parisien-  
sis libro de Fide et legibus.

*Haec sunt praecepta moralia et caerimonia-  
lia, id est praecepta caerimonia-  
lia, atque  
judicia, id est judicialia jussa. De prae-  
ceptis autem caerimonalibus et judicialibus,  
infra tractatur in diversis capitulis. Audi.  
Israel, Dominus Deus tuus, scilicet verus  
Deus, quem solum colis, aliis gentibus ad  
idololatriam lapsis. Deus unus est : quo-  
niam deitas vera seu divina essentia di-  
versificari non potest, nec multiplicari :  
quod et philosophi satis demonstrant, qui  
unam summam et primam omnium causam  
esse noverunt. Istud est primum praecep-  
tum Decalogi, quod et praecedenti capi-  
tulo est repetitum, et nunc quoque repeti-  
tur : quia ad praeceptum principalissimum,  
quod statim subjungitur, necesse est scire  
aut credere, quod non sit nisi unus verus  
Deus, qui tam vere est trinus in Personis,  
quam vere unus in essentia.*

Deinde principalissimum praeceptum ex-  
primitur. *Diliges Dominum Deum tuum,*  
id est, jubeo ut diligas, et diligere obligaris  
Dominum Deum tuum spiritali et infuso  
amore, *ex toto corde tuo,* id est toto intel-  
lectu, et intellectuali affectu seu voluntate,  
*et ex tota anima tua,* id est animali et  
sensitiva vi, cognitiva et affectiva, hoc est  
omni sensu exteriori ac interiori, sensi-  
tivoque appetitu, *et ex tota fortitudine  
tua,* id est etiam omni robore corporali, et  
omni vi practica, exteriorique potentia ex-

A sentiva : quae non sunt intelligenda, quasi  
actus dilectionis divinae possit subjective  
formaliterque inesse intellectui appetiti-  
vo, potentiae sensitivae, aut viribus sensi-  
tivis, quum sic soli inhaereat voluntati, a  
qua et elicitive procedit ; sed quod intelle-  
ctus ac ceterae vires, debeant regulari ac  
dirigi in omnibus actibus suis ad subser-  
viendum divino amoris, et sicut exigit ca-  
ritas Dei, atque ut oportet seu expedit ad  
proficiendum in puro et supernaturali Dei  
amore. Itaque in praecepto amandi Deum,  
B non exprimitur certa diligendi mensura,  
sed jubetur ut totis, corde, anima, et for-  
titudine diligatur, ad innuendum quod  
creatura non valeat Deum nimis diligere,  
imo nec tantum, quantum ipse ex propria  
bonitate amabilis est ; et etiam quoniam  
prior dilexit nos, et propter universa be-  
neficia ejus, ineffabilia quoque promissa,  
quae nec oculus vidit, nec auris audivit,  
nec mens apprehendere valet.

1 Joann. iv,  
10.

1 Cor. ii, 9.

Præterea istud praeceptum tripliciter po-  
test intelligi et impleri. Primo, ut sic Deus  
ametur toto corde, etc., quod ejus caritati  
nil praeponatur, nec aliquid tantum ametur  
ut ipse, imo necesse est ut appetitive  
ametur incomparabiliter plus quam reli-  
qua omnia. Nec est aliquis in statu salutis  
et gratiae, nisi sic stet, quod mallet pro-  
priam vitam et totum mundum amittere,  
quam peccando mortaliter offendere ac  
perdere Deum. Propter quod loquitur An-  
gustinus : quod minima caritas plus diligit  
Deum, quam maxima cupiditas mundum,  
appetitive videlicet, non tamen inten-  
sive, monstrat quod quis intensive plus  
afficiatur creaturae quam Creatori absque  
peccato mortali ; alias vix aliquis videretur  
esse in caritate. Secundo exponitur et im-  
pletur sic, quod Deus diligatur toto cor-  
de, ita ut propter Deum et ejus amorem  
vitentur non solum illicita, id est peccata,  
praesertim mortalia, sed etiam licita qua-  
dam, quae solent a divini amoris profectu  
et perfectione praecipue impedire, ut sunt  
eognati, uxor, et propriorum possessio,  
proprieque voluntatis libertas : sicque re-

ligiosi se ipsos et omnia relinquentes, nituntur præceptum istud implere. Tertio intelligitur et impletur sic, quod rationalis creatura indesinenter feratur in Deum, et absque interpolatione actualiter, secundum extremum posse suum stet Deo unita et intenta toto corde, tota anima seu natura, universisque viribus suis : et ita hoc præceptum non impletur nisi in patria.

Quumque caritas sit omnium virtutum et donorum finis, vertex, imperatrix ac domina, constat quod istud præceptum, etiam secundum primum et infimum modum suæ impletionis, sit finis ceterorum omnium præceptorum, quorum impletiones seu actus ordinare debemus ad Dei amorem, ejusque incrementum. Loquendo autem de isto præcepto juxta secundum modum suæ impletionis et expositionis, sic non solum cuncta præcepta, sed universa quoque evangelica consilia ordinantur in ipsum. Ideo namque cognati, uxor, divitiæ ac voluntas propria relinquuntur, quatenus homo liberatus et expeditus ab omnibus illis, toto corde feratur et afficiatur ad Deum, quotidie magis ac magis intense et pure. Porro, loquendo de isto præcepto secundum tertium modum implendi exponendique ipsum, sic universa præcepta, consilia, exercitia, imo et præfati duo modi implendi ipsum, finaliter referuntur ad ejus impletionem. Quum igitur præceptum istud sit finis in agendis, debet esse primum in intentione, juxta quod dicunt philosophi, quod finis in agibilibus habet rationem principii, videlicet quoniam primo cadit in apprehensione, et monet agentem ad procedendum in actum. Et ita quod est primum in intentione, est ultimum in executione : sicut in arte medicine sanitas, quæ est finis, primo a medente intenditur, et ea adepta, quiescit. Itaque in omni actu et exercitio bono intendamus in Dei amore proficere, et caritas Dei nos excitet ad omne bonum agendum, imo et ad sustinendum libenter omne adversum. Deinde docetur, quam indelebiter ac indesinenter sint verba hujus præcepti imprimenda me-

moriar. Nam actus dilectionis ex prima apprehensione dilecti procedit.

*Eruntque verba hæc de diligendo Dominum toto corde, quæ ego præcipio tibi hodie, in corde tuo, id est in intellectu qui est locus intelligibilium specierum, et idem quod intellectiva memoria, secundum Philosophum tertio de Anima : et narrabis ea filiis tuis, id est domesticis et specialiter soboli tuæ, et his qui sub tua sunt cura : et meditaberis ea, sedens, id est existens, in domo tua, id est, in quocumque domicilio fueris, et ambulans in itinere, id est foris existens, et dormiens, id est ad dormiendum vadens et lectum ingrediens, sive in lecto jacens, mox ut fueris expegefactus, atque consurgens de strato, ut sic primitus queras regnum Dei. Ideo autem sunt taliter meditanda, quatenus ex tam assiduis eorum commemorationibus generetur in meditatione assidua, actualis dilectio Dei, et inflammatio in eadem. Denique quoniam dormientibus solent in somno occurrere ea quæ in vigilia diligentius cogitant, tractant, et operantur : ideo tam assidue et ferventer sunt ista in vigiliis meditanda, ut in somno quoque occurrant. Nam et teste Philosopho primo Ethicorum, Sapientes et virtuosus habent somnia puriora, et in somnis meliora phantasmata. Hinc in Ecclesiaste scriptum est : Multas curas sequuntur somnia. Præterea, constat quod hi qui tam assidue et ferventer tempore vigiliarum occupant se in meditatione et actu divinæ dilectionis, frequenter in somno sincerissime eriguntur mente ad Deum, per contemplationem, fervidumque amorem, ita ut ex sententia dicere queant illud in Canticis : Ego dormio, et cor meum vigilat.*

Vernuntamen prædicta non sunt intelligenda, quod homo teneatur aut possit in vita hac sine interruptione actualiter meditari verba divina, aut ea implere effectu, sed loco et tempore opportuno : estque conandum et exercitare se debet, ut quantum suæ fragilitati exstat possibile, meditetur et impleat ea semper in actu, non in

Matth. vi.  
33.

Eccle. v. 2.

Cant. v. 2.



habitu solum. Ideo autem Deus praecepit A nobis ista tam ardua et perfecta, ut sciamus quo tendere et ad quid jugiter conari debemus. Semper quoque humiliemus nos vehementer, pensantes quantum distemus a plena executione seu perfecta adimplerone istorum. Itaque in omni exteriori occupatione, locutione et labore, in omni loco et tempore assuescamus mentem nostram ad Deum erigere, et istud praeceptum recolere; sicque ingemiscere, adspirare, ac affici ad divina, caelestia et interna, praesertim ad Deum et superbeatissimam B Trinitatem, et actualiter stare uniti cum Deo; quod non debet alieni impossibile apparere, quum multi sic afficiantur ad creaturam, ad aurum, ad vilem carnem, ut vix aliud valeant cogitare, atque in omni loco et actu illud occurrat memoriae eorum.

*Et ligabis ea quasi signum in manu tua*, id est, operibus tuis ea semper associabis in exemplum edificationis aliorum: *creantque et morebuntur inter oculos tuos*, id est, prae oculis cordis jugiter habeas ea, ac si ante exteriores oculos tuos essent appensa: *scribesque ea in limine et ostiis domus tuae*, id est, ingrediens et egrediens habebis ea in corde. Verumtamen Judei superficiem litterae assequentes, istud sic intellexerunt, quod verba haec essent scribenda in schedulis seu membranulis, sicque alliganda fronti ac brachiis, superiori-que limini ac januis domus: quod et nunc usque quidam eorum observant, non solum de isto praecepto, sed et de toto Decalogo.

*Quumque introduxerit te Dominus Deus tuus in terram promissam, pro qua juravit patribus tuis, Abraham, Isaac et Jacob, etc., cave diligenter ne obliviscaris Domini Dei tui*, id est, vide ne opulentia et prosperitas terrena ac delicata relectio, fiant tibi occasio vitae intumescere, et oblivionis Dei atque tumoris, sicut nonnulli qui de inopia et vili statu subito ad opulentiam et honorificentiam promoventur, solent status pristini oblivisci ac tumidi fieri. *Dominum Deum tuum timebis* filiali et casto vel saltem initiali timore, et ipsi

*soli servies*, obediendo ejus praeceptis, cultumque patriae ei dumtaxat impendes; *ne per nomen ejus jurabis*: id est, nequaquam per falsos deos aut idola debes jurare, sed ratione exigente ut jures, jurabis cum debita reverentia per Deum verum formaliter aut equivalenter: quia si juretur per aliquod sacrum, in quantum increata veritas aut majestas representatur et rehuet in illo, equivalenter per Deum juratur. Itaque per haec verba non datur jussio, imo neque licentia passim et sine condigna causa jurandi, sed sacrilega ac perfida prohibetur juratio.

*Non tentabis Dominum Deum tuum*, *Math. iv. 7.*

*sicut tentasti eum in loco Tentationis*, videlicet in deserto frequenter, quum in

Numeris Dominus dicat: Tentaverunt me jam per decem vices. Porro tentare, est verbis aut factis experimentum sumere de

tentato, sive hoc fiat evidenter, ut quum aliquis se tentatorem fatetur: sive occulte et insidiosae, seu interpretative, ut dum quis non intendit sumere experimentum

C de alio, aliquid tamen facit, quod non est ad aliud ordinabile, nisi ad sumendum experimentum de aliquo. Itaque homo dicitur Deum tentare verbis, dum aliquid postulat in oratione a Deo, quatenus exploret seu experiatur an Deus omnia sciat, aut possit, seu hoc aut illud velit; similiter factis tentat Deum, qui per ea quae facit, intendit divinae scientiae aut potestatis vel voluntatis sumere experimentum: interpretative autem, qui etsi hoc non intendat, aliquid tamen agit, ad aliud nihil

D referibile aut utile, nisi ad experiendum scientiam, potestatem, voluntatemve Dei: ut si quis se committat divino auxilio sine necessitate aut utilitate, dum scilicet habet unde se possit juvare, et illud omittens, periculo se committit. Hinc, secundum Augustinum, Deum tentat, qui praetermittit facere quod in se est ad evadendum periculum. Ideo ait Glossa: Deum tentat, qui habens quod faciat, se absque ratione committit periculo, experiens an possit liberari a periculo. Hinc Salvator diabolo precipitatio-

nem suggerenti obiecit hanc auctoritatem : A *Matth. iv, 7.*  
*Luc. iv, 12.* Non tentabis Dominum. Fuit enim descensus  
 de pinnaulo templi paratus. Insuper quum  
 experimentum sumere de bonitate, sapientia  
 aut potentia Dei, procedat ex dubitatione  
 aut ignorantia tentantis, vel eorum quibus  
 vult manifestare, quod Deus omnia  
 sciat et possit : ideirco Deum tentare ad  
 hoc, quod ipse qui tentat, experiatur an  
 Deus sciat possitque omnia, est peccatum :  
 quia de hoc certi esse debemus : et est  
 mortale peccatum ex genere, contrarium  
 religioni seu latriæ, ejus est Deo reverentiam  
 exhibere. De hac materia plenius  
 scribit Thomas in secunda secundæ, quæ-  
 stione 97.

*Quum interrogaverit te cras*, id est in  
 futuro, *filius tuus*, id est proles seu quæ-  
 cumque persona tibi commissa, aut pro  
 informatione confugiens ad te, *dicens* :  
*Quid sibi volunt testimonia hæc et cari-*  
*moniarum atque judicia hæc?* id est, cur ista  
 sunt nobis præcepta? *Dices ei* : *Servi era-*  
*mus Pharaonis*, id est, de Egyptia servi-  
 tute nos liberavit : quo facto, præcepit  
 nobis ista in Sinai, ut obediendo ei in  
 istis, possideamus terram promissam diu  
 atque pacifice. *Fecitque prodigia et signa*  
*magna et pessima*, id est valde penalia  
 seu valde mala, malitia pœnæ, non culpæ.

quæ et judicio Egyptiorum patientium  
 plagas Dei, pessima erant. De tali malitia  
 scriptum est : Vidit Deus quia conversi  
 sunt Ninivite, et misertus est super mali-  
 tiam quam locutus fuerat, ut faceret eis, et  
 non fecit. Et Amos ait : Si erit malum in  
 civitate, quod Dominus non fecit? In Isai-  
 a quoque Dominus protestatur : Ego Domi-  
 nus faciens pacem, et creans malum. *Erit-*  
*que nostri misericors, si custodierimus et*  
*fecerimus omnia præcepta ejus coram Do-*  
*mino Deo nostro, sicut mandavit nobis.*

B Ecce quod justorum salvatio est miseratio  
 Dei. Nam et merita nostra, sunt Dei dona :  
 et quidquid obsequii impendimus ei, te-  
 nemur. Estque pia dignatio Dei, quod obse-  
 quia nostra tam defectuosa, quæ et panno  
 menstruata assimilantur, acceptat. Propter  
 quod ait Salvator : Quum feceritis omnia  
 quæ præcepta sunt vobis, dicite : Servi  
 inutiles sumus ; quod debuimus facere, fe-  
 cimus. Ex his compellimur nos ipsos in  
 omnibus profunde ac omnifarie humiliare,  
 nec unquam inaniter gloriari, quasi  
 C magni aliquid operati : imo Dominum cum  
 omni humilitate et fervore jugiter exorare  
 debemus, ut nostram qualemcumque ser-  
 vilitatem pie acceptare dignetur, nosque  
 misericorditer salvet, tueatur, et indesi-  
 nenter gubernet.

## ARTICULUS VIII

ELUCIDATIO LITTERALIS CAPITULI SEPTIMI : QUUM VERO INTRODUXERIT  
 TE DOMINUS IN TERRAM.

D EUS omnipotens sponsus exstitit Sy-  
 nagogæ : ideo more sponsi zelotypi  
 noluit illam in aliquo communicare adul-  
 teris gentibus, puta idololatris, quarum  
 animæ erant demoniorum adulteræ : imo  
 præcepit sponsæ suæ demoliri hujusmodi  
 gentes, et ritum earum exstirpare, omnem  
 quoque turpem et vitiosum eradicare affe-

etum ex proprio corde, nec solum mala, sed  
 et occasiones malorum seu spiritualium  
 fornicationum, utpote pactum et amicitia-  
 m atque connubia idololatrarum abji-  
 cere. Hinc Moyses ex ore Dei præcepit :  
*Quum vero introduxerit te Dominus in*  
*terram promissionis, quam possessurus in-*  
*gredieris, et deleverit*, id est, ad occiden-

dum tibi subjecerit, *gentes multas eorum* A ad ipsius honorem, ideo debes cultus sacrilegos demoliri.

*Heethæum, et Gergesæum, et Amorrhæum, et Chanaanæum, et Pherezæum, et Hevæum, et Jebusæum, septem gentes multo majoris numeri quam tu es, et robustiores te.* Hoc dupliciter potest intelligi : Primo, quod septem gentes istæ simul sumptæ, excedebant filios Israel multum in multitudine suppositorum ac robore corporali. Secundo, quod unaquaque earum ita excessit Israelitas : et hoc secundo modo videtur intelligendum, quum infra dicatur ad fi-

*Te elegit Dominus Deus tuus, ut sis ei populus peculiaris de cunctis populis qui sunt super terram, id est specialis et hereditarius ac devotus. Non quia cunctas gentes numero vincebatis, vobis junctus est Dominus, id est, Deus gratiose applicuit se vobis non ob multitudinem vestram, et elegit vos, quum omnibus sitis populis pauciores.* Quo constat, quam innumera-

biles homines tunc fuerunt in mundo, quia B et in populo Israel erant tot millia virorum, præter mulieres, pueros et puellas, imo et præter senes qui non computabantur inter bellatores, qui soli ab anno vicesimo usque ad sexagesimum numerabantur, secundum Josephum. Ex qua etiam consideratione perpenditur, quam innumera-

abilia sint millia angelicorum spirituum, imo et angelorum infimi chori, quum quilibet homo specialem habeat angelum sui custodem : atque secundum divinum Dionysium, unusquisque ordo seu chorus angelicorum spirituum, tanto plures in se C habet angelos sanctos, quanto superior est. *Sed quia dilexit vos Dominus, id est, sua præveniens æterna ac gratuita dilectio ad vos, ratio est quod vos elegit, et custodivit juramentum quod juravit patribus vestris, id est, promissionem Patriarchis factam de introductione posterorum eorum in terram promissionis implevit, implereque voluit ; eduxitque vos in manu forti, et redemit de domo servitutis et de manu Pharaonis.* Hoc, inquam, est causa seu ratio non D æternæ electionis in Deo, sed temporalis gratiosæ separationis, qua filios Israel a ceteris gentibus segregavit, suoque cultui mancipavit.

Præterea, quamvis Deus dicatur hos filios Israel elegisse, non tamen omnes erant prædestinati : imo multi eorum postea in terra promissionis graviter peccaverunt et perierunt, sicut ex libro Judicum comprobatur, sed totum frequenter denominationes sortitur a parte. In Scripturis quoque interdum aliqui appellantur electi, quia

Deut. vii, 7.  
Gen. x, 15-18.

Isa. lxx, 19-21.

Deut. ii.

*Percuties eos usque ad internecionem : ne tecum manendo, alliciant te ad suos errores. Jam quoque iniquitates gentium harum erant impletæ, et divino judicio meruerunt occidi, voluitque Deus per filios Israel executionem hanc sui judicii fieri. Non inibis cum eis fœdus amicitiae, nisi sponte vellent ad Judaismum converti : nec misereberis eorum : quia hoc non fuisset vera misericordia, sed prava molli- ties et vitiosa remissio contraria Dei præcepto, velut si quis latronem morti adjudicatum velit eripere. Nec sociaberis cum eis confugia : quia per hoc soboles tua ad idololatriam traheretur, quemadmodum in libro Judicum docetur postea sæpe impletum. Aras eorum subvertite et confringite statuas, lucosque succidite, et sculptilia comburite, id est altaria, fana, et consimilia loca, in quibus idololatrias suas exerce- runt, quia populus sanctus es Domino Deo tuo, id est consecratus cultui veri Dei*



ad temporalia bona ac privilegia quædam A  
erant assumpti præ ceteris, quemadmodum  
1 Reg. ix, 2. Saul in libro Regum saepe vocatur electus  
a Domino, vel Dei electus. Et in Psalmo  
Ps. lxxxvii, habetur, Electos Israel impedit. Denique,  
31. sicut Thomas scribit in prima parte Sum-  
mæ suæ, quæstione 23: Prædestinatio est  
pars providentiæ, providentia vero est pars  
prudentiæ, prudentia autem est ratio in-  
tellectus, præceptiva ordinationis aliquo-  
rum in finem. Nullus demum ordinat ali-  
quid in finem, nisi præexistente voluntate  
finis, id est, nisi velit rem illam acquirere  
finem huiusmodi. Prædestinatio ergo ali-  
quorum in vitam æternam, præsupponit  
et includit quod Deus velit eos adipisci  
salutem æternam: ad quod pertinent et  
concurrunt electio atque dilectio. Nam  
quod vult eis hoc bonum, procedit ex ca-  
ritate: quod autem quibusdam hoc vult, et  
non omnibus, loquendo de voluntate con-  
sequente et absoluta, ad electionem est  
pertinens. Hinc prædestinati eliguntur. Hoc  
quoque pensandum, quod in nobis electio  
præcedit dilectionem. Eligimus enim quem  
diligamus; sed in Deo est e converso: quia  
voluntas nostra diligendo non causat bo-  
num quod amat in alio, sed ex præexsi-  
stenti bono movetur ut diligit; sed Dei  
voluntas diligendo est causa bonitatis eo-  
rum quæ amat: sicque secundum ordinem  
rationis, electio præsupponit dilectionem  
in Deo.

Et scies per fidem, imo et per rationem  
naturalem, et per experientiam divinorum  
effectuum, quia Dominus Deus tuus ipse  
est Deus fortis, id est omnipotens, et fide-  
lis in promissis, et neminem in se speran-  
tem decipiens; custodiens pactum et mi-  
sericordiam diligentibus se, et his qui  
custodiunt præcepta ejus in mille genera-  
tiones; et reddens odientibus se debitam  
pœnam, ita ut disperdat eos, id est, diver-  
simode perdat ac damnet, et ultra non  
differat, protinus eis restituens quod me-  
rentur. Hoc quidam dicunt intelligendum  
de Israelitis odientibus Deum, eo quod  
scriptum est secundo Machabæorum libro:

A Etenim multo tempore non sinere pecca-  
toribus ex sententia agere, sed statim ul-  
tiones adhibere, magni beneficii est indi-  
cium. Non enim sicut in aliis nationibus  
Dominus patienter exspectat, ut eas quum  
judicii dies advenerit, in plenitudine pec-  
catorum puniat, ita et in nobis statuit, etc.  
Verum expositio ista non censetur idonea.  
Moyses enim hic loquitur de reprobis et  
æterna damnatione eorum. Præfata vero  
auctoritas libri Machabæorum, loquitur de  
electis quos Deus paternaliter in hac vita  
castigat. Nec absolute in omnibus verifi-  
catur, quod filii Israel transgressores ac  
vitiosi, fuerunt statim a Deo puniti, ut  
maxime patet de rege Manasse, et aliis qui  
multis annis fuerunt idololatæ. Frequen-  
ter etiam contigit, quod aliqui gentiles  
fuerunt propter sua facinora statim plaga-  
ti, ut de multis martyrum persecutoribus  
patuit. Attamen tempore veteris Testamen-  
ti, ut patet ex libro Judicum, aliisque Scri-  
pturis, communiter ita fuit, quod filii Is-  
rael ad idololatriam convergentes, fuerunt  
cito a Deo correpti et flagellati. Itaque lo-  
cus iste de odientibus Deum potest expo-  
ni, sive fuerant Hebræi, sive gentiles, ita  
quod aliqui tales in utroque populo fuerunt  
cito ac rigore a Deo puniti ac condem-  
nati; aliqui vero diutius tolerati, quorum  
aliqui tandem pœnituerunt, alii perseve-  
raverunt in vitiis. Potest etiam dici, quod  
omnes odientes Deum ac reprobi protinus  
puniantur a Deo, quoniam respectu æter-  
nitatis omne tempus est tanquam momen-  
tum. Unde de impiis scriptum est: Subito  
defecerunt, et gaudium hypoeritæ ad in-  
star puncti. Propter quod in libro Sapien-  
tiæ fatentur: Transierunt omnia illa tan-  
quam umbra.

Custodi ergo præcepta atque judicia quæ  
ego mando tibi hodie, ut facias ea. Si cu-  
stodieris ea, videlicet Dei præcepta, non  
erit apud te sterilis utriusque sexus, tam  
in hominibus quam in gregibus tuis, id  
est, prolis fecunditatem tribuet tibi ac tuis  
pecoribus. Istud tamen non fuit præmium  
principale, ideirco nec omnibus justis in

II Mach. vi,  
13-15.

IV Reg. xxi.

Ps. lxxvii,  
19.  
Job xx, 5.

Sap. v, 9.

veteri Testamento dabatur : imo quidam sanctissimi tunc in virginitate manserunt, ut Elias et Jeremias. Quidam etiam justi conjugati, steriles permanserunt. Tamen, ut habetur in Glossa, illi tam pauci fuerunt, quod comparatione aliorum quasi nulli fuisse videntur : quod autem modicum est, pro nihilo reputatur. Omnibus autem obedientibus Deo, dabatur spiritualis fecunditatis profectus. *Auferet Dominus a te omnem languorem, et infirmitates Egypti pessimas, quas novisti.* Tunc enim communitur dabatur obedientibus Deo temporalis prosperitas et sanitas corporis, non tamen semper nec omnibus : quoniam Deus juxta secreta sapientiae suae iudicia, diversimode in suis egit electis, quorum nonnulli tunc erant leprosi : sicut in Evangelio ait Salvator, quod multi leprosi erant in Israel sub Eliseo, et nullus eorum curatus est.

Luc. iv, 27.

*Insuper et crabrones mittet Dominus in eos,* id est in adversarios tuos, *ut deleat eos atque disperdat, qui te fugerint.* Crabrones sunt vermes nocivi et aculeatae bestiolae : per quos quidam intelligunt punitiones angustiae ac timoris, quas Deus inimicis populi sui inflixit, quemadmodum in Josue libro Rahab fatetur : Pertinuimus valde, et elanguit cor nostrum, nec remansit in nobis spiritus ad introitum vestrum. *Dabitque eos Dominus in conspectu tuo, do-*

Josue ii, 11

*ne deleat omnes.* Verumtamen non fuerunt omnes Chananaei a filiis Israel interfecti : et hoc contigit ex defectu fidei ac virtutis Israelitarum. *Non timebis eos, quia Dominus in medio tui est, Deus magnus,* quia immensus, *et terribilis. Ipse consumet nationes has paulatim atque per partes. Non poteris eas delere pariter.* Deus enim non dedit filiis Israel potestatem delendi omnes adversarios suos in terra promissionis simul ac subito, quia non erant tanta multitudinis, quod poterant totam terram illam sufficienter implere populo, sique terra pro magna parte in solitudinem fuisset redacta, et bestiae feroces multiplicata fuissent ibidem. *Sculptilia eorum combures. Non concupisces argentum et aurum de quibus facta sunt,* id est, materias pretiosas idolorum non cupies, nec arripies neque convertes in usus tuos, sed in detestationem idololatriae, eas despicies tanquam spurcicias.

Postremo, qualiter per septem gentes Chananaeorum designentur septem peccata mortalia, quae in primis expugnare jubemur, prae habitum est. Qualiter etiam ex isto capitulo doceamur prava vitare consortia et familiaritates iniquorum, scandalizationesque, et qualiter praeconia ista Israeliticae plebis queant excellenter applicari populo christiano, in praecedentium librorum expositionibus est expressum.

## ARTICULUS IX

EXPLANATIO LITTERALIS CAPITULI OCTAVI : OMNE MANDATUM QUOD EGO PRECIPIO.

**H**ORTATUR Moyses populum sibi commissum ad divinorum observantiam mandatorum ex consideratione multiplicium beneficiorum populo praestitorum. *Omne mandatum quod ego precipio tibi hodie,* id est in tempore isto, *cave,* id est caute adverte, vel Cave, hoc est custodi, et

preserva te a transgressione, *diligenter ut facias,* illud implendo, *ut possitis vivere. Et recordaberis,* id est, reminisci debes, *cuncti itineris, per quod adduxit te Dominus per desertum quadraginta annis,* ut affligeret te salubri afflictione, per cibi et potus simplicitatem ac parcitatem, et

per labores viarum, *atque tentaret*, id est, A per adversa illa saluberrima examinaret ac probaret, an vere fidelis et obediens esses Deo. Unde in Sapientiae volumine scriptum est : Deus tentavit illos, et invenit illos dignos se. Tanquam aurum in fornace probavit illos. *Et nota fierent quæ in tuo animo versabantur* : id est, ideo te afflixit et tentavit, ut interiora animæ tuæ innotescerent, non Deo, sed tibi ac aliis in exemplum vel in cautelam : *utrum custodires mandata ejus, an non*. In adversis enim ostenditur, an homo sit vere virtuosus, B constans, timoratus, patiens, et Deo subiectus, quia in prosperis facile est Deo re gratiari : propter quod de iniquo, dicitur Deo : Confitebitur tibi quum benefeceris ei. Hinc legitur in Ecclesiastico : Vasa figuli probat fornax, et homines justos tentatio tribulationis. Ideo de inconstantibus ait Salvator : Ad tempus credunt, et in tempore tentationis recedunt. Hinc quoque angelus dixit Tobiae : Quia acceptus eras Deo, necesse fuit ut tentatio probaret te. Denique est quædam tentatio quæ procedit ex C ignorantia, et quædam quæ ad deceptionem tentati ordinatur, et nulla harum tentationum Dominus tentat, quum dicit apostolus Jacobus : Deus neminem tentat. Tentat vero Deus homines ex caritate et pia dispensatione, ut homo per tentationes se ipsum agnoscat, humiliet, mereatur, coronetur, et aliis in exemplum proponatur, atque ad Deum confugere assuescat : ideo quoque, ut per tentationes fiat in spirituali exercitio et conflictu expertus, probatus, et item idoneus consulere aliis. Propterea Ecclesiasticus asserit : Qui non est tentatus, quid scit ? Vir in multis expertus, cogitabit multa.

*Afflixit te penuria* : quod valet ad delendum peccata præterita, et ad proficiendum in gratia. Nec huic contrarium est quod dictum est supra, Portavit te Dominus Deus tuus, et nihil tibi defuit. *Et dedit tibi cibum manna, quod ignorabas tu et patres tui* : hoc est, ante ingressum eremi hujus nunquam visus est talis cibus, nec

alieni hominum datus : *ut ostenderet tibi quod non in solo pane vivit homo*, id est, quod vita humana non solum sustentatur cibariis per homines coctis aut procuratis, *sed in omni verbo quod egreditur ex ore Dei*, hoc est quæcumque refectione quam Deus jusserit hominibus provenire aut dari, quoniam ipse solo verbo potest creare ac formare materiam refectionis. Vel in verbis his insinuat, quod sicut homo ex visibili et invisibili, hoc est ex corpore et anima, constat, sic duplici refectione eget, videlicet corporali et spirituali : et spiritualis cibus est verbum Dei, sacra Scriptura, salubris doctrina, et quidquid Deus verbo suo infuderit animæ, ad ejus profectum et confortationem in Domino : imo juxta hunc sensum objecit Salvator auctoritatem hanc tentatori.

*Vestimentum tuum quo operiebaris, nequaquam vetustate defecit*. Hoc fuit grande miraculum, quod infra quadraginta annos vestimenta illorum non fuerunt consumpta : et hoc misericors Dominus fecit, quia in solitudine non poterant vestimenta nova convenienter acquirere. Dicunt quoque quidam Catholici et Hebræi, quod vestimenta parvulorum creverunt, juxta incrementa ipsorum. *Et pes tuus non est subtritus*, hoc est, pedes vestri non sunt subitis ex terra dure calcatione triti aut lesi. Alia translatio habet. Nec calceamenta pedum vestrorum vetustate consumpta sunt : sicque pedes solularibus manserunt muniti. Unde non videtur verum quod quidam dicit, beneficium istud non fuisse concessum, nisi bonis : imo sicut malorum vestimenta, ita et eorum calceamenta manserunt illasa. *En quadragimus annus est ab exitu de Ægypto, vel a tempore reditus exploratorum in Cades*, ut dictum est plenius in expositione primi capituli : *ut recognites in corde tuo, quia sicut erudit homo filium suum, sic Dominus Deus erudit te* per prospera et adversa, et per aliorum flagella, et per legis dationem, et per tuos doctores : *ut custodias mandata Domini Dei tui*, etc.

Sap. m, 5,  
6.

Ps. xliiii,  
19.  
Ecclesi.  
xxxiii, 6.

Luc. viii,  
13.

Tob. xii, 13.

Jacob. i, 13.

Ecclesi.  
xxiv, 9.

Deut. i, 31;  
ii, 7.

Matth. iv,  
1.



*Domini enim Deus tuus introducet te in terram bonam, terram rivorum, aquarum, et fontium : quia in terra promissionis seaturiant fontes, ex quibus profluunt rivi : in ejus campis et montibus erumpunt pluriorum abyssi.* Scriptum est in

Gen. vii, 11.

Genesi : Rupti sunt omnes fontes abyssi magnæ. Itaque in visceribus terræ sunt diversi ventriculi seu receptacula, in quibus continetur aqua abundans, habens ortum primum ex Oceano per venas terræ se diffundente : et aquæ ita inclusæ, hic appellantur abyssi, ex quibus flumina manant. *Terram frumenti, hordei ac vinearum, in qua ficus et malogranata et olive nascuntur : terram olei ac mellis.* Per hæc ubertas terræ promissionis significatur, in qua apes mellificant, et olive ex quibus oleum generatur, abundant. *Ubi absque ulla penuria comedes panem tuum, et rerum omnium victui necessariarum abundantia perfrueris,* id est nteris : nam solo Deo fruendum est. Frui autem frequenter pro Uti accipitur, ut dum ait Apostolus :

Philem, 20.

*Ita, frater, ego te fruar in Domino. Cujus lapides ferrum sunt,* id est, ferro in soliditate aut valore æquiparantur : vel hoc ideo dicitur, quia in terris saxosis sunt ibi minere ferri : *et de montibus ejus eris metalla foliuntur.* Super illud Job,

Job xxviii, 2.

Ferrum de terra tollitur, et lapis calore solutus, in æs vertitur, dicit Albertus : Ferrum juxta argentum proportionabiliter sumitur, et æs juxta aurum. Ferrum enim nascitur de argento læculento et vivo, scabrosoque sulfure : a quibus si læculentia et scabrositas auferantur, et maneat vis mineralis, frigiditate congelans humidum, valde depuratum efficitur argentum, et lapis calore solutus, in æs vertitur. Lapis, ut ait Hermes, dicitur omne quod non evaporat in igne, eo quod sola coagulatione (quæ generatio lapidis est) generatur. Estque regulariter verum, ut in libro Meteororum habetur, quod omne quod coagulatur ex humido frigido, solvitur calido sicco, sicut aurum, argentum, ferrum, æs, metallaque alia quæ in profundo terræ gignuntur. In

prima enim generatione in lapide mixtum est æs, quod igne solvente liquescit ac depuratur.

*Cave ne postquam satiatus fueris, habuerisque cunctarum rerum caput, ele-retur cor tuum,* id est, vide ne opulentiæ rerum tibi dandarum, et copiosa relectio fiat tibi causa elationis, *et non reminiscaris,* id est, ita ut obliviscaris, *Domini Dei tui, qui ductor tuus fuit in solitudine magna atque terribili, in qua erat serpens flatus ardens,* id est igniti serpentes, quorum flatus incendit quos tetigit, *et scorpio ac dipsas.* Per scorpionem et dipsadem intelligitur multitudo et copia talium bestiarum, quæ hominibus sunt nocivæ, et tamen ab illarum læsionibus Deus populum suum miraculose protexit. Scorpio autem bestiola est vultu blandiens, et cauda pungens. Porro secundum Glossam, dipsas est semis aspis seu parvulus serpens, qui dicitur situla, quoniam perimit hominem siti quemcumque momorderit : estque tam parvus, ut dum calcatur, vix possit videri, ejus venenum occidit antequam sentiatnr, nec tristitiam sentit moriturus, et dicitur situla per contrarium. Vas namque quod dicitur situla, aufert sitim : et bestiola illa mortiferam sitim infligit. *Et postquam afflicti ac probati te, ad extremum misertus est tui, ne diceret in corde tuo : Fortitudo mea et robur manus meæ, hæc omnia mihi præstiterunt,* hoc est, triumphum tuum et bona adepta nequaquam adscribas viribus tuis, sed auxilio Dei.

Moraliter recordari debemus assidue, Sensus moralis. qualiter Deus usque in horam hanc deduxit nos *per desertum,* id est per hoc sæculum nequam, donis gratiæ destitutum, *ut affligeret nos :* quia in sæculo isto quasi in valle lacrimarum atque exilio positi sumus : et homo natus de muliere, brevi

Job xiv, 1.

vivens tempore, repletur multis miseriis. Specialiter vèro per desertum designatur cœnobium sive religio, quæ ea quæ mundi sunt, deserit, et ab amatoribus mundi deseritur, in qua veri religiosi sunt positi, ut affligantur per opera pœnitentiæ et exer-

citia disciplinæ, per exercitationes quoque A  
*Ps. xlii, 22.* monasticas, ita ut dicere queant Deo : Quo-  
 niam propter te mortificamur tota die. *At-*  
*Joh. vi, 1.* que tentaret. Militia namque est vita homi-  
 nis super terram, imo tentatio, ut alia habet  
 translatio. Affligit nos quoque *penuria*,  
 dum sponte castigamus corpora nostra per  
 abstinentias atque jejunia. Dat etiam nobis  
 manna celeste, videlicet Eucharistiæ sa-  
 cramentum. Vestimenta etiam nostra non  
 deficiunt vetustate, dum ex temporis diu-  
 turnitate non tepescimus a spirituali fer-  
 vore, nec virtutes et actus earum, quibus B  
 animæ vestiuntur, amittimus : nec pes no-  
 ster atteritur, dum spiritualium profe-  
 ctuum progressus non decreseit, sed con-  
 valescit in nobis. Itaque recordemur et  
 perpendamus, qualiter Dominus huensque  
 pie nos conservavit, et toleravit in vitiis  
 nostris, atque a diversis liberavit periculis,  
 quum tamen jam multi perierint, qui pec-  
 caverunt multo minus quam nos.

Insuper introduxit nos *in terram vivo-*  
*rum, aquarum, et fontium*, hoc est in  
 militantem Ecclesiam, in sanctam religio-  
 nem, in tranquillitatem internam, ubi sunt  
 rivuli salubrium doctrinarum, fontes sa-  
 pientiæ, utpote libri Scripturæ, et doctores  
 catholici, gratiarumque aquæ. *In campis*  
 antem Ecclesiæ, hoc est simplicibus sin-  
 cerisque cordibus, *et in montibus*, id est  
 contemplativis, *erumpunt fluviorum abys-*  
*si*, hoc est abundantie illuminationum  
*Prov. iii, 32.* cælestium, quia cum simplicibus sermocina-  
 tio Dei. Est item Ecclesia terra *frumen-*  
*ti, hordei, ac vinearum* : quia Evangelica  
 legis doctrina et veteris Testamenti Scri-  
 ptura, ac spiritualis jucunditas in ipsa  
 abundant : *in qui sunt ficus, malogranata*  
*ac oliveta*, hoc est refectiones virtutum, et  
 delectationes operationum bonarum, oleum  
 et mel, id est pietas et duleor pacis inter-  
 næ. *Cujus lapides ferrum sunt*, hoc est,  
 fideles personæ, ex quibus constructa est  
 Ecclesia, in soliditate fundatæ sunt, et per  
 patientiam omnia æquanimenter sustinent.  
*Ezech. iii,*  
*"* Unde ad Ezechielem Dominus ait : Ut ada-  
 mantem et silicem posui te. *Et de monti-*

*bus ejus aris metalla fodiuntur*. Qui enim  
 sanctorum Patrum sapientiam et perfectio-  
 nem considerat, exempla constantiæ, effi-  
 caciæque sermonis elicit inde. Monet de-  
 mum nos istud capitulum, ne ex beneficiis  
 Dei corporalibus aut spiritualibus extolla-  
 mur, nec ita repleamur cibis aut potibus, ut  
 a rigore interioris custodiæ relaxemur, nec  
 obliviscamur Dei et metuendi ejus judicii.

Amplius, Deus per tentationes et adver-  
 sitates, subtractionesque consolationis in-  
 ternæ, suos affligit electos, et ad extremum  
 miseretur eisdem, relevando eos a talibus.  
 Sicque per experientiam discant, quam  
 fragiles, defectuosi, et infirmissimi sint  
 ex se ipsis, et idecirco non dicant in corde  
 suo : *Fortitudo mea et robur manus meæ*  
*præstiterunt mihi* bona quæ habeo : sed  
 recolant auxilia Dei eis exhibita, et fatean-  
 tur nihil virium in se esse, nisi ex Deo,  
 qui ait per Osee : Perditio tua ex te : in  
 me tantummodo auxilium tuum. *Osee xiii, 9.*

Postremo, in sæculo isto sunt urentes  
 serpentes, hoc est dæmones et libidinosi  
 C homines, qui flatu suo adurant, quia in  
 se ipsis sunt pleni ardore impietatis atque  
 libidinis, et allocutionibus suis suggestio-  
 nibusque lascivis alios vitiose inflammant.  
 Sunt etiam in sæculo isto scorpiones, hoc  
 est simulatores et callidi adulatores, et  
 duplices corde, qui facie blandiuntur, et  
 verbis prætendunt favorem, sed cauda  
 pungunt, quia nocent occulte et fallunt,  
 juxta illud Jeremiæ, Sagitta vulnerans, lin-  
 gua eorum. In ore suo pacem cum amico  
 suo loquitur, et occulte ponit ei insidias.  
*Jer. ix, 8.*  
 D Dipsades vero sunt spiritus avaritiæ, et  
 dæmon ambitionis, ac vanæ gloriæ insti-  
 gator, qui occultissime mentes inficiunt  
 siti, hoc est desiderio pessimo terrenorum,  
 appetitu honoris, et motu gloriationis ina-  
 nis, ita ut vix deprehendant quam dire ac  
 penetrative lædantur, nec sentiant suum  
 interitum : idecirco maxime indigemus au-  
 xilio Spiritus Sancti præservari, curari,  
 defendi a vulneribus ac vitiis istis, jugi-  
 terque orare debemus, ut sic eripiamur  
 ab eis.

## ARTICULUS X

ELUCIDATIO LITTERALIS CAPITULI NONI : AUDI, ISRAEL : TU TRANSGREDIERIS  
HODIE JORDANEM.

**A**DHUC legislator volens populum sibi commissum, Deo efficere gratum, devotum, et jugiter obedientem, ac contra futura tentamenta ac peccata armare, recollit beneficia Dei exhibenda atque exhibita, et maleficia seu vitia plebis. *Audi, Israel : Tu transgredieris hodie, hoc est in brevi, seu tempore isto, Jordauem, ut possideas, id est, voluntati tuæ traditas habearis ad occidendum, nationes marinas, scilicet septem gentes præfatas, populum magnum atque sublimem, filios Enacim, puta gigantes, quos ipse vidisti.* Aliqui enim ex filiis Israel, scilicet Josue et Caleb, eos viderunt, et ab illis duobus alii Israelitæ audierunt famam illorum. *Scies ergo hodie, quod Dominus Deus tuus ipse transibit ante te per angelum suum, et per potestatis suæ effectum atque subsidium. Ne dicas in corde tuo, quum deleverit eos Dominus Deus tuus in conspectu tuo : Propter justitiam meam intradurit me Dominus, ut terram hanc possiderem, quum propter iniquitates\* suas iste deletæ sint nationes, hoc est in proximo occidendæ : et ut completeret Dominus verbum suum,* id est ea quæ Patriarchis promisit de danda hæc terra posteritati ipsorum. Istæ sunt duæ causæ, ob quas nationes illæ vitiosissimæ fuerunt deletæ, videlicet propter eorum facinora, et propter divinæ promissionis impletionem. Cur autem promisit Deus filiis Israel dare terram illam egregiam, nisi quia de populo Israel incarnari, atque in terra illa humanæ redemptionis mysteria exercere elegit ac statuit? *Scito ergo quod non propter justitias tuas Dominus dederit, hoc est dare decreverit, terram hanc optimam, quum durissimæ*

*cervicis sis populus, id est ad inobedientiam et superbiam pronus, et difficulter ad virtutes flexibilis. Propter quod ait Dominus per Isaïam : Scio quia durus es tu, et nervus ferrens cervix tua, et frons tua aenea.* Itaque per cervicem intelligitur mens, ad quam pertinet Deo humiliter inclinari ac subdi, et quæ instar cervicis nunc inclinatur, nunc erigit se.

Is. XLVIII, 4.

*Memento, et ne obliviscaris, quomodo ad iracundiam provocaveris Dominum in solitudine.* Frequenter enim peccaverunt in eremo, etiam antequam venerunt ad Sinai. Dicitur autem invariabilis et supertranquillissimus Deus ad iracundiam provocari, non per passionis commotionem, sed quantum ad effectus similitudinem, dum propter vitia hominum exerceat rigorem justitiæ in tantum, quod furor ei attribuitur. Verumtamen ista et subsequencia dicuntur ad populum istum, non quod isti personaliter hæc egerunt, sed patres eorum, qui ob suos excessus ita fuerunt prostrati. Est autem consuetudo, loqui de populo aliquo, quasi de uno aggregative, cui secundum diversas partes suas diversa conveniunt. *Et ex eo die quo egressus es de Ægypto, usque ad locum istum, semper adversus Dominum contendisti.* Non est hoc intelligendum, quod indesinenter omni die et hora tot annorum, contra Deum contentiose locuti sint, imo interdum bene se habuerunt. Siquidem in Exodo respondisse leguntur : Cuncta quæ locutus est Dominus, faciemus. Et libro eodem habetur, quod obtulerunt munera Domino mente devota. Itaque, quod dicuntur contendisse contra Dominum semper, intelligendum est, quod omni tempore orta occasione ali-

\* impietates

Exod. XIX,

8.

Ibid. XXXV,

21.



ejus notabilis adversitatis, contra Deum et Moysen irreverenter locuti sunt. Nam et antequam transierunt per fundum maris Rubri, visis Aegyptiis, contumaciter et irrisorie dixerunt ad Moysen : Forsitan non erant sepulera in Aegypto, ideo tulisti nos ut moreremur in solitudine ; prout in Exodo scriptum est.

Nam et in Horeb provocasti eum, id est circa pedem montis Sinai vitulum aureum adorando ; et iratus, delere te voluit, dicens : Dimitte me, ut irascatur furor meus et deleam eos : quando ascendi in montem, imo ante formationem vituli illius ascenderat Moyses illuc, eoque existente in vertice montis, populus idololatravit, ut in Exodo describitur. Porro recitatio ista hic iterata de Moysis jejuniis, et tabularum inscriptione, ac consimilibus, diffusius in Exodo est conscripta atque exposita. Deditque mihi duas tabulas. Quumque vidissem vos peccasse Domino Deo vestro, de monte descendi, et projecì tabulas de manibus meis, confregique eas. Et procidi ante Dominum quadraginta diebus et noctibus.

In Incendio quoque et in Tentatione et in sepulcris Concupiscentiae provocastis Dominum. Hic tanguntur tria loca, in quibus peccaverunt. Primus fuit, quando egressi de Sinai, murmuraverunt propter laborem itineris. Propter quod ignis Domini devoravit extremam partem castrorum, ut in Numeris recitatur. Secundus locus fuit ad aquas Contradictionis, ubi tentaverunt Deum, dicentes : Estne Dominus in nobis an non ? Tertius fuit in sepulcris Concupiscentiae, ubi propter vitiosum affectum edendi carnes, plagati et sepulti sunt multi, sicut in libro Numerorum exprimitur. Attamen locus ille parum aut nihil differt a primo loco praefato. Et quando misit vos de Cadesbarne : id est, tunc quoque graviter Dominum offendistis, quando existentibus vobis in Cades, misit, id est ire vos jussit, ad ingrediendum terram promissionis ; dicens per me et Caleb ac Josue : Ascendite et possidete terram, quam

A dedi vobis. Tuncque territi ex verbis decem exploratorum, dixistis : Utinam percamus ! Et rursus : Constituamus nobis ducem, et revertamur in Aegyptum ; ut in Numeris scribitur. Et contempsistis imperium Domini Dei vestri, nec credidistis ei ; sed semper fuistis rebelles, id est ad inobedientiam proni, quando aliquid vestrae voluntati contrarium vobis praecipi.

Et jacui coram Domino quadraginta diebus ac quadraginta noctibus. Hic non servatur historiae ordo. Ista enim prostratio non fuit post peccata populi, quae contigerunt in locis nunc dictis, nec post recessum a monte. Nec facta est pro impetranda remissione peccatorum istorum, quae post recessum a Sinai contigerunt, sed fuit in monte illo ante recessum filiorum Israel ab eodem : ideoque Moyses nunc redit ad describendum plenius, quod ante explicationem peccatorum istorum post recessum a monte factorum, cepit describere, ut patet in textu hujus capituli, quem propter facilitatem suae intelligentiae transilivi. Nempe jam dixit : Projeci tabulas de manibus meis, et procidi ante Dominum quadraginta diebus et quadraginta noctibus : sed formam orationis tunc fusae non repetivit. Ideoque hic eam repetit, dicens : Jacui coram Domino. Et orans, dixi : Domine Deus, ne disperdas populum tuum, et hereditatem tuam quam redemisti in magnitudine tua, quos eduxisti de Aegypto in manu forti. Recordare servorum tuorum, Abraham, Isaac, et Jacob. Ne aspicias duritiam populi hujus, et impietatem atque peccatum, etc., sicut habetur in textu qui planus est. Denique, quod ista sit illa oratio, quam obtulit Deo pro remissione idololatriae, quam filii Israel commiserunt circa vitulum aureum, certum est intuitu diligenter omnia verba orationis istius eum circumstantiis suis, et etiam verba orationis quam pro eadem remissione legitur Deo fudisse. Quum enim in monte audisset a Domino idololatriam plebis jam factam, mox istam fudit orationem ante descensum suum de monte.

Veruntamen advertendum, quia (ut refert Lyra) Hebraei dicunt Moysen in monte Sinai fecisse tres quadragesimas, id est, ter jejunasse quadraginta diebus, ita quod nihil refectionis sumpsit in eis. Prima fuit, quando ascendit in montem ut acciperet primas tabulas, quas confregit. Secunda, quando post fabricationem vituli ascendit in montem ad impetrandum remissionem illius peccati. Tertia, quando Dominus placatus orationibus Moysis, dixit ei : Præcide duas tabulas lapideas instar priorum, quemadmodum in Exodo narratur. Ubi et dicitur : Fuit ibi cum Domino quadraginta dies et quadraginta noctes : panem non comedit, et aquam non bibit.

Sed dictum hoc Hebræorum non videtur verum, quoniam (sicut probatum est) ista prostratio et oratio Moysis, quæ in isto capitulo ponitur ultima, quam Hebraei dicunt fuisse tertiam quadragesimam ejus, fuit pro impetratione remissionis idololatriæ populi : et illa fuit quadragesima Moysis secunda, sicut dictum est. Sicque videtur fuisse eadem quadragena dierum, in qua Moyses deprecatus est Dominum pro remissione illius facinoris, et pro exaratione seu inscriptione secundarum tabularum : et istud tenent communiter doctores catholici, quanquam Andreas super Leviticum, sequatur præfactam Hebræorum opinionem. Denique in Exodo non fit mentio nisi de dualibus Moysis quadragenis : et quamvis in Exodo legatur Moyses ascendisse in montem pro impetranda prædicti sceleris venia, non tamen legitur ibi, quod tunc mansit in monte quadraginta

diebus, sicut in Exodo fertur ibi tam diu mansisse, quando primas erat tabulas accepturus : et similiter in eodem quando tabulas secundas accepit.

Quamvis autem Lyra non multum approbet unam harum opinionum præ alia, nihilo minus dicit, quod motivum Catholicorum assumit falsum, quando dicunt quod a primo ascensu Moysis ad accipiendum tabulas primas, a quo incipit prima quadragena, usque ad diem expiationis, in quo descendit Moyses secundas tabulas portans, non inveniuntur tres quadragenæ. Et hoc reprobat Lyra. Quocirca sciendum, quod reprobatio sua procedit secundum opinionem suam, qua tenet quod per primum mensem, ejus quintodecimo die filii Israel exierunt Ægyptum, intelligendus sit Martius. Doctores autem catholici, eo magis authenticici, per mensem illum intelligunt Aprilem : ideo illa reprobatio non est fortis. Super Exodum quoque declaravi, quod Magister in historiis de hac re doctius ac resolutius scribit quam Lyra, atque ex verbis Magistri et dictis Rabbi Pauli ibi inductis evidens est, quod Hebraei raro incipiunt primum mensem suum, quem nominant Nisan, computare a primo die Martii nostri, quoniam ipsi computant menses secundum lunationes : et tamen Lyra, reprobando præfatum Catholicorum motivum, sic computat primum mensem Hebræorum quasi integer fuerit ante inceptionem nostri Aprilis : quod quum raro contingat, probabilius reputatur nec sic fuisse quando egressi sunt filii Israel de Ægypto.

Exod. xxxiv, 18.

Ibid. xxxiv, 30, 31.

Ibid. xxxiv, 1.

Ibid. 28.

Exod. xxxiv, 18, xxxiv, 28.

Ibid. xii, 2.

## ARTICULUS XI

EXPLANATIO LITTERALIS CAPITULI DECIMI : IN TEMPORE ILLO DIXIT DOMINUS AD ME :  
DOLA TIBI DUAS TABULAS LAPIDEAS.

**C**ARITAS, misericordia, et beneficia A Dei ad populum Israel, adhuc declarantur in isto capitulo. *In tempore illo, quum videlicet impetrassem a Domino remissionem adorationis aurei vituli, dixit Dominus ad me : Dola tibi duas tabulas lapideas sicut priores, quas projiciendo fregisti, fuerunt, et ascende ad me in montem.* Istud in Exodo expositum est. Porro, primæ duæ tabule fuerunt angelico obsequio præparatæ, secundas vero Moyses præparavit, vel suis, vel artificum manibus. *Faciesque arcam liqueam, prout in Exodo habetur, quam Moyse iubente fecit Beseleel : et scribam in tabulis verba quæ fuerunt in his, quas ante confregisti, utpote decem præcepta.* Circa hoc oritur questio, quia, secundum Augustinum et Glossam, Moyses dictante Domino, scripsit propriis manibus decem præcepta in tabulis istis secundis, quæ in primis tabulis scripta fuerunt a Deo per angelum. Unde in Exodo habetur : *Dixit Dominus ad Moysen : Scribe tibi verba hæc. Et subditur ibi : Et scripsit Moyses in tabulis verba fœderis decem.* Quomodo Dominus ait nunc, *Scribam in tabulis ?* Ad hoc Augustinus respondit, quod Dominus scripsit ea auctoritative, quia ea præcepit scribi, Moyses vero exsecutive. Porro, cur primæ duæ tabulæ, quas Dominus noverat confringendas, fuerunt divinitus præparatæ atque inscriptæ, secundæ autem quæ erant mansuræ, erant ab homine præparatæ et scriptæ, super Exodum dictum est. *Ponesque eas, utpote tabulas Decalogum continentes, in arca, in qua etiam fuit manna, et virga Aaron, quæ floruit, ut ad Hebræos asseritur, et dictum est super Exodum.*

*Filii autem Israel moverunt castra ex Beroth filiorum Javan.* Istud non fuit factum immediate post prædicta de arca et tabulis, imo nec immediate post recessum a Sinai, sed postea din. Nam subditur : *in Mosera, ubi Aaron mortuus est ac sepultus. Inde venerunt in Gadgad.* Præterea difficilis questio nascitur : Quomodo nunc dicatur Aaron mortuus ac sepultus in Mosera, quum in Numeris legatur mortuus ac sepultus in monte Hor. Sed ad hoc diligenter responsum est in expositione præallegati Numerorum capituli.

*Eo tempore separari tribum Levi, ut portaret arcam fœderis Domini, et staret coram eo in ministerio, ac benediceret in nomine illius usque in presentem diem.* Quidam expositores referunt istud ad tempus post mortem Aaron, et post egressum de mansionibus jam præactis, ita quod factum sit quadragesimo anno post exitum de Ægypto. Propter quod quærent, quomodo separatio ista Levitarum dicatur tunc facta, quum jam ante fuerit facta, ante recessum a Sinai. Unde Lyra hic scribit, quod expositores nostri dubitationes has parum aut nihil tangunt : ideo recitat ac sequitur responsionem Rabbi Salomonis, dicentis quod dum filii Israel in primo congressu victi fuissent a rege Arad, ut in Numeris describitur, territi cœperunt in Ægyptum reverti. Propter quod Levitæ insecuti sunt eos, et quibusdam illorum occisis, ceteros reduxerunt. Sicque meruerunt secundo separari ab aliis, et Domino applicari.

Sed istud videtur esse confictio quædam, nec in Scripturis auctoritatem sortitur, nec apparentiam habet, imo Scripturæ

Exod.  
xxxiv, 1.

Ibid. xxx.  
10.

Ibid. xxxiv,  
27, 28.

Ibid. xxxii,  
15, 16.

Hebr. ix, 4.

Exod. xxxv,  
27.

Nam. xx,  
25-29.

Ibid. xxi, 1.



sacrae non consonat. Cur enim fuissent Le- A  
vite secundo separati ab aliis, et deputati  
cultui Dei, quum haecenus mansissent sic  
separati, consecratique Domino a tempore  
primae separationis ac consecrationis eo-  
rum factae in Sinai, nec aliquid novi in  
haec eorum separatione factum legatur ?  
Denique alio Numerorum loco sic legitur :

Num. xxi,  
13.

Quum audisset rex Arad venisse Israel, pu-  
gnavit contra eum, et victor existens, du-  
xit ex eo pradam. At Israel voto se Domino  
obligans, ait : Si tradideris populum istum  
in manu mea, delebo urbes ejus. Exaudi-  
vit Dominus preces Israel. Ecce ibi nil di-  
citur de reditione eorum in Aegyptum, sed  
evidenter innuitur, quod semel victi, sta-  
tim confugerunt ad Dominum, et petie-  
runt ejus auxilium. Refert etiam Lyra su-  
per praedilecta verba Numerorum, quod  
praeda quam duxit rex Arad ex populo Is-  
rael, non fuit nisi una ancilla : quod quam-  
vis sit incertum aut falsum, tamen inde  
fit consequens, quod pro tam modica re,  
filii Israel non coeperunt ex timore regre-  
di ad Aegyptum. Melius ergo dicendum, C  
quod locus iste intelligendus sit de prima  
Levitarum separatione facta in Sinai, et  
quod Moyses in recitatione horum non ser-  
vat historiae ordinem, sicut nec in praefac-  
tae motionis castrorum descriptione, nec  
praecedenti capitulo in quibusdam, ut pa-  
tuit. Unde quod ait, Eo tempore separavi  
tribum Levi, referendum est ad id, quod  
ante premisit de arca et tabulis. Quod  
etiam constat ex eo quod subditur, *Ego*  
*autem steti in monte sicut prius, qua-*  
*draginta diebus ac noctibus, exaudivitque* D  
*me Dominus etiam hac vice* : quod cer-  
tum est contigisse ante recessum a Sinai,  
quando jejunavit secundo pro remissione  
idololatriae populi, et pro recuperatione  
Dealogi, ut videre est in Exodo.

Exod.  
xxxii, 30 ;  
xxxiv, 28.

*Et nunc, Israel, quid Dominus Deus*  
*petit a te, nisi ut timeas Dominum Deum*  
*tuum filiali timore, et ambules in viis, hoc*  
*est praecipis ejus, quae ducunt ad veram*  
*salutem, et diligas eum, ac servias Domi-*  
*no Deo tuo in toto corde tuo, custodisque*

*mandata Domini ac carissimas ejus* t  
quasi dicat, Pro tantis beneficiis suis Do-  
minus non querit commodum suum, sed  
tuam salutem quae in ejus cultu consistit.  
*En Domini Dei tui caelum est, et caelum*  
*caeli, id est universi orbes caelestes. Et po-*  
*test per caelum intelligi firmamentum :*  
*per caelum caeli, thronus majestatis aeter-*  
*nae, et mansio civium supernorum, videli-*  
*cet caelum empyreum, ejus cognitio sola*  
*fide habetur : et per excellentiam caelum*  
*vocatur, quod juxta Damascenum est con-*  
*tinentia visibilium et invisibilium creatu-*  
*rarum, quoniam claudit, ambit et continet*  
*universa. Appellatur quoque empyreum,*  
*id est igneum, non ab ardore, sed a splen-*  
*dore. Haec omnia Dei sunt jure creationis*  
*et gubernationis, ac summi dominii. Ter-*  
*ra et omnia quae in eis sunt : et tamen*  
*patribus tuis conglutinator, id est amoro-*  
*se ac tenaciter unitus, est Dominus, vide-*  
*licet Patriarchis, et amavit eos per pra-*  
*destinationem aeternam, elegitque semen*  
*eorum post eos, id est vos, de cunctis gen-*  
*tibus, sicut hodie comprobatur. Electio Dei*  
*aeterna est, sed ratione sui effectus, quan-*  
*doque ex tempore facta asseritur. Ex his*  
*commendatur ineffabilis dignatio ac mi-*  
*seratio Dei ad homines illos, ac munifi-*  
*centia ejus, qui quum nostrorum nequa-*  
*quam honorum indigeat, tam gratuite,*  
*amoroze ac liberaliter praevent, visitat et*  
*applicat homines sibi. Propter quod divi-*  
*nus Dionysius dixit, quod amor Dei non*  
*reliquit eum sine germine esse. Nam et*  
*bonum ex sua natura diffusivum est sui.*

Ps. xv, 2.

*Circumcidite igitur praepitium cordis*  
*vestri, hoc est, quidquid culpabiliter su-*  
*perfluum est in mentibus vestris, videlicet*  
*intellectu et voluntate, abjicite, hoc est*  
*omnes cogitationes illicitas, et affectiones*  
*iniquas, imo et negligentias et errores : et*  
*cervicem vestram ne induretis amplius,*  
*hoc est, omnem elationis tumorem et re-*  
*billionem, atque incorrigibilitatem vitate :*  
*quia Dominus Deus vester, ipse est Deus*  
*deorum, id est Sanctorum et eorum qui*  
*aliis praesunt, qui aliquid divinarum pro-*

prietatum ac perfectionum participant : et **A** etiam Deus causa laudis tuæ, quia si quid *Dominus dominantium, Deus magnus, potens et terribilis*, quem solus, tellus, pontusque contremunt, et ipsa numina perhorrescunt : ideo serviendum ac obediendum est ei cum omni puritate, reverentia, ac tremore : *qui personam non accipit*, quia unicuique reddit juxta merita sua, sicut et princeps Apostolorum testatur : In veritate comperi, quoniam non est personarum acceptor Deus, sed in omni gente qui timet Deum, et operatur justitiam, acceptus est illi : *nec munera*, quia **B** omnia sunt ipsius, qui in se ipso dives est, et plenus divitiis propriis et immensis, quia in ipso est omnium bonorum et pulchrorum ac desiderabilium perfecta et infinita possessio. *Facit judicium pupillo et viduæ, amat peregrinum, et dat ei victum et vestitum*. Quamvis enim cunctis hominibus faciat justum judicium, et injuriatorum injurias ulciscatur, specialiter tamen pronus est miserabilibus ac desolatis personis succurrere, et judicare pro eis, atque injurias eis illatas acrius vindicat. *Et* **C** *vos ergo amate peregrinos*, ipsis specialiter pios et caritativos vos exhibendo, atque in hoc Patrem misericordiarum sequendo : *quia et ipsi fuistis advenæ in terra Ægypti* : ideo melius scitis, qualiter disposita sint corda peregrinorum, et quod facilliter contristentur desolataque fiant, si ab indigenis dure tractentur : et propria infirmitas ac passio debent hominem provocare ad condolendum, subveniendumque indigentibus ac infirmis. *Ipsæ Dominus est laus tua*, hoc est obiectum laudis tuæ, **D** quoniam Deum jugiter debes laudare. Est

etiam Deus causa laudis tuæ, quia si quid virtuositatis ac laudabilitatis in te est, ab ipso donatum est. *In animabus septuaginta descenderunt patres tui*, videlicet Jacob et filii ejus, *in Ægyptum* : quod qualiter intelligendum sit, dictum est in Genesi et Exodo.

*Gen. XLVI, 27.  
Exod. I, 5.*

Postremo, moralia hujus capituli documenta, exhortationesque fervidas ac devotas unusquisque nostrum debet sibi applicare, et intra se dicere : *Quid Dominus Deus petit a te, nisi ut timeas eum, et ambules in viis ejus?* Viæ etenim Domini viæ pulchræ, et omnes semitæ ejus pacifiæ. *Et diligas eum, ac servias ei in toto corde tuo*, id est cum omni diligentia intellectualis considerationis atque spontaneæ affectionis : *et in tota anima tua*, hoc est cum ceterarum virium tuarum usu, custodia, reformatione. Consideremus quoque, qualiter patribus nostris sanctis Apostolis conglutinator est Dominus, etiam excellentius quam Prophetis ac Patriarchis, et semen eorum, videlicet populum christianum, elegit. Ideo circumcidere debemus præputia cordis nostri, imo omnes vires animæ membraque corporis, quatenus sicut ait Salvator, membra scandalizantia abscindamus, hoc est, omnem abusum et omnem actum illicitum tollamus a membris et sensibus, ceterisque potentibus, et exhibeamus ea arma justitiæ Deo. Monet demum nos passus iste, ut Deum, cui proprium est misereri ac parere, in operibus misericordiæ spiritualibus ac corporalibus imitemur, omni quo possumus modo, præsertim circa infirmas, desolatas, afflictas miseralesque personas.

*Sensus moralis.*

*Deut. VI, 2.*

*Prov. III, 17.*

*Matth. V, 29, 30.*

*Rom. VI, 13.*

*Act. X, 31, 35.*

## ARTICULUS XII

ELUCIDATIO LITTERALIS CAPITULI UNDECIMI : ANA ITAQUE DOMINUM DEUM TUUM.

Matth. xii.  
31.  
Luc. xi, 45.

**S**ICUT ait Salvator: Ex abundantia cordis A  
os loquitur. Ideo sanctus Moyses divini honoris zelo accensus, atque fraternæ dilectionis crediti sibi gregis affectu mirabiliter inflammatus, non cessat populum suum hortari, ac variis modis ad divinæ observantiam legis inducere. Præterea, Dei beneficia recolendo, divina promissa replicando, nunc prospera pollicendo, nunc adversa minando, jam Dei omnipotentiam, justitiam, majestatem, pietatem, amabilitatem fervide declarando, ideirco eandem sententiam frequenter resumit, nunc sub B eisdem, nunc sub aliis verbis, ut tandem cordibus duris indelebiter imprimatur. Unde quasi concludens ex præinductis, effatur : *Ana itaque Dominum Deum tuum* puro et irreflexo amore, ad quem omnia alia ordinantur præcepta, propter quod dicit Glossa : Omnia mandata legis in dilectione Dei consummantur. *Et observa præcepta ejus, et carimonias, et judicia,* juxta sensum frequenter præhabitu, *atque mandata.* Quamvis præcepta et mandata communiter pro eodem sumantur, hic C tamen insinuat distinctio aliqua inter ea. Hieronymus quoque inter ea distinguit, dicendo quod præcepta dicuntur, quæ obligant absolute : mandata vero non ita simpliciter, sed quasi medio modo se habent inter consilia et præcepta. Nihilominus in hoc loco possunt per præcepta intelligi, jussa legis naturalis : per mandata, ipse Decalogus. Hæc ergo observa *omni tempore* quo vixeris in hoc mundo, perseverando in bonis usque ad finem. Porro præcepta negativa obligant semper, D et ad semper : ideo indesinenter observanda sunt omni hora, quoniam prohibent vitia quæ incessabiliter sunt vitanda. Sed

affirmativa præcepta obligant semper, sed non ad semper : obligant enim pro loco et tempore opportuno, quia præcipiunt fieri bona quæ congruo loco aptoque tempore cum ceteris circumstantiis sunt agenda : nec possumus actualiter sine interpolatione virtuosis actibus esse intenti.

*Cognoscite hodie,* id est, sapienter pensate, *quæ ignorant filii vestri,* qui tempore exitus ab Ægypto nondum fuerunt nati seu adultæ ætatis, vel qui needum usum rationis sortiti sunt, *qui non viderunt* corporalibus oculis *disciplinam Domini Dei vestri, magnalia ejus et robustam manum, extensumque brachium,* id est rîgorosas punitiones quas inflixit Ægyptiis, quas pueri isti needum noverunt, vel non ita distinetæ ac perfecte, ut hi qui corporaliter ea viderunt. Quamvis etenim auditus sit sensus disciplinæ seu eruditionis, cognitio tamen visus est certior cognitione auditus, ac plurium rerum proprietates ac differentias nobis ostendit. Viderunt item oculi vestri, *quæ Pharaoni regi et universæ terre ejus, vobisque quæ fecerit,* id est ea quæ Dominus fecit vobis, *in solitudine,* in qua multa beneficia contulit vobis, et patres vestros propter peccata eorum prostravit, *donec veniretis ad hunc locum,* et quæ fecit *Dathan atque Abiron filiis Eliab, quos terra absorbit cum domibus et tabernaculis,* id est tentoriis et papilionibus, prout in Numeris expositum est. *Oculi vestri viderunt omnia opera Domini magna quæ fecit.* Non simpliciter omnia, sed omnia illa magnifica, quæ vobis et inter vos fecit, quæ tamen intellectualibus oculis non satis intuebantur, ut infra habetur : Vos vidistis universa magnalia quæ coram vobis Dominus fecit, et

Numer. xvi,  
31-33.

Deut. xix,  
2, 4.



non dedit vobis Dominus cor intelligens et oculos videntes usque in presentem diem.

*Terra enim ad quam ingrederis possidendam, non est sicut terra Egypti de qua existi.* Istud secundum quosdam inducitur, ad insinuandum quod terra Chanaan non fuit tam bona et fructifera ac abundans ut terra Egypti. Unde quod subditur, *ubi jacto semine in hortorum morem, aquae ducuntur irriguae*, sic exponunt, quod terra Egypti facili labore fecundatur atque fructificat, quoniam ex diversis me-  
B atibus ac fluviis Nili rigatur. Leviter quoque paratur ad seminandum, quemadmodum fit in hortis. *Sed montuosa est*, id est montibus plena, *et campestris*, videlicet arabilibus vallibus, *de caelo aereo expectans pluvias*, quia ex imbrum irrigatione fit fertilis : sicque ex pluviarum defectu aut importunitate potest ejus fructificatio impediri : *quam Dominus Deus tuus semper invisit*, id est, per pluviarum irrigua visitat, *et oculi illius in ea sunt a principio anni usque ad finem ejus*, id est, omni  
C tempore opportuno Deus inspicit eam ad fecundandam congruis pluviis, nisi propter crimina inhabitantium eam aliter acridat.

Hanc expositionem reprobat Lyra hic, dicens quod expositio ista non videtur consonare Scripturae in multis locis, quae describit terram promissionis fluentem lacte et melle, bonisque omnibus abundantem. Ideo aliter exponunt Hebraei, sic : Non est sicut terra Egypti : quasi dicerent, Multo melior est quam illa : et subditur ratio, Ubi, videlicet in terra Egypti, jacto  
D semine in hortorum morem, aquae ducuntur irriguae : quia ad fecundandum eam non sufficit pluvia et ros, sed requiritur ut aquae cum magno labore deducantur de fluvio Nili per alveos, ut fieri solet in hortis, in quorum cultura major labor requiritur quam in terra campestri. Haec Lyra. Porro Rabbi Paulus contra haec scribit, affirmans quod terra Egypti sit fertilior ac melior quam terra promissionis : quod probat ex hoc, quod tempore Abrahae fuit

in terra promissa fames, similiter tempore Isaac, propter quod Abraham intravit Egyptum, et Isaac Palaestinam. Dicit quoque quod expositio quam Lyra adscribit Hebraeis, sit Rabbi Salomonis solius : addit etiam, quod terra Egypti comparatur paradiso in Scripturis.

Quid horum verius sit, certum non habeo : imo recordor, quod Lyra alibi scribit, Egyptum esse et fuisse fertiliorē terra promissionis : asserit quoque se hoc audisse ab eis qui utramque viderunt. Argumentum autem Rabbi Pauli parum concludit. Nam quamvis certis temporibus fuerit earistia in terra promissionis, ex hoc tamen non sequitur, quin terra illa communiter et ex sua natura exstat fertilis valde. Veruntamen Scripturis consonum magis esse apparet, quod terra promissa fuit fertilior. Nam et in Ezechiele vocatur omnium terrarum praecipua, et inter omnes terras  
E egregia. De qua jam supra dictum est :  
6.

Dominus introducet te in terram bonam, terram rivorum, aquarum et fontium, in  
7 9.

ejus campis et montibus erumpunt fluviorum abyssi : terram frumenti, hordei, et vinearum, in qua ficus et malogranata et oliveta nascuntur : terram olei ac mellis, in qua absque penuria comedes panem tuum, et rerum omnium abundantia perfrueris. Amplius, Moyses (ut apparet) ad hoc introducit haec verba de terra promissionis, ut populum saltem timore inopiae inducat ad obedientiam Dei, eo quod ubertas terrae illius dependeat ex pluviarum descensu, quem propter peccata hominum Dominus retrahit terrae illi. Unde subjungitur :

*Si ergo obedieritis mandatis, quae ego hodie praecipio vobis, ut diligatis Dominum Deum vestrum, dabit pluviam terrae vestrae temporaneam, puta in vere, ad nutriendum semina jacta, et serotinam, in aestate, ut grana ingrossentur : ut colligatis frumentum et vinum et oleum, ut ipsi comedatis et saturemini*, id est, sufficienter, non gulose reficiamini. *Cavete, ne forte decipiatur cor vestrum, recedatisque a Do-*

Gen. XII, 10;  
XXVI, 1.

Ezech. XX,

6.

Deut. vii,

7 9.

*mino, ac seruiatis diis alienis, iratusque Dominus claudat caelum*, id est, influxum cœli ac aeris suspendat a vobis, ex quo influxu imbres descendunt. *Ponite hæc verba mea in cordibus vestris*, etc. Sensus istius passus patet ex dictis in expositione superiorum, ubi et quodam loco verba ista habentur. *Ut multiplicentur dies tui in terra, quam iuravit Dominus patribus tuis ut daret eis*, id est eorum posteritati. *quandiu caelum imminet terræ*, id est, usque ad finem mundi, in quo cœlum cessabit terræ imminere per influentiam virtutis ac luminis, sicut nunc imminet ei. Itaque istud non est intelligendum, quasi nunquam cessatura sit habitatio aut generatio hominum in orbe terrarum, quum utriusque Testamenti Scripturæ evidenter dicant contrarium. Vel quod ait, *Quandiu cœlum imminet terræ*, est per hyperbolen dictum. Estque intelligendum sub conditione, videlicet nisi filii Israel peccando poverent obiecem. Nam Deus quantum in se erat, ad hoc contulit Israelitis hanc terram, ut eam jugiter possiderent : et si Christum suscepissent ac debite coluissent, eam non perdidissent.

*Quis locus quem calcaverit pes vester, vester erit. A deserto*, quod est inter Egyptum et Chanaan : estque desertum illud terminus terræ promissionis versus meridiem : *et a Libano*, id est monte sic dicto, qui terminat terram promissam versus aquilonem : *et a flumine magno Euphrate*, quod est ejusdem terræ terminus ad orientem, *usque ad mare Occidentale*, quod Tyrrenum ac Mediterraneum nuncupatur. Verumtamen universam hanc terram non obtinuerunt, nisi tempore David ac Salomonis. *En propono in conspectu vestro hodie benedictionem et maledictionem* : id est, benedictionem promittendo, allicere volo vos ad bene vivendum, et maledictionem comminando ac prænuntiando, cupio vos terrere, ne male agatis. Isti namque sunt duo modi trahendi homines ad virtutes, et retrahendi a vitiis, utpote bo-

na ac prospera promittendo obedientibus, adversa vero et afflictiones rebellibus. *Quum ergo introduxerit te Dominus in terram promissam, et quam pergis habitandam, pones benedictionem super montem Garizim* : id est, sex tribus stabunt super montem illum ad imprecandum bona obedientibus Deo : *maledictionem super montem Hebal* : id est, super montem sic dictum, aliae sex tribus stabunt ad imprecandum mala transgressoribus legis. Sacerdotes vero et Levitæ juncti erant utrique senario tribuum. Qualiter autem factum sit istud, infra plene describitur.

Juxta spiritualitatem, patres et seniores plura cognoscere debent quam filii eorum ac subditi, qualiter scilicet Deus omnipotens per gloriosos Apostolos gentilitatem expugnavit, et persecutores Ecclesie fecit deficere, per magnalia et manum robustam, brachiumque extentum. Denique *terra quam sumus ingressi, videlicet Ecclesia, non est sicut terra Egypti*, id est, ecclesie malignantium, conventiculis hæreticorum, hincque sæculo nequam non assimilatur : quia non jacet in infimis, nec mundi hujus voluptatibus irrigatur, nec temporalibus inhiat congregandis : *sed montuosa est*, per contemplationem divinorum et sublimitatem virtutum, per ecclesiasticas potestates et religiosorum sacra ecenobia : *et campestris*, per vitam activam et veram sinceritatem : *de caelo expectans pluviam*, quæ a Fonte totius gratiæ ac virtutum jugiter petit fecundari, atque supernis charismatibus inundari : quam Deus nunquam relinquit, sed semper misericorditer intuetur. Obedientibus quoque sibi dat *temporaneam pluviam*, id est subventionem et illuminationem gratiosam in tempore temptationis, et in exordio conversionis : atque *serotinam*, id est proficiendi efficaciam ac finem salubrem seu gloriam in futuro. Hinc ad Hebræos monet Apostolus : Adeamus eum fiducia ad thronum gratiæ ejus, ut misericordiam consequamur et gratiam inveniamus in auxilio opportuno. De hujus pluvie concessione ait Psalmista : Plu-

Deut. vi, 9.

Deut. xxxvii, 12 et seq.

Sensus spiritualis.

II Reg. viii, 21 ; ix, 18, 20, 21.

Hebr. iv, 16.

Ps. lxxvii, 10

viam voluntariam segregabis. Deus, hereditati tuæ. Osce quoque : Veniet, inquit, quasi imber nobis temporaneus et serotinus terræ. *Omnis locus quem calcaverit pes*

*vester, vester erit.* Pes animæ, est ejus affectio, quæ si fuerit spiritualis et solida, omne terrenum et proprium corpus habebit sibi subiecta.

## ARTICULUS XIII

EXPOSITIO LITTERALIS CAPITULI DUODECIMI : HEC SUNT PRÆCEPTA ATQUE JUDICIA QUÆ FACERE DEBETIS.

**M**OYSES eadem repetendo, inserit aliqua nondum præhabita, sicut et in isto patebit capitulo. *Hæc sunt præcepta atque judicia quæ facere debetis. Subvertite omnia loca*, id est fana et aras Chanaanæorum. *Non facietis ita Domino Deo vestro*, id est, non immolabitis ei sacrificia vestra in locis diversis atque excelsis, sicut idololatræ immolant diis suis ; *sed ad locum quem elegerit Dominus*, id est ad urbem in qua Deus voluerit tabernaculum suum locari, aut templum ædificari, *venietis* ; *et offeretis ibi in domo seu atrio Dei per manus sacerdotum, holocausta* : quæ ad divinæ majestatis honorem totaliter comburebantur, sic tamen, quod pellis fuerat sacerdotis : quam non habebat, sed comburebatur quando pro tota communitate holocaustum offerebatur : *et victimas vestras*, scilicet hostias pro peccato seu pacificas victimas, *decimas et primitias manuumstrarum*, quæ erant præcipua quedam pecorum aut fructuum Deo offerenda, *et vota*, hoc est ea quæ ex promissione offerre tenemini, *atque donaria*, quæ sponte et ex supererogatione devota offeretis, *primogenita bouum et ovium. Et comedetis ibi in conspectu Domini Dei vestri*, id est in urbe hujusmodi vel juxta atrium templi. Aliquorum enim sacrificiorum quedam partes cesserunt in offerentium esum, quas in tali oppido comederunt cum gratiarum actione, pensantes Deum judicem omnia intueri ; *et letabimini in cunctis ad quæ miseritis manum.*

**B** *Non facietis ibi*, videlicet in terra promissionis, *quæ nos hic*, scilicet in campis Moab vel eremo, *facimus, singuli quod sibi rectum videtur.* Hoc non est intelligendum, quod pro libito suo ibi vivebant ut exleges, sed quod non erant adhuc ita adstricti ad observantiam legis in omnibus, sicut post in terra promissionis, quia nec circumeidebantur ibi, nec Pascha celebrabant quolibet anno. In diversis quoque locis (ut fertur) poterant ibi sacrificia sua offerre. *Neque enim usque in præsens tempus venistis ad requiem et possessionem*, id est stabilem et hereditariam commorationem in terra promissionis : ideo ex divina dispensatione non erant adhuc ita obligati ad singula quæque legalia, ut postea quiete adepti. *Transibitis Jordanem, et habitabitis in terra quam Dominus daturus est vobis. Illuc omnia quæ præcipio conferetis*, id est, ad locum cultus divini comportabitis sacrificia vestra, decimas atque primitias, puta ad urbem in qua fuerit tabernaculum Dei in terra promissionis : quod primo fuit situatum in Silo a tempore Josue usque ad Heli, deinde in Cariathiarim. Constructo autem templo a Salomone, tenebantur venire Jerusalem ad offerendum. De ista materia, et cur Dominus jussit sibi sacrificari solum in uno loco seu tabernaculo aut templo, dictum est diffuse super Exodum atque Leviticum.

*Sin autem comedere volueris*, id est, si optas carnibus vesci, *et te esus carnum*

Josue xviii,

l.

1 Reg. i, 3;

ix, 4; xii, 1.

III Reg.

viii, 1-6.

Exod. xx,

24.

Lev. xxvii,



*delectaverit* delectatione ordinata, quæ ad A debitum finem refertur, et per temperantiam regulatur; *occide*, per te aut per manum carnificis, animal esui aptum, et *comede juxta benedictionem Domini Dei tui*, id est secundum quod Deus contulit tibi necessaria victui, *quam dedit tibi in urbibus tuis*, id est in quacunque urbe fueris commoratus: quia non solum potes carnis vesci in urbe ubi tabernaculum Domini est aut templum, sed ubicunque habitaveris: *sive immundum fuerit animal, hoc est maculatum ac debile*, ita quod B non sit aptum offerri Deo, quamvis comedi possit. Aliqua namque animalia erant immunda quantum ad sacrificandum, non tamen quantum ad manducandum. Denique quoad sacrificandum seu immolandum, aliquid fuit immundum dupliciter: Primo, ex sua specie, ut equus, leo, canis, quæ nullo modo erant immolaticia. Nam immolaticia non erant de animalibus gressilibus, nisi tres species, utpote bos, ovis et capra: intelligendo tamen per bovem, etiam vaccam et vitulum; et per ovem, C etiam agnum atque arietem: per capram vero, etiam hircum. Secundo, aliquid fuit immundum quoad sacrificandum, non ex sua specie, sed ex accidentali defectu, qui macula nuncupatur, non macula velleris, sed macula deformitatis aut monstruositatis vel infirmitatis. Talia tamen poterant manducari, imo et alia quædam pecora nullo modo immolaticia. *Sive mundum fuerit animal, hoc est integrum*, id est non defectuosum in membro aliquo, et *sine macula monstruositatis aut deformitatis*, D

\* *capream quod offerri licet, sicut capram* \* et *cervum, comedes*, id est, animalia etiam immolaticia potes licite manducare absque hoc quod immolentur: secundum quod capra quæ est animal immolaticium, et cervus qui non est immolaticius, licite mactantur, coquantur, eduntur, ita quod nihil de eis offertur: *absque esu duntaxat sanguinis, quem super terram quasi*

Lee. vii, 26. *aquam effundes*. Cur esum sanguinis, id est eibum ex sanguine confectum, Domi-

nus prohibuerit Israelitis, super Leviticum dictum est.

*Non poteris comedere in oppidis tuis decimam frumenti et vini et olei tui*; non quod vinum proprie manducetur, nisi forte cibo admisceatur: sed Comedere sumitur, prout includit potare; *primogenita armentorum*, id est bovum, et *pecorum tuorum*, et *omnia quæ roveris et sponte offerre volueris*, et *primitias manuum tuarum*, id est laborum seu fructuum; *sed coram Domino Deo tuo comedes ea in loco quem elegerit Dominus*, id est in urbe cultus divini et tabernaculi Dei; et *lactaberis et reficeris*, non dissolute et petulanter, sed spiritualiter coram Deo.

Circa hæc Glossa movet quæstionem, quam non solvit: Querendum, inquit, quomodo jubeat decimationes omnium fructuum, et primogenita omnium pecorum non manducari, nisi in civitate ubi templum esset, quum eas Levitis dari præcepit. Hæc Glossa. Itaque quæstio est, qualiter istud intelligi debeat. Si enim solventes C poterant cum sua sobole atque familia manducare decimas et primitiva, quæ Levitis ac sacerdotibus debebantur, hoc in damnum sacerdotum ac Levitarum vergebat. Ad hæc aliqui responderunt, textum hunc loqui de primogenitis animalium, quæ propter maculam non fuerunt apta offerri: propter quod redimebantur, atque in urbibus edebantur, et de eorum pretio emebantur animalia immolaticia in urbe tabernaculi seu templi, ex quibus tales comestiones fiebant ibidem. Sed huic solutioni objicitur, quod istud quoque fuisset sacerdotibus et Levitis derogativum et nocivum, eo quod pretium talis redemptionis pertineret ad eos de jure. Aliqui vero dicunt, textum hunc loqui de hostiis pacificis quæ spontanea devotione offerebantur, quarum carnes cesserunt in offerentium usus, præter armum dextrum atque pectusculum, quæ sacerdoti offerenti deputabantur. Sed huic responsioni obsistit, quod textus iste evidenter loquitur de decimis et primitivis, et de his quæ ex

voto solvuntur, etc. De quibus omnibus A generaliter ait, *Comedes ea tu, et filius tuus et filia*, etc. Hinc alii dicunt, quod filii Israel singulis annis de omnibus bonis suis separabant decimas ad opus Levitarum, primitias vero et primogenita ad opus sacerdotum. Postea iterum decimabant novem partes residuas, et hæc erat secunda decima, de qua hic agitur. Conveniebant enim de singulis civitatibus in Jerusalem ter in anno, videlicet in Pascha, Pentecoste et Scenopegia, secum portantes secundas decimas et secunda primogenita, et secundas primitias, et inde epulabantur in urbe divini cultus. Hanc expositionem Magister in historiis approbat, dicens eam esse Hebræorum traditionem. Verumtamen Lyra reprobare eam videtur, quia ut ait, ex Scriptura non habetur. Ad quod dicendum, quod multa vere dicuntur quæ in Scriptura canonica non habentur.

*Cave ne derelinquas Levitem in omni tempore quo versaris in terra*, id est, ad præfatas epulationes invitabis Levitam, qui concivis est tuus, et qui tecum ascendit ad locum prædictum. Hoc in terra promissionis fuerat observandum. Levitæ equidem non habebant hereditatem; tamen ut fertur, non tenebantur ad hoc in terra aliena, in qua bona hereditaria non habebant. *Quando dilataverit Dominus terminos tuos*, ita quod longe ac late possederis terram tibi promissam, *et volueris vesci carnibus quas desiderat anima tua; locus autem quem elegerit Dominus Deus tuus, ut sit nomen ejus ibi, si procul fuerit*, id est, si urbs divini cultus fuerit multum D distans a tua habitatione, *occides de armentis et pecoribus quæ habueris*, id est, occidere potes animalia esui apta secundum legem, et edere ea in urbibus tuis, etiam quamvis sint primitiva et sacerdotibus deputata, quia laboriosum fuisset a loco ita remoto ea perducere usque ad locum cultus divini. Sed in tali casu tenebantur in urbe divini cultus animalia ejusdem valoris emere, sacerdotibusque offerre. *Mundus et immundus in commune vrescentur,*

hoc est, tam mundi quam immundi secundum legem, qui ex tactu rei immundæ aut mortui erant immundi, licite vesciebantur carnibus illis: immundi tamen, ab ingressu sacri loci prohibebantur. *Hoc solum cave, ne sanguinem comedas. Sanguis enim eorum*, scilicet animalium, *pro anima est*, id est, simile aliquid habet cum anima: quoniam sicut vita animalis dependet ex præsentia animæ, ita et ex in-existentia sanguinis: *et idcirco non debes animam*, id est rem præfacto modo similem animæ, *comedere cum carnibus; sed super terram fundes quasi aquam*.

*Quæ autem sanctificaveris et voveris Domino*, id est animalia quæ promiseris Deo offerri, *tolles*, id est, tecum adduces, *et venies ad locum quem elegerit Dominus*. Talia namque animalia Deo sic deputata et obligata, nec in melius, nec in deterius poterant commutari, sicut in Levitico expositum est. *Et offerres oblationes tuas*, id est animalia Deo sic consecrata, *carnem et sanguinem super altare Domini Dei tui*, id est, carnes animalium talium occisorum, et aliquid de sanguine eorundem, facies per manus sacerdotis super altare offerri, et de sanguine certas partes altaris liniri, prout super Leviticum frequenter et determinate expressum est. *Sanguinem hostiarum fundes in altari; carnibus autem ipse vesceris*. Non quod offerrens poterat totas carnes sic immolatas in suum redigere usum, quia sic nihil videretur obtulisse Domino, sed aliquam carnum partem, prout super Leviticum dictum est, et reliquæ partes fuerant sacerdotis obsequium exhibentis.

Consequenter in textu prohibetur Israelitis idololatria gentium, quarum terra fuit eis promissa, et specialiter ne instar idololatrarum illorum offerrent filios suos aut filias diis aut idolis, ad comburendum per ignem in idolorum honorem. *Quod præcipio tibi, hoc tantum facito Domino*, id est ad gloriam Dei. Per hoc non prohibetur aliquid fieri ad cultum ac reverentiam Dei ultra debitum seu præceptum, sed

Lep. xxvii,  
9, 10.

ut nihil fiat contrarium divinis praeceptis, A  
iuxta quem modum subjungitur : *nec ad-*  
*das quidquam nec minuas* : quia nihil

aut subtrahendum quod eis contrarietur :  
attamen addi possunt rationabilia institu-  
ta atque consilia, et declarationes catholi-  
cae, exhortationesque caritative.

## ARTICULUS XIV

EXPLANATIO LITTERALIS CAPITULI TERTIODECIMI : SI SURREXERIT IN MEDIO TUI PROPHETES.

QUANTUM praeposenda sit vita gratiae B  
ae honorificentia veri Dei, vitae na-  
turae et omni societati ac cognationi hu-  
manae, atque prosperitati terrenaе, nunc  
declaratur. *Si surrexerit*, id est, in publi-  
cum prodierit, vel in actum processerit, *in*  
*medio tui*, hoc est in populo tuo, o Is-  
rael, *prophetes* : sive sit vere propheta  
per revelationem futurorum pure contin-  
gentium, sibi factam a Spiritu Sancto ;  
sive sit pseudo, et aliqua futura homini-  
bus incognita praedicens ex revelationibus  
demonum, qui multa ventura hominibus C  
ignota praeoseunt, et valibus suis reve-  
lant ; *aut qui somnium ridisse se dicat*, id  
est oraculum aut visionem habuisse in  
somno, *et praedixerit signum atque por-*  
*tentum*, hoc est aliquod magnum vel mi-  
rabile esse futurum de proximo, vel in  
longinquo, *et creverit quod locutus est*. Ali-  
quando enim vera praedicunt, imo inquisi-  
simi ac falsissimi spiritus interdum homi-  
nibus dicunt aliqua bona et honesta atque  
salubria, quatenus homines assuescant ad  
sibi credendum, sieque deinceps gravius D  
eos fallant, insinuando aut persuadendo  
eis prava ac falsa. *Et dixerit tibi, Eamus*  
*et sequamur deos alienos quos ignoras*.  
Circa hoc scribit quidam : Ex hoc patet,  
quod revelatio sibi facta fuit per demones.  
Sed advertendum, quod etiam falsis pro-  
phetis atque idololatriis, quandoque aliqua  
vera et vere futura revelantur a Deo per  
angelos propter commune bonum, ut con-  
stat de Balaam, ut in Numeris probatum

est. Prophetia namque inter dona gratiae  
gratis datae computatur, quae communia  
sunt bonis ac malis. Ideo si talis propheta  
persuadeat veris Dei cultoribus idolola-  
triam, ex hoc non sequitur quod quaecum-  
que revelatio sibi facta, sit ei per damo-  
nem ministrata : imo Balaam consulit  
Madianitis, ut filios Israel per mulieres ad  
idololatriam concitarent, et tamen paulo  
ante habuit multas revelationes a Deo.

*Non audies per consensum verba pro-*  
*phetae illius aut somniatoris*, quibus idole-  
latrariam consulit : si autem diceret aliqua  
vere salubria, sicut et Balaam, in illis es-  
set audiendus. *Quia tentat vos Dominus*,  
id est, ad probationem et examinationem  
vestram sinit vobis talem pestiferam fieri  
suggestionem, *ut palam sciat\* utrum dili-*  
*gatis eum, an non, in toto corde et in tota*  
*anima vestra*. Certum omnino est, invaria-  
bilem Deum omnia praecognoscentem, nil  
de novo agnoscere, nec ex humano eventu  
quidquam addiscere : ideoque quod ait, Ut  
palam sciat, exponendum est, ut ab aliis  
evidenter faciat sciri ad ipsorum aedifica-  
tionem aut cautelam. His verbis simile est  
quod ad Galatas scribit Apostolus : Licet  
nos aut angelus de coelo evangelizet vobis  
praeterquam quod evangelizavimus vobis,  
anathema sit. Nempe quidquid divinae in-  
fallibili veritati contrariatur, respnendum  
est prorsus ac protinus. *Dominum Deum*  
*vestrum sequimini, et ipsum time* ; *man-*  
*data ejus custodite, Ipsi servietis, et ipsi*  
*adharebitis, Propheta autem ille aut fi-*



ctor somniorum interficietur : quia ut infra habetur, fuerat lapidandus, et hoc lata contra eum sententia secundum juris processum.

*Si tibi voluerit persuadere frater tuus, dicens : Eamus et serviamus diis alienis quos ignoras tu, id est, aliquis quantumcumque propinquus, familiaris aut carnis attentaverit te ad idololatriam inclinare ; non acquiescas ei, sed statim interficies.* Primo tamen fuerat acusandus iudicibus, et dijudicatus ab illis erat necandus. Oportebat quoque crimen probare, nisi reus id fateretur, aut evidentia facti esset pro testimonio : quibus completis, agendum erat quod subditur : *Sit primum manus tua super eum, id est, primo incipias illum lapidare, et post te omnis populus mittat manum, id est, universi adstantes quibus hoc congruit, cooperentur tibi ad interfectionem illius. Lapidibus obrutus necabitur. Non parcat ei oculus tuus, ut miserearis et occulles eum :* quia bonum commune preferendum est bono personae, praesertim vitae iniquae. Deus quoque incomparabiliter plus amandus est, quam quicumque propinquus. Ideo spiritualis dilectio, omni carnali ac naturali debet prevalere dilectioni : atque ut ait S. Chrysostomus, quamvis pium sit propriam dissimulare ac tolerare injuriam, impium tamen est Dei injuriam dissimulare, quam neque usque ad auditum sufferre debemus. Talis quoque rigor justitiae expediebat aliorum saluti. Propter quod subditur : *ut omnis Israel audiens talem impii lapidationem, timeat, et nequaquam ultra faciat quidpiam hujus rei simile.*

Consequenter idem praecipitur de politia seu communitate ejusecunquae oppidi. *Si audieris in una urbium tuarum aliquos dicentes : Egressi sunt filii Belial de medio tui, et auerterunt habitatores urbis suae, atque dixerunt, Eamus et serviamus diis alienis, quos ignoratis : quare sollicite, et diligenter rei veritate perspecta, si inveneris certum esse quod dicitur, et abominationem hanc opere perpetrata, statim*

*A percuties habitatores illius in ore gladii, et delebis eam, et omnia quae in illa sunt, usque ad pecora.* Littera est proluxa ac plana. Siquidem sensus est, quod si communitas alicujus urbis ad idololatriam fuerit lapsa, mox alii Israelitae urbem illam invadant, et habitatores ejus idololatrias perimant usque ad pecora inclusive, ad majorem idololatriae detestationem, quemadmodum peccus jubetur occidi cum suo concubitore : imo et tota supellex atque substantia talis oppidi comburantur, nec quisquam aliquid sibi de anathemate tali usurpet : ipsaque urbs funditus destruat, nec postea reaedificetur.

*Ut avertatur Dominus ab ira furoris sui, id est, rigorem suae justitiae non exerceat in populo Israel : quem rigorem exerceat in populo, si negligens esset, non implendo istud praeceptum.* Unde et filii Israel in pugna contra tribum Benjamin, bis sunt victi ista ex causa, quia videlicet non expugnaverunt urbem Lais, in qua filii Dan idolum Michae colebant, ut in Judicum libro habetur. Vel, *Ut avertatur Dominus ab ira furoris sui, id est ab inflictione poenae quam interdum consuevit infligere toti communitati pro crimine alicujus urbis seu partis communitatis, in quantum omnes sunt unum corpus civile, prout alibi jam saepe expositum est.* Sic Phinees cessare fecit iram Dei a populo, quum cocuntes perfodisset. Per temporalem etiam hominum occisionem, eis propter ipsorum peccata infligendam, Deus est eis in posterum magis misericors. *Et misereatur tui, multiplicetque te numero ac virtute :* quasi dicat, Noli timere quod ex interfectione idololatrantium Israelitarum minuetur ac debilitabitur populus tuus, quia Dominus merito obedientiae tuae in illa occisione, auget te numero personarum, donisque gratiarum : sicut juravit patribus tuis, quando audieris vocem Domini Dei tui, custodiens omnia praecepta ejus, quae ego praecepto tibi hodie, ut facias quod placitum est in conspectu Domini Dei tui.

*Ler. xx, 15, 16.*

*Judic. xx 21, 25.*

*Ibid. xxiii, 29, 31.*

*Num. xxx, 8. Ps. cv, 30.*

## ARTICULUS XV

EXPOSITIO LITTERALIS CAPITULI QUARTIDECIMI :

FILII ESTOTE DOMINI DEI VESTRI. ET DE MULTITUDINE PRÆCEPTORUM VETERIS LEGIS.  
ATQUE DE CAUSA MULTITUDINIS HEJUS.

**D**E numero ac multitudine præceptorum Mosaicæ legis, S. Thomas allegat Rabbi Moysen, protestantem quod tot erant præcepta in lege, quot sunt dies in anno, vel quot sunt ossa in homine. Verumtamen Guillelmus Parisiensis libro de Fide et legibus videtur sentire, quod erant multo plura. Sic etenim ait : Si quærat ad quid tanta numerositas mandatorum data sit populo Hebræorum, videlicet sexcenta et tredecim, quum constet numerum virtutum longe minorem esse (certum est enim declaratione verissima numerum virtutum quadragenarium non posse excedere) : ad quod respondemus, tres causas fuisse multitudinis mandatorum. Prima fuit ruditas et imperitia populi, qui generalibus præceptis satis erudiri non potuit. Ideo sicut parvulum filium nutrit pater fractionibus et minutiis panum, sic Dominus populum illum multis particularibus erudit præceptis. Secunda causa fuit, ut per tam multa præcepta Deus faceret populum suum ab idololatriâ omnino differre. Lex etenim pro magna parte intendit ad eliminandum omnem idololatriæ ritum ac speciem, præsertim in universis mandatis, quæ prima facie videntur inutilia et absurda. Tertia, ut Judæi haberent sufficientem materiam se occupandi in lege sua, et non haberent occasionem occupandi se in libris gentium aliarum, ne in errores et superstitiones legi contrariantes dilaberentur : quod multa diligentia ac discretione observatum est apud Hebræos multis temporibus, ita quod sapientia legis contenti, libros aliarum gentium declinarent. Unde

non philosophiæ operam dare illis temporibus ausi sunt, donec commixti sunt inter gentes, videlicet inter Babylonios sen Chaldaeos et Arabes : quæ duæ gentes philosophiæ disciplinas ac studia maxime provexerunt, et adhuc ampliare atque provehere non desistunt, quanquam ea Egyptii inceperint, et Græci studiosissime ac magnifice prosecuti sint. Postquam vero Judæi Babylonii gentique Arabum sunt admixti, immiscuerunt se philosophiæ studiisque illorum, et inciderunt errores ipsorum, nescientes ea quæ in lege sua scripta sunt defendere contra disputationes illorum, maxime postquam regnum Sarraecenorum diffusum est super ipsorum Hebræorum habitationes. Exinde enim æternitatem mundi et aliorum philosophorum errores secuti sunt, ita quod pauci manserunt veri Judæi, videlicet qui non in aliqua parte Sarraecenorum et philosophorum erroribus consenserunt. Hæc Guillelmus.

Quocirca quæri potest, qualiter computatio mandatorum secundum Guillelmum, computationi eorum secundum Rabbi Moysen valeat concordari. Ad quod responsionem certam in promptu non video, nisi forte diversimode accipiantur nomina mandati atque præcepti. Sicut enim prædictum est, quidam inter mandata et præcepta distinguunt, ita quod mandata non obligant nec obligabant Judæos tam absolute sicut præcepta : sed inter præcepta et consilia seu documenta, medio modo habebant se. Potuit ergo esse, quod Guillelmus hæc duo pro eodem accipiat, sicque multa plura dicat esse præcepta seu mandata legis, quam Rabbi Moyses. Quum ergo sint tot et tanta legis præcepta, merito dixit glorio-

Act. xv, 10. sissimus princeps Apostolorum : Cur ten- A  
latis imponere onus super cervicem disci-  
pulorum, quod neque nos, neque patres  
nostri portare potuimus ? Hæc præmissi,  
quia ex hoc loco incipit Moyses præcepta  
legis caerimonialia et judicialia magis par-  
ticulariter prosequi.

*Filii estote Domini Dei vestri*, id est,  
non solum servi, sed etiam filii adoptivi  
esse satagite veri Dei, per filialem ad ip-  
sum caritatem sinceram, et per divinæ per-  
fectionis imitationem, quemadmodum in

Luc. vi, 35. Evangelio ait Salvator : Diligite inimicos B  
vestros, et mutuum date nihil inde spe-  
rantes, et eritis filii Altissimi, quia ipse  
benignus est super ingratos et malos. *Non*  
*vos incidetis*, hoc est, non vulnerabitis  
vosmetipsos, ut per hoc exaudiamini a me,

III Reg. XVIII, 28. prout tertio Regum de sacerdotibus Baal  
habetur : Clamabant voce magna, et inci-  
debant se juxta ritum suum cultris et lan-  
ceolis donec perfunderentur sanguine. Vel  
quod ait, Non vos incidetis, refertur ad  
sequentia, *nec facietis calvitium super*

*mortuo*, hoc est, ex immoderato moreore  
de morte eorum, non lædetis vos aliqua  
vulneratione, nec extrahetis capillos : quia  
cultores veri Dei, qui fidem habent et spem  
vitæ melioris, beatæ ac æternalis, non de-  
cet sic flere propter temporalem suorum  
obitum propinquorum. Propter quod ait

I Thess. iv, 12. Apostolus : Nolumus vos contristari de  
dormientibus, sicut et ceteri qui spem non

habent. Taliter autem lugere, eorum est  
qui de resurrectione vitæque meliore de-  
sperant. Hinc ait Glossa : Usque hodie  
multæ gentes incidunt se in funcribus D  
mortuorum. Hæretici quoque capillos ton-  
dent, et mortuis consecrant. Istud ergo  
Dominus jussit, ne populus suus assimila-  
retur idololatriis. De isto dictum est ple-  
nius super Leviticum.

Sequitur de distinctione et munditia ei-  
horum secundum legem : quibus videlicet  
animalibus gressibilibus, quibus etiam avi-  
bus, et quibus piscibus vesci tenerit ip-  
sis Judeis, et quibus non. De qua materia  
et rationibus horum literalibus ac spiri-

tualibus, diffuse tractatum est in Levitico,  
ubi de his ex scriptis Alexandri de Hales,  
S. Thomæ, et Guillelmi Parisiensis, ac alio-  
rum, multa sunt introducta : ideo non sunt  
repetenda, sed nomina quedam sunt hic  
exponenda, quæ non sunt expressa ibidem.

*Hoc est animal quod comedere debetis*. Hic  
ponitur singulare pro plurali, ut sit sen-  
sus : Hæc sunt animalia, quorum carnibus  
vesci vobis est licitum. *Bovem et orem et*  
*capram, et cervum*. De proprietatibus bo-  
vis et ovis et capræ, super Leviticum di-  
ctum est. Cervus est animal velox, cornibus  
armatum, lutum et spineta transiliens sal-  
tu, et a læsione cornibus se defendit. Quum  
senuerit, vi narium serpentem extrahit de  
caverna, quem vivum deglutit, ejus ven-  
eno astuans, ad fontem accelerat : quo  
hausto, venenum ejicit, et pilis vetustatis  
abjectis, rejuvenescit. Per quem bene ho-  
mo spiritualis et contemplativus signatur,  
qui fervore affectuum festinat ad patriam,  
cornibusque armatur, quibus læsionibus  
tentatoris resistit, de quibus cantatur :

C Exaltabuntur cornua justi : quæ sunt vir-  
tutes ejus. Præsertim discretio \* atque  
constantia transcendit quæque terrena.  
Quumque senuerit corpore, renovatur in  
anima, extrahitque aspidem de caverna,  
dum peccatorem ad confitendum inducit,  
ejus quum peccata audierit, ad fontem  
misericordiæ properat, et veniam impetrat  
penitenti.

*Et capream, bubalum*. Bubalus est ani-  
mal ferox et valde robustum, quod domari  
non potest, nisi ferreo aculeo naribus ejus  
infixo, quo circumfertur ; habetque fron-  
tem validissimis cornibus circumseptam.  
Nigri aut fulvi coloris est, et paucos ac  
raros habet pilos. Per quem spiritualis pu-  
gnator accipitur, qui animatus in Domino,  
protestatur : Persequar inimicos meos et  
comprehendam illos, et non convertar do-  
nec deficient. *Tragelaphum*. Tragelaphus  
alio nomine dicitur hircocervus, quia par-  
tim est similis hircocervus, partimque cervo. Per  
quem homo proficiens designatur, qui  
adhuc passionibus impugnatur, et tamen

Ps. LXXIV,  
11.  
\* discretio-  
ne

Ps. CXXIII, 38.



ut cervus ad altiora virtutum ac sapientiæ A  
fluente accelerat. *Pygægypton*. Pygægyptus se-  
cundum quosdam est avis quedam, a *pyg-*  
*ge*, quod interpretatur depressum, et *ar-*  
*gos*, quod est onus, quia fortassis parvæ  
est quantitatis: vel a *pyge*, id est nates,  
[et *argos*, quod est album]. Videtur tamen  
nunc potius sumi pro animali gressibili,  
quoniam infra fit de avibus mentio, et  
animalia gressibilia, non volatilia, pariter  
exprimuntur. *Orygem*. Oryx sumitur nunc  
pro animali quodam, quod etsi immundum  
sit ad sacrificandum, non tamen ad come- B  
dendum. Per quod possunt intelligi boni  
fideles, qui licet ad vitam religiosam ine-  
pti sint, attamen in via mandatorum salu-  
briter ambulant. *Camelopardalim* \*. *Cam-*  
*elopardalis*, quamvis sit pardus maculis  
albis adpersus, collo tamen similis est  
equo, pedibus autem bubalis, capite vero  
camelo, et in Æthiopia nascitur. Per quam  
designantur quidam electi, qui ex gratia  
speciali diversorum statuum perfectiones  
sortiti sunt, quum tamen unius sint status  
atque vocationis. Deinde inter aves im- C  
mundas ponitur ipon vel ieon \*, et est avis  
de genere vulturis, parva, et albi coloris.

*Peregrino qui intra portas tuas est, da*  
*ut comedat, et \* vende ei*. Per peregrinum  
intelligitur quæcumque persona gentilis,  
non conversa ad Judaismum, cui licebat  
comedere aves secundum legem immun-  
das, quia ad caerimonialia legis non tene-  
batur. *Quia tu populus sanctus Domini*  
*Dei tui es*, hoc est, divino cultui speciali-  
ter mancipatus: propter quod obligaris ad  
multa, ad quæ alii non tenentur. *Non co-*  
*ques hædum in lacte matris suæ*. De ex- D  
positione hujus præcepti, multa sunt in-  
troducenda in Exodo, secundum Augustinum  
et Thomam ac alios. Quibus nunc addo,  
quod libro de Fide et legibus scribit Guil-  
lelmus Parisiensis: Ad distinguendum po-  
pulum suum a consuetudine idololatrarum,  
Dominus ei præcepit: Non coques hædum  
in lacte matris suæ. In natura enim sua  
nihil habet immunditiæ hædus, nec lac  
caprinum: nec contrariatur corporis sani-

tati. Cur ergo utriusque comestio prohi-  
betur? Hædus namque et lac, sunt cibi  
mundi ac liciti juxta legem. Præterea hu-  
jusmodi cibus non est adeo delicatus, ut  
igitur prohiberetur. Amplius, cur magis  
prohibuit hoc de hædo, quam de agno aut  
vitulo? Ideo constat ex omnibus his, Deum  
voluisse aliquam consuetudinem idolola-  
triæ per hæc a suo populo remove: ejus  
validum signum est, quod prohibitio ista  
tam frequenter exprimitur, quia habetur  
vulgo in Exodo atque in Deuteronomio. *Exod.*  
Hæc Guillelmus Parisiensis. Circa ejus  
verba sciendum, quod quamvis Scriptura  
non exprimat istud, nisi de hædo, tamen se-  
cundum aliquos magnos intelligitur etiam  
de carnibus aliorum animalium quæ lacte  
aluntur, non autem de avibus, quia non  
lacte, sed de ovi materia nutriuntur. Istud,  
sicut supra Exodum scripsi, dicunt Magi-  
ster in historiis et Andreas.

*Decimam partem separabis de cunctis*  
*fructibus tuis*. Istud totum usque ibi. An-  
no tertio separabis aliam decimam, etc.,  
scriptum atque expositum est supra. *Anno* *Deut. xii,*  
*tertio separabis aliam decimam*, id est, 5 *et seq.*  
a ceteris tuis bonis abstrahes decimam di-  
stinctam ab illa quæ debetur Levitis, atque  
ab illa, de qua fiebat epulatio in oppido  
cultus divini. Et ideo ait, Tertio anno, quo-  
niam unus annus interpositus fuit, in quo  
non fiebat decimatio ista. *Et repones eam*  
*intra januas tuas*, hoc est in aliqua domo  
tua. *Venietque Levites, qui aliam partem*  
*non habet nisi decimam istam*, et etiam  
aliam quæ omni anno fiebat, *nec posses-*  
*sionem tecum hereditariam*, nisi ad ha-  
bitandum atque ad pecora nutrienda, *et*  
*peregrinus*, præsertim ad Judaismum con-  
versus, *atque pupillus et vidua, qui intra*  
*portas tuas sunt*, id est quæcumque pau-  
peres miserabilesque personæ: *et comedent*  
*in domo tua, vel secum portabunt aliquam*  
*partem, quam eis contuleris: et satura-*  
*buntur*, id est, ad sufficientiam, non ad  
gulam, reficientur. Hæc vocabatur decima  
pauperum, quam Deus sic jussit reponi et  
communicari, ne inopes Hebræi aut Levitæ

\* camelo  
pardalum,  
vel camelo-  
pardum

\* ixion

\* aut

Exod. xiiii,  
19.

*Deut.* xv, 4. compellerentur mendicare, quod infra ve-  
tatur : aut ministrare gentilibus sive ido-  
lolatris, sicque cum illis comedere, et ido-  
lothya sumere, atque ex consequenti in  
idololatriam labi, quemadmodum in Judi-  
*Judic.* xvii, 7 et seq. :  
xviii, 30. cum volumine legitur contigisse Levitæ,  
utpote Jonathæ filio Gersam filii Moysis.  
Hanc igitur pietatis legem adimple, ut  
*benedicat tibi Dominus Deus tuus in cun-*  
*ctis operibus manuum tuarum*, hoc est vi-  
rium operativarum, id est, in spiritualibus  
ac temporalibus rebus det tibi gratiosam  
multiplicationem. Siquidem opera miseri-  
cordiæ non solum in futuro, sed etiam in

A præsentem remunerantur a Domino remune-  
ratione multiplici : et qui operibus pietatis  
liberaliter sunt intenti, tam in spirituali-  
bus quam in temporalibus benedicuntur  
a Domino : quibus fiet a Deo, sicut faciunt  
proximis suis, sicut ait Salvator : Beati  
misericordes, quoniam ipsi misericordiam  
consequentur. Itemque : Mensuram bonam  
et conferam et coagitatam et supereffluen-  
tem dabunt in sinum vestrum. Postremo,  
secundum Glossam, Historiamque schola-  
sticam, non licuit Judæis de hac paupe-  
rum decima aliquid in proprios convertere  
usus.

*Matth.* x, 7.

*Luc.* vi, 38.

## ARTICULUS XVI

ELUCIDATIO LITTERALIS CAPITULI QUINTIDECIMI : SEPTIMO ANNO FACIES REMISSIONEM.

NUNC specialiter inducuntur judicialia  
quædam præcepta, inter proximos ob-  
servanda, ad convivendum caritative at-  
que pacifice. Ut autem asserit Glossa, in  
hoc capitulo dilectio et pietas commen-  
dantur, ut proximis misereamur, et præ-  
mium præstolemur a Domino : tempore  
enim suo metemus non deficientes, si dum  
tempus habemus, operemur bonum ad om-  
nes, maxime autem ad domesticos fidei.  
*Septimo anno facies remissionem*, juxta  
sensum qui subditur : *que remissio hoc*  
*ordine celebrabitur. Cui debetur aliquid*  
*ab amico, vel proximo, ac fratre suo*, hoc  
est propinquo aut alio natione Judæo, re-  
petere non poterit, quia annus remissionis  
est Domini : quia in hoc septimo anno  
Dominus jussit creditoribus, debita He-  
bræis remittere. *A peregrino et advena*  
*exiges*, id est, ab extraneis qui non sunt  
natu Judæi, potes in illo anno, sicut et an-  
te, exigere debita. *Cirem et propinquum*  
*repetendi non habes potestatem*. Per quod  
quidam dicunt insinuari, quod a conversis  
ad Judaismum, non licuit debita exigi. Hu-

jus præcepti causa assignatur, ne Judæi  
pauperes, ex impotentia persolvendi et ex-  
actione atque coactione ad persolven-  
dum, de terra sua, in qua sola cultus Dei  
generaliter viguit, ad terras gentilium ido-  
lolarum confugerent, et tali occasione  
ad idololatriam laberentur, secundum il-  
lud : Cum perverso perverteris. Propter  
quod David primo Regum clamavit ad Saul :  
Si Dominus incitat te adversum me, odo-  
retur sacrificium ; si autem filii hominum,  
maledicti sunt in conspectu Domini, qui  
ejecerunt me hodie, ut non habitem in  
hereditate Domini, dicentes : Vade, servi  
diis alienis.

*Ps.* xvii, 27.

*1 Reg.* xxvi,  
19.

Denique Thomas in prima secundæ, qua-  
stione 105, circa præceptum hoc scribit :  
Intentio legis erat assuefacere homines  
suis præceptis ad hoc, quod sibi invicem  
de facili in necessitatibus subvenirent, quia  
hoc maximum est amicitiae fomentum : et  
hanc subveniendi facilitatem non solum  
statuit in his, quæ gratis et absolute do-  
nantur, sed in his quoque quæ mutuo con-  
ceduntur, quoniam talis subventio frequen-

*Galat.* vi,  
9, 10.

tior est, et pluribus necessaria. Hujusmodi A autem subventionis facilitatem multipliciter instituit, quatenus faciles se praeberent ad mutuum concedendum, ne ab hoc retraherentur anno remissionis appropinquante. Deinde instituit, quod anno septimo debita penitus remitterentur. Probabile etenim erat, quod hi qui commode reddere possent, ante annum septimum solverent, nec gratis mutuantem fraudarent. Si autem omnino impotentes essent ad reddendum, eadem ratione erat eis debitum remittendum ea dilectione, qua etiam erat eis de B novo dandum, propter ipsorum indigentiam. Hæc Thomas.

Veruntamen quidam, quos Magister in historiis sequitur, dicunt, quod anno septimo non fiebat debitorum remissio, sed repetitionis dilatio, et in jubileo ipsa remissio. Cui dicto consonare videtur quod scribit hic Rabbi Paulus, dicens : Licet Hebræi communiter dicant, quod anno septimo debita totaliter remittebantur, ita quod nec postea exigere poterant, hoc tamen non videtur consonum rationi. Sic enim si C mutuasset aliquis alteri anno sexto, vel in termino ejus, non potuisset illud postea exigere : quod videtur contra justitiæ æquitatem. Nec dici potest, quod remissio ista intelligatur quantum ad impotentes solve- re, ut postillator (videlicet Lyra) videtur dicere, tum quia ab impotente solve- vere non solum anno septimo, sed etiam aliis annis non fuit repetendum. Ideo aliter videtur esse dicendum, videlicet quod anno septimo non licebat repetere debi- D ta, quoniam septimus annus, fuit annus remissionis terræ, in quo non licuit seminare, vindemiare, nec fructus terræ colligere, *Lev. xxv.* sed omnia quæ sponte nascebantur, erant communia, ut habetur in Levitico. Ideo tunc debuit cessare exactio debitorum, cessante collectione fructuum atque reddituum : sed sabbato terræ, id est septimo anno transacto, quum jam poterant terras colere, et fructus suos unusquisque colligere, licuit repetere debita, et debitor red-

dere tenebatur, quum restitutio pertineat ad veram justitiam. Hæc Rabbi Paulus. Et quamvis hoc dictum videatur satis consonum rationi, non tamen textui neque doctoribus allegatis. Nec obiectio Pauli tenet, quoniam Dominus promittit mutuanti, et septimo anno debitum remittenti, benedictionem ac præmium. Postremo, quod locus iste intelligendus est quantum ad pauperes, prout Lyra insinuat, satis (ut apparet) in textu innuitur, quia sic continet : Si unus de fratribus tuis ad pauper- B tatem venerit, dabis ei mutuum, quo cum indigere perspexeris. Deinde subiungitur : Cave ne forte subrepat tibi impia cogitatio, et dicas, Appropinquat annus remissionis, et avertas oculos a paupere fratre tuo, nolens ei mutuum commodare. Quamvis autem ab impotente ad solvendum, non erat importune repetendum, non tamen oportuit ei remitti omnino ante septimum annum, sed poterat interim expectari an fieret potensolvere : quo facto, debitum exigere poterat.

Sequitur : *Et omnino indigens et mendicus non erit inter vos :* id est, hoc ju- beo, ut ita invicem succurratis, et vestra communicetis his, qui propria bona non habent, ut nemo de semine vestro opprimatur inopia, aut mendicare cogatur, ne scilicet tali occasione ad gentiles declinet vel idololatriæ obsequatur, aut furtum seu simile vitium incidat. Istud quoque tunc congrue jubebatur, quando cultoribus Dei temporalium abundantia promittebatur. Hinc etiam innotescit, quod temporalis pro- D speritas non fuit principale præmium observantiæ legis : alioqui Deus per se ipsum eunctis observatoribus legis, temporalem contulisset prosperitatem, quum ipse sit justus iudex et liberalissimus præmiator. Hinc in Proverbiis Sapiens orat : Mendici- *Prov. xxx,* *8, 9.* tatem et divitias ne dederis mihi, ne forte satiatus illiciar ad negandum, aut egestate compulsus furer, et perjurem nomen Dei.

*Favnerabis gentibus multis, et ipse a nullo foras accipies.* id est, si legem ple- *mutuum* ne servaveris, eunctis gentibus opulentior



eris. Sic Glossa exposuit. Vel tantis eris A divitiis decoratus, quod poteris mutuando succurrere, non solum natione Hebraeis, sed item gentilibus. Porro fonerare seu fonerari, est idem quod mutare vel mutuari, aut ad usuram concedere sive accipere. Dicuntque aliqui probabiliter satis, quod fonerare non sumitur hic pro concessione ad usuram, quæ licet erat Judæis permissa circa extraneos, non tamen licita fuit in se, sicut nec libellus repudiî, ut infra magis dicitur : ideo non poterat eis promitti pro mercede virtutis seu observantiæ legis : ideo fonerare nunc sumitur pro accommodare. Unde secundum Lyram in Hebræo habetur, Vadiabis gentes multas, id est, vadia ab eis accipies, quia non tenebantur absque vadio accommodare. Verumtamen sicut jam tactum est, dici potest, quod non usura, sed opulentia eis promittitur. Qualiter autem permissum sit eis ad usuram accommodare extraneis, infra exponetur. Et quia non solum promittebatur eis excellentia divitiarum seu copia rerum, sed etiam principatus dominiî, quod ad temporalem pertinet prosperitatem, subiungitur : *Dominaberis nationibus plurimis, et tui nemo dominabitur*, hoc est nullus gentilis infidelisque princeps aut populus : quod tempore David et Salomonis præsertim impletum est.

*Si unus de fratribus tuis, id est quæcumque persona natione Hebræa, aut etiam secundum quosdam, ad Iudaismum conversa, ad paupertatem devenierit ; non obdurbabis cor tuum per crudelitatem et immisericordiam, nec contrahes manum per D avaritiam, sed aperies eam pauperi, et dabis mutuum quo eum indigere perspexeris : nec hoc dimittes propter anni septimi appropinquationem, sicut in textu qui est planus, subiungitur. Non deerunt pauperes in terra habitationis tue.* Paulo ante jam dixit, Omnino indigens et mendicus non erit inter vos : quomodo ergo nunc ait, Non deerunt ? Sed illud dictum est, ut in sua paupertate non relinquuntur ; istud vero, quod ex se inopes erunt et subsidiis

indigentes, quorum unum alteri non contrariatur. *Quum tibi redditus fuerit frater tuus Hebræus.* Locus iste usque ad id. De primogenitis tuis, in Exodo litteraliter spiritaliterque expositus est.

*De primogenitis tuis quæ nascuntur in armentis et ovibus tuis, quidquid est sexus masculini, sanctificabis Domino Deo tuo.*

Istud frequenter præhabuit est. Primogenita namque animalium immolatio- rum erant Domino offerenda, qui ea sibi sanctificavit, hoc est, immolanda dictavit, ab eo tempore, quo percussit omne pri-

mogenitum in Ægypto. Primogenita autem animalium non immolatio- rum redimebantur aut occidebantur, quia pro primo- genito asini, ovis dabatur; primogenita eorum interficiebantur. *Non operaberis in primogenito horis,* id est, primogenita boum non applicabis usibus aut utilitatibus tuis ad tempus, antequam immolentur, et non

tondebis primogenita ovium, sed cum lana sua offeres ea Deo. Similiter oves quæ pro primogenitis asinorum offerebantur,

erant offerendæ cum lana : quia in Dei obsequio et in sacrificiis ejus nequaquam tenacia est monstranda, sed liberalitas exhibenda : ipsique sacerdotes, ad quos oblationes Dei pertinnerunt, sic indigebant lana pro vestitu, ut carne pro victu. *In conspectu Domini Dei tui comedes ea,* juxta expositionem superius introductam. *Sin autem habuerit maculam,* etc. Istud totum supra continetur, et ibi expositum est.

Mystice, septimus annus remissionis, est omne tempus evangelicæ legis, in quo septem donis Spiritus Sancti replemur. Unde in Isaia loquitur Christus : Spiritus Domini super me, ut prædicarem annum placabilem Domino. In omni igitur tempore vitæ præsentis debemus remittere, quidquid injuriæ nobis fuerit irrogatum, non solum usque septies, sed usque septuagies septies, sumendo numerum finitum et determinatum pro indeterminato : et hoc maxime amicis, proximis, et fratribus nostris, videlicet Christifidelibus, qui de suo dolent excessu, et veniam deprecantur, atque ad

Deut. xxiii, 20.

Exod. xxi,

2-6.

Ibid. xiii, 2

12 ; xxiv,

19.

Ibid. xiii,

13 ; xxiv,

20.

Deut. xii,

12.

Lev. xxii,

20-22.

Sensus

mysticus.

Is. lxi, 1, 2.

Matth.

xxiii, 22.

emendandum et satisfaciendum exponunt A  
*Math. v.*, se juxta Christi doctrinam, dicentis : Si  
 23, 24. offers minus tuum ad altare, vade prius  
 reconciliari fratri tuo, etc. Quibus dimit-  
 tere debemus, quantum in nobis est, non  
 solum culpam, sed et satisfactionem, seu  
 poenam excessus eorum in nos, *quia annus*  
*remissionis est Domini*, hoc est tempus  
 legis evangelicæ, quam docuit Christus, qui  
 jussit inimicos amari, talionisque legem  
*Ibid. vi, 15.* evacuavit, et dixit : Si non remiseritis fra-  
 tribus vestris, nec Pater vester celestis  
 dimittet vobis peccata vestra. *A peregrino*  
*et advena eriges* : id est, ab his qui ab  
 observantia præceptorum Christi extranei  
 sunt, qui nec veniam petunt, nec emen-  
 dationi exponunt se, debitam satisfactio-  
 nem pro injuria tibi illata secundum or-  
 dinem juris exigere potes, imo et debes,  
 dum caritas et bonum commune requirunt  
 hoc : quod ex dilectione et zelo justitiæ,  
 non ex rancore, passione, aut vitio est  
 agendum, quatenus impius in sæculo hoc  
 purgetur et reprimatur a vitiis, et decore  
 servetur justitiæ, nec pax communis tur-  
 betur.

*Omnino indigens et mendiculus non erit*  
*inter vos* : hoc est, si evangelicæ legi per-  
 fecte obedientes fueritis, spirituali opu-  
 lentia vestræ animæ replebuntur, ita ut  
 1 *Cor. i, 7.* nihil vobis desit in ulla gratia. Sicque læ-  
 nerabit qui talis est, *gentibus multis* :  
 quoniam charismata gratiæ ac doctrinæ  
 sibi collata, aliis communicabit, a quibus  
 tali communicatione juvari non indigebit.  
 Hinc præstantissimus Archiapostolus ex-  
 hortatur : Unusquisque sicut accepit gra-  
 1 *Petr. iv,*  
 10. tiam, in alterutrum illam administrantes,  
 sicut boni dispensatores multiformis gratiæ  
 Dei. Insuper, tam virtuosus dominabitur  
*nationibus plurimis*, hoc est vitiis morta-  
 libus, eorumque filiabus atque effectibus,  
 et omni carnali homine dignior erit, atque  
 idoneus plurimos gubernare, juxta quod  
 1 *Prov. i, 5.* Salomon testatur : Intelligens gubernacula  
 possidebit. Denique, si Ecclesia Christo  
 digne serviret, perfidis utique nationibus  
 prævaleret.

T. 2.

Amplius, ex isto capitulo edocemur, quam  
 proni et caritativi debeant esse Christiani  
 ad mutuam subventionem in dando ac mu-  
 tuando, quum lex Christi sit multo perfec-  
 tior lege Moysis. Propter quod ait sanctus  
 evangelista Joannes : Si quis viderit fra-  
 1 *Joann. iii,*  
 17. trem suum necesse habere, et clauserit  
 viscera sua ab eo, quomodo caritas Dei  
 manet in illo ? Hinc ait Salvator : Omni  
 1 *Luc. xi, 30,*  
 31. petenti te tribue, et mutuum date, nil inde  
 sperantes. Quod nihilo minus cum discre-  
 tione agendum est, opportunoque loco et  
 tempore, dum rationabilis dietat causa,  
 quum in Ecclesiastico scriptum sit : Multi  
 non causa nequitiae non fenerati sunt, sed  
 1 *Eccle. xix,*  
 10. quia fraudari gratis timuerunt. Salomon  
 quoque latetur : Homo stultus plaudit ma-  
 1 *Prov. xxv,*  
 18. nibus, quum sponderit pro amico. Et  
 rursus : Si sponderis pro amico, curre,  
 1 *Ibid. vi, 1, 3.* festina, suscita amicum tuum.

Postremo, omne primogenitum conse-  
 crandum est Domino, id est, quicquid in  
 omni conversatione nostra virtuosius lau-  
 dabiliusque consistit, adscribendum est  
 pietati divinæ. In primogenito quoque bo-  
 vis non est operandum, nec primogenita  
 ovium sunt tondenda. Per boves quippe  
 prælati, necnon prædicatores intelligun-  
 tur, qui verbo Dei et auctoritate concessa,  
 audientium corda aperiunt gratiæ Dei, et  
 ea fecundant : quorum primogenita sunt,  
 qui statim seu primo ab ipsis conversi sunt,  
 quibus non est statim utendum ad infor-  
 mationem aut præsentiam aliorum, sed  
 præstolandum quousque fuerint rite in om-  
 ni virtute exercitati, ac desuper illustrati,  
 D ut vita, scientia, ac ætate idonei sint. Pro-  
 pter quod de eligendo in præselem ait  
 Apostolus : Non neophytum, ne in super-  
 1 *Tim. iii, 6.* biam elatus, in judicium incidat diaboli.  
 Primogenita ovium sunt, qui inter subditos  
 præfulgent virtutibus, vel qui exemplis,  
 verbis, aut precibus subditorum bonorum  
 conversi sunt : qui non sunt tondendi,  
 hoc est fructu suæ laudabilis vitæ privandi,  
 vel per scandala aut per incauta præconia,  
 vel per debitæ correptionis ac correctionis  
 subtractionem. Tales namque novellæ plan-

37

tæ faciliter scandalizantur, incantisque laudibus extolluntur : et nisi diligenter atque assidue informantur, castigantur ac diriguntur, cito exorbitant atque deficiunt. Ceterorum spiritualitates præallegatis capitulis sunt conscriptæ.

## ARTICULUS XVII

DECLARATIO LITTERALIS CAPITULI SEXTIDECIMI : OBSERVA MENSEM NOVARUM FRUGUM.

CERIMONIALIA quædam præcepta nunc repetuntur, puta de observandis festis legalibus, aliisque nonnullis : et primo fit mentio de solennitate paschali. *Observa mensem novarum frugum*, id est, adventum primi mensis anni considera : qui apud Hebræos dicitur Nisan, et apud Latinos Martius seu Aprilis, secundum modum et sensum frequenter præhabitu. Ab illo etenim mense inchoant annum Judæi : in quo mense secundum præinductas allegationes in terra promissionis fuit tunc inceptio messis, quamvis aliqui dicant, quod tunc nondum fuit ibi messium tempus, sed appropinquatio ad maturitatem, ita quod in quadam parte terræ illius aliqua spicæ erant maturæ : quod nec textui, nec Glossæ, nec auctoritati Hieronymi, nec Magistri in historiis consonat, quia non solum hic, sed et alibi sæpe Scriptura vocat mensem illum, mensem novarum frugum seu messium. Siquidem in Levitico scriptum est : Quum ingressi fueritis terram quam ego dabo vobis, et messueritis segetem, feretis manipulos spicarum primitias messis vestræ ad sacerdotem. Certumque est, quod illa oblatio fiebat in crastino Paschæ, secundum expositores concorditer. *Et verni primum temporis*, id est mensem præfactum, qui est primus mensis in vere, quod ver est prima pars anni juxta Hebræos : *ut facias Phase Domino*, id est, ad Dei honorem celebres Pascha.

*Immolabisque Phase Domino Deo tuo*. Per immolationem Phase, intelligitur hic non ipsa paschalis agni oblatio, sed sacri-

ficium quod ex alio Dei præcepto offerebatur azymorum diebus per totam Paschæ hebdomadam. Attamen quidam hic scribit, quod istud intelligatur de aliis sacrificiis, quæ offerebantur a personis singularibus ex devotione, quæ non cadebant sub determinato numero, quia in talibus cuilibet permittebatur suam facere voluntatem. Verumtamen istud non videtur idonee dictum, quum Dominus præceptive hic dicat : Immolabisque Phase. Atque in codice Numerorum istud sacrificium paschale jubetur, et quantum ad numerum rerum immolandarum determinatur, quum dicitur : Offeretis incensum holocaustum Domino, vitulos de armento duos, arietem unum, agnos anniculos septem, et hircum pro peccato, etc. : et subditur ibi : Ita facietis per singulos dies septem dierum. Sic itaque immolabis *de ovibus et de bobus, in loco quem elegerit Dominus*, id est in urbe cultus divini et in atrio templi.

*Non comedes panem fermentatum, Septem diebus comedes absque fermento afflictionis panem*, id est azymos panes : qui vocantur panes afflictionis, quia commemorabant et representabant afflictionem filiorum Israel in Ægypto. Propter quod subditur : *quantum in pavore egressus es de Ægypto* : quia et ipsi filii Israel nondum perfecti in fide, cum timore exierunt Ægyptum, cogentibus eos Ægyptiis ad ex-  
eundum velociter. Ægyptii quoque timebant plagari a Deo, dicentes : Omnes moriemur. Porro secundum Lyram, in Hebræo habetur, Quod subito vel festinanter egres-

Num.  
xxviii, 49,  
22, 24.

Lev. xxiii,  
10.

Exod. vii,  
33.



sus es. Sed potius puto, verbum istud Hebraicum ad pavorem et festinationem esse æquivocum; et beatum Hieronymum aptius transtulisse, In pavore, quam si transtulisset, In festinatione: quia quod ait, In pavore, magis exprimit causam dieti præmissi quo dixit, Comedes afflictionis panem.

*Non poteris immolare Phase in qualibet urbium tuarum.* Hic per immolationem Phase designatur oblatio agni paschalis, qui offerebatur in urbe divini cultus, ubi tabernaculum Dei fuit, aut templum in quo nomen Domini, id est ipse Dominus, habitabat, non per circumscriptionem localem, sed per gratiosum ac specialem effectum, et qui colebatur ibidem per sacrificia et orationes; et poterat in qualibet domo urbis illius offerri, in qua erant personæ ad esum agni sufficientes. Expositioni hujus textus non immoror, quoniam super Exodum, Leviticum, Numerorumque librum, in diversis capitulis scripta sunt multa de ista materia et festivitibus istis. *Immolabisque Phase vespere ad solis occusum, quando egressus es de Ægypto.* Non quod de vespere exierunt Ægyptum: ideo quod ait, Quando, intelligendum est, quo tempore, utpote mane sequente. *Maneque consurgens, vades in tabernacula tua.* Hoc dicitur de his, qui ex aliis urbibus venerunt ad civitatem divini cultus, in qua remanere tenebantur tota quintadecima die mensis primi, quæ dies fuit prima et celeberrima dies festi paschalis; et die sequente poterant redire ad propria. Qui tamen volebant, poterant ex devotione per totam hebdomadam festi manere ibidem: ideo quod ait, Mane consurgens, etc., permissio et licentia est, non præceptum.

*Sex diebus comedes azyma.* In Exodo legitur: Septem diebus azyma comedetis. Quicumque comederit fermentatum, peribit anima illa de Israel, a primo die usque septimum: quo constat quod septem diebus azymos panes edere tenebantur. Cur ergo nunc dicitur, Sex diebus comedes azyma? Respondetur, quod numerus minor

A majorem non excludit, imo in majori includitur: et quia de septimo die Paschæ subjungitur, *et in die septima, quia collecta est Domini Dei tui, non facies opus servile.* Septima namque dies, sicut et prima, celeberrima fuit, propter quod et in azymis panibus expendenda. Dicebaturque collecta Domini, vel quia in ea pariter reponcebantur in receptaculis templi, ea quæ erant per dies illos festivos oblata in sacro loco, puta pecuniæ: vel quia tunc colligebantur elemosynæ aliquæ in pauperum usus, aut simili ratione.

Sequitur de solennitate Pentecostes: *Septem hebdomadas numerabis tibi ab ea die, qua falcem in segetem miseris,* id est a tempore quo communiter cœperat messis in terra promissionis, quæ calida est et terræ nascentia cito maturat: non tamen in ipso die Paschæ opus metendi cœperunt. *Et celebrabis diem festum Hebdomadarum,* scilicet Pentecosten, qui septem hebdomadibus post primum Paschæ diem evolutis celebratur: de qua solennitate et hebdomadarum istarum numeratione dictum est plenius in Levitico et in Numeris, ubi et de sacrificiis ejusdem solennitatis tractatum est: *oblationem spontaneam manus tue quam offeres,* id est, tale voluntarium et supererogationis sacrificium celebriter observabis, quod tunc fieri consuevit: vel, quoniam nullum sacrificium complacet Deo, nisi voluntarium et devotionale consistat, unumquodque sacrificium spontanea potest oblatio nuncupari: *et epulaberis coram Domino Deo tuo,* id est, cum spirituali jucunditate reficeris cum sobole atque familia tua, aliisque personis quæ exprimuntur in littera, in civitate cultus divini, in qua hæc solennitate omnes conveniebant, nisi dispensative supportarentur, ut infra habetur.

Præterea, si quod dictum est, Septem hebdomadas numerabis a die qua falcem in segetem miseris, intelligatur de certa determinataque die, observari non potuisset ad litteram. Non enim universi in Israel cœperunt eodem die hoc agere. De spiri-

Lev. xxiii,  
15, 16.  
Num.  
xxviii, 26.

tuali autem intellectu non curant Hebræi. A Ideo ait Hieronymus, quod neque ad litteram, neque secundum spiritum Judæi custodiunt hoc præceptum. Tunc enim, videlicet si ad litteram id servarent, non eodem tempore fieret Pentecoste, quoniam alii citius, alii tardius metunt, secundum situm regionum suarum. Hinc, ut in Scholastica fertur historia, quidam dixerunt, unumquemque agricolam a prima die messisionis suæ quinquaginta dies computasse, atque in ea sibi ac suis epulum exhibuisse, ac diem egisse festivum, non Pentecosten legalem, sed celebritatem pro omnibus suis jam congregatis. Hæc quoque tangit Augustinus: Si ab universo, inquit, populo hæc Pentecoste jussa est observari, numquid credendum est, Dominum præcepisse ut omnes una die mitterent falcem in messem? Si autem sibi quisque observat quinquagesimam istam, non est una populo universo festivitas ista. Illa vero est una, quæ computatur ab immolatione Paschæ usque ad diem datæ legis in Sina. Hæc Augustinus. *Solennitatem quoque Tabernaculorum celebrabis per septem dies.* Locus iste in Levitico expositus est.

Lev. XXIII,  
21 et seq.  
Num. XXIX.

*Tribus vicibus per annum apparebit omne masculinum coram Domino:* hoc est, tu ipse cum sobole tua sexus masculini ter quolibet anno venies ad urbem, in qua tabernaculum Dei est, utpote in tribus solennitatibus memoratis. Verumtamen cum habitantibus multum remote ab urbe illa, dispensabatur, ita quod non nisi in Pascha, ibi apparere obligabantur: imo aliqui dicunt, quod indulgebatur eis, ut non nisi semel in triennio venirent in Pascha. *Non apparebit ante Dominum vacuus, sed offeret unusquisque secundum quod habuerit, juxta benedictionem Domini Dei sui quam dederit ei:* hoc est, in præfatis tribus festivitatibus unusquisque juxta suam facultatem aliquid offerat Deo in loco sacro, etiam ultra præcepta in lege, ex speciali devotione ad reverentiam festi, imo Dei in festo.

Sequitur de quibusdam præceptis judi-

cialibus, quæ secundum Alexandrum et alios, sunt determinationes præceptorum moralium secundæ tabulæ, exprimentes modum servandi justitiam inter proximos in convietu civili. *Judices et magistros constitues in omnibus portis tuis:* id est, tu popule Israel, provide, ut in porta cujuslibet urbis tuæ sedeant quotidie judices et magistri, ita ut ipsi judices sint etiam magistri, id est periti in lege, sciantque jura patriæ instituta, atque idonei sint instruere accedentes. Qui sedebant in porta, ut omnibus pateret ad eos liber accessus, et cito expedirentur: quod est contra judices, qui faciliter se absentant, nimiumque protrahunt juris sententiam, sicque labore, sumptu ac tædio proximos gravant: quod est contra jus naturæ atque divinum. *Ut judicent populum justo judicio,* tanquam ministri ac vicarii æternæ et increatæ Justitiæ, *nec in alteram partem declinent,* hoc est, nullo modo a rectitudine æquitatis ac veritatis recedant, nec unam partem præ alia palpent, nec nimis rigorosi, nec nimis remissi existant, sed per discretionem contemperent misericordiam atque justitiam.

*Non accipies personam,* ut privato amore aut odio movearis ad aliquem, sed causam sinceriter inspicie. *Nec munera.* Hoc judicibus jubetur, ne imminente judicio, a partibus accipiant dona seorsum: per quod inter cetera mala inde sequentia, præstatur mala audacia ei qui contulit munus: et res illa speciem habet mali, mentemque judicis inficit, corrumpit, et inordinato flectit amore ad dantem. Cupiditas quoque per munera generatur aut fovetur, quæ facit rationem a medio virtutis recedere. Ideo subditur: *quia munera creaveant oculos sapientum,* qui scilicet ante munus acceptionem fuerant sapientes, sed per munera seducuntur, et fiunt insipientes: *et mutant verba justorum,* ita quod qui ante proferbant verba justitiæ, incipiunt loqui injuste, et falsa proferre judicia. Lingua enim est instrumentum intellectus speculativi, sicut manus practici: et qualis vir,

Matth. xii,  
43.  
Lev. xix, 13.  
Exod. xxiii,  
8.  
Eccl. xx,  
31.

talís et sermo: atque ut Christus disseruit, A Ex abundantia cordis os loquitur. De hac materia dictum est plenius in libris Levitici et Exodi, et supra capitulo primo. Unde Ecclesiasticus loquitur: Xenia et dona exerceant oculos iudeum, et quasi mutus in ore avertit correptiones eorum.

*Iuste quod iustum est, persequeris*: id est, modus et medium prosequendi ac exsequendi iustum negotium, bonum actum, iustamque causam, debent esse ordinata atque legitima, ut secundum iuris ordinem procedatur, et causa primo ponatur, ac utraque pars audiat, examinenturque testes, ac veritas debite inquiratur, sicque tam iudices quam partes iuste se habeant in faciendo quod ad eorum pertinet munusquemque. Ex qua auctoritate Thomas super quartum Sententiarum declarat, quod in sacris Ordinibus constituti, peccent mortaliter exsequendo officia sua indigne, hoc est, existendo in mortali peccato. Gregorius quoque: Injuste, inquit, quod iustum est exsequitur, qui ad defensionem iustitiæ non virtutis amore, sed affectu temporalis præmii excitatur, et iustitiam quam prætendit, vendere non veretur. Denique quicumque propria auctoritate injuriam suam aut suorum ulciscitur, aut passionate et impetuose procedit, aut rectam intentionem non habet, etiam si iustam habeat causam, tamen quod iustum est injuste exsequitur. Iuste ergo, caritative, prudenter, quod iustum est prosequeris, *ut vivas* per gratiam in tempore, et per gloriam in æternitate: quia ut Salomon loquitur, Est via quæ videtur homini bona, sed novissima ejus ducunt ad mortem.

Prov. xiv,  
12.

*Non plantabis lucum et omnem arborem juxta altare Domini Dei tui*. Idololatram quippe, qui idola sua in locis coluerunt

et in locis excelsis, ubi et venera exercebant, consueverunt in talibus locis lucos arboresque plantare, quatenus in superstitionibus atque spureitiis suis amplius delectarentur. Ideo jussit Dominus talia a locis sibi consecratis et a suis cultoribus removeri. Quæ enim participatio luci ad tenebras? aut quæ conventio fidei cum infidei? aut quis consensus templo Dei cum idolis est? *Nec facies tibi atque constitues statuam: quæ odit Dominus Deus tuus*: id est, imaginem seu idolum tibi non formes nec erigas ad colendum, imo nec habeas, quia ab omni specie mali est abstinendum. Per hoc tamen imagines Ecclesiæ ac Sanctorum non reprobantur.

II Cor. vi,  
13-16.

Præterea circa præhabita advertendum quod Josephus ait: Septem iudices eligebantur in civitatibus singulis, virtute ac studiis iustitiæ exercitati, et unicuique eorum dabantur duo ministri de genere Levitarum. Testimonium mulierum non admittebant propter levitatem earum, neque servorum propter animi ignobilitatem, ex qua faciliter quibant corrumpi timore aut luero.

I Thes. v,  
22.

De spiritali hujus capituli intelligentia tot dicta sunt super tres libros præcedentes, ut nil videatur addendum. Sed caveamus ne in conspectu Domini Dei nostri vani appareamus, id est, ne unquam otio locum demus, aut negligentia vel torpori, sed fructuose omne tempus expendere nitamur, nec distracta vanaque mente coram Deo aliquando stemus: imo unusquisque juxta dona sibi concessa, et juxta quod Deus paratus est eum juvare, studeat Deo offerre obsequium vitæ devotæ, sacrificium laudis, orationes, meditationesque sanctas, et omnium observantiam præceptorum.



## ARTICULUS XVIII

EXPLANATIO LITTERALIS CAPITULI SEPTIMDECIMI :

NON IMMOLABIS DOMINO DEO TŪO BOVEM ET OVEM IN QUO EST MACULA.

ET DE DIVISIONE JUDICIALIUM PRÆCEPTORUM.

**A**D intelligendum perfectius dicta atque dicenda, pensandum, quia in prima secundæ, quæstione 104, asserit S. Thomas : Quum lex sit quædam ars vitæ humanæ instituendæ ac ordinandæ, sicut in unaquaque arte est certa distinctio regularum artis, ita oportet in unaquaque lege esse certam præceptorum distinctionem : aliter enim ipsa confusio utilitatem legis auferret. Hinc præcepta judicialia veteris legis, per quæ homines ad invicem ordinabantur, distinctionem habent, secundum distinctionem ordinationis humanæ. Quadruplex autem ordo inveniri potest in populo. Unus superiorum ad subditos : alius subditorum ad invicem : tertius populi ad extraneos : quartus ad domesticos, sicut patris ad filium, mariti ad conjugem, et domini ad ministros. Et secundum hos quatuor ordines distinguuntur judicialia veteris legis præcepta. Dantur enim quædam præcepta de institutione principum ac iudicium et officio eorundem, et de reverentia eis exhibenda : et hæc est una pars judicialium præceptorum. Dantur etiam ibi quædam præcepta pertinentia ad concives ad invicem, videlicet circa emptiones, venditiones, penas atque iudicia : et hæc est secunda pars judicialium præceptorum. Dantur quoque ibi præcepta pertinentia ad extraneos, puta de bellis et de susceptione peregrinorum ac advenarum : et hæc est tertia pars præceptorum illorum. Dantur item ibi præcepta ad domesticam conversationem spectantia, sicut de servis et filiis atque uxoribus : et ista est quarta pars judicialium præceptorum. Hæc Thomas.

Itaque in principio hujus capituli ponitur ceremoniale præceptum frequenter præ-

habitu, quod aliqui dicunt ad præcedens pertinere capitulum. *Non immolabis Domino bovem et ovem, in quo est macula aut quidpiam riti*, id est nullum animal monstruosum, deforme ac languidum : *quia abominatio est Domino Deo tuo*. Animal tale secundum se non est abominabile Deo, qui nihil odit eorum quæ fecit, nec aliquid in suis creaturis proprie detestatur, nisi peccatum : sed abominabile est Deo, quod talia viliora sibi offerantur contra ejus præceptum, quum ei tanquam superdignissimo Creatori, ac munificentissimo Domino, meliora sint immolanda, in signum et protestationem ac reverentiam excellentiæ ac munificentiæ suæ. Propter quod mystice reprehenduntur aliqui Christiani, qui si habuerint aliquam prolem monstruosam, deformem, atque ad mundum prorsus inutilem, hanc offerunt vel potius exponunt Deo in claustro, non tamen ex vera devotione, sed magis ex cupiditate vel elatione. Sobolem vero sæculo aptam, non solum non offerunt Deo, imo potius a religionis ingressu impediunt, aut ingressam pro viribus retrahunt : ideoque ingrati sunt Deo ac impii.

*Quumque reperti fuerint vir aut mulier qui faciant malum in conspectu Domini, ut vadeant et serviant diis alienis, et adorent eos, solem et lunam et omnem militiam celi, etc.* Textus planus est et prolixus, sententialiterque præhabitus : quoniam sensus est, quod quæcumque persona ex Israel idololatriam fecerit aut alteri suggesserit, post inquisitionem seu cognitionem de hoc, ducenda sit ad portam civitatis in qua moratur, vel ad ejus forum ac fines pertinet, ut ibi per iudices

Sap. xi, 23.

condemnetur. *In ore*, id est per attestatio-  
nem, *duorum aut trium testium peribit*,  
id est, iudicabitur mortis, *qui interficitur*:  
quia ut dictum est, in ore duorum vel trium  
testium stabit omne verbum. De cuius rei  
intellectu ac ratione, dictum est plenius in  
Numerorum libro. Nempe non quicumque  
sunt ad perhibendum testimonium admit-  
tendi. Testes quoque sunt diligenter ex-  
aminandi. Circa hæc ait Glossa: Lex idolo-  
latræ maxime detestatur. Maximum enim  
scelus est, honorem Creatoris impendere  
creaturis: quod faciunt idololatæ et mali  
Christiani, qui licet per fidem in Ecclesia  
maneant, magis tamen inveniuntur per di-  
versa vitia servire diabolo, quam per opera  
bona militare Deo.

Præterea advertendum quod in textu hoc  
dictum est. Ut vadant et serviant diis ali-  
enis, et adorent eos, solem et lunam, et  
omnem militiam cæli. Circa quod quæri  
potest, quid per militiam cæli intelligatur.  
De hoc Guillelmus Parisiensis scribit libro  
de Fide et legibus: Necesse habemus decla-  
rare quæ sit militia cæli, quam decepta  
coluit quondam antiquitas, et adhuc mul-  
tæ nationes aquilonaris Barbariæ colunt.  
Quia igitur nomen militiæ, de cælis vel  
stellis aut luminaribus valde improprie at-  
que extraneæ acciperetur, consequens est  
ut accipiatur de substantiis spiritualibus.  
Non enim verisimile est, quod divinum cul-  
tum impenderint substantiis, quas pura ac  
mortua corpora crediderunt, et in quibus  
nil spiritualis virtutis esse opinarentur.  
Hæc ergo militia secundum illorum opinio-  
nem est, quemadmodum ex libris magicis  
ac maleficis evidenter apparet, multitudo  
spirituum. Posuerunt namque unicuique  
cælorum spiritus proprios præsertes, aut  
servientes, et inibi habitantes. Eodem mo-  
do posuerunt spiritus præsertes ciren-  
lis planetarum. De hac materia prosequitur  
ibi Guillelmus prolixè, et reprobatur omnem  
idololatricam talem.

Veruntamen advertendum, quod per mi-  
litiam cæli, multi idololatæ atque philoso-  
phi intellexerunt planetas et orbes ac stel-

las, duodecim quoque signa zodiaci. Nam  
et corpora cælestia posuerunt animata, et  
intellectualis esse naturæ magis perfecte  
quam homines: cuius opinionis fuerunt  
Plato et Aristoteles cum suis sequacibus.  
Unde et tertio de Anima, Aristoteles solem  
vocat patrem deorum ac virorum, Plato  
quoque in primo Timæi inducit summum  
Deum ad orbes, planetas ac stellas loquen-  
tem: O dii deorum, quorum pater et opifex  
ego! Nam omnia illa dixerunt militare ac  
deservire primæ causæ, summoque enti, a  
quo dixerunt universum esse ac vivere de-  
rivari, ipsumque esse primum motorem in  
genere causæ finalis, ita quod omnes in-  
feriores causæ cælestes moverent et age-  
rent propter ipsum finaliter, et moverentur  
ab eo, sicut amans et appetens movetur ab  
appetibili et amato. Porro Thomas in Sum-  
ma contra gentiles affirmat, ad catholicæ  
fidei veritatem non attinere, sive corpora  
cælestia dicantur animata, sive non. Nam  
et Augustinus hoc ipsum super Genesim  
ad litteram et in suo Enchiridio relinquit  
sub dubio. Rabbi Moyses quoque, et auctor  
libri de Cansis, qui secundum Albertum  
fuit Judæus, et Judæi communiter, dicunt  
corpora cælestia esse animata. Quidquid  
autem sentiatur de his, tamen sacræ repu-  
gnat Scripturæ, quod colantur et adoren-  
tur ut dii, quum et suo motu pandant se  
esse summi Dei ministros.

Deinceps docetur, quando et qualiter ap-  
pellandum seu recurrendum fuit ad prin-  
cipem sacerdotum, seu supremum populi  
iudicem. *Si difficile et ambiguum apud te  
judicium esse perspexeris*, id est, si videris  
quod iudices causæ tuæ inter se non con-  
cordent, vel de veritate et æquitate dandi  
iudicii existant ambigui, *inter sanguinem  
et sanguinem*, id est in iudicando an effu-  
sio sanguinis, de qua habent iudicare, sit  
punienda per mortem ejus qui sanguinem  
fudit, an non, eo quod una pars iudicium  
sentit, quod effusio illa fuit homicidium  
voluntarium, alia, quod exstilit casuale, vel  
quoniam dubitant inde, eo quod ex propo-  
sitis et probatis non queant sufficienter

discernere quid sit verum : vel *inter causam et causam*, id est inter causam actoris et inter causam rei, ita quod una pars iudicium iustificat causam actoris, alia causam rei, ambigunt inde : *lepram et non lepram*, ita quod una pars iudicium iudicat infirmum esse leprosum, alia sentit oppositum. Hinc subditur : *et iudicium intra portas tuas videris verba variari*, id est, ipsos iudices qui sunt in porta urbis in qua habitas, vel ad cuius pertinet tribunal, videris discorditer aut dubie loqui. Iudices enim urbium iudicabant tam intraneos quam extraneos pertinentes ad suos fines.

*Surge et ascende ad locum quem elegerit Dominus*, id est ad urbem in qua templum est Domini. *Veniesque ad sacerdotes Levi- tici generis*, scilicet ad veros et legitimos sacerdotes, *et ad iudicem qui fuerit in illo tempore*. Per iudicem quidam intelligunt pontificem, alii iudicem Israelitici populi sæcularem, sicut post Josue leguntur iudices præfuisse præter pontifices. *Quæresque ab eis definitivam de tua causa sententiam*, adversario tuo contra te apparente, *qui indicabunt tibi sententialiter iudicii veritatem ; et facies quodecumque dixerint qui præsumt loco quem elegerit Dominus*, id est, eorum sententiæ acquiesces, *et docuerint te juxta legem ejus, sequerisque sententiam eorum*. Circa quod ait Glossa : Non dicitur tibi ut obedias, nisi docuerint te juxta legem. Sequerisque eorum sententiam, quia non potes ab illis appellare, quum nemo in populo tuo sit illis superior. *Nec declinabis ad dexteram vel sinistram*, id est ad nullum extremorum contrariantium veræ sententiæ iudicium. Circa quod (ut refert Lyra) dicit glossa Hebraica : Etiam si dixerint tibi, quod dextera tua sit sinistra, vel e converso, talis sententia est tenenda : quod reprobatur Lyra, quia sententia nullius hominis, ejusdemque sit auctoritatis, si contineat manifeste falsitatem sive errorem, servanda est. Quæ reprobatio vera est, si glossa illa Hebraica dicere velit, quod talis sententia sit tenenda ita ut ei mente consentiatur tanquam veræ et justæ.

A Si autem vult dicere, quod est tenenda ita quod pœna aut damnum sententiæ debeat patienter tolerari ab innocente, qui non potest ad altiore iudicem in hoc mundo habere recursum, potest salvari. Nam et Gregorius ait, quod sive juste sive injuste liget pastor, sententiæ ejus timenda est gregi. *Qui autem superbia erit, nolens obedire sacerdotis imperio*, id est pontificis iudicio definitivo aut jussioni, *ex decreto iudicis morietur homo ille* : nam propria inobedientia seu rebellionem se ipsum spiritualiter perimit, et morte infernalis miserie perire meretur, atque secundum legem fuerat occidendus : *et auferes malum de Israel*, id est, talia peccata non dimittas inulta, et tantum transgressorem tolles ab aliis, ne vivendo diutius, inficiat alios ; *cunctusque populus Israel audiens talem iniqui punitionem, timebit, ut nullus deinceps intumescat superbia*.

Circa hæc considerandum, quod in veteri Testamento ante tempora regum, et item post tempora regum, quandoque idem vir fuit iudex seu princeps et pontifex, sicut Heli et postea Machabæi : sed tempore regum erant distinctæ personæ, et etiam tempore Iudicium usque ad Heli. Dum itaque idem fuit summus sacerdos et iudex, fiebat ad eundem appellatio seu recursum in quacumque ardua causa in casibus præinductis. Quum autem officia illa erant per personas distincta, erat refugium ad pontificem in spiritualibus causis, ad iudicem in temporalibus : in aliquibus vero pariter ad utrosque, quando videlicet causa determinari non quivit sine amborum consensu, ut in ædificatione reparationeque templi. Istud jus in Ecclesia est servandum, secundum Glossam. Hincque consuetudo exorta est, quod ab ecclesiastico iudice ac prælato appellant ad dominum Papam, a quo secundum jura non appellatur, imo nec secundum sanctum Bernardum libro de Consideratione, ubi etiam ait, quod quam necessaria est hominibus illustratio solis, tam opportuna est Christianis appellatio talis. Hoc tamen

1 Reg. i, 9,  
iv, 18.  
1 Mach. x,  
20.



vehementer redarguit, quod in curia magis loventur appellantes, quam pars adversa. Denique in Ecclesia licita est appellatio, non solum dum iudices inter se discordant aut dubitant, sed etiam si concordent. An vero sic fuit in veteri Testamento, non videtur ex textu evidenter elici posse. Josephus quoque ait : In appellationibus non licebat pontifici judicare sine propheta et senioribus loci quem elegerat Dominus. Glossa etiam loquitur : Sacerdotes Ecclesiae instruuntur, ut ecclesiastica judicia secundum potestatem sibi a Deo datam reverenter agant, et juste discernant, non ad libitum suum, sed secundum legis decretum, et ne suscipiendo personam mutant sententiam.

Consequenter Deus universa prænoscens, ac sciens filios Israel regem postulatu-  
*rum, circa hoc instruit eos : Quum ingressus fueris, tu popule Israel, terram promissionis, et possederis eam, et divideris, constituam super me regem, per electionem seu alio modo, sicut habent omnes per circuitum nationes : cum constitueris quem Dominus Deus tuus elegerit, id est, regem esse voluerit, sive ostendat hoc per revelationem, aut per signum sensibile sive miraculum, de medio\* fratrum tuorum, id est, qui sit de semine Israel et natione Judæus. Non poteris licite, id est non debes, alterius gentis hominem regem facere super te, qui non sit frater tuus cognatione ac religione. Non enim debebant aliquem infidelem atque idololatram, quamvis natione Hebræum, in regem eligere.*

Circa hæc querit Augustinus : Cur populus Israel Deo displicuit regem petendo, quum hic inveniatur esse permissum? Sed intelligendum est, non fuisse secundum voluntatem Dei, qui hoc fieri non præcepit, sed desiderantibus permisit. Verumtamen præcepit ut non fieret alienus. Lyra etiam scribit hic : Quod dicitur, Eum constitueris in regem, non est præceptum, nec simplex concessio : quia sic populus Israel non peccasset regem petendo, ejus contrarium habetur primo Regum : sed est

A permissio, quæ est de malo minori. Bonum enim Israelitici populi consistebat in hoc, quod solus Deus regnaret super eos, quoniam erant peculiaris populus Dei. Verumtamen si importune regem habere vel-  
 lent, mittebatur eis sub conditionibus : quarum prima est, quod esset de filiis Israel ; secunda, quod non fieret simpliciter secundum voluntatem populi, sed per electionem Dei, quemadmodum factum est de Saule primo rege, deinde de David. Glossa etiam super illud, Constitues, ait : Permittit, non committit. Sed contra hæc argui potest, quoniam eum constituere super se regem, quem ad hoc Deus elegit, est simpliciter bonum : imo illud omittere, esset malum : ergo hoc fuit præceptum vel saltem concessio, et non malum. Insuper Deus præordinavit, quod de tribu Juda promoverentur in reges : quod et per Jacob patriarcham prædixit, Non auferetur sceptrum de Juda, etc. Ad hæc dicendum videtur, quod regem petere non fuit eis præceptum neque concessum, sed permissum : sed illum constituere regem, quem noverant ad hoc a Deo electum, fuit concessum eis, imo et jussum, quia hoc fuit divinæ voluntati ac præordinationi se conformare ac subjici. Itaque peccaverunt, dicendo ad Samuelem : Da nobis regem : sed bene fecerunt, suscipiendo Saulem in regem, postquam Samuel locutus est eis : Certe videtis quem elegit Dominus. Unde et primo Regum conscriptum est, quod filii Be-  
 C lial despexerunt eum, puta Saulem, et viri quorum Deus tetigerat corda, iverunt eum eo. Ad secundum dicendum, quod omnia eadunt sub providentia Dei, qui de malis hominum elicit multa bona. Unde quoniam noverat eos regem petitu-  
 D ros, voluit potius de tribu Juda natos regnare, honorificans tribum illam regia dignitate, quia ex ea Christus fuerat nasciturus : sicque Deus præordinavit redimere genus humanum per Christi passionem, quoniam noverat primum hominem peccaturum.

Qualiter autem habere se debeat rex institutus, ad se et ad alios atque ad Deum,

\* numero

1 Reg. xii, 17.

1 Reg. x, 21, 23; xxi, 1, 12.

Gen. xlix, 10.

1 Reg. xii, 5.

Ibid. x, 24.

Ibid. 26, 27.

subjungitur. *Quamque fuerit constitutus.* Constituebatur vero per unctionem. Nam Samuel unxit Sanlem et David: Sadoc et Nathan, Salomonem: discipulus Elisei, Jehu filium Namsi. *Non multiplicabit sibi equos* ultra necessitatem, condecantiam, occurrentemve easum: quia si ingruerat necessitas ob patriæ defensionem, poterat sibi de auxiliis providere: *ne reducet populum Israel in Ægyptum.* ad habitandum ibidem, vel ad impugnandum et acquirendum territorium illud, quod ad terram promissionis non pertinebat. *equitatus numero sublevatus.* id est, extollens se, et confidens de multitudine equitum suorum, *praesertim quum Dominus praeceperit vobis, ut nequaquam amplius per eandem viam revertamini.* per quam scilicet egressi estis Ægyptum, id est, ut non redeatis in Ægyptum modis praefatis: non tamen prohibitum fuit posteris ex rationabili aut necessaria causa ingredi terram illam. Loquitur autem Moyses filiis Israel, non solum his quos in praesentia habuit, sed sub eorum persona etiam posteritati ipsorum. *Non habebit licite uxores pluri-* *mas,* id est nimium multas, ut habuit Salomon, *quae alliciant animam ejus,* id est appetitum ejus ad carnalitatem immoderatum et ad femineas illas blanditias, quae cor virile animumque constantem (quae maxime requiruntur ad regem) enervant. Et quia hic additur, Quae alliciant, praesertim prohibetur pluralitas alienigenarum uxorum, quae animam regis fidelis poterant ad idololatriam trahere: secundum quod cor Salomonis in senio suo depravatum est multitudine talium mulierum, in tantum, quod coluit deos earum. Non autem prohibebatur regibus Israel quaecumque uxorum pluralitas, dummodo amore proles, non desiderio voluptatis, acciperentur. *Neque argenti et auri immensa,* id est superflua, *pondera,* ne cupiditate et elatione infectus, relinquat justitiam. Poterant tamen reges Israel habere divitias multas, dummodo eas referrent ad debitum finem, et bene uterentur eisdem, nec

cas tenaciter reservarent. Nam de Josaphat rege virtuoso habetur secundo Paralipomenon, quod factae sunt ei divitiae infinitae. David quoque et Ezechias erant divites valde.

*Postquam autem sederit in solio regni sui, describet sibi Deuteronomium legis hujus.* Δεστερονόμιον interpretatur secunda lex, sicut praehabitu est, id est repetitio legis semel descriptae seu datae. Quid ergo est Deuteronomium hujus legis, nisi liber iste, qui Deuteronomium nuncupatur, in quo tota lex summam et breviter quodammodo continetur? Mox ergo ut fuerit in regem promotus, faciet sibi describi Deuteronomium istud *in volumine, accipiens exemplar,* id est librum et textum correctum, ex quo faciat sibi librum suum describi, *a sacerdotibus Leviticar stirpis,* ad quorum officium spectat, scripturam legis divinae ab omni inficiatione et corruptione inviolabiliter custodire: *et habebit secum.* Ut fertur, Hebraei dicunt, quod debuit habere Deuteronomium in duobus libris conscriptum, quorum unum semper haberet secum, et alium in reposito thesaurorum suorum tanquam pretiosissimum elenodum conservaret. *Legetque illud omnibus diebus vitae suae,* id est quotidie aliquam partem libri, dum congrue potest vacare, et quantum discretio dicat: *ut discat timere Dominum Deum suum* casto et sancto timore, vel si timet Deum, studeat in ejus timore, omniique virtute proficere. In Deuteronomio quippe fiunt ferventissimae ac frequentissimae exhortationes ad timorem Dei, reliquasque virtutes. Timor etiam Dei est specialiter necessarius regibus atque potentibus, quoniam magnam habent libertatem, facultatem et opportunitatem peccandi, a quarum abusione indigent per timorem Dei compesci ac refruari, quoniam timor retrahit a peccato. Indigent etiam valde esse diligentes ac solliciti coram Deo, quia gravissimum iudicium imminet eis, et pro multis daturi sunt rationem. Timor autem diligentiam ac sollicitudinem parit, juxta quod seri-

I Reg. x, 1:  
xvi, 13.  
III Reg. i,  
39.  
IV Reg. iv,  
6.

III Reg. xi,  
13.

II Par. xvii,  
5.

Ibid. xxxii,  
27-29.

\* tribus

\* infectione

Ecclesi. i, 27.

Sap. vi, 6.

*Eccle. xvi.* 19. ptum est : Qui timet Dominum, nihil negligit. *Et custodire verba et caerimoniae ejus*, id est, divina praecepta, moralia, judicialia, ac caerimonialia adimplere, et gubernare se ipsum ac subditos secundum divina mandata.

*Non eleveretur cor ejus in superbiam super fratres suos*, id est, de accepta potestate et praesidentia non inflatur, neque inaniter gloriatur, nec subditos aspernatur, sed tanquam confratres eos adspiciat, sic tamen, ut auctoritate sua, dum ratio exigit, strenue utatur, et jura exerceat discipline : ut tanto timoratiores, humilioresque consistat, quo gravius onus sibi impositum est, et quo in majori versatur periculo, ampliorique gratia eget, atque ad tantorum hominum gubernationem condignam, se deprehendit magis insufficientem, nisi gratiosissime et indesinenter adjuvetur ac dirigatur a Deo : propter quod debet se Deo cum omni timore et humilitate subicere. Hinc in Ecclesiastico scri-

*Eccle.*  
xxxii, 1, 2.

ptum est : Rectorem te posuerunt ? noli extolli : esto in illis quasi unus ex ipsis. Curam illorum habe, et ita considera. Denique dignitates et officia praesidentium sunt servitutes, quia ad subditorum ordinantur commoda ac profectum. Sunt etiam dona gratiae gratis datae, bonis et malis communia, quae incomparabiliter minoris sunt bonitatis, quam dona gratiae gratum facientis. *Neque declinet in partem dexteram vel sinistram*, id est, nec amore, nec odio, nec aliquo modo a rectitudine aequitatis aut medio rationis recedat, sed tanquam lex viva et animata justitia, immobili firmitate sapientiae atque virtutibus, praesertim justitiae, pietati atque prudentiae, semper inhæreat. Rex namque est imago Dei in terra, et sicut sol stellis praefulget, sic rex praë subditis debet in omni virtute ac sapientia emicare, et verbo, incessu, fama, et opere cunctos edificare. Propterea debet esse vir prorsus heroicus ac perfectus, prout de hoc in libro de Regimine principum plenius scribit Egidius. *Ut longo tempore regnet ipse et filius ejus super*

*Israel*, id est, quatenus diu salubriter praesit populo Dei, et proprium filium ita in omni virtute instituat, quod et ipse filius postea praesideat fructuose ad Dei honorem, atque communem subditorum salutem. Sic praesse, est benedictio donumque Creatoris, et merces quaedam virtuosa conversationis : imo ob magnam regis perfectionem, saepe conceditur posteris ejus per multas generationes in principatu succedere, sicut de David in libro Regum frequenter habetur, quod Dominus conservavit regnum filiis ejus, ut daret ei lucernam in Jerusalem. Hinc in libro Proverborum scriptum est : Rex qui judicat in veritate pauperes, thronus ejus in aeternum firmabitur. Et in Ecclesiastico : Principatus sensati stabilis erit.

*III Reg. xi,*  
*36. xv, 4*

*Prov. xxix,*  
*14.*

*Eccle. x, 1.*

Eccc sanctus Moyses sapientissime et compendiosissime hic describit, qualis debeat esse rex et quicumque princeps aut praesidens, ut scilicet pompam equitaturae et aliarum vanitatum devitet, nec alienas invadat provincias, nec quaerat divitiis ac ministris corroborari ad saeviendum in subditos, nec reducat populum in Aegyptum, id est, nec verbo, nec exemplo, nec compulsione aut potestate retrahat subditos suos ad saeculi vanitatem, ad caliginem vitiorum, ad bella injusta : carnalitatem et omnem torum illegitimum vitet, avaritiam detestetur, nec amplius thesaurizet quam expedit pro defensionerei publicae, pro ampliatione divini cultus, pro nuptiis suae prolis, pro subsidio pauperum, pro sustentatione decenti suorum. Sit insuper studiosus, et omnem otiositatem abominetur ac ludos superfluos. Contra haec Salomon graviter peccasse censetur, qui femora mulieribus inclinavit, quas ardentissimo ac vitiosissimo dilexit amore, gloriatumque est, quod in Jerusalem reliquit tantum de argento et auro, quantum reperit ibi de aere et ferro.

*Eccle.*  
*xi, 21.*  
*III Reg. xi,*  
*1-3.*

Praeterea, ut inducta clarius pateant, advertendum, quid in prima secunda, quaestione 105, Thomas disseruit : Populus, inquit, ille sub speciali Dei cura regeba-



Num. xxviii.  
16 et seq.

tur. Ideo institutionem summi principis sibi Dominus reservavit : propter quod Moyses exoravit, Provideat Dominus hominem qui sit super hanc multitudinem : sieque ex Dei ordinatione institutus est Josue post Moysen. De [singulis] judiciis quoque post Josue legitur, quod Dominus suscitavit populo salvatorem. Ideo electionem regis populo non commisit. Denique quamvis monarchia seu regia praesidentia sit optimum regimen populi, si non corrumpatur, tamen propter magnam potestatem quae regi conceditur, facilius degenerat in tyrannidem, nisi perfecta virtus insit ei, cui talis potestas conceditur : quia non nisi virtuosus est, bene ferre bonas fortunas, ut dicitur decimo Ethicorum. Perfecta autem virtus invenitur in paucis. Judaei quoque crudeles erant et ad avaritiam proni, per quae vitia homines maxime in tyrannidem ruunt : ideo Dominus non instituit eis a principio regem cum plena potestate, sed judicem et gubernatorem ad ipsorum custodiam : postea vero ad populi petitionem, quasi indignatus, eis regem concessit. Unde dixit ad Samuelem : Non te abjecerunt, sed me, ne regnem super eos. Instituit tamen a principio circa regem instituendum, primo eligendi modum, in quo duo determinavit. Primum est, ut in ejus electione exspectarent judicium Dei. Secundum, ut non facerent regem virum alterius gentis, quoniam reges tales parum affici solent ad populum cui praeficiuntur : propter quod parum curant de populo. Secundo instituit circa reges institutos, qualiter se habere deberent quantum ad se ipsos, videlicet ut non multiplicarent sibi currus et equos, neque uxores, nec immensas divitias, quia ex horum cupiditate principes ad tyrannidem declinant, justitiamque relinquunt. Ordinavit etiam qualiter se haberent ad Deum, ut scilicet semper legerent et cogitarent de lege di-

1 Reg. xiii.  
7.

A vina, atque ut semper essent in Dei timore ac obedientia. Instituit quoque qualiter se haberent ad subditos, ut scilicet ad illos humiliter se haberent, nec ipsos superbe contemnerent, neque opprimerent, nec a justitia declinarent. Haec Thomas.

Postremo circa id quod dictum est, Eum constitues regem, scribit Rabbi Paulus : Praeceptum istud de institutione regis, non est permissive intelligendum, sed est simplex concessio cum conditionibus in littera scriptis : nec sequitur, si sit concessio, ergo filii Israel non peccassent regem petendo. Nam petierunt regem aliter quam fuit concessum. Nec ex hoc quod ille populus fuit peculiaris Dei, sequitur quod non deberet super se regem habere. Haec Paulus. Sed ut patet ex dictis, prima pars hujus dicti est contra Augustinum et Glossam, et contra expositores communiter. Porro quod ait, non sequi, populum Israel non debuisse super se regem habere, quia erat Dei populus peculiaris, non solum est contra Lyram, sed etiam contra Thomam, sicut jam patuit, imo contra doctores catholicos generaliter, et contra ea quae in libro Judicum recitantur : alias a principio Dominus eis regem dedisset. Advertendum tamen, quod Regum primo Rabbi Paulus affirmat, quod filii Israel peccaverunt, non regem petendo, sed quia petierunt regem qui eis praesset cum plenaria potestate, in tantum quod esset absolutus a legibus. Hoc autem nullam apparentiam habet, quod filii Israel talem sibi regem praefici postularint, imo nulla gens tam fatua est quae talem regem cupiat, quum hoc non sit nisi velle habere tyrannum. Nam dato quod a legibus pure positivis, imperator aut rex dicatur aliquo modo absolutus, non tamen a legibus naturalibus ac divinis, a quibus filii Israel non voluerunt sum regem esse absolutum. De hac re, Domino concedente, in Regum volumine plenius dicam.

## ARTICULUS XIX

EXPLANATIO LITERALIS CAPITULI OCTAVIDECIMI : NON HABEBUNT SACERDOTES ET LEVITAE, ETC.

**I**N exordio hujus capituli quædam cari-  
monialia ad religionem spectantia reco-  
luntur, deinde diversæ superstitiones pro-  
hibentur : et omnia ista præhabita sunt,  
ideirco pertranseundum. *Non habebunt  
sacerdotes et Levitæ, et omnes qui de eadem  
tribu sunt, id est de stirpe Levitica, partem  
et hereditatem, id est hereditariam portio-  
nem, cum reliquo populo Israel. Dominus  
enim ipse est hereditas eorum, id est, ea  
quæ Deo immolantur, ipsis sunt deputata  
pro sustentatione et hereditaria parte. Hoc  
erit judicium sacerdotum, id est præcep-  
tum sacerdotibus concernens, a populo, et  
ab his qui offerunt victimas, etc. Dabunt  
sacerdoti armum et ventriculum : id est,  
si offerentur animalia, sacerdotes qui im-  
molant ea, habebunt has partes animalis  
oblato, videlicet armum, id est humerum  
seu scapulam, ac ventriculum, id est pe-  
ctusculum, ut quidam exponunt. Vel si per  
ventriculum intelligendum est aliud, sic  
hic additur aliquid sacerdotibus dandum,  
antea non expressum. Verumtamen istud  
non est accipiendum de quoecumque ani-  
mali oblato, quia de holocaustis non ha-  
buit sacerdos nisi pellem : de animali vero  
quod pro peccato communitatis combure-  
batur, nihil cessit in usum sacerdotis. In-  
tellectus hujus loci, in Exodo et super  
Leviticum in pluribus patet locis. Glossa  
autem hic ait : In veteri ac novo Testa-  
mento ministris altaris præceptum est de  
oblationibus vivere, nec terrenis posses-  
sionibus acquirendis concessum est eis  
inhicere. Non enim oportet ut qui semper  
adstare debet divino officio, inhiet luero  
terreno, cui Deus hereditas est. Quid ergo  
illi deesse potest, qui cuncta habentem  
habet ?*

*Primitias frumenti, vini et olei, et ta-  
narium partem ex ovium tonsione, dabunt  
filii Israel sacerdoti. Non quod omnes de-  
derunt eidem sacerdoti, sed sacerdotibus  
in Jerusalem habitantibus apportabatur,  
et dabatur pars eis deputata. Sacerdotibus  
vero per tribus Israel hinc inde dispersis  
dabant ipsæ tribus, et unaquæque tribus  
sacerdotibus in sua sorte manentibus. Nec  
solum de rebus his expressis, sed et de  
aliis rebus, cibis, fructibus et animalibus  
dabantur primitiæ, prout in diversis locis  
expositum est. Ipsum enim elegit Domi-  
nus de cunctis tribubus tuis, ut ministret  
nomini Domini ipse et filii ejus in sempi-  
ternum. Istud non ponitur hic specialiter  
de summo sacerdote, sed ponitur hic sin-  
gulare pro plurali : ut sit sensus, quod  
Deus elegit sacerdotes, eorumque posteros  
ex stirpe Levi præ ceteris tribubus, ut  
sibi in templo ministrarent per omne tem-  
pus veteris Testamenti.*

*Si crierit Levites ex una urbium tuarum, etc. Levitis assignatæ erant urbes  
diversæ ad habitandum per totum Israeli-  
ticum populum, sicut supra inductum est,  
et in Numerorum libro, in Josue quoque  
habetur : tamen ut dicitur hic, dum aliquis  
Levitarum extra urbem divini cultus com-  
morantium, ex devotione optavit manere  
in urbe illa, fuerat admittendus ad habi-  
tandum ac ministrandum ibidem. Unde  
subjungitur, desiderans videre locum quem  
elegerit Dominus, ministrabit in nomine  
Domini Dei sui, id est, officium Leviticale  
exercebit ibi, sicut omnes fratres ejus Le-  
vitæ, id est sicut ceteri Levitæ in eadem  
urbe manentes. Partem ciborum eandem  
accipiet quam et ceteri, id est, pro suo mi-  
nisterio habebit similem portionem de*

Ler. xvi, 8.

Ibid. iv, 11,  
12, 21; vi, 30.  
Exod. xxix,  
26-28.  
Ler. vii, 31  
et seq.

Num. xvi,  
8 et seq.

Ibid. xxxv,  
2-8.  
Josue xvi.

oblationibus ac decimis cum ceteris Levitis ministrantibus ibi, *excepto eo*, id est ultra et præter hoc, *quod in urbe sua*, in qua antea mansit, *ex paterna ei successionem debetur*. Sacerdotes etenim ac Levitæ in propriis urbibus et circa habebant domos et pecora ac pascua pro eisdem : quæ relinquebant posteris suis. Talia autem consueverunt Levitæ vendere, qui sic in Jerusalem habitare optabant. Unde (ut fertur) in Hebræo habetur, Exceptis venditionibus suis.

Deinde diversæ superstitiones prohibentur cultoribus veri Dei Israelitis, quæ et nunc cunctis Christianis vetantur districte. *Quando ingressus fueris terram promissionis, cave ne imitari velis abominationes illarum gentium ; nec inventiatur in te qui lustrat filium suum aut filiam duicens per ignem*. Aliqui idololatram prolem suam traherant per ignem, putantes eam per hoc purgari, piari et consecrari diis quos coluerunt : quod et Achaz fecisse legitur suo filio, quarto Regum : et hoc prohibetur hic populo Israel. *Aut qui ariolos seiscitetur, et obserret somnia atque auguria. Nec sit maleficus, neque incantator, nec qui pythones consulat, neque divinos, et querat a mortuis veritatem*.

IV Reg. xvi, 3.

Lep. xiv, 26, 28, 31 : xv, 6.

De vitiiis et superstitionibus istis dictum est diffuse super Leviticum et alibi. Maleficus autem intelligi potest, qui sobolem offert dæmonibus, aut per invocationes facit dæmones in aliqua visibili apparere effigie. Incantator vero, qui præstigiis apparitionibus decipit homines, faciens apparere quod non est. Pythones aut pythoniis dicuntur, per quorum os dæmones in eorum ventribus seu cordibus habitantes, loquuntur, propter quod ventriloqui nuncupantur : vel qui mortuum faciunt apparere, ut legitur primo Regum de pythoniis, quæ Samuellem dicitur suscitasse : et ita vocati sunt a Pythone, id est Apolline, quem deum divinationis esse credebant. Divini quoque dicuntur, qui sibi usurpant quod Dei est, videlicet futurorum contingentium præcognitionem ac de-

I Reg. xxviii, 7 et seq.

nuntiationem, aut talia se præscire asserunt ex revelatione divina, quum tamen ex dæmonum revelatione loquantur. Porro a mortuis quærere veritatem, est carminibus aut sacrificiis mortuum evocare ad inquirendum incognita, quum tamen in talibus non mortuus, sed potius dæmon in specie mortui videatur atque respondeat. Qualiter ista superstitiosa possint contingere, et qualiter observanda vel non observanda sint somnia, jam ante in diversis tractatum est locis, videlicet super Genesim, ubi tractatur de somniis Pharaonis, eunuchorumque ejus, et super Exodum, ubi de maleficis agitur Pharaonis et signis ipsorum, et super Leviticum.

Gen. xli, xl.

Exod. vii, viii.

Lep. ubi supra.

Deinde Dominus ostendit, cur non fuerit populo suo necessarium præfatis superstitionibus uti, ad cognoscendum futura seu abdita aut supernaturalia, de quibus fideles indigent informari, qui ad supernaturalem beatitudinem sunt creati, et contra invisibiles hostes configunt. *Omnia hæc abominatur Dominus, et propter istiusmodi scelera delebit eos. Perfectus est absque macula cras cum Domino Deo tuo. Prophetam de gente tua, id est de Israelitica stirpe, et de fratribus tuis, sicut me, id est similem mei in natura, imo et in gratia prophetali, ita quod vere erit inspiratus a Deo, quamvis non in tanta excellentia, suscitabit tibi Dominus : quem audies*, id est, ab ipso inquires atque percipies, quid agere, scire, aut credere debeas, *ut petisti a Domino Deo tuo in Horeb* : quia dum Deus dedit filiis Israel decem præcepta, loquendo per angelum, et apparendo per ignem, filii Israel territi dixerunt ad Moysen : Non loquatur nobis Dominus, ne moriamur ; sed loquere tu nobis, et audiemus. Per hunc Prophetam quidam intelligunt Josue, qui Moyse defuncto, prophetico spiritu floruit, angelum vidit, et per se atque per Eleazarum sacerdotem a Domino supernaturaliter est instructus, populumque direxit. Alii per Prophetam istum indeterminate intelligunt quemcumque Prophetam sanctum, quem Deus post

Exod. xx, 19.



Moysen opportuno tempore suscitavit ad populum instruendum : sicque ponitur singulare pro plurali, quoniam successive vel etiam quandoque simul suscitavit Dominus post Moysen multos Prophetas, ut partim patet in libro Judicum, deinde magis in libro Regum. Hinc loquitur Isaïas : Nonne a Deo suo populus veritatem inquireret ? quasi dicat, Imo : ideo addit, Ad legem magis et ad Prophetas, supple, est recurrendum.

*Et ait Dominus mihi : Bene omnia nunc prætaeta, sunt locuti, in Horeb. Prophetam suscitabo eis de medio fratrum suorum similem tui.* Istud multi exponunt de eodem Propheta, seu eisdem, de quibus nunc facta est mentio. Unde et Glossa ait : Licet historialiter de Prophetis accipi possit, qui post Moysen in populo Israel repleti sunt Spiritu Dei : melius tamen de Domino Prophetarum accipitur, de quo turbæ : Hic est, inquit, vere Propheta qui venturus est in mundum. Glossa quoque interlinearis exponit sic : Prophetam, videlicet Christum, suscitabo eis de medio fratrum suorum, id est de semine David, similem tui, qui non venit legem solvere, sed adimplere. *Ponamque verba mea in ore ejus.* Ideo Christus professus est : Mea doctrina non est mea, sed ejus qui misit me Patris. Itemque : A me ipso facio nihil : sed sicut me docuit Pater, sic loquor. *Loqueturque ad eos omnia quæ præcepero illi. Qui autem verba ejus audire noluerit, ego ultor existam.* Nam ideo usque in præsens pervenit in illos ira Dei, quoniam Christum suscipere contempserunt. Unde prædixit Psalmista : Effunde super eos iram tuam, et furor iræ tuæ comprehendat eos. Hæc autem dicunt de Christo secundum naturam ejus humanam servilem assumptam, secundum quam minor est Pater, secundum quam dixit : Pater major me est, et sicut mandatum dedit mihi Pater, sic facio. Itaque ex isto tam singulari adjuncto satis insinuat, quod de Christo prædicta sunt hæc : et hoc fateri oportet, quoniam sacratissimus princeps

A Apostolorum hanc auctoritatem allegat de Christo prædictam, in Actis loquens : Moyses dixit : Prophetam suscitabit vobis Dominus, etc. Similiter alio Actuum capite S. Stephanus ait : Hic est Moyses qui dixit filiis Israel : Prophetam vobis Deus suscitabit. Christus quoque in Evangelio incredulis loquens Judeis : Si crederetis, inquit, Moysi, crederetis forsitan et mihi : de me enim ille scripsit.

Denique circa hæc scribit Rabbi Paulus satis catholice, dicens : Aliter intelligendum est, quod primo hic dicitur, Prophetam de gente tua et de fratribus tuis, sicut me, suscitabit tibi Dominus : et quod secundo dicitur, Prophetam suscitabo eis, etc. Primum enim intelligitur de Josue, aliisque Prophetis sequentibus : secundum vero, tantum de Christo. Cujus diversitatis ratio sumitur ex continuatione utriusque verbi prædicti, ad ea quæ statim ante dicuntur. Intelligentia namque dictorum, ex causis dicendi sumenda est, secundum Augustinum. In primo enim loco intendit C Moyses inducere populum, ut futura contingentia et consimilia non quærerent ab ariolis et divinis, promittens quod a Deo possent cognoscere talia per Prophetam seu revelationem divinam : et consequenter addit aliud quodammodo simile, dicens : Ut petisti a Domino Deo tuo in Horeb, id est, non solum providebit tibi Dominus de Propheta revelante tibi futura contingentia et occulta, sed et quod amplius est, providebit tibi de Propheta, qui absque terrore conturbante docebit te legem divinam : quod de solo Christo verificatur, qui aliam dedit legem quam Moyses. De isto Rabbi Paulus scribit prolixè, atque (ut tactum est) satis catholice. Tamen si bene pensetur, verbis his Moysis primo loco prolatis beatissimus Petrus adjungit in Actis verba, quæ hic annectuntur verbis istis secundo loco pronuntiatis : quo argui potest, quod utrumque ad eundem pertineat.

Consequenter reprobantur pseudoprophetae. *Propheta autem qui arrogancia de-*

Judic. vi, 8.

1 Reg. iii, 20; II Reg. vii, 4.

Is. viii, 19, 20.

Joann. vi, 11.

Matth. v, 17.

Joann. vii, 16.

Ibid. viii, 28.

I Thess. ii, 16.

Ps. lxxviii, 25.

Joann. xiv, 28, 31.

Act. iii, 22.

Iud. xii, 37.

Joann. v, 46.

Act. iii, 22, 23.

*præatus* : quod potest intelligi, tam de eo qui aliquando fuit verus propheta et bonus, sed tempore procedente subversus est, et priori gratia spoliatus, fingit sibi adhuc adesse gratiam prophetalem desiderio vanæ gloriæ aut honoris : ideo subditur, *voluerit loqui in nomine meo, quæ ego non præcepi illi, ut diceret*, id est, præsumpserit loqui quasi inspiratus et jussus a me. Potest quoque intelligi de alio propheta, qui nunquam fuit verus propheta, et tamen arroganter sibi assumit nomen

Jer. xxviii.

Ibid. xxix, 21 et seq.

III Reg. xviii, 19.

\* non est

officiumque prophetæ, qualis fuit Ananias propheta de Gabaon, de quo legitur in Jeremia : Achab quoque et Sedecias, de quibus in eodem dicitur. *Aut ex nomine alienorum deorum* : hoc est, si quis attentaverit vaticinari in nomine idolorum aut falsorum deorum, tanquam cultor et propheta illorum, sicut tertio Regum leguntur fuisse prophetæ Baal : *interficiatur* tanquam idololatra ac seductor. A solo etenim vero Deo est gratia prophetalis simpliciter dicta. *Quod si tacita cogitatione responderis : Quomodo possum intelligere*, id est vere cognoscere, et a falsis vaticiniis discernere, *verbum quod locutus est Dominus per verum Prophetam, seu Prophetam ex Dei inspiratione ? Hoc habebis signum discretivum*, id est argumentum : *Quod in nomine Domini propheta ille prædixerit*, id est, nomine Dei finxerit se prædixisse, *et non evenierit : hoc Dominus non est locutus*.

IV Reg. xx, 1.

Jonæ iii, 4.

Jer. xlviii, 7, 8.

Contra hoc objici potest, quoniam Ezechiam mox prædixit Isaias moriturum, et Jonas Niniven subvertendam, et tamen D nullum illorum evenit. Supra dictum est, quod interdum falsi prophetæ aliqua vera prædicunt. Rursus per Jeremiam Dominus contestatur : Repente loquar adversus regnum et gentem, ut destruam illam : si penitentiam egerit gens illa, agam et ego penitentiam super malo quod locutus sum, ut facerem ei. Ad hæc respondetur, quod duplex est prophetia : Una predestinationis, qua scilicet Propheta verus aliquid præcognoscit atque prænuntiat, secundum

A quod infallibiliter cadit in providentia ac præscientia Dei, et tanquam præsentialiter a Deo conspicitur : et ista prophetia semper impletur. Alia est prophetia comminationis, qua aliquid revelatur Prophetæ secundum ordinem suum ad causas creatas, voluntarias, ac proximas : secundum quarum dispositionem ac ordinem tale quid est futurum : tamen quoniam causæ illæ mutabiles sunt, potest non evenire. Unde et talis prophetia intelligi datur cum conditione implicita, utpote nisi homines se emendent, seu causæ effectus prænuntiati mutantur. Veruntamen veri Prophetæ in prophetiis suis comminatoriis quandoque non exprimunt talem conditionem. Postea tamen, vel etiam ante, ex divina revelatione, conditionem talem cognoscunt, et eam aliquando postea manifestant, secundum quod Deus revelavit sanctis Isaie et Jonæ, eni, quod prædixerant, non implebatur. Vel causa talis panditur generaliter ac aperte per imitationem causarum prophetati effectus, quemadmodum penitentia Ninivitarum innotuit universis, per quam patuit, cur prophetatio Jonæ non implebatur. Rursus falsorum prophetarum error atque præsumptio deprehenditur tam ex doctrina, quam ex vita ipsorum, ut si quid sanæ fidei aut determinationi Ecclesiæ contrarium doceant, aut prophetent, vel impie conversentur. Raro etenim pravis hominibus conceditur gratia prophetiæ, quanquam interdum sit factum. Hinc ait Salvator : Attendite vobis a falsis prophetis, a fructibus eorum cognoscetis eos.

IV Reg. xx, 5.  
Jonæ iv, 11.

Matthæu, 15, 16.

D Insuper inter hæc verorum et pseudoprophetarum vaticinia subtilius potest discerni. Moyses autem rudi populo loquens, superficialiter pertransivit, et quoddam probabile signum discernendi edocuit. Itaque prophetiæ pseudoprophetarum non sunt nisi de his quæ aliquo modo naturaliter queant prænosci, sive ex longa experientia, vel ex causarum cognitione, vel ex his quæ realiter jam sunt : et si futura pure contingentia, et omnem naturalem cognitionem transcendunt, demones aut

pseudoprophetae praedicere usurpent, mentiantur, aut conjecturaliter ac cum formidine de opposito inde loquuntur, ita quod verba eorum in omnem eventum trahi possunt ac flecti: vel ex revelatione angelorum sanctorum, qui ex certis causis juxta aeternae Sapientiae constitutum, interdum aliqua talia malignis revelant spiritibus et eorum ministris: et tunc non sunt proprie daemonum prophetiae aut vaticinia pseudo: sed de his solus Deus veritates praenuntiat et revelat, et ejus Prophetae inde cum certitudine vaticinantur.

Itaque a praefatis superstitionibus et vanitatibus quae ipsarum reliquiae sunt, prorsus abstineamus, curiositatem vitemus, nec in supervacuis occupemur: potiusque conemur proprios defectus et excessus debite intueri, deplangere ac vitare, quam futura et abdita ad salutem non requisita dignoscere.

A Postremo, quod in isto capitulo scriptum est, Perfectus et absque macula eris cum Domino Deo tuo, satagamus implere, quum et Salvator hortetur: Estote perfecti, sicut et Pater vester caelestis perfectus est. Ad minus enim oportet ab omni macula culpae mortalis esse purgatum, et in via mandatorum sincerum: sique de perfectione sufficientiae, non supererogationis aut eminentiae, istud exponitur, quantum ad omnes. Religiosi vero ad consiliorum perfectionem, et caritatis specialem profectum tendere obligantur. Episcopi autem debent in omni virtute esse perfecti. Porro, omnium nostrum est coram Deo sollicite ambulare, atque in virtutibus crescere, quum non proficere, si deficere: nec possit diu vitare mortalia, qui coram Deo custoditus ac timoratus non fuerit, quum tam variis modis tentemur, tanque fragilissimi simus.

Matth. v.  
48.

Mich. vi,  
8.

## ARTICULUS XX

EXPLANATIO LITTERALIS CAPITULI NONDECIMI: QUUM DISPERDIDERIT  
DOMINUS DEUS TUUS GENTES.

NUNC repetuntur, quae de civitatibus refugii et homicidio involuntario seu casuali dicta sunt in Exodo et in Numeris. Quum disperdiderit Dominus gentes, quarum tibi traditurus est terram, habitaverisque in ea, tres civitates separabis tibi, id est, seorsum ab aliis urbibus deputabis, ut sint urbes refugii, sternens diligenter viam, id est, complanabis itinera ad pergendum, ut fiat quod subditur: et in tres aequaliter partes totam terrae tuae provinciam, scilicet terram promissionis, divides non materiali, sed intellectuali divisione, sicut zodiacus dividitur in duodecim signa, et orbis seu coelum in duo hemisphaeria: et in qualibet harum trium partium terrae ita divisae, eliges unam ur-

C bem, quae sit civitas fugitivorum: ut habeat e vicino, hoc est de propinquo, qui propter homicidium casuale et excusabile, profugus est de loco suae nativitatis aut mansionis, praesertim de homicidii loco, quo possit evadere. Qualiter autem Moyses constituit tres civitates refugii in terra duarum ac mediae tribuum, dictum est supra. Porro, qualiter sunt tres civitates ad hoc assignatae in terra promissionis, et quae fuerint illae, Josue scripsit. Deinde in littera exemplificatur de homicidio casuali, ut si quis cum proximo suo pergat ad silvam ut ligna abscindat, etc. Quum autem dilataverit Dominus terminos tuos. Hic additur quod in praecedentibus libris non habetur, videlicet ut praeter tres civitates

Exod. xxi,  
13. Num.  
xxxv, 6, 11.

Deut. iv,  
41, 43.

Josue xx,  
2, 8.



refugii nunc præactas, in terra promissa adderentur simili modo adhuc aliae tres refugii urbes, quando obtinuissent filii Israel universam terram eis promissam : quod qualiter sit impletum, nec in libro Josue, nec alibi in Scriptura canonica invenitur : creditur tamen factum tempore David aut Salomonis, etc. Sicque in toto erant novem civitates refugii, tres in terra duarum semisque tribuum, et sex in terra promissionis. *Si quis autem odio habens proximum suum.* Hic jubetur quod voluntarius homicida nullibi tutum habeat locum, et si ad aliquam refugii urbem confugerit, non salvetur ibidem, sed tradatur cognatis occisi ad occidendum, dum iudice fuerit comprobatum quod malitiose illum occidit. De his, quia præhabita sunt, textusque planus est, pertranseo.

*Non assumes et transferes terminos proximi tui, quos fierunt priores in possessione tua,* hoc est, agros seu terras aliorum non usurpabis, nec addes agris tuis extendendo metas agrorum aut pratorum tuorum, sed infra limites a patribus tuis positos permane. Solent autem in agris poni saxa aut consimilia pro indicio finis agri, et tale saxum aut signum nullus debet sibi attrahere, aut alibi ponere, sed in suo relinquere loco, nisi forte per emptiorem justam quis agros suos dilatet. Hinc in Proverbiis habetur : Ne transgrediaris terminos antiquos, quos posuerunt patres tui.

*Non stabit testis unus contra aliquem, quicquid illud peccati et facinoris fuerit,* hoc est, propter unius testimonium nullus ad iudicabitur morti aut damno ; *sed in ore duorum aut trium testium stabit omne verbum.* Hoc supra expositum est. *Si steterit testis mendax contra hominem, accensurus eum prævicationis, stabunt ambo quorum causa est,* hoc est, tam testis ille quam is quem accensat : vel ambo, id est, accusatus a teste illo, et pars adversa accusati, pro qua parte testis ille fert testimonium : stabunt, inquam, ante Dominum in conspectu sacerdotum et iudicum. Quum-

A *que sacerdotes et iudices diligentissime perscrutantes,* hoc est, examinantes testem illum, an sit infamis, et de loco ac tempore aliisque negotiis ac circumstantiis negotii, de quo testatur, *invenerint falsum testem dixisse contra fratrem suum mendacium,* hoc est mendosum testimonium : *reddent ei sicut fratri suo facere cogitavit,* id est, ad talem poenam eum obligabunt et adjudicabunt, qualem incurrisset is contra quem testabatur, si fuisset per sufficientes testes convictus, quoniam poenam talionis incurrit huiusmodi testis. Ideo subditur : *Non misereberis ejus* miseratione seu compassione inordinata, et nimium molli, contraria aequitati. Compatiendum equidem ei est, quoad malum culpæ, et est orandum pro ipso : sed malum poenæ, videlicet debita castigatio infligenda est ei. Unde subiungitur : *sed animam pro anima,* id est, animale corporalemque vitam pro animali vita exiges, ut tali vita privetur, qui voluit falso testimonio perimere alium. Similiter *oculum pro oculo, dentem pro dente, manum pro manu, pedem pro pede exiges :* de qua poena et talione dictum est plenius in Exodo.

Præterea, sicut litteralis, ita et spiritualis hujus capituli sensus in præallegatis capitulis est inductus. Aliqua tamen adduntur hic, quæ breviter moralizantur. In omnibus namque præactis ternarius commendatur, ut superbeatissimæ Trinitatis mysterium insinuetur. Novem vero civitates refugii designant novem ordines angelorum, ad quorum societatem universi fideles, vel [si] in sæculo isto se peccasse fatentur, penitendo adspirant, et bene vivendo pertingere cupiunt, quatenus invisibilium hostium acies, et cuncta evadant pericula.

*Qui percusserit proximum nesciens,* hoc est, qui sine proposito scandalizaverit alium : vel qui putans alium verbo correptionis et exhortationis curare a culpa, læserit illum, acrius quam oportet loquendo, vel quia ille tam imperfectus est, quod exhortationes et increpationes non susci-

Prov. xii, 28,

Deut. xii, 6,

Exod. xxi, 23-25,

Sensus spiritualis.

pit, quum tamen iste ex caritate loquatur, et probetur exisse cum illo *in silvam ad ligna cavenda*. Silva est hoc saeculum nequam, in quo bestiae, hoc est homines bestiales, passionumque strepitus commorantur. Ligna autem sunt homines, et arida ligna sunt impii; ligna autem viridia, iusti. Porro ligna praecidere, est homines a conversatione mundana abstrahere, atque ad religionis ingressum, seu poenitentiae viam inducere. Securis vero, est sermo praedicationis. Ferrum securis, est reprehensio rigorosa, quae tunc manum corripientis effugit et alium perimit, dum quis per inconsiderationem aut iram, seu alterius passionis immoderantiam aliqualem, tam acute et aspere alium reprehendit, quod ex hoc magis tentatur, indignatur, murmurat, dijudicat, aut in rancorem dilabitur, vel desperat. Tunc corrector, quamvis incaute habuerit se, a mortali tamen est excusandus, imo si exigente rei publicae

A bono ex auctoritate sui officii ita loquatur, totaliter excusatur.

Denique per hoc quod Dominus iussit adhuc addi tres urbes refugii, dilatatis terminis Israelis, est figuratum quod quanto in Ecclesia amplius multiplicantur qui credunt, tanto plus necesse est multiplicari culparum remedia, ecclesias, eonobia, sacramenta, suffragia. Ex odio demum occidit proximum, qui illo vidente aut sciente, facit mortale peccatum, aut qui provocat ipsum ad vitia; sed absque culpa alium, qui juste et irreprehensibiliter habet se, et tamen alii instar Scribarum ac Pharisaorum ex sua malitia scandalizantur de illo. *Non assumes et transferes terminos proximi tui*, id est, leges et regulas tibi praefixas non violes, nec aliquid statui tuo contrarium aggrediaris, neque in his quae tibi commissa non sunt, te intromittas, nec in alienam messem extends falcem; sed quae praecipit tibi [Deus] cogita ac perforce semper.

*Eccli. iii, 22.*

## ARTICULUS XXI

ELUCIDATIO LITTERALIS CAPITULI VICESIMI : SI EXIERIS AD BELLUM CONTRA HOSTES TUOS.

**H**IC declaratur, qualiter et a quibus sit procedendum ad bellum, et qualiter pugnatores se circa pugnandos habere debuerint. *Si tu, popule Israel, exieris ad bellum contra hostes tuos, et videris equitatum et currus, et majorem, quam tu habes, adversarii exercitus multitudinem, non timebis eos*, hoc est, timere non debes carnali et mundano timore, quia Dominus Deus tuus tecum est, cui nullus potest resistere. *Appropinquante autem jam proelio*, id est, conflictu jam imminente, *stabit sacerdos ante aciem, et sic loquetur ad populum Israel conflicturum* : *Nolite cedere fugiendo, nec formidetis eos, quia Dominus pro vobis contra inimicos dimicabit*, hoc est, virtutem praevalendi vobis pra-

C stabit, et illorum prosternet virtutem, dummodo confidatis in Domino, nec vestra peccata demercantur, et inducant oppositum. *Duces quoque exercitus, videlicet militenarii ac tribuni et centuriones, seu illi qui singulis praerant tribubus, per singulas turmas particulares, quibus praerant singulatim, audiente exercitu totali, ejus turmae illae fuerant partes integrales, proclamabunt* : *Quis est homo qui edificavit domum novam*, hoc est habitationem seu aedem novam, quae sit principale domicilium ejus, *et non dedicavit eam* ? id est, sua inhabitatione nondum eam applicavit usui ob quem est construeta, hoc est, nondum in ea est commoratus. Unde alia habet translatio, Nondum initiavit eam : et forte,

sicut templum consecrabatur cultui divino per adspersionem et alia, sic per aliquam sollemnitatem conviviorum aut rituum dedicabant novam domum jam factam ad commorandum in ipsa. *Vadat et revertatur in domum suam, ne forte moriatur in bello, et alius deducet illam* : quod miserabile esset, quod scilicet tanti laboris frustraretur effectus.

*Quis est homo qui plantavit vineam, et necdum fecit eam esse communem, de qua vesci omnibus liceat, ita quod ipse et alii possent vesci fructibus ejus ? Vadat, ne forte moriatur in bello, et alius homo ejus fungatur officio, vineam illam faciendo communem* : quod secundum quosdam fiebat quinto anno a plantatione, quoniam fructus quos protulit vinea in tribus primis annis, judicabantur immundi, ita quod nec edi poterant nec offerri, utpote nati ante consuetum tempus, quo solent vineæ fructificare. Idololatæ quoque talibus fructibus in suis (ut fertur) sacrificiis utebantur, tanquam insolitis novisque rebus. Porro fructus quarti anni Deo offerebantur totaliter, et quinto anno poterat de fructu vineæ oblatio atque comestio fieri. Alii, quos Magister in historiis sequitur, dicunt, quod publicatio vineæ sexto fiebat anno, ita quod quarto anno vindemiabatur Domino, quoniam totum hujus anni fructum detulit homo ad urbem cultus divini cum decima aliarum frugum secunda, ut ibi epularetur ex eis coram Domino. Quinto anno fiebat homo dominus vinetæ, et eam sibi vindemiavit. Sexto anno et deinceps erat omnibus quasi communis, ita quod itinerantibus licuit pomaria vineasque intrare, et sufficienter refici inde, non autem aliquid extra ferre. Vindemiantes quoque non prohibebant occurrentibus, gustare de his quæ ad toreular portabant. Alia littera habet sic : *Quis est homo qui plantavit vineam, et de novella ejus non bibit ? Quis est homo qui desponsavit uxorem, et non accepit eam per cohabitationem et maritalem amplexum ? Revertatur, ne moriatur in bello, et alius homo*

*accipiat eam* : imo ut alibi legitur, debuit uno anno cum conjuge sua letari, antequam cogeretur ire ad bellum. *Deut. xxxv, 5.*

Itaque hoc triplex genus virorum jussit lex reverti : Primo, quoniam specialiter erat miserabile, quod post tantos conatus, tamque ferventes affectus ad elaborata et concupita, non consequerentur optatum effectum. Secundo, quoniam tales viri solent tanto plus formidare de imminente sibi periculo, quanto intensius afficiuntur ad sua objecta et concupita. Præterea quaritur, cur isti reverti jubentur propter vitandum mortis periculum, quum eis jam ante sit dictum : Nolite metuere, quia Dominus dimicabit pro vobis. Respondetur, quod ex parte Dei non erat defectus victoriae, nec erat timendum, sed ex hominum imperfectione, culpa et metu.

*His dictis, duces addent reliqua, et loquentur ad populum* : *Quis est homo formidosus ex naturali dispositione, et corde parido ex eventu aut superaddito vitio, ut qui ante congressum est audax, sed imminente periculo, dissolvitur corde ? Vadat et revertatur, ne pavore faciat corda fratrum suorum et commilitum.* Ex talium enim adspectu, verbis, factis, fuga, prostratione, consocii eorundem solent terreri. Affectiones quippe unius, per oculorum adspectum facilius derivantur ad alium. *Quumque situerint duces exercitus, particularium scilicet turmarum (dicitur tamen fuisse unus principalis dux totius exercitus), hoc est, quum præmemorata verba protulerint, et finem loquendi fecerint : unusquisque suos ad bellandum cuneos præparabit*, id est, quilibet ducum turmam sibi subjectam exhortabitur ad pugnandum, et eam ordinate disponet, quantum ad situm et ordinem : quia inordinata pluralitas, non est nisi hostium victima. Cuneus vero secundum quosdam, est proprie societas triangulariter situata, hoc est ordinata iustar trianguli, ut facilius exercituum adversariorum possit intrare, atque ab invicem separare.



Consequenter in littera prolixè et plane A describitur, qualiter filii Israel habere se debuerunt circa urbes expugnandas. Nam urbibus extra terram promissionis situatis debebant primo pacem offerre, non autem civitatibus in terra promissa locatis, quarum habitatores erant prorsus delendi, juxta frequenter præhabita: et clara est littera. Quid autem agendum erat circa urbes difficulter expugnabiles aut prorsus inexpugnabiles, subjungitur: *Quando obsederis civitatem multo tempore, et munitionibus circumdederis ut expugnes eam, non succides arbores de quibus vesci potest, hoc est fructiferas arbores, nec securibus per circuitum debes vastare regionem*. talia exidendo arbusta aut vineas, oliveta, ficeta, et consimilia, quæ omnia nomine arborum designantur: *quoniam lignum est, et non homo*, id est, arbores tales sunt ligna fructuosa, quæ tibi possunt prodesse tempore diuturnæ obsidionis, et item post urbis captionem, nec fugere queunt, neque resistere tibi, imo ex eis territorium opulentius est atque utilius tibi, sive ad inhabitandum, sive ad obtinendum ex eo tributum. *Si qua autem ligna non sunt pomifera, id est fructifera: quoniam in Scripturis pomum pro quocumque arboreo sumitur fructu: sed agrestia et in ceteros usus apta*, puta ad mechanica opera inde formanda, armaque bellica: *succide et extrue machinam, donec capias civitatem quæ contra te dimicat*, hoc est, talia ligna potes abscindere, et inde parare instrumenta ad urbis captionem proficua.

Circa hoc quæri potest, qualiter stare D excusarique valeat, quod Eliseus propheta prænnuntiavit regibus tribus, quorum unus exstitit Josaphat virtuosus. Universum lignum fructiferum succiditis. Ad quod quidam respondent, quod dum civitates expugnandæ, erant tam firmæ, quod populus Israel eas expugnare nequibat, poterant ligna talia eradicare, ne remanentia adversariis deservirent: sicque rex Josaphat et rex Joram recesserunt ab obsidione civitatis regis Moabitarum, succisis arboribus

fructuosis terræ illius. Sed huic responsioni obviare videtur, quod loco præallegato Eliseus præmisit, loquens his regibus: Dominus tradet Moab in manus vestras, et percutietis omnem civitatem munitam, et omnem urbem munitam. Et subditur ibi de urbe metropoli: Circumdada est civitas a fundibulariis, et magna ex parte percussa. Idecirco dicendum videtur, quod ex dispensatione divina factum est illud in majorem Moabitarum punitionem, quoniam noluerunt regi Israel tributum solvere consuetum: vel littera hæc loquitur de arboribus regionum, quas filii Israel poterant acquirere ad inhabitandum: erant autem divinitus prohibiti a tali acquisitione terrarum Moab et Ammon, ut patuit supra.

Spiritualiter, dum populo christiano imminet bellum contra invisibiles sive visibiles hostes, tyrannos, hæreticos, infideles, et viderint adversariorum numerum esse acie christiana majorem, non debent diffidere, nec immoderate metuere, sed Dominum invocare, et se ipsos exhibere dignos subsidiis Dei, per vitam idoneam, per contritionem, confessionem et satisfactionem, per cordialem in Deo fiduciam. Sacerdos quoque, id est prædicator sive prælatus, stabit ante aciem, hoc est, gregem sibi commissum verbo et opere ædificabit et admonebit, ut cum omni fiducia prælientur, nec vereantur timore deieciente. Per hoc autem quod ædificatores domus, plantatoresque vineæ, et sponsi jubebantur redire, insinuat, quod nec ad corporalia, neque ad spiritualia bella sint apti, qui inordinato et intenso ligantur affectu ad opes aut delicias suas, quas amittere nimis verentur. Similiter qui domum ædificavit, id est, se ipsum virtutibus reparare incepit, et nondum dedicavit eandem, hoc est, ad profectum notabilem needum devenit, non est adhuc bene dispositus ad magnarum certamina tentationum. Similiter nec is qui vineam plantavit, id est, mentem suam, aut gregem sibi creditum cepit excolere, et ad caritatis profectum, quæ omnia facit esse communia, nondum

IV Reg.  
m, 18, 19.

Ibid, 23.

Deut. n. 9,  
19.

Sensus  
spiritualis.

IV Reg.  
m, 19.

Ibid, 23.

perductus est. Non ergo se ingerant pugnis A tentationum quousque profecerint, ne invisibiles hostes devorent fructus laborum suorum. Porro, qui desponderunt sibi uxores, id est voluptatum amatores, aut negotiis occupati mundanis, et formidolosi formidine sæculari atque carnali, sunt ad sacra bella prorsus inepti.

Præterea adversariis non impugnantibus Ecclesiam Dei, primo offerenda est pax, ut scilicet sponte convertantur ad fidem : quod si renuerint, sunt vastandi. Mulieri-

bus vero et parvulis, hoc est, simplicibus et idiotis, de quorum conversione spes est, congruit parere. Hæreticis vero ac perfidis infestantibus commune bonum Ecclesiæ, non est pareendum. Postremo, arbores fructuosæ non sunt excidendæ, quia si quid scientiæ et aptitudinis ad virtutes ac utile invenitur in philosophis ac consimilibus, redigendum est in obsequium fidei christianæ. Infertuosæ vero et arida ligna, hoc est indurati et obstinati, delenda sunt.

## ARTICULUS XXII

EXPLANATIO LITTERALIS CAPITULI VICESIMI PRIMI : QUANDO INVENTUM FUERIT IN TERRA, QUAM DOMINUS DEUS TUUS DATURUS EST TIBI, HOMINIS CADAVER OCCISI.

Q UID agendum sit in homicidio, cujus B auctor nescitur, et circa uxores earumque proles, et circa reos, nunc declaratur. *Quando inventum fuerit in terra promissa, quam Dominus Deus tuus daturus est tibi, hominis cadaver occisi, et ignorabitur cuius reus, utpote homicida : si autem certa signa in cadavere illo paterent, quod homo occisus esset a bestia, non oporteret forsitan fieri quæ sequuntur : egredientur majores natu et iudices tui, id est principes populi seu tribus, in ejus sorte invenitur defunctus, et metientur a loco ca-* C *cadaveris spatia singularum per circuitum civitatum : de quibus incertum est, quæ earum plus distet a loco illo, non aliarum de quibus constat quod amplius distent : et quam vicinior loco cadaveris ceteris esse perspexerint, id est, mensurando cognoverint, tollent seniores civitatis illius vitulum de armento. Hæc autem mensuratio non erat necessaria, quando ad oculum certissime patuit, quæ urbs esset vicinior. Quæ vitula non traxit jugum, nec terram scidit romere. De cujus autem armento D*

non exprimit, et forsitan accipiebatur de sumptu communi, aut de armento supremæ urbis vicinioris. *Et ducent eam ad vallem asperam atque sarsosam, quæ nunquam arata est, nec sementem recepit, et cadent in ea cervices vitulæ, accedentque sacerdotes ejusdem urbis, aut in tribu illa morantes : accedent, inquam, ad ipsum interfectum, id est occisum, ut videant, an omnia ibi rite agantur, et an aliquid de causa et genere homicidii valeat conjici.*

*Et venient majores natu civitatis illius, lavabuntque majores natu urbis propinquioris, manus suas super vitulum, quæ in valle percussa est, hoc est mactata, et dicent : Manus nostræ non effuderunt hunc sanguinem, nec oculi viderunt directe nec indirecte : quia (ut aliqui dicunt) jurabant quod homicidium illud non accidisset per eorum negligentiam aut consensum, quia (ut infra tangetur) juraverunt quod non erant negligentes circa viarum custodiam. Propitius esto populo tuo Israel, quem redemisti, Domine, et ne reputes sanguinem innocentem in medio populi tui Israel, id est, effusionem sanguinis*

hujus occisi non imputes populo tuo, aut alicui personae ex eo qui innocens est ab effusione sanguinis hujus. Interdum enim pro scelere commisso ab uno, plures puniebantur a Deo, prout saepe expositum est. Potuit autem esse, quod ille occisus fuerit nequam et impius, vel occisus ab aliquo quem volebat occidere, cui licuit vim vi repellere, cum appositione inculpatae tutelae. Dicitur tamen innocens sanguis, quia ab ejus effusione fuerant innocentes, qui manus suas laverunt, ut dictum est. Vel scriptura haec loquitur de occiso absque suo demerito, utpote vitiose. *Et auferetur ab eis reatus sanguinis*, id est, populus non punietur a Deo propter homicidium illud.

Circa haec scribit Thomas in prima secunda, questione 103: Ratio litteralis hujus mandati fuit, ut Rabbi Moyses dicit, quia frequenter interfector est de civitate propinquiore. Unde occisio vitulae fiebat ad explorandum homicidium occultum. Quod fiebat per tria: Primo, per hoc quod seniores civitatis jurabant se nihil praetermisisse in viarum custodia. Secundum est, quoniam ille cujus erat vitula, damnificabatur in animalis occisione: ut si prius manifestaretur homicidium, vitula non occideretur. Tertium, quod locus, in quo vitula occidebatur, mansit incultus. Hinc ad vitandum utrumque damnum, homines civitatis de facili manifestarent homicidam, si seirent. Et raro poterat esse, quin aliqua verba aut signa super hoc praecesserint. Vel hoc fiebat ad terrorem, in homicidii detestationem. Per occisionem namque vitulae, quae est animal utile ac robustum, praecipue antequam laboret sub jugo, significabatur quod quicumque homicidium perpetrasset, quamvis utilis esset ac fortis, occideretur etiam morte crudeli: quod per concisionem cervicis vitulae notabatur: et quod tanquam vilis ac impius a consortio hominum esset abjiciendus: quod figurabatur per hoc, quod vitula occidebatur in valle aspera atque inculta, et quod carnes ejus relinquebantur ibi in putredinem convertendae.

A Si circa praedicta quaeratur, quid vitula meruit, ut propter incertum homicidium occideretur: respondendum, quod occidebatur non ob suum demeritum, sed in detestationem commissi facinoris, et ad significandum praeterea. Nempe quum facta sint irrationabilia propter hominem, utendum est eis ad hominum utilitatem.

Sequitur lex alia. *Si egressus fueris ad pugnam contra inimicos tuos, et videris in numero captivorum mulierem pulchram, et adamaveris eam, voluerisque habere uxorem, introduces eam in domum tuam. Quae radet ciliarum, et circumcidet ungues, et deponet vestem, in qua capta est; sedensque in domo tua, flebit patrem et matrem suam*, qui occisi sunt morte corporali aut civili, uno mense: per quod pietas edocetur, ne qua persona post suorum mortem parentum statim ad voluptatem se donet: *et postea intrabis ad eam, dormiesque cum illa, et erit uxor tua*. Istud intelligendum est de muliere volente ad Judaismum converti, et post ejus conversionem: fuitque magis permissio, quam praecipio aut concessio. Nec est intelligendum de mulieribus aut puellis alienigenis, pertinentibus ad terram promissionis, a quarum connubio prohibebantur Judaei, ut supra patuit. Per abjectionem demum propriarum vestium, in quibus fuerat capta, et capillorum capitis abrasionem, abscissionemque unguium, designabatur perpetua idololatriae ac infidelitatis abjectio. Dicit etiam Magister in historiis, quod per mulierem intelligitur virgo, sive jam nupta: quod non videtur intelligendum de nupta, adhuc maritum habente, sed potius vidua, nisi forte maritus recusaverit converti ad Dei cultum. *Sin autem postea non sederit in animo tuo*, id est, displicuerit tibi, *dimittes eam liberam*. Hoc quoque permissio est, prout infra plenius referetur, qualiter licuit uxorem dimittere. Fuit autem sine pretio dimittenda. *Nec vendere poteris*, quia facta est tecum una caro, et quodammodo compar: ideo non est tractanda tanquam ancilla; *nec opprimere per potentium, duram*

*Deut. vii, 3.*



ei imponendo servitutem, *quia humiliasti eam*, ea utendo ut conjuge: in quo usu uxor instar patientis et subiecti se habet.

*Si habuerit homo duas uxorē:* quod in veteri lege concessum fuit ex dispensatione divina, quia tunc paucitas erat populi Deum verum colentis, et cultus Dei per carnalem propagationem conservabatur in plebe illa: *unam dilectam, et alteram odiosam*, etc. Littera plana est, quia in tali casu non potest filium dilectæ præferre filio odiosæ, si filius odiosæ sit primogenitus viri illius qui primogenito suo debuit emeta dare duplicia. Circa quod ait Glossa: Hoc ad litteram servandum est, ne sequatur quis animi sui motum, vel amorem, aut odium, sed naturam. Verumtamen istud iudiciale præceptum non est necessario in evangelica lege servandum, quamvis possit ab aliquo auctoritatem habente institui ac servari. Quemadmodum autem filius non primogenitus non debet ex amore patris sui ad se, vel ad matrem suam, primogenito præponi nec primogenitus ex odio sui aut matris suæ, suo jure privari: C sic nullus filiorum est ex carnali et inordinato amore fovendus in vitiis. Ideo subditur: *Si genuerit homo filium contumacem et protervum*, id est, qui ad adultam ætatem perductus, fiat talis, *qui non audiat patris et matris suæ imperium* in his, in quibus ei possunt præcipere, *et coercitus*, id est correptus frequenter, et per blanda ac aspera seu per comminationes admonitus, *obedire contempserit; apprehendent eum*, quum viderint eum incorrigibilem factum, *et ducent ad majores D et ad portam judicii*, dicentes: *Filius noster protervus et contumax est*, etc. *Lapilibus obruet eum populus civitatis, et morietur*: sicut in textu qui planus est, describitur ac iubetur. Expediit enim tam impio filio sic puniri, quam tam scelerate diutius vivere. Quamvis enim parentes quandam habeant potestatem et auctoritatem super filios suos, præsertim non emancipatos, et quamdiu sub eorum permanent virga, non tamen tam magnam, ut

A peccantibus possint mortem aut mutilationem infligere propria auctoritate, nisi forte aliunde sint iudices eorundem.

*Quando peccaverit*, id est, peccando commiserit, *homo erimen, quod morte plectendum est, et adjudicatus morti* per iudices legitime, *appensus fuerit in patibulo; non permanebit cadaver ejus in ligno, sed in eadem die sepelietur, quia maledictus a Deo est*, id est dire punitus, et opprobrio confusionique datus a Deo volente aut permittente, *omnis qui pendet in ligno*: quia mors talis opprobriosa et dura est valde. Sumitur autem in lege maledictio interdum pro opprobrio aut tormento, secundum illud: *Maledictus qui non reliquerit semen in Israel*. Itaque suspensus, eodem est die a patibulo deponendus: ejus subjungitur ratio, quia maledictus a Deo est, id est sufficienter punitus a Deo per iudices ejus vicarios, per hoc quod ita suspensus est, nec oportet eum in hac vita magis puniri per longiorem in patibulo pensionem. Itaque ista auctoritas non derogat Christo, qui (ut ait Apostolus) propter nos factus est maledictum, ut nos a maledicto legis redimeret. Sumitur enim hic maledictum pro pœna peccati ex peccato secuta, sicut et mors quandoque vocatur peccatum: hoc modo manus vocatur scriptura manu formata, et loquela dicitur lingua. Christus quippe ignominiosissimam pro nobis pertulit mortem.

Præterea mystice quando prælati viderint quempiam ex credito eis grege spiritualiter interfectum, scandalizatum, deceptum, causam inquirere debent, atque ad expiandum ad Christi passionem recurrere, ac Dominum pro venia exorare, deceptum quoque pro posse reducere. *Si egressus fueris ad pugnam*, id est, si in conflictu contra adversarios fidei vel ecclesiasticæ unitatis seu individuae caritatis, converteris aliquem ad fidem catholicam, conversationemve virtuosam, *et videris mulierem pulchram*, id est animam summæ Trinitatis imagine insignitam, et volueris eam tuo spiritui quasi sponsam nungere per sanctam

Galat. iii.  
13.

Sensus  
mysticus.

dilectionem; *introduces eam in domum tuam*, id est ad incorporationem Ecclesiae: quae sedebit suorum deplorans peccata, et pristina vestimenta, videlicet opera mala, habitus vitiosos, consuetudines pravas abjiciet, capillos quoque, id est cogitationes superfluas, prorsus deponet, circumcidetque ungues, id est operationum superfluitates; et sic fecundabis eandem ac declarabis sponsam, inducendo eam ad devotionem virtuososque actus. Quae si postea displicuerit tibi, propter ipsius transgressionem, non mox violentanda est, aut penitus opprimenda, seu vendenda diabolo, sed suae libertati relinquenda ad tempus, ut resipiscat. *Si habuerit homo duas uxores*. Per hominem istum intelligitur Dei Unigenitus incarnatus, qui duas habuit conjuges, quarum una facta est ei odiosa, videlicet Synagoga: altera, puta Ecclesia ex gentilitate conversa, facta est ei cara. Attamen primogenitum Synagogae, hoc est sanctos Apostolos, nequaquam postposuit filiis Ecclesiae, imo dedit illis primitias Spiritus, et super omnem terram principes eos constituit, nec aliud decuit ejus justitiam atque elementiam.

Ex isto item capitulo edocemur, quam gravissime peccent filii contumaces, rebelles, luxuriosi, gulosi, qui suos contemnunt parentes, aut convitia inferunt ipsis. Similiter qui matri suae sanctae Ecclesiae

et praelatis non parent, sed rebelles consistunt, non pensantes quod quasi peccatum ariolandi sit repugnare, et tanquam scelus idololatriae acquiescere nolle. Ideo sunt lapidandi, id est, durissimis increpationibus et acerrimis disciplinis plectendi. *Quando peccaverit homo*, et pro suo excessu fuerit excommunicatus, suspensus, seclusus, eodem die est deponendus de hujusmodi cruce, quia per superiores suos et bonos viros ad emendationem, satisfactionem, obedientiamque hortandus est ac reduendus ad ecclesiasticam communionem pro posse.

Postremo super illud, Maledictus a Deo est qui pendet in ligno, asserit Lyra in Hebræo haberi, Vilificatio Dei est suspensio. Circa quod Rabbi Salomon ait: Quum homo sit ad Dei imaginem factus, in Dei dehonorationem quodammodo redundaret, si diu maneret suspensus. Sed Rabbi Paulus affirmat in Hebræo haberi, Maledictio Dei est suspensio: ad quod assignatur duplex ratio ab Hebræis: una, quae facta est: alia, quoniam nullus suspendebatur in ligno, nisi idololatra aut blasphemus: ideo si maneret diu suspensus, daretur hominibus occasio loquendi de idololatria aut blasphemia illa, quae peccata tam abominabilia erant, quod Deus noluit ea nominari, sicut de quibusdam vitiis ait Apostolus: Nec nominentur in vobis.

1 Reg. xv, 23.

Ephes. v, 3.

## ARTICULUS XXIII

DECLARATIO LITTERALIS CAPITULI VICESIMI SECUNDI: NON VIDEBIS BOVEM FRATRIS TUI.

QUAM enormis, rudis ac evidens fuerit error et haeresis dicentium veterem legem datam a principe tenebrarum essentialiter malo, constat luce clarius ex isto capitulo, in quo tot pietatis praecepta ponuntur. Volens itaque Dominus populum suum mutuo esse benevolum atque benefi-

cum, ait: *Non videbis bovem fratris tui aut orem errantem, et praeteribis*, id est, si videris quodcumque jumentum proximi tui esse in mala periculosaque via, non pertransibis tanquam non curans, sed reduces illud fratri tuo: et si non est propinquus frater tuus, id est, si is ad quem

etiam si

pertinet tale jumentum, non est consanguineus tuus, *duces in domum tuam jumenta illius errantia, et erunt apud te quamdiu quærat ea frater tuus*, id est natione et religione Judæus. Quod si non quæsierit ea, inventor tamen debet quod factum est publicare, et ejus sint jumenta inquirere. Quod si nec sic poterit seire ejus sint, potest ea in pios convertere usus, reservareque sibi quantum apud se consumpserunt. *Similiter facies de asino, vestimento, et de omni re fratris tui quæ perierit*, id est, perdita fuerit, *si inveneris eam* : ideo subditur. Si inveneris eam, *ne negligas*, id est, jacere aut errare non sinas, *quasi alienam*, id est quasi nil ad te pertinentem. Circa hæc dicit Thomas in prima secundæ, quæstione 103 : Lex instituit ut usus rerum, quantum ad aliquam, esset communis patriæ, et quantum ad eam, ut patet ex his verbis, et quantum ad fructum quodammodo, ut quod quis ingressus alterius vineam, comederet ad sufficientiam uvas, et quod pauperibus relinquerentur obliti in agro manipuli, etc.

Denique, hic per fratrem non solum intelligitur Judæus seu proximus amicus, sed etiam inimicus. Scriptum est enim in Exodo : Si occurreris bovi inimici tui aut asino erranti, redue ad eum. Itemque : Si videris asinum odientis te jacere sub onere, non pertransibis, sed sublevabis eum eo. Hinc subditur : *Si videris asinum fratris tui aut bovem cecidisse in via, non despicies subvenire : sed sublevaris eum eo*, id est, proximum tuum juvabis ad levandum jumentum lapsum. Vel si dominus jumentum desit, solus pro posse leva pecus cum onere suo. Si autem pecoribus et possessionibus inimici, ista erant pietatis et dilectionis opera impendenda, imo et ipsi inimico, ejus damna sic vitabantur : constat non fuisse legis intentionem ut inimici odirentur, quantum ad id quod sunt, sed quoad malum culpæ ipsorum. Porro, secundum Glossam, hæc præcepta etiam nunc ex benignitate naturæ servanda sunt.

*Non induitur mulier veste virili, nec*

*vir utetur veste feminea. Abominabilis enim apud Deum est qui facit hæc. Hujus præcepti varias causas ponit Guillelmus Parisiensis libro de Fide et legibus. Prima est congruentia ipsius naturæ, ut quos natura sexu discreverat, discerneret et vestitus. Secunda, ut auferretur opportunitas latibulis turpitudinum. Posset enim vir intrare ad mulierem sub habitu muliebri, et e contra. Tertia est exterminatio sacrorum Martis ac Veneris, quia in sacris Martis, feminae non solum vestiebantur vestitu virorum, sed etiam armabantur, ad ostendendum quod Mars sit deus belli et dator victoriæ. Porro in sacris Veneris viri effeminabantur, exercebant sacra Veneris in vestitu femineo. Quarta, quoniam usus muliebrium vestium parit viris memoriam imaginationemque mulierum, et ita inflamat libidinem, et e contra ; aliasque varias causas assignat. Verum, ut tangit Augustinus, alia habet translatio, Non erunt vasa viri super mulierem, et per vasa intelligit arma : sicque usus armorum prohibetur hic feminis, quoniam non sunt communiter aptæ ad prælium, et propter causas prædictas. Unde et Glossa : Contra naturam, inquit, est, virum muliebria facere, comam erispare, torquere capillos. Nam et Apostolus ait : Vir si comam nutriat, ignominia est illi.*

*Si ambulans per viam, in arbore vel in terra nidum avis inveneris, non timebis matrem cum filiis, sed abire patieris, captos tenens filios, ut bene sit tibi, et longo vivas tempore.* Circa hoc scribit Thomas in prima secundæ, quæstione 402 : Ut Dominus Judaicum populum ad crudelitatem primum, ad misericordiam revocaret, voluit eos ad misericordiam exercere etiam circa bruta, prohibens aliqua fieri circa illa quæ ad crudelitatem quandam pertinere videntur : ideo prohibuit ne coqueretur hædus in lacte matris, et quod non alligaretur os bovi trituranti, et quod non detineretur avis cum pullis seu filiis suis. Istud quoque Rabbi Moyses dicit, et multi expositores.

Exod. xxiii,  
4.  
Ibid. 5.

1 Cor. xi,  
15.

Deut. xiv,  
21.

Ibid. xxv,  
5.



Verumtamen Guillelmus libro præallegato istud reprobat, dicens : Quidam ridicule et pueriliter dixit, præceptum hoc esse causa pietatis, ne mater avicula filios perdens, et simul occisa nimis affligeretur, in quo credidit Deum insinuare filiis Israel quam misericordes circa homines esse deberent. Dicimus ergo, quod illud bonum non est tantum, nec Deo tam placitum, ut tanta mercede remuneretur ab eo, quanta observantia legis tenetur. Quis enim audiens pro dimissione unius aviculæ tantum promittere præmium Deum, quantum pro totius observantia legis, risum contineat? Amplius, magis parcendum erat filiis, si pietas ibi locum haberet, quum filii nec sibi nec aliis possint consulere, et adhuc matre indigerent, ipsa vero non indigeret illis : sicque majori crudelitate tenentur et occiduntur filii in isto casu, quam mater. Non dubites igitur sapientissimum Deum per hoc mandatum voluisse damnare aliquam idololatriam, aut aliquid simile ei. Quemadmodum enim malefici observabant et explorabant coitus animalium aliquorum, ut eadem hora interficerent ea, et de eorum pulvere seu corporibus darent his, quos volebant suæ ardore libidinis inflammare, credentes eorum corpora vel pulverem hanc inflammandi virtutem habere, si eadem hora coitus interficerentur : sic credebant de ave pullis incubante, si ea incubandi hora caperetur, quod scilicet posset præstare fecunditatem et fortunam in filiis nutriendis. Et hoc scimus ex multis similitudinibus, quas legimus in libris maleficorum. Voluit ergo Deus hoc remove-  
re a cordibus populi ipsum colentis, quatenus ab ipso solo sperarent multiplicationem, fecunditatemque sœolis. Præterea observatores auguriorum, faustam et fortunatam reputabant inventionem nidorum cum matre et ovis seu filiis, et ideo ea non esse ab invicem separanda. Quod si ea dissiparent aut separarent ab invicem, bonam fortunam amitterent, et domos suas esse dissipandas cognoscerent : seque esse passuros in

se ipsis aut filiis suis, quod facerent illis, videlicet avi aut ovis seu pullis ipsius. Ideo voluit Deus hoc reprobare, et bonum quod augures speraverunt ex conservatione matris et pullorum, posuit in divisione illorum ab invicem. Hæc Guillelmus.

Verum has duas causas tangit etiam Thomas, cujus prima ratio non est reputanda ridiculosa aut puerilis, sed vera et magistralis. Quamvis enim dimissio aviculæ non sit in se res magna, tamen in quantum ex obedientia Dei procedit, et pietatis exercitatio quædam est, complacet Deo, et meritoria fuit boni prætacti, imo et vitæ æternæ, sicut in evangelica lege omnis actio ex caritate procedens, quantumlibet modica. Præterea pulli sine matre diu vivere non valebant sicut econtra : ideo fuit decentius dimittere matrem, quam pullos, præsertim quum mater amore pullorum incubaret eisdem.

*Quum edificaveris domum novam, facies murum tecti per circuitum.* In Palestina namque, cujus pars est Judæa, fiebant domus superius planæ, ita quod super tecta sedebant ad conferendum et solatiandum, et poterant cadere deambulando superius, nisi per circuitum tecti fuisset elevatio quædam structuræ a ruina præservans : quæ elevatio hic murus vocatur. *Ne effundatur sanguis in domo tua,* id est, ne aliquis cadens de tecto, se lædat, et expiret, *et labente alio, sis reus mortis illius,* non observando præceptum hoc, nec præcavendo periculum modo prætacto. Quemadmodum enim in culpa est qui perpetrat malum, ita qui non impedit, nec præcavet illud pro posse et sicut tenetur.

*Non seres vineam tuam altero semine,* In Levitico legitur. Agrum tuum non seres diverso semine : quod ibi expositum est. Hic vero specialiter jubetur, ne ager vineæ seminetur granis tritici, hordei, aut alio semine : cujus subjungitur ratio, *ne et seminis quam seristi,* id est, ne fructus seminis in terram projecti, *et quæ nascuntur ex vinea,* videlicet racemi seu uvæ, *pariter sanctificentur,* id est, putentur Domi-

Lev. XIV,  
19.

no eodem tempore offerendi, utpote decimæ atque primitiæ horum : quod tamen convenienter fieri nequit, quoniam blada quæ nascuntur ex seminibus, citius sunt matura quam uvæ : et si in messe bladorum solverentur eorum decimæ ac primitiæ, posset putari quod de fructu vineæ agri ejusdem, non essent decimæ ac primitiæ dandæ : quod esset contra legis præceptum, et Levitis sacerdotibus noceivum. Porro in Hebræo fertur haberi, Non seres mixtim, ne polluatür plenitudo seminis quod seminasti, et proventus vineæ : B ejus sensus est, quoniam fructus vineæ de novo plantatæ, tribus primis annis secundum legem fuit immundus, ut supra inductum est, et in Levitico legitur : propter quod ante quartum annum non poterat de fructu vineæ talis oblatio fieri, de bladis vero poterat fieri oblatio primo anno. Sed blada illa in vinea orta, fructum vitis tangendo, efficerentur immunda, tangendo immundum : sic utrumque reputaretur immundum atque ineptum ad immolandum. Ratio demum, quod Hebræi legunt, Pollutionem, ubi habemus, Sanctificationem, est, quoniam dictio Hebraica ad utrumque æquivoca est, et diversimode punctuatur ; attamen puncta non sunt de substantia litteræ, sed variant modum pronuntiandi et significandi, quemadmodum diversus accentus apud Latinos variat pronuntiationem et significationem.

Amplius, circa hæc scribit Guillelmus libro de Fide et legibus : Eisdem de causis, ob quas scilicet prohibuit usum vestis ex lino et lana contextæ, prohibuit Deus ne D vinea sereretur alio semine. Verumtamen unam in Deuteronomio addit causam, videlicet ne sementis et fructus vineæ simul Domino sanctificentur, hoc est, ne decimæ et primitiva eorum pariter offerantur, quæ Deus voluit diversis temporibus reddi, sicut diversis temporibus colliguntur. Utilitas præcepti juxta litteram manifesta est, quia collectio sementis fieri non valeret absque detrimento aut periculo vineæ. Ridiculum vero est, putare Dominum voluisse consu-

lere populo suo, in quo nullo indigebat consilio, quoniam tale detrimentum omnibus constat. Causa ergo in hoc fuit extirpatio idololatriæ Baechi et Cereris : quorum cultores sicut ritus et culturas illorum miscebant et conjungebant, sic et fructus quos beneficio deorum illorum se obtinere credebant, in eodem agro conjungere soliti erant, volentes Cererem et Baechum cultu atque operibus sociare. Hæc Guillelmus. Alia littera habet, Non seres vineam tuam altero semine, ne pariter suffocentur : quod comprobatur Josephus, conjunctionem hanc esse prohibitam asserens, quia natura non lætatur dissimilium commixtione.

*Non arabis in bove simul et asino, id est, bovem et asinum non conjunges in aratro ad arandum : quod aliqui dicunt jussum a Domino, quatenus Judæi exerceantur ad pietatem circa jumenta terræ, quemadmodum circa volucres, utpote circa aves et pullos, ut dictum est. Quum enim bos sit fortior asino, habeatque passum majorem, asinus valde molestaretur arando cum bove. Guillelmus autem dicit istud esse præceptum in detestationem idololatriæ. Has namque (ut ait) conjunctiones animalium diversarum specierum in eodem opere faciebant idololatræ, juxta conjunctiones planetarum et alias quasdam constellationes, ex hoc prosperari credentes. Voluitque Deus vanitatem hujus credulitatis remove a cordibus Judeorum tanquam radicem idololatriæ, ne per eam ad stellarum servitia traherentur. Creatore D relicto. Porro secundum Thomam in prima secundæ, quæstione 102, istud est parahælicum verbum, ut sit sensus : Non arabis in bove et asino, id est, in prædicationis officio non conjunges sapientem ac factum, quoniam unus impedit alium. Sapiens quippe per bovem, stultus per asinum designatur. Porro Josephus sic exposuit : Non arabis in bove et asino, id est, bobus tantum terra aranda est, ut nomine asini cetera omnia animalia intelligantur exclusa. Judæi autem dicunt hoc ideo jussum,*

quoniam Dominus noluit regi jumentorum, scilicet bovi, servile jumentum, videlicet asinum, copulari. Quatuor quippe quasi animalia regia ostendit Dominus Ezechie-  
Ezech. i. 3-10. li, utpote hominem, qui est rex animalium universorum : leonem, qui sub homine est rex ferarum : aquilam, qui est rex avium : bovem, qui est rex jumentorum. Nonnulli Hebræi puerilius dicunt hoc jussum. Nam quum bos ruminet, putaret asinus quod bos manducaret, sicque asinus afficeretur ad cibum, et fame affligeretur atque deficeret.

*Non indueris vestimento quod ex lana linoque contextum est.* Huic simile est illud Levitici : Vestem quæ ex duobus texta est, non indueris ; ubi de hac materia dicta sunt multa. Porro Parisiensis libro præallegato : Usus, inquit, vestis ex lino lanaque contextæ prohibitus fuit, ad litteram, quoniam sacerdotes idolorum in Ægypto hujusmodi vestibus maxime utebantur, a quibus voluit Dominus populum suum distingui. Alia causa exstitit generalis, quatenus scilicet idololatria, quæ talibus commixtionibus exercebatur, hac prohibitione pereuteretur. Tertio, ut ordo naturæ quem idololatræ multipliciter pervertebant, servaretur in vestibus, vestiumque materiis, ita ut linum esset sub lana, et ex lino fieret vera camisia, atque ex lana, tunica vera : quæ omnia confundebant et pervertebant idololatræ, in venerationem præsertim elementorum, ex quorum commixtionibus hæc gignuntur. Volebant quoque per talem vestium commixtionem insinuare, agricolas ac pastores esse obligatos ad famulatum stellarum, quarum favore ac beneficentia putabant fecunditatem et lanæ copiam in animalibus, atque fertilitatem in agris provenire. Propter quod lanam et linum in vestitu jungebant, ut ipso habitu hanc superstitionem profiterentur. Hujusmodi quoque conjunctiones lini ac lanæ in vestibus, faciebant cum observatione conjunctionis stellarum. Hæc Guillelmus. Porro Josephus ait, talem vestitum fuisse prohibitum propter sacerdotii dignitatem,

A quia in vestimentis pontificis fuit commixtio talis texture : ideo plebi fuit illicita.

*Funiculos in fimbriis facies per quatuor angulos pallii tui.* Hoc est quod in Numerorum libro scriptum est : Dixit Dominus ad Moysen : Loquere filiis Israel, ut faciant sibi fimbrias per angulos palliorum, etc., quod ibi expositum est. Glossa quoque hîc ait : Superstitiosi magistri, videlicet Seribæ et Pharisei, captantes auram populi et lucra ex muliereulis, dilatabant fimbrias, et alligabant eis spinas, ut vel am-

B bulantes vel sedentes, pungerentur, sicque ad serviendum Domino monerentur. Propter quod dixit Salvator : Dilatant phylacteria, et magnificant fimbrias.

*Si duxerit vir uxorem, et postea odio habuerit eam : quod erat mortale peccatum, si oderat eam, quoad ipsius personam ; si vero oderat eam, quantum ad culpam, non fuit illicitum ; quæsieritque occasiones quibus dimittat eam, objiciens ei nomen pessimum, utpote nomen adulteræ seu fornicatrici ; et dixerit, Uxorem hanc accepi, et ingressus ad eam, non inveni virginem ;* id est, secum accipient, eam pater et mater ejus : si ambo supersint, aut alter eorum ; vel si ambo obierint, hi qui loco parentum adsistere habebant puellæ : et fèrent secum signa virginitatis ejus, quam habebat quousque cognita fuit a suo marito, eam jam taliter diffamante, ad seniores urbis qui in porta sunt, id est ad judices, ad quorum jurisdictionem forumque pertinent, qui tunc sedebant in aliqua porta urbis ad judicandum, ut facilior cunctis pateret accessus ad ipsos : et dicet pater, qui est principalior parens : Filiam meam dedi huic uxorem, quam quia odit, imponit ei nomen pessimum, et dicit, Non inveni filiam tuam virginem : et ecce, hæc sunt signa virginitatis filię meæ. Expandent vestimentum coram senioribus civitatis. Circa hoc scribit Lyra : Dicunt expositores catholici, quod pater et mater sponsæ reservabant linteum, in quo eorum filia a suo viro fuerat deflorata, sub sigillo authentico, ut per hoc ostenderetur signum

*Num. xv. 37, 38.*

*Math. xxiii, 5.*

*Lev. xix, 19.*



virginitatis suæ, si vir eam postea modo præfato accusaret. Sed hoc videtur valde turpe, quod pannus talis extenderetur eorum iudicibus. Præterea non est verisimile, quod maritus auderet conjugem taliter accusare, quum sciret parentes uxoris testimonium tale habere virginitatis filiae suæ: quoniam consuetudo erat communis, sic servare huiusmodi pannum seu linteum secundum istam opinionem. Ideo aliter exponunt Hebræi, dicentes quod hæc sit locutio parabolica, ut sit sensus: Expandent vestimentum, etc., id est, per verba B testium declarabunt et explicabunt virginitatem filiae suæ, sicut explicatur pannus. Hæc Lyræ.

Circa hæc dico, non sic præferri debuisse hoc loco expositionem Hebræorum expositioni Catholicorum: et quamvis aliqui Catholici dicant illud, non tamen tam magni aut multi, quod absolute dicendum sit, Expositores catholici dicunt hoc, etc. Insuper expositioni huic quorundam Catholicorum littera evidenter consonare videtur. Primo in eo quod ait, Ferent secum C signa virginitatis suæ: ex quo apparet, quod sensibilia aliqua super hoc signa secum ferebant parentes puellæ. Secundo, in eo quod dicitur, Expandent vestimentum, etc. Amplius, quia Judæi tam proni erant ad odium, suspensiones, accusationes, atque repudium suarum uxorum, verisimile potest videri, quod ad obviandum periculis talibus parentes puellæ reservaverint sibi tale sensibile signum virginitatis filiae suæ. Objecta quoque faciliter possunt solvi. Quamvis enim sine rationabili et urgente D causa inhonestum foret, talem iudicibus ostendere pannum, tamen ad proferendum rectum iudicium, ad liberandum innocentem, ad tollendum malum de Israel, poterat talis ostensio irreprehensibiliter fieri, sicut et medicis magnis ostenduntur aliquando loca læda ob corporis sanitatem. Poterat quoque ostensio illa curialiter fieri et ad partem. Signa autem virginitatis determinantur a medicis. Estque in puellis virginibus signaculum ipsum virginitatis,

A pellicula quæ in defloratione corrumpitur: ejus læsionis signum et testis est cruor effluens, ejus in linteis manent indicia.

*Apprehendentque seniores urbis illius virum, et verberabunt illum*, id est, percuti facient in iudicio convictum, sic quod percussio ultra quadraginta ictus non extendatur, ut infra patebit: *condemnantes insuper virum illum mendaciter accusantem conjugem, centum siclis argenti, quos dabit patri puellæ*, quem confundebat tali accusatione: idcirco in recompensationem tantæ dehonorationis, dedit ei summam illam pecuniæ. *Quod si verum est quod objicit, et non est inventa in puella virginitas*, id est, si puella fuerit inventa rea, *ejicient eam extra fores domus patris sui, et lapidibus obruent, et morietur*: quia jam fuerat viro affidata ante suam violationem nefariam, sicque matrimonium fuerat inchoatum. Si autem tempore suæ violationis nondum fuisset viro affidata, non fuisset lapidanda, ut infra habetur, nisi fuisset filia sacerdotis. Præterea objici potest contra id quod dictum est, virum suam conjugem mendaciter accusantem, esse flagellandum, pecuniamque daturum: uxorem autem convictam, lapidandam: quoniam juxta præhabita, pœna talionis est infligenda falso accusatori in probatione deficiente, ergo et vir debuit lapidari. Ad hoc Augustinus respondet, quod lex voluit feminas maritis esse subjectas, ita quod non iudicantur semper ad paria, etiam in tori violatione. Vir quoque poterat plures ducere conjuges, et uxorem repudiare: D quorum nullum permissum est conjugii.

*Si dormierit*, id est coierit, *vir cum uxore alterius, uterque morietur per lapidationem*, quum fuerint rite dijudicati. Adulterium namque gravissimum crimen est, et post homicidium est unum de enormioribus quæ committi possunt in proximum: in quo crimine fractio est voti fidei conjugalis, transgressio præcepti fornicationem vetantis, furtum seu rapina, dum alicui sua subtrahitur conjugalitatis palam aut clam: ex quo etiam crimine incertitudo

sequitur prolis, atque hereditatio prorsus injusta. *Si puellam virginem desponsaverit vir, et invenerit eam solam aliquis alter in civitate, aut certe in villa satis populosa, et concubuerit cum illa, duces utrumque ad portam civitatis, puta ad iudices, et lapidibus obruentur data sententia: puella, quia non clamavit, quum esset in civitate, id est, in loco ubi clamanti poterat ab audientibus subveniri: quo constat, quod si clamans fuisset oppressa omnino invita, aut a clamore sufficienti fuisset per virum penitus impedita, mori non meruisset: vir, sive esset alteri sociatus conjugio, sive non, quia humiliavit, id est, libidinose viliterque tractavit, ac vilipendendam fecit, uxorem proximi sui, eum qua tamen vir cui erat affidata, necdum matrimonium consummavit. Sin au-*

*tem in agro, id est, si vir taliter violasset virginem alicui desponsatam in loco, ubi nemo poterat subvenire puellæ, quamvis clamaret, tunc solus vir ille fuerat lapidandus: quia de puella præsumitur, quod clamavit ac restitit quantum valebat. Jura namque sunt pia, et dubia interpretantur in melius. Si invenerit vir puellam, quæ non habet sponsum, etc.* Textus est planus, et in Exodo præhabitus atque expositus. Itaque in isto casu quo vir opprimit sic puellam non desponsatam, compellitur eam legitime ducere, nec potest circa eam uti licentiatione repudii, ne videatur eam ad ludibrium accepisse, potiusque finisse quod duxerit eam. Hoc quoque de illa jubetur, cui vir fuit calumniatus de virginilibus non inventis. *Non accipiet homo, etc.* Istud in Levitico expositum est.

*Exod. xxii, 16.*

*Lev. xviii, 8.*

## ARTICULUS XXIV

### EXPLANATIO SPIRITUALIS EJUSDEM CAPITULI VICESIMI SECUNDI.

**N**ON videbis bovem fratris tui aut ovem errantem, et præteribis, sed reduces fratri tuo. Si pietas ista brutis fuerat impendenda amore proximi possessoris: quanto magis unusquisque Christifidelis, præsertim prædicator sive prælatus, si viderit alterius prælati aut patrisfamilias, vel cognati aut proximi sui subditos sive discipulos aut ministros a via justitiæ deviantes, debet pro illorum reductione laborare orando, hortando, corripiendo, docendo, et omni quo prævalet modo, quousque per caritatem rursus incorporentur Ecclesiæ? Quod et asino, id est unicuique obtuso ac vili, est faciendum, ne alienjus conversio, salus et anima parvipendantur, præsertim in quantum est rationalis creatura ad Dei similitudinem facta, sanguine Christi redempta, atque ad beatificam Deitatis fruitionem desuper ordinata. *Si vide-*

*ris asinum fratris tui aut bovem cecidisse in via, non despicias, sed sublevabis: id est, si noveris simplicem et idiotam, qui designatur per asinum: aut fortem et doctum, qui nomine bovis exprimitur, in peregrinatione hujus vitæ exsiliique peccasse, non parvipendes lapsum ipsius, sed modis prætactis coneris eum erigere, sicut ait Apostolus: Si præoccupatus fuerit homo in aliquo delicto, vos qui spirituales estis, hujusmodi instruite in spiritu lenitatis. Itemque: Qui stat, videat ne cadat. Et si ceciderit, sublevari eum. Et si in ruina lætatur alterius, non erit impunitus. Denique ita peccare censetur, qui lapsum pro posse non erigit, quemadmodum qui stantem præcipitat.*

*Galat. vi, 1.*

*1 Cor. x, 12.*

*Prov. xvii, 5.*

*Non induetur mulier veste virili.* Per vestem operatio designatur. Mulier ergo non intromittat se de officio, actu, negotio

ad viros spectantibus: sed suis terminis sit contenta, nec dominari quærat marito, nec publice prædicare aut sacris Ordinibus ingerere se præsumat, et quæ in domo agenda sunt, prudenter exerceat, non discurrens nec garriens. *Nec vir utetur veste feminea*, id est, femineæ levitati, inconstantiae, imperfectioni, carnalitati non subiciatur. *Si nidum avis inveneris*. Nidus avis, est mansio animæ fructuosæ, quæ per contemplationem nidificat in arbore, hoc est, in cruce Christi, considerando immensam profunditatem sapientiæ superdignissimæ Trinitatis, circa mysterium humane redemptionis: insistendo autem operibus vitæ activæ, in terra nidificat: quæ incubat ovis et pullis suis, dum vel propriam considerationem \* examinat, deflet, expurgat, vel sibi commissis aut spiritualibus filiis est intenta, arguendo, obsecrando, instruendo. Talis anima non est tenenda, id est, a suis exercitiis impedienda: sed præfati pulli ipsius iugo obedientiæ sunt aretandi, ut assuescant regi ac parere in omnibus, nec ante tempus quærant volare, quousque pennis virtutum ac sapientiæ decorentur. *Quum edificaveris domum novam*, id est, structuram et profectum virtutum in te ipso aut in aliis feceris, *facies murum tecti per circuitum*, id est, undique munies eam discretione, circumspectione, custodia, *ne effundatur sanguis in domo tua*, id est, ne aliquem scandalizes, aut a tuis scandalizari permittas. *Non seres vineam tuam altero semine*, id est, neque in agro et vinea cordis tui, neque in familia tua aut populo tibi commisso, spargas aut diffundi permittas hæreticas pravitates, vitiorum admixtiones, ignorantias aut errores. *Non indueris vestimento quod ex lana linoque contextum est*, id

\* conver-  
sationem

A est, conversationem vitio duplicitatis, simulationis aut calliditatis nequaquam admittas.

*Si duxerit vir uxorem*, id est, animam alicujus regendam acceperit, vel congregationi alicui præferatur, et postea ex motu aversionis ac displicentiæ quærat eam relinquere, imponens illi quemcumque gravem excessum, aut errorem in fide, et Deus pater ac mater Ecclesia oppositum hujus monstraverint, ipse debitis subiacet suppliciis. Quod si anima aut congregatio sibi B commissa, in culpa exstiterit, lapidibus obruetur, id est, acriter corripietur ac disciplinabitur. Contra hæc agunt, qui ecclesias aut parochias sibi commissas faciliter deserunt et aliis committunt: peccantque gravissime, qui insufficientes instituunt sive substituunt, aut commutant cum talibus. *Si dormierit vir cum uxore alterius*, id est, si quis sponsam Christi corporaliter, spiritualiterve polluerit: ambo peribunt, et maxime ipse, nisi condigne pœniteant. *Si puellam virginem desponsaverit vir*, id est, Christus aut ejus vicarius sibi caritative univerit animam virtuosam aut congregationem devotam, et alius cum illa coierit, id est, deceiverit atque subverterit illam in civitate, utpote in militanti Ecclesia, et ipsa sic desponsata, non clamaverit Dominum invocando, resistendo, dissentiendo, atque ad suum superiorem confugiendo: ambo pariter damnabuntur. Porro, si in agro hoc fecerit aliquis, id est seorsum nullo sciente, et importune omnino, ipse peribit, quia ex habitu vitioso et deliberatione pertinaci peccavit. Illa vero miseratione digna videtur, et gratiose reducetur a Spiritu Sancto. Omnis itaque spiritualis fornicatio et aliorum infectio, prohibentur his verbis.



## ARTICULUS XXV

DECLARATIO LITTERALIS CAPITULI VICESIMI TERTII : NON INTRABIT EUNUCHUS, ETC.

**Q**UALITER alienigenæ fuerint ad Judaorum civilitatem, societatem, aut religionem admittendi, vel non admittendi, nunc edocetur. *Non intrabit eunuchus attritis vel amputatis testiculis, et abscisso veretro*, id est membro virili, *ecclesiam Domini*. Per ecclesiam Domini, quidam intelligunt atrium templi aut tabernaculi, in quod intrabant mundi, et orabant ac offerebant in eo. Alii, præsertim Hebræi, per ecclesiam Domini, intelligunt communionem connubii, seu societatem matrimonialem cum filiis filiabusque Israel, si- que in se et in sobole sua fieri de populo Dei; sed hoc non videtur oportuisse prohiberi eunuchis, qui cum nulla possunt persona contrahere. Quidam per ecclesiam Domini, intelligunt civilitatem Israelitici populi Deum colentis : quæ civitas quibusdam perpetue negabatur, quibusdam ad tempus. Porro bonum rei publicæ, tempore tranquillitatis in tribus consistit ac eustoditur. Primo, per honesta connubia, ex quibus melior soboles communiter generatur : et juxta hoc procedit secunda expositio jam prætaeta. Secundo, per hoc quod personæ indignæ a divinis excluduntur : et juxta hoc procedit expositio prima. Tertio, per hoc quod viri alieni ac perfidi non admittuntur ad regimen plebis, plenamque participationem civilitatis: juxta quod expositio tertia est procedens. *Non ingreditur manzer, hoc est de scorto*, id est meretrice, *natus, in ecclesiam Domini*, secundum triplicem expositionem inductam, *usque ad decimam generationem exclusive*. Circa hoc Magister in historiis ait : Forte, quia solum manzerem nominavit, non excludebatur ab ecclesia Dei spurius, id est natus de concubina, qui

A pro spureitia incontinentiæ dicitur spurius, vel nothus, id est de adultera natus, quum tamen putetur esse legitimus. Manzer non copulabatur filiabus, nec legitimus filius ejus, nec nepos usque ad decimum successorem, qui poterat intrare ecclesiam Dei, quoniam penitus erat extincta opprobrii antiqui memoria. Nunc autem in Ecclesia Christi, non solum manzeres, sed et spurii a sacris excluduntur Ordinibus.

*Ammonites et Moabites*, id est nati ex Ammon et Moab filiis Lot, *non intrabunt in ecclesiam Domini in æternum*, nisi aliquo speciali virtutis privilegio mereantur oppositum, *quia noluerunt vobis occurrere cum pane et aqua in via*, id est in solitudine juxta terram ipsorum. Contra hoc objici potest, quia ut jamdudum tactum est, Moabitæ portaverunt populo Israel alimenta venalia in confinio terræ suæ. Ad hoc secundum Lyram respondent Hebræi, quod viri ex Moab non fecerunt hoc, sed in urbibus suis manserunt armati ad custodiam sui regni. Mulieres vero ex Moab portabant cibaria illa : propter quod viri Moabitæ repulsi sunt a matrimonio Israelis, non mulieres : unde Ruth nupta est Booz Hebræo. In Scholastica vero historia dicitur, quod occurrerunt filiis Israel cum pane tantum, et non cum aqua, quum tamen scirent filios Israel siti in eremo laborare. Cui concordat Glossa : Tradunt, in- quiens, Hebræi, quod hæ gentes invicem propinquæ, exeuntibus sibi de Ægypto occurrebant cum pane tantum, etc. Hæc concordando, dici potest, quod quidam Hebræi dicunt illud, alii istud. *Et quia conduce- runt contra te, Balaam filium Beor, ut Numerorum liber habet, ut malediceret tibi, dando consilium contra te, et impre-*

Deut. II,  
28, 29.

Ruth IV, 13.

Num. XXII,  
5, 6.

cando tibi mala, exsecrandoque te : *et no-* A  
*luit Dominus uindicare Balaam*, id est, pra-  
 vum ipsius voluntatem compescuit, et ejus  
 propositum impedivit, *vertitque maledi-*  
*ctionem ejus*, quam mente concepit, in be-  
 nedictionem tuam, eo quod diligeret te :  
 quoniam subito immutavit Dominus Deus  
 cor Balaam, ita quod mutato proposito, in  
 verba benedictionis prorupit : tandem ta-  
 men dedit iniquum consilium ad decep-  
 tionem atque interitum plurimorum. Sic  
 Moabitae et Ammonitae videntur gravius  
 peccasse in filios Israel, quam Idumaei sive  
 Egyptii, quoniam nequius contra ipsos  
 egerunt, et spiritualiter persecuti sunt ip-  
 sos, inducendo eos ex consilio Balaam ad  
 fornicationes, adulteria, esumque idolothy-  
 torum et adorationem idolorum suorum.  
 Aegyptii vero corporaliter tantum persecuti  
 sunt filios Israel : quibus et Idumaei manu  
 occurrerunt armata.

*Non facies cum eis pacem*, id est civili-  
 tatis concordiam aut conjugalem quietem ;  
*nec queres eis bona*, id est prosperitatem  
 tecum in eadem republica, *cunctis diebus* C  
*vitalis tuae in sempiternum*. Non tamen erant  
 simpliciter odiendi : nam et David sanctus  
 parentes suos commisit regi Ammon\*, ut  
 primo Regum habetur : nec a cultu veri  
 Dei abjiciendi, nec affectu pacis pectoris  
 spoliandi. Quamvis enim justo Dei homi-  
 numque iudicio, interdum posterius propter  
 suorum excessus parentum in bonis cor-  
 poralibus puniantur, quia secundum cor-  
 pus a parentibus descenderunt, nunquam  
 tamen in spiritualibus bonis.

*Non abominaberis Idumaeum, quia fra-* D  
*ter tuus est*, id est, Idumaeos natos ex Esau  
 fratre Jacob, non ita aspernaberis sicut  
 Moabitas ac Ammonitas, quia de duobus  
 fratribus uterinis geniti estis. Non autem  
 est aliquis abominandus, quantum ad bo-  
 na quae habet a Deo, sed quantum ad mala  
 quae habet ex se ipso, vel ex propagatio-  
 ne carnalis originis inficiata\*. *Nec Egy-*  
*ptium, quia udcena fuisti in terra ejus*, in  
 te, vel in lumbis patrum tuorum, qui ha-  
 bitaverunt in terra ejus, puta Aegyptiorum,

et ita consecuti estis aliqua bona ex ipsis  
 Aegyptiis. *Qui nati fuerint ex eis, tertia*  
*generatione intrabunt in ecclesiam Domi-*  
*ni*, puta in atrium templi, connubium Is-  
 raelis et civilitatem ipsius, quando petierint  
 hoc. De ceteris gentibus non exprimitur  
 hic regula specialis, sed juxta prohibitatem  
 eorum, postquam conversi fuerint ad Ju-  
 daismum, fieri potuit post certam inde ex-  
 perimentalem probationem.

Circa haec scribit Thomas in prima se-  
 cunda, quaestione 105 : Triplex offerebatur  
 B Judaeis occasio, ut cum extraneis pacifice  
 communicarent. Primo, quando extranei  
 per terram eorum transitum faciebant ut  
 peregrini : secundo, quando in terram eo-  
 rum veniebant ad habitandum ut advena-  
 et quantum ad utrumque horum, lex dedit  
 pia praecepta. Nam in Exodo dicitur : Ad-  
 venam non contristabis ; et, Peregrino mo-  
 lestus non eris. Tertio, quando aliqui ex-  
 tranei in eorum ritum atque consortium  
 omnino admitti volebant : et in his ordo  
 attendebatur. Non enim statim recipiebantur  
 C quasi cives, sicut et apud quosdam gen-  
 tilium fuit statutum, ut non repntarentur  
 cives, nisi qui ex avo vel atavo cives ex-  
 sisterent, ut ait Philosophus in Politicis :  
 quoniam si extranei advenientes, statim  
 reciperentur ad tractandum ea quae sunt  
 populi, possent pericula multa contingere,  
 dum extranei nondum habentes firmatum  
 amorem ad bonum commune, attentarent  
 aliqua contra populum. Ideirco lex statuit,  
 ut de quibusdam gentibus habentibus ali-  
 quam affinitatem ad Judaeos, scilicet de

Aegyptiis, inter quos fuerant nati et edu-  
 cati, et de Idumaeis filiis Esau fratris Ja-  
 cob, in tertia generatione reciperentur in  
 consortium populi : quidam vero, quia ho-  
 stiliter se habuerunt ad eos, ut Ammo-  
 nitae et Moabitae, nunquam in consortium  
 populi admitterentur : Amalecitas vero, qui  
 magis eis fuerant adversati, quasi hostes  
 perpetui haberentur. — Itaque lex nullam  
 gentem exclusit a cultu Dei, et ab his  
 quae pertinent ad salutem. Dicitur enim in  
 Exodo : Si quis extraneorum in vestram

Num. xxiii,  
8.

Ibid. xxxi,  
16.

\* Moab.  
1 Reg. xxi,  
3, 4.

\* infecit

Exod. xxii,  
21 ; xxi, 9.

Gen. xlviii,  
27. Exod. i,  
7.  
Gen. xxxvi,  
8, 9.

Num. xxi,  
23 ; xxi, 6.

Exod. xvii,  
8, 16.

Ibid. xxi, 38.

voluerit transire coloniam, et facere Phase A Domini, circumcidetur primo omne masculinum ejus, et tunc rite celebrabit, eritque sicut indigena terræ. Sed in temporali- bus, quantum ad ea quæ pertinebant ad communitatem populi, non statim quilibet admittebatur ratione præacta, sed quidam in tertia generatione, alii nunquam, in detestationem præteritæ culpæ. Sicut enim punitur unus homo propter peccatum quod commisit, ut alii videntes timeant et peccare desistant, sic propter aliquod peccatum gens vel civitas potest puniri, ut alii a simili peccato abstineant. Poterat tamen dispensative aliquis in collegium populi Dei admitti propter aliquem actum virtutis, quemadmodum in libro Judith dicitur quod Achior dux filiorum Ammon, appositus est ad populum Israel, et omnis successio ejus. Similiter Ruth Moabitis, quæ mulier erat virtutis. Licet posset dici, quod prohibitio illa extendebatur ad viros, non ad mulieres, quibus non competit simpliciter esse cives. — Præterea, secundum Philosophum in libro Politicorum, dupliciter dicitur aliquis esse civis : uno modo simpliciter, alio modo secundum quid. Simpliciter civis est, qui potest agere quæ civium sunt, utpote dare consilium, vel exercere in plebe judicium. Secundum quid autem dicitur civis, quicumque civitatem inhabitans, etiam viles personæ et pueri, ac senes decrepiti, qui non sunt idonei habere potestatem in his quæ pertinent ad bonum commune. Ideo spurii propter vilitatem originis excludebantur ab ecclesia Dei, id est a collegio fidelis populi usque ad decimam generationem : similiter eunuchi, quibus non potest competere honor qui patribus debebatur, et præcipue in populo Judæorum, in quo Dei cultus conservabatur per carnis generationem. Nam et apud gentes hi qui multos filios genuerunt, aliquo insigni donabantur honore, ut in secundo Politicorum habetur. Tamen quantum ad ea quæ ad Dei gratiam pertinent, eunuchi ab aliis non separabantur, sicut nec advenæ. Dicitur namque per

A Isaiam : Non dicat filius advenæ qui adheret Domino, Separatione me dividet Dominus a populo suo ; et non dicat eunuchus, Ecce ego lignum aridum. Hæc Thomas.

*Quando egressus fueris, o popule Israel, adversus hostes tuos in pugnam, id est bello imminente, custodies te ab omni re mala, id est ab omni culpa : quia tunc tanto diligentius est vitanda Dei offensio, quanto tunc magis necessaria est ejus subventio, quoniam ipse victoriam donat, et juxta merita atque demerita hominum dispensat* B *eventus bellorum, sicut et Salomon loquitur : Equus paratur ad diem belli, Dominus autem salutem tribuit. Et alibi ait Scriptura : De cælo est victoria.*

*Si fuerit inter vos homo qui nocturno pollutus sit somnio, hoc est pollutionem seu fragilitatem passus in somno : quod variis modis potest contingere, utpote ex erapula præcedenti, ex turpi imaginatione, contactu, osculo, amplexu, aut simili vitio in vigilia habitis, ex superfluitate naturæ, et demonum illusionem, ex debilitate et exinanitione naturæ ipsius, aut naturali somniatione. Verumtamen in somno, quando jam ligatum est rationis judicium, et impeditus usus ipsius, non peccat homo, nec pollutione spirituali, sed corporali pollui potest : attamen sæpe contingit illa somnialis pollutio præcedentis culpæ demerito, sicque detestabilis redditur, in quantum causa ejus voluntarie ac culpabiliter est admissa. Rursus, si post exigationem complacere talis illusio in somno præhabita, propter delectationem quæ fuit in somno pollutioni admixta, valde culpabile est.* C

*Egreditur extra castra, et non revertetur priusquam ad vesperam lavetur aqua, et post solis occasum regreditur in castra.* In præcedentium expositione librorum inductum est, qualiter triplicia erant castra in populo Dei, videlicet castra Deitatis, quæ erant tabernaculum et atrium : castra sacerdotum, quæ erant aedes et mansiones, in quibus per circuitum tabernaculi morabantur Levitæ. Pollutus autem in somno, nec atrium tabernaculi, nec tabernacula

II. lvi, 3.

Prov. xxi, 31.  
I Mach. iii, 19.

Judith xiv, 6.

Ruth i, 16.



Levitarum poterat ingredi, sed propria castra, sicut de hoc dictum est plenius in Numerorum et Levitici libris ac aliis locis. Augustinus quoque hic ait: Multa ponit lex in sacramentis et umbris futurorum. Sicque post effusionem seminis factam in somno, lex jubet purgationem fieri per aquae lotionem, videlicet aquae lustrationis adspersionem, non quod in somnis peccatum sit, sed propter significationem quae alibi saepe expressa est.

*Habebis locum extra castra, ad quem egrediaris ad requisita naturae, gerens passillum batteo. Quinque sederis, fodies per circuitum, et egesta humo operies quo relevator es.* Illic praecipitur ut ad secessum ituri, exirent etiam castra populi, et egesta humo operirent in loco effosso, ne aliis nauseam facerent, et aer inficeretur foetore, quia tunc in solitudine commanebant. Nempe, ut loquitur Glossa, etiam corporalem munditiam diligit Deus, ideo jussit nihil foedum remanere in castris. De hujus praecepti causis multa scribit Parisiensis libro de Fide et legibus, quae tamen virtualiter tactae sunt, et infra in textu tangitur inde. Tunc enim frequenter manebant diu in loco eodem: quod facere non potuisset tanta multitudo, nisi eis ab egestorum caveretur foetore. Fuit et alia causa, videlicet reverentia praesentiae majestatis divinae. Unde subjungitur: *Dominus enim Deus tuus ambulat in medio castrorum, ut eruat te, et tradat tibi inimicos tuos*, id est, gratiose adest, graditurque vobiscum: non quod ipse localis mobilisve consistat, sed ratione sui effectus, et per similitudinem operis sibi talia adscribuntur, quia progredientibus ubilibet adfuit, atque in bonorum cordibus morabatur. Specialiter quoque dicitur istud, quoniam tabernaculum Dei fuit in medio populi, et in tabernaculo illo Dominus specialiter habitavit, operando, apparendo, et exaudiendo ibidem apertius. Hinc secundo Regum Dominus ait: *Ambulavi in tabernaculo et in tentorio, per cuncta loca quae transivi cum omnibus filiis Israel. Ut sint*

*A castra tua sancta, et nihil in eis appareat foeditatis, ne derelinquat te.*

*Non trades servum domino suo, qui ad te confugerit.* Hoc, secundum Thomam et alios multos, intelligitur de servo quem dominus suus quaerit ad occidendum, mutilandum, vel ad perpetrandum flagitium aliquod, et praesertim dum servus est innocens. *Habitabit tecum in loco qui ei placuerit, et in una urbium tuarum requiescet*, ut in loco munito securus sit, quousque dominus ejus mitescat, et elementer ipsum recipere velit; tuncque reddendus est domino, quum sit ejus possessio. Ne contristes eum, quia afflicto non est addenda afflictio. Porro circa hoc loquitur Augustinus: Quomodo istud poterit verificari, nisi intelligamus haec juberi non uni personae, sed plebi, ita quod Deus prohibuit confugientem servum ex aliena gente ad populum Israel, reddi domino suo alienigenae ab Israelitico rege? Et ista expositio aptior esse videtur, si littera debite inspicatur.

*Non erit meretrix de filiabus Israel*, id est, nulla filiarum Israel corpus suum habebit venale, et publicae libidini expositum, imo nec alieni illegitimae copulae carnis: *neque scortator de filiis Israel*: quia tam foeda atque enormia vitia, singulariter indecentia et illicita sunt populo verum Deum colenti. Itaque secundum Augustinum, per verba haec omnis illegitimus coitus, etiam simplex fornicatio, prohibetur. *Non offeres mercedem prostibuli, nec pretium canis in domo Dei tui, quidquid illud est quod voveris*, id est, nullum votum persolves de mercede prostibuli, aut pretio canis. Quamvis enim meretrix peccet, se pro mercede prostituendo, non tamen peccat illam accipiendo, nec ad restitutionem tenetur. Ecclesia vero despiciat tale pretium sibi offerri, ne videatur turpitudini consentire, et propter vilitatem ac foeditatem hujusmodi lucri. Nam et ab omni specie mali praecaveat sibi. Porro, quod dictum est, ut pretium canis non offeratur, Augustinus et eum sequentes exponunt de pri-

mogenitis canum, quæ non poterant redimi neque offerri : ideo pretium pro ipsorum redemptione non offerebatur. Josephus vero exponit de venaticis canibus, vel qui custodiunt oves, quos quidam Judæi locabant ad impregnationem canicularum : et tale pretium, tamque vile et turpe lucrum prohibuit Dominus sibi offerri.

*Non fenerabis fratri tuo ad usuram pecuniam, nec fruges, nec quamlibet aliam rem, sed alieno. Fratri autem tuo absque usura id quo indiget, commodabis, ut benedicat tibi Dominus Deus tuus in omni opere tuo, in terra ad quam ingredieris possidendam.* Hic permittitur usura Judæis circa extraneos, et prohibetur eis circa propriam plebem. Unde in prima secunda, quæstione 105, loquitur Thomas : Accipere usuras ab extraneis, non erat secundum intentionem legis, sed ex quadam permissione, propter pronitatem Judæorum ad avaritiam, utpote ad vitandum gravius malum, ne homines suæ cognationis ac legis per usuras gravarent, atque ut magis pacifice ad extraneos se haberent, a quibus lucrabantur. Fuit ergo permissio mali minoris, propter vitationem mali majoris. De hoc sic scribit Guillelmus libro de Fide et legibus : Sunt quædam in lege permissa, nullo modo præcepta : permissa, inquam, hoc est lege non punita, sicut exactio usurarum ab alienis : quæ permissa sunt, ut majora mala declinarentur. Sciebat namque legislator, hanc esse Judæorum cupiditatem et avaritiam, ut nec fratribus suis, id est Hebræis, parcerent ab usuris, nisi alienis ad usuram dare permitterentur. Usura

namque in se mala est, evidensque rapina. Fecit ergo legislator per hujusmodi permissionem, quod in tali populo fieri potuit, ut scilicet per minoris mali permissionem, a majoribus malis averterentur. Hæc Guillelmus. Istud ergo fuit permissio, sicut libellus repudii : quorum nullum sine peccato fiebat. Denique de ista materia scribit prolixè Henricus de Hassia libro suo de Contractibus, inter cetera dicens, quod Judæi modo plus peccent, concedendo Christianis ad usuram, quam olim peccassent concedendo ad usuram fratribus suis, quoniam Christiani sunt veri Israelitæ. Leges demum civiles permittunt usuram, non tanquam licitam, sed propter communem hominum utilitatem. Est autem usura (secundum Philosophum) maxime contra naturam et rationem.

*Quum votum voveris Domino Deo tuo, non tardabis reddere, quia requireret illud Dominus Deus tuus. Et si moratus fueris, reputabitur tibi in peccatum. Si nolueris polliceri, absque peccato eris. Quod autem semel egressum est de labiis tuis, observabis, et facies sicut promisisti Domino Deo tuo, et propria voluntate et ore locutus es. Itaque tempore opportuno votum solves citius quo potueris, nisi in vovendo tempus certum exprimatur, quo quod promittitur, impleatur. Istud præhabitu est atque expositum. Ingressus vineam proximi tui, comede uvas quantum tibi placuerit, foras autem ne efferas tecum. Si intraveris segetem amici tui, franges spicas, et manu conteres, falce autem non metes.* Istud quoque frequenter expositum est.

## ARTICULUS XXVI

DE SPIRITUALI EJUSDEM CAPITULI VICESIMI TERTII INTELLIGENTIA.

**N**ON intrabit eunuchus. Per eunuchum A hoc loco intelligitur homo infructuosus, vitiis inveteratus, ita quod quasi vim bene agendi amisisse videtur, de illorum existens catalogo, quibus dicitur per Jeremiam : Si potest Æthiops mutare pellem suam, et pardus varietates suas, et vos poteritis benefacere quum didiceritis malum. Qualibus loquitur et Salvator : Hypocritæ, quomodo poteritis bona loqui quum sitis mali ? Qui talis est, militantem non intrat Ecclesiam per Dei gratiam gratum facientem et caritatem, nec Ecclesiam triumphantem per gloriæ adeptionem, nec est civis Sanctorum et domesticus Dei, sed minister ac putridum membrum diaboli. *Non ingredietur manzer*, hoc est, qui de seorto natus est, id est degener moribus, qui a sanctorum patrum virtuosa nobilitate degenerat, et educatus est vitiis, perfidisque doctrinis, ex hæresiarcha aut seductore et malignorum ecclesia ad tale esse deductus, *in ecclesiam prædestinatorum*, in Ecclesiam Dei, *usque ad decimum generationem*, id est, quousque per decem C præceptorum custodiam Deo reconcilietur.

*Ammonites et Moabites non intrabunt ecclesiam Domini in æternum*. Per Ammonitas et Moabitas intelliguntur schismatici atque hæretici, ex patre diabolo nati, invicemque concordēs in malis ad persequendum justos vere catholicos : quos per se ipsos et per versutos persuasores ad errores et vitia, imo et ad temporales adversitates et elades trahere moluntur, et pœnitentibus, qui de Ægypto, id est de tenebris mundi, egrediuntur, non volunt D occurrere cum pane vitæ et intellectus, et aqua sapientiæ salutaris, quia non quærunt eos spiritualiter reficere, sed magis inficere, suis eos erroribus involvendo. *Non abominaberis Idumæum, quia frater tuus est*, id est hominem carnalem carnalibus vitiis irretitum : quæ vitia (loquendo in genere) sunt spiritualibus vitiis leviora, propter quod tales quandoque convertuntur facilius. Porro qui spiritualis est, recoilat quoque se quandoque carnalem fuisse : sieque non solum communi natura, sed et similitudine culpæ dici posse fratrem viri carnalis. Docemur quoque hoc verbo, ut ceteris paribus, simus magis caritativi, spiritualiterque benefici circa cognatos : nec eos, quamvis adhuc mundanos, abomine- mur : imo corde, ore et opere ipsorum conversionem conemur. *Nec Ægyptium*, id est homines huic sæculo adhuc intentos, inter quos et tu aliquando es conversatus, et socius fuisti eorum in malis. Non ergo prorsus abhorreas eos indiscreto amaritudinis zelo, sed communis infirmitatis te tangat memoria, ut labores eos habere in virtutibus socios, *Qui nati fuerint ex eis tertia generatione*, id est, per contritionem, confessionem et satisfactionem, atque in fide superbenedictæ Trinitatis, incorporabuntur Christo, et sanctæ Ecclesiæ.

*Quando egressus fueris adversus hostes tuos in pugnam, custodies te ab omni re mala*. Sic religiosi et omnes vere conversi ad Dominum, qui exierunt de laen miseriæ, lutoque lacis, et pristina conversatione iniqua, quibus jure bellum est contra hostes suæ salutis, indesinenter custodire se debent ab omni culpa, ut mereantur juvari a Deo, nec expugnentur. *Si fuerit inter vos homo qui nocturno pollutus sit somnio*, id est, vanis somniis credidit, et imaginationibus stultis consensit, aut de oblectatione

Jer. xiii, 23.

Matth. xii, 34.

Ephes. ii, 19.

Joann. xiii, 44.

Eccli. xv, 3.

Ps. xxxiii, 3.



in somno habita, postea vigilans est gavisus, *cyredietur extra castra*, id est, bonorum sapientiumque consortio reputet se indignum, nec revertatur mente ad annumerandum se inter ipsos, nisi per penitentiam et lacrimas emundatus, *post salis occasum*, id est, postquam lumen rationis a sua incanta credulitate et gloriatione deiecerit se, considerando humiliter propriam defectuositatem. *Habebis locum extra castra*. Venter spiritualis est cor, qui quotidie repletur atque gravatur cogitationibus superfluis et immundis, affectionibus vanis, tanquam stereoribus et urinis, quæ assidue ejicienda sunt, transeundo ad locum secretum extra aliorum adspectum, ubi homo se ipsum consideret, diseutiat, et sua coram Deo peccata confiteatur ac defleat : sicutque operiat ea humo, id est propriæ fragilitatis humili confessione, in sanctæ humilitatis profundo, intra se fodere debet, pensando universa et singula, ex quibus inducitur homo ad præcordialem ac plenam sui ipsius humiliationem. *Domini enim Deus tuus ambulat in medio castrorum*, id est inter vere catholicos, ut inimicos humanæ salutis subiciat illis. Idcirco castra nostra, id est corda atque ecclesiæ, sancta sint, ita ut in præsentia et adpectu Omnipotentis jugiter simus sineeri, custoditi, virtuoseque occupati.

*Non trades servum domino suo, qui servus ad te confugerit* : id est, si aliquis dominatione diaboli pressus, jugum impietatis evadere cupiens, te pro consilio auxilioque accesserit, condole ei, et salubriter eum informa, ac detine in virtutum D

per immoderatam increpationem ipsum contristes, sed consolare ac refove. *Non erit meretrix de filiabus Israel, neque scortator de filiis Israel*. Quemadmodum literaliter hoc jussum est filiis filiabusque Israel, ut scilicet dignitatem et vocationem suam pensantes, nequaquam tam vilibus se fœdent inquinamentis, multo plus universis Christianis committitur istud, quoniam ipsi sunt genus electum, regale sacerdotium, gens sancta, populus acquisitionis : quibus ait Apostolus, Templum Dei sanctum est, quod estis vos : ne ipsis juste dicatur, Homo quum in honore esset, non intellexit. Et, Computraverunt jumenta in stercore suo. Fornicatores etenim et adulteros judicabit Deus. Et, Neque immundi, neque molles, neque fornicatores regnum Dei possidebunt. Specialiter vero per filios et filias Israel, intelliguntur spirituales ac religiosæ utriusque sexus personæ, quas ab omni incontinentiæ vitio oportet summe cavere. Universi quoque fideles ab omni fornicatione corporali ac spirituali seu aversione mentis a Deo, et consensu illicito debent penitus abstinere, quia ad hoc incarnatus est Filius Dei, ut in sanctitate et justitia coram Altissimo deifice conversemur. *Non offeres mercedem prostibuli, nec pretium canis in domo Dei tui* : id est, ab omni specie mala in ecclesia abstinere, motusque impatientiæ et iræ caninos repellere. Merces denum prostibuli, est favor ab aliquo consecutus de aliorum seductione, constuprationeque animarum : quo favore Deus non honoratur, sed dire offenditur. Porro quæ sequuntur de accommodatione ad usuram, de voti impletionem, de refectione in alterius vinea aut segete, jam supra spiritualiter exstant exposita.

1 Petr. ii, 9.

1 Cor. iii,

17.

Ps. xliii,

13.

Joel i, 17.

Hebr. xiii, 4.

1 Cor. vi, 9,

10.

Luc. i, 75.

1 Thess. v,

22.

## ARTICULUS XXVII

ELUCIDATIO LITTERALIS CAPITULI VICESIMI QUARTI : SI ACCEPERIT HOMO UXOREM.

**C**APITULUM præsens docet, qualiter vir A habere se debeat ad conjugem suam, aliasque personas. *Si acceperit homo uxorem, et habuerit eam ad usum conjugii, et non invenerit mulier gratiam ante oculos ejus*, videlicet viri, ita quod displicuerit viro displicentia tanta, quæ odium pariat, ac mutuam impediatur conversationem pacificam, *propter aliquam fœditatem* existentem in muliere. Per fœditatem quidam intelligunt deformitatem, monstruositatem aut infirmitatem, quæ sunt corporales fœditates, vel etiam fœditatem in anima, utpote tortuositatem in moribus, melancholiamve capitis. *Scribet libellum repudii*. Mirum si pro quacunque fœditate præacta permiserit Moyses, imo Deus per Moysen, fieri divortium. Hinc quidam per fœditatem intelligunt de fœditate multum notabili supervenienti ipsi conjugio, et quæ bonum prolis tollat sive impediatur, sicut sterilitas, lepra, morbus caduens in corpore, vel scandalosa immorigeratio animæ, ita quod ex ea filii assuescerent malis.

Porro, in Hebræo pro fœditate habetur, C Rem turpem, seu turpitudinem, et satis redit in idem. Attamen Rabbi Paulus dicit hoc loco haberi, Turpitudinem, sub eadem significatione, qua et in Levitico, ubi de incestuosis et adulterinis coitibus agitur : ex quo patet, quod nullo modo licebat repudiare uxorem, nisi propter hujusmodi turpitudinem, quæ fornicationem includit. Talmudici vero, id est Judæi qui librum Talmud suscipiunt ac sequuntur, qui pharisaicam doctrinam sectantes, frequenter irritabant mandata Dei, propter traditiones D suas, ut ait Christus per Matthæum, in tantum deviaverunt a veritate hoc loco, quod dixerunt virum pro suo libito posse

repudiare uxorem : et talis usus, vel potius perniciosus abusus, usque in præsens inter eos inolevit. Hæc Rabbi Paulus. Huic autem dicto Rabbi Pauli obviare videtur, quod asserit Augustinus et habetur in Glossa : In lege multe erant causæ dimittendi uxorem. Christus solam fornicationem excepit, id est, propter solam fornicationem repudium licere perhibuit ; ceteras causas jussit pro fide et castitate conjugii sustineri. Insuper scriptum est in Malaehia, Quum odio habueris, dimitte eam. Aliqui quoque expositores hic dicunt, quod in veteri lege plures erant causæ dimittendi uxorem. Denique Thomas super quartum Sententiarum testatur : Proxima causa repudii fuit evitatio uxoricidii : sed remota causa fuit odium, ex quo uxoricidium solet causari. Tale autem odium poterat non nasci solum ex fœditate seu turpitudine fornicationis. Verumtamen Dominus et Salvator edocuit, quod nulla causarum illarum erat justa et rationabilis ad dimittendum uxorem, nisi fornicatio, id est adulterium conjugis : aliæ autem mittebantur. Amplius, propter adulterium fuerat mulier secundum legem lapidanda, sed propter fœditatem aut turpitudinem, de qua nunc loquitur textus iste, non lapidabatur : imo mittebatur abire, et alium virum accipere : ideirco de illa turpitudine non est hic mentio, sed de alia, quæ etiam non reddidit mulierem inhabilem ad aliud matrimonium contrahendum.

Itaque vir scribet libellum repudii, hoc est, in membrana descripsit, aut describi fecit quod eam dimitteret, *et dabit libellum illum in manu illius*, utpote mulieris, *et dimittet eam de domo sua*. Verumtamen coram sacerdote hæc agebantur. Unde de

Lev. xviii,  
6-18.

Matth. xv,  
3.

Malach. ii,  
16.

ordine quo hæc fiebant, Magister in historiis recitat : Vir apud quem uxor sua non inveniebat gratiam, propter aliquam feditatem quæ multimode proveniebat, scripsit quod nunquam conveniret cum ea, et causam ob quam displicuit ei mulier, ne conveniret ; tradiditque libellum, in quo scripta erant hæc, mulieri, ut coram sacerdotibus legerentur. Quumque jurasset vir verum esse quod scripserat, licuit utrisque alii copulari. Hæc ibi, quæ ex Josepho sumpta censentur. Nempe secundum Josephum ista erat forma libelli repudii : Pro-mitto tibi quod nunquam tecum conveniam. Veruntamen aliqui dicunt, quod in libello non scribebatur causa repudii. Nam causa illa fuit quandoque occulta, et soli marito nota, videlicet fornicatio latens, quæ non videtur publicanda fuisse, quia nec probari valebat. In textu quoque habetur, quod libellus iste dandus erat in manu mulieris repudiatae : ideo non apparet, quod in eo aliquid diffamativum mulieris continebatur, imo in favorem mulieris videtur hoc iussum, ut possit alteri nubere, et ne vir posset eam revocare invitam : quia si viri hoc possent, essent a principio conjugii valde proni ad repudiandum uxores. Sed his obstat, quia communiter dicitur quod libellus repudii est scriptura continens causam divortii. Pro horum concordia dici potest, quod Thomas super quartum Sententiarum affirmat : Causæ, inquit, repudii scribebantur in libello in generali, non in speciali, quia non scribebantur ut ostenderent repudium esse licitum, sed ut liceret mulieri alium ducere virum, propter quod ei libellus tradebatur, secundum Josephum. Tamen secundum Augustinum libellus repudii scribebatur, quatenus intervenientibus mora scribendi, consilioque scribarum aut sacerdotum, maritus a proposito repudiandi desisteret.

*Quumque egressa mulier repudiata, alterum maritum duxerit, et ille quoque oderit eam, dederitque ei libellum repudii juxta formam præhabitam, et dimiserit eam de domo sua, vel certe mortuus fuerit,*

A illa repudiata, non poterit prior maritus recipere eam in uxorem, quia polluta est, et abominabilis facta est coram Domino. Quum enim sit his repudiata, et a duobus maritis, verisimile est eam esse odibilem atque repudio dignam : ideo potuisset prior ille maritus facili occasione contra eam accendi et ipsam perimere. Vel fuit polluta, quia alterum virum duxit, non sine peccato, quamvis erat permissum. Unde, ut dicunt expositores, circa libellum repudii duo erant permissa, videlicet uxorem dimittere, et dimissam accipere alium virum ; et duo præcepta, videlicet ipsum libellum scribere, et repudiantem virum non posse accipere quam semel repudiavit modo prætaeto. Hæc itaque imple, ne peccare facias terram, quam Dominus Deus tuus tradiderit tibi possidendam, id est, ne tu ipse in terra habitans, pecces contra ista agendo, vel alios ad peccandum inducas.

Circa hæc quæritur, an et qualiter repudiatio uxoris licita fuit in lege. Hæc quæstio super quartum Sententiarum tractatur, et pro utraque parte multipliciter argumentatur, et nimis prolixum esset hæc talia introducere, ac movere. Unde ad intelligendum plenarie hujus veritatem quæsitum oportet scire qualiter inseparabilitas matrimonii sit de lege naturæ, videlicet an pertineat ad prima naturalis legis præcepta, an ad secunda. Breviter autem tangendo, secundum quod refert S. Thomas super quartum : Quidam dicunt quod qui in lege Moysis dederunt libellum repudii, excusabantur a pœna secundum legem infligenda, non autem a culpa, ita quod Moyses permisit libellum repudii, sicut usuram circa extraneos, ad vitandum gravius malum, videlicet uxoricidium. Alii dicunt, quod libellus repudii, et aliam ducere conjugem, repudiatam quoque maritum alium accipere, licita erant, et sine culpa ex dispensatione divina : alias viderentur Judæi a Deo relictæ, et a salute exclusi, utpote non sufficienter instructi de necessariis ad salutem, quia nec Moyses, nec aliquis Pro-



phetarum ista prohibuit, aut illicita esse A edocuit. Et quamvis hoc probabiliter dicitur, primum tamen communius tenetur. Hæc Thomas.

Porro Lyra hoc loco et super Matthæum primam tenet opinionem, præsertim quum dieat Salvator, quod Moyses permisit dare libellum repudii ad duritiam cordis Judæorum : quæ autem sic permittuntur ex permissione, non fiunt licita, sed ad vitandum mala pejora fieri permittuntur, quemadmodum in præcedentis capituli expositione dictum est de usura, quæ nunquam licita fuit, quum sit naturali rationi et legi naturæ contraria. Propter quod Propheta virum justum describens, inter cetera dicit : Qui pecuniam suam non dedit ad usuram : quod absolute atque simpliciter dicit, nullum exeipiendo. Unde in libro Machtoe apud Judæos authenticio, glossa dicit super verbum præallegatum : Pecuniam suam non dedit ad usuram, *etiam gentili*. Quamvis autem libellus repudii non ostenditur esse illicitus per aliquod verbum legis aut Prophetarum, tamen per communem justorum observantiam ostensum est hoc, quia consuetudo est optima legis interpret, et dicitur consuetudo bonus usus, non autem abusus. Nullus vero eorum qui commendantur in Scriptura, legitur repudiasse uxorem, nisi de mandato Dei aut instinctu divino, sicut Abraham de mandato Dei dimisit Agar, quoniam Dominus potest matrimonia conjungere atque dissolvere, prout sibi placeat. Porro in casu fornicationis licita fuit repudiatio conjugis, saltem quantum ad torum, ut omnes concorditer dicunt, quam aliqui dicant, quod etiam in aliis casibus licita fuit ex dispensatione divina, quemadmodum ex dispensatione Dei licuit plures habere uxores, quum tamen unitas uxoris sit de dictamine nature, sicut inseparabilitas. Sed non est simile de utroque, quia unitas uxoris fuit intermissa in lege propter majus bonum, videlicet ob prolis multiplicationem ad Dei obsequium : sed malum permittere propter majus malum vitandum, non facit illud licitum. Hæc Lyra.

Verum contra hæc scribit Rabbi Paulus, et secundam opinionem, quæ scilicet ponit libellum repudii licitum fuisse, et sine culpa ex dispensatione divina, dicit magis consonam rationi ac litteræ : ad quod rationes quasdam adducit jam tactas, videlicet quod nunquam per legem aut Prophetas ostensum est, Judæis libellum illum esse illicitum : si autem aliqua ad salutem necessaria nunquam eis nuntiata fuissent, excusabiles exstitissent. Deinde dicit et probat, quod inseparabilitas matrimonii non sit de lege naturæ. Nam ea quæ sunt de lege naturæ, traduntur plene in lege ac Evangelio : sed repudiationem uxoris fuisse illicitam, nec in lege, neque in Evangelio traditur, sed magis oppositum. Christus namque in Evangelio ait : Quicumque dimiserit uxorem suam, nisi ob fornicationem, et aliam duxerit, mœchatur : ex quo plane intelligitur a contrario sensu, quod qui dimiserit uxorem suam ex causa fornicationis, et aliam duxerit, non mœchatur. Item quod Deus in lege sua, non solum C expresse mandat fieri, sed etiam dat modum et formam qualiter fieri debeat, non est intelligendum concessum fuisse per modum permissionis alicujus illiciti, sed Deus dat formam repudiandi uxorem, dicens : Scribe libellum repudii. Præterea si repudium erat illicitum, adhuc mansit vinculum conjugale inter repudiatorem et repudiatam : inconvenienter ergo Deus permitteret, quod repudiata posset alteri un-  
bere, quum primus maneret etiam post repudium verus ejus maritus. Chrysostomus quoque dicit : Legislator a peccato abstulit culpam, quando permisit repudium. Amplius, propter ineptitudinem Judæorum ad capiendum sublimia ac perfecta mandata, multa ad perfectionem pertinentia non præciebantur eis in lege, quæ tamen in Evangelio præcipiuntur. Unde in Matthæo ait Salvator : Audistis quia dictum est antiquis : Non occides. Ego autem dico vobis, quod omnis qui irascitur fratri suo, reus erit judicio. Constat autem quod qui irascitur fratri suo, non est trans-

Matth. xix, 8.

Deut. xxiii, 19, 20.

Ps. xiv, 5.

Matth. 32.

D

Ibid. 21, 22.

gressor hujus seu alicujus præcepti veteris Testamenti, sed novi. Hæc, multaque alia scribit Rabbi Paulus de ista materia.

Quocirca dico cum S. Thoma, quod utraque pars quæstionis istius satis probabiliter potest teneri; et rursus, quod prima positio tenetur communius, quamvis secunda sit multum probabilis. Sed quidquid horum quis eligat, multa in his verbis Rabbi Pauli contenta sunt, quæ stare non possunt. Et primo valde ineante prolatum est, quod ait, ex his verbis Salvatoris, Quicumque dimiserit uxorem suam, nisi ob

fornicationem, et aliam duxerit, moechatur, plane a contrario sensu intelligi, quod qui dimiserit uxorem suam ex causa fornicationis, et aliam duxerit, non moechatur. Istud, inquam, nullatenus est tenendum, quum sit contra determinationem et doctrinam Ecclesiæ non errantis. Vinculum namque matrimoniale, præsertim in evangelica lege, est indissolubile durante conjugali vita, quum et Apostolus dicat : *I Cor. vii.* Mulier alligata est legi, hoc est vineulo connubii, ut omnes exponunt, quamdiu *39.* vivit vir ejus. Denique, secundum doctores concorditer super quartum Sententiarum, et idem dicunt juristæ, vir et mulier in causa divortii judicantur ad paria, ita quod sicut mulieri separatæ aut repudiatæ non licet alium ducere virum priore vivente, ita nec viro aliam sumere conjugem vivente priore. Hinc super quartum asserit Thomas : Nil superveniens matrimonio, potest ipsum dissolvere : ideirco propter adulterium non rumpitur vinculum conjugale, sed matrimonium verum manet. Unde *D* secundum Augustinum, inter viventes manet conjugale vinculum, quod nec separatio, neque cum alio junctio potest auferre : ideirco non licet uni, alio vivente, ad aliam transire copulam. Hinc super Matthæum scribit Hieronymus : Quia accidere poterat, ut aliquis vir calumniam faceret innocenti uxori, et ob secundam copulam nuptiarum, veteri, hoc est priori uxori, crimen impingeret, sic vir priorem jubetur dimittere uxorem, ut secundam prima vivente

non habeat. Verumtamen quamvis venerabilis vir Rabbi Paulus, ita hoc loco errasse probetur, non tamen ex malitia aut pertinacia, neque intentione contradicendi Ecclesiæ arbitror eum sic deviasse : sed quoniam præallegata Christi verba secundum superficiale eorum tenorem pensavit, nihil subintelligendo, nec præcedentia, nec subsequenta ea satis pensando. Nempe Paulus ille ex Judaismo conversus ad Christum, fuit vir fide et conversatione catholicus, ac venerandus antistes.

Porro verba Salvatoris inducta, subintellectum requirunt, ut sit sensus : Quicumque dimiserit uxorem, nisi propter fornicationem : supplendum est, peccat ; et aliam duxerit priore vivente, moechatur. Et quod iste sit sensus, pandunt verba quæ Christus subjunxit : Et qui dimissam duxerit, priore scilicet viro superstite, moechatur. De utroque enim est eadem ratio, quia in hoc judicantur ad paria, et quoniam vinculum conjugii non potest viventibus conjugatis dissolvi, quod etiam constat ex verbis Domini quæ præmisit, Quos Deus conjunxit, homo non separet : quasi dicat, Conjugati tam inseparabiliter sunt connexi, quod humana nequeunt auctoritate disjungi.

Deinde, quod Rabbi Paulus affirmat, eum qui irascitur fratri suo non esse transgressorem alicujus præcepti veteris Testamenti, sed novi, non est idonee dictum : quoniam ira quæ in novo Testamento prohibetur, est unum de septem peccatis mortalibus, et semper fuit illicita, atque in lege et Prophetis frequenter prohibita, quum in Levitico scriptum sit : Non quæres ultionem, nec *Lev. xix,* memor eris injuriæ civium tuorum. Per *18.* quæ verba, ira evidenter vetatur, quum ipsa sit appetitus vindictæ, pariatque memoriam illatæ injuriæ. Hinc Joseph dixit fratribus suis : Ne irascamini in via. Salomon quoque : Ne sis, inquit, velox ad irascendum, quia ira in sinu stulti requiescit. Hinc in Job Eliphaz, legem naturæ sequens, disseruit : Virum stultum interficit iracundia. *Job v. 2.*

*Luc. xxi, 18*

*Ibidem.*

*Matth. xix,*  
*6.*

*Lev. xix,*  
*18.*

*Gen. xlv,*  
*24.*  
*Eccle. vii,*  
*10.*

Insuper, quod Rabbi Paulus affirmat, in-  
separabilitatem matrimonii non esse de  
lege naturæ, est contra doctores communi-  
ter. Nam et super quartum Thomas sic ait :  
Matrimonium ad educationem prolis ordi-  
natur, non solum ad certum tempus, sed  
per totam conjugalem vitam : ideo de  
lege naturæ est, ut parentes filiis thesan-  
rizen, et filii parentibus in hereditate suc-  
cedant. Hinc societatem viri et conjugis  
indivisibilem esse oportet : sicque insepa-  
rabilitas ad matrimonium spectat de jure  
naturæ et naturalis rationis dictamine. Ta-  
men separatio matrimonii non prohibetur  
evidenter, nisi in lege Christi, quoniam  
sola lex Christi ad perfectionem adducit,  
et ad naturæ integræ statum reducit. Hæc  
Thomas.

Postremo, quod Rabbi Paulus ait, nec in  
lege, nec in Prophetis repudiationem uxo-  
ris esse ostensam fore illicitam, nec alieni  
in veteri Testamento esse ostensum, quod  
libellus repudii existat illicitus, diligen-  
tius est scrutandum, quia id et Thomas et  
Lyra, multique alii hoc loco videntur sen-  
tire : quorum omnium reverentia salva,  
dicendum quod in lege et Prophetis repu-  
diatio ista docetur esse illicita, quoniam  
Malachias dicit populo Judæorum de Baby-  
lonica captivitate reverso : Operiebatis la-  
cerimis altare Domini, fletu et gemitu. Quod  
S. Hieronymus, Glossa, Beda, alique eum  
sequentes ita exponunt, quod reversi de  
Babylone, induxerunt priores suas uxores  
ad lamentandum atque gemendum coram  
Deo, eo quod propter suam senectutem aut  
deformitatem abjicerentur a viris suis, et  
aliæ, imo et alienigenæ, acciperentur a vi-  
ris illis. Quibus verbis Dominus addit ibi-  
dem, Ita ut ultra non respiciam ad sacrifici-  
um : et dixistis : Quam ob causam ? Ad  
quod illico respondetur, Quia Dominus tes-  
tificatus est inter te et uxorem pubertatis  
tuæ quam tu despexisti : id est, Deus in  
Genesi dixit, quod tu et uxor tua legitima  
pariter maneretis, ac invicem diligeretis,  
Relinquet, inquit, homo patrem suum et  
matrem suam, et adhærebit uxori suæ ;

quam tu sprevisi, abjiciendo, aliamque  
duciendo : et hæc particeps tua, id est uxor  
tua, debet esse socia tua et consors, non  
famula : et uxor foederis tui, eum qua fœ-  
dus amicitiae, animique consensum debes  
tenere. Nonne unus fecit ? id est, idem Crea-  
tor, unusque Deus plasmavit Adam et Evam :  
et residuum spiritus ejus est ? id est, quod  
conjugati sibi cohaereant per amorem et  
cohabitationem, hoc divinæ est voluntatis,  
non quod ab invicem separentur. Et quid  
unus quærit, id est, quid Deus unus inten-  
dit et requirit per hoc, quod vult priores  
uxores non deserere, nisi semen Dei, id est  
filios qui divino obsequio debite educen-  
tur a suis parentibus, ad quod exigitur ut  
non separentur ? Custodite ergo spiritum  
vestrum, et uxorem adolescentiæ tuæ, id  
est, quam in adolescentia accepisti, noli  
despicere, ut quæ tibi primum conjuncta  
est matrimonio virginali, tecum perseve-  
ret in finem. Quum odio habueris, dimitte.  
Istud videtur prædictis contrarium, sed  
quo sensu istud dicatur, constat ex eo quod  
subditur : Operiet autem iniquitas vesti-  
mentum ejus. Quasi dicat : Quamvis dixerim  
permissive ad vitandum gravius malum,  
Dimitte uxorem quum oderis eam, attamen  
iniquitas viri uxorem suam repudiantis  
operiet corpus ipsius viri, quia peccat re-  
pudiando, nec in futuro evadet tormenta.  
Ista secundum expositionem Hieronymi,  
Beda, et aliorum catholicorum Patrum  
sunt dicta. Quod si quis dixerit ista dici  
contra Judæos, qui alienigenas duxerunt  
uxores, respondendum, quod rationes istæ  
a Malachia propheta contra repudiationem  
inductæ, generaliter valent ad reprobatio-  
nem ejuscumque repudiationis.

Præterea in lege reprobatum repudium  
istud, per legem, quæ Pentateuchus Moy-  
sis designatur, et scriptum est in Genesi :  
Relinquet homo patrem suum et matrem, *Gen. ii, 24.*  
et adhærebit uxori suæ, et erunt duo in  
carne una. Quorum verborum verum in-  
tellectum Christus expressit, concludendo  
ex eis : Itaque jam non sunt duo, sed una  
caro. Quos ergo Deus conjunxit, homo non  
6.

*Malach. ii,*  
13-16.

*Gen. ii, 24.*

*Matth. xix,*  
6.



separet. Ex qua legis interpretatione ac A iussione seu Christi conclusione convincitur, quod conjugati non sint aliqua humana auctoritate separandi, quantum ad vinculum, et quod Deus non iussit neque concessit repudium fieri, nec a tempore Adæ usque ad Moysen licitum fuit. Hinc quum huic responsioni Christi objeissent *Matthæo, 7:9.* Pharisei, dicentes, Quid ergo Moyses mandavit dari libellum repudii et dimittere? ait illis: Quoniam Moyses ad duritiam cordis vestri permisit vobis dimittere uxores vestras. Ab initio autem non fuit sic. Ex B quibus conclusit, non licere repudiare uxorem, nisi ob fornicationem, et quod Deus per Moysen non licentiavit, nec iussit, neque concessit hoc, sed solum permissum sit propter Judæorum duritiam sive malitiam. Non itaque licet viro suam a se separare uxorem et ducere aliam. Hinc super Matthæum scribit Hieronymus: Christus Scripturam sanctam adducens in testimonium, et naturalem legem, primamque Dei sententiam secundæ opponens, quæ non voluntate Dei, sed peccantium necessitate C concessa est, id est data seu permissa, respondens ait: Non legistis quia qui fecit [hominem] ab initio, masculum et feminam fecit eos? Dicendo autem, Masculum et feminam, docet secunda vitanda conjugia. Non enim ait, Masculum et feminas, quod ex priorum repudio quærebatur, sed, Masculum et feminam, ut unius conjugis consortio necterentur. Numquid potest Deus sibi esse contrarius, ut aliud ante jusserit, et sententiam suam novo frangat imperio? Non ita sentiendum est, sed Moyses quum videret propter desiderium secundarum conjugum, quæ vel ditiores, vel D juniores, vel pulchriores essent, primas uxores interfici, aut malam ducere vitam, maluit indulgere dissidium, quam odium et homicidia perseverare. Similiterque considera quod non dixit, Ad duritiam cordis vestri permisit vobis Deus, sed Moyses, ut juxta Apostolum, consilium sit hominis, non imperium Dei. Hæc Hieronymus.

Itaque juxta doctrinas expositionesque

istas, secunda opinio stare non posset, aut tanquam probabilis defensari, videlicet libellum repudii ex divina dispensatione licuisse in veteri lege.

Sequitur: *Quum acceperit homo nuper uxorem, videlicet infra annum, non procedet ad bellum, nec ei quidpiam necessitatis injungetur*, id est nullum onerosum aut periculosum negotium necessario faciendum, et aliorum seu communem utilitatem concernens. Aliqui tamen exponunt istam necessitatem de obsequiis ad bella spectantibus, ita quod sicut non debuit præliari, sic nec victualia exercitui comportare, aut viam exercitibus præparare, aut consimilia agere: quæ tamen injungi poterant his qui vineas plantaverunt, aut domum novam ædificaverunt, qui tamen ad bella non processerunt ante præfixum tempus; *sed vacabit absque culpa domui suæ*, id est rebus domesticis et commodis propriis, *ut uno anno letetur cum uxore sua*, id est, primum annum connubii cum ea jucunde expendat, referendo tamen letitiam illam ad spiritualem ac debitum finem, eamque per caritatem et gratiam Dei rationabiliter moderando, sicut habetur in Tobia, quod cum timore Dei nuptiarum *Tob. iv, 12.* convivium exercebant. Causa istius præcepti est, quia magna et multa sunt matrimonii onera, et inter conjugatos frequenter oriuntur tempore procedente contentiones, displicentiæ et rancores: ideo est statutum, ut in nuptiarum celebratione fiant juvennitates, et toto anno primo delectabiliter simul vivant, quatenus mutuus amor firmetur in eis, et postea recolant quam amicabiliter atque hilariter conveniunt. Circa hoc in Scholastica fertur historia: Potest annus iste intelligi nuptialis, non usualis, decem scilicet mensium tantum, juxta quem numerum dicitur annus luetus: quoniam mortuo viro, non licet mulieri alium ducere ante decem menses: nam forte concepit de primo, possetque dubitari, cui virorum partus esset adseribendus. Circa quod alii dicunt: Secundum leges mulier quæ viro defuncto eum alio

contrahit ante annum, infamis efficitur. A non autem secundum canones neque secundum Apostolum, sed cui vult nubit, tantum in Domino. Verumtamen justum et rationabile est, ut non nubat alteri quousque certum reddatur, an de primo conceperit.

*Non accipies loca pignoris a proximo inferiore et superiore molam.* id est nullam earum, quum utraque necessaria sit ad blada comminuenda : et idem datur intelligi de aliis utensilibus assidue necessariis : quia animam suam apposuit tibi, id est, proximus tuus seu debitor in tua pietate confisus est, vel ea quibus salva vita potest carere, praeiuit tibi pro pignore, ideo non est amplius coarctandus. Voluit quippe lex, ut Iudaei essent mutuo caritativi, benevoli et communicativi, non graves et asperi.

*Si deprehensus fuerit homo sollicitus fratrem suum de filiis Israel,* id est proximum suum Hebraeum importune aut calidè circumveniens, aut abducens, ita quod illo invito tradat ipsum alieno alicui pro pecunia, secundum quod aliqui pro pecunia solent vendi in servos, et *vendito eo, acceperit pretium,* puta pecuniam pro proximo suo, *interficietur,* quum judicialiter fuerit convictus et dijudicatus. Quamvis enim furtum aliarum rerum non puniebatur morte, tamen furtum hominis sic puniebatur propter hominis dignitatem, et quia enormius est rationalem creaturam ita tractare quam irrationalem. Nam et peccatum tanto est gravius, quanto dignior est is in quem peccatur. Porro si fur deprehendebatur antequam furatum vendiderat hominem, non morte, sed poena puniebatur minori. De isto dictum est super illud Exodi, Qui furatus fuerit hominem, et venderit eum, convictus noxae, morte moriatur. Et *auferes malum de medio tui,* id est, tam impium furem de politia tua tolles per occisionem ipsius, vel auferes malum culpae, illud iuste vindicando, ut sic alii timeant consimilia agere : per decorem quoque iustitiae, recuperandum est dedecus culpae.

*Observa diligenter,* id est, te ipsum a peccatis custodi, *ne incurras plagam leprae* per inobedientiam tuam : quo constat, lepram frequenter infligi hominibus propter eorum excessus : *sed facies quaecumque docuerint te sacerdotes Levitici generis,* dum tamen nihil contra legem edoceant, nec ultra quam eorum auctoritas se extendit : ideo subditur, *juxta quod praeceperis,* videlicet juxta legis tenorem : *et imple sollicitè.* Hoc specialiter modo exprimitur cum commemoratione leprae, quia ut scri-

B ptum est in Levitico, ad sacerdotes pertinet iudicare quis esset vere leprosus, et suspectos de lepra recludere : in quibus grave fuit obedire, et tamen obedire oportuit, quia etsi quis non fuisset leprosus, tamen inobediendo meruisset incurere lepram. Et quia exempla plus movent, subiungitur : *Mementote quae fecerit Dominus Mariae in via quum egredieremini de Egypto,* id est, qualiter eam perfudit lepra, dum contra Moysen murmuravit ac superbivit, quum tamen aliunde esset mulier sancta ac prophetissa. Istud contigit in deserto, in mansionem quae dicta est Haseroth, post recessum a monte Sinai, anno secundo egressionis ex Egypto, ut ex Numerorum duodecimo et ex praecedentibus ibi capitulis innotescit. Ideo quod ait, Quum egredieremini de Egypto, intelligendum est, Quum essetis in itinere quod inchoastis, exeundo Egyptum. Sic et Ozias rex Juda percussus est lepra, quia non acquievit pontifici sibi prohibenti thurificare, ut secundo Paralipomenon legitur.

D *Quum repetes a proximo tuo rem aliquam quam debet tibi,* et quam ibi statim solvere nequit, propter quod vis pignus ab eo exigere : *non ingredieris domum ejus ut pignus auferas,* ne proximus tuus inde turbetur, et de sua paupertate conspecta verecundetur : *sed stabis foris, et ille tibi profert quod habuerit,* id est pignus quo melius potest carere : sicque debitori competeat electio, ut daret pro pignore quod volebat, dummodo esset sufficiens juxta vires debentis ; nec concedebatur credito-

1 Cor. vii,  
39.

Lev. xiii. 2  
et seq.

Nam. xii,  
10.

Ibid. xi,  
34 ; x. 11.

Exod. xxi,  
16.

II Par. xxvi,  
19.

ri, ut quod vellet pro pignore tolleret : A ac infernalis miseriae, quae est mors secunda, juxta illud Apocalypsis : Exsecratis et omnibus mendacibus, pars illorum erit in stagno ardenti igne et sulfure, quod est mors secunda. De intelligentia hujus praecepti, dicta sunt multa super illud Exodi : Iusontem et justum non occides. Unde et supra jam scriptum est : Iustum et innocentem non interficies. Consonat quoque huic verbo illud Ezechielis : Filius non portabit iniquitatem patris, et pater non portabit iniquitatem filii. Unde rursus ad Ezechielem Dominus dixit : Quid est quod in terra Israel vertitis parabolam istam, dicentes, Patres comederunt uvam acerbam, et dentes filiorum obstupuerunt ? Quod et in Jeremia habetur.

Apoc. xxi, 8.

Exod. xxi, 17.

Ezech. xvi, 20.

Ibid. 2.

Jer. xxi, 29, 30.

Thren. i, 7.

Josue vii, 24.

Judic. xx, 48.

Deut. xx, 16, 17.

Exod. xx, 5.

Num. xiv, 18.

II Reg. xii, 14.

Ibid. xxiv, 15.

*Non negabis mercedem indigentis et pauperis fratris tui*, id est, operarii et mercenariis tuis statim quum petierint, da dignum premium suorum laborum. Hoc est quod in Levitici libro scriptum est, Non morabitur opus mercenarii apud te usque mane. *Ne clamet contra te ad Dominum*. Est enim unum de quatuor peccatis clamantibus ante Deum, detinere, differre, fraudare mercedem operariorum. Hinc dicit Jacobus : Ecce merces operariorum vestrorum, quae fraudata est a vobis, clamat, et clamor eorum in aures Domini introiit. Quod quam enorme sit, patet ex eo quod per Ecclesiasticum dictum est : Qui effundit sanguinem, et qui fraudem facit mercenario, fratres sunt. Quemadmodum autem debitor solutionem differens ultra voluntatem creditoris, tenetur illi satisfacere pro damno quod ex dilatione solutionis inenrit : sic qui mercenario seu operario pauperi solvere differt sui laboris mercedem, ultra ipsius petitionem obligatur satisfacere illi pro afflictione et damno, quae ex irrationabili illa dilatione incurrit.

*Non occidentur patres pro filiis*, id est, judices non adjudicabunt ipsos patres ad mortis supplicium pro filiorum suorum excessu, in quo suis filiis non communicaverunt consilio, auxilio, jussu, aut alio modo, *nec filii occidentur pro patribus suis*, secundum eundem sensum ; *sed unusquisque pro peccato suo morietur*, id est, quicumque egerit aliquid morte plectendum juxta legis censuram, pro proprio occidendus est scelere : et nisi in praesenti paenituerit vita, occidetur morte aeternalis

Exod. xxi, 26, 27.

Levit. xix, 13.

Jacob. v, 4.

Ecclesi. xxiiv, 27.



manas licite puniuntur, exsulantur aut etiam occiduntur filii pro excessu parentum, et subditi pro crimine principum.

Verum ad hæc in præcedentium expositione librorum responsio data est, saltem pro parte majori: et breviter dici potest, quod iudices in populo non debent innocentem occidere, nec patrem innocentem pro filio scelerato, neque econtra, regulariter, generaliter quoque loquendo: tamen ex divino imperio et instinctu aliter fieri potest, quia quod Deus gratis ac libere dedit hominibus, utpote esse ac vivere, potest eis irreprehensibiliter ad libitum suum auferre. Omnes quoque pro originali peccato nascuntur filii iræ, et debitores sunt mortis: imo ex debito naturæ, naturalique dispositione adstricti sunt morti: et quidquid pœnæ infligit Deus quibusdam hominibus demerito vel occasione hominum aliorum, convertit illis in melius, magisque habet rationem remedii ac medelæ, quam pœnæ. Ideirco, quod filii Israel quosdam infantulos propter parentum facinora occiderunt, ex divina jussione aut inspiratione creditur factum: et si quidam eorum aliter id egerunt, non excusarentur. At vero leges humanæ sunt multipliciter imperfectæ, et quædam instituunt, permittunt ac jubent, quæ divino corriguntur iudicio: et forsitan imperatores ac reges in propriis causis ultra medium \* favorabiliter sunt locuti atque jusserunt. Vel si præactæ eorum leges justæ censendæ sunt, dici potest juxta Apostolum, quod ministri sunt Dei et omnipotentis Regis vicarii, et participantes aliquid auctoritatis ac potestatis divinæ, propter quod in Scripturis dii vocantur. Sicque hujusmodi leges eorum ex divina quodammodo auctoritate institutæ putantur, ita quod in easibus certis innocentes pro parentum aut principum sceleribus puniuntur, secundum quod pœna habet rationem medicinæ, et ordinatur ad bonum commune, atque ad animarum salutem et Dei honorem.

Postremo, circa hoc scribit Augustinus, et habetur in Glossa: Lex dicit, unumquem-

A que pro sua culpa interimendum: quid ergo est, quod alibi dicitur Deus reddere peccata parentum in filios in tertiam et quartam generationem? An de filiis nondum natis intelligendum est hoc propter originale peccatum, hic vero de filiis jam natis jubetur, ut unusquisque pro suo moriatur peccato? Nihil enim trahit ex patre peccante qui jam natus est. Sed quoniam alibi additur, illis qui oderunt me: manifestum est illam sanctionem posse mutari, si filii peccata parentum non imitentur. Sed merito queritur, si redduntur peccata parentum in filios his qui oderunt Deum, cur hoc fieri dicitur in tertiam et quartam generationem, non expressa prima et secunda, et non etiam in ceteras, permanente impietate filiorum, et imitatione suorum parentum malorum. An per septenarium, universitatem intelligi voluit, nec posuit ipsum septenarium, dicendo, In septimam generationem, sed causam perfectionis ejus? Ideo enim septenarius perfectus asseritur, quoniam constat ex ternario, utpote primo impari toto, et quaternario primo pari toto.

*Non pervertes iudicium adrem et pupilli.* De nemine est iudicandum perverse, sed miserabilium personarum injuriatio et injusta dijudicatio, tanto amplius sunt vitandæ, quanto minus resistere queunt, et quanto plus hoc contrariaretur omni pietati ac misericordiæ, naturalique legi. De hoc dictum est plenius in Exodo. *Nec auferes loco pignoris viduæ vestimentum.* Hoc intelligendum est de pauperibus viduis, quæ vere sunt viduæ, ac humano solatio destitutæ: quibus nequaquam auferendum est pro pignore indumentum quo indigent, imo nec aliud quo commode non possunt carere: sed spiritualis pietas impendenda est eis. Quæ autem sequuntur in textu, sunt plana, et in Leviteo aliasque frequenter exposita.

Præterea mysticus hujus capituli intellectus, pro majori parte præhabitus est. Etenim Filius Dei propter nos incarnatus, primo accepit conjugem Synagogam, quam

\* modum

I Cor., iv, 1.  
II Cor., vi, 1.

Exod., xxii,  
21-24.

Lev., xix,  
9, 10.

Sensus  
spiritualis.

postea propter ipsius fœditatem, incredulitatem, ingratitudeque reliquit, et scripsit ei libellum repudii, quia per suos discipulos conscripsit Evangelium, in quo causam repudiationis illius expressit. Moraliter, si quis pro sponsa sibi accipiat sapientiam philosophorum, aut hominum mundanorum, et propter vanitates ac falsitates admixtas voluerit eam deserere, habet in promptu tradere causam, et debet aliam sibi assumere sponsam, videlicet evangelicam theoriam.

*Non accipies loco pignoris inferiorem et B superiore mola.* Debemus in vita præsenti semper esse solliciti, et inter spem atque timorem spiritualiter moli, ita ut omnis duritia, impietas, culpa prorsus conterantur ac destruantur in nobis. Debemus namque assidue ex consideratione divinæ pietatis confidere, et hæc spes est mola superior; atque ex propriæ fragilitatis ac culpæ intuitu formidare, qui timor est mola inferior. Nullum itaque sic molestemus, neque ab aliquo ita quid extorqueamus, ut auferamus ei has molas, impediendo eum C a saluberrimis considerationibus, confidentiis ac formidinibus istis, aut pertrahendo eum ad vitia, præsertim ad desperationem, quæ superiori molæ opponitur, vel ad periculosam securitatem seu præsumptionem, quæ molæ inferiori contrariatur. *Si deprehensus fuerit homo, etc.*, id est, qui inventus fuerit proximum suum esse furatus, cum occulte scandalizando, inficiendo, fallendo, sicque abstrahendo eum Domino suo Jesu Christo et matri suæ sanctæ Ecclesiæ, atque vendiderit eum, id D est, pro temporali commodo, aut propria oblectatione subiecerit illum servituti peccati ac jugo diaboli, morietur morte damnationis perpetuæ. Talis quippe est pessimus hostis Dei, et fructificationi mortis ac sanguinis Christi renititur, percussitque fœdus cum morte, et cum inferno pepigit pactum, estque satelles principis tenebra-

rum, et ei cooperatur ac servit ad aliorum perditionem.

*Obsceca diligenter, ne incurras plagam lepræ.* Jubemur his verbis, superiorum nostrorum doctrinis ac jussionibus diligenter obtemperare, ne falsæ doctrinæ aut inobedientiæ lepram aliquando incidamus: nec aliquis, quantumlibet virtuosus, incaute aut negligenter se habeat, seu periculosa resolvatur securitate, sed recordetur Mariæ prophetissæ sororis Moysis, quæ post tanta gratiarum charismata, in spiritualem B ac corporalem dilapsa est lepram. *Quum repetes a proximo tuo rem aliquam quam debet tibi:* id est, dum a tuo discipulo aut subdito, vel ab eo cui fuisti beneficus, exegeris spiritualem profectum aut vicem pro informatione et communicatione gratiæ quas ei exhibuisti, non facias hoc cum indiscreta importunitate, aut rigore superfluo, nec ultra vires et capacitatem illius, ne ipsum perturbes aut perdas. *Non negabis mercedem indigentis.* Ad litteram instrui-

mur in isto capitulo ad magnam circa C proximos caritatem ac pietatem, potissimum circa egenos, ne debitores inopes molestemus, pignora immisericorditer exigendo aut detinendo, aut operarios ac mercenarios defraudando, tardeve remunerando: imo unicuique nobis quodcumque obsequium aut beneficium impendenti conemur mox esse grati, vicemque rependere suo tempore postulanti.

*Non occidentur patres pro filiis, nec e contra.* Contra hoc enormiter et prorsus gravissime peccant, qui pro injuria sibi D aut suis irrogata, per se et suos non solum quærunt ad occidendum aut vulnerandum principalem actorem injuriæ, sed et cognatos ipsius etiam usque ad tertiam et quartam generationem. Sic etiam peccant, qui offensi ab aliquo, non solum stomachantur aut aversive se habent contra illum, sed item contra amicos, propinquos aut socios ejus.

## ARTICULUS XXVIII

EXPLANATIO LITTERALIS CAPITULI VICESIMI QUINTI : SI FIERIT CAUSA INTER ALIQUOS.

**Q**UEMADMODUM in libro de Civitate A Dei loquitur Augustinus, Nullum animal est natura tam sociale, et voluntate tam concors, ut homo : ideo ad restringendum discordias litesque hominum, diversa tradita sunt praecepta, quorum unum in hujus capituli collocatur exordium. *Si fuerit causa inter aliquos, et interpellaverint iudices* : ad iudicem namque, tanquam ad animatam justitiam, confugiunt partes : *quem justum esse perspexerint, illi justitiae palmam*, id est triumphum aut etiam sensibile signum victoriae, *dabunt* : secundum quod antiquitus exstitit moris, quod victoriosi in bellis, in signum triumphi decorabantur ramis palmae in capite et manibus : *quem impium*, id est, injustam habere causam censuerint : sicque impietas smittitur hic pro quaenunque iniquitate, non solum in Deum, sed item in proximum, quum tamen proprie nominetur culpa in Deum : *condemnabunt impietatis* : non solum contra eum sententiando, quod causa sua injusta sit, sed etiam quod consuetis ac debitis poenis subdatur, ut pecuniariae aut simili poenae sen persolutioni aut satisfactioni.

*Sin autem eum qui peccavit, dignum viderint plagis*, ita quod non solum meruit pecuniariam poenam, sed etiam confusibilem verberationem ; *prosternent et coram se facient verberari*, ne in eorum absentia correctio illa fiat excessive aut defectiva : sicque jacendo flagellabatur, juxta quem modum aliqui putaverunt et Dominum Jesum Christum fuisse flagellatum, quem magis credendum est alligatum columnae caesum fuisse. *Pro mensura peccati erit et plagarum modus*, id est numerus ictuum, ut culpae proportionata sit

pena, ita quod quis quanto gravius commisit flagitium, tanto majorem recipiat numerum verberum : *ita dumtaxat, ut quadragenarium numerum non excedat* inflictio ictuum. Haec namque flagellatio fuit quasi poenitentialis quadam castigatio rei. Numerus autem quadragenarius poenitentiae congruit : et item, ne in tali punitione videretur crudelitas exerceri, quum tamen actui justitiae admiscenda sit actio pietatis. Ideo subditur : *ne fade*, id est turpiter, *laceratus jaceat* \* *ante oculos tuos frater*, id est proximus tuus. Circa hoc Magister in historiis : Sic, inquit, poenitentes excommunicatos plagis caedimus, secundum numerum versuum alicujus psalmi, quem caedendo cantamus. Porro Josephus scribit reum fuisse pereutiendum quadraginta plagis, una minus, habena publica. Unde et Apostolus protestatur : A Judaeis quinquies quadragenas una minus accepi. Judaei quippe ne viderentur crudeles, unum ictum subtraxerunt ex traditione communi majorum. Tamen, ut textus praetendit, si culpa erat minor, erat et minor ictuum numerus infligendus. Atque ut Josephus scribit, turpissimum erat hominem liberum sustinere hanc poenam.

Circa haec intuendum, quod in prima secundae, quaestione 105, scribit Thomas : Secundum Augustinum vicesimo primo de Civitate Dei, Tullius fuisse refert octo genera poenarum in legibus, utpote damnum, vinula, verbera, talionem, ignominiam, exsilium, mortem et servitutem. Ex quibus aliqua, imo pene omnia ista, fuerunt in lege statuta : videlicet damnum, dum fur condemnabatur ad quadruplum vel quintuplum : vinula, sicuti in Numeris legitur blasphemus fuisse reclusus in car-

\* *abest*  
*vel abest*II Cor. xi,  
24.Exod. xxi, 1.  
Num. xv, 34.  
Lev. xxiv, 12.



cere; verbera, in isto capitulo; ignominiam, sicut in isto habetur capitulo, de nolente suscitare semen fratri suo defuncto, in cuius faciem spuebatur: mortem, ut patet in Levitico, Qui maledixerit patri aut matri, morte moriatur: talionem, juxta illud, Oculum pro oculo, dentem pro dente; servitutem quoque in duobus casibus: primo, dum servus septimo anno noluit liber egredi, et legis beneficio uti, propter quod deinceps perpetuæ servituti fuit addictus; secundo, dum fur non habuit quod pro furto restitueret. Exsilium vero non instituit lex universaliter, quia in solo populo illo vixit cultus Dei, propter quod expulsio extra patriam illam, fuit idololatriæ occasio. Hinc primo Regum locutus est David: Maledicti sunt qui eiecerunt me, ut non habitem in hereditate Domini, dicentes: Vade, servi diis alienis. Fuit tamen in lege particulare quoddam exsilium, quo homicida excusabilis mansit in aliqua urbe refugii usque ad pontificis obitum. Itaque in gravioribus criminibus contra Deum aut proximum factis, puta in blasphemia, idololatria, homicidio, furtoque hominum, in irreverentia, maledictione et contumacia circa parentes, in adulterio atque incestibus, lex mortem infligit; in furto aliarum rerum, adhibuit penam damni: in percussuris et mutilationibus, penam talionis, similiter in falso testimonio: in minoribus autem culpis, penam flagellationis aut ignominiae. Hæc Thomas.

Præterea contra id quod dictum est, Pro mensura peccati erit et plagarum modus, objici potest, quoniam quibusdam aequalibus culpis [lex] inæquales pœnas infligit, quia pro uno bove furato jussit quinque boves restitui, et pro una ovis furata quatuor oves. Eum quoque qui sabbato ligna collegerat, lapidari præcepit, quum tamen graviora minus punierit. Ad hæc introducta est responsio Thomæ super Exodum. Denique secundum eundem sanctum Doctorem, circa quantitatem peccati, quadruplex gradus est attendendus, etiam circa unum et idem factum. Primus est, dum

involuntarie committitur: tunc enim si omnino involuntarie agitur, homo totaliter excusatur a pœna, ut supra dictum est de puella, quæ in agro clamans opprimitur. Si autem homo fuit in facto tali aliquo modo voluntarius, tamen ex infirmitate peccavit, ut dum quis peccat ex vehementia passionis: tunc enim peccatum minuitur, et pœna est minuenda secundum veritatem judicii, nisi forte propter communem utilitatem gravetur ad abstrahendum homines a peccato hujusmodi, ad quod multum sunt inclinati. Secundus gradus est, quando per ignorantiam quis peccavit, et tamen aliquo modo reus reputatur propter negligentiam addiscendi: et tunc secundum legem non puniebatur per iudices, sed peccatum suum per sacrificia expiavit, juxta illud Levitici, Anima quum per ignorantiam peccaverit: quod intelligendum est de ignorantia facti, non divini præcepti, quod omnes scire tenebantur. Tertius gradus est, quando per superbiam quis excessit, id est ex certa electione atque malitia: et tunc puniebatur secundum gravitatem delicti. Quartus gradus, quando per proterviam pertinaciamque peccavit: et tunc tanquam rebellis et destructor legis fuerat occidendus. Hæc Thomas.

De his eleganter scribit Alexander de Hales super tertium Sententiarum. Sed et Parisiensis libro de Fide et legibus scribit: Quod autem quædam mala, quamvis minora, quibusdam majoribus malis lex jussit puniri, illa proculdubio causa fuit, quia frequentius contingebant in populo illo: propter quod plus noverunt paci communi sua frequentia, quam majora magnitudine sua. Propter hoc etiam, quoniam multitudinem involvebant, difficilior erat eorum curatio. Amplius, facilius erat eorum commissio propter opportunitates, quemadmodum est facilius furatio ferri, quam auri æquivalentis: quia æs facilius invenitur, et aurum ætius custoditur.

*Non ligabis os bovis triturantis in area,* id est in horreo, *fruges tuas,* id est, de bladis quæ triturat refici eum permittas.

Lev. xx, 9.

Ibid. xxv, 20.

Exod. xxi, 6: xxii, 3.

1 Reg. xxvi, 19.

Num. xxxv, 25.

Exod. xxi, 1.

Num. xv, 35.

Deut. xxii, 26, 27.

Lev. iv, 2.

Hoc Dominus jussit ad litteram, ut Judæi A circa bruta pietatem quamdam addiscerent, et suam crudelitatem avaritiamque compescerent, quatenus circa homines benigniores assuescerent esse. Porro quod de bove triturrante nunc dicitur, de omni jumento in simili constituto labore accipitur. Circa hoc scribit Guillelmus : Licet videri possit, quod istud sit dictum contra avaritiam Judeorum, qui eo usque frugibus suis parcebant, ut nec boves triturantes inde manducare permitterent, et ne avaritiam hanc in vindemiatores et caleatores uvarum extenderent, non permittendo eos deavis frugaliter edere, neque de musto potare, quod erat Judæis innata avaritiæ intoleranda crudelitas ; tamen per istud mandatum percussa est et reprobata consuetudo eorum, qui boves in tantum abominabantur, quod de frugibus suis eos comedere non sinebant, et ostensa est æquitas, qua justissimum est, ut qui participat in labore, participet in comestione. Hæc Guillelmus. Veruntamen Paulus apostolus Spiritu Sancto repletus, testimonium istud C allegans, adjecit : Numquid de bobus cura est Deo ? Propter quod satis insinnavit, Deum istud per mysticum sensum jussisse, puta ad innuendum, quod prædicatoribus et prælatis qui designantur per boves, non sint vitæ stipendia subtrahenda, quoniam ipsi in area, id est in Ecclesia, triturant fruges nostras, id est, spiritualia alimenta præparant nobis, et Scripturarum sensus emolliunt ac masticant auditoribus suis.

Sequitur lex de suscitando semine, pro D ximo absque liberis mortuo : quæ lex etiam in lege naturæ diu ante Moysis tempora servabatur, ut in Genesi patet de filiis Judæ. *Quando habitaverint fratres simul*, id est in eadem provincia, urbe, villa, aut domo, et nomine fratris intelliguntur cognati ; *et unus ex eis absque liberis mortuus fuerit*. Ex quo elicitur, quod præceptum istud loquatur de conjugatis, non de his qui nondum connubium inierunt. Nam et subditur : *uxor defuncti non nubet al-*

*teri*, id est extraneo seu non cognato, *sed accipiet eam frater ejus*, id est propinquus defuncti, *et suscitabit semen fratris sui*, id est, ex femina illa procreabit, Deo præstante, prolem seu filium ; *et primogenitum ex ea filium, nomine illius appellabit*, id est, fratri defuncto adscribet, quasi illius sit filius. *Quod si \* noluerit* <sup>\* Sin autem</sup> *accipere conjugem fratris sui defuncti, quæ ei lege debetur, perget mulier ad portam civitatis, et interpellabit majores natu, dicetque : Non vult frater viri mei suscitare semen fratris sui, nec me in conjugem sumere. Statimque accersiri eum facient, et interrogabunt. Si responderit, Nolo eam uxorem accipere ; accedet mulier ad eum coram senioribus, et tollet calcamentum de pede ejus, atque in faciem ejus spuet, vel coram eo in terram, ipso cernente, et hoc in confusionem ipsius, quia secundum legem noluit facere, nec fratri suo defuncto caritatem pietatemque exhibere, procreando ei prolem in ipsius memoriam. Sicque mulier dicit illi : Sic fiet homini qui non ædificat domum fratris sui, id est, progeniem fratris sui non auget nec suscitatur neque conservat. Et vocabitur nomen illius legi inobedientis, Domus discalceati*, id est, ipse et soboles ejus hoc vili agnomine exprimentur, ita quod prævitæ ejus redundabit in posteros suos per diffamiam istam.

Si autem quis instet, quod lex ista videtur contraria ei, quod in Levitico Dominus ait : Uxorem fratris sui nullus accipiat : itemque, Turpitudinem uxoris fratris tui non revelabis : dicendum, quod lex illa intelligitur, quando frater reliquit semen. Causam quoque hujus præcepti Chrysostomus super Matthæum tangit, dicendo : Quia immitigabile malum mors erat apud Judæos, qui omnia pro presenti vita agebant, statutum est ut defuncto filius nasceretur ex fratre, ad quem propter propinquitatem hoc magis pertinet. Sed quæri potest, cur propinquus non cogebatur huic legi parere per penam majorem. Et respondendum, quod propter vitandum pericu-

1 Cor. ix, 9.

Gen.  
xxxviii, 8.

Lev. xx, 21;  
xxiii, 16.

lum, ne scilicet eam quam coactus acciperet, ex odio postea trucidaret. Nam et coacta conjugia malum exitum solent habere. Aliqui autem dicunt, quod quando alius propinquus eorum iudiciibus aderat, qui relictam illam volebat accipere, tunc alius ille tulit calceamentum de pede propinquioris illam recusantis. Quod si muliere non interpellante, propinquior eorum iudiciibus fatebatur se nolle ducere ipsam, tunc ipsemet discalceavit se ipsum. Et istud in Scholastica fertur historia, estque probabile, quia in Ruth legitur Booz dixisse ei qui noluit ipsam Ruth ducere, quum esset marito ejus propinquior: Tolle calceamentum, etc.

Ruth iv, 8.

Si habuerint inter se jurgium viri duo, et unus contra alterum rivari coeperit, volensque uxor alterius erueri virum suum de manu fortioris, miseritque manum et apprehenderit verenda ejus, abscides manum illius. Hic Dominus jubet, ut si mulier volens suum juvare maritum, apprehenderit verenda viri suum virum impugnantis, manu sua per abscisionem privetur. In quo patet, quanta debeat esse pudicitia mulierum, præsertim quum in isto casu videatur mulier magnum incitamentum sic agendi habere: ideo si in casu alio hoc fecisset, in quo non habuisset tantam ad hoc occasionem, magis mervisset ita puniri. Hinc in Levitico jussum est, ut si frater et soror sibi invicem revelaverint genitalia sua ad intuentum, interficiantur. Unde apparet, quod personæ illæ Israeliticæ stirpis pronæ fuerunt ad ista. Et addidit Dominus, nec flecteris super eam ulla misericordia, id est, zelo justitiæ istud implebis quod præcipitur iudici, ne scilicet immoderate condoleat, ita ut per hoc executionem justitiæ postergaret. Unde et apparet, quod non licuit pretium pro mutilatione illa recipere.

Lev. xx, 17.

Non habebis in sacculo diversa pondera, scilicet majus et minus, nec erit in domo tua modius major et minor. Pondus habebis justum et verum, et modius æqualis et verus erit tibi, ut multo rivas tempo-

re super terram. Abominatur enim Dominus eum qui facit hæc, et aversatur omnem injustitiam. De isto dictum est plenius in Levitico, ubi totum istud expositum est.

Lev. xiv, 35, 36.

Memento quæ fecerit tibi Amalec, id est populus Amalecitarum, in via, quando egrediebaris ex Ægypto: quomodo occurrerit tibi, id est, hostiliter te accessit a parte posteriori. Nam subditur, et extremos agminis tui ceciderit, id est percusserit, prout in Exodo scriptum est, qui lassum resid-

Exod. xvii, 8.

bant. Per Extremos quidam intelligunt tribum Dan, quæ in motione et profectione castrorum ultima fuit, ut in Numerorum libro habetur. Alii per Extremos intelligunt lassos et leprosos atque superfluos, quibus non licuit ingredi castra. Hinc ait Glossa: Tradunt Hebræi, quod leprosos et seminifluentes, et alios extra castra positos, interfecerit Amalec. Quum ergo Dominus Deus tuus dederit tibi requiem, delebis nomen ejus de sub celo, id est, posteritatem Amalecitarum illorum totam pro posse occides, etiam mulieres atque

infantes, prout primo Regum Samuel dixit ad Saul; sieque nomen et memoria Amalec deleantur, quantum ad hoc quod nihil laude dignum de ipsis remaneat, quemadmodum Salomon: Memoria, inquit, justi cum laudibus, nomen autem impiorum putrescet. Sed nonne istud præceptum contrariatur ei quod in præcedenti habetur capitulo, Non occidentur filii pro patribus: et quod alibi legitur, Innocentem non interficies? Ad quod ex præcedentis capituli expositione patet responsio. Denique hu-

Num. ii, 31.

1 Reg. xv, 3.

Prov. x, 7.

Deut. xiv, 16.

Exod. xxiii, 7. Dan. xiii, 53.

mana justitia non potest divinæ justitiæ in omnibus assimilari, aut eam imitari in eunetis, sed secundum legem sibi præfixam. Estque perfectio hominis, Deo assimilari, non ut velit aut agat quidquid vult aut efficit Deus, sed ut velit et operetur, quod Deus vult eum velle ac agere. Deus autem in actibus suis ad multa respicit ac diversa, ad quæ homo non potest volendo aut agendo respicere. Postremo, si aliqui Amalecitarum fuissent ad Judaismum conversi, in ipsis non fuisset hæc ultio exerceenda.



Sensus  
spiritualis.

Spiritualiter, frater, id est bonus praelatus, debet fratri suo defuncto, id est Christo propter nos crucifixo, suscitare semen de ipsius uxore, id est de Ecclesia, quia per ecclesiastica sacramenta, et per praedicationes, orationes, sanctaque opera debet jugiter aliquos spiritualiter regenerare in Deo : quod si facere neglexerit, dignus est ut Ecclesia conspuat eum. Potest quoque per fratrem defunctum, quicumque pastor, praesul, seu praesidens, viam universae carnis ingressus, intelligi : quo mortuo, debet ei alter in praelatura succedere, atque ex grege illius Christo fructificare : quod si facere nolit, apud superiores accusari meretur. *Si habuerint inter se jurgium riri* : hoc est, si Catholici ac perfidi inter se disceptaverint, et ecclesia malignantium haeresiarchae conjuncta, apprehenderit verenda Catholici, id est, doctrinam suam

A qua alios in Christo regenerat, convertit, salvificat, corrumpere et reprobare studuerit, amputanda est impudica praesumptio ejus. *Memento quae fecerit tibi Amalec* : id est, nocumenta ab invisibilibus hostibus tibi illata perpende, ab eo tempore quo de tenebris saeculi exire coepisti. Quumque in virtutibus et donis Spiritus Sancti profeceris, de illa injuria ac damnificatione te vindica, resistendo omni tentationi ac vitio, tanto viriliter et tanto ardentius indesinenter proficiendo, quanto B hostiliter et acrius ab illo es impugnatus, qui extremos agminis seu dominici gregis, puta pusillos et incipientes, specialius faciliusque expugnat ac fallit, donec omnino superes illum. Istud praelatis praecipue dicitur, qui laesionem uniuscujusque sibi commissi, quasi propriam debent dolere.

## ARTICULUS XXIX

ELUCIDATIO LITTERALIS CAPITULI VICESIMI SEXTI : QUUMQUE INTRAVERIS TERRAM.

MOYSES omni industria sibi possibili, C Israeliticam plebem ab idololatria retrahere nisus est : ideo nunc jubet, ut loco et tempore opportuno beneficia sibi desuper impertita, sollemniter recognoscant, quatenus in illius dumtaxat remaneant cultu, a quo tot bona se consecutos agnoscunt. *Quumque intraveris terram tibi promissam, et obtinueris eam, atque habitaveris in ea* : tolles de cunctis frugibus tuis primitias, id est primitivos atque praecipuos fructus, quoniam elegantiora offerenda sunt Domino, et pones in cartallo, hoc est, D vase vimineo secundum Glossam, seu in canistro de caricibus facto : pergesque ad locum, in quo tabernaculum Dei est vel templum, quem Dominus Deus tuus elegerit, ut ibi invocetur nomen ejus : accedesque ad sacerdotem ibi tunc officiantem, qui fuerit in diebus illis, et dices ad eum :

*Profitetur hodie coram Domino Deo tuo* : ista professio seu recognitio fiebat in atrio e diverso altaris holocaustorum : quod ingressus sis in terram, pro qua juravit Dominus patribus nostris, ut daret eam nobis. Porro Deum universorum specialiter nominat offerens iste Deus sacerdotis, quia a sacerdotibus praecipue est colendus.

*Suscipiensque sacerdos cartallum de manu tua*, in quo primitiae positae sunt, quod offerens secum portavit, ponet ante altare holocausti in atrio : et loqueris in conspectu Domini Dei tui : qui quamvis ubique sit, specialiter tamen in loco suo cultui consecrato. *Syrus persequabatur patrem meum*, id est, Laban eum suis cognatis insectus est Jacob patriarcham fugientem ex urbe Laban Syri, qui de Mesopotamia Syriae natus est. Hinc scriptum est in volumine Geneseos : Assumptis Laban fra-

Gen. xxxi.  
23.

tribus suis, persecutus est Jacob septem diebus, et comprehendit eum in monte Galaad. *Qui descendit in Ægyptum cum domo seu sobole sua, et ibi peregrinatus est* Gen. XLVI, 27. *in paucissimo numero* : quia in animabus septuaginta : qui numerus fuit permodicus comparatione infidelium Chananæorum atque Ægyptiorum. Habitavit autem Jacob in Ægypto decem et septem annis : sed quoniam advena fuit, et aliam regionem, coelestem videlicet patriam, adspiravit, dicitur ibi peregrinatus, sicut et ante in aliis terris. Propter quod dixit ad Pharaonem : Dies peregrinationis meae super terram, etc. *Crevitque in gentem magnam ac robustam*, id est, posteritas ejus sic crevit. *Aspiceruntque nos*, id est patres nostros, *Ægyptii* : sicque offerens iste loquebatur ex persona totius populi sui, et diversis diversa attribuenda fuerunt ; et clamavimus ad Dominum Deum nostrum, et respexit humilitatem nostram, et educit nos de Ægypto, et introduxit in locum istum, etc. *Ideirco nunc offero primitias frugum terrae* Deo in recognitionem, quod omnia ab ipso accepi, et quod dona ipsius sint quæ offero ei. *Et dimittes ea in conspectu Domini Dei ad usum ministrorum ipsius. Et adorato Domino Deo tuo, epulaberis in omnibus bonis quæ Dominus Deus tuus dederit tibi et domui tuae, tu et Levites et advena qui tecum est.*

Quando compleveris, hoc est, perfecte collegeris, *decimam cunctarum frugum tuarum, anno decimarum tertio dabis Levitis et advenæ et pupillo et viduæ, ut comedant intra portas tuas.* Sensus istius passus patet ex eo quod scriptum atque expositum est supra : Anno tertio separabis aliam decimam ex omnibus quæ nascuntur eo tempore. *Loquerisque in conspectu Domini Dei tui : Attuli quod sanctificatum est de domo mea*, id est, præfatam decimam Levitis, advenis, pupillis ac viduis dandam, eis jam apportavi et dedi : ideo subditur, *et dedi illud Levitis et advenæ, pupillo et viduæ, sicut jussisti mihi.* Quæ decimæ dicuntur, Sanctificatum de

A domo, quia de rebus ac frugibus a patrefamilias deputabantur ad usum hunc pium, ad Dei honorem. Hinc quod Lyra ait, textum istum vitio scriptorum videri corruptum, ita quod hic haberetur, Abstuli, non Attuli, non oportet sic dicere, nec ratio ejus valet : quia non dicitur hic, quod sanctificatum hoc afferebatur in Jerusalem. *Non præterivi mandata tua, nec oblitus sum imperii tui*, quæ de decimis primitisque jussisti. Hoc dicitur non inaniter gloritando, sed Deo potius regratiando, qui gratiam contulit obediendi, vel excitando se ipsum ad confidentiam piam in Domino, sive ad aliorum ædificationem, quia in his modis Sancti quandoque suas recitaverunt ac descripserunt justitias. *Non comedi ex eis in luctu meo*, id est, decimas illas præfatis personis deputatas, non redegi in proprium usum aut esum tempore meæ afflictionis, ita quod nullus mœror aut fletus ad præcepti hujus inadvertentiam me induxit ; *nec separavi ea in qualibet immunditia*, hoc est, non divisi has decimas ab aliis rebus ac partibus, ad utendum eis in aliqua re vel actione illicita aut superstitiosa, aut in idolorum cultura, quæ antinomastice nuncupatur immunditia : *nec expendi ex his quidquam in re funebri*, id est in parentalibus quæ observabant gentiles, secundum Glossam. Vel, In re funebri, hoc est, in causis lugubribus seu exsequiis mortuorum, faciendo ex decimis his refectioem his qui sepulturæ propinquorum meorum interfuerunt. Hoc additur, quia Judæi in suorum parentum exsequiis facere consueverunt expensas permaximas.

Circa hunc locum recitat Lyra, qualiter quidam dixerunt, quod tertio anno erant tres decimæ : una ad usum Levitarum : secunda de novem partibus residuis, quæ portabatur in Jerusalem, et inde epulabatur ibidem offerentes cum suis familiis ac Levitis, et fiebat singulis annis, sicut et in prima : tertia fiebat tantum tertio anno, eratque pauperum. Sed secunda decima quæ ab istis ponitur, videtur conficta, quia non habetur ex textu, neque ex Glossa, sed

solum aliae duae : ideoque quum dicitur, Anno decimarum tertio, intelliguntur duae tantum primitiae, scilicet prima quae erat Levitarum, et secunda quae erat pauperum ; duobus autem praecedentibus annis fiebat tantummodo prima. Haec Lyra.

Sed sicut supra dictum est, positio illa de tribus decimis, est Magistri in historiis, qui etiam perhibet eam ab Hebraeis acceptam. Et dato quod non habeatur directe ex textu, tamen sequitur ex eodem. Siquidem aliter non videtur posse verificari

Deut. xii,  
17, 18.

quod supra scriptum est : Non poteris comedere in oppidis tuis decimam frumenti, vini et olei, primogenita armentorum et pecorum et primitias manuum tuarum ; sed coram Domino Deo tuo comedes ea in loco quem elegerit Dominus, tu et filius tuus et filia, servus et famula, atque Levites. Nam sicut ibidem probatum est, hoc exponi non potest de prima decima, quae tota pertinet ad Levitas ; neque de tertia quae pauperum erat, nec in usus proprios redigenda, sicut jam patuit : ideo recte de secunda exponitur, et expositio Lyrae ibi non videtur idonea, quoniam dicit hoc esse intelligendum de hostiis pacificis, quas tunc offerebant Judaei, quarum pectusculum et armus dexter erant sacerdotis de jure, ceterae carnes erant offerentis. Nam hostiae illae pacificae non erant decima, nec carnes illius hostiae erant decima frumenti, vini et olei, nec erant primogenita pecorum quae sacerdotibus debebantur : et tamen textus ille apertissime loquitur de decima et decimis frumenti, vini et olei, ac primogenitis pecorum. Praeterea in secunda secundae, questione 87, ait Thomas : In veteri lege tres decimae erant, quarum quasdam solvebant Levitis. Unde in Numeris habetur : Levitae decimarum oblatione erunt contenti. Erant quoque aliae decimae, de quibus in Deuteronomio legitur : Decimam partem separabis de cunctis fructibus tuis, et comedes in conspectu Domini, etc. Erant etiam aliae tertiae decimae, de quibus ibi subjungitur : Anno tertio separabis aliam decimam, etc. Ecce

Numer. xvi,  
21.

Deut. xiv,  
22, 23.

Ibid. 28.

quod in Scriptura ostendit hic Doctor tres decimas fuisse in lege modo praefato. Atque de tertia decima scriptum est in Tobia, quod in tertio anno proselytis et advenis ministravit omnem decimationem.

Tob. i, 7.

*Obedivi voci Domini Dei mei, et feci omnia quae praecepisti mihi. Respice de sanctuario tuo, et de excelso colorum habitaculo.* Istud potest esse oratio Moysis, vel offerentis praefati. Itaque, Domine, oculo pietatis respice de sanctuario tuo, hoc est de tabernaculo seu templo : nam in tabernaculo Moysis Deus tunc specialiter habitare asserelatur, quemadmodum nunc in ecclesia consecrata : et de excelso colorum habitaculo, puta de caelo empyreo, de quo in Psalmo : A summo caelo egressio ejus. Et in Isaia : Caelum mihi sedes est. *Et benedic populo tuo Israel*, dando et multiplicando in eis temporalia ac spiritualia bona, *et terrae quam dedisti nobis*, eam fecundando. Ex hoc apparet, quod ista fuit praefati offerentis oratio. *Sicut jurasti patribus nostris.*

Ps. xviii, 7.

Is. lxxvi, 1.

*Hodie Dominus Deus tuus praecepit tibi, ut facias mandata haec*, id est moralia, *et judicia*, hoc est judicialia praecepta. Et ideo ait, Hodie, ut magis attendant quasi recens praeceptum, quemadmodum Christus in Coena discipulis : Mandatum, inquit, novum do vobis, ut diligatis invicem. *Ut custodias et impleas ex toto corde tuo, et ex tota anima tua. Dominum elegisti hodie*, ita tamen quod prior elegit te, quum dicat Salvator, Non vos me elegistis, sed ego elegi vos : *ut sit tibi Deus, et ambules in viis ejus. En Dominus elegit te hodie*, id est, aeternam electionem suam qua te elegit, nunc tibi monstrat, *ut sis ei populus peculiaris*, hoc est, specialis, hereditarius ac proprius, cum praeter ceteris gentibus veraciter amans et colens : *et faciat te excelsiorem cunctis gentibus*, id est in spiritualibus donis et gratiis eminentiorem ac famosior, imo et quodammodo potentior : quod tempore David et Salomonis fuit impletum. Hinc dictum est supra, Non est alia natio tam grandis, etc.,

Joann. xiii,  
31.

Ibid. xv, 16.

Deut. vi, 7, 8.



et, Quæ est alia gens sic inclita? quod A pro tempore veteris Testamenti verificatur. Excellentius vero impletum est istud in Christo atque Apostolis, quos constituit Dominus principes super omnem terram. *Quas creavit in laudem et nomen*, id est famam, et gloriam suam. Omnia quippe propter se ipsum operatus est Dominus, et omnia fecit Deus ut timeatur: imo quidquid creavit, ad sui ipsius refert gloriam et honorem, quum ipse sit omnium ultimus finis. *Ut sis populus sanctus Domini Dei tui, sicut locutus est.* Hoc non est intelligendum, quod Deus creavit omnes gentes in laudem et gloriam suam, quatenus populus Israel sit populus sanctus ipsius, sed refertur ad illud, Et faciat te excelsiorem: quod totum ordinatur finaliter ad Deum et ejus præconium.

Postremo, quod in principio hujus capituli dictum est de primitiis in cartallo ponendis, etc., aliqui dicunt factum semel dumtaxat post ingressum in terram promissionis, ut littera sonare videtur, in qua non exprimitur tempus determinatum, quo fieri debuit, nisi quod post ingressum præfatum, nec additur ut sæpius fieret. Josephus vero ait has professiones et gratiarum actiones fieri debuisse singulis annis in Scenopogia, imo bis in die.

Mystice et nos militantem ingressi Ecclesiam, omne bonum præcipuum Deo habemus adscribere, atque assidue beneficia Dei cum gratiarum actione fateri ac dicere: *Syrus persequabatur patrem meum*, quia diabolus in paradiso primum nostrum decipit parentem: qui inde expulsus in paucissimo numero, quia cum sola uxore, descendit in vallem hanc lacrimarum, in qua crevit in multitudinem infinitam, ubi et ejus posteritas multipliciter est afflicta, ac variis vitiis, imo et idololatriis involuta. Quidam vero ex posteris ejus Domino adhæserunt, et clamaverunt ad ipsum: quibus tempore præordinato misit Salvatorem unigenitum Filium suum, per quem tradidit eis terram lacte et melle manantem, id est militantis Ecclesie gratiosissimam communionem, deinde Ecclesie triumphantis gloriosissimam societatem. Hinc ecclesiasticis sacramentis charismatibusque supernis copiose relecti, quidquid bonorum sortiti sunt, proximis indigentibus liberaliter communicaverunt. Porro, quod populum christianum Deus sibi præcunctis elegerit populis in peculiarissimam plebem, cunctisque gentibus fecerit præclariorem, ineffabiliter magis quam Israeliticam plebem, cunctis vere fidelibus prorsus certissimum est.

Sensus  
mysticus.

## ARTICULUS XXX

EXPOSITIO LITTERALIS CAPITULI VICESIMI SEPTIMI: PRÆCEPIT AUTEM MOYSES  
ET SENIORES POPULO.

POST particularium multiplicium præceptorum descriptionem, nunc legislator variis modis hortatur populum ad observantiam eorundem. *Præcepit autem* Num. xi, 16, 21. *Moses et seniores*, videlicet septuaginta seniores, qui sub Moyse præfuerunt, de quibus dictum est in Numeris, *populo Israel, dicentes: Custodite omne mandatum*

*quod præcipio vobis hodie.* Quare non dicitur, Quod præcipimus? Forte quoniam Moyses fuit principalis actor jussionis istius. *Quumque transieritis Jordanem, eriges tu*, popule Israel. Fit itaque hic mutatio numeri de plurali in singularem, ut sæpius fit in Scripturis. *Eriges, inquam, ingentes*, id est valde magnos, *lapides, et calce lw-*

vigabis eos, ut possis in eis scribere per A sculpturam omnia verba legis hujus : quod quidam exponunt de decem praeceptis Decalogi. Nam cetera omnia ibi non poterant scribi : et quamvis cetera ibi scribi nequibant, tamen secundum Josephum et alios multos, erant in eis scripta multo plura quam decem praecepta, videlicet benedictiones et maledictiones. Quum enim essent tam grandia saxa, poterant inibi scribi plura quam decem mandata. Sicque quod ait, *Scribes in eis omnia verba legis hujus*, potest intelligi per modum distributionis accommodae, seu pro generibus singulorum, ita quod ibi scribebantur etiam quaedam judicialia, et quaedam caerimonialia praecepta.

*Quando ergo transieris Jordanem, erige lapides quos ego praecepit tibi hodie*, id est, nunc jubeo ut eos tempore congruo erigas, in monte Hebal, et levigabis eos culce trans Jordanem : et aedificabis ibi altare Domino de lapidibus quos ferrum non tetigit, et, pro id est, de saris informibus, hoc est non ornatis, et impolitis.

Istud consonat verbo quod Dominus jussit in Exodo : Si altare lapideum feceris mihi, non aedificabis illud de sectis lapidibus.

Eadem quoque in Exodo Dominus jubet : Altare de terra facietis. Horum ratio fuit ad litteram, quoniam Dominus voluit sacra sua differre a sacris idololatrarum, qui de pretiosis et politis ac sculptis materiis construxerunt deorum suorum altaria. Verum-

tamen Exodi alio loco Dominus ait : Facies et altare de lignis setim. Siquidem altare holocausti fuit de lignis setim aere opertis, altare vero thymiamatis de lignis setim auro tectis. Dicuntque aliqui, quod etiam altare holocausti fuit de terra, quia ad minus habuit terram pro fundo, nec aliud pavementum. Alii dicunt, illud de altari terreo, intelligendum de altari quod ante constructionem tabernaculi exstitit factum : quod et Thomas in prima secundae, quaestione 102, sentire videtur, dicendo : Facto tabernaculo ad honorem Dei, non erant timendae hujusmodi occasiones idololatriae.

Ideo mandavit Dominus quod fieret altare holocaustorum de aere, quod esset toti conspicuum populo, et altare thymiamatis, quod soli sacerdotes videbant : nec erat tanta pretiositas aeris, ut per hoc populus ad idololatriam provocaretur. Haec Thomas. *Et offeres super eo*, hoc est super altare de impolitis lapidibus factum in monte Hebal, *holocausta Domino Deo tuo, et immolabis hostias pacificas, comedesque ibi, et epulaberis coram Domino Deo tuo*. Hoc videtur fuisse contra id, quod alibi

Dominus jussit, non nisi in tabernaculo sibi sacrificari. Et respondendum, quod ipsemet Dominus in lege sua potuit dispensare, ex ejus dispensatione Elias sacrificavit in monte Carmeli. Nec immolatio ista in monte Hebal, facta est sapientius : regulariter autem non fiebat licite, nisi in tabernaculo. *Et scribes super lapides hujus altaris omnia verba, hoc est praecepta, legis hujus juxta expositionem inductam, plane et lucide*.

*Disseruntque Moyses et sacerdotes : Attende et audi, Israel : Hodie factus es populus Domini Dei tui. Audies vocem ejus.*

Qualiter istud impletum sit, recitat Josue quum ait : Tunc aedificavit Josue altare Domino in monte Hebal. *Praecepitque Moyses populo in die illo, dicens : Hi stabunt ad benedicendum Domino*\*, id est ad imprecandum bona obedientibus Deo : quod fuit aequivalenter Deum laudare, utpote eum insinuare esse tam sanctum et dignum, quod benedictione essent condigni, qui ei debite deservirent, et maledictione, qui ei non obedirent : *super montem Garizim*, qui parum distabat a monte Hebal : *Simعان, Levi, Judas, Issachar, Joseph et Benjamin*, id est nati ex his sex Patriarchis. *Et e regione isti stabunt ad maledicendum inobedientibus in monte Hebal : Ruben, Gad, et Aser, Zabulon, Dan, et Nephthali*. Id est, posterii horum (secundum Glossam) nobiliores, stabunt ad benedicendum : ignobiliores, ad maledicendum : quia inter maledicentes erant quatuor filii ancillarum, et Ruben primogenitus Liae.

Josue VIII, 30.

\* populo

Gen. XXXV, 25, 26.

Exod. XX, 25.

Ibid. 24.

Ibid. XXVI, 1.

*Gen. xxxv,* qui suo incestu, privatus fuit jure primo-  
22.

geniturae, et vilis effectus, Zabulon quoque ultimus filius Liae. Sed quæri potest, cur altare jussum est fieri in monte, in quo maledicentes jussi sunt stare. Forte ad designandum, quod existentes sub lege,

*Galat. iii,* erant sub maledicto, ut ait Apostolus; et  
10.

quod lex illa fuit lex timoris, inducens ad serviendum Deo, magis comminatione atque formidine suppliciorum, quam amore celestis retributionis ac zelo virtutum.

*Et pronuntiabunt Levitæ, dicentque ad B*

*omnes viros Israel.* Si Levitæ steterunt cum quinque tribubus præfatis, in monte Hebal ad benedicendum, quomodo nunc dicitur, quod pronuntiabunt et dicent ad omnes viros Israel *erecta voce, Maledictus*

*homo qui facit sculptile,* quod fuit maledicere? Ad hæc videtur haberi responsio

*Josue viii,*  
33.

ex his quæ in Josue habentur: Omnis populus et majores natu, ducesque et iudices, stabant ex utraque parte aræ in conspectu sacerdotum, qui portabant arcam: media pars eorum juxta montem Garizim, et media juxta montem Hebal. Unde elicitur, quod sacerdotes stabant cum arca in medio campi siti inter præfatos montes: et stando ibidem, proferebant tam verba benedictionis super obediētes, quam verba maledictionis super rebelles. Sacerdotes autem quandoque vocantur Levitæ, sumendo nomen Levitæ communiter, quoniam erant de tribu Levi: sieque tribus Levi pro majori parte stetit in monte Hebal, ut in textu habetur. Itaque dicent: Maledictus

*homo qui facit sculptile et conflatile, abo-*

*minationem Domini, opus manuum artificum,* id est, per se, aut per alium format idola sculpta, sive conflata Deo abominabilia. Aliquæ autem imagines primo per conflationem formabantur, deinde per sculpturam decorabantur: aliquæ sola conflatione, et quædam sola sculptione fiebant.

*Ponitque illud in abscondito,* id est in loco secreto ad colendum, et non minus si poneret illud in manifesto, in quantum hoc esset magis scandalizativum: ideo ta-

men ait, in abscondito, quoniam Moyses scivit quod filii Israel ad tempus non audent idololatriam publice exercere, propter quod ab occulta quoque idololatria revocantur. *Et respondebit omnis populus, et dicet: Amen,* id est, verum est, vel sic fiat.

Quæri potest, cur dictum sit de sex præfatis tribubus, quod starent in monte Garizim ad benedicendum, quum ipsæ non proferrent verba benedictionis, nec ipsæ solæ responderent ad verba benedictionis, sed omnis populus: imo quum de benedictionibus non fiat hic mentio aliqua. Hic tria queruntur, ad quorum ultimum primo respondendum, quod benedictiones subintelliguntur per maledictiones contrarias, et forsitan exprimebantur, vel implicite dabantur intelligi. Deinde respondendum ad primum, quod sacerdotes proferebant maledictiones ac benedictiones, et tribus aliæ dicuntur benedixisse aut maledixisse, in quantum sua responsione eas confirmaverunt: arbitranturque aliqui, quod solæ sex tribus præfate responderunt, Amen, ad benedictiones, propter quod benedixisse scribuntur: et aliæ sex responderunt, Amen, ad maledictiones: sieque per omnem populum intelligeretur totus exercitus, qui stabat simul in uno monte. Vel si solæ maledictiones explicabantur, sex tribus dicuntur benedixisse, in quantum sub maledictionibus oppositas benedictiones intelligebant. Aliqui vero dicunt, quod sacerdotes proferebant benedictiones vultu verso ad sex tribus in monte Garizim stantes: ideo dicuntur benedixisse, quamvis universæ tribus responderint, Amen, ad maledictiones ac benedictiones; et quod sacerdotes protulerint maledictiones facie versa ad sex alias tribus. Porro nonnulli dixerunt, quod sacerdotes primo ascenderunt cum arca in montem Garizim ad benedicendum, ad quorum benedictiones responderunt, Amen, sex tribus ibi adstantes: deinde eum arca profecti sunt in montem Hebal ad maledicendum, et sex tribus ibi situate, responderunt



ad maledicta eorum, Amen. Verumtamen istud non videtur consonare præallegatis verbis ex Josue.

*Maledictus qui non honorat patrem suum et matrem : tempore opportuno ipsis obediendo, seu indigentibus pro posse subveniendo, et maxime qui non solum non honorat, sed eis maledicit aut convitiatur. Et dicit omnis populus, Amen. Maledictus qui transfert terminos proximi sui.* Quod qualiter sit intelligendum, ex-

Deut. xix,  
11.

positum est supra. *Maledictus qui errare facit cæcum in itinere : ipsum scienter male ducendo, aut errantem non dirigendo, aut etiam illum qui viam ignorat et quærit, vel publice deviat, non informando de recto itinere sibi noto. Et dicit omnis populus, Amen. Maledictus qui pervertit iudicium advenæ, pupilli et viduæ. Et dicit omnis populus, Amen. Maledictus qui dormit cum uxore patris sui. Et dicit omnis populus, Amen. Maledictus qui dormit cum omni jumento. Et dicit omnis populus, Amen. Maledictus qui dormit cum sua sorore, filia patris sui vel matris suæ. Et dicit omnis populus, Amen. Maledictus qui dormit cum socru sua. Et dicit omnis populus, Amen. Maledictus qui clam percusserit proximum suum : lædendo, mutilando, aut occidendo callide*

II Reg. xix,  
8-10.

ac latenter, sicut versutus Joab fortio- rem se ac strenuum Amasam. Istud enim vitiosius est quam aperte invadere, quamvis et aperte hæc faciens, maledictionem incurrat. *Et dicit omnis populus, Amen. Maledictus qui dormit cum uxore proximi sui. Et dicit omnis populus, Amen. Maledictus qui accipit munera ut percutiat animam sanguinis innocentis, id est vitam animale[m] et corporalem hominis justi, aut ejus qui non meruit percuti : sive sit iudex, qui hoc fieri dietet aut sinat, quum possit ac debeat impedire, sive alter conductus ad facinus tam ineffabiliter execrandum. Et dicit omnis populus, Amen.* Et quoniam longum erat universa in lege prohibita specialiter prosequi, de reliquis summam subiungitur : *Maledictus qui*

*non permanet in sermonibus legis hujus, per fidem et obedientiam, nec eos opere perficit, per finalem perseverantiam. Et dicit omnis populus, Amen.*

Postremo, ad litteram edocemur, quod specialiter gravia sunt peccata præfata, quibus Deus per Moysen jussit maledictiones has imprecari. Cetera, quantum ad litteram, patent.

Spiritualis quoque horum intelligentia hinc inde est introducta. Nempe spiritualiter patrem aut matrem non honorat, qui non obedit Ecclesiæ, aut contra superiores suos impie indignatur, murmurat, sive obloquitur, præsertim dum ab ipsis pro sua culpa corripitur, ac debite castigatur. Sculptile et conflatile facit, qui phantasiis fatuis immoratur, aut fœda revolvit in cordis sui absconso, phantastica vel falsa confingit, et aliquid catholicæ veritati machinatur. Terminos proximi transfert, qui legem sibi præfixam transgreditur, et ea ad quæ tenetur, omittens, in supervacuis occupatur : et item qui verbo aut opere scandaloso alium ad spiritualium amissionem charismatum pertrahit. Cæcum errare facit in via, non solum qui alium male informat, scandalizat, seducit, sed etiam qui simplicem, imperitum, ambiguum, non illuminat loco et tempore opportuno, per sana consilia, salubria documenta, exemplaria opera : et præsertim prelati, qui sibi commissos, ab ignorantibus, erroribus et peccatis non revocant, nec eis in via salutis præbent ducatum. Cum uxore patris sui dormit, qui virginem et feminam Altissimo consecratam contaminat, vel animam Sponso cœlesti conjunctam avertit et inficit, ac libidinose inflammat. Cum omni dormit jumento, qui carnalibus consentit hominibus. Clam percutit proximum, qui de industria quempiam fallit, et sub specie boni, poculum præbet mortiferum. Munera accipit ut percutiat animam innocentis, qui intuitu proprii commodi, aut carnali favore alterius, allicit aliquem ad peccandum, aut justum persequitur. In sermonibus legis divinæ non permanet,

Sensus  
spiritualis

qui non perseverat usque ad finem : aut **A**bus, nisi vere et condigne peniteant, dicturus est Index : Ite, maledicti, in ignem *Matth. xxv, 41.*  
*Jacob ii, 10.* totam legem observans, delinquit in uno. Hi omnes maledictionem merentur : qui-

## ARTICULUS XXXI

EXPLANATIO LITTERALIS CAPITULI VICESIMI OCTAVI : SI AUTEM AUDIERIS  
 VOCES DOMINI DEI TUI.

**P**ROSPERA pollicendo atque adversa **B**a facie tua, hoc est per loca quamplura, minando, imo et certitudinaliter ac prophetaliter prænuntiando, legislator nunc excitat populum suum ad observationem suæ legis. *Si autem audieris vocem Domini Dei tui, ut custodias omnia mandata ejus*, id est, verbis Dei in lege ejus contentis obtemperaveris, *faciet te Dominus exaltatorem*, id est in donis gratiæ ac prosperitate terrena præclariorem, *cunctis gentibus*, prout supra expositum est. *Venientque super te benedictiones istæ, si tamen ejus audieris præcepta. Benedictus tu eris* **C** *in civitate, et benedictus in agro*, hoc est in omni tui territorii loco. *Benedictus fructus ventris tui*, id est, fecundus eris in prolificando, *et fructus terræ tuæ, fructusque jumentorum tuorum, greges armentorum tuorum, et caule ovium tuarum*, quia lex evidenter proposuit, et observatoribus suis promisit bona præsentia ac terrena : ideoque benedictiones istæ concernunt illa, sub quibus tamen spiritualia bona subintelliguntur, quæ sola sunt condigna virtuosorum actuum præmia. *Benedicta horrea tua*, hoc est, fructibus terræ replebuntur, nec vermibus corrumpentur, *et benedictæ reliquæ tuæ*, id est, copiosa erunt quæ tibi superfluent. *Benedictus eris ingrediens et egrediens*, hoc est, quocumque te verteris, et quidquid peregeris. *Dabit Dominus inimicos tuos qui consurgent adversum te, corruentes in conspectu tuo. Per unam viam venient contra te hostes tui*, id est pariter conglobati, *et per septem fugient*

*Abundare te faciet Dominus omnibus bonis, fructu uteri tui, et fructu jumentorum tuorum, fructu terræ tuæ. Aperiet tibi Dominus thesaurum suum optimum, cælum*, hoc est, cœlestia corpora ac aerem faciet tibi inflare prospere, motu, lumine, pluvia, rore, et consimilibus. Porro cælum dicitur optimus Dei thesaurus, quoniam virtualiter continet inferiora, et quia cælum est continentia visibilium et invisibilium. In cælo quoque, præsertim empyreo, est mansio Beatorum, et status omnium bonorum aggregatione perfectus ; suntque ibidem simplicissima entia, optimam vitam ducentia, atque de suis sufficientia : et sicut ait Apostolus, Quæ oculus non vidit, nec auris audivit, nec mens comprehendere potest, ibi abundant. Cælum tamen empyreum dicitur in hæc inferiora influentiam non habere ; sed

*1 Cor. ii, 9.*  
*Is. lvi, 4.*

motus mobilium orbium. præcipue mobilis primi, secundum Philosophum, est quasi vita quædam et conservativa inferiorum.

*Fenerabis gentibus multis, et ipse a nullo fenus accipies, juxta expositionem supra introductam. Constituet te Dominus in caput, et non in caudam, id est, faciet te aliis eminentiorem, non posteriorem : et eris semper supra, et non subter, id est, præeris, et alii tibi erunt tributarii ac subiecti : si non declinaveris a mandatis, nec ad dextram, nec ad sinistram, id est ad nullum vitiosum extremum : vel, Nec ad dextram, id est, ad ea quæ speciem habent virtutum, vel neque ad prospera sæculi : Nec ad sinistram, id est, ad ea quæ manifesta sunt mala, nec propter terrores, comminationes et aspera.*

Iluensque obedientibus promissa sunt prospera, quæ communiter evenerunt populo Judeorum dum justi fuerunt, non tamen singulis talibus, quia et tunc multe fuerunt tribulationes justorum, et sancti Prophætæ adversa ac mortes amaras perpessi sunt. Elias quoque et Eliseus et Jeremias prolis fecunditatem consequenti non sunt. Unde de Sanctis veteris Testamenti scribit Apostolus : Circueverunt in melotis, in pellibus caprinis, egentes, angustati, afflicti, etc. Hinc constat, quod terrena illa prosperitas non fuit principalis ultimataque merces observantiæ legis.

Consequenter inobedientibus prænantiantur maledicta, prætactis benedictionibus prosperitatibusque opposita. Nam populus ille rudissimus, per exteriora et sensibilia ista, ad interiora ac spiritualia paulatim fuerat inducendus. *Quod si audire nolueris vocem Domini Dei tui, peccando ex animo indurato, et firmato proposito : venient super te omnes maledictiones istæ, et apprehendent te. Maledictus eris in civitate, maledictus in agro : maledictum horreum tuum, et maledictæ reliquie tue : maledictus fructus ventris tui, et fructus terræ tue, armenta bouum tuorum, et greges ovium tuarum : maledictus eris ingrediens et egrediens. Mittet Dominus su-*

*A per te famem et esuriem, hoc est grave desiderium cibi ac potus, et eorum earentiam ponasque viscerum inde sequentes. Sit cœlum quod supra te est, æneum : id est, nullam consolationem aut fertilitatem ex cœlestium corporum influentia sortiaris : et terra quam calcas, ferrea, id est tibi penitus infecunda, et sole adusta, non compluta. Det Dominus imbrem terræ tuæ pulverem, hoc est, pro pluvia terra tua ex nimia siccitate abundet pulveribus : et de cœlo descendat super te cinis : id est, sic habitacula tua comburantur ab hostibus, quod cinis ex vento per aerem volans super te ruat : donec conteraris, etc., et dispergaris per omnia regna terræ : quod tempore præsentis captivitatis Judæorum eis a Romanis inflictæ, maxime est impletum. Percutiat te Dominus ulcere Ægypti, hoc est ulceribus et vesicis turgentibus, quibus plagavit Ægyptios, ut in Exodo habetur : et parte corporis, per quam stercorea egerantur, id est læsione umbilici seu natium, quæ sunt partes inferiores posteriorum : sicut percussit Philistæos, juxta illud primi Regum libri : Percussit Dominus in secretiori parte natium Azotum et fines ejus, et computrescebant prominentes extales eorum : scabie quoque et pruriginæ, hoc est ardore exustioneque carnis et aurium incitante ad scalpendum : ita ut curari nequeas. Uxorem accipias, et alius dormiat cum ea. Hoc dicitur permissive : non enim adulterium placet Deo, sed justo judicio propter præcedentia demerita permittit illud accidere. Percutiat te Dominus ulcere pessimo in genibus et in suris, id est extremis tibiæ partibus.*

*Ducet te Dominus et regem tuum, etc., in gentem alienam : sicut Salmanasar rex Assyriorum transtulit Israel in Assyrios, et regem Israel Osee misit in carcerem, ut legitur quarto libro Regum : et Nechao rex Ægypti, regem Juda Joachaz, transtulit in Ægyptum. Nabuchodonosor quoque Joachim et Sedeciam reges cum populo Juda transtulit in Chaldeam. Filios generabis et filius, et non frueris eis, id est, non*

Ps. XXXIII.  
20. Matth.  
XXIII, 34.

Hebr. XI,  
37.

Exod. IV,  
10.

I Reg. I, 6, 9.

IV Reg.  
XXII, 1, 6 ;  
XXIII, 11.

Ibid. XXIII,  
34. XXIV, 15 ;  
XXV, 7.



uteris ad consolationem et gaudium tibi. *Et A* *gredi hujusmodi feminae, saltem dum sanae sunt ; sed ita se habent et sustentari se faciunt, velut in signum teneritudinis suae et complexionis tenerrimae, ut elegantiores appareant, reverentialiusque tractentur. Cui consuetudini sancta Esther morem gessit, sed pia intentione, de qua in Esther libro legitur : Assumpsit duas famulas, et super unam innitebatur, quasi prae deliciis et nimia teneritudine corpus suum ferre non sustinens. Incidebit viro suo super filii et filiae carnibus, id est, corpora sobolis suae cocta optabit sola comedere, et illurie secundarum, id est super immunditia pellicularum, quibus in utero involvuntur infantuli, seu super immundis secundis, quae egrediuntur de medio feminum ejus, id est inguinum seu coxarum hujusmodi mulieris, ita quod ipsa cupiet illa comedere sola. Vel, ut alii textus habent, Illurie secundinarum, quae egrediuntur de medio seminum ejus, id est super secundinis immundis egredientibus de utero mulieris eum ipsius seminibus. Dicitur autem C secundina, folliculus seu pellicula qua proles tegitur atque involvitur in utero matris, et simul cum fetu egreditur, quam Isidorus vocat secundam : hancque pelliculam mater sola edere concupiscet. Comedent enim eos, id est pueros suos, clam ; et quamvis ista non legantur descripta, tamen contigisse Judaeis creduntur. Talia autem sic occulte facta in tanta calamitate, ab aliis ignorantur : et qui faciunt ea, mox moriuntur.*

*ut erunt in te signa et prodigia, hoc est mirae apparitiones et stupenda adversa. Unde ut recitat Josephus, imminente ultima Judaeorum captivitate, multa mirabilia acciderunt Judaeis praesagia futurorum, et appa-  
parnerunt cohortes armatae in aere atque congressus : et usque in praesens miseris et cladibus miserandis subiecti sunt. Ideo subditur : usque in sempiternum, id est usque ad tempora proxima fini saeculi hujus : quia ut Daniel prophetavit, Finis ejus est vastitas, et usque in finem perseverabit desolatio : eo quod non servieris Domino in gaudio spirituali cordisque letitia, id est exultatione quae ex mentis jucunditate redundat in corpus. Ex hoc elicitur, quod tenemur Deo prompto jucundoque animo deservire, quemadmodum scriptum est : Servite Domino in letitia. Nam et signum virtutis est delectatio operationi annexa. Et gaudium est justo justa agere. Tenemur equidem Deo servire ex caritate, quae mox parit delectationem in Dei obsequio. In exordio tamen conversionis, propter reliquias pristinae iniquitatis, et in fervore tentationum aliquando non sentitur delectatio in actu virtutum : sed fortiter perseverans, viriliterque resistens, cito consolatur a Domino, et gustum sentit in bono.*

*Adducet Dominus super te gentem de longinquo, in similitudinem aquila volantis, hoc est celerrime. Unde et Jeremias : Velociore, inquit, fuerunt hostes nostri aquilis caeli. Gentem procacissimam, id est inverecundissimam, quae non*

*deferat honorem seni : quod in Threnis legitur de Chaldaeis. Et comedes fructum*

*uteri tui. De hoc Jeremias testatur : Manus mulierum misericordium coxerunt filios suos : quod et quarto Regum sub Joram legitur contigisse. In obsidione quo-*

*que Jerusalem a Romanis id accidit, ut Josephus narrat. Tenera mulier et delicata, quae super terram ingredi non valebat, nec pedis vestigium figere propter molli-*

*tiem et teneritudinem nimium : non quod absolute nequeant ambulare, stare et pro-*

*grederi hujusmodi feminae, saltem dum sanae sunt ; sed ita se habent et sustentari se faciunt, velut in signum teneritudinis suae et complexionis tenerrimae, ut elegantiores appareant, reverentialiusque tractentur. Cui consuetudini sancta Esther morem gessit, sed pia intentione, de qua in Esther libro legitur : Assumpsit duas famulas, et super unam innitebatur, quasi prae deliciis et nimia teneritudine corpus suum ferre non sustinens. Incidebit viro suo super filii et filiae carnibus, id est, corpora sobolis suae cocta optabit sola comedere, et illurie secundarum, id est super immunditia pellicularum, quibus in utero involvuntur infantuli, seu super immundis secundis, quae egrediuntur de medio feminum ejus, id est inguinum seu coxarum hujusmodi mulieris, ita quod ipsa cupiet illa comedere sola. Vel, ut alii textus habent, Illurie secundinarum, quae egrediuntur de medio seminum ejus, id est super secundinis immundis egredientibus de utero mulieris eum ipsius seminibus. Dicitur autem C secundina, folliculus seu pellicula qua proles tegitur atque involvitur in utero matris, et simul cum fetu egreditur, quam Isidorus vocat secundam : hancque pelliculam mater sola edere concupiscet. Comedent enim eos, id est pueros suos, clam ; et quamvis ista non legantur descripta, tamen contigisse Judaeis creduntur. Talia autem sic occulte facta in tanta calamitate, ab aliis ignorantur : et qui faciunt ea, mox moriuntur.*

*Et convertet in te omnes afflictiones. Egypti, id est similes ac peiores afflictionibus Egyptiorum. Et sicut ante letatus est bene vobis faciens, ex sua pietate : Deus enim in omni actu suo invariabiliter gloriatur ; sic letabitur disperdens eos, quia in actu suae justitiae gratulatur. Unde et alibi : Ego, inquit, in interitu vestro ridebo. Disperdet te in omnes populos a summitate terrae usque ad terminos ejus, id est a sublimitate territorii tui per omnes regiones seu provincias mundi, sicut nunc factum videmus ; et servies ibi diis alienis,*

*Esther xv, 3, 6.*

*Prop. i, 26.*

*Daniel, 20, 27.*

*Ps. xcix, 2.*

*Prov. xxi, 13.*

*Thren. iv, 19.*

*Ibid. 16.*

*Ibid. 10.*

*IV Reg. vi, 28, 29.*

*De bello Jud. vi, 21.*

Forsitan enim inter idololatrias commorando, idolis servierunt quidam eorum, etiam durante hac ultima eorum captivitate. *Dabit tibi Dominus cor pavidum*, carnali, mundano, et vili timore prædominante, *et deficientes oculos*, id est male dispositos, quoniam interiores cordis afflictiones et passiones præsertim apparent in oculis: *et erit vita tua quasi pendens ante te*, id est in ambiguo posita, ita quod eris tam incertus de subsistentia vitæ tuæ, quasi jam esset tibi subtracta. *Reducet te Dominus classibus*, id est multitudine navium, in *Aegyptum*. *Ibi venderis inimicis tuis in servos et ancillas*. Nempe ut in libro de Judaico bello recitat Josephus, vastata Jerusalem per Romanos, tot millia venditioni exposita sunt, quod pro levissimo pretio emebantur. Unde qui emerant eos, deduxerunt ipsos classibus in Alexandriam Aegypti metropolim, ut ibidem carius venderent eos, atque tot millia Judæorum exposuerunt ibi venalia, quod vix inveniebantur emptores. Ideo subditur: *et non erit qui emit*. Cetera patent in textu.

Denique, circa hunc locum Rabbi Paulus scribit satis catholice. Itaque ait, quod maledictiones in Levitico inductæ contra inobedientes, assimilantur maledictionibus istis in multis, et tamen aliæ sunt ab istis, et illæ ad Babylonicam pertinent captivitatem, istæ ad hodiernam, quam vocant Romanam, quia per Romanos fuit incepta, et etiam consummata, et istud patet ex octo. Primo, quoniam causa captivitatis hujus Romanæ, non assignatur in littera aliquod idololatriæ vitium, sicut Leviticus dicit.

Quia durante templo secundo, non incurrerunt idololatriæ crimen: sed ratio captivitatis istius exprimitur, quod noluerunt vocem Dei audire et ejus observare præcepta. Secundo patet idem ex processu utriusque destructionis. Nam prima fuit paulatim inflata, ut patet ex quarto Regum: ista autem simul. Tertio, quia in maledictionibus in Levitico scriptis, Dominus ait, Dispergam vos in gentes: quod in prima destructione eorum impletum est.

A Sed in hoc capitulo Moyses loquitur, Disperdet te Dominus in omnes populos a summitate terræ usque ad terminos ejus: quod in hac captivitate dumtaxat impletum est, quia in ea dispersi sunt per omnia climata mundi. Quarto hoc patet, quoniam prima captivitas duravit solum annis septuaginta: ista usque in finem. Quinto, quoniam maledictiones Levitici terminantur in consolationem. Nam dicitur ibi: Recordabor fœderis mei: terræ quoque memor ero. Et rursus: Recordabor fœderis mei

B pristini, quando eduxi eos de terra Aegypti. Per quod manifeste ostenditur, quod illa captivitas fuerat per consolationem terminanda. Talis autem consolatio aut terminatio non promittitur maledictionibus hujus capituli. Alia verba Rabbi Pauli dimitto ex causa, quia etsi pie accipi possint, nihilominus calumniabilia esse videntur.

Præterea, sicut de promissionibus prosperitatum obedientibus promissarum prædictum est, quod intelligendæ sint ut communiter, quantum ad totam plebem, non quantum ad supposita singula, ita de maledictionibus istis est sentiendum. Constat enim, multos sceleratos fuisse in veteri Testamento, quibus adversitates istæ non contigerunt.

Nunc spiritualitas hujus capituli breviter est tangenda. *Si audieris vocem Dei, faciet te excelsiorem cunctis gentibus*. Hoc in populo christiano frequenter impletum est. Tanta enim supernorum charismatum excellentia data est populo christiano, quod tempus evangelicæ legis, antonomastice appellatur tempus gratiæ. Quumque ab exordio Ecclesiæ eam impugnarent ac persequerentur infideles Judæi, principes perfidi ac tyranni, imperatores, reges ac populi, hæretici atque philosophi, nec tamen Ecclesia corporali conflictu illis restitit: tamen omnipotens Deus taliter pugnavit pro ea per sapientiæ infusionem, per virtutum collationem, per innumerabilia signa, præclarissimaque miracula, quod ipsa gloriosissima Ecclesia universis adversariis suis

De bello  
Jud. vi, 45.

Lev. xxvi,  
14 et seq.

Ibid. 1, 30.

IV Reg.  
xvii, xxiii,  
xv.

Lev. xxvi,  
33.

Lev. xxvi,  
42.

Ibid 45.

Sensus  
spiritualis.

prævaluit, et toto orbe terrarum diffusa A  
fuit, atque quotidie crevit credentium nu-  
mero, quamdiu evangelicæ legi irrepre-  
hensibiliter obedivit.

Sicque populo dicitur christiano : Si  
obedieris Deo, *benedictus eris in civitate*,  
*Ps LXXXVI*, de qua cantamus : Gloriosa dicta sunt de  
3. te, civitas Dei, id est in ecclesiastica uni-  
tate. Civitates quoque Ecclesiæ sunt clau-  
stra, collegia, congregationes, in quibus  
sæpissime fuit ineffabilis exuberantia mu-  
nerum divinarum et summa devotio. *Et*  
*benedictus in agro*, id est in exercitio ex-  
teriori. *Benedictus fructus ventris tui*, id  
est mentis tuæ, quæ est venter spiritualis,  
concupiens bonas cogitationes, virtuosas-  
que affectiones, et pariens verba salubria et  
exemplaria opera. *Fructusque jumentorum*  
*tuorum*, id est, conversatio subditorum erit  
fructuosa : *greges armentorum*, qui sunt  
particulares quique parochiani : *et caula*  
*ortum*, id est ecclesiæ eorundem. *Bene-*  
*dicta horrea tua*, id est virtutum tuarum  
ac gratiæ receptacula, quæ sunt intelle-  
ctus atque voluntas, et secundum quosdam C  
etiam appetitus sensitivus, in quo sunt  
passiones et virtutes morales passionum  
reformatrices. *Benedictus eris ingrediens*  
ad fidem et contemplationem, *et egrediens*  
ad operationem, seu de via et corpore mor-  
tis hujus ad patriam. *Dabit Dominus ini-*  
*micos tuos corruentes in conspectu tuo*, id  
est, hostibus tuæ salutis Deo agente præ-  
valebis. *Emittet Dominus benedictionem*  
*super cellaria tua*, id est, in apice intel-  
lectivæ ac vertice affectivæ multiplicabit  
contemplationum excessus ac raptus, san-  
ctæque caritatis ardores, transformationes  
et gustus : *et super omnia opera tua*, ita  
quod erunt meritoria, non solum vitæ æter-  
næ in patria, sed et incrementorum gratiæ  
ac virtutum in via. Nam sicut unum pec-  
catum disponit ac trahit ad aliud, sic unus  
virtutum actus ad alium aptat ac introduc-  
cit : sicque merita oriuntur ex meritis, et  
profectus ex profectibus, habentique datur  
ut abundet.

*Videbunt omnes populi terrarum, quod*

*nomen Domini invocatum sit super te*. Tan-  
ta namque est evangelicæ legis perfectio  
atque sinceritas, quod quicumque secun-  
dum eam plenarie vixerit, adeo exemplaris  
irreprehensibilisque consistit, ut nemo in-  
tuentium rationabiliter possit ambigere de  
legis ac fidei christianæ veritate. Propter  
quod beatissimus Petrus hortatur fideles :  
Conversationem vestram inter gentes ha-  
bentes bonam, ut in eo quod detrectant de  
vobis tanquam de malefactoribus, ex bo-  
nis operibus vos considerantes, glorificent  
Deum. Insuper, tanta virtus et eminentia  
miraculorum, aliorumque munerum gratiæ  
gratis datæ, Christifidelibus sunt collatæ,  
quod innumerabilia undique millia infi-  
delium ad Christum conversa sunt. *Aperiet*  
*tibi Dominus thesaurum suum optimum*,  
*caelum*, ut pluriam tribuat terræ tuæ in  
tempore suo, id est, Spiritum Sanctum mit-  
tet tibi a celo altissimo, in quo ejus in-  
finita opulentiæ residet, et salutarem do-  
ctrinam, gratiæ rorem, sapientiæ flumina  
præstabit Ecclesiæ tempore desuper præ-  
stituto. Sæpe etenim renovavit omnipotens  
Dominator hæc omnia in militante Ecce-  
lesia, mittendo ad eam viros sanctos, prædi-  
catores idoneos, pastores condignos.

*Quod si audire nolueris vocem Domini*,  
*maledictus eris in civitate*, id est, claustra  
et collegia ad deformationem ac ruinam  
devenient ; et *in agro*, quia et sæculares  
conjugati activi a via salutis deficient. *Ma-*  
*ledictum horreum tuum*, id est, potentiæ  
animæ tuæ, quæ fuerunt subiecta divino-  
rum charismatum, erunt domicilia vitio-  
rum ac dæmonum. *Maledictus fructus ven-*  
*tris tui*, id est, a Deo juste relictus, proferes  
cogitationes inanes et vitiosos affectus. *Ma-*  
*ledictus fructus terre tue*, id est, opera  
carnis tuæ erunt fœda et detestanda, rationi  
contraria et odibilia Deo : *armenta boum*  
*tuorum*, id est, subditi tui tuo corrumpen-  
tur exemplo. *Maledictus eris ingrediens et*  
*egrediens*, id est, juxta fidem tuam non  
vivens, et de corpore exiens, damnationem  
incurres. *Mittet Dominus super te famem*  
*et esuriam*, id est defectum et carentiam

*Matth. XIII,*  
*12, Luc. XIX,*  
*26.*

*1 Petr. II,*  
*12.*



refectionis internæ, sterilitatemque ani-  
mæ. *Adjungat tibi pestilentiam*, id est in-  
fectionem interiorem et scandala activa  
atque passiva. *Percutiat te egestate*, id est  
spirituali inopia, quæ est virtutum priva-  
tio: *febri*, id est cupiditate terrena: *frigo-  
re* acediæ, *ardore* concupiscentiæ, *astu*  
*iracundiæ*: *aere corrupto*, id est respira-  
tione ad mundana solatia, quæ mentem in-  
toxiceat, sicut aer corruptus corpus: *et ru-  
bigine* invidentiæ ac rancoris: ita quod  
Deus justo judicio tot et tanta facinora te  
permittat incidere.

*Sit calum quod supra te est, æneum, et  
terra quam calvus, ferreum*, id est, tanto  
premaris mœrore, ut nec spiritualem ac  
cœlestem, nec carnalem et terrenam con-  
solationem recipias. Hoc quoque interdum  
contingit electis pio moderamine dispen-  
sationis divini, dum pius ac sapiens Deus  
electos suos aliquando sic exerceat, quod  
tanta desolatione atque mœstitia, tanto ti-  
more et angustia opprimit corda ipsorum,  
quod cœlum quasi æneum eis apparet, ter-  
raque ferrea. Et quamvis spiritualis divina  
consolatio ipsis optantibus denegetur, non  
tamen carnalem, terrenam, indignam, illi-  
citam dignantur admittere. *Det Dominus  
imbrem terræ tuæ corruptum*, id est, pro

A salubri doctrina permittat tibi fallacia in-  
seri documenta. *Dispergaris per omnia  
regna terræ*, id est, corde instabilis sis, et  
mundanis ambitionibus undique agiteris,  
ac per mundum mente discurras non sta-  
bilitus in Deo. *Percutiat te Dominus ulcere  
Ægypti*, id est aviditatis et concupiscenti-  
arum pruritu: *et amentia et cecitate*, id  
est vitio puerilitatis, quod sapientiæ dono  
contrariatur: et prudentia carnis, quæ  
mors est: *et furore*, id est obstinatione et  
incurrigibilitate: sicut in Judæis videmus  
B impletum, qui nec evidentia et experientia  
calamitatum eladiumque suarum instrui  
valent aut flecti. *Et non dirigas vias tuas*.  
Non enim ad gratiam et salutem dispo-  
nunt se, sed inexplicabilibus involvuntur  
erroribus, omni rationi ac Scripturæ con-  
trariis. *Omnique tempore calumniam sus-  
tineas, et opprimaris violentia*. Hoc inde-  
sinerenter completur in eis, nec est in mundo  
tam abjecta et misera gens, ut ipsi. *Uxo-  
rem accipias, et alius dormiat cum ea*, id  
est, gregem tibi commissum diabolus fal-  
lat, et sibi efficiat consentientem: et si quid  
de genere bonorum egeris, dissipetur, et  
æterna privetur remuneratione beata. Juxta  
hæc possunt sequentia ad allegoriam tropo-  
logiamque trahi, sed prolixitas est vitanda.

Rom. viii, 6.

## ARTICULUS XXXII

EXPOSITIO LITTERALIS CAPITULI VICESIMI NONI: HEC SUNT VERBA FOEDERIS  
QUOD PRECEPIT DOMINUS MOYSE.

NUNC recitatur qualiter populus se ad-  
D strinxit ad observantiam legis sibi jam  
repetitæ, noviterque propositæ. *Hæc*, quæ  
scilicet hucusque descripta sunt, *sunt ver-  
ba foederis*, id est præcepta legis seu patti  
vel testamenti, *quod præcepit Dominus  
Moyse*, non solum ut ipse hæc faceret, sed  
et aliis insinuaret, atque ex parte Dei im-  
plenda mandaret. Hinc subditur: *ut feri-*

*ret*, id est, statueret sive perenteret, *cum  
filiis Israel*, id est ipsis Israelitis utriusque  
sexus, non viris duntaxat: sicque filius  
vocatur hic proles, enjuseumque sit sexus,  
juxta quem modum pater et filius correla-  
tive dicuntur: *in terra Moab*, puta in ejus  
confinio seu extremo, super Jordanem. Por-  
ro Septuaginta sic transtulerunt: Hæc sunt  
verba testamenti quod mandavit Dominus

Moysi, etc. *Præter illud fœdus quod cum A* eis pepigit in Horeb, id est præter et ultra prolationem seu divulgationem legis datæ in Sinai. Non enim lex ista est alia aut diversa ab illa, sed eadem est primo data ac divulgata, et nunc cum explanatione et additione quorundam resumpta. Illic enim additæ sunt quedam admonitiones, iussiones, declarationes, benedictiones et maledictiones. Ideo Glossa ait : Moyses hic ostendit, unde appellatus sit liber iste Deuteronomium, quasi secunda lex: ubi magis repetitio est, quam aliud testamentum, B quamvis verba hoc sonare videantur.

*Vocavitque Moyses omnem Israel et dixit: Vos vidistis universa quæ fecit Dominus coram vobis in terra Ægypti.* Constat quod major pars eni Moyses loquebatur, nondum nata fuit, vel saltem adultæ ætatis, quando Dominus plagavit Ægyptum: imo omnes primo numerati, jam obierunt, præter Josue et Caleb. Ideirco toti populo dixit hæc, universos præteritos, præsentis et futuros, tanquam unum quoddam considerans, ac diversa referens ad diversos. *Tentationes*, id est adversitates et plagas magnas Ægyptiis irrogatas, per quas Deus examinavit ac ceteris populis notificavit Ægyptios, monstrando eorum duritiam et obstinationem: *signa illa, portentaque ingentia*, id est miraculosos effectus, et præclara prodigia circa Ægyptios facta. *Et non dedit vobis Dominus cor intelligens*, id est mentem stabiliter illuminatam, et oculos viventes, id est intellectuales intuitus, intellectumve speculativum et practicum, cognoscentes et exsequentes ea quæ Dei D

Ps. lxxxiv, 9.

Luc. viii, 8.

sunt, et aures quæ possint audire quid intus loquatur Dominus Deus, et obtemperare eloquiis Dei, quæ sunt aures cordis, de quibus ait Salvator : Qui habet aures audiendi, audiat. Nec istæ aures differunt realiter ab interioribus oculis: imo ejusdem intellectivæ potentiae est, verba Dei audire et intelligere. Verumtamen in populo illo fuerunt aliqui illuminati, sed aliorum comparatione fuerunt perpauci.

*Adduxit vos per desertum quadraginta*

*annis: non sunt attrita vestimenta vestra, nec calceamenta pedum vestrorum retulata consumpta sunt.* De intellectu hujus verbi dictum est plenius in expositione jampridem habita. *Panem non comelistis*, id est panes ex terræ fructibus factos et vestro conatu procuratos, sed desuper dados: *vinum et siceram non bibistis*, pro majori temporis parte, aliqua tamen cibaria ac pocula ex Ægypto secum tulerunt, et victualia aliqua a Moabitibus, Ammonitis et Idumæis emerunt, ut jam ante dictum

Ibid. ii, 6, 20.

est: sed modico tempore hoc duravit. Verumtamen Glossa dicit, quod tantum portaverunt secum de vino ex Ægypto, quod usque ad montem Sinai inde hiberunt, quum scriptum sit. Sedit populus manducare et bibere, et surrexerunt ludere: quod non diceretur de aqua, quum et Moyses dicat vocem illam seu cantum non fuisse principium belli, sed principium vini, et hoc secundum aliam translationem. *Ut scribetis per beneficia et mirabilia Dei, quia ipse est Dominus Deus vester*, qui tam paternaliter vobis providit, et tam gratiose egit vobiscum.

Exod.

xxxv, 6, 1 Cor. x, 7.

*Vos statis hodie coram Domino Deo vestro, principes vestri, tribus et majores natu atque doctores, omnis populus Israel, liberi et urores vestre: quoniam lex propendenda est toti communitati collectæ, et ipsa concorditer debet legem suscipere: et advenæ qui tecum, o popule Israel, morantur in castris*, id est extranei ad Judaismum conversi, qui vel ex Ægypto processerunt cum Israel, illorumve posteri, vel qui in via confluerunt ad eos, compuncti ex mirabilibus Dei auditis aut visis: *exceptis lignorum cesoribus et his qui comportant aquas*: quod postea Josue injunxit Gabonitis. Isti videntur fuisse aliqui ceteris pauperiores ex advenis, qui pro usu communitatis et sacerdotum in tabernaculo, ligna et aquas attulerunt forsitan ex locis remotis, et hac vice videntur non adfuisse aut seorsum stetisse. Porro ligna in altari holocaustorum quotidie necessaria erant, et aqua ad hostias carniū ablundas. Sic

Josue ix, 23, 27.

igitur stas, *ut transeas*, tu popule, *in federe Domini*, id est, pacto huic acquiescas, et te ei adstringas, et obliges ad obediendum eidem, *et in iurejurando*, id est, in lege ista divino juramento firmata vivas et ambules, *quod hodie Dominus percussit terum*, ut suscitet te sibi in populum, et ipse sit Dominus Deus tuus, *sicut locutus est tibi*, et sicut juravit patribus tuis, id est, tibi proponit et injungit eum conditione adjuncta, videlicet cum promissione multiplicium benedictionum, si impleveris legem hanc, et cum prænuntiatione multarum maledictionum, si rebellis exstiteris. *Nec vobis solis hoc foris ferio*, id est, legem hanc statuo, *et hæc juramenta*, id est Dei promissa juramento divino roborata, *confirmo*, id est, rata esse protestor, *sed cunctis presentibus et absentibus*, id est tam vobis quam posteris vestris, nascituris et convertendis ad legem vestram; vel, et præfatis lignorum caesoribus, et aliatoribus aquæ.

*Ne sit inter vos vir aut mulier, familia aut tribus, cujus cor aversum est hodie a Domino Deo vestro*, scilicet volens ad idololatriam declinare, *et ne sit inter vos radix germinans fel et amaritudinem*, id est vitiosum propositum aliorum infectivum, et pariens fellum idololatriæ ritum, ad quem sequeretur amarissima Dei punitio. Sic et Apostolus ad Hebræos: Contemplantes, inquit, ne qua radix amaritudinis sursum germinans impediat, et per illam inquinentur multi. *Quumque audierit verba juramenti hujus*, id est legis istius divino testimonio comprobata, *benedicat sibi in corde suo*, id est, prospera sibi promittat de executione sui propositi, *dicens: Pax erit mihi*, si implevero quod propono, quamvis sit contra legem, *et ambulabo in pravitate cordis mei*; et assumat ebria sitientem, id est, ne persona proposito idololatrando atque malitiæ felle inebriata, sibi alliciat simplicem discere cupientem, et eum decipiat; vel, Sitientem, id est quemcumque curiosum et primum ad nova; et Dominus non ignoret ei, qui tanta vitiositate

A inebriatus est, et alios fallit. Qui enim ex certa malitia atque proposito peccat, indignus est venia. *Sed tunc quammaxime furor ejus fumet et zelus contra hominem illum*, id est, Deus quammaxime irascatur et vindicet in talem iniquum, et zelo suæ justitiæ ipsum gravissime puniat: ita ut Deus se videatur habere instar hominis tanta ira commoti, quod de naribus suis fumum emittit, et signa suæ indignationis demonstrat: *et seculum super eum omnia maledicta, quæ scripta sunt in hoc volumine*, id est, præfatae maledictiones firmiter infligantur atque inhaereant ei, quantum in uno homine possunt firmari, seu quædam ex omnibus; et deleat Dominus nomen ejus de sub celo, et consumat eum in perditionem, *juxta maledictiones quæ in libro legis hujus continentur*.

*Disceatque sequens generatio, et filii qui nascentur, videntes plagas terre illius et infirmitates, quibus eam afflixerit Dominus*, id est ultiones factas in tam impio homine seu populo idololatrante, et in habitationibus ac possessionibus ejus, *sulfure et solis ardore comburens eam*, id est sterilem faciens, sicut subvertit Pentapolim. Itaque dicent hi et omnes gentes ista videntes: *Quare fecit sic Dominus terre huic? Et respondebunt: Quia dereliquerunt pactum Domini quod pepigit cum patribus eorum, et serriervnt diis alienis, et adoraverunt eos quos nesciebant*, id est propter legis divinæ transgressionem et alienorum cultum deorum, *quibus non fuerant attributi*, id est deputati. Non enim erant Israelitæ deputati seu appropriati ad serviendum diis alienis, sed vero Deo: non quod aliæ gentes fuerint ex divina ordinatione diis alienis aut idolis attributæ, sed quod illis juste relictis, et se ipsis sponte attribuentibus cultui idolorum, isti fuerunt specialiter a Deo vero ad suum vocati obsequium. Præterea, quod in textu habetur, *Videntes plagas terre, quibus eam afflixerit Dominus, sulfure et solis ardore comburens, ita ut ultra non seratur, nec virens quidpiam germinet, in exemplum*

\* Dicetque



*subversionis Sodomæ et Gomorrhæ, etc.*, A sonat illud primi Regum, Homo videt quæ non est intelligendum, quod Deus unquam ita sterilificavit, exussit, arefecit, aut subvertit terram promissionis, sicut Pentapolim : sed quod ad tempus fecit eam sterilem, exustam, non habitatam, incultam : imo hoc fecit diversis temporibus et in diversis partibus terræ illius, videlicet sub

Jer. xxv,  
9-11.  
1 Mach. iii,  
45.

III Reg.  
xvii, 1.

IV Reg.  
viii, 1.

rege Babylonis ; et sub Antiocho, quando et Jernsalem non habitabatur, ut primo Machabæorum libro habetur. Tempore quoque Achab, orante Elia, non pluit tribus annis et mensibus sex, et sub Eliseo vocavit Dominus famem super terram Israel septem annis, prout tertio et quarto Regum libris describitur.

*Abseondita a Domino Deo nostro, quæ manifesta sunt nobis et filiis nostris usque*

\* in sempi-  
ternum

*in æternum* \*, ut faciamus universa legis hujus. Verbum istud obscurum est. Quod aliqui sic exponunt : Abseondita, id est ipsa lex aliis gentibus non revelata, sed a Deo eis abseondita. Verum expositio ista non videtur conveniens, quia pluraliter subditur immediate post verba hæc, Quæ manifesta sunt nobis : nisi quis dicat, quod ibi sit punetus, Quæ manifesta, etc., et quod pronomen hoc, Quæ, non referat quod præcedit. Secundo exponitur sic : Abseondita a Domino Deo nostro, id est, prætaeta maledicta inobedientibus irrogata, aliis gentibus non sunt propalata, sed Israelitis. Unde subjungitur in persona eorum, Quæ manifesta sunt nobis et filiis nostris, ut saltem timore talium maledictionum faciamus omnia legis præcepta. In Hebræo autem secundum Rabbi Paulum et Lyram habetur, Abseondita Domino : et sic textus est planior, ut sit sensus, quod præfata maledicta abseondita sunt, id est occulte cognita Deo in lumine præscientiæ suæ, quæ tamen ex ejus revelatione filiis Israel innotuerunt. Porro Hebræi exponunt sic : Abseondita, id est peccata occulta, Domino, id est, divino reservantur judicio ad puniendum : Quæ autem manifesta sunt, id est, peccata evidentiā, nobis reservantur ad puniendum, quia humano puniuntur judicio : cui con-

parent, Dominus autem intuetur eor. Videtur autem hic locus sic posse exponi :

1 Reg. xvi,  
7.

Abseondita a Domino Deo nostro, id est divina mysteria, testimonia ac præcepta, Deo intra se cognita, in quo sunt omnes thesauri sapientiæ et scientiæ abseonditi, nec aliis nationibus patefacta, manifestata sunt filiis Israel, juxta illud in Psalmo :

Coloss. ii,  
3. Eccli. i,  
1, 3, 6, 7.

Qui annuntiat verbum suum Jacob, justitias et judicia sua Israel. Non fecit taliter omni nationi, et judicia sua non man-

Ps. cxlvii,  
19, 20.

stavit eis. Hinc dicit Baruch : Beati sumus nos, quoniam quæ Deo placita sunt, ma-

Baruch iv,  
4.

nifestata sunt nobis. Juxta quem modum ait et Apostolus ad Ephesios : Secundum

Ephes. iii,  
3, 5.

revelationem notum mihi factum est sacramentum, quod aliis generationibus non est agnitum filiis hominum, sicut nunc revelatum est sanctis Apostolis. Hinc quoque ad Romanos de filiis Israel ait Apostolus : Quid ergo amplius est Judæo ? Multum per omnem modum, quoniam credita sunt illis eloquia Dei.

Rom. iii, 1,  
2.

Præterea, quod dictum est, Et assumat ebria sitientem, quidam exponunt sic : Qui prius peccavit ex ignorantia sicut ebrius, per assuefactionem acquirat habitum vitiosum, et sic peccet ex certa malitia, in qua delectatur, quemadmodum sitiens in potando. Et in Hebræo habetur : Et augmentetur satiata sitienti, id est, addat super multitudinem præcedentium peccatorum, sicut satietatem sequitur potus. Quæ expositio non videtur textui consona, quoniam ante hæc verba immediate præmittitur, Quumque audierit verba juramenti hujus, benedicat sibi in corde suo, dicens, Pax erit mihi, et ambulabo in pravitate cordis mei : moxque subjungitur, Et assumat ebria sitientem. Constat autem quod is qui jam audivit verba legis seu juramenti istius, et nihilo minus benedicit sibi in corde suo, dicens, Pax erit mihi, etc., non peccet ex ignorantia, sed ex superabundanti malitia, propter quod ebrio comparatur. In Scripturis quoque ebrius quis vocatur triplieiter : Primo, ob corpora-

lem potus immoderantiam. Secundo propter malorum poenaliū repletionem. Unde loquitur Isaias: Ebria et non a vino. Et de hoc frequenter est sermo in Jeremia. Tertio, propter excessum malorum culpae seu repletionem malitiae, sicut in Psalmo: Turbati sunt, et moti sunt sicut ebrius. Dicitur etiam quis ebrius in bono, propter spiritualis iucunditatis et sancti fervoris exuberantiam, juxta illud in Canticis: Inebriamini, carissimi. Non autem videtur proprie quis ebrius nuncupari, eo quod ex ignorantia peccet, nisi forte peccet ex ignorantia crassa et affectata, quae culpam gravat, non minuit: propter quod de illa non loquitur expositio ista. Hinc super verba

illa, Et assumat ebria sitientem, ait Glossa: Ne quis plenus malitia et idololatria, seducat eum qui sitit discere et veritatem cognoscere, sicut agunt haeretici.

Postremo, Rabbi Paulus hic scribit, quod maledictiones, quae (ut supra legitur) faciendae erant in monte Hebal, respiciunt peccata occulta, non manifesta: quod non videtur congrue dictum, quum ibi inter cetera dicatur in littera: Maledictus qui transfert terminos proximi sui. Item, Maledictus qui errare facit eum in via. Et rursus, Maledictus qui dormit cum uxore patris sui: quod fecit Absalon manifeste. Ideo maledictiones istae, tam manifesta quam occulta peccata concernunt.

Deut.  
xxxii, 17, 18,  
20.

II Reg. xvi,  
22.

## ARTICULUS XXXIII

DECLARATIO LITTERALIS CAPITULI TRICESIMI: QUUM ERGO VENERINT SUPER TE OMNES SERMONES ISTI.

**P**REINDUCTE comminationes et maledictiones nunc quodammodo exponuntur, et datur consilium lapsis in eas. Quum ergo venerint super te, o popule Israel, omnes sermones isti, benedictio sive maledictio quam proposui in conspectu tuo, id est mala significata per verba praehabita: et ductus poenitudine cordis tui in gentibus in quas disperserit te Dominus Deus tuus, reversus fueris ad eum per veram contritionem et obedientiam: reducet te Dominus Deus tuus de captivitate tua, ac miserabitur tui, et rursus congregabit te de cunctis populis. Si ad cardines, id est usque ad extrema, celi fueris dissipatus, id est, quantumlibet longe ac late fueris per terram dispersus, inde retrahet te Dominus: quemadmodum factum est post Babylonicam captivitatem. Circumcidet Dominus Deus tuus cor tuum spirituali circumcisione, id est, vitia tollet a te, et in dispositiones ad gratiam. Revertetur enim

Dominus, ut gaudeat super te in omnibus bonis, si tamen audieris vocem Domini Dei tui, et revertaris ad Dominum in toto corde tuo. Deus absque sua mutatione post effectus suae rigorosae justitiae tibi inflictos, impendet tibi effectus suae clementiae, cum suae mentis invariabili iucunditate: juxta quod per Jeremiam testatur. Laetabor super eis quum benefecero ipsis.

Jer. xxxii,

Mandatum hoc quod ego praecepit tibi hodie, non est supra te, id est, capacitatem tui intellectus non transcendit, ut queas te excusare, dicendo: Non valeo intelligere quae mihi sunt jussa: nec vires tuas transcendit, praesertim praesupposito Dei gratio-so auxilio, quod nulli quod in se est facienti negatur. Nam et maledictus est qui asserit Deum impossibilia homini praecepisse. Neque praeul positum, nec in caelo situm, id est, non tantum est in caelo aut civibus regni caelestis, in quibus tamen est lex divini amoris atque notitia totius Mosaicae,

I Esdr. i, ii,

evangelicæ, naturalisque legis. Itaque ex A distantia loci non potes te excusare. Ideo sequitur, *ut possis dicere: Quis nostrum ad eorum valet conscendere, ut deferat illud ad nos, ut audiamus, etc.? Neque trans mare positum, ut causeris et dicas: Quis e nobis poterit mare transfretare, et illud ad nos usque deferre, ut possimus facere quod præceptum est? Sed iuxta est sermo valde, in ore tuo et in corde tuo*, id est, tam evidenter et prompte proposita est tibi lex ac descripta, et undique sic tibi offertur ad cognoscendum, ut possis eam ad libitum tuum habere in ore ad loquendum ac confitendum, et in corde ad recordandum et credendum, in manibus quoque ad exsequendum: propter quod subditur: *ut facias illum*. Vel ideo ista dicuntur, quia moralia legis præcepta sunt de naturalis dictamine rationis: et maxime duo prima illa præcepta, quibus Deus proximusque amari jubentur, ad naturale rationis iudicium pertinent, et velut principia in operabilibus exstant. Hinc ad Romanos scribit Apostolus: Quum gentes quæ legem C non habent, naturaliter ea quæ legis sunt faciunt, ipsi sibi sunt lex: qui ostendunt opus legis scriptum in cordibus suis. Unde Ps. iv, 6, 7, quum dixisset Psalmista, Multi dicunt, Quis ostendit nobis bona? respondit, Signatum est super nos lumen vultus tui, Domine. Nam et habitus cognoscitivus primorum principiorum, tam in operabilibus quam in speculativis, innatus est nobis.

Considera quod hodie proposuerim in conspectu tuo vitam et bonum, id est, longam ac prosperam vitam, imo vitam gratiæ in præsentem, et vitam gloriæ in futuro, saltem implicite, promisi tibi si obedieris Deo, et e contrario malum et mortem, id est adversa, occisionem et condemnationem, si inobediens fueris ei, *ut diligas Dominum Deum tuum, et ambules in viis ejus, multiplicetque te, et rivas. Sin autem aversum fuerit cor tuum a Deo, præ-*

sertim per idololatriam, *prædico tibi hodie quod percus, et parvo tempore moreris in terra ad quam ingredieris possidendam*. Quamvis enim etiam idolis sapius serviendo, habitaverunt in terra illa usque ad Babylonicam captivitatem, hoc tamen fuit sub infidelium iugo, ita quod habitaverunt ibi potius ut captivi et servi seu alieni, quam ut possessores ac domini. Ipsi quoque sic Deo rebelles, cito per mortem extincti fuerunt: et ita parvo tempore habitaverunt ibidem, loquendo de eis in particulari et singulatiim. *Testes invoco hodie caelum et terram*, id est habitatores regni cælestis, videlicet angelos, imo et omnium Creatorem, et habitantes in terra, vel ipsa cælestia corpora ac elementa, ut infra exponetur, *quod proposuerim vobis vitam et mortem, benedictionem et maledictionem. Elige ergo vitam*, id est veram salutem. Electio quippe est, duobus aut pluribus propositis, alterius præceptio. *Ut tu rivas per gratiam, et diligas Dominum Deum tuum, et obedias voci ejus, et illi adhæreas. Ipse est enim vita tua*, id est dator et conservator vitæ tuæ, atque objectum et fons beatificæ vitæ, *et longitudo dierum tuorum*, id est efficiens principium diuturnitatis vitæ tuæ, *ut habites in terra pro qua juravit patribus tuis*: non quod terrena illa habitatio fuerit finis hujus, quod Deus est vita ipso- rum, aut vitæ spiritualis per gratiam, sed fuit concomitanter se habens ad illa, et sequela bonorum illorum.

Porro quod dictum est, Mandatum quod ego præcipio tibi hodie, allegat et exponit Apostolus ad Romanos, sicut ibi expositum est. Præterea est pensandum, quam ferventissime ac instantissime sanctus Moyses populum sibi commissum exhortetur ad divinæ observantiam legis, præsertim ad Dei amorem: quod universis prælatis ac prædicatoribus vigilanter est intue- dum, atque infatigabiliter imitandum.

Rom. ii, 14.  
19.

Ps. iv, 6, 7.

Deut. xvi,  
1, 7-10.

Rom. x, 6-8.



## ARTICULUS XXXIV

EXPOSITIO LITTERALIS CAPITULI TRICESIMI PRIMI : ABII ITAQUE MOYSES, ET LOCUTUS EST OMNIA VERBA ILEC AD UNIVERSUM ISRAEL.

**C**APITULO isto describitur consummatio exhortationis et sermocinationis Moysis ad populum sibi commissum. *Abiit itaque Moyses.* In capitulis immediate praecedentibus introducit Moyses loqui ad totum populum suum. Quomodo ergo in hujus capituli exordio dicitur, *Abiit Moyses, et locutus est omnia verba haec ad universum Israel?* An forsitan sermonem aliquantulum interrupit, et recessit ad horam, rediensque locutus est verba sequentia populo? *Et dixit ad eos: Centum viginti annorum sum hodie.* In Exodo legitur, quod Moyses erat octoginta annorum, quando loquebatur ad Pharaonem. Filii autem Israel quadraginta annis fuerunt in eremo: imo ut supra ostensum est, post reditum exploratorum Dominus dixit, quod quadraginta annis reciperent disciplinam: quod fuit post recessum a monte Sinai, in quo per annum fuerunt et amplius. Deinde occupati fuerunt circa Schon et Og reges, et circa Balae regem Moab ac Madian non paucis diebus, ut in libro patuit Numerorum. Sieque videtur Moyses praetaxatum annorum numerum excessisse, sed de minutiis temporum et numerorum Scriptura non facit vim. *Non possum ultra egredi et ingredi,* id est ductor vester consistere, vosque inducere atque educere. Et istud non posse, non fuit ex corporis debilitatione aut impotentia ambulandi, seu diuturnitate aetatis, quoniam Moyses adhuc erat vicens in sensibus, motuque corporis, ut infra legitur: *Non caligavit oculus ejus, nec dentes illius moti sunt.* Ideirco quod ait, *Non possum, etc.,* exponendum est, *Non licet mihi, quia Dominus definitive sententiavit, quod non transibo Jordanem: ideo sequitur,*

*praesertim quoniam et Dominus mihi dixerit, Non transibis Jordanem:* quasi dixerit, Sententia illa revocari non potest. Ideirco tamen praemisit, Centum viginti annorum sum hodie, ut filii Israel aequanimius ferrent mortem ipsius: quasi diceret, Quamvis possem vos in terram promissam inducere, tamen non possem ratione aetatis multum diu vobiscum durare.

Veruntamen Rabbi Paulus his contradicit, affirmans quod ultra non poterat ingredi et egredi propter impotentiam senectutis: ad ejus reprobationem sufficit auctoritas allegata. Sed et filii Israel jam erant circa Jordanem juxta confinia terrae promissionis, ita quod labor nullus aut modicus erat ingredi eam ex parte localis distantiae, nec dubium quin Moyses adhuc incolumis fuerit. Denique pater Moysis Amram vixit annis centum triginta septem, ut legitur in Exodo. Moyses autem confortabatur a Domino supernaturaliter etiam quantum ad bonam corporis habitudinem: quod in praetacta auctoritate insinuat, et probatur ex eo quod in tanta aetate non caligavit oculus ejus, nec moti sunt ejus dentes. Imo ut refert Lyra, ubi habemus, *Non caligavit oculus ejus,* Hebraei dicunt, *Non fuit obscura visio ejus, sumuntque visionem pro colore, qui est visus objectum: sieque color Moysis mansit in ipso in suo vigore et vivacitate.*

*Locutusque Moyses Josue.* Quidam, quos sequitur Lyra, dicunt quod hic describitur institutio novi ducis, videlicet Josue, in principatu pro Moyse. Veruntamen hoc non videtur, quoniam hic potius describitur, qualiter Moyses exhortatus sit ipsum Josue ad strenuam sui ducatus executionem. De-

Exod. xii, 7.

Ibid. xxi, 33.

Num. xiv, 34.

Ibid. xxi, 21 et seq.  
Ibid. xxii.

Ibid. xxxiv, 7.

Exod. vi, 20.

Numeri. xxxviii.  
22, 23.

Ibid. 16, 18.

nique in Numerorum libro recitatur institutio ipsius Josue in ducatu, ita quod diu ante hæc Moyses instituit illum in sui successorem juxta Dei commissionem, et hoc etiam faletur Lyra ibidem. Scriptum est namque in Numeris, quemadmodum Moyses audita Dei sententia de hoc, quod non introduceret populum in terram promissam, mox de idoneo successore et boni communis promotione sollicitus, dixit : Provideat Dominus Deus spirituum omnis carnis, hominem qui sit super multitudinem hanc. Respondit Dominus : Tolle Josue, et pone manum tuam super eum, etc. Talis autem impositio manus, fuit signum institutionis in principem. Itaque dicitur : Vocavit Moyses Josue, et dixit ei coram omni multitudine Israel : Confortare et esto robustus, id est mente et corpore fortis, et in spe fortitudinisque virtute firmatus ad idoneam injuncti officii executionem. Tu enim introduces populum istum in terram, quam daturum se Dominus patribus eorum juravit, et tu eam divides sorte, et Dominus qui ductor est vester, ipse erit tecum. Non dimittet te. Noli timere, nec parere.

Scriptis itaque Moyses legem hanc : non quod omnes libros suos scripserit in hoc loco, ut patet ex dictis, sed Deuteronomium scripsit hic : et tradidit eam, id est librum legis istius, sacerdotibus, quorum fuit instruere plebem, dicens : Post septem annos, anno remissionis, id est semel infra septem annos, videlicet in ipso septimo anno, qui est annus remissionis, in quo debita remittuntur, juxta sensum præhabitu, in solennitate Tabernaculorum, leges, tu congregatio sacerdotum, seu quidam ex te, verba libri\* hujus coram omni Israel, audientibus eis, et in unum omni populo congregato in atrio tabernaculi aut templi. Tunc enim cum speciali celebritate legebatur lectio ista quotidie, durante ipsa solennitate quæ septem diebus duravit. Nihilominus aliis diebus frequenter sacerdotes et scribæ populum instruxerunt in lege. Ut audientes discant, et timeant

A Dominum Deum vestrum, et custodiant omnes sermones legis hujus. Filii quoque eorum qui nunc ignorant, ut audire possint, et timeant Dominum Deum suum cunctis diebus, quibus versantur in terra, etc.

Et ait Dominus ad Moysen : Ecce propinquavit dies mortis tue, id est dies, in quorum uno solves debitum naturæ mortalis, voca Josue, et stete in tabernaculo testimonii, ut inde præcipiam ei, ea quæ ipsum specialiter ratione officii sui concernunt. Abierunt ergo Moyses et Josue, et steterunt in tabernaculo testimonii. Apparuitque Dominus ibi in columna nubis, ita quod nubes tabernaculum operiens, pro parte sua descendit, vel alia nubes, quæ stetit in introitu tabernaculi, id est in ostio seu ingressu qui erat inter tabernaculum et atrium, et in nube illa fuit atque apparuit angelus in Dei persona loquens : vel forsitan Dominus de oraculo loquebatur. Apparuit autem in nube, ut populo innotesceret quod Dominus loquebatur ibi cum Moyse et Josue, sicque ipsum Josue haberent authenticum. An autem Josue vidit ibi oculo exteriori angelum illum in aliqua forma visibili, non apparet ex littera certum, sed constat quod verba ejus audivit.

Dixitque Dominus ad Moysen : Ecce tu dormies cum patribus tuis, et populus iste consurgens ad male agendum, fornicabitur post deos alienos, id est, idololatrando fornicationem spirituales committet. Veruntamen, sicut in libro Judicum patet, non nisi per pauci declinaverunt ad idololatriam ex his qui cum Josue introierunt terram promissam, aut forsitan nulli, sed posterius quorundam ex ipsis ceperunt hoc agere adhuc viventibus Phinees et Othoniele, aliisque nonnullis qui cum Josue intraverunt, videlicet Michas, mater ejus, ac Jonathas filius Gersam, filii Moysis, et quidam Danitæ, prout in Judicum habetur libro. Ideo quod Dominus ait, Populus iste consurgens, etc., non est intelligendum de populo illo in se, sed de posteris. Nec enim populo illi, sed posteritati ipsius

\* legis

Judic. xvii;  
xviii, 30, 31.

contigerunt quæ subjunguntur. *Et irasce-* A *tur furor meus contra eum in die illo, et derelinquam eum, et abscondam faciem meam ab eo,* id est, pietatis meæ effectum, defensionem et opem subtraham ei, quasi nescirem quid ei acciderit, *et erit in devorationem; invenientque eum omnia mala hæc,* id est præfate maledictiones, *et afflictiones, ita ut dicat in die illo: Vere, quia non est Dominus mecum per gratiam, invenerunt me hæc mala.* Qualiter sæpius factum sit hoc, in libro Iudicium scriptum est. Sicque in eis impletum est quod loquitur Isaïas : B *In tribulatione murmuris doctrina tua eis.* Et rursus : Tantummodo sola vexatio dabit intellectum auditui.

Is. xxvi, 16.

Ibid. xxxiii, 19.

*Nunc itaque scribite vobis canticum istud :* quod sequenti capitulo continetur, quod filii Israel conscripserunt, postquam a Moyse erat prolatum : *et docete filios Israel, ut memoriter teneant, et ore decantent, et sit mihi carmen istud pro testimonio,* id est, ex cantico isto postea innotescat, quam vera sint ista quæ prædico. *Postquam invenerint eum,* videlicet populum C *Israel, multa mala,* id est afflictiones præfate, *respondebit ei canticum istud pro testimonio :* id est, ex cantico isto dabitur eis proportionata responsio, quod scilicet propter scelera sua patientur illa adversa, sicut in isto prædicatur cantico : *quod multa delebit oblitio ex ore seminis tui,* id est, nunquam oblivioni tradetur a posteris tuis in toto : vel, nunquam oblivioni merito traderetur. Scio enim cogitationes ejus, *que facturum sit hodie, antequam introducam eum in terram quam ei pollicitus sum,* id est, quid cogitet populus iste nunc, et quid acturus sit, quousque introducatur, agnosco. Quasi dicat : Scio quod nunc boni propositi sit, atque ad tempus obediens, ideo nunc scribit hoc canticum ut præcepi.

*Scriptis quoque Moyses canticum, et domi-* *nus cecit filios Israel. Præcepitque Moyses\* Jo-* *sue filio Num, et ait : Confortare et esto* *robustus. Postquam ergo scripsit Moyses* *verba legis hujus, etc., præcepit Levitis,*

\* Dominus

*qui portabant arcam fœderis Domini involutam in motione castrorum, ut dietum* *est in Numeris, dicens : Tollite, id est accipite, librum istum, scilicet Deuteronomium, vel totius legis volumen, et ponite eum in latere arce, etc., ut sit ibi contra-* *te, o popule Israel, in testimonium, id est,* ad protestandum ex libro isto, quod excusationem non habeas de ignorantia aut alio modo, quum satis admonitus sis et admonendus ex libro, præsertim in septimo anno. Dicunt autem quidam Catholici, quod liber ponebatur in latere arce et intra eam : Hebræi vero, quod in latere arce extra et prope eam super tabulam prominentem : quod apparentiam habet ex eo, quia communiter fertur, quod in arca non erant, nisi tabulæ testamenti, et virga Aaron quæ fronduit, urnaque aurea habens manna. *Ego enim scio contentionem tuam et verri-* *cem tuam durissimam. Adhuc vivente me et* *ingrediente vobiscum, semper contentiose* *egistis contra Dominum, id est, frequen-* *ter et facili occasione contra Dominum* *murmurastis, et contra me Dei vicarium* *contendistis. Hoc tamen patribus horum* *magis quam his competit. Quanto magis* *quum mortuus fuero? Hoc posteri horum,* *non isti, fecerunt, sicut in libro Iudicium* *legitur. Congregate ad me omnes majores* *nati atque doctores, et invocabo contra* *eos caelum et terram, id est, sub horum* *personis assumam etiam testes eorum et* *terram contra majores nati, et scribas ac* *superiores, ex quorum negligentia et via* *iniqua contingent in plebe idololatria ac* *ruina. Porro de hac invocatione eorum et* *terre in testes, in sequenti dicitur articu-* *lo. Novi enim quod post mortem meam* *iniquè agitis. Probabile reor, quod sicut* *beatissimis Apostolis, præsertim Joanni* *evangelistæ desuper fuit revelatus totus* *processus ac status Ecclesiæ Christi, sic* *Moysi processus et status Synagogæ. At-* *amen ista non dixit Moyses determinate de* *adstantibus coram se, sed de eorum poste-* *ritate. Et declinabitis cito de via quam* *præcepi vobis : et occurrent vobis mala in*

Num. iv, 16.

Hebr. ix, 1.  
Num. xxi, 10, 11.



*extremo tempore, quando feceritis malum* A *in conspectu Domini, ut irretetis cum per opera manuum vestrarum* : quod in ultima hac mundi ætate potissime adimpletur, quamvis extremum tempus possit intelligi illud, quo Deus decrevit eorum peccata ulcisci, et finem imponere vite eorum.

*Locutus est ergo Moyses audiente universo cætu Israel, verba carminis hujus, etc.* Qualiter Moyses qui exilem habuit vocem, a tanta poterat plebe audiri, quæ grande occupavit spatium stando, nisi quod

Deo omnia possible sunt, qui id diversis potuit modis efficere, vel vocem Moysis confortando, vel species audibiles in suo vigore ad aures omnium perferendo, seu alio modo ? Jam autem præhabitu est, quod Moyses scripsit hoc canticum, scriptumque in volumine, traditum est Levitis ad reponendum. Nunc vero asseritur, quod audiente populo suo protulit illud, sique secundum ordinem narrationis historicæ apparet, quod primo scripserit illud, deinde proposuerit plebi.

## ARTICULUS XXXV

ELUCIDATIO LITTERALIS CAPITULI TRICESIMI SECUNDI : AUDITE, CÆLI, QUÆ LOQUAR,  
AUDIAT TERRA VERBA ORIS MEI.

**E**XCELLENTIA, sententiositas, ac profunditas cantici hujus innotescunt ex hoc, quod præcedenti capitulo disseruit Dominus de cantico isto : Nunc itaque scribite vobis canticum istud, et docete illud filios Israel, ut memoriter teneant, et ore decantent, et sit mihi canticum istud pro testimonio inter filios Israel. Quumque invenerint eos mala multa, respondebit eis canticum istud pro testimonio, quod nulla delebit oblivio ex ore seminis tui. Denique sanctus Moyses de rebus sublimibus locuturus, atque ad suam doctrinam C attentos facere volens, ita exorsus est :

*Audite, cæli, quæ loquar, audiat terra verba oris mei.* Simili modo Isaïas in exordio libri sermonum suorum ac visionum : *Audite, inquit, cæli, et auribus perceipe, terra, quoniam Dominus locutus est.* Jeremias quoque : *Obstupescite, ait, cæli, super hoc.* Porro circa finem præcedentis capituli Moyses dixit, *Invocabo contra eos cælum et terram.* Ideo quod ait, *Audite, cæli, quæ loquar, etc.,* est invocatio cæli et terræ in testimonium contra iniquos, hoc est as- D sumptio cæli et terræ in testes seu ad te-

stificandum, quod vera sint ista, et quod Moyses hæc ipsa prænuntiaverit populo sibi commisso, præavisando, inerepando, admonendo, instruendoque eos, sique suum adimplens officium, quod sibi imputari non valeat subversio populi ac ruina. At vero in Isaïa et Jeremia, per cælos, qui ibi et hic ad audiendum, testificandum, et obstupescendum invitantur, secundum Hieronymum, Haymonem, Bedam et alios, intelliguntur habitatores cælorum, cives cæli empyrei, specialiter angeli sancti, qui in divino judicio testimonium pro bonis omnibus perhibent, imo et contra malos, juxta quod scriptum est : *Advocabit cælum* Ps. xlviii, 1.  
*desursum, et terram discernere populum suum.* Per terram vero, genus humanum, præsertim electi homines intelliguntur, qui coram Deo se invicem juvant, et de cognitis sibi testantur, ac in judicio judicabunt eum Christo per assessoriam dignitatem et approbationem divinæ sententiæ. Insuper non penitus eadem ex causa Moyses et Prophetæ in testimonium vocant ac sumunt D cælum et terram, id est angelos et homines. Angeli namque invitantur ad hoc, non

Is. i, 2.

Jer. ii, 12.

Deut. xxxi, 28.

ut informantur, aut quia indigeant hominum verba audire, vel testari pro eis; homines vero ut instruantur, et quia necesse est eis verba Prophetarum audire. Possunt quoque per cœlum et terram, secundum Glossam, Historiamque scholasticam, intelligi cœlestia corpora et elementa. Glossa etenim ait: In principio cantici Moyses maxima elementa in testimonium vocat, ut si homines mandata Dei neglexerint, illorum testimonio convincantur, et puniantur convicti. Et Magister in historiis, in persona Moysis loquitur: Quia in testimonium hujus rei deest mihi protestatio hominum, aut inutilis esset, quia mortales sunt, immortalia elementa in testimonium invoco.

Circa quæ verba quaritur: Primo, qualiter corporibus cœlestibus et elementis competit testimonium exhibere. Secundo, quomodo cœlum dicatur elementum. Tertio, quomodo cœlum et terra dicantur immortalia elementa. Ad primum dicendum, quod cœlum et terra dicuntur testimonium dare hominibus, sicut dicuntur Deum benedicere ac laudare non formaliter, sed occasionaliter ac materialiter: nam sicut considerantibus ea, dant occasionem et materiam laudandi benedicendique Deum, sic dant occasionem testificandi, quam inviolabiliter vera sint verba Creatoris eorum, et quam impie agant qui Dei præceptis inobedientes existunt. Rursus, per hoc testimonium perhibent veritati contra iniquos, quia sunt instrumenta divinæ justitiæ ad ulciscendum peccata illorum: quod faciendo ostendunt quam vera sint Dei verba, et quam justa ejus mandata, et quam enormia sint hominum scelera. Hinc

*Sap. x, 18.* scriptum est in Sapientiæ volumine: Armabit creaturam ad ultionem inimicorum, et pugnabit pro illo orbis terrarum contra insensatos. Et rursus in eodem legi-

*Ibid. xvi, 24.* tur: Creatura tua tibi factori deserviens, exardescit in tormentum adversus injustos, et lenior fit ad benefaciendum pro his qui in te confidunt. Sic demum dicuntur obstupescere super perversitatibus ho-

minum, quoniam contemplantibus cœlestia corpora ac elementa innotescit infinita Creatoris majestas: ex qua consideratione mox oritur admiratio sapienti, quod homines audent tanti principis violare præcepta. Hinc ait Hieronymus: Cœlum videns Dei præcepta calcari, inhorrescit et stuporem dissimulare non potest. Ad secundum dicendum, quod cœlum dicitur elementum, nomen elementi improprie et extense sumendo, in quantum est simplex corpus et principium aliorum, cum quibus tamen compositionem non intrat. Ad tertium respondendum, quod cœlum et terra dicuntur immortalia elementa, id est incorruptibilia. Cœlum quippe, quantum ad suam substantiam, corrumpi non potest. Terra vero, sicut et cetera tria elementa, quamvis quoad partes suas possit corrumpi, quia habet contrarium, non tamen quoad se totam, juxta illud Ecclesiastæ: Generatio præterit, et generatio advenit: terra vero in æternum stat. Verum, ut recitat Augustinus, Quidam cœlum et terram quasi animata ad audiendum provocari putant, secundum illud in Psalmo: Qui respicit terram, et facit eam tremere: quum hoc Dei potestatis sit, non eorum intelligentiæ.

Amplius, quidam pertransennantes exponunt sic: Audite, cœli, quæ loquar, etc., ac si dicat, Sicut cœlum et terra sunt stabiles res, sic sermones mei sunt firmi: quæ expositio alienius apparentiæ esset, si textus haberet, Fiant vel sint ut cœlum sermones mei, et ut terra verba oris mei. Verumtamen expositio et comparatio ista videtur impropria, quum dicat Salvator: Cœlum et terra transibunt, verba autem mea non transibunt.

Præterea cantici hujus materia, est excellentia et beneficentia Dei, exhortatio et increpatio populi, ingratitude atque perversitas ejus, et magnorum introductio mysteriorum. Hinc Lyra hic scribit: Hoc loco describitur exhortatio plebis ad perseverandum in lege ac divinis præceptis. Sed contra hoc loquitur Rabbi Paulus: Canticum istud non est exhortatorium, sed

*Eccle. i, 4.*

*Ps. ciii, 32.*

*Luc. xxi, 33.*

mere propheticum, nec in ipso ponuntur aliqua monitoria verba. Quod non censetur rite prolatum, quum exordium hujus cantici sit exhortatorium magis quam prophetale, quum dicitur : Audite, cæli, quæ loquar, audiat terra, etc. Et infra : Memento dierum antiquorum. Nec est inconueniens, eadem verba esse exhortatoria atque prophetica, ut quum dicitur in Isaia :

Is. XLVI, 1.

Zach. IX, 9.

Descende, sede in pulvere, filia Babylon. Et in Zacharia : Exsulta satis, filia Sion, júbila, filia Jerusalem, ecce Rex tuus veniet tibi justus et salvator. Iterum Rabbi Paulus ait : Ea quæ hic prænosticantur, tempore Isaie ad executionem procedere inceperunt. Ad quod dico, quod statim tempore Judicium cæperunt impleri, quæ in isto cantico prædicuntur de Judæorum plagatione propter eorum facinora.

*Concrescat ut pluvia doctrina mea* : id est, quemadmodum pluvia crescit et augetur in terra ex nubium resolutione, sic mea doctrina in cordibus audientium augmentetur et invaleseat ex superna infusione. Vel sic, Concrescat ut pluvia doctrina mea : hoc est, sicut pluvia terram fecundat, sic mea doctrina audientium mentes efficiat fructuosas, quatenus ex semine verbi cælestis procedant in fructus virtutum, juxta illud Isaie : Quomodo descendit imber de cælo et inebriat terram, et germinare eam facit, sic erit verbum quod egrediatur de ore meo. *Fluat ut ros eloquium meum* : id est, sermo meus fructuose ac dulciter recipiatur, sicut rorem suscipit tellus. *Quasi imber super herbam, et quasi stilla super gramina* : id est, sicut imber seu humor pluvialis diffunditur super herbas, et facit eas virere ac multiplicari ; et sicut stillicidia influunt graminibus decorem et ubertatem : sic verba mea audientium animas ornent virtutibus, bonisque actibus faciant eas florere. Et sicut pluvia velociter funditur, et longe ac late se spargit, sic prædicatio mea ab audientium cordibus celeriter accipitur, atque de uno emanet in alium, et multis communicetur. Unde et Paulus ait : Sermo Dei

Is. LX, 10,  
11.

II Thess.  
III, 1.

Acurrat et fructificet, sicut in vobis. Et Psalmista : Velociter currit sermo ejus. *Quia nomen Domini invocabo*, id est, Deum exorabo, ut dignetur assistere : ideo confidenter opto et hortor verba mea sic recipi, ac taliter fructificare, quia omnipotens Deus per gratiam suam hoc potest conferre, atque ut conferat oro.

Ps. CXXXV,  
10.

Consequenter in laudem Dei devote prorumpit, et volens populî perversitatem ingratitudeque monstrare, bonitatem, majestatem ac munificentiam Dei prætangit. *Date magnificentiam Deo nostro*, Magnificentia dicitur, quasi magnæ rei seu magnorum effectuum efficientia, id est vis effectiva rerum sublimium. Itaque, *Date magnificentiam Deo nostro*, id est, omnipotentiam, omnisque præclari effectus efficientiam vero Deo adscribite. Subest enim ei, quum voluerit, posse : Qui vocat ea quæ non sunt, tanquam sint : et omnia quæcumque voluit, fecit in toto universo ; a quo omne datum optimum, et omne donum perfectum est. Ideo omne bonum, et quidquid præclarum est, attribuendum est ei. *Dei perfecta sunt opera*. Si perfecta sunt opera Dei, cur et qualiter invenitur imperfectio tanta in creaturâ ? Et respondendum, quod unumquodque in sua specie, et quantum ad suum substantiale, perfectum est : quia species rerum consistunt in indivisibili, quia se habent ut numeri, in quibus quæcumque unitatis additio sive subtractio variat speciem. Itaque unumquodque habet quod ad suam specificam requiritur rationem atque essentialem perfectionem. In accidentalibus autem oportet proficere. Rursus, Dei perfecta sunt opera, quia etsi unumquodque secundum se sumptum, videatur imperfectum, omnia tamen simul accepta, sicut sunt valde bona, ita et valde præclara atque perfecta, quia se invicem juvant, ornant, perficiunt, sicut in Genesi scriptum est : Vidit Deus cuncta quæ fecerat, et erant valde bona. Itemque : Perfecti sunt cæli et terra, et omnis ornatus eorum. Nam et ipse pulcherrimus rerum ordo, grandis perfectio

Sap. XII, 18.

Rom. IV, 17.

Ps. CXXXIV,  
6.

Jacob. I, 17.

Gen. I, 31.

Ibid. II, 1.



rerum est, et universa venustat : quemadmodum in exercitu unusquisque per se quamdam habet imbecillitatem, fortitudinemque minorem, sed omnes simul sunt valde fortes, atque ex mutua eoddecanti coordinatione præcipuum sortiuntur vigorem et mirum decorem. Hinc quoque secundum Philosophum, totum universum comparatur ad primum principium, sicut exercitus ad regem seu principem. Et Plato ait, quod mundus incomparabili pulchritudine decoratur. Et denuo : Optimi, inquit, et perfecti opificis erat, optima adducere, et opus perfectum producere.

*Et omnes viæ ejus judicia.* Viæ Dei quandoque vocantur perfectiones et attributa ipsius in se ipso, per quas procedit in actum ad causandum in creaturis. Unde

*Ps.* xxiv, 10. Tertur in Psalmo : Universæ viæ Domini

*Ps.* lxi, 12. misericordia et veritas. Et rursus : Duo hæc audi, quia potestas Dei est, et tibi,

*Ps.* ciii, 24. Domine, misericordia. Itemque : Omnia in sapientia fecisti. Quod si queratur, quum perfectio Dei sit ipsemet Deus pure et simplex, et infinite perfectus, quomodo perfectio Dei dicatur via, quum Deus sit omnium ultimus finis, et via sit medium quoddam ad finem : respondetur, quod secundum modum et ordinem nostræ apprehensionis inter Deum agentem et ejus effectum, potentia, sapientia, misericordia, justitia et voluntas ejus accipiuntur quasi formalia quedam agendi principia, et ita sunt quasi media inter Deum et creaturam. Hinc de Deo ait Boetius :

Principium, vector, dux, semita, terminus idem.

Hæ itaque increate viæ, quæ realiter idem sunt, sicut et attributa, perfectionesque Dei : hæ, inquam, viæ sunt judicia, id est judiciales seu discretæ, quia in omnibus prudentissime ac sapientissime agunt. Præterea, viæ Dei sunt ejus præcepta, consilia, documenta, quæ omnia sunt judicia, censura discretionis ornata. Judicium namque frequenter pro discretionem accipitur. Unde in primo suo adventu dixit Salvator : Nunc judicium est mundi. Iterum, viæ Dei sunt

*Joann.* xii, 31.

A operationes ac gesta, leges ac jura ipsius, quæ omnia justa sunt et discretæ, juxta illud Psalmi : Justus Dominus in omnibus viis suis. Unde in Apocalypsi dicitur : Magna et mirabilia sunt opera tua, Domine Deus omnipotens : justæ et veræ sunt viæ tuæ, Rex sæculorum. Et rursus : Etiam, Domine Deus omnipotens, justæ et veræ judicia tua.

*Ps.* cxlii, 17.

*Apoc.* xv, 3 : xvi, 7.

B Præterea queri potest, quomodo omnes viæ Dei sint justæ, et justus Dominus in omnibus viis atque judiciis suis, quum dictum sit, Universæ viæ Domini misericordia et veritas : imo quum scriptum sit in

*Ps.* xxiv, 10.

Canonica Jacobi, Superexaltat misericordia judicium : atque in libro Psalmorum, Miserationes ejus super omnia opera ejus. Dicendum, quod Deus in vita præsentit tanquam in itinere et exilio, specialiter exhibet misericordiam : in judicio vero tam

*Jacob* ii, 13.

*Ps.* cxlii, 9.

particulari quam generali, specialiter suam monstrabit justitiam. Quum vero omnes viæ Dei dicuntur justæ, et justus Dominus in cunctis operibus suis, justitia sumitur extense pro condecencia quadam, qua deest eum sic agere, sicut agit. Nam et ipse tam bonus, pius, amarus, ac liberalis consistit, ut deceat eum etiam indignis, ingratis, ac impiis misereri, et bona pro malis largiri.

*Deus fidelis.* quia verax in verbis, et promissa integre implens, fons totius fidelitatis, et fidei auctor, et omnia opera ejus in fide, de quo Psalmista : Fidelis Dominus in omnibus viis suis : *et absque ulla iniquitate*, quum ipse sit bonitas pura, et primum ens, mensura, causa, ac

*Ps.* xxxii, 1.

*Ps.* cxlii, 13.

D regula totius virtutis, sanetitatis, ac æquitatis. Unde Sapiens loquitur : Quum sis justus, omnia juste disponis. Virtus enim tua justitiæ initium est. Job quoque : Absit a Deo impietas, et ab Omnipotente iniquitas. Ideo ait : An non licet mihi, quod volo, facere ? quasi dicat : Utique. Siquidem eo ipso quo placet quid Deo, bonum et justum est. *Justus et rectus.* Forte quis instet, dicens : Si justus est Deus, cur potius unum prædestinavit, elegit, vocat, et

*Sap.* xii, 15, 16.

*Job* xxxiii, 10.

*Matth.* xx, 15.

salvat quam alium? Cur frequenter deserit justos, permittens eos cadere ac perire, et allicieit sibi injustos? Cur saepe convertit peiores, et deserit meliores? Cur unum sie praevenit magis quam alium, in tantum ut protestetur, Miserebor cui voluero, et elemens ero in quem mihi placuerit? Denique justus est, qui unicuique reddit quod ei debetur, Deus vero nulli est debitor. Et respondendum, quod Deo competit non commutativa, sed distributiva justitia, quia unicuique dat quod meretur. Et unicuique influit gratiae dona, secundum quod se disponit: dat etiam unicuique secundum propriam virtutem, capacitatem, seu dignitatem, nec personarum acceptor est. Rursus, Deus dicitur justus, quia in omnibus agit ut cum deest, et prout ejus sapientia dicat. Hinc Anselmus loquitur Deo: Quum punis malos, justum est, quia illorum meritis congruit: et dum pareis malis, justum est, quia bonitatem tuam deest. Quamvis autem absolute loquendo ac proprie Deus non sit hominibus debitor, tamen quodammodo debitor justis est, in quantum bene agentibus remunerationem promisit, et cum id facere deceat, juxta illud Job: Opus hominis reddet ei, et juxta vias singulorum restituet. Hinc Thomas in prima parte, quaestione 21, disseruit: Opus justitiae Dei semper praesupponit opus misericordiae, et in eo fundatur: quoniam quidquid virtutis aut meriti, quidquid boni aut debiti reperitur in creaturis, ex divina pietate originaliter datum est, ejus dona sunt merita nostra.

*Peccaverunt ei*, hoc est ad irreverentiam Dei, mandata ejus transgrediendo: *non filii ejus in sordibus*, id est, pravi filii Israel, qui peccando a Deo patre degeneraverunt, et ipsum inhonorando, demeruerunt appellari filii ejus. Unde per Malachiam Dominus loquitur: Filius honorat patrem suum: si ergo pater ego sum, ubi est honor meus? Et quod dictum est, In sordibus, potest referri ad verbum hoc, *Peccaverunt*: quia in immunditiis, praesertim in idololatriis suis, Dominum offenderunt.

A In Scripturis autem tam idola quam cultus eorum, sordes vocantur. Potest item referri ad illud, Non filii ejus: quoniam immunditia vitiorum, est ratio ob quam non sunt filii Dei: praesertim vero per infidelitatem seu incredulitatem, merentur homines non esse nec dici filii Dei, quum ad Galatas dicat Apostolus: Omnes vos filii Dei estis per fidem. Et Joannes: Quotquot autem receperunt eum, dedit eis potestatem filios Dei fieri. Porro Septuaginta transtulerunt: Peccaverunt non ei filii vituperabiles. Et hoc verum est, quantum ad hoc, quod peccando nocuerunt sibi ipsis, non Deo, juxta quod legitur in Job: Si peccaveris, quid Deo nocebis? Et si juste egeris, quid ei donabis?

*Generatio prava in effectu, atque perversa in affectu*. Prava quoque in sensualitate, et perversa in superiori parte animae: prava per errorem ac perfidiam intellectus, perversa per infectionem affectus. *Haecine*, hoc est, an haec: quasi dicat, Merito ita non faceres: Haecine, inquam, *reddis Domino, popule stulte et insipiens?* id est, tantas injurias et offensas Deo rependis pro beneficiis ejus, et pro reverentia quae ei propter propriam suam majestatem ac honorabilitatem debetur, tu Israelitica gens, stulta, non cognoscendo te ipsam, nec bene utendo rebus creatis, atque insipiens, male sentiendo de Creatore. *Numquid non ipse est pater tuus?* Jam dictum est, quod impii non sint filii Dei, sed magis diaboli, quibus ait Salvator: Vos ex patre diabolo estis. Quomodo ergo nunc dicitur eis, Numquid non ipse est pater tuus? Et respondendum, quod impii sunt filii Dei jure creationis, non autem gratia adoptionis. Impii vero ad tempus, et tamen electi ad vitam gloriae, sunt filii Dei per praedestinationem aeternam. Itaque ipse est pater tuus, *qui possedit te* per fidem et gratiam, quamdiu ei servisti. Vel, Possedit te jure sui universalis dominii, quoniam ipse est omnium Dominus, etiam iniquorum de jure, etsi non de facto, imo et de facto, quantum ad hoc quod

Exod.  
xxxiii, 19.

Matth.  
xxv, 15.

Act. x, 34.

Rom. ii, 6-8  
Coloss. iii, 25.  
Jacob. i, 12.

Job xxxiv,  
11.

Galat. iii,  
26.  
Joann. i, 12.

Job xxxv,  
6, 7.

Joann. xiii,  
14.

Malach. i,  
6.

ei resistere nequeunt, et suam in eis, dum A vult, voluntatem exercet. Unde de Oolla et Ooliba per Ezechielem testatur : Et habui eas. Vel, Possedit te, conservando te in esse quamdiu subsistis, sine ejus sustententia, nec ad momentum posses subsistere. *Et fecit et creavit te* : fecit te, corpus formando : creavit, animam de nihilo producendo. Vel, Fecit te, per causas secundas, quantum ad corpus. Nam opus naturæ, et quidquid parentes ad procreandum efficiunt, atque cœlestia corpora influunt, est principaliter opus Dei. Quod B sanctus Job insinuans, loquitur Deo : Manus tuæ fecerunt me, et plasmaverunt me totum in circuitu. Nonne sicut lac mulsisti me, et sicut caseum me coagulasti ? Et creavit te, quia non solum condidit animam, sed et in exordio mundi ipsam materiam. At vero in his verbis, secundum Glossam, est ordo præposterus. Primo enim Deus creavit, producendo ut esset : secundo fecit formando : tertio possedit dominando. Verumtamen corpus formatur, antequam anima creetur.

*Memento dierum antiquorum*, id est, ea quæ ab exordio mundi contigerunt, ad memoriam revoca, præsertim qualiter ex antiquis, id est diu elapsis diebus, Deus misericordissime et gratiosissime egit cum sanctis patribus tuis, Abraham, Isaac et Jacob : ex quibus agnoscere poteris, quam vere ipse sit pater, creator, formator, possessorque tuus. Sic et Psalmographus ait : *Memor fui dierum antiquorum, meditatus sum in omnibus operibus tuis. Et Isaias sanctus vir Deo fatetur : Et nunc, Domine, D pater noster es tu, nos vero lutum : et fietor noster es tu, et opera manuum tuarum omnes nos. Cogita generationes singulas, quantum in Scripturis redactæ sunt, aut alinnde tibi pateant. Præsertim attende generationes descendentes de Abraham, Isaac et Jacob, qualiter Deus elegit ipsum Isaac et ejus posteritatem, magis quam Ismaelem et semen ipsius : deinde qualiter unum filiorum Isaac, scilicet ipsum Jacob, elegit, fratre ejus relicto, et qualiter uni-*

versos filios Jacob elegerit, et posteritates eorum usque in præsens præ ceteris gentibus sibi assumpserit in populum peculiarem, sicut superius dictum est : Patribus tuis conglutinatus est Dominus, et elegit eos, amavitque semen eorum post eos. Hæc memoriter revolvendo, scies quam gratiose ac munificeenter Dominus egerit cum patribus tuis tecumque.

*Interroga patrem tuum*, id est antecessores tuos fideles, eorum scripta aut gesta investigando, *et annuntiabit tibi veritatem* : et, In antiquis est sapientia. Interroga quoque *maiores tuos*, utpote doctores legis, seniores plebis, sacerdotes atque prælatos, *et dicent tibi* quam pie et liberaliter Dominus egerit cum progenitoribus tuis et tecum. Quod etiam constat ex eo quod subditur : *Quando dividebat Altissimus gentes, quando separabat filios Adam* : quod post diluvium in constructione turris Babilonica contigit. Nam usque ad tempus illud posteri Noe erant quasi plebs una, C vel non multum ab invicem divisa habitatione atque dominio : sed in ipsa turris ædificatione loquelæ sunt multiplicatæ, et qui ejusdem loquelæ effecti sunt, simul manserunt et gens una fuerunt. Verumtamen ante turris inceptionem divisæ erant posteritates ac familiæ natæ ex tribus filiis Noe, quemadmodum in Genesi scriptum est, quo inter cetera legitur : Hæ familiæ Noe juxta populos et nationes suas, et ab his divisæ sunt gentes in terra post diluvium. Imo, secundum Isidorum Historiamque scholasticam, ante turris inchoationem ex tribus filiis Noe fuerunt natæ septuaginta duæ gentes sive familiæ, videlicet quindecim de Japhet, triginta de Cham, viginti septem de Sem. Attamen Augustinus sextodecimo de Civitate Dei computat de Cham generationes triginta unam, et per consequens in toto generationes septuaginta tres. Postea vero fatetur, quod verius numerentur septuaginta duæ dumtaxat. In ipsa autem turris fabricatione, Deus operantibus existentibusque ibidem novas in-

Ezech.  
xviii, 4.

Job x, 8, 10.

Ps. cxviii, 5.

Is. lxiiv, 8.

Gen. xxi,  
3, 4, 24.

Ibid. xxvii,  
29.

Deut. x, 15.

Is. xxxviii,  
19.  
Job xii, 12.

Gen. xi, 8, 9.

Ibid. x, 32.



didit linguas. Quod qualiter factum sit, A difficile est intelligere ac docere, secundum quod sextodecimo de Civitate Dei asserit Augustinus : Per linguas divisæ sunt sicut placuit Deo, qui hoc modis occultis, nobisque incomprehensibilibus fecit. Facta itaque idiomatum plurificatione, divisit Altissimus septuaginta duas gentes illas per diversa climata orbis, et separavit filios Adæ natos per Noe et filios ejus, ab invicem loquela, habitatione, dominio, quem-

*Gen. xi, 9.*

*Constituit terminos populorum juxta numerum filiorum Israel.* Hoc in Glossa interlineari exponitur sic : Tot constituit Dominus singulas gentes, quot erant singulæ personæ in populo Israel, vel quot ingressæ sunt Ægyptum, id est septuaginta. Unde et alii dicunt : Termini populorum seu populi distincti sunt secundum septuaginta linguas, juxta numerum filiorum Israel qui intraverunt Ægyptum cum Jacob, qui erant septuaginta, juxta illud Genesios : Omnes animæ domus Jacob quæ ingressæ sunt Ægyptum, fuerunt septuaginta : atque secundum hoc fuerunt septuaginta populi distincti secundum diversas linguas. Itaque, Constituit terminos populorum, id est, in præfata linguarum confusione ac multiplicatione distinxit gentes, et eas numeravit, earumque terminos, id est fines seu habitationes, aut certam quotam posuit juxta numerum filiorum Israel, qui cum Jacob introierunt Ægyptum. Verum huic expositioni aliqua obviare videntur. Primum, quia secundum Augustinum sextodecimo de Civitate Dei, ex tribus filiis Noe septuaginta duæ gentes ac totidem linguæ per terras esse cœperunt ; et addit : Quæ gentes crescendo etiam insulas impleverunt, et auctus est numerus gentium multo amplius quam linguarum. Nam et in Africa novimus barbaras multas nationes esse in una lingua. Secundo, quoniam in Genesi habetur : Cunctæ animæ quæ ingressæ sunt cum Jacob in Ægyptum,

*Ibid. xvi, 27.*

*Ibid. 26.*

et egressæ de femore ejus, fuerunt sexaginta sex. Tertio, quoniam Septuaginta transtulerunt : Omnes animæ domus Jacob fuerunt septuaginta quinque : quam translationem reprehendi non posse, constat ex eo quod legitur in Actis, ubi Lucas evangelista refert sic verba beati protomartyris Stephani : Mittens Joseph, accersivit patrem suum in animabus septuaginta quinque. Ad hæc posset quis dicere, quod Scriptura non solet computare aut exprimere minutias numerorum ac temporum.

*Act. vii, 13.*

B Porro, dum septuaginta animæ seu personæ domus Jacob dicuntur Ægyptum intrasse, computantur et Joseph ac filii ejus. Nam Joseph illuc intravit et duo filii ejus ibi nascendo ingressi sunt terram illam. Computatio demum Septuaginta interpretum, intelligenda est secundum Hieronymum per prolepsim, id est anticipationem, ita quod numerant etiam quinque filios filiorum Joseph.

Præterea S. Gregorius antiqua utens translatione : Statuit, inquit, terminos gentium juxta numerum angelorum Dei, ubi Scriptura videtur significare, ministeria angelorum ordinata esse super singulas gentes vel homines, quibus homines regantur et defendantur. Superna enim civitas Dei ex angelis et hominibus constat, ad quam tanti conscendunt hominum, quanti illie remanserunt angelorum. Hæc Gregorius. Alii autem dixerunt, quod tot homines salvabuntur, quot angeli corruerunt : quod Anselmus in libro *Cur Deus homo*, reprobatur satis. Homines quippe non sunt facti solum ad reparandum ruinam angelicam, quia etsi angeli non peccassent, nihilo minus homines facti essent, quamvis forsitan non in numero tanto. Fuerunt quoque quidam dicentes, quod tot homines salvabuntur, quot angeli corruerunt, et ultra hoc, quot angeli stantes manserunt : vel, secundum alios, quot angeli erant in exordio conditi. Sieque de isto non videtur certitudo haberi. Hinc Thomas in prima parte Summæ suæ, quæstione 23, ait : Melius dicitur, quod soli Deo cognitus est

numerus electorum in superna felicitate locandus. Postremo, secundum Magistrum in historiis, Hebraei sic legunt : Constituit Dominus terminos populorum, sed terminos filiorum Israel constituit juxta numerum : quasi dicant, Israellem tanquam earum Dominus numeravit, alios tanquam viles numero non distinxit.

*Pars autem Domini populus ejus*, hoc est, electus et fidelis populus fuit pars Dei : quod pro tempore illo accipitur de populo Judaeorum, quem Deus sibi assumpsit ac dedicavit, ceteris ad idololatriam corrudentibus. Ideo subditur : *Jacob funiculus hereditatis ejus*, id est, Israelitica plebs orta ex Jacob, fuit hereditaria portio Dei, seu peculiaris et hereditarius populus ejus, quantum ad electos plebis illius, quoniam erant adoptivi filii Dei. *Invenit eum in terra deserta*, hoc est, Deus populum istum in solitudine visitavit et reperit, non a casu, sed ab idololatris Aegyptiis segregavit, ut eum in eremo sibi aretius ac familiarius applicaret per legis donationem, ac aliis modis : *in loco horroris et vastae solitudinis* : quoniam eremus illa inter Aegyptum et Chanaan sita, fuit solo adspectu terribilis atque praegrandis, in qua (ut dictum est supra) erat dipsas et serpens flatu adurens. *Circumdavit eum*, hoc est, populum Israel Deus per varia deserti loca hinc inde deduxit : *et docuit* populum illum per Moysen et alios adjutores ipsius in regimine populi, et per inspirationes angelicas, per prospera quoque et adversa, et per supernaturales effectus : *et custodivit quasi pupillam oculi sui*, id est, Deus Israeliticum populum cum speciali diligentia custodivit, direxit, protexit. Nam et nubes eis contra solis aestum obumbravit, ducatumque praebuit. Ab infidelium etiam impugnatione eripuit eos : sicutque pupilla oculum praeter ceteris membris diligenter protegit, sic populum illum praeter aliis Dominus specialiter gubernavit, et a diversis praeservavit periculis.

*Sicut aquila provocans ad volandum pullos suos, et super eos volitans*. Quemad-

modum in Glossa habetur, aquila videns pullos suos plumescere, vertit eos ad solis splendorem : et eos quos videt solem irreverberata acie intueri, nutrit : quos vero conspiciit visum deflectere, quasi degeneres deserit. Quumque pullos approbatos plumescere viderit, excitat eos ad volandum, alis suis eos percutiendo : lassos vero et deficientes, alis sustentat. *Expandit alas suas, et assumpsit eum, atque portavit in humeris suis* : quia dum cupit suos transferre pullos ad alium locum, accipit ipsos super humerum suum, et sic defert eosdem, quasi non metuens a superiori parte periculum tanquam omnibus avibus altius volans : sed a parte inferiori, ne javela emittantur, contra quorum lesionem exponit se ipsam pro suorum defensione pullorum. Itaque quam diligenter et amore se aquila habet ad suos pullos, tam diligenter et amorose, imo multo amplius Deus se habuit ad filios Israel, admonens eos ad spiritualem profectum, ad contemplationis volatum, et super ipsos nubem suam extendens : alis quoque suae pietatis ac potestatis, suae providentiae et caritatis, ipsos defendens, eos pie ac paterne portavit, sicut supra fertur : Portavit te Dominus Deus tuus, sicut portare solet homo parvulum filium suum.

*Dominus solus deus ejus fuit* : hoc est, solus verus Deus per angelum suum et nubem, atque per Moysen et Aaron eduxit populum Israel de Aegypto, et per eremum duxit : *et non erat cum eo deus alienus* : id est, populus iste in via solitudinis alienos non coluit deos, quamvis quidam ad modicum tempus venerati sint aureum vitulum. Hinc in libro Numerorum Balaam dixit : Non est idolum in Jacob, nec augurium in Israel : Dominus Deus ejus enim eo est, et clangor victoriae regis in illo est : Dominus Deus eduxit eum de Aegypto. Sed his objici potest, quod per Amos loquitur Deus : Numquid hostiam et sacrificium obtulistis mihi in deserto quadraginta annis, domus Israel ? Et portastis tabernaculum Moloch regi vestro, et imaginem idolorum

Deut. viii, 15.

Deut. i, 31.

Num. xxi, 21-23.

Amos i, 25, 26.

vestrorum. Unde sanctissimus martyr <sup>A</sup> sugeret in terra promissionis mel de petra, id est, de locis saxeis et petrosis cavernis acciperet mella et ederet, quia in locis talibus atque in arboribus ibi sitis mellificiant apes. Hinc primo libro Regum legitur : Ingressus est populus saltum, et apparuit fluens mel, extenditque Jonathas summitatem virgæ, et intinxit in favum mellis, et convertit ad os suum. In libro Indicum quoque scriptum est : Examen apum in ore leonis erat et favus mellis. <sup>1 Reg. XIV, 26, 27.</sup> <sup>Judic. XIV, 8.</sup> *Oleumque de saxo durissimo*, id est de locis atque arboribus olivarum, quæ inter saxecas terras ibi nascuntur. In vasculis quoque lapideis mel et oleum solent servari, et inde sumi : sicque de petra, id est vase lapideo, mel suxerunt, et oleum de saxo durissimo, id est hujusemodi vaseculo solidissimo. Sumeret quoque *butyrum de armento*, id est ex fructu et pinguedine lactis vaccarum pertinentium ad pecorum gregem, *et lœ de oribus cum adipe agnorum et arietum filiorum Basan*. Filii namque, id est habitatores, regionis Basan abundabant pecoribus, quia pascualis existit regio illa, et interfecto Og rege, filii Israel acquisierunt oves, arietes et cetera terræ illius jumenta, sicut ex diversis libri Numerorum capitulis innotescit. *Et hircos cum medulla tritici* : nam in terra illa abundabant hœdi et capræ ac triticeum optimum, ejus medullam, id est delicatam purgatissimamque farinam, filii Israel acceperunt. *Et sanguinem uræ biberet meracissimum*, id est defæcatissimum seu mundissimum vinum ex botris expressum : quod sanguis vocatur, propter similitudinem quam habet cum sanguine, præsertim loquendo de rubeo vino. Vinum quoque sanguinem gignit bonum, et instar sanguinis calefacit.

*Constituit eum super excelsum terram*, id est, Israeliticam plebem Deus collocavit in terra promissionis, quæ terra est pars Palæstinæ. Est autem terra illa montuosa, altiorque Ægypto ac circumjacentibus regnis : imo, ut tangit Glossa, aliqui ferunt ibi esse verticem terræ quasi umbilicum : nam et medium terræ ibi esse putatur. Quinque terra ad sphericam tendat rotunditatem, ut in tractatu de Sphæra docetur, apparet quod ibi sit vertex terræ. Veruntamen paradisus terrestris altior perhibetur. *Ut comederet fructus agrorum*, id est terræ nascentia telluris illius uberri-  
<sup>D</sup> mæ ; *ut sugeret mel de petra, oleumque de saxo durissimo*. Istud secundum Gregorium ad litteram stare non potest, quoniam populus ille nusquam legitur mel de petra suxisse, aut oleum de firma petra, ut habet translatio alia : et verum est quod prout verba superficie tenus sonant, nullum horum ad litteram sit impletum. Nihilominus potest exponi ad litteram, ita quod per verba hæc, fertilitas terræ illius significatur, ut sit sensus : Ut populus ille

<sup>A</sup> sugeret in terra promissionis mel de petra, id est, de locis saxeis et petrosis cavernis acciperet mella et ederet, quia in locis talibus atque in arboribus ibi sitis mellificiant apes. Hinc primo libro Regum legitur : Ingressus est populus saltum, et apparuit fluens mel, extenditque Jonathas summitatem virgæ, et intinxit in favum mellis, et convertit ad os suum. In libro Indicum quoque scriptum est : Examen apum in ore leonis erat et favus mellis. <sup>1 Reg. XIV, 26, 27.</sup> <sup>Judic. XIV, 8.</sup> *Oleumque de saxo durissimo*, id est de locis atque arboribus olivarum, quæ inter saxecas terras ibi nascuntur. In vasculis quoque lapideis mel et oleum solent servari, et inde sumi : sicque de petra, id est vase lapideo, mel suxerunt, et oleum de saxo durissimo, id est hujusemodi vaseculo solidissimo. Sumeret quoque *butyrum de armento*, id est ex fructu et pinguedine lactis vaccarum pertinentium ad pecorum gregem, *et lœ de oribus cum adipe agnorum et arietum filiorum Basan*. Filii namque, id est habitatores, regionis Basan abundabant pecoribus, quia pascualis existit regio illa, et interfecto Og rege, filii Israel acquisierunt oves, arietes et cetera terræ illius jumenta, sicut ex diversis libri Numerorum capitulis innotescit. *Et hircos cum medulla tritici* : nam in terra illa abundabant hœdi et capræ ac triticeum optimum, ejus medullam, id est delicatam purgatissimamque farinam, filii Israel acceperunt. *Et sanguinem uræ biberet meracissimum*, id est defæcatissimum seu mundissimum vinum ex botris expressum : quod sanguis vocatur, propter similitudinem quam habet cum sanguine, præsertim loquendo de rubeo vino. Vinum quoque sanguinem gignit bonum, et instar sanguinis calefacit.

*Incrassatus est dilectus, et recalcitavit*. Ille Moyses de futuro per modum præteriti, propter prophetiæ certitudinem loquens, populi abusum ingratitudeque declarat. Incrassatus est dilectus, et recalcitavit : id est, populus Israel a Deo præ ceteris electus atque dilectus, saltem quan-



tum ad temporalia bona, impletus est beneficiis Dei et opibus in terra promissionis, et inobediens ac rebellis factus est Deo. Terrena enim prosperitas, opulentia rerum, voluptas et honor, fiunt multis occasio plurium vitiorum, praesertim superbiae et inobedientiae. *Iucrassatus* fertilitate terrae, *impinguatus* superfluitate alimentorum, *dilatatus* possessionibus ac sobole. *Dereliquit Deum factorem suum* per inobedientiam, praesertim per idololatriam, et recessit per mentis aversionem ac infidelitatem, a Deo salutari suo, in quo solo vera ejus salus consistit, juxta illud Jeremiae : Vere in Domino Deo nostro salus Israel.

Jer. iii, 23.

*Provocaverunt eum in diis alienis, et in abominationibus ad iracundiam concitaverunt* : id est, in idololatriis et abominabilibus vitiis Deum tam graviter offenderunt, quod ipse invariabilis Deus omnia tranquillissime judicans, per modum vehementer irati se habuit, illos acerrime puniendo, quum ipse improvocabilis per-

Ibid. xii, 19.

*Immolaverunt demoniis, et non Deo.* Hoc est quod ait Apostolus : Quae immolant gentes, demoniis immolant. Nam etsi militiae coeli aut hominibus mortuis, quos putant consecratos in deos, offerant hostias, demonibus offerunt eas, quibus id maxime placet, et instigant ad talia, atque per idola dant responsa. *Diis quos ignorabant.* Putant namque aliquid numinis seu divinae perfectionis, divino cultu condignum, esse in diis seu spiritibus responsa praestantibus, quum tamen ita non sit, sed eo ipso quo exigunt sacrificia sibi offerri, probantur esse pravissimi, ac divini honoris sacrilege cupidi, sicut in libro de Fide et legibus Guillelmus Parisiensis probat diffuse. *Novi recentesque venerunt,* id est dii noviter instituti. Gentiles enim frequenter deos novos instituerunt, eos videlicet qui magnum atque insolitum aliquid perpetraverunt, aut aliquid rei publicae utile

A repererunt. Unde, ut legitur in Actis, quum Paulus viperam suae manui appendentem excussisset in ignem, nec lederetur, Barbari dixerunt quod esset deus. Secundo quoque Machabaeorum, filius Antiochi : Patre, inquit, nostro inter deos translato. *Quos non coluerunt patres eorum* : quod intelligi potest tam de bonis, quam de malis ac perfidis idololatrantium patribus Judaeorum. Nam boni patres eorum, Prophetae, Patriarchae et justi, nullum coluerunt alienorum deorum : mali vero patres, coluerunt aliquos deos. Aliqui tamen patrum illorum non coluerunt omnes deos recentes, quos eorum posteri adoraverunt.

Act. xxi, 5, 6.

II Mach. iii, 23.

*Deum qui te genuit,* creando animam, ac vim generativam dando patri ac matri ut nascereris, hunc tu dereliquisti, et oblitus es Domini creatoris tui : quia opere ostendis idololatriam, quod dereliquisti Deum, nec vis reminisci ejus per poenitentiam et veram conversionem. *Vidit Dominus,* qui ait per Amos prophetam : Cognovi scelera vestra. Etenim oculi Domini multo lucidiores super solem, circumspectantes omnes vias hominum. *Et ad iracundiam,* id est districtam ultionem, *concitatus est,* id est, juste processit, *quia provocaverunt eum,* juxta sensum inductum, *filiis sui ac filiae,* id est impii utriusque sexus, qui sunt filii Dei ac filiae ratione adoptionis, ut dictum est plenius. *Et ait : Abscondam faciem meam ab eis,* id est, gratiosam praesentiam, opem, cognitionem meam subtraham eis propter eorum demerita. Unde et Cain dixit ad Dominum : Ejiceis me hodie a facie terrae, et a facie tua abscondar. Isaias quoque asserit : Peccata vestra absconderunt faciem Dei a vobis. *Et considerabo novissima eorum,* id est, quid finaliter eis eveniet, adspiciam et aliis indicabo, et quando de carne exierint, eos mox judicabo. Propter quod in Proverbiorum libro testatur : Subsannabo, quum vobis quod timebatis evenierit, quum iruerit repentina calamitas. Cui Jeremias clamat : Domine, inquit, ejus oculi aperti sunt super omnes vias filiorum Adam, ut

Amos v, 12.

Eccli. xxi, 28.

Gen. iv, 14.

Is. lvi, 2.

Prov. i, 26, 27.

Jer. xxxii, 19.

reddas unicuique secundum omnes vias A suas.

*Generatio enim perversa est*, id est ingrata et improba, *et infideles filii*, qui Patri spirituum non obtemperant. *Ipsi me provocaverunt in eo qui non erat Deus*, id est in falsorum cultu deorum, *et irritaverunt in vanitatibus suis*, id est idololatriis et aliis actibus vitiosis, qui non sunt referribiles ad ultimum finem ac veram salutem: ideoque sunt vani et stulti, sicut vana est medicina quæ conferre non potest ad sanitatem. *Et ego provocabo eos in eo qui non est populus*, id est, tam superstitiosis vilibusque hominibus eos subdam ad serviendum, quod vehementissime turbabuntur: qui homines ob suam irrationabilitatem indigni erunt populus nuncupari; *et in gente stulta*, quæ scilicet idolorum portenta veneratur, *irritabo illos*: quia illarum servituti eos subjeciam, sicque pœna correspondebit culpæ, quoniam sicut mihi per idololatriam et alia vitia prætulērunt creaturas vilissimas, sic eis præficiam indignissimas nationes. Circa hæc Rabbi Paulus ait, quod Judæi maxime recesserunt a Deo in duobus, videlicet idola venerando, et falsa superstitiosaque documenta fingendo, per quæ divina infregerunt præcepta, quemadmodum dicit eis Salva-  
tor: Irritum fecistis mandatum Dei propter traditionem vestram. Et pro his duobus Dominus eis prænuntiat duplicem pœnam correspondentem: quia pro eo quod Deo vero relicto, venerati sunt idola, protestatur quod eos relinquet, et gentiles qui erant non populus, assumet sibi in populum; pro secundo dicit eos irritandos a gente stulta, videlicet a paganis. Hinc ait et Glossa: Sicut irritaverunt me, multitudinem falsorum deorum colendo, et me reprobando, sic irritabo eos multitudinem gentium assumendo, et ipsos reprobando. Hanc scripturam allegat Apostolus secundum illam translationem, ad Romanos dicens: Primus Moyses dicit. Ego ad æmulationem vos adducam in non gentem, in gentem insipientem, in iram vos mittam.

*Ignis succensus est in furore meo*, id est, dictante rigore justitiæ meæ, accendetur ignis in eos: quod a Chaldæis aliquatiter est impletum, qui templum et urbem Jerusalem combusserunt: deinde Romani sub Tito eadem et majora ipsis Judæis intulerunt supplicia: *et ardebit usque ad inferni novissima*, id est, de præsentis supplicio pertrahet eos in suis impietatibus perseverantes usque ad tartaros. Quorundam etenim pœna nunc incipit, deinde in inferno æternaliter durat, quoniam temporali flagello non emendantur, de quibus Jeremias ait: Induraverunt facies suas supra petram, noluerunt reverti. Itemque: Percussisti eos, et non doluerunt: attrivisti eos, et renuerunt accipere disciplinam. Non tamen judicat Dominus bis in idipsum: quia ut ait Gregorius, Unum supplicium est, quod temporaliter incipit, et in æternis suppliciis consummatur. *Devorabitque terram cum germine suo, et montium fundamenta comburet*. Hoc non videtur proprie posse intelligi de incendio Chaldæorum aut Romanorum inflicto Judæis, quo templa eorum, urbes et habitacula sunt incensa, nisi forte per modum hyperbolice locutionis sumatur. Verumtamen hostes solent blada et fructus terræ incendere aut alio modo destruere: sicque fundamenta, id est inferiores partes, montium fructiferorum, dicuntur comburi, id est incendio alterari. Hinc in Joel habetur: Ignis comedit speciosa deserti, et flamma succendit omnia ligna regionis. Præterea quidam exponunt istud de igne conflagrationis, qui præcedet finale iudicium, quo igne aer, aqua et terra purgabuntur: qui ignis universa terræ nascentia prorsus consumet, et usque ad completionem iudicii perdurabit, ac data sententiâ involvet damnatos, atque cum ipsis descendet in tartarum. Unde Septuaginta transtulerunt: Ignis exarsit ab ira mea, et ardebit usque ad inferos et deorsum.

*Congregabo super eos mala*, id est, copiam tormentorum eis infligam. Hinc per Ezechielem Dominus protestatur, quod qua-

Jer. v, 3.

Ibidem.

Joel i, 19.

Matth. xx.  
6.

Rom. x, 19.

tuor judicia sua pessima mittet in eos, id est *quatuor genera tormentorum, videlicet gladium, famem, pestilentiam, et bestias terræ. Et sagittas meas, id est pœnas acutas, mortiferas, complebo in eis.* Ad litteram quoque Chaldaei emissarii erant. *Consumentur fame*: multi enim interierunt esurie in obsidionibus Romanorum et Chaldaeorum: et derorabunt eos ares morsu amarissimo: volneres enim, præsertim rapaces, comederunt occisorum cadavera. *Dentes bestiarum immittam in eos*, quæ vel corpora exstincta lacerando edebant, aut etiam quos vivos invenerunt, interimebant. *cum furore trahentium super terram*, id est eum furentibus reptilibus, corpus suum per terram trahentibus, atque serpentium, id est cum furiosis serpentibus. Porro, ut super Genesim scripsi, multiplex est genus reptilium: Unum, quod trahit ac rapit se vi oris, ut aliqui vermes. Secundum, quod trahit se vi eostarum, sicut serpentes. Tertium, quod se rapit et trahit vi pinnarum, ut pisces. Quartum, quod facit hoc vi annulorum, ut animalia annulosa. Quinto, extense loquendo, ennela animalia vocantur reptilia, quæ etsi pedes habeant ac brevica crura, tamen movendo se, magnam corporis sui partem applicant terræ, ut stellio et lacerta. *Foris vastabit eos gladius*, id est, extra domum et in agris gladio hostium occidentur, juxta illud in Jeremia: Si egressus fuero ad agros, ecce occisi gladio: et intus paror, id est, in domibus suis ac urbibus affligentur formidine propter imminencia mala: *jurenem simul ac virginem, lactentem cum homine senem*: ita quod tribulatio illa nulli pareat ætati. Quod qualiter in obsidione Chaldaeorum impletum sit in populo Judaorum, in Threnis Jeremiæ habetur: qualiter autem sub Tito, Josephus refert. Hinc scriptum est in Ezechiele: Mittam sagittas pessimas in eos, famem et bestias pessimas.

*Et dicit: Utinam sunt?* quasi ipse Dominus dicat: De terra sua ejeeti sunt, et pro magna parte exstincti. *Cessare faciam ex hominibus memoriam eorum*: id est,

tot calamitatibus opprimuntur, quod peribit eorum memoria, quantum ad laudem et bonam famam. Nempe ut Salomon loquitur: Memoria justi cum laudibus: nomen impiorum putrescet. *Sed propter iram inimicorum distuli*: id est, ad reprimendum impetum iracundiæ adversariorum, non statim permisi Judæos iniquos vinci ac perimi, ne forte superbirent hostes eorum, id est adversarii Judaorum. *Et dicerent ipsi hostes, si statim prævalerent: Manus nostra exalta*, id est, propria potestate et adjutorio deorum nostrorum sortiti sumus triumphum: *et non Dominus fecit hæc omnia*, id est, virtute Dei ac Domini Judaorum non prævaluimus. Ideo itaque Dominus fecit hoc, ne ipse blasphemaretur, et ne falsi dii a suis extollerentur cultoribus. Unde per Isaiam testatur: Propter me ego faciam ut non blasphemem. Sæpe quoque per Ezechielem fatetur: Peperci nomini meo magno.

*Tiens absque consilio est et sine prudentia*: id est, Judæi tam impii earent omni salubri consilio, quia non tractant qualiter per veram contritionem possint Deo placere, atque instantia adversa evadere: sic quoque earent vera prudentia, quoniam actus suos non referunt ad finem sanctum atque salutem, et dato quod dicant oppositum, non tamen referunt actus suos ad rectum finem per media apta. *Utinam saperent ea quæ Dei sunt atque salutis, et intelligerent causas suæ captivitatis et afflictionum jam præfatarum, quas in captivitate et dispersione prætaetis patiuntur, ac novissima providerent*, id est futurum Dei judicium et suam damnationem æternam, quam post præsentem recipient tribulationem, quia non emendantur per eam. *Quomodo persequatur unus mille, et duo fugarunt decem millia?* Hic ponitur numerus determinatus seu principium numeri pro indeterminato, ut sit sensus: Qua ratione et causa contigit, quod paucissimi adversariorum, videlicet unus aut duo, valde pauci insecuti sunt, terrerunt, fugaverunt et vicerunt copiosam multitudinem

Ezech. v.  
17: vi, 11,  
12.

Prov. x, 7.

Is. xlviii,  
11.

Ezech.  
xxxvi, 21.

Jer. xiv, 18.

Thren. ii,  
11, 12, 21.

Ezech. v.  
10, 17.



impiorum ac infidelium Judæorum, qui insuperabiles erant quamdiu Deo fideliter servierunt? Ad quod respondet: *Nonne ideo, quia Deus sauis vendidit eos?* id est, manibus hostium tradidit propter eorum impietates, sicut datur res venalis pro pretio, et merces pro merito. Unde loquitur

Is. I, 1.

Isaias: Ecce in iniquitatibus vestris vendidati estis. *Et Dominus conclusit illos?* id est, omnipotens Deus Judæos sacrilegos coartavit infra adversariorum suorum potentiam, ita quod nec resistere nec effugere poterant, juxta illud Psalmi: *Conclusit in gladio populum suum.*

Ps. LXXVII, 62.

*Non enim est Deus noster ut dii eorum,* id est, Deus noster non assimilatur diis idololatrarum, quoniam Deus noster est sanctus, verax et justus: ideoque non fovet populum suum in vitiis, nec secleratos impenitentes tuetur ab hostibus, quamvis iniquis, sed in presenti corripit et castigat. Porro dii gentium falsi suos cultores fovent in eorum secleribus, nec ipsos pro ipsorum peccatis in presenti redarguunt et emendant. *Et inimici nostri sunt iudices.* Hoc tripliciter potest exponi. Primo, quod spiritus maligni loquentes per idola seu etiam animæ hominum secleratorum qui coluntur ut dii, ipsi quoque idololatrarum et persecutores agnoverunt Deum Israel esse verum et sanctum Deum, suos cultores ita tractantem, quando merentur et peccant tam graviter. Unde et Achior dixit ad Holofernem: Quotiescunque præter Deum suum alterum coluerunt, dati sunt in prædā et gladium. Deus enim illorum odit iniquitatem. In Jeremia quoque scriptum est, quemadmodum Nabuzardan princeps militiæ regis Babylonis, dixit ad Jeremiam:

Judith v, 18, 21.

Jer. XL, 2, 3

Dominus Deus tuus locutus est malum hoc super locum istum, quia peccastis Domino. Hinc dicit Glossa: Inimici nostri sunt iudices approbatores. Nam et qui idola colunt, unum Deum esse intelligunt, qui creavit eorum et terram. Secundo sic: Inimici nostri sunt iudices, id est, adversarii Judæorum facti sunt iudices eorum, quia Chaldæi, Romani, et ceteri quibus Deus

A subjecit Judæos iniquos, judicaverunt eosdem, et usque nunc judicant eos pro libitu suo ac puniunt. Deus namque exercet sua judicia interdum per homines vitiosos, et fideles peccantes frequenter puniunt per infideles. Potest et tertio sic exponi, quod prælati adversarii Judæorum, per mirabilia opera Dei atque per proprias penas, quas tandem justo judicio receperunt a vero Deo, cognoverunt et fassi sunt quanta sit excellentia, sanctitas et justitia Dei Israelitarum.

B *De vinea Sodomorum, vinea eorum, et de suburbanis Gomorrhæ,* id est, vinea Judæorum est de numero vinearum Sodomitarum ac Gomorrhæorum. Per vineam namque intelligitur plebs quæcumque, præsertim bona et fructuosa. Unde de populo Judæorum fertur in Psalmo: Vineam de Egypto transtulisti. Et in Isaia: Vineam Domini exercituum, domus Israel est. Et Osee ait: Vitis frondosa Israel. Itaque sensus est, quod populus Israel assimilatus est Sodomitis et Gomorrhæis in suis secleribus. Ideoque Isaias:

Ps. LXXIX, 9.

Is. v, 7.

Osee x, 1.

C Audite, inquit, verbum Domini, principes Sodomorum, auribus percipite legem Dei nostri, populus Gomorrhæ. Imo per Ezechielem Dominus locutus est Synagogæ: Sodomam dimidium peccatorum tuorum non peccavit. Christus quoque in Evangelio contestatus est: Terræ Sodomorum remissius erit in die judicii quam tibi. *Uva eorum, uva fellis.* Per uvam intelligitur vitiosus Judæorum affectus, seu cogitatio prava, quæ fuit in communitate et in particulis ejus personis. Unde subjungitur: *et botrus amarissimus.* sen, ut aliqui legunt, botri amarissimi. Itaque interior eorum iniquitas felli comparatur, acerbissimoque absinthio, quia invidia, ira, indignatione, impatientia, crudelitate pleni fuerunt. *Fel draconum vinum eorum, et venenum aspidum insanabile.* Sicut ex uva exprimitur vinum, ita ex impia cogitatione et perverso affectu exterior prodit iniquitas, quæ nunc nomine vini significatur, quoniam male delectat atque inebriat operantem: et felli draconum, venenoque aspidum as-

Is. I, 10.

Ezech. XVI, 51.

Matth. XI, 24.

similatur. quia tam enim qui peccat, quam A illos quos scandalizat, mortifere inficit, et ad infernalem amaritudinem trahit. In presenti quoque gravissimis pœnis meretur puniri, et conscientiae parit remorsum.

*Jer. XLIII, 15.* Hinc in Jeremia Dominus ait : Ecce ego cibabo eos absinthio, et potabo eos felle.

*Amos vi, 13.* Et merito, quia de talibus scriptum est alibi : Convertistis in amaritudinem iudicium, et fructum justitiae in absinthium. Istud etiam in Isaia Dominus exprimens :

*Is. v, 2.* Expectavi, inquit, ut vinea mea faceret uvas, fecit autem labruseas. Cui et Jere-

*Jer. ii, 21.* mias increpatorie dicit : Quomodo conversa es in pravam vinea aliena ?

*Nonne haec condita sunt apud me ?* id est, praefata Judaeorum facinora certissime comprehensa sunt in scientia mea, et in sanctuario sapientiae meae contenta, ut in iudicio proferantur, et debite puniantur.

*Job xiv, 17.* Unde et sanctus Job loquitur Deo : Signasti quasi in sacculo peccata mea. *Et signata in thesauris meis*, id est in opulentia et plenitudine, incomprehensibilique secreto justitiae atque potentiae meae, ut loco C et tempore opportuno a me praefixo pandantur ad ulciscendum. Quasi dicat : Quamvis diu differatur vindicta, non tamen exeidunt a memoria mea. Hinc in Jeremia

*Jer. i, 25.* scriptum est : Aperuit Dominus thesaurum suum, protulit vasa irae suae. Unde beatus

*Job x, 13.* Job ait ad Dominum : Licet haec celes in corde tuo, tamen scio quod universorum memineris.

*Mea est ultio* : id est, ad me tanquam ad primum et summum omnium iudicem pertinet, nullum peccatum relinquere impunitum, quia aut per actus poenitentiae nunc punitur, aut postea sine fine mul-

*Ibid. xxiv, 12.* tabitur. Ideo scriptum est : Deus inultum abire non patitur. Et Nabum ait : Ulciscens

*Nabum i, 2.* Dominus, et ulciscens in hostes suos. De

*Psa. ix, 8, 9.* quo ait Psalmista : Paravit in iudicio thronum suum, et ipse iudicabit orbem terrae in aequitate, et populos in justitia. Hoc quippe requirit immensitas divinae perfectionis, et infinita perfectio divinae justitiae, ut malum culpae ordinetur per bonum

pœnae, ut qui propriae voluntati immoderanter indulsit seu aequievit peccando, in recompensam justitiae aliquid voluntati propriae contrarium patiatur. *Et ego retribuam eis justam pœnam pro culpa ipsorum, in tempore praestituto*, dum scilicet pondus iniquitatis eorum fuerit adimpletum, ita quod plus ab eis sufferre noluerim. Hinc in Genesi scriptum est : Nondum complete sunt iniquitates Amorrhæorum : quasi dicat, Illis completis, protinus disperibunt. Propterea Jeremias Judaeis praevisissimis dicit : Non poterat vos Dominus ultra portare propter malitiam studiorum vestrorum. *Ut labatur pes eorum*, id est, desiderium eorum frustretur, secundum illud : Iter impiorum peribit. Vel, *Labatur pes eorum*, id est, ipsi in praelio corruant.

*Iuxta est dies perditionis*, id est, hora iuste damnationis pravorum veniet cito. Ideo dicit Sophonias : Juxta est dies Domini

magnus, juxta et velox nimis. *Et adesse festinant tempora iuste retributionis*, quia C indesinenter celerrimeque propinquant. Ideo in Apocalypsi Iudex testatur : Ecce venio cito, et merces mea mecum est, dare

uniquique secundum opera sua. Etenim quidquid termino angustatur, omnique momento abbreviatur, breve est prorsus, si aeternitati comparetur. Ad litteram quoque videmus, qualiter festinavit tempus dejectionis Judaeorum adesse : quia jamdudum amiserunt locum, gentem, templum, et omnem prosperitatem, quoniam Salvatorem crucifixerunt. *Judicabit Dominus populum*

*suum*, id est, plebem sibi specialiter deputatam reprobabit et puniet juxta ipsius demerita, quum et per Ezechielem praecipiat : A sanctuario meo incipite percutere :

*et in servis suis miserebitur*, id est, misericordiae suae effectum exercebit in his, qui sibi fideliter servierunt. Communitur enim salvavit reliquias, nec in toto deseruit illos, quum et quotidie eorum aliqui convertantur. *Videbit*, id est, Dominus videri sciri- que faciet, *quod infirmata sit manus*, id est potestas Judaeorum debilitata, et clausi

*Gen. xv, 16.*

*Jer. XLIV, 22.*

*Psa. i, 6.*

*Soph. i, 11.*

*Apoc. xxi, 12.*

*Ezech. ix, 10.*

quoque defecerunt, illi videlicet qui erant captivi, vel qui absconderunt se ipsos, imo et hi qui in turribus et fortalitiis ad resistendum hostibus se clausurunt: *residuique consumpti sunt*, id est, ceteri Judaei hinc inde dispersi, diversis cladibus perierunt.

*Et dicent hi*, quibus Deus dederit intelligere ista, sive sint adversarii, sive justi et amiei Judaicae plebis: *Ubi sunt dii eorum*, videlicet idololatrantium Judaeorum, in quibus habebant fiduciam? *De quorum victimis comedeabant adipēs*, id est, adipēs animalium diis seu idolis oblatorum edebant instar gentilium, *et bibeabant vinum libaminum*, id est vina idolis immolata ad liba fundenda, sive ad degustandum: sicque se conformaverunt idololatri etiam in esu et ritu idolothytorum: quod in Levitico Dominus specialiter ac frequenter prohibuit. Jussit enim ut nullus Judaeorum manducaret adipem aut sanguinem, nec vina potaret libaminum, quatenus populus Deo vero deserviens, ab idololatriis distinguatur. *Surgant et opitulentur vobis, et in necessitate vos protegant*. Hoc ironice dicitur, quasi dicat: Jam cernitis quod vobis prodesse non queant.

*Videte*, id est, per fidem et miraculosa mea opera cognoscite, *quod ego sum solus verus et omnipotens Deus*, qui ubique et semper in omni necessitate et causa potest juvare: *et non est alius Deus praeter me*. Vera enim Deitas multiplicari non potest nec dividi, nec diversis communicari: nihilo minus a Patre communicata est unigenito ejus Filio, atque a Patre et Filio Spiritui Sancto, unitate et simplicitate essentiae permanente. *Ego occidam rebelles, et ego vivere faciam*, id est, in vita naturae ac gratiae conservabo obediētes; *percutiam peccantes, et ego sanabo poenitentes*. Mortuos quoque Deus resuscitat, imo ad christianae fidei veritatem monstrandam jam plurimos valde resuscitavit. *Et non est qui de manu mea possit eruere*, id est, nullus mihi potest resistere, nec per vim de potestate mea eripere, quem volo occidere aut dam-

nare. Unde in Jeremia Dominus ait: Quis similis mei? et quis sustinebit me? et quis est iste pastor qui resistat vultui meo? *Levabo ad caelum manum meam*, id est, per modum jurantis habebō me. Consuetudo equidem est quibusdam, jurare eum manus elevatione in altum. Hinc Abraham sic jurando, ait regi Sodomorum: *Levo manum meam ad possessorem caeli et terrae*. Unde Septuaginta transtulerunt: *Tollam in caelum manum meam, et jurabo per dexteram meam*. Per haec etiam verba Deus ostendit superliberrimam omnipotentiam suam, quum tamen ipse illocalis, immaterialis, incircumscriptibilisque consistat. *Et dicam: Vivo ego in aeternum*, id est, aeternaliter ac beatissime vivo, et sum ipsa superpurissima per se subsistens incommutabilis vita.

*Si acvero ut fulgur gladium meum*, id est, ad vindicandum me praeparavero. Loquitur autem de se more humano: quo quis volens exercere vindictam, acuit ensē. Sicque scribitur de Deo in libro Sapientiae: Accipiet armaturam zelus illius, induet pro thorace justitiam, acuet diram iram in lanceam. Isaías quoque: Indutus est, inquit, justitia ut lorica. *Et arripuerit judicium manus mea*, id est, potestas mea ceperit exercere justum judicium. *Reddam ultionem hostibus meis, et his qui oderunt me, retribuam*. Hoc quidam exponunt de Assyriis et Chaldaeis, ac ceteris persecutoribus Judaeorum, qui quamvis in devastatione Judaeorum fuerunt instrumenta divinae justitiae, non tamen fecerunt hoc recta intentione, sed ex crudelitate, cupiditate et ambitione, quemadmodum in Isaia Dominus ait de rege Assyriorum: *Vae Assur, virga furoris mei et baculus ipse est: ad gentem fallacem mittam eum*. Ipse autem non sic arbitrabitur, sed ad conterendum erit eor ejus. Ideirco et isti meruerunt plagari a Deo propter enormes eorum excessus in filios Israel. *Inebriabo sagittas meas sanguine*, id est, per poenas acutas seu jacula penetrantia, tantum impiorum sanguinem effundam, seu tantos occidam, quod

Lev. iii, 17;  
vi, 25-27.

C

Sap. v, 18,  
19, 21.

Is. lxx, 17.

D

Ibid. x, 5-7.



instar ebrii, videbuntur sanguine esse repletae; *et gladius meus devorabit carnes*, id est, per gladios obsequentium mihi, impiorum corpora trucidabo. *De cruore occisorum*. Hic tangit quo sanguine inebriabit suas sagittas, utpote occisorum cruore. Deinde tangit, quorum carnes gladius suus vorabit: *et de captivitate nudati inimicorum capitis*, id est carnes inimicorum suorum captorum nudati capitis: quia captivorum capita solebant radi, et sic nudato capite ducebantur, ut magis confunderentur.

*Laudate, gentes, populum ejus*. Istam scripturam allegat Apostolus ad Romanos, ad probandum misericordissimam gentium vocationem ad fidem. Quum enim dixisset

*Rom. xv, s. 10.* Apostolus. Dico gentes super misericordia honorare Deum, probavit hoc per multas auctoritates, inter quas ponit istam, non tamen juxta hanc formam, sed secundum Hebraicam veritatem, quæ habet, *Lætami- ni, gentes, cum plebe ejus*. Est itaque sensus: *Laudate, gentes, populum ejus*, id est, vos gentiles conversi ad Christum, laudate populum ejus, id est primitivam Ecclesiam electissimam atque sanctissimam ex Judaismo conversam. *Quia sanguinem servorum suorum ulciscetur*. In primitiva enim Ecclesia servi Christi passim martyrizabantur, tam a tyrannibus gentilibus, quam a Judæis incredulis: quod ultus est Dominus. *Et vindictam retribuet in hostes eorum*, peccata atque tyrannidem persecutorum Ecclesiae acriter ulciscendo: *et propitius erit terræ populi sui*, id est loco et plebi primitivæ Ecclesiae, quia Judæos incredulos per Romanos expulit inde, et tandem totam Judæam, promissionisque terram subjecit ac contulit Christianis. Porro Lyra sequens Rabbi Salomonem et alios quosdam, exponit sic: *Laudate, gentes, populum ejus*, id est, vos gentiles, laudate Israeliticum populum, qui fuit specialis populus Dei, quia sanguinem servorum suorum, videlicet Judæorum, inter quos fuerunt tunc semper aliqui boni, ulciscetur in Chaldaeos: *et propitius erit terræ populi sui*, quia post

A Babylonicam captivitatem, fuerunt Judæi ad terram suam reducti. Hanc expositionem reprehendit Rabbi Paulus acrius quam oportet, tanquam manifeste deviam a veritate, et inconsonam allegationi Apostoli. Nam, ut asserit Augustinus et Thomas allegat, eadem scriptura potest habere plures sensus litterales. Denique, quod ad litteram dictum est de agno paschali, Os illius non confringetis, sanctus evangelista Joannes allegat de Christo: Os, inquit, non comminetis ex eo. Hoc etenim scriptum est B de agno paschali, in quantum fuit figura Christi. Sic reductio Judæorum a Babylonica captivitate, et ultio sanguinis bonorum in hostes eorum Chaldaeos, miseratio quoque terræ ipsorum, fuerunt figura conversionis electorum Judæorum ad Christum, et ultionis christifidelium Judæorum in persecutores ipsorum, ac miserationis factæ a Deo primitivæ Ecclesiae. Hic est finis cantici hujus.

*Venit ergo Moyses et locutus est omnia verba cantici hujus in auribus populi*, et C evidenter et alte. Istud refertur ad ea quæ dicta sunt in fine præcedentis capituli, ubi narratur qualiter Moyses locutus est eam- men hoc omni plebi. Sicque istud est epilogatio narrationis illius, ita quod Moyses venit ad populum ante prolationem cantici hujus, *ipse et Josue*, qui tanquam successor Moysis principaliter adstitit ei loquenti, quamvis verba non promeret, nisi forsitan aliqua repetendo. *Locutusque est Dominus ad Moysen: Ascende in montem istum Abarim, id est transitum: Abarim namque D transitus interpretatur: in montem Nebo*. Ex quo videtur, quod idem mons fuit, duo nomina habens, vel ut aliqui dicunt, Nebo erat cacumen quoddam atque monticulus in monte Abarim, in quod Moyses scandit, ut inde latius cerueret terram promissionis. *Et morere in monte*, qui fuit valde sublimis et magnus. *Quem ascendens, jaueris populis tuis*, id est sanctis patribus in limbo detentis, *sicut mortuus est Aaron in monte Hor: quia peccavistis estis in me*, etc. Quæ sequuntur in tex-

*Erod. xii, 16.*

*Joann. xxi, 36.*

*Deut. xxxi, 30.*

tu, sunt plana, multotiesque prehabita, A suam humana fragilitate exortam, tam in quo utique declaratur grandis humilitas Moysis, quod unam et eandem culpam frequenter et cum tanta exaggeratione resumat.

## ARTICULUS XXXVI

SPIRITUALIS EXPOSITIO EJUSDEM CAPITULI TRICESIMI SECUNDI.

**G**LOSSA protestante, sancti Moysis verba non sunt simpliciter accipienda, quia secundum historiam exprobrat Israelitis Deo ingratis perfidiam. Allegorice autem sanctam docet Ecclesiam; atque per tropologiam ad morum provocat honestatem. In historia ergo servanda est veritas, in tropologia utilitas discipline, in allegoria mysterium, ut sic ad theoriam provehamur cœlestem. Notandum quoque quod dicitur,

*Deut. xxxi,*  
30.

*Eccli. xv, 9.*

Locutus est Moyses verba carminis, etc., quatenus qui Deum ore laudat, opere ac moribus non contradicat, quum non sit C speciosa laus in ore peccatoris. Porro Moyses allegorice Christum designat, tropologice quemeumque prælatus seu prædicatorem. Christus itaque seu ejus vicarius ait: *Audite, cœli, quæ loquar, audiat terra verba oris mei.* Per cœlos intelliguntur homines spirituales, interni, contemplativi, puri ac fervidi, quorum conversatio est in cœlis, in quorum persona Salvator dixit

*Philipp. iii,*  
20.

*Matth. xiii,*  
11.

Apostolis: Vobis datum est nosse mysterium regni Dei. Per terram vero designantur insipientes, animales et imperfecti. D Utrisque Dominus Jesus proportionata in Evangelio proposuit documenta. Similiter

*1 Cor. ii, 6.*

*Ibid. 2.*

*Ibid. iii, 1, 2.*

Paulus apostolus: Sapientiam, inquiens, loquimur inter perfectos. Et rursus: Non judicavi me aliquid scire inter vos, nisi Jesum Christum, et hunc crucifixum. Quasi parvulis in Christo lac vobis potum dedi, non solidum cibum. Sicut et unusquisque qui præst, aut docet et prædicat, juxta audientium capacitatem et indigentiam suos debet moderari sermones, et universos ac

B singulos, secundum quod capere queunt et indigent, informare.

*Concrescat ut pluvia doctrina mea.* Prælatus et prædicator igne caritatis succensus, et zelo fraternæ caritatis exstilians, non ob propriam commoditatem et laudem, sed ad Dei honorem, audientiumque profectum suam cupit doctrinam reverenter, diligenter et fructuose audiri, sique in auditoribus crescat in pluviam, id est, pluviae assimiletur: quoniam sicut pluvia innumeras habet guttas, siccam et arefactam terram humectat, et floridam facit, duram emollit atque arabilem efficit, fructum ex ea producit, fovet, abluit, et usque ad maturitatem perducit: sic sacra Scriptura multas in se sententias continet, animam desolatam et infructuosam consolatione sancta ac virtutum floritione perfundit, cordis aufert duritiam, et animam reddit docibilem. Parit quoque in ea meritorios actus, et nutrit eosdem, lavat a culpa, et ad perfectionem deducit. *Fluat ut ros eloquium meum:* quatenus sicut ros a fervore refrigerat, et cadit in nocte: sic verba mea ab aestu tentationum et a concupiscentiarum calore eruant audientes, atque in noctibus, id est adversitatibus, ignorantibus et erroribus præsent illuminationem et gratiæ ubertatem. *Quasi imber super herbam, et quasi stilla super gramina:* id est, sicut herbæ et gramina molles et teneræ sunt ad pluviae susceptionem, nec infructuose eam suscipiunt: sic audientium corda flexibilia sint ad bona, et sine renitentia audiant verba sancta: nec in-

fructuose pertranseant verba Dei aures ipsorum, quum scriptum sit : Auris bona eum omni concupiscentia audiet sapientiam. *Jacobus quoque hortatur : Sit omnis homo velox ad audiendum. Et rursus : In mansuetudine suscipite insitum verbum. Quia nomen Domini invocabo*, id est, ex intimo cordis affectu rogabo. Spiritus enim est Deus, et eos qui adorant eum, in spiritu et veritate adorare oportet ; atque ut ait Salvator, Oportet semper orare, et non deficere.

*Dale magnificentiam Deo nostro*, id est, totis viribus ipsum honorate, et quidquid magnificum est, ei devota ac grata mente adscribite, ne quis in se ipso stulte et inaniter gloriatur. *Dei perfecta sunt opera* : ideo et nos conari debemus, ut ea quæ ad ipsius honorem facimus, perfecte agamus, hoc est humiliter et ferventer, sine admixtione peccati. *Deus fidelis* : ideo tutum est ei servire, eo quod neminem fallat, imo ultra condignum remuneret ; et absque ulla iniquitate, justus et rectus : ideo debemus ei in sanctitate et justitia jugiter deservire, et omnem vanæ intentionis ac vitii obliquitatem vitare. *Generatio prava atque perversa, hæcine reddis Domino, popule stulte et insipiens ?* Istud dicendum, et zelo justitiæ improprium est omni pravo consortio, congregationibusque iniquis et universis Christianis ingratum, qui omni hora peccare non erubescunt nunc sub evangelica lege, quando

Deus Pater unigenitum Filium suum misit in mundum, et pro omnibus nobis tradidit illum, et ipse unicus Dei Filius, tot et tanta pro nostra fecit ac toleravit salute, et Spiritum Sanctum misit in corda nostra, se ipsum quoque quotidie nobis præstat in Sacramento, et lucensque tam elementer et gratiose egit nobiscum, ejus spiritualia beneficia enumerare non valemus. Quanta ergo impietas, quanta ingratitude, quanta improbitas, omnium horum esse immemorem, et pro tot bonis injurias, transgressiones, offensiones rependere ? Nonne tanto enormior est ingratitude et prævaricatio

nostra, quanto major est Dei caritas, liberalitas, pietas circa nos ? *Numquid non ipse est pater tuus*, cui quotidie dicis, Pater noster qui es in cœlis ? Cur igitur hoc dicendo, non inflammari ejus amore, nec debito eum venerari honore, neque attendis quanta dignatio Dei sit, quod a te Pater vocari dignatur ?

*Memento dierum antiquorum*, id est temporis primitivæ Ecclesiæ, quanta tunc fuerit devotio, caritas, perfectio, imo et persecutio atque constantia et patientia Christianorum, ut patrum vestigia sequi coneris, et illorum comparatione te summe ac semper humiliter. *Cogita generationes singulas*, puta justorum ac impiorum, et qualiter impii æternaliter perierunt, justi vero pro brevi labore perpetuam sint consecuti beatissimam requiem. Ideo non afficiaris ad vana ac mala, sed toto cordis affectu cohere et insiste virtutibus. *Interroga patrem tuum*, id est, in omni ambiguitate ad sapientiores et superiores habe recursum, quare consilium, informationem amplectere. *Quando dividebat Altissimus gentes*, Tempore prædicationis Apostolorum per totum orbem, Deus potissimum gentes divisit, id est, inter electos et reprobos judicium discretionis exhibuit, electos gratiose vocando, et reprobos juste derelinquendo. Tuncque constituit terminos populorum juxta numerum filiorum Israel, id est, secundum numerum Apostolorum quibus orbem terrarum divisit ad prædicandum, constituitque eos principes super omnem terram, et unicuique suam quam convertit ac rexit, deputavit Ecclesiam. Erant autem Apostoli filii Israel, id est Christi, qui est verus et perfectissimus Israel, id est vir videns Deum : quoniam ab incarnationis suæ exordio vidit Deum per speciem. *Pars autem Domini populus ejus*, Jam enim inter universas mundi nationes soli Christiani sunt populus Dei, et non nisi pauci eorum, utpote soli justi seu prædestinati. *Jacob funiculus hereditatis ejus*, id est, hi qui supplantant peccata, habentes fidem quæ per dilectionem opera-

*Ecclesi. iii, 31.*

*Jacob. i, 19.*

*Ibid. 21.*

*Joann. iv, 24.*

*Luc. xviii, 1.*

*Joann. iv, 9.*

*Rom. viii, 32.*

*Galat. iv, 6.*

*Matth. vi, 9.*

*Prælix, 17.*

*Galat. v, 6.*



*Rom. viii, 17.* tur, vere sunt pertinentes ad Deum, de quibus loquitur Paulus : Si autem filii, et heredes : heredes quidem Dei, coheredes autem Christi.

*Sap. xiv, 25-27.* *Invenit eum in terra deserta*, id est, populum christianum Deus ex gentilitate olim relictam sibi adduxit : *in loco horroris et vasta solitudinis* : quia inter gentiles incredulos fuit idololatriæ turpitudine, horror cruoris, et via perditionis latissima. Hinc Sapiens de idololatriis dicit : Omnia commixta sunt, sanguis, homicidium, furtum, fictio, corruptio, infidelitas, turbatio, perjurium, tumultus, inordinatio mœchiæ et impudicitiae. Infandorum enim idolorum cultura, omnis mali causa est, et initium et finis. *Circumdavit eum*, id est, per vias sceniores virtutum duxit populum christianum ad evitandum diverticula vitiorum, atque ad fugiendum vias quæ videntur homini bonæ, quum tamen novissima earum ducant ad mortem. Interdum quoque ea quæ vere sunt bona, sunt vel occultanda ad vitandum jactantiam, vel differenda ad tempus ad evitandum scandalum pusillorum, aut quia rationabilis causa requirit alteri exercitio bono prius insistere. *Et docuit*, evangelicam legem dando. *Sicut aquila provocans ad volandum pullos suos*. Huic simile est quod in Evangelio loquitur Dominus : Jerusalem, Jerusalem, quoties volui congregare filios tuos, quemadmodum gallina congregat pullos suos sub alas, et nolisti ? Quod Christus ad Ecclesiam quoque effatur. Quemadmodum enim in veteri Testamento diversis temporibus diversos misit Prophetas ad Synagogam, ad increpandum, exhortandum, inflammandum et reformandum eandem, sic in novo etiam Testamento per temporum intervalla varios viros sanctissimos, ad corripiendum, informandum, renovandum Ecclesiam, misit. Denique Christus merito comparatus est aquilæ, quia (ut dicitur) aquila præ ceteris avibus suos diligit pullos, et ne a serpentibus lædantur, ponit in nido suo amethystum : sic Christus usque ad finem dilexit suos, et se ipsum

*Prov. xiv, 12; xvi, 25.*

*Matth. xiii, 37.*

*Joan. xiii, 1.*

A dedit pro eis, quibus et gratiam suam distribuit, ne a demonibus vulnerentur.

*Dominus solus dur ejus fuit*. Conversa namque gentilitas, de cetero respuit ducatum deorum. *Constituit eum super excelsum terram*, id est in militanti Ecclesia, ut comederet fructus agrorum. Agri sunt particulares Ecclesiæ, in quibus semen verbi celestis projicitur atque fructificat. Agri quoque sunt ecclesiastica sacramenta, et item libri divinæ Scripturæ. Ecclesia vero est, et qui collocatur in ea, comedit fructus agrorum : quoniam aliorum virtutes ac merita, ei tanquam commembro per caritatem communicantur, sacramentis reficitur, doctrinis Scripturæ nutritur. *Ut suggeret mel de petra*. Secundum Apostolum, Christus est petra, lapisque angularis, de quo populus christianus mel sugit, id est, spiritualem consolationem et caritatis suavitatem sortitur ; *oleumque de sacro durissimo*, id est unctionem Spiritus Sancti de eodem Domino Salvatore, de quo loquitur David : Dominus petra mea. Et ipsemet Dominus : Super quem ceciderit lapis iste, conteret eum. Est equidem saxum durissimum, non ob cordis durtiam, sed ob infrangibilem cordis constantiam. Unde et Ezechiel Dominus dixit : Ut adamantem et silicem dedi te. *Butyrum de armento*. Per armentum intelligitur congregatio quævis devota, de qua butyrum sugit, qui ex conversatione illius ad caritatis viscerositatem accenditur, et tanquam adipe et pinguedine copia supernorum charismatum adimpletur. *Et lac de ovibus*. Oves sunt, boni et simplices et innocentes, de quibus lac sugit, qui illorum orationibus, meritis et exemplis ad christianæ simplicitatis infantiam provocatur, et velut parvulus in Christo efficitur, ita ut nocere ignoret, nec cogitet malum. Unde gloriosissimus princeps Apostolorum hortatur : Sicut modo geniti infantes, rationabiles, sine dolo lac concupiscite. *Cum adipe agnorum et arietum filiorum Basan*. Agni sunt subditi virtuosus ; arietes autem, prælati et

*1 Cor. x, 4.*

*II Reg. xxi, 2.*  
*Matth. xxi, 44.*

*Ezech. iii, 9.*

*1 Petr. ii, 2.*

duces gregis dominici. Agni quoque accipi possunt septuaginta Christi discipuli: arietes vero, sancti Apostoli, duces gentilium conversorum: de quibus adipem sumit, qui ex illorum doctrina et conversatione, oratione ac merito ad spiritualium incrementorum exuberantiam scandit ac pervenit. *Et hircos cum medulla tritici.* Per hircos, opera penitentiae designantur: per medullam tritici, contemplationis suavitas. Haec ab Apostolis sumimus, quoniam ipsi docuerunt nos, primo peccata nostra, contritione, confessione, satisfactione delere, sieque paulatim ad veram sapientiam contemplationisque puritatem pertingere, ut nutriamur in croceis, et panibus filiorum pascamur. Praeterea, medulla tritici est Eucharistiae sacramentum. *Et sanguinem uter libaret meracissimum,* id est sanguinem Salvatoris, et gaudium spirituale, vigorosumque gustum virtutum. Nempe quid bonum Domini, et quid pulchrum ejus, nisi frumentum electorum, et vinum germinans virgines?

*Incrassatus est dilectus, et recalcitra- vit.* Sicut Judæis opulentia facta est idololatrandi et aliorum occasio vitiorum: sic plane contigit populo christiano, qui in primitiva Ecclesia, quamdiu pauperes erant et in persecutionibus positi, sancti ac devotissimi erant; persecutione autem cessante, libertatem, dominationem, divitiasque sortiti, et temporalibus inerassati, ad multiplicia corruerunt peccata, et corruunt usque in praesens. Aliqui quoque ecclesiasticis sacramentis et donis gratiae abundanter refectionem spiritu coepissent, consummati sunt carne, et gloriati inaniter, corruerunt. *Dereliquit Deum factorem suum.* Quicunque mortaliter peccat, Deum relinquit, quoniam praefert ei bona creata, caduca, sieque per mentis aversionem recedit ab eo. *Provocaverunt eum in diis alienis.* Hoc agunt gulosi, lascivi, avari, superbi, quorum dii sunt venter, venus, nummus, honor. Nempe quod quis maxime quaerit, amat et colit, hoc sibi est deus. *Et in abominationibus ad iracundiam con-*

*citaverunt.* Hoc praecipue agunt haeretici, qui abominabiles fingunt errores et abusiones: schismatici quoque, qui ecclesiasticam violant unitatem; et omnes qui pertinaces sunt in peccatis, aut superioribus suis rebelles. *Immolaverunt demoniis, et non Deo.* Hoc agunt qui opera bona ex genere, intuitu propriae laudis aut commodi faciunt; et item qui in Ecclesia offerunt, quae Ecclesia prohibuit immolari. *Novi recentisque venerunt.* Quasi recentibus diis ministrant, qui instar Atheniensium, ad aliud nihil vacant, nisi aut audire aut dicere aliquid novi, quales sunt aliqui curiosi et garruli.

*Et ego provocabo eos in eo qui non est populus.* Sicut Judæos pravissimos Deus tradidit et subiecit idololatriis gentibus, sic frequenter tradidit impios Christianos manibus Sarraecenorum et consimilium nationum. *Congregabo super eos mala,* id est, in diversa vitia eos justo judicio permittam corruere. *Et sagittas meas complebo in eis,* id est, acriter eos castigabo, et nisi poenituerint, condemnabo, secundum illud Osee: Juxta desiderium meum corripiam eos. Hinc sanctus Job: Sagittae, inquit, Domini in me, quarum indignatio ebibit spiritum meum. *Consumentur fame,* id est, ex spiritualis refectionis defectu spiritualiter morientur: *et devorabunt eos aves morsu amarissimo.* Aves istae sunt daemones superbiae et ambitionis, de quibus in Evangelio legitur: Volueres coeli comederunt semen. Ili etenim superbos et ambitiosos amarissime devorant, dum eos desiderio aut amore temporalis honoris, praelationis, et propriae excellentiae privant omni esse gratiae ac virtutum, atque ad sempiterna trahunt supplicia. *Dentes bestiarum,* id est suggestiones crudelium daemonum, *immit-tam in eos,* permittendo quod temptationibus superentur. *Cum furore trahentium super terram atque serpentium.* Per reptilia et serpentes intelligendi sunt daemones avaritiae et calliditatis, qui ad terrenorum amorem vitiosum instigant, et blandiuntur ut fallant, a quibus iniqui justo Dei judicio

Act. xxi,  
21.

Osee x, 10.

Job vi, 4.

Matth. xxi,  
4.

Threa. iv,  
3.

Zach. ix,  
17.

Galat. iii, 3.

Philipp.  
iii, 19.

supplantantur. *Fors castabit eos gladius.* A id est, si ab ecclesiastica unitate vel fide aut a mystico Christi corpore per peccatum mortale recesserint, gladio diabolicæ tentationis peribunt: *et intus pavor*, id est, etiam si per fidem in Ecclesia permanse-  
 rint, inordinato metu et variis passionibus animæ affligentur. *Et diri: Ubinam sunt?*  
 Ps. LXXXII, 19. Nam subito defecerunt: perierunt propter iniquitatem suam. *Sed propter iram inimicorum distuli.* Sic plane omnipotens Deus frequenter pepereit impiis Christianis, nec eos a visibilibus vel invisibilibus hostibus vinei permisit, secundum quod ipsi mali Christiani promeruerunt, ne hos-  
 tes eorum superbirent, dicentes: *Manus nostra exelsa*, etc.

*Gens absque consilio est et sine prudentia.* Hoc de omnibus qui in mortalibus jacent peccatis, dicendum est, et condolen-  
 dum: qui dono sapientiæ carent, et dono consilii, ac vera prudentia quæ solis vir-  
 tuosis inest hominibus. Qui *utinam saperent* spiritualia et divina, *et intelligerent*, quam periculose dejecti sint, et quam  
 insipienter se habeant, *ac novissima pro-  
 viderent*, de quibus in Ecclesiastico legi-  
 tur: Memorare novissima tua, et in æternum non peccabis: quæ sunt, mors, judicium, pœna inferni, beatitudo cœlestis. *Quomo-  
 do persequabatur unus mille, et duo fuga-  
 runt decem millia?* Istud de invisibilibus ac visibilibus Christianorum adversariis accipi potest. Nam propter Christianorum scelera frequenter contingit, quod multi eorum a paucis hostibus in exteriori inter-  
 iorique bello vincantur: et hoc, *quia* D *Deus suus vendidit eos*, sicut expositum est: quod et adversariis Christianorum est cognitum, ita quod ipsi *sunt judices*. Sub infidelium quoque dominio multi habitant Christiani. *De vinea Sodomorum, vinea*  
 Ps. XXV, 5. *eorum*, etc. Hoc de ecclesia malignantium Christianorum, conventiculis hæreticorum et schismaticorum, congregationibusque iniquorum exponendum est proportionaliter, sicut præcedenti articulo expositum est de perfida Synagoga.

*Juxta est dies perditionis*, de quo Job: Ad diem perditionis servatur malus, et ad *Job xxi, 30.* diem furoris ducetur. Quod si dies generali-  
 judicii putatur multum distare, tamen de die particularis judicii quod in morte agitur singulorum, ambigi nequit quin prope sit, præsertim quum dies nostri sint  
 I Petr. XXIV, 15. quasi umbra super terram. Ideo scripsit Jacobus suis: Ecce judex ante januam ad-  
 I Petr. IV, 17. sistit. *Judicabit Dominus populum suum*, quoniam malis Christianis graviora infliget supplicia: atque ut sacratissimus Petrus  
 testatur. Tempus est ut incipiat judicium a domo Domini. *Videbit quod infirmata sit manus*, id est, potestatem malorum Christianorum ostendet Deus deficere, quoniam tanquam fœnum velociter aresecent.  
 Ps. XXXVI, 2. *Et clausi quoque defecerunt. Proh dolor!* jam videmus, quod religiosi utriusque sexus, qui in cœnobiis commorantur, atque ab omni sæculari tumultu vitis-  
 que mundanis merito essent seclusi ac liberi, pro maxima parte nunc defecerunt a vita vere regulari, spirituali, claustrali. *Residuique consumpti sunt.* Horum enim exemplo plu-  
 rimi scandalizantur ac pereunt. *Et dicent* vere religiosi, *Ubi sunt dii eorum*, id est vanitates, carnalitates, opes, etc., quæ Deo prætulere? *Surgant et opitulentur vobis.* Hinc et ipsi dicturi sunt: Quid proluit nobis superbia? et divitiarum jactantia quid contulit nobis? Transierunt omnia illa tanquam umbra. *Ego occidam, et ego vivere faciam.* Bona et salutaris occisio, dum Deus occidit in nobis aciem vitiorum, concupiscentias carnis, et quidquid contra salutem insurgit. *Percutiam*, quia quos  
 Apoc. III, 19. amo, arguo et castigo. *Inebriabo sagittas meas sanguine*, id est, reprobos ac sce-  
 leratos tam repente et acriter trucidabo, ut instrumenta meæ vindictæ videantur inebriata, id est abundanter repleta *de cruore occisorum, et de captivitate nudati inimi-  
 corum capitis*, id est de ipsis injustis, qui dæmonum vinculis irretiti, et vitiorum ju-  
 go subjecti, caput mentis, videlicet intelle-  
 ctum, habent a sapientia salutaris nudatum, omni-  
 que gratiarum munere destitutum.



*Laudate, gentes, populum ejus.* Qui enim vere Christiani existunt, a cunctis gentibus laudari ac honorari merentur. Religiosi quoque et clerus sinceriter ac debite conversantes, a sæcularibus sunt laudandi. Et quamvis hanc laudem non debeant affectare, tamen sic vivere obligantur, ut ea sint digni, quemadmodum apostolici chori

A vertex dignissimus : Obsecro, inquit, vos abstinere a carnalibus desideriis, conversationem vestram inter gentes habentes bonam, ut in eo quod detrectant de vobis, tanquam de malefactoribus, ex bonis operibus vos considerantes, glorificent Deum. Cetera hujus cantici verba, ex præcedenti satis elucescunt articulo. 1 Petr. II, 11, 12.

## ARTICULUS XXXVII

EXPOSITIO LITTERALIS CAPITULI TRICESIMI TERTII : HÆC EST BENEDICTIO, QUA BENEDIXIT MOYSES HOMO DEI FILIIS ISRAEL.

*Gen. XXVII.  
Ibid. XLVIII;  
XLIX, 26, 28.*

SICUT in Genesi retulit Moyses, venerabiles patriarchas Isaac et Jacob benedixisse filiis suis, quum senuissent ipsi Patriarchæ, et morti propinquos se esse putarent : sic Moyses protinus moriturus, suis spiritualibus filiis benedixit, in qua benedictione loquitur de se ipso quasi de alio, sicut frequenter faciunt auctores Scripturæ. *Hæc est benedictio, qua benedixit Moyses homo Dei*, id est electus a Deo, et ei specialiter valde intentus, unitus ac placens, *ante mortem suam filiis Israel*, id est duodecim Patriarchis, ut infra habetur, qui tamen jam erant defuncti ; unde sub eorum nominibus posteris ipsorum benedixisse censetur, sic tamen, quod quædam ad benedictiones istas spectantia, ipsos Patriarchas concernunt : ante mortem suam, ut populo sibi commisso benedictiones istas pro testamento relinqueret. *Dominus de Sinai venit, et de Seir ortus est nobis. Apparuit de monte Pharan*, etc. B. Augustinus hunc locum secundum translationem Septuaginta exponens, sentire videtur, quod ista exponi non possint de monte Sinai et de monte Seir seu terra Idumæorum, neque de monte Pharan, neque de filiis Israel qui erant sub veteri Testamento vel ante. Itaque ait : Non negligenter prætereunda est ista prophetia. Apparet

B enim hæc benedictio ad novum christianum populum pertinere, quem populum sanctificavit Christus : ex ejus persona ista dicuntur a Moyse, non ex persona Moysis, quod in sequentibus apparet. Nam si istud, Dominus ex Sina venit, ideo dictum est, quia in monte Sina lex data est : quid est quod sequitur, Et alluxit nobis ex Seir, quum Seir mons sit Idumææ, ubi Esau habitavit ? Deinde quum Moyses filios Israel benedicat his verbis, quomodo ipse ait, Et accepit de verbis ipsius legem quam mandavit Moyses ? Prophetia ergo est, prænuntians novum populum Christi gratia sanctificatum, qui nomine filiorum Israel exprimitur, quia per fidem semen sunt Abraham, id est filii promissionis, Dominus ergo, videlicet Christus, de Sina venit, quoniam Sina interpretatur tentatio. Venit ergo ex tentatione passionis, crucis et mortis ; et alluxit ex Seir, quod interpretatur pilosus, et peccatorem designat. Sed quoniam qui sedebant in tenebris et in umbra mortis, lux orta est eis, ideo alluxit ex Seir. Hanc expositionem in sequenti tangam articulo. Videtur enim esse spiritualis magis quam litteralis.

Porro Lyra circa hunc locum scribit : Dicunt Hebræi, quod Dominus primo obtulit legem Idumæis qui habitabant in Seir,

*Is. IX, 2.*

et Ismaelitis commorantibus circa montem Pharan : sed noluerunt eam accipere, et dedit eam filiis Israel in monte Sinai : sieque exponunt quod dicitur, De Seir ortus est nobis, id est, de illis locis venit ad nos, dando nobis legem ab aliis recusatam. Consonat autem recitatio ista ei quod Magister in historiis refert : Tradunt Hebræi, quod Dominus misit angelos suos ad Idumæos in Seir, et ad Ismaelitas in Pharan, et obtulit eis legem : quam quum nolent accipere, venit ad Judæos in Sinai eum multis millibus angelorum, et contulit eis legem. Hanc Judæorum recitationem reprobant Lyra, quia ex Scriptura habetur, quod populus Hebræorum fuit specialiter electus a Deo, ut Christus nasceretur ex eis : propter quod Deus eos separavit a ceteris gentibus per unius Dei fidem et cultum, per circumcisionem et legis susceptionem. Ideo aliter exponunt doctores catholici : De Seir ortus est nobis, etc., id est, Idumæis et Ismaelitis in sua infidelitate et idololatria dimissis, Deus per speciale beneficium ortus est nobis, legem dando : quod quamvis sit bene dictum, tamen non consonat litteræ ad plenum, quia scriptura hæc uniformiter loquitur de Sina, et de Seir, et de monte Pharan. Ideo aliter potest exponi, quoniam data lege in Sinai, populus Israel pergendo ad terram promissionis, transivit juxta montem Seir, et circummeundo eundem montem, cepit tædere itineris ac laboris, et murmuravit : propter quod Dominus misit in populum ignitos serpentes, deinde populo veniam postulante, Dominus jussit ut Moyses faceret et exaltaret serpentem æneum, ejus intuitu sanabantur percussi. Et serpens ille æneus venenum non habens, fuit figura Christi, qui habuit carnem peccati sine peccato, id est similitudinem carnis peccati, ejus aspectus per fidem sanat a vitiis. Et illam figuram Moyses intellexit, propter quod dixit, De Seir ortus est nobis, quia in circuitu montis Seir revelatum ei fuit beneficium incarnationis passionisque Christi. Apparuit de monte Pharan. In Nu-

meris legitur, quod quum populus recessisset de monte Sinai, nubes quievit in solitudine Pharan, ubi populo carnes consideranti, data est columbicum multitudo in copia usque ad mensem. Tunc etiam in adjutorium regiminiis populi, adjuncti sunt Moysi septuaginta senes, qui ibi repleti sunt Spiritu Dei, et propter beneficium istud Moyses ait : Apparuit de monte Pharan, illuminando septuaginta senes. Hæc Lyra, cui in his Rabbi Paulus consentit.

Sed his objici potest : Non enim videtur, quod propter formationem ænei serpentis, aut revelationem mysticæ significationis ejusdem, dictum sit, De Seir ortus est nobis. Nam serpens ille formatus non est in terra Edom, neque in monte Seir, sed in recessu ab illo, quum scriptum sit in Numerorum libro : Egressi filii Israel de Cades, castrametati sunt in monte Hor, in extremis finibus terræ Edom. Et profecti de monte Hor, castrametati sunt in Salmona. Unde egressi venerunt in Phunon : profecti de Phunon castrametati sunt in Oboth. Porro Numerorum alio loco sic legitur : Profecti sunt de monte Hor per viam quæ ducit ad mare Rubrum, ut circumirent terram Edom. Deinde describitur historia de æneo illo serpente : qua descripta, subjungitur : Profecti filii Israel, castrametati sunt in Oboth. Ex quo videtur quod serpens ille sit factus in mansione proxima mansioni Oboth : et sive in illa, sive in alia, constat ex littera, quod in elongatione a finibus Edom. Præterea, super Leviticum ex dictis Guillelmi Parisiensis et aliorum doctorum ostensum est, quod sanctus Moyses intellexit ex revelatione divina litterales ac mysticas rationes caerimoniarum præceptorum quæ dedit, ad quæ pertinebant sacrificia illa legalia, quorum una fuit causa præcipua, quod Christi passionem præfigurarent et ejus mysteria : et Christum, ejusque immolationem potissime præsignabant immolatio agni paschalis ac jube sacrificium, de quibus Moyses præcepta acceperat et dedit, partim ante exitum de Ægypto, partim in Sinai, sieque illis in

*Numer. x, 12; xi, 1 et seq.*

*Ibid. xxxiii, 37, 41-43.*

*Ibid. xxi, 1.*

*Ibid. 10.*

*Numer. xxi, 4-9.*

*Rom. viii, 3.*

locis ex revelatione divina cognovit Christi mysteria, quæ præfacta sacrificia clarius figurabant, quam æneus serpens : ideo non apparet, quod propter cognitionem mysticæ significationis illius serpentis, locutus sit, De Seir ortus est Dominus nobis.

Insuper in libro Judicium, in cantico *Judic. v, 3.* Deborahæ dicitur : Domine, quum exires de Seir, et transires per regiones Edom, terra mota est, etc. Et secundum omnes expositores verba illa consonant his, quæ isto in loco Moyses scribit. Porro, ad verificandum verba illa, non videtur sufficere, ut dicatur, quod Deus Idumæis in sua infidelitate dimissis, venit ad filios Israel. Nam dicitur ibi, Quum exires de Seir, et transires per regiones Edom, etc. Probabiliter ergo dicendum videtur, quod Deus meritis sanctorum patriarcharum Abraham et Isaac, et ex misericordia sua immensa, obtulerit Idumæis natis ex Esau, et Ismaelitis natis ex Abraham, legem, saltem per inspirationes angelicas et divinos instinctus : sicque fertur transisse per regiones Edom, taliter visitando corda Idumæorum. Ex his tamen non sequitur, quin populus Israel fuerit præelectus, quia non solum oblata est eis lex, sed et gratiose collata, ita quod Deus per gratiam inclinavit corda eorum ad legem suscipiendam : quemadmodum etiam in exordio evangelicæ prædicationis lex Christi primo oblata est Judæis, etiam his qui eam recepturi non erant, ne excusare se possent, quibus et Paulus Barnabasque *Act. xiii, 46.* dixerunt : Vobis oportebat primum loqui verbum Dei, etc. Non tamen inde fit consequens, quod Judæi illi increduli, erant magis electi a Deo, quam gentiles, quibus Deus deereverat evangelicam legem non solum offerre, sed item conferre. Primo itaque, ut apparet, lex fuit Idumæis et Ismaelitis oblata, tanquam natis ex primogenitis Abraham et Isaac, ne conqueri et excusare se possent, atque ut Dominus declararet, se pro illorum conversione fecisse quod in se erat. Amplius his concordare videtur, quod Glossa ait super librum *Judic. v, 3.* Judicium : Exisse dicitur Dominus de Seir,

A et transisse per regiones Edom, quoniam Idumæis legem recipere nolentibus, dedit eam in Sinai Judæis. Hæc Glossa. Non autem dicerentur Idumæi eam recipere noluisse, nisi fuisset eis oblata. Sic quoque dicitur apparuisse de monte Pharan, quoniam circa locum illum morabantur Ismaelitæ, a quibus ad Judæos Dominus venit, non locum mutando, sed per se et angelos sanctos, homines hinc inde diversimode visitando.

*Et cum eo Sanctorum millia*, quia ut *B* Daniel ait : Millia millium ministrabant ei. Et ponitur numerus determinatus pro indeterminato. Hinc in Apocalypsi habetur : Erat numerus angelorum millia millium, dicentium : Dignus est Agnus, etc. *Apoc. v, 11, 12.* Quamvis autem in datione legis fuerit specialiter unus angelus in Dei persona apparens et loquens, multi tamen angeli adfuerunt eidem. Propter quod in Actibus *S. Stephanus* ait Judæis : Accepistis legem *Act. vii, 53.* in dispositione angelorum, et non custodistis. Et credi potest, quod in præfato adventu Dei in monte Sinai ad legem præstandam, multa millia angelorum præsidentium singulis Judæorum simul advenerant : aut etiam angeli, qui Idumæos et Ismaelitas fuerant ad legem suscipiendam hortati. *In dextera ejus ignea lex.* Dextera Dei, est omnipotentia et majestas, pietas et gratia ejus. In hac dextera Dei lex ignea fuit, quoniam Deus in sua potestate, pietate et gratia contulit Moysi legem, in qua Deus jubetur toto corde amari. Et ad purgandum comburendumque vitia, instituta sunt sacrificia multa. Hinc Glossa : Ignea, inquit, lex, sunt tabulæ testamenti, in quibus lex, quæ purgat et urit peccata. At vero secundum quosdam, lex Moysis dicitur ignea, quoniam data fuit de medio ignis, ut in Exodo legitur : quod non videtur proprie dictum. Quum enim in monte Sinai tempore donationis legis, non solum fuerit ignis, sed et densissima nubes, caligo ac tenebræ, secundum hanc rationem lex dici posset, non ignea tantum, sed et caliginosa ac nubilosa.



*Dilexit populus* : nam opera manuum A  
 1 Tim. II, 1. ejus sunt universi, et ipse vult omnes homines salvos fieri, et ad agnitionem veritatis venire. Cui per Sapientem dicitur :  
 Sap. VI, 25, 27. Nihil odisti eorum quæ fecisti, qui amas animas. Specialiter autem dilexit Israeliticis tribus. *Omnes sancti in manu illius sunt*, id est, a Deo conservantur, atque indesinenter dependent, et quidquid sanctitatis habent, a Deo sortiti sunt, qui etiam posset eos relinquere : ideo in gubernatione et defensione Dei permanere solliciti sunt, et a Deo moventur ad sancta. Ideo B  
 Ibid. XII, 16. scriptum est : In manu illius et nos, et sermones nostri. *Et qui appropinquant pedibus ejus, accipient de doctrina illius*, id est, qui ad Deum humiliter et reverenter accedunt, et modum suæ processions atque impressionis sequuntur, illuminantur ab eo, juxta illud : Accedite ad eum, et illuminamini. Itaque pedes incorporei et incircumscriptibilis Dei sunt processus ejus in operando, in quibus benigne et sapienter, juste et condecenter se habet : in quibus et ipsum pro posse sequi C  
 Num. XIV, 24. debemus, secundum quod supra Caleb legitur Deum suum secutus. Et sanctus Job ait : Vestigia ejus secutus est pes meus. Hinc scriptum est Jacobi primo : Si quis indiget sapientia, postulet a Deo, et dabitur ei.

Sequitur vox populi, in cujus persona subjungitur : *Legem præcepit nobis Moyses* ex commissione divina, secundum quod Deus Moysi jussit, cujus vicarius et minister in legislatione Moyses fuit, *hereditatem multitudinis Jacob*, id est ipsam legem, quæ fuit spiritualis hereditas ac opulentia, et tanquam hereditaria possessio Israeliticæ plebis, quæ fuit grandis multitudo nata ex Jacob. *Et erit apud rectissimum rer.*, id est, Deus omnipotens rex universorum gratiose aderit rectissimo, hoc est justissimo, populo suo, si præfatam legem servaverit : quod esse nequit, nisi populus ille ad suos superiores recte se habeat in obtemperando, et superiores bene se habeant ad subjectos in dirigendo. Hinc subditur :

*congregatis principibus populi cum tribubus Israel*, id est superioribus Israeliticæ plebis convenienter adunatis cum tribubus Israel sibi subditis et commissis. Nam et qualibet tribus habuit principem specialem, et ultra hoc præerant ordinate tribuni et centuriones, quinquagenarii ac decani, sed et septuaginta seniores : quibus omnibus in unam politiam rite redactis, Deus fuit præcipue rex eorum, qui populum illum sub sua cura et gubernatione specialiter juxta prædicta assumpsit. B  
 Unde post Moysen et Josue judices præsidebant, non reges : ideoque cum regem sibi petissent, Dominus dixit : Me abice- 1 Reg. VIII, 7. runt, ne regnum super eos.

Sequitur benedictio tribuum in speciali. *Vivat Ruben et non moriatur, et sit parens in numero*. Ac si dicat : Quamvis Ruben primogenitus Jacob maculaverit stratum patris sui, propter quod jure primogenituræ privatus fuit a patre, non tamen extinguatur tribus nata ex eo, sed vivat vita naturæ et gratiæ, nec moriatur morte dam- C  
 nationis æternæ, quoad se totam, nec tota deficiat, nec tamen sit tam copiosa, ut alia quædam tribus. Et hoc alludit ei quod Geneseos quadragesimo nono Jacob patriarcha locutus est Ruben : Effusus es sicut aqua, non crescas, quia ascendisti cubile patris tui. Verumtamen sicut ex libro Numerorum colligitur, tribus Ruben non erat minima numero. Parva tamen numero nuncupatur, comparatione tribus Judæ et aliarum quarumdam.

*Hæc est Judæ benedictio*, id est imprecatio et prænuntiatio bonorum, quæ Deus tribui Judæ donabit. *Audi, Domine, vocem Judæ*, id est, orationes tribus Judæ exaudi. Hoc dicitur, imo et sic futurum prophetabatur, quoniam tribus Judæ fuit specialiter stabilis ac devota in cultu Dei, multisque donis privilegiata a Deo, qui ex ea incarnari decreverat, quamvis interdum etiam lapsa sit. Multi quoque sancti et devoti reges fuerunt nati ex ea, ut David, Asa, Josaphat, Ozias, Joathan, Ezechias, Josias : quorum preces Dominus gratiosissime exaudivit,

Gen. XXXV, 22.

Ibid. XLIX, 4.

Num. I, 21; II, 11.

et multos triumphos miraculose et pie tribuit eis, sicut ex libris Regum et Paralipomenon constat. *Et ad populum suum introduc eum*, id est, da ei virtutem intrandi terram ei provisam, ut superet populum, quem ei subicies, si obedierit tibi : sicque populus ille sit ejus, id est ei subjectus aut tributarius. Vel, Introduc eum ad populum suum, id est, totum Israeliticum populum fac ei pacifice subditum, et ipsum David de regno suo pulsum reducere in regnum. Itaque, Introduc eum ad populum suum, quatenus reges de Juda exorti, recte se applicent populo suo ad gubernandum idonee. Prævidit etenim Moyses reges de Juda nasci debere. Vel, Introduc eum ad populum suum, id est, talem vitam da ei, ut post hujus vitæ curriculum apponatur electis in limbo patrum, secundum quod justi veteris Testamenti dicuntur per mortem populo suo et patribus suis appositi. *Manus ejus pugnabunt pro eo*, id est, hostibus victoriose resistet : quod et tempore Judicium constat impletum, et amplius tempore Regum. Fuit equidem tribus Juda ceteris bellicosior, major, fortior, atque audacior, sicut et Judas inter fratres suos fortior erat. Unde et tribus Juda consuevit numerari per se. *Et adjutor illius contra adversarios ejus erit*, id est, Deus adjuvans tribum Juda, pro ea contra æmulos ejus pugnabit. Unde de David frequenter est scriptum : Fuit Dominus cum David in omnibus ad quæcumque perrexit. His consonat quod Jacob in benedictione Juda deprompsit : *Manus tua in cervicibus inimicorum tuorum*.

Denique post benedictionem Ruben primogeniti Jacob, immediate benedixit Moyses tribui Juda, quoniam jus primogeniturse quantum ad principatum, fuit a Ruben ad Judam translatum. Et quia post regiam tribum Juda, dignior fuit Levitica tribus (siquidem in veteri Testamento regalis dignitas sacerdotio præminebat, eo quod sacerdotium illud carnale existeret, sicut in libro de Regimine regum Thomas declarat), hinc subditur benedictio

A Levi, id est sacerdotalis atque Levitice stirpis.

*Levi quoque, id est tribui Levi, ait : Perfectio tua et doctrina tua a viro sancto tuo*, id est, perfectam conversationem quam habuisti, et sanam doctrinam qua alios instruxisti, accepisti a me legislatore tuo, qui verbo et opere te instruxi, et ejusdem tecum sum stirpis. *quem probasti in tentatione*, id est, probatum invenisti in tentationibus, quæ ei in solitudine contigerunt ex populi improbitate. Vel istud intelligendum est de tentatione, quam passus est Moyses a Core atque compliceibus ejus, qui erant Levitæ, et contra Moysen consurrexerunt, eumque graviter molestabant. *Et judicasti ad aquas Contradictionis*. Ibi namque Deus protulit judicium in Moysen, quod terram promissionis non introiret ; quo cognito, Levitæ et ceteri judicaverunt Moysen ibi peccasse : quod tamen sciri non potuit ex Moysis verbis quæ protulit, dicens ad populum, Audite, rebelles et increduli, etc., sed ex sententia Dei contra eum prolata. Deus quippe intuens corda, cognovit quo animo protulerat Moyses verba illa, quemadmodum in Numeris plenius introduxi. Aliqui dicunt hæc verba ad Dominum dirigi, ut sit sensus : Quem sanctum virum, scilicet Moysen, tu Domine Deus, probasti in tentatione, id est, per multas adversitates et tentationes examinasti ac invenisti fidelem, quemadmodum in libro Sapientiæ legitur, Deus tentavit justos, et invenit illos dignos se ; et judicasti ad aquas Contradictionis, dicendo, D Quia non credidistis mihi, non introduce-

tis hos populos ad terram quam dabo eis. *Qui dixit patri suo et matri suæ, Nescio vos ; et fratribus suis, Ignoro illos ; et nescierunt filios suos. Ibi custodierunt eloquium tuum*. Istud exponitur a Catholicis et Hebræis de unoquoque viro Levitice stirpis, qui Moyse exhortante, acriter ultus est etiam in quoscumque consanguineos et propinquos propter adorationem conflatis vituli, ita se habens ad illos idololatrias, quasi non pertinuisent ad se : quod

II Reg. xiii.  
6, 14.

Gen. xlix.  
8.

Nun. xvi.

Ibid. xx, 12;  
xxvii, 14.

Ibid. xx, 10.

Sap. iii, 5.

Exod.  
xxviii, 27-29.

faciendo, implevit Dei præceptum, quo justitiam idololatriam morte puniri. *Et pactum tuum serraverunt*, id est, ad Deum se habuerunt fideliter, preferendo amorem Dei et zelum justitiæ carnali propinquorum amori et inclinationi naturæ. Denique huic expositioni consonat quod in Exodo inducitur Moyses dixisse Levitis : *Ite et redite de porta usque ad portam per medium castrorum, et occidat unusquisque fratrem et amicum et proximum suum. Judicia tua, o Jacob, et legem tuam, o Israel* : hoc est, Levitæ fideles, ita agendo impleverunt judicialia præcepta, o plebs ex Jacob progenita : cetera quoque legis præcepta, videlicet caeremonialia atque moralia. *Ponent thymiama in furore tuo*, id est, thymiama adolebunt sacerdotes ad placandum Dominum, quum iratus fuerit Israel propter eorum peccata, ut in Levitico sapius continetur : atque in Numerorum libro Aaron egisse describitur, quando stans inter mortuos et viventes, obtulit thymiama deprecans pro populo : *et holocaustum super altare tuum*. Sacerdotes enim assidue offerebant holocausta super altare holocaustorum, quod erat in atrio. *Benedic, Domine, fortitudini ejus*, id est, spirituales ac corporales Leviticæ tribus fortitudinem auge et conseera tibi, *et opera manuum illius suscipe*, id est, obsequia et sacrificia Levitarum dignanter accepta. *Percute dorsa inimicorum ejus*, id est, adversarios Levitarum prosterne et subijce eis : *et qui oderunt eum, non consurgant*, id est, non roboventur, neque prævaleant. Istud videtur præcipue impletum in Mathathia, et filiis ejus, Juda Machabæo, Jonatha, et Simone, qui erant de tribu sacerdotali, et victoriosissime pugnaverunt, variosque triumphos sunt miraculose consecuti, suos amulos mirabiliter conculcando, quemadmodum primo et secundo libro Machabæorum compendiose describitur.

*Et Benjamin*, id est tribui Benjamin. Moyses ait, benedicendo ei post Levi, quoniam urbs cultus divini, puta Jerusalem, ad tribum Benjamin pertinebat. *Aman-*

*tissimus Domini habitabit confidenter*, id est, populus natus ex Benjamin, in urbe firma secum morabitur. Et sicut Jacob valde præcipue ipsum Benjamin dilexit, sic ejus posteritatem vocat Moyses amantissimam, id est Domino valde dilectam, præsertim propter Paulum apostolum de Benjamin natum, qui in Ecclesia Christi fiducialissime mansit, adversa non metuens. *In eo quasi in thalamo tota die morabitur*. Electi namque ex Benjamin nati, potissime Paulus, gratiose ac duleiter quieverunt in Domino. *Et inter humeros illius requiescet*, id est, in divinæ pietatis supportatione vixerunt : in quorum persona loquitur Paulus. Quis nos separabit a caritate Dei ? Quidam exponunt sic, quod Dominus requievit in Benjamin, quasi in thalamo, quia in sorte Benjamin constructum est templum, in quo Dominus specialiter morabatur, et inter humeros requievit illius, id est, in operibus et tolerantibus tribus Benjamin, et maxime Pauli, delectatus est Dominus, qui etiam in devotorum eordibus Benjamitarum, quasi in spirituali templo ac thalamo, requievit.

Sequitur benedictio Joseph, concernens duas tribus natas ex ipso, videlicet tribum Ephraim et Manasse. Quemadmodum autem templum Salomonis fuit in Benjamin tribu, sic tabernaculum Moysis primo collocatum est in urbe Silo, quæ fuit in funiculo Ephraim. *Joseph quoque*, id est tribubus ortis ex Joseph, ait : *De benedictione Domini terra ejus*, id est, terra collata tribui Ephraim et stirpi Manasse, tam bona et fertilis fuit, quod benedictioni Dei est adscribenda, et ex ea illis donata est : quæ etiam terra commendabilis, fecunda, præclara est. *De pomis cæli*, id est de fructibus arborum, qui ex cælorum influentia producuntur. Omnes autem arborum fructus, quandoque nomine pomi significantur. *Et de rore*, qui cadere solet in terra illa : *atque abyssu subjacente*, id est mari Mediterraneo, per, seu circa terram promissionis currente : *de pomis fructuum solis ac lune*, id est de pomis ad quorum

Exod.,  
XXXII, 27.

Lev. XXI, 12.

Nom. XVI,  
47, 48.

Philipp. II,  
35.

Rom. VIII,  
35.



germinationem specialiter influunt et con-  
citant sol et luna : sol, suo calore ea nutri-  
endo; et luna, suo humore fovendo. Deni-  
que non ait. De pomis arborum solis et  
lunæ, sed, De pomis fructuum solis et lu-  
næ. De arboribus autem solis et lunæ mul-  
ta in gestis Alexandri Magni leguntur :  
quæ arbores in extremis superioris Indiæ  
sitæ dicuntur, atque altissimæ perhiben-  
tur, ita quod orientis solis, advenientisque  
lunæ splendor, primo recipiunt; quarum  
fructus magnæ esse virtutis scribuntur, in  
tantum quod inde vespcentes, usque ad tre-  
centos aut quadringentos annos vivere as-  
seruntur. *De vertice antiquorum montium*,  
in quibus fructus et arbores prompte  
creseunt ac matureseunt. Etenim terra illa  
est montuosa et collibus decorata. Unde  
subjungitur : *et de pomis collium æternorum*,  
id est fructibus arborum stantium in  
collibus illis, qui ob suam soliditatem et  
diuturnitatem dicuntur æterni, quum ta-  
men nec ab ante, nec a parte post, sint  
absolute æterni, quum et terra tota in  
mundi innovatione sit complananda. Circa  
hæc dicit Glossa : Ad litteram, fertilitatem  
terre significat, quam tribus Ephraim et  
Manasse habuerunt in ubertate frugum,  
pomorum, pastuque pecorum, in monte  
videlicet Ephraim et in Basan.

Exod. iii, 8.

*Benedictio illius*, videlicet Dei, qui per  
angelum apparuit Moysi in rubo, ventat  
super caput Joseph, et super verticem Na-  
zarei inter fratres suos. Quando Moyses  
dixit hæc, ipse Joseph vir sanctus diu de-  
functus, erat (ut creditur) in limbo pa-  
trum, nec erat in statu merendi. Non ita-  
que imprecatus est Moyses benedictionem  
hanc personæ Joseph, nisi per modum con-  
gratulationis ista loentus sit, et referendo  
ea ad participationem finalis felicitatis :  
sed imprecatus est bona hæc tribus or-  
tis ex Joseph, quatenus super eas et in  
mentes earum collatio munerum Dei de-  
scenderet. Erat autem Joseph inter fratres  
suos nazareus, id est sanctus, imo et san-  
ctior illis. Et potest hoc loco per Joseph,  
sen Nazareum inter fratres suos, intelli-

A Josue Ephratæus vir sanctus, ex Joseph  
progenitus. *Quasi primogeniti tauri pul-  
chritudo ejus* : quia et ipse Joseph erat  
valde decorus, et posteritas ejus præclara.  
*Cornua rhinocerotis, cornua illius* : id est,  
potestas et principatus tribus Ephraim erit  
tam in fronte fortis, ut comparetur corni-  
bus rhinocerotis, qui est fortissimum ani-  
mal et animosissima fera, unicum habens  
cornu in fronte, de ejus natura dictum  
est in Numeris. Fuit namque tribus Ephraim  
fortis, audax, et bellicosa. Primusque rex  
decem tribuum Jeroboam, et alii plures il-  
larum tribuum reges, fuerunt Ephratæi. *In  
ipsis ventilabit gentes usque ad terminos  
terre*. Ex eo tempore quo Jeroboam scele-  
ratissimus fecit aureos vitulos, et populum  
Israel ad idololatriam traxit, non fuerunt  
reges aut tribus Israel multum victoriosi,  
præsertim in exteris nationes, quamvis  
contra reges Juda quasdam obtinuerunt  
victorias, ut constat ex Regum et Paralipomenon libris. Ideirco quod dictum est,  
In ipsis ventilabit gentes usque ad termi-  
nos terre, videtur impletum, præcipue per  
Josue Ephratæum et Gedeonem virorum  
fortissimum natum ex tribu Manasse. Hi  
etenim adversarios filiorum Israel fugave-  
runt, et ventilaverunt usque ad terminos  
terre promissionis, sicut ex libris Josue  
et Judicum patet. *Hæc sunt multitudines  
Ephraim, et hæc millia Manasse* : id est,  
posteri nati ex Joseph, de quibus intelli-  
guntur præhabita, sunt copiosæ turbæ natæ  
ex Ephraim, et millia genita ex Manasse.  
Vel sensus est, quod gentes ventilatæ a fi-  
liis Joseph, sunt multitudines victæ ab  
Ephraim, et millia superata a tribu Ma-  
nasse. Denique benedictio ista Joseph, in  
multis coincidit cum ea qua Jacob bene-  
dixit eidem, ut potest patere intuenti Ge-  
nesim.

Num. xxi,  
22.

III Reg. xii,  
28.

IV Reg. xiii,  
7.

Josue x, vi,  
xii. Judic.  
vii, 19 et  
seq. xiii, 11,  
12, 28.

Gen. xlii,  
22, 2b.

II Reg. xlii,  
13-15.

*Et Zabulon, id est tribui ejus, ait :  
Lætare, Zabulon, in exitu tuo, et Issachar,  
in tabernaculis tuis*. Quemadmodum Jacob  
pariter benedixit Zabulon et Issachar filiis  
Lia, ita et hic Moyses. Benedictiones quo-  
que hæc Jacob et Moyses, quasi coincidunt :

\* habitabit

Gen. XLIX,  
13.

Deut. 1, 1.

quia quod Jacob dissernit, Zabulon in lit- A  
tore maris abundabit \*, hoc est quod nunc  
Moyses loquitur: Lætare, Zabulon, in exitu  
tuo, id est in viis et gressibus tuis, pro  
exercendis tuis mercantiis. Nempe, ut tes-  
tatur Hieronymus, tribus Zabulon possed-  
dit in terra promissionis loca maritima, et  
habuit oppida in littore maris Mediterra-  
nei sita, sicque mercaionibus fuit intenta.  
Et Issachar, in tabernaculis tuis, id est, tu  
Issachar, gloriare quiescendo in domibus  
tuis, et in scholis ac synagogis: quia ut  
refert Hieronymus, Multi de tribu Issachar B  
exterioribus occupationibus relictis, die ac  
nocte intenti erant studio Scripturarum et  
meditationibus legis, propter quod aliæ tri-  
bus fecerunt ei in temporalibus provisio-  
nem. Et quamvis Lyra hoc reprobatur in Ge-  
nesim, tamen hoc loco allegat et approbat  
Hebræos hoc affirmantes. Hinc Jacob præ-  
dixit de tribu hac, Vidit requiem quod esset  
bona: quoniam vitam quietam et studio-  
sam elegit. *Populos ad montem vocabunt*,  
id est, viri illi spiritualibus occupati, invi-  
tabunt et hortabuntur alias tribus, ut suis C  
temporibus pergant ad urbem cultus divi-  
ni, et ad templum seu tabernaculum Do-  
mini: quod templum noverat Moyses in  
monte Moria construendum, seu in monte  
Sion in urbe Jerusalem montuosa. *Ibi im-  
molabunt victimas justitiæ*, id est sacrifici-  
cia juxta legis præcepta: *qui inundationem  
maris quasi lac sugent*, id est, divitias per  
navigia maris adductas abundanter acci-  
pient, *et thesauros absconditos arenarum*,  
id est pretiosa metalla quæ inter arenas  
generantur ac reperiuntur, atque per na- D  
ves ad mercatorum oppida transvehuntur.  
Circa quod Glossa: Hæ (inquit) tribus, ne-  
gotiationibus vacaverunt, de transmarinis  
regionibus mercimonia apportantes, et  
thesauros absconditos arenarum, videlicet  
argentum et aurum vel gemmas, quasi lac  
sugent, id est, facile accipient. Ex quibus  
verbis elicitur, quod etiam multi de Issa-  
char mercaionibus insistebant. Porro de  
generatione auri et metallorum inter are-  
nas, dictum est supra.

*Et Gad ait*, id est, tribum Gad Moyses  
sic benedixit: *Benedictus in latitudine  
Gad*, id est, ex dono Dei latam terræ posses-  
sionem habebit: *quasi leo requirit*, id est,  
audacter et potenter suam portionem pos-  
sedit: *cepitque brachium et verticem*, id  
est, adversariorum suorum robur ac emi-  
nentiam dissipavit: *et vidit principatum  
suum*, quod in parte sua doctor esset repo-  
situs, id est, cum gaudio consideravit, quod  
in terra possessionis suæ legislator et do-  
ctor Israeliticæ plebis, videlicet Moyses, es-  
set sepultus. Obiit etenim et sepultus est in  
terra Moab trans Jordanem: quæ terra ali-  
quando ad Moab pertinuit, sed tunc erat vi  
prælii acquisita a rege Basan, atque in par-  
tem Gad cessit, quamvis aliqua verba tex-  
tus videantur insinuare, quod ad mediam  
tribum Manasse spectaverit. *Qui Gad*, utpo-  
te tribus Gad, *fuit cum principibus popu-  
li*, id est, cum principibus novem tribuum  
perrexit ad præliandum contra Chananæos  
in terra promissionis, *et fecit justitias Do-  
mini*, id est, justas ultiones exercuit in ad-  
versarios Israelitici populi, *et judicium  
suum cum Israel*, id est, discrete atque  
fideliter se habuit cum aliis tribubus:  
quoniam tribus Gad et tribus Ruben ar-  
mate præcesserunt novem tribus ac me-  
diam, quousque introduxerunt eas in ter-  
ram promissam, secundum quod Moysi  
promiserunt. Circa hæc ait Glossa: In be-  
nedictione Gad videtur Moyses prædicere  
potentiam virorum fortium aut judicium,  
qui de tribu illa fuerunt, sicut Jephthe et  
alii multi. Unde et in Genesi Jacob prædi-  
xit: Gad accinctus præliabitur ante eum.

Josue 1, 12-  
18.Gen. XLIX,  
19.

Ibid. 9.

1 Reg. XVI,  
18; XVII, 34,  
35.

Apoc. V, 5.

Judic. XIII,  
24; XVI, XVI.

*Dan quoque ait: Dan catulus leonis*,  
Jacob patriarcha Judæ benedicens, inter  
cetera dixit: Catulus leonis Juda. Sed sicut  
hoc dictum est de Juda propter David for-  
tissimum natum ex Juda, vel potius pro-  
pter Christum, de quo in Apocalypsi ha-  
betur, Vicit leo de tribu Juda: sic istud  
dictum est propter Samsonem ex Dan ge-  
nitum, qui instar catuli leonis contra Phi-  
listæos erectus est. *Fluet largiter de Ba-  
san*. Hoc secundum Glossam exponitur.

quoniam possessio Dan porrecta fuit usque A  
Basan, et ita multitudine populi atque ex-  
uberantia rerum instar fluvii inde fluxit.  
Quidam dicunt hoc additum, quia Jordanis  
oritur in sorte ipsius, juxta urbem Lachis,  
ubi sunt duo fontes, quorum unus dicitur  
jon, alter dax, qui confluentes, fluvium  
Jordanem principiant, sicut et nomen ejus  
componunt.

Et *Nephthali dixit*, id est, Moyses tri-  
bui Nephthali benedicendo, ait : *Nephthali*  
*abundantia perfructur*, id est, fertilem  
valde funiculum obtinebit, *et plenus erit* B  
*benedictionibus Domini*, id est de donis  
Dei, utpote non solum temporali prosperi-  
tate, sed et spiritali gratiositate. *Mare et*  
*meridiem possidebit* : quia possessio ejus  
ab australi parte in occidentem porrecta,  
usque ad mare pertingebat Tyrrhenum, se-  
cundum Glossam. Fuitque hæc tribus su-  
per lacum Genesareth sita. Hinc Jacob lo-  
cutus est : Nephthali, cervus emissus ; ubi  
secundum aliam interpretationem in He-  
braeo habetur : Nephthali, ager irriguus.

Gen. XLIX,  
21.

*Aser quoque ait*, id est, tribui Aser sic C  
benedixit : *Benedictus in filiis Aser*, id est,  
pro benedictione accipiat fecunditatem et  
sobolem copiosam, *sit placens fratribus*  
*suis*, id est aliis tribubus, *tingat in oleo*  
*pedem suum*, id est, copia olei perfrua-  
tur, quoniam sors ejus abundavit olivis.  
Sic sanctus Job primam suam opulentiam  
memorans : Lavabam, inquit, pedes meos  
butyro. Hinc Jacob prædixit : Aser, pinguis  
panis ejus, etc. *Ferrum et æs calceamentum*  
*ejus*, id est, his metallis abundabit propter  
materiam æris ac ferri existentem in sorte  
ipsius, ita quod ære et ferro muniatur, sic  
ut pes calecis. *Sicut dies juventutis tue*,  
*ita et senectus tua*, id est, fertilitate pro-  
speritateque afflues usque ad captivitatem  
tuam, erisque aliis placens et gratiosus.

Job XXIX, 6.

Gen. XLIX,  
20.

Hucusque Moyses decem tribubus bene-  
dixit. Et mirum, quod tribui non benedi-  
xerit Simeonis. Cujus rei causam quidam  
assignant, eo quod paulo ante hæc, prin-  
ceps in tribu Simeon exemplum fornicandi  
ac idololatrandi aliis tribubus dedit, et

Nam. XXV,  
15.

iram Dei in populum excitavit : atque ut  
aliqui addunt, quoniam Simeon primo suos  
fratres contra Joseph accendit, quatenus  
interficerent eum, propter quod Joseph præ  
ceteris tenuit eum captivum ad tempus.  
Veruntamen juxta hoc videretur quod nec  
Jacob ei benedixisset.

His præmissis, Moyses in laudem pro-  
rumpit largitoris tantorum bonorum. *Non*  
*est Deus alius ut Deus rectissimi*, id est,  
Deus Israelitici populi præ ceteris justis,  
est solus, verus, immensus et incompara-  
bilis Deus. *Ascensor cæli, auxiliator tuus*,  
id est, Dominus et Rex cælorum altior  
cælis, te juvat, o Israel. *Magnificentia ejus*  
*discurrunt nubes*. Juxta potestatem et im-  
perium Dei nubes moventur, et terram fe-  
cundant, juxta illud Psalmi : Qui operit  
cælum nubibus, et parat terræ pluviam.

Ps. CXLVI, 8.

Unde scriptum est in Job : Nubes præte-  
xunt ennea desuper : si voluerit extendere  
nubes quasi tentorium suum, cardines quo-  
que maris operiet. In Hebraeo, ut ferunt,  
habetur, Discurrunt cæli : sed potius reor  
dictionem illam Hebraicam ad utrumque  
esse æquivocam. *Habitaculum ejus sur-  
sum* : quia in cælis ac civibus cæli dicitur  
Dominus commorari, in quantum ibi evi-  
dentiùs operatur, clariusque conspicitur.  
Veruntamen, quoniam loco non elanditur,  
recte subjunctum est, *et subter brachia*  
*sempiterna* : quoniam sicut ipse est super  
omnia non elatus, ita est infra omnia non  
oppressus ; et sempiterna brachia, id est  
fortitudines angelicorum spirituum incor-  
ruptibiles, atque perpetuas cælorum vir-  
tutes, ipse sustentat, et brachia illa ei sub-  
sunt et parent ut Creatori. *Ejiciet a facie*  
*tua inimicum*, id est, Chananaeos expellet  
et delebit a facie tua, o Israel, *diceique* :  
*Conterere*, id est, eos destrui jubebit.

Job XXXVI,  
28-30.

*Habitabit Israel confidenter*, id est sine  
timore in terra sibi promissa, quamdiu  
obedierit Deo, *et solus*, id est segregatus  
ab aliis gentibus, et speciali ritu Domi-  
num colens, quemadmodum Balaam quoque  
prædixit : Populus solus habitabit, et inter  
gentes non reputabitur. *Oculus Jacob in* 9.

Nam. XXIII,



*terra frumenti et vini*, id est, populus iste A gentes quarum terram jam obtinebis, resistens tibi, tanquam impia nationi et aliena invadenti, et dicent, tibi nequaquam terram ipsorum debere: *et tu eorum colla calcabis*, id est, eos penitus superabis. Imo in Josue libro habetur, qualiter principes Israel posuerunt pedes suos super Josue x, 23. colla regum Chananaeorum. Asserit autem Lyra in Hebræo haberi, Mentientur tibi inimici tui: quod exponunt Hebraei de Gabaonitis, qui mendaciis circumvenerunt filios Israel, ut legitur in Josue libro: sed *Ibid. ix, 3 et seq.* verius puto, verbum illud Hebraicum significare utrumque. Et videtur Hieronymus aptius transtulisse, Negabunt te, etc. Nec enim filii Israel colla Gabaonitarum calcaverunt, sed dimiserunt, deinde eripuerunt eos de Chananaeorum obsidione, ut Josue *Ibid. x, 6 et seq.* recitat.

*Deut. iv, 7.* Unde dictum est supra: Non est alia natio tam grandis. *Scutum auxilii tui et gladius gloriæ tuæ*, id est, Deus omnipotens est tibi pro sento, quia te protegit, et pro gladio victorioso, quoniam ejus virtute dejicis hostes. *Negabunt te inimici tui*, id est,

## ARTICULUS XXXVIII

## MYSTICA EXPOSITIO HUIUS CAPITULI.

SICUT lex Moyses fuit typus et nuntius C totus Dei, in quo princeps hujus mundi non habuit quidquam, *filiis Israel*, id est, *Joann. xiv, 30.* Apostolis ceterisque discipulis, qui erant Israelitæ verissimi. *Dominus de Sinai venit*, id est, a lege in monte Sinai data, processit ad dandum evangelicam legem, priori legi finem imponens, et ejus vaticinia atque mysteria, imo et principalia ejus præcepta in Evangelio complens. Hoc est quod per Jeremiam Dominus contestatur: Ecce dies veniunt, et feriam domum Israel et domum Juda pactum novum, non *Jer. xxxi, 31 et seq.* tale quale dedi patribus eorum, etc. *Et de Seir ortus est nobis*. Quamvis Judæi descenderunt de Isaac per Jacob, non per Esau, nihilo minus propter suam ruditatem, carnalitatem, infidelitatem et reprobationem recte designantur per Esau seu Seir, quemadmodum Christiani per veros et spirituales veteris Testamenti Judæos.

*Ezech. i, 16; x, 10.* Sicut lex Moyses fuit typus et nuntius Evangelicæ legis, et mysterialiter continens eam, secundum quod Ezechiel vidit rotam in medio rotæ, sic Moyses fuit evidentissima Christi figura. Quod itaque Moyses morti tam proximus, filiis Israel benedixit, hoc præfiguravit, quod Christus in Cæna novissima, et deinde in sermone suo atque oratione prolixa, imprecatus est bona suis discipulis, prædixitque eis quanta essent charismata Sancti Spiritus adepturi, et qualiter mundum converterent; deinde post passionem et resurrectionem D insufflavit in eos, Accipite, inquit, Spiritum Sanctum; in die quoque ascensionis elevatis manibus benedixit eis, et ipsi cernentibus ferebatur in cælum.

*Joann. xi, 22.* Itaque, *Hæc est benedictio qua benedixit Moyses homo Dei*, id est Christus per Moysen figuratus, sanctissimus hominum, et

*Luc. xxiv, 50, 51.*  
*Act. i, 9.*

Dominus ergo ortus est nobis Christifide-  
libus de Seir, quia de populo Judæorum  
venit ad gentilitatem, et copiosissime illu-  
minavit eandem. Hinc in Isaia Dominus  
et Salvator, Judæorum derelictionem, gen-  
tiumque vocationem insinuans, ait : Hæc  
dicit Dominus, formans me ex utero ser-  
vum sibi, ut reducam Jacob ad eum : et  
Israel non congregabitur, et glorificatus  
sum in oculis Domini : et dixit : Parum est  
ut sis mihi ad suscitandas tribus Jacob et  
fœces Israel convertendas : dedi te in lu-  
cem gentium, ut sis salus mea usque ad  
extremum terræ. Hinc in Evangelio dixit  
Judæis : Relinquetur vobis domus vestra  
deserta. Per Jeremiam quoque prædixit :  
Reliqui domum meam, dimisi hereditatem  
meam : facta est mihi hereditas mea quasi  
leo in silva : dedit contra me vocem suam :  
ideo odivi eam.

*Apparuit de monte Pharan.* Per Pha-  
ran, quod uno modo interpretatur frugi-  
fer, significatur Ecclesia omnium divino-  
rum charismatum ubertatibus adimpleta,  
in virtutum ac sapientiæ vertice tanquam  
in monte constituta, de qua prædictum est  
a Michæa : Erit in novissimo dierum præ-  
paratus mons Domini in vertice montium  
Dominus ergo in ipsa militanti Ecclesia  
gratiose apparuit per diversa miracula, per  
sacramentalem præsentiam, per internam  
inhabitationem, imo et visibiliter in hu-  
manitate assumpta, implens illud Psalmi :  
Narrabo nomen tuum fratribus meis : in  
medio Ecclesiæ laudabo te. *Et cum eo*  
*Sanctorum millia.* In die ascensionis cum  
multis millibus Sanctorum, quos de pa-  
trum limbo in hora resurrectionis eduxe-  
rat, apparuit suis in monte Oliveti, ita  
quod millibus illis fuit vallatus, quamvis  
discipuli exteriori intuitu ea non viderunt :  
tunc item cum multis, imo et innumera-  
bilibus sanctorum millibus angelorum as-  
cendit : atque post missionem Spiritus San-  
cti statim tot millia fuerunt ad fidem  
conversa, quod cum Christo in Ecclesia  
fuerunt Sanctorum millia : quod deinde in  
Ecclesiis gentium copiosius fuit impletum.

Unde ad Hebræos scribit Apostolus : Ae-  
cessistis ad montem Sion, et civitatem Dei  
viventis, et Jerusalem ecclestem, multorum  
millium angelorum frequentiam, et Ecce-  
siam primitivorum.

*In dextera ejus ignea lex.* Quamvis juxta  
expositionem præhabitam, istud ad litte-  
ram exponatur de lege Mosaica, subtilius  
tamen de evangelica exponitur lege. Ete-  
nim in libro Proverbiorum de increata Sa-  
pientia dicitur : Longitudo dierum in de-  
xtera ejus, et in sinistra ejus divitiæ et  
gloria. Quum ergo in evangelica lege pro-  
mittatur pro præmio aterna illa celestis  
felicitas, quæ per longitudinem dierum  
exprimitur, in veteri vero lege temporales  
divitiæ et gloria humanæ prosperitatis,  
evangelica lex merito consistere perhibe-  
tur in dextera Dei, Mosaica autem in sini-  
stra ipsius. Rursus, quum lex Christi sit  
lex amoris et pietatis, lex autem Moysis,  
lex timoris et severitatis, recte lex Evan-  
gelica fertur esse in dextera Dei, et lex  
Moysis in Dei sinistra. Est demum lex  
Christi, lex ignea, id est tota ardens ac  
fervida, spiritualis et inflammativa ad ar-  
dentissimum Dei amorem, per justa præ-  
cepta ac sapientissima consilia compen-  
diose deducens. Et in ipsa caritas totius  
supersanctæ Trinitatis ad genus humanum,  
evidentissime declaratur. Propter quod di-  
xit Salvator : Ignem veni mittere in ter-  
ram, et quid volo nisi ut accendatur ? Et  
rursus : Hoc est præceptum meum, ut di-  
ligatis invicem sicut dilexi vos. In hoc co-  
gnoscent omnes quia discipuli mei estis, si  
dilectionem habueritis ad invicem. Denique  
ad istud insinuandum, apparuit Spiritus  
Sanctus in igneis linguis super discipulos,  
quatenus igneis linguis et ardentissimis  
cordibus legem igneam prædicarent, non  
utique uni dumtaxat genti, quemadmodum  
solis Judæis data est vetus lex, sed genti-  
bus universis : ad quod figurandum, ap-  
paruerunt dispersitæ linguæ discipulis, et  
data est eis omnium linguarum notitia.  
Ideirco nunc subditur. *Dilexit populos,*  
quoniam undique fecit eis verbum salutis

Is. XLIX, 5, 6.

Matth.  
XXIII, 38.

Jer. XII, 7, 8.

Mich. IV, 1.  
Is. II, 2.

Ps. CXXI, 23.

Hebr. XII,  
22, 23.

Prov. III, 16.

Luc. XII, 49.

Joann. XV,  
12 : XII, 35.

Act. II, 3, 4.

annuntiari, et omnium quantum in se vult salutem, prout excellentissimus Archiapo-  
 9. *II Petr. III.* stolus loquitur: Patienter agit Dominus propter vos, nolens aliquos perire, sed omnes ad penitentiam reverti. *Omnes sancti in manu illius sunt.* Hoc est quod ait Salvator Apostolis, imo universis fidelibus: Si-  
 5. *Joann. XV.* ne me nihil potestis facere. Ideo unus il-  
 10. *I Cor. XV.* lorum præcipuus, fassus est: Gratia Dei  
 10. *Sap. X 10.* sum id quod sum. Justum quippe deduxit Dominus per vias rectas. Propter quod quidam grata et gratulabunda cecinit voce:  
 21. *Psal. LXXII.* Tenuisti manum dexteram meam, et in  
 21. *Sap. III, 1.* voluntate tua deduxisti me. Hinc et alio  
 27. *Joann. X,* loco scriptum est: Justorum animæ in ma-  
 28. *27, 28.* nu Dei sunt. Et Salvator: Ego cognosco oves meas, et non rapiet eas quisquam de manu mea. *Et qui appropinquant pedibus ejus*, id est, vestigia humilitatis Christi fuerint assecuti, vel sanctorum Apostolorum opera imitantur, *accipient de doctrina illius*, id est, gratiose illuminabuntur. Oportet enim in primis in vera humilitate fundari, et cum reverentia ac timore accedere, ut impleamus illud Apostoli: Noli  
 20. *Rom. XI, 20.* altum sapere, sed time.

*Legem præcepit nobis Moyses*, id est  
 7. *Matth. V.* Christus qui in monte contulit evangeli-  
 7. *VII.* cam legem, ut Matthæus describit: quæ lex est hereditas multitudinis gentium, id est gentium universarum, qui per fidem sunt filii Jacob. Unde de Christo Isaias  
 1. *Is. XLII, 1.* prædixit: Legem ejus insulæ expecta-  
 7. *Ibid. 6, 7.* bunt. Et rursus in Isaiâ Dominus Pater ait ad Unigenitum suum: Dedi te in læ-  
 6. *Psal. II, 6.* dus populi, in lucem gentium, ut aperires oculos cæcorum. *Erit apud rectissimum rex.* Sicut lex Christi est sola inter omnes leges perfecta, sic populus christianus illam sincere adimplens, præ cunctis nationibus est vere rectissimus, apud quem et in ejus medio est Christus, qui fatetur in  
 22. *Is. XXXIII, 22.* Psalmo: Ego autem constitutus sum rex ab eo super Sion montem sanctum ejus. Et Isaias: Dominus legifer noster, Dominus rex noster, ipse veniet et salvabit nos. *Congregatis principibus populi*, puta  
 10. *Psal. XLVI, 10.* Apostolis, de quibus cantatur: Principes

populorum congregati sunt cum Deo Abra-  
 ham: *cum tribus Israel*, ex quibus multa millia converterunt, quibus primo se conjunxerunt, prædicando in sola Judæa ad tempus, deinde processerunt ad gentes. Hinc enim S. Jacobus in exordio suæ Canonice: Duodecim, inquit, tribus quæ  
 1. *Jacob. I, 1.* sunt in dispersione, salutem. Et summus Apostolus in principio primæ suæ epistolæ: Electis, inquit, advenis dispersionis Ponti, Galatiæ, Cappadociæ, Asiæ et Bithyniæ.

*Virat Ruben et non moriatur.* Per Ruben qui interpretatur filius visionis, intelliguntur electi Judæi, quibus Dominus dixit, Beati oculi qui vident quæ vos videtis: et ceteri per eos ex Judaismo conversi. *Et sit parrus in numero.* Illis namque locutus est Jesus: Nolite timere pusillus grex, quia complacuit Patri vestro dare vobis regnum. Nam et comparatione eorum qui in infidelitate manserunt, pauci videntur qui ex plebe Judaica crediderunt.

*Hæc est Judæ benedictio: Audi, Domine, vocem Judæ.* Per Judam qui interpretatur confitens sive laudans, allegorice accipitur Christus, qui secundum assumptam humanitatem, ab incarnationis exordio Deum Trinitatem indesinenter laudavit laude interna, quoniam anima ejus quoad partem suam intellectivam, fuit Deo beatiffice fruens, et summa laude extollens. Hujus Judæ vocem Dominus Pater et Trinitas Deus in omnibus exaudivit, quemadmodum protestatur: Gratias ago tibi Pater, quoniam exaudisti me: ego autem sciebam,  
 11. *Joann. XI,* quia semper me audis. *Et ad populum suum introduc eum* electis: id est, ad electos Judæos atque gentiles convertendos, ut eos per se aut per suos convertat discipulos: deinde introduc eum ad limbum patrum, ut eos educat: postremo ad cives cælestes, ut eorum ruinam recuperet. *Manus ejus pugnabunt pro eo*, id est, Christus propria potestate prævalebit adversariis suis seu populi sui. Unde in Isaiâ loquitur: Calcavi eos in furore meo, et conculcavi eos in ira mea. Aereas quoque potesta-

*Luc. X, 23.*

*Ibid. XI, 32.*

*Joann. XI, 11, 12.*

*Is. LXIII, 3.*



tes expugnavit in cruce. *Et adjutor contra adversarios ejus erit*, id est, Christus suos fideles contra visibiles et invisibiles hostes juvabit. Propter quod dixit : Ego dabo vobis os et sapientiam, cui non poterunt resistere et contradicere omnes adversarii vestri. De hoc Isaias prædixit : Mittet eis salvatorem et propugnatorem qui liberet eos. Tropologicè, per Judam intelligitur Ecclesia seu quæcumque fidelis persona, ejus orationes ac præconia Deus suscipit gratiose : et ad populum suum, id est ad triumphantem Ecclesiam, vel ad aliorum conversionem, sive ad mystici corporis Christi participationem introducit eandem ; cujus manus pugnant pro ea, quia tentationibus reluctatur, sciens quod non coronabitur nisi qui legitime certaverit, et quod militia sit vita hominis super terram. Unus quoque fidelium in spiritali certamine alium juvat orando, exemplariter conversando, admonendo, et merita sua invicem communicando : quia per caritatem merita singulorum, sunt universorum, juxta quod scriptum est, Particeps ego sum omnium timentium te, etc.

*Levi quoque ait*. Per Levi exprimitur clerus Ecclesiæ, sacerdotes, religiosi, et omnes in sacris Ordinibus constituti, quorum universitati sen cætui dicitur : *Perfectio tua*, quam habes in conversando, et doctrina, qua alios doces, a viro sancto tuo, id est, a Christo tibi collatæ sunt, qui in Evangelio te informat ; *quem probasti fidelem tibi esse per gratiæ suæ auxilium in tentatione quæcumque*, quam devicisti : *et judicasti ad aquas Contradictionis*, id est, flumina adversitatum et impetus hostium contradicentium tuæ salutis, sustinendo expertus es et cognovisti pro certo, quam caritative et pie tibi adfuerit Dominus, qui non permisit te ultra vires tentari, imo fecit eum tentatione proven- tum. *Qui dixit patri suo et matri suæ, Nescio eos ; et fratribus suis, Ignoro illos ; et nescierunt filios suos*, id est, qui omnem carnalem amorem parentum et pro- lis ac cognatorum penitus abjecerunt Dei

intuitu et amore. *Illi custodierunt eloquium tuum*, o Christe, id est evangelica tua consilia, et pactum tuum serraverunt, id est, evangelicam legem, quantum ad ejus præcepta ; utpote *judicia tua*, o Jacob, id est ea quæ Dominus Jesus judicavit esse valde accommodata ad obtinendam perfectionem, o popule supplantator culparum, et legem tuam, o Israel, id est legem Evangelii tibi datam, o plebs Deum fide contemplans. Illi sunt qui observant consilia Christi, dicentis : Qui non renuntiat omnibus quæ possidet, non potest meus esse discipulus. Et rursus : Qui non odit patrem suum et matrem et fratrem et sororem et filios, non potest meus esse discipulus. In quibus omnibus non odienda, sed amanda sunt dona naturæ et gratiæ, odienda vero mala culpæ, et retractiones quibus conantur nos a via perfectionis retrahere. Præterea quamvis sacerdotes et clerici sæculares, ad vitam claustralem et ad evangelica consilia non obligentur, nihilo minus obligantur ad multa generalium conciliorum atque summorum Pontificum, provincia- lium etiam synodorum canones et statuta, ex quibus adstringuntur ad vitam non modice virtuosam et plurimum exemplarem : quæ implere non poterunt, nisi omnem carnalem et inordinatum affectum abjiciant, potissimum affectiones, vitia carnis et avaritiam, quæ est servitus idolorum, ut ex sententia dicere digni sint : Dominus pars hereditatis meæ et calicis mei. *Ponent thymiama in furore tuo*, id est, orationum suarum oblatione et præceptorum expletionem placabunt te, Domine, quia pro populo jugiter orant, psallunt, sacrificant et laborant, sicut ait Apostolus : Ipsi pervigilant tanquam rationem pro animabus vestris reddituri : et holocaustum super altare tuum, quoniam corpus et sanguinem Salvatoris consecrant, sumunt et offerunt super altare, ubi et mactant, offeruntque se ipsos grandi compunctione ac integra devotione. *Benedic, Domine, fortitudini ejus*, id est, spirituale robur clerici conforta. *Percute dorsa inimicorum ejus* : enormiter

Luc. xxi, 15.

Is. xix, 20.

II Tim. ii, 5.

Joh. vii, 1.

Ps. cxviii, 63.

I Cor. x, 13.

Luc. xiv, 33.

Ibid. 26.

Coloss. iii, 5.  
Ps. xv, 5.

Hebr. xiii, 17.

enim peccant, qui ecclesiasticæ derogant A libertati, et eorum persequuntur.

Et Benjamin ait: *Amantissimus Domini habitabit confidenter.* Hoc de Christo accipi potest, de quo protestatus est Pater: Hic est Filius meus carissimus, ipsum audite. Et in Christo homine seu ejus humanitate, tanquam in templo Deus Trinitas indesinenter quievit. Potest item per amantissimum Domini, quicumque ferventer devotus et devote amarus, intelligi, qui valde amatus est Deo, et in ipsius corde velut in *thalamo* Dominus assidue commoratur, et B inter ipsius *luceros* requiescit, quia in ejus delectatur operibus, quoniam ille super se portat jugum Dei et onus ipsius.

Joseph quoque ait: *De benedictione Domini terra ejus.* Sicut in omni creatura divinæ aliquid bonitatis et perfectionis reluet, sic in quolibet sanctorum veteris Testamenti, imo et legis naturæ, est aliquid invenire, per quod Christum sanctum sanctorum designet, qui non ad mensuram sortitus est gratiam. Sic ergo per Joseph multis ex causis intelligitur Christus, e- C jus terra, id est militans Ecclesia seu caro assumpta, purissima, procreata et omni virtute ornata est de benedictionibus Domini: in qua Ecclesia sunt poma cæli, id est fructus hominum in terris vitam cœlestem ducentium: ros gratiæ, abyssus subterjacens, id est aqua Baptismi, fons lacrimarum, abundantia afflictionum: poma *fructuum solis* et *lunæ*. Potest per solem sapientia, per lunam prudentia designari. Ecclesia autem ornatur actibus et contemplationibus sapientiæ atque prudentiæ, quia D in exercitiis vitæ activæ et contemplativæ perfecta est. Et quia ad ista succenditur ex consideratione, doctrina et exemplis veterum Patriarcharum ac Prophetarum in omni virtute sublimium atque constantium, recte subjungitur: *De vertice antiquorum montium et de pomis collium æternorum, de frugibus terre et de plenitudine ejus.* Per fruges terræ, virtutes et opera Synagogæ sumuntur: et per plenitudinem Synagogæ, doctrina legis et codices Pro-

phetarum, sapientialesque libri: ex quibus omnibus juvatur, instruitur, inflammatur Ecclesia. *Benedictio illius qui apparuit in rubo, veniat super caput Joseph.* Hoc in se esse impletum testatus est Christus, sicut et Isaias prædixit: Spiritus, inquit, Domini super me, eo quod unxerit me. Unde et beatissimus Petrus ait de Christo: Unxit eum Deus Spiritu Sancto et virtute. Qui *inter omnes fratres suos* et præ cunctis hominibus existit Nazareus, id est, sanctus atque in Nazareth conceptus est et nutritus. *Quasi primogeniti tauri pulchritudo ejus,* juxta illud, Speciosus forma præ filiis hominum: in quo per excellentiam fuit pulchritudo naturalis, moralis, spiri- tualis, gloriosa ac superessentialis, divina. *Cornua rhinocerotis, cornua illius,* id est, auctoritas Christi judicaria ac potestas regalis victoriosissimæ exstant: quod de clavis ac partibus crucis Christi exponitur, de quibus Habacuc: *Cornua,* inquit, in 4. manibus ejus: ibi abscondita est fortitudo ejus. *In ipsis ventilabit gentes,* quia in- credulos perdet, electos autem merito suæ passionis convertet, qui sunt *multitudines Ephraim et millia Manasse,* id est fideles qui in spiritualibus crescunt, et terrenorum obliviscuntur meditando divina.

*Lactare, Zabulon, in exitu tuo,* etc. Per Zabulon, qui interpretatur habitaculum fortitudinis, et per Issachar, qui interpretatur merces, intelliguntur Apostoli nati ex Galilæa in terra Zabulon et Issachar: qui in exitu suo, quoad Judæorum ac gentium conversionem egressi sunt, et in tabernaculis et congregationibus eorum quos converterunt, magnifice sunt gloriosi in Domino, conversosque populos ad montes, id est sublimitates virtutum, hortati sunt, in quibus victimas justitiæ obtulerunt, tam ipsi Apostoli quam conversi ab eis, Deo, per orationes, gratiarum actiones et debitas servitutes ipsum glorificando. *Qui inundationem maris quasi lac sugent,* id est, de conversa gentilitate, et de thesauris ejus absconditis, id est occultis meritis, suavissime sunt refecti.

Math. XXII,  
5.  
Luc. IX, 35.

1r. LXI, 1.

Act. X, 38.

Ps. XLIV, 3.

Habac. III,  
4.

*Et Gad ait : Benedictus in latitudine Gad, quasi leo requievit.* Gad interpretatur felicitas : per quem exprimitur Christus, qui in latitudine benedictus est, quia undique terrarum a conversis ad ipsum laudatur, et ubique terrarum ad ipsum plurimi sunt conversi. Omnium quoque charismatum largitate impleta est anima ejus. Et requievit ut leo, quia constantissimus fuit corde atque fortissimus robore. In monumento quoque quievit ut leo, qui apertis oculis fertur dormire, quia Salvator corpore mortuus, deitate mansit incommutabilis et cuncta conspiciens : sicque resuscitavit se ipsum. *Cepitque brachium et verticem,* quia post suam resurrectionem maxime declaravit suam potentiam, et infidelium robur ac apicem tandem inclinavit sub fide et evangelicæ legis jugo, ac tyrannos damnavit. Hinc post resurrectionem disseruit : Data est mihi omnis potestas in cælo et in terra. Atque in Isaia prædixit : *Dies ultionis in corde meo. Et vidit principatum suum,* id est regnum Ecclesiæ suæ, quod in parte sua doctor esset repositus, id est, quod ipsemet Christus doctor esset et legifer suæ plebis. *Qui fuit cum principibus populi,* id est sanctis Apostolis et ceteris prædicatoribus ac prælatis electis, quibus testatus est : Ecce ego vobiscum sum omnibus diebus usque ad consummationem sæculi. *Et fecit justitias Domini.* Cæpit enim facere et docere. Ac dixit : Quæ placita sunt Patri, facio semper.

*Dan quoque ait : Dan, catulus leonis.* Per Dan, qui interpretatur judicium, intelligitur Christus omnium iudex, et quicumque Christifidelis, justitiam, judiciumque exercens. Justus enim quasi leo confidens. *Qui fluit largiter de Basan :* quoniam sustinendo injurias et adversa, gratis adimpletur et gloria, sicut ait Scriptura : Gaudete in illa hora, quoniam merces vestra copiosa est in cælo. Basan autem ignominia interpretatur.

*Nephthali abundantia perfructur.* Per Nephthali, qui dicitur comparatio, accipi-

tur Christus, qui Deo Patri vere se comparavit, non rapinam arbitrans, se esse æqualem Deo : in cujus anima fuit omnium charismatum plenitudo, et deitate plenissime fruebatur, sicque benedictionibus gratiæ et gloriæ fuit plena. *Mare et meridiem possidebit,* quia maritima atque australia loca sunt ad ipsum conversa, sicut Zacharias prædixit : Potestas ejus a mari usque ad mare, et a flumine usque ad terminos terræ. Hoc quoque de quocumque justo potest exponi, qui sanctorum patrum inflammatus exemplis, ad perfectionem humilitatis, patientiæ, caritatis, et quotidiani profectus ipsorum enipit pertingere, certus et ipsos homines exstitisse, et non nisi Dei auxilio ad tantum pertigisse culmen virtutum : ideo sic satagendo benedictionibus adimpletur, et possidet mare, id est internæ compunctionis amaritudinem, contritionisque lacrimas, per quas ad possessionem meridiei, id est claræ cognitionis seu fervidi amoris Dei, perducitur : quoniam per salubrem pœnitentiæ amaritudinem et contritionis lamenta, quibus anima expurgatur, ad illuminationem supernam et sanctæ dilectionis ardorem ascenditur.

*Benedictus in filiis Aser.* Per Aser, qui interpretatur beatus, intelligitur Christus, secundum suam deitatem essentialiter et æternaliter felix, qui et ab incarnationis exordio fuit Deo beatificè fruens, quantum ad superiorem animæ suæ partem : qui in filiis, id est fidelibus ad ipsum conversis, benedictus est, sanctus, gloriosus, ac collaudandus. Benedictus etenim Deus in Sanctis suis, qui et ipsum jugiter benedicunt, et ipse suam sanctitatem ac laudabilitatem declarat in eis : de quo ab Isaia prædictum est : Generationem ejus quis enarrabit ? Et item : Si posuerit pro peccato animam suam, videbit semen longævum. *Sit placens fratribus suis.* Sanctis namque Apostolis ita complacuit, quod propter eum omnia reliquerunt, et gloriabantur, quia digni habebantur pro ipso contumeliam pati. *Tingat in oleo pedem suum,* id est, omnem suam affectionem,

Philippu, 6.

Is. vi, 2, 3.

Zach. ix, 10.

Matth. xxviii, 18.

Is. lxxiii, 4.

Matth. xxviii, 20.

Act. i, 1.

Joann. viii, 29.

Apoc. xix, 11.

Prov. xxviii, 1.

Matth. v, 12. Luc. vi, 23.

Ps. lxxvii, 36.

Is. liii, 8.

Ibid. 10.

Matth. xix, 27. Act. v, 41.



unctione et directione Spiritus Sancti in-  
 Ps. i, 3. A fomet et aetnet, ut justa et efficax sit, et  
 omnia quæ fecerit prosperentur. *Ferrum*  
*et æs calceamentum ejus.* Christus nudus  
 pedes inaccessit: nihilo minus ferrum, id  
 est invincibilis fortitudo animi, et æs, id  
 est imperforabilis patientia seu prædica-  
 tio ejus sonora, erant calceamentum, id  
 est tutissimum munimentum suæ conver-  
 sationis in omni quam sustinuit passione  
 et adversitate, a quibus nunquam lædi po-  
 tuit læsione peccati. *Sicut dies juventutis*  
*tue, ita et senectus tua.* Non erat in Christo B  
 corporalis senectus, quippe qui in tricesi-  
 mo tertio suæ ætatis anno occisus est: sed  
 fuit in eo senectus mentis immensa, summa  
 morum maturitas, sapientia consummata  
 similis suæ juventuti, id est recentissimo  
 ac vigorosissimo suæ perfectionis virori.  
 Istud quoque de quocumque virtuoso præ-  
 lato et fructuoso prædicatore exponitur,  
 ejus filii sunt, quos convertit, regit, in-  
 format, pro quibus benedici meretur et  
 Rom. xv, 2. coronari: et talis placet proximis suis in  
 bono ad ædificationem. Et utique talis C  
 grandi patientia et fortitudine animi in-  
 diget, ut aliorum defectus ac tentamenta  
 æquanimiter toleret, sicque calceatus sit  
 pedes in præparatione evangelii pacis.  
 Ephes. vi, 15. Nam et doctrina viri per patientiam nosci-  
 tur. Prop. xix, 11. Et fortem esse oportet, qui multorum  
 onera habet portare, ejus senectus est  
 Ps. cxi, 5. sicut juvenus, quia etsi exterior homo  
 II Cor. iv, 16. corrumpitur, interior tamen quotidie re-  
 novatur.

*Non est Deus alius, ut Deus rectissi-*  
*mi* populi christiani. *Ascensor cæli,* qui D  
 dixit Apostolis per beatissimam Magdale-  
 nam: Ascendo ad Patrem meum. Qui as-  
 cendit super omnes cælos, *auxiliator tuus*  
 est, o plebs fidelis, de quo loquitur Paulus:  
 Joann. xx, 17. Ps. lxxviii, 34. Omnia possum in eo qui me confortat: eni-  
 Philippi. iv, 13. cantamus: Deus noster refugium et vir-  
 Ps. xlv, 2. tus, adjutor in tribulationibus. *Magnificen-*  
*tia ejus discurrunt nubes,* videlicet sancti  
 Apostoli et cooperatores eorum, de quibus  
 Is. lx, 8. admirando loentus est Isaïas: Qui sunt  
 isti, qui ut nubes volant? Admirabilis ac

potentissimus fuit nubium harum discursus, quæ coruscando miraculis, pluendo  
 verbis celestibus, irrigaverunt ac fecunda  
 fecerunt audientium corda suis doctrinis,  
 gratiarumque donis, et miraculosissime to-  
 tum pene mundum converterunt elerri-  
 me ad tam incomprehensibilem fidem ac  
 arduissimam legem, quod fuit evidentis-  
 simum ac præclarissimum opus Omnipoten-  
 tis. *Habitaculum ejus sursum,* quia in  
 intellectu moratur per fidem et sapien-  
 tiam, in voluntate per caritatem, in apice  
 mentis per mysticam theoriam ardentissi-  
 mosque excessus. *Et subter brachia sem-*  
*piterna,* quia virtutes et dona, omnemque  
 potestatem et auctoritatem militantis ac  
 triumphantis Ecclesiæ ipse sustentat, con-  
 servat et stabilis. *Ejiciet a facie tua ini-*  
*micum,* id est adversarios electorum Eccle-  
 siæ suæ, quos trudet in tartarum: *dicitque:*  
*Conterere.* Conteret namque Satanam sub  
 pedibus nostris velociter.

Rom. xvi,  
20.

*Habitabit Israel confidenter,* id est, Ec-  
 clesia et quicumque fidelis in adjutorio  
 Dei et in protectione ipsius fiducialiter  
 conquiescet, omni vili exclusa formidine,  
 sicut per Isaïam Dominus prædixit: Se-  
 debit populus meus in pulchritudine pa-  
 cis et in tabernaculis fiduciæ et in requie  
 opulenta. Quod et in primitiva Ecclesia  
 constat esse impletum, prout Jeremias præ-  
 nuntiavit: In diebus, inquit, illis salva-  
 bitur Juda, et Israel habitabit confidenter.

Is. lxxxii, 18.

Unde in Actis habetur: Erant perseverantes  
 in doctrina Apostolorum, et sumebant ci-  
 bum eum exultatione et simplicitate cor-  
 dis, collaudantes Deum, et habentes gra-  
 tiam ad omnem plebem. *Oculus Jacob in*  
*terra frumenti et vini,* id est, Christiano-  
 rum vitia supplantantium oculi interiores  
 in Ecclesia fixi sunt, in qua frumentum  
 electorum et vinum germinans virgines,  
 Eucharistiæ sacramentum, spiritualis refe-  
 ctio, inebriatio caritatis abundant. *Cælique*  
*caligabunt rore.* Isti sunt viri spirituales  
 divini, præsertim Apostoli, de quibus can-  
 tatur: Cæli enarrant gloriam Dei. Qui  
 quamdiu erant in peregrinationis hujus

Jer. xxxiii, 6.

Act. ii, 42,  
46, 47.

Zach. x,  
17.

Ps. xlviii, 2.

<sup>1</sup>Cor. xiii, 12. exsilio. videbant per speculum in ænigmatibus, et caligaverunt oculi eorum interni, rore gratiæ perfusi ad intuitum Solis æterni, nondum lumine gloriæ confortati. *Beatus es tu, Israel.* Nil enim felicius Christiano, cui celeste promittitur regnum : et specialiter nunc beati in spe, qui Deum sinceriter contemplantur. *Popule, qui salvaris in Domino*, id est, divino auxilio salutem consequeris, etiam mox dum recedis a corpore, dummodo ex parte tui ipsius non exstet defectus. *Scutum auxilii tui, Deus* est, qui sento bonæ voluntatis ac fidei ar-

A mat te. *Et gladius gloriæ tuæ*, ne in te ipso inaniter glorieris, sed dicas : Non in areu meo sperabo, et gladius meus non salvabit me : sed in Deo salutare meum, et gloria mea, Deus auxilii mei et spes mea in Deo est. *Negabunt te inimici tui*, juxta illud Psalmi : Multi dicunt animæ meæ, Non est salus illi in Deo ejus. Postremo, per hoc quod Moyses non nisi undecim benedictiones hic ponit, Simeone a benedictione excluso, præfigurata est (juxta Glossam) exclusio Judæ ab apostolatus fa-

B stigio.

## ARTICULUS XXXIX

EXPOSITIO LITTERALIS CAPITULI TRICESIMI QUARTI : ASCENDIT ERGO MOYSES DE CAMPESTRIBUS MOAB.

**H**UCUSQUE scripsit Moyses hoc volumen. Ultimum vero nunc exponendum capitulum ab ejus successore Josue creditur compilatum et additum. *Ascendit ergo Moyses de campestribus Moab*, in quibus fuerat populum allocutus, *super montem Nebo, in verticem Phasga*, prout in fine capituli tricesimi secundi Dominus legitur ei jussisse. Superior autem pars montis illius dicta est Phasga. *Contra Jericho. Ostenditque ei Dominus omnem terram Galaad usque Dan, et universum Nephthali*, id est totum finieulum et territorium tribus Nephthali, *terramque Ephraim et Manasse*. Terra vero Manasse, pro media parte fuit ex una parte Jordanis, et pro alia medietate ex Jordanis altera parte. *Et omnem terram Juda usque ad mare novissimum*, hoc est mare Mortuum, de quo dictum est sæpe : fuitque terminus terræ promissionis ex parte una ; et australem partem, videlicet plagam meridianam respicientem Egyptum, et latitudinem campi Jericho civitatis palmarum, quia ibidem palmæ creseunt abunde, *usque Segor*, quæ fuit

urbs una subversæ Pentapolis. Non videtur probabile quod a supercilio montis illius potuerit Moyses tantam terrarum vastitatem ac latitudinem corporaliter intueri, nisi forte miraculose : sed forsân ostendit ei totam in spiritu, vel principales partes ipsius, vel sicut tentator legitur Christo in monte monstrasse omnia regna terrarum. *Dixitque Dominus ad eum : Hæc est terra pro qua juravi Abraham, Isaac et Jacob. Vidisti eam oculis tuis, et non transibis ad illam.*

*Mortuusque est ibi Moyses servus Domini* morte levissima, cum devotione eximia : *et sepelivit eum in valle terre Moab contra Phagor*, id est ex opposito montis sic inoccupati : sicque angelico ministerio inter duos montes sepultus est. *Et non cognovit homo sepulcrum ejus usque in presentem diem* : ne Judæi ad idololatriam proni, corpus ejus extraherent, et illud divinis venerarentur honoribus, quum et serpentem æneum a Moyse factum, usque ad tempus Ezechiæ tam immoderate coluerint, quod adolebant ei incensum, ut legi-

tur quarto libro Regum. *Moses centum et viginti annorum erat quando mortuus est. Non caligavit oculus*, id est oculi ejus : imo et alii sensus adhuc manserunt in eo boni et vivacis vigoris, prout istud supra clarior fuit expositum : *ne dentes illius moti sunt*, id est, extra naturalem et congruam habitudinem positi sunt per carnis aut dentium corruptionem aut lationem : gratia namque confortavit in eo naturam. *Feceruntque cum filii Israel in campis Moab triginta diebus, Josue vero filius Nun repletus est spiritu sapientiae* : B  
cujus signum aut causa meritoria est, quia *Moses ex Dei praecepto posuit manus suas super eum*, instituendo et consignando eum in sui successorem. *Et obedierunt ei filii Israel, feceruntque sicut praecepit Dominus Moysi. Et non surrexit Propheta ultra in Israel sicut Moses*, id est aequalis Moysi, quem nosset Dominus facie ad faciem, id est, ad quem Deus tam familiariter se habuerit, tamque copiose et clare ostenderit se, in omnibus signis atque portentis quae misit per eum, id est, per Moysen C  
fieri destinavit, ut faceret in terra Aegypti, Pharaoni et omnibus servis ejus, universaeque terrae illius, et cunctam manum robustam, magnaque mirabilia quae fecit Moses coram universo Israel.

Præterea de moralitate atque mysteriis hujus capituli, hinc inde dicta sunt multa. Quod autem in monte defunctus est, innuit eum in virtutum perfectione migrasse a corpore. In valle tamen sepultus est. Nam descendit quantum ad animam in limbum patrum, et cum humilitate necesse est ad Dei tribunal accedere. Quod terram promissionis non introivit, hoc signat quod lex ad regnum coeleste introducere non valebat, sed usque ad Jordanem devenit, quoniam eireumcisio suum sortita est cursum, quousque sacramentum Baptismi vulgatum est.

Amplius, sicut in Glossa atque in Scholastica historia dicitur, quidam dixerunt Esdras apposuisse ea quae in textu dicuntur ab illo loco, Et non surrexit Pro-

pheta ultra in Israel. Qui Esdras bibliothecam a Chaldaeis combustam, divino sensu recuperavit. Item ait Glossa : Moses omnibus Prophetis veteris Testamenti praestantior fuit, propter quod Judaei arroganter dixerunt, Nos Moysis discipuli sumus. Sed postquam Dominus Prophetarum incarnatus venit in mundum, omnis illa prior dignitas, futurorumque umbra cessaverunt, quoniam lex et figura per Moysen data est, gratia et veritas per Jesum Christum facta est, qui est finis legis ad B  
justitiam omni credenti.

Circa haec quaeritur, utrum Moses fuerit eximius Prophetarum veteris Testamenti. Videtur quod non, quum hoc sancto David adscribatur. Et item, quoniam David, Isaias, et alii quidam plura praedixerunt de Christo, imo et clarius quam Moyses. Ad hanc quaestionem Thomas in secunda secundae, quaestione 174, respondet : Quamvis aliquis Prophetarum fuerit, quantum ad aliquid, Moyse major : tamen absolute loquendo, Moyses ceteris omnibus major fuit in gratia prophetali. In visione namque prophetica consideratur cognitio tam intellectualis quam imaginaria, et denuntiatio rerum visarum, et confirmatio veritatis per miracula. Moyses autem aliis excellentior fuit, quantum ad visionem intellectualem, quia in hac vita vidit Deum per essentiam, sicut et Paulus, ut duodecimo de Genesi ad litteram asserit Augustinus. Unde in Numerorum libro, Dominus ait de Moyse : Palam, et non per aenigmata et per figuras, videt Deum. Excellentior etiam fuit Moyses aliis in imaginaria visione. Nam quasi ad nutum habuit eum, non solum verba angeli audiendo, sed etiam eum in assumpta similitudine cernendo, non tantum in somno, sed etiam vigilando. Tertio fuit altior in denuntiando, quoniam toti Judaeorum populo loquebatur etiam ex Dei persona, et novam legem proponens. Quarto, in miraculorum operatione. Nam quamvis Josue et Isaias fecerunt majora miracula quantum ad substantiam facti, quia fecerunt stare et retrocedere solem,

Deut. xxxi.  
2.

Num.  
xxvii, 18, 22,  
23.

Joan. iv.  
28.

Isai. i, 17.

Item, x, 1.

II Cor. xii.  
2, 4.

Num. xii, 8.



et etiam stare lunam. Moyses tamen excessit eos in multitudine et diuturnitate signorum. Porro ad primum argumentum Thomas respondet, quod quantum ad hoc David excellit, quod incarnationis Christi mysterium plenius cognovit et expressit quam Moyses. Certum est, quod clarius illud expressit, sed incertum videtur, an clarius illud cognovit : quia, juxta præhabita, Moyses intellexit litterales ac mysti-

cas rationes agni paschalis, jugisque sacrificii et aliarum oblationum legalium : per quæ omnia, Christi mysteria et passio multum evidenter atque diffuse præfigurabantur. Et utique decuit sanctum Moysen legislatorem multiplici excellentia ornari in vitæ sanctitate, miraculorumque gloria et cælestium notitiis secretorum. Ad laudem et gloriam Omnipotentis, qui est super omnia Deus sublimis et benedictus. Amen.

# QUINQUE LIBRORUM MOSAICÆ LEGIS

## EPILOGATIO QUÆDAM BREVIS

### ET CONCLUSIO PENTATEUCHI

#### ARTICULUS PRIMUS

DE DISTINCTIONE INTER LEGEM ÆTERNAM, LEGEM NATURALEM, LEGEM DIVINAM,  
ET LEGEM HUMANAM.

**D**EUS creavit de terra hominem, et secundum imaginem suam fecit illum. Numerum dierum et tempus dedit illi; et dedit illi potestatem eorum quæ sunt super terram. Creavit ex illo adiutorium simile sibi. Consilium et cor dedit illis ad excogitandum, et disciplina intellectus replevit illos. Creavit illis scientiam spiritus, sensu implevit corda illorum. Ostendit illis bona et mala, et lege vitæ hereditavit illos. Justitiam et judicia sua ostendit illis, et dixit eis: Attendite ab omni iniquo. Eccli. xvii, 1 et seq.

Deus, cujus opus plenum est gloria ejus, qui omnia in sapientia fecit, atque in numero, mensura et pondere universa constituit, sicut unamquamque creaturam propter convenientem ac debitum finem produxit, sic singulari modo rationalem creaturam propter æternam beatitudinem condidit. Unde divinus David se cunctosque homines non frustra, sed propter cœlestem felicitatem creatos considerans, ita preceatur: Memorare quæ mea substantia.

Numquid enim vane constituisti omnes filios hominum? Et sanctus Job, omnia diviniæ subesse providentiæ insinuans: Universorum, inquit, finem ipse considerat, et omnia quæ sub cœlo sunt, respicit. Et

iterum: Quem constituit alium super terram? aut quem posuit super orbem quem fabricatus est? Deo ergo cura est de omnibus, quemadmodum Jeremias testatur: Fortissime, magne, potens, Dominus exercituum nomen tibi, cujus oculi aperti sunt super omnes filios Adam, ut reddas unicuique juxta opera sua. Job xxxiv, 13. Sap. vi, 8. 1 Petr. v, 7. Jer. xxxii, 18, 19.

Sicut autem omni inferiori creaturæ impressit Deus naturalem inclinationem ad proprium finem, naturalemque perfectionem, juxta illud Ecclesiastici. Unus est Baltissimus Creator omnium, Rex potens et metuendus nimis, ipse effudit sapientiam super omnia opera sua, et super omnem carnem (sapientis namque est gubernare, et sibi subjecta congruenter dirigere): sic intellectualibus suis creaturis indidit Deus excellentiori modo quamdam inclinationem, non solum naturalem, sed sapientialem ac cognitivam, ad summum bonum seu ultimum finem. Ideirco, secundum Augustinum, omnis homo naturaliter beatitudinem appetit: sed quoniam appetitus iste beatitudinis est intellectualis, oportebat homini naturaliter inesse atque conferri quamdam beatitudinis hujus notitiam, cognitionem quoque eorum, per quæ ad beatitudinem pervenitur. Hæc vero cogni-

Eccli. xlii, 16.  
Ps. ciii, 24.  
Sap. xi, 21.

Ps.  
lxxxviii, 48.

Job xxxiii, 3, 24.

Eccli. i, 8.  
10.

tio naturaliter menti humanæ inscripta. A naturalis lex dicitur. Ideo interrogatio multorum qui dicunt, Quis ostendit, id est, cognoscere fecit, nobis bona? respondet Psalmista: Signatum est super nos lumen vultus tui, Domine. In hoc quippe naturali lumine rationis veritatem cognoscimus, et inter bona ac mala discernimus. Propter quod ad Romanos ait Apostolus: Quum gentes quæ legem non habent, naturaliter ea quæ legis sunt, faciunt, ipsi sibi sunt lex, qui ostendunt opus legis scriptum in cordibus suis, testimonium illis reddente conscientia ipsorum.

Est autem multiplex lex. Est namque lex æterna, lex naturalis, lex divina, et lex humana. Lex æterna, est ratio divinæ sapientiæ, in quantum est directiva actionum ac motuum omnium creaturarum. De hac lege æterna summi atque incommutabilis Dei, in Sapientia scriptum est: Quum sis ergo justus, juste omnia disponis: virtus enim tua justitiæ initium est. Et rursus: Tu autem, dominator Domine, cum tranquillitate judicas, et cum magna reverentia disponis nos. Hæc enim lex æterna, ipsa est divina et increata Sapientia, quæ attingit a fine usque ad finem fortiter: subest enim ei, quum voluerit, posse: et disponit omnia suaviter, quoniam movet unumquodque ad propriam perfectionem secundum naturalis inclinationis exigentiam. Hæc lex divinæ mentis æterna, omnis rectitudinis, virtutis, veritatis ac legis origo est, et fontale atque causale principium, secundum Anselmum in libro de Veritate.

Lex ergo naturalis, est quædam participatio legis æternæ, naturis rerum creatarum naturaliter indita, per quam unaquæque tendit in proprium finem, sibi a divina Sapientia præstitutum, et operatur proprias actiones, quemadmodum ait Boetius:

O qui perpetua mun lum ratione gubernas,  
.... stabilisque manens, das cuncta moveri.

Per hanc legem naturalem omnia creata divinæ voluntatis imperio ad nutum obe-

diunt, dicente Scriptura: En cælum et cæli colorum, abyssus et universa terra, et omnia quæ in eis sunt, in conspectu Dei commovebuntur: et quum conspexerit ea Deus, tremore concutientur. Et denno: Columnæ cæli pavent ad nutum ipsius.

Itaque lex naturalis in homine, est quoddam dictamen seu ordinatio practicæ rationis, per quam homo ad aliquid agendum vel non agendum inducitur. Considerandum est enim, quod intellectus seu ratio hominis duplex est, scilicet practica, ut quum veritatis cognitio ordinatur ad opus, sicut cognitio moralis. Nam quid sit virtus inquirimus, non ut sciamus, sed ut operemur et boni efficiamur. Ratio vero speculativa seu intellectus contemplativus est, dum ipsa veritatis notitia propter se ipsam consideratur atque tenetur, ut est cognitio divinorum. Et quoniam beatitudo nostra in cognitione intellectus speculativi essentialiter sita est, juxta illud, Hæc est vita æterna, ut cognoscant te solum verum Deum: ad quam beatitudinem homo perducere non potest, nisi per rectam operationem intellectus practici, juxta illud Matthæi. Si vis ad vitam ingredi, serva mandata: et Sapientiæ. Bonorum operum gloriosus est fructus: ideo rationali animæ concreata est quædam habitualis cognitio primorum principiorum, tam speculabilium, quæ dicitur intellectus ad rationem speculativam pertineus, quam operabilium, quæ appellatur synderesis, in practica ratione consistens. Synderesis enim est habitus rationis, quo cognoscuntur prima principia

D naturalis juris seu legis, ut quod Deo est obediendum, quod malum est fugiendum, quod proximo est benefaciendum. Lex autem naturalis non est ipse habitus neque synderesis, sed quasi opus ejus, videlicet censura rationis, quid sit agendum determinans: quæ censura per modum præcepti elicitur ex habituali cognitione synderesis.

Unde decem præcepta Decalogi ad naturalem pertinent legem. Nam ratio naturaliter eis consentit. Et ideo lex scripta

*Eccli. xvi, 18, 19.*

*Job xxvi, 11.*

*Joann. xvi, 3.*

*Matth. xix, 17.*

*Sap. iii, 15.*



data per Moysen, quantum ad praecepta A moralia, aliud non erat, nisi naturalis legis reformatio ac renovatio. Lex enim naturalis tempore illo adeo obscurata fuit, ut omnes pene ad idololatriam declinarent : quæ rationis obscuratio inexcusabilis existit, quemadmodum in Sapientia scriptum

*Sap. xiii, 1.*

est : Vani sunt omnes homines quibus non subest scientia Dei. Et causam adjunxit :

*Ibid. 3.*

A magnitudine enim speciei et creaturæ, cognoscibiliter videri poterit horum Creator. Nam sicut omnis effectus, in quantum est quadam participata similitudo suæ causæ, naturaliter ad propriæ causæ notitiam introducit; sic omnis creatura, quum sit quidam radius sui Creatoris, secundum Dionysium, naturaliter dirigit intellectum ad summi Conditoris notitiam. Universa enim propter se ipsum operatus est Dominus, quatenus divinæ naturæ perfectio, creatricisque bonitatis proprietas, in rebus creatis reluceant, ac per hoc res creatæ humanam mentem ad Dei cognitionem perducant. Rationalem enim creaturam Deus molitus est, quatenus Creatorem suum cognoscat, cognoscendo diligat, diligendo teneat, tenendo fruatur, fruendo beata sit. Ideirco hæc dicit Dominus : Non gloriatur sapiens in sapientia sua, videlicet naturali atque terrena, et non gloriatur fortis in fortitudine sua : sed in hoc gloriatur, qui gloriatur, scire et nosse me.

*Jer. ix, 23, 24.*

*II Cor. x, 17.*

Fuerunt equidem quidam, qui sibi sapientes videbantur, seque divinorum notitiam attigisse gavisii sunt, de quibus ad Romanos scripsit Apostolus : Quia quod notum est Dei, id est, quod naturaliter de Deo cognosci potest, manifestum est in illis, id est, innotuit eis : quibus utique, nisi mundi hujus philosophis ? Invisibilia enim Dei, id est naturales proprietates divinæ naturæ, per ea quæ facta sunt, id est per agnitionem creaturarum, conspiciuntur, sempiterna quoque virtus ejus, et divinitas ex rebus creatis cognoscitur, ita ut sint inexcusabiles. Nam quum cognovissent Deum, non sicut Deum glorificaverunt, sed servierunt creaturæ potius quam

*Rom. i, 19, 21, 25.*

Creatori. Quamvis enim nonnulli eorum idololatriam perniciosam esse cognoverant, nihilo minus potius metuentes hominem quam Deum, aut certe plus optantes placere hominibus quam Deo, idola coluerunt. Unde de magno illo philosopho, Senecam loquor, sexto de Civitate Dei Augustinus inducit, quod dixerit : Sic idola adoramus, ut meminerimus hujusmodi cultum magis ad morem, id est vulgarem consuetudinem, quam ad rem pertinere. Denique in libro de Vera religione refert Augustinus, Platonem sacrificasse, eo quod castus, imo et virgo permanserit. Non quod Plato virginitatem crediderit esse illicitam, sed propter pontificum paganorum instantias. Verumtamen nec isti excusantur, quia de Seneca testatur Augustinus, quod tanto damnabilius idola coluit, quanto illa quæ mendaciter fecit, veraciter agere putabatur. Non audierunt isti atque consimiles eis verbum illud Filii Dei salubre et sanctum : Nolite timere eos qui corpus occidunt, animam autem non possunt occidere. Et item, quod in Isaia conscriptum est : Nolite timere opprobrium hominum, blasphemiasque eorum. Quis tu, ut timeas ab homine mortali, et a filio hominis, qui quasi fœnum arescit ?

*Matth. x, 28.*

*Is. li, 7, 12.*

Nos ergo qui privatum nostri amorem evellere, et nos ipsos spiritualiter mortificare docemur, solum Deum timeamus, solum Deum amemus, ei soli placere conemur, in eo stabiliri nitamur, nec hominem quemcumque vel qualemcumque formidemus, aut diligamus, nisi in Deo et propter Deum, quatenus cum beatissimo Jeremia singuli dicere valeamus : Dominus fortitudo mea et refugium meum, et robur meum. Et rursum : Non est similis tui, Domine. Magnus es tu, et magnum nomen tuum in fortitudine. Quis non timebit te, o Rex gentium ? Tanto enim Deum in patria clarius cernemus per speciem, quanto nunc clarius videmus per fidem, illam plane, quæ per dilectionem operatur. Quidam enim dicunt se nosse Deum, sed factis negant. Ideo qui se dicit

*Jer. xvi, 19.*

*Ibid. x, 6, 7.*

*II Cor. v, 7.*

*Galat. v, 6.*

*Tit. i, 16.*

*I Joann. ii, 4.*

in Deo manere, et mandata ejus non eu-  
stodit, mendax est et fallax. Sed quem fal-  
lit ? nonne se ipsum ? Arguet te malitia  
tua, o simulator : et aversio tua increpa-  
bit te, o infelix hypocrita. Numquid me  
ad iracundiam provocas, dicit Dominus ?  
nonne temetipsum in confusionem vultus  
tui ? Item, tanto Deum in patria ardentius  
diligemus amplexando presentem, quan-  
to nunc amplius eum diligimus desideran-  
do absentem. Et quoniam fructio quæ est  
dos animæ, correspondet caritatis fervori,  
quemadmodum scriptum est, Ego diligen-  
tes me diligo : et Salvator, Qui diligit me,  
diligetur a Patre meo, et ego diligam eum :  
eujus dilectionis præmium pandit, dum  
addit, Et manifestabo ei me ipsum : visio  
namque est tota merces : propterea, quo  
nunc calidiori affectu Deum desideramus,  
eo copiosiori ditiorique possessione eum  
possidebimus, et intra nos recipiemus.  
Desiderium enim aperit et patulam facit  
mentem optantis ad receptionem dilecti.  
Totum igitur studium nostrum, ad Dei in-  
ternam atque ferventem dilectionem ver-  
tamus et ordinemus, et non sint in multis  
actus nostri, quoniam unum est necessa-  
rium. Ait enim Scriptura : Qui timetis Do-  
minum, diligite illum, et illuminabuntur  
corda vestra. Ideo, Diligam te, Domine,  
fortitudo mea, et precor, ut sicut adipe et  
pinguedine repleatur anima mea dilectione  
tua deifica.

Denique si homo non ordinaretur a Deo,  
nisi ad naturalem felicitatem ac finem,  
quemadmodum opinabantur philosophi,  
sufficeret ei lex naturalis, neque altiori  
lege egeret. Sed quoniam ad supernatura-  
lem beatitudinem conditi sumus, juxta il-  
lud Apostoli, Gratia Dei vita æterna : et  
iterum, Oculus non vidit, nec auris audi-  
vit, nec in cor hominis ascenderunt quæ  
preparavit Deus diligentibus se. (Sed unde  
hoc nosti, Apostole ? Respondet : Nobis,  
inquit, revelavit Deus per Spiritum San-  
ctum.) Ideo indigemus supernaturali le-  
ge, per quam de vera ac supernaturali  
beatitudine instruamur, atque de præce-

ptis et actibus perveniendi ad eam illumi-  
nemur, sicut in Psalmo sanctus precatur :  
Illuminet vultum suum super nos. Ad quem  
finem, et quo fructu, adjecit : Ut cogno-  
scamus in terra viam tuam, in omnibus  
gentibus salutare tuum. Quis enim homi-  
num poterit scire consilium Dei ? aut quis  
poterit cogitare quid velit Deus, nisi tu  
dederis sapientiam, et miseris Spiritum  
tuum de cælis ? Hæc ergo lex supernatura-  
lis, dicitur lex divina, quæ est mensura ac  
regula actuum humanorum in ordine ad  
B felicitatem æternam. Per hanc enim legem  
ratio cognoscit et dicat, quid de Deo sen-  
tiendum, quomodo ei ministrandum, et ad  
quem finem sit omne exercitium nostrum  
referendum. De hac lege ait Psalmographus :  
Lex Domini immaculata, convertens ani-  
mas. Quam sibi idem necessariam sciens,  
exorat : Legem pone mihi, Domine, in via  
tua. Et iterum : Legem pone mihi, Domi-  
ne, viam justificationum tuarum. Propter  
hanc legem hominibus a Deo collatam,  
Isaias testatur : Dominus iudex noster, etc.,  
C ipse veniet et salvabit nos. Et Jeremias  
de Deo exorsus : Dabo, inquit, leges meas  
in cordibus eorum, et in mentibus eorum  
superscribam eas. Quod tamen de nova  
lege esse prædictum, Apostolus asserit,  
quæ ita se habet ad veterem legem, sicut  
meridies ad auroram, lumen ad umbram,  
veritas ad figuram, imo sicut splendor  
ad tenebras, et vita ad mortem.

Præterea, præter legem naturalem et  
æternam atque divinam, ponitur lex hu-  
mana, quæ est quoddam rationis dicta-  
men, quo diriguntur actus humani in or-  
dine ad finem boni communis. Hæc autem  
lex ex naturali lege progreditur, et est  
quasi determinatio et explicatio legis na-  
turalis circa particulares hominum status  
atque negotia, casus ac opera. Nam ea  
quæ ad naturalem pertinent legem, non  
sunt omnia æque manifesta, et omnibus  
certa : et ideo per legem humanam expri-  
mitur et clarius declaratur, quod lex na-  
turalis obscure complectitur. Talis quoque  
lex necessaria est vitæ humanæ. Finis enim

Jer. II, 19.

Ibid. VII, 19.

Prop. VIII,

17.

Johann. XIV,

21.

Ibidem.

Eccli. XI,

10.

Luc. X, 12.

Eccli. III, 10.

Ps. XVII, 2.

Ps. LXV, 6.

Rom. VI, 23.

1 Cor. II, 9.

Iv. LXIV, 4.

1 Cor. II, 10.

Ps. LXXI, 2.

Ibid. 3.

Sap. IX, 13.

17.

Ps. XXVIII, 8.

Ps. XXXI, 11.

Ps. CXXIII,

33.

Is. XXXIII,

22.

Jer. XXXI,

33. Hebr. X,

16.

legis est, homines a malis retrahere, et A est homines bonos efficere, ideo secundum distinctionem operationum humanarum assignantur varii legis effectus. Quodam enim operationes sunt per se bonae atque laudabiles, et respectu harum legis effectus est praecipere sive consulere, juxta illud Deuteronomii : Custodi temetipsum et animam tuam sollicitè. Et in Josue libro : Ecce praecipio tibi, confortare et esto robustus. Aliae operationes sunt per se male, et respectu harum effectus legis est prohibere, quemadmodum scriptum est : Cave ne unquam obliviscaris pacti Domini Dei tui. Aliae vero operationes sunt indifferentes : et quoad has, legis effectus est permittere. Punire autem est legis effectus, quantum ad duos et praevicacatores.

Quoniam itaque lex divina humanam in eo transcendit, quod omne malum prohibet, nec aliquod peccatum permittit : idcirco eam custodire in omnibus difficillimum est, et omni diligentia cogens. Propter quod hortatur nos sermo divinus : Omni custodia custodi cor tuum. Cujus rationem alibi tradens : Nisi te, inquit, instantè in timore Dei servaveris, cito subvertetur domus tua. Nam qui spernit modica, paulatim decedit. Propterea altiora te ne quaesieris, et fortiora te ne scrutatus fueris ; sed quae praecepit tibi Deus, illa cogita semper, et in pluribus ejus operibus ne fueris curiosus. Et Tobias ait : Omnibus diebus vitae tuae Deum in mente habeto, et pete ab eo ut vias tuas dirigat. Non enim est hoc volentis, neque currentis, sed miserantis Dei.

III Reg. xi,  
28.  
Ibid. xii,  
28 et seq.

Deut. iv, 9.

Josue i, 9.

Deut. iv, 23.

Ps. xvi, 8.

Prov. iv,  
23.

Ecclesi.  
xxvii, 1.

Ibid. xix, 1.

Ibid. iii, 22.

Tob. iv, 6,  
20.

Rom. ix, 16.

Galat iii,  
19.



## ARTICULUS II

DE DISTINCTIONE LEGIS DIVINÆ IN LEGEM ANTIQUAM ET NOVAM.

**L**EX per Moysen data est, gratia et veritas per Jesum Christum facta est. Joann. 1, 17.

In hoc verbo beatus evangelista Joannes insinuat, eundem esse novæ ac veteris legis auctorem. Lex enim vetus bona erat, dicente Apostolo : Itaque lex quidem sancta, et mandatum sanctum et justum et bonum. Nam lex vetus illicitam concupiscentiam et omnia peccata quæ sunt contra rationem, prohibuit. Lex ergo divina per novam et veterem legem dividitur, non quasi per oppositas species, quum utriusque legis sit unum principium, scilicet Deus, et unus finis, scilicet Christus, sed sicut per imperfectum atque perfectum. Quum enim finis legis sit, Deo uniri et frui, illa dicitur lex perfecta, quæ ea includit per quæ homo ad Dei fruitionem pertingere potest : ad quam sine gratia nemo perducitur. Lex autem antiqua gratiam non continuit, sed promisit. Propter quod ait Apostolus : Nihil ad perfectum adduxit lex ; introductio vero melioris spei, per quam approximamus ad Deum. Christus enim est causa atque principium gratiæ, de cujus latere fluxerunt sacramenta gratiæ contentiva. Ideirco lex vetus, quamvis pro tempore illo bona perfecta que fuerit (Dei enim perfecta sunt opera), tamen quia novæ legis erat figura, nec gratiæ collativa, imperfecta nominatur per comparisonem ad legem Christi, quæ lex gratiæ dicitur. Quod vero per Ezechielem Dominus ait, Dedi eis præcepta non bona, et iudicia in quibus non vivent, intelligendum est de carinomialibus præceptis, quæ peccata quidem ostendebant, non autem purgabant, quoniam gratiam non conferebant. Similiter lex vetus dicitur (secundum Apostolum)

intrasse, ut abundaret delictum, et quod peccatum per eam revixit, et administratio mortis vocatur, et alia quædam de ea leguntur, quæ non sunt intelligenda effective, sed occasionaliter et consequentive, eo quod lex gratiam non contulit, per quam illa quæ præcepit, impleri possent : et quia peccatum post legislationem gravius erat quam ante : et item, quia talis est nostra perversitas, quod ea quæ nobis prohibentur, vehementius desideramus. Hæc ergo occasio non est ex parte legislatoris data, sed ab hominibus sumpta.

Denique, lex vetus demonstratur a Deo collata, quia ad Christum disposuit. Primo, quia de ipso testimonium perhibuit, quemadmodum Christus fatetur : Oportet impleri omnia quæ scripta sunt in lege et Prophetis et Psalmis de me. Et alibi : Scrutamini Scripturas, quia illæ sunt quæ testimonium perhibent de me. Secundo, disponebat ad Christum, revocando homines ab idolorum cultura, et sub unius Dei obsequio conservando, quemadmodum ad Galatas ait Apostolus : Priusquam veniret fides, sub lege custodiebamur, conclusi in eandem fidem quæ revelanda erat. Et iterum : Lex, inquit, paedagogus noster fuit in Christo. Ubi autem venit fides, jam non sumus sub paedago. Propter quod ad Hebræos scribit : Reprobatio fit præcedentis mandati propter infirmitatem et inutilitatem. Nam veniente perfectione evangelica, cessare oportuit imperfecta illa legalia. Quamvis vero lex antiqua non suffecit ad salutem, nihilo minus patres veteris Testamenti salvati sunt per gratiam Spiritus Sancti : quæ gratia inerat eis, non ex lege, sed per fidem Mediatoris venturi.

Rom. vii, 12.

Hebr. vii, 19.

Joann. xix, 34.

Deut. xxxii, 1.

Ezech. xx, 25.

Rom. x, 20.

Rom. vii, 9.

II Cor. iii, 7.

Rom. vii, 8.

Luc. xxiv, 34.

Joann. v, 32.

Galat. iii, 23.

Ibid. 21, 25.

Hebr. vii, 18.

Porro lex nova in tribus a veteri differt, eamque excellit. Primo, quoniam lex nova ad cœlestia et spiritualia atque æterna bona nos invitat et erigit. Unde Christus mox in suæ prædicationis exordio regnum cœlorum spondit, dum ait : Pœnitentiam agite, appropinquabit enim regnum cœlorum. Lex autem vetus directe promisit temporalia bona, terrenumque regnum. Nam in ipso legis initio statim populus ad regna Chanaanæorum invitatur. Secundo, lex nova antiquam transcendit, quoniam non solum manum seu opus malum, verum etiam animum et cogitationes injustas damnat ac cohibet ; vetus autem, ut dicitur, manum cohibuit. Et ergo Christus dicit : Nisi abundaverit justitia vestra plus quam Scribarum et Phariseorum, non intrabitis in regnum cœlorum. Tertio, quia lex vetus inducit ad obediendum divinis mandatis timore pœnarum, nova vero amore Spiritus Sancti : qui per gratiam Christi in nova lege præstatur, in veteri præfigurabatur. Ideo Augustinus ait : Brevis est novæ ac veteris legis distinctio, timor et amor. Sola ergo lex Christi, est lex perfectionis et gratiæ, cui alia nulla succedet. Non enim est aliud nomen datum hominibus, in quo oporteat eos salvos fieri, et non est in alio aliquo salus. Potest quoque quarta addi distinctio, quoniam lex vetus quum sit imperfecta, et ad legem Christi præparatoria, data est a Deo per ministerium angelorum, dicente Apostolo : Lex data est per angelos in manu mediatoris. Et Stephanus dicit Judæis : Accepistis legem in dispositione angelorum. Sed nova lex, quum sit summa ac ultima, ab ipso Dei Verbo, Deo vero incarnato, immediate donata est, sicut testatur Apostolus : Novissime diebus istis locutus est nobis in Filio.

Si vero quærat, cur Deus veterem legem specialiter populo præstitit Judæorum : respondendum, quoniam decuit populum illum speciali sanctitate pollere et gratia, ex quo Christus nasci elegit. Non

A ergo data est eis propter eorum justitiam, quemadmodum in Deuteronomio Moyses ait : Scito quod non propter justitias tuas Dominus Deus dederit tibi terram hanc, quum durissimæ cervicis sis populus. Et rursus : Dilexit Dominus patres tuos, et elegit semen eorum post eos. Quærere autem cur potius ex illo populo Deus incarnari volebat, quam ex alia plebe, simile est ac si quærat, cur unum trahat, et alium non trahat : quod quare contingat, noli interrogare, si non vis errare.

B Quoniam ergo lex vetus solis Judæis præstita fuit, ideo alii non tenebantur ad eam. Propter quod Dionysius nondum Cœlestis hierarchie capitulo affirmat, multos gentilium per ministerium angelorum ad Deum conversos sine Mosaica lege. Verumtamen quia lex vetus manifestatio fuit legis naturæ, et aliqua superaddebat, ideo omnes tenebantur ad eam, quantum ad præcepta moralia quæ continebat, in tantum et eo modo, quantum et quo modo erant præcepta legis naturæ, non quia erant præcepta legis scriptæ seu veteris atque Mosaicæ.

Rationabiliter demum data est lex vetus, non ab origine mundi vel Abrahæ, sed Moysi, ad confundendam reprimendamque humani cordis superbiam. De duobus enim potissime homo superbiit, videlicet de scientia et potentia : de scientia quidem, quasi naturalis ratio ei sufficere posset : de potentia quoque, tanquam per propriam potestatem legem implere valeret. Horum vero utrumque manifeste falsum apparuit tempore Moysis, quando ad idololatriam et

D innaturalia atque turpissima vitia homines declinabant. Tunc ergo opportunissime et convenientissime data est lex, per quam secundum Apostolum est cognitio peccati, tam in adjutorium bonis, quam in convictionem malignis. Ideoque ad Romanos scribit Apostolus : Quod impossibile erat legi, in quo infirmabatur per carnem, misit Deus Filium suum, ut justificatio legis impleretur in nobis per Dominum nostrum Dei Unigenitum.

Matth. iv, 17.

Deut. xxxiii, 1-11.

Exod. xxxi, xxxii, Matth. v, 20.

Deut. xxxiii, 15 et seq.

Act. iv, 12.

Hebr. vii, 19.

Galat. iii, 19.

Act. vii, 53.

Hebr. i, 1, 2.

Deut. ix, 6.

Ibid. ix, 37.

Exod. xxxii, 1-6. Num. xxv, 1-3.

Rom. vii, 7.

Ibid. viii, 3, 4.

## ARTICULUS III

DE TRIPLICI PRÆCEPTO VETERIS LEGIS, ET SPECIALITER DE PRÆCEPTIS MORALIBUS.

**Q**UÆ est alia gens sic inclita, ut habeat caerimonias iustaque judicia et universam legem? Deut. iv. 8.

Verba sunt hæc Moysis hominis Dei in Domino gloriantis super omnibus bonis, quæ tradidit Israeli. Triplicia autem præcepta, quemadmodum in verbis his tangitur, lex vetus continuit, scilicet moralia, caerimonialia et judicialia. Præcepta vero moralia appellantur, quæ ad bonos pertinent mores, et de actibus virtutum immediate

Exod. xx.  
15, 17.  
Deut. v. 19,  
21.

Lev. xi, 45.

Deut. xxi,  
13.

Matth. v,  
18.

Ecclesi. xiii,  
19.

Ibid. xx,  
14, 15.

donantur, ut illud, Non furtum facies. Non concupisces rem proximi tui : qui sunt actus justitiæ. Lex enim divina ad Dei dilectionem homines reducere et ordinare intendit, quemadmodum scriptum est : Sancti eritis, quoniam ego sanctus sum. Et iterum : Perfectus eris et absque macula, cum Domino Deo tuo. Cui concordat quod in Evangelio legitur : Estote perfecti, sicut et Pater vester coelestis perfectus est. Quum ergo similitudo sit causa amoris, juxta illud, Omne animal diligit simile sibi, clucescit quod homo ad Dei amicitiam pertingere nequit, nisi per actus virtutum sanctus et Deo consimilis fiat. Ideirco lex divina, præcepta moralia assignavit, ut in Ecclesiastico habetur : Deus ab initio constituit hominem, et reliquit eum in manu consilii sui, id est in liberi potestate arbitrii sui, adjecit illi præcepta, etc.

Denique divinæ legis intentio est, homines convenienter disponere, tam quoad se ipsos, quam in ordine ad Deum. Horum vero utrumque est de lege naturæ seu naturalis rationis dictamine in communi, sed oportuit utrumque determinari in speciali, quantum ad modum colendi Deum, et item quantum ad modum observandi ju-

stitiam inter homines. Illa ergo præcepta, quæ determinant præcepta moralia quoad Deum, assignando speciales modos seu ritus cultus divini, caerimonialia nominantur. Quæ autem determinant præcepta moralia quantum ad homines, tradendo speciales modos servandi justitiam inter homines, judicialia dicta sunt. Quum enim homo ex anima et corpore componatur, ordinatur ad Deum non solum per spirituales interioresque actus patriæ, ut sunt credere, sperare, diligere ; verum etiam per actus exteriores atque corporeos, ut sunt sacrificia, oblationes, per quæ homo divinam servitutem profitetur. Et de talibus actibus caerimonialia dantur præcepta. Præcepta igitur caerimonialia ac judicialia ex institutione sortiuntur virtutem, et a Deo per Moysen data sunt, sicut in Deuteronomio ipse testatur : Decem, inquit, verba scripsit Deus in tabulis duabus, ut docerem vos caerimonias atque judicia. Præcepta vero moralia a Deo immediate sunt data, eo quod naturali rationi inscripta ac indita sint. Ait autem Augustinus in libro de Spiritu et littera, quod lex illa Mosaica occidere occasionaliter perhibetur, etiam quoad præcepta moralia, in quantum præceperat bonum, non impendens auxilium gratiæ ad implendum.

Præter prædicta quoque præcepta ponuntur in lege quædam mandata, quæ non sunt omnino ad salutem necessaria, sed præcipiuntur tanquam utilia, et ad observantiam principalium præceptorum accommodata, ut est illud Exodi : Si acceperis pignus a proximo tuo, ante solis occasum restituas ei : atque similia, quæ proprie non dicuntur præcepta, quia simpliciter non obligant, sed mandata. Ideoque Hiero-

Deut. x.  
13, 14.

Exod. xxii,  
26.



nymus dicit : In praeceptis justitia, in mandatis vero est caritas.

Quamvis autem cuncta praecepta moralia naturali rationi concordent et pateant, non tamen aequaliter. Nam quaedam adeo plana sunt, ut mox prolata omnibus innotescant,

*Exod. xx, 12, 13.*

*Lev. xx, 32.*

*Exod. xx, 4.*

*Deut. v, 7.*  
*Exod. xx, 3*

*Ibid. 7.*

*Ibid. 8.*  
*Deut. v, 12.*

Inter praecepta quoque Decalogi, de sola

observatione sabbati et non de aliarum celebratione solennitatum fit mentio. Nam omnes veteris legis solennitates institutae sunt in commemorationem alicujus beneficii Dei, vel praeteriti, ejus agebatur memoria : aut certe futuri, ejus repraesentabatur figura. Omnium vero divinorum beneficiorum commemorandorum primum atque praeipuum, est mundi creatio, ob ejus memoriam instituebatur sanctificatio sabbati. Unde quum Moyses dixit, Memento ut diem sabbati sanctifices, causam

*Exod. xx, 11.*

adjecit, et ait : Sex enim diebus fecit Deus caelum et terram. Omnium autem beneficiorum Dei praefigurandorum excellentissimum, fuit quies mentis in Deo, nunc quidem per gratiam, et in futuro per gloriam. Et haec quies etiam moraliter praefigurabatur per observationem sabbati. Ce-

terae vero solennitates celebrabantur in memoriam alicujus particularis beneficii temporaliter transeuntis, quemadmodum solennitas Phase, in commemorationem liberationis patrum ex Aegypto, et in figuram passionis Christi, quae temporaliter transiit.

*Exod. xii, 12 et seq. Num. xxviii, 16.*

Considerandum quoque, quod decem praeceptis Decalogi, quae per se omnibus faciliter innotescunt, superadduntur alia quaedam praecepta moralia non adeo manifesta, sed tamen reducuntur ad decem principalia. Primo enim praecepto Decalogi,

quo cultus alienorum deorum prohibetur, adduntur praecepta eorum prohibitiva, quae ad idolorum cultum disponunt, quemadmodum in Deuteronomio Moyses jussit : Non inveniatur in te, qui lustrat filium suum aut filiam ducens per ignem, nec maleficus, vel incantator, nec qui pythones consulat, neque divinos, aut qui a mortuis

*Deut. xviii, 10, 11.*

quaerat veritatem. Secundo praecepto, quo prohibetur perjurium, superadditur prohibitio falsae doctrinae. Tercio autem, quo Dei obsequium praecipitur, omnia praecepta caerimonialia adjiciuntur. Quarto quoque,

*Ibid. xiii, 3, 5.*

quod est de honoratione parentum, adjungitur praeceptum de honoratione senum, et omne quod ad reverentiam aliis exhibendam inducit. Quinto autem, quod est de prohibitione homicidii, additur prohibitio odii, omnisque violationis in proximum, quemadmodum in Levitico legitur : Non stabis contra sanguinem proximi tui, et ne oderis fratrem tuum in corde tuo. Sexto

*Lev. xix, 32.*

praecepto, quo adulterium prohibetur, prohibitio additur meretricii, vitiique contra naturam. Septimo, quo furtum vetatur, adjicitur prohibitio usurae, calumniae atque rapinae. Octavo autem praecepto, quo falsum testimonium prohibetur, additur prohibitio falsi judicii, detractionis quoque atque mendacii. Sed aliis duobus nulla adduntur, quia per ea omnis concupiscentia mala vetatur.

*Ibid. 16, 17.*

Nunc ergo quoniam omnipotenti Deo fidelitatem, reverentiam et famulatum debemus, offeramus ei mente vera fidem sinceram, de qua Jeremias testatur : Domi-

*Deut. xxi, 17. Lev. xxiii, 22, 23.*

natum. Sexto praecepto, quo adulterium prohibetur, prohibitio additur meretricii, vitiique contra naturam. Septimo, quo furtum vetatur, adjicitur prohibitio usurae, calumniae atque rapinae. Octavo autem praecepto, quo falsum testimonium prohibetur, additur prohibitio falsi judicii, detractionis quoque atque mendacii. Sed aliis duobus nulla adduntur, quia per ea omnis concupiscentia mala vetatur.

*Deut. xxi, 17. Lev. xxiii, 22, 23.*

Nunc ergo quoniam omnipotenti Deo fidelitatem, reverentiam et famulatum debemus, offeramus ei mente vera fidem sinceram, de qua Jeremias testatur : Domi-

*Ibid. 15, 16. Exod. xxiii, 2, 6, 7.*

Nunc ergo quoniam omnipotenti Deo fidelitatem, reverentiam et famulatum debemus, offeramus ei mente vera fidem sinceram, de qua Jeremias testatur : Domi-

*Ibid. 15, 16. Exod. xxiii, 2, 6, 7.*

Nunc ergo quoniam omnipotenti Deo fidelitatem, reverentiam et famulatum debemus, offeramus ei mente vera fidem sinceram, de qua Jeremias testatur : Domi-

*Ibid. 15, 16. Exod. xxiii, 2, 6, 7.*

Nunc ergo quoniam omnipotenti Deo fidelitatem, reverentiam et famulatum debemus, offeramus ei mente vera fidem sinceram, de qua Jeremias testatur : Domi-

*Ibid. 15, 16. Exod. xxiii, 2, 6, 7.*

Nunc ergo quoniam omnipotenti Deo fidelitatem, reverentiam et famulatum debemus, offeramus ei mente vera fidem sinceram, de qua Jeremias testatur : Domi-

*Ibid. 15, 16. Exod. xxiii, 2, 6, 7.*

Nunc ergo quoniam omnipotenti Deo fidelitatem, reverentiam et famulatum debemus, offeramus ei mente vera fidem sinceram, de qua Jeremias testatur : Domi-

*Ibid. 15, 16. Exod. xxiii, 2, 6, 7.*

Nunc ergo quoniam omnipotenti Deo fidelitatem, reverentiam et famulatum debemus, offeramus ei mente vera fidem sinceram, de qua Jeremias testatur : Domi-

*Ibid. 15, 16. Exod. xxiii, 2, 6, 7.*

Nunc ergo quoniam omnipotenti Deo fidelitatem, reverentiam et famulatum debemus, offeramus ei mente vera fidem sinceram, de qua Jeremias testatur : Domi-

*Ibid. 15, 16. Exod. xxiii, 2, 6, 7.*

Nunc ergo quoniam omnipotenti Deo fidelitatem, reverentiam et famulatum debemus, offeramus ei mente vera fidem sinceram, de qua Jeremias testatur : Domi-

*Ibid. 15, 16. Exod. xxiii, 2, 6, 7.*

Nunc ergo quoniam omnipotenti Deo fidelitatem, reverentiam et famulatum debemus, offeramus ei mente vera fidem sinceram, de qua Jeremias testatur : Domi-

*Ibid. 15, 16. Exod. xxiii, 2, 6, 7.*

ne, oculi tui respiciunt fidem. Revereamur A tiam : sed et ministremus ei non negligenter, ne maledicamur. sed ut Josue monet, corda perfectio atque verissimo.

Josue XXIV.  
13.

## ARTICULUS IV

DE PRECEPTIS CERIMONIALIBUS VETERIS LEGIS, ET DE RATIONIBUS SACRIFICIORUM LEGALIUM.

**U**MBRAM habens lex futurorum bonorum, non ipsam imaginem rerum, nunquam potest accedentes perfectos facere. Hebr. x. 1.

Sicut ostensum est, caerimoniae praecipua ordinantur ad cultum divinum. Cultus autem Dei est duplex, videlicet interior et exterior. Et sicut corpus ordinatur ad animam, et per eam ad Deum, sic cultus Dei exterior ad interiorem cultum refertur, in quantum disponit ad ipsum. Cultus vero interior, in unione mentis ad Deum per intellectum et affectum consistit. Ideo secundum quod mens rationalis Deo per intellectum et affectum diversimode jungitur, secundum hoc exterior cultus diversificatur. Quoniam ergo in patria Deus per speciem, clare, et absque velamine a Beatis conspicitur, ideo cultus Beatorum exterior non est figurativus, sed in laude Dei consistit, quae ex interiori cognitione et affectione procedit, quemadmodum Isaias fatetur : Gaudium et letitia invenietur in ea, gratiarum actio et vox laudis. In vita autem praesenti divinam veritatem in se ipsa videre non possumus, sed representatur nobis sub sensibilibus formis tam in veteri quam in novo Testamento. Sed in novo Testamento propalata est via pertingendi ad claram atque beatificam divinam veritatis notitiam. Christo jam nato, qui de se ipso testatur : Ego sum via, veritas, et vita. Nemo venit ad Patrem, nisi per me. Et iterum : Ego, inquit, ostium sum : per me si quis introierit, salvabitur. Sed in veteri lege haec via propalata non existit, sed promissa, ut ad Hebraeos probat Apostolus.

Cerimoniae vero veteris legis, figurativa fuerunt non solum veritatis in patria manifestandae, sed etiam Christi ac cultus novae legis, per quem ad beatitudinem (in qua figura non est, neque aenigma) venit. Cultus vero caerimonalis atque exterior novae legis, non est figurativus viae perveniendi ad patriam, sed veritatis in patria per speciem contuendae, de qua Isaias dixit : Oculus non vidit, Deus, absque te, quae praeparasti expectantibus te. Et Psalmista : In lumine tuo videbimus lumen. In lumine enim creato mentem praeparante, quod est lumen gloriae, videbimus lumen increatum, quod est lumen superessentiale divinae essentiae. Sicut enim teste Apostolo, vetus lex figura est novae legis, ita juxta Dionysium tertio Coelestis hierarchiae capitulo, status novae legis est figura status gloriae, et est quasi medius inter statum veteris legis et patriam. Propterea quum signa figuralia legis antiquae sint obscuriora figuris legis gratiae, dixit Apostolus : Umbra habens lex futurorum bonorum, non ipsam imaginem rerum. Umbra namque obscurior est imagine. Et ideo umbra spectat ad veterem legem, imago ad novam. Et ad Colossenses ait : Nemo vos judicet in cibo aut potu, aut in parte diei festi, aut neomeniae, aut sabbatorum, quae sunt umbra futurorum. Omnia enim in figura contingebant eis : scripta sunt autem propter nos. Et ergo curare debemus, ut ea intelligamus.

Is. LXIV, 1.

Ps. XXXV, 10.

1 Cor. XIII, 12.

Is. LI, 3.

Joann. XIV, 6.

Ibid. x, 9.

Hebr. IX, 8.

Hebr. x, 1

Coloss. II, 16, 17.

1 Cor. x, 11

Denique caerimonialia veteris legis, di-  
viduntur in sacrificia, in quibus exterior  
Dei cultus praesertim consistit: in sacra,  
quae sunt instrumenta divini cultus, ut  
vestes sanctae, vasa quoque sacrata et ta-  
bernaeculum; in sacramenta, quae sunt  
consecrationes ministrorum Dei: et in ob-  
servantias, quae pertinent ad specialem con-  
versationem ministrorum templi. Quemad-  
modum autem per sacrificia veteris legis  
figurabatur verum sacrificium, quod est

*Ezod.*  
xxxix, vi.

*Is.* lxi, 7.

*Ephes.* v, 2.  
*Tit.* ii, 11.

Christus Dominus, qui oblatus est quia vo-  
luit: obtulit enim semetipsum oblationem  
et hostiam Deo in odorem suavitatis pro  
nobis; sic sacramenta legis illius figura-  
bant sacramenta legis novae, et observantiae  
illae, conversationem populi christiani. Sa-  
crificium vero novae legis, scilicet Eucha-  
ristia, quoniam Christum continet, qui per  
sanguinem suum sanctificavit populum, se-  
cundum Apostolum, sacramentum vocatur.  
Sed sacrificia legis antiquae, quia non conti-  
nebant gratiam, non dicuntur sacramenta.

*Hebr.* xiii,  
12.

Porro praecepta caerimonialia legis scri-  
ptae, ad duo ordinabantur, videlicet ad cul-  
tum divinum illi tempori convenientem, et  
ad figurandum Christum seu ea quae Chri-  
stum concernunt. In quantum ergo ordi-  
nabantur ad cultum Dei, pro tempore illo  
habebant causam litteralem, scilicet ut re-  
traherent suo onere ab occupatione idolo-  
latriae, ad quam populus ille labilis erat,  
vel ut divinarum memoriam beneficiorum  
inducerent, aut divinae majestatis excel-  
lentiam designarent. In quantum autem  
ordinabantur figurative ad Christum, habe-  
bant rationes figurales ac mysticas. Et quo-  
niam caerimoniae veteris Testamenti ordina-  
bantur ad cultum Dei atque ad Christum,  
ratio potest assignari sacrificiorum legis  
tam litteralis quam mystica seu figurales.  
Sacrificium enim legale exterius, reprae-  
sentat ordinationem mentis in Deum, in  
quantum ordinabatur ad cultum divinum.  
Bona vero ordinatio mentis in Deo, haec  
est, ut se omnia a Deo recepisse cognoscat  
tanquam a primo omnium rerum princi-  
pio, et omnia ad Deum finaliter referat

tanquam in ultimum omnis nostrae opera-  
tionis beatificum finem. Hoc autem homo  
in sacrificiis et oblationibus illis legalibus  
profitebatur et insinabat, quemadmodum  
in libro Paralipomenon David ait: Tua  
sunt omnia, Domine Deus, et quae de manu  
tua accepimus, dedimus tibi. Alia quoque  
ratio litteralis sacrificiorum legalium da-  
tur, quatenus populus a sacrificiis idolo-  
rum retraheretur. Nam praecepta sacrifici-  
orum non tradebantur ei, nisi postquam  
ad idololatriam declinaverat, vitulum ado-  
rando conflatilem. Idecirco apud Jeremiam  
dicitur: Non sum locutus patribus vestris,  
nec praecepi eis de verbo holocaustorum  
in die qua eieci eos de terra Aegypti. Ratio  
demum figurales ac mystica omnium sa-  
crificiorum veteris legis, erat figurare il-  
lud verum sacrificium, quo se Unigenitus  
Dei pro nobis obtulit Patri. Omnium enim  
beneficiorum, quae Deus humano generi  
per peccatum jam lapso donavit, erat ma-  
ximum, quod proprio Filio non pepercit,  
sed pro omnibus nobis tradidit illum.

*1 Par.* xxix,  
13.

*Jer.* vii, 22.

*Rom.* viii,  
32.

Inter animalia autem quadrupedia non  
offerebantur Deo, nisi tria genera, scilicet  
oves, boves, et caprae. Lex enim volebat  
populum Iudaeorum a paganis distinguere.  
Idololatriae vero omnia animalia idolis suis  
immolabant, his tribus exceptis: et maxime  
apud Aegyptios, inter quos Hebraei com-  
morati nutritique fuerant, praedicta tria  
animalia abominabilia erant ad occiden-  
dum. Nam ovem colebant, hircos quoque  
venerabantur, quia in eorum specie dae-  
mones ipsis apparuerunt. Bobus autem ute-  
bantur in agricultura, quam inter res sa-  
cras computabant. Et ideo Moyses Pharaoni  
dixit: Abominationes Aegyptiorum immola-  
bimus Domino Deo nostro. Item praedicta  
tria animalia mundissimum habent alimen-  
tum, et humanam vitam praesertim susten-  
tant, idecirco ad immolandum erant aptissi-  
ma. Praedicta quoque animalia spiritualiter  
puritatem designant. Ait enim Glossa in  
Leviticum: Vitulum offerimus, quum car-  
nis superbiam vincimus; haedum, quum  
lasciviam superamus; agnum, quum irra-

*Ezod.* viii,  
26.



tionales motus contemnimus: turturem, dum castitatem servamus. In columba quoque et turture, duarum naturarum conjunctio insinuabatur. Sed cur pisces non offerebantur? Respondendum, quoniam pisces ex aqua abstracti, protinus moriuntur, ergo in templo offerri non poterant. Sed quum Deus sit auctor vitæ, et ipse mortem non fecit, neque latatur in perditione vivorum, cur non potius immolabantur ei animalia viva, quam mortua atque cremata? Respondendum, quia occisio illa significavit destructionem peccati, et quod homines peccatores morte sunt digni. Erat etiam occisio animalium immolatorum, figura occisionis summi sacrificii, scilicet Christi. Tradit autem lex specialem modum occidendi immolata, quia aliis modis occidendi victimas suas utebantur idololatæ, et secundum Rabbi Moysen, lex modum elegit, quo animalia minus angerentur.

Est autem diligenter advertendum, triplex fuisse genus sacrificiorum veteris legis: quorum primum dicebatur holocaustum, quod totum comburebatur, velut totum incensum. Ipsum namque offerebatur Deo specialiter propter reverentiam majestatis divinæ, atque amorem bonitatis suæ immense: et conveniebat statui perfectorum, qui consilia Christi observant: et ideo totum comburebatur, quatenus sicut totum animal in vaporem resolutum, ascendit, sic designaretur, totum hominem et omnia quæ ejus sunt, Deo esse subjecta, et ipsum in Dei amorem prorsus debere resolvī, et sursum levari. Secundum genus sacrificii fuit, quod Deo pro peccato offerebatur, propter remissionem peccati: cujus una pars comburebatur, et alia in usum

ecessit sacerdotum: conveniebatque statui proficientium, ad designandum quod peccatorum remissio a Deo fit per ministerium sacerdotum. Sed quando sacrificium offerebatur pro peccato totius populi aut sacerdotis, totum comburebatur. Si enim tunc aliquid ejus fuisset comestum, idem fuisset, ac si non fuisset oblatum. Hoc ta-

men specialiter contigit ad figurandum, quod in sacerdotibus nullum vitium permanere residere debet. Tertia quoque pars hujus sacrificii, in usum offerentium proveniebat, quia remissio culpæ est a Deo per ministros Ecclesiæ, cooperantibus eis qui peccaverunt. Adeps vero et sanguis, nullius usui concedebantur: sed sanguis ad altaris crepidinem effundebatur ad reverentiam Dei, adeps vero comburebatur in igne. Cujus una ratio fuit, quatenus populus Dei ab idololatræ secerneretur. Nam idololatæ de sanguine victimarum bibebant, comedeantque adipēs, quemadmodum in Cantico Deuteronomii scribitur: De quorum victimis comedeant adipēs, et bibebant vinum libaminum. Ratio vero moralis fuit, quia sanguinis effusio prohibebatur Judæis, dicente Moyse: Non stabis contra sanguinem proximi tui. Ratio quoque mystica erat, quia per hæc designabatur effusio sanguinis Christi, et pinguedo caritatis, propter quam pro nobis mori dignatus est. De hostiis autem pacificis, pectusculum armusque dexter sacerdotis usui deputabantur, ad insinuandum quod sacerdotibus sapientia cordis necessaria est ad instruendum populum Dei: quod figuratur per pectus, quod est sapientiæ tegumentum. Sed et per armum dextrum ostendebatur, quod fortitudo eis necessaria sit, qua valeant æquanimiter ferre aliorum defectus, quemadmodum docet Apostolus: Debemus nos firmiores infirmorum inbecillitates portare, et non nobis placere.

Quoniam vero holocaustum erat dignissimum omnium sacrificiorum, ideo masculus solum in holocaustum offerebatur. Columbæ quoque et turtures non erant nisi pauperum oblationes, qui majora habere non poterant, unde nec in hostiis pacificis offerebantur, quoniam hostiæ pacificæ immolabantur gratis atque spontaneæ. Sed pro peccato offerebantur, eo quod planetum pro cantu habeant, et propter altitudinem sui volatus sacrificio holocaustorum conveniebant. Holocaustum igitur summum ac primum locum inter sacrifi-

Lev. vii, 15, 16.

Deut. xxxii, 38.

Lev. xix, 16.

Exod. xxix, 26-28.

Rom. xv, 1.

Lev. vi, 7-10.

Sap. i, 13.

Rom. i, 32.

Lev. i, 3 et seq.

Ibid. vii, 1 s.

Ibid. iv, 3-21.

cia habuit. Deinde hostia pro peccato, quæ A comedebatur solum in atrio a sacerdotibus, et in die sacrificii. Tertio, hostiæ pacificæ ex voto. Quarto, hostiæ pacificæ spontaneæ. Cujus ordinis ratio est : nam maxime homo obligatur Deo, propter excellentiam majestatis divinæ; secundo, propter offensam ei illatam; tertio, propter beneficia jam suscepta; quarto, propter beneficia sperata. Dicit autem Rabbi Moyses, quod quanto peccatum fuit gravius, tanto offerebatur pro ipso vilior species animalis. Nam pro scelere idololatriæ quod B maximum est, immolabatur capra quæ est vilissimum animal : pro sacerdotis autem peccato et ignorantia, vitulus : pro negligentia principis, hircus.

Insuper, de terræ nascentibus quæ sunt usui humano in cibum, offerebatur panis, Quæ autem sunt in potum, offerebatur vinum. Quæ sunt in condimentum, offerebatur oleum et sal. Quæ sunt in medicamentum, offerebatur thus. Per panem autem figurata est caro Christi; per vinum, sanguis; per oleum, gratia; per sal, scientia; per thus autem, oratio. Mel vero in sacrificiis Dei non offerebatur, quoniam idolis offerri solebat, et etiam ad designandum quod omnis carnalis voluptas vitanda sit populo Dei, qui Deo digne sacrificare conatur. Verumtamen quia sacrificium zelotypiæ non ex devotione, sed suspitione processit, ideo non offerebatur in eo thus, quod mentis devotionem figurat.

Lev. v, 1.

Ibid. 13.

Ibid. 2.

Ibid. 11.

Num. v, 15.

## ARTICULUS V

### DE SACRIS ET RATIONIBUS SACRORUM VETERIS TESTAMENTI.

**L**ABIA sacerdotis custodiunt scientiam, C et legem ex ore ejus requirent, quia angelus Domini exercituum est. Malach. ii, 7.

Inter caerimonias veteris legis, ut dictum est, quædam pertinebant ad sacra, id est divini cultus exteriora instrumenta, ut sunt templum, altare, et vasa, atque similia. Cultus enim Dei exterior, ad interiorem Dei reverentiam ordinatur. Ea vero quæ cunctis communia sunt, et discretam dignitatem, notabilemque excellentiam non sortiuntur, minus curantur et honorantur, D nec in admiratione habentur. Sed quæ speciali pollent decore, ac singulari excellentia atque ornatu, amplius venerantur et attenduntur. Hinc enim prælati ac principes singularibus vestibus indui solent, et latiora habere palatia, quatenus magis revereantur a subditis. Itaque, ut populus ille parum vehementius ad interiorem Dei reverentiam incitaretur, instituit Deus per

Moysen famulum suum specialia tempora quæ solennitates dienunt; specialia vasa, speciale habitaculum, et speciales ministros ad cultum divinum. Rationabilis ergo est causa caerimoniarum ad sacra spectantium.

Voluit igitur Deus templum sibi in terra constitui, non quod ipse localiter aut circumscriptibiliter esset in loco, sed ut homines in loco divini nominis honori dicato, devotius reverentialiusque adorarent; et item, quatenus per templi dispositionem aliqua ad divinæ majestatis eminentiam pertinentia designarentur. Quamvis autem Dominus præordinavit in uno loco esse sacrificia offerenda, juxta illud Deuteronomii, Ad locum quem elegerit Dominus Deus vester, venietis et offeretis holocausta et victimas vestras : non tamen hunc locum aperte designavit per ædificationem templi ante tempora Salomonis, licet ante ostenderit eum Abrahæ quando dixit : Tolle fi-

Deut. xii, 5, 6.

Gen. xxii, 2.

lium tuum unigenitum, quem diligis, Isaac, A et offeres illum mihi in holocaustum super unum montium quem monstrabo tibi. Nam quamdiu in desertis morabantur, certam mansionem non habebant. Postmodum quoque habebant varia loca, cum finitimis gentibus: sed tempore Salomonis habebant quietissimum statum, et ideo tunc congruenter locus templi publicatus est. Si enim ante innotuisset, fuissent lites et iurgia inter tribus, quæ locum illum sortiri adipisci-que potuisset, ut Rabbi Moyses asserit. Unde rege, cuius maxima est potestas, regnante, qui populi lites compescere potuit, Deus locum ad ædificandum ostendit.

Spiritualiter quoque per tabernaculum quod portatile erat, figurabatur status vitæ præsentis, qui mutatur continuo, vel ipse status Synagogæ. Per templum vero signabatur status patriæ, qui semper fixus et stabilis perseverat, vel christiana Ecclesia, quæ usque in finem sæculi non cessabit. Propter quod in ædificatione templi

*Ibid.* vi, 7.

*Ibid.* v, 6.  
18.

non audiebatur sonitus mallei, quia a statu futuro omnis turbulentia penitus deest. Gentiles quoque, videlicet Tyrii atque Sidonii, cooperabantur ad templum: quia Ecclesia ex gentibus et Judæis collecta est. Causa autem unitatis tabernaculi et templi fuit, ut populus firmaretur in notitia unius Dei, atque ab infidelibus distingueretur. Gentiles enim idolis suis multa templa fundabant. Denique alia ratio hujus fuit. Voluit enim Dominus ostendere, corporalem cultum sibi secundum se non esse placentem, et ergo noluit illum sibi passim et ubique impendi. Cultus vero novæ legis, est secundum se Deo acceptus, quia in ejus sacrificio continetur Christus, qui est omnium gratiarum origo et finis: ideo in novo Testamento altaria multiplicantur et templa. Habebant tamen Judæi synagogas, in quibus spirituales Dei cultum egerunt, vacando laudibus Dei, et lectioni Prophetarum ac legis. Per prædictam vero unitatem, figuratiter monstrabatur unitas militantis ac triumphantis Ecclesie.

Distinctum autem erat tabernaculum in duas partes, quarum una dicebatur Sancta sanctorum, quæ erat ad occidentem: alia fuit versus orientem, vocabaturque Sancta: et intra tabernaculum fuerat atrium. Quemadmodum vero unitas templi signabat unitatem Dei atque Ecclesie, ita distinctio templi, distinctionem representabat creaturarum Dei, ex quibus ad Dei cognitionem assurgimus. Pars ergo quæ Sancta sanctorum vocatur, figurabat spirituale sæculum, id est statum spiritualium substantiarum:

*Hebr.* ix, 2, 3.

B pars autem quæ Sancta dicitur, figuravit mundum sensibilem. Unde una pars dividebatur ab alia quodam velo, quadriformi colore distincto, per quod quatuor mundi elementa significabantur: videlicet bysso, quo designatur terra: byssus enim seu linum de terra exoritur: purpura, quo signatur aqua: hyacintho, quo figuratur aer, quia acreum habet colorem: et corcobis tineto, quo ignis signatur. Porro in Sancta sanctorum non introivit, nisi summus sacerdos, et hoc semel in anno, ad

*Exod.* xxvi, 31; xxxvi, 35.

C figurandum hanc esse hominis finalem perfectionem, ut introducatur in illud spirituale sæculum spiritualium substantiarum. Ad tabernaculum vero exterius, quod Sancta dicitur, introibant quotidie sacerdotes: quia eorum fuit spirituales rationes sacrificiorum cognoscere, atque magis explicitam de Christo fidem habere. Populus vero ingrediebatur solummodo atrium. Non enim spiritualium capax fuit, sed corporalia dumtaxat sacrificia consideravit. Adorabant quoque Judæi ad occidentem, ad excludendam idololatriam. Omnes namque idololatriæ adorabant versus orientem, propter reverentiam solis. Ratio autem figuræ est: nam universus status prioris tabernaculi, ordinabatur ad significandum mortem Christi, quæ per occasum signatur, juxta illud in Psalmo: Qui ascendit super occasum, Dominus nomen illi.

*Hebr.* ix, 7.

*Lev.* xvi, 34.

*Hebr.* ix, 6.

*Ps.* cxviii, 5.

In tabernaculo autem interiori, quod Sancta sanctorum vocatur, continebatur arca testamenti, habens auream urnam, in qua erat manna, et virga Aaron quæ fron-

*Hebr.* ix, 3.



*Exod.*  
xxxvii, 7-9.  
*Hebr.* ix, 3.

duerat, tabulae quoque in quibus scripta fuerant decem praecepta. Arca autem sita erat inter duos Cherubim, qui se mutuo versis vultibus respiciebant. Super arcam vero erat quaedam tabula, quae propitiatorium dicitur, quae erat quasi sedes Dei : et dicebatur propitiatorium, quia inde Deus propitiabatur populo ad preces summi sacerdotis, et portabatur ab alis Cherubim, in signum quod angeli Deo ministrarent. Sed et arca testamenti, erat quasi scabellum sedentis super propitiatorium. Per haec igitur tria, significabantur tria quae in spirituali superiorique saeculo sunt : videlicet Deus omnibus praesidens, et immensus, et incomprehensibilis : propter quod nulla ejus similitudo ponebatur, sed locabatur ei quasi sedes, quia creatura quae Deo subjecta est comprehendi potest. Cherubim autem qui se mutuo respiciunt, designabant spirituales substantias patriae coelestis, in quibus pax summa est atque concordia, sicut in Job dicitur : Qui facit concordiam in sublimibus suis. Per arcam vero, in qua tria praedicta exstiterant, designantur rationes omnium quae in hoc mundo sensibili fiunt, quae utique in spirituali saeculo illo infallibiliter continentur, praesertim in lumine mentis divinae.

*Job* xxv, 2.

*Hebr.* ix, 4.

*Exod.* xxx,  
6 ; xxxvi, 35.

In exteriori insuper tabernaculo tria erant : videlicet altare thymiamatis, quod erat directe contra arcam : mensa propositionis, super quam duodecim panes ponebantur, eratque in parte aquilonari locata : candelabrum, quod erat in parte australi. In candelabro autem ratione splendoris figurabatur sapientia : per altare thymiamatis, officium sacerdotum : per mensam vero figurabatur alimonia vitae. Ponebatur ergo candelabrum in parte australi : pars enim australis est dextera coeli, secundum Philosophum. Sapientia vero ad dexteram pertinet, sicut et cetera spiritualia bona. Mensa autem quae temporale nutrimentum importat, erat ad aquilonem, quae est sinistra pars coeli : per sinistram vero temporalia designantur. Habebat quoque candelabrum septem calamos, Josepho teste, per quos

A significantur septem planetae, qui mundum illuminant. Et ideo a parte ponebatur australi, quia ex illa parte oriuntur nobis planetae. Altare autem thymiamatis institutum fuit, ut esset semper in tabernaculo fumus boni odoris, contra foetorem qui ex occisione animalium accidit, et etiam propter reverentiam loci : quae enim boni odoris sunt, honorantur. Mensa vero non ponebatur in medio ante propitiatorium, ad excludendum idololatram : quia idololatrae sacris lunae ponebant mensam in medio coram idolo.

B Omnia quoque praedicta Christum diversimode praefigurabant. Nam figurabatur per propitiatorium, quoniam ipse est propitiatio pro peccatis nostris. Figurabatur quoque per arcam. Quemadmodum enim arca erat de lignis setim, sic corpus Christi ex membris constat purissimis. Et erat arca deaurata, quia Christus fuit plenus sapientia et caritate divina. In arca vero fuit aurea urna, quia in Christo est sanctissima anima : et manna, quia in Christo est omnis plenitudo divinitatis. Erat demum in arca virga Aaron, id est sacerdotalis potestas, quia de Christo cantatur : Tu es sacerdos in aeternum secundum ordinem Melchisedech. Erant quoque in arca tabulae testamenti, quoniam Christus est summus legislator, qui figurabatur per candelabrum, sicut ipse testatur : Ego sum lux mundi. Per septem lucernas, signantur septem dona Spiritus Sancti. Sed et per mensam Christus figurabatur : ipse namque ait. Ego sum panis vivus. Per duodecim panes significabantur Apostoli, vel eorum doctrina.

*1 Joann.* ii,  
2.

*Coloss.* ii, 9.

*Ps.* cix, 1.

*Is.* xxxviii,  
22.  
*Joann.* xiii,  
12.

*Ibid.* vi, 41.

Denique de constructione altaris duplex invenitur a Domino datum praeceptum : unum in legis exordio. Mandavit enim Dominus (ut in Exodo legitur) altare sibi constitui de terra, vel saltem de lapidibus non sectis, non altum, ne per gradus ascenderetur ad illud, ne turpitudine ascendentis revelaretur. Quae omnia praecipiebantur, quatenus populus ille ab idololatriis distinguetur. Fabricabant enim idololatrae diis

*Exod.* xx,  
24-26.

suis altaria pretiosa et pulchra ac alta; A tiles in plenilunio sacrificabant. Et quoniam ista duo beneficia, scilicet creationis, gubernationisque divinae, communia sunt toti humano generi, istae duae solennitates frequentius iterabantur.

*Deut. xvi.*  
21. suis altaria pretiosa et pulchra ac alta; A tiles in plenilunio sacrificabant. Et quoniam ista duo beneficia, scilicet creationis, gubernationisque divinae, communia sunt toti humano generi, istae duae solennitates frequentius iterabantur.

*Exod. xxvii.*  
1, 2. altare vero thymiamatis, de auro et lignis setim, quod omni populo esset conspicuum: *Ibid. xxv.*  
4, 3. altare vero thymiamatis, de auro et lignis setim, quod sacerdotes conspicerent. Quo facto, introductus est a sacerdotibus femoralium usus: et ergo tunc ascendere poterant sine periculo ad altare per gradus ligneos non stantes, sed portatiles.

*Num.*  
xxviii, xxix. Advertendum autem, quod in veteri Testamento erant septem solennitates temporales, et una quasi continua, sicut ex libro Numerorum colligitur. Festum autem continuum fuit, quo immolabatur quotidie mane et vespere agnus. Hoc ergo continuo festo representabatur perpetuitas felicitatis divinae. Temporalium vero festivitatum prima erat festivitas Sabbati, quae renovabatur omni hebdomada in memoriam beneficii creationis mundi. Secunda solennitas, scilicet Neomeniae, renovabatur quolibet mense. Celebrabatur enim in commemorationem gubernationis rerum a Deo. Et quoniam inferiora secundum eursum lunae mutantur, a qua mensis nomen acceperit (juxta illud Ecclesiastici: Luna ostensio temporis et signum aevi. Mensis secundum nomen ejus est, crescens in consummationem mirabiliter. Vas castrorum in excelsis, in firmamento caeli resplendens gloriose); ideoque solennitas ista fiebat in principio lunae, non in plenitudine ejus, propter idololatriae exclusionem. Nam gen-

Alia quinquē festa celebrabantur semel in anno, et propter beneficia tali populo specialiter a Deo impensa. Nam Phase solennitas celebrabatur mense primo, quattodecima die mensis, in memoriam liberationis ex Aegypto. Et post dies quinquaginta celebrabatur Pentecostes solennitas, ad commemorandum beneficium legis datae. Alia vero tria festa servabantur septimo mense, qui apud eos quasi totus erat sollemnis. In prima enim die hujus mensis erat festum Tubarum, in memoriam liberationis Isaac, quando Abraham pro eo arietem obtulit: et ergo tunc cornibus buccinabant. Nam aries cornibus haeserat vepribus, sicut in Genesi dicitur. Erat quoque festum Tubarum, quo invitabantur ad solennitatem Expiationis, quae decima die fiebat in memoriam beneficii, quo Deus

ad preces Moysis propitiabatur eis de adoratione conflatis vituli. Post haec celebrabatur Seenopēgiae, id est Tabernaculorum solennitas septem diebus, in memoriam deductionis ac protectionis eorum quando in desertis manebant: propter quod in hoc festo afferebant ramos pulcherrimae arboris, qui diu virorem conservant, in signum quod Deus perduxit eos per solitudinem aridam ad terram deliciosam. Die autem octava erat festum Cetus atque collectae, quando colligebantur a populo

quae necessaria erant ad divini cultus expensas.

Figuralis autem ratio horum festorum est: per Sabbatum enim signabatur spiritualis requies nobis data per Christum. Per Neomeniam vero, quae est novae lunae incensio, figurabatur illuminatio primitivae Ecclesiae. Per festum Tubarum, praedicatio Apostolorum. Per festum Expiationis, emundatio Christianorum a vitiis. Per festum Tabernaculorum, peregrinatio Christifidelium in hoc mundo. Per festum vero Cæ-

*Lep. xxiii.*  
5-8.

*Ibid. 15-21.*

*Ibid. 24-25.*  
*Num. xxix.*  
1-6, *Gen.*  
xxii. 13.

*Lep. xxiii.*  
27-32.

*Ibid. 34-36.*

*Ibid. 40.*

*Ibid. 36.*

*Eccli.*  
xliii. 6, 8, 9.

Lev. xxi,  
36.

tus atque collectæ, congregatio eorum in A regno eorum : et ergo hoc festum vocabatur sanctissimum. Erantque hæc tria festa continua, quia oportet expiatis a vitiis in virtute proficere, quousque perveniant ad patriam felicitatis æternæ.

Exod. xxvi,  
1.

Præterea tabulæ ex quibus constabat tabernaculum, tegebantur interioribus quibusdam cortinis ex quatuor coloribus variatis, videlicet bysso retorta, hyacinthio, ac purpura, et cocco bis tincto : hæ enim tegebant tabernaculi latera. In tecto autem tabernaculi fuit operimentum unum de pellibus B hyacinthinis, et super hoc aliud de pellibus arietum rubricatis : desuper quoque operimentum de sagis cilicinis, descendens usque ad terram, et tegens tabulas tabernaculi foris. Horum vero operimentorum ratio litteralis, erat tabernaculi ornatus atque protectio. In speciali autem secundum aliquos, per cortinas signatur cælum siderum, quod est diversis stellis variatum : per saga, aquæ quæ super cælos sunt : per pelles rubricatas, cælum empyreum : per pelles hyacinthinas, cælum sanctæ Trini-

tatis. Figuralis autem ratio fuit, quia per tabulas ex quibus constabat tabernaculum, significantur fideles, ex quibus constat Ecclesia : tegebanturque tabulæ cortinis quadricoloribus, quia fideles quatuor ornantur virtutibus. In bysso namque retorta, ut asserit Glossa, signatur caro castitate renitens : in hyacinthio, mens superna desiderans : in purpura, carnes passionibus non subjacentes : in cocco bis tincto, animus Dei ac proximi dilectione præfulgens. Per operimenta autem tecti figurantur prælati atque doctores, in quibus lucere debet conversatio celestis : quod insinuat per pelles hyacinthinas. Debet etiam eis inesse ad martyrium promptitudo, quod per pelles rubricatas signatur : austeritasque vitæ, et adversitatum virtuosa perpassio, quæ designantur per saga cilicina, ventis pluvisque exposita. Qui namque his decorantur virtutibus, præclarum Deo tabernaculum in se ipsis construxerunt, et divinæ visionis capaces effecti sunt : ad quam nos dignetur transferre ex hac miseriæ laeimarumque valle Unigenitus Dei Christus Dominus.

## ARTICULUS VI

DE SACRAMENTIS ANTIQUE LEGIS ET RATIONIBUS EORUMDEM.

**NOLITE** negligere, fratres : vos enim elegit Dominus ut stetis coram eo, et ministretis ei, colatis eum, et cremetis ei incensum. II Par. xxix, 11.

Quemadmodum antea innotuit, sacramenta veteris legis illa dicuntur, quæ adhibebantur Dei cultoribus per quamdam consecrationem, qua cultui deputabantur divino : qui generali modo pertinebat ad populum, specialiter autem ad templi ministros. Idecirco quædam sacramenta pertinebant ad populum, quædam ad sacerdotes D atque Levitas. Utrisque vero tria necessaria erant, videlicet institutio in statu colen-

di Deum, quæ fiebat per circumcisionem, quantum ad omnes : sine circumcisione enim nemo admittebatur ad quodcumque legalium : sed quantum ad sacerdotes fiebat per consecrationem eorum. Secundo necessaria fuit comestio agni paschalis, quantum ad omnes : sed quoad sacerdotes, victimarum oblatio, esusque panum propositionum, et ceterorum quæ usibus deputabantur sacerdotum. Tertio requirebatur eorum remotio, per quæ ad divinum cultum inhabiles reddebantur : et sic quoad populum, institutæ erant quædam purificationes a corporalibus immunditiis, ex-

Exod. xxix  
1 et seq.



piationes quoque pro peccatis : quantum autem ad sacerdotes atque Levitas erant ordinatæ, ablutio manuum ac pedum, et rasio pilorum : quæ omnia rationabiles causas habent tam litterales, prout ordinabantur ad divinum cultum pro tempore illo, quam figurales, prout referebantur ad Christum.

Ratio autem litteralis ac principalis circumcisionis, fuit protestatio minus Dei. Et quoniam Abraham se ab infidelibus primo separavit, egrediens propriam cognationem, terram ac domum, ideo primus circumcissionem accepit. Hanc enim causam assignat Apostolus ad Romanos : Signum, inquit, accepit circumcisionis, signaculum iustitiæ fidei. Et ut protestatio unitatis divinæ, fidesque Abrahæ in cordibus Iudæorum firmaretur, data est eis lex circumcisionis, quemadmodum in Genesi scribitur : Erit pactum meum in carne vestra in fœdus æternum. Fiebat vero circumcisio die octavo quoniam puer est ante valde tenellus. Nam et animalia non offerebantur ante diem octavum. Ratio autem litteralis circumcisionis est, quia figuravit ablationem corruptionis factam per Christum, quæ in octavo die, videlicet resurgentium statu, complebitur, quando mortale hoc induet immortalitatem. De hac spirituali circumcisione ait Apostolus : Circumcisi estis in Christo, circumcisione non manufacta in expoliatione corporis carnis, sed in circumcisione Domini nostri Jesu Christi.

Similiter ratio litteralis agni paschalis, erat commemoratio beneficii liberationis ex Ægypto. Ratio quoque litteralis, cur edendo agnum paschalem comedeant azymos panes, quasi non habentes tempus fermentandi, et assum igni, per quem cibus velocius preparatur, et quod os non comminuerent ex agno, fuit ipsa festinantia, qua compellentibus Ægyptiis festinanter egressi sunt. Et ob rationem eandem accingebant renes, habentes calceamenta in pedibus, tenentes baculos in manibus : quæ omnia eos concernunt qui sunt in

promptu itineris. Unde in una domo agnum edebant, quia non eis vacabat mittere invicem partes. Per lactucas quoque agrestes signabatur amaritudo, quam passi fuerant in Ægypto. Mystice autem per immolationem agni paschalis, figurabatur oblatio Christi, ut ait Apostolus : Pascha nostrum immolatus est Christus. Ipse enim verus est Agnus, qui abstulit peccata mundi. Sanguis vero agni, qui liniebatur in superliminaribus domorum, significat fidem mortis et sanguinis Christi in corde et ore fidelium, qua liberantur a potestate diaboli. Quod etiam carnes agni comedeantur assæ igni, designat esum Christi in specie sacramenti, qui pro nobis tribulationem mortis, quæ significatur per ignem, ex igne divini amoris sustinuit. Comedeantur vero carnes agni cum azymis panibus, ad figurandum puritatem conversationis fidelium, Christi corpus sumentium, sicut monet Apostolus : Epulemur in azymis sinceritatis et veritatis. Lactucæ vero agrestes designant penitentiam peccatorum, quæ communicantibus necessaria est. Accingendi quoque sunt renes virtute castitatis. Calceamenta vero pedum, sunt mortuorum patrum exempla. Baculi autem qui tenebantur in manibus, pastorem curam designant. Et unitas domus in qua agnus erat edendus, unitatem importat catholicæ et orthodoxæ Ecclesiæ, in qua Christi veneranda sacramenta sumenda sunt.

Denique quedam novæ legis sacramenta, sed non omnia, habebant in veteri Testamento sacramenta sibi correspondentia, et se figurantia : ut Baptismus circumcisionem, Eucharistia agnum paschalem, Pœnitentia omnes purificationes legales, Ordo consecrationem pontificum. Sacramentum vero Confirmationis, quia est sacramentum plenitudinis gratiæ, non habebat in lege antiqua sacramentum sibi correspondens. Nondum enim advenit tempus plenitudinis gratiæ Dei : et teste Apostolo, Nihil ad perfectum adduxit lex. Similiter Unctio extrema, quum sit immediata preparatio ad introitum gloriæ, cuius aditus per Chri-

*Exod. xxx,*  
*19. Num,*  
*viii, 7.*

*Gen. xvi,*  
*11.*  
*Rom. iv, 11.*

*Gen. xvii,*  
*13.*

*Ibid. 12.*

*Exod. xxi,*  
*30.*

*1 Cor. xv,*  
*54.*

*Coloss. ii,*  
*11.*

*Exod. xii, 8.*

*Ibid. 46.*

*Ibid. 11.*

*Exod. xii, 4.*

*Ibid. 8.*

*1 Cor. v, 7.*

*Exod. xii, 7.*

*1 Cor. x, 8.*

*Galat. iv, 4.*

*Hebr. xii,*  
*19.*

stum primo patefactus est, non habebat in A lege veteri sibi correspondens sacramentum. Matrimonium autem fuit in veteri lege, prout est officium naturæ, non prout est sacramentum Christi atque Ecclesie. Nam tunc dabatur libellus repudiî, quod est contra rationem sacramenti.

Cultus vero Dei est duplex, videlicet interior, in mentis devotione consistens : et hunc impediabant facta quibus homines pollui dicebantur, ut idololatria, homicidium, adulterium, etc., a quibus purificabantur per sacrificia : non quod sacrificia B illa carnalia vim expiandi peccata haberent, sed quia signabant expiationem per Christum futuram, cujus participes fiebant antiqui, protestando fidem Redemptoris in sacrificiorum suorum figuris. A cultu autem Dei exteriori, qui in sacrificiis oblationibusque consistit, impediabantur homines per corporales immunditias, scilicet lepram, cadaver, contactum immundi, fluxumque seminis. Pretiosas etenim res non solent contingere qui immundi sunt. Et sic ad reverentiam cultus divini pertinuit, C quod propter tales immunditias homines a divinis separabantur : etiam ideo, quatenus ex raro ad divina accessu, magis reverenter accederent dum liceret, semperque sacramenta illa magis honorarent. Omnes vero immunditiæ tales corporales, purificabantur per aquæ adspersionem ; sed quæ majores exstiterant, aliquibus sacrificiis expiabantur.

Spiritualis autem ratio horum fuit ex eo, quod prædictæ immunditiæ varia peccata figurabant. Nam lepra, quum sit contagiosa, et diversorum colorum apparentiam habens, designat hæreticorum doctrinam, quæ serpit ut cancer, et veris falsa commi- II *Tim.* II, 17. seet. Per immunditiam quoque ex contactu immundi, signatur consensus in peccatum alterius : propter quod dicit Apostolus, II *Cor.* VI, 17. Exite de medio eorum, et separamini ab eis, et immundum ne tetigeritis, id est culpam alterius per consensum. Erat in- *Lev.* XII, 17 et seq.; *XIV*, 34 et seq. super immunditia quedam rerum inanimatarum, ut lepra domus et vestis. Sicut

enim ex corruptione humorum et putrefactione oritur lepra in corpore animalis, sic propter corruptionem atque excessum humiditatis vel siccitatis fit interdum corrosio in lapidibus domus seu vestibus, quam Scriptura lepram appellat, quia omnis corruptio ad immunditiam pertinet. Et quia gentiles contra talem corruptionem deos sibi ponebant atque colebant, ideo lex jussit domum in qua esset lepra perseverans, destrui, et vestem comburi, quatenus idololatriæ tolleretur occasio. Simili ratio- *Lev.* XIII, 52; *XIV*, 45. ne fuit quedam immunditia vasorum quorundam. Figuraliter vero per lepram domus, signatur impuritas congregationis hæreticorum. Per vas quoque non habens cooperculum, figuratur homo non habens taciturnitatis velamen, nec disciplinæ censuram, qui est velut urbs patens et absque muris, inimicorum suorum jaculis patens. *Prov.* XXV, 28.

Offerebatur etiam vacca rufa in memoriam, detestationemque peccati adorationisque conflatis vituli, et immolabatur extra castra propter detestationem illius peccati. Ubi cumque vero fiebat oblatio pro peccato multitudinis, totum eremabatur extra castra, in signum remissionis omnium peccatorum. Et ideo sacerdos digitum intinxit in sanguine, adspargens septies contra fores sanctuarii : septenarius enim numerus totalitatem, perfectionemque significat. Per vaccam autem rufam signatur Christus secundum infirmitatem assumptam, ejus sanguinem color vaccæ figurat. Eratque vacca ætatis integræ, quoniam omnis Christi actio est perfecta : sine macula, et quæ non portavit jugum, quoniam Christus peccati jugo subiectus non fuit. Tradebatur quoque Eleazaro sacerdoti : nam Christus manibus summi sacerdotis tradebatur jam occidendus. Immolabatur etiam extra castra : Christus enim extra portam crucifixus est. Omnia vero quæ ad Christi incarnationem respiciunt, sunt igne eremanda, id est spiritualiter intelligenda. Sacerdos vero qui obtulit vaccam, et qui eam combussit, et qui cineres ejus collegit, immundus fuit usque ad vesperam : quia Ju- *Num.* XIX, 7-11. *Hebr.* XII, 11, 12.

*Deut.* XXIV, 1. *Matth.* XIX, 7-9.

*Lev.* XI, 24 et seq.; *XIII*, 15.

*Ibidem.*

II *Tim.* II, 17.

II *Cor.* VI, 17.

*Lev.* XII, 17 et seq.; *XIV*, 34 et seq.

*Lev.* XIII, 52; *XIV*, 45.

*Num.* XIX, 13.

*Prov.* XXV, 28.

*Num.* XIX, 2 et seq.

*Lev.* IV, 13-21.

*Hebr.* XII, 11, 12.

*Num.* XIX, 7-11.

dæi ex occisione Christi culpabiles et im- mundi effecti sunt usque ad finem sæculi, quando reliquæ Israel convertentur. Cinis enim vacce combustæ collectus, ponebatur in aqua, et sic per adspersionem mundavit : quia virtus passionis Christi aquis Baptismatis vim regenerativam donavit.

*Num. xix, 9.*

*Lev. xvi, 3, 5 et seq.*

*Ibid. 21.*

*Rom. viii, 3.*

*Is. lvi, 8.*

*1 Petr. ii, 21*

Sacerdos vero obtulit primo pro se ipso vitulum pro peccato, in commemorationem peccati Aaron in conflatione vituli aurei : arietem quoque in holocaustum, in signum principatus sui super populum : aries enim est ovium ductor. Deinde immolavit pro populo hircos duos : Unum pro peccato multitudinis : quum enim sit hircus vile ac fœtidum animal, peccatorum sordem et abominationem expressit. Alter vero hircus ducebatur in desertum, quasi deferens effectum sacrificii immolati : scilicet peccata populi, pro quibus prior hircus erat occisus, designans dimissa : pro quibus ipse quasi penam exsolvit, dum in deserto relictus, devorabatur a bestiis. Mystica autem horum ratio fuit : nam Christus designatur per vitulum, propter virtutem : per arietem, propter principatum : per hircum, propter similitudinem carnis peccati. Christus enim immolatus est pro omnium culpis delendis. Et quia in hora passionis divinitas humanitatem quasi reliquit, solitam influentiam subtrahens, idcirco per hircum ad deserta tendentem ipsa signatur.

Denique legis præcepto leprosi munda- bantur, id est, mundati ostendebantur. Pri- mo enim leprosus purificabatur per hoc, quod mundus a lepra iudicabatur. Secundo autem purificabatur per hoc, quod huma- no consortio, cultuique divino restitueba- tur post dies septem. In prima vero puri- ficatione obtulit leprosus mundandus duos passerres vivos, contra insensibilitatem ear- nis leprosæ; lignum cedrinum, contra ejus putredinem (cedrus enim est imputribilis arbor) : hyssopum, quæ odorifera herba est, contra lepræ fœtorem ; vermiculum quoque, qui est vivi coloris, contra deformem ejus adspectum. Unus vero passer

avolare permittebatur in agrum, quia le- prosus redibat ad pristinum statum die octavo, rasis pilis et vestibus, quæ infici solent per lepram ; postmodum offereba- tur sacrificium pro peccato, nam lepra frequenter propter peccatum inducitur. Tingebaturque extremum auriculæ ejus qui fuit mundandus, manus quoque dextræ et pedis, quia in his partibus lepra primo di- gnoscitur atque sentitur. Addebantur etiam ritui huic tres liquores, videlicet sanguis contra sanguinis corruptionem, oleum ad designandum ejus sanationem, vinum ad emundandum spurcitiam. Figuralis vero horum ratio est : nam per duos passerres, Christi divinitas signatur atque humani- tas. Unus ergo passer super aquas vivas offertur, quia Christi humanitas passa est, et merito suæ mortis, aquæ Baptismi vir- tutem mundandi distribuit. Alter autem passer dimittitur, quoniam Christi divini- tas passioni non subdebatur.

In institutione præterea ministrorum al- taris, tria fiebant. Primo enim purifica- bantur, secundo consecrabantur, et tertio cultui Dei applicabantur. Communiter au- tem omnes purificabantur per aquæ ablu- tionem et sacrificia quædam : sed Levitæ specialiter omnes corporis sui pilos rade- bant. Sacerdotes vero atque pontifices post abluionem induebantur specialibus vesti- mentis, ad eorum dignitatem demonstan- dam spectantibus. Sed pontifex specialiter oleo unctionis ungebatur in capite, quia ab ipso derivabatur consecrandi potestas ad alios. Levitæ quoque aliam non habe- bant consecrationem, nisi quod Domino offerebantur a populo per manus pontifi- cis, ejus fuit pro eis offerre. Sacerdotum autem minorum solæ manus consecraban- tur, quia erant divino cultui applicandæ. Et de sanguine sacrificii tingebatur extre- mum auriculæ dexteræ eorum, quatenus verbis legis auditis, protinus obedirent ; pollices quoque manus ac pedis dexteri, quatenus agiles essent exsequendo divina. Ratio autem figuralis istorum est : nam qui ad Christi ministerium consecrantur,

*Num. xiii, 6 et seq.*

*Exod. xxix, 7.*

*Num. xiii, 13.*

*Exod. xxix, 20.*



primo ablundi sunt aquis Baptismatis. De-  
bent et pilos radere, id est, omnes cogita-  
tiones malas abjicere; deinde, ornari san-  
ctimonia vitae, et ungi Spiritu Sancto et  
oleo ejus, ac per hoc esse idonei ad spi-  
ritualia Christi obsequia. Impediebantur  
quoque in veteri lege a ministerio templi,  
propter corporales defectus, ne videlicet  
ministri templi propter defectum foris ap-  
parentem, contemnerentur, sique divina  
aliquo modo vilescerent in cordibus po-  
puli. Voluit namque Deus in reverentia  
eos haberi: propter quod specialem eis  
decorem disposuit in consecratione et ves-  
tibus; ordinans etiam, ut non admitter-  
rentur ad ministerium templi, nisi ex una  
progenie, ut secundum successionem pro-  
sapiae, posterius elariorum venerabilioresque  
essent.

Advertendum vero quod pontifex octo  
ornamenta habuit, per quae dispositio or-  
bis terrarum secundum aliquos figuratur,  
quemadmodum in libro Sapientiae dicitur:  
In veste Aaron descriptus erat orbis terra-  
rum, ut ostenderetur pontifex esse Creatoris  
mundi minister. Primo ergo habebat li-  
neam vestem, per quam terra exprimitur,  
de qua linum producit. Secundo habebat  
tunicam hyacinthinam, in cujus inferiori-  
bus dependebant tintinnabula per circui-  
tum et mala punica. Haec tunica quum sit  
coloris aerei, significat aerem; tintinna-  
bula vero designant tonitrua; et mala gra-  
nata, coruscationes ac fulgura. Tertio ha-  
buit superhumerali, quod erat ex auro,  
hyacintho, purpura, coccoque bis tineto, et  
byssu retorta. Super humeros quoque ha-  
bebat duos onychinos lapides, in quibus  
sculpta exstiterant nomina filiorum Israel.  
Humerali, propter suam varietatem, desi-  
gnat caelum stellatum; duo onychini, duo  
hemisphaeria, vel solem ac lunam. Quarto  
habebat rationale quadratum, quod pone-  
batur in pectore, et erat conjunctum su-  
perhumerali. Fueruntque in rationali duo-  
decim gemmae, in quibus scripta erant  
nomina duodecim filiorum Israel, ad insi-  
nuandum quod pontifex onus totius populi

A super se ferret; et portavit nomina ista in  
pectore, quatenus de populi salute jugiter  
meditaretur in corde. Praecipit quoque Do-  
minus poni in rationali Doctrinam et Veri-  
tatem, quia aliqua ad justitiam et eruditio-  
nem spectantia, scribebantur in rationali.  
Judaei tamen fabulantur fuisse in rationali  
lapidem quemdam, qui secundum diversos  
variabatur colores, secundum diversa quae  
debeant accidere filiis Israel. Per duode-  
cim gemmas rationalis, signantur duode-  
cim signa Zodiaci quae erant in rationali,  
B quoniam rationes inferiorum in celestibus  
continentur. Quinto habebat balteum ex  
praedictis compositum, quo designatur Oce-  
anus terram cingens et ambiens. Sexto ha-  
bebat tiamam vel cidarim, quae figurat coe-  
lum empyreum. Septimo habuit laminam  
auream in fronte pendentem, et nomen  
Domini conservantem, quae signat Deum  
omnibus praesidentem. Octavo habebat fe-  
minalia linea. Horum octo ornamentorum  
minores sacerdotes quatuor utebantur, vi-  
delicet tunica linea, feminalibus, tiara ac  
C balteo.

Figuraliter autem per corporales Levita-  
rum defectus signantur peccata, quibus  
sacerdotes carere oportet. Prohibetur nam-  
que ne sacerdos sit caecus, id est indoctus;  
ne sit claudus, id est inconstans; grandi  
vel parvo aut torto naso, id est indisere-  
tus (nasus enim odores discernit); ne sit  
fracto pede vel manu, id est piger atque  
inagilis; ne sit gibbosus, id est terrena  
nimis desiderans; ne sit lippus, id est in-  
tellectum carnali affectu obtenebratum ha-  
bens; ne habeat maculam in oculo, id est  
praesumptionem sanctitatis in corde, ne  
habeat jugem scabiem, id est petulantiam  
carnis; ne habeat impetiginem, id est ava-  
ritiam; ne sit herniosus, id est pondero-  
sus, utpote turpitudinis pondus gestans in  
corde, quamvis non exerceat nec exsequa-  
tur in opere.

Porro per ornamenta signantur ministro-  
rum Dei virtutes, quibus potissimum opor-  
tet sacerdotes ornari. Per feminalia enim  
exprimitur castitas; per tunicam lineam,

Lev. xxi,  
17 et seq.

Exod.  
xxviii, 3 et  
seq.

Sap. xvi,  
24.

Exod.  
xxviii, 3 et  
seq.

puritas vite: per cingulum, discretionis A moderatio: per tiam caput tegentem, intentionis rectitudo atque sinceritas. Ultra hæc autem debent pontifices quatuor speciali modo habere, videlicet jugem Dei memoriam divina contemplando, quod significatur per auream laminam, nomen Domini habentem, atque in fronte pendentem: secundo, tolerantiam piam infirmitatum vitiorumque populi, quod superhumeralis designat: tertio, sapientiam cordis

per sollicitudinem caritatis, quod rationale significat: quarto, conversationem celestem per opera perfectionis, quod tunica hyacinthina figurat: in ejus extremitate pendent tintinnabula aurea, quia pontifices sonare, fulgereque debent divinorum doctrina. Per mala quoque punica, unitas pacis et vera designatur concordia: quam nobis præstare dignetur Deus largitor pacis, et amator caritatis Dominus noster Jesus Christus.

## ARTICULUS VII

### DE OBSERVANTIIS, OBSERVANTIARUMQUE CAUSIS VETERIS LEGIS.

**C**USTODITE spiritum vestrum, et nolite contaminare animas vestras; sed estote perfecti, incedentes sine querela in omnibus justificationibus Domini Dei vestri. Hæc est enim voluntas Dei, sanctificatio vestra. Estote igitur sancti, sicut et Pater vester celestis. Malach. ii, 15; Levit. xi, 43; Luc. i, 6; I Thess. iv, 3; Matth. v, 48.

Jam de rationibus sacrificiorum atque sacrorum ac sacramentorum veteris legis utrumque sermo expletus est. Nunc vero de observantiis, observantiarumque causis dicendum est. Dictum est enim, quemadmodum ad caerimonialia veteris legis præcepta quatuor ista pertineant. Ostensum est autem, ea quæ divino cultui mancipantur, speciali oportere sanetitate ac dignitate pollere, sicut de vasis et vestibus sacris ac templo innotuit. Quoniam ergo populus ille Hebræus, et præsertim Leviticus, divino fuerat cultui deputatus, idcirco in eorum conversatione aliqua observabantur, quæ ad divini cultus congruentiam attinent in cibis et potibus. Harum autem observantiarum una est ratio literalis, secundum relationem earum et convenientiam ad cultum divinum pro tempore illo.

Secunda est ratio figuralis ac mystica, eo quod omnia in figura novæ legis et Christi eis contingerint. I Cor. x, 11.

Litteraliter ergo loquendo, quidam cibi eis prohibiti sunt, non quasi essentialiter immundi et mali, aut animam per se maculantes, quum (teste Apostolo) omnis creatura Dei sit bona, nihilque sit rejiciendum quod cum gratiarum actione percipitur: sed erant cibi tales immundi, propter corporalem immunditiam vel corruptionem, aut disproportionem ad vitam humanam. Quædam etenim eis erant prohibita, quia ex rebus immundis aluntur, ut porci: vel quia immunde conversantur, ut animalia subterranea, scilicet talpæ et mures: vel quia ob superfluum humiditatem aut siccitatem corruptos generant humores in humanis corporibus, sicut leo. Animalia vero ungulam unam non fissam habentia, sunt eis prohibita propter terrestritatem eorum. Similiter animalia, multas in pedibus fissuras habentia, quum nimis cholericæ sint atque adusta, ut carnes leonis. Prohibita quoque sunt eis aves quædam rapaces, quum sint nimis siccitatis: et aves quædam aquaticæ, quum sint nimis humiditatis. Animalia vero ruminantia, ungulam

Lev. xi,  
Deut. xiv, 7,  
8, 10, 12-19.

que findentia, sunt eis ad manducandum concessa. Sunt enim medie complexionata, et habent humores bene digestos. Nam quod non sunt nimium humida, testantur ungulae: quod autem non sunt nimis terrestria, patet ex hoc quod non habent continuam ungulam. In piscibus demum concessi sunt eis pisces sicciore, squamas pennulasque habentes, per quas fit moderata complexio piscium. Aves etiam magis temperatae, sunt eis concessae, ut gallinae et perdices. Alia horum ratio, exstitit detestatio idololatriae. Gentiles namque, praesertim Aegyptii, inter quos erant Judaei nutriti, animalia quae Judaeis ad edendum concessa sunt, non manduebant, sed ut deos colebant, ut ovem et bovem. Aliorum vero quae Judaeis prohibita fuerant, aliqua comedebant. Generaliter vero prohibitus

Lev. xvi,  
10, 14. Deut.  
xv, 16; xv,  
23.

eis fuit sanguinis esus, quatenus crudelitatem, humanique sanguinis effusionem horrerent; et quia idololatrae sanguinem immolatorum colligebant, et circa eum edebant: propter quod Dominus jussit sanguinem effundi, et pulvere operiri. Eadem ratione non licuit eis comedere suffocata et strangulata, quoniam sanguis eorum non separatur ab ipsorum corporibus; vel quia in tali morte animalia multum affliguntur, ideoque voluit eos Dominus a tali crudelitate arcere circa bestias, quatenus invicem misericordes consisterent. Adeps autem eis prohibitus fuit, quia idololatrae adipem comederunt in suorum honore deorum, et quia cremabatur ad Dei honorem; et quia adeps ac sanguis non generant bonum nutrimentum, ut adstruit Rabbi Moyses.

Lev. xiv,  
26.

Ibid. iii, 17.

Porro ratio figuralis istorum est: nam per animalia prohibita designantur, secundum Augustinum, quaedam peccata vitanda. Animal ergo quod ungulam findit ac ruminat, mundum fuit: quoniam ungulae fissae, distinctionem designant duorum Testamentorum, vel Patris et Filii, vel duarum naturarum in Christo, discretionemque boni et mali. Ruminatio autem significat meditationem Scripturarum, et altum intellectum earum: cuiusque vero aliquid

horum deest, spiritualiter immundus est. Pisces quoque habentes squamas et pennulas, mundi erant: quia per pennulas contemplatio, per squamas signatur aspera poenitentialisque vita.

Deut. xiv, 9.

In aquila vero, quae alte volat, prohibetur superbia. In grypho, qui equis atque hominibus molestus est, prohibetur potentium crudelitas. In haliaeto, qui minimis pascitur avibus, signantur qui pauperibus graves sunt. In milvo, insidiis utente, figurantur fraudulentum. In vulture, qui exercitum sequitur ut eadavera devoret occisorum, significantur, qui amore lucri hominum necem discordiamque procurant. Per corvos, qui voluptatum libidine denigrantur. Per struthionem, qui quamvis sit avis, volare tamen non valet, sed terrae adhaeret, designantur homines, qui licet sint rationales. Deo tamen non militant, sed saecularibus implicantur negotiis. Per nyctioracem, qui in die non videt, sed nocte, signantur qui in temporalibus sunt acuti, in spiritualibus autem obtusi. Larus vero eos figurat qui circumcisionem et Baptismum simul honorant. Per accipitrem significantur qui potentibus causa praedandi deserviunt. Per bubonem, qui in die latet et nocte vagatur, luxuriosi signantur. Per mergulum, qui sub aquis diu moratur, gulosi, qui se in aquis deliciarum demergunt. Per ibidem, rostrum longum habentem, et ex serpentibus pastum quaerentem, signati sunt invidi, qui ex aliorum malis quasi ex serpentibus reficiuntur. Per cyenum candidi coloris, longique colli, signantur hypocritae, qui per apparentis nitorem iustitiae terrena luera conquirunt. Per onocrotalum, qui est avis orientis, longum rostrum habens, atque in faucibus folliculos, in quibus primo cibum reponit, quem post horam in ventrem transmittit, figurantur avari, qui temporalia nimia diligentia cumulant. Per porphyrionem, qui praeter aliarum avium modum, habet unum pedem latum ad natandum, alium fusum ad gradiendum, in aquis natans, terraque ambulans, qui solo morsu bibit, et omnem

II Tim. ii,  
1.



cibum aquis intingit : illi signantur qui secundum aliorum voluntatem nil agere volunt, sed solum secundum proprii affectus inclinationem. Per herodionem, qui faleo vocatur, significantur, quorum pedes veloces sunt ad sanguinis effusionem. Per charadriion, quæ avis est garrula, figurantur loquaces. Per upupam, in stercorebus nidificantem, quæ pascitur limo, et in cantu gemitum simulat, designantur tristes tristitia sæculi, quæ mortem operatur. Per vespertilionem in basso volantem, signantur qui sola terrena appetantur.

Circa volatilia vero quadrupedia concedebantur Judæis ea dumtaxat, quæ posteriora crura habent longiora, ut queant salire. Alia autem quæ terræ magis adherent, prohibebantur : quia qui quatuor Evangeliorum doctrina abutuntur, immundi reputantur. Inter plantas vero non est facta distinctio : quoniam usus plantarum ante diluvium fuit. Usus autem carnium postea videtur inductus, magisque ad curiositatem atque delicias, quam ad necessitatem pertinet vitæ. Et ergo volens Deus populum suum ad simpliciores reducere victum, animalia multa prohibuit.

Jussit quoque Dominus, ne coquerent hœdum in lacte propriæ matris : quia hoc facere, ad crudelitatem pertinet ejus qui coquit. Lactis namque matris, ad alimentum, non ad consumptionem sobolis ordinatur. Vel, quia gentiles hœdum in lacte matris coquere consueverunt. Figuraliter autem per hoc significatur, quod Christus qui signatur per hœdum propter similitudinem carnis peccati, non erat coquendus, hoc est occidendus, in lacte matris suæ, id est tempore suæ infantie. Rursus, quia gentiles primitivos fructus fortunatos, et diis suis offerendos putabant, præcepit Dominus populo suo, ut trium primorum poma annorum reputarent immunda, quarti vero anni poma Deo offerrent, tanquam primitias fructuum, quinto autem anno ipsi vescerentur ex eis, et deinceps. Spiritualiter autem per ista signatur, quod post tres status sub lege, scilicet post Abraham,

et transmigrationem Babylonis, erat Christus Deo offerendus, ex cujus nos deinceps sacramentis reficimur. Prohibuit etiam Dominus, ne uterentur vestimentis ex lana ac lino contextis, quia hujusmodi utebantur idololatræ : et ne vir indueretur veste feminea, vel e contra, quia in sacris Martis, mulieres utebantur vestimentis virorum, et in sacris Veneris viri induebantur vestibus feminarum. Ratio autem spiritualis est : nam per vestem simplicem innocentia designatur. Mulier quoque docendi officium usurpare non debet.

Quamvis vero, teste Apostolo, non sit Deo cura de bobus, videlicet quia non curat nec exigit, quid homo circa ea agat ex affectu rationis : Omnia enim subiecit sub pedibus ejus : curat tamen Deus quomodo homo se habet ad bruta, quantum ad affectum passionis. Voluit igitur Dominus, ut circa brutorum pœnas essent compatiētes, quatenus ita assuescerent misereri atque succurrere proximis. Ideoque prohibuit alligari os bovi trituranti, et matrem eum pullis occidi. Vel in detestationem idololatriæ. Reputabant enim Egyptii nefas, bovem comedere ex frugibus terræ. Simili ratione prohibuit diversorum animalium commixtiones : talibus namque utebantur Egyptii in obsequium planetarum, qui secundum conjunctiones diversas, varios sortiuntur effectus : etiam ad tollendam occasionem libidinis vitiique contra naturam. Unde Rabbi Moyses narrat fuisse traditum in traditionibus Judæorum, quatenus oculos suos averterent ab animalibus tempore commixtionis. Spiritualiter autem non debemus tenere matrem cum filiis, hoc est litteralem sensum eum spirituali : sed et bovi trituranti, id est prædicatori verbi divini, non est os alligandum, hoc est necessaria vitæ tollenda. Prohibuit insuper Dominus populo sibi peculiari, ne simul ararent in bove et asino : sic enim Egyptii in venerationem diversæ conjunctionis stellarum arabant. Ratio autem figuralis est : nam in prædicatione

*Ps. xiii, 3.*  
*Rom. iii, 15.*

*II Cor. vii, 10.*

*Lev. xi, 21.*

*Exod. xxi, 19.*  
*Deut. xiv, 21.*

*Lev. xix, 23-25.*

*Deut. xxii, 14.*

*Ibid 5.*

*I Cor. xiv, 34.*

*Ibid. ix, 9.*

*Ps. viii, 8.*

*I Cor. ix, 9.*  
*Deut. xxv, 4.*  
*Ibid. xxii, 6, 7.*

*Lev. xix, 19.*

*Deut. xxi, 10.*

divina, fatuus, qui designatur per asinum A propter hebetudinem sensus, non est sociandus bovi, id est viro utili atque perito.

Præcepit quoque Dominus, ne sacerdotes minores, qui certis temporibus ministrabant in templo, ingrederentur ad omnem mortuum, nisi ad patrem ac matrem et valde propinquos, ne contaminarentur: et hoc, ad excludendum idololatriæ cultum. Sacerdotes etenim idolorum, in ritibus suis ossibus mortuorum et carnibus utebantur. Pontifex vero, quoniam semper paratus es-

se debebat ad cultum divinum, ad nullum mortuum ingredi potuit. Mandavit quoque Dominus ne barbam caputque raderent, aut carnem suam vel vestem inciderent. Omnia enim talia sacerdotes gentilium faciebant. Spiritualiter autem ratio horum est: quoniam sacerdotes ab operibus mortuis, id est peccatis, esse debent immunes; nec debent radere caput, id est deponere sapientiam, vel barbam, hoc est scientiæ perfectionem, nec vestem aut carnem incidere, id est schismaticis consentire.

Lev. xxi. 11.

Ibid. 5.  
Ezech.  
xlii. 20.

## ARTICULUS VIII

DE PRÆCEPTIS JUDICIALIBUS VETERIS TESTAMENTI AD PRINCIPES AC POPULAREM CONVICTUM PERTINENTIBUS.

**HÆC** sunt præcepta atque judicia, quæ constituit Dominus per Moysen, inter se et filios Israel. Lev. xxvi. 45.

Judicialia veteris legis præcepta dicuntur, quæ moralia præcepta legis divinæ ordinant atque determinant, quantum ad conversationem hominum mutuam: quemadmodum illa præcepta caerimonialia appellantur, quæ præcepta moralia divinæ legis determinant, quantum ad cultum divinum exteriorem, colendique modum, ut ante latius demonstratum est. Ordinatio autem humanæ vitæ, sine principe esse non potest ac iudice, qui sit justitiæ custos, et velut quædam animata justitia, ad quam subiecti in omni necessitate recurrant. Sunt vero quatuor species principatus, secundum Philosophum, quorum præcipuus dicitur regnum, in quo unus regnat secundum virtutem et æquitatem. Et aristocratia, in qua multi boni principantur, unusque virtuosus omnibus præsidet: et talis principatus ad omnes quodammodo pertinet. Nam principantes ab omnibus eliguntur, et ex omnibus eligi possunt.

Talis vero fuit principatus sub veteri le-

ge, secundum ordinationem divinam. Moyses namque successoresque ejus præerant populo, tanquam singulariter omnibus dominantes: quod est quædam species regni. Eligebantur quoque seniores secundum virtutem, ut principarentur sub ipso, et singuli proprium exercebant officium, sicut in Deuteronomio ait Moyses: Tuli de tribubus vestris viros sapientes et nobiles, constituique eos vobis principes. Et hoc ad speciem principatus quæ aristocratia dicitur, pertinet. Sed democratiam concernit, quod tales de omni populo eligebantur, sicut in Exodo legitur: Provide de omni populo viros sapientes. Et ad hoc pertinet, quod populus eos elegit. Nam in Deuteronomio dicitur: Date ex vobis viros sapientes. Optima ergo fuit ordinatio legis, quantum ad principes. Advertendum tamen, quod Dominus institutionem summi principis non dedit populo, sed sibi retinuit. Populus enim Judaorum sub Dei speciali cura regebatur. Propter quod in Deuteronomio scribitur: Te elegit Dominus Deus tuus, ut sis ei populus peculiaris. Et ergo Moyses moriturus, pro consti-

Deut. i. 15.

Exod. xviii, 21.

Deut. i. 13.

Ibid. vii. 6.

Exod.  
xviii, 25, 26.

tutione summi principis Deum deprecans. A dicit : Provideat Dominus Deus spirituum universæ carnis, hominem qui sit super multitudinem hanc. Sicque per electionem divinam ordinatus est Josue. De singulis quoque iudicibus qui post Josue erant, legitur quod Dominus suscitavit populo salvatorem, et quod spiritus Dei erat in ipsis. Unde electionem regis non commisit Dominus populo, sed sibi servavit, quem admodum in Deuteronomio dicitur : Eum constitues tibi regem, quem Dominus Deus tuus elegerit.

Quamvis autem optima gubernatio populi sit ut per regem regatur (tale enim regimen, propter unitatem regentis, demonstrat potissime regimen divinum, quo unus Deus mundum gubernat), lex tamen non concessit eis regem a principio cum plenaria potestate, sed iudicem : quoniam regnum, propter magnam potestatem regi concessam, de facili in tyrannidem vertitur. Magna enim potestate bene uti, perfectorum est. Quia ergo Judæi crudeles avarique fuerant, facillime ad tyrannidem declinare poterant. Ad vitandum ergo periculum, non concessit eis Dominus regem. Postea vero quasi indignans regem concessit, quemadmodum ad Samuelem dicit :

1 Reg. xiii, 7. Non te abjecerunt, sed me, ne regnem super eos. Instituit tamen ut circa regem

Deut. xvi, 15. eligendum exspectarent divinum iudicium, et ne facerent regem alterius gentis. Tales namque parum affici solent populo cui

Ibid. 16 20. præficiuntur. Ordinavit quoque ne rex multiplicaret currus et equos, uxores atque

divitias : talia enim occasionem præbent relinquendi justitiam. Instituit etiam ut legem cogitaret quotidie, in Dei timore et obedientia perseverando, et ne per superbiam tumens subiectos contemneret sive opprimeret. Divisio autem regni Israelitici in pœnam a Deo inducta est, quia frequenter contra regnum David injuste litigabant. Ideo per Osee Dominus ait : Dabo tibi regem in furore meo. Et iterum :

Osee xiii, 11.

Ibid. xiii, 1. Ipsi regnaverunt, et non ex me. Quod vero primo Regum habetur, Hoc erit jus regis

qui imperaturus est vobis, Filios vestros 1 Reg. xiii, 11. tollet, ad tyrannidem pertinet, nec divina institutione sancitum est. Sed prædicatur usurpatio regum, qui potestate abutentes, ad crudelitatem flectuntur. Potest tamen rex absque tyrannide filios populi tollere, eosque tribunos et centuriones constituere, ac multa a populo exigere, propter procurandum bonum commune.

Denique, secundum Augustinum, populus est cœtus multitudinis, juris conservatione\* et utilitate virtutis sociatus, videlicet ut communicatio hominum mutuo justis præceptis ordinetur. Communicatio autem hominum una, fit auctoritate principum : alia vero, propria voluntate privatarum personarum. Lex ergo circa utramque communicationem populum Dei sufficienter instituit. Statuit enim iudices, sicut in Deuteronomio legitur : Magistros et iudices constitues in omnibus portis tuis, ut iudicent populum justo iudicio.

\* consensu

Circa possessiones vero optimum est, ut sint distinctæ, ususque earum partim sit proprius possidenti, et partim communis. Lex ergo divina instituit divisionem possessionum, sicut in Numeris legitur : Ego dedi vobis terram in possessionem, quam sorte dividetis. Et ne divisio talis non regulata periret, ordinavit ut pluribus daretur possessio latior, paucioribus autem angustior : ne etiam possessiones in perpetuum vendantur, sed tempore certo ad pristinos possessores reverterentur, ne sortium confunderetur divisio. Propter quod etiam ordinavit ut proximi succederent

D morienti, mulieresque nuberent suæ tribus hominibus. Quia vero possessiones aliquo modo debent esse communes, concede-batur ut unusquisque vineam amici ingres-sus, comedere posset quantum ei sufficeret, dummodo nil secum efferret. Quantum vero ad pauperes, institutum erat ut eis manipuli obliti et fructus, racemi quoque remanentes, relinquerentur. Voluit enim lex ad mutuan dilectionem inducere populum, sicut ait Apostolus : Qui diligit proximum, legem implevit. Dilectio autem

Deut. xvi, 18.

Num. xxxiii, 53, 54.

Lev. xxv, 23, 13. Num. xxxvi, 4.

Ibid. xxxvi, 8-11; xxxvi, 8.

Deut. xxiii, 25.

Ibid. xxiv, 19-21.

Rom. xiii, 8.



est communicativa proprii boni. Et ergo A ut assuescerent sibi mutuo de facili communicare, prædicta instituit. Prohibuit autem lex possessiones vendi in perpetuum, sed solum ad certum tempus : quo finito, redirent ad pristinos dominos, ne eveniret confusio sortium. Regulatio enim et conservatio possessionum, secundum Philosophum, multum est utilis pro communi bono : alias possessiones ad paucos venire valerent. Et ideo, ut ipse refert, statutum fuit in quadam urbe gentilium, ne quis possessionem sine evidenti necessitate de B trimentoque venderet. Concessit tamen lex, ut domus urbanae in perpetuum venderentur : quia sorte distinctae non erant, neque ad numerum certum redactae, sed additio eis fieri potuit.

Ordinavit insuper lex, ut ad mutuum exhibendum prout essent, nec ab hoc anno remissionis propinquante desisterent, nec cum cui mutuassent, usuris gravarent, aut pignus vitae necessarium exigerent : nec mutuata importune velut exactores repeterent, vel domum debitoris intrarent, pignus quærendo seu ad placitum accipiendo ; sed foris starent, et ille eis præberet, quo melius carere valeret. Circa animalia vero mutuata lex statuit, ut si propter negligentiam ejus, cui mutuata fuerant, seu eo absente morerentur, vel debilitarentur ex incustodia sua, reddere teneretur. Sed si eo præsentem et diligentiam adhibentem deficerent, non tenebatur reddere, maxime quando mercede conducta fuerunt. Si vero non essent conducta, potuisset habere justitiam aliquam is qui mutuavit, ut tantum reciperet, quantum usus animalis mortui aut debilitati potuisset conducere. Differt autem depositum a mutuo, quia depositum traditur alteri ad utilitatem deponentis, quatenus sibi tutius conservetur ; mutuum vero, ad utilitatem ejus cui conceditur : ideo ad restitutionem depositi non tenetur homo sicut ad restitutionem mutui in casibus certis. Ex defraudatione tamen depositi periculum maximum imminet. Propter quod vehemens cautela adhibenda est

circa deposita. Dicitur enim secundo Machabæorum : Sacerdotes invocabant de eo-  
lo eum qui de depositis legem dedit, ut  
his qui deposuerunt ea, salva custodiret.  
Et ideo in Exodo habetur, quod in amissione depositi statuitur iuramento ejus, apud  
quem fuit depositum.

Statuit quoque lex, ut mercenariis statim merces daretur, ne necessariis indigerent. Et ut populus in majoribus dubiis et gravioribus causis ad superiorem recurreret judicem, videlicet summum sacerdotem, cujus erat determinare dubia circa caerimonias cultus divini, vel ad regem qui ea determinabat quæ ad judicia hominum pertinent ; sed in minoribus causis et dubiis contenti essent iudicibus, qui per singulas urbes sedebant, nisi illi inter se discrepant et vacillarent ; de quibus omnibus et aliis multis diversae leges judiciales in veteri Testamento datæ sunt atque conscriptæ. Statuit etiam lex, ut in ore duorum vel trium testium staret omne verbum. In humanis enim negotiis haberi non potest certitudo infallibilis et demonstrativa, sed sufficit conjecturalis probabilitas et persuasoria ratio. Est autem verisimile atque probabile, verum id esse, in quo tres, id est duo testes et ille cum quo testantur, vel quatuor, id est tres testes et is pro quo testantur, conveniunt, dummodo in suo testimonio non vacillent, neque aliunde habeantur suspecti, et diligentissime præexaminati concordent. Per duos tamen vel tres testes qui asseruntur idonei, designatur divinarum Personarum, quæ interdum duæ vicissimque tres exprimuntur, immobilis veritas, secundum Augustinum.

Potest autem movere, quum pœna sit secundum culpæ quantitatem taxanda, cur lex jussit pro ove una furata quatuor reddi, sed pro bove uno furato reddi quinque, in aliis vero rebus restitui duplum. Considerandum ergo, quod gravis pœna non semper infligitur propter magnitudinem culpæ, sed etiam propter alias rationes, scilicet ut homines propter pœnam

II Mach. iii, 18.

Exod. xxii, 11.

Lev. xix, 13.

Deut. xxi, 8, 9, Exod. xxiii, 26.

Deut. xxi, 6.

Exod. xxi, 1.

Lev. xxv, 30.

Deut. xx, 7-10.

Exod. xxii, 25, 26.

Lev. xxv, 36, 37.

Deut. xxiv, 10, 11.

Exod. xxii, 10, 15.

terreantur, et terri corripantur: vel quia in peccato est concupiscentia et delectatio magna, propter quam homo a peccato tali non cessat, nisi per maximam pœnam: vel propter facilitatem committendi peccata, et in ipsis latendi. Circa quantitatem vero culpæ est quadruplex gradus. Interdum enim homo committit malum omnino involuntarie, et sic penitus excusatur, ut quum puella violenter opprimitur, quamvis elamet et renitatur. Vel quum peccatum est partim involuntarium, et tamen propter passionem patrat, ut dum ex infirmitate peccatur: tunc enim pœna minuitur secundum divinum iudicium, et item humanum, nisi forte propter aliorum terrorem expediat sic peccantem puniri. Secundus gradus est, dum anima per ignorantiam peccat, non quidem divini præcepti, quod omnes scire debent, sed facti: tunc namque peccatum minuitur. Et ergo per iudices non puniebatur, sed sacrificiis debebatur, quemadmodum in Levitico habetur: Anima quum per ignorantiam peccaverit, etc. Tertius gradus est, quum homo per superbiam, id est ex electione mali, aliquid agit: et tunc pœna secundum quantitatem culpæ infligebatur. Quartus gradus est, dum aliquis ex pertinacia atque protervia peccat: tunc namque tanquam legi rebellis et ejus destructor, occidebatur. Lex autem pensavit in furto id quod frequentius accidit. Pro furto igitur rerum quæ faciliter custodiuntur, ordinavit duplum restitui. Oves vero quia pascuntur in agris, difficulter custodiuntur, ubertimque per furtum subtrahantur: et ideo lex pœnam furti hic auxit, statuens pro ove una furata quatuor reddi; et pro uno bove quinque, quoniam boves difficilius custodiuntur quam oves, quia non pascuntur gregatim quemadmodum oves. Sed si animal sublatum, inventum fuisset vivum apud alium,

non exigebatur nisi duplum: tunc enim æstimari potuit, quod non animo furandi sublatum fuerat, quia occisum non fuit.

Denique, ut Cicero ait, et Augustinus allegat, octo sunt genera pœnarum in legibus: damnum, verbera, vincula, talio, ignominia, exsilium, servitus, et mors. Omnes autem has pœnas lex aliquo modo infligit. In gravioribus enim quibus contra Deum peccatur, ut blasphemia, in homicidio quoque et furto hominum in irreverentia ad parentes, in adulterio atque incestu, mortem corporalem induxit. In aliarum rerum furto adhibuit pœnam damni: in percussuris vero et mutilationibus, et falso testimonio, talionem, quemadmodum scriptum est: Livorem pro livore, dentem pro dente. In minoribus autem infligit flagella et ignominiam, ut in eo qui noluit suscitare semen propinqui. Servitutem vero adhibuit furi, qui non habebat quod redderet, et ei qui in septimo anno qui fuit annus remissionis, liber egredi noluit: pro pœna enim ei tunc rependit, ut in perpetuum in servitute maneret. Exsilium vero lex in toto nulli imposuit, ne si extra populum divino cultui deditum ad idololatrias proficisci cogere-tur, ad idololatriam declinaret. Et ideo David ad Saul dixit: Maledicti sunt qui eiecerunt me hodie, ut non habitem in hereditate Domini, dicentes: Vade, servi diis alienis. Erat tamen particulare legis exsilium, ut dum aliquis ad unam civitatem refugii transiit, et in ea usque ad summi sacerdotis mortem permansit.

Præcepit etiam lex bruta occidi, non propter propriam culpam, sed in pœnam dominorum suorum. Sunt nec minus alia multa judicialia veteris legis præcepta, rationabili causa nequaquam carentia: quia ab eo donata sunt, qui est fons sapientiæ et Verbum Dei in excelsis.

*Deut. xxii,*  
26, 27.

*Lev. iv, 2 et*  
*seq. Num.*  
*xv, 22-29.*  
*Ibid. 30, 31.*

*Deut. xxi,*  
20, 21.

*Exod. xxi,*  
7, 9.

*Ibid. 3.*

*Lev. xxv,*  
16, 17; *xx,*  
9. *Exod.*  
*xxi, 15-17.*  
*Deut. xxii,*  
22.

*Exod. xxi,*  
24, 25.

*Deut. xxv,*  
2, 9.

*Exod. xxiii,*  
3.

*Deut. xv,*  
16, 17.

*1 Reg. xxxi,*  
19.

*Num.*  
*xxxv, 25.*

*Lev. xx,*  
15, 16.

*Ecclesi. i, 3.*

## ARTICULUS IX

DE PRECEPTIS JUDICIALIBUS VETERIS LEGIS AD EXTRANEOS ATQUE DOMESTICOS PERTINENTIBUS.

**J**UDICIA Domini vera, justificata in A semetipsa. Ps. xviii. 10.

Quoniam per legem divinam homines in omnibus congruenter reguntur, ideireo continentur in veteri lege judicialia quædam præcepta, quibus instruebatur populus Dei, qualiter ad extraneos se haberet.

Exod. xxii, 21; xxiii, 9.

Lev. xix, 33.

Deut. xxiii, 7, 8.

Ibid. xxiii, 3, 4.

Exod. xvii, 16.

Deut. xx,

Scriptum est enim in Exodo : Advenam non contristabis; et : Peregrino molestus non eris. Voluit ergo lex, ut ad advenas secum habitantes benigne se haberent, peregrinis vero pacificum transitum per terram suam concederent; volentibus quoque ad Dei cultum ac legem converti, pium præberent assensum. Non tamen statim recipiebantur ut cives, sed sapienti moderamine usa est lex. Statuit namque, ut Ægyptii et Idumæi in tertia generatione ad consortium populi Dei reciperentur, propter affinitatem eorum ad Hebræos. Nam apud Ægyptios nati nutritique fuerant, et Esau pater Idumæorum, frater exstitit Jacob. Ammonitæ vero ac Moabitæ nunquam in consortium civile reciperentur, quia hostiliter se ad ipsos habebant quum egredierentur Ægyptum. Amaleciti quoque quoniam durius se habuerunt contra Judæos quam alii, quasi perpetui hostes haberentur, quemadmodum scriptum est : Bellum Dei erit contra Amalee a generatione in generationem. Ordinavit etiam lex, quomodo se haberent ad hostes, videlicet ut primo civitati pacem offerrent, et postmodum fortiter dimicarent sperantes in adiutorio Dei; et ut in illo magis confiderent, statuit lex, quatenus sacerdos eos moneret, atque divinum sponderet subsidium. Formidolosos autem et alios quosdam lex remitti præcepit.

Veruntamen a cultu Dei et his quæ ad animæ spectant salutem, lex nullum prohibuit, nec aliquem a beatitudine repulit, ut in Exodo patet : Si quis voluerit in vestram transire coloniam, etc. Sed quantum ad temporalia commoda, scilicet civilitatem, prædicta distinctio intelligi debet : quæ tamen dispensationem admisit. Legitur enim in libro Judith, quemadmodum Achior dux filiorum Ammon, appositus est ad populum Dei, et omnis successio ejus propter actum virtuosum quem fecit. Ruth quoque Moabitidis, quoniam mulier erat virtutis, statim ad civilitatem admissa est : licet dici posset, prohibitionem illam extendi dumtaxat ad viros. Spuriis autem, propter vilitatem originis, excluderentur usque ad decimam generationem ab ecclesia Dei, hoc est collegio populi. [Excluderentur] et eunuchi, quibus convenire non potuit honor paternus. In populo enim Judæorum cultus divinus per carnalem progeniem conservabatur. Non autem excluderentur a gratia, sicut in Isaia legitur : Non dicat eunuchus, Ego lignum aridum. Permissum autem erat Judæis, usuras ab alienis recipere, propter pronitatem eorum ad avaritiam, et ut magis tranquilli essent circa extraneos, a quibus lucrum captabant. Quarundam quoque civitatum mares et feminas atque infantes, Deo jubente, occiderunt propter maximam iniquitatem eorum.

Porro domestica conversatio conservatur per duo, videlicet sustentationem vitæ uniuscujusque personæ, et generationem continuam. Sunt ergo in conversatione domestica tres ordines, scilicet domini ad servum, viri ad conjugem, parentis ad prolem. Lex autem divina, quantum ad

Exod. xxi, 48.

Judith xiv, 6.

Ruth iv, 10-13.

Deut. xxiii, 2.

Ibid. 1.

Is. lvi, 3.

Deut. xxiii, 20.

Num. xxxi, 7 et seq.



singulos, congrua dedit praecepta. Jussit A  
*Lev. xxv.* enim servos pie tractari, neque laboribus  
*39, 40, 43.* immoderate vexari, nec mutilari : quod si  
*Exod. xxi.* dominus mutilationem inferret, privaretur  
*26, 27.* suo dominio, et servus liber abiret : ser-  
*Deut. xv.* vum vero Hebraeum septimo anno cum  
*12-14. Lev.* omnibus suis atque viatico debere dimit-  
*xxv, 41.* ti : et idem statuit inter dominam et ancil-  
*Num.* lam. Ordinavit etiam lex, ut feminas ducer-  
*xxvi, 7-10.* rent propriae tribus, ne sortium periret  
*Deut. xxv.* distinctio : et ut homo reciperet conjugem  
*5, 6.* fratris sui sine prole defuncti, suscitaret  
 que nomini ejus semen, quod ejus esset B

per adoptionem, ne ipsius memoria pe-  
 nitus aboleretur. Ne etiam uxores alieni-  
 genas ducerent propter seductionis peri-  
 culum, et ne mulieres receptae, ex levi  
 suspicione diffamarentur a viris, neque pro-  
 pinquae in uxores reciperentur propter re-  
 verentiam naturalem ad eas. Praecepit quo-  
 que lex ut parentes filios suos in fide et  
 moribus informarent, disciplinam impen-  
 derent, curamque condignam haberent. De  
 quibus omnibus atque similibus praecepta  
 multa diffuse in Deuteronomio et Exodo  
 plane digesta sunt.

*Exod.*  
*xxxiv, 16.*

*Deut. xxi.*  
*13 et seq.*

*Lev. xvii.*  
*6 et seq.*

*Deut. xxvii.*  
*46.*

## ARTICULUS X

DE DURATIONE ATQUE CESSATIONE PREDICTORUM PRAECEPTORUM, ET DE NOVA LEGE.

**E**CCE dies veniunt, dicit Dominus, et  
*feriam domui Israel et domui Juda*  
*pactum novum : et dabo legem meam in*  
*visceribus eorum, et in mentibus eorum*  
*superscribam eam. Jer. xxxi. 31, 33.*

Hoc verbum Jeremiae prophetae, allegat  
*Hebr. viii.* Apostolus in datione novae legis imple-  
*8, 10.* tum. Triplicia autem erant veteris legis  
 praecepta, videlicet caerimonialia, judicia-  
 lia, atque moralia. Quantum vero ad prae-  
 cepta moralia, lex vetus non desiit, neque  
 per Christum evacuata est, sed magis per-  
*Baruch iv.* fecta. Propter quod Baruch ait : Hic liber  
*1.* mandatorum Dei, et lex quae est in aeter-  
 num. Sed quoad praecepta caerimonialia ac  
 judicialia, lex vetus cessavit. Caerimoniae  
 namque veteris legis, figurativae fuerant  
*Hebr. x, 1.* Christi : quia, secundum Apostolum, erant  
*1 Cor. x, 11.* umbra futuri, et in figura omnia contin-  
 gebant eis. Figuram vero oportet cessare,  
 veritate adveniente et propalata. Unde se-  
 cundum Augustinum, Christo praedicante,  
 simul currebant lex et Evangelium. Sed  
*Galat. iii.* post divulgationem Evangelii omnino ces-  
*iv.* saverunt, et non solum mortuae, sed et  
 mortiferae erant. Durante vero ipsa Evan-

gelii publicatione, mortuae erant, quoniam  
 non obligabant : non autem mortiferae,  
 quoniam absque peccato servari valebant.  
 Praecepta quoque judicialia cessaverunt,  
 aliter tamen quam caerimonialia. Quia enim  
 judicialia principaliter ordinabantur ad  
 disponendum ac reedificandum statum ac  
 vitam conversationis humanae, inter ho-  
 mines statuendo aequalitatem justitiae : id-  
 circo directe et ex propria ratione figuralia  
 non fuerunt, quemadmodum caerimonia-  
 lia, sed solum ex consequenti, in quantum  
 totus ille status Synagogae, figurativus  
 fuit status Ecclesiae : sicut et nunc status  
 Ecclesiae militantis, typum gerit status  
 Ecclesiae triumphantis, quae est hierar-  
 chia coelestis. Judicialia ergo praecepta,  
 Evangelio divulgato, sunt mortua, quia  
 vim obligandi non retinent : non autem  
 mortifera : possent enim a rege vel prin-  
 cipe, si expediret, institui atque a sub-  
 ditis observari, dummodo non observa-  
 rentur, nec statuerentur, in quantum ad  
 veterem legem spectabant, sed ea ratio-  
 ne, quia praesenti hominum statui conve-  
 nirent.

Denique, sicut ante legem scriptam erant A  
judicialia quædam præcepta, non quidem  
ex institutione divina, sed naturali homi-  
num ratione ordinata; sic erant et cæri-  
monialia aliqua ante legem, non ex insti-  
tutione divina, sed secundum voluntatem  
devotionemque colentium Deum: quem-  
admodum oblationes et sacrificia et holo-  
causta secundum propriam suæ devotionis  
æstimationem offerebant antiqui, prout  
eis congruum videbatur, ut in rebus a  
Deo perceptis Deum venerarentur aliqua  
ei offerendo; per quæ se omnia a Deo B  
sortitis profiterentur, quasi a primo prin-  
cipio, atque ad eum cuncta referrent, sic-  
ut in ultimum finem summumque bo-  
num. Sed quoniam ante legem quidam viri  
perfecti et spiritu pollentes prophetico  
exstiterunt, credibile est, tales a Spiritu  
Sancto fuisse inductos et motos ad deter-  
minatum et certum divini cultus ritum  
ac modum, qui et interiori cultui Dei pro  
tempore illo congrueret, et ad designanda  
Christi mysteria idoneus esset. Cultus enim  
Dei exterior, qui per cærimonialia præce- C  
pta determinatur, consonare atque con-  
gruere debet cultui divino interiori, sicut  
signum signato, et figura figurato. Quum  
ergo interior Dei cultus in nova lege, alius

sit ab antiquæ legis interiori cultu, et eo  
perfectior, statuique felicitatis futuræ pro-  
pinquior; ideo cærimonialia novæ legis di-  
stingui oportet a cærimonialibus veteris le-  
gis, eisque expressiora et puriora consistere.

Porro lex nova, lex gratiæ appellatur,  
sicut ad Romanos ait Apostolus: Lex spi- *Rom. xiii, 2.*  
ritus vitæ in Christo Jesu, liberavit me a  
lege peccati et mortis. Gratiæ autem est  
qualitas, decor, atque perfectio animæ. Id-  
eo lex nova non proprie dicitur lex scripta,  
sed indita, quasi principaliter in gratia  
Christi consistens. Lex ergo nova veterem  
implet, quia quod ei defuit, addit, videlicet  
perfectionis consilia, gratiam quoque præ-  
bens ex merito passionis Christi, qua homo  
potens efficitur implere quæ præcipiun-  
tur. Umbrae etiam, prophetiæ atque figuræ  
veteris legis, in Christo ad effectum et  
veritatem perductæ sunt. Ipse enim ait:  
Unus apex non præteribit de lege, donec *Matth. v,*  
omnia fiant. Cælum et terra transibunt, *18.*  
sed verbum Domini stabit in æternum. *Luc. xxi,*  
*33.*  
Non enim est Deus ut homo, ut mutetur. *Num. xxi,*  
Et triumphator in Israel non pariet, nec *19.*  
pœnitundine fleetetur. Fidelis enim Domi- *1 Reg. xv,*  
nus in omnibus verbis suis, et sanctus in *29.*  
omnibus operibus suis. Qui est super om- *Ps. cxliv,*  
nia Deus sublimis et benedictus. Amen. *13.*

## ENARRATIONUM IN QUINQUE MOSAICÆ LEGIS LIBROS FINIS





# INDICES



# LOCA S. SCRIPTURÆ PRÆCIPUA

QUÆ AD ILLUSTRANDUM COMMENTARIUM

AB AUCTORE PASSIM ALLEGANTUR

---

## GENESIS.

- I, 31. Vidit... Deus euneta quæ fecerat : et erant valde bona, 633D'.
- II, 24. Relinquet homo patrem suum et matrem, et adhærebit uxori suæ, 620D.
- IX, 8, 9. Dixit Deus ad Noe... : Ecce ego statui pactum meum vobiscum, 345B.
- XV, 5. Numera stellas, si potes :... sic erit semen tuum, 525C'.
- 9. Respondens Dominus (ad Abram) : Summe, inquit, mihi vaccam triennem, 422C.
- 18-21. Dominus (ad Abram) : Semini tuo dabo... Ciuæos, et Cenezæos, Cedmonæos. Et Hethæos, et Pheresæos, Raphaim quoque, et Amorrhæos, et Chananæos, et Gergesæos, et Jebusæos, 551B.
- XVII, 1, 2. Ego Deus... : ponam... fœdus meum inter me et te, 545B.
- XXII, 13. Abraham... arietem inter vepres hærentem cornibus... obtulit holocaustum pro filio, 239D', 486C. Cf. 284C'.
- XLVI, 27. Omnes animæ domus Jacob, quæ ingressæ sunt in Ægyptum, fuere septuaginta, 487D, 637C.
- XLIX, 4. (Jacob ad Ruben :) Effusus es sicut aqua, non crescas, 675C'.
- 15. Vidit (Issachar) requiem quod esset bona, 679B.
- 21. Nephthali, cervus emissus, 680B.

## EXODI.

- I, 20. Bene... fecit Deus obstetricibus, 256C'.
- VI, 20. Fuerunt... anni vitæ Amram, centum triginta septem, 648B'.
- VIII, 26. Abominationes... Ægyptiorum immolabimus Domino, 143A.
- XII, 37. Profecti... sunt filii Israel de Ramesse in Socoth, sexcenta fere millia peditum virorum, 327A. Cf. 382C.

- XII, 48. Si quis peregrinorum in vestram voluerit transire coloniam,... circumcidetur prius omne masculinum ejus, 610D'.
- XVI, 31. Gustusque ejus (man), quasi similæ cum melle, 373D', 437C.
- XX, 5. Ego sum Dominus Deus tuus fortis, zelotes, 268D.
- 5. Ego sum Dominus... visitans iniquitatem patrum in filios, in tertiam et quartam generationem, 623D'.
- XXIII, 3. Pauperis... non misereberis in iudicio, 257D.
- XXV, 15. (Vectes) semper erunt in circulis, nec unquam extrahentur ab eis, 338C.
- 16. Pones... in arca testificationem quam dabo tibi, 139B.
- 20. Respiciant... (Cherubim) se mutuo versis vultibus in propitiatorium, 241B'.
- XXIX, 24. Pones... omnia super manus Aaron et filiorum ejus, et sanctificabis eos, 333B'.
- XXXIII, 11. Loquebatur... Dominus ad Moysen... sicut solet loqui homo ad amicum suum, 390B.
- 20. Non... videbit me homo, et vivet, 390D. Cf. 114D.
- XXXIV, 27. Dixit... Dominus ad Moysen : Scribe tibi verba hæc, 560B.
- XXXV, 2. Qui fecerit opus in (sabbato), occidetur, 403D.

## LEVITICI.

- IV, 23. Si peccaverit princeps,... offeret hostiam Domino hircum, 402C.
- IX, 24. Egressus ignis a Domino, devoravit holocaustum, 85C'.
- XIX, 17. Non oderis fratrem tuum, 6D. Cf. 266A.
- 18. Non quæras ultionem, 619D'.
- XX, 21. Qui duxerit uxorem fratris sui, rem facit illicitam, 628C'.



XXV, 4. Septimo... anno sabbatum erit terræ, 33 C.

### NUMERORUM.

I, 43, 46. Fuerunt... omnis numerus filiorum Israel... sexcenta tria millia virorum quingenti quinquaginta, 382 C. *Cf.* 327 A.

III, 13. Numera filios Levi per domos patrum suorum et familias, 327 B.

XII, 8. (Moyses) palam, et non per ænigmata et figuras Dominum videt, 689 C'. *Cf.* 390 C.

XIV, 48. Dominus... qui visitas peccata patrum in filios, in tertiam et quartam generationem, 623 D'.

— 22. Tentaverunt me jam per decem vices, 549 B'.

XIX, 21. Qui tetigerit aquas expiationis, immundus erit, 166 A'.

XXIII, 21. Non est idolum in Jacob, 658 D'.

XXIV, 17. Orietur stella ex Jacob, et consurget virga de Israel, 457 B.

XXVI, 10. Aperiens terra os suum devoravit Core, 410 C.

— 31. Ista est summa filiorum Israel... sexcenta millia, et mille septingenti triginta, 525 C'.

### DEUTERONOMII.

I, 31. Portavit te Dominus..., ut solet homo gestare parvulum filium suum, 658 C'.

II, 4. Transibitis per terminos fratrum vestrorum filiorum Esau..., et timebunt vos, 434 A.

IV, 46. Ne forte decepti faciatis vobis sculptam similitudinem, 437 C'.

IX, 4. Ne dicas... : Propter justitiam meam introduxit me Dominus ut terram hanc possiderem, 6 D.

— 20. Adversum Aaron... vehementer iratus (Deus), voluit eum contere, 400 C, 201 A'.

XII, 17, 18. Non poteris comedere in oppidis tuis decimam frumenti... sed coram Domino... comedes, 632 B.

XIV, 1. Nec facietis calvitium super mortuo, 198 D'. *Cf.* 572 C.

XXII, 1. Non videbis... ovem errantem, et præteribis; sed reduces fratri tuo, 29 D'.

XXIII, 14. Deus tuus ambulat in medio castrorum, 512 C.

XXXI, 26. Ponite (librum istum) in latere arcæ fœderis... ut sit ibi contra te in testimonium, 47 D.

XXXI, 28. (Moyses dixit :) Invocabo contra eos eolum et terram, 651 C.

### JOSUE.

VI, 25. Bahab... et domum patris ejus... fecit Josue vivere, 256 C'.

### JUDICUM.

V, 4. Domine, quum exires de Seir, et transires per regiones Edom, terra mota est, etc. 674 A.

### I REGUM.

II, 14. Omne quod levabat fuscina, etc. 64 B.

VIII, 7. Dominus ad Samuelem :... Non... te abjecerunt, sed me, ne regnem super eos, 588 C.

XII, 17. Invocabo Dominum, et dabit voces et pluvias : et scietis... quia grande malum feceritis... potentes super vos regem, 585 D.

XV, 23. Quasi scelus idololatriæ, nolle acquiescere, 412 D'.

XVIII, 27. Dedit... Saul ei Michol filiam suam uxorem, 515 A'.

XXVI, 19. Maledicti sunt... qui ejecerunt me... ut non habitem in hereditate Domini, dicentes : Vade, servi diis alienis, 627 B.

XXX, 24. Equa... pars erit descendentis ad pradium, et remanentis ad sarcinas, 493 D'.

### II REGUM.

VI, 19. Partitus est... singulis collyridam panis unam, 178 C.

VII, 6. Ambulabam in tabernaculo, et in tentorio, per cuncta loca, quæ transivi cum omnibus filiis Israel, 612 D.

### III REGUM.

VIII, 11. Non poterant sacerdotes stare et ministrare propter nebulam, 126 B'.

XI, 1. Rex... Salomon adamavit mulieres alienigenas multas, 586 C.

XVIII, 28. Incidebant se juxta ritum suum cultris et lanceolis, 263 B, 572 B.

XIX, 4. (Elias) ait : Sufficit mihi, Domine, tolle animam meam, 378 B.

XXI, 13. Benedixit Naboth Deum et regem, 291 A'.

IV REGUM.

- III, 19. Universum lignum fructiferum succidetis, 397D.  
 XVIII, 4. (Ezechias) confregit... serpentem æneum, quem fecerat Moyses, 438D.

II PARALIPOMENON.

- III, 13. Facies (Cherubim) erant versæ adexteriorem domum, 244D.  
 XIX, 6. (Josaphat) præcipiens iudicibus, Videte, ait, quod faciatis : non enim hominis exercetis iudicium, sed Domini, 327C.  
 XXXVI, 19. Orta est lepra in fronte (Ozias) coram sacerdotibus, in domo Domini super altare thymiamatis, 327B'.

JOB.

- IX, 13. Deus, cujus iræ nemo resistere potest, 107C'.  
 XIX, 26. In carne mea videbo Deum meum, 465A'.  
 XXIV, 12. Deus inultum abire non patitur, 664D.  
 XXIX, 6. Lavabam pedes meos butyro, 680C.  
 XXXIV, 10. Absit a Deo impietas, 654D'.  
 XXXVI, 25. Omnes homines vident (Deum), unusquisque intuetur procul, 434B', 465B'.  
 XXXIX, 9. Numquid vult rhinoceros servire tibi ? 458C'.  
 — 14. (Struthio) dereliquit ova sua in terra, 207C'.  
 XLII, 7, 8. Dominus... dixit ad Eliphaz... : Sumite ergo vobis septem tauros,... et offerite holocaustum pro vobis, 281B.

PSALMORUM.

- II, 8. Postula a me, et dabo tibi gentes hereditatem tuam, 463C'.  
 IV, 7. Signatum est super nos lumen vultus tui, Domine. Epilog. 692A.  
 XIV, 5. Qui pecuniam suam non dedit ad usuram, 618B.  
 XVIII, 8. Lex Domini immaculata convertens animas. Epilog. 694B'.  
 XXIV, 10. Universæ viæ Domini, misericordia et veritas, 654B, B'.  
 XLIX, 4. Advocabit cælum desursum, et terram discernere populum suum, 651C'.  
 LVII, 11. Justus... manus suas lavabit in sanguine peccatoris, 459D.

- LXVII, 2. Exsurgat Deus,... et fugiant qui oderunt eum, a facie ejus, 370C'.  
 LXXXII, 62. Conclusit in gladio populum suum, 663B.  
 XCVIII, 6. Moyses et Aaron in sacerdotibus ejus, 489C'.  
 XCIX, 2. Servite Domino in lætitia, 639B.  
 CV, 24. Pro nihilo habuerunt terram desiderabilem, 395D.  
 CML, 5. Corripiet me justus in misericordia, 266B.  
 CMLIV, 9. Suavis Dominus... et miserationes ejus super omnia opera ejus, 3D'.  
 — 13. Fidelis Dominus in omnibus verbis suis, 654C'.

PROVERBIORUM.

- I, 26. Ego quoque in inferitu vestro ridebo, 639D'.  
 III, 9, 10. Honora Dominum de tua substantia,... et implebuntur horrea tua saturitate. Prolog. 131.  
 VII, 2. Serva mandata mea,... et legem meam quasi pupillam oculi tui. Præf. 519.  
 XII, 15. Gaudium justo est facere iudicium, 639B.  
 XXVI, 20. Susurrone subtracto, jurgia conquiescent, 258B.

SAPIENTIE.

- I, 11. Custodite... vos a murmuratione, 385C.  
 — 11. Os... quod mentitur, occidit animam, 30A.  
 II, 10. Nec veterani revereamur canos multi temporis, 264A.  
 V, 18. (Deus) armabit creaturam ad ultionem inimicorum, 652D.  
 XI, 21. Omnia in mensura, et numero, et pondere disposuisti. Præf. 323.  
 — 25. Diligis... omnia quæ sunt, et nihil odisti eorum quæ fecisti, 582A'.  
 XVI, 21. (Man) deserviens uniuscujusque voluntati, ad quod quisque volebat, convertebatur, 376B.  
 — 24. Creatura... tibi factori deserviens, exardescit in tormentum adversus injustos, 652D.  
 XVIII, 24. In veste... poderis,... totus erat orbis terrarum, 76D'.  
 XIX, 12. Ascendit illis de mari ortygetra, 384B'.

## ECCLESIASTICI.

- XIII, 19. Omne animal diligit simile sibi, 269 C'.  
 XX, 31. Xenia et dona excæcant oculos iudicum, 581 A'.  
 XXVIII, 15. Susurro et bilinguis maledictus, 258 B'.  
 XXXII, 1. Rectorem te posuerunt? noli extolli: esto in illis quasi unus ex ipsis, 587 B'.  
 XXXIII, 31. Si est tibi servus fidelis, sit tibi quasi anima tua, 16 C'.  
 XXXIV, 9. Qui non est tentatus, quid scit? 534 D'.  
 — 27. Qui effundit sanguinem, et qui fraudem facit mercenario, fratres sunt, 257 B, 265 D', 623 C'.

## ISALE.

- I, 2. Audite, cœli, et auribus percipe, terra, quoniam Dominus locutus est, 651 C'.  
 XI, 1. Egredietur virga de radice Jesse, et flos de radice ejus ascendet, 415 B, 466 A'.  
 — 4. Percutiet terram virga oris sui, 466 B'.  
 XIX, 25. Hereditas... mea Israel, 455 A'.  
 XLVIII, 4. Scivi... quia durus es tu, et nervus ferreus cervix tua, et frons tua aenea, 109 B', 557 A'.  
 LV, 10, 11. Quomodo descendit imber, et nix de cœlo,... et germinare (terram) facit,... sic erit verbum meum, 653 C'.  
 LIX, 2. Peccata vestra absconderunt faciem (Dei) a vobis, 660 D'.  
 LXI, 1, 2. Spiritus Domini super me,... ut prædicarem annum placabilem Domino, 576 D'.

## JEREMIE.

- I, 25. Aperuit Dominus thesaurum suum, et protulit vasa iræ suæ, 664 C'.  
 II, 6. Dominus... traduxit nos per desertum, per terram inhabitabilem et inviam, per terram sitis, et imaginem mortis, per terram in qua non ambulavit vir, 528 A'.  
 VII, 18. Mulieres conspergunt adipem, ut faciant placentas reginæ cœli, 237 B'.  
 IX, 8. Sagitta vulnerans lingua eorum, 536 C'.  
 XIV, 18. Si egressus fuero ad agros, ecce occisi gladio, 662 C'.  
 XVIII, 7, 8. Repente loquar adversum gentem,... ut destruam (illam). Si pœnitentiam egerit gens illa,... agam et ego pœnitentiam super malo, quod cogitavi ut facerem ei, 592 D'.

- XXXI, 30. Qui comederit uvam acerbam, obstupescunt dentes ejus, 3 C'.  
 — 31. Ecce dies venient, dieit Dominus: et feriam domui Israel et domui Juda sædus novum. Epilog. 720 B'.  
 — 33. Dabo legem meam in visceribus eorum. Epilog. 694 C'.

## THIRENORUM.

- IV, 10. Manus mulierum misericordium coe-runt filios suos, 304 A', 639 D'.  
 V, 7. Patres nostri peccaverunt,... et nos iniquitates eorum portavimus, 3 C, 623 B'. Cf. 624 A'.  
 — 12. Facies senum non erubuerunt, 264 A'.

## BARUCH.

- VI, 30. Eorum sacerdotes sedent, habentes tunicas scissas, et capita et barbam rasam, 263 A, 262 C'.

## EZECHIELIS.

- XVIII, 20. Filius non portabit iniquitatem patris, 3 B, 623 A'.  
 XX, 25. Dedi eis præcepta non bona, 252 D', 696 C'.  
 XXII, 30. Quæsi de eis virum, qui... staret oppositus contra me pro terra, 98 C'.  
 XLIV, 20. Caput... suum non radent,... sed tonsentes attendent capita sua, 273 B'. Cf. 262 C'.  
 — 22. Viduam, quæ fuerit vidua a sacerdote, accipient, 274 A'.  
 XLV, 11. Decimam partem cori (capit) batus, et decimam partem cori ephi, 384 D'.

## OSEE.

- IV, 8. Peccata populi mei comedent, 415 D'.

## NAHUM.

- I, 9. Non consurget duplex tribulatio, 198 D'.

## MALACHIE.

- I, 8. Si offeratis (ad immolandum) claudum et languidum, nonne malum est? 280 A'.  
 II, 16. Quum odio habueris (uxorem), dimitte, 616 A'.



- III, 6. Ego... Dominus, et non mutor, 437A'.  
 — 10. Inferte omnem decimam in horreum,...  
 et probate me super hoc,... si non aperuero  
 vobis cataractas cœli. Prolog. 131.

MATTHEI.

- III, 4. Esca (Joannis Baptistæ)... erat locustæ,  
 209D.  
 IV, 4. Non in solo pane vivit homo, sed in omni  
 verbo quod procedit de ore Dei, 554B'.  
 V, 48. Estote... perfecti, sicut et Pater vester  
 cœlestis, 212A'.  
 X, 16. Estote... prudentes sicut serpentes, 438B.  
 XV, 11. Non quod intrat in os, coinquinat hominem,  
 204B.  
 XVIII, 15. Si... peccaverit in te frater tuus, vade,  
 et corripe eum inter te et ipsum solum, etc. 258A', 266B.  
 XIX, 5. Propter hoc dimittet homo patrem et  
 matrem, 254D.  
 — 6. Quod... Deus conjunxit, homo non separet,  
 619C'.  
 — 8. Moyses ad duritiam cordis vestri permisit  
 vobis dimittere uxores vestras, 618A, 621A.  
 XXIII, 5. (Scribæ et Pharisei) magnificent fimbrias,  
 404A, 605B'.

MARCI.

- IX, 49. Habete in vobis sal, 152C'.

LUCÆ.

- VI, 30, 35. Omni... petenti te, tribue;... et  
 mutuum date, nihil inde sperantes, 25D,  
 577A'.  
 VIII, 8. Qui habet aures audiendi, audiat, 643D.  
 X, 23. Beati oculi qui vident quæ vos videtis,  
 468C.  
 XIV, 34. Bonum est sal, 152C'.  
 XVI, 18. Qui dimittit uxorem suam, et alteram  
 ducit, mœchatur, 619B'. Cf. 618B'.

JOANNIS.

- I, 17. Lex per Moysen data est, gratia et veritas  
 per Jesum Christum facta est. Epilog. 696A.  
 — 18. Deum nemo vidit unquam, 114D. Cf. 390D.  
 III, 14. Sicut Moyses exaltavit serpentem in deserto;

ita exaltari oportet Filium hominis, 437B', 438B.

- V, 46. Si... crederetis Moysi, crederetis forsitan  
 et mihi : de me enim ille scripsit, 591A'.  
 VI, 14. Hic est vere Propheta, qui venturus est  
 in mundum, 591B.  
 — 41. Ego sum panis vivus, 149C.  
 VIII, 28. Quum exaltaveritis Filium hominis,  
 tunc cognoscetis quia ego sum, 412C'.  
 — 28. A meipso facio nihil, sed sicut docuit  
 me Pater, hæc loquor, 591C.  
 XVII, 3. Hæc est... vita æterna : ut cognoscant  
 te, solum Deum verum. Epilog. 692B'.

ACTUUM.

- III, 22. Moyses... dixit :... Prophetam suscitabit  
 vobis Dominus, 591A'.  
 VII, 2, 4, 5. Deus gloriæ... transtulit (Abraham)  
 in terram istam,... et non dedit illi hereditatem  
 in ea,... sed repromisit dare illi eam in possessionem,  
 et semini ejus, 525A'.  
 — 53. Accepistis legem in dispositione angelorum,  
 674B'.  
 XV, 28, 29. Visum est Spiritui Sancto et nobis,...  
 ut abstineatis vos... a sanguine, et suffocato.  
 251C'.  
 XVI, 16. Factum est... puellam quamdam habentem  
 spiritum pythonem obviare nobis, 272C'.  
 XXIII, 5. Principem populi tui non maledices,  
 25D'.

AD ROMANOS.

- II, 14. Gentes, quæ legem non habent, naturaliter  
 ea quæ legis sunt, faciunt. Epilog. 692A.  
 III, 20. Ex operibus legis non justificabitur  
 omnis caro, 253A.  
 IX, 3. Optabam... anathema esse a Christo pro  
 fratribus meis, 103A'.  
 X, 19. Moyses dicit : Ego ad æmulationem vos  
 adducam in non gentem : in gentem insipientem,  
 in iram vos mittam, 661D.  
 XI, 25. Cæcitas ex parte contigit in Israel, donec  
 plenitudo gentium intraret, 543A'.  
 XIII, 1. Omnis anima potestatibus sublimioribus  
 subdita sit... : Quæ autem sunt, a Deo ordinatæ  
 sunt, 332A.

I AD CORINTHIOS.

- VII, 39. Mulier alligata est legi quanto tempore  
 vir ejus vivit, 619B.

VIII, 4. Nihil est idolum in mundo, 2 B'.

— 5. Sunt qui dicantur dii, sive in cœlo, sive in terra, 25 D'.

IX, 9. Numquid de bobus cura est Deo? 628 C.

X, 41. Hæc... omnia in figura contingebant illis, 204 A.

— 20. Quæ immolant gentes, dæmoniis immolant, 660 C.

— 21. Non potestis mensæ Domini participes esse, et mensæ dæmoniorum, 26 B'.

XIII, 12. Videmus nunc per speculum in ænigmate : tunc autem facie ad faciem, 114 D', 390 D.

#### II AD CORINTHIOS.

I, 8. Supra modum gravati sumus supra virtutem, ita ut tæderet nos etiam vivere, 378 B.

V, 21. Eum, qui non noverat peccatum, pro nobis peccatum fecit, 445 D.

XI, 24. A Iudæis quinquies quadragenas, una minus, accepi, 626 B'.

#### AD GALATAS.

III, 13. Christus nos redemit de maledicto legis, factus pro nobis maledictum, 600 C'.

— 24. Lex pædagogus noster fuit in Christo. Epilog. 696 C'.

#### AD PHILIPPENSES.

II, 21. Omnes... quæ sua sunt quærunt, non quæ sunt Jesu Christi, 9 A.

III, 19. Quorum deus venter est, 9 D.

#### AD COLOSSENSES.

III, 5. (Avaritia), quæ est simulacrorum servitus, 9 D.

#### I AD THESSALONICENSES.

IV, 12. Nolumus... vos ignorare, fratres, de dormientibus, ut non contristemini sicut et ceteri, qui spem non habent, 372 C. Cf. 198 A'.

#### I AD TIMOTHEUM.

VI, 16. (Deus) quem nullus hominum vidit, sed nec videre potest, 114 D. Cf. 390 D.

#### AD HEBRÆOS.

VII, 18. Reprobatio... fit præcedentis mandati, propter infirmitatem ejus, et inutilitatem. Epilog. 696 C'.

— 19. Nihil... ad perfectum adduxit lex. Epilog. 696 B. Cf. 700 D.

IX, 7. In secundo (tabernaculo)... semel in anno solus pontifex (introibat), 239 B'.

X, 1. Umbram... habens lex futurorum honorum, non ipsam imaginem rerum... nunquam potest accedentes perfectos facere. Epilog. 700 B. Cf. 696 B, 720 C.

— 16. Leges meas... in mentibus eorum superscribam. Epilog. 694 C'.

— 28. Irritam quis faciens legem Moysi, sine ulla miseratione duobus vel tribus testibus moritur, 180 A', 403 C.

XI, 37. Circueierunt in melotis, in pellibus caprinis, etc. 638 C.

#### IACOBI.

I, 13. Deus... neminem tentat, 534 C.

— 17. (Pater) luminum, apud quem non est transmutatio, 457 A'.

II, 13. Superexaltat... misericordia iudicium, 3 D'.

IV, 4. Quicumque... voluerit amicus esse sæculi huius, inimicus Dei constituitur, 9 C'.

V, 4. Merces operariorum... quæ fraudata est a vobis, clamat, 265 D', 623 B.

#### I PETRI.

II, 12. Conversationem vestram inter gentes habentes bonam : ut... ex bonis operibus vos considerantes, glorificent Deum, 641 A'.

#### II PETRI.

II, 9, 10. Novit Dominus... iniquos... in diem iudicii reservare cruciandos : magis autem eos, qui... dominationem... contemnunt, 405 C.

— 16. Subjugale mutum animal, hominis voce loquens, prohibuit propheta insipientiam, 451 C.

#### I JOANNIS.

II, 15. Si quis diligit mundum, non est caritas Patris in eo, 9 C'.

III, 15. Qui odit fratrem suum, homicida est,  
266 A. C/. 6D.

IV, 12. Deum nemo vidit unquam, 114D. C/.  
390D.

## JUDÆ.

8. Ili carnem quidem maculant, dominatio-  
nem autem spernunt, majestatem autem  
blasphemant, 405 C.

## APOCALYPSIS.

II, 14. Balaam... docebat Balac mittere scan-  
dalum coram filiis Israel, edere, et fornica-  
ri, 471 C.

XVII, 15. Aquæ... populi sunt, et gentes, et  
linguæ, 463D.

XXII, 12. Ecce venio cito, et merces mea me-  
cum est, 664 C.

— 16. Ego sum radix et genus David, stella  
splendida et matutina, 466 A'.





# INDEX ANALYTICUS

## A

**AARON**, cum Moyse ascendit in montem, 39B, ubi Deum videt, 41B. — Absente Moyse, populo præficitur, 42A'. — Deos postulantis aliquantulum restitisse videtur, 96B', 97A, C'; sed timore mortis, 96C', 98A, vitulum aureum facit, 97B, insuper et altare, 97C', et solennitatem sacrilegam indicat, 97D'. — Excusando se, 100C, non videtur fuisse mentitus, 100D'. — An, propter vituli conflationem, cum sua posteritate deleri meruerit, 201B, et cur ultionem evaserit, 105B'. — Consecratio Aaron, 80B et seq., 184C et seq. — Primum ejus sacrificium, prima die anni secundi egressionis, 192C, in quo ignis de cælo in holocaustum venit, 194C'. — Contra Moysen murmurans, 387C, iterum ultionem effugit, 391A'. — Mors ejus narratur, 434B'. Ubi reapse sit mortuus et sepultus, 434D'. — Sub lege evangelicas virtutes habuit, 412B'. — Mystice, figura est perfectorum, 342A', C', Petri apostoli, 329C, et Christi, 86D, 412B'.  
**ABARIM** mons, ubi mortuus est Moyses, etiam dicitur Nebo, 666D, et Phasga, 538B. — Mansio xl<sup>a</sup> Hebræorum, 501C'. Quid mystice significet, 506B.  
**ABIETARIUS**, quid sit, 122B'.  
**ABIRON**, de tribu Ruben, frater Dathan, ex invidia contra Moysen insurrexit, 406C, 407A. — A Moyse convocatus, 408C, superbe recusat, 408A'; a terra vivus absorbetur, 409B', et perit, 409D'. — Mystice, rebelles significat, 411C, 412A.  
**ABU**, filius Aaron, cum Moyse ascendit in montem, 39B, ubi Deum videt, 41B. — Cum Aaron patre suo, consecratur, 185D; sed vana tactus gloria, 196D', dum thuribulo alienum ignem imponit, 197A, igne divino interficitur, 197C. — Cur tam acriter mulctatus sit, 197D'. — Non fuit igne incineratus, 198C; sed extra castra cum vestibis

suis sepelierunt eum, 198B; unde mos inolevit clericos cum sui ordinis indumentis sepeliendi, 198A'. — Licet mortaliter peccaverit, salvatus creditur, 198D. — Quæ fuerit vera mortis ejus causa, 373B', 374A. — Quid spiritualiter significet, 201C.  
**ABORTUS**. Qui involuntarie abortus causa est, mulctæ subicitur, 16D.  
**ABYSSUS**. Sic vocantur aquæ receptacula in visceribus terræ, 555A.  
**ACCIPITER**, avis immunda, describitur, 208A. — Mystice quid, 214D, 713C'.  
**ACETABULUM**, quid sit ad litteram, 49C, 359C, et moraliter, 54B', 360B'.  
**ACHATES**, rationalis ornamentum. Ejus virtutes et significatio, 79A'.  
**ADEPS**, quid sit, 154D'. — Adeps victimarum nunquam in usum sacerdotum veniebat, 140B, sed Domini erat, 154B'; quare, 155B, 702A. In crastinum non licebat illum servare, 35C, sed totus comburendus erat, 140B. Quo ritu Deo offerri solitus, 182B. — Adipem in cibum sumere Hebræis vetitum, 154C', 180B'; an ubique, 155C', 180B', et quare, 155A'. — In varios usus, præter esum, adhiberi potuit, 181A. — Moraliter, quid sit adeps, 156A', 157A, et adipem comedere, 157A'.  
**ADULTERIUM** prohibetur, 253C'. — Gravissimum est peccatum, 606D'. — Adulterum deprehensum an occidere liceat, 22C. — Adulterantes ambo, apud Hebræos, lapidabantur, 606D'.  
**ADVENA**, scilicet alienigena in Judæa commorans, 610B', juxta legem pie tractari debuit, 24B', 264A, et in judiciis non molestari, 624C', 636B. — In judiciis et elemosynis pupillo et viduæ æquiparatur, 624C', 636B. — Remissionis anno advenæ non gaudebant, 574D; et usura erga illos non prohibebatur, 576A. — Aliquando advena pro proselyto sumitur, et tunc in omnibus Hebræo æquiparatur, 244C, 250D', 251B, 254C, 269D', etc.

ADVERSA. In adversis vera hominis indoles patescit, 554B. — Adversis iniquos expiare et justos probare Deus solet, 310B'.

ÆGYPTI, post tertiam generationem in consortium populi admitti poterant, 610A'. — Mystice quid, 614B'. — Ægyptiorum sacrificia, quæ cxxviii erant, 143A', vel cxxvi, 203C, miseratione deorum ad xxv redacta sunt, 205C.

ÆS, quomodo gignatur, 555C. — Ex ære facta sunt nonnulla vasa sanctuarii, 64C, 66B, etc. — Quid mystice, 52B, 95C'.

AFFLICTIO. Per multas afflictiones ad regnum cœlorum pervenitur, 442D. — Afflictis compati debemus, 24D'.

AGER. Terminos agrorum transferre lege velatur, 594B. Quid spiritualiter istud significet, 636B'. — De agrorum venditione aut consecratione, *vide* Venditio et Votum. — Mystice, quid sit ager, 318C', 669A'. — Agronomicae leges: Non licet agrum diversis seminibus serere, 259C, 266A', nec vineam, 603D'; nec arare septimo anno, 292D, nec metere, 293B. In collectione segetum, aliqua pars pauperibus relinquenda est, 256C.

AGNUS, fuit de immolatiis animalibus, 141A, et ad multa sacrificia præscribitur, ut puta ad iuge sacrificium, 85B, etc. — Sacrificii Agni paschalis ratio litteralis, 708D, et figuralis, 708A'. In qualibet domo Jerusalem comedi poterat, 579B. — Mystice, agnus est figura Christi, 143B', 145D, et LXXII discipulorum, 670A.

ALEXANDER, Ord. Min. theologus, 212B', 580A', alias Alexander de Hales appellatur, 3D, 30C', 627C', etc.

ALIENIGENA. Sacrificia alienigenarum quatenus in templo recipienda, 280B'. Oblata cum pietate Deo placere poterant, 281B. — Alienigenæ in sacerdotum officia se immiscendi mors intentabatur, 416D'. — A sanctificationum participatione arcebat, 279B. — In deserto pauperiores ex eis aquam et ligna portabant, 643D'. — Synopsis Hebræarum legum quoad alienigenas, 610B', 719A.

ALTARE holocausti, primo de terra factum, 7D, vel de lapide impolito, 7D', 634B, in idololatriæ detestationem, 7D, 8A, 705D', postea ærenum, 634D, 706B. — Describitur, 63D. — In atrio positum erat, 67A, 125C'. — Quomodo ad illud ascenderint sacerdotes, 8C, 705D'; et cur sic vocatum, 64D'. — Ejus consecratio, 81C', 84C', 338D'. — In ipso

ignis nunquam exstinguebatur, 339A. — Quid mystice, 67A, 146A'.

Altare thymiamatis, erectum est ut semper esset bonus odor in tabernaculo, 705A'. — Ejus descriptio, 87B. — Situm erat in Sancto, 87D', 125D, directe contra arcam, 705C. — Quomodo in eo thymiana offerri solitum, 87B', et quando, 88C, et quare, 88D. — In eo nihil nisi thymiana offerre licebat, 88A'. — Super eo deprecabatur pontifex semel in anno, 88B'. — Fuit altari holocaustorum sanctius, 88C'. — Mystice quid, 92A.

ALUS, mansio x<sup>i</sup> Hebræorum, 501A; quid moraliter designet, 504B.

AMALEC. Contra eum vaticinatur Balaam, 467B'. — Præceptum delendi Amalec, quomodo justificetur, 629A', et quid spiritualiter significet, 630A'. — Mystice, Amalec est figura diaboli, 467B', et avarorum, 470C'.

AMBITIO obtenebrat mentem, 407B, et modum nescit, 412A.

AMETHYSTUS, rationalis ornamentum, ad quid valeat, 79B'. — Mystice, prudentiam significat, 79C'.

AMMONITE. Quodnam fuerit eorum peccatum in Israel, 609B', 610A. — A cœtu Hebræorum in perpetuum arcentur, 609B', et a pacifico convicti, 610B. — Spiritualiter, schismaticos designant, 614C.

AMORRHEI. Eorum terra describitur, 440D'.

AMULETA ferre prohibitum est tum Hebræis, 263B, tum Christianis, 263D.

AMYGDALÆ miraculo e virga Aaron ortæ, 414C, sacram Scripturam significant, 414D', vel Christum, 415B, vel prælatorum virtutes, 415B'.

ANATHEMA, fuit forma consecrationis, 312D', 436C'. — Ejus effectus, 315B, C. — An cuiuspiam mortem vovere liceat, 316B, 436A'.

ANDREAS (Perusinus), Scripturæ expositor, 12C, 33C, 35D', 573B'.

ANGELUS nescientia potest affici, 162A'. — Angeli, quibus volunt, visibiles vel invisibiles se præbere possunt, 450B. — Uniusque speciei visibili præsidet, 450B'. — Innumera-bilia sunt eorum agmina, 551B'.

Plures angeli Israelitis in deserto deduxerunt, 111B. Eorum comitivam nunquam recusavit Moyses, 111D, 116A, nec unquam ab eo ablata est, 115B', D', 116A'. — Angelus, quomodo Moysi gloriam Dei ostenderit, 115C.

ANIMA. Ejus immortalitas insinuat, 434D, 491C. — « Anima » diversimode in Scripturis



accipitur, 447C, 457D'. — Quid sint animæ oculi et aures, 643C; alæ, 447A; intestina et pedes, 446B', 566A'; vestimenta, 202D, 266A'; ager, 318C'; seges, 265B; altare, 8B; holocaustum, 175D, et pacifica hostia, 482D.

Anima fidelis omnia creata contemnere debet propter Deum, 9B'; iudiciorum Dei memorem se præbere, 247C; inter orandum ab evagationibus cavere, 249A; in sua vocatione decenter vivere, 332A; humiliter et facete proximi salutem procurare, 372D; per totam vitam salutem insudare, 299A, 412D, usque ad sabbatum requiescentis, 299B; a quo itinere inter spem et timorem ambulare, 625B; Deo servire in lætitia, 639B; et contra viæ tedium per Crucifixi contemplationem se munire, 443D. — Animæ interdum propria bona recollere expedit, 265C. — Quasi parturiens, per totam hanc vitam immunda est, 217B', et quotidie purgari indiget, 615A, donec in resurrectione mundetur, 217C'. — Anima diabolo cedens, turpiter meretricatur, 277D'. — Ad contemplationem transire renuens, quomodo tractanda, 19A.

Anima contemplativa. *Vide* Contemplatio.

ANIMALIA. Quorumdam esus Hebræis prohibitus est, tum propter naturalem insalubritatem, 204C, 712C', tum in idololatriæ detestationem, 204B', 205B, 713B, tum ob figurativam significationem, 713D. — Diversimode immunda dicebantur, 567B. Qua regula munda ab immundis discernentur, 205A', B'. Munda et immunda, mystice quid, 213C. — Animalium cadavera non licebat tangere, 210D, nec comedere, 251A'; imo tactu polluebant vasa, 210A', cibos, 210C', cilibanos, 210D', vestimenta, 210A', non autem fontes et cisternas, 211A, nec semina, nisi madefacta, 211C. — Animalium reges quatuor, qui, 605A. *Adde* Hostia, Sacrificium et Votum.

ANNULUS. De annulis septem planetarum liber allegatur, 205B.

ANNUS a Martio inchoabatur in sacris, apud Hebræos, 578B, a Septembri, in civilibus, 34D. — Sexto enique anno triplex reponitur fertilitas, 295A'. *Vide* Jubilæus et Sabbaticus.

ANTISIODORENSIS, 30C', 31D. Sic vocatur ab Auctore Guillelmus, Episcopus Antisiodorensis.

AQUA, in mari altior est terra, 541D'. Spiritualiter, aquarum nomine designantur po-

puli, 463D. — Aqua lustrationis mixto vacæ rufæ cinere conficiebatur, 424A, et a legibus immunditiis purgare valebat, 362B. Immundus super mortuo, ea 3 et 7 die adspersi debebat, 424C', sub gravi, 425A. Eam tangens, immundus fiebat usque ad vesperam, 425C'. Moraliter, penitentiam significat, 356A, et Baptismum, 427B'. — Aqua Contradictionis, xxxv<sup>a</sup> statio Hebræorum, cur sic dicta, 432C. AQUILA, avis immunda, 206D', describitur, 207A. — Pullos quomodo nutrit, 658A', et deferat, 658B'. — Ei recte comparatur Christus, 669D. — Mystice, superbiorum typus est, 214B, 713A'.

ARABES, multum philosophiæ studia propeverunt, 571A', sed multos incidernut errores, 571B'. — Arabes auctores: Algazel, 269B'. Avicenna, 269B', 451A.

ARAD regnum, quid, 436A. — Ab Israelitis penitus destructum, 436B'. — Spiritualiter, dæmonem significat, 442D.

ARADA, xxi<sup>a</sup> mansio Hebræorum, quid significet, 505A.

ARBOR. Fructus arborum tribus primis annis immundi censebantur, 260B'; quarto anno Domino cedebant, 260C'; quinto anno eis vesci licebat, 260C'; quare, 260D', 714D. — Mirabiles solis et lunæ arbores describuntur, 678A.

ARCA foderis describitur, 46D. — Cur dicta arca testimonii, 47D. — Quæ in ea contenta, 47B, 704D'. — In Sancto sanctorum reponabatur, 62B', 425C, 704D'. In itinere deportabatur, quomodo, 47A, 338A, et quo ordine, 370C; et sua quiete castrorum loca providebat, 370C. — Arcæ et ornatus ejus mystica expositio, 52D', 343B, 372C', 705C.

ARGENTUM. Ex eo gignitur ferrum, 555C. Factæ sunt ex argento columnarum bases, 59A', tubæ, 367A; item nonnulla vasa tabernaculi, 359B. — Quanta vis argenti in opere tabernaculi adhibita, 424C'. — Mystice quid, 52B.

ARIES, animal immolaticium, ad certa sacrificia præscribitur, 168A', 469B, 239D', 260D, etc. — Sub hoc nomine sæpe intelligendus est agnus, 441B. — Ex arietum pellibus hyacinthinis vel rubricatis tegebatur tabernaculum, 45A', 57C', etc. — Mystice, quid significet aries, 248D, 669D', et arietum pellis, 52D, 61D.

ARIOLI, quid sint, 263B', 445B. — Illos consulere non licet, 270D'.

ARISTOTELES, vel absolute Philosophus, quid de iudiciis censeat, 527 C. — Usuram reprobat, 613 B'. — Error ejus de solis divinitate, 583 A'. *Adde* 548 A', 610 C', etc. Citatur liber Meteororum, id est, Meteorologicorum, 553 D.

ARMUS dexter hostiæ pacificæ sacerdoti cedebat, 481 A', 354 D, quare, 482 B', 589 B. — Dictus est armus separationis, 481 B', cur, 488 C. — Tropologie, fortitudinem figurat, 484 A', 702 C'.

ARNON varie interpretatur, 438 B', 440 C'. — Quo sensu Arnon scopuli coram filiis Israel se inclinasse dicantur, 439 D. Spiritualiter, prælatos exprimunt, 444 A.

ABULA altaris holocausti, quid, 64 D.

ASER a Moyse benedicitur : In olivetis et metallis divitiæ ejus, 680 C. — Allegorice, est Christus beatus, 686 C'.

ASINUS bovi non jungendus erat in aratro, quare, 604 B'. Asini primogenitus redimebatur ove, 576 B'. Tropologie, simplicem et idiotam significat, 607 C'. — Asina Balaam, quomodo voces efformaverit, 450 A'. Multa in hoc inventiuntur mirabilia, 451 A. Verba tamen asina non intellexit, 451 B. Mystice idiotas figurat, 453 C'.

ASIONGABER, xxxi Hebræorum mansio, quid significet, 505 B'.

ATRIUM tabernaculi. *Vide* Tabernaculum.

AUGURIUM, quid sit, 261 B. — Nunquam quaeritur a Deo vel ab angelis, 454 C, sed a spiritu malo, 261 C. — Quatenus ex avium observatione augurium capere liceat, 262 B.

AUBEOLA mensæ propitiationis, quid, 48 B'. Annum lunarem significabat, 61 C', et regnum Israel, 48 C'. — Aureola Beatorum, in quo consistat, 54 A'.

AURUM, quomodo nascatur, 522 B', et cur in aquilone et fluviis potius generetur, 522 D'. — Facta sunt ex auro pleraque vasa cultus, arca, 46 B', propitiatorium, 47 A', Cherubim, 47 B', mensa, 48 D, thuribula, 49 B', caudelabrum, 49 D', etc. — Quantum auri in tabernaculi opere adhibitum, 124 B'. — Quid mystice, 52 A, 95 C'.

AVIS. Quomodo aves futura prænuntient, 262 B; et qualiter ex eis augurium capere liceat, 262 D, A'. — Inter aves, tres tantum in sacrificiis adhibebantur : turtur, columba, 441 C', 443 B, et passer, 443 D; quare, 443 D. — Quo ritu sacrificandæ aves, 441 C'. Cur projicienda gulluris vesicula, 444 A. —

Avium quarundam, cur esus prohibitus, 204 D, 206 D'. Avium immundarum catalogus, 206 D', 713 A'. — Cur de avibus, et non de aliis animalibus, Deus populum suum bis pavet, 387 A'. — In nido matrem cum pullis capere non licebat, quare, 602 C', 608 A. — Morali-ter, dæmones ambitionis et superbiæ designat, 670 C'. Aves in sacrificio, quid, 446 D'.

AZYMA tantum in sacrificiis offerre licebat, quare, 80 B', 449 A', 450 A. Quid mystice significant, 483 A. — Azymorum dies : sic vocatur Phase ; quare, 282 A'.

## B

BALAAAM, magus famosissimus, 445 A', an fuerit primo verus propheta, et idem qui Eliu Buzites, 448 B'. — Fuit pecuniæ nimium cupidus, 448 B, magnæ superbiæ, 462 A', 463 B, et pertinaçiæ, 449 A, 459 B; et infusione Spiritus Dei non est emendatus, 461 C. — Deum verum invocabat, 446 B', sed cum Deo simul idola coluisse videtur, 448 C, 454 A', et ope dæmonum carmina edebat, 445 C', 446 A', 447 B'. — An reapse maleficia ejus nocere potuerint, 445 D'. — Deo obsistendo, graviter peccavit, 449 A; et non nisi ad suam perniciem licentiam eundi accepit, 449 D. — Quomodo, loquente asina, non horruerit, 451 A'. — Triplex vaticinium Balaam, 455 A, 457 C, 461 A'. Quantum ejus prophetiæ gentibus profuerint, 454 C', 456 D'. Eas Judæi detorquere student, 466 A; sed a Daniele confirmantur, 468 D'. — Pessimum consilium dat contra Israelitas, 471 B; et ab eis interficitur, 492 C. — Ex eo orti perhibentur Magi qui Christum adoraverunt, 456 A. — Morali-ter, diversos signat perversos, 453 C, 469 B, C.

BALAC Madianita, quomodo rex Moabitarum, 444 C'. — Accessit Balaam ad maledicendum Israeli, 445 A; quare, 445 D. — Morali-ter, malevolos significat, 453 C.

BALTEUS duplex in Scripturis describitur, 76 B, B', 186 B', unus sacerdotum, 74 D', alter pontificum, 74 C'. — Oceanum figurabat, 77 A, et discretionis virtutem, 77 C, vel continentiam, 191 D.

BDELLIUM, quid sil, 375 B'.

BELLUM. De jure belli apud Hebræos : Ante prælium recedere jubebantur qui novam domum non dedicaverant, 595 C', novam vineam communem non fecerant, 596 A, no-

- vam sponsam non acceperant, 396D, item omnes formidolosi, 396B'. — Sacerdotes exercitum comitabantur, tubis clangentes, 368A, 492A, 595C. — In prælio arbores fructiferas succidere et regionem securi vastare non licebat, 397B; sed plerumque mares usque ad unum trucidabantur, 492B, D'; et feminae in servitutem redigebantur, 493B, quas qui volebat uxores ducere poterat, 599A'. — Post prælium bellatores extra castra septem diebus, ut homicidae, remanebant, 493B; universa præda vel igne vel lustrationis aqua mundabatur, 493D, et ex æquo inter pugnatore et reliquos dividebatur, 493C, seposita tamen parte Domini, 493D'. — Moraliter, qui apti sint ad spirituale prælium, 597C'; et quæ ejus leges, 398A. — Bellorum Domini liber, quid sit, 438D'.
- BENEDICTIO.** Quomodo in V. T. sacerdotes benedicere soliti, 354B', 356B'. — Benedictiones XII tribubus a Moyse impertitæ, quæ, 672B et seq. — Benedictiones legem custodientibus repromissæ, quot, 302B, 552D', 637B, et quomodo promulgatæ, 634C', 635A'. — Non in singulis justis verificatæ sunt, sed in tota gente, 306B, 638B. — Etiam nunc legem diligentibus spiritualiter repromittuntur, 306C', et Ecclesiæ sæpius collatæ sunt, 640C'. — Benedictionem, præsentem episcopo, dat cardinalis diaconus, in terra suæ legationis, 189D.
- BENEJACAN,** xxviii<sup>a</sup> statio Hebræorum, quid mystice, 503D.
- BENJAMIN** tribus a Moyse benedicitur, 677D: Deo dilecta valde propter Paulum apostolum, 677A', et templum Domini possessura, 677B'. — Allegorice, Christum Filium Dei dilectum significat, 685A.
- BERYLLUS,** rationalis ornamentum, cujus sit virtutis et significationis, 79C'.
- BESELEEL,** quo sensu scientia, intelligentia et sapientia impletus dicatur, 94B. — Fuit vir virtuosus, 94C, a Deo electus in opus tabernaculi, 93D. — Mystice, est figura Christi, 95D', et prælatorum, quorum est ex diversis ingeniis unam compingere societatem, 95B'.
- BLASPHEMUS** quidam, de tribu Dan, jussu Dei lapidatur, 290B', 291A. — Exinde lapidatio blasphemie poena statuta est, 291C. — Mystice, blasphemus iste typus fuit hæreticorum, 292B.
- BOETHIUS** (B), philosophus, 654C (Migne *Patrol. lat.* tom. 63-64).
- BOS,** fuit de immolaticijs animalibus, propter multiplices ejus qualitates, 142C, ad confutandam gentilium idololatriam, 142D', et quia Christi figura erat, 143B. — Ad quædam sacrificia præscribitur, 193A, 359A', 362D. — Bos corruptela hominem interficiens, lapidibus obrutus projiciebatur, 17C; alium bovem occidens, vendebatur, 18A. Quid de hero ejus, 17C, 18A. — Bovis triturantis os alligari lex prohibebat, 627D'; quare, 714B'. — Bovis primogenitum subjugere non licebat, 576B'; nec redimere, 418A'. — Pro bove furto abacto, quinque reddendi, 20D; quare, 20D'. — Quinque bovis utilitates, 21C. — Spiritualiter, quid significet, 26D, 144B, 146A, 577C'.
- BUBALUS,** mundum animal, quid ad litteram, et mystice, 572C'.
- BUBO,** avis immunda, quid sit, 208B. — Moraliter, luxuriosos denotat, 214D, 713C'.
- BYSSUS,** seu linnm candidum, 45A', adhibetur ad faciendâ tabernaculi vela, 65C', 66A, et indumenta sacerdotalia, 70A, 71B, etc. — Mystice, quid significet, 52D, 61D, 62D, 707A'.

## C

**CAATHITE.** *Vide* Levitæ.

**CADES,** xxxii<sup>a</sup> statio Hebræorum, 428C, 501C, quid mystice, 503B'. — Ibi mortua est Maria, 428A', et jurgatus est populus, 428C'. — Octo peccata populi in Cades, 529D.

**CECUS.** Offendiculum caeco ponere cur vetitum, 257B, et quid moraliter significet, 636C'.

**CERIMONIALIA.** *Vide* Præcepta.

**CALAMUS,** in unctionis oleo adhibitus, quid, 90C.

**CALEB,** unus exploratorum, ceteris obsistens, 396D, lapidibus impetitur, 397A. — Solus ex sua generatione in Terram promissionis admittitur, 398C'.

**CALENDÆ.** *Vide* Neomenia.

**CAMELOPARDALIS,** mundum animal, quid sit ad litteram, et mystice, 573B.

**CAMELUS,** inter immunda reputatur, quare, 205B, 206B. — Mystice quid, 215B'.

**CANDELABRUM,** an totum ex auro, 49D, 361D. — Cujus formæ, 50D, et quanti ponderis, 51A'. — In Sancto positum erat, 66A', 289D, ad austrum, 361A, quare, 361B'.



- 705D; et in eo ardebant jugiter tres lucernæ de die, 66D, 289C, et septem de nocte, 66C, 88C. — Quid nos doceat, 54D', 55C', 63B', 68B', 705D.
- CANIS.** Pretium canis in domo Domini offerre non licebat, 612C'; et primogenitus canis occidebatur, 576B'. — Per canes intelligunt Judæi incircumcisos et gentiles, 26C'.
- CAPRA,** fuit de immolatiis animalibus; quare, 142C. Ad quædam sacrificia præscribitur, 161C', 167C, 402C'. Capræ nomine in holocaustis intelligitur hædus, 141A. — Moraliter, sensualitatem designat, 156D'. — Ex caprarum pilis confecta leguntur tabernaculi saga, 57A; quibus vitæ asperitas designatur, 52D.
- CAPTIVITAS.** Babylonice et Romanæ captivitatis quæ fuerit causa, 104B'.
- CARBUNCULUS,** ornamentum rationalis, quid sit et quid significet, 79B.
- CARO** a bestia prægustata, a Judæis non comedebatur, quare, 26A'. Eam tamen gentilibus vendere licebat, 26C'. — Ex ea manducans immundus erat usque ad vesperam, 251A'. — Etiam primis Christianis vetita fuisse videtur, 251C'. — Mystice quid, 252A'.
- CASA,** arbor aromatica, ad oleum unctionis conficiendum adhibebatur, 90C.
- CASTITAS** summopere Deo placet, 143C, et Christianos decet, 615A', maxime vero religiosos, 615B', et mulieres, 629C. — Nonnulla de castitate præcepta Hebræis data, 8B, 253C, 254A, 259D, 263D, 612C', 705D'.
- CASTRA** Hebræorum triplicia numerantur, 344B; et ex eis ejciendi erant aliqui, 344A. — Mirabilis eorum ordo describitur, 462A'. — Tentoria Israel, mystice quid, 470A.
- CAUDA** quarundam hostiarum Domino cedebat, 83A, 154D; quare, 156B'. — Animal cauda carens, quando Deo offerri potuerit, 280C.
- CAUSA.** Liber de Causis, a Judæo conscriptus, allegatur, 583C'.
- CEELATHA,** xix<sup>a</sup> Hebræorum mansio, quid significet, 504D'.
- CENSUS.** In numeratione populi Israel, census quidam exigebatur, 88D'. Fuit in usum tabernaculi, 89D. — Quid mystice, 93A.
- CERVUS,** mundum animal. Ejus indoles, et mystica significatio, 572B'.
- CHAMÆLEON,** animal immundum, quid sit, 210B. — Acre pascitur, 210D.
- CHANANÆI** multi valde erant, 551A, et proceræ staturæ, 395B', 529B, 536D'. — Duplici de causa deleti sunt, 557C. Cur paulatim, 37D'. — Quælibet cum eis consuetudo prohibetur, 38C, 419B, 551C. — Spiritualiter, quid per Chananaeorum gentes designetur, 442D', 553C'.
- CHARADRION,** avis immunda, quæ, 208C'. — Loquacium figuram sustinet, 214A', 714A.
- CHERUBIM** arcæ, ejus figuræ, 48C. — Quomodo super arcam dispositi, 47B', 705A, et quorsum versi, 241D. — Cur in Sancto sanctorum positi, 62B'. — Mystice, duo Testamenta significant, 51B, et electos in cælo, 531D', 62C', 705B.
- CHÆROGRYLLUS,** quid sit, 206C. — Inter immunda recensetur; quare, 205B.
- CHRISTUS** est tanquam angelus a Patre ante populum christianum missus, 38A'. Quænam bona sequentibus eum repromittantur, 38A'. — Ipsi fuit senectus mentis immensa, 687B. — Ejus calceamenta, quæ, 687A. — Multipliciter in Scripturis præfiguratur : 1° Per sacrificiorum hostias, 145B, 710C, B', vitulum, 144B, 249C, agnum, 145A', 249C, hircum, 145A', 248B', columbam et turturam, 145B', etc. — 2° Per arcam fœderis, 52D', et ejus ornamenta, propitiatorium, 53B', mensam propositionis, 54C, candelabrum, 54D', etc. — 3° Per virgam Aaron : in resurrectione reffloruit, 414C'. — 4° Per V. T. pontificem : solus in Sancta sanctorum penetrare valuit, 277B'. — 5° Per vaccam rufam : ejus passio alios ad purificationem, alios ad majorem iniquationem perduxit, 427A. — 6° Per rhinocerotem : a Virgine quasi eicuratus fuit, 458D', 470B'. — 7° Per stellam Jacob et virgam Israel : quo sensu filios Sethi vastaturus dicatur, 466B', et universo orbi dominaturus, 467A. — 8° Per duodecim tribus. *Vide Aser, Benjamin...*
- CHRYSLITHUS,** rationalis ornamentum. Ejus variæ utilitates, 79C'. — Moraliter, justitiam designat, 79C'.
- CIBUS,** quo sensu mundus vel immundus dicitur, 204B, C'. — Recte imposita est Judæis ciborum distinctio, 203D. — Cibi nonnulli eis interdicti sunt, tum propter naturales causas, 204C, 712C', tum in idololatriæ detestationem, 204B', 713B, tum ob figurativam significationem, 204A, 713D. — Cibus, aliunde mundus, aqua immunda superflua polluebatur, 210C'. — Ciborum primitiæ solvebantur, 402A, et mystice etiamnum offerri debent, 404B'.

- CIDARIS**, seu tiara pontificis, describitur, 75C.  
— A tiara sacerdotum distincta erat, 75C.  
— Spiritualiter, colum empyreum figurabat, 77B, et rationis rectitudinem, 77C, 191B.
- CINEAS**, quid sit, 467D'. — Contra eum vaticinatur Balaam, 467D'. — Mystice, pedentes saculi signat, 470D'.
- CINIS**. Sacrificiorum cineres, ex altari rite extracti, 172D, extra castra vel urbem efferebantur, 172B'; quare, 176B'.
- CINNAMOMUM** in unctionis oleo adhibitum, quid sit, 90B.
- CIRCUMCISIO**. Quae ejus ratio litteralis, 708A, et figuralis, 708C.
- CISTERNA**, mortuorum contactu non polleebatur, 211A. — Cisternam non operiens, ad resarcienda damna tenebatur, 17C'.
- COCCUS** his finctus, vel vermiculus, quid ad litteram, 45D, 122D, et mystice, 52C, 61C', 62D. — Adhibebatur ad conficienda tentoria tabernaculi, 65C', et ornamenta pontificis, 70A, 71B. — Usurpabatur etiam in mundatione leprosi, 226B'; quare, 227C, C'; et in sacrificio vaccae rufae, cur, 423D, 426C'.
- COELUM** et Caelum caeli, quid, 561A'. — Improprie elementum vocatur, 652A', et incorruptibile est, 652B'. — Quo sensu testificari aut obstupescere dicatur, 652B. — In Scripturis, modo pro angelis sumitur, 651B', modo pro caelestibus corporibus, 652A. — Optimus est Dei thesaurus, 637C'. — Mystice quid, 667C. — Caeli militia, et angelos et astra designat, 583B.
- COLLECTAE** pecuniae in usum templi liebant in Jerusalem, 7<sup>a</sup> die Paschae, 579A', et 8<sup>a</sup> die Tabernaculorum, 285C', 286C, 287C'; et per totam Judaeam, primo die xii<sup>i</sup> mensis, 285D'.
- COLLYRIDAE**, quid sint ad litteram, 178C, et mystice, 183A'.
- COLUMBA**, in sacrificium offerebatur, 143B; ipsa et pulli ejus, 143D'; sed tantum pro peccato, 702D'. — Columba offerendae ritus, 141C'. — Spiritualiter, Christi figura est, 143B', et castitatem conjugalem significat, 143C.
- COLUMNA** nubis et ignis deducens Israel per desertum, utrum simplex an duplex, 530B. Spiritus Sancti gratiam praesignabat, 533B. — Columnae tabernaculi, quid ad litteram, 59A', et mystice, 63C. — Columnae atrii quatuor, 65C', moraliter devotos saeculares designant, 68A'.
- COMA**. Crines, in signum luctus, antiqui exolebant, 198A', vel e contrario ultra modum crescere sinebant, 198C'; quae omnia sacerdotibus prohibebantur, 198B'. — Sacerdotum coma, nec penitus radenda, nec integre servanda fuit, 273A'. — Judaeis comam in rotundum attundere nefas; quare, 262C'. — Coma proluxa, Nazaraeorum insigne; cur, 351D'. — Mystice, quid sit coma, 355B', et caput nudare, 202D.
- COMMIATIO** qualibet innaturalis prohibebatur, tam in jumentis, 259B, C', quam in seminibus, 259A', et in vestimentis, 259B', 260A.
- CONCILIIUM** generale a Moyse invenimus convocatum; et valde expediret id frequentius convocari, 406D.
- CONCUPISCENTIA** rei mala, qualenus in lege prohibita, 6B. — Concupiscentia expletione augetur, 378C. — Concupiscentiae sepulchra, xii<sup>a</sup> Hebraeorum mansio, unde dicta, 384C', 501B, et quid tropologice significet, 504D.
- CONFESSIO**. Ejus necessitas, 233A, efficacia, 233B, et utilitas, 349D. — Confessarius quomodo penitentes tractare debeat, 233C. — De mystico penitentis sacrificio, 234A.
- CONSECRATIO**. *Vide Votum*.
- CONTEMPLATIO** altissima in hoc mundo, quae sit, 10A'. — In vita contemplativa non est amplius sapientia naturalis, 18C'. — Contemplatio per virtutum exercitium acquisita, 307C, majores vires ad eas exerceandas subministrat, 307C. — Ad contemplationem minus aptus est homo in juventute quam in senectute, 363D'.
- Anima contemplativa, quomodo de activa vita educatur, 18D. — Ad contemplationem tendens, debet a cunctis separari, 1201D', corpus suum Deo immolare, 145D', et poenitentiae exercitiis insudare, 686B'. — Anima contemplativa, per omnimodam a creatis segregationem, in caliginem Dei introducit, 10A', ubi Deo incomprehensibili unita, 10C', in ipsum, exuto esse creato, transformatur, 10D'.
- CONTENTIO**. Contentiosi de facili peccant graviter, 19B', et spiritualia damna semper resarcire tenentur, 19D'.
- COPULA** conjugalitatis raro fit sine culpa, 216D', 235C'. An cum menstruata sit licita, 237C, C'. — Sub lege, conjugatos per unum diem pollebat, 235C', et per septem, tempore menstrui, 236B. — Coire scienter cum menstruata, sorore, amita, fratria, crimen capi-

tales erat, 271D. Item omnis innaturalis copula, 24A', 231A, 271C.

CORE, Moysis consobrinus, 407A, dives et facundus, 407D, ex invidia in Moysen insurrexit, 406D', 407B, quem etiam apud populum criminatus est, 407D, 409A. — Utrum terra absorptus, 409B', an igne consumptus, 410B. — Filii ejus mirabiliter e patris clade erepti, 477A, psalmos fecerunt, 477C, D. — Moraliter, ambiliosos significat, 411C.

CORNU, in Scripturis, quid significet, 67B. — Altaris cornua, ejus figuræ, 63D', et significationis, 67C. — Moysis facies, quomodo cornuta facta sit, 120A, et quamdiu, 120B'.

CORONA interrasilis in mensa propositionis, et corona aureola, quomodo dispositæ et quid significant, 48B', 53A', 54A', 61C'.

CORPUS. Ejus formatio Deo recte tribuitur, 636A. — Sicut vitulus in holocaustum Deo offerri debet, 146A. *Cf.* Incisio.

CORTINE tabernaculi, ejus materiæ et figuræ, 56B, et quomodo ad invicem connectæ, 56D, 61A'. — Quid mystice, 61D, 63A.

CORUS mensura, quanta, 384C.

CORVUS, avis immunda, describitur, 207D. — Moraliter, voluptuosos exprimit, 214B, 713B'.

COTURNIX, quid sit, 384A'. — Denuo Hebræis mirabiliter datur, 384B.

CBABRO, qui Chananæos fugavit, quid, 37C', 533B.

CRATICULA altaris holocaustorum, quid, 64C, et ubi posita, 64A'. — Tropologice, patientiam figurat, 67C'.

CREATURA. A magnitudine creaturæ innotescit Creator, 693A; ideo inexcusabiles sunt philosophi qui, Deo relicto, idola coluerunt, 693D. — Creatura rationalis ad æternam beatitudinem creata, 691B, accipere debuit cum naturali inclinatione ad finem, 691B', mediorum notitiam quibus ad eum perveniret, 691C'; et hæc est lex naturalis, 692A. — Insuper, quum ad supernaturalem finem creata sit, 694D, supernaturali lege dotari debuit, 694D; et hæc est lex divina, 694A'. — Demum, quum a malo retrahi et ad bonum attrahi indigeat, 695A, necessaria etiam ei fuit lex humana, 695A.

CROCODILUS, animal immundum, describitur, 210A.

CUBITUS mensura, quanta, 509C, D.

CULTUS exterior necessario interiorem comitatur, 703C, et ad illum ordinatur, 700B, et cum illo variatur, 700C.

CYATHUS, quid ad litteram, 49A', 338A', et mystice, 51C'.

CYCENUS, avis immunda, describitur, 208D. — Moraliter, hypocritas exprimit, 214D, 713C'.

## D

DEMONES multimodis futura prænuntiant, 261D. — Sunt magorum magistri, 445C'; et ope eorum fit divinatio, 261C. — Paganis in forma hircorum apparebant, 246C', 701C'. — In desertis libenter habitant, 246B', 247B. — Illos Deus ad tempus huic sæculo dominari sinit, 447C'. — Dæmoniis immolare, quid sit, 250B'.

DAMNUM, quomodo in variis casibus resarciendum: pro agrorum depopulatione, 22A'; pro incendio, 22C'; pro deperdito deposito, 22D'; pro commissæ pecudis amissione, 23C; pro commodati jumenti extinctione, 23C'; pro virginis seductione, 21B, 607A'; pro alieni jumenti occisione, 291B'; pro vulnere proximi, 291B.

DAN tribus, unica constitit familia, 326B'. — Ad aquilonem tabernaculi manebat cum duabus tribubus, 330B', quibus præerat, 331C'. — In vexillo ejus fuit figura aquilæ, 331C. — A Moyse quomodo benedicatur, 679D'. — Allegorice, per Dan exprimitur Christus judex, 686D.

DAPHICA, ix<sup>a</sup> Hebræorum mansio, 501A, quid spiritualiter significet, 504A.

DATHAN, frater Abiron, cum fratre rebellavit et occubuit. *Vide* Abiron.

DEBITA. Septimo quoque anno exstinguebantur, juxta quosdam, 574D; differebatur tantum solutio, juxta alios, 575B; utra verior sententia, 575A'. — Quænam hujus legis ratio, 574C'. — Saltem in anno jubilæi remittebantur, 575B. — Sed hæc, quoad Judæos tantum, 574D.

DECALOGUS. Præcepta ejus varie distinguuntur et numerantur, 4C. — Primum mandatum, quando datum, 1A; quod sit, 2C, 9A; et quæ ei fuerint addita, 699A'. — Secundum, quid prohibeat, 4A, 9D', et quæ complementa acceperit, 699B'. — Tertium, quæ præcipiat, 4C, 10B; ad illud omnia præcepta carinomialia referuntur, 699B'. — Quartum, quod sit, 4D', 10D; illi adjunctum est quidquid ad reverentiam senum et aliorum spectat, 699C'. — Quintum, quæ contineat, 5D, et quæ ei addita, 699C'. — Sextum, quantum pateat,



5B; illi nonnulla accesserunt, 699C'. — Septimum, quæ comprehendat, 5B', et quæ augmenta obtinuerit, 699D'. — Octavum varia prohibet, 5C', et aliqua incrementa suscepit, 699D'. — Nonum et decimum, quæ, 5C'; et quomodo ab invicem distinguantur, 6A. Eis nihil additum est, 699D'. — Hæc omnia ad legem naturalem pertinent, 692D'. — Decalogus, cur tam terribiliter promulgatus, 6A', et toties populo memoratus, 266D'.

**DECIMÆ.** Lex de solvendis decimis fuit naturalis, quoad obligationem, 317A, 420A', judicialis, quoad determinationem, 317A, 420B', cærimonialis, quoad significationem, 317C. — Ante Moysen quodam modo viguit, 317B'; et in N. T. a Christo servata est, quoad obligationem, 420C', et ab Ecclesia, quoad determinationem, 420B'. — Decimæ sine mora reddendæ erant, 26A. — De armentis, decimum quodque caput, absque defectu, assu-mebatur, 316B', nec redimi nec mutari poterat, 316C'; de fructibus vero, optima eligi debebant, 418B', sed redimi poterant, 316A'. — Levitis, sortis vice, tribuebantur, 418D, sicut in N. L. sacerdotibus, 419C'; sed de his decimam pontifici tradere tenebantur, 418A'. An adhuc decimarum decima Papæ solvenda sit, 421B. — Præterea, quotannis fiebat secunda decima, quam in solennitatibus afferebant in sanctam civitatem ad epulandum, 368A; et tertio quoque anno, tertia separabatur decima in usum pauperum, 373C', 631C, D'.

**DELIBERATIO.** Sapiens Judæorum et Parisien-sium mos in deliberationibus, 29B.

**DEPOSITUM** in quo differat a mutuo, 24A, 717D. — Lex depositi, 22D', 717D.

**DETRACTIO**, quid sit, 397B. — Est grande pec-catum, 392B, in anima maculam imprimens, 392C, et ab ea Spiritum Dei repellens, 392B'; et gladius bis acutus, quo detractor et auditor perimuntur, 512D'.

**DEUS**, essentialiter unus, 347B, quomodo incomprehensibilis dicatur, 114A, et invisibilis, 114B'. — Quomodo perspicui possit in cælis, 114C, et in terra, 114D. Eum in hac vita non nisi procul adoramus, 43C; sed tanto jucundius in patria eo fruemur, quanto ardentius eum desideraverimus, 694A. — Quo sensu dicatur: Dominus, dominator, Deus, misericors, clemens, verus, 118A, æmulator, 2D', 119B, 268D, ignis consumens,

343B, visitans patrum iniquitates in filios, 34B, 118D, fidelis, 634C', justus, 634D'; et quam-justitiam ei competat, 633A. Justis quodammodo debitor est, 633B. — Quo sensu in ministris suis sanctificetur, 197A', 202A; et a nobis magnificetur, 634B'. — Quid sint Dei pedes, 675B; Dei caligo, 10A. — In Hebræo aliud habet nomen, omnibus diis commune, aliud sibi proprium, 446D'. Hoc nomen, cur dictum ineffabile, 73D'. Sacerdotibus tantum illud proferre licebat, 4B. — Dei opera, quomodo perfecta dicantur, 633C'. Ejus perfectiones sæpe nominantur viæ, 634B, judicia, 634D, et misericordia, 634B'. — Dei præ-nuntiatio duplex, una immutabilis, altera mutabilis, 437B'; ideo de earum effectu conditionaliter dubitare, non est illicitum, 430D'. — Ejus ordinationi nemo resistere potest, 436C. — Absque præviis meritis, misericordiam impetratur et salutem, 113B'. — Sic dona sua præordinat, ut per Sanctorum orationes impetrentur, 194D; et sæpe cupit rogari ac placari, 98B'. — Præceptum diligendi Deum mensuram non admittit, 347B'. Tripliciter intelligi et impleri potest, 347C'. Finis est omnium præceptorum, 348A'. — Deus a nobis sanctitatem requirit, 212B, 663B, et in suo servitio zelum, 9B, atque lætitiā, 639B. — Deum odisse, an sit possibile, 345B'. Deo maledicere, quantum peccatum, 291D. — Quomodo in Sinai Deus apparuerit senioribus, 41B, populo, 41A', et Moysi, 113C. An Hebræis ab eo duci expediens fuerit, 109C.

« Dii » gentilium, dii alieni vocantur, 2D. — Dii etiam sacerdotes et judices dicuntur; quare, 12D'. — Sic dici possunt Sancti et angeli, 23D'. — Diis detrudere non licet, 25B'.

**DEUTERONOMIUM.** Liber iste, qui secunda lex dicitur, 643A; non continet nisi jam datam, quam triplici de causa repetit, 319. — Primo fuit populo explanatus; ubi, 521A, 522D, quando, 523A, et quomodo, 524C; deinde a Moyse conscriptus, 522B, cum quibusdam forsitan additionibus Josue vel Esdræ, 522C. — Hujus exemplar, manu Moysis exaratum, in arca positum est, 47D, 650A', anno remissionis, in festo Tabernaculorum, publice legendum, 649C. — Ultimo Christi sermoni in Cæna comparatur, 531D.

**DIBONGAD**, xxxviii Hebræorum mansio, 501B', quid significet, 505D'.

DIONYSIUS (S.) Arcopagita, « theologissimus », quid de contemplatione doceat, 10A'. *Adde* 561C', etc.

DIPSAS, serpentis genus, describitur, 555B'. — Mystice quid, 556D'.

DISCRETIO est auriga et ductrix virtutum, 152B'.

DIVINI, unde vocati, 446B, et quid sint, 590D. — Omnis divinatio prohibetur, 590C.

DOMUS. Tecta muro munienda erant, 603B'. — De domorum venditione : Domus urbana per annum redimi poterat, 296C; alioqui in perpetuum emptori cedebat, 296C, 717B. Domus rustica in jubilæo ad venditorem revertebatur, 296D; quare, 296D. Domus Levitarum semper redimi poterant et in jubilæo reddebantur, 296C'. — De domorum consecratione : Domus Deo devota iudicio sacerdotis venundabatur, 313A; et a vovente redimi poterat, 313B. — De domorum lepra, *vide* Lepra. — Per quamdam solennitatem initiabantur, 596A, quam qui nondum fecerat, a bellando immunis erat, 595C'. — Sæpe domus pro familia sumitur, 326C. — Moraliter, quid sit domus urbana, 300A'; rustica, 300B'; Levitarum, 300C'.

## E

EBRIETAS est omnium vitiorum mater, 203B, 107C, animam et corpus pariter corrumpens, 203C. — Triplici sensu in Scripturis sumitur, 615D'.

ECCLIESIA varie in Scripturis præfiguratur : 1° Per tabernaculum, 52C', 332C, et ejus suppellectilem, 53A, 55C', 62D', 248B, etc. Ad instar triumphantis Ecclesie disponitur, 52C'. Quæ sint ejus ornamenta, 363D. Quadruplici protectione gaudet, 621D'. Quid sit ejus oriens, meridies, occidens et aquilo, 332A', et quomodo circa eam nos castramentari oporteat, 332C'. — 2° Per castra Hebræorum : Ejus excellentia, 459D', mira ordinatio, 470B, et dignitas, 544B'. Qui ab ea excludendi, 349B. — 3° Per Terram promissionis, 298D, etc. Quæ ejus divitiæ, 556C, et ubertas, 565B'. — 4° Per gentem Hebraicam : Accepit a Deo protectionem, 640D', spirituales fecunditatem, 641A, et exemplarem conversationem, 641A'. — 5° Per Æthiopissam, Moysis uxorem, 392B. — Etc.

ELDAD et Medad, qui fuerint, 383A'. — A Moysæ inter seniores electi, in castris humi-

liter remanserunt, 383B. — Prophetantes, cur a Josue prohibiti, 383B', 384A. — Humilitatem nos docent, 387A.

ELEAZAR, filius Aaron, princeps generalis Levitarum, 335C, Caathitis immediate præfuit, 339B'. — Illius erat parare lucernarum oleum, 339D', compositionis incensum, 340A, jube sacrificium, 340B, unctionis oleum, 340C, et vasa cultus curare, 340C. — Patrem suum in monte Ilor sepelit, 434B', et illi succedit, 434A'.

ELIM, v<sup>ta</sup> Hebræorum mansio, 500C', quid mystice, 503B'.

EPH mensura, quanta, 167C'.

EPHRAIM tribus, ad occidentem tabernaculi manebat, cum duabus tribubus, 330B', quibus præerat, 331C'. — In vexillo ejus fuit figura tauri, 331C. — Communiter tribu Manasse numerosior fuit, 477D'. — De ejus benedictione, *vide* Joseph.

EPISCOPUS Ostiensis, quo jure Papam consecret, 189A.

ETHAM, m<sup>ta</sup> Hebræorum mansio, 500D, quid moraliter designet, 503B.

EUXUCHI, a civilitate Hebræorum in perpetuum arcebantur, 609A; quare, 611D. Tropologie, inveteratos in vitiis significant, 614A'.

EXPIATIO. De festo Expiationis, *vide* Festivitates.

EXPLORATORES. Quo auctore in terram Chanaan missi, 393C, quare, 393C', 528A', et unde, 528D', 393A. — Terræ detrahentes, 394B', et populum deterrentes, 395B, repente pereunt, 399D. — An eorum filii postea hereditate sint privati, 399D'. — Spiritualiter, quorundam prædicatorum figuram exhibent, 395B'.

## F

FAMILIA et domus, modo pro eodem sumuntur, modo non, 326C.

FEMINALIA sacerdotum, qualia, 75D. — Terrenum elementum figurabant, 76D', et castitatem exprimebant, 77C, 176A'.

FERMENTUM, in sacrificiis prohibebatur, 149A'; an recte, 149D'. — Primitiæ tamen fermenti solvebantur, 149B'; quare, 153A. — Super fermentum immolare, quid sit, 35B. — Fermentum, quid mystice, 152D.

FESTIVITATES Hebræorum, septem numerantur, 287B, 706C. Quarum prima, qualibet

hebdomada, in memoriam Creationis iterabatur, 287B, 706C. *Vide* Sabbatum. Secunda, in principio cujuslibet mensis, in honorem gubernationis Dei, 287B, 706C. *Vide* Neomenia. Quinque aliae, semel in anno, in memoriam beneficiorum Dei, 287C, 706A'; quarum ratio figuralis traditur, 287C, 706D'. — A vespere usque ad vesperam celebrabantur, 285D. — In tribus principalioribus, ascendeant omnes masculi in Jerusalem, portantes secum primitias et decimas, ad epulandum, 568A, cum Levitis, 568B. — Decursu temporis aliae introductae sunt festivitates, 487C.

Mense primo, die quarto decimo, solennitas erat Azymorum, seu Paschae, 33D', in memoriam educationis populi ex Aegypto, 282C, 287D, 706A'. — Septem diebus durabat, quibus azymis vescerantur, 33D', 378D', et varia fiebant sacrificia, 485B. — Primus dies et septimus sanctissimi erant et in requie celebrabantur, 282B'. — Secundo die offerebantur Domino primitiae segetum, 283A; et septimo, fiebant collectae, 579A'. — Conveniebant omnes masculi in Jerusalem, ad immolandum Phase, 579A. — Impeditis in primo mense concedebatur ut quarto decimo die secundi mensis, et forsitan ceterorum deinceps, illud celebrare possent, 363D. — Quo die prima vice celebratum sit Pascha, 500A. — Mystice, quid significet, 366C.

Mense tertio, die septimo, solennitas erat Pentecostes, 283C', seu Primitivorum, 34C, 485A', sive Hebdomadarum, 485C', 579B', in memoriam legis datae in Sinai, 287D. — Sanctissima erat et in requie celebrabatur, 284A'. — In illa offerebantur duo primitiarum panes, 283D', et solenne sacrificium, 284B. — Septem diebus durabat, ut Pascha, 284B. — Videntur fuisse duae hujus nominis festivitates, una solennis, altera privata, in qua epulabantur Judaei, 579B', D'. — Mystice, descensus Spiritus Sancti praefigurabat, 34C', 288A.

Mense septimo, primo die, clangentibus tubis, 284C', solennitas erat Tubarum, in memoriam liberationis Isaac, 284B', 287B', 486C. — In requie celebrabatur, 284D', et varia offerebantur sacrificia, 486B. Allegorice, Apostolorum praedicationem praesignabat, 288A, 706D'.

Eodem mense, decimo die, in expiationem idololatriae vituli aurei in deserto, 285A, so-

lennitas erat Expiationis, 241B, seu sabbatum requitionis, 244D, sive dies propitiationis, 244D', 245D. — In jejuniis et requie celebrabatur, 244B, 285A, 486C'. — Illo die, post solenne sacrificium, 238D, inter duos hircos sors mittebatur, quorum uno pro peccato immolato, 240D, alter, populi iniquitatibus onustus, in desertum pellebatur, 240A', 246B'. — Ille dumtaxat die in anno, pontifex Sanctum sanctorum intrabat, 240D', et sanguine hirri expiabat Sanctuarium, 241C', Sanctum et altare Ithymianatis, 242D. — Quid spiritualiter significaverit, 288A, 706D'.

Eodem mense, quinto decimo die, in memoriam peregrinationis in deserto, solennitas erat Tabernaculorum vel Scenopegiae, 34D, 285A'. — Septem diebus sub arborum frondibus agebatur, 286B', quorum primus sanctissimus, in requie celebrabatur, 285B', 286C'. — Quotidie offerebantur varia sacrificia, 487B', quae simul lxx vitulos complecebantur; quare, 487D. — A primo die solvebantur primitiae, 286B', solenni ritu, 630C, 633B; et in annis remissionis, quotidie palam legebatur populo Deuteronomium, 649C. — Octavus dies, celeberrimus, vocabatur Cælus, vel quia tunc fiebant collectae in usum templi, 285C', 288B', 487B', vel quia tunc adunabatur populus, 286A; et in eo peculiare sacrificium offerebatur, 487B'. — Figurative, quid portenderit, 34C', 286A, 288A, 706D'; et quomodo a nobis celebrandum sit, 288C', 488B.

In afflictione et humilitate festa hujus saeculi celebranda sunt, 488C, ut gloriose deinceps agantur in patria, 488B'.

**FILIUS.** Bonos filios merito longævitas manet, 5A, licet non semper, 5C. — Filio rebeli lapidationis poena indicitur, 600C. — Licet, ex occulta Dei justitia, saepe ob antecessorum delicta puniantur filii, 623B', iudex tamen filium innocentem pro reo patre occidere nequit, 623D, 624A. — Licet ex permissu Dei, Hebraei Chanaanæorum infantes interficiunt, 624B. — Quomodo pro patrum culpis puniantur filii, 3B, B', 398A, et cur usque ad tertiam et quartam generationem, 3C', 624A'.

Filiae in concubinas an potuerint vendi, 13C. — Sæpe ad probationem vendebantur, 13A'; quomodo tunc tractandae fuerint, 13B'. — Filiae sacerdotis quandocumque de oblatis



- comedere licuerit, 279 C. Ob fornicationem igni tradebatur, 274 A. — Filiae generatio multo diuturnior et operosior est generatione filii, 216 B'. — *Cf.* Virgo.
- FIMBRIA, quid sit, 403 A'. — Jubentur Hebraei sibi in palliorum angulis fimbrias ponere, 403 A', non tantum in mandatorum recordationem, sed etiam ad Judæorum distinctionem, 403 D', 405 B'. — Illas Scribae et Pharisei quammaximas gestabant, 605 A'.
- FORCIPES, quid ad litteram, 64 A, 338 C', et mystice, 67 A'.
- FORNICATIO cum ancilla, quibus poenis plectatur, 260 C. — Item, fornicatio filiae sacerdotis, 274 A.
- FRATRES a nobis diligendi, 258 C, qui sint, 258 C. — Fraternalis correctio commendatur, 266 B. Quandonam et qualiter urgeat, 258 D, et quodnam peccatum sit illam omittere, 270 A'.
- FUNUS. In funeribus suorum solebant ethnici crines evellere, 498 A', et corpus incidere, 263 A, 572 B; quæ omnia Hebraeis prohibebantur, 263 A, 572 B. — Judæi in suorum exsequiis maximas expensas faciebant, 631 C'. — A funeribus excludebantur Nazaraei, 352 B, sacerdotes, 273 A, 715 A, et pontifex, 274 B. — Papa nullis exsequiis adesse dicitur, 273 D'.
- FURTUM. Quid in lege statutum de furto hominis, 14 B', 622 B, bovis et ovis, 20 D, 22 C; de defraudatione in Deo debitis, 168 D, et quoad bona proximi, 169 D, 344 A'. — Varia furtorum genera et coercitiones, 344 D'. — Cur tanta in furto poenis inaequalitas, 717 D', 718 C. — Fur, quandonam licite occidi potuerit, 21 A'. — Furem nocturnum occidens, an ab homicidii reatu excusandus, 22 A. — Furis sponte se accusantis poena, 344 A'. — Furem spirituales, id est erroris doctorem, quando excommunicare liceat, 27 B.
- FUSCINULA, quid ad litteram, 64 B, 339 C, et mystice, 67 A'.
- GADGAD, xxix<sup>a</sup> Hebræorum mansio, quid significet, 503 D.
- GALAAD diversimode accipitur, 498 D. — Terra Galaad regna Og et Schon continebat, 498 C. — Tradita est filiis Gad et Ruben, 497 C, necnon et quibusdam filiis Manassæ, 498 A.
- GALBANUM, in thymiamatis compositione adhibitum, quid sit, 91 D.
- GEMMA. Duodecim gemmarum in rationali inseri jubentur, 71 C, duodecim tribuum nominibus exaratae, 71 A'; quare, 72 B. — Earum virtutes et significationes describuntur, 78 D. — Unde illis tantæ vires, 79 D'. — Quid allegorice, 77 A, D', 95 C'.
- GENERATIO bonorum et malorum, quomodo constituatur et intelligatur, 105 C. — Cur usque in tertiam et quartam generationem Dei ultio se extendat, 3 C, 624 A'.
- GENTES, jam ante dispersionem, lxxii exstant, 656 D'. — In Babel unienique lingua data est, 656 C', et sic facta est divisio, 657 A. — Tot constitutæ feruntur quot filii Jacob in Ægyptum descenderunt, 657 B, et unienique angelica custodia deputatur, 657 C'. — Eis legem Deus non revelavit, 645 B, A'; verumtamen ad idololatriam eas non prædestinavit, 644 D'. — Novos deos de facili instituebant, 660 D, quorum cultum Deo acceptum putabant, 454 A', et quos cum Deo colebant, 7 C.
- GERSONITE. *Vide* Levitæ.
- GILBERTUS (Porretanus), episcopus Pictaviensis, 528 B', 534 C.
- GRATIE gratis datæ non sunt multum appetendæ, 454 A'.
- GRYPHUS, avis immunda, describitur, 207 B. — Tropologice, crudelitatem signal, 241 B, 713 A'.
- GUILLELMUS, Antisiodorensis episcopus, 30 C'.
- GUILLELMUS Parisiensis episcopus, vel simpliciter Guillelmus, 141 B', 603 A, 604 C, etc. Sæpe allegatur liber ejus de Fide et legibus, 110 D, 142 C, etc.

## H

- GAD. Filiis Gad pars terræ Galaad traditur, 496 B, 497 C'. Moraliter, ambitiosos principes exprimit, 498 A', licet in bono accipi possint, 499 A. — Tribus Gad a Moyse benedicuntur: Fuit potens in bello, 679 A', et in ea sepultus est Moyses, 679 B'. Allegorice, Christum regem gentium designat, 686 A.
- HALLÆTUS, avis immunda, quid sit ad litteram, 207 C, et mystice, 241 B, 713 A'.
- HASEROTH, xiv<sup>a</sup> Hebræorum statio, ubi, 393 A, 501 B. — Quid spiritualiter exprimat, 504 A'.
- HAYMO, Halberstatensis episcopus, 651 B'. (*Migne Patrol. lat.* tom. 116, col. 185.)
- HEBRÆI. Ad duritiam cordis eis concessum est concubinas alere, 13 C, repudii libellum

dare, 13D, et usuras exigere, 13D, 575D', non tamen a fratribus, 297A. — Paupertate cogente, filios aut filias aut seipsos vendere poterant, 11A; sed in servitutem reducti, non erant tractandi servili modo, 297D, C'. In septimo anno libertati reddebantur, 12A, et semper redimi poterant, 298A. — Ter quotannis omnes masculi eorum Domino apparere tenebantur, 31D', portantes secundas decimas, 568A; sed cum remotis dispensabatur ut in Pascha tantum quotannis, vel etiam tertio quoque anno, venirent, 580C. — Peregrinantes orabant versus templum, 422D', vel Occidentem, quare, 704C'. — Optima fuit apud ipsos politici regiminis ratio, 675A', 715C, et proprietatis, 478D', 716C'. — Ad Hebræorum civilitatem nunquam admittebantur eunuchi, 609A, Ammonitæ et Moabitæ, 609B'; nonnisi post tertiam generationem Egyptii et Idumæi, 610D, et post decimam, manzeres, 609C. Verumtamen a lege ista aliquando derogatum fuisse videtur, 611B, et viros tantum respiciebat, 611B. — A cultus participatione nemo excludebatur, 610D'. — Synopsis Hebræorum legum circa extraneos, 610B', 719A, et domesticos, 719C'.

Propter vituli adorationem in deserto, 96C, ad numerum xx millium occiduntur, 402C'. — Castra eorum describuntur, 331A'. — Quanto tempore in Sinai manserint, 368D', et unde ibi vinum ad bibendum habuerint, 643B'. — Quum certo pecora haberent, cur denno carnes efflagitaverint, 374B'. — Coturnices iterum accipiunt, 384B; sed propter gulam interdicuntur, 384B'. — Decies in Deum peccaverunt in deserto, 398D, et octies in Cades, 529D. — Ob murmurationes omnes adulti ab ingressu Terræ promissæ frustrantur, 398C', et per xl annos in deserto vagari condemnantur, 399A. — Murmurantes a serpentibus perimuntur, 437C. — A filiabus Moab seducti, 471B, ad numerum xxiv millium trucidantur, 473B. — Series mansionum eorum in solitudine, 499C, cum mystica earum expositione, 502C. — Quot annis in deserto manserint, 523C'. Per hoc tempus eorum vestimenta servata sunt, 554B'. An tunc idola coluerint, 658C'. — Quo sensu duræ cervicis dicantur, 557A'. — Populus Dei peculiaris fuerunt, 455A', 658A. Eorum gens commendatur, 540A, 543B'. — Moraliter, Hebræi in deserto figura

sunt claustralium, 555D'; et ex eorum historia salvandorum paucitas evincitur, 479D'.

HEBRON urbs, quæ, 394C. — Fuit urbe Tani antiquior, 394D. — Ibi erant gigantes, 394C.

HEBBONA, xxx<sup>a</sup> Hebræorum statio, quid significet, 505A'.

HELMONDEBLATHAIM, xxix<sup>a</sup> Hebræorum mansio, quomodo interpretetur, 506A.

HEREDITAS, apud Hebræos, filio devolvebatur; eo deficiente, filiis; et, utroque absente, propinquioribus, 478B, 480C. — Lex ista in consuetudinem gentium omnium transiit, 480D'.

HERMES, 555D, qui et Trismegistus dicitur, statuas deorum animatas credidit, 2C'.

HERODION, avis immunda, quæ, 208B'. — Moraliter, crudeles figurat, 214A', 714A.

HERUS, ad quid erga famulas adstrictus fuerit, 13C. — Interficiens servum suum, reus erat homicidii, 15C'; vulnerans tantum, vel usque ad mortem, absolvebatur, 15C'. — Servorum oculum aut dentem eruens, dominium in eos amittebat, 17A. — Quid de hero bovis cornupetæ, 17C, 18A.

HESMONA, xxvi<sup>a</sup> Hebræorum mansio, quid sonet, 505C.

HESYCHIUS, vel, ut alibi dicitur, Esitius, 137D', Jerosolymorum presbyter, 151D', 152C, 158A, etc. (Migne *Patrol. gr.* tom. 93, col. 787.)

HIN mensura, quanta, 85C, 283A'.

HIRCUS, fuit de immolaticis animalibus; quare, 143A. Ad varia sacrificia, sed semper pro peccato, præscribitur, 161C, 193A, 240A, etc. — De hircu emissario: Cur de hircis electus, 246C'; cur dictus emissarius, 243A. In die Expiationis, sorte designabatur, 240D. Illi a pontifice peccata populi imponebantur, quo ritu, 242C', 246C, 247A; et in desertum emittebatur, 240A', quare, 246B', 247B, 249A'. Quo sensu portaverit peccata populi, 240A', 246D'. An oblatus diabolo, 242B'. — Sæpe in forma hircorum dæmones gentilibus apparebant, 143A, 246C', 701C'. — Allegorice, hircus, præcipue emissarius, figura Christi, 143B, 145A', 248B', etc.

HOBAB, quis fuerit, 369B. — Non fuit Jethro, 369D. — Cur tantopere ejus ducatum Moyses exquisierit, 369D. — An Moysen secutus sit, 369D'.

HOEDUS, cur non coquendus in lacte matris, 35A', 373D, 714C. — Quomodo præceptum istud intelligendum sit, 35D'; et quid mystice significet, 35B'.

HOLocaustum. *Vide* Altare et Sacrificium.

HOMICIDIUM. Homicida voluntarius, duorum testimonio convictus, 514 C, pretio non poterat redimi, 511 B'. nec illum tuebantur urbes refugii, 510 D, vel altaria Domini, 14 A', sed semper occidebatur, 14 B, 291 A', 594 A. — Casu homicida interfici privata auctoritate non poterat, 509 D'; sed praestitutae fuerant urbes refugii, 509 B', in quibus usque ad mortem pontificis manere debebat, 510 D', 511 B'; extra quas repertus legitime occidi poterat, 511 A. — Homicidium occultum, quo ritu expiandum, 598 B, 599 B. — Homicidii spiritualis varia genera, 512 C', 594 D'.

HOMO, nunc in bono, nunc in malo sumitur, 157 C'. — Homini beatitudo, in quo consistat et quomodo attingatur, 692 B'. — Homo virtuosus, animalium optimum; iniustus vero, omnium pessimum, 695 B.

HON, de tribu Ruben, Core in rebellione secutus, 406 C, 407 A. — Quid de eo eveniret, 410 C.

HOR, xxviii<sup>a</sup> Hebraeorum mansio, 501 D. — Ibi mortuus et sepultus est Aaron, 434 A'. — Quid mystice significet, 505 C'.

HOSTIA, unde sic vocetur, 82 A'. — De quadrupedibus, tres tantum in hostiam assumebantur, bos, ovis et capra; quare, 142 C, D', 143 D, 701 C'; de avibus, similiter tres, turtur, columba, 143 B, et passer, 143 D; de piscibus nullus, quare, 143 B', 702 A. — Absque macula esse debebat, 280 A, 582 A', et saltem octo dies nata, 281 C. Nunquam matrem cum fetu immolare licebat, 281 D. — Trunca animalia sacerdotibus offerre licebat, 280 C, et nonnunquam sacrificare, 280 D. — Aliquando pro gravioribus culpis viliores offerebantur, 161 D, 703 A; quare, 169 C'. — Manuum impositio in caput hostiae, quid significaverit, 139 D, 144 B'; similiter et ejus occisio, 135 A, 702 A. — Modus occidendae hostiae cur tam distincte praescriptus, 143 D'. *Adde* Sacrificium.

Hostiae incruentae. *Vide* Oblatio.

HUB, vir Mariae prophetissae, populo, absente Moyse, praefectus, 42 A', idololatris restitit, et ab eis occisus dicitur, 96 C'.

HYACINTHUS, quid ad litteram, 45 C, et mystice, 52 B, 62 D. — Hyacinthinæ pelles, quid sint, 45 B', et significant, 52 D, 61 D.

HYSSOPUS, herba odorifera, adhibebatur in mundatione leprosi, 226 D, 227 C, quare, 227 D, D', et in vaccae rufae sacrificio, quare,

423 D. — Tropologice, bonam famam exprimit, 233 B', 126 C'.

## I

IBIS, avis immunda, quid sit, 208 C. — Tropologice, invidiorum effigiem gerit, 244 D, 713 C'.

IDOLUM, quid sit proprie, 2 B'; et in quo differat a simulacro, 458 A. — In Scriptura « sordes » vocantur idola, 655 D. — Saepe Deum Israel, verum Deum confessa sunt, 663 C. — Quae ipsis offerebantur, daemonibus reapse immolabantur, 660 C. — Nonnulli philosophi ex timore humano idola coluerunt, 693 A'; alii idolorum cultum Deo summo placitum putaverunt, 454 A'; et ideo cum Deo vero ea adoraverunt, 448 A'. — Idololatria, an sit peccatorum maximum, 423 A, 583 A. — Idololatriæ poena: Ad eam provocans, sive propheta, sive privatus, lapidandus erat, 569 B, 570 A; eam exerceens, si privatus, occidendus, 582 C', si communitas, usque ad internecionem delenda, 570 D. — Tropologice, spiritualia sunt idola, a quibus cavendum est, 460 D, puta superbia, 9 A, avaritia, 9 C, luxuria, 9 D, et omne mortale peccatum, 9 A'.

IDUMAEA, astuosa valde regio, 533 C'. — Idumaei qui primo transitum Hebraeis denegaverunt, 433 C', postea concessisse videntur, 434 A. — Post tertiam generationem, in societatem Israel recipi poterant, 610 D. — Illis lex primo oblata fuit, 672 D', 674 B. — Moraliter, quid significant, 443 C, 614 A'.

IGNIS, optima divinae naturae figura, 541 B. — De caelo, in sacrificia Abel, Salomonis et Eliae descendisse legitur, 194 D'. — Desuper in holocaustorum altare venit, 140 D, 194 C', et deinceps, lignorum appositione nutritus, 172 C', usque ad Babylonicam captivitatem inextinctus perduravit, 110 A', 172 C, 339 A; quo tempore, in puteo absconditus, postea e luto erupit, 194 D'. — Mystice, caritatis est symbolum, 145 C, quae semper in cordibus nostris ardere debet, 176 C', et piis considerationibus nutrienda est, 176 D'. — Igne filios suos lustrabant gentiles; quod Hebraeis prohibetur, 590 B.

IGNORANTIA, quid sit proprie, 162 A'. — Non semper est peccatum, 162 B'; nec directe, nec semper est causa peccati, 162 C; at periculosa est, 171 A'. — In tantum culpam



- minuit, quantum a voluntario aufert, 163 A.  
— Aliquando excusat a peccato, 158 A, 162 D, 404 D'; aliquando peccatum auget, 405 A.
- IMMUNDITIA**, quoto sensu accipitur, 166 C, 204 B. — Ab intrinseco ex quadruplici causa oriebatur, 215 D; 1° ex puerperio, 216 B; 2° ex lepra, 218 B; 3° ex fluxu seminis, sive extra copulam, 234 D, sive in copula, 235 C; 4° ex fluxu sanguinis, sive in menstruis, 235 D', sive in haemorrhoides, 236 C. — Ab extrinseco, quadruplici ex contactu: 1° personae immundae, 166 A, 216 B, 235 C, 236 A; 2° mortuorum, 166 A, 424 C', 425 A, A', vel cadaverum animalium, 209 D, 210 D, 211 C, D, 251 A'; 3° rei quocumque modo pollutae, 211 D', 230 D', 233 B, 278 B'; 4° rei sacrae, in certis casibus, 423 C', 423 C', 424 B, C, 425 C'. — Immundi a sanctificationis esu indiscriminatim arebantur, 165 C', 180 A, 278 B', 364 D, et ab ingressu tabernaculi, 216 D, 344 B, 425 A; nonnulli vero a castris Levitarum, 344 B; alii a castris populi, 344 B, et ab hominum consortio, 224 B'. — A majoribus immunditias per aquam lustrationis emundabantur, 424 C', 425 A, A'; a minoribus, per corporis et vestimentorum lotionem, 209 A', D', 211 D, 233 B, C', 425 D', etc. Ab immunditia emundari omittens peccabat venialiter, 165 C', et pro peccato hostiam offerre debuit, 166 B. — De animalium et vasorum immunditia, *vide* Animalia et Vas. *Cf.* Copula, Lepra, Menstrua, Mors, Puerpera. — Immunditiarum legalium ratio litteralis, 709 B, et figuralis, 709 C. — Moraliter, ab immundorum contactu abstinere debemus, 170 C.
- IMPHI**, quodam modo Dei filii dicuntur, 635 D', licet hoc nomine sint indigni, 635 A'. — Impiis boni indigent, 449 B'. — In manu Dei saepe ad fidelium castigationem deserviunt, 663 A', licet de hoc postea puniantur, 665 C'.
- INCANTATOR**, quid sit, 390 C.
- INCISIO**, Ethnici in sacris et in funeribus corpus suum incidebant, 572 B, D; quod Hebraeis interdictum, 572 B.
- INIMICUS**, Hebraeis inimicos absolute odisse non licebat, 29 C'; imo iumenta eorum reducere vel sublevare jubentur, 29 A'.
- INJURIA**, Vindictam injuriarum quærere quandoque licet et expedit, 258 C', 577 B, sicut et injuriarum recordari, 258 D'. — Injuriam Dei dissimulare et propriam vindicare, nihil iniquius, 9 C, 570 C. — Injuriarum condonatio commendatur, 266 C, 576 D'.
- INNOCENTES**, aliquando, ob commune bonum exsilio afficere licet, 511 C'. — Innocentes filii et servi, quo jure pro parentibus et dominis puniri possint, 34 B, et quatenus, 34 B'. — INSTRUCTIO spiritualis, et sedulo ministranda et reverenter accipienda est, 19 C. — Pluviae et rori comparatur, 654 B, D, 667 B'. — *Addo* Prædicatio.
- IRA**, fuit in lege prohibita, 618 D', 619 C'. — Quo sensu Deo tribuatur, 557 B'. — Plane mentem excæcat, 451 B'. — Iracundi de damnis spiritualibus resarciendis tenentur, 27 A'.
- ISSACHAB** a Moyse benedicitur: Studio legis deditus, 679 A, multos ad cultum Dei vocavit, 679 B; illi divitiarum repromittuntur, 679 C. — Allegorice, Apostolos significat, 685 C'.
- ITHAMAR**, junior Aaron filius, tabernaculi vasis præponitur, 124 B. — Gersonitis præficatur, 341 C, et Meraritis, 341 B'.

## J

- JASPIS**, rationalis ornamentum. Ejus efficacia et significatio, 79 D.
- JEABARIM**, xxxvii<sup>a</sup> Hebræorum mansio, 438 D, 501 B', quid spiritualiter exprimat, 505 D'.
- JEJUNIUM** et sobrietas commendantur, 121 A', 203 B. — Jejunavit Moyses in prima legis traditione, 43 A, et in secunda, 119 D'; an etiam tertio, ad impetrandum populo veniam, 120 C'. — Quadragesimale jejunium ad instar jejunii Moysis institutum est, 43 A'. Unde tres quadragesimae Ecclesiae, 120 C'.
- JETEBATHA**, xxx<sup>a</sup> Hebræorum mansio, quid significet, 505 A'.
- JOSEPH**, id est stirps ejus, a Moyse benedicitur: Optimam terram consequetur, 677 C', fortitudinem magnam, 678 A', et numerosam sobolem, 678 C'. — Allegorice, Christum Ecclesiae sponsum figurat, 685 B.
- JOSUE**, filius Nun, prius Osee, 393 A'. Quomodo sit nomen Dei in illo, 36 A'. Dicitur et angelus, 36 D. — Fuit vir egregius, 383 B', et inseparabilis minister Moysis, 42 C, 110 D', quem secutus est in montem, 42 C, et cujus honorem maxime zelabatur, 383 B', 384 A. — Exploratoribus fortiter contradicens, 396 D, mortem effugit, 399 D. — Tabernaculi custos constitutus est, 111 A, et mox Moysis successor in regimine populi, 481 A', D', 649 A', sub directione tamen Eleazari pontificis, 481 D'. — Cur per eum Dominus populum suum

- in Terram promissionis introduci voluerit, 483B', 538B'.
- JUBILEUS.** Annus jubilæi, quomodo computandus, 293C'. — Tubarum clangore annuntiabatur, 293B'. — Eo durante, a terræ cultura abstinebant Judæi, 294B; servi, cum uxoribus et liberis, libertati reddebantur, 297A'; exstinguebantur debita, 575B, et unusquisque in suas redibat possessiones, 294A. — Ille lege regionis prosperitati apprime prospiciebatur, 294B. — Jubilæus, mystice quid, 299D. — *Cf.* Domus, Venditio, Votum.
- JUDA** tribus, ad orientem tabernaculi sedebat cum duobus tribubus, 330C, quibus præerat, 331C'. — In vexillo ejus fuit figura leonis, 331B'. — Semper ceteris antefertur, 360A. — A Moysse benedicitur: Deo specialiter devota fuit, 675D', ceteris fortior, 676B; et ad eam devolutus est principatus Ruben, 676D. — Allegorice, Christum confessorem et victorem præsignabat, 683C', et Ecclesiam, 684A.
- JUDEI**, stulte sabbatum colunt, 4D. — Quid per proximum intelligant, 14A'. — Eos immanibus detineri peccatis ex hoc ostenditur, quod eorum captivitas tam diu durat, 305B'. — In duobus maxime peccaverunt, et in duobus puniuntur, 661C. — Licet templo et sacerdotio careant, remanet eis via ad expianda peccata, 419C, 646C. — Ex quo Arabum philosophiam didicerunt, multos inciderunt errores, 571A'. — Sub fine sæculi ad Christum revertentur, 543A'. — Stilla eorum fabula de Og, rege Basan, 442A', 536B.
- JUDEI** auctores: Josephus, Judæorum fidelis historiographus, 106C, fuit sacerdos et mansit in Jerusalem, 76A; sæpe allegatur, 35D', 48C, 50A, 57D', etc. Quidam error ejus recensetur, 6B. — Rabbi Moyses, vel Moyses Egyptius (Maimonides), magnus theologus et præclarus philosophus, 433B; frequenter citatur, 35D', 101C', 143D', 432D', etc. — Rabbi Moyses Gerundensis (Moses Nahmani-des), 45A, 422A', 465C'. — Rabbi Salomon (Iarchi, vulgo Rasi), 21B', 31A', 45C', etc., sæpius refellitur, 81B, 101B', 197B, etc., perfidiæ arguitur, 405A, imperitiæ et stoliditalis, 373D', 383C. — *Adde* Paulus.
- JUDEX** est vicarius Dei, 527B, animata justitia, 527C. — Cur in portis sedere jussi olim iudices, 580A'. — De iudicum officiis: Ambas partes audire debent, 28B, 526D; et, contra justitiam, multitudinis vel majorum sententiæ non acquiescere, 28C', nec in favorem potentis declinare, 257A', 526B'. Eis personarum acceptio interdicitur, 526D', 580B', 626A, et hoc sub gravi, 527A. Pauperibus, salva justitia, opem præstare possunt, 29C, et debent, 30A, 257D. — Insontem occidere nequeunt, 30B, 624D. — An et quatenus iudici insontem judicialiter convictum occidere liceat, 30C, vel sontem judicialiter purgatum dimittere, 31D. — Iudicibus non licet accipere munera, 31C', 580C', cujusvis generis, 32A'; quare, 32A, 580D'. Sententiæ pretium recipere non valent, 32C; et valde peccant qui pro pretio sontem effugere sinunt, 513B. — Quatenus erroneæ iudicis sententiæ acquiescere teneamur, 584D. — An et quatenus injustam sententiam executioni mandare liceat, 30C', et an martyrum vel ipsius Christi tortores excusari valeant, 31B. — De tribunalium compositione, 580A', 581B'. In quibusdam causis pontificis tribunal adeundum erat, 583C'. Quum simul florent reges et pontifices, ad regem fiebat appellatio in temporalibus, ad pontificem in spiritualibus, 584B', 747A'. Pontificis sententiam contemnens morti adjudicabatur, 584A'.
- JUGE** sacrificium. Quotidie offerebantur agni anniculi duo, cum simila, vino et oleo, 85B, 183D', unus ante solis ortum, 472C, qui tota die cremabatur usque ad crepusculum, 472B, alter ante solis occasum, 472C, qui usque ad auroram incendebatur, 472A. — Prima vice, prope Sinai oblatum est, 484B. — Pro communitate fiebat, publico sumpto, et a pontifice ipso offerebatur, 473B. — Quasi perpetua festivitas erat, 706C, in honorem Dei gubernatoris mundi, 485C'. — Quid allegorice significet, 287C', et tropologice, 488A.
- JUMENTUM**, quid sit proprie, 272A. — Quoad esum munda vel immunda erant jumenta, 272A. — Innaturalis jumentorum commixtio prohibebatur, 259B, C.
- JURAMENTUM** est actus latriæ, 33C', et tres comites habere debet, 167A. — Nounisi per verum Deum jurare permittitur, 34B', 549A'. Juramentum per deos externos an ab idololatriæ exigere liceat, 33C'. — Juramentum vanum prohibetur, 4A. Ex genere suo grave est, 40A; ideoque summo opere fugiendum, 9D. — Juramentum falsum vetatur, 28B', 256D. Quando et cui denuntiandus sic

jurans, 161D', 165A'. *Cf.* Testimonium et Testis. — Juramentum injustum, ad quid obligaverit, 166D', 167C.

IT STITIA, præcipitur in judiciis, 264C, in mensuris et ponderibus, 264A'; quomodo in his mystice eam violari contingat, 266B'. — Iustitia iustis mediis exsequenda est, 581A. Quæ media iusta censeantur, 581B. — Iustorum merces in V. T. quæ, 7C', et quomodo intelligenda, 37C, 391C. *Cf.* Benedictio.

## I

LABIUM æneum describitur, 89A'. — In eo manus et pedes lavabant sacerdotes, quando, 89A', et quare, 89D'. — Tropologice, pœnitentiam exprimit, 93C.

LACERTA, ab idololatris colebatur, 205C. — Immunda declaratur, 210B.

LAGANUM, quid sit, 80C', 353B'. — In quibusdam sacrificiis adhibebatur, 80C'. — Lavana azyma, quid ad litteram, 148A', 178B, et mystice, 152A, 183C.

LAMINA aurea pontificis. Ejus inscriptio, 73D', forma, 74B, A', sanctitas et usus, 74C, 75D'. — Deum figurabat, 77B, et contemplationem significat, 77C, 191B'.

LARUS, avis immunda, describitur, 208A. — Quid mystice, 214C, 713B'.

LEBES, quid ad litteram, 64A, et tropologice, 67D.

LEBNA, xvii<sup>a</sup> Hebræorum statio, quid designet, 504C'.

LEPRA, quid sit proprie, 231C, 391C, et in sensu legis, 231D, et cur in lege abominabilis, 231A'. — Sex ejus species enumerantur, 218A. — Ejus indicia, in cute, 218B; in carne, 219D; in ulcere, 220B; in vulnere, 220D; in barba, 220C', et in coma, 221D, 231B'. — Consueva erat inobedientium erga sacerdotes pœna, 622A'. — Leprosi a triplicibus castris eiciebantur, 344A; vestibus specialibus induti, 221B', procul ab hominum ædibus debebant, 221C'. — Leprosi sanati a sacerdote certo ritu purificabantur, 226A, 227C, C', et post corporis lotionem et pilorum abrasionem, 226C', octavo die sacrificium lege præscriptum offerebant, 228C, 229C, 710D, et sic cultui divino consortioque hominum restituebantur, 227A'. — In hac purificatione quatuor elementa adhibebantur, quare, 227C, C', 710D. — Tropologice, quid sit lepra, 223B, 709D; lepra carnis,

223C'; ulceris, 221D'; capitis, 225B; barbae, 225C; cutis, 225D, et comæ, 225D. Leprosus excommunicatorum typum gerebat, 225C'. — Lepra vestium, quid, 229C', 231C'; quomodo dignoscenda, 222B, et tractanda, 222C. Spiritualiter, est vana gloria, 225B'. — Lepra domus, quid sit, 229C', 231C', 232A; et quomodo dignoscenda, 230A. Domus leprosa destruebatur, 230C'; si vero eam sanari contigisset, duorum passerum sacrificio, sicut leprosus, purificabatur, 231A. Morali-ter, quid sit lepra domus, 234B'.

LEPUS, inter immunda animalia reputatur, 206C. — Mystice, quid significet, 215B'.

LEVI tribus a Moyse benedicitur: Fuit post Judam dignior, 676D. Gloria ejus ex Moyse venit, 676A'. Præ ceteris Deo fidelitatem exhibuit, 676D'; ideo ad sacerdotium electa est, 677B. — Morali-ter, typus est clericorum, 684C, quibus vitam perfectiorem ducere competit, 684A', et offerre sacrificia, 684C'.

LEVIRATUS. *Vide* Matrimonium et Vidua.

LEVITÆ. An quis eorum vitulum adoraverit, 101A', vel unquam idola coluerit, 101C', vel crucifixionis Christi particeps fuerit, 102B. An fuerint in populi condemnatione impliciti, 330D'. — De idololatris ultionem sumunt, 102D. — Cum populo non numerantur, 327B, 560B'; sed in primogenitorum vicem Deo deputantur, 334C. — De nocte circa tabernaculum excubias egisse videntur, 333C'. — Licet a militia exempti, quandoque pugnare poterant, 330C'. — A vigesimo quinto anno ad ministerium tabernaculi assumebantur, 337D, 363A, usque ad quinquagesimum, 363B. Eis cavendum erat ne sacerdotalia officia usurparent, 416A'; et qui deformitate aliqua laborabant, ab altari prohibebantur, 275B, 711A, licet de panibus oblati vesci potuerint, 275A'. — Levitarum consecrationis ritus, 362A. — Sortem inter ceteros possidere vetantur, 418C; sed eis conceduntur quædam urbes ad manendum et suburbia ad pecorum pastum, 508B; et insuper decimæ universæ, 418D, pars in sacrificiis, 589B, et primitiæ, 589A'. — Eorum domus, etiam urbanæ, in jubilæo eis reddebantur, 296C'; et suburbia vendi nequibant, 296D'. — Levitis extraneis Jerusalem commorari volentibus, eadem quæ indigenis sors concedebatur, 589C'. — Mystice, Levitarum suburbia, quid, 512A'. — Tres Levitarum familiæ numerantur; 1<sup>o</sup> Caathitæ,



inter Levitas primi, 341A', quorum alii sacerdotes, alii Levitæ tantum fuerunt, 337C. Ad meridiem tabernaculi morabantur, 335B, sub manu Eleazar, 339B'. Arcam et omnem tabernaculi suppellectilem custodiebant, 335B, et in itinere deportabant, 337D', in humeris, 341A'. Allegorice, fervidos signant, 343A. — 2° Gersonitæ, Caathitis inferiores, ad occidentem tabernaculi manebant, 334C', sub manu Ithamar, 341C. Super tentoria, vela et operimenta tabernaculi constituiebantur, 334C', quæ, in itinere, cum vasis ministerii deportabant, 340C', in duobus plaustris, 341B'. Mystice, tepidos designant, 343A'. — 3° Meraritæ, Levitarum ultimi, 341B', ad septentrionem tabernaculi sedebant, 335D, sub manu Ithamar, 341B'. Super tabulas, vectes et columnas tabernaculi constituiebantur, 335D, quæ in itinere deportabant, 341D, in quatuor plaustris, 341B'. Moraliter, imperfectos expriment, 343A'.

LEVITICUS liber, cur ita dictus, 137D.

LEX multipliciter dividitur, 692B. — 1° Lex æterna, quid sit in Deo, 692B, in se, 692D, et in homine, 692A'. Necessaria est rationali creaturæ, 694B'. — 2° Lex divina, quid sit, 694A'. Homini necessaria est, 694C; sed in omnibus eam custodire arduum, 695B'. In veterem et novam dividitur, 696A. — Lex vetus primo Ismaelitæ et Idumæis oblata, 674B, sicut narrant Judæi, 672D', Hebræis data est, 39C', non immerito, 697D, tempore Moysis, quum jam mundus ad idololatriam devenerat, 697C'. — Dicitur etiam fœdus, 41A, 545B, et ignea lex, 674C'. — Terribiliter promulgata est primo in Sinai, 541A, B, et solenniter secundo in Hebal, 633D', et seq. — Triplicis generis præcepta continebat, 433A, 698A (*vide* Præcepta), et insuper quædam mandata, 698C'. An caritativam eorum impletionem requisierit, 267A, 268B', D'. — Finis ejus fuit æterna populi felicitas, 267C', et virtuosa ejus in hac vita conversatio, 268A; imo ejus consecratio cultui divino, 268B; et Hebræorum viribus accommodata fuit, 646C'. — Ad Christum disponebat, 696B', sed insufficiens fuit ad salutem, 696C'; ideo, respectu novæ legis, recte dicta est imperfecta, 696B, et non bona, 696C; imo occasionaliter fuit nociva, 696D; et Gentiles ad eam observandam non tenebantur, nisi quantum ad præcepta moralia, 697B'; et nunc antiqua-

ta est quoad majorem partem, nempe judicialia et cærimonialia, 420B, 720C. — Lex nova, in tribus veteri præstat, 697A. Sola lex perfectionis et gratiæ dicitur, 697C, lex ignea, 682C', in dextera Dei, 682A'; et veterem complet, 721B'. — 3° Lex humana, quid sit, 694C', et quæ ejus dotes, 695C. Ipsa quoque homini necessaria est, 694D'. Licet imperfecta, divina auctoritate instituta putatur, 624C. — In principio, leges severius applicari solent, 197D', 403A'. — Legis meditatio a nobis requisita, quæ, 548A', D'. — Allegorice, V. L. promulgatio, figura Pentecostes, 8D. — *Cf.* Benedictio et Maledictio.

LIBAMEN, modo pro liquidi oblatione sumitur, 137B, modo pro similæ oleatæ et thuris oblatione, sacrificiis adjuncta, 173B, modo pro portioneulis a sacerdotibus degustandis, 49A'. — Quantum fuerit per singula animalia occisa, 401C. — Pars in altari cremabatur, 173C; residuum in atrio comedeabatur, 173C, a solis Aaronicæ stirpis maribus, 173A'. — Quid mystice, 404B.

LIBER vitæ, quid sit, 103C', et ejus vitæ, 103D'. — Quomodo quis in eo scribi vel de eo deleri dicatur, 103D', 104A.

LIGNUM. Suspensus in ligno, eadem die deponendus et sepeliendus erat, 600A'. — Quo sensu dicatur: Maledictus qui pendet in ligno, 600B', 601B'.

LIGURUS, ornamentum rationalis, quid sit et quid significet, 79A'.

LOCUSTA, juxta diversas species suas, munda declaratur, 209B.

LUCUS. Circa altaria et templa lucos plantare pagani solebant; secus Judæi, 581D.

LUNA menstruo fluxui præesse credebatur; ideo a feminis præcipue colebatur, 237A.

LYRA (Nicolaus de), Ord. Min., notissimus postillator, 1A, 6B, 8A', 14D', etc. Sæpe, tacito nomine, designatur verbo « Quidam », scilicet quum improbanda est ejus sententia, 21B', 28B, 32C, 80B, etc.

## M

MACELOTH, xxix<sup>a</sup> Hebræorum mansio, quid significet, 505A.

MACHTOC, liber apud Hebræos authenticus, allegatur, 618B.

MADIANITÆ. Filii eorum Hebræos seducunt, 472A, 492C'. — A filiis Israel depopulantur, 473D', 492B.

MAGI. Eos interrogare non licet, 263A', sub qua pœna, 270D'. — Tres Magi, Christi adoratores, e Balaam orti perhibentur, 456A, 465A'. — *Cf.* Maletici.

MAGISTER in historiis. Sic vocitatur Petrus Comestor, auctor Historiæ scholasticæ, 8A', 42C, etc. 47C, 50A.

MALEDICTIO, interdum in lege pro opprobrio sumitur, 600B'. — Quænam maledictiones legem transgredientibus decernantur, 303B, 638C. Ex his aliæ ad Babylonicam, aliæ ad Romanam captivitatem respiciunt, 640C; ceterum, non in singulis impiis, sed in tota gente verificatæ sunt, 306B, 640B'. — Tam secreta quam publica delicta eis subiciebantur, 646A'. — Quæ maledictiones malis Christianis imminuant, 309B, 641C'.

MALEFICI, quid sint propriè, 590C, et qua pœna mulcandi, 24D. — In magicis actibus utebantur certis instrumentis, 446C, et ossibus mortuorum, 273B; seduloque tempora et loca observabant, 456B', 459B'. — Ex animalibus coeuntibus vel ex avibus incubantibus varios effectus procurare tentabant, 603C.

MALOGRANATA in tunica pontificis LXXII fuerunt, 73B'. — Quid figurative, 77A, et tropologice, 77A', 78C.

MANASSE. Quibusdam Manassæ filiis traditur pars terræ Galaad, 497D', 498A. — Moraliter, hi religiosos et clericos carnales significant, 498A', licet in bono accipi possint, 499A. — De benedictione ejus, *vide* Joseph.

MANDATUM differt a præcepto, 698D'. — Quædam mandata in V. L. continentur, 698C'.

MANNA, ejus figuræ et coloris, 375B', usus et saporis, 375C', 437C. — Cur illud mola fregerint, 375D'. — Triplex mannae sapor, 376A. — Urna aurea plena manna in arca reposita erat, 47C.

MANZER, seu de meretrice natus, a civilitate Hebræorum excludebatur, 609C; quare, 611C. — Mystice quid, 614B.

MARA, Hebræorum v<sup>a</sup> statio, 500C', quid spiritualiter figuraverit, 503D.

MARCUS evangelista, non idem qui Joannes Marcus, 319A', in Alexandria natus et passus est, 319B'.

MARE Rubrum, Hebræorum vi<sup>a</sup> statio, 500D', quid moraliter designet, 503D, D'.

MARIA Virgo, a lege immunditiæ puerperii excepta fuit, 216A; imo absque semine paritura prænuntiata est, 216A. — Illi singu-

lare privilegium fuit sine semine concepisse, 348C'. — Ejus uterus cibarius fuit ubi nobis coctus est panis celestis, 149C, 151D'. — Sublimiori modo facta est ei revelatio, 389C, B'. — Fuit pauper, ut in Purificatione sua apparet, 217A'. — Rhinocærola eicuravit, 458D', 470B'. — Per virgam ex Israel orienturam intelligitur, 466A', et per virgam Aaron floridam, 415A. — Sua opulentiæ nos dilatat et potentia luetur, 289A'.

MARIA soror Moysis, cur contra Moysen murmuraverit, 388A. — Quodnam fuerit ejus peccatum, 387C. — Lepra inficitur, 391A, et extra castra ejicitur, 391B'. — In Cades sepulta jacet, 428A'.

MATRIMONIUM. Quot fines ejus, 254B'.

De contrahendo matrimonio. Ex parte cognationis aut affinitatis illicitum erat cum matre, filia, 253B, noverca, 253C, sorore, nepte, 253D, fratria, glorie, 253B', amita, matertera, nuru, privigna, 254A'. Decursu temporis, multiplicatæ sunt prohibitiones, 254D. Quo jure cognatio aut affinitas matrimonio obstat, 254B', 255A. — Ex parte religionis, illicitum erat cum Chananæis, 551D, 599C'; et cum alienigenis, nisi ad judaismum converterentur, 599A', 609C'. — Filiabus non licebat nubere, nisi in sua tribu, 514B; quod, juxta quosdam, de puellis heredibus intelligendum est, ne commisceerentur hereditates, 514C, et juxta alios, de quibusvis feminis, ne commisceerentur tribus, 514B'. — Per legem leviratus, fratris viduam frater quandoque accipere debebat, 628D. — Sacerdotum matrimonia speciali lege ordinabantur, 273C'.

In matrimonio: Copulam cum menstruata exercere non licebat, 253C', 271D', nec etiam nunc licet, 237C. Ex usu matrimonii oriebatur obligatio lavandi se, 235C', et per septem, tempore menstrui, 236B. — Omnium uxorum filii æque diligendi erant, 600A. — Novus sponsus per annum a cunctis oneribus eximebatur, 596D, 621A'.

De dissolutione matrimonii: Ob quas causas uxores dimitti potuerint, 616A, et quo ritu, 616D'. — Uxorem repudiatam et alteri nuptam nunquam revocare licuit, 617D. — Repudiatio semper vituperabilis visa est, 618B, et in Scriptura vituperatur, 620B; unde, licet permissa, non videtur culpa caruisse, 617C', 621D. — In N. L. qui

- uxorem, adulterii causa dimisit, aliam ducere nequit, 618B', 619A. — Indissolubilitas matrimonii est de lege naturæ, 618A', 620A. licet nusquam, nisi in lege Christi sancita inveniatur, 620B. — *Adde* Copula, Menstrua, Zelotypia.
- MEL in sacrificiis prohibetur, 149A'; quare, 150A, 703A'. — Primitiæ tamen mellis solvi jubentur, 149B'; cur, 153A. — Quomodo mel de petra Hebræi suxisse dicantur, 659D. — Mystice, quid sit, 152A'.
- MENDACIUM, nec dicendum est, 30A, 256D, nec credendum, 28B. — Semper Deo displicet, 265A'. — An quandoque mentiri liceat, 256B'.
- MENSA propositionis describitur, 48D. — In Sancto reposita erat, 125D, ad aquilonem, 361B; quare, 361C', 705C, A'. — Quid allegorice significet, 34C, 61C', 63A'.
- MENSIS quilibet a solennitate inchoabatur, 287B. — Mensis septimus apud Hebræos totus sollemnis erat, ut septima dies, 287B', 486B.
- MENSTRUA a lunæ motu pendent, 237A. Alia sunt naturalia, alia innaturalia, 237A'. Sunt fœda et nociva, 237B. Quid significant, 236C'. — In fluxu naturali mulier, apud ethnicos spurca censebatur, 236D'; apud Hebræos septem diebus immunda erat et separanda, 235D'; quare, 236A', D'. — Copula cum ipsa scienter habita amborum morte puniebatur, 271A'; inscienter vero, immunditia septem dierum, 236B. — An menstruata liceat debitum pelere, 237C; aut saltem reddere, 237C'. — Menstruata, mystice quid, 238B'. — In fluxu innaturali mulier, similiter immunda erat, 236C; sed cum ea coire, præsertim in N. L. non prohibetur, 237A'. Moraliter, quid talis designet, 236B', 238B'.
- MERARITÆ. *Vide* Levitæ.
- MERCENARIUS. Ejus merces eodem die solvenda erat, 257A. — Mercenarii mercedem protelare aut subtrahere, quale peccatum, 265C', 623B. Qui sic agit, ad damna resarcienda tenetur, 623C.
- MERGULUS, avis immunda, describitur, 208C. — Typus est gulosorum, 214D, 713C'.
- MERITA per peccatum mortificata, pœnitentia reviviscunt, 356B. — Damnalorum præcedentia merita non pereunt, sed ad Ecclesiam transmittuntur, 482C.
- METHICA, xxv<sup>a</sup> Hebræorum mansio, quid exprimat, 505C.
- MIGLODORUS allegatur, 205C.
- MILVUS, avis immunda, describitur, 207D. — Dolosus figurat, 211B, 713A'.
- MISSA. Sacrificium Missæ, quanti pretii, 196A. — An plus valeat boni quam mali sacerdotis missa, 196B. — Quos ad fines offerenda, 196C.
- MOABITE. Terra Ar eis a Deo concessa est, 534D'. — Filiæ eorum Hebræos ad idololatriam pellicientes, 471B, cur ultionem evaserint, 474A'. — Quodnam fuerit Moabitum peccatum in Israel, 609B', 610A. — A cœlu Israel in perpetuum arcentur, 609B'. — Moraliter, libidinosos designant, 474D, et schismaticos, 614C.
- MOLOCH, Ammonitarum idolum. Turpis ejus cultus, 253C, sub mortis interminatione prohibetur, 269D', et vindictæ Dei in populum, 270D. — Semen dare Moloch, mystice quid, 255B'.
- MONS, spiritualiter virtutum perfectionem significat, 482A'. — Sunt montes vitandi et montes adeundi, 533A. — In renovata terra montes non erunt amplius, 678B.
- MORS, etiam casualis, non sine rationabili causa a Deo permittitur, 14C. — Mortuos generaliter lex immundos declarat, quare, 166B', 273C. — Immundos reddebant domum cum suppellectili, et omnes illic ingredienti, 273D, et omnia vasa aperta, per septem dies, 425D. — Moderate sunt delectandi, 202B'. — *Adde* Funus.
- MORTARIOLUM, quid ad litteram, 338A', 359D, et mystice, 360B'.
- MOSEBOTH, xxvii<sup>a</sup> Hebræorum statio, quid exprimat, 505D.
- MOYSES, quot quadragesimas in monte fecerit, 43A, 120C', 559A. — Cur, ut acciperet secundo legem, in montem solus ascendere jussus sit, 117B, B'. An tunc majores revelationes acceperit, 117D; et propria manu secundas tabulas exaraverit, 119A'. — Mysticeam legis intelligentiam habuit, 673D'. — A destructione populi Deum semel et bis avertens, 98D', 397D, quo sensu e libro vitæ deleri rogaverit, 103D. — An et cur faciem Dei sibi ostendi petierit, 111C', et quomodo Deum viderit, 115A. Sat communiter tenetur Moysen sicut et Paulum in hac vita Dei essentiam vidisse, 390C; verumtamen alii hoc negant, 390B'. Utra verior sententia, 390D'. — Facies ejus, quomodo et unde cornuta, 120A, et quamdiu, 120B'. Quid mystice significet,



121A'. — Qua auctoritate Aaron consecraverit, 189D, et sacrificium obtulerit, 126C, 187A. Sacerdos fuisse videtur, 189C'; imo in ipso, sicut in Papa, fuit spiritualis et temporalis potestatis plenitudo, 190A. — Murmurationes plebis pertæsus, et mortem exoptans, 377B, C', an impatientia peccaverit, 378A. — An de potentia Dei carnes promittentis dubitaverit, 382D, B'. — De Moysis culpa : In Cades dubitavit, 431B; quomodo, 431A'. Cur bis petram percusserit, 431D'. Fuit incredulus, non infidelis, 431C'. Peccatum ejus non fuit petram percutere, 432B', nec Judæos acriter arguere, 432D', sed Deo diffidere, 530A'. In pœnam incredulitatis, ab ingressu Terræ promissæ arceatur, 432B. Cur tantopere eam ingredi optaverit, 537B'. Ejus lapsu docemur salutem cum timore operari, 435C'. — Ultima ejus verba ad xii tribus, 672B, ultimæ Christi orationi comparantur, 681C. — Annos cxv natus, minime decrepitis fuit, 648C; imo optima sanitate vixit, 648B', 689A. — In Phasga moritur, 688C', extra Terram sanctam; quare, 689C; et sepulcrum ejus permanet ignotum adhuc, 688C'. — Humilitate et caritate eximius, 387B, omnes coetaneos præcessit lenitate, 388D', et fide, 389C'; evangelicas sub lege virtutes exercuit, 412B'; et, Deo præ omnibus dilectus, 413A, sub multiplici respectu omnium fuit præstantissimus Prophetarum, 689B'. — Allegorice, Christi figura fuit, 51C, 329C, 360B, etc., et perfectorum, 342A', C'.

MULIER. Corpus mulierum intra lxxx dies efformari dicitur, 216B'. — Cur in conceptu femellæ immunditia diuturnior, 217D'. — Ab originali labe per fidem parentum mundabantur, 216C. — Mulieri pudenda viri tangenti, manus truncabatur, 629B. — Feminæ viriles vestes gestare non licet, 602D, nec viriles mores affectare, 602B', 607D'. — Mulierum prostitutio velita erat, 263D, 612C', et prostitutæ merces rejicienda, 612D'. Prostibuli merces, mystice quid, 615C'. — *Adde Menstrua et Puerpera*.

MUNDITIA, quanta a ministrantibus altari requiratur, 170C'. — Corporalem munditiam Deus diligit, 612B; et eam a Judæis exigebat, quoad ventris purgationem, 612B, immundorum contactum, 209D, D', 210D..., multiplices lotiones, 89A', 209A', 211A', 226C', 235C, C', etc.

MUNERA, mentem excæcant, 32A, 580D'; ideo

judiciis interdicuntur, 31C', 580C', et testibus, 32A. — Triplicis sunt generis, 32A'.

MURMURATIO. Tepidi Christiani et religiosi de asperitate vitæ murmurant, 385A, licet hoc grande peccatum sit, 385C. — Murmuratores Hebræi sæpe puniuntur, 373B, 398C', 437C. Quid tropologice significant, 400A.

MUS, inter animalia immunda reputatur, 209D'.

MUSTELA, animal immundum, quid sit, 209D'.

MUTUUM, in quo a deposito differat, 24A, 717D. — Lex mutui : circa animalia, 23C', 717C; circa pecuniam, 25B, 574D, 717B.

MYGALE, immundum animal, quid sit, 210B.

MYRRHA, in oleo unctionis adhibita, quid sit, 90A.

## N

NADAB, Aaron primogenitus. *Vide* Abiu, quoniam vixit et occubuit.

NAZAB.EUS, quid sit, 351B. Alii erant perpetui, alii ad tempus, 351B'. — Lex Nazaræorum : Consecrationis tempore a vino abstinabant, 351D, et a quacunque re de vite orta, 351B'; comam non radebant, 351D', nec mortuorum luctum ducebant, 352B. — Si eos a mortuo pollui contingisset, 352A', radebant comam, 352C', et nova consecratione indigebant, 353B. — In die liberationis, comam radebant, 353D', quam Deo comburendam offerebant, 354A, et communi vitæ reddebantur, 354A'. — Sacerdotibus in multis assimilabantur, 352A; imo et ipsi pontifici, 352D. — Quo sensu Joseph dicatur Nazaræus inter fratres, 678C; item Christus, 685A'. — Spiritualiter, religiosorum typum gerebant, 353B.

NEBO mons, Abarim etiam dictus est, 666C', et Phasga, 688B. — Ibi mortuus est Moyses, 688C'.

NEOMENIA, unde dicta, 485A, et cur in novitate lunæ celebrata, 287C, 485D', 706C. — In memoriam gubernationis Dei servabatur, 287C, 484C'; et in ea peculiare sacrificium offerebatur, 484A'. — Figurale, quid expresserit, 287D', 488A, 706D'.

NEPHTHALI, quam benedictionem a Moyse acceperit, 680A. — Allegorice, Christum Deum significat, 686D.

NESCIENTIA, distinguitur ab ignorantia, 162A'.

NISAN mensis, quis, 485B, 539B'. — Dictus est etiam novorum mensis, 34A. — In eo incipiebatur annus et messis fiebat, 578B.

NOCTUA, seu nycticorax, avis immunda, describitur, 207D'. — Tropologice, sapientes sæculi designat, 244C, 743B'.

NOX, tempus aptissimum revelationibus Dei, 389A', 446A', et daemonum, 446A'. — Quid mystice, 176A.

NUBES opaca de die, et lucida de nocte, tabernaculum protegens, an eadem, 366A, 530B. — Suo motu, itineris et requiei dux fuit, 127A'. — In consecratione tabernaculi, (sicut et templi Salomonis), visum impediebat, et ipsum Moysen introire non sivit, 126B'. — Gloria Domini dicitur, et præsentiam Dei indicabat, 397A, 409B, 411A, etc. — Tropologice, Sancti Spiritus gratiam figurabat, 366B', 533B. — In Scriptura, Apostoli nubes dicuntur, 687D.

NUMERUS. Numerare est actus rationis, bestiis ignotus, 451A. — Numerus xxx est perfectus, 342C. Tricesimo anno manifestatus est Christus et multi Prophetæ, 342C; eligebantur Levitæ, 337B'; ordinabantur olim sacerdotes, 337C'. — Numerorum liber, cur sic dictus, 323. — Populum Israel cur toties dinumerari Deus jussit, 323, 326A', nunquam autem populum christianum, 323. — Populi dinumeratio, quando et quomodo facta, 325B; et unde tam multi reperti sint, 326D'.

### O

OBLATIO, quid sit proprie, 137B, 147B'. — Verum sacrificium erat, 149D. — Quid inter inanimata Deo offerre liceret, 137A', 147C', 703A'. Prohibebantur fermentum et mel, 149A'; adhibebantur autem sal, 149C', et thus, 147C', quare, 149D'. In oblationibus tamen pro peccato, nec thus nec oleum admittebantur, 168A. — Ritus oblationis similæ, 147B', 148A; panum, 148D; spicarum virentium, 150C; item oblationis in die unctionis sacerdotum, 173B, et pontificum, 173C'. — Exigua oblationum pars in altari cremabatur, 148A, C', 150B', 168C; reliquum erat sacerdotum, 148C, D', 168D, inter quos dividebatur, 173B'. — A quibus oblata comedi potuerint, 279B; et quæ pœna indebite utentibus indicta, 279A'. Cf. Libamen.

OBOLUS, moneta et pondus, quanti valoris, 311A'.

OBOTH, xxxvi\* Hebræorum mansio, quid significet, 505D'.

OCULUS, quomodo « fornicans » vocetur, 403C'.

— Oculorum custodia necessaria est, 406A.

OG, rex Basan, a filiis Israel profligatur, 441D'.

— Cujus staturæ, 537A. — Stulte fabulantur Judæi eum immensæ fuisse magnitudinis, 442A'; plus quam cccc annos vixisse, 537A; et solem in prælio contra eum stetisse, 536B. — Allegorice, persecutores Ecclesiæ figurat, 444A'.

OLEUM, in sacrificiis adhibebatur, 147C', 148D, etc., exceptis pro peccato oblationibus, 168A; quare, 150C', 151C, 404C; quantum, 401C, 404B'; et cur eadem mensura qua vinum, 404C. — Oleum candelabri ex olivis et purissimum erat, 66C, C', 289C; publico sumptu ministrabatur, 289C'; et ab Eleazar, quotidie, infundebatur, 339D'. — Oleum unctionis: Ejus compositio, 90A. Ex eo ungebantur tabernaculum cum suppellectili, 90A', 186C'; pontificis caput et manus, 81C, 90C', 186D'; sacerdotum manus, 81A', 90C', et vestimenta, 82D', 188A'; et reges, 91A. Illud in privatum usum convertere haud licebat, 91A. Mystice quid, 93B'. — Tropologice, oleum pietatem exprimit, 68B', 150C', etc.

ONOCROTALUS, avis immunda, describitur, 208D. — Moraliter, avaros figurat, 214A', 743D'.

ONYCHIA, sive ungula, ostrea fragrans, in thymiamatis compositione adhibebatur, 91C.

ONYX, lapis pretiosus, 46A; tropologice, argumenta fidei exprimit, 52A'. — Onychini lapides duo in superhumerali disponebantur, 70D, quorum uterque sex tribuum nomina portabat, 70A'. — Solem et lunam figurabant, 77A, et plura mystice significabant, 77C'.

OOLIAB, e Dan, viliori tribu. Bescleel in adjutorium datur, 94B'; quare, 94C', 96A'. — Allegorice, chorum Apostolorum designat, 96A, vel prælatos, quorum est ex diversis ingeniis unam compingere societatem, 95B'.

ORATIO. Ad orationis efficaciam juvant sanctitas loci, 429C, et corporis situs, 429C, et horæ opportunitas, 147A.

ORDO est optimum quid in rebus, 462C'.

ORIGENES reprehenditur, 166B'. — Prolitetur Petro neminem eminentiorem in terris fuisse, 215B'. Passim allegatur.

ORYX, mundum animal, quid sit, 573A.

OVIS, de immolatiis animalibus fuit, ob varias ejus qualitates, 142C, ad confutandam gentilium idololatriam, 142D', et quia Christi figura fuit, 143B. — Ad quædam sacrificia

prescribitur, 161D', 234A, 353A'. — Ovis primogenitum nec redimere licebat, 448A, nec fondere, 576B'. Similiter non fondebant oves quæ pro asini primogenito commutabantur, 576B'. — Pars lanæ ovium sacerdotibus cedebat, 589A'. — Pro ove furtim ablata quatuor reddebantur, 20D; quare, 20D'. — Quatuor ovis utilitates, 21C. — Mystice, quid significet ovis, 26D, 156A', 669D', et primogenitus ovis, 577D'.

## P

PACIFICA. *Vide* Sacrificia.

PANIS. Diversi generis panes Deo offerri poterant, 148D, quare, 149A, et quo ritu, 148D. — Semper fermento carere debebant, 149A', 178A, excepto sacrificio in gratiarum actionem, 149A', 178D. Triplex panum in templo usitatorum genus, 273B'. — Mystice, quid signetur per panes, 149C, 151D', azymos, 183A, et fermentatos, 183A'. — Panes propositionis, quales, 49B'. Sex in utroque mensæ latere ponebantur, 290A, thure superposito, 338A'; sumptu communi conficiebantur, 290C; per singula sabbata, ad diluculum mutabantur, 290C, D; et non nisi a sacerdotibus in loco sancto edi poterant, 290C, excepto necessitatis casu, 290A'. Spiritually, quid signaverint, 54D', 61C'.

PAPA, nullis exsequiis interest, 275D'. — In arduis causis illum ad Concilium recurrere oporteret, 406D. — An a solenni continentiae voto dispensare possit, 319B. — An ei solvenda sit decimarum decima, 421B. — Omnium bonorum ecclesiasticorum dominus est, 421B'. — A cunctis ad ipsum et ab ipso ad nullum alium appellare licet, 584D.

PAPIAS, lexicographus, 167D'. (*Migne Patrol. lat.* tom. 141, col. 1437.)

PARENTES, qualiter honorandi, 4D', 5D, 265A. — Filios ad bonum excitare debent, 10C; sed peccantibus mortem aut mutilationem infligere nequeunt, 600D. — Eis sæpe dissimilis proles datur, 4A. Sæpe, ob eorum merita, posteris conservatum est regnum, 587A'. — Valde peccant, qui parentes percutiunt, 14D', vel eis maledicunt, 601C; et in lege morte puniebantur, 14C', D', 271B, 600C.

PARISIENSIS, 205A'. *Vide* Guillelmus.

PASCHA. *Vide* Agnus, Festivitates.

PASSER, fuit de immolatiis avibus, quare, 143D. — In purificatione leprosi et domus

leprose adhibitus est, quomodo, 226C, 231A, et cur, 227D, D', 228A.

PASSUS mensura, quanta, 508B', 509D.

PAULUS (Rabbi), « venerabilis vir ex Iudaismo conversus et venerandus antistes », 619A', modo approbatur, 1B', 4D, 6C, 15A, etc., modo, et forsitan sapius, carpitur, 1B, 76C, 115B', 117D, etc. Verumtamen, si quandoque erraverit, bona fide errasse credendus est, 619A'.

PAUPER. Salva iustitia, pauperibus iudex favere potest, 29C, 257D, et debet, 30A. — Eis pars in segete et vindemia quotannis concedebatur, 256C; decimæ tertiæ tertii anni, 573C', 631C; et messis septimi anni, 32D'. — Eis lex mitius applicabatur, 217D, 229C, 312B; et eos mitius tractari jubebat, 25C, 575C', 576C, 622D', 624C'. — Pauperum oblationes, quam Deo gratæ, 147C. — Christianos decet misericordia in pauperes, 577A'.

PECCATOR dæmonibus assimilatur et consecratur, 475C; et peccando fit parvus et vilis, 277B, licet nonnunquam ei magnitudo tribuatur, 277D. — Alieno peccato consentire peccatum est, 355C'; et qui peccatorem pro posse non curat erigere, peccat, 607D'; attamen erga peccatores agendum est discrete, 300D', et in pœnitentes misericorditer, 392C', ne in via virtutis animo deficiant, 310C.

PECCATUM omnium gravissimum, quid sit, 106B'. — Quoad realium in peccatis quadruplex gradus invenitur, 627D, 718A; et cum delinquentis gradu delicti gravitas crescit, 416B. — Peccata non spontanea, quæ, 402A'. — Nullum peccatum Deus inultum relinquere potest, 664D', sed serius oculus punit, 552D. Peccato mortali debetur mors æterna et etiam temporalis, 180D. — Peccatum ex superbia lex morte mulcebat, 402D', 403B; peccatum ex ignorantia sacrificiis expiabatur, 402B, C'; quid de peccato ex fragilitate, 403B. — Peccatum quodlibet idololatria vocari potest, 9D, 107B. — Ad salutem necessarium est odisse super omnia peccatum saltem mortale, 547C'; et magna ad illud vitandum opus est diligentia, 392A, 400B'. — Quantum animæ noceant repetita peccata, 300A', 400C. — Ad abluenda peccata septem fontes in N. T. aperti sunt, 164B. — « Peccatum » nonnunquam pro sacrificio sumitur, 415D.

PECTUSCULUM hostiæ pacificæ sacerdoti cedebat, 181A', 589B; quare, 182B', 702C'. —



- Dictum est pectusculum elevationis, 181B'. — cur, 188B. — Mystice quid, 184A'.
- PELLIS hostiarum, modo sacerdotis erat, ut in holocaustis, 140C, 175C, 566C, 589C; modo comburebatur, ut in sacrificiis pro communitate, 139C', 243D', 566C. — Pelles, non secus ac vestimenta, affliciebantur immunditia, 210A', 235C', et lepra, 222B. — *Adde* Aries.
- PENTECOSTES. *Vide* Festivitates.
- PEPO, quid sit ad litteram, 375D, et tropologice, 386B.
- PEREGRINUS, quis sit proprie, 32C', 573C. — Eum contristari non licet, 32B'. — Eadem lege, pro offerendis sacrificiis, qua Judæus regitur, 404C'.
- PERIRE de populo, quid proprie significet, 180B, 425B.
- PETBUS de Tarentasia (Innocentius V), Ord. Præd. theologus, 99D, 106C.
- PHARAN desertum, ubi situm, 393A. — Quoniam sensu de Pharan apparuisse dicatur Dominus, 672C, 673D, 674A'. — Allegorice, Ecclesiam signat, 682B.
- PHASGA, mons grandis, 440A'; ex eo Balaam filiis Israel benedixit, 456B', et Moyses Terram promissam contemplatus est, 538A, 688C.
- PHIALA, quid sit ad litteram, 49D, 359C, et mystice, 54C', 360B'.
- PHIHAMROTH, iv<sup>a</sup> Hebræorum statio, 500A', quid moraliter designet, 503C.
- PHILOSOPHIA, ab Ægyptiis instituta, a Græcis magnificata, a Chaldæis et Arabibus multum provecata fuit, 571A'. — Sapientissime Judæi ab ea diu abstinuerunt, 571C.
- PHINEES, filius Eleazar, zelo suo iram Dei avertit, 473A, et perpetuum pontificatum meruit, 473B'. — Exercitui contra Madianitas præficitur, 491B'. — Tropologice, fervidos figurat, 476A.
- PHOGOR mons; ex eo Balaam filiis Israel benedixit, 459B', et contra eum sepultus est Moyses, 538A', 688C'. — Phogor idolum, quod et Beelphegor dicitur, 474A, 492C', deus Madianitarum, 472A. Huic initiati sunt Hebræi in deserto, et prostrati sunt, 472A.
- PIUNON, xxxv<sup>a</sup> Hebræorum mansio, 501A', quid exprimat, 505C'.
- PIGNUS, debitoris arbitrio eligebatur, 622D'. — In pignus necessaria vitæ accipi nequebant, 622A, nec pauperum vestimenta, 624C'. — Quotidie ante noctem reddendum erat, 25A', 623A'.
- PLATUS, ab occisione Christi excusari nequit, 31B.
- PISCES, quo sensu carnem habere dicantur, 206B'. — Cur ex eis nullus ad sacrificium electus, 143B'. — Pisces mundi ab immundis qua regula discernendi, 206D. — In Ægypto sunt frequentes, 375C. — Piscibus, sicut et carnibus, moderate utendum est, 385C'. — Piscium squamæ et pennulæ, mystice quid, 214A, 713A'.
- PLATO fuit castus et virgo, 693B'. — Ejus error circa animationem siderum, 2D, 583A', et mundi, 409C'; et circa sensibilibus informationem, 450C'. — *Adde* 654A.
- PLATONICI auctores; Proclus et Plotinus, 409C'. Porphyrius et Apuleius, 454B'.
- PLUMA pro « acu » quandoque sumitur: hinc plumarium dicitur opus acu factum, 56C, 74C'; et plumarius, qui acu pingit, 124B'.
- POENA, quoto sensu considerari, et quibus infligi queat, 3D. — Juxta modum culpæ taxanda est, 20D'; sed multis de causis augeri potest, 21A, 627C'. — Octo pœnarum genera in lege reperiuntur, 626C', 718A'. — Unus pro alio interdum plectitur, 497C; et propter paucorum peccata populus saepe percussus est, 570B'. — Quorundam pœna hic incipit, et in inferno perseverat, 661A'. — Malum pœnæ recte Deo adscribitur, 550C. Synopsis pœnarum a lege sancitarum: 1<sup>a</sup> Morte per ignem plectitur fornicatio filiarum sacerdotis, 274A. — 2<sup>a</sup> Morte per lapidationem, sabbati violatio, 95C, 403D; blasphemia, 291C; adulterium, 606B', D'; fornicatio cum alterius sponsa, 607A, A'; in parentes rebellio, 600C; provocatio ad idololatriam, 570A, B; idololatria, 24A', 582C'; cultus Moloch, 270A; divinatio, 272C. — 3<sup>a</sup> Morte simplici, magia, 24D; quodcumque homicidium voluntarium, 14B, 15C', 16A', 21B', 291A'; plagium, 14B', 622B; parentum percussio, 14C', vel maledictio, 14D', 271B; negligentia in custodiendis nocivis pecudibus, 17D; præcipua luxuriæ peccata, 24A', 271C; transgressio legis ex superbia, 402D', 403B; detractio sententiæ pontificis, 584A'; in Levitarum vel sacerdotum officium obreptio, 327B', 334C. — 4<sup>a</sup> Mutilatione, quæcumque voluntaria vulneratio, 16C', 291B'; obscena viri attrectatio a muliere, 629B. — 5<sup>a</sup> Vapulatione, fornicatio

- cum ancilla, 260 C; iniusta uxoris criminatio, 605 B', 606 A'. — 6 Pecunia. *Vide* Damnum et Furtum. — In flagellationibus non excedebatur quadragenarius numerus, 626 A'. — In suspensione, deponendum et sepeliendum erat cadaver ipso die, 600 A'.
- POLENTA**, Puls, Pulmentum, quid ad litteram, 283 B', C', 402 A, et mystice, 404 C'.
- POLLUTIO** nocturna, variis causis contingere potest, 611 B', et aliquando fit culpabilis, 611 C'. — Immundum faciebat usque ad vesperam, 611 D'.
- POLYMITUM** dicitur opus varium, 70 B; et polymitarium hujus operis opifex, 121 B'.
- PONTIFEX**. Ejus institutio, 80 B, et ornamenta, 69 C', 73 B', 711 B. — Cur in humeris nomina vi Patriarcharum portaverit, 70 C', 72 B, 77 D'. — A quorumcumque defunctorum deporatione abstinere, 274 C, et funere, 274 A'. — Nullam, præter virginem de sacerdotali vel regali tribu, uxorem ducere fas illi fuit, 274 C'. — Ad eum in difficilioribus causis fiebat appellatio, 583 C'. — Verumtamen in veteri lege regi inferior erat, 481 D'. — Ipsius erat iuge sacrificium offerre, 173 B, expiare populum, 160 B', 240 A, et tabernaculum, 240 C', 241 C', 244 A', et Domini oracula dare, 72 A', 481 C'. — Non intrabat tamen in Sanctum sanctorum, 239 B, nisi semel in anno, 84 A, 239 B', vel ex accidentalibus causis, 239 C', et solus, 242 B'. — Pontificum octo virtutes, 77 C, 711 D'. Prædicationis officio insistere debent, 78 B, et castitatis custodiæ, 78 C.
- PORCUS**, cur immundus, 204 C, D', 206 D.
- PORPHYRIO**, avis immunda, quid sit ad litteram, 208 A', et tropologice, 214 A', 713 D'.
- PRÆCEPTA**, a mandatis nonnunquam distinguuntur, 563 C, 571 C'. — Quomodo adimplenda sint, 539 D'. — Negativa obligant semper et ad semper, affirmativa non item, 563 D; sed utraque ad opus ordinantur, 538 D'. — Ea scrutari non est illicitum, 179 A'. — Quot fuerint in lege, 571 A, B'; et cur tam multiplicata, 571 B. — An præcepta legis transgrediens semper morte puniendus fuerit, 180 B. — Lex triplicis generis præcepta continebat: 1<sup>a</sup> Præcepta moralia, 11 B, 133 A, 698 A. De rationis dictamine sunt, et cunctos obligant, 11 B, 647 B, 692 D'; sed non omnia æque manifesta sunt, 699 A. Decem principaliora sunt, ad quæ cetera reducuntur, 699 A'; ex quibus primum ad fidem, 2<sup>um</sup> et 3<sup>um</sup> ad
- latriam pertinent, 546 B, 699 B, septem adia ad iustitiam, 546 D'. Adhuc sub nova lege vigent, 11 B, 420 C, 720 B. *Vide* Decalogus. — 2<sup>a</sup> Præcepta carimonialia, 11 C, 133 B, 698 A'. In Levitico præcipue continentur, 134 B'. Unde illis hoc nomen, 134 A. Moralia in ordine ad Deum determinabant, 133 A', 546 D'; duplici de causa introducta sunt, 701 C; et diversimode dividebantur, 134 B, 701 A. Patriæ et novæ legis cultum præfigurabant, 700 B'; ideo umbra futurorum dicuntur, 700 D', et præcepta non bona, 696 C; et jam sunt mortua et mortifera, 420 B, 720 C. Quædam ante legem jam instituta esse videntur, 721 A. Carimonialia novæ legis puriora sunt et expressiora, 721 C. — 3<sup>a</sup> Præcepta judicialia, 11 C, 133 B, 698 A', in Numeris polissimum tradita, 134 B'. Moralia in ordine ad proximum determinabant, 133 A', 547 A; et quadrupliciter distinguebantur, 582 A. Nunc mortua sunt, sed non mortifera, 420 B, 720 B'. Ante legem quædam jam vigeant, naturali ratione ordinata, 721 A.
- PRÆDESTINATI**, in Scripturis ab electis distinguuntur, 551 D'. — Ad prædestinationem, ex parte Dei electio et dilectio requiruntur, 552 A.
- PRÆDICATIO** recte tuba vocatur, 371 A. — Prædicatorum duæ tubæ, quid, 371 C, D'. — Cum audientibus spirituale commercium ineunt, 299 D'. — In meditatione haurire debent, quæ postmodum audientibus eructabunt, 44 B', 386 C'. — Eorum verba, ut prosint, tempestive cadere debent, 306 C'. — Ad Dei honorem, non ad propriam laudem prædicare habent, 667 B'. — Situlæ comparantur, 470 D.
- PRÆLATUS**. Qui sint ad prælaturam evehendi, 342 A', 386 A', 532 B'. — Boni prælati est cum inferioribus modeste agere, 43 B; plebem instruere, 43 D', 532 A; sapientiam acquirere, 44 B; in contemplatione se exercere, 44 B'; de bonis custodibus gregi providere, 44 D', 532 A', C'; subditos diligenter considerare et tractare, 329 A; et eos ad spiritualem pugnam formare, 495 B; ab externis negotiis, quantum licet, se segregare, 532 A'. — Dubia subditorum verba in deteriori sensu interpretari possunt, 496 B'. — Quandoque eis imputantur subditorum peccata, 20 A', 98 D, 475 A'. — Quomodo subditos corrigere debeant, 108 B, 350 B. Qui corripere negligunt, consentire censentur, 270 A', et gravius pec-

- caut ipsis delinquentibus, 270 C'; qui indiscrete increpant, rei sunt perditionis subditorum, 19 C'. — Male plebem instruens indignus est praesidere amplius, 20 A; et illi imputatur gregis damnatio, 340 D. — Subdilis quantum praelati noceat absentia, 106 D, et prosit oratio, 107 B', 385 A'. — Praelatis valde necessaria est mansuetudo, 389 A. — In successorum electionem se admiscere non debent, 482 D'; et graviter peccant, quum ex carnali affectu aliquem ad praelaturam evehere conantur, 483 B. — Praelaturae et dignitates servitutes sunt et gratiae gratis datae, 587 C; et multi in ipsis pereunt, qui in subiectione salutem operati fuissent, 427 C'.  
**PRIMITIAE**, ter in anno, et de septem fructuum speciebus reddebantur, 286 B'; similiter et de cibus, 402 A; sine mora, 26 A. — Solenniori ritu semel quotannis offerebantur, 630 C, in Scenopogia, 633 B. — Primitiarum quantitas inter 40<sup>um</sup> et 60<sup>um</sup> fructuum partem extendi poterat, 420 C. — Levitis, sortis vice, tribuebantur, 418 D; et a mundis tantum comedi poterant, 417 A'. In nova lege primitiarum loco sunt oblationes, 421 B'. — Primitiae, quid mystice, 35 D. — « Primitiae » etiam nuncupantur voluntaria plebis dona in adificationem tabernaculi, 45 A; quas anima quaeque etiam nunc solvere potest, 51 C, 52 A.  
**PRIMOGENITI**, pro Levitis commutantur, 335 B', C'; et superabundantes redimuntur, 335 D'. — Omnes primogeniti Deo consecrabantur, tam de hominibus, 26 A, quam de pecudibus, 26 B, 576 A', octava die, 26 C. — Voveri non poterant, 314 A', quia de jure sacerdotibus pertinebant, 417 B'. — Hominum et animalium non immolaticiorum primogeniti redimebantur, 314 B', 417 C', non autem animalium immolaticiorum, 418 A. Hi, in locis a templo remotis, occidi poterant et comedi, dummodo alii ejusdem pretii sacerdotibus offerrentur, 568 C; imo nonnullos in Jerusalem ab offerentibus comedi potuisse videntur, 567 A'. — Primogenitus asini ove redimebatur, 417 D', quam tondere non licebat, 576 B'. — Primogenitus canis occidebatur, 417 D', 576 B'. — In primogenito bovis arare nefas erat, 576 B', sicut primogenitum ovis tondere, 576 B'. — Primogeniti, mystice quid, 318 D'.  
**PRINCEPS**. Ei detrudere nefas, 25 D'. — Principum excessus sunt gravissimi, 163 D'; quomodo expientur, 161 C. — Principum oblationes in consecratione tabernaculi, 357 B, 358 D'. — Fidelium principum est Ecclesiam ab hostibus lueri et vindicare, 495 A. — Spirituallyter, princeps rationem significat, 164 A.  
**PROMISSA** terra, quanta, 38 B, 506 D, 505 C; an eam Judaei integre occupaverint, 38 B. — Fuit irrigua, 555 A, ferax, 555 B, et metalli grava, 555 C; et ibi est terrae vertex, 659 C. — An Aegypto uberior fuerit, 564 A. — Eam haud semel sterilitate laborasse ex historia constat, 645 A. — Ejus dominium Deus sibi vindicabat, 295 B', ideo nec gentili nec in aeternum vendi poterat, 295 C'. — Quomodo inter tribus dispertita, 478 B. — Allegorice, Ecclesiam significat, 298 D, 556 C, 565 B', etc., et regnum colorum, 479 A'.  
**PROPHETIA**. Duplex habetur, una praedestinationis, quae est infallibilis, 592 D, altera comminationis, quae mutari potest, 592 A'. — Nulla fit prophetica illuminatio, nisi per ministerium angelorum, 381 B. — Triplici modo fieri potest, 389 C; quarum quae sit sublimior, 389 B'. — Tempus nocturnum et somnus valde ad eam disponunt, 389 A'. — Prophetarum simulae comparantur, 463 C. — A voce Dei contremiscunt, 546 A'. — Propheta, si idololatriam suaserit, occidendus, 569 B, D. — Pseudoprophetae poena, mors, 591 D'; ex duplici causa dignosci potest, 592 C, C'. Non nisi de naturaliter cognoscibilibus vaticinari solent, 592 D'; verumtamen eis futura Deus quandoque revelat, 569 D; imo saepe vera et salubria diabolus suggerit, 569 C. — Hebraeis repromittitur Propheta futurus, 590 C', sive Josue, sive Prophetarum chorus, 590 D', sive, potius, Christus, 591 B; haec promissio dupliciter intelligenda videtur, 591 B'.  
**PROPHETATORIUM** arcae, quid fuerit, 47 A', 138 B. — Dictum est oraculum et propitiatorium, quare, 48 B, 138 D, 239 C. — Cur in Sancto sanctorum repositum, 62 B'. — Fuit quasi sedes unde Deus loquebatur, 88 A, 138 B. — Allegorice, Christum figurabat, 53 B'.  
**PROPRIETAS**. Ad bonam proprietatis ordinationem expedit, ut possessiones sint distinctae, et usus earum, partim proprius, partim communis, 478 D', 746 C'; ut pro rata necessitatum unicuique dividantur, 746 C'; et, quantum licet, eisdem conserventur, 294 C, 717 A; et sic fuit ejus institutio apud Hebraeos, 294 A, 478 B, D', 746 C'. — Bona



proprietas ordinatio plurimum ad bonum commune confert, 294 C, 717 A.

PROSPERITAS temporalis, licet V. T. justis repromittatur, 7 C, non est condigna virtuosorum operum merces, 539 B; nec fuit principale observantiae legis praeium, 575 D'. — Impiis saepe conceditur, 396 C; sed prosperitas ista omnino fallax, 387 A'. — Ad libidinem incitat, 474 C.

PROXIMUS. Amare proximum, an de lege naturae sit, 267 D, 269 B'. — Proximorum solerter salus procuranda est, 369 B', 372 D. — Proximum offendens aut seducens peccat graviter, 19 D, 20 B. — Proximi vitia indiscrete detegentes, clam comparantur, 255 A'.

PSALMI, an omnes a David compositi, 477 C'.

PUER, multimodis in Scripturis accipitur, 110 D'.

PUERPERA, ab aliorum consortio arcebat, per septem dies si masculum pepererat, 216 B, per quatuordecim dies, si feminam, 216 A'; a sanctis et a Sanctuario, per xxviii dies, 216 C, vel per lxxvi, 216 B'. — In die purificationis agnum anniculum, vel turturem offerebat, 216 C', 217 D, et pro peccato, turturem vel pullum columbae, 216 C', 217 D. — A quo peccato purgari indiguerit, 216 D'. — Moraliter, quid designet, 217 B'.

PUPILLUS, iudicibus commendatur, 624 C'. — Pupillorum oppressio, peccatum ad caelum clamans, 24 C'; quomodo puniatur, 24 D'. — Pupillus, mystice quid, 28 A.

PURPURA, quid sit ad litteram, 45 D, et tropologice, 52 C, 61 D, 62 D.

PUTEUS, in Scripturis diversimode sumitur, 443 C'. — Possunt, hoc nomine, Scripturarum libri intelligi, 443 D'.

PYGARGUS, mundum animal, quid sit, 573 A.

PYTHON, sive Apollo, divinationis inventor, 272 A'. — Pythones et pythonissae, quid, 590 C. — Ars pythonica, quot modis exerceatur, 272 B'; et quibus poenis subjaceat, 272 C.

## Q

QUADRUPEDIA in sacrificiis adhibita, quae, 142 C, D, 701 C'. Qua regula munda ab immundis secerni potuerint, 204 D, 205 D'. — Quadrupedia volantis, alia munda, alia immunda censebantur, 209 A; quadrupedia super manus ambulantis, omnia immunda, 209 C'.

## R

RABBI, quid significet, 29 A. *Vide* Iudaei auctores *et* Paulus.

RAMESES, urbs Aegypti, et Hebraeorum statio, 499 D', quid exprimat, 503 A.

RAPHIDIM, xi<sup>a</sup> Hebraeorum statio, 501 A, quid figuret, 504 C.

RATIONALE, pontificis ornamentum, describitur, 71 B, 186 C. — Cum superhumerali connectebatur, 71 B'. Quatuor lapidum ordines cum tribuum nomine habebat, 71 C; quare, 72 B. — Speciale rationalis ornamentum, Doctrina et Veritas, 72 D, quid fuerit, 72 A', 186 D; quomodo responsa dederit, 72 B', et quamdiu, 72 D'. — Quid spiritualiter expresserit, 52 B', 77 A, 191 A'.

REFUGIUM. Sex Levitarum urbes in refugium casu homicidarum constituuntur, 509 B', 593 C; ex quibus tres in terra Galaad, 510 B. — Tres aliae postea addi permittuntur, 593 D'. — Ibi a vindicta tutabantur, 509 D'; sed exire nequibant ante mortem pontificis, 510 D', 511 B'. — Voluntarius homicida ex illis ejiciendus erat, 510 A', 594 A. — Moraliter, quid designent, 512 B', 594 C'.

REGIMEN. Politici regiminis quatuor formae, 715 C. — Quae ad bonum regimen conferant, 379 A. — Optima regiminis species est ea quae ex monarchia, aristocratia et democratia contemperatur, 379 C; et talis fuit Hebraeorum politia, 379 D, 715 D.

RELIGIOSI peccantes facilius resurgunt, 300 C'; sed gravius scandalizant, 327 D'. — Eis vitanda est omnis sensualitas gustus, 355 B, et tactus, 355 D, et inordinatus in proximos affectus, 355 C'.

REMNONPHARES, xvi<sup>a</sup> Hebraeorum mansio, quid designet, 504 B'.

RENES hostiarum cum renunculis, semper Domino cedebant, 153 C'; quare, 156 D.

REPTILIA universa immunda declarantur, 211 A'. — Quot eorum genera, 211 B', 662 B. — Mystice, daemones avaritiae significant, 670 D'.

REPUDIUM. Libellum repudii, quandam conscribere licuerit, 616 A; et quomodo, 616 D'. *Amplius require verbo* Matrimonium.

RESSA, xviii<sup>a</sup> Hebraeorum statio, quid significet, 504 C'.

RETHMA, xv<sup>a</sup> Hebraeorum mansio, quid moraliter, 504 B'.

RETICULUM jecoris, id est, adeps hepatis, semper Domino cedebat, 81D', 153C', etc.; quare, 156A'.

REX. Monarchia, licet optimum regimen, facile in tyrannidem vertitur, 588A, 716B; ideo ægre, et cum temperamentis Hebræis concessa est, 585A', 588B, 716C. — Videtur tamen Deus eis saltem permisisse ut regem sibi constituerent, 585D, cum et ipse regiam dignitatem in tribu Juda præordinaverit, 585B. — In quo ergo peccaverit populus, regem postulando, 585D, 588A'. — Reges Israel sacerdotibus præstantiores erant, 481D', 676D. — De eorum officiis: Eis prohibentur equorum multitudo, 586A, regressus in Ægyptum, 586A, immoderata uxorum copia, 586C, et divitiarum, 586D, fastus et superbia, 587A; eis jubetur Deuteronomii exemplar describere, 586A', et legere, 586C', et in omnibus æquitatem servare, 587C. — Regalium officiorum synopsis, 587B'. — Rex imago Dei in terra, subditos in omni virtute præcellere debet, 587D. — Ei valde necessarius est timor Domini, 586D'.

RHINOCEROS, unde dictus et quid sit, 458C. — A virgine facillime capitur, 458D; sed in captivitate moritur, 458A'. — Cornu ejus, quantum, 458B'. — Allegorice, Christi figura est, 458D', 470A'.

RICHARDUS de Mediavilla (de Midletown), Ord. Min. theologus, «venerabilis doctor», 462C'.

RUBEN tribus ad meridiem tabernaculi manebat, cum duabus aliis, 330A', quibus præerat, 331C'. — In ejus vexillo hominis figura fuit, 331B. — Rubenitis pars terræ Galaad traditur, 496B, 497C'. — A Moyse benedicitur, 675B'. — Rubenitæ, mystice quid, 498D, 499A, 683B'.

RUMINATIO quadrupedia munda ab immundis separabat, 206A. — Signum bonæ digestionis est, 206A. — Tropologice, quid indicet, 213D', 713D.

## S

SABBATUM, in memoriam creationis institutum, 4C, 287B, 706C, in requie celebratur, 4A', 33A', 282A, per peculiare sacrificium, 484C, 486A. — Sabbatum violentibus lapidationis pœna indicitur, 95C, 403C. — Quomodo nunc a Judæis colatur, 4D. — Allegorice, requiem a Christo datam figurabat, 287D'. — Sabbatum Christianorum,

quomodo colendum, 10D. In eo mortaliter peccans dupliciter peccat, 10B.

SABBATICUS annus, seu septimi anni requies, instituitur, 321D', 292C, 571C. — Quo durante, non seminabatur terra, 33A, 292D; sponte nascentia non colligebantur, 293B, sed omnibus communia erant, 293C. Debita exstinguebantur, 574D, aut saltem solutio differebatur, 575B; servi libertate donabantur, 12A. — Eo etiam anno, Scenopægiæ diebus palam legebatur Deuteronomium, 649C. — Allegorice, evangelicam legem præfigurabat, 576D', et requiem æternam, 299B.

SACEBDO. Bitus consecrandi sacerdotes V. L. explanatur ad litteram, 80B, 173C', 185D, et mystice, 86B, 190B. Tria complectebatur: purificationem, consecrationem, applicationem, 184D, 710C'. Cur uncti dicantur, 81A', 458D, 333C. — Ex filiis Aaron eligebantur, 333C, 337C, 413A, certis dolibus præditi, 275B, 276A. — De officiis sacerdotum: Eorum erat victimas probare, 139A, C, 312B'; offerre sacrificia, 140A, 141D, C', 230D, etc., libamina, 148A, C', 283B, incensum et panes, 273B', 290A; holocaustorum ignem nutrire, 172C', tuba in festivitibus et bellis clangere, 367C, D', 368A; bellatores adhortari, 595C; vota æstimare, 312B, B', 313A, A', 314A; immundos declarare, 218A', D', 219B, 220B, etc., et reconciliare, 217D, 226A, 230B, etc.; sacra tangere et involvere, 337C', 416C'; plebem instruere, 649C, et illi benedicere, 354B'; jus cum iudicibus dicere, 584B, 594D. — Tempore ministerii sui, vino abstinere debebant, 199A', C'. A funeribus, paucis exceptis, arcebantur, 273A. Comam nec penitus abraderere, nec integram servare poterant, 273A'; nec nisi honestas feminas sibi conjungere, 273C', 275D'. — Hereditatis vice eis tribuebantur restitutiones nemini obvenientes, 345B, primitiæ, 345D, 417A', 589A', fidelium oblationes, 345A', 417A, decimæ, 345B', pars in plerisque sacrificiis, 173C, 174B, 175A', etc., 589B, et in spoliis hostium, 418C, 493D'. — Quandonam immolatis uti potuerint ipsi, 278A', servi eorum et filiæ eorum, 279B. — De ornamentis eorum. *Vide Vestes.*

Qui ad sacerdotium admitti possint, 86B, 185C, 190B, 342A, 363A', 364B'. — Sacerdotalis dignitas recte onus dicitur, 416A; nec decet ea gloriari, sed magis timere, 201C. — Quomodo sacerdotes Dominum sanctificare

possint, 202B, et iniquitatem sanctuarii portare, 415C. — A Deo specialiter diliguntur, 336C; et a populis specialiter quoque diligendi sunt, 499B. — Sacerdotalis ordinis officia, 329B; Celebrare debent, 195B; circa sancta solliciti esse, 192A', 278A; alienis peccatis mederi, 419A; pro sæcularibus principibus orare, 483A'; et populo christiano invigilare, 337A. — Sacerdotes immaculatos esse oportet, 275C; virtutibus fulgere, 77C, 276B', maxime castitate, 78C, 176D; a vitis refugere, 276B, 711C', præsertim a vinolentia, 202C', 203A, et avaritia, 421A; nec minus sanctitate quam dignitate tenere primatum debent, 329B'. — Eorum benedictiones plurimum valent, 355A. — Eorum peccata gravissima sunt, 463C, et populos valde scandalizant, 327D'. — Omnes Christifideles aliquo modo sunt et dicuntur sacerdotes, 177A.

SACRAMENTA V. L. ad cærimonialia pertinebant, 701A. Quot fuerint, 707C. — Quædam N. L. sacramenta in his præfigurabantur, 708C'.

SACRIFICIA V. L. ad cærimonialia pertinebant, 701A. — Cur per animalium mactationem Deus honorari voluerit, 134C. — Hostiarum occisione inculcabatur iustitiæ Dei memoria, 135A; earum comestione homines Deo conjungebantur, 435A', et sibi invicem, 135B, ad Dei cultum incitabantur, 135C', et ad sanctificationem propriam, 135D'. — Sacrificiorum variæ distinctiones, et ordo, 136B, 702B, D'. — De eorum materia, 137C, et efficacia, 140D'. — Sacrificiorum odor cur suavis dicatur, 82D, 140C'. — In sacrificiis, paupertati offerentium lex providit, 147B. — Moraliter, sacrificia Dei et diaboli, quæ, 474D'.

De ritibus sacrificiorum communibus : 1° In loco a Deo electo offerri debebant, 7A', 251C', 566B, 703D'. Ex dispensatione Dei facta sunt in Carmelo et in Hebal, 634A'. 2° Hostia ad ostium tabernaculi præsentabatur, 250B, D, D'. 3° Offerens in caput hostiæ manus imponebat, 439D, 458D', 460B', etc. 4° Sanguis totus effundebatur, nec unquam in alienjus usum veniebat, 140B. 5° Adeps totus comburebatur, 140B, et Domino pertinebat, 454B'. 6° Cuilibet victimæ jungenda erat oblatio similæ et vini, 401A, C.

De ritibus sacrificiorum propriis :

I. Holocaustum. Ejus natura et significa-

tio, 7D, 136B, 138A'. Primum locum inter sacrificia obtinuit, 136C', 702D'. Victima de bobus, ovibus, aut capris eligi poterat, 138A', 141A, masculis, anniculis, 138B', aut de avibus, 141B'. Prope altare, ad aquilonem immolabatur, 141C. Corpus concisum in frusta, 140D, novem, 162C, penitus adolebatur, 140B', 141B', 142A'. Pellis sacerdotibus pertinebat, 140C', 175C. Hoc sacrificium duodecim sacerdotum ministerium requirebat, 162C.

II. Sacrificia pro peccato. Eorum natura et significatio, 136C, 702D. Præstantiora erant pacificis, 136D', 703A; et quatuor erant, 157C. 1° Pro ignorantibus sacerdotum vel populi, immolabatur vitulus immaculatus, 158D, D', 160C, A', 402B, ejus sanguine adspergebatur velum Sancti sanctorum et altare thymiamatis, 159B, 160C'. Corpus ejus partim in altari cremabatur, 159A', 160D', partim extra castra, 159C', 161A. Pellis comburebatur, 159C', 243D'. Nihil inde percipiebat sacerdos, 160A, sicut nec in qualibet oblatione pro sacerdotibus, 174A. Pro quibus sacerdotibus fuerit oblatum, 158D, et pro quibus peccatis, 158B'; et quid mystice significet, 163B'. — 2° Pro ignorantibus principum vel privatorum offerebatur hircus, 161D, 402C, vel capra, 161D', 402C', cum præcedenti ritu, 161B. Sed hostiæ in duas partes dividebantur, quarum una in altari adolebatur, altera in usum sacerdotum cedebat, 136C, 702D. In atrio comedenda erat, 174C, a solis masculis de genere sacerdotali, 174D'. Omnia contactu ejus sanctificabantur, 174D. A pauperibus aves offerri poterant, 217D, 702D'. — Simili prorsus modo offerebatur sacrificium pro delicto, seu peccato omissionis, 175A, 228B'.

III. Sacrificia pacifica. Eorum significatio, 136B', et ritus, 178A, 181D. Victima, quæ de bobus, ovibus, vel capris eligi poterat, 153C, 154B, A', masculis vel femellis, immaculatis, 153C, 154B, in introitu tabernaculi immolabatur, 153B', et in tres partes dividebatur, 136B', quarum una, id est adeps cum renibus et renunculis, incendebatur, 153B', alia, id est pectusculum et armus dexter, sacerdoti deputabatur, 181A', 702C', tertia pars offerentis erat, 153C, 178C'. Hostia pacifica, ubique intra Jerusalem comedi poterat, 179C', a mundis, 179D', eadem die, in sacrificiis pro gratiarum actione, 178C', eadem die et



- sequenti, in sacrificiis pro oblinendo beneficio, 179B; quare, 179A'. Besiduum igni tradendum erat, 178C', 179C', sub qua pœna, 179C'. Aves in pacificis non adhibebantur, 154C', 155B', 702D'. Hostia pacifica, allegorice quid, 155D, 156B, A', D'.
- Sacrificia incruenta. *Vide* Oblationes. — *Cf. etiam* Avis, Hostia, Libamen.
- SEECULUM. Consummatio sæculi duplex, una per sabbaticum annum figurata, altera per annum jubilæi, 299B, B'.
- SAGUM, quid sit, 57A, 340D'. — De sagis tabernaculum operientibus, 57A. — Quid significant, 61D, 63A, B'.
- SAL in omni sacrificio requirebatur, 149C'; quare, 149D'. — Moraliter, discretionem designat, 152B'.
- SALMONA, xxxiv<sup>a</sup> Hebræorum mansio, 501A'; quid allegorice, 505C'.
- SALPHAAD, quis fuerit, 480B. — Filiarum ejus petitio, 480B, causa fuit cur statueretur mundo jus hereditatis, 480D'. Mystice, quid exprimant, 482B.
- SAMSON, Philistim segetes succendens, non peccavit, 22D'.
- SANCTI semper in gratia Dei proficere cupiunt, 112C. — Ab eis fervor spiritualis nunquam subtrahitur, 642B. — Omnes sunt in manu Dei, 675A, 683A; et salus eorum miseralio ejus est, 550B'. — Sanctorum mors populis calamitas est, 435B'. — Quot sint homines gloriæ prædestinati, 657C'. — An quibusdam, non attentis meritis, mercedem daturus sit Deus, 479A'. — Sancti in gloria quibus volunt visibiles vel invisibiles se præbere possunt, 450B. — Sanctum in Scriptura dicitur quidquid divino cultui mancipatur, 264D — Sanctum et Sanctum sanctorum. *Vide* Tabernaculum.
- SANGUIS hostiarum totus effundebatur, 140A, in idololatriæ detestationem, 455A, 702A'; ubi, 143B'. — Imo Hebræis quocumque modo interdicebatur, 154C', 181B, 251B; quare, 155A', 181C, 251C. — In sanguine est vita, 251C, 568A', et per sanguinem fit expiatio, 251D. — Tropologice, sanguinem comedere, quid sit, 157B, 252B.
- SAPIENTIA et scientia, modo ad gratiam gratis datam, modo ad gratiam gratum facientem pertinent, 94A.
- SAPPHIRUS, Rationalis gemma, cujus virtutis, 79B. — Mystice, sapientiæ donum signat, 79C.
- SARDIUS, Rationalis gemma, describitur, 78A'. — Moraliter, patientiam exprimit, 78B'.
- SATISFACTIO. Tria satisfactionis opera, quæ, 183B'.
- SCABIES, lepræ species, non inquinabat, 219C. — Quid mystice, 224D, B'.
- SCANDALUM summo opere vitandum est, 9C', 625C, et omni modo reparandum, 349D'. — Non scandalizantur, nisi pusilli, 277D. — A scandalosa societate, corpore aut saltem mente recedendum est, 412B.
- SCORPIO, quid sit, 555B'. — Typus est adulatorum, 556C'.
- SCRIPTURA, cur in varios libros divisa, 137D'. — Plures sensus litterales habere potest, 666A'. — Non sine indumentis verbum Dei proferi, 145B'. — Sæpe communitati quod est paucorum adscribit, 492C'. — In tentationibus ad eam recurrere expedit, 372A. — Inferioribus caute exponenda est, 20B'. — Verbum Dei, quanti pretii, 122C'. — Allegorice, per propositionis mensam designatur Scriptura, 63A', 343C, et per puteos solitudinis, 443D'.
- SCULPTILIA et simulacra apud Hebræos prohibita, 2B', 7C, 581A'; quare, 2C'. — Nunc non prohibentur, 581B'. — Deorum simulacra animata putabantur, 2C'. — Tropologice, simulacra sunt cogitationes noxiæ, 636B'.
- SEGETES, quo tempore maturæ in Palæstina, 283A. — Ex eis nihil, aule primitiarum oblationem, communi usui deputandum erat, 283B'. — Segelum pars quædam pauperibus relinquenda erat, 256C. — Quinquagesimo ab incepta segete die, unusquisque festivale epulum faciebat, 580A. — Seges animæ, quid, 265B'.
- SEHON, rex Amorrhæorum, a rege Moab urbem Hesebon abstulerat, 441B, et regionem usque Dibon, 441B'. — A filiis Israel profligatur, 440B'. — Mystice quid, 444A'.
- SEIR, quid significet, et quomodo Deus de Seir ortus perhibeatur, 672C, 673B. — Moraliter, Judæos infideles signat, 681D'.
- SEMINIFLUS, tanquam immundus, 234D, a Levitarum castris prohibebatur, 344B, et omnia contactu suo polluebat, 235B; sed in castris populi manere poterat, 344B. — Sannatus, corpus lavabat et vestimenta, 235C, et in sacrificium duos turtures offerebat, 235A'. — Tropologice, quid sit, 238A. *Cf.* Copula.
- SENECA, « magnus philosophus, » idolis non

- credebat, 693A'; ideo damnabilior, quia ea coluit, 693B'.
- SENEX, cur honorandus, 263C'; et a quibus maxime, 263D'. — Ad contemplationem aptior est, 363D'; et ad consilium melior, 378D'. — lxx senes in adiutorium Moysi dati, 378B', cur ab ipso fuerint electi, 378B', et quonam sensu de spiritu ejus accepisse dicantur, 379A', C'. — Gratia lxx senioribus concessa non fuit simplex prophetiæ donum, sed gratia gratum faciens, 380D, D'. — Licet de charismate Moysis sumpta fuerit, non illud minuit, 379C'; nec inde orta est effective, 380B, nec a Moyse ministrata, 381C, quandoquidem nec ipse lumen propheticum immediate a Deo acceperat, 381B'. — lxx seniores, quamdiu prophetaverint, 383A. — *Adde Eldad.*
- SEPIER, xv<sup>a</sup> Hebræorum mansio, quid significet, 504D'.
- SERPENS. Igniti serpentes describuntur, 437D. — Serpentis simulacrum Moyses erigere jubetur, 437A'; ubi, 673B'; quare, 437C'; cur ex ære, 438A; cur erectum, 438A. — Non propria virtute adspicientes curabat, 438B. Usque ad tempus Ezechie duravit, 438D. Christi figura fuit, 437D', 673D. — Mystice, quid sint serpentes, 443A', 670D'.
- SERVUS. Judæus alienigenæ serviens semper redimi poterat, 298A; Hebræo serviens non in perpetuum servus erat, 12B, sed septimo anno libertate donabatur, 12A, cum honesto amictu, 12A', cum vel sine uxore, 12B'. — Quid, si in servum perpetuum assumi voluerit, 12D'. — Benigne tractandus erat, 13C', 297D; nec occidi poterat ab hero, 13B', nec vulnerari, 17A. — Fugitivus, quandoque domino suo tradi poterit, 612A'. — Sacerdotum servos quandoque de immolatis vesci licebat, 279B. — Servæ Hebrææ, quomodo tractandæ, 13C. — Servi alienigenæ in perpetuum servari poterant, 297C'; et vapulare, vel usque ad mortem, 13C', quare, 13D'. — Servi christiani per Christum nobilitati, pie tractandi sunt, 16C, 18C, 301B; et eos Judæis servire indecens est, 298C'.
- SETH, filius Adam. Ab eo descendit universum genus humanum, 466C'; ideo omnes filii Seth dici possunt, 466B'.
- SETIM, lignum imputribile, a Jacob in deserto satum dicitur, 45B'. — In confectione arcæ, altaris, vectium, tabularum, etc., adhibebatur, 46D, D', 48D, 58A, etc.; quare, 68B. — Mystice quid, 52D.
- SICLUS moneta, ejus valoris, 89B, 168B', 311C. — Duplex fuit, 311A', 314A'.
- SIDERA propter hominem facta sunt, 542A; et non videntur animata, 542C, 583B'; ideo colenda non sunt, 542B, 583C'. — Post resurrectionem moveri desistent, 542C. — Juxta quosdam, gentibus singulis singula sidera deputata sunt, 542D.
- SIGNUM multipliciter accipitur, 437B'.
- SIMEON tribus nullam a Moyse benedictionem accepit, quare, 680D. — Princeps hujus tribus fornicans interficitur, 472D'.
- SIMIA inter imunda animalia reputatur, quare, 209C'.
- SIMILA in libamine, quanta pro qualibet hostia subministrari debuerit, 401C, 404D, et quare, 484B'. — In oblatione, vel cruda offerrebat cum oleo et thure, 147B', vel cocta diversimode, 148D; ex qua exigua pars super altare adolebatur, 148A, C, C', residuum vero sacerdotibus deputabatur, 148C, D', 173B'. — Cur tot modis eam offerri liceret, 149A. — Moraliter, quid sit similia, 151A, 404B; similia cocta, 183D; in cilibano, 151D'; in sartagine, 152B; in eraticula, 152B.
- SIN, xiv<sup>a</sup> Hebræorum mansio, quid ad litteram, 500D', et mystice, 504A.
- SINAI, xii<sup>a</sup> Hebræorum statio, 501A, quid designet, 504D. — Sinai mons, quam terribilis dum daretur lex, 540D'.
- SMARAGDUS, Rationalis gemma, describitur, 78D'. — Ubi et qualiter invenitur, 79A. — Tropologice, mansuetudinem significat, 79B.
- SOCOTII, ii<sup>a</sup> Hebræorum statio, 500C. — Quid mystice, 503A. — Plures urbes sic dictæ inveniuntur, 500C.
- SOMNIUM. Variæ somniorum causæ, 261B'. — Quatenus ea observare liceat, 261A, 262A, B'. — Vigiliarum curas repræsentare solent, 548B'.
- SOMNUS et sopor, quid sint, et quatenus ad intellectus actus conferant, 462B.
- SPECIE virentes in oblationem dari poterant, 150C; quo ritu, 150A'. — Secunda Paschæ die, solenniter præsentabantur, 282D. — Quid tropologice figurent, 152D'.
- SPIRITUS Sanctus, in quibus requiescat, 380D', 387A. — Illi gratiarum largitio tribuitur, 383D'. — Spiritu Sancto repleti, quid in Scripturis, 93D'. — Per columnam ignis et nubis præfiguratus est, 366B', 533B.

SPURIUS, quid sit proprie, 609D. — A civilitate Hebræorum spurii excluderentur, 611C, 719B', et nunc a sacris arcentur Ordinibus, 609A'.

STACTES, species myrrhæ, in thymiamatis compositione adhibebatur, 91C.

STELLA, *Vide* Sidera.

STELLIO, immundum animal, quid sit, 210C.

STRUTHIO, avis immunda, describitur, 207B'.

— Moraliter quid, 214C, 713B'.

SUBDITI, a prælato correpti, indignari non debent, 25C'. — Interdum, ob superiorum delicta, corporaliter puniuntur, 199A. — Prælatus delinquentem quomodo corrigere debeant, 223B. — Quatuor modis in prælatos peccare possunt, 411D. — Subditi anima uxor est prælati, 350B.

SUPERBIA, vitiorum regina, 403D. — Dupliciter quis ex superbia peccare potest, 405B, et utrobique gravissime, 405B. — Peccator ex superbia nullis sacrificiis expiatur, 403A; sed morti adjudicatur, 402D, et cui morti, 403B. — Ad salvandos superbos aliqua adulatione sæpe opus est, 369B'.

SUPERHUMERALE, pontificis ornamentum, describitur, 70A, 71A. — Duodecim lapides tribuum nominibus inscriptos habebat, 70D. — Quid moraliter significaverit, 77A, D, C', 191D.

SURDUS, Ei maledicere nefas, 257B, 265D'.

SUSPICIO, quid sit et unde oriatur, 350C'. — Semper mala est, 350D'. — Triplex suspicionis gradus et reatus, 350D'.

SUSURRO, quis sit proprie, 258A, et quam graviter peccet, 258B.

SYNDERESIS, quid sit, 692C'.

## T

TABERNACULUM aut templum cur sibi erigi Deus voluerit, 703C'. — Cur vocatum tabernaculum fœderis, 110D, et testimonii, 138C. — Juxta formam Moysi ostensam factum est, 46C, et ex donis a plebe sponte oblatis, 45A. — Ex tabulis setim constabat, 58A, variis cortinis opertum, 56A, 60B. — Tabernaculi ostium in quo victimæ præsentabantur, quid, 138C'. — Cur semper in medio castrorum positum, 330B, et quo ordine circa illud Hebræi castrametati, 330C. — Tabernaculi consecratio, quandonam facta, 356D, 357B', et quo ritu, 357A, 358D'. — In eo, sicut nunc in ecclesia consecrata, Deus ha-

bitabat, 632A'. — Indiscrete ad illud accedentes peribant; devote vero, gratiam reportabant, 411A'. — Tabernaculum in tres partes divisum fuit: 1° Atrium, seu pars anterior, longior sed humilior ceteris, 68C. Atrii descriptio, 64D'. Populo patebat, 62B, D; et continebat altare holocausti, 67A, 125C', et labrum æneum, 125D'. Ibi comedebatur illa pars hostiæ quæ solis sacerdotibus, exclusis feminis, deputabatur, 174C. — 2° Sanctum, ad occidentem atrii, 61D', 64D'. In ipsum intrabant sacerdotes, non populus, 62B, A', 704C'; et continebat candelabrum aureum, 66A', 125D, altare thymiamatis, 87D', 125D, et mensam propositionis, 125D, 705C. Mystice quid, 61C, 62A, B, 704B'. — 3° Sanctum sanctorum, ad occidentem Sancti, 61D', 704A', a quo per velum separatum erat, 59B', 62A, 704B'. Solus pontifex, semel in anno, in ipsum intrabat, 62A, C, 84A, 704B'. Tria continebat, arcam, Cherubim et propitiatorium, 59C', 62B', 704D'. Spiritualiter quid, 61C, 62A, 704A'. — Allegorice, tabernaculum figura fuit universi, 61C; vel Synagogæ et vitæ præsentis, 704B; vel Ecclesiæ militantis, 52C', 62D'; vel triumphantis, 145A. Ejus columnæ, bases, tabulæ, operimenta, mystice explicantur, 63B, 707A. — Tabernaculorum festum, *Vide* Festivitates.

TABULÆ testamenti primæ, a quo conscriptæ, 42A, 95B'; item secundæ, 116C, 560B. — Cur primæ a Deo, secundæ ab homine exaratæ, 116C'. — Ex utraque parte inscriptæ fuisse videntur, 99D. — Quot præcepta continuerit utraque, 105D'. — Earum confectio, quid indicaverit, 108A. — In arca repositæ erant, 47B. — De tabulis tabernaculi, 58A. Moraliter, fideles signant, 63B.

TALENTUM, pondus, triplex fuit, 51B.

TALIO, Lex talionis, quæ, 16C', 291B'; quantum licita, 16C'; et quomodo observata, 16D'.

TALPA, immunda declaratur, 204C, 210B. — Vescitur terra, 210D. — A paganis colebatur, 205C.

TEMPLUM cur sibi erigi voluerit Dominus, 703C', unicum, 704C; et potissimum tempore Salomonis, 703D'. — Homicidas voluntarios ab occisione non liberabat, 14A'. — In templo Zorobabel quinque deerant notabilia, quæ in priore fuerant, 73B. — Ecclesiæ et patriæ figura fuit, 704B.



- TENTATIO** Dei, quid sit et quotuplex, 549B'. Est per se mortalis, 550A. — Tentationes quinam affectare possint, 553B'. — In tentationibus per Scripturæ verba se confortare oportet, 372A. Quo sensu Deus hominem tentare dicatur, 554A, C.
- TENTORIUM**. Sic dicitur velum atrii, 59D'. — Baptismum præsignabat, 68D.
- TERRA**, in Scripturis, modo genus humanum designat, 651C', modo elementa, 652A. — Quo sensu polluta vel sancta dicatur, 511D'; testificari aut obstupescere perhibetur, 652B'. — Immortale elementum recte dicitur, 652B'. — Ante finale iudicium igne purgabitur, 661C'; et in renovata terra montes amplius non erant, 678B. — Moraliter, insipientes et imperfectos designat, 667C. — *Cf.* Promissa terra.
- TESTIMONIUM** in arca repositum, quid, 123D'. — Testimonium falsum vitandum, 5C', 28B'.
- TESTIS**. Cur duo ad minus testes requirantur et sufficiant, 511C, 717B'. — Testibus non licet munera accipere, 32A, nec testimonii pretium, 32D. — Testis tacens veritatem in iudicio peccat, 165B, et ad damnorum compensationem tenetur, 165C. — Quandonam urgeat obligatio confitendi veritatem, sive in iudicio, 165C, sive extra iudicium, 170B. — Falso testi talis pœna infligitur qualem proximo intelligi volebat, 594D. — Testes primum lapidem in reum mittebant, 570B.
- THURIBULUM**, quid ad litteram, 49D, 338A', et mystice, 54C', 201C'. — Coritarum thuribula altari affigi iubentur, quare, 410D, 412C.
- THUS**. Oblationibus addebatur, 147C'; quare, 150A: non tamen in oblationibus pro peccato, 168A, neque in zelotypiæ sacrificio, 346D, 703B'. — Mystice quid, 150C', 151D.
- THYMIAMA**. Ejus compositio, 91C, et usus, 91C'. — In altare thymiamatis ponebatur, 87B', mane et vespere, 88C, ab Eleazar, 340A, ad pelleudum sacrificiorum odorem, 88D; nec in usum communem usurpari debuit, 91C'. — Tropologice, ferventem orationem signat, 93B'.
- TIARA** duplex fuit, pontificis et sacerdotum, 76B, B', 186B'. — Utraque describitur, 74B', 75C'. — Cœlum empyreum significabat, 77B, 711B'.
- TINTINNABULA** LXXII e tunica pontificis dependebant, 73B'. — Quid spiritualiter, 77A, D, 78B.
- TOPAZIUS**, Rationalis lapis, describitur, 78C'. — Tropologice, caritatem signat, 78D'.
- TRAGELAPHUS**, mundum animal, quid ad litteram et mystice, 572D'.
- TRIBUS**, tot familiis constabat quot Patriarcha filios habuit, 325B'. — Unicuique fuit peculiaris princeps, 326B, et proprium vexillum, 330A. — Quomodo inter tribus divisa sit Terra promissionis, 478B. — Quibusdam absque sorte data fuit possessio, 478A'. — Quam unaquæque benedictionem a Moyse acceperit, 675B' et seq.
- TRISTITIA** homini valde nocet, 203B'; ideo in tristitiam proximum inducens graviter peccat, 25A.
- TUBA**. Duplicis generis tubæ apud Hebræos usurpabantur, 492A. — Earum forma, 367C, et usus, 367B. Diverso sonitu Hebræos ad conventum vocabant, 367C, vel ad profectionem, 367B'. Tubarum clangore annuntiabantur bella, 368A, 491D', festivitates et neomeniæ, 368B, et jubilæus, 293B'. — Allegorice, prædicatorum voces exprimunt, 371A. — Tubarum festum, *Vide* Festivitates.
- TUNICA**, ornamenti genus pontifici et sacerdotibus commune, 75B'. — Pontificalis tunica describitur, 73C. Quid significaverit, 77A, D, 191D, 711C. — Sacerdotis tunica, quæ, 74A', D'; et quæ moraliter expresserit, 77C, 176D, 191C, 711D'.
- TURTUR** in sacrificiis adhibebatur, 143C; sed tantum pro peccato, 702D'. Pullos turturis offerre non licebat, 142C, 143D'. — Turturis offerendæ ritus, 141C'. — Spiritualiter, Christi figura fuit, 145B'; et vidualem castitatem significat, 143C.

## U

- ULCUS**. Lepra ulcerum, quomodo dignoscenda, 220B. — Tropologice, ulcus est peccatum, 224D', et ulceris lepra, proclivitas ad relabendum, 225A'.
- ULTIO**. *Vide* Injuria.
- UNGULA**. Divisa ungula animalia munda ab immundis distinguebat, 206A. Signum est temperatæ complexionis, 206A. Mystice, quid significet, 213C', 713D.
- UPUPA**, avis immunda, quæ, 208D'. — Tristium speciem gerit, 214B', 714A.
- URBS**. *Vide* Refugium.
- URSUS** immundus reputatur, quare, 209C'.
- USURA** est contra naturam et rationem, licet

- a legibus civilibus tolerata, 613B'. — Hebraeis erga Hebraeos prohibebatur, 25C, 297A; erga extraneos, ad majus malum vitandum, concessa fuisse videtur, 576A, 613B. — Serpenti comparatur, 25D.
- UVE. Nazaræis omnino interdicebantur, quare, 351B', C'. — Mystice, quid significet uva, 355D', 663C'. *Adde* Vineæ.
- UXOR. Moysis uxor, cur dicta Æthiopissa, 387C', 388B'. — Dicunt aliqui eam Æthiopum reginam fuisse, 388A'. — Qua de causa cum Maria contenderit, 388D. — Figura Ecclesiæ exstitit, 392A. — *Cf.* Matrimonium.
- V
- VACCA rufa, quæ, 245D. — Vaccæ rufæ sacrificium explanatur, 421D'. — Ratio ejus litteralis, 709B', et figuralis, 426A, 709C'. — Quanto tempore ejus cineres servare licuerit, 423B'. Ad conficiendam aquam lustralem adhibebantur, 424A, 425B'. — Cur omnes hujus sacrificii ministri immundi fuerint, 424C. — Mystice, Christi figura fuit, 426A.
- VALERIUS MAXIMUS citatur, 134A.
- VASA tabernaculi describuntur, 49C, 66B. — Vasa sancta, quæ, 491C'. — Septem erant quæ non nisi velata portabantur, 338B, et quæ tangere capitale fuit, 340A'. — De vasorum contaminatione: Polluebantur omnia vasa, in quibus cocta fuerat hostia pro peccato, 174A'; intra quæ vel super quæ ceciderant morticina, 210A', B'; quæ ab immundis personis tacta fuerant, 216B, 235B; omnia vasa domus leprosa, 230B; et domus mortui, 425D. — Vasa contaminata, si fictilia, confringebantur, 174A', 210B'; si lignea, lavabantur, 210A'; si saxeæ aut aenea, defricabantur, 174B'. — Mystice, quid sit vas fictile, 177A'; et vas æneum, 177B'.
- VELUM. Describuntur vela duo ad ornatum tabernaculi pertinentia, 59D; unum in introitu tabernaculi, 59D'; alterum, ante Sanctum sanctorum, 59B', opere plumario, depictos habens omnes flores quos humus gignit, 59A'. — Velorum quatuor colores, quid significant, 61D, 62D. — Mystice, obscuritatem fidei exprimunt, 92A'.
- VENDITIO. Bono regimini expedit ut possessionum venditiones quam raro fiant, 294C; ideo in V. L. sapienter statuta est possessionum restitutio quinquagesimo anno, 294C. — Possessiones tanto vilius venibant, quanto proximior erat jubilæi annus, 294A'. — Terra promissionis nec gentili vendenda, 295C', nec in perpetuum, 295B'. — Quodcumque prædium venditum, semper vel a venditore vel a propinquo ejus redimi poterat, 296A. — Domus urbanæ in perpetuum vendi poterant, 296C, non autem rusticæ, 296D; quare, 296D. — Levitarum domus, etiam urbanæ, in jubilæo restituebantur, 296C'.
- VESPERTILIO, avis immunda, 207A', quæ sit ad litteram, 209A, et moraliter, 214B', 714A.
- VESTES pretiosiores regibus ad honorem conceduntur, 69A. — Vestibus populum suum a gentibus differre Deus voluit, 405C', 406A'. — De sacerdotalibus vestimentis, 69D' et seq.; quæ pontifici, quæ sacerdotibus propria, 75B, B', 76A, 172D, 186A', 711B. Quid spiritualiter significaverint, 76D, 77B', 711B, D'. — Vestes ex duobus contextæ prohibentur, 259C; quare, 259B', 260A, 605B. Quid mystice, 266A'. — Vestes alterius sexus assumere, multis de causis vetitum, 602D, 607D'. — Vestium lepra, quid, 229C', 231C'; et quomodo tractanda, 222A. — Vestes scindere, antiquitus a lugentibus usitatum, 498A'. — *Cf.* Pignus.
- VEXILLUM unicuique tribui proprium fuit, 330A. — Vexilla Dan, Ephraim, Juda et Ruben, quæ, 331B.
- VICTIMA, unde dicta, 82A'. — In victimarum immolatione passio Christi figurabatur, 145B. — *Vide* Hostia.
- VIDUA. Vexatio viduarum, ad cælum clamans peccatum, 24C, quomodo puniatur, 24D'. — Viduæ, quandonam sub V. et N. Lege novum accipere virum liceat, 621D'. — Viduæ vestimentum in pignus tollere, nefas, 624C'. — Fratrum viduam quandoque Hebræi ducere debebant, 628D; quare, 628C'. — Vidua, quid tropologice, 28A.
- VINEA diversis seri non debuit, 603D'. — Per tres primos annos uvæ non colligebantur, 596B; quarto anno Deo offerebantur, 596C; quinto domini erant, et sexto vinea communis dicebatur, 596C. — In anno sabbatico nec putari nec vindemiari poterat, 293A. — Uvæ remanentes vel decidentes pauperum erant, 256C. — In vinea aliena poterat quisque uvas comedere, 596D, 613C'. — Vineæ, tropologice quid, 299A, 663B'.
- VINUM in quolibet sacrificio offerebatur, quanta copia, 401C. Cur tantum vini quantum

- olei offerendum, 404 C. — Sacerdotibus, tempore ministerii, vestitum fuit, 199 B', C', et Nazaraeis, 351 C. — Unde vinum asportaverint Hebraei ad bibendum in Sinai, 643 A'. — Sanguis vocatur, 659 C'; et luxuriosa res est, 354 D. — Vinum, tropologice quid significet, 404 C, 663 D'.
- VIR, quoto tempore in utero formetur, 216 D. — A viro major quam a femina perfectio requiritur, 318 A, et quam a pueris et senibus, 318 C. — Vir uxorem de fornicatione injuste accusans, vapulabat, 605 B', 606 A'; sed a falsorum testium pœna eximebatur, 606 C'. *Vide* Matrimonium et Zelotypia.
- VIRGA Aaron, quomodo inter ceteras sola floruerit, 413 A, 414 C. Quot fuerint virgæ cum ea oblatae, 413 A, 414 B. — In arca reposita fuit, 47 C, 430 B. — An ea fuerit qua Moyses petram Cades percussit, 429 B'. — Allegorice quid, 414 C'. — Virga ex Israel surrectura, juxta Balaam, 465 D', Christum recte significat, 466 A', vel B. Virginem, 466 A'.
- VIRGO desponsata fornicans lapidabatur, 606 B'. — Quid de seductore virginis non desponsatae, 24 B, 607 A'; de deflorante virginem desponsatam in civitate, 607 A, et in agro, 607 A'. — Virginitas, quomodo probanda, 605 D', 606 D. — Moraliter, virgo est anima innocens, 27 B', 608 C'.
- VIRTUS. Numerus virtutum quadragenarium non excedit, 571 B. — Arboribus optime comparantur, 307 A. — Qui ad virtutum profectum apti sint, 328 D. — Ad virtutum probationem externa malitia necessaria est, 449 B'.
- VISUS, sæpe pro cuiuslibet sensus actu sumitur, 6 A', 540 B'. — Certior est auditu, 563 B'.
- VITULUS, fuit de immolatiis animalibus, 139 D'; et ad multa sacrificia, maxime pro peccato præscribitur, 158 D', 160 A', 187 A, etc. Mystice quid, 444 B, 446 A, 248 C. — Vitulus aureus, a quo et quomodo formatus, 97 B, 100 B'. An unus tantum vel plures exstiterint, 97 A'. Vituli adoratio, an causa fuerit captivitatis Babylonicæ, vel Romanæ, 104 A'.
- VOTUM, quid sit, et quæ requirat quoad materiam, 490 A'. — Est latriæ actus, virtutes perficiens, 317 D, 491 A', et magis obligans quam iuramentum, 490 C'. — Tres comites habere debet, 489 B. — Vota personalia personaliter adimplenda sunt, 318 D. — De voto circa illicitam materiam, quid, 318 A'. — A solenni continentiae voto an Papa dispensare possit, 319 B. — Quid de votis puellarum, 489 C, puerorum, 489 A', sponsarum, 489 C', viduarum, 490 B, maritorum et uxorum, 489 A, 490 C, servorum, filiorum, et religiosorum, 490 D'. — Duplex in lege votiva consecratio habebatur, 342 D', 345 C. — De consecratione personarum: Quo sensu quispiam Deo devoveri potuerit, 311 A, et quot modis, 315 A'. Ita vovens, determinato pretio, pro rata ætatis et sexus redimi poterat, 311 C. — Animalium: Animal immolaticium nec redimi nec mutari poterat, 312 C, sed immolabatur, 316 A; animal immundum vendebatur, pretio a sacerdote determinato, 312 A', 314 B', vel ad ministerium templi deserviebat, 316 A. — Domorum: Domus Deo devota, pretio a sacerdote taxato, vendebatur, 313 A; et vovens eam redimere poterat, 313 B. — Agrorum: Ager hereditarius a sacerdote pro rata amplitudinis et temporis, æstimabatur, 313 B; a vovente redimi poterat, 313 C', et in jubilæo ad eum revertebatur, 313 D, C'. Si vero alteri quam voventi venditus fuisset, in jubilæo templo cedebat, 313 D'. Ager non hereditarius, ab emptore Deo dicatus, redimi debebat, 314 A, et in jubilæo, ad herum redibat, 314 B, 315 D'. — Vota V. L. religiosorum votorum præfigurativa erant, 317 C.
- VULNUS quodcumque pari vulnere expiatur, 16 C', 291 B'. — Vulnerans proximum in rixa, a reatu homicidii absolvebatur, 15 C, sed ad damna resarcienda tenebatur, 15 B'. — Vulnerum cicatrices lex exhorruit, quare, 220 B', 224 D'. — Vulnerum lepra, quomodo dignoscenda, 220 D.
- VULTUR, avis immunda, describitur, 207 D. — Moraliter quid, 214 B, 713 B'.

## Z

- ZABULON, quam benedictionem a Moyse accepit, 678 D'. — Mystice, Apostolos significat, 685 C'.
- ZAMBRI cum Madianitide congregiens interficitur, 472 D'. — Ejus scelus et protervia, 473 C. — Tropologice, induratos exprimit, 475 D'.
- ZARED torrens in solitudine Moab, 535 A', a filiis Israel siccis pedibus transmittitur, 438 A'.
- ZELOTYPIA, quid sit, 3 A, 346 A; et quo sensu Deo tribuatur, 2 D'. — Est grande peccatum,



346B, cui dæmon peculiaris præesse creditur, 346A. Zelotypiæ lex, 345C, et sacrificium, 346C. — Zelotypiæ potionis effectus in sante muliere, 348D; et in insonte, 348A'. Ad duritiam cordis Hebræis concessa videtur hæc probatio, 346C, 348D'; et in illa exi-

genda vir sæpe peccare potuit, 349A. — Cur uxoribus non concessa licentia sic viros probandi, 346C.

ZELUS Deo acceptissimus est, si discretionē condiaur, 473A', 476B.

ZONA linea sacerdotum, 239D'. *Vide* Balteus.

## ADDENDA

BEELPHEGOR, idolum Madianitarum, 472A.

— Huic initiati Hebræi in deserto, 472A, prostrati sunt, 472B, 539B'. *Cf.* Phogor.

BRITO (Guillelmus) Ord. Min., commentator et grammaticus, allegatur, 154B'.

CIVIS. Dupliciter quis dicitur esse civis, 611C.

— A civilitate Hebræorum nonnulli repelluntur, 610B'.

ECCLESIA Domini, quomodo olim intelligenda, 609A; et quinam ab ea exclusi, 609A et s.

# INDEX GENERALIS

## ENARRATIO IN EXODUM.

Articulus XL. Expositio capituli vicesimi : Loculusque est Dominus cunctos sermo- nes hos. . . . .	1
Articulus XLI. De mystico hujus capituli intellectu . . . . .	8
Articulus XLII. Elucidatio litteralis capi- tuli vicesimi primi : Hæc sunt judicia quæ propones eis . . . . .	11
Articulus XLIII. De mystico ejusdem capi- tuli sensu . . . . .	18
Articulus XLIV. Explanatio litteralis capi- tuli vicesimi secundi : Si quis furatus fuerit bovem vel ovem . . . . .	20
Articulus XLV. De spiritali intelligentia hujus capituli . . . . .	26
Articulus XLVI. Expositio capituli vicesi- mi tertii : Non suscipias vocem men- dacii . . . . .	28
Articulus XLVII. Expositio litteralis capi- tuli vicesimi quarti : Moysi quoque dixit, Ascende ad Dominum . . . . .	39
Articulus XLVIII. Spiritualis elucidatio ejusdem capituli . . . . .	43
Articulus XLIX. Elucidatio litteralis capi- tuli vicesimi quinti : Locutusque est Do- minus ad Moysen, dicens : Loquere filiis Israel . . . . .	43
Articulus L. De spiritali, mystico atque multiplici intellectu hujus capituli . . . .	51
Articulus LI. Elucidatio litteralis capituli vicesimi sexti : Tabernaculum vero ita fiet . . . . .	56
Articulus LII. Elucidatio spiritalis ejus- dem capituli . . . . .	61
Articulus LIII. Declaratio litteralis capituli vicesimi septimi : Facies et altare de li- gnis setim . . . . .	63
Articulus LIV. De intellectu mystico ejus- dem capituli . . . . .	67
Articulus LV. Declaratio litteralis capituli	

vicesimi octavi : Applica quoque ad te Aaron fratrem tuum . . . . .	69
Articulus LVI. De spiritali ejusdem ca- pituli intellectu . . . . .	76
Articulus LVII. Elucidatio litteralis capi- tuli vicesimi noni : Sed et hoc facies . . .	80
Articulus LVIII. De spiritali hujus capi- tuli sensu . . . . .	86
Articulus LIX. Explanatio litteralis capituli tricesimi : Facies quoque altare ad ado- lendum thymiana . . . . .	87
Articulus LX. De spiritali hujus capituli intelligentia . . . . .	92
Articulus LXI. Declaratio capituli tricesi- mi primi : Locutusque est Dominus ad Moysen. . . . .	93
Articulus LXII. Expositio capituli tricesi- mi secundi : Videns autem populus quod moram faceret Moyses . . . . .	96
Articulus LXIII. De spiritalibus documen- tis atque mysteriis hujus capituli. . . .	106
Articulus LXIV. Expositio litteralis capi- tuli tricesimi tertii : Locutusque est Do- minus ad Moysen, dicens . . . . .	108
Articulus LXV. Declaratio capituli tricesi- mi quarti : Ac deinceps : Præcide, ait, tibi duas tabulas lapideas . . . . .	116
Articulus LXVI. Declaratio capituli trice- simi quinti : Igitur congregata omni turba filiorum Israel . . . . .	121
Articulus LXVII. Declaratio capituli trice- simi sexti : Fecit ergo Beseleel . . . .	123
Articulus LXVIII. Expositio capituli trice- simi septimi : Fecit autem Beseleel et arcam . . . . .	123
Articulus LXIX. Expositio capituli tricesi- mi octavi : Fecit et altare holocausti . .	124
Articulus LXX. Expositio capituli tricesi- mi noni : De hyacintho vero et purpura. .	124
Articulus LXXI. Elucidatio capituli qua- dragesimi : Locutusque est Dominus ad Moysen, dicens : Mense primo. . . . .	125

## ENARRATIO IN LEVITICUM.

Prologus . . . . .	131	Articulus XXII. De spirituali ejusdem capituli intelligentia . . . . .	195
Articulus I. De triplicibus veteris Testamenti præceptis : et qualiter carimonialia dividantur . . . . .	133	Articulus XXIII. Elucidatio litteralis capituli decimi : Arreptisque Nadab et Abiu, filii Aaron, thuribus suis . . . . .	196
Articulus II. Cur Deus voluerit sibi animalia sacrificari . . . . .	134	Articulus XXIV. De mystico hujus capituli sensu . . . . .	201
Articulus III. De multiplici distinctione sacrificiorum legalium . . . . .	136	Articulus XXV. Explanatio litteralis capituli undecimi : Locutus est Dominus ad Moysen et Aaron . . . . .	203
Articulus IV. Expositio litteralis capituli primi : Vocavit autem Moysen, et locutus est ei Dominus . . . . .	137	Articulus XXVI. De spirituali hujus capituli intellectu . . . . .	213
Articulus V. Introductio atque solutio questionum occurrentium circa capitulum istud . . . . .	142	Articulus XXVII. Elucidatio litteralis capituli duodecimi : Locutusque est Dominus ad Moysen . . . . .	215
Articulus VI. Spiritualis explanatio ejusdem capituli . . . . .	144	Articulus XXVIII. Declaratio litteralis capituli tertidecimi : Locutusque est Dominus ad Moysen et Aaron . . . . .	218
Articulus VII. Elucidatio litteralis capituli secundi : Anima quum obtulerit oblationem . . . . .	147	Articulus XXIX. Spiritualis ejusdem capituli intellectus . . . . .	223
Articulus VIII. Explanatio spiritualis ejusdem capituli . . . . .	150	Articulus XXX. Expositio litteralis capituli quartidecimi : Locutusque est Dominus ad Moysen . . . . .	226
Articulus IX. Expositio litteralis capituli tertii : Quod si hostia pacificorum fuerit . . . . .	153	Articulus XXXI. Expositio spiritualis ejusdem capituli . . . . .	232
Articulus X. Elucidatio spiritualis ejusdem capituli . . . . .	155	Articulus XXXII. Expositio capituli quintidecimi : Locutusque est Dominus ad Moysen . . . . .	234
Articulus XI. Declaratio litteralis capituli quarti : Locutusque est Dominus ad Moysen, dicens . . . . .	157	Articulus XXXIII. Explanatio litteralis capituli sextidecimi : Locutusque est Dominus ad Moysen . . . . .	238
Articulus XII. De mystico ejusdem capituli intellectu . . . . .	163	Articulus XXXIV. De spirituali ejusdem capituli intellectu . . . . .	247
Articulus XIII. Elucidatio litteralis capituli quinti : Si peccaverit anima, et audierit vocem jurantis . . . . .	164	Articulus XXXV. Expositio litteralis capituli septimidecimi : Et locus est Dominus ad Moysen . . . . .	250
Articulus XIV. Spiritualis expositio ejusdem capituli . . . . .	170	Articulus XXXVI. Declaratio capituli octavidecimi : Locutusque est Dominus ad Moysen . . . . .	252
Articulus XV. Declaratio litteralis capituli sexti : Locutusque est Dominus ad Moysen, dicens : Præcipe Aaron . . . . .	171	Articulus XXXVII. Explanatio litteralis capituli nonidecimi : Locutus est Dominus ad Moysen, dicens . . . . .	253
Articulus XVI. Spiritualis ejusdem capituli elucidatio . . . . .	175	Articulus XXXVIII. De spiritualitate hujus capituli, et quibusdam verbis Rabbi Pauli . . . . .	264
Articulus XVII. Explanatio litteralis capituli septimi : Hæc est lex hostiæ pacificorum . . . . .	178	Articulus XXXIX. Expositio litteralis capituli vicesimi : Locutusque est Dominus ad Moysen . . . . .	269
Articulus XVIII. Spiritualis elucidatio ejusdem capituli . . . . .	182	Articulus XL. Declaratio litteralis capituli vicesimi primi : Dixit quoque Dominus ad Moysen . . . . .	272
Articulus XIX. Declaratio litteralis capituli octavi : Locutusque est Dominus ad Moysen, dicens : Tolle Aaron . . . . .	184	Articulus XLI. De spirituali intellectu hujus capituli . . . . .	276
Articulus XX. Spiritualis capituli hujus expositio . . . . .	190	Articulus XLII. Elucidatio litteralis capituli vicesimi secundi : Locutusque est	
Articulus XXI. Expositio litteralis capituli noni : Facto autem octavo die . . . . .	192		



Dominus ad Moysen, dicens : Loquere, etc. . . . .	278	Articulus X. Elucidatio spiritualis hujus capituli . . . . .	349
Articulus XLIII. Expositio litteralis capituli vicesimi tertii : Locutusque est Dominus ad Moysen, dicens . . . . .	282	Articulus XI. Declaratio litteralis capituli sexti : Locutusque est Dominus : Vir siue mulier . . . . .	351
Articulus XLIV. De spirituali significatione hujus capituli, et verbis quorundam doctorum . . . . .	287	Articulus XII. Expositio spiritualis capituli hujus . . . . .	355
Articulus XLV. Expositio capituli vicesimi quarti : Et locutus est Dominus ad Moysen. . . . .	289	Articulus XIII. Explanatio litteralis capituli septimi : Factum est autem in die qua complexit Moyses tabernaculum . . . . .	356
Articulus XLVI. Elucidatio litteralis capituli vicesimi quinti : Locutusque est Dominus ad Moysen . . . . .	292	Articulus XIV. De mystico ejusdem capituli intellectu . . . . .	360
Articulus XLVII. De spirituali ejusdem capituli intellectu . . . . .	298	Articulus XV. Declaratio litteralis capituli octavi : Locutus est Dominus ad Moysen : Loquere ad Aaron . . . . .	361
Articulus XLVIII. Elucidatio litteralis capituli vicesimi sexti : Ego Dominus Deus vester . . . . .	301	Articulus XVI. Explanatio litteralis capituli noni : Locutusque est Dominus ad Moysen in deserto Sinai . . . . .	364
Articulus XLIX. Spiritualis expositio ejusdem capituli . . . . .	306	Articulus XVII. Declaratio litteralis capituli decimi : Locutusque est Dominus ad Moysen, dicens : Fac tibi, etc. . . . .	367
Articulus L. Explanatio litteralis capituli vicesimi septimi : Locutusque est Dominus ad Moysen . . . . .	311	Articulus XVIII. De spirituali ejusdem capituli intellectu . . . . .	371
Articulus LI. Spiritualis intelligentia ejusdem capituli . . . . .	317	Articulus XIX. Elucidatio litteralis capituli undecimi : Interea ortum est murmur populi . . . . .	373
ENARRATIO IN NUMEROS.		Articulus XX. De spirituali ejusdem capituli sensu . . . . .	385
Praefatio . . . . .	323	Articulus XXI. Declaratio litteralis capituli duodecimi : Locutaque est Maria et Aaron. . . . .	387
Articulus I. Expositio litteralis capituli primi : Locutusque est Dominus ad Moysen in deserto Sinai . . . . .	325	Articulus XXII. De moralitate et allegoria hujus capituli . . . . .	392
Articulus II. De spirituali hujus capituli sensu . . . . .	328	Articulus XXIII. Explanatio litteralis capituli tertidecimi : Profectusque est populus de Haseeroth . . . . .	393
Articulus III. Declaratio litteralis capituli secundi : Locutusque est Dominus ad Moysen. . . . .	330	Articulus XXIV. Explanatio litteralis capituli quartidecimi : Igitur vociferans omnis turba . . . . .	396
Articulus IV. De spirituali ejusdem capituli intellectu . . . . .	332	Articulus XXV. Expositio litteralis capituli quintidecimi : Locutus est Dominus ad Moysen. . . . .	401
Articulus V. Explanatio litteralis capituli tertii : Hæ sunt generationes Aaron et Moysis . . . . .	333	Articulus XXVI. De spirituali intelligentia hujus capituli . . . . .	404
Articulus VI. De spirituali hujus capituli intelligentia . . . . .	336	Articulus XXVII. Expositio litteralis capituli sextidecimi : Ecce autem Core filius Isaar, filii Caath, etc. . . . .	406
Articulus VII. Declaratio litteralis capituli quarti : Locutusque est Dominus ad Moysen et Aaron. . . . .	337	Articulus XXVIII. De spirituali hujus capituli significatione atque doctrina. . . . .	411
Articulus VIII. Spiritualis explanatio ejusdem capituli . . . . .	342	Articulus XXIX. Declaratio litteralis capituli septimidecimi : Et locutus est Dominus ad Moysen . . . . .	413
Articulus IX. Declaratio litteralis capituli quinti : Locutusque est Dominus ad Moysen . . . . .	344	Articulus XXX. Expositio capituli octavidecimi : Dixitque Dominus ad Aaron . . . . .	415

Articulus XXXI. De ejusdem capituli intelligentia spirituali . . . . .	419
Articulus XXXII. Expositio litteralis capituli nonidecimi : Locutusque est Dominus ad Moysen et Aaron. . . . .	421
Articulus XXXIII. De mystica hujus capituli interpretatione . . . . .	426
Articulus XXXIV. Elucidatio litteralis capituli vicesimi : Veneruntque filii Israel et omnis multitudo . . . . .	428
Articulus XXXV. Expositio litteralis capituli vicesimi primi : Quod quum audisset Chanaanæus, rex Arad, etc. . . . .	436
Articulus XXXVI. De spirituali hujus capituli sensu . . . . .	442
Articulus XXXVII. Expositio litteralis capituli vicesimi secundi : Videns autem Balac, filius Saphor . . . . .	444
Articulus XXXVIII. Expositio capituli vicesimi tertii : Dixitque Balaam ad Balac. . . . .	453
Articulus XXXIX. Elucidatio litteralis capituli vicesimi quarti : Quumque vidisset Balaam quod placeret, etc. . . . .	461
Articulus XL. Expositio spiritualis ejusdem capituli . . . . .	469
Articulus XLI. Expositio litteralis capituli vicesimi quinti : Morabatur autem Israel eo tempore . . . . .	471
Articulus XLII. De morali ejusdem capituli intellectu . . . . .	474
Articulus XLIII. Elucidatio litteralis capituli vicesimi sexti : Postquam noxiorum sanguis effusus est. . . . .	476
Articulus XLIV. Expositio litteralis capituli vicesimi septimi : Accesserunt autem filiae Salphaad. . . . .	480
Articulus XLV. Declaratio litteralis capituli vicesimi octavi : Dixit quoque Dominus ad Moysen . . . . .	483
Articulus XLVI. Elucidatio litteralis capituli vicesimi noni : Mensis etiam septimi prima dies . . . . .	486
Articulus XLVII. Expositio capituli tricesimi : Narravitque Moyses filiis Israel . . . . .	488
Articulus XLVIII. Expositio litteralis capituli tricesimi primi : Locutusque est Dominus ad Moysen . . . . .	491
Articulus XLIX. De spirituali sententia hujus capituli . . . . .	495
Articulus L. Expositio litteralis capituli tricesimi secundi : Filii autem Ruben et Gad habebant pecora multa . . . . .	496
Articulus LI. Declaratio litteralis capituli	

tricesimi tertii : Hæ sunt mansiones filiorum Israel . . . . .	499
Articulus LII. Expositio spiritualis capituli hujus . . . . .	502
Articulus LIII. Expositio litteralis capituli tricesimi quarti : Locutusque est Dominus ad Moysen . . . . .	506
Articulus LIV. Declaratio litteralis capituli tricesimi quinti : Hæc quoque locutus est Dominus ad Moysen . . . . .	508
Articulus LV. Expositio litteralis capituli tricesimi sexti : Accesserunt autem et principes familiarum. . . . .	513

## ENARRATIO IN DEUTERONOMIUM.

Præfatio . . . . .	519
Articulus I. Expositio litteralis capituli primi : Hæc sunt verba quæ locutus est Moyses ad omnem Israel . . . . .	521
Articulus II. De spirituali hujus capituli intellectu . . . . .	531
Articulus III. Expositio capituli secundi : Profectique inde venimus in solitudinem. . . . .	533
Articulus IV. Expositio capituli tertii : Itaque conversi, ascendimus per iter Basan. . . . .	536
Articulus V. Elucidatio litteralis capituli quarti : Et nunc, Israel, audi præcepta. . . . .	538
Articulus VI. Declaratio litteralis capituli quinti : Vocavitque Moyses omnem Israel. . . . .	545
Articulus VII. Explanatio litteralis capituli sexti : Hæc sunt præcepta et cærimonie. . . . .	546
Articulus VIII. Elucidatio litteralis capituli septimi : Quum vero introduxerit te Dominus in terram . . . . .	550
Articulus IX. Explanatio litteralis capituli octavi : Omne mandatum quod ego præcipio . . . . .	553
Articulus X. Elucidatio litteralis capituli noni : Audi, Israel : Tu transgredieris hodie Jordanem . . . . .	557
Articulus XI. Explanatio litteralis capituli decimi : In tempore illo dixit Dominus ad me : Dola tibi duas tabulas lapideas. . . . .	560
Articulus XII. Elucidatio litteralis capituli undecimi : Ama itaque Dominum Deum tuum . . . . .	563
Articulus XIII. Expositio litteralis capituli duodecimi : Hæc sunt præcepta atque judicia quæ facere debetis . . . . .	566
Articulus XIV. Explanatio litteralis capi-	

Iuli tertidecimi : Si surrexerit in medio tui propheta . . . . .	569
Articulus XV. Expositio litteralis capituli quartidecimi : Filii estote Domini Dei vestri. Et de multitudine præceptorum veteris legis . . . . .	571
Articulus XVI. Elucidatio litteralis capituli quintidecimi : Septimo anno facies remissionem . . . . .	574
Articulus XVII. Declaratio litteralis capituli sextidecimi : Observa mensem novarum frugum . . . . .	578
Articulus XVIII. Explanatio litteralis capituli septimidecimi : Non immolabis Domino Deo tuo bovem et ovem in quo est macula. Et de divisione judicialium præceptorum . . . . .	582
Articulus XIX. Explanatio litteralis capituli octavidecimi : Non habebunt sacerdotes et Levitæ, etc. . . . .	589
Articulus XX. Explanatio litteralis capituli nonidecimi : Quum disperdiderit Dominus Deus tuus gentes . . . . .	593
Articulus XXI. Elucidatio litteralis capituli vicesimi : Si exieris ad bellum contra hostes tuos . . . . .	595
Articulus XXII. Explanatio litteralis capituli vicesimi primi : Quando inventum fuerit in terra, etc. . . . .	598
Articulus XXIII. Declaratio litteralis capituli vicesimi secundi : Non videbis bovem fratris tui . . . . .	601
Articulus XXIV. Explanatio spiritualis ejusdem capituli . . . . .	607
Articulus XXV. Declaratio litteralis capituli vicesimi tertii : Non intrabit eunuchus, etc. . . . .	609
Articulus XXVI. De spiritali ejusdem capituli intelligentia . . . . .	614
Articulus XXVII. Elucidatio litteralis capituli vicesimi quarti : Si acceperit homo uxorem . . . . .	616
Articulus XXVIII. Explanatio litteralis capituli vicesimi quinti : Si fuerit causa inter aliquos . . . . .	626
Articulus XXIX. Elucidatio litteralis capituli vicesimi sexti : Quumque intraveris terram . . . . .	630
Articulus XXX. Expositio litteralis capituli vicesimi septimi : Præcepit autem Moyses et seniores populo . . . . .	633
Articulus XXXI. Explanatio litteralis capituli vicesimi octavi : Si autem audieris vocem Domini Dei tui . . . . .	637

Articulus XXXII. Expositio litteralis capituli vicesimi noni : Hæc sunt verba fœderis quod præcepit Dominus Moysi . . . . .	642
Articulus XXXIII. Declaratio litteralis capituli tricesimi : Quum ergo venerint super te omnes sermones isti . . . . .	646
Articulus XXXIV. Expositio litteralis capituli tricesimi primi : Abiit itaque Moyses, etc. . . . .	648
Articulus XXXV. Elucidatio litteralis capituli tricesimi secundi : Audite, cœli, quæ loquar . . . . .	651
Articulus XXXVI. Spiritualis expositio ejusdem capituli . . . . .	667
Articulus XXXVII. Expositio litteralis capituli tricesimi tertii : Hæc est benedictio, qua benedixit Moyses homo Dei filiis Israel . . . . .	672
Articulus XXXVIII. Mystica expositio hujus capituli . . . . .	681
Articulus XXXIX. Expositio litteralis capituli tricesimi quarti : Ascendit ergo Moyses de campatribus Moab . . . . .	688

## EPILOGATIO ET CONCLUSIO PENTATEUCHI.

Articulus I. De distinctione inter legem æternam, legem naturalem, legem divinam, et legem humanam . . . . .	691
Articulus II. De distinctione legis divinæ in legem antiquam et novam . . . . .	696
Articulus III. De triplici præcepto veteris legis, et specialiter de præceptis moralibus . . . . .	698
Articulus IV. De præceptis cærimonialibus veteris legis, et de rationibus sacrificiorum legalium . . . . .	700
Articulus V. De sacris et rationibus sacrorum veteris Testamenti . . . . .	703
Articulus VI. De sacramentis antiquæ legis et rationibus eorundem . . . . .	707
Articulus VII. De observantiis, observantiarumque causis veteris legis . . . . .	712
Articulus VIII. De præceptis judicialibus veteris Testamenti ad principes ac popularem convictum pertinentibus . . . . .	715
Articulus IX. De præceptis judicialibus veteris legis ad extraneos atque domesticos pertinentibus . . . . .	719
Articulus X. De duratione atque cessatione prædictorum præceptorum, et de nova lege . . . . .	720
Index locorum S. Scripturæ . . . . .	725
Index analyticus . . . . .	733






---

Typis Cartusiae Sanctae Mariae de Pratis. Monstrolii.  
Erm. Dequai typographus.

















Arthurian - Opera  
3912

THE INSTITUTE OF MEDIEVAL STUDIES  
10 GILMSLEY PLACE  
TORONTO 6, CANADA.

3912.

